


Dios oca
gotirituti



New Testament in Barasana-Eduria (CO:bsn:Barasana-Eduria)

Dios oca gotirituti

New Testament in Barasana-Eduria

(CO:bsn:Barasana-Eduria)

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files dated 29 Jan 2022

b6661d38-f021-5259-8010-5dec5b9ba28d

Contents

SAN MATEO	1
SAN MARCOS	101
SAN LUCAS	162
SAN JUAN	267
HECHOS	339
ROMANOS	423
1 CORINTIOS	463
2 CORINTIOS	500
GÁLATAS	525
EFESIOS	541
FILIPENSES	553
COLOSENSES	562
1 TESALONICENSES	570
2 TESALONICENSES	578
1 TIMOTEO	583
2 TIMOTEO	594
TITO	603
FILEMÓN	608
HEBREOS	610
SANTIAGO	642
1 SAN PEDRO	651
2 SAN PEDRO	662
1 SAN JUAN	669
2 SAN JUAN	677
3 SAN JUAN	678
SAN JUDAS	680
APOCALIPSIS	684

Evangelio según SAN MATEO

*Jesús rñjoro ñamasiriarã ñna vãme cutimasire queti
(Lc 3.23-38)*

¹ Jesús ñacami “Rotimhorögörucuja mñ” yigñ, Dios ñ cõar'i, Abraham ñamasir'i, to yicõari, Ñju David ñamasir'i jãnami. Tire mña masisere bojagñ ñari, ñ ñicña vãmere mñare gotigñagñ yaja yñ. Ado bajiro vãmere cutimasifñujarã ñna:

² Abraham ñamasir'i macñ ñamasifñuju Isaac.

Isaac macñ ñamasifñuju Jacob.

Jacob macñ ñamasifñuju Judá. To yicõari, gãjerã ñ bederã quẽne ñamasifñujarã.

³ Judá rña Fares, to yicõari, Zara ñamasifñujarã. ñna jaco ñamasifñuju Tamar.

Fares macñ ñamasifñuju Esrom.

Esrom macñ ñamasifñuju Aram.

⁴ Aram macñ ñamasifñuju Aminadab.

Aminadab macñ ñamasifñuju Naasón.

Naasón macñ ñamasifñuju Salmón.

⁵ Salmón macñ ñamasifñuju Booz. ñ jaco ñamasifñuju Rahab.

Booz macñ ñamasifñuju Obed. ñ jaco ñamasifñuju Rut.

Obed macñ ñamasifñuju Isa'i.

⁶ Isa'i macñ ñamasifñuju Ñju David vãmere cutigñ.

David macñ ñamasifñuju Salomón.

ñ jaco ñamasifñuju Ur'ias ñamasir'i manajo.

⁷ Salomón macñ ñamasifñuju Roboam.

Roboam macñ ñamasifñuju Ab'ias.

Ab'ias macñ ñamasifñuju Asa.

⁸ Asa macñ ñamasifñuju Josafat.

Josafat macñ ñamasifñuju Joram.

Joram macñ ñamasifñuju Uz'ias.

⁹ Uz'ias macñ ñamasifñuju Jotam.

Jotam macñ ñamasifñuju Acáz.

Acáz macñ ñamasifñuju Ezequ'ias.

¹⁰ Ezequ'ias macñ ñamasifñuju Manasés.

Manasés macñ ñamasifñuju Amón.

Amón macñ ñamasifñuju Jos'ias.

11 Jos'ias macu ñamasiñuju Jecon'ias. To yicõari, ï bederã quêne ñamasiñujarã. To bajiro ña bajiñariju, Israel sitanare ñejecõari, Babiloniana ñnare juamasiñujarã, ñnare rotiajeruarã.

12 Quëna Jecon'ias macu ñamasiñuju Salatiel.

Salatiel macu ñamasiñuju Zorobabel.

13 Zorobabel macu ñamasiñuju Abiud.

Abiud macu ñamasiñuju Eliaquim.

Eliaquim macu ñamasiñuju Azor.

14 Azor macu ñamasiñuju Sadoc.

Sadoc macu ñamasiñuju Aquim.

Aquim macu ñamasiñuju Eliud.

15 Eliud macu ñamasiñuju Eleazar.

Eleazar macu ñamasiñuju Matán.

Matán macu ñamasiñuju Jacob.

16 Jacob macu ñañuju José. Ï ñañuju Mar'ia manaju. So ñañuju “Rotim̃orũgõrũcumi” yigũ, Dios ï cõar'i, Jesús jaco.

17 Abraham rĩa jãnerabatia, David ï ñamasariajune juaãmo cõro, gũbo babari rãca jënituarirãcu ñnasuomasiñujarã. Abraham macu ñamasiñuju Isaac. Isaac macu ñamasiñuju Jacob. To bajiro mani cõiaruji vajama, David ï ñamasiriajune juaãmo cõro, gũbo babari rãca jënituarirãcu ñamasiñujarã ñna. Tiju bero, quëna David macu ñamasiñuju Salomón. Salomón macu ñamasiñuju Roboam. To bajiro mani cõiaruji vajama, Babilonia macaju Israel sitanare ñna jua vamasiriajune quëna juaãmo cõro, gũbo babari rãca jënituarirãcu ñamasiñujarã ñna. Jecon'ias macu ñañuju Salatiel. Salatiel macu ñañuju Zorobabel. To bajiro mani cõiaruji vajama, “Rotim̃orũgõrũcumi” yigũ, Dios ï cõar'i ï ruyuarirodo juaãmo cõro, gũbo babari rãca jënituarirãcu ñamasiñujarã quëna.

Jesús ï ruyuare queti

(Lc 2.1-7)

18 “Rotim̃orũgõrũcumi” yigũ, Dios ï cõar'i, Jesús ï ruyuare ado bajiro bajiyuju: Ï jaco ñaroco, Mar'ia vãme cutigo ñañuju so. So manaju ñarocu ñañuju José. Ï rãca so ñaroto rĩjoro, Esp'iritu Santo sore ejacõari, sore macu yiyuju ï. Sore ï macu yijare, macu sãñagõ ñañuju so. 19 José, so manaju ñarocu quënegũ ñañuju. To bajiro bajigũ ñari, masa ñaro rĩjorojua bojoneoro so tãm̃orotire bojabesuju. To bajiri, masa ñna ajibeto, “M̃yẽ bojabeaja yũ”, sore yirũaboayuju. 20 To bajiro tũoĩa ï cãniatone, ï cãjiriaroju Diore moabosagũ ángel, ïre ruyuaĩoñuju. Ruyuaĩocõari, ado bajiro ïre gotiyuju:

—Ajiya José, David ñamasir'i jãnami. Mar'iare manajo cutirua güibesa. Esp'iritu Santo sore i macu yijare, macu sãñagõ ñaamo so. ²¹ Macu cõorõocomo so. Ñre, Jesús ñre vãme yirucija m. Masa rojose ña yise ñajare, Dios i masiriose vaja, vaja yirõtobosarocu ñarucumi i. To bajiro yirocu i ñajare, Jesús ñre vãme yirucija m —Josére ñre yiyuju ángel.

²² “Ado bajiro bajiraroja” Diore gotirõtobosamasir'i i yimasire ñajare, to bajiro yiyuju ángel. Ado bajiro yimasiñuju:

²³ “Rõmio, ñmua rãca ñabeco, macu sãñagõ ñarõocomo so. To bajiri macu cõorõocomo so. ‘Emanuel’ ñre yiruarãma masa”, yimasiñuju Diore gotirõtobosarimasu.

(“Mani rãca ñaami Dios” yire ñni ñaja “Emanuel” yirema.)

²⁴⁻²⁵ “Esp'iritu Santo sõorine macu sãñaamo” ángel i yire ñajare, Mar'iare i ya vijm ñmicoasuju José. Macu sãñagõ so ñajare, so rãca ñabetirügñuju. So cõoro bero, Jesús ñre vãme yiyuju.

2

Ñocoa ña bajisere buerimasa Jesúre ña ñarã ejare queti

¹ Judea sita ñarimaca, Belén vãme cuti macajm ruyuyuju i. I ruyuarirodore ti sita um, Herodes vãme cutigm ñañuju. Jesús i ruyaro bero, Jerusalén macajm ejayujarã, muiju i jiadojma vadiriarã, ñocoa ña bajisere buerimasa. ² Ti maca ejacõari, senniãñujarã ña:

—¿Nore ñati jud'io masa um ñarocu ruyuar'ima? Muiju i jiadojma ñocore ñabujacõari, “Tojm ruyuagumi” yirã ñari, ñre rucubõoroana vadiaja yua —yiyujarã ña.

³ To bajiro ña senniãcadisere ajicõari, toagm um, Herodes bto tõiãgüiyuju, “Íjma, um y ñasere yure emarucumi” yitõiãgü ñari. Ñre bajiro rñe tõiãñujarã ti macana Jerusalén macana quene. ⁴ To bajiro tõiãgü ñari, paia ujarãre, Dios i rotimasire gotimasiorimasare quene ñnare jirẽõñuju Herodes. Ña ejaro ñacõari, ado bajiro ñnare senniãñuju i:

—“Rotimõorügõrucumi” yigm, Dios i cõarocuma, ¿nojum, “Ruyuarucumi” yiyujari Dios ocare masa ña ucamasire? —Ñnare yiyuju i.

⁵ To bajiro i yisenniãrone, ado bajiro ñre yicüdiyujarã ña:

—“Judea sita Belén vãme cuti macajm ruyuarucumi” yiuca-masiñumi sïgü Diore gotirõtobosarimasu. Ado bajiro yaja i ucamasire:

⁶ “Judea sita ñarimaca Belén vãme cuti maca, jairimaca me ñaboarine, ñamasuri maca ñararoja ti maca. Ti macagm um ñamasugü ruyuarucumi. I ñarucumi y ñarã Israel sitana um. Ñnare quenaro ñatirũnarucumi i, yiyuju Dios”,

yiucare ñaja — Ñre yigotiyujarã Dios ñ rotimasire gotimasiorimasa.

⁷ To ñna yisere ajicõari, quëna ñnoco ñna bajisere buerimasare masa ñna ajibeto ñnare jiyuju Herodes. To yicõari, ado bajiro ñnare sënĩañuju ñ:

—¿Divato masu ñnoco ruyuasõori? — Ñnare yisënĩañuju.

⁸ To yigajano, Belénju ñnare varotiyuju ñ:

—Vasa. Sũcare, quënarõ ñre macama. Ñre ñabujacõari, yure gotirã vaba. Yu quëne ñre rucubõogu varu yaja —yiyuju, ñnare yitogu.

⁹ To bajiro ñ yirotsere ajicõari, ñ yirore bajirone vasujarã ñna. To ñna vatone, muiju jiadojua ñnoco, ñna ñar'i, ñnare rĩjoro cuti vasuju. To bajiva, tujarũgũñuju, sũca ñ ñnaro veca. ¹⁰ Ñnoco ñ tujarũgũsere ñacõari, buto variquëna vasujarã ñna, ñnoco ñna bajisere buerimasa. ¹¹ Ñnoco ñ ñnaro ëñeroca ñnarivi sãjacõari, ñna ñajama, to ñañuju sũca, ñ jaco rãca. Ñre ñacõari, ñ rĩjorojua gũsomuniari tuetuejayujarã ñna, ñre rucubõoquënariorã. To bajiro yigajano, ñna juavarere jãnacõari, oro, quënose sutise to yicõari, mirra vãme cutisere quëne ñre ñsiñujarã ñna. ¹² To ñna yiro bero, ñna cãjiriarõju, “Herodes tu tudiabesa. ‘To ñagũmi sũca’ yimasibeticõato ñ”, ñnare yiyuju Dios. To bajiri tire masicõari, Jerusalénju vamenane gaje maaju tudicoasujarã ñna yuja, ñna ya macaju.

Egipto sitaju Jesúre ñna ñmato rudiare queti

¹³ Ñnoco ñna bajisere buerimasa ñna tudiato bero, José ñ cãjiriarõju ñre ruyuyuju ángel quëna. Ruyucõari, ado bajiro ñre yiyuju:

—Yujiya. Sũcare, ñ jacore quëne Egiptoju ñnare ñmato rudiasa mu. Tone ñnacõama maji. Mure yu gotiroju tudiaba. Herodes, Jesúre sãaru ñre macarucumi —Josere ñre yiyuju ángel.

¹⁴ To ñ yijare, yujicõari, Jesúre, ñ jacore quëne ñnamine Egiptoju ñnare ñmato rudicoasuju. ¹⁵ Toju ñna ñnatoyene bajirocacoasuju Uju Herodes. “Egipto sitaju yu macu ñ ñnaro ñre jicõarucuja yu”, ñre gotirëtobosarimasu sũorine Dios ñ yimasire ñajare, to bajirone bajiyuju.

Uju Herodes rãmasare ñ sãrotire queti

¹⁶ Bajirocabecuju, ñnoco ñna bajisere buerimasa ñre gotimenane, gaje maaju ñna tudiarere ajicõari, buto jũnisiinũju Herodes. To bajiri jũnisiinigũ ñnari, Belén ñnarãre, ti maca tũanare rãmasa ju cãma tũsanare ñmũare, to yicõari, ñna bero ruyuararãre quëne sãrotijeocõañuju. Ñnoco ñna bajisere buerimasa, “Ju cãma tũsaju” ñna yirere ajigu ñnari, ñnare sãrotiyuju Herodes. ¹⁷ Raquel ñnamasirio so rãre maigõ, so otimasiriarore bajiro Belén macana ñna rãre mairã, ñna otirotire tũõacõari, ado

bajiro ucamasiñumi Diore gotirētobosarimasu Jerem'ias vāme cutigu:

18 “Ramá vāme cuti macago so rīare so tūoīa otise ruyuruaroja. Oticōa ñarucocomo so, Raquel vāme cutigo, so rīare otigo. Gājerā, ‘Otibesa’ sore ĩna yiboajaquēne, ajibetirucocomo, so rīa ñamasiboariarāre godocutigo ñari”, yucamasiñumi Jerem'ias.

19 Egiptoju José ĩ ñaro rijacoasuju Herodes. ĩ rijato bero, José ĩ cājiriarojure sīgū ángel ĩre ruyuaioñuju quēna. To bajicōari, ado bajiro ĩre yiyuju:

20 —¡Yujiya! Jesúre, ĩ jacore quēne Israel sitaju ĩnare ũmato tudiasa. ĩre sīarucaboacana rijajedicoajama ĩna —Josere ĩre yiyuju ángel.

21 To ĩ yijare, yujicōari, Jesúre, ĩ jacore quēne Israel sitaju ĩnare ũmato vasuju José. 22 Maa vacuju, ajiyuju José: “Herodes ñaboar'i macu, Arquelao vāme cutigu, ĩ jacore vasoagu Judea sitaju ñañuju”, yire quetire ajiyuju. Ti quetire ajicōari, güigu ñari, toju varucabesuju. To bajiro bajigune, quēna toju cājiriañuju ĩ. Cājiriacōari, “Toju yu vajama, quēnabetoja. Galilea sitajua varucuja yu”, yitūoīañuju. a 23 Galilea sitaju ejacōari, Nazaret vāme cuti macaju ñagū vasuju. Diore gotirētobosarimasa, “Nazaret macagu ñarucumi ‘Rotimucorügörucumi’ yigu, Dios ĩ cōarocu”, Jesúre ĩna yucamasire ñajare, to bajirone bajiyuju.

3

Juan Bautista vāme cutigu, yucá manojū masare ĩ gotimasiore queti

(Mr 1.1-8; Lc 3.1-9, 15-17; Jn 1.19-28)

1 Tirodori bero, Juan Bautista vāme cutigu, Judea sitaju yucá manojū ejayuju. 2 Toju ejacōari, ado bajiro ĩre ajirā ejarāre gotimasiorügüñuju ĩ:

—Yoaro mene ejarucumi “Rotimucorügörucumi” yigu, Dios ĩ cōarocu. To bajiri rojose mua yisere yitujacōari, Dios ĩ bojasejare yi yuya mua —ĩnare yirügüñuju ĩ.

3 ĩne ñañuju, “Ado bajiro yirucumi” Diore gotirētobosarimasu Isa'ias vāme cutimasir'i ĩ yucamasir'i. Ado bajiro ĩre yucamasiñuju Isa'ias:

“Yucá manojū sīgū masu ado bajiro goticudirügürucumi: ‘Mani ujū ejarucumi. To bajiri, rojose mua yisere yitujacōari, quēnasejare tūoīaña mua, ĩre yurā’ yirucumi

a 2:22 Arquelao vāme cutigu ñaboarine, ĩ jacu vāmere bajiro Herodes vāme cutiyuju. ĩ ñañuju Jesúre sēniñabusaboacu, Pilato tujare Jesúre cōari.

sīgũ”, yiucomasiñuju Isa'ias, Juan ï bajirotire goti rñjoro yigũ.

4 Camello joane suariaro sãñagũ ñañuju ï. To yicõari, vecu gaserone vēñaricũñuju, ï sãñasere. Ñimia ba, to yicõari, beroa ocore idi, yirũgũñuju. 5 Ñre ajirã, jãjarã masa ejayujarã. Jerusalén macana, Judea sitana, to yicõari, Jordán vãme cutiya tũana quēne ejayujarã, ñre ajirã. 6 To bajiro ï gotisere ajirã ñari, “Rojose mani yisere Dios manire masirioato” yirã, “Rojose yirã ñaja yũ” Diore ñna yigotiro bero, Jordán vãme cutirisaju oco rãca ñnare bautiza ñañuju Juan.

7 To bajiro ï yiñarone, fariseo masa, to yicõari saduceo masa quēne Juan oco rãca ï bautizasere bojarã ejayujarã. Ñna ejasere ñacõari, ado bajiro ñnare yiyuju Juan:

—Oco rãca mũare yũ bautizasere bojaboaja mũa. Vãtia mũa rojose ï yirore bajirone rojose yijairã ñaja mũa. To bajiro bajirã ñari, “Rojose yũa yise vaja rojose yũare yibetirũcũmi Dios” yitũoĩa vadiboaja mũa. ¿To bajiro mũa bajise sũorine rojose mũa tãmũorotire masibeatiqũe mũa? 8 Rojosere yitũjacõari, “Quēnarã ñaama” masa mũare ñna yĩamasirotire yirã, quēnasejũare yirũgũrona ñaja mũa. 9 Ado bajiro yitũoĩabesa mũa: “Abraham ñamasir'i jãnerabatia ñamasurã mani ñajare, rojose mani yise vaja rojose manire yibetirũcũmi Dios” yitũoĩabesa. Adiarĩ gũtari rãca Abraham jãnerabatiare ï godoveorũajama, godoveomasigũmi Dios —ñnare yiyuju Juan. 10 —Oteriyacũri, rica mani yucũrire bajiro bajiaja mũa. Rica manijare, quēareacõari, soereariarore bajiro yirũcũmi Dios. Tire bajirone yiecorũarãja mũa quēne, mũa tũoĩavasoabetijama. ¡Quēnase mũa yibetire ñacõari, jeame yatibetimejũ mũare rearũcũmi Dios! —ñnare yiyuju Juan.

11 Gaje vãme ado bajiro gotiyuju Juan:

—Yũ berore yũ rẽtoro masigũ ejarũcũmi. Ñnamasurã rñne ñre yibosamasiama, ñnamasugũ masu ï ñajare. Rojose ñna yisere yitũjacõari, Dios ï bojasejũare yirãre oco rãca bautizarũgũaja yũ. To bajiro yũ yirũgũse ti quēnaboajaquēne, yũ bero ejagũ ï moasejũa quēnamasucõarũaroja. Ñma, Esp'iritu Santore cõamasirũcũmi, masare. Ñ sũorine “Dios ï bojabetire yaja yũ” yimasicõari, tũoĩavasoarũarãma —ñnare yiyuju Juan.

12 Gaje vãme ado bajiro masare gotiyuju Juan:

—Yũ bero ejagũjũama, trigo ajere besegũre bajiro yirũcũmi, masare. To bajiri ti gasere yireacõari, soereariarore bajiro yirũcũmi, jeame yatibetimejũ masare cõagũ, to yicõari, quēnase cõrone juagũre bajiro yirũcũmi, ñre ajitirũnũrãre juavacũ —ñnare yiyuju Juan.

Oco rāca Juanre Jesús ĩ bautizarotire queti

(Mr 1.9-11; Lc 3.21-22)

¹³ Cojorām̄ Galilea sitaj̄m̄ ñar'i, Jordán vāme c̄atirisaj̄m̄ va-suju Jesús. Juan tuj̄m̄ ejač̄ari, oco rāca ĩre bautizarotiuj̄u. ¹⁴ To bajiro ĩre ĩ yiboajaquēne, oco rāca ĩre bautizar̄m̄ abesuju Juan:

—Bajibeaja. No yiḡm̄ m̄are bautizamasibec̄aja ȳm̄. M̄uj̄m̄, ȳm̄ r̄ētoro masiḡū ñari, oco rāca ȳm̄re bautizaroc̄m̄ ñaja m̄ —Jesúre ĩre yiyuju Juan.

¹⁵ To ĩ yisere ajic̄ari, ado bajiro ĩre yic̄diyuju Jesús:

—Ȳm̄re oco rāca m̄ bautizasere bojaami Dios. Ñajediro Dios ĩ rotirore bajiro c̄adiroti ñaja manire —Juanre ĩre yiyuju Jesús.

To bajiro ĩ yijare,

—Bām̄. To bajirone bojaroja —ĩre yic̄dic̄ari, Jesúre oco rāca ĩre bautizayuju Juan. ¹⁶ Jesús ĩ majarūḡur̄ir̄marone ūm̄agasero soje jānac̄oasuju ti. Ti jānarone, ō vecaj̄m̄ Jesús ĩ ĩam̄orone, bujare bajiḡm̄ rujiadic̄ari, Jesús joere rocajeoyuju Esp'iritu Santo. ¹⁷ Jesús joere ĩ rocaejaronē, ado bajiro yi ocaruyuyuju ō vecaj̄m̄:

—Ȳm̄ mac̄m̄, ȳm̄ maiḡū masu ñaja m̄. M̄ rāca b̄uto variquēñaja ȳm̄ —ĩre yi ocaruyuyuju.

4

Dios ĩ bojabetire vātia ūj̄m̄, Satanás, Jesúre ĩ yirotiñare queti

(Mr 1.12-13; Lc 4.1-13)

¹ Jesús, oco rāca Juanre ĩ bautizarotiro bero, yuc̄á manoj̄m̄ ĩre ūmato vasuju Esp'iritu Santo, “Satanás ĩ bojarore bajiro rojose Jesúre ĩre yirotiñato” yiḡm̄.

² To bajiri toj̄m̄, yuc̄á manoj̄m̄ j̄marā masa c̄oro ñarir̄m̄uri, ñamiri quēne tocārāca ñamirine babec̄ne ñac̄arūḡūñuju Jesús. To bajiḡm̄ ñari, b̄uto ñiorijayuju ĩ yuja. ³ To ĩ bajiro ĩac̄ari, ado bajiro rojose ĩre yirotiñaboayuju vātia ūj̄m̄, Satanás:

—Dios mac̄ne m̄ ñajama, adiari ḡutarine pan godoveoya m̄ —ĩre yirotiñaboayuju, Jesúre.

⁴ To bajiro Satanás ĩre ĩ yiboajaquēne,

—Yibeaja ȳm̄. Dios oca masa ĩna ucamasire ado bajiro gotiaja: “Bare r̄ine ñamasuse me ñaja. Dios ocare mani c̄adisej̄m̄ ñaja ñamasusema. ‘Bare ti manijare, rijarear̄ar̄aja’ yire ti ñaboajaquēne, Dios rijarere ĩ bojabetijama, rijabetir̄ar̄aja. ‘Catic̄o ñato’ yiḡm̄ yimasiḡū ñaami ĩ”, yigotiaja Dios oca masa ĩna ucamasire —ĩre yiyuju Jesús.

⁵ To ĩ yiro bero, Jerusalénju, Dios ĩ beseria maca ñamasuri macaj̄m̄ Jesúre ĩre ūmato vasuju Satanás. To ejač̄ari, Diore yir̄c̄b̄oriavi joej̄m̄ ĩre ūmato m̄jasuju. ⁶ To ĩre ūmato m̄jaejač̄ari, ado bajiro yiyuju Satanás:

—Dios oca masa ĩna ucamasire ado bajiro gotiaja:

“Īre moabosarimasa ángel mesare mure coderotiracami Dios. M̄ quedajama, ‘Gāta joej̄m rocajeocōari, ĩ ḡubo jearomi’ yirā, m̄re boca ñiaruarāma ĩna”, yigotiaja Dios oca.

To bajiri Dios mac̄ne m̄ ñajama, adojūne jatiquedi ru-
jiañasaque m̄ —Jesúre yirotoiboayuju Satanás.

⁷ To bajiro ĩ yiboajaquēne, Jesúj̄mama, ado bajiro ĩre yiyuju:

—To bajiro m̄ yisere c̄udibeaja ȳm. “Dios ĩ yiriarore bajiro ȳre boca ñiaruarāma ángel mesa” yiḡm, ȳm jatiquediñajama, Dios ĩ bojabetire yiḡm yiḡuja ȳm. Gajeye ado bajiro gotiaja Dios oca masa ĩna ucamasire: “ ‘Dios, “Yir̄ac̄aja” yiyumi’ yit̄oñacōari, ‘To bajiro masu yir̄m yiyujari’ yimasiruarā, m̄na t̄oñarore bajiro m̄na yiajejama, quēnabeaja”, yigotiaja Dios oca masa ĩna ucamasire —Īre yiyuju Jesús, Satanáre.

⁸ To bajiro ĩ yiro bero, ḡūtām ūm̄aric̄m joej̄m Jesúre ūmato vasuju Satanás quēna. Toj̄m ūmato ejacōari, adi macar̄uc̄ro ñarimacari jediro ĩre ĩojeocōañuju. ⁹ Īre ĩogajanocōari, ado bajiro ĩre yiyuju Satanás:

—Ȳm r̄ĳoroj̄ma ḡm̄omuniari t̄uetucōari, “Ȳm ūj̄m ñamasuḡū ñaja m̄” ȳre m̄ yir̄c̄ub̄ojama, adi sita ñajedirore m̄re ĩsir̄c̄aja ȳm —Jesúre ĩre yiyuju Satanás.

¹⁰ To bajiro ĩ yise ñajare, ado bajiro ĩre c̄udiyuju Jesús:

—Vasa m̄. Ado bajiro gotiaja Dios oca masa ĩna ucamasire: “Mani ūj̄m Dios s̄ĳūrene, ‘Ȳm ūj̄m ñamasuḡū ñaja m̄m’ ĩre yir̄c̄ub̄ocōari, c̄udiroti ñaja”, yigotiaja Dios oca masa ĩna ucamasire —Satanáre yiyuju Jesús.

¹¹ To bajiro Jesús ĩ yisere ajicōari, vacoasuju Satanás yuja. Ī vato bero, Jesúre ejar̄emorā ejayujarā ángel mesa.

Galilea sitaj̄m Jesús ĩ gotimasios̄ore queti

(Mr 1.14-15; Lc 4.14-15)

¹² “Tubiberiavij̄m tubibe ecocoajami Juan” yise quetire ajicōari, Galilea sitaj̄m tudicoasuju Jesús. ¹³ To va, ĩ ya maca Nazaret vāme c̄uti macaj̄m eja, no cōro mene ñaboa, Capernaum vāme c̄uti macaj̄m ñaḡū vasuju. Ti maca ñañuju ūtab̄uc̄ra Galilea vāme c̄utira t̄aj̄m, Zabulón sita, to yicōari, Neftal'i sita t̄a ñarimaca. ¹⁴ Ti macaj̄m Jesús ĩ ñajama, Diore gotir̄etobosarimas̄u Isa'ias vāme c̄utimasir'i, ado bajiro ĩ yucamasire ñari, bajiyuju:

¹⁵⁻¹⁶ “Jordán vāme c̄utirisa jodej̄m Galilea vāme c̄utira ñaja. Tira t̄ure ñaja Zabulón sita, to yicōari Neftal'i sita. Ti sitaj̄re jud'io masa me ñaama, Diore masimena.

Īnare gotimasicōari, rojose ĩna t̄am̄oborotire ĩnare yir̄etobosaroc̄ure cōar̄uc̄ami Dios, ĩ bojarore bajiro ‘Quēnaro yirā ñato’ yiḡm”, yucamasif̄umi Isa'ias.

To bajiro ĩ yucamasiriarore bajirone, ti sitaj̄m ejayuju Jesús.

17 Ti sitajm ejacõari, Dios ocare, ado bajise masare gotimasioducudisuoju Jesús:

—Diore rotibosarocm, ĩ rotisuroti mojoroaca rnyaja. Ujm Dios yarã quẽnaro ĩ yirona mna ñarujama, rojose mna yisere yitujacõari, yure ajitirũnũña —masare yigotimasioducudisuoju ĩ.

Vai s̄arimasa babaricãrãcũ ñarãre Jesús ĩ jire queti
(Mr 1.16-20; Lc 5.1-11)

18 Cojorãm, utabucara Galilea vãme cutira tujm vacudigm vasuju Jesús. To vacujm, ãañuju, Simón vãme cutigure, bero Pedro vãme cutirocare, ĩ bedi Andrére quẽne. Vai s̄arimasa ñañujarã ãna. Bajiyucũre rearoderuu yĩñañujarã ãna. 19 ãna tu ejacõari, ado bajiro yiyuju Jesús:

—Yũ rãca vayá. Yucũrema mna vai vejese ũnirene masa yure ãna ajitirũnurotore gotimasioducudisuoju ñaruarãja mna —ĩnare yiyuju Jesús.

20 To ĩ yirirĩmarone, ãna bajiyucũre cũ, ĩre s̄ayacoasujarã.

21 To yi varũtu vacũne, gãjerã jũarã ñarãre ĩnare jiyuju Jesús. ãna ñañujarã Santiago, ĩ bedi Juan rãca. ãna jacũ Zebedeo rãca cũmuajm ãna bajiyucũre siaquẽno sãñañujarã. 22 To ĩ yisere ajicõarãjuma, ãna jacure, to yicõari ãna cũmuare quẽne vaveocoasujarã, Jesúre s̄ayana.

Masa jãjarãre gotimasioducudisuoju, rijaye cutirãre Jesús ĩ catiore queti

(Lc 6.17-19)

23 Galilea sitajm gotimasioducudisuoju Jesús. Tocãrãca macarirene Dios ocare ãna buerivirijm sãjajacõari, oca quẽnasere masare ĩnare gotimasioducudisuoju. “Ujm Dios yarã quẽnaro ĩ yirona mna ñarujama, rojose mna yisere yitujacõari, yure ajitirũnũña”, ĩnare yigotimasioducudisuoju. To yicõari, rijaye cutirãre ĩnare catioyuju. 24 To bajiri Jesús rijarãre ĩ catiosere masa ãna gotibatojare, Siria sitana quẽne tire ajicõari, rijaye cutirãre juajayujarã, “Jesús ĩnare catiato” yirã. ãna usũrijm vãtia sãñarãre quẽne juajayujarã, “Vãtiare bureato Jesús” yirã. Rijaquedirãre, to yicõari, micarãre quẽne juajayujarã, Jesúre catiorotirã. ãna ñaro cõrone ĩnare catioyuju.

25 Jesús ĩ vacudiro cõrone, jãjarã masa ĩre s̄ayajojicõañujarã. Galilea sitana, Decápolis macana, Jerusalén macana, Judea sitana, to yicõari, Jordán vãme cutirisa gajejacatũana quẽne ĩre s̄ayarũgũñujarã ãna.

5

Buro joejm ñacõari, Jesús masare ĩ gotimasioducudisuoju queti

1-3 Jǎjarǎ masa ĩna ñasere ĩacōari, buroju majaejayuju. To ĩ bajirone, ĩ buerǎ ĩ tu rējañujarǎ. ĩna ejaro ĩacōari, ado bajiro ĩnare gotimasiosuoyuju Jesús:

—“Masimena ñari, mu ejarēmose buto bojaja yua”, Diore ĩre yisēnirūgūrāma, ĩ yarǎ ñarāma. To bajiri, rojose tāmboarine, Dios taju variquēnarona ñarāma.

4 Yucurire Dios ĩ bojabetire yicōari, tuoĭasutiritiñarǎ quēne, variquēnarona ñarāma, beroju ĩna tuoĭasutiritisere Dios ĩnare ĩ yirētobosaroti ti ñajare.

5 “Masimena ñaja yua” yirǎ, Dios ĩ ejarēmosere sēnirūgūrǎ ñari, Dios ĩ goticatore bajirone variquēnaruarāma, adi macarucuroana ujarǎ ĩna ñarotire Dios ĩnare ĩ yirētobosaroti ñajare.

6 Gajeye rētoro Dios ĩ bojasere yirua tuoĭarǎ quēne, variquēnarona ñarāma, “Yu bojasere yivariquēnato” yigu, Dios, ĩnare ĩ ejarēmose ti ñajare.

7 Gǎjerǎre ĩamaicōari, quēnaro yirǎ quēne, variquēnaruarāma, Dios quēne, ĩnare ĩamaicōari, quēnaro ĩ yiroti ti ñajare.

8 Dios ĩ bojarore bajiro rĭne quēnase tuoĭarǎ variquēnarāma ĩna quēne, beroju Diore ĩarona ñari.

9 Quēnaro ñarotire oca quēnorǎ quēne, variquēnaruarāma, “Yu rĭa ñaama” Dios ĩ yĭarona ñari.

10 Dios ĩ rotirore bajirone ĩna yise suorine gǎjerǎju rojose ĩnare ĩna yiboajaquēne, variquēnaruarāma, Uju Dios yarǎ quēnaro ĩ yirǎ ñari.

11 Yure mua ajitirūnuse suorine gǎjerǎ muare ajatud'icōari, “Rojorǎ ñaama” muare ĩna yisocaboajaquēne, variquēnaruarǎja mua. 12 To bajiro muare ĩna yiboajaquēne, buto variquēnaña mua, “Beroju Dios taju ejarǎ, quēnase bujaruarǎja” yimasirǎ ñari. Mua rĭjoroana, Diore gotirētobosamasiriarǎre quēne, rojose muare ĩna yirore bajirone ĩnare quēne rojose yimasiñujarǎ masa —ĩnare yiyuju Jesús.

“Adi macarucurojure moa ocasere bajiro, to yicōari, busubatosere bajiro bajiroti ñaja muare”, ĩ buerǎre Jesús ĩ yigotimasiore queti

(Mr 9.50; Lc 14.34-35)

13 Quēna ado bajiro ĩ buerǎre ĩnare gotiyuju Jesús:

—Moa ñaja bare sǎre. Mua barotire vaibucu rii catisere cūrāma, moa turǎja mua, “Boarobe” yirǎ. Moa ti ocaboase ti ocabeticoajama, “Quēna tudiocato” yirǎ, no bajiro yimasimenaja mua. To bajiri, tire reacōarǎja, “Tire masa cudavoreacōato” yirǎ. Moa ocatujabetire bajiro mua bajijama, quēnaja. Yure mua ajitirūnu tujabetijama,

moa ocatujabetire bajiro bajirã ñaruarãja mña. To bajiboarine, yure mña ajitirũnũ tujajama, quẽna yure tudiajiritũnũbetiruarãja. Mña sũorine quẽnaro yimenama gãjerã. To bajiri mñare bojabetirũcũja –ĩnare yiyuju Jesús.

¹⁴ Quẽna ado bajiro ĩnare gotiyuju:

–Rẽtiarojũre busubatosere bajiro bajiroti ñaja mñare. To bajiro mña bajijare, busubatose quẽnaro ti ruyurore bajirone mñare ĩaruarãma masa. Jairimaca buro joejũ ñarimaca quẽnaro ti ruyurore bajirone mñare ĩajedicõaruarãma. ¹⁵ Sĩabusuoriare jẽocõari, sotũne tiare mubũamenaja mña. Tiare jẽocõari, “Ñajediro ti vianare busuato” yirã, vecajũ jeorãja mña. ¹⁶ Tire bajirone quẽnaro yiya mña, “ ‘Quẽnaro yirã ñaama, Diore ajitirũnrã ñari’ yimasiato masa jediro” yirã, to yicõari, “Mani jacũ õ vecagũre quẽnase ĩre yirũcũbũoato ĩna” yirã –ĩnare yiyuju Jesús.

Moisés ñamasir'ire Dios ĩ roticũmasirere Jesús ĩ gotimasiore queti

¹⁷ Quẽna ado bajiro ĩ buerãre ĩnare yiyuju Jesús:

–“Moisés ñamasir'ire Dios ĩ roticũmasirere, to yicõari, Diore gotirẽtobosarimasa ĩna gotimasiomasirere reagũ vayumi Jesús”, yitũoĩabesa mña. Tire reagũagũ me vadicajũ yũ. “Tire quẽnaro riojo ajimasiato” yigũ, vadicajũ yũ. ¹⁸ Riojo mñare gotiaja yũ. Moisére Dios ĩ roticũmasire, to yicõari, Diore gotirẽtobosarimasa ĩna gotimasiore ñajediro ñacõarũgũrũaroja. Adi macarũcũro jediroto rĩjoro, cojo vãme godocũtibetirũaroja. Ñajediro Dios ĩ gotiriarore bajirone bajirũaroja. ¹⁹ No bojagũ, Moisére Dios ĩ roticũmasire ñamasuse me ti ñaboajaquẽne, tire cũdibecũ, “No yibeaja, mani cũdibetijaquẽne” yigotimasioğũ ñagũmi quẽnabecũ. Ujũ Dios yarã quẽnaro ĩ yirã rãcagũ ñamasugũ me ñarũcũmi ĩ ũgũma. No bojagũ Moisére Dios roticũmasirere cũdicõari, “Tire mani cũdijama, quẽnaja” yigotimasioğũ ñagũmi quẽnagũ. To bajiri Ujũ Dios yarã quẽnaro ĩ yirã rãcagũ ñamasugũ ñarũcũmi ĩjũama. ²⁰ Riojo mñare gotiaja yũ. Moisére Dios ĩ roticũmasire gotimasiorimasa, fariseo masa quẽne, quẽnaro ĩna yiboase rẽtoro quẽnaro mña yibetijama, Ujũ Dios yarã me ñaruarãja mña quẽne.

²¹ Dios ĩ rotimasire gotimasiorimasa sũorine ado bajise ajirũgũaja mña: “Sĩabesa. ĩ sĩajama, ĩ sĩase vaja ĩre sĩaroti ñaja”, yimasirere ajirũgũaja mña. ²² Yũma, ado bajiro mñare gotirẽmoaja: Jũnisinire quẽne rojose ñaja. No bojagũ gãjire jũnisinigũ ĩ jũnisinise vaja rojose ĩre yiroti ñaja. No bojagũre gãjire jũnisinicõari, rujajine, “Vaja magũ ñaja mñ” ĩre yigũma, rujajine ĩ yise vaja, “Rojose tãmũorũcũmi”, ĩre yiruarãma ujarã.

No bojagure, gājire jūnisinicōari, ĩre tud'igarema, ĩ tud'ise vaja, jeame yatibetimejū ĩre cōacōarucumi Dios, mware yaja yū.

²³ Tire masirā ĩari, gajeyere quēne tūoīaņa mwa. Diore rūcubhorā soemhorajū vacune, “Rojose ĩre yību yū” mwa yitūoīabujajama, Diore rūcubhorā ĩre mwa soemhoīsrotire soemhobeja maji. ²⁴ Tire cūcōari, rojose mwa yir'i tujure vasa, ĩre oca quēnoroana. ĩre oca quēnogajanocōari, Diore soemhoīsiroana tudivaja yuja, mware yaja yū. “Rojose mwa yir'ire oca quēnocōari rīne, Diore oca quēnomasiruarāja”, mware yigū yaja.

²⁵ Gajeye ado bajiro bajiaja: Gājire rojose mwa yijama, oca quēnorimasū tujū mwa ejaroto rījoro, ĩ rāca oca quēnoroti ĩaja mwa jnarājune. Oca quēnorimasū tū ejamenane, mwa oca quēnobetijama, masare coderimasare juarotirucumi, mware. ĩjua, mware tubiberucumi. ²⁶ Riojo mware gotiaja yū. Rojose mwa yire vaja mwa vaja yibetijama, budimenaja mwa. Tire bajirone bajiruaroja Dios ĩ vaja sēnirirūmū ejaroto rījorojua, rojose mwa yir'ire ĩre oca quēnoņa. Mwa gāmerā oca quēnobetijama, Dios ĩ vaja sēnirirūmū rojose tāmhotujabetiriarojū mware cōarucumi, tudibudire manojū –ĩnare yiyuju Jesūs.

“Gāji manajore rūcubhoja”, Jesūs ĩyigotimasiore queti

²⁷ Quēna gajeye ado bajiro yiyuju Jesūs:

–Dios ĩ rotimasire gotimasierimasa sūorine ado bajisere ajirūgūaja mwa: “Gāji manajo rāca ajerio cūtibesa”, yirere ajirūgūaja. ²⁸ Yūma, ado bajiro mware gotirēmoaja: Rōmio, no bojagore yirua tūoīare quēne rojose ĩaja. No bojagū, rōmiore yirua tūoīagū, ĩ tūoīasene sore ajerio cūtigū yigūmi ĩ ūgūma, mware yaja yū –yiyuju Jesūs.

“Būto mwa maise ti ĩaboajaquēne, ti sūorine Dios ĩ bojabeti ĩaja’ mwa yijama, tire reacōaņa”, Jesūs ĩyigotimasiore queti

²⁹ Quēna ado bajiro gotimasioņuju Jesūs:

–“Yū cajea riojojacatuaga sūorine ĩabojacōari, rojose yību yū” mwa yitūoīajama, tiare āmirocacōaņa. Coja cajea mware ti manijama, quēnabetoja. To bajiboarine, juajune caje cūticōari, mwa bajireajama, jeame yatibetimejū mwa vajama, rētobusaro quēnabetiruaroja. ³⁰ “Yū āmo sūorine rojose yību yū” mwa yitūoīajama, ti āmore jatarocacōaņa. Mware cojo āmo ti manijama, quēnabetoja. To bajiboarine juaāmo rāca mwa bajireajama, jeame yatibetimejū mwa vajama, rētobusaro quēnabetiruaroja –ĩ buerāre ĩnare yiyuju Jesūs.

“Mwa manajoare reabesa”, Jesūs ĩyigotimasiore queti

(Mt 19.9; Mr 10.11-12; Lc 16.18)

³¹ Quēna ado bajiro ĩnare gotimasioņuju Jesūs:

—Gajeye ado bajiro gotiaja Moisére Dios ĩ roticũmasire: “No bojagu ĩ manajore ĩ rocaruajama, ‘Mũre rocagu yaja’ yise papera ucacõari, sore ĩsiroti ñaja”, yigotiaja Dios ĩ rotimasire. ³² Yũma, ado bajiro mũare gotiaja: ĩ manajo gãji rãca so ajeri cutibetiboajaquẽne, sore ĩ rocajama, buto rojose sore yigu yigũmi ĩ ũgũma. To bajiro ĩ yise suorine, gãji rãca so manaju cutijama, Diojũama, “So manaju me rãca ajeri cutiamo”, yĩagũmi. Īmũre quẽne, gãji ĩ rocario rãca ĩ manajo cutijama, “Ī manajo me rãca ajerio cutiami”, yĩagũmi Dios. To bajiri mũa manajoa gãjerã rãca ĩna ajeriarã cutibetijama, ĩnare reabetiroti ñaja —ĩ buerãre yigotimasioñuju Jesús.

“Riojo mũa gotijama, quẽnaja”, Jesús ĩ yigotimasiore queti

³³ Quẽna gajeye ado bajise ĩnare gotiyuju Jesús:

—Dios ĩ rotimasire gotimasiorimasa ado bajiro mũare ĩna gotimasirere ajirũgũaja mũa: “No bojase mũa yirotere mũa yiruajama, ‘Yimasucõaruarãja yua. Tire yua yibetijama, Dios, rojose yũare yibogũmi’ yirã, ‘Yiruarãja’ mũa yirore bajirone yiba”, yirere ajirũgũaja mũa. ³⁴⁻³⁶ To bajiri cojojirema mũa gotirore bajiro yiterã ñari, ado bajiro tuoĩvasoaboaja mũa: “‘Dios vãme rãca riojo yaja’ mani yijama, rojose manire yibogũmi” yirã ñari, “Dios vãmere gotivasoarã yaja yua” yirã, gaje vãmere õ vecayere gotiboaja mũa. To bajiro yimena quẽne, gaje vãme rãca, macarũcũroayere yiboarãja. Tire yiterã, Jerusalén vãme cuti macayere yiboarãja. To bajiro mũa yibetijama, gaje vãme rãca, mũa rujoare quẽne, to yicõari, mũa joare quẽne yiboarãja mũa, ñise, botise mũa joare godoveomasimena ñaboarine. Ti ũnire yibetiroti ñaja. ³⁷ “Yiruarãja” yirã quẽne, “Yiruarãja” yi, “Yibetiruarãja” yirã quẽne, “Yibetiruarãja” yicõa tũjasa. “Socarã me yaja yua” yirã, gajeye mũa gotirẽmojama, vãtia uju ejarẽmose rãca gotirẽmorã yirãja mũa — ĩnare yigotiyuju Jesús.

“Rojose mũare yirãre gãmebeja”, Jesús ĩ yigotimasiore queti
(Lc 6.29-30)

³⁸ Quẽna gajeye ado bajiro ĩ buerãre ĩnare gotiyuju Jesús:

—Dios ĩ rotimasire gotimasiorimasa ado bajiro mũare ĩna gotimasirere ajirũgũaja mũa: “Mũ cajeare ĩ jajama, mũju quẽne, ĩ cajeare jaroti ñaja. Mũ gujiare ĩ jajeajama, mũju quẽne, ĩ gujiare jajejaroti ñaja”, yimasirere ajirũgũaja. ³⁹ Yũjũama, ado bajiro mũare gotiaja: Rojose mũare yigũre gãmebesa. Ado bajirojũa yiya: Cojojacatũa, mũ vayujuare ĩ jajama, gajejacatũare quẽne ĩre jarotiya. ⁴⁰ Gãji, mũre ocasãru, “Rojose yũre yibũ mũ. To bajiri, rojose mũ yise vaja mũ sudirore yũre ĩsiña. Mũ ĩsibetijama, mũre ocasãrucũja yũ” ĩ yijama, ĩre ĩsiña. To yicõari, gajease quẽnabũsariase ĩre

ĭsirĕmocōaņa. ⁴¹ Sĭgũ ĭ gajeyeũnĭre mure ũmaroticōari, “Adone cũcōaņa mu” mure ĭ yĭboajaquĕne, mu vadiriacũcōrone gãme varĕmocōariju ĭre cũbosaya. ⁴² No bojarã mure gajeyeũni sĕnirãre ĭsiņa. Sĭgũ, gajeyeũni magũ ñari, “Yure vasoaya” mure ĭ yĭjama, ĭre vasoaya –ĭ buerãre ĭnare yiyuju Jesũs.

“Manire ĭaterãre quĕne, mani ĭamaijama, quĕnaja”, Jesũs ĭ yigotimasiore queti

(Lc 6.27-28, 32-36)

⁴³ Quĕna ado bajiro ĭnare yiyuju Jesũs:

–Dios ĭ rotimasire gotimasiorimasa ado bajiro mure ĭna gotimasirere ajirũgũaja mu: “Mu babarãre quĕnaro ĭamaiņa. To yicōari, mure ĭaterãre ĭateya”, yimasirere ajirũgũaja. ⁴⁴ Yujama, ado bajiro mure rotiaja: Mure ĭaterãre quĕne ĭamaiņa. Mure rojose yirãre quĕne quĕnaro ĭna bajirotire yirã, Diore ĭnare sĕnibosaya mu. ⁴⁵ To bajiro mu yĭjama, “Mani jacu õ vecagu rĩa ñaja yua” yĩorã yirãja mu, ĭ bojarore bajiro yirã ñari. Masa jedirore quĕnaro yirũgũgũmi Dios. ĭre cudimenare quĕne quĕnaro yirũgũgũmi. ĭ ñagũmi quĕnarãre, rojorãre quĕne, “Busuato” yigu, muijure busurotigu, to yicōari, ocore quĕne quedirotigu. ⁴⁶ Mure ĭamairã rĩne mu ĭamaijama, ¿“Quĕnaro yaja mu” mure yĭ, vaja yĭgũjari Dios? Yibecũmi. Rojorã, ujare gãjoa sĕnibosarimasa, ĭnare ĭamairã rĩrene ĭamairũgũama ĭna quĕne. ⁴⁷ Mu tu ejarãre mure bajiro bajirã rĩrene mu sĕnijama, ¿“Quĕnaro yaja” mure yĭ, vaja yĭgũjari Dios? Yibecũmi. Diore ajimena quĕne, ĭnare ĭamairã rĩrene ĭamairũgũama ĭna quĕne. ⁴⁸ To bajiri muajama, mani jacu õ veca ñagũ quĕnase rĩne ĭ yĭrore bajiro yirã ñaņa mu. Mure rojose yirãre quĕne, mure bajiro bajirã mere quĕne ĭamaicōari, quĕnaro yĭroti ñaja –ĭnare yiyuju Jesũs.

6

“Gãjerã mure ĭacōari, “Quĕnaro yirã ñaama” mure yĩarũcũboato’ yirã me, quĕnaro yĭya”, Jesũs ĭ yigotimasiore

¹ Quĕna ado bajiro ĭ buerãre ĭnare yiyuju Jesũs:

–Quĕnaro mu yĭjama, “‘Quĕnaro yama ĭna’ yato gãjerã” yirã me, quĕnaro yĭya mu. Masa ĭna ĭaro rĩjorojua rĩne, “‘Quĕnaro Diore cudirã ñaama’ yure yĩato ĭna” yirã, mu yĩoboajama, ñie vaja bujamenaja mu, õ vecaju mani jacu Dios tuju ejarã. ² Sĭgũri, “Quĕnarã ñaja yua” yĭboarine, ĭna yĭrore bajiro yirã me ñarãma ĭna. Ado bajirojua yirã ñarãma: Maioro bajirãre ejarẽmorã, ĭnare ĭna ĭsĭjama, masa jedirore gotibatorãma. Dios ocare ĭna buerivijare rẽjarãre quĕne, jãjarã masa ĭna vati maarijure quĕne ñacōari, ĭnare gotibatorãma, “‘Quĕnarã ñaũma’ yure yĩarũcũboato” yirã. To bajiro ĭna

yirore bajiro yibesa m̄ua. Riojo m̄uare gotiaja ȳu. To bajiro ñna yise vaja masa ñnare ñna r̄uc̄ub̄uosene j̄ere vaja b̄ujac̄õama ñnama. Ñie gajeye b̄ujar̄ẽmobetir̄uar̄ãma, Dios t̄uj̄ure. Ñnare masa ñna r̄uc̄ub̄uoboaajaqūene, Dioj̄uama, ñnare r̄uc̄ub̄uobetir̄uc̄m̄i. ³ M̄uaj̄uama, maioro bajir̄ãre m̄ua ejar̄ẽmojama, “ ‘Qūẽnaro yir̄ã ñaama ñna’ ȳuare ȳiãto” yir̄ã me, ñnare ejar̄ẽmoña. To yic̄õari, m̄ua baba ñamasuḡure qūene, “To bajiro yib̄u ȳua” yigotime-nane, ñnare ejar̄ẽmoña. ⁴ To bajiro maioro bajir̄ãre qūẽnaro m̄ua yijama, masa ñabetore bajiro yir̄ã yir̄uar̄ãja m̄ua. To bajiro m̄ua yijama, mani jac̄u, masa ñabetoj̄u ñamasiḡu ñari, qūẽnaro m̄ua yise vaja, qūẽnaro m̄uare yir̄uc̄m̄i – ñ buer̄ãre ñnare yiyuju Jesús.

*Diore mani s̄enirotire Jesús ñ gotimasioire queti
(Lc 11.2-4)*

⁵ Qūẽna ado bajiro ñnare gotimasioñuju Jesús:

– S̄iḡuri, “Qūẽnar̄ã ñaja ȳua” yiboarine, ñna yirore bajiro yir̄ã me ñar̄ãma ñna. Ado bajiro yir̄ã ñar̄ãma: Diore ñna s̄enijama, Dios ocare ñna buerivir̄iju r̄uḡõc̄õari, s̄enir̄ãma. To yic̄õari, j̄ãjar̄ã masa ñna vati maarij̄ure qūene ñac̄õari, Diore ñaḡõr̄ãma. To bajiro yir̄ãma, masa ñna ñar̄uc̄ub̄uosere bojar̄ã ñari. To bajiro ñna yise vaja masa ñna ñar̄uc̄ub̄uosere j̄ere b̄ujac̄õar̄ãma ñna. Ñie gajeye b̄ujar̄ẽmobetir̄uar̄ãma, Dios t̄uj̄ure. Ñnare masa ñna ñar̄uc̄ub̄uoboaajaqūene, Dioj̄uama, ñnare ñar̄uc̄ub̄uobetir̄uc̄m̄i. To bajiri, m̄uama, Diore m̄ua ñaḡõjama, ñna yirore bajiro Diore ñaḡõbesa m̄ua. ⁶ M̄uama, Diore m̄ua s̄enijama, ḡãjer̄ã m̄uare ñna ñabeto s̄enir̄uar̄ã ñari, m̄ua ya s̄õaju tubibes̄ãjac̄õari, ñre s̄eniña. To bajiro yic̄õari, mani jac̄u ruyubec̄ure ñre s̄eniña. Masa ñna masibeto Diore m̄ua s̄enijama, to bajiro m̄ua yise vaja, m̄uare vaja yir̄uc̄m̄i mani jac̄u, masa ñna ñabetiboajaqūene mani t̄uoĩasere masiḡu ñari – ñnare yiyuju Jesús.

⁷ Qūẽna ado bajiro ñnare gotimasioñuju Jesús:

– Dios yar̄ã me ñar̄ã, ñna r̄uc̄ub̄uoḡure s̄enir̄ã, cojoji me s̄enijar̄ãma ñna, “Cojoji me tire mani s̄enijama, manire ajiḡum̄i” yit̄uoĩar̄ã ñari. ⁸ Ñnare bajiro yibesa m̄uama. M̄ua bojase m̄ua s̄eniroto r̄ĩjoroj̄une j̄ere masic̄õaḡum̄i Dios. ⁹ To bajiri Diore m̄ua s̄enijama, ado bajiro s̄eniña:

“Ȳua jac̄u, masa ñajediro, ‘Qūẽnar̄ẽtoḡu ñaja m̄u’ m̄ure yir̄uc̄ub̄uoato ñna.

¹⁰ Adi macar̄uc̄uroana, m̄u bojase r̄ĩne ȳua yirotire t̄uoĩa yur̄ũḡũaja ȳua. J̄ere õ vecaj̄u m̄u ñar̄oj̄u m̄u yar̄ã m̄u rotirore bajirone yĩnar̄ãma. To bajiri adi macar̄uc̄uroj̄ure qūene m̄u rotirore bajiro r̄ĩne yirere bojaja ȳua.

¹¹ Adir̄ãm̄u ȳua barotire c̄õañã m̄u.

12 ‘Rojose yña yisere masirioya’ mure yisēniaja yña, yuare rojose yirāre quēne masiriorā ñari.

13 Rojose yña yirotire masigū ñari, ‘Tire yibeticōato ñna’ yigu, yuare matabosaya”. To bajiro Diore mña sēnijama, quēnaja –ñnare yiyuju Jesús, ñ buerāre.

14 Quēna ado bajiro ñnare gotimasioñuju Jesús:

–Mñare rojose yirāre mña masiriojama, mani jacu ò vecagu rojose mña yisere masiriorucumi ñ quēne. 15 Gājerāre rojose ñna yisere mña masiriobetijama, mani jacu quēne rojose mña yisere masiriobetirucumi –ñnare yiyuju Jesús, ñ buerāre.

Diore rūcubhorā, bare bamenane mani sēniroti queti

16 Quēna ado bajiro ñnare gotimasioñuju Jesús:

–Sīgūri, “Quēnarā ñaja yña” yiboarine, ñna yirore bajiro yirā me ñarāma. Bare bamenane Diore ñna sēnijama, “‘Sutiritiama’ yīlato ñna” yirā, sutiritirāre bajirā ñālorāma ñna. To bajiro yirāma, “‘Ñna, Diore rūcubhorā, bare bamenana bajirāma’ masa yuare yīlato” yirā. To bajiro ñna yirore bajiro yibesa mñama. Riojo mñare gotiaja yñ. To bajiro ñna yise vaja masa ñnare ñna rūcubhosene jēre vaja bujacōama ñnama. Ñie gajeye bujarēmobetiruarāma, Dios tujere. ñnare masa ñna rūcubhoboajaquēne, Diojñama, ñnare rūcubhobetirucumi. 17-18 Mñajñama, Diore rūcubhorā, bare bamenane ñre mña sēnijama, sutiritirāre bajiro bajibesa. Mña yirūgūrore bajiro mña joare quēne quēnaro siroa, riogare quēne quēnaro coe, yiya, “Masa yuare ñacōari, bare yña babetire masibeticōato” yirā. To bajiro mña yijama, mani jacu gājerā ñna ñamasibetiboajaquēne, ñamasigū ñari, mñare vaja yirucumi –ñnare yiyuju Jesús.

Ō vecajñ Dios tujñ quēnase mani bujaroti queti
(Lc 12.33-34)

19 Quēna ado bajiro ñnare gotimasioñuju Jesús:

–Adi macarucurojñ, “Gajeyeñni jairo juarēocūrñarāja” yirā me moaña mña. Gajeyeñni mña juarēocūboasere barearñarāma gajeyeñni barimasa. Gajeyema, boarñaroja ti. To yicōari, gajeyerema juarudirñarāma juarudirimasa. 20 Ado bajirojñ yirā ñña mña: “Ō vecajñ mani jacu tujñ ñ bojarore bajiro quēnaro mani yise vaja, quēnaro manire yirucumi” yitñoiacōari, quēnaro yirā ñña. Ō vecayejñarema, quēnaro mñare Dios ñ yisere barearā manama. Boabetirñaroja tima. To yicōari juarudirimasa quēne, ejabetirñarāma. Dios manire quēnaro ñ yise jedibetirñaroja. 21 Mña vaja tarere mña quēnocū vajama, ti rione tñoiarejaicōa ñarāja mña. Tire yimenane, “Quēnaro yña yise vaja ò vecajñ vaja tacūrā yaja” yitñoiacōari, quēnaro yirūgūñna mña.

22-23 Mña caje quēnaro ti ruyujama, “Tine ñaja quēnamasuse”, yĩamasijaja mña. To bajiboarine, mña caje quēnaro ti ruyubeti-jama, quēnabetire ĩacōari, mña masune, “Tĩ ñaja quēnamasuse”, yisocaruarāja mña. Tire bajiro bajijaja mña t̄oĩase quēne. Dios ĩ bojarore bajiro quēnaro mña t̄oĩajama, ñajediro quēnaro riojo t̄oĩamasiruarāja mña. ĩ bojabetire mña t̄oĩajama, “Ri-ojo t̄oĩarā ñaja” yisocañarā rĩne, butobusa t̄oĩamasimena ñacoaruarāja mña. To bajiri, quēnabetire ĩacōari, “Mani ma-sune, ‘Tĩ ñaja quēnamasuse’ yisocarobe” yirā, Dios ĩ bojarore bajiro quēnaro t̄oĩañã mña —ĩ buerãre ĩnare yiyuju Jesús.

*“Diore mani r̄uc̄b̄uojama, ḡãjoare buto bojat̄oĩañã manoja”,
Jesús ĩ yigotimasiore queti*

(Lc 16.13)

24 Quēna ado bajiro ĩnare gotiyuju Jesús:

—Diore yir̄uc̄b̄uorāma, adi macar̄uc̄roayere buto bo-jat̄oĩamenama, “Diojua ñaami ñamasugũ” yit̄oĩarā ñari.

25 To bajiri, “Dios ñaami ñamasugũ” yit̄oĩarā ñari, ĩre c̄adirāma, adi macar̄uc̄rojure mña bajiro tire t̄oĩarejaibesa mña. “¿No bajiro bujacōari, bare ba, idi, sudi sãña, yicatiñarāti yua?”, yit̄oĩarejaibesa. Quēnamasuse mani usure, to yicōari, mani rujure manire ĩsiñumi Dios. To bajiri mani baroti, mani idiroti, to yicōari sudi mani sãñarotire quēne cōarũgũr̄uc̄ami ĩ. 26 Minia ĩna bajisere t̄oĩañã mña. ĩna otebetiboajaquēne, to yicōari, bare ĩna juar̄oc̄ub̄etiboajaquēne, Dios, ĩnare bare cōarũgũami. “Miniare quēne ĩamaigũ ñari, manire roque r̄etoro maigũmi”, ¿yimasibea ti mña? 27 “Adi macar̄uc̄rojure ñarā yoaro catiruarāja” mña yit̄oĩarejaiboase, “Yoarobusa catiato” yiro, mñare ejar̄emomasibeaja ti.

28 Sudi sãñarua t̄oĩarejaibesa. Go buc̄uasere t̄oĩalasaque mña: Moabeti, to yicōari, sudi sãñarua t̄oĩarejaibeaja ti. 29 To bajiboarine, Ŭju Salomón ñamasir'i gajeyeũni jaigu ĩ ñaboajaquēne, quēnase ĩ sudi sãñamasire r̄etoro quēnase ñaja ti. 30 Gore buto quēnase ñarotirũgũami Dios. Quēnase ñaboarine, yoaro mene s̄nicoatoja. Ti s̄niro ĩacōari, tire t̄iarāma masa, bare roariajajure. To bajiri yoaro catise me ti ñaboajaquēne, tire quēnorũgũgũami Dios. Go r̄etoro manire maigũmi Dios. To bajiri, “Manire sudi cōar̄uc̄ami”, yimasiroti ñaja. “To bajirone yigumi Dios”, yiajirit̄un̄betibusarā ñaja mña. 31 To bajiri, “¿No bajiro bujacōari, bare ba, idi, sudi sãña, yicatiñarāti yua?”, yit̄oĩarejaibetiroti ñaja. 32 Dios yarā me ñarāma, tire buto t̄oĩarejairāma. Manijurema, mani jac̄u õ vecagu ñagũmi, “Tĩ r̄uyaja, ĩnare” yimasigũ. 33 To bajiri, “Ŭju Dios yarā, quēnaro ĩ yirā ñaja mani. ĩ bojarore bajiro quēnase rĩne yiruarāja”, yit̄oĩarũgũña mña. To bajiro mña yijama, adi

macarucuroaye mua cuobetire bujaruarāja mua. ³⁴ To bajiro ti bajijare, adiramu mua bajise rīne tuoīaroti ñaja. Busiyu mua bajirotire tuoīarejai rījoro cutibesa mua. Tocārācarāmurine ricati bajirūgūaja —ī buerāre ñare yiyuju Jesús.

7

“Rojose yirā ñaama. Ti suorine rojose tāmurouarāma” yiruarā, ñare ñabesebesa”, Jesús ī yigotimasiore queti
(Lc 6.37-38, 41-42)

¹ Quēna ado bajiro ñare yiyuju Jesús:

—“Rojose yirā ñaama. To bajiro yirā ñari, rojose tāmurouarāma”, gājerāre ñare yīabesebesa. To bajiro mua yijama, “Rojose yirā ñaama”, mare yīaromi Dios. ² To bajiri, gājerāre rojose ña yise suorine “Rojose tāmurouarāja” mua yīacōīajama, mare ī beserirāmujū, “Rojose yirā ñaama”, mare yīacōīarucumi Dios. ³⁻⁵ Gajeyerema, ado bajiro yirāre bajiro yaja mua: Gāji buto rojose ī yibetiboajaquēne, “Mu cajeare sūjuriroaca sāñaja. Tijucare āmirocatō” yirāre bajiro yaja mua. Tire buto ñatirūnūrā ñaboarine, mua cajeajure jairisūjuro sāñarijare tijare, “Āmirocaya” yimasibeaja mua, “Buto rojorā ñaja yua” yituoīamasimena ñari. Mua rācagu ī yisejare ñacōari, “Riojo tuoīabeaja mu. ‘Quēnasejare tuoīavasoaya’ yirā, riojo mare gotiruarāja” yigotirā ñaboarine, “Adi ñaja quēnase. Tijua ñaja rojose”, yimasimenaja, ī rētoro rojose yirā ñari. “Quēnaro yirā ñaja yua” yituoīaboarine, rojorā ñaja mua. “Buto rojorā ñaja yua” mua yituoīamasiro beroju, mua rācagure ejarēmomasirāja mua, “Quēnaro riojo ñato ī” yirā —ī buerāre ñare yimasioñuju Jesús.

⁶ Quēna ado bajiro ñare yiyuju Jesús:

—Buto quēnase ñaja Dios oca. Ī yere ajiterāre gotimasiobetiruarāja mua. “Bare quēnase ti ñaboajaquēne, yaia ña batese ti ñajama, manire jūnisinicōari, cūnisurerearuarāma ña” yirā, ñare ecabeaja mua. To yicōari, mua ye jairo vaja cutise, perla vāme cutisere yesea vatoaju reacūbeaja mua. To bajiro mua yijama, mua reacūsere bojamena ñari, tire cudavūoreacōaruarāma ña. To bajirone bajiaja Dios oca quēnasere ajiterārene mua gotimasioreajaquēne. To bajiri, ña ajirūabetire ñamasicōari, ñare gotimasiomasibetiruarāja mua —ñare yiyuju Jesús.

“Diore mua sēnijama, mare cudirucumi”, Jesús ī yigotimasiore queti

(Lc 11.9-13; 6.31)

⁷ Quēna ado bajiro ñare yiyuju Jesús:

—Diore mua sēnijama, cōarucumi. Īre sēnicōari, mua macajama, bujaruarāja mua. Sīgū no bojase ĩre ti ruyajama, gāji ya

viju ejačõari sãjaru, sēniãagūmi. Ī sēniãajare, ĩre sãjaroticõari, ĩre ejarēmogūmi. To bajirone bajiaja Diore sēnirãre quēne. ĩre m̃ua sēnisere ajačõari, quēnaro m̃uare yiejarēmoguc̃umi. ⁸ “Dios manire ejarēmoguc̃umi” yit̃uõiarã ñari, ĩre ĩna sēnisere ĩnare cõaruc̃umi. ĩna macajaquēne, bujaruarãma.

⁹ “Bare bojaja yu” m̃ua macu ĩ yisēnijama, ĩgūtane ĩsirãtique m̃ua? ĩsimenaja m̃ua. ¹⁰ “Vai bojaja yu” m̃ua macu ĩ yisēnijama, ĩãña bar'i merene ĩsirãtique m̃ua? ĩsimenaja m̃ua. ¹¹ Diore bajiro quēnase yirã me ñaboarine, m̃ua rĩare quēnaro yaja m̃ua. “To bajiro yirã ñaja” yimasirã ñari, “Mani jacu õ vecagure mani sēnijama, quēnaro masu manire yiruc̃umi”, yimasiaja mani – ĩnare yiyuju Jesús.

¹² Quēna ado bajiro ĩnare yiyuju Jesús:

–Gãjerã quēnaro m̃uare ĩna yisere bojaja m̃ua. Tire bojarã ñari, quēnaro ĩnare yiya m̃uajua quēne. To bajirone Moisés ñamasir'ire roticūmasiñuju Dios. To yicõari Diore gotirētobosarimasa ĩna ucamasire quēne, to bajirone yaja –ĩ buerãre ĩnare yiyuju Jesús.

“Eyabeti maa ñaja Dios tuj̃u varia maa”, Jesús ĩyigotimasiore queti

(Lc 13.24)

¹³ Quēna ado bajiro ĩnare yiyuju Jesús:

–Uju Dios yarã quēnaro ĩ yirã m̃ua ñarujama, eyabetisoje, to yicõari, eyabeti maare vanare bajiro josaruarãja m̃ua. Ti josaboajaquēne, ĩ yarã ñaña m̃ua. ĩ yarã mejuama, jãjarã ñarãma. Gaje soje eyarisojere sãjacõari, to yicõari, eyari maa vanare bajiro josabetiruarãma ĩnama. Ti josabetiboajaquēne, rojose tãmuotujabetiriaroju varona ñarãma. ¹⁴ Eyabetisoje, to yicõari, eyabeti maare vanare bajiro josaruarãma, Uju Dios yarã quēnaro ĩ yirãma. Ti josaboajaquēne, Dios tuj̃u ejačõari, ĩ rãca quēnaro ñacõarũgũruarãma. Jãjarã me ñaruarãma ĩnama –ĩ buerãre ĩnare yiyuju Jesús.

“Ti rica cutise s̃uorine yuc̃ure ĩamasiaja mani”, Jesús ĩyigotimasiore queti

(Lc 6.43-44)

¹⁵ Quēna ado bajiro ĩnare yiyuju Jesús:

–“Uju Dios yarã quēnaro ĩ yirã ñari, ĩre gotirētobosarimasa ñaja yua quēne”, yitorimasa ñarãma s̃gũri. To bajiro ĩna yitose quēnaro ajimasiña m̃ua. Tire m̃ua ajimasibetijama, to bajiro m̃uare ĩna yitose ñajare, Dios yere m̃ua ajirũgũboasere masiriticoaruarãja. ¹⁶ ĩna gotimasiose s̃uorine, “Quēnarã ñaama” yimenane, ĩna bajire cutisejare ĩs̃uoya m̃ua. Ti rica cutise s̃uorine yuc̃ure ĩamasiaja mani. Uye juaroana, vãtijota yuc̃urijure macamenaja mani. Quēnase bare higos vãme cutire

juaroana, vidirojū ņaricu savajotaũjare macamenaja mani. 17 To bajiri, yucú vānũquēnaricama, quēnase rica cūtiroja. Vānũbetijũama, quēnabetiarine rica cūticōaroja. 18 To bajiri, yucú vānũricũ, “Quēnase rica cūtiricũ ņaja” mani yiboaricũne, quēnabeti rica cūtibetoja. To yicōari, vānũbeti, “Quēnabeti rica cūtiricũ ņaja” mani yiboaricũne, quēnase rica cūtibetoja. 19 Tocārāca yucúrre, vānũbeticōari, rica quēnabeti yucúrre quēacōari, jeamejũ soereacōare ņaroja. 20 To bajiri yucú ricare ĩacōari, “Quēnaricũ ņaja ti. Quēnabeti ņaja adima” mani yimasirore bajirone, “Diore gotirētobosarimasa ņaja yũa” yirā, ĩna yisere ĩacōari, “Quēnarā ņaama ĩna. Quēnamena ņaama ānoa”, yimasiruarāja mũa –ĩnare yiyuju Jesús.

“Ūjũ Dios ĩ bojarore bajiro yirā rĩne ņarāma ĩ yarā quēnaro ĩ yirona”, Jesús ĩ yigotimasiore queti
(Lc 13.25-27)

21 Quēna ado bajiro ĩnare yiyuju Jesús:

–Ńajediro, “Yũa uju ņaja mũ” yũre yirā me ņaruarāma yũ jacũ yarā, quēnaro ĩ yironama. Yũ jacũ ĩ bojarore bajiro yirā rĩne ņaruarāma ō vecajũ varonama. 22 Masare Dios ĩ beserirũmũ ti ejaro, jājarā ado bajiro yiboaruarāma: “Yũa uju, yũare mũ rotijare, mũre gotirētobosacajũ yũa. Yũare mũ rotijare, masa usurijũ sãñarāre vātiare bureacajũ yũa. To yicōari, yũare mũ rotijare, jairo ĩaĩaņamani yĩlocajũ yũa”, yũre yiboaruarāma ĩna, socarāne. 23 To bajiro ĩna yiboajaquēne, ado bajiro ĩnare yirũcũja yũ: “Tire mũare yirotibeticajũ yũ. Mũare masibeaja. ĩVasa! Rojose yirā ņaja mũa”, ĩnare yirũcũja yũ –ĩnare yiyuju Jesús.

“Quēnaro ĩre ajitirũnrā, to yicōari, ĩre ajiboarine, ĩre cũdimenama, ado bajiro bajirāma”, Jesús ĩ yigotimasiore queti
(Mr 1.22; Lc 6.47-49)

24 Quēna ado bajiro ĩnare yiyuju Jesús:

–Mũare yũ gotimasiosere ajicōari, yũ rotirore bajiro yigũ, quēnaro tũoĩagũ ņagũmi ĩ ũgũma. ĩ ņagũmi gũtajāijũ gojeri coaejocōari, botari rũgōcōari, vi bũagũre bajiro bajigũ. 25 Vi ĩ bũaro bero, bũto oco quediroya. Bũto mino vatoja. To bajicōari, riaga jaicoatoja. Ti vijũ ti jaiejacoaboajaquēne, juriaquedibetoja ti vi. 26 Yũre ajiboarine, yũ rotirore bajiro yibecũjũna ņagũmi sita vajarojũ vi bũagũre bajiro bajigũ. 27 Ti vi ĩ bũaro bero, bũto oco quediroya. Bũto mino vatoja. To bajicōari, riaga jaicoatoja. Ti vijũre ti jaiejarone, yoaro mene juriaquedicoatoja –ĩ buerāre ĩnare yiyuju Jesús.

28-29 To bajiro Jesús ñnare ï yigotimasioro bero, Dios ï rotimasire gotimasiorimasare bajiro me, ʘjũre bajiro bojonebecũne quẽnaro ï gotimasiojare, ajĩĩañamani ï gotise ti ñajare, no yimasibesujarã ñna.

8

Gase boagũre Jesús ï catiore queti

(Mr 1.40-45; Lc 5.12-16)

¹ Burojũ ñnar'i, Jesús ï rojaejarone, jãjarã masa ïre sũyayujarã. ² To ñna bajirone, sīgũ gase boagũ Jesúsre vacãnamuacõari, ï rĩjorojũa gũsomuniari tuetuejayuju, ïre rũcũbũogũ. To yicõari, ado bajiro Jesúsre ïre yiyuju:

—Yũ ʘjũ, yũ cãmire mũ yarũajama, yaya —yiyuju. ³ To bajiro ïre ï yisere ajicõari,

—Mũ cãmire yarũcũja yũ —ïre yigũne, ïre moañũju Jesús.

To bajiro ï yirirĩmarone, ï cãmĩ ïre yaticoasuju yuja. ⁴ To ïre yigajanocõari, gãjerãre ïre gotirotibesuju Jesús. To bajiro ïre yicõari, ado bajiro ïre yiyuju:

—Yũcũacane paire mũ rujũre ïoaya. To yigũne, Moisére Dios ï roticũmasiriarore bajirone vaibũcũrã ecariarãre sĩacõari, paire ïsima, Diore rũcũbũogũ. To mũ yisere ïacõari, “Caticoasumi”, yirũarãma masa —ïre yiyuju Jesús, gase boaboar'ire.

Surara ʘjũre moabosarimasũre Jesús ï catiore queti

(Lc 7.1-10)

⁵ Capernaum vãme cũi macajũre Jesús ï ejaro ïacõari, ï tũjũ vayuju surara ʘjũ. Romano masũ ñañuju ï. Jesús tũ ejacõari, rũcũbũose rãca ado bajiro ïre sẽnĩñuju:

⁶ —Yũ ʘjũ, yũre moabosarimasũ ï bajisere ajimaiña. Yũ ya vijũ rijajesami. Micacõari, bũto visiomi —Jesúsre ïre yiyuju surara ʘjũ.

⁷ —ïre catiogũ varũcũja yũ —ïre yicũdiyuju Jesús.

⁸ To ï yiboajaquẽne, ado bajiro ïre cũdiyuju surara ʘjũ, Jesúsre:

—Yũ ʘjũ, quẽnagũ masu ñaja mũ. Yũma, rojose yũ yisere tũoĩa bojonegũ ñari, yũ ya vire mũre sãjarotimasibesũja yũ. Tojũ sãjabetiboarine, mũ ñagõtũoĩasene catiomasiğũja mũ. ⁹ Gãjerã surara ʘjarã beroagũ ñaja yũ. To bajiri, yũ quẽne, gãjerã surarare rotigũ ñaja yũ. Sīgũre, “¡Vasa!” yũ yijama, vajami. Gãjire, “Vayá” yũ yijama, vadiami. To yicõari, yũre moabosarimasũre, “Tire yiya” yũ yijama, yirũgũami. To bajiri, mũ roque rotigũ masu ñari, tojũ vabetiboarine, mũ ñagõtũoĩasene caticoarũcũmi —Jesúsre yiyuju.

¹⁰ To bajiro ï yisere ajiyamanire bajiro ajitũoĩañuju Jesús. To bajiri ado bajiro ñnare yiyuju, ïre sũyarãre:

—Riojo m̄uare gotiaja yu. Israel ñamasir'i jānerabatia yu yarā ñaboarine, “Masigū, to yicōari, quēnagū ñari, yure yirēmōr̄uc̄m̄i” yure ī yitōōarore bajiro tōōāgūre, ĩabetirūgūaja yu. ¹¹ Quēnaro yure ajiya. Īre bajiro bajirā Israel masa me, jājarā ejaruarāma ō vecaju Dios taju. Muiju ī jiadojua vadiriarā quēne, ī rocasātojua vadiriarā quēne ejaruarāma. Tojure, rojorāre Dios ī rearo bero, ī rāca barujiuarāma ĩna. Īna rāca ñaruarāma Abraham, Isaac, to yicōari, Jacob ñamasir'i quēne. ¹² Israel ñamasir'i jānerabatia Diorāca barujiroña ñaboariarā, rojose ĩna yire s̄orine rētiaroju ĩnare reacōaruc̄m̄i. Tojure ñacōari, b̄uto rojose tām̄orā ñari, guji pōguē, oti, yiuarāma ĩna —ĩnare yiyuju Jesús.

¹³ To yigajano, surara ujujare ado bajiro yiyuju:

—M̄u ya vijū tudiasa. “Ñamasugū ñari, yure catio-bosacōaruc̄m̄i” yure m̄u yitōōarore bajirone bajiruaroja —ĩre yiyuju Jesús.

To ī yirir̄marone, surara ujure moabosarimasu, vijū ri-jañaboar'i caticoasuju ī yuja.

Pedro ũmañicore Jesús ī catioire queti

(Mr 1.29-31; Lc 4.38-39)

¹⁴ Pedro ya vijū vasuju Jesús. Ti vi ejacōari, Pedro ũmañicore ĩañuju. Cānijesariaro joeju jesayuju so. So ruju b̄uto asicōari, b̄ub̄urib̄ujayuju. ¹⁵ Sore ĩacōari, so āmore ī moāarone, ruju asicōari, so b̄ub̄urib̄ujaboase t̄ajacoasuju. To bajiri v̄am̄ur̄ūgūcōari, bare ĩre ecayuju so.

Jājarā, rijaye c̄tirāre Jesús ī catioire queti

(Mr 1.32-34; Lc 4.40-41)

¹⁶ Tir̄m̄u r̄āiorijune juaejoyujarā, ĩna us̄urijū v̄atia s̄āñarāre Jesús taju, “V̄ātiare ĩnare bureato” yirā. To ĩna yiro ĩacōari, cojoji ñagōgūne, v̄ātiare bureayuju Jesús. Jājarā ñañujarā ĩna us̄urijū v̄atia s̄āñarā, masa ĩna juaejoriarā. To yicōari, rijaye c̄tirāre quēne catioyuju. ¹⁷ To bajiro bajiyuju, Isa'ias, Diore gotirētobosarimasu ñamasir'i, “To bajiro bajiruaroja” ī yiuca-masire ti ñajare. Ado bajiro ucamasiñumi Isa'ias: “Mani rijaye c̄tire catioꣳc̄m̄i. To yicōari, josari mani tām̄oñasere yirētobosaruc̄m̄i” yiuca-masiñumi Isa'ias, Jesús ī catioꣳt̄ire yigu.

“Yure m̄na ajis̄uyar̄ajama, josar̄aroja ti”, Jesús ī yigotima-siore queti

(Lc 9.57-62)

¹⁸ Cojor̄m̄u jājarā masa ī taju ĩna ñagānibiario ĩacōari,

—Gajejacat̄aju j̄eacoajaro mani —ĩbuerāre ĩnare yiyuju Jesús.

¹⁹ To ī yise rācane, s̄īgū, Dios ī rotimasire gotimasiorimasu, Jesús t̄u ejayuju.

—Gotimasiorimasu, no bojaro mu vato cõrone mure sayaraja ya —Jesúre ãre yiyuju ã.

²⁰ To ã yirone, ado bajiro ãre cadiyuju Jesús:

—Buyairoarema, ãna gojeri ñacaju. Miniare quẽne, ãna jibari ñacaju. To ãna bajiboajaquẽne, ya, Dios ã cacuma, canirijaju magure bajiro bajiaja ya. To bajiri yure mu sayajama, buto mure josararoja —ãre yiyuju Jesús, Dios ã rotimasire gotimasiorimasure.

²¹ To ã yiro bero, gãji Jesús buerimasu ado bajiro ãre yiyuju:

—Yu uju, yure yuya mu maji. Yu jacu ã bajirocacoajare, ãre yujegnacu yaja ya. ãre yujecõari bero, mure sayaracuja ya —Jesúre ãre yiyoayuju.

²² To bajiro ãre ã yiyoajaquẽne, ado bajiro ãre cadiyuju Jesús:

—Yucane yure sayaya mu. Yure ajitiranamena, rijariarãre bajiro bajirã ñarãma. ãnaju rijariarãre yujeato ãna —ãre yicadiyuju Jesús.

Mino vatone, oco sabesere Jesús ã tãjore queti

(Mr 4.35-41; Lc 8.22-25)

²³ Jesús ã buerã rãca cõmuaju vasãjajuju, jẽacu. ²⁴ ãna jẽatone, buto mino vasuju. To bajicõari, buto sabeyuju. Ti saberone, cõmu sagueca yiro, rujacoarajaju. To ti bajiboajaquẽne, canigũ yiyuju Jesús. ²⁵ ã caniro ãacõari, ãre yujioyujarã ãna:

—Yua uju, ãrujareana yaja mani! To bajiri mani rujaborotire yirẽtoña mu —ãre yiyujarã.

²⁶ To bajiro ãna yirone,

—¿No yirã buto gũiati mua? “Rojose mani tãmuoboajaquẽne, manire yirẽtobosarucumi”, yure yitõiarã me ñaja mua —ãnare yiyuju.

To yi, vãmãrãgũcõari,

—¿Mino tãjaya! ¿Sabese quẽne tãjaya mua! —yiyuju Jesús.

To ã yirone, tãjacoasuju mino. Sabese quẽne, sabebesuju yuja. ²⁷ Tire ãacõari, no yimasibesujarã ãna.

—¿Ñimũ õgũ masu ñati ãni? Minore to yicõari, sabesere quẽne ã tãjarotijama, ãre ajiaja —gãmerã yiyujarã ãna.

Gadara vãme cuti maca tãanare ãna usuriju sãñarãre vãtiare Jesús ã bureare queti

(Mr 5.1-20; Lc 8.26-39)

²⁸ Utabucura gajejacataju Gadara vãme cuti maca tãju ejayujarã. To ãna ejarone, masa rijariarãre ãna yujereariavijure juarã ãmua budiyujarã. To bajicõari, Jesús ture ejarãgũ ejayujarã. Juarãjuve vãtia sãñarã ñari, buto guayujarã. To bajiro ãna bajijare, rõtomasifã mañuju. ²⁹ Jesúre ãrãne, ado bajiro yivasãñujarã ãna usurijure sãñarã, vãtia:

—¿No yigü yua tu vadiati Dios macu? ¡Yuaare gōjanabiobesa! Rojose yua yise vaja, rojose yuaare mu yirotirāmu ti ejabetiboajaquēne, ¿rojose yuaare yigü vadiati mu? —Jesúre yiyujarā vātia.

³⁰ To ĩna yiñaro sojua jājarā ecariarā yesea macabañañujarā.

³¹ ĩnare ĩacōari, rūcubuose rāca Jesúre yisēniñujarā vātia:

—Yuaare mu bureajama, òa yeseajuaare yuaare sājaroitiya — yiyujarā vātia.

³² To bajiro ĩre ĩna yijare,

—Muaare varotiaja yu —vātiare ĩnare yiyuju Jesús.

To ĩ yirone, juarājarene ĩna usurijare sãñaboariarā budicoasujarā yuja, yeseajuaare sājaroana. ĩna sājaronone, buro ũmaroja vacōari, utabucuraju ĩna ñaro cōrone rearoderujacōa tujasujarā, vātia ĩnare ĩna sājajare.

³³ Yeseare coderimasa, to bajiro ĩna bajisere ĩacōari, ũmacoasujarā, ĩna ya macaju vana. To bajicōari, vātia sãñaboariarā ĩna yiecose ñaro cōrone ti macanare gotijeocōañujarā ĩna. ³⁴ Tire ajicōari, Jesúre ĩarā vasujarā ĩna, ti macana jediro. ĩ tu ejacōari, ĩre güirā, rūcubuose rāca ĩre varotiyujarā.

9

Micagüre Jesús ĩ catioire queti

(Mr 2.1-12; Lc 5.17-26)

¹ To bajiro ĩre ĩna yijare, utabucura gajejacatuaju tudijēa eja-coasuju Jesús, ĩ ya macaju. ² Ti macaju ĩ ñaro, micagüre rijarā ãmivariaju joeju ĩre ãmiejayujarā. “ĩre ĩamaicōari, ĩre catiorucami” ĩna yituoĩasere ĩamasicōari, micagūjuaare ado bajiro ĩre yiyuju Jesús:

—Yu maigū, tuoĩatutuaya. Rojose mu yirere mure masiriocōaja yu —ĩre yiyuju Jesús.

³ To ĩ yisere ajicōari, ti macana sīguri Dios ĩ rotimasire gotimasiorimasa ado bajiro tuoĩañujarā: “To bajise ĩ ñagōjama, Diore ĩre rūcububocesa yami”, yituoĩañujarā ĩna. ⁴ To bajiro ĩna yituoĩasere ĩamasicōari, ado bajiro ĩnare yiyuju Jesús:

—“‘Diore bajiro masa rojose ĩna yisere masiriomasiaja’ yisocaami”, yure yituoĩaboaja mua. ⁵ “Rojose mu yisere masiriocōaja” yu yicōa tujajama, “Socū yami. Socū me yami”, yure yĩamasigū magūmi. To bajiboarine, micagüre, “Vũmarūgūcōari, vasa” ĩre yu yijama, “Socū me yami. Rojose ĩ yirere masiriocōami”, yure yĩamasirāja mua. ⁶ To bajiri, “‘Dios ĩ roticōacacū ñari, Diore bajirone masare rojose ĩna yisere masiriomasigū ñaami’ yure yĩamasiato” yigü, ãni micagüre ado bajiro yaja yu: Vũmarūgūña mu. Mu jesarijare ãmiña. To yicōari, mu ya vijū tudiasa, ĩre yaja yu —ĩre yiyuju Jesús.

⁷ To ĩre ĩ yirone, micagũ ñaboar'i, vãmurũgũcõari, ĩ jesarijũre ãmi, ĩ ya vijũ vacoasuju ĩ yuja. ⁸ To bajiro Jesús ĩ yisere ĩancacoasujarã masa. “Ti ũnire ĩabetirũgũcaju mani. ãni, Dios ĩ masise rãca yigũ yami” yitũoĩacõari, “Quẽnaro yaja mũ”, Diore ĩre yivariquẽnañujarã ĩna.^b

Mateore Jesús ĩ jire queti
(Mr 2.13-17; Lc 5.27-32)

⁹ Micagũre catiogajano vagũne, Mateo vãme cutigũre yũre ĩabũjacami Jesús. Ujũre gãjoa sãnibosarimasũ ñacaju yũ. Gãjoa sãnirã ĩna rujirijũre gãjoa sãnirujicaju. To yũ yĩñaro ĩacõari,

—Yũre ajisũyaya —yũre yicami Jesús. To bajiro ĩ yisere ajicõari, ĩre sũyacoacaju yũ yuja.

¹⁰ Yũ ya vijũ ejacaju yũa. To ejacõari, bacaju yũa. Yũ rãca barã ejacana, jãjarã ñacama. Yũ yicatore bajiro rojose yirã, uũre gãjoa sãnibosarimasa, to yicõari, gãjerã, “Rojose yirã ñaama” masare yĩarã quẽne ñacama. Jesús buerimasa quẽne ñacama. ¹¹ To yũa bajirone, ejacama fariseo masa. ĩna ñacama, Moisére Dios ĩ roticũmasirere bũto ajirũcũbũorã, rojose yirã rãca ñarũamena. Ejacõari, yũ bañasere ĩacõari, yũ rãcanare Jesús buerimasare ĩnare sãnĩñacama:

—¿No yigũ mũare buegũma, ãnoa rojose yirã rãca bati? — yicama ĩna.

¹² To bajiro ĩna yisere ajicõari, ado bajiro ĩnare cũdicami Jesús, fariseo masare:

—Catiquẽnarãma, uco yigũre bojamenama. Rijaye cutirã rĩne ĩre bojarãma ĩna. To bajiro bajiaja yũre quẽne. “Rojosere yirã me ñaja yũ”, yirãma, yũre bojamenama. “Rojose yirã ñaja yũ” yirã rĩne yũre bojarãma. ¹³ Dios oca masa ĩna ucamasirere ado bajiro quẽnaro tũoĩañã mũa. Ado bajiro gotiaja ti: “Gãjerãre mũa ĩmaisere bojaja yũ. Gãjerãre mũa ĩamaibetijama, vaibũcũrã ecariarãre sĩacõari, yũre mũa soemũoboajaquẽne, ñie vaja manoja ti”, yigotiaja Dios oca, masa ĩna ucamasire. Quẽnaro yirãre jigũ me, adi macarũcũrojũre vadicaju yũ. Rojose yirãre, “Rojose ĩna yisere yitũjato” yigũ, vadicaju yũ. To bajiri to bajiro yitũoĩagũ ñari, ãnoa rãca bagũ yaja yũ —ĩnare yicami Jesús.

“Mani sũtiritisere ĩacõari, quẽnaro manire ejarẽmorũcũmi Dios” yirã, bare babetire queti
(Mr 2.18-22; Lc 5.33-39)

¹⁴ Juan vãme cutigũ, masare oco rãca bautizarimasũ buerã, Jesús tũju ejacama ĩna. To bajicõari, ado bajise ĩre sãnĩñacama:

^b 9:8 Rĩjorojũrema Mateo “Yiyuju Jesús” yiucauyumi, capĩtulo 1, to yicõari, capĩtulo 9 versĩculo 8, ĩ rãca ñabetirĩ ñari. Capĩtulo 9 versĩculo 9, to yicõari, tũsari capĩtulo 28, ĩ rãca ñarĩ ñari, “Yicami”, yiucauyumi yuja.

—Yua quēne, fariseo masa quēne, mani ñicua ñna yimasiri-arore bajiro Diore yua sēnirirūmurema bare babetirūgūaja yua. ¿No yirā tire yibeati m̄a buerāma? —Īre yicama Juan buerimasa.

¹⁵To ñna yisere ajicōari, ado bajiro ñnare gotimasiocami Jesús:

—Sīgū ĩ āmosiarirūmure ĩre variquēnaejarēmōrā ñarāma. To ĩ ũmato yīñaro cōro ĩre variquēnaejarēmōrāma. Ñnare bajiro bajiamā yū buerā. Yū rāca ñari, variquēnacōa ñaama. “Sūtiritimena ñari, no yirā bare babeticōa yimenama”, yimasire ñaja. To bajiboarine, cojorūm̄ yure ñna ñiavato ĩacōari, bare bamenane Diore sēnirūarāma, “Mani sūtiritisere ĩacōari, quēnaro manire ejarēmōato Dios” yirā.

¹⁶Mame oca yū gotimasiose ricati ti ñajare, yū ye rāca mani ñicua ñna yimasirere m̄a t̄oĭav̄uojama, quēnabeaja. Sudiro b̄uc̄hase ti vojama, mamagaserō rāca seretumasimena-ja mani. Mamagaserone mani seretujama, mani coero bero carato t̄atutu vatone b̄uc̄hasejua vocoatoja. B̄uc̄hase, mamase rāca mani seretumasibetore bajirone, mame oca yū gotimasiosere, mani ñicua oca rāca t̄oĭav̄nobesa m̄a.

¹⁷To bajirone bajiaja ūye oco quēne. Mame ūye ocore, vaib̄uc̄gaserone quēnorijaoa b̄uc̄joajure jiomēnaja mani. B̄uc̄joajure mani jiojama, jāmus̄īnituca yiro, yivocōaroja tijoajure. To bajiro mani yijama, ūye ocore, vaib̄uc̄gaserone quēnorijaoare quēne, to bajirone yireacōa t̄ajana yirāja mani. “To bajirobe” yirāma, mame ūye ocore vaib̄uc̄gaserone quēnorijaoa, m̄ajojajure jiore ñaroja. To yicōari, ūye oco, vaib̄uc̄gaserone quēnorijaoa quēne, cojoro cōro quēnaro ñararoja. To bajiri mame ūye ocore, b̄uc̄joajure mani jibetore bajiro mame oca yū gotimasiosere, mani ñicua oca rāca t̄oĭav̄nobesa m̄a —ñnare yicami Jesús.

Jud'io masa ūj̄u macore Jesús ĩ catiore queti
(Mr 5.21-43; Lc 8.40-56)

¹⁸To bajise Jesús ĩ gotiñarone, sīgū jud'io masa ūj̄u ejacami. Ejacōari, Jesús r̄j̄orojua ḡusomuniari t̄uetucami, ĩre r̄āc̄ub̄oḡu. To yiḡne, ado bajiro Jesúre yicami:

—Yuc̄hacane yū maco bajirocacoamo. So t̄u ejacōari, sore m̄a moaĭajama, tudicaticoar̄uc̄ocomo so —Jesúre yicami.

¹⁹To ĩ yisere ajicōari, ĩre s̄uyacoacami Jesús. To bajiri yua, ĩ buerimasa quēne vacajū. ²⁰⁻²¹To yua vatone, sīgō rōmio rijago Jesús s̄uyarojua ejarūgūriomo. Gāmorōmi c̄t̄igo ñañumo so. Juaāmo cōro, ḡubo jua jēnituari c̄mari rijañañuju. “Jesús sudiro gaja moaĭar̄haja yū. Ti r̄ine bojaja yū. To bajiro yū yijama, quēnaejacoar̄uc̄ojoa yū”, yiriomo so. To bajiro yirio ñari, Jesús s̄uyarojua ejarūgūcōari, ĩ sudiro gajare moaĭariomo.

22 So moaĩasere masicõari, jũdarũgũcami Jesús. To yicõari, ado bajiro sore goticami:

—Variquẽnaña yũ maigõ. “Ĩ sudiro gajare yũ moaĩajama, quẽnaejacoarũocoja yũ” yũre mũ yitũoĩase ñajare, “Quẽnaejato” mũre yibũ yũ —sore yicami Jesús.

To bajiro ĩ yirirĩmarone, quẽnaejacoacamo so yuja.

23 To yi vanane, uju ya vijũ ejacoacaju yũa, Jesũrãca. ĩ macore ujueroana, tũroari juti, yiotĩ avasãnacama^C 24 To bajiro ĩna yĩñajare, ado bajiro ĩnare yicami:

—Budiasa mũa. “Bajirocacoajamo” mũa yiboago, bajirocabetesumo. Cãnigõ yigomo —ĩnare yicami Jesús. To ĩ yijare, ĩre ajacama ĩna, “Bajirocacoamo” yimasirã ñari.

25 Masa ĩna budiato bero, bajirocario tũju jãjacõari, so ãmore ñiacami Jesús. To ĩ yirone, quẽna tudicaticõari, vũmarũgũcoacamo so. 26 Jesús sore ĩ catiosere ti sitana masa ñaro cõrone gotibatocõañuma ĩna.

Juarã caje ĩamenare Jesús ĩ ĩarotire queti

27-28 Toju ñariarã yũa cãnirivi yũa tudiatone, caje ĩamena juarã Jesũre avasã sũyadicama:

—Uju David ñamasir'i jãnami, “Rotimũorũgõrũcũja mũ” yigũ, Dios ĩ cõar'i ñaja mũ. Yũare ĩamaiña —Jesũre yisũyacama ĩna. Vijũ yũa sãjaejarone, ĩna quẽne sũyasãjaejacoacama.

To ĩna bajirone, ado bajiro ĩnare sẽnĩacami Jesús:

—“Yũa caje ĩabetire ‘Īato’ yigũ, yũare ejarẽmomasiigũmi”, ¿yũre yitũoĩati mũa? —ĩnare yicami Jesús.

—Yũa uju, to bajirone mũre yitũoĩaja yũa —ĩre yicadicama.

29 To ĩna yijare, ĩna cajere moaĩagũne ado bajiro yicami Jesús:

—“Manire catiorũcũmi” yũre mũa yitũoĩase sũorine mũare ĩarotiaja yũ —ĩnare yicami.

30 To ĩ yirone, ĩacõacama. To yicõari, ado bajiro ĩnare goticami Jesús:

—Gãjerãre gotibetimasucõama mũa —ĩnare yiboacami.

31 To bajiro ĩ yiboajaquẽne, ti sitana jedirore gotibatocõañujarã ĩna.

Ñagõbecure Jesús ĩ ñagõrotire queti

32 ĩamena ñaboariarã ĩna budirirĩmarone, ejacama gãjerã, ñagõbecure ãmiejarã, vãti ĩ usũjũre sãjacõari, ĩre ñagõrotibetir'ire.

33 Jesús, vãtire ĩ burocarone, ñagõbecũ ñaboar'i, ñagõcoacami yuja. Tire ĩacõari, no yimasibeticama masa:

—Adojũre, Israel sitajũre, ado bajise yigũre ĩaña manirũgũmũ maji —yicama ĩna.

34 Fariseo masajũama, ado bajiro yicama:

^C 9:23 To bajiro ĩna yijama, ĩna yirũgũriarore bajiro yirã yiyujarã.

—Āni, vātia ʉjũ ĩ masise rāca vātiare bureaami —yicama ĩna.

Jesús masare ĩ ĩamaire queti

³⁵ Ti sitaju gotimasiocudijeocami Jesús. Tocārāca maca masa Dios ocare ĩna buerivirijure sājacōari, oca quēnasere masare ĩnare gotimasiocami. “ʉjũ Dios yarā quēnaro ĩ yirona mʉa ĩarʉajama, rojose mʉa yisere yitʉjacōari, yure ajitirānʉña”, ĩnare yigotimasiocami. To yicōari, rijaye cʉtirāre jediro catiocami. ³⁶ Oveja, ʉjũ manare bajiro bajirā ĩacama ĩna masa. No yimasibetiboana tʉoĭagōjanabidirā ĩacama. To bajiro ĩna bajisere ĩacōari, ĩnare ĩamaicami Jesús. ³⁷ To bajiro ĩna bajisere ĩagũ ĩari, ado bajiro yʉare yicami:

—Ote jairo bucʉaroja. To bajiboarine, mojoroaca ĩarāma tire juarimasa. ³⁸ To bajiro ti bajijare, ote ʉjure sēniña, ĩre moabosarimasa cōato ĩ yirā —yʉare yicami Jesús. d

10

Ī ocare goticudisʉoronare Jesús ĩ besere queti

(Mr 3.13-19; 6.7-13; Lc 6.12-16; 9.1-6)

¹ Cojorāmʉ ĩ buerimasare yʉare jʉaāmo cōro, gʉbo jʉa jēnituarirācʉ ĩarāre jirēocami Jesús. Yʉare jirēocōari, ado bajiro yicami:

—Masa ʉsuriju sāñarāre vātiare, “Budiya” mʉa yijama, budirʉarāma. Rijaye cʉtirāre quēne, “Catiya” mʉa yijama, caticoarʉarāma —yʉare yicami Jesús.

²⁻⁴ Jʉaāmo cōro, gʉbo jʉa jēnituarirācʉ ĩacaju yʉa, “Yʉ ocare gotimasiocudiba” Jesús ĩ yicana. Ado bajiro vāme cʉtirā ĩacaju yʉa: Simón vāme cʉtiboacacʉ, Pedro vāme cʉtigʉ, ĩ bedi Andrés ĩacama. To yicōari, Zebedeo rīa ĩacama Santiago, ĩ bedi Juan. Gājerā, Felipe, Bartolomé, Tomás, yʉ Mateo vāme cʉtigʉ, ʉjure gājoa sēnibosarimasʉ ĩaboacacʉ ĩacaju. Alfeo macʉ Santiago, to yicōari, Tadeo vāme cʉtigʉ, gāji ĩacami Simón vāme cʉtigʉ, celote yere tʉoĭaboar'i. Tʉsagʉ Judas Iscariote vāme cʉticami. ĩ ĩañumi Jesúre ĩsirocacʉ.

⁵ To bajiri yʉa, jʉaāmo cōro, gʉbo jʉa jēnituarirācʉre ado bajiro yʉare gotimasiocudiroticami Jesús:

—Jud'io masa me ĩna ĩarimacari gotimasiocudibeja mʉa. Samaria sita ĩarimacarire quēne vabeja mʉa —yʉare yicami.

⁶ —Israel sitana tʉjʉare vasa. ĩna ĩarāma Dios yarā ĩaboariarā, oveja yayirāre bajiro bajirā —yicami. ⁷ —“Diore rotibosarocʉ ĩ rotisʉoroti mojoroaca rʉyaja. ʉjũ Dios yarā quēnaro ĩ

d 9:38 “To bajiro ĩ yijama, ado bajiro yigʉ yiyuju: ‘Jājarā ĩarāma yʉ ocare ajicōari, yure ajitirānʉrona. To bajiboarine, mojoroaca ĩarāma yʉ ocare gotirājʉa. To bajiro ti bajijare, Diore sēniña, ‘Jājarābʉsa yʉ ocare gotirimasare cōato ĩ’ yirā’ yiyuju Jesús”, yiyujarā Dios oca masa ĩna ucamasire buerimasa.

yirona mña ñarujama, rojose mña yisere yitajacōari, Jesúre ajitirññña” yigotimasiodiba mña. ⁸ Gase boaräre mña ñajama, ñare catioba mña. Gãjerã no bojase rijaye cutiräre quëne ñare catioba. Rijariaräre tudicatioba. Masa usariju sãñaräre vãtiare quëne ñare bureaba. Vaja manone to yirotere mñare ujoaja yñ. To bajiri, vaja sënimenane, mña quëne gotimasiodi, rijaye cutiräre catio, ña usariju sãñaräre vãtiare ñare burea, yicudiruarãja mña —yñare yicami Jesús. ⁹ — Mña vaja yiroti gãjoa juaábeja. ¹⁰ To yicōari, bare sãriajoari juaábeja mña. Sudi mña sãñasene sãñacōari, vaja. Gajeye gũbo sudi mña vasoaroti juaábeja. Tueriayucãrre quëne juaábeja. No bojarã gãjeräre moabosarimasa, vaja bujarãma. To bajirone bajiruaroja mñare quëne. Ñare mña gotimasiose vajane ñiecoruarãja mña quëne —yñare yicami Jesús. ¹¹ — Jairimaca, mojorimacare ejarã, quënarō yigũre macama mña. Ñre bujacōari, ñ tu cãnima. Ti macanare mña gotimasiojama, ñ tu rñne ñama maji, gajeroju mña varoto rñjoro. ¹² Viju ejarã, “¿Ñati mña?” yisëniñacōari, “Quënarō ñaña mña”, yiba. ¹³ To mña yirone, ti viana quënarō mñare ña bocaãmijama, mña yigore bajiro quënarō ñaruarãma. Quënarō mñare ña bocaãmibetijama, “ ‘Quënarō ñaña’ yñ yibetiriaräre bajirone ñacōaña mña” ñare yi, vacoaja mña. ¹⁴ Mñare quënarō ña bocaãmibetijama, to yicōari mña gotisere ña ajiruabetijaquëne, ti vire ñabeja. Ti vire budicōari, sitare gũbo sudi tuyasere varereaba. “Quënarō yñare bocaãmibeticōari, yñare mña ajiruabetijare, rojose mñare yigũcũmi Dios” yirã, to bajiro yiguarãja mña. ¹⁵ Riojo mñare gotiaja yñ. Ti macana mñare ña ajiruabeti vaja Diojama, rojose ñare yigũcũmi masare ñ beserirũm ti ejaro. Sodoma macana ñamasiriarã rëtobusaro rojose tãmũoruarãma ña, mñare quënarō bocaãmimenama — yñare yicami Jesús.

“Dios oca mña gotise sũori, ajijũnisinicōari, rojose mñare yiguarãma”, Jesús ñ yire queti

¹⁶ Quëna ado bajiro ñ bueräre yñare yicami Jesús:

—Ovejare, buyairoa vatoaju gũioroju ñare cõagũre bajiro mñare gotimasiodirotiaja yñ. To bajiri mña ñagõroto rñjoro, quënarō tũoĩama. To yicōari, mñare rojose ña yiboajaquëne, mñajuama quënasejuare yirã rñne ñacōama. ¹⁷ Ado bajiro bajiroti ñajare, quënarō tũoĩama mña: Mñare ñejecōari, Dios ocare ña buerivirijũ ujarã rñjoroju mñare juaãruarãma ña. Toju mñare bajeruarãma. ¹⁸ To yicōari, yñ ocare mña gotimasiojare, macari ujarã rñjoroju mñare juaãruarãma ña. To yi vanane, ujarã ñamasurã rñjoroju mñare juaãruarãma. To bajiro mñare ña yijare, ujaräre, to yicōari, jud'io masa mere yñ ocare

gotiruarāja mña. ¹⁹⁻²⁰ Hjarã rĩjorojma mñare ãna juaejaro, “¿No bajiro ñagõrãti yña?”, yitñoõarejaibeja mña. “Ñagõña” mñare ãna yirirĩmarone, mani jacu Dios ĩ cõagũ, Esp'iritu Santo ĩ ejarẽmose rãca “Ado bajiro gotiruarāja yña” yimasiruarāja mña —yñare yicami Jesús.

²¹ Quẽna ado bajiro yñare yicami Jesús:

—Yñ yere ajiterãre güiose ãna yisere ãaruarāja mña. Sĩgũ rĩa ñaboarine, “Ïnare sãato” yirã, ñejerotiruarãma ãna. To yicõari, jacua quẽne, “Yña rĩare sãato” yirã, ãna rĩare ñejerotiruarãma. Ïna rĩajua quẽne, ãna jacuare ajijũnisinicõari, gãjerãre sãarotiruarãma ãna. ²² Yñ ocare mña goticudijare, jediro masa mñare ãateruarãma. To bajiro ãna yiboajaquẽne, no bojarã yñre ajitirũñũ tujamenarema, rojose tãmnotujabetiriaroju ãna varoti ñaboarere ãnare yirẽtobosarũcũmi Dios. ²³ Cojo maca mñare rojose ãna yijama, gaje macaju rudiaja mña. Riojo mñare goti-aja yñ. Jediro Israel sitajure ñarimacarire mña goticudijeoroto rĩjoro, yñ, Dios ĩ roticõacacũ, adi macarũcũroju tudiejarũcũja yñ.

²⁴ Ïnare buegu rẽtobusaro masirã me ñaama ĩ buerã. To bajiboarine, quẽnaro ãna buejeocõajama, ãnare buerimasure bajirone masirãma ãna quẽne. ²⁵ “Yñare buegure bajiro yña bajijama, quẽnaja”, yitñoõaroti ñaja. To bajicõari, ãre moabosarimasare quẽne, “Yña uñare bajiro yña bajijama, quẽnaja”, yitñoõaroti ñaja. To bajiro ti bajijare, yñre mña uñare Beelzebũ yñre ãna vãme yitud'ijama, yñ yarã mña ñajare, rẽtoro rojose mñare yitud'iruarãma ãna —yñare yicami Jesús.

*“Masa rojose yirãre güimenane, Diojñare güiroti ñaja mñare”,
Jesús ĩ yire queti*

(Lc 12.2-7)

²⁶ Quẽna ado bajiro ĩ buerãre yñare yicami Jesús:

—Rojose mñare ãna yitud'iboajaquẽne, ãnare güibeja mña. “Masa ãna ãabeto yitud'irã yaja” mñare ãna yiboajaquẽne, Diojñama, ãacõarũcũmi. Ñiejua masa ãna yirudise maja, Diorema. Adirũmuri masa ãna masibeti jediro, Dios ĩ beserirũmũ ti ejaro, “Quẽnaro tire masiato” yigũ, gotirũcũmi. ²⁷ Masa ãna ajibeto yayioroaca mñare yñ gotisere “Jediro ajiato” yirã, gotibatoruarāja mña. ²⁸ Mñare sãaruarãre güibeja mña. Mña usurijurema sãamasimenama ãna. Diojñare mña güijama, quẽnaja. Ï ñaami mani catisere rotigũ. Ï masu masiami. To bajiri rojose tãmnotujabetiriaroju mñare reamasicõami.

²⁹ Juarã miniare mani vaja yijama, cojotii gãjoatii rãca vaja yire ñaroja ti, mojoroaca vaja cutirã ãna ñajare. To cõroaca vaja cutiboarine, Dios ĩ rotibetone rijagũ magũmi. ³⁰⁻³¹ Masajñare,

Dios ĩ ĩajama, jairo vaja cutirãre bajiro manire ĩaami. Manire buto maiami ĩ. To bajiro bajigu ñari, mani rãjoajoare, cojojoara ruyabeto cõiajeogu ñaami. To bajiri rojose mware yirãre güibeja –ĩ buerãre yware yicami Jesús.

“Masa ĩna ĩaro rĩjorojua, ‘Jesúre ajitirũnugũ ñaja yu’ mwayijama, quẽnaja”, Jesús ĩ yire queti

(Lc 12.8-9)

³² Quẽna ado bajiro yware yicami Jesús:

–Masa ĩna ĩaro rĩjorojua, “Jesúre ajitirũnrã ñaja yua” yirãrema, yu quẽne õ vesaçu yu jacu ĩ ĩaro rĩjorojua, “Ãnoa ñaama yu yarã”, yĩorucũja yu. ³³ To bajilboarine masa ĩaro rĩjorojua, “Jesúre ajitirũnrã me ñaja yua” ĩna yijama, yu quẽne, õ vesaçu yu jacu ĩ ĩaro rĩjorojua, “Yu yarã me ñaama ĩna”, yirucũja yu – yware yicami Jesús.

“Yure mwa ajitirũnũsere ĩacõari, mware ĩajũnisinirũarãma”, Jesús ĩ yire queti

(Lc 12.51-53; 14.26-27)

³⁴ Quẽna ado bajiro yware yicami Jesús:

–“ ‘Quẽnaro ñato masa’ yigu, vayumi Jesús”, yure yitũoĩabesa mwa. Dios ĩ bojabeti yirã, yu ocare ajijũnisinicõari, yure ajitirũnrãre ĩaterũarãma ĩna. To bajiri ado bajirojua yure yitũoĩaña: “ ‘ĩ suorine ricatiri tũoĩarũarãma’ yigu, vayumi Jesús”, yure yitũoĩaña. ³⁵ ĩ macu, yure ĩ ajitirũnũjama, ĩ jacũjua ĩre ĩaterucũmi. Jacũjua, yure ĩ ajitirũnũjama, ĩ macũjua, ĩre ĩaterucũmi. So macojua, yure so ajitirũnũjama, so jacojua, sore ĩaterucocomo. Jacojua, yure so ajitirũnũjama, so macojua, sore ĩaterucocomo. So ũmañicojua yure so ajitirũnũjama, so jẽjojua, sore ĩaterucocomo. ³⁶ To bajiri sĩgũ yure ajitirũnũgũ ĩ ñajare, ĩ yarã ñaboarine, ĩre ĩaterũarãma.

³⁷ No bojagu ĩ jacore, ĩ jacure yure ĩ mairo rẽtobũsaro maigũma, yu yu ñamasibecũmi ĩ ũgũma. No bojagu ĩ macore, ĩ macure yure ĩ mairo rẽtobũsaro maigũma, yu yu ñamasibecũmi ĩ ũgũma. ³⁸ No bojagu, “Jesúre bajiro rojose tãmũosũyaruũcũja yu” yitũoĩabecũma, yu yu ñamasibecũmi ĩ ũgũma. ³⁹ No bojarã, no ĩna bojarone ñare cutirãma adi macarucũro ñasere ĩavariquẽnacõari, Diore tũoĩamenama, Dios ĩ catisere yayibetire cũomena ñarũarãma ĩna. To bajilboarine, yure ajitirũnrã, yu oca ĩna gotisere ajijũnisinicõari, ĩna sĩarãma, Dios tũ quẽnaro ñarona ñarãma –yware yicami Jesús.

“Ado bajiro yirã ñarãma Dios tũju quẽnase bũjarona”, yire queti

(Mr 9.41)

⁴⁰ Quẽna ado bajiro yware yicami Jesús:

—Mware cōagũ yu ñajare, gãjerã tu mua ejaro, quẽnaro mware ña yijama, yũrene quẽnaro yirã yirãma. Yũre quẽnaro yirãma, yũre cōacacũre quẽnaro yirã yirãma. ⁴¹ “Diore gotirẽtobosarimasũ ñagũmi” yimasicõari, quẽnaro ñre yirã, ñre gotirẽtobosarimasũ Dios tu quẽnase ñ bũjaroto cõrone bũjaruarãma ña quẽne. “Quẽnaro yigũ ñaami” yimasicõari, quẽnaro ñre yirã, quẽnaro yigũ Dios tu quẽnase ñ bũjaroto cõrone bũjaruarãma ña quẽne. ⁴² Riojo mware gotiaja yu. Yũre ajisũyarã ñamasurã me ña ñaboajaquẽne, yũre ajitirũnrã ña ñajare, quẽnaro ñnare yirã, to bajiro ña yise vaja, vaja bũjaruarãma ña. Ocone ñnare ña ioboajaquẽne, vaja bũjaruarãma —yũare yicami Jesús.

11

Juan vãme cutigũ, masare oco rãca bautizarimasũ ñ cõariarã, Jesũre ña sãnĩare queti

(Lc 7.18-35)

¹ Yũare, ñ buerãre juaãmo cõro, gũbo jua jẽnituarirãcũ ñarãre yũare ñ gotimasioro bero, ti sita ñarimacarianare ñnare gotimasioducidirã vacajũ yua, Jesũrãca.

² Tirodo Juan vãme cutigũ, masare oco rãca bautizarimasũ, tubiberiavijũ ñaũũju ñ. Tojũ ñ ñarone, Jesús masare ñ gotimasioducicati, to yicõari, ñaãaãamani ñ yĩocati queti ñre ejayuju. Tire ajicõari, juarã ñ buerimasare cõaũumi, “Jesũre sãnĩaaya” yigũ. ³ Yua tu ejacõari, ado bajiro Jesũre sãnĩacama ña:

—¿Mũne ñati “Rotimũorũgõrũcumi” yigũ, Dios ñ cõar’i, “Yũ bero ejarũcumi” Juan ñ yigotimasiodacũ? ¿Gãjire yuroti ñatiquẽ maji? —Ñre yisãnĩacama ña.

⁴ To ña yisãnĩarone, ado bajiro ñnare yicudicami Jesús:

—Vasa mua. Juan tũjũ tudiasa. Ñ tu ejacõari, mua ñasere, mua ajisere quẽne ñre gotiba. ⁵ Ado bajiro ñre gotiba mua: “Jesús ñ masise rãca ñ yijare, ñabetiboariarã quẽne ñama. Rujasagueri vaboariarã quẽne, quẽnaro vama. Gase boariarãre quẽne, ña cãmi yatibũ. Ajimena ñaboariarã quẽne, ajima. Bajireariarã quẽne, tudicatima. To yicõari, maĩoro bajirã quẽne, Dios oca quẽnasere gotimasio ecoama ña”, yigotiba, Juan tũjũ ejacõari.

⁶ To bajiri, “‘Quẽnase bũjaruarãma yũre ajitirũnrã, “Socũ me yami” yũre yitũoĩarãma’ yimi”, ñre yigotiba —Ñnare yicami Jesús, Juan buerimasare.

⁷ To bajiro ñ yisere ajicõari, ña vase rãcane, Juan vãme cutigũ, masare oco rãca bautizarimasũ ñ ñnare quetire goticami Jesús, jãjarã ñre ajisũyarãre:

—Yucũ manojũ vana, ¿ñimũ ãgũre tũoĩa vacati mua? ¿Masa ña bojasere bajiro yirũa tũoĩagũre ñarã vacati mua? “To bajiro tũoĩagũ me ñacami”, yimasiaja mua. ⁸ ¿Ñimũ ãgũre tũoĩarã

vacati mña? ¿Quēnase sudi sãñagũre tũoĩa vacati? To bajiro me tũoĩariarãja mña. “Quēnase sudi sãñarãma, quēnarivirijũ, ñjarã ya virijũ ñarãma”, yimasijaja mani. ⁹ ¿Ñimũ ùgũre tũoĩa vacati mña? ¿Diore gotirētobosarimasũre tũoĩa vacatique mña? Riojo mñare gotijaja yũ. Gãjerã Diore gotirētobosarimasa rētoro ñagũre ñariarãja mña. ¹⁰ Juan ï bajiro tire gotiro, ado bajise gotijaja Dios oca masa ñna ucamasire:

“ ‘Rotimũorũgũrũcũmi’ yigũ, mñare yũ cõaroto rĩjoro, mñare gotiyurocũre cõasũorũcũja yũ maji’ yami Dios. ‘ ï ñarũcũmi ado bajise gotirocũ: ‘Yoaro mene ejarũcũmi ‘Rotimũorũgũrũcũmi’ yigũ, Dios ï cõarocũ. To bajiri rojose Dios ï bojabetire yitũjacõari, ï bojasejũare yĩ yuya mña’ yigotirocũ ñarũcũmi’, yami Dios”, yigotijaja Dios oca masa ñna ucamasire.

¹¹ Diore gotirētobosarimasa ñna gotimasire rētoro ñamasuse ñaja, Juan, Diore ï gotirētobosasejũa. To bajiro ti bajiboajaquēne, Juan ï gotise rētoro ñamasuse ñaja yũ gotiroticõarã ñna gotise. “Ëjũ Dios yarã quēnaro ï yirona mña ñarũajama, Jesũre ajitirũnũña” ñna yigotisere yaja yũ. Ñamasurã ñaama, “Ñamasurã me ñaama Jesũs ï gotiroticõarã” mña yĩboajaquēne –yicami Jesũs, ñre ajisũyarãre.

¹² Quēna ado bajiro yicami Jesũs:

–Juan ï gotimasiosũorijũne, “Ëjũ Dios yarã quēnaro ï yirã mña ñarũajama, rojose mña yisere yitũjacõari, Jesũre ajitirũnũña” yirere ajicõari, ti josaboajaquēne, yũre ajisũya variquēnasũoadicama masa. ¹³ Juan ï gotimasiosũoroto rĩjorojũne, “Rotimũorũgũrũcũmi” yigũ Dios ï cõarocũre goticoayuma ñna, Diore gotirētobosarimasa. Moisére Dios ï roticũmasire quēne, tire gotijaja ti. ¹⁴ “Diore gotirētobosarimasũ El’ias vãme cutimasir’ire bajiro bajigũ ejarũcũmi”, yigotiyujarã ñna, Diore gotirētobosarimasa. To bajiro ñna yimasirere, “Riojo ucamasinũma ñna” mña yitũoĩajama, “Juan ï ejarotire gotirã yimasinũma”, yimasijaja mña. ¹⁵ Mña ajimasirũajama, quēnaro yũre ajitirũnũña mña –ñre ajisũyarãre yicami Jesũs.

¹⁶⁻¹⁷ Quēna ado bajiro ñre ajisũyarãre goticami Jesũs:

–Ado bajiro yirãre bajiro yirã ñarãja mña, adirodoria: Daquerã, gãjerã rãca ajerũamenare bajiro yirã ñarãja. Ñna ajeritũcurojũ rujicõari, gãjerãjũare, ado bajiro ñnare gotirujirãma: “ ‘Basavariquēnato mani’ yirã, mñare jutibosaboabũ yũ. To bajiro yũ yiboajaquēne, basabejũ mña. To bajiri, ‘Rijariarãre bũcũrã ñna oticatore bajiro sutiriose boca otirũarãja mña, yũ basañarone’ yiboabũ yũ. To yũ yiboajaquēne, otibejũ mña”, ñnare yigotirãma, ñna rãca ajerũamenare. ¹⁸ Ñna rãca ajerũamenare bajiro yirã ñarãja mña, adirodoria. Juan,

quēnase bare babeti, quēnase idire idibeti bajiñañuju ĩ. To bajiro bajigu ĩ ñajare, “Vãti sãñagũ ñagũmi”, ĩre yituoĩacaju mũa, ĩre ajiterã ñari. ¹⁹ ĩ bero gotimasiosuocaju yũ, Dios ĩ roticõacacu. Yũjũama, quēnase bare ba, quēnase idire idi bajiñaja yũ. To bajiro yigu yũ ñajare, “Jairo bagũ ñaami. Idimecugũ ñaami. Ʋjũre gãjoa sēnibosarimasa, gãjerã rojose yirãre quēne ĩnare baba cutiami”, yũre yĩajũnisiniaja mũa, yũre quēne ajiterã ñari. To bajiro Juanre quēne, yũre quēne mũa yise ti ñaboajaquēne, Dios ĩ masise rãca yũa yise ti ñajare, beroju, “Quēnaro yirã yiboayuma” yũare yimasirũarãja mũa –yicami Jesús, ĩre ajisũyarãre.

Īre ajitirũnũbeti macariana ĩna bajisere to yicõari, ĩna bajiro tire tũoĩacõari, Jesús ĩ gotire queti

(Lc 10.13-15)

²⁰ Tijũ bero, ĩaĩañamani ĩ yĩõboacana ya macarire tũoĩacõari, Dios ĩ bojabetire ĩna yisere tũoĩasutiriticõari, ĩna yitũjabetijare, rojose ĩna tãmũorotire yigu, ado bajiro goticami Jesús:

²¹ –Coraz'in macana, to bajicõari, Betsaida macana quēne, bũto rojose tãmũorũarãma. Ti macarianare ĩaĩañamani yũ yĩõcatore bajiro, Tiro vãme cuti macanare, Sidõn vãme cuti macanare quēne ĩaĩañamani yũ ĩojama, tirũmũju rojose ĩna yisere tũoĩasutiriticõari, yitũjacoaboriarãma ĩnama. “Rojose yũa yisere yirũabeaja” yisutiritirã ñari, sutiritirã ĩna sãñasejũa sudi vasoacõari, to yicõari, ĩna rũjoariju õja majeoboriarãma.

²² Riojo mũare gotiaja yũ. Sidõn macana, to bajicõari, Tiro macana ñamasiriarã rētoũsaro rojose tãmũorũarãma ĩna, Dios, masare ĩ beserirũmũ ti ejaro. ²³ Capernaum macana, “Quēnarã ñari, õ vecaju Dios ĩ ñaroju ñarona ñaja mani”, yitũoĩaboarãma ĩna. To bajiro ĩna yitũoĩaboajaquēne, Dios tũju ñabetirũarãma. Rojose tãmũotũjabetiriaroju ñaja ĩna cõaesorotoma. Toanare ĩaĩañamani yũ yĩõcatore bajiro, Sodoma macanare quēne yũ yĩõjama, rojose ĩna yisere yitũjaboriarãma ĩnama. To bajiri adirũmũrũre quēne ñacõaboriaroja ti maca maji. ²⁴ Riojo mũare gotiaja yũ. Ti macana yũre ĩna ajirũabeti vaja, Diojũama, rojose ĩnare yirũcũmi masare ĩ beserirũmũ ti ejaro. Sodoma macana ñamasiriarã rētoũsaro rojose tãmũorũarãma ĩna –yitũoĩa goticami Jesús.

“Quēnaja” Diore Jesús ĩyivariquēnare queti

(Lc 10.21-22)

²⁵⁻²⁶ Īre ajitirũnũrãre, “Mũ sũorine ajitirũnũama” yigu, “Quēnaja” Diore yivariquēnagũ, ado bajiro yicami Jesús:

–Casũ, õ vecagu uju ñaja mũ. Adi macarũcũrore quēne, ñajediro uju ñaja mũ. “Jẽre masiaja yũa” yitũoĩaboarãre, “Yũ ocare ajimasibeticõato ĩna” yigu, ĩnare masirioaja mũ. To

yicōari, “Masimena ñaja yua” yirãjuare, “Ajimasiato” yigu, ña ajimasiro tire yirēmōrũgũaja ma. To bajiro ma yijama, ma bojarore bajiro yigu yaja ma –Diore yicami Jesús.

²⁷ To yicōari, ñe ajisuyarãjuare ado bajiro goticami Jesús:

–Yu jacu i ejarēmose suorine jediro yimasijeogu ñaja yu. “Tire yimasiato” yigu, adi macarucurojare yare cōacami yu jacu. To bajiro yicacu ñari, yu yisere masijeocōami yu jacu. Yu quēne, i yisere masijeocōaja. “Ñe masiato” yigu, yu beserã rĩne yu jacure masiama –ñare yicami Jesús.

²⁸⁻²⁹ Quēna ado bajiro yicami Jesús:

–Cojo vame me ña rotise ti ñajare, jairo gajacōari, ñarãre bajiro bajiaja ma. “Tire cudijeomasimenaja mani” yisutiritirã ñari, yujuare ajirã vayá ma. Yure ajitirũncōari, rucuse gajacōari, ñamenare bajiro variquēnarã ñaruarãja ma. Masare maituōlagũ ñaja yu. “Ñamasugũ ñari, ñare ajirũcũbuebeaja yu” yigu me ñaja yu. No bojarãre yure ajitirũnrãre ejarēmogũ ñaja. ³⁰ Mũare yu rotise josari me ñaja. To bajiri yu rotisere ma cudijama, variquēnaruarãja ma –yicami Jesús.

12

Ususãjariarũm ñaboajaquēne, Jesús buerimasa trigo ajere tũnejuacōari ña bare queti

(Mr 2.23-28; Lc 6.1-5)

¹ Ususãjariarũm ti ejaro, trigo ña oteriavese cãtore vacaju, Jesũrãca. To bajivanane ñiorijacaju yu. To bajirã ñari, trigo ricare tũnejuacōari, yu ãmorine ti gasere sũgũeacōari, bacaju yu. ² Tire yu basere ñacōari, fariseo masa ado bajiro Jesũre ñe yicama ña:

–¡Ñañ ma! Ma buerimasa, ususãjariarũm yire mere yama ña –Jesũre ñe yicama.

³ To bajiro ña yisere ajicōari, ado bajiro ñare cudicami Jesús:

–¿David ñamasir'i i babarã rãca ñiorijacōari, ñare i ũmato bamasirere masibeatu ma? ⁴ Ñiorijarã ñari, “Mani rãca ñagũmi Dios” masa ña yirivijare sãjacōari, Diore ñe rucũborã gãjerã pan ña cũboarerene juacōari, i babarã rãca bamasinũju i. To bajiri Moisés ñamasir'i i gotimasirema, “Paia rĩne baruarãma” i yimasiboarerene bamasinũjarã ña. To bajiro ña yiboajaquēne, ti vaja rojose ñare yibetimasinũmi Dios. ⁵ ¿“Ususãjariarũm ti ñaboajaquēne, Diore yirũcũboriaviju paia ña moatũjabetiboajaquēne, rojose yirã me yirãma ña”, Moisés ñamasir'i i yucamasirere masiritiatique ma? ⁶ Riojo mũare gotiaja yu. Moisére i roticũmasire, Diore yirũcũboriaviaye ñase rētoũsaro ñamasuse ñaja mame yu rotise. ⁷ Dios oca masa ña ucamasire ajimasibetibũsaja ma. Ado bajiro gotiaja ti: “Vaibũcãrã ecariarãre sãcōari, yure ña soemũosere

bojabetibusaja yu. Masa gãjerãre quẽnaro ãna ãamaisejuare bojamasucõaja yu". To bajiro yigotiaja Dios oca masa ãna ucamasire. Tire, "Ado bajiro yiruaro yaja" yiajimasirã masu ma ñajama, Dios ã bojabeti rojose ãna yibetiboajaquẽne, "Rojose yama" yu buerimasare ãnare yĩabebetiboriarãja ma. ⁸ Yu, Dios ã roticõacacu, "Ususãjariarũmure ado bajiro ma yijama, quẽnaja. To bajiroja ma yijama, quẽnabeaja", yirotigu ñaja yu – ãnare yicudicami Jesús, fariseo masare.

*Ãmo ñujobecure Jesús ã ñujorotire queti
(Mr 3.1-6; Lc 6.6-11)*

⁹ To yi vacune, Dios ocare ãna bueriviju yuare ãmato sãjacami Jesús. ¹⁰ Ti viju ñacami sãgũ, cojojacatua ãmo ñujobecu. Fariseo masa quẽne ñacama. "Jesús, rojose yimi" ujarãre yi ocasãruarã, ado bajiro Jesúre sãniãatocama ãna:

–Dios, Moisére ã roticũmasirere ma tuoãajama, "Adirũmũ ususãjariarũmure rijaye cutirãre mani catiojama, quẽnacõaroja", ¿yituoãati ma? –Jesúre ãre yisẽniãatocama ãna.

¹¹ To ãna yisere ajicõari, ado bajiro yicami:

–Oveja ma ecar'i, gojeju ã quediocasãjama, "Ususãjariarũmũ ñaja" yirã, ¿ãmirã vamenada ma? ¹² ¿Masu rẽtobusaro maĩogũ ñatique, ovejaja? To bajiri, ¿ususãjariarũmũ quẽne, no bojagu masure quẽnaro mani yijama, quẽnabetojarique? – ãnare yicudicami Jesús.

¹³ To yicõari, ãmo ñujobecujuare:

–Ma ãmore ñujoya – ãre yicami.

To ã yirone, ã ãmore ã ñujorone, quẽnaejacoacaju yuja, gaje ãmore bajirone. ¹⁴ To ã yisere ãcõari, budicoacama fariseo masa. Budicõari, "¿No bajiro yicõari, Jesúre sãrotirãti mani?" gãmerã yĩnagõñujarã ãna.

Diore gotirẽtobosarimasa Jesús ã bajirotire yirã, ãna ucamasire queti

¹⁵ To bajiro ãre ãna tuoãa ñagõjaisere masicõari, gajeroju vacami Jesús quẽna. Jesús ã vato ãcõari, ãre suyacaju yua, jãjarã masa. Toju ñajediro masa rijaye cutirãre catiocami. ¹⁶ To yicõari, ãnare ã catiosere gotirotibeticami ã. ¹⁷ To bajiro ã yijama, "Isa'ias ñamasir'i Diore gotirẽtobosarimasu, "To bajiro bajiruaroja' ã yucamasiriarore bajiro bajiato" yigu, yicami, ado bajiro yise ti ñajare:

¹⁸ "Ãni ñaami, yure moabosarimasu yu besecacu, yu ãvariquẽnagũ. Esp'iritu Santore ãre cõarucãja yu, ã jarẽmose rãca yu bojasere yimasiato ã yigu. To bajiri, 'Ado bajiro riojo yiroti ñaja' yigotibatorucami, masa ñajedirore.

- 19 Masa rāca oca josabecu ñarucumi ĩ. To yicōari, masa ĩna ĩaro rĭjorojua rŭgōcōari, ‘Yure ajiya mŭa. Masigŭ ñaja yu’ yĭavasā gotibecu ñarucumi.
- 20 Yure quēnaro ajitirŭnmenare, yu bojarore bajiro yimasibeticōari, tŭoĭasutiritirāre quēne mairucumi. ĩnare ĩamaicōari, ‘Quēnaro yure ajitirŭnato ĩna’ yigŭ, ĩnare ejarēmorucumi.
- 21 Jud’io masa me ñarā rojose ĩna yise vaja rojose ĩna tāmŭoborotire, ‘Manire yirētobosarucumi. To bajiri rojose tāmŭobetiruarāja’ yivariquēna yuñaruarāma”, yu-camasiñumi Isa’ias, Diore gotirētobosarimasu.

*“Vātia ɯju ĩ masise rāca yigŭ yami Jesús” ĩna yire queti
(Mr 3.20-30; Lc 11.14-23; 12.10)*

22 Sĭgŭ ñacami vāti sãñagŭ. “ĩabeticōato; ñagōbeticōato” yigŭ, ĩ usujure sãjacōari, ñañumi. To bajiri Jesús taju ĩre ãmiejacama masa. To ĩna yirone, ĩ usujure sãñagŭre vātire burocacami Jesús. To bajiri vātire ĩ burocajare, ĩamasi, ñagōmasi, bajicoacami yuja. 23 Tire ĩacōari, no yimasibeticama masa jediro:

—¿ɯju David ñamasir’i jānami “Rotimŭorŭgōrŭcumi” yigŭ, Dios ĩ cōar’i mani tŭoĭa yuñarŭgŭgŭ ñatique ĩ? —yicama.

24 To bajiro ĩna yisere ajicōari, ado bajiro ĩnare yicama fariseo masajua:

—Vātiare ĩ bureajama, vātia ɯju Beelzebú vāme cŭtigŭ ĩ masise rāca vātiare bureagŭ yami —yicama ĩna.

25 To bajiro ĩna tŭoĭasere ĩamasicōari, ado bajiro ĩnare gotimasiocami Jesús:

—Cojo sitana rotirimasa ĩna gãmerã quēajama, ĩna masune gãmerã sĭayayirã yirãma. To bajirone bajiroja cojo macanare quēne, cojo vi ñarāre quēne. 26 To bajirone bajiroja vātiare quēne. Vātia ĩna gãmerã bureajama, “Masare rojose yitujato mani” yirã yiborãma. To bajiro ti bajijare, “Beelzebú vāme cŭtigŭ ĩ masise rāca masa usurijŭ sãñarāre vātiare bureaami” yure mŭa yiboase, riojo yirã me yaja mŭa. 27 To bajiro yure mŭa yitŭoĭaboajama, mŭa buerã quēne masa usurijŭ sãñarāre vātiare ĩna bureasere, “Vāti ĩ masise rāca burearãma ĩna quēne” yirãre bajiro yaja mŭa. To bajiro mŭa yijama, “Tŭoĭamavisiaja mŭa”, mŭare yiruarãma ĩna, mŭa buerã. 28 Ado bajirojua tŭoĭarona ñaboaja mŭa: “Vātia ɯju ĩ masise rāca me yami. Esp’iritu Santo ĩ masise rācajua vātiare bureaami”, yure yitŭoĭarona ñaja mŭa. To yicōari, “ ‘Rotimŭorŭgōrŭcumi’ yigŭ, Dios ĩ cōar’i ñaami”, yure yitŭoĭamasiroti ñaja mŭare.

29 “To bajiro yimasiroti ñaboaja” yigŭ ñari, “Quēnabusaro yimasiato” yigŭ, quēna gajeye gotimasioire queti mŭare gotiaja yu: Sĭgŭ, gãji guamu ya vi sãjacōari, ĩre ĩ siabetijama, gajeyeŭni ĩmamasibecumi. ĩre siacōari, ĩ gajeyeŭnire ĩmamasigŭmi yuja.

To bajirone bajiaja yure quēne. Vātia ɥju ī rotiboasere ĩre yirotibeticōari, masa ɥsuriju sãñarãre vãtiare yu burease sɥorine, vãti ī rotiajeboariarãre ĩre ěmagũ yaja, “Yɥ yarã ñato” yigu.

³⁰ No bojarã yɥ gotiboasere ajitirũnɥmenama, yure ajitirũnɥboronare matarã yirãma. No bojarã, “Jesúre ajitirũnɥña” yure yigoticudibosamenama, “Īre ajibesa” yirãre bajiro bajirã ñarãma.

³¹ To bajiri, riojo mɥare gotiaja yɥ. Masa jediro rojose ĩna yijama, jediro rojose ĩna ñagōjaquēne, sɥtiriticōari, Diore ĩna sēnijama, rojose ĩna yisere masiriorɥcɥmi. To bajiboarine, Esp'iritu Santojɥare rãcɥbɥomena rojose ĩre ĩna yitud'ijama, tirema masiriobetirɥcɥmi. ³² No bojarã, Dios ī roticōacacure rojose yure ĩna ñagōro bero, sɥtiriticōari, Diore ĩna sēnijama, rojose ĩna yisere masiriorɥcɥmi. To bajiboarine, Esp'iritu Santo ĩ masise rãca moagũre, “Satanás ye rãca moami” ĩna yitud'ijama, Esp'iritu Santojɥare rojose yirã yirãma. Tirema gajerodo ti ñacoaboajaquēne, masiriobetirɥcɥmi Dios –Īnare yicami Jesús.

“Ti rica cɥtise sɥorine yucure ĩamasiaja mani”, Jesús ĩ yigotimasiore queti

(Lc 6.43-45)

³³ Quēna ado bajiro goticami Jesús:

–Yucú quēnase ti rica cɥtijama, “Quēnaricɥ ñaja”, yaja mani. Yucú rojose ti rica cɥtijama, “Rojoricɥ ñaja”, yaja mani. Ricare ĩacōari, “Quēnaricɥaye, rojoricɥaye ñaja”, yĩamasiaja mani. To bajirone bajiaja mani yise quēne. “Quēnagũ ñaami. Rojogu ñaami” yimasirɥarã, ĩ yisere ĩaɥarãja mani. ³⁴ Vātia ɥju rojose ĩ yirore bajirone rojose yijairã ñaja mɥa. Rojorã ñari, no yirã quēnasere ñagōmenaja mɥa. Mɥa ɥsuriju rojose mɥa tɥoĩasãñasere ñagōburũgũaja mɥa. ³⁵ Quēnagũma, quēnaro tɥoĩagũ ñagũmi. To bajiri quēnase ñagōgũmi. Rojoguɥmama, rojose tɥoĩagũ ñagũmi. To bajiri rojose ñagōgũmi. ³⁶ Riojo mɥare gotiaja yɥ. Ejarɥaroja masa jedirore Dios ĩ beserirũmɥ. Tirũmɥre tocãrãca vãme, mɥa ñagōria vãmere, “Ado bajiro ti bajijare, to bajise ñagōcaju yɥ”, Diore yigotirɥarãja mɥa. ³⁷ To bajirone bajirɥaroja. Mɥa ñagōrere ĩacōari, “Quēnase bɥjarã, rojose tãmɥorã, bajirɥarãja”, yirotirɥcɥmi Dios –Īnare yicami Jesús.

“Īlañamani mɥ yĩosere bojaja yɥa”, ĩna yire queti

(Mr 8.12; Lc 11.29-32)

³⁸ To ĩ yiro bero, ado bajiro ĩre yicama fariseo masa, Dios ĩ rotimasire gotimasiorimasa quēne:

—Gotimasiorimasu, ãaãañamani mu yĩosere bojaja yua — Jesúre ãre yicama ãna.

³⁹ To ãna yirone, ado bajiro ãnare cudicami Jesús:

—Mua adirodoriana, rojose yirã jãjarã ñaja mua. Yure ajiterã ñari, ãaãañamani muare yu yĩosere bojaboaja mua. To bajiro mua bojaboajaquene, to bajise muare yĩobetirucuja yu. To bajiboarine Jonás ñamasir'i Diore gotirëtobosarimasu ã bajimasirere bajiro bajĩoroti ñaroja. ⁴⁰ N'inive vãme cuti macana ñamasiriarã, ãna tujũ Jonás ã ejaroto rĩjoro idiarũmu, idia ñami vai jaigu gudajoaju ã ñamasirere ãnare ã gotisere ajicõari, “Diore gotirëtobosagu ñaami”, ãre yitũoãañujarã ãna, N'inive macana. To bajiro bajirucuja yu quene, Dios ã roticõacacu quene. Idia ñami, idiarũmu sita eñerocaju yu ñarere ajicõari, “Dios ã cõar'ine ñañumi”, yimasiruarãma ãna, masa. ⁴¹ N'inive macana ñamasiriarã, Jonás ñamasir'i Dios oca ã gotisere ajicõari, rojose ãna yisere sutiriticõari, yitujamasiñujarã ãna. Jonás rëtoro ñamasugũ ñaja yu. To bajiro yu bajiboajaquene, muajũama, rojose mua yisere yitujabeaja mua. To bajiro yirã mua ñajare, masare Dios ã beserirũmu ti ejaro, ado bajiro bajirũaroja: N'inive maca ñamasiriarã, tudicaticõari, “Mua ye suorine rojose tãmũoruarãja”, muare yĩaruarãma. ⁴² Sabá sitana ujo ñamasirio, “Uju Salomón quẽnaro masigũ ñañuju” yire quetire ajicõari, sõju vadicõari, ãre ajigo ejamasĩuju so. Salomón rëtoro ñamasugũ ñaja yu. To yu bajiboajaquene, muajũama, yure ajitirũnũbeaja mua. To bajiri, masare Dios ã beserirũmu ti ejaro, ado bajiro bajirũaroja muare: Salomón tu ejamasirio, tudicaticõari, “Mua ye suorine rojose tãmũoruarãja”, muare yirũocomo so, yu gotisere ajirã ñaboarine, rojose mua yitujabetijare —fariseo masare ãnare yicami Jesús.

*Vãti, masu usujure sãñar'i, budicõari, ã tudisãjare queti
(Lc 11.24-26)*

⁴³ Quẽna ado bajiro yicami Jesús:

—Vãti, masu usujure budicõari, oco manoriju vacudigumi. Tujariajau bujabecu ñari, ado bajiro tũoãagũmi: ⁴⁴ “Yu budiriarojune vacoarocu ñagũja yu”, yitũoãagũmi. Masu usujure ã budigoriarore tudiejagu ã ñajama, gõjanabiose mano, quẽnarivire bajiro masu usujure ãeajagumi. ⁴⁵ To bajiro ã usujure ãeajacõari, cojomo cõro juã jënituarirãcu vãtia ã rëtoro rojose yirãre ãmato ejagumi. To yicõari, ãna ñaro cõrone masu usujure sãjarãma ãna. To bajiri, rëtorobusa rojose yigu ñagũmi masu yuja. To bajirone bajirũaroja muare adirodoriana rojose yirãre quene. Vãtiare yu bureacõaboajaquene, yure ajitirũnũmena ñari, butobusa rojose yirã ñaja mua —ãnare yicami Jesús.

*“Yũ yarãma ado bajiro bajirãma ñaama”, Jesús ï yire queti
(Mr 3.31-35; Lc 8.19-21)*

⁴⁶⁻⁴⁷ Jesús, masare ï gotimasio ñarone, sīgũ, ado bajiro Jesúre ïre yicami ï:

—Mũ jaco, mũ bederã rãca macajũm ejama, mũ rãca ñagõruarã —Jesúre ïre yicami.

⁴⁸ To bajiro ï yiboajaquẽne, ado bajiro ïre yicadicami Jesús:

—¿Ñimo ñati yũ jacoma? ¿Ñimarã ñati yũ bederãma? —ïre yicami Jesús. ⁴⁹ To yigũne, yũajũare, ï buerimasare ïacõari,

—Mũa ñaja yũ bederãma, yũ jacore bajiro bajirãma. ⁵⁰ No bojarã yũ jacũ õ vecagũ ï rotirore bajiro yirã, ïna ñarãma yũ bederãre bajiro bajirãma, yũ jacore bajiro bajirãma —yũare yicami Jesús.

13

*Oterimasũ ï bajirere Jesús ï gotimasiore queti
(Mr 4.1-9; Lc 8.4-8)*

¹ Tirũmũne, vi ñar'i, budiacõari, utabũcũra tũjũ yũa rãca ejarũju ejacami Jesús. To bajicõari, masare gotimasiocami.

² Masa jãjarãbũsa ïna rẽjaquearo ïacõari, cũmuajũ vasãjacõari, rujicami Jesús. Masajũama, utabũcũra tũ rũgõcõacama ïna. ³ To bajicõari, cojo queti me tũõacõari, “Ado bajiro bajisere bajiro bajiaja” ïnare yigotigũ ñari, ado bajise goticami:

—Sīgũ oterimasũ, vesejũ ote ajere otegũ vacũmi. ⁴ Vese ejacõari, ote ajere ï reabaterone, gajeye maajũ vẽjaquearoja. To bajiri minia ejacõari, tire bareacõarãma ïna. ⁵⁻⁶ Gajeyema, gũta joejũ reajeoroja. Tijũ, mojoroaca sita ti ñajare, guaro ti judidaboajaquẽne muiju, asisĩocõagũmi. To bajicõari, oco manijare, sĩnireacoatoja ti. ⁷ Gajeyema, jotayucũ vatoajũ vẽjaquearoja. To bajicõari, ti judiboajaquẽne, jotajũa bũcũaveocoatoja ti. ⁸ Gajeyema, sita quẽnarojũ vẽjaquearoja. To baji, judibũcũacõari, quẽnase ñacõari, jairo rica cutiroja. Cojotõ, cien ñaricari rica cutiejoroja. Gajetõ sesenta ñaricari, gajetõ treinta ñaricari rica cutiroja. ⁹ Tire mũa ajimasirũajama, quẽnaro tũõãña mũa —yicami Jesús.

“Ado bajiro yigũ, gotimasiore queti gotirũgũaja yũ”, Jesús ï yire queti

(Mr 4.10-12; Lc 8.9-10)

¹⁰ To ï yiro bero, ado bajiro Jesúre sēniĩacajũ yũa, ï buerã:

—¿No yigũ gotimasiore queti tũõacõari, ïnare gotirũgũati mũ? —ïre yisēniĩacajũ yũa.

¹¹ To yũa yirone, ado bajiro yũare cadicami:

—“Ûjũ Dios yarã quẽnaro ï yirona yũa ñarũajama, ado bajiro yiroti ñaja” ïna yimasibeticatire, yucũrema Dios ï masise rãca

ajimasiaja mɯama. To bajiboarine, gājerāɲuama, Dios ĩ boja-betijare tire ajimasibeama. ¹² No bojagu Diore ajitirānugāre, “Quēnarobusa ajimasiato” yigu, ĩ masisere cōarɯcɯmi Dios. Gājirema, ĩre ajigu űaboarine, ĩre ĩ ajitirānɯbetijare, ĩ ajimasiboasere masiriojeocōarɯcɯmi ĩ. To bajiri ĩre masibetimascōarɯcɯmi ĩ. ¹³ Masa ado bajiro bajirā ĩna űajare, gotimasiore queti ĩnare gotirūgūaja yɯ: Yɯ yīosere ĩarā űaboarine, yɯ gotisere ajirā űaboarine, ajimasicōari, “To bajiro manire yigotigu yatique”, yimasimenama. ¹⁴ Diore gotirētobosarimasu Isa'ias űamasir'i mɯa bajirotire yigu, Dios ĩ űagōmasirere ado bajiro yiucamasiñumi:

“Yɯre ajirā űaboarine, ajimasibeticōa űarɯarāma. Yɯ yīosere ĩarā űaboarine, “To bajiro bajisere yigu yatique ĩ”, yīamasibeticōa űarɯarāma.

¹⁵ Ado bajiro bajirā űari, yɯ yere ajimasimena űarāma ĩna: Gāmo gojeri tusubeti, to yicōari, caje ĩamenare bajiro bajirāma. To bajiro yɯ yijama, “Yɯ yere tɯoĩarɯamena űaama” yigu yaja yɯ. To bajirā űari, tire quēnaro ajimasibeama. Yɯ yere ĩna tɯoĩarɯajama, tire ajimasicōari, yɯ bojarore bajiro tɯoĩavasoacōari, yɯre sēnirūcɯɯoborāma ĩna. Yɯre ĩna sēnijama, yɯre ĩna cāmotadicōa tɯjaborotire ĩnare yirētobosaboguja yɯ, yigotiami Dios”, yiucamasiñumi Isa'ias űamasir'i.

¹⁶ Variquēnaña mɯama. Yɯ yīosere tɯoĩacōari, yɯ bojarore bajiro tɯoĩavasoariarā űari, tire yɯ gotimasiosere ajimasiaja mɯama. ¹⁷ Riojo mɯare gotiaja yɯ. Tirāmɯju jājarā Diore gotirētobosamasiriarā yucɯ mɯare yɯ yīosere ĩarɯamasiboayuma. Yɯ gotimasiosere mɯa ajisere ajirɯamasiboayuma. To bajiri mɯama, jairo yɯ yīosere masirā űari, to yicōari, yɯ gotimasiosere ajirā űari, variquēnaña mɯa –yɯare yicami Jesús, ĩ buerāre.

Ado bajise tɯoĩacōari, “Oterimasu ĩ bajire quetire gotibɯ yɯ”, Jesús ĩ yire queti

(Mr 4.13-20; Lc 8.11-15)

¹⁸ Quēna ado bajiro goticami Jesús:

–Ado bajise tɯoĩacōari, oterimasu ĩ bajire quetire gotibɯ yɯ: Quēnaro ajiya mɯa. ¹⁹ Ote aje, maaju vējaquearere, minia ĩna barere yɯ yijama, “Uju Dios yarā quēnaro ĩ yirona ĩna űarɯajama, ado bajiro yiroti űaja” yɯ yigotimasiosere ĩna ajiboasere, vātia ɯju ejacōari, guaro ĩ masiriosere yigu yibɯ yɯ –yɯare yicami.

²⁰⁻²¹ –Gūta joeju vējaqueacōari, guaro judibɯcɯaboarere, muiju ĩ asisiorere yɯ yijama, yɯ yere ajicōari, quēnaro variquēnase rāca ajirā űaboarine, yoaro mene tire ĩna quejerotire, to yicōari, yɯ gotisere ajirā ĩna űajare, gājerā

rojose ĩnare ĩna yijama, yoaro mene yu ocare ĩna ajitujarotire yigũ yibũ. ²² Jotayucũ vatoajũ vĕjaqueacđari, judiboarere jotajũa ti bucũaveorere yu yijama, yu gotisere ajirã ĩaboarine, adi macarũcũro ti bajisejũare tũoĩarejairã ĩari, to yicđari, gajeyeũni bojatũoĩarã ĩari, yu yejũare tũoĩatujacđari, yu bojarore bajiro yimenare yigũ yibũ yu. ²³ Sita quĕnarojũ vĕjaqueare judibucũacđari, quĕnase rica cutirere cojotđ cien ĩaricari, gajetđ sesenta ĩaricari, gajetđ treinta ĩaricari rica cutirere yu yijama, yu gotimasiosere ajimasicđari, Dios ĩ bojarore bajiro quĕnaro yirã yu ocare ĩna gotimasiose sũori, gãjerã masa quĕne yũre ĩna ajitirũnũrotire yigũ yibũ –yuare yicami Jesũs.

Trigo vatoajũ vidi judire queti

²⁴ “Masare Dios ĩ beserirũmũ ti ejaro ado bajiro bajirũaroja” yigũ, gaje queti gotimasiocami Jesũs:

–Sĩgũ ĩ ya vesejũ trigo ajere otegũmi. ²⁵ ĩ otero bero, ĩre moabosarimasa ĩna cãnitoye, ĩ ya vese ejacđari, vidi oterudigũmi, ĩre ĩategũ ĩari. To yigajano, vacoacũmi ĩ. ²⁶ To bajiri trigo ti judibucũato, vidi quĕne ruyuaroja. ²⁷ To bajisere ĩacđari, ĩna ujure gotirã vanama ĩna. ĩ tu ejacđari, ado bajiro yirãma: “Yũa uju, ¿no yiro trigo rĩne mũ otecati ĩaboarine, vidi quĕne judiri?”, yirãma, ĩna ujure. ²⁸ To ĩna yijare, “Sĩgũ yũre ĩategũ oterimi”, ĩnare yigũmi ĩ. To ĩ yirone, “¿Ado cđrone yũa vũerearã vatire bojati mũ?”, ĩre yisĕniĩarãma ĩna. ²⁹ To ĩna yisere ajicđari, ado bajiro ĩnare yigũmi ĩna uju: “¡Vũebesa maji! Mũa vũejama, ote rãcane vũecđarãja mũa. ³⁰ Trigo rãca bucũacoajaro maji. Ti rica cuti bucũaro ĩacđari, tire jua bajirãne vũereacđari, soereacđarũarãja mũa. Trigore juacđari, tire cũriavijũ cũcđarũarãja mũa”, ĩnare yirodigũmi oterimasũ –yigotimasiocami Jesũs.

“Mostaza vãme cutiũ rica, ajeare bajiro bajaia”, Jesũs ĩ yire queti

(Mr 4.30-32; Lc 13.18-19)

³¹ Quĕna ado bajiro gotimasiocami Jesũs:

–“Rotimũorũgđrũcãja mũ” yigũ, Dios ĩ cđagũ, yu gotimasiosere no bojarã ĩna ajitirũnũjama, mũare yu gotisere mojoroaca ajimasiboarine, rojose ĩna ĩnare cutisere tũoĩavasoacđari, tocãrãcarũmũri quĕnaro ĩnamũjarũgũcđari, quĕnaro ajimasimũjarũgũjama, ado bajiro bajirũaroja: Sĩgũ ĩ ya vesejũre mostaza ajea otegũmi. ³² Gajeye ote aje rĕtoro rũjaricaca ĩaroja ti mostaza ajeaca. To bajiri ĩ oterica mojoricaca ĩaboarine, ti judibucũacoajama, ote yucũri rĕtobũsaricũ jairicũ ĩaroja tiũ. Jairicũ ti ĩajare, tiũ rũjuriju

minia ĩna ria cutirotijurire quēnorāma ĩna —yigotimasiocami Jesús. e

*“Pan vauvasere bajiro bajiaja”, Jesús ĩ yire queti
(Lc 13.20-21)*

³³ Quēna ado bajiro gotimasiocami Jesús: “ ‘Rotimorūgōrūcaja m̄ yigū, Dios ĩ cōagū, yū gotimasiosere no bojarā ĩna ajitirūn̄ajama, m̄are yū gotisere mojoroaca ajimasiboarine, rojose ĩna ñare cutisere t̄oĩavasoacōari, tocārācarūm̄ari quēnaro ñam̄jarūgūcōari, quēnaro ajimasim̄jarūgūjama, ado bajiro bajirūaroja” yigū, gaje gotimasiore queti goticami:

—Rōmio, pan quēnogoago, trigo vetare idiaji vasācōari, pan ūmato vauvasere v̄ogomo so. To so yijare, jairo vauvaroja ti. Tire bajirone bajirūaroja, Diore rotibosagure yure ajitirūn̄arā jājarāb̄usa m̄a b̄juroti —ĩnare yigotimasiocami Jesús.

*“Ado bajiro Diore gotirētobosarimasū ĩ yucamasire ñajare, gotimasiore queti gotirūgūaja yū”, Jesús ĩ yire queti
(Mr 4.33-34)*

³⁴ Gotimasiore queti rāca r̄ne ĩnare gotimasiorūgūcami Jesús.
³⁵ Diore gotirētobosarimasū, “Ado bajiro bajirūaroja” ĩ yimasire ti ñajare, to bajise gotimasiorūgūcami. Ado bajiro ucamasīñumi Diore gotirētobosarimasū:

“Masare ĩnare gotigū, gotimasiore queti t̄oĩacōari, ĩnare gotimasiorūcami. To bajiro yigū, adi macarūcuro ti ruyaroto r̄jorojune masīñamanicoadirere gotimasiorūcami”, yucamasīñumi Diore gotirētobosarimasū Jesúre t̄oĩa yugū.

Trigo vatoajū vidi judirema, “Ado bajiro yirūaro yaja”, Jesús ĩ yigotimasiore queti

³⁶ To bajiro yigotigajanocōari, “Vijū vacū yaja yū”, yisājacoacami. To ĩ yi vatone, ĩre s̄yasājajajū yūa quēne. Sājaejacōari, ado bajiro ĩre sēniñacajū yūa, ĩ buerimasa:

—Vidi judire quietire, “Ado bajiro yigū, to bajise yibū yū”, yūare yigotiya —Jesúre ĩre yicajū yūa.

³⁷ To bajiro yūa yijare, ado bajiro yūare goticami Jesús:

—Trigo oterimasure yigū, yū masune yigū yibū yū, Dios ĩ roticōacacure yū yijama. ³⁸ ĩ ya vesere yū yijama, adi macarūcuro mani ñarorejare yigū yibū yū. Trigore yū yijama, yū yarāre quēnaro Dios ĩ yirāre yigū yibū. Vidire yū yijama, vātia ūjū, Satanás ĩ bojarore bajiro yirāre yigū yibū. ³⁹ Vidi oterudirimasure yū yijama, vātia ūjū Satanāre yigū yibū. Trigo

e 13:32 Mostaza ajea ti bajire queti Jesús ĩ gotirere, “Ado bajiro yirūaro yaja”, yiyujarā Dios oca masa ĩna ucamasirere buerētobudiriārā sīgāri: “Jesús ĩ gotimasiosere ajitirūn̄arā ĩ ñarirodo mojoroaca ñaboarine, jājarā ĩna b̄jurotire yigū yiyuju Jesús”, yiyujarā ĩna.

jabuaju ĩnare tũamocũrãma. ĩnare beserãma. Bariarãrema jibũju juasãcõari, bayamanare reacõarama. ⁴⁹ To bajirone bajirũaroja macarũcũro ti jediro. Ángel mesa, masare beserã vadirũarãma. Quẽnarãre, rojorãre beserũarãma. ⁵⁰ Rojorãre ĩnare juacõari, jeame yatibetimeju reacõarũarãma. Toju ñacõari, bũto rojose tãmũorã ñari, guji põguẽ, oti, yirũarãma ĩna –yũare yicami Jesús.

“Jesúre ajitirũnũrã ñarãma Dios ocare tirũmũayere, mamere quẽne quẽnaro riojo gotimasiarã”, yire queti

⁵¹ Tire yũare gotigajanocõari, ado bajiro yũare sẽnĩĩacami Jesús:

–¿Tire mũare yũ gotimasiose queti jedirore ajimasiasiati mũa? –yũare yisẽnĩĩacami.

–Ajimasiaja –ĩre yicũdicaju yũa.

⁵² To bajiro yũa yijare, ado bajiro yũare goticami:

–To bajiri Dios oca masa ĩna ucamasire quẽnaro riojo gotimasiomasicõarãja mũa. To yicõari, mũare yũ gotimasiosere ajimasirã ñari, tire quẽne quẽnaro riojo gotimasiomasirãja. To bajiro mũa bajijama, vi mũju gajeyeũni tirũmũju ñarere quẽne, mame ĩ juarere quẽne quẽnocũr'ire bajiro bajirãja mũa. ĩ ya viana ĩna cũobetijama, ĩnare ĩsigũmi. ĩ yirore bajirone mũa yarãre quẽne ĩna ajimasiroti ti rũyajama, tirũmũayere, to yicõari, yucũ yũ gotisere quẽne quẽnaro riojo ĩnare gotimasiomãrãja –yũare yicami Jesús.

Nazaret vãme cũti macaju Jesús ĩ vare queti

(Mr 6.1-6; Lc 4.16-30)

⁵³ To bajiro yũare gotimasio gajano, yũare ũmato vacoacami Jesús. ⁵⁴ To bajivana, ĩ ya macaju ejacaju yũa. Toju Dios ocare ĩna buerivijũre sãjaejacõari, masare gotimasio ñacami. Quẽnaro ĩ gotimasiosere ajicõari, no yimasibeticama ĩna:

–¿No bajicõari, to bajise gotimasiomasiati ĩ? ¿No bajiro yicõari, ĩãñañamanire yati? ⁵⁵ ¿Adi macagu yucũ moarimasu macũ me ñatique ĩma? ¿Mar'ia macũ me ñatique? ¿Santiago, José, Simón, Judas mesa gagũ me ñatique ĩ? ⁵⁶ To yicõari, jediro mani vatoaju ñarã, ¿ĩ bederã rõmiri me ñatique ĩna? To bajiri, ¿noju bueyujari ãni? –Jesúre ĩre yicama ĩna, ĩ ya macana.

⁵⁷ To bajiri, “Ñamasugũ me ñaami. Mani ya macagu mani masigũ ñaami” yirã ñari, ĩre ajitirũnũbeticama ĩna. To ĩna yirone, ado bajiro ĩnare goticami Jesús:

–Diore gotirẽtobosarimasũ gajeroju Dios ocare ĩ gotimasiodijama, ĩre ajirũcũbũorãma. To bajiboarine, ĩ ya macanare, ĩ ya vianare quẽne Dios ocare ĩ gotimasiojama, ĩre ajirũcũbũomenama –ĩnare yicami Jesús.

58 To bajiri ĩ ya macana, ĩre ĩna ajitirũnubetijare, ĩaĩaĩnãmanire jairo yĩĩomasibeticami.

14

Juan vãme cõtiguẽ, masare oco rãca bautizarimasũre ĩ rũjoare ĩna jatarocare queti

(Mr 6.14-29; Lc 9.7-9)

1 Cojorũmũ Galilea sitana mũjũ, Herodes vãme cõtiguẽ, ĩaĩaĩnamani Jesús ĩ yĩĩose quetire ajiyuju. 2 To ĩ yĩĩasere ajicõari, ĩre moabosarimasare ado bajiro yiyuju:

—Juan vãme cõtiguẽ, masare oco rãca bautizarimasũne, ñagũmi quẽna. Rijacoaboarine, tudicaticoarimi. To bajiri ĩaĩaĩnamani yĩĩoñagũmi ĩ —yĩtũoĩaboayuju Herodes.

3-4 Juan ĩ sĩaecoroto rĩjoro ado bajiro bajire ti ñajare, to bajiro tũoĩañuju Herodes: ĩ bedi Felipe manajore Herod'ias vãme cõtiguẽ eĩmacõari, manajo cõtiyuju Herodes.

To bajiro ĩ yire ñajare, ado bajiro ĩre gotirũgũñuju Juan:

—Herod'iare mũ manajo cõtise quẽnabeaja. Dios ĩ rotimasirere ajibeaja mũ —ĩre yirũgũboayuju Juan.

Tire ajirũabesuju ĩ manajo Herod'ias. To bajiri Juanre cõmemane siacõari, tubiberotiyuju Herodes. 5 To yicõari, ĩre sĩaerotirũaboayuju. “Diore gotirẽtobosarimasũ ñaami Juan” masa ĩna yirũcũbũosere ajigu ñari, bũto gũiyuju. To bajiri ĩre sĩaerotimasibesuju.

6 Herodes ĩ ruyuarĩarũmũ ejayuju. To bajiri, masare jirẽoñuju ĩ, “Boserũmũ yito” yigu. To yicõari, ĩna rẽjaro bero, Herod'ias maco, ĩna ĩaro rĩjorojũare basaĩoñuju. So basasere ĩacõari, bũto variquẽnañuju Herodes. 7 To bajiri,

—Riojo mũre gotiaja yũ. Tũoĩavasoabetirũcũja. No bojase mũ sẽnijama, mũre ĩsirũcũja —sore yiyuju ĩ Herodes. 8 To bajiro ĩ yisere ajicõari, so jacojũa, “Ado bajiro ĩre yicũdiya” so yĩ ocasãjare, ado bajiro Herodere cũdiyuju so:

—Yũcũacane Juan vãme cõtiguẽ, masare oco rãca bautizarimasũ rũjoare, bare jeobariabaja joejũ jeocõari, yũre ĩsigũ vayã —ĩre yiyuju so.

9 To bajiro so yisere ajicõari, sũtiritiyuju Herodes. To bajiboarine, ĩ jicõariarã ĩna ajiro rĩjorojũa, “Riojo mũre gotiaja yũ. No bojase mũ sẽnijama, mũre ĩsirũcũja” ĩ yicõare ti ñajare, so sẽnĩrore bajirone yiyuju. 10 Tubiberiavijũ ñagũre, “Juanre rũjoa jataya”, ĩnare yiyuju. 11 To bajiri, ĩ rũjoare bare jeobariabaja joejũ jeocõari, Herod'ias macore ĩsiñujarã ĩna. To yicõari, sojũa, jacore ĩsirẽtoñuju so yuja.

12 Ti queti ajicõari, Herodes tũjũ ejayujarã, Juan buerimasa. Ejacõari, ĩ rujari ñaboarere ãmivacõari, yujeyujarã. To ĩna yiro bero, yũa tũ ejacama ĩna, Jesũre gotirã.

Masa, cinco mil ñarãre Jesús i bare ecare queti
(Mr 6.30-44; Lc 9.10-17; Jn 6.1-14)

¹³ Juan oco rãca bautizarimasare ñna sñare quetire ajicõari, jãjarã masa yuare ñna suyajare, ñna rãca ñarũabesũ ñari, cũmuajũ vasãja, yuare ñmato jẽacoacami, masa ñna manibusaroyũ yuare ñmato vacũ. To bajiri ti macariana Jesús i vasere ajicõari, boeju jãjarã variarãma, Jesús i ejarotijure vana. ¹⁴ To bajiri rocatu ejarãne, jãjarã masa ñarãre ñacajũ yua, boeju vacõari ejariarãre. Ñnare ñamaicõari, rijaye cutirãre ñna juaejarãre catiocami Jesús. ¹⁵ Rãioroto rñjoro, i tu ejacõari, ado bajiro yicajũ yua, i buerã:

—Jẽre rãioato yaja. Masa manoyũ ñaja. To bajiri ñnare varotiya tu, “Masa cutoyũ bare vaja yibarã vajaro” yirã —ĩre yiboacajũ yua.

¹⁶ To yua yisere ajicõari, ado bajirojũna yuare yicami Jesús:

—No yirã vamenama. Muane ñnare bare ecaya —yuare yicami Jesús.

¹⁷ To i yijare, ado bajiro ĩre yicũdicajũ yua:

—Bare maja yuare quẽne. Cojomo cõro pan, juarã vai cõoaja yua —ĩre yicajũ yua.

¹⁸ To bajiro yua yisere ajicõari, ado bajiro yicami:

—Adojũna tire juaya maji —yuare yicami.

¹⁹ To bajiri,

—Masare tatũcurojũ ñnare rujirotiya —ĩ buerãre yuare yicami Jesús.

To yicõari, cojomo cõro ñaricari pan, juarã vai ñarãre juacõari, õ vesaũna ñamõocami. To yicõari, “Quẽnaro yaja tu”, Diore ĩre yicami. To yicõari, tire iguesurebatecõari, i buerãre yuare ĩsicami. To bajiri yuaũna, rujirãre ĩsibatocajũ yua yuja. ²⁰ Sĩgũ ruariaro mano quẽnaro baũsucũtijedicõacama ñna. Ñna baga-janoro bero, ñna barũasere, yua juarẽojama, juãũmo cõro, gũbo juã jẽnituario ñarajibũri ruayacajũ. ²¹ Tire bacana cinco mil ñmũna ñacajũ yua. Rõmiare, rĩamasare quẽne cõĩabeticajũ yua.

Oco joene Jesús i vare queti
(Mr 6.45-52; Jn 6.16-21)

²² Cũmuajũ yuare vasãjaroticami Jesús. “Yuare jẽadiyuya. Maji masare tudirotigũ yaja yu”, yicami. ²³ Ñnare tudirotigajano, burojũ majacoasuju, toju Diore sẽnirũ. Ti rãioato bero, toju i sĩgũne ñacõañuju i maji. ²⁴ Yuajũama, utabũcũra jẽana, sõju tira gũdareco tũsacajũ yua. To yua tũsatone, bũto mino vacajũ. To bajica yiro, sabetũocõacajũ ti. To bajiri jẽatĩmabeticajũ. ²⁵ To yua bajĩnarone, busurocaroarijau yua tujũ oco joene vadicali Jesús. ²⁶ Oco joeju i vadire ĩarãne, uacacajũ yua.

—¡Bajirocar'i vãti ñaami! —yivãvasãcãjũ yua.

²⁷ To yua yiboajaquẽne,

—Güibesa. Variquēñaña mña. Yñe ñaja —yñare yicami Jesús.

²⁸ To ĩ yisere ajicōari, yña rācagu Pedro ado bajiro ĩre yicadicami:

—Yñ ujñ, mñe mñ ñajama, oco joene mñ tujñ yñare varotiya —ĩre yicami Pedro.

²⁹ To ĩ yisere ajicōari,

—Vayá mñ —ĩre yicami Jesús.

To ĩ yisere ajicōari, vāgā, oco joejñ vacami Pedro, Jesús tñ ejaguacu. ³⁰ To bajiboarine, mino bato ti vasere ĩacōari, güicami. To bajicōari, rujacōa sñoacami yuja. To bajigñe,

—Yñ ujñ, rujacu yaja yñ. Yñare ejarēmogñaya —yivasācami.

³¹ To ĩ yirone, ĩ āmore ñiacōari, ado bajiro ĩre yicami Jesús, Pedroro:

—¿No yigñ, “Ī ejarēmose rāca vamasirñcñja yñ”, yñare yitñōĩa tñjacoajari mñ? —Pedroro ĩre yicami Jesús.

³² To yicōari, cñmuajñ ĩna vasājarone, mino vatñjacoacajñ yuja. ³³ To yicōari, cñmuajñ Jesús rñjorojñ gñsomuniari tuetucajñ yña, ĩre rñcñbñorā:

—Socagu me ñaja mñ. Dios macñe ñaja —Jesúre ĩre yicajñ yña.

Genesaret sitanare rijaye cñtirāre Jesús ĩ catiore queti
(Mr 6.53-56)

³⁴ To baji jēanane, Genesaret vāme cñti sitajñ ejacajñ yña.

³⁵ Ti macariana Jesús ĩ ejasere ĩamasicōari, masa jedirore gotibatoriarāma. To bajiri, masa rijaye cñtirāre juaejacama Jesús tujñ. ³⁶ To ĩna yirā, ado bajiro Jesúre yicama ĩna:

—Mñ ye sudi gaja yñare moāñarotiya. Ti rñne bojaja yña. To bajiro yña yijama, caticoarñarāja yña —ĩre yisēnicama.

To bajiri, ĩ sudi gajare moāñarāma, caticoacama.

15

“Masa ĩna yisere ĩacōari, ‘Rojorā ñaama’ yire me ñaja. ĩna tñōñasejñare masicōari, ‘To bajiro yirā ñaama’ yire ñaroja”, Jesús ĩ yigotimasiore queti

(Mr 7.1-23)

¹ Fariseo masa, to yicōari Dios ĩ rotimasire gotimasiorimasa quēne ejacama, Jesús tujñ. Jerusalénjñ vadiriarā ñacama. Jesús tñ ejacōari, ado bajiro ĩre sēñiacama ĩna:

² —¿No yirā mani ñicña ĩna yimasiriarore bajiro yibeati mñ buerimasa? ĩna baroto rñjoro, ĩna āmori coemasiriarore bajiro coebeamā ĩna —ĩre yicama ĩna.

³ To bajiro ĩna yijare, ado bajiro ĩnare cñdicami Jesús:

—Mani ñicña ĩna rotimasirejñare cñdirā ñari, Dios ĩ rotimasusejñarema cñdibeaja mña. ⁴ Ado bajiro gotiaja Dios ĩ rotimasire: “Mñ jacñre, mñ jacore quēñaro rñcñbñoya”. To

yicōari, gaje vāme ado bajiro yaja: “No bojagu, ī jacure, ī jacore, ‘Rojose tām̄uōuṣarāja m̄ua’ ĩnare ī yijama, ĩre śiaroti űaja”, yigotiaja Dios ī rotimasire. ⁵⁻⁶ M̄uajama, ado bajirojua rotiaja m̄ua: “Ī ye rāca ī jacure ī ejarēmobetijama, quēnacōaja. ‘Ȳu gajeyeūni ȳu c̄uose Diore ȳu ĩsiroti rīne űaja. To bajiri m̄uare ejarēmomasibeaja ȳu’ yicōari, ī jacure ī ejarēmobetijama, quēnacōaja”, yirotiaja m̄ua. To bajiro m̄ua yijama, mani űicua ĩna rotimasirej̄uare c̄udirā űari, Dios ī rotisej̄uarema c̄udibeaja m̄ua. To bajiro m̄ua yijama, “Ñie vaja maja Dios oca”, yirā yaja m̄ua. ⁷ “Quēnaro yirā űaja ȳua” yiboarine, rojorā űaja m̄ua. Diore gotirētobosarimas̄u, Isa’ias űamasir’i, m̄ua bajirotire quēnaro t̄uōīacōari, ado bajiro ucamasiñumi:

⁸ “Īna oca masune yirā, quēnaro ȳure yir̄uc̄uōama ĩna. To bajiro yirā űaboarine, ȳu bojarore bajiro t̄uōīabeama.

⁹ Ȳu yere buecōari, ĩna masu ĩna t̄uōīasere gotimasioama. Tirene, ‘Dios ī rotise űaja’ yiboama. To bajiri, ȳure ĩna r̄uc̄uōoboase vaja, űie vaja bujamenama ĩna”, yucamasiñumi Isa’ias, Diore gotirētobosagu –yigoticami Jesús.

¹⁰ To ĩ yiro bero, masare jicōari, ado bajiro ĩnare yicami Jesús: –Ȳure ajicōari, quēnaro ajimasiña m̄ua. ¹¹ Dios ī ĩajama, mani űicua ĩna yimasiriarore bajiro āmo coemenane mani base s̄uori me rojose yirāja mani. Rojose t̄uōīacōari, rojose mani űagōsej̄ua űaja rojose mani yise. “Ti s̄uorine rojose tām̄uōuṣarāja mani”, yimasirona űaja m̄ua –ĩnare yicami Jesús.

¹² To bajiro Jesús ī yisere ajicōari, ado bajiro ĩre yicaju ȳua: –¿Tire m̄u gotisere fariseo masa m̄ure ĩna ajijūnisinistere masibeati m̄u? –ĩre yicaju ȳua, ĩ buerimasa.

¹³ To bajiro ȳua yiro, ado bajiro ȳuare yicami Jesús: –Ī ya vesej̄u ote ī otere t̄u vidi ti judijama, ti űe rācaj̄une v̄uereacōar̄uc̄ami. To bajirone yir̄uc̄ami ȳu jac̄u quēne. “Ȳu yarā me űaama” yiḡu űari, ĩnare reacōar̄uc̄ami Dios. ¹⁴ To bajiri fariseo masare t̄uōīagūibesa m̄ua. ĩna űarāma ĩamena gājerā ĩamenare t̄ua vanare bajiro bajirā. Sīḡu ĩabecu, gāji ĩabecure ī t̄uavajama, gojeju reasācōanama ĩna j̄uarāj̄une. To bajiri rojose ĩna bajirotire masirā űari, ĩnare t̄uōīagūibesa m̄ua –ȳuare yicami Jesús.

¹⁵ To ĩ yirone, ado bajiro ĩre yicami Pedro: –M̄u gotimasiosere quēnaro ȳuare gotirētobuya –ĩre yicami.

¹⁶ To ĩ yisere ajicōari, –¿Ajimasibeati m̄ua quēne? –yicami. ¹⁷⁻¹⁸ –M̄ua basāse m̄ua ḡudajoaju vatoja ti. Tij̄u bero, r̄etobudiroja ti. To bajiri m̄uare rojose yimasibeaja ti. To bajiboajaquēne, m̄ua űagōjama, t̄uōīacōari, űagōaja m̄ua. To bajiri rojose m̄ua

tuoĭajama, ti suorine rojose tãmuoruarãja muã. ¿Tire quẽnaro ajimasibeatiq̃ue muã? ¹⁹ Masa, rojose tuoĭacõari, ado bajise rojose yirãma: Gãjerãre sĭarãma ĩna. Manajo cutirã, manaju cutirã, manajo mana, manaju mana quẽne, gãjerã rãca ajeriarã cutirãma. Juarudirãma. Socarãma ĩna. Gãjerã ajiro rĭjorojuã, socarãne, “Ado bajise rojose yima”, yigotirãma. ²⁰ To bajise rojose yirãma masa, rojose tuoĭacõari. Ti suorine rojose tãmuoruarãma. Baroto rĭjoro, ãmori mani ñicua ĩna coemasiriarore bajiro coebeti suori me, rojose tãmuoruarãma masa – yuare yicami Jesús.

Jud'io maso me Jesúre so ajitirãnuare queti

(Mr 7.24-30)

²¹ Gotigajanocõari, yuare ũmato vacoacami Jesús, Tiro, to yicõari Sidón vãme cuti macari tujũ vana. ²² Toju yua ejaro bero, sĭgõ cananeo maso, Jesús tujũare avasã vadicamo so:

–Yũ ujũ, David ñamasir'i jãnami, “Rotimũorũgõrucũja mu” yigũ, Dios ĩ cõar'i ñaja mu. Yuare ĩamaĩña. Yũ maco so usũju vãti sãñagõ ñaamo. To bajiri bũto rojose tãmuoamo –Jesúre yigoticamo so.

²³ To bajiro so yiboajaquẽne, sore cudibeticami Jesús. To bajiri ado bajiro Jesúre yicaju yua, ĩ buerimasajuama:

–Sore varotiya mu. Gõjanabioro manire avasã suyaamo –ĭre yiboacaju yua.

²⁴ To bajiro yua yirone, ado bajiro sore yicami Jesús:

–Yũ yarã jud'io masa, oveja mavisiarãre bajiro bajirãma. ĩnare yuare ejarẽmoroticõacami Dios –sore yicami Jesús.

²⁵ To bajiro ĩ yisere ajicõari, ĩ rĭjorojuã gũsomuniari tuetuejacamo so, ĩre rũcũbuõgo. To yicõari, ado bajise ĩre yicamo:

–Yũ ujũ, yuare ejarẽmoña –ĭre yicamo so.

²⁶ To bajiro so yiboajaquẽne, ado bajiro sore yicami Jesús:

–To bajiro yũ yijama, rĩamasa ĩna basere ĩmacõari, yaiare ecagure bajiro yigujã yũ –sore yicami.^f

²⁷ To bajiro ĩ yisere ajicõari, ado bajiro ĩre yicamo so:

–Yũ ujũ, riojo gotiaja mu. To bajiboarine ĩna ujarã ĩna bavẽjasere barãma yaia –Jesúre ĩre yicamo so. “Yua quẽne, jud'io masa me ñaboarine, mojoroaca yuare mu ejarẽmojama, quẽnaja” yigo, to bajise ĩre yicamo so.

²⁸ To bajiro so yisere ajicõari, ado bajiro sore yicami Jesús:

–“Yuare ĩamaicõari, ejarẽmorucumi”, yuare yituoĭa tujabeco masu ñaja mu. To bajiro mu yituoĭase ñajare, mu maco usũju sãñagũre vãtire ĩre burocacõaja yũ –sore yicami Jesús.

To bajiro ĩ yirirĩmarone, quẽnaejacoasuju so, vijũ ñario.

^f 15:26 Ado bajiro yigũ, to bajise sore yiyuju Jesús: “Judío masare ejarẽmobecũne, gãjerãjuare yũ ejarẽmojama, quẽnabeaja” yigũ, to bajise yiyuju.

Jājarā, rijaye cutirāre Jesús ĩ catiore queti

²⁹ To ĩ yiro bero, Galilea vāme cutirita tujū vacajū yua, Jesūrāca. Tojū ejacōari, burojū majacajū. Tojū maja, joe jaejecōari, ejarūjucoacajū. ³⁰ To yua bajiro ĩacōari, Jesús ture jājarā masa ejacama, rijaye cutirāre juajearā. ĩna juajacana ado bajiro bajirā ñacama: Rujasagueri vana, jeariarā, ĩamena, ñagōmena, to yicōari, jājarā gajeye rijaye cutirā ñacama. ĩ tū ĩna ejarone, ĩnare catiocami Jesús. ³¹ Ñagōmena ñaboariarā, ñagōcoacama. Rujasagueri vaboariarā, quēnaro vacama. ĩamena ñaboariarā, ĩacoacama. Jeariarā quēne, quēnaejacoacama. To bajiro bajisere ĩacōari, no yimasibeticama masa, ti ũnire ĩabetirūgūriarā ñari. To bajiri Diore quēnaro rñcñbño variquēnacama ĩna, “ĩ ñagūmi quēnaro yigū, jud'io masa yua rñcñbño” yirā.

*Masa, cuatro mil ñarāre Jesús, bare ĩ ecare queti**(Mr 8.1-10)*

³² ĩ buerāre yuare jicōari, ado bajiro yicami Jesús:

—Ado ñarāre ĩamaiaja yū. Idiarūmū tūsjū yuja, yū rāca ĩna ñaro. To bajicōari, bare maama. Bamenane ĩna ya virijū ĩna tudiasere bojabeaja yū. ĩnare yū tudirotijama, bamenane ĩna vajama, varūtu vanane, ñiorjarā ñari, rijavējaborāma —yuare yicami Jesús.

³³ To bajiro ĩ yirone, ado bajiro ĩre yicajū yua:

—Ado, masa manojū ñaja. No bajiro masa ñaro cōro ĩna barotire bare bñjamasifña manoja —ĩre yicajū yua.

³⁴ To yua yirone,

—¿No cōro jairo pan cñoati mña? —yuare yicami.

—Cojomo cōro jua jēnituario ñaricari ñaja. To yicōari, vai mojoroaca ñaama —ĩre yicajū yua.

³⁵ To yua yirone, rñcacane masare rujiroticami Jesús. ³⁶ To yicōari, pan cojomo cōro jua jēnituario ñaricari ñasere, vaire quēne juacōari, “Quēnaro yaja mñ”, Diore ĩre yivariquēnacami. To yicōari, tire iguesurebatecōari, yuare ĩsicami. To bajiri yuajū, rujirāre ĩnare ĩsibatocajū yua yuja. ³⁷ Sīgū rñyariaro mano bañsñctijedicōacama. ĩna bagajanoro bero, ĩna barñasere yua juarēojama, cojomo cōro jua jēnituario ñarijiburī rñyacajū. ³⁸ Tire bacana cuatro mil ũmña ñacajū yua. Rōmiare, rñamasare quēne cōĩabeticajū yua. ³⁹ To yigajanocōari, masare tudiroticami Jesús. To baji, cñmuane Magadán vāme cuti macajū vacajū yua.

16*“ĩaĩañamani yuare yĩñoña”, Jesúre ĩna yiboare queti**(Mr 8.11-13; Lc 12.54-56)*

¹ Fariseo masa, saduceo masa quēne, Jesúre ĩarã eja-cama ĩna. Ejacōari, ĩre sēniĩacama, “Cũdimasibeticōari, rojose tãmuoato ĩ” yirã:

– “Dios ĩ cōagũ ñaami’ yũre yimasiato” yigũ, õ vecaye ĩaĩañamani yũare yĩoña –yisēniboacama.

² To ĩna yiboajaquēne, ado bajiro ĩnare cãdicami Jesús:

– Rãiorijũ, ãmũagasero ti sũaro ĩacōari, “Busiyũ, quēnarirũmu ñarũaroja”, yaja mũa. ³ Busurijũ ñibiacōari, bueri ti sũayujijama, “Adirũmu, oco quedirũaroja”, yĩamasiasja mũa. No bojarirũmu, ãmũagaserore ĩacōari, “Quēnarirũmu, rojorirũmu ñarũaroja”, yĩamasiasja. To bajiro yĩamasirã ñaboarine, ñamasusejũare ĩamasibeaja mũa. Adirũmũri yũ yisere ĩarã ñaboarine, “Dios ĩ roticōar’i ñari, yami”, yĩamasibeaja mũa. ⁴ Mũa adirodoria, rojose yirã, Diore mũa gotirote bajiro yimena ñaja mũa. To bajirã ñari, “ĩaĩañamani mũ yĩose bojaja”, yũre yisēniboaja mũa. To bajiro mũa yiboajaquēne, to bajise mũare yĩobetirũcũja. To bajiboarine Jonás ñamasir’i Diore gotirētobosarimasũ ĩ bajimasirere bajiro mũare bajĩoroti ñaroja –ĩnare yicãdicami Jesús.

To bajiro ĩnare yicōa, ĩnare jēaveocoacajũ yũa.

Fariseo masa panre vauvasere bajiro ĩna bajire queti
(Mr 8.14-21)

⁵ Ũtabũcũra gajejacatũajũ jēaejacōari,

– Mani baroti pan masiriticoayuja mani –yũa masune gãmerã yĩñacajũ yũa.

⁶ To yũa yiro, ado bajiro yũare goticami Jesús:

– Fariseo masa, saduceo masa “Pan vauvato” yirã ĩna vũosere quēnaro ajicōĩañã mũa –yũare yicami.

⁷ To ĩ yisere ajimasimena ñari, yũa masune ado bajiro gãmerã yĩcãjũ yũa:

– Pan mani masiritijare, to bajise gotigũ yigũmi –gãmerã yĩcãjũ yũa.

⁸ To bajiro yũa yitũoĩasere masicōari, ado bajiro yũare yicami Jesús:

– ¿No yirã, “Pan maja manire”, yati mũa? “Pan ti mani-boajaquēne, manire ĩamaicōari, quēnaro ejarēmorũcũmi Jesús”, ¿yũre yitũoĩabeati mũa? ⁹ ¿No yirã ajimasibeati mũa maji? Cojomo cõro ñaricarire panre bũjũocōari, cinco mil masa ñarãre ecacajũ yũ. ĩnare yũ ecaro bero, jairo barũariajibũri ruyacajũ, ¿Tire masiritiati mũa? ¹⁰ Tijũ bero, quēna cojomo cõro jũa jēnituario ñaricari panre bũjũocōari, cuatro mil masa ñarãre ecacajũ yũ. ĩnare yũ ecaro bero, jairo barũariajibũri ruyacajũ. ¿Tire quēne masiritiati mũa? ¹¹ No yirã ajimasimena masu ñamenaja mũa tia. Jējũ, “Fariseo masa, saduceo masa, ‘Pan

vauvato' yirã, ñna vnosere quẽnaro ajicõiaña" yu yijama, "Pan juabesuma" yigu me yibu yu –yuare yicami Jesús.

12 To ñ yijare, ajimasicaju yua yuja. " 'Fariseo masa, saduceo masa, "Pan vauvato" yirã ñna vnosere quẽnaro ajicõiaña' yuare yigu, 'Ñna gotimasiosejuare quẽnaro ajicõiamasiña, " Ñnare bajiro bajimavisiarobe" yirã' yire ñnire yuare gotimasioğũ yiboayu-jari Jesús", yiajimasicaju yua yuja.

" 'Rotimnorügõrcami' yigu, Dios ñ cõar'i ñaja mu", Jesúsre Pedro ñ yire queti

(Mr 8.27-30; Lc 9.18-21)

13 To yi varũtu vanane, Cesarea de Filipino vãme cuti sitajure ejacaju yua, Jesúrãca. Toju ejacõari, ado bajiro yuare sẽnĩacami Jesús:

–Yuare, Dios ñ roticõacacure, çñimu ñaami yure yati ñna, masa? –yuare yisẽnĩacami Jesús.

14 To bajiro ñ yisere ajicõari, ado bajiro ñre cõdicaju yua:

–Sĩgũri, "Juan vãme cutigu, masare oco rãca bautizarimasu, tudicaticõari bajigumi quẽna", mure yama ñna. Gãjerãma, "El'ias ñamasir'i ñagũmi", yama ñna. Gãjerãjuama, "Jerem'ias ñamasir'i ñagũmi", yama. Gãjerãjuama, "Gãji, Diore gotirẽtobosamasir'i ñagũmi", mure yama ñna –Jesúsre ñre yicõdicaju yua.

15 To bajiro yua yirone,

–Muama, çñimu ñaami yure yati mua? –yuare yisẽnĩacami.

16 To ñ yisere ajicõari, ado bajiro yicami Simón Pedro:

–Mu ñaja rojose yua tãmborotire yuare yirẽtobosacõari, rotimnorügõrocu, Dios ñ cõar'i. Masirẽtogũ, Dios macu ñaja mu –Jesúsre ñre yicõdicami.

17 To ñ yisere ajicõari, ado bajiro ñre yicami Jesús:

–Quẽnaro riojo gotiaja mu, Simón, Jonás macu. Variquẽnaña mu. Tire gotigu, masu ñ masise sũori me tire gotimasiaja mu. Ñ vecagu yu jacu ñ masise rãca tire gotimasiaja mu. 18 Ado bajiro mure gotiaja yu: Mu vãme ñaja Pedro. "Gãta" yigũaro yaja ti "pedro" ti yijama. Mu gotimasiose sũorine jãjarã masa, yure ajitirũncõari, rẽjarũgũnarãma ñna. Yuare ajitirũnrã ñna ñajare, vãti yarã, "Bajireacõa tãjajaro ñna" yirã, rojose ñnare yimasibetirũnarãma ñna. 19 To bajiri, ado bajiro mure gotiaja yu: Ñmagasero soje jãnariaro cõogure bajiro mure cũrcũja yu. To bajiri, masare ñacõari, ado bajiro ñnare yimasirũcũja mu: "Ñnoa to bajiro yirã ñari, Ñju Dios yarã quẽnaro ñ yirã ñnarãma. Ñnoajua, to bajiro yirã ñari, Dios yarã me ñaama", ñnare yimasirũcũja mu. Adi sitaju yure rotibosagu ñarũcũja mu. To bajiro yigu ñari, "Ado bajiro mua yijama, Dios yarã

ñaruarāja ma. Ado bajirojma ma yijama, Dios yarā me ñaruarāja ma”, yimasirucuja ma –ĩre yicami Jesús.

²⁰ To bajiro Pedrore ĩre yigotigajanocōari, ado bajiro yuare yicami:

–Ĩne ñaami “‘Rotimorūgōrucami’ yigu, Dios ĩ cōar’i”, gājerāre ĩnare yigotibeja –yuare yicami Jesús.

“Yuare sīaruarāma”, Jesús ĩyire queti

(Mr 8.31-9.1; Lc 9.22-27)

²¹ To ĩ yiro bero, Jerusalénju ĩ bajirotire ado bajiro yuare gotimasiosuocami Jesús:

–Jerusalénju varoti ñaja yuare. Toju yu ejaro, bucuā, paia ujarā, to yicōari, Dios ĩ rotimasire gotimasiorimasa quēne, rojose yuare yicōari, yuare sīaruarāma ĩna. Yuare ĩna sīaboajaquēne, idiarūma tusatirūmune yuare catiorucami Dios –yuare yisucami Jesús. ²² To ĩ yisere ajicōari, ricati ĩre jicāmotocōari, ĩre yiboacami Pedro:

–Yu uju, to bajiro ma bajirotire bojabecami Dios. ¡To bajiro ma bajiroti, mre bajibeticōato! –ĩre yiboacami Pedro.

²³ To ĩ yisere ajicōari, judarūgūgūne, ado bajiro Pedrore ĩre goticami Jesús:

–¡Satanás, vasa ma! Vātia ujure ñagōbosagu yaja ma. To bajiro yibesa. “Dios ĩ bojarore bajiro yibeticōato” yigure bajiro yaja ma. To bajiro ma yijama, Dios ĩ tuoīarore bajiro me tuoīaja ma. Masa ĩna tuoīarore bajiro tuoīagū yaja –Pedrore ĩre yicami Jesús.

²⁴ To yicōari, ado bajiro ĩ buerāre yuare yicami Jesús:

–No bojagu yu yu ĩ ñaruajama, ĩ bojasere ĩ ye ñarotire tuoīabecane, “Jesúre bajiro rojose tāmucucuja yu quēne” yituoīacōari, yujuare ajisuyarucami. ²⁵ No bojarā, ĩna bojaro ñare cutirāma, adi macarucurore ñasere ĩavariquēnacōari, Diore tuoīamenama, Dios ĩ catisere yayibetire cuomena ñaruarāma ĩna. To bajiboarine, yuare ajitirūnarā, yu oca ĩna gotisere ajijūnisinicōari, ĩna sīarāma, Dios tu quēnaro ñarona ñarāma.

²⁶ Sīgū adi macarucuroju gajeyeūni jediro ĩ bujaboajaquēne, berojma rojose tāmucujabetiraroju ĩ vajama, gajeyeūni ĩ bujaboare, ñie vaja manoja. Ñiere Diore ĩsimasibecami, “Ĩ rijato berojama tudirijabeticōato” yigu, “Dios ĩ catisere yuare ĩsiato” yigu. Mani rijato berojama “Tudirijabeticōato” yigu, Dios ĩ catisere ĩ ĩsise cōro vaja cuti manoja. ²⁷ Yu, Dios ĩ roticōacacu ñacōari, “Quēnarētogū ñaja yu”, yu jacu ĩ yīorore bajiro yigu ñari, ĩ bususe rāca tudiejarucuja yu. Yu rāca vadiruarāma Dios ĩ cōarā, ángel mesa. Tudiejacōari, masa ĩna yisere ĩacōari, “To bajiro yirā ñari, quēnase bujarā, rojose tāmucorā bajiruarāja ma”, ĩnare yirucuja yu. ²⁸ Riojo mreare gotiaja yu. Ma sīgūri

mua bajireabetone, “Ñajediro uju ñaami yu roticōacacu” Dios muare i yīosere ĩaruarāja mua —yuare yicami Jesús. 8

17

Ī buerimasa ĩna ĩaro rĭjorojua Jesús ĩ godovediōre queti
(Mr 9.2-13; Lc 9.28-36)

¹ Cojomo cōro, coja jēnitarirūmu bero, Pedro, Santiago, ĩ bedi Juanre quēne umuariburo joeju ĩnare ūmato vacami Jesús. ² Toju ĩna ejaro, ĩna ĩaro rĭjorojua, Jesús rioga busu-coasuju ti. Umuaḡu muijure ĩacānamuriarore bajiro cajemose busuyuju ti. To yicōari, sudi ĩ sãñase quēne buto boticoasuju ti. ³ To bajicōari, Moisés ñamasir'i, El'ias ñamasir'i rāca Jesús tu ruyuarḡgūcōari, ĩ rāca ĩna ḡāmerā ñagōsere ĩañujarā ĩna, Pedro mesa. ⁴ To bajiro ĩna bajisere ĩacōari, ado bajiro Jesúre yiyuju Pedro:

—Yu uju, adojmu mani ñajama, quēnamasucōaja. Mu bojajama, mua ñaro cōrone vijāiri muare buabosarucuja yu. Mu yajāi, El'ias yajāi, to yicōari, Moisés yajāi buabosarucuja —Jesúre yi boayuju Pedro.

⁵ To bajiro ĩ yirirīmarone, bueri buto cajemose ĩnare bue-bibecōañuju ti. Ti bueri vatoajmu ado bajiro ocaruyuyuju:

—Ānine ñaami yu macu, yu maigū. ĩre buto ĩavariquēnaja yu. ĩre quēnaro ajitirūñaña mua —yi ocaruyuyuju.

⁶ To bajiro yi ocaruyusere ajicōari, buto güiyujarā ĩna Pedro mesa. Buto güirā ñari, muqueacoasujarā ĩna. ⁷ To bajiro ĩna bajisere ĩacōari, ĩna tu vacōari, ĩnare moañañuju Jesús. ĩnare moañḡne, ado bajiro yiyuju:

—Vumḡḡḡñā. Güibesa mua —ĩnare yiyuju.

⁸ To bajiro ĩ yiro bero, ĩamuoboayujarā. El'iare, Moisére ĩnare ĩabujabesujarā. Jesús sḡḡne ñañuju ĩ yuja.

⁹ To bajiro bajicōari bero, ti buro ĩnare ūmato rojacune, ado bajiro ĩnare rotiyuju Jesús:

—Jēju mua ĩasere ḡājerāre gotibeja maji, yu, Dios ĩ roticōacacu, yu rijato bero, quēna yu tudicatirototo rĭjorore —ĩnare yiyuju Jesús.

¹⁰ To ĩ yijare, ado bajiro Jesúre sēniñañujarā ĩna:

—¿No yirā, “ ‘Rotimorḡḡorucami’ yigmu, Dios ĩ cōarocu ĩ ejaroto rĭjoro ejarucami El'ias ñamasir'i”, yati ĩna Dios ĩ rotimasire gotimasiorimasa? —ĩre yisēniñañujarā ĩna.

¹¹ To ĩna yijare, ado bajiro ĩnare cadiyuju Jesús:

8 16:28 Dios oca masa ĩna ucamasirere buerēto burimasa sḡḡri ado bajiro yicama ĩna, 16.28 gotirijure: “ ‘Ñajediro uju ñaami yu roticōacacu’ Dios muare i yīorotire’ Jesús ĩ yijama, ĩ buerimasa sḡḡri ĩna ĩaro rĭjorojua Jesús ĩ godovediōrere yigmu yirimī”, yicama Dios ocare buerēto burimasa sḡḡri.

—Riojo yiyuma Dios ï rotimasire gotimasiorimasa, “El'ias ñamasir'i ejasuoꝛucami” ña yijama. “Rotimuoꝛugõꝛucami” yigu, Dios ï cõarocũ, ï ejaroti ñajare, “Jediro Dios ï bojarore bajiro yirã, quẽnaro ñayuto mani” yigu, ejasuoꝛucami. To bajiro ï bajiroti ñajare, Dios ï rotimasire gotimasiorã, ña gotiri vãmere bajirone yaja Dios oca masa ña ucamasire quẽne. 12 “To bajiro yaja” yimasirã ñaboarine, ï ejaro ïre ñamasibesuma ña. Jẽre ejayumi. To ï bajiboajaquẽne, ña bojarore bajiro rojose ïre yiyuma. Yũ, Dios ï roticõacacũre quẽne, to bajirone yure yiruãrãma —ñare yitudiroja vayuju Jesús.

13 To bajiro ï yisere ajimasicõari, “El'ias ñamasir'ire ï yijama, Juan vãmẽ cutigu, masare oco rãca bautizarimasuãre gotigu yami, ïre bajiro tãõiar'i ï ñajare”, yiajimasuãrã ña Pedro mesa.

Masũ usũju sãñagũre vãtire Jesús ï burocare queti
(Mr 9.14-29; Lc 9.37-43)

14 Ti buroju majariarã, yũ tũ rojaejacama ña quẽna. Jãjarã masa ñacama yũ rãca. Jesús ï tudiejasere ñacõari, ï rĩjorojuã gũsomuniari tuetucami sũgũ. To yicõari, ado bajiro Jesũre yicami:

15 —Yũ uju, yũ macũre ñamaiña mũ. Biyarõaca rijaquedirũgũami. To bajica yigu, bũto rojose tãmuõũgũami. Cojõji me jeameju rocatĩacõarũgũami. To bajicõari, oco vatoaju quẽne rocarõacõarũgũami. 16 Mũ buerã tũ ïre ãmiejaboabu yũ. Ì usũjũre sãñagũre vãtire burocamasimema ña —Jesũre yicami.

17 To ï yisere ajicõari, ado bajiro yicami, yũare ï buerimasare, to yicõari, ïre ajirã ejarãre quẽne:

—Rojosere tãõiarã ñari, Diore ajitirũnũmena masu ñacõaja mũa. ¿No cõõõju mũare gotimasio tãjagũti yũ? Yoaro mũa rãca yũ ñaboajaquẽne, yũ masisere mũare yũ ujosere ajitirũnũbeaja mũa maji —yũare yicami Jesús. To yigũne, —Adõjuã vãti sãñagũre ïre ãmiaya —yicami Jesús.

18 Ìre ña ãmiejarone, ï usũju sãñagũre vãtire burocasõacami Jesús. Vãti ï budirirĩmarone, catiquẽnagũ ñacoacami daqueguã.

19 To ï yiro bero, ricati cãmotadicõari, Jesũre ado bajiro ïre sãnĩacaju yũ:

—¿No yirã daquegu usũjũre sãñagũre vãtire burocamasibeti yũ? —Ìre yicaju yũ.

20 To bajiro yũ yisere ajicõari, ado bajiro cãdicami Jesús:

—“Dios ï ejarẽmose rãca burocarũarãja” yitũõiamena ñari, vãtire burocamasibesuja mũa. Riojo mũare gotiaja yũ: “Mojoõõaca yimasirã ñaboarine, Dios ï ejarẽmose rãca yimasicõarãja” yirã, i burore, “Gajeroju vasa” mũa yirotijama, to bajirone bajiruõõõõja ti. Ñiejuã mũa yimasibeti maniruõõõõja.

21 To bajiboarine, jējū yū burocagure bajiro bajirāre mūa burearūajama, bare bamenane Diore sēnicōari rīne burea-masirūarāja mūa –yūare yicami Jesús.

*“Yūre sīarūarāma”, Jesús īyigotibabore queti
(Mr 9.30-32; Lc 9.43-45)*

22 Galilea sitajū vana, gāmerā cāmotadiri mene cojojūnane Jesúrāca vacudicajū yūa. To bajiro yūare ūmato bajicudigūne, ado bajiro yūare yicami Jesús:

–Yūre Dios ī roticōacacūre masare īsirocacūcūmi sīgū. 23 To bajiro ī yijare, yūre sīarūarāma īna. Yūre īna sīaboaajuēne, idiarāmū tūsatirāmūne yūre catorūcūmi Dios –yūare yicami Jesús.

To bajiro ī yisere ajicōari, būto sūtiriticajū yūa, ī buerā.

Diore yirūcūbūoriavire boarijaurire quēnorūarā, vaja sēnirimasa, Pedrore īna sēniāre queti

24 To ī yiro bero, Capernaum vāme cūti maca ejacajū yūa, Jesúrāca. Tojū yūa űaro, Diore yirūcūbūoriavire boarijaurire quēnorūarā, vaja sēnirimasa, Pedrore sēniāarā ejayujarā, macajūjū:

–¿Mūare gotimasiorimasūma, Diore yirūcūbūoriavi quēnoroti vaja īsibecūti ī? –Pedrore īre yisēniāaűujarā īna.

25 –Īsirūcūmi –yicūdiyujū Pedrojūama.

Tijū bero, vijū sājaejacōari, vaja sēnirimasa īna sēniāarere ī gotibetone, Jesújūa, ado bajiro Pedrore īre boca yicōacami:

–Simón, ¿no bajiro tūoīati mū? ¿Adigodoana űjarā, űimarājūare vaja yirotiati? ¿Īna yarārene gāmerā vaja sēniatique? ¿Gajero vadiriarājūare vaja yirotirūgūatique īna? –Pedrore īre yisēniāacami Jesús.

26 To bajiro ī yisēniāarone, ado bajiro īre cūdicami Pedro:

–Gajero vadiriarājūare vaja yirotirūgūama –yicūdicami Pedro.

To ī yirone, ado bajiro yicami Jesús:

–Riojo yaja mū. To bajiri Dios macū űari, yū ya vi ti űajare, Diore yirūcūbūoriavi coderāre vaja yibecūja yūma.

27 To bajiboarine, “Rojose manire tūoīabeticōato” yirā, mani vaja yijama, quēnaja. Ūtabūcūrajū vasa mū. Tojū vai vejeba. Basūogure īre sīacōari, ī risejū gājoatii būjarūcūja mū. Titiine īnare vaja yiroti űaroja, Diore yirūcūbūoriavi coderāre. Titiire āmicōari, īnare īsima –Pedrore īre yicami Jesús.

18

*“¿űimūjūa űagūti űamasugū űarocū?”, Jesúre īna yisēniāare queti
(Mr 9.33-37; Lc 9.46-48)*

1 Tirāmūne Jesúre īre sēniāacajū yūa ī buerimasa:

—Mure yua rotibosarirodo ti ejaro, ¿ñimujua ñagüti ñamasugü ñarocu? —İre yisēniñacaju yua.

² To yua yirone, sīgü daquegure jicōari, yua rījorojua İre rügōroticami Jesús. ³ To yicōari, ado bajiro yuare yicami:

—Riojo muare gotiaja yu. Daquerā, “Ñamasurā me ñaja yua” İna yituoñarore bajiro muā tuoñabetijama, Uju Dios yarā quēnaro İ yirā me ñaruarāja muā. ⁴ Uju Dios yarā ñamasurā ñaama āni daquegure bajiro tuoñarā, “Ñamasurā me ñaja yua” yirā. ⁵ Āni daquegure bajiro tuoñarā İna ñajare, gājerā tu İna ejaro, quēnaro İnare yirāma, yujuare quēnaro yirāre bajiro yirā yirāma —yuare yicami Jesús.

“Muā suorine gājerā rojose İna yijama, güiose ñaja”, Jesús İ yigotimasiore queti

(Mr 9.42; Lc 17.1-2)

⁶ Quēna ado bajiro yuare goticami Jesús:

—No bojarā, āni daquegure bajiro tuoñarāre, yure ajitirūnarāre rojose İna ūmato yijama, buto rojose tāmucuarāma. Rojose İnare İna ūmato yiroto rījoro, tocārācarene İna āmuarijure gūta jairica siatucōari, riaga ūcuaroju İnare rearoderuucōajama, rojose tāmucobetibusaborāma. ⁷ Rojose yirā suorine buto rojose tāmucuarāma masa. Rojose yirā jājarā ñarāma. To bajiri gājerāre rojose ūmato yiruarāma. To İna yise suori buto rojose masu tāmucōdaruarāma.

“Buto muā maise ti ñaboajaquēne, ti suorine Dios İ bojabeti muā yijama, tire reacōaña”, Jesús İ yire queti

(Mr 9.43-48)

⁸ “Yu āmo suorine rojose yibu yu” muā yituoñamasijama, jatarocaya. “Yu gūbo suorine rojose yibu yu” muā yituoñamasijama, jatarocaya. Muare cojo āmo, cojo gūbo ti manijama, quēnabetoja. To bajiboarine juāāmo rāca, juā gūbo rāca muā bajireajama, jeame yatibetimeju muā vajama, rētobusaro quēnabetiruaroja. ⁹ “Yu cajea suorine İabojacōari, rojose yibu yu” muā yituoñamasijama tiare āmirocacōaña. Coja cajea muare ti manijama, quēnabetoja. To bajiboarine, juajune caje cuticōari, muā bajireajama, jeame yatibetimeju muā vajama, rētobusaro quēnabetiruaroja —yuare yicami Jesús.

“Oveja yayir'ire İnare coderimasu İre macagūmi”, Jesús İ yigotimasiore queti

(Lc 15.3-7)

¹⁰ Quēna ado bajiro yuare goticami Jesús:

—Yure ajitirūnarāre, “Ñamasurā me ñaja yua” yituoñarāre, “Vaja mana ñaama”, İnare yīatebeja. Ō vecaju āngel mesa ñaruarāma İnare İtirūnarā. Yu jacu tujure cojorāmu ruyabeto

ĩnare ñagõbosarũgũrãma. ¹¹ Yayirãre bajiro bajirãre, rojose tãm̃oboronare, ĩnare yirẽtobosagu vadicaꝓ yu, Dios ĩ roticõacasu –yũare yicami Jesús.

¹² To bajiro yicõari, ado bajiro yirũtuacami Jesús:

–Adi quetiaca mũare yu gotimasiosere quẽnaro ajitũoĩaña mũa. Sĩgũ ñagũmi cien oveja cũogu. Cojorãmũ sĩgũ yayicoacumi. To bajiri ĩnare coderimasu, ruyarãre, noventa y nueve ñarãre ta veseju ĩnare cũcõari, yayir'ire macagũ va-coacumi ĩ. ¹³ Gãjerã yayimena noventa y nueve ñarirãcure, “Yayibesuma” yivariquẽnagũ ñaboarine, yayir'ire bujacõari, ĩnare ĩ variquẽnaro rẽtobusaro ĩre variquẽnagũmi. ¹⁴ Mani jascũ õ vecagu to bajirone bajigumi ĩ quẽne. Sĩgũ ruyabeto daquegure bajiro tũoĩagũ, Dios tu ĩ ñabetirotire bojabecumi Dios –yũare yicami Jesús.

“Mũare bajiro yũre ajitirũnugũ ñaboarine, rojose mũare ĩ yijama, ado bajiro ĩre ñagõquẽnoma”, Jesús ĩ yigotimasiore (Lc 17.3)

¹⁵ Quẽna ado bajiro yũare gotimasiocami Jesús:

–Yũre ajitirũnugũ ñaboarine, rojose mũare ĩ yijama, gãjerãre gotimenane, ĩ tu vacõari, ñagõquẽnoma, “‘Riojo yaja mũ. Mũre rojose yibu yu’ yato ĩ” yirã. “Riojo yaja mũ” ĩ yijama, ñagõquẽnoruarãja mũa. To bajiri ĩ rãca quẽnaro baba cutiruarãja mũa quẽna. ¹⁶ “Bajibeaja” ĩ yicudijama, gãjerã juarã, yũre ajitirũnarã, “Rojose yibu mũ” ĩre yimasirãre ĩnare jicõari, ĩ tu vaja mũa. Juarã ĩna manijama, sĩgũ yũre ajitirũnugũre, “Rojose yibu mũ” ĩre yimasigũre jicõari, ĩ tu vaja mũa. ¹⁷ ĩnare quẽne ĩ ajibetijama, yũre ajitirũnucõari mũa rãca rẽjarã jediro ĩna ĩaro rĩjorojuã ĩnare gotiba mũa. ĩna jediro “Rojose yiyuja mũ” ĩre ĩna yisere ĩ ajibetijama, Diore ajibecure, to yicõari, ujure gãjoa sãnibosarimasare ĩnare mũa cãmotadiriarore bajiro ĩre cãmotadiruarãja mũa –yũare yicami Jesús.

¹⁸ Quẽna ado bajiro yũare yicami Jesús:

–Riojo mũare gotiaja yu. Adi macarũcũroju yũre rotibosarã ñaruarãja mũa. To bajiro yirã ñari, “Ado bajiro mũa yijama, Dios yarã ñaruarãja mũa. Ado bajirojuã mũa yijama, Dios yarã me ñaruarãja mũa”, yimasiruarãja –yũare yicami Jesús.

¹⁹ Quẽna ado bajiro yũare yicami Jesús:

–Gajeye ado bajiro mũare gotiaja yu: Sĩgũ ĩ tũoĩarore bajirone mũa tũoĩajedicõajama, mũa bojasere ĩsirucumi yu jascũ õ vecagu. ²⁰ No bojariju juarã, idiarã, yũre ajitirũnarã ñari, Diore ĩna sãnijama, ĩna rãca ñarucuja yu –yũare yicami Jesús.

²¹ To ĩ yiro bero, ado bajiro Jesũre sãnĩacami Pedro:

–Yu uju, sĩgũ mũre ajitirũnugũ ñaboarine, yũre rojose ĩ yijama, ¿nocãrãcaji masu ĩre masirioguti yu? ¿Cojomo cõro gaje

āmo jua jēnituaro ñarirācajine ĩre yu masiriojama, quēnarojari?
—Jesúre ĩre yicami.

22 To ĩ yisere ajicōari, ado bajiro ĩre cūdicami Jesús:

—Tocārācajine rojose mure ĩ yiro cōrone masirioroti ñaja
mure —ĩre yicami Jesús.

*“Manire rojose ĩna yisere mani masiriobetijama, Dios quēne,
ĩbojabeti mani yisere masiriobetirucami”, Jesús ĩyigotimasiore*

23 To yicōari, ado bajiro ĩ buerāre yuare gotimasiocami Jesús:

—Buto rojose mna yiro bero, sutiriticōari, “Yuare masiri-
oya” Diore mna yijama, mure masiriorucami. To bajiro
mure ĩ yise ñajare, “Gājerā rojose mure ĩna yiboajaquēne,
mure masirioroti ñaja” yigu, ado bajise gotimasiore queti
mure gotiaja yu: Hju, ĩre vaja morāre gotiru, ĩre moabosari-
masare jicōagūmi. 24 ĩre vaja morāre “Adocārācu ñaama” ĩ
yigudijune, sīgū jairo ĩre vaja mogūre ĩre āmiejarāma ĩna. 25 ĩre
ĩna āmiejaririmarore, ñie rāca vaja yimasibecami. To bajiro ĩ ba-
jjare, ĩre āmiejarāre ado bajiro ĩnare rotigūmi: “Ānire, ĩ manajo,
ĩ rīare quēne gājerāre yure ĩsibosaya, ‘Gājerāre moabosarimasa
ñato’ yirā. To yicōari, ĩ gajeyeūni jedirore gājerāre ĩsicōari, vaja
sēnima. To yicōari, ti vaja mna bujasere yure ĩsima. To bajiro
mna yijama, yure ĩ vaja mose jedicoaruroja”, ĩnare yigotigūmi
uju. 26 To ĩ yisere ajicōari, ĩ rījorojua gusomuniari tuetuejagūmi
ĩre vaja mogū. To yicōari, rūcubuose rāca ĩre sēnigūmi: “ĪYu uju,
yuya maji! Mure yu vaja mosere vaja yijeocōarucuja maji”, ĩre
yigūmi. 27 To ĩ yisere ajicōari, ĩre ĩamaigū ñari, “Tone bajicōato”,
ĩre yicōa tujacūmi, ĩ uju.

28 To bajiro ĩ uju ĩ yisere ajicōari, budicoacūmi. Budiacune,
ĩ baba mojoroaca ĩre vaja mogūre ĩre ĩabujagūmi ĩ quēne.
ĩre ĩabujacōari, ĩ āmure ñiamatagūmi. To yicōari, ado bajiro
ĩre yigūmi: “ĪYure mna vaja mosere vaja yijeocōañā mna!”, ĩre
yigūmi. 29 To ĩ yiboajaquēne, gusomuniari tuetucōari, ado
bajise ĩre yigūmi: “ĪYuya maji! Mure yu vaja mosere vaja
yijeocōarucuja yu”, yiboagūmi. 30 To ĩ yiboajaquēne, ajibecūmi
ĩ. To bajiri tubiberiaviju ĩre āmiacōari, ĩre cūrotigūmi, “Yuare
mna vaja mosere vaja yijeocōariju, budirucuja mna” yigu. 31 ĩ
babarā, to bajiro ĩ yisere ĩacōari, buto sutiritirāma ĩna. To
bajiri ĩna uju tu vacōari, ĩna ĩariaro cōro gotirāma. 32 To bajiro
ĩna yisere ajicōari, ĩre vaja moboar’i ĩ masirior’ire jirotigūmi
uju. ĩ ejaro ĩacōari, ado bajiro ĩre yigūmi: “Yuare moabosari-
masu rojogu masu ñacōaja mna. Yuare mna vaja mosere, ‘Tone
bajicōato’ mure yiboabu yu, rūcubuose rāca yure mna sēnijare.
33 Mure yu ĩamairore bajirone mna babare ĩamairoti ñaboayuja”,
ĩre yigūmi ĩ uju. 34 To bajiro ĩre yicōari, buto jūnisinigū ñari,

īre tubiberotigumi ī quēne, “Yure mu vaja mosere vaja yijeocōariju, budirucuja mu” yigu –yure yigoticami Jesús.

³⁵ To bajise gotigajanocōari, ado bajise yure gotitucacami Jesús:

–To bajirone yirucami yu jacu ō vecagu quēne, gājerā rojose ĩna yisere mna masiriobetijama –yure yicami Jesús.

19

*“Mna manajoare reabetiroti ĩaja”, Jesús ĩyire queti
(Mr 10.1-12; Lc 16.18)*

¹ To bajiro ĩ gotimasioro bero, Galilea sita ĩariarā vacōari, Judea sitaju ejacaju yu. Jordán vāme cutirisa gajejacatūaju ĩacaju ti sita. ² Toju jājarā masa Jesúre suyacama. Rijaye cutirāre ĩnare catiocami ĩ.

³ Toju yu ĩaro sīgūri fariseo masa ejacama, Jesúre sēniātorā. Ado bajiro ĩre sēniātocama ĩna:

–¿No bojase suorine, manajo rocajama, quēnacōati? –ĩre yisēniātocama ĩna.

⁴ To ĩna yisere ajicōari, ado bajiro ĩnare cudicami Jesús:

–¿Dios oca masa ĩna ucamasire ado bajiro yisere ĩabeticatique mna? “Rēmoju ūmure, rōmiore rujeomasīñuju Dios”, yigotiaja Dios oca. ⁵ To yicōari gajeju ado bajiro gotiaja Dios oca: “Ūmu, rōmio ĩ rujeore ti ĩajare, ūmūna, manajo cutigu, ĩ jacure ĩnare cāmotadicoarucami. Manajo cutijama, juarā ĩaboarine, sīgū rujure bajirone ĩnararāma”, yigotiaja Dios oca. ⁶ “To bajirarāma” Dios ĩyimasire ti ĩajare, mna manajoare reabetiroti ĩaja –ĩnare yicami Jesús, fariseo masare.

⁷ To ĩ yisere ajicōari, ado bajiro tudisēniātocama ĩna:

–Riojo mu gotiboajaquēne, ¿no yigu ricati rotimasīñujari Moisés ĩamasir'i? Ado bajiro rotimasīñumi ĩ: “No bojagu ĩ manajore ĩ rocarūajama, ‘Mare rocagu yaja’ yise papera ucacōari, sore ĩsiroti ĩaja”, yimasīñumi Moisés –Jesúre ĩre yicama.

⁸ To bajiro ĩna yisere ajicōari, ado bajiro cudicami Jesús:

–Diore ajiterā ĩna ĩajare, “Būtobusa rojose ĩna manajoare yiroma” yigu, manajoa reare beobetimasīñuju Moisés ĩamasir'i. Rēmojuma to bajiro me bajimasīñuju. ⁹ Riojo ado bajiro mure gotiaja yu: ĩ manajo gāji rāca so ajeri cutibetiboajaquēne, sore rocacōari, gajeo ĩ manajo cutijama, Diojna ĩ ĩajama, ĩ manajo me ĩagōmo. ĩ ajerio cutigo ĩagōmo –ĩnare yicami Jesús.

¹⁰ To ĩ yisere ajicōari, ĩ buerimasajna ado bajiro ĩre yicaju yu:

–To yijama, manajo magūne ĩnacōaroti ĩañuja –ĩre yicaju yu.

11 To bajiro yua yisere ajicōari, ado bajiro yuare yicami Jesús:

—Jediro me ñarāma, manajo cutibetiboarine, Dios ĩ bojarore bajiro yimasirā. To bajiro yirāma, Dios ĩ ejarēmose rāca yirāma. 12 Sīgūri manajo cutimena ñarāma. Rōmia rāca ĩna yiroti ti manijare, bajirāma. To bajirāne ruyuararā ñari, bajirāma. Gājerāma, “Rīa yimasibeticōato” yirā, ĩna yijeriarā ñari, bajirāma. Gājerāma, manajo bojamenama, “Yū manajo cutibetijama, yū ɱjū, Dios ĩ bojarore bajiro quēnabusaro yimasiracūja yū” yituoīarā ñari, bajirāma. To bajiro bajirua tuoīarāma, to bajirone bajiato —yuare yicami Jesús.

*“Rīamasare Jesús ĩ ñubuejeore queti
(Mr 10.13-16; Lc 18.15-17)*

13 Jesús tūju rīamasacare juaejacama masa, ĩ āmori ñujeocōari, Diore ĩnare sēnibosato ĩ” yirā. ĩna juaejasere ĩacōari, ado bajiro ĩnare yicajū yua, ĩ buerimasa:

—Juvadibesa! Gōjanabioro yaja mūa —ĩnare yicajū yua.

14 To bajiro yua yiboajaquēne, Jesūjūama, ado bajiro yicami:

—Rīamasare ĩnare matabesa. ĩnare bajiro tuoīarā ñarāma Ūju Dios yarā quēnaro ĩ yirā —yuare yicami Jesús.

15 To yicōari, rīamasare ĩ āmori ñujeocōari, Diore ĩnare sēnibosacami Jesús. To yicōari bero, yuare ūmato vacoacami Jesús.

*Gajeyeūni jaigū Jesúre ĩ sēniāre queti
(Mr 10.17-31; Lc 18.18-30)*

16 Gajeyeūni jaigū, Jesúre sēniāgū ejacami:

—Gotimasiorimasū, yū rijato berojū “Tudirijabeticōato” yigū, Dios ĩ catisere yūre ĩ ĩsere yū bojajama, ¿no bajise quēnase yiroti ñati yūre? —Jesúre ĩre yicami.

17 To ĩ yisere ajicōari, ado bajiro ĩre cūdicami Jesús:

—¿No yigū quēnaseayere yūre sēniāti mū? Dios sīgūne ñaami quēnagūma. To bajiri Dios oca masa ĩna ucamasirere ĩaroti ñaja. Mū rijato berojū “Tudirijabeticōato” yigū, Dios ĩ catisere mū būjarūajama, Dios ĩ rotimasirere cūdiroti ñaja —ĩre yicami Jesús.

18 To ĩ yijare,

—¿Disere yati mū, “Dios ĩ rotimasirere cūdiroti ñaja” mū yijama? —Jesúre ĩre yicami.

To ĩ yirone, ado bajiro ĩre yicami Jesús:

—Dios ĩ rotimasire yū yijama, ado bajise rotimasirere yaja yū: “Sīabesa. Gāji manajo rāca ajerio cutibesa. Juarudibesa. Socūne, ‘Rojose yimi’ yigotiyirobesa. 19 Mū jacūre, mū jacore quēne quēnaro ĩnare rūcūbūoya. To yicōari, mū masu rujūre

m̄a mairone bajirone m̄a t̄anare maiña”, yigotiaja Dios ĩ rotimasire –ĭre yicami Jesús.

²⁰ To ĩ yirone, ado bajiro ĭre yicadicami:

–Daquegũjune tire c̄adis̄uoadicajũ yũ. ¿Ñie gajeye r̄ayati quēnaro yũ yiroti? –Jesúre ĭre yicami.

²¹ To ĩ yisere ajic̄õari, ado bajiro ĭre goticami Jesús:

–Cojo v̄ame r̄ayaja, m̄a yiroti, m̄a rijato berojũ “Tudiri-jabetic̄õato” yigũ, Dios ĩ catisere m̄a b̄ujarũajama: Jediro m̄a c̄osere ḡãjerãre ĩsijeoc̄õañã. To yic̄õari, ti vaja b̄ujac̄õari, maioro bajirãre ĩsima. To bajiro m̄a yijama, õ vecajũ Dios ĩ ñarojũ quēnase b̄ujarũc̄uja m̄a. To bajiro yigajanoc̄õari, yure ajis̄uyaya –ĭre yicami Jesús.

²² To bajiro ĩ yisere ajic̄õari, b̄uto s̄utiriti vacoacami ĩ, gajeyeũni jaigũ ñari, tire maigũ.

²³ To bajiro ĩ bajivato ĩac̄õari, ĩ buerimasare ado bajiro yure yicami Jesús:

–Riojo m̄are gotiaja yũ. Gajeyeũni jairãrema, yure ĩna s̄yarũa t̄uõaboajama, b̄uto josarũaroja ĩnare. To bajic̄õari, yirẽto ecobosabetirũarãma. ²⁴ Quēna tire bajise m̄are tudigotiaja yũ: Vaibũcũ, camello v̄ame c̄utigũ, ḡãjojota gojeacare s̄ãjarẽtobudimasibec̄umi. To bajirone bajiaja gajeyeũni jairãre quēne, yure ajitirũnũ s̄yarũaboarãre. To bajiro bajirã ñari, yirẽto ecobosabetirũarãma –yure yicami Jesús.

²⁵ To ĩ yisere ajic̄õari, no yimasibeticajũ yũa, ti ũnire ajibetirũgũriarã ñari. To bajiri ado bajiro ĭre s̄eniĩacajũ yũa:

–Riojo m̄a gotijama, ¿no bajiro bajirãjũa Dios t̄ajure ejarũarãda? –ĭre yicajũ yũa.

²⁶ To yũa yirone, yure ĩac̄õari, ado bajiro yicami Jesújũama:

–ĩna masune ejamasimenama masa, Dios t̄ajure. Diojũama, ñajediro yimasijeoc̄õami. Ñiejũa josase maja, ĩrema. ĩ s̄uorine ĩ t̄ajũ ejamasire ñaja –yure yicami Jesús.

²⁷ To ĩ yisere ajic̄õari, ado bajiro yicami Pedro:

–Jediro yũa gajeyeũnire c̄ũc̄õari, m̄are s̄yucajũ yũa. ¿To bajiro yũa bajicati vaja, ñie b̄ujarãti yũa? –Jesúre ĭre yicami.

²⁸ To ĩ yisere ajic̄õari, ado bajiro yure c̄adicami Jesús:

–Riojo m̄are gotiaja yũ. Cojorãmũ adi macarũc̄uro ti jediro quēna tudiquēnorũc̄umi Dios. To bajiro ĩ yirirãmũ yũ, Dios ĩ rotic̄õacacũ, r̄ũc̄ub̄uoriajũ rujirũc̄uja yũ, rotiguagu. To c̄õrone m̄a quēne yure s̄yarã, juaãmo c̄õro, cojo ḡubo jua j̄enituaro ñaricũmurorire rujirũarãja m̄a. To yic̄õari, mani yarã, jud'io masa, juaãmo c̄õro, cojo ḡubo jua j̄enituarirãcũ ñarã masatubuarire rotirũarãja m̄a. Yure ajitirũnũrãre, to yic̄õari, yure ajitirũnũmenare ĩabesemasirũarãja. ²⁹ No bojarã, yure ajitirũnũrã ñari, ĩna ya vi, ĩna yarã, ĩna jac̄ua, ĩna r̄ĩa, to

yicōari, ĩna ya veserire quēne ĩna maisē ñaro cōro ĩna vaveo-
jama, adigodoju ĩna c̄os̄ore rētoḅusaro quēnase ḅujaruarāma
ĩna, Dios tuj̄u. ³⁰ To bajiboarine adire quēne quēnaro t̄oĩaĩna
m̄ua: Jājarā ado bajiro m̄ua t̄oĩarore bajirone t̄oĩaboarāma:
“Dios ĩ bojase yirā rētoro Dios ĩ bojasere yirā ñari, ñamasurā
ñaja yua. To bajiri, õ vecajure quēne ñamasurā ñari, quēnase
ḅujaruarāja”, yit̄oĩaboarāma. To bajiro yirā ñari, gājerāre
ĩacōari, “Ĩna ya vi, ĩna yarā, ĩna jac̄ua, ĩna r̄ĩa, to yicōari ĩna ya
veserire vaveomena ñari, ñamasurā me ñaama. To bajiri, õ
vecajure quēnase mojoroaca ḅujarona ñaama”, yit̄oĩaboarāma.
To bajiro me bajir̄uaroja. Adoju ñamasurā, õ vecajurema
ñamasumena ñaruarāma ĩna. Adi macar̄uc̄roju ñamasumenama,
õ vecajurema ñamasurā ñaruarāma —ȳuare yicami Jesús.

20

*Moabosarimasa ĩna bajire r̄ãca t̄oĩacōari, “Adi
macar̄uc̄rojure ñamasurā, õ vecajurema ñamasurā me ñaruarāma
ĩna”, Jesús ĩ yigotimasiore queti*

¹ To yicōari, ĩ buerimasare ȳuare gotimasior̄utuacami Jesús.
“ ‘Adoju ñamasurā ñaja yua. To bajiri õ vecaju quēne ñamasurā
ñari, quēnamasuse ḅujaruarāja’ yit̄oĩabeticōato” yiḡu, ado ba-
jise ȳuare gotimasiocami:

—Ūye vese c̄oḡu, ŷye ti ḅuc̄aro ĩacōari, busurij̄u j̄ej̄u ĩre
moabosaronare jiḡu vac̄m̄i. To bajirone yir̄uc̄m̄i Dios, m̄ua
uj̄u quēne. ² ĩnare ḅujacōari, ado bajiro ĩnare gotiḡm̄i: “M̄ua
moase vaja m̄ua s̄ēniro cōrone m̄uare vaja yir̄uc̄ija ȳu”, ĩnare
yiḡm̄i. To yicōari, ĩnare moaroticōaḡm̄i, ĩ ya veseju. ³ Muiju
ĩ asituajedirij̄u cōro, moaruarā ĩna yurit̄uc̄uroju ĩna ñacōajare,
gājerāre ĩnare ĩabujaḡm̄i. ⁴ “Vasa, m̄ua quēne. Ȳu ŷye veseju
moaaya. M̄ua moajama, quēnaro m̄uare vaja yir̄uc̄ija ȳu”,
ĩnare yiḡm̄i. ⁵ To bajiri ĩna quēne ĩre moabosarā vacoanama.
To yicōari, bero ŷm̄urecaji ñaro vac̄u, gājerāre ḅujaḡm̄i.
Ñamicaj̄ua ti t̄usato vac̄u, gājerāre ḅujaḡm̄i quēna. Moare
manare ḅujacōari, ĩnare moaroticōaḡm̄i. ⁶ Yuc̄á veca muiju
t̄usato, gājerā moaruarā ĩna yurit̄uc̄uroju ejacōari, moamenane
ĩna ñacōajare, “¿No yirā moamenane ñar̄m̄u c̄utiati m̄ua?”,
ĩnare yiḡm̄i. ⁷ To ĩ yirone, “Ñim̄j̄ua, ȳuare moarotibeami. To
bajiri ñacōaja yua”, ĩre yirāma ĩna. To bajiro ĩna yijare, “Vasa
m̄ua quēne. Ȳu ŷye veseju ȳuare moabosaaya”, ĩnare yiḡm̄i.

⁸ Rāiorij̄u, ĩre moabosarimasare coderimas̄ure ĩre jiḡm̄i.
“Ȳuare moabosarimasare ĩnare jiaya m̄u”, ĩre yiḡm̄i. “To
yicōari, ejatusariarāre vaja yis̄oaya. ĩnare vaja yigajanocōari,
ĩna r̄j̄orobusa ejariarāre vaja yiya. To bajiro r̄ĩne yicōa
vasa. To bajiri, moarā ejas̄oriarāre ĩnare vaja yit̄usaya”, ĩre

yigumi, ĩre moabosarimasare coderimasare. ⁹ To bajiro ĩ yijare, ejatusariarãjua ejasũorãma. ĩna ejaro ĩacõari, cojorãmu vaja tariaro cõro ĩna moare vaja ĩnare vaja yigumi. ¹⁰ To cõro ĩna vaja tasere ĩacõari, “Manima jaibusaro bujaruarãja”, yitũoĩaboarãma ejasũoriarãjua. To bajiro yitũoĩaboariarãre gãjerã ĩna vaja taro cõrone ĩnare vaja yigumi. ¹¹ Uju ĩ vaja yirotisere ĩacõari, ñagõjairãma ejasũoriarãjua: ¹² “Veseju ejatusariarã, yoaro meaca ĩna moaboajaquẽne, yũare mu ĩsiro cõrone ĩnare ĩsiaja mu. Yũama, cojorãmu jediro, muiju ĩasicõaro josari moaboabu yũ”, ĩre yitud'irãma, ĩna uju. ¹³ To bajiro ĩna yiboajaquẽne, sũgũre ado bajiro cudigumi ĩna uju: “RoJose mũre yibeju yũ. Jẽju, ‘Mũna vaja sẽniro cõrone mũare vaja yigũcũja’ yigu ñari, to cõrone mũare vaja yibu. ¹⁴ Mu moare vaja juacõari, vasa. Mũre yũ vaja yiro cõrone, ‘Ejatusariarãre quẽne vaja yigũcũja’ yitũoĩamu yũ. ¹⁵⁻¹⁶ Yu ye gãjoa ñamu ti. To bajiri yũ bojarore bajirone yibu yũ. ĩnare quẽnaro yũ vaja yisere ĩajũnisiniaja mu”, ĩre yigumi ĩ uju. To bajiri adi queti mũare yũ gotirore bajiro bajiruarõja. Adõju ñamasurã, õ vecajũarema ñamasumena ñaruarãma ĩna. Adi macarũcũroju ñamasumenama, õ vecajũarema ñamasurã ñaruarãma —yũare yicami Jesũs.

*“Yũre sũaruarãma”, Jesũs ĩyigotitusare queti
(Mr 10.32-34; Lc 18.31-34)*

¹⁷ Jerusalẽnju yũare ũmato varũtu vacũne, juããmo cõro, gũbo juã jẽnitarirãcu ñarãre yũare gotiru, ricati yũare jicãmotocami Jesũs:

¹⁸ —Quẽnaro ajiya mũna. Jerusalẽnju vana bajiaja mani. Toju mani ejaro, yũre Dios ĩ roticõacacũre paia ujarãre, Dios ĩ rotimasire gotimasiorimasare ĩsirocacũmi sũgũ. ĩnajuã, “ĩre sũaroti ñaja”, yũre yiguarãma. ¹⁹ To yicõari, romano masare yũre ĩsiuarãma. To ĩna yijare, yũre ajatud'icõari, bajaruarãma ĩna. To yicõari, yucũtẽroju yũre jajaturuarãma. Yũre jajutucõari, yũ rijato bero, yũre yujeboaruarãma. To ĩna yiboajaquẽne, yũre ĩna sũaro bero, idiarãmu tũsatirãmũne yũre catiocõarũcũmi Dios —yũare yicami Jesũs.

*Santiago mesa jaco Jesũre so sẽnire queti
(Mr 10.35-45)*

²⁰ To ĩ yiro bero, Zebedeo rĩa jaco, so rĩa rãca ejacamo, so rĩa ĩna bajirotire Jesũre sẽnigõ ejago. Adocãrãcu ñacama so rĩa: Santiago, Juan ñacama ĩna. Jesũre rũcũbuõgo, ĩ rĩjorojuã gũsomuniari tuetucamo so. To yicõari, Jesũs quẽnaro so rĩare ĩ yirotire sẽnucamo. ²¹ So sẽnisere ajicõari,

—¿No bajiro quẽnaro yũ yirotire bojati mu? —sore yicami Jesũs.

To ĩ yijare, ado bajiro cudicamo so:

—“Ñajediro uju ñaja yu” yĩocõari, mu rotisuroirodo ti ejaro, yu rĩare ado bajiro ñnare mu ùmato rujirotire bojaja yu: Sĩgũ mu riojojacatua, gãjire mu gãcojacatua ñnare ùmato rujirucuja mu, “Mu rotirore bajirone ñna quẽne rotimasiato” yigu —ĩre yicamo so.

²² To so yisere ajicõari, so rĩajuare ado bajiro yicami Jesús:

—Tuoĩamasimenane yure sēniboaja mua. Yu rāca mua rotirujama, ¿mua quẽne yure bajirone rojose tāmuroātique mua? —ñnare yicami Jesús.

—Bajicõarāja —ĩre yicama ñna.

²³ To ñna yisere ajicõari, ado bajiro yicami Jesús:

—Riojo muare gotiaja yu. Mua quẽne, yu tāmurotire bajiro rojose tāmuroarāja. To bajiboajaquẽne, yu riojojacatua, yu gãcojacatua muare rojomasibecuja yu. “Ñna ñnaruarāma yu macu tu rujirona” yu jacu ĩ yicana rĩne rujiruarāma —ñnare yicami Jesús.

²⁴ Jesús buerimasa juaāmo cõro ñnarā, yua ajibetone, “To bajiro bojaja yua” ñna yirudisere ajicõari, jūnisinicaju yua. ^h
²⁵ To bajiro yua bajijare, yua jedirore jirēocõari, ado bajiro yicami Jesús:

—Ujarā, Dios yarā me ñnarā, ñna yarāre buto tutuaro rotirāma ñna. Tire masiaja mua —yure yicami. ²⁶ —Muumama, yu yarā ñnari, ñnare bajiro bajibetiruarāja. Yure ajitirūnarā, ñnamasurā ñnaruarāma, gãjerā ñna bojasere masicõari, quẽnaro ñnare yiejarēmora. ²⁷ To bajiri ñnamasurā mua ñnaruajama, gãjerāre moabosaruarāja mua. ²⁸ Dios ĩ roticõacacu quẽne, to bajirone bajaiaja yu. “Gãjerā yu bojasere masicõari, quẽnaro yure yato ñna” yigu me vadicaju yu. “Ñna bojasejuare masicõari, quẽnaro ñnare yirucuja” yigu vadicaju yu. To yicõari, jājarā rojose ñna yisere Dios ĩ masirose vaja, ñnare vaja yibosaguagu vadicaju yu —yure yicami Jesús.

Juarā caje ĩamenare Jesús ĩ ĩarotire queti

(Mr 10.46-52; Lc 18.35-43)

²⁹ Jericó vāme cuti maca ñacõari, yua vatone, jājarā masa yure suyacama, Jesúre ĩarā. ³⁰ Toju yua vatone, juarā ĩamena rujicama, maa tu. Jesús ĩ rētosere ajicõari, ado bajiro ĩre jivasācama ñna:

—Yua uju, Uju David ñnamasir'i jānami, “Rotimurogõrucami” yigu, Dios ĩ cõar'i ñaja mu. Yure ĩamaiña mu —yivasācama ñna.

³¹ To bajiro ñna yivasārone,

h 20:24 Zebedeo manajo, Juan, Santiago jaco, Jesús buamo ñañuju so. To bajiri, “Ī yarā ñnaama” yituoĩagõ ñnari, “Yu rĩare quẽnaro yirucami”, yituoĩaboayuju so. Tire ajimasicõari, jūnisiniñujarā Jesús buerā juaāmocārācu ñnarāja, “Ī yarā ñnjare, ejarēmogūmi” yituoĩarā ñnari.

—¡Avasãbesa! —Înare yicama masa. To bajiro ña yiboa-
jaquêne, butobusa avasãcama ña:

—Yua uju, Uju David ñamasir'i jãnami, “Rotimorũgõrucami”
yigu, Dios ñ cõar'i ñaja m. Yua ñamaña —Jesure ñre yic-
avasãcama ña.

³² To ña yisere ajicõari, tujarũgõcami Jesús. To bajicõari,
ñamenare jicami:

—¿No bajiro mure yu yisere bojati m? —Înare yisẽniñacami,
caje ñamenare.

To ñ yijare, ado bajiro ñre yicadicama:

³³ —Yua uju, tudĩaruaaja yua —ñre yicama ña.

³⁴ To ña yisere ajicõari, ñare ñamaigũ ñari, ña cajearire
moañacami. To bajiro ñ yirĩmarone, ñamena ñaboacana,
ñacoacama ña yuja. ñacõari, ña quêne Jesure sayacoadicama.

21

“*“Rotimorũgõrucami” yigu, Dios ñ cõagũ ñaja yu” yĩogũ,
Jerusalénju Jesús ñ ejare queti*

(Mr 11.1-11; Lc 19.28-40; Jn 12.12-19)

¹⁻² Jerusalén cõñana, Betfagé vãme cuti maca ejacaju yua.
Olivo vãme cuti buro judo ñacaju ti maca. Toju juarã yua
rãcanare ñ buerãre ado bajiro ñare roticõacami Jesús:

—Mani varoto riojo ñarimacare vasa maji. Toju ejacõari,
burra ña siaturũgõriore bujaruarãja m, so macu rãca ñagõre.
Înare õjacõari, yure juadibosaba. ³ Ti macagu m õjaro ñacõari,
mure ñ sãnĩajama, “Mani uju ñare bojami. No cõro mene
tuocõarucami quẽna”, ñre yicadiba. To bajiro m yisere
ajicõari, sãnĩarẽmobetirucami. “Bau. Vasa”, mure yirucami —
ñare yicami Jesús.

⁴ To bajiro ñare yiroticami Jesús, Diore gotirẽtobosarimasu,
“Ado bajiro bajiruaroja” ñ yuicamasire ñajare:

⁵ “Jerusalén macanare ado bajiro yiruarãja m: ‘Ña m. m.

Mua uju vadiami. “Ñamasugũ me ñaja yu” yituoĩagũre
bajiro ejaami. Burra, gajeyeũni ũmagõ macu joeju je-
sacõari, vadiami’ yiruarãja m”, yuicamasĩñuju Diore
gotirẽtobosarimasu.

⁶ To bajiri Jesús ñ rotisere ajicõari, ñ rotirore bajirone yiyuma
ñ. ⁷ Burra to yicõari, so macure quêne ñare juaejacama ña.
To yicõari, ña ye sudi joeayere vejecõari ña joere jeocama ña.
To ña yiro bero, macujure vaejacami Jesús. ⁸ Jãjarã masa
ñacama. ña ye sudi joeayere vejecõari, ñ varotijure cũ rĩjoro
cuticama. “Yua uju ñaja m” yirã, to bajiro yicama, Jesure
rũcũborã. Gãjerã yucũ rĩjuri jasurecõari, maare cũ rĩjoro
cuticama. ⁹ To yicõari, “ “Rotimorũgõrucami” yigu, Dios ñ
cõagũ ñaja yu’ yĩocõari, rotisurucami yuja” Jesure ñre yituoĩarã

ñari, bato variquēnacama ña. Ñre rñjoro cuti vana, ñre suyará quēne, ñre ñavariquēnarã ado bajiro avasã vacama ña:

—¡Uju David ñamasir'i jãnami, “Rotim̃orũgõrũcumi” yigu, Dios ñ cõar'i ñaami! ¡Quēnase ñre yivariquēnato mani! ¡Diore rotibosagu quēnaro ñ yigu ñaami! ¡Diore quēne, quēnase ñre yivariquēnato mani, ñni yna ujure ñ cõajare! —yivasã vacama ña.

¹⁰ To bajiro Jesús, Jerusalénju, masa rãca ñ ejasere ñacõari, bato gãmerã ñagõcama ti macana jediro.

—¿Ñimũ ũgũ ñati? —gãmerã yisēniñacama, masa ña avasã vado vatoaju Jesús ñ vadire ñacõari.

¹¹ To ña yijare, gãjerã ado bajiro yicudicama:

—Ñne ñaami Diore gotirētobosarimasa, Jesús vãme cutigu, Galilea sita Nazaret vãme cuti macagu —yicama masa.

Diore yirũcũbũoriaviju ñacõari, gajeyeũni ñsirivire bajiro ña yĩñajare, Jesús ñnare ñ tud'ĩãgõbure queti

(Mr 11.15-19; Lc 19.45-48; Jn 2.13-22)

¹² Ti macajure ejacõari, Diore yirũcũbũoriaviju sãjacaju yna, Jesúrãca. Ti viju gajeyeũni ñsirãre, ñnare vaja yirãre quēne tud'ĩãgõbucami Jesús. Gãjerã ye rãca gãjoa vasoarimasa ña gãjoa jeorijaurire tucaguereacami. To yicõari, buja ñsirimasa ña rujiri cũmurorire tucaguereacami. ¹³ To yicõari, ado bajiro ñnare goticami Jesús:

—Diore gotirētobosarimasa ña ucamasire ado bajiro gotiaja: “Yna ya vima, yure sēnirũcũbũorã rējariavi ñarũaroja”, yigotiaja, adi vire. To bajiro ñ yimasire ti ñaboajaquēne, ado bajiro mna yĩñase sũorine juarudirimasa ya vire bajiro bajaiaja ti —ñnare yicami Jesús.

¹⁴ Ti viju, yna ñarone, ñamena to yicõari rujasagueri vana, ejacama, Jesús taju. To bajiro ña bajirone ñnare catiocami.

¹⁵ Ti vire ñacama paia ujarã, Dios ñ rotimasire gotimasiorimasa quēne. To bajiri Jesús, ñaiañamani ñ yĩosere ñacõari, “¡Uju David ñamasir'i jãnami, ‘Rotim̃orũgõrũcumi’ yigu, Dios ñ cõar'i ñaami! ¡Quēnase ñre yivariquēnato mani!” rĩamasa ña yivasã ñasere ajicõari, Jesũjure bato jũnisinicama. ¹⁶ To bajiri ado bajiro Jesũre sēniñacama:

—¿To bajiro mre ña yisere ajiatu mũ? “To bajise yibesa”, ñnare yiya —ñre yicama ña.

To ña yiboajaquēne, ado bajiro ñnare goticami Jesús:

—Ajiaja yna. Dios oca masa ña ucamasire to bajirone gotiaja rĩamasa ña yiroture. ¿Ñabeticatique ado bajiro yisere? Ado bajiro gotiaja ti:

“ ‘Rĩamasa, to yicõari, ũjurãca quēne, mre quēnaro rũcũbũorũarãma ña’ to bajiro mũ yise ñajare”, yigotiaja Dios oca —ñnare yicami Jesús.

17 To ĩ yiro bero, ĩnare vaveocōari, Betania vāme cuti macaju ejacōari, cānicaju yua.

Higuera vāme cutiare, “Juaji rica manicaruarāja”, Jesús ĩyire queti

(Mr 11.12-14, 20-26)

18 Quēna busuriju Jerusalénju tudiacaju yua. To yua bajiro, Jesús, ĩnarijacami. 19 Maa tu higuera vāme cuti ĩnacaju. Ti ricare baru, ojaboacami Jesús. Rica manicaju, tiujama. Jū rīne ĩnacaju. To bajiri tiare ado bajiro yicami Jesús:

—Juaji rica manicaruarāja —tiare yicami.

To bajiro ĩ yirĩmarone, sñirocacoacaju ti. 20 To bajiro ti bajisere ĩacōari, no yimasibeticaju yua, ti ũnre ĩabetirũgũcana ĩari. “¿No yiro guaro sñirocacoajari ti?”, yisēniacaju yua.

21 To yua yirone, ado bajiro yuare cudicami ĩ:

—Riojo muare gotiaja yu. “To bajiro yirucami Dios” ĩre mu yiajitiŕũ tujabetijama, higuera vāme cutiare yu yise ũni rĩrene yimasimenaja mu. Gajeye josase ti ĩaboajaquēne, yimasicōarāja. “I burore, moa riagaju rocaroacoasa” mu yijama, to bajirone bajiraroja. 22 “Yua sēnijama, yuare ĩsicōagũmi” yitũoĩacōari, Diore mu sēnijama, muare ĩsirucami —yuare yicami Jesús.

“¿Ñimũ mure ĩ rotise rāca to bajiro yati mu?”, Jesúsre ĩna yisēniare queti

(Mr 11.27-33; Lc 20.1-8)

23 To ĩ yiro bero, Jerusalénju ejacaju yua. To bajicōari, Diore yirucuboriaviju Jesúsra sājacaju yua. Sājaejacōari, masare gotimasiocami Jesús. To ĩ yĩnarone, bucũrã, paia ujarã quēne, ejacama ĩna, Jesúsre sēniarã:

—¿Ñimũ mure ĩ rotise rāca to bajiro yirũgũati mu? —ĩre yisēniacama ĩna.

24-25 To bajiro ĩna yisere ajicōari,

—Yu quēne, ado bajiro muare sēniĩaja yu. Yuare mu cudicōaroju, “ĩ rotise rāca yaja yu”, muare yirucuja maji. ¿Ñimũ rotiyujari, Juanre, “Oco rāca masare ĩnare bautizaya” yigũ? ¿Dios rotiyujari? ¿Masajua rotiyujarique? —ĩnare yisēniacami Jesús.

To ĩ yisere ajicōari, ĩna masurione gāmerã ñagōñacama ĩna:

—“Dione, Juanre oco rāca masare bautizarotiyumi” manijama, ado bajiro manire sēniĩajacagumi: “Tire masirã ĩboarine, ¿no yirã ĩre ajitiŕũnubeticati mu?” manire yisēniĩajacagumi. 26 To yicōari, “Masane, Juanre oco rāca bautizarotiriarãma” manijama, manire buto tud’iruarãma masa, “Diore gotirētobosarimasu ĩaboacami Juan” yirã ĩari —gāmerã yicama ĩna.

27 To bajiro gãmerã ñagõrã ñari, ado bajiro ìre cùdicama ìna:
 –Juanre rotir'ire masibeaja yuá –Jesúre yicõacama ìna.
 To ìna yisere ajicõari, ado bajiro ìnare cùdicami Jesús:
 –To bajiro yure muá cùdijare, “Ì rotise rãca yaja yu”, muare yigotibetirucuja yu quëne –ìnare yicami Jesús.

Juarã rãa cutigu, ìrãre ì moarotirere Jesús ì gotimasiore queti
 28 To bajiro ìnare yigajanocõari, gotimasiore queti ìnare goticami Jesús:

–¿No bajiro tuoĩati muá, adire, yu gotiguhadire? Sígũ ñagũmi juarã rãa cutigu. Ì macu ñasuhogure ado bajiro yigumi ì: “Macu, yucurema mani uye vesere moaguaja”, ìre yigumi. 29 To ì yiboajaquëne, “Varuhabeaja yu”, ìre yicudigumi. To bajiro yiboarine, berojuma, tuoĩavasoacõari, moagũ vacoacumi ì yuja. 30 To ì yiro bero, gãji ì macure quëne, to bajirone ìre yigumi. To ì yirone, “Ba. Moagũ varucuja yu”, ì jacure yicudigumi ì. To yiboarine, vabecumi. 31 To bajiri muá tuoĩajama, ¿nijua ñañujari ì jacu ì rotiriarore bajirone cùdir'ì? –ìnare yisëniñacami Jesús.

To ì yisëniñarone, ado bajiro ìre cùdicama:

–Ì, moarotisuor'ijua, ì jacu ì rotiriarore bajiro ìre cùdiyumi –ìre yicùdicama.

To ìna yisere ajicõari, ado bajiro yicami Jesús:

–Riojo muare gotiaja yu. Ujure gãjoa sënibosarimasare, to yicõari, rõmia, ãmuare ajeriarã cuticõari, vaja sënirã rõmirire, “Rojorã masu ñaama” ìnare yĩlaterã ñarãja muá. Muá ìaterã sīgũri, tuoĩavasoacõari, Uju Dios yarã quënarõ ì yirã ñarãma. Ìnare bajiro muá tuoĩavasoabetijama, ì yarã me ñaruarãja muá. 32 Juan, oco rãca masare bautizarimasu, “Ado bajirojua muá yijama, quënarõja” muare ì yigotimasioboajaquëne, ìre ajibesuja muá. To bajiboarine, “Rojorã masu ñaama” muá yĩlaterãjuma, ìre ajitirũnuñuma ìna. To bajiri ìre ìna ajitirũnuserere ìriarã ñaboarine, ìre ajibeticõari, rojose muá yirũgũriarore bajiro rojose yicõa ñaja muá –ìnare yicami Jesús.

“Jud'io masa ìna ajitirũnubetijare, gãjerãjware uxorucumi Dios” yigu, moarimasa rojose yirã ìna bajire rãca Jesús ì gotimasiore

(Mr 12.1-12; Lc 20.9-19)

33 Quëna ado bajiro ìnare gotimasiocami Jesús:

–Sígũ masu uye vese otegumi. Tire otegajanocõari, matagumi. To yicõari, uye oco juarotiju quënogumi. Tijũ bero, vecaju ñacõari, ì ìatirũnubesarotiju quënogumi. To yigajanocõari, gãjerãre, “Yure ìatirũnubosaba”, yigumi. “Uye ti rica cutiro, gãjerãre ìsicõari, vaja sëniruarãja muá. To yicõari, muá juajama, ‘Ado cõro ñaja mani ye. Ado cõro ñaja ì yema’ yicõãma”, ìnare yigumi. To yicõari, gajeroju vacoacumi yuja.

34 To bajiri cojorãmu, “Uye rica cuti bucuaatoja ti” yigu, ïre moabosarimasare cõagũmi, “Uye, yare ïna cũbosarere yure juabosaaya” yigu. 35 Uye veseju ïna ejaro ïacõari, ti vese coderãjua, ado bajiro yirãma: ïnare ñejecõari, jarãma. Gãjerãre sãrãma, to yicõari gãjerãre gũtane reasãrãma. 36 To ïna yire quetire ajicõari, jãjarãbusa ïre moabosarimasare cõagũmi vese uju, ï ye ñarotire juabosaaya yigu. Ti veseju ïna ejarone, ïatirũnarimasa, to rĩjoro ejariarãre ïna yiriarore bajirone yirãma, ïnare quẽne.

37 To bajiro ïna yiecore quetire ajicõari, “Yũ macũjuare rũcũbuorãma” yitũoĩacõari, ïre cõaboagũmi. 38 To bajiro ï yicõar'ire, veseju ï ejasere ïacõari, ado bajiro gãmerã ñagõrãma vese coderimasa: “Adi vese uju macũne ñaami. To bajiri ï bajirocaveojama, ïne ñaami ïre vasoarocũ. To bajiri ïre mani sãajama, mani ye sita ñarũaroja yuja”, gãmerã yĩñagõrãma ïna. 39 To bajiri vese sojuaju ïre ñia vati, ïre sãarocacõarãma —ïnare yicami Jesús.

40 To bajiro ïnare yigajanocõari, ado bajiro ïnare sẽnĩacami:

—¿Ti vese uju tudiejagu, no bajiro ïnare yigujari, ti vese coderimasare? —ïnare yisẽnĩacami Jesús.

41 To ï yisere ajicõari, ado bajiro ïre cũdicama ïna:

—Rojorã masu ñarãma ti vese ïatirũnarã. To bajiri ïnare ïamaibecũne ïnare sãareagũmi. To ï yiro bero, gãjerãre ti vesere ïatirũnarõnare vasoagũmi, ï ye ñarotire juabosaronare —Jesũre ïre yicama ïna.

42 To ïna yicũdisere ajicõari, Jesũjua, ado bajiro ïnare yicami:

—“Uye vese uju macũre rojorã ïna sãarocarere bajirone viri buarimasa gũta ïna beserocaria ñaboarine, ñamasurica ñarũaroja”, yigotiaja Dios ocare masa ïna ucamasire. ¿Tire ïabeticatique mua? Ado bajiro gotiaja:

“Gũta rãca vi quẽnorimasa coja gũtare rocarãma ïna. ïna rocaria ñaboarine, gajea gũta rẽtoro quẽnarica ñarũaroja tia. Tia gũta sũorine quẽnarivi quẽnorucũmi Dios. Tia manijama, quẽnomasibetibogũmi. To bajiro bojagũmi Dios mani uju. To bajiri tia gũta sũori Dios quẽnaro ï yisere ajimasicõari, bũto tũoĩa variquẽnaja mani”, yigotiaja Dios oca masa ïna ucamasire.

43 To bajiri ado bajiro yigu, ti quetire mũare gotibũ yũ: Diore rotibosagũre yure ajitirũnumena mua ñajare, jud'io masa mejuare, “Yũ yarã ñaña” ïnare yicõari, quẽnaro ïnare yirucũmi Dios. ïnajuama, Dios ï bojarore bajiro ïre ajitirũnũarãma.

44 No bojarã yure, yũ ocare ajiterã, rojose tãmũorũarãma ïna —ïnare yicami Jesús.

45 Jesús ï gotimasiosere ajicõari, “Mani bajisere yigu yami”, yiajimasicõacama fariseo masa, paia ujarã quẽne. 46 To bajiri

Jesúre ñiaruaboacama ñna. “Diore gotirētobosarimasu ñnaami Jesús” masa ñna yituoñajare, masare güirã, ñre ñiabeticama.

22

“Í macu ñ ãmosiaguñadijare, masare jirẽogũmi uju”, Jesús ñ yigo-timasiore queti

(Lc 14.15-24)

¹ Quẽna gotimasiore queti masare goticami Jesús:

² —Adi quetire tuoñacõari, “Tire bajiro bajiruaroja, masare ‘Yu yarã ñaña mua’ Uju Dios ñ yiroti” muare gotimasiogũ yaja: Sĩgũ uju, ñ macu ñ ãmosiarotirũmure quẽnoyugũmi. ³ To yicõari, “Íavariquẽna ejarẽmoronare jiaya mua” yigu, ñre moabosarimasare cõagũmi ñ. To ñ yisere ajicõari, jirã vaboarãma ñna. Ñnajuama, vadiruamenama. ⁴ Ñna vadirubetire ajicõari, gãjerã ñre moabosarimasare cõagũmi quẽna. “‘Yu uju muare jigũ ñari, ñ yarã vaibucurã mame bucuarãre sjarotimi. Jẽre quẽnogajanomu yu. To bajiri ñ macu ñ ãmosiarirũmu ñarã vayã mua quẽne’ ñnare yiba”, yicõagũmi ñna uju. ⁵ To ñ yisere ajicõari, jirã vaboarãma ñna quẽna. Ñnare cudimenane, vacoanama, ñna ye moare moaroana. Sĩgũ ñ ya veseju vacũmi. Gãji ñ gajeyeũni ñsiroju vacũmi. ⁶ Gãjerãma, uju ñ cõaboariarãre ñjecõari, ñnare jasĩacõarãma. ⁷ Tire ajicõari, buto jũnisinigũmi uju. To bajiri ñ yarã surarare cõagũmi. “Ñnare sñacõari, ñna ya virire soereacoaya”, ñnare yicõagũmi. ⁸ To ñ yiro bero, gãjerã ñre moabosarimasare ado bajiro gotigũmi: “Yu macu ñ ãmosiarotiaye quẽnogajanomu. Jẽju yu queti cõaboarã, ñna ejabetijare, quẽnaja. Ñnare jicõabetiroti ñaboayuja. ⁹ Jãjarã masa ñna vati maarijuare vasa. To mua ñabujarã cõro jirẽocõari, ñnare ñmato vaba”, ñnare yigũmi uju, ñre moabosarimasare. ¹⁰ Í rotirore bajirone masare jirẽorãma ñna. Quẽnarã, rojorã, ñna bujarã cõro jirẽorãma. To bajiri uju ya vi, jũmucatoja ti.

¹¹ Í jicõariarãre ñagũ sãjagũmi uju. Sĩgũre, ñna ãmosiaro ñarã ejarã ñna sãñase ñnare sãñabecure ñabujagũmi ñ. ¹² To bajiri, ñre ñacõari, ado bajiro ñre sẽnĩlagũmi: “¿No yigu ñna ãmosiaro ñarã ñna sãñase ñni sãñabeati mu?”, ñre yigũmi. To ñ yiboajaquẽne, ñre cudibecũmi. ¹³ To ñ bajijare, bare jeorimasare ado bajiro ñnare yigũmi uju. “Í gubori, ñ ãmorire quẽne siacõari, rẽtiaroju ñre rocacõaña. Toju ñnacõari, buto rojose tãmuogũ ñari, guji põguẽ, oti, yirucũmi”, ñnare yigũmi uju, bare jeorimasare. ¹⁴ To bajiro bajiruaroja, “Yu yarã ñaña mua” Uju Dios ñ yiroti quẽne. Jãjarã masare, “Yu yarã ñaña mua” Dios ñ yire ti ñaboajaquẽne, sũgũrine ñnarãma ñ rãca ñarona —Ñnare yicami Jesús.

“*Ʋjarã gãjɔa manire ãna vaja yirotijama, ãnare ãsiroti ñaja*”, *Jesús ã yigotire queti*

(*Mr 12.13-17; Lc 20.20-26*)

¹⁵ To ã yisere ajicõari, fariseo masa ã tɔ ñaboarã cãmotadicoacama ãna, gãmerã ñagõroana. “Ado bajiro yirãsa”, yiruyuyuma:

—Ado bajiro mani sãniãajama, cɔdimasibeticõari rojose tãmɔɔɔcumi —yitɔõaboayuma.

¹⁶ To bajiro yitɔõarã ñari, ãna rãcanare, to yicõari, “Ʋjɔ ñamasugũ ñarɔcumi Herodes” yirũgũriarãre quẽne, Jesús tɔ ãnare cõañujarã ãna, “Ʋre sãniãaaya mɔa” yirã. To ãna yicõariarã ado bajiro Jesúre sãniãacama ãna:

—Ajɔya gotimasiorimasɔ. “Riojo gotigɔ ñaami”, mɔre yimasi-aja yɔa. “Ado bajiro mani yisere bojagɔmi Dios” yigotimasio-
siogũ ñari, riojo yɔare gotimasioaja mɔ. “Ado bajiro yɔ gotima-
siojama, yɔre ajijũnisiniruarãma” yitɔõãbecɔne, riojo gotigɔ
ñaja mɔ. “Ãnoama, ñamasurã ãna ñajare, ricati ãna ajijũnisinibetire
ãnare gotimasiorɔcɔja”, yitɔõãbecɔ ñaja mɔ. Masa ñajedirore
yɔare riojo gotigɔ ñaja mɔ. ¹⁷ To bajiro yigɔ mɔ ñajare, mɔ
tɔõãsere ajirɔaja yɔa. ¿Roma macagɔ ɔjɔ, César, gãjɔa manire
ã vaja yirotisere mani vaja yijama, quẽnacõarojari? ¿Dios ã ro-
timasirere cɔdimena yirãjarique mani, ãre mani vaja yijama?
—Jesúre yisãniãaboacama ãna.

¹⁸ Jesújɔama, “Rojose yɔre yiruarã, to bajise yɔre sãniãatoama
ãna”, yimasicõacami. To bajiri ado bajiro ãnare cɔdicami:

—“Quẽnarã ñaja yɔa” yiboarine, mɔa yirore bajiro yirã me
ñaja mɔa. ¿No yirã, “Rojose ãre yirãsa” yirã, to bajise yɔre
sãniãatoati mɔa? —ãnare yicami Jesús. ¹⁹ —Roma macagɔ ɔjɔre
gãjɔatii, ãre vaja yirotitiiire, cojotii yɔre ãõña —ãnare yicami
Jesús.

To ã yijare, ãmiadi, ãre ãocama ãna. ²⁰ Gãjɔatiire ãcõari, ado
bajiro ãnare sãniãacami Jesús:

—¿Ñimɔ rioga tuyati? ¿Ñimɔ vãme tuyati? —ãnare yicami
Jesús.

²¹ To ã yirone,

—Roma macagɔ Ʋjɔ César rioga tuyaja. To yicõari, ã vãme
quẽne ñaja ti —Jesúre yicɔdicama ãna.

To ãna yijare, ado bajise yicami Jesús:

—To bajiri aditiire ãcõari, “César yatii ñaja”, yimasiaja mɔa.
To bajiri, gobierno ã vaja yirotijama, ãnare vaja yiroti ñaja. To
bajirone bajaaja Diore quẽne. Jediro Dios ã cõase ti ñajare, “Yɔa
cɔose ti ñaboajaquẽne, ti rãca mɔ bojarore bajiro yiruarãja”,
Diore ãre yiroti ñaja, manire. To yicõari, “No bojase moare
yɔa yise quẽne, mɔ ɔjɔse rãca yɔa yimasise ti ñajare, ti rãca mɔ

bojarore bajiro yirũgũruarãja”, ãre yiroti ñaja, mũare – ãnare yicami Jesús.

²² To bajiro ã yisere ajicõari, no yimasibeticama ãna, quẽnaro gotigure ajibetirũgũriarã ñari. To bajiri juaji tudisẽniãamenane, vacoacama yuja.

“¿Bajirearãma, tudicaticoanajari?”, Jesúre ãna yisẽniãatore queti (Mr 12.18-27; Lc 20.27-40)

²³ Tirũmũne saduceo masa quẽne ejacama, Jesúre sãnĩatorã. “Masa ãna rijato bero, ãna usũri, ãna rujuri ñaro cõrone quẽna tudicatimenama” yirã ñacama saduceo masa. Ado bajiro ãre sãnĩacama:

²⁴ –Ajiya gotimasiorimasũ. Moisés ñamasir'i ado bajiro ã yiuacũmasire ti ñajare, mũre sãnĩarã vabũ yũa: “Sĩgũ, manajo cutiboa, rĩa magũne ã bajirocajama, ã gagũ manajo ñariore manajo cutirũcũmi ã bedijũa. To bajiri ã rãca ñacõari, so macũ cutijama, ã gagũ macũ ñarũcũmi”, yimasiñuju Moisés. ²⁵ Yũa rãcana, sĩgũ rĩa, cojomo cõro jũa jẽnitiuarirãcũ ãmũa ñaboacama. Sĩgõrene manajo cutiboacama ãna. Ñasũogũ sore manajo cutisũoboacami. Rĩa magũne rijacoacami ã. ã rijato bero, gãji ã bedi vasoaboacami. ã quẽne rĩa magũne rijacoacami. ²⁶ ã bederã quẽne, to bajirone sore manajo cutiboacama. Rĩa manane, rijajedicoacama ãna quẽne. ²⁷ So manajũa ãna rijajediro bero, so quẽne rijacoacamo yuja. ²⁸ To bajiri bajireacõari, quẽna ãna tudicacijama, ¿ñimũjũa ñaguĩda so manajũ masu ñarocũma, ãna ñaro cõrone sore ãna manajo caticato bero? – Jesúre yisẽniãatocama ãna.

²⁹ To ãna yirone, ado bajiro cũdicami Jesús:

–Dios oca masa ãna ucamasire ajimasimena ñaja mũa. Dios ã masisere quẽne masirã me ñaja. To bajirã ñari, Moisés ã ucamasirere tũoĩacõari, “Riojo me gotiro yaja”, yitũoĩaboaja mũa. ³⁰ Ado bajirojũa bajiaja: Bajireariarã, ãna tudicatiro bero, manajo cutire, manajũ cutire quẽne manirũaroja. Ángel mesare bajiro bajirã ñarũarãma ãna. ³¹ ¿“Masa ãna bajirearo bero, ãna usũri caticõaroja”, yirere ãbeticatique mũa? Dios ã masune ã gotirere ãre gotirẽtobosarimasũ ado bajise ucamasiñumi: ³² “Mũa ñicũa ñamasiriarã Abraham, Isaac, Jacob, ãna rũcũbũo vadimasicacũne ñaja yũ”, yigotimasiñumi Dios. Masa bajireariarã ãna usũri ti caticõa ñabetijama, to bajise yibetimasiborimi. Bajireariarã, quẽna tudicatiarãjũa ãna rũcũbũogũ ñagũmi. “ãna usũri ti caticõa ñajare, bajireariarã ñaboarine, Diore rũcũbũocõa ñarãma”, yire ñaja – ãnare yicami Jesús.

³³ To bajiro ã yisere ajicõari, no yimasibeticama ãna, quẽnaro gotigure ajibetirũgũriarã ñari.

*Dios ĩ rotimasire ñamasuri vãmere Jesús ĩ gotire queti
(Mr 12.28-34)*

³⁴ Saduceo masare Jesús quẽnaro ĩnare ĩ cũdise ñajare, gajeye ĩre ĩna sẽnĩatomasibetirere ajiyujarã fariseo masa. Tire ajiçõari, rējañujarã ĩna. ³⁵ Tijũ bero, sĩgũ ĩna rãcagũ, Dios ĩ rotimasire gotimasiorimasũ, Jesũre sẽnĩagũ ejacami. “Ado bajiro josasere yũ sẽnĩajama, cũdimasibeticõari rojose tãmũorũcũmi” yigũ, ado bajise ĩre sẽnĩacami:

³⁶ –Gotimasiorimasũ, çdisejũa ñati ñamasuse masu Dios ĩ rotimasire, mũ ĩajama? –ĩre yisẽnĩacami.

³⁷ To bajiro ĩ yisere ajiçõari, ado bajiro cũdicami Jesús:

–Mani ẽjũre, Diore bũto mairoti ñaja. No bojagũre mani mairo rẽtoro, no bojase mani cũose, to yicõari, mani bojatũoĩase rẽtoro Diore mairoti ñaja. ³⁸ Ti ñaja ñasũose, ñamasuse Dios ĩ rotimasire. ³⁹ To yicõari, gajeye tire bajibusasene ado bajiro yaja: “Mũ masu rujũre mũ mairore bajirone mũ tũanare maiña”, yigotiaja Dios ĩ rotimasire. ⁴⁰ To bajiri jũa vãmene ñaja ñamasuse masu Dios ĩ rotimasire. Tire mũ cũdijama, Moisés ñamasir'i ĩ rotimasire, to yicõari, Diore gotirẽtobosarimasa ĩna gotimasiosirere quẽne cũdijeocõagũ yigũja mũ –ĩre yicami Jesús.

“Rotimũorũgõrũcũmi’ yigũ, Dios ĩ cõarocũ, çñimũ ñarũcũmi, yitũoĩati mũa?”, Jesús ĩ yisẽnĩare queti

(Mr 12.35-37; Lc 20.41-44)

⁴¹⁻⁴² Fariseo masa yũa tã ĩna rẽjaro, ado bajiro ĩnare sẽnĩacami Jesús:

–“Rotimũorũgõrũcũmi” yigũ, Dios ĩ cõarocũ, çñimũ ñarũcũmi yitũoĩati mũa? –ĩnare yicami Jesús.

–“Ëjũ David ñamasir'i jãnamine ñarũcũmi” yaja –ĩre yicũdicama ĩna.

⁴³ To ĩna yisere ajiçõari, ado bajiro ĩnare yicami:

–To bajiro mũa yitũoĩaboajaquẽne, Ëjũ David ñamasir'i, “Rotimũorũgõrũcũmi” yigũ, Dios ĩ cũrocũre tũoĩagũ, çno yigũ Diore yigũre bajiro, “yũ ẽjũ” yimasiñujari ĩ? Esp'iritu Santo ĩ ejarẽmose rãca ado bajiro ucamasiñumi:

⁴⁴ “Yũ ẽjũre ado bajiro yirũcũmi Dios: ‘Yũ riojojacatũa rujiya maji. Mũre ĩaterãre, “Rojose yitũajaya” ĩnare yũ yiro bero, rojose yimasibetirũarãma. To cõrone rotisũorũcũja mũ’ yirũcũmi Dios, yũ ẽjũre”, yucamasiñumi David.

⁴⁵ To bajiri, “ ‘Rotimũorũgõrũcũmi’ yigũ, Dios ĩ cõarocũ, David ñamasir'i jãnami ñarũcũmi” yucamasire ti ñaboajaquẽne, çno yigũ ĩ ẽjũre bajiro bajigũtique? –ĩnare yicami Jesús.

⁴⁶ To bajiro ĩnare ĩ gotisere ajiçõari, sĩgũ ĩre cũdimasigũ manicami. “Mani rẽtoro masigũ ñaami” yitũoĩacõari, “ ‘Ãnoama masimena ñaama’ yiro mi” yirã, ĩre sẽnĩa tũjacõacama ĩna yuja.

23

“Rojose tãmhorarãja mna”, fariseo masare Jesús i yire queti (Mr 12.38-40; Lc 11.37-54; 20.45-47)

¹ To i yiro bero, masare, yna i buerãre quene, ado bajiro yuare yicami Jesús:

² —Dios i rotimasire gotimasiorimasa, fariseo masa quene, Moisére Dios i roticumasirere buerëtobucõari, “Ado bajiro yiroti ñaja manire”, yigotimasiorã ñaama. ³ To bajiri tire ina gotimasiosere quenaro ajitirũñaña mna. To bajiboarine, ina yirore bajiro yimena ina ñajare, ina yirore bajiro yibesa. ⁴ Dios i rotimasirere buerëtobucõari, i rotimasire rëtobusaro yirotiama ina. “Cojo vãme me mani rotise ñajare, cudijeomasimenama ina” yimasirã ñaboarine, ñare ñamaimenane, “Ñajediro yna gotirëtobuse riojo ñaja”, masare ñare yicõa ñarũgũama. ⁵ Jediro ina yisere, “Quenaro yirã ñaama” masa ina yĩarũcũbosere bojarã yama. Ina riovocarĩ siature, ina ricarĩ dũreature quene Dios ocasãñarijataroriaca jacabusarijatarori cõoama ina, “Gãjerã manire ñacõari, quenaro rũcũboato ina” yirã. To yicõari sudiro gaja seayore, jacabusase seayore cutiaseri sãñaama ina. “Quenaro yirã ñaama ina” masa ina yĩarũcũbosere bojarã yama. ⁶ Boserũmuri ñaro ina barujiama, ñamasuri cũmurorire rujivariquenarũgũama ina. Dios ocare bueriavirijure quene ñamasuri cũmurorire rujivariquenarũgũama. ⁷ To yicõari, jãjarã masa ina rẽjarũgũrijaurire ejarũgũama. Masare ina bocajama, rũcũbose rãca ñare ina sēnisere bojarũgũama. To yicõari, “gotimasiorimasu” masa ina yijama, ajivariquenarũgũama.

⁸ Mũarema, ina yirore bajiro mna yibetijare, quenaruroja. “Gotimasiorimasu” mna rãcana mũare ina yisere bojabetiruarãja mna. Sĩgũne ñaja yu, mna jedirore gotimasiorimasuma. Mũama, cojoro cõrone ñarã ñaja mna, yure ajitirũnrãma. To bajiri gotimasiorimasu gãmerã yimasimenaja mna. ⁹ Õ vecajure ñagũ sĩgũne ñaami mani jacu, Dios vãme cutigũ. To bajiri adi sitagure, gãjire yure ajitirũnũgũre, Diore mna yirũcũbosore bajiro yirã, “yna jacu” ire yibeja mna. ¹⁰ “Yna uju ñaja mu” gãjerã mũare ina yirũcũbosere ñare yirotibaja. “Rotimhorũgõrucuja mu” yigu, Dios i cõacacu, yu sĩgũne ñaja mna ujama. ¹¹ Sĩgũ yure ajitirũnũgũ, ñamasugũ i ñarujajama, gãjerã ina bojasere masicõari, quenaro ñare yiejarẽmogũ ñarucumi. ¹² Quenaro ñare ina yirũcũbosere bojarãre, “Ñamasurã me ñato”, ñare yirucumi Dios. No bojagu, “Ñamasugũ me ñaja yu” yicõari, quenaro gãjerãre yirẽmogũjare, “Ñamasugũ ñato”, ire yirucumi Dios —yuare yicami Jesús.

¹³ Fariseo masare, Dios i rotimasire gotimasiorimasare quene yigu, ado bajiro goticami Jesús:

—Buto rojose tãmuoruarãja mña. “Quẽnaro yirã ñaja yña” yiboarine, rojorã ñaja mña. Dios ï rotimasirere buerẽtobucõari, ñamasuse mejuare ajitirũnucõari, gotimasiovadicaju mña. To bajiro mña yijama, “Ûju Dios yarã quẽnaro ï yirã ñabeticõato mani” yirãre bajiro yinãja mña. To yicõari, “Gãjerã, Ûju Dios yarã quẽnaro ï yirã ñabeticõato ñna” yirã yaja mña. Dios yarã ñna ñaruaboajaquẽne, ñnare matarã yaja mña. To bajiri mña quẽne ï yarã ñabetiruarãja mña —ñnare yicami Jesús.

14 —Buto rojose tãmuoruarãja mña, fariseo masa, Dios ï rotimasire gotimasiorimasa quẽne. “Quẽnaro yirã ñaja yña”, yituoĩaboaja mña. Manajua rijaveoriarã ya virire êmarã ñaboarine, masa ñna ñaro rĩjorojuã, “ ‘Quẽnaro yirã ñaama’ yĩlato” yirã, “Yoaro Diore sãnirã yaja”, yisocarũgũboaja mña. To bajiro mña yise vaja, gãjerã rojorã, rojose ñna tãmuose rẽtoro rojose tãmuoruarãja mña —ñnare yicami Jesús.

15 —Buto rojose tãmuoruarãja mña. “Quẽnaro yirã ñaja yña” yiboarine, mña yirore bajiro yirã me ñaja mña. “Manire bajiro gãji ï tuoĩajama, quẽnaja” yituoĩacõari, masare buto gotimasiodudiaja mña. Sĩgũ, “Yũare bajiro tuoĩato” mña yigure, “Mani ajitirũnaro rẽtoro mani yere ajitirũnato ï” yirã yaja mña. To bajiro mña yijama, “Butobusa rojose tuoĩato” yirã yaja mña. To bajiri, mña rẽtobusaro Dios ï bojabetire yicõari, “Rojose tãmuotujabetiriaroju varucami ï quẽne”, yirã yaja mña —ñnare yicami Jesús.

16-22 Quẽna ado bajiro ñnare goticami Jesús, fariseo masare, Dios ï rotimasirere gotimasiorimasare quẽne:

—Buto rojose tãmuoruarãja mña. Ñamena, gãjerã ñamenare tãa vanare bajiro bajirã ñaja mña. No bojase mña yirotere mña yirũajama, “Yimasucõaruarãja yña. Tire yña yibetijama, Dios, rojose yũare yibogumi” yirã, yirere ado bajiro gãjerãre gotimasiorũgũboaja mña: “Cojojirema mani gotirote bajiro yirũamena ñari, ado bajirojuã mani gotijama, quẽnacõaroja”, yirũgũboaja mña: “Mani gotirũgũrore bajiro yirã ñaboarine, Dios vãmere mani gotivasoajama, mani gotirote bajiro mani yibetiboajaquẽne, rojose manire yibecami Dios”, yirũgũboaja mña. To yicõari, ado bajiro gotimasiorẽmoaja: “Dios vãmere gotiterã, Diore yirũcũbũoriavi vãmere rãca mani yijama, quẽnacõaroja. To bajiro yiterã, Diore yirũcũbũorã soemũoriajau vãmere rãca mani yijama, quẽnacõaroja. Tire mani yitejama, õ vecaju ãmũagaseoroju Dios ï ñaro vãmere rãca mani yijama, quẽnacõaroja. To bajiboarine, Diore yirũcũbũoriaviaye oro vãmere cutise rãca, to yicõari, gaje vãmere Diore rũcũbũorã soemũoriajau joere jesase vãmere rãca mani yijama, mani gotirote bajirone yiroti ñaja”, yiboaja mña.

Tuoĩamasimena, ĩamenare bajiro bajirã ñaja mua. Ñajediro Dios ye ti ñajare, ĩ vãmerene gotirã yaja mua —ĩnare yicami Jesús.

23 —Buto rojose tãtũorũarãja mua. “Quẽnaro yirã ñaja yua” yiboarine, rojorã ñaja mua. Dios ĩ rotimasirere buerẽtobucõari, ñamasuse mejuare ajitirũnrãja mua. To bajiro yirã ñari, bare sãvũorere, an'is, menta, comino vãme cutire mojoroaca ti vaja cutiboajaquẽne, Diore yirũcũbũoriavi moabosarimasare ĩsiaja mua. To bajiro yirã ñaboarine, Dios ĩ rotimasire ñamasusejuarema ajitirũnumena ñaja mua. Ado bajiro bajaiaja ñamasuse: Quẽnaro riojo yire, gãjerãre ĩamaire, to yicõari, Diore maire quẽne ñaja ñamasuse. Tire quẽne yirũgũrona ñaja mua. 24 To bajiro yirã ñari, ado bajiro yirãre bajiro yaja mua: “Beco rãca idirobe” yirã, oco mua idirotire veorũgũaja mua. To bajiro yirã ñaboarine, camello vãme cutigũjuarema jaigũ ĩ ñaboajaquẽne, rujũne bayurãre bajiro yirũgũaja mua. To bajiri, ĩamena, gãjerã ĩamenare tũa vanare bajiro bajirã ñaja mua. Dios ĩ rotimasire ñamasuse mere ajirũcũbũorã ñaboarine, ñamasusejuare yimena ñaja mua —ĩnare yicami Jesús.

25 —Buto rojose tãtũorũarãja mua. “Quẽnaro yirã ñaja yua” yitũoĩaboarine, rojorã ñaja mua. Idiriabaja, bare jeobariabaja joema coeriabajari ñaboarine, jubeajuama buto ueri cutibajarire bajiro bajaiaja mua. Mua usuri bajisejuarema tũoĩabeaja mua. To bajirã ñari, “Quẽnaro yirã ñaja yua” yitũoĩaboarine, rojosere quẽne tũoĩarã ñari, rojorã ñaja mua. ĩaũorã ñari, “Ĩnare yitocõari, ĩna cũboasere ĩmarũarãja”, yitũoĩarã ñaja mua. 26 “Rojorã ñaja mani” yimasimena ñari, ĩamenare bajiro bajirã ñaja mua, fariseo masa. Rojasere tũoĩatũjaya. To bajiro mua yijama, Dios ĩ bojarore bajiro tũoĩarã ñari, quẽnaro yirã ñarũarãja mua.

27 Buto rojose tãtũorũarãja mua fariseo masa, Dios ĩ rotimasire gotimasiorimasa quẽne. “Quẽnaro yirã ñaja yua” yiboarine, mua yirore bajiro yirã me ñaja mua. Masa yujeriviri botisene viariavirire bajiro bajaiaja mua. Masa ĩna ĩaquẽnariviri ñaboarine, jubeajuama rijariarã gãa quẽnabetoja. 28 To bajiro bajirã ñaja mua. “Quẽnaro yirã ñaama” masa ĩna yĩarã ñaboarine, mua tũoĩare cutisema rojorã ñaja. “Quẽnaro yirã ñaama” masa mũare ĩna yĩasere bojatũoĩarã ñaboarine, rojose ñaro cõro tũoĩarã ñaja mua —ĩnare yicami Jesús.

29 Quẽna ado bajiro ĩnare gotirũtuacami Jesús:

—Buto rojose tãtũorũarãja mua. “Quẽnaro yirã ñaja yua” yiboarine, mua yirore bajiro yirã me ñaja mua. Diore gotirẽtobosamasiriarãre ĩna yujemasiriaju joere quẽnariju quẽnoaja mua, “Quẽnarã ñamasifũma” yirã. To yicõari, gãjerã quẽnaro yiriarãre quẽne ĩna yujeriaju joere quẽnase

quēnorūgūaja m̄ua. ³⁰ To yicōari, ado bajiro yirūgūaja m̄ua: “Mani ñicua, Diore gotirētosarimasare ña s̄iarearo, ñare s̄ia ejarēmobetiboriarāja mani”, yirūgūaja m̄ua. ³¹ To bajiro m̄ua yijama, “Quēnarā ñañuma” yirā me yaja m̄ua. Ado bajirojua yirā yaja: “Diore gotirētosamasiriarāre mani ñicua ña s̄iamasire quēnañuja ti” yirā yaja m̄ua, m̄ua ñicua rojose ña yiriarore bajiro rojose yirā ñari. ³² M̄ua ñicua Diore gotirētosarimasare ña s̄iasuovadimasiriarore bajirone m̄ua quēne ña jānerabatia ñari, Diore gotirētosarimasare s̄iajeocōaroti ñaja —ñare yicami Jesús.

³³ —Vātia uj̄u rojose ï yiore bajirone rojose yijairā ñaja m̄ua. Rojose tām̄uot̄ujabetiriaroj̄u m̄ua varotire, no bajiro rudimasibetiruarāja. ³⁴ M̄ua jud'io masa vatoaju Diore gotirētosarāre, quēnaro t̄uōiarāre quēne, Dios ocare gotimasiorāre quēne cōaruc̄uja yu. ñare s̄iaruarāja m̄ua. Gājerārema yucūtēroj̄u jajus̄iaruarāja. Gājerārema, Dios ocare ña buerivirij̄u ñare jaruarāja. Gājerārema, ña vati macari ñaro cōrone rojose ñare yis̄uyaruarāja. ³⁵ To bajiro m̄ua yiroti ti ñajare, ado bajiro yiruc̄umi Dios, m̄ua ñicua, m̄ua yarā jedirore yure ajitirūn̄amenare: Abel ñamasir'ire m̄ua ñicu ï s̄iasuomasire, to yicōari Diore yiruc̄ub̄oriavi jubeaju ñarijau soem̄oriajau t̄uj̄u Berequ'ias macure Zacar'iare ña s̄iatusamasirere, quēnaro yirāre ña s̄iavadimasire ñajare, buto rojose tām̄uoruarāja m̄ua, adirūm̄ari ñarā. ³⁶ Riojo m̄uare gotiaja yu. M̄ua ñicua ña bajimasiriarore bajirone Diore m̄ua ajitirūn̄ubeticōa ñajare, ña s̄iamasire vaja rojose ñare ï yiroti rētosarore rojose m̄uare yiruc̄umi Dios, adirūm̄ari ñarāre —ñare yicami Jesús.

Jerusalén macanare ña bajirotire Jesús ï t̄uōias̄utiritire queti (Lc 13.34-35)

³⁷ Jerusalén macanare ñre ña s̄iarocarore bero ña bajirotire t̄uōiācōari, ado bajiro yicami Jesús:

—Jerusalén macana, Diore gotirētosamasiriarāre s̄iamasiriarā jānerabatia ñacōama ña. Dios ï cōamasiriarāre, ï ocare gotimasiorimasare gūtane ñare reas̄iamasiriarā jānerabatia ñaama. Cojoji me gājaboco so queruj̄u eñeroca so r̄iare so juarēorore bajiro ñare yir̄uaboacaj̄u yu, ñare coderu. To bajiro yu yir̄uaboajaquēne, ñajua yure bojabeticama. ³⁸ To bajiri jēre, “Ña ñarij̄ure codet̄ujacōaja yu yuja”, yit̄uōiami Dios. ³⁹ Riojo gotiaja yu: “ ‘ïRotim̄uorūgōruc̄umi’ yiḡu, Dios ï cōar'i vadiami! ¡Quēnase ñre yivariquēnato mani! ¡Diore rotibosagu ï ñajare, ñre quēnaro yato Dios!’ yure ña yiroto r̄ijoro, quēna juaji yure ñabetiruarāma ña —ñare yit̄uōia ñagōcami Jesús, Jerusalén macanare.

24

“Diore yirūcubhoriavire jud’io masa me ñarã caguero-cacōaruarãma”, Jesús ÿyire queti
(Mr 13.1-2; Lc 21.5-6)

¹ Diore yirūcubhoriavijũ ñacōari, budiacami Jesús. Ñre ěmucōari, ado bajiro ñre yicajũ yua:

—Adi vire ñaña mũ —Ñre yicajũ yua.

² To bajiro yua yirone, ado bajiro yuare yicami Jesús:

—¿Adi vire quēnaro ñati mũa? Mũa ñarivi ti bajiro tire riojo mũare gotigũagũa yaja yũ. Adi vi mũa ñarivi ñaro cōrone cague-roca ecorũaroja. To bajiri adi viaye gajea gũta joere, gajea jesabeticōarũaroja —yuare yicami Jesús.

“Macarũcuro ti jediroto rĩjoro ado bajiro bajirũaroja”, Jesús ÿyire queti

(Mr 13.3-23; Lc 21.7-24; 17.22-24)

³ Tijũ bero, Olivo vãme cãti buro joejũ rujicami Jesús. To ÿ rujirone, gãjerã ñna mano ñacōari, ado bajiro ñre sēñĩacajũ yua:

—¿Divato cague-roca ecoroti Diore yirūcubhoriavi? ¿No bajiro ti bajisere ñacōari, “Jesús ejagũagũa yigũmi”, yimasirãti yua? ¿No bajiro ti bajiro ñacōari, “Adi macarũcuro jediato yaja”, yimasirãti yua? —Jesũre yisēñĩacajũ yua.

⁴ To bajiro yua yisere ajicōari, ado bajiro yuare cũdicami Jesús:

—Roori ñaruarãja mũa, “Socarãne, gãjerã manire yitoroma” yirã. ⁵ Jãjarã yitorã ñaruarãma, “Yũne ñaja ‘Rotimũorũgõrũcũmi’ yigũ, Dios ÿ cõagũ” yirã. To bajiro ñna yisocasere jãjarã masa ñnare ajisũyaboaruarãma. ⁶ Mũa tũana, to yicōari, gajeroana quēne gãjerã rãca ñna gãmerã sĩasere ajiruarãja mũa. Tire ajicōari, gũibetiruarãja mũa. “Bajirũaroja” Dios ÿ yiriarore bajirone bajirũaroja. To bajiro ñna gãmerã yĩnaboajaquēne, adi macarũcuro jediro me bajirũaroja. ⁷ Cojo sitana gaje sitana rãca gãmerã sĩaruarãma. Cojo maca me ñioñarũaroja. To yicōari bũto sita saberũaroja. ⁸ To bajiri, rojose tãmũosũoruarãma masa. Ñna tãmũose rēto busaro rojose tãmũoroana yirãma yuja.

⁹ Tirodori, gãjerã, mũare ñejecōari, ñsirearuarãma, gãjerãre, “‘Rojorã ñaama’ yĩacōari, rojose ñnare yato” yirã. To bajiri, gãjerãjua, rojose mũare yigajanocōari, mũare sĩaruarãma. Yũre ajitirũnrã mũa ñajare, mũare ñateruarãma adi macarũcuroana jediro. ¹⁰ To bajicōari, jãjarã yũre ajitirũnrã, ajitirũnũ tũjaruarãma ñna. To yicōari, yũre ajitirũnrã, sĩgũri, gãmerã ñateruarãma. Gãjerã, ñna rãcanare ñatecōari, ñsirearuarãma ñna. ¹¹ “Diore gotirēto bosarimasa ñaja yua” yitorã, jãjarã ñaruarãma. To bajiro ñna yisocasere jãjarã masa ñnare ajisũyaboaruarãma.

¹² Butobusa rojose rīne yirūtu vare ti ñajare, gāmerā maire quēne manibusacoararoja. ¹³ To bajiro ti bajiboajaquēne yare ajitirūnu tujamenare, adi macarucuro ti jediroju, rojose tāmūotujabetiraroju ĩna vaborotire ĩnare yirētobosarucumi Dios. ¹⁴ “Uju Dios yarā quēnaro ĩ yirona mua ñarujama, Jesure ajitirūnuña” yire queti, adi macarucuro ñarā masa ñaro cōrone gotimasiojeo ecoruarāma. ĩna masijedicōaro beroju adi macarucuro jediraroja.

¹⁵ Diore gotirētobosarimasa Daniel ñamasir'i ado bajiro ucamasiñumi: “Adi macarucuro jedirirodo sīgū, ‘Diore rūcubūobeticōato ĩna’ yigu, Dios ĩ bojabetire yirucumi. Diore yirūcubūoriaviju ĩ ñasere masiruarāja mua”, yucamasiñumi Daniel ñamasir'i. (Uu, Mateo, adi papera Daniel ĩ ucamasirere Jesús ĩ gotisere uu ucasere ĩacōari, ajimasiña.) To bajiri Dios ĩ bojabetire ĩ yisere ĩacōari, “Jerusalén maca ti jedirotirūmu cōñaro bajiaja”, yimasiruarāja mua. ¹⁶ To bajiro bajirirūmu Judea sitana gūtayucuju guaro rudicoajaro ĩna. ¹⁷ Sīgū ĩ ya vi joeju jesaguma, rujiacōari, ĩ ya vi jubeaju gajeyeūni ñasere juatīmabetirucumi. ¹⁸ Gāji, veseju moañagū, ĩ ye sudire juagu tudiatīmabetirucumi, rujarimarone uu ejaroti ti ñajare. ¹⁹ Rōmia macu sãñarā, ũjurā cuorā quēne, rojose tāmūoruarāma ĩna, ũmatīmabetica yirā. ²⁰ “Buto oco quedirirūmare, to yicōari, ususājariarūmare bajibeticōato” yirā, Diore sēnicōa ñarūgūña. ²¹ To bajiro bajirirūmari buto rojose tāmūoruarāma masa. Adi macarucuro ñasūoriarūmari masa rojose ĩna tāmūoadire rētoro tāmūoruarāma ĩna. Rojose ĩna tāmūoro bero, to bajise rojose tāmūobetiruarāma yuja. ²² “Yoaro mebusane rojose tāmūoato masa” Dios ĩ yibetijama, sīgū catiruyarocu manibogumi. “Uu yarā ñaña mua” ĩ yirere cudiriarāre ĩamaigū ñari, “Yoaro mebusane rojose tāmūoato ĩna”, yirucumi Dios.

²³ To bajiro bajiñarirodorire, “Ānine ñaami ‘Rotimūorūgōrucumi’ yigu, Dios ĩ cōar'i. Ejayumi” gājerā ĩna yijama, ĩnare ajibeja mua. To yicōari, gājerājuama, “Tone ñagūmi. Ejayuju” muare ĩna yijaquēne, ĩnare ajibeja mua. ²⁴ Jājarā yitorā ñaruarāma, “Yune ñaja ‘Rotimūorūgōrucumi’ yigu, Dios ĩ cōagū” yirā, to yicōari, “Diore gotirētobosarimasa ñaja uu” yirā. To bajiro yirā, ĩaiañamani jairo yīoruarāma, masare yitorā. To bajiro yiruarāma, “‘Uu yarā ñaña mua’ Dios ĩ yirere cudirā quēne, manijare ajitirūnūato” yirā. ²⁵ Tire muare uu gotimasiosere quēnaro tūoiaña mua. Ti bajiroto rījoro jediro muare gotijeobu uu. ²⁶ To bajiri, “Yucú manojū ñagūmi, ‘Rotimūorūgōrucumi’ yigu, Dios ĩ cōar'i” muare ĩna yijama, ĩarā vabetiruarāja mua. To yicōari, “Vi jubeaju yayioroju ñagūmi, ‘Rotimūorūgōrucuja mu’ yigu, Dios ĩ cōar'i” ĩna yijama, ĩnare ajitirūnūbetiruarāja mua. ²⁷ Macarucuro

jediro bajō ī yabesere masa īna īarore bajiro Dios ī roticōacacu, yu vadore yure īare űararōja. ²⁸ Rijar'ī, ī boacūñarorema, yuca ejarāma īna –yuare yicami Jesús. ¹

“Dios ī roticōacacu tudiejarucija yu”, Jesús ī yire queti (Mr 13.24-37; Lc 21.25-33; 17.26-30, 34-36)

²⁹ To yicōari, quēna ado bajiro yuare yicami Jesús:

–Tire rojose īna tāmno gajanorijaune, gaje vāme rojose bajirarōja. Muiju űmuaḡu asibetirucami yuja. űamiḡu quēne busubetirucami. űocōa quēne vējacoararāma. To yicōari, ō vecayere nḡnobatorucami Dios. ³⁰ To bajiro ti bajiro īacōari, “Ō vecaḡu Dios ī roticōagū rujiadiguaḡu yigūmi”, yure yirarāma masa. Yu rujiadire īacōari, gūirā, otirarāma. Yu masise rāca, oco bueri vatoajḡ buto yu busubatorujiadire īararāma. ³¹ Ō vecajḡ trompeta jutise ocaruyurōja. To cōrone, “Yu yarā űaűa' Dios ī yirere cudiriarāre jḡdoaga soje, jūnaga soje, varuaga soje, gajejacatua varuaga soje űarā jedirore juarēoato” yigū, āngel mesare cōarucija yu. To yu yijare, yu yarā űaro cōrone juarēorarāma īna –yuare yicami Jesús.

³² To yicōari, quēna ado bajiro yuare goticami Jesús:

–Gotimasiore queti mḡare gotigū yaja yu. Higuera vāme cutiure tḡoīaűa mḡa. Higuera vāme cutiḡu gajecu bucamaḡacōari, jū mameaja. Tire īacōari, “Mojeroaca rḡyaja cāma ti ejaroti”, yimasijaja mani, jud'io masa. ³³ Mḡare yu gotisere bajiro bajisere īacōari, “Mojeroaca rḡyaja Jesús ī vadiroti”, yimasirarāja mḡa. ³⁴ Riojo mḡare gotiaja yu. Adirodo űarā mḡa bajireajediroto rḡjoro, mḡare yu gotirore bajirone bajirarōja ti. ¹ ³⁵ Adi macarucuro űaro cōrone, to yicōari, ō vecaye quēne jedicoararōja. To bajiboarine, yu ocama, jedibeti mḡorḡḡōcōararōja.

³⁶ “Ado cōrone ejarucami Jesús” yimasigū magūmi. Āngel mesa quēne, masimenama īna. Dios macu űaboarine, “To cōro ejarucija yu”, yimasibeaja yu quēne. Yu jacu sīgūne masigūmi –yuare yicami Jesús.

³⁷ Quēna ado bajiro yuare gotirēmocami Jesús:

–Noē űamasir'ī ī űariarodo masa īna bajiűamasiriarore bajiro bajiűararāma, Dios ī roticōacacu, yu tudiejarirūmare quēne. ³⁸ Adi macarucuro ti rujaroto rḡjoro, bare ba, idi, manajo cuti, yicōa űamasirarāma īna. Diore tḡoīari mene, “¿To bajiroado yatique?” yimenane, jairica cūmua quēnogajanocōari, Noē ī vasājaro űnone to bajiro yicōa űamasirarāma īna. ³⁹ “To

¹ **24:28** “Yuca ejarāma, masu boagū ī űarore” ī yijama, “Rojose yirāma, no bojarone űacōarāma” yigū yiyuju Jesús. ¹ **24:34** Griego masa ye rāca “esta raza” yiroma, judío mesare yiro yaja. To bajicōari, “esta generación” ti yijama, adirodo űarāre yiro yaja.

bajiroado yiroja” ina yimasibetone, ĩnare ruureacōamasĩnju Dios. To bajirone bajiruarāma masa, yu tudiejarirāmure quēne. ⁴⁰ Yu ejarirām juarā ũma ĩna veseju moañuarāma. To ĩna yiñarone, sīgũ āmiecorucumi. Gājima, āmiecobetirucumi. ⁴¹ Rōmia juarā trigore vāiañuarāma. To bajiri, sīgō āmiecorucosomo. Gajeoma, āmiecobetirucosomo.

⁴² To bajiro bajiroti ti ñajare, roori ñaruarāja ma, “To cōrone tudiejarucumi mani ũju” yure yimasimena ñari. ⁴³ Sīgũ vi ũju, “Adi ñami juarudirimasu ejarucumi” ĩ yimasijama, roori ñabogumi, ĩre mataru. ⁴⁴ To bajiri, “Dios ĩ roticōagũ ĩ tudiejarotire mani masibetirĩmarone tudiejaromi” yirā, roori ñarũgũuarāja ma —yure yicami Jesús.

“Ado bajiro bajigumi yu tudiejarotire roori ñagũma”, Jesús ĩ yire queti

(Lc 12.41-48)

⁴⁵ Quēna ado bajiro yure gotirēmocami Jesús:

—Ado bajiro bajirucumi yure quēnaro ajitirũnu tajabecu, quēnaro tuoĩagũ: Ũju, gajeroju ñagucũ, ĩ varoto rĩjoro, “Yu ya vianare yure codebosaba” yigũ, ĩre moabosarimasure ĩ cũ var’ire bajiro bajigu ñagũmi. ⁴⁶ ĩ ũju, ĩ rotivariarore bajirone ĩ moayurere tudiejacōari, ĩ ĩaeajama, quēnaro ĩre yigumi, ĩre moabosarimasure. ⁴⁷ Riojo mare gotiaja yu. Ũju ĩ bojarore bajirone ĩ yire ti ñajare, ĩ cūose jedirorene ĩre ĩatirũnu rotigumi. ⁴⁸⁻⁴⁹ Ado bajiro bajirucumi yure quēnaro ajitirũnũbecuma: Rojose yigũ ĩ ñajama, ũju, ĩ vato bero, “Yoatoju tudiejagumi” yitũoĩagũ ñari, ĩ ũju moabosarimasare rojose yigumi. To yicōari, idimecũrũgũrāre baba cūticōari, ĩna rāca idirũgũgũmi ĩ quēne. ⁵⁰ To ĩ yiñarone, ĩ ũju, tudiejagumi. ⁵¹ Tudiejacōari, ĩ rotiriarore bajiro ĩ yibetire ti ñajare, rojose ĩre yigumi. To bajiri “Quēnaro yirā ñaja yu” yiboarine, ĩna yirore bajiro yimena rojose ĩna tāmũorore bajirone tāmũogũmi. Bũto rojose tāmũogũ ñari, guji pōguē, oti, yigumi —yure yicami Jesús.

25

“Ado bajiro bajiruarāma Dios yarāma. To yicōari, ĩ yarā me ñarāma ado bajiroju bajiruarāma”, Jesús ĩ yire queti

¹ Quēna ado bajiro yure yicami Jesús:

—Ũju Dios yarā ñaronama, quēnaro ĩ yironama, to yicōari, ĩ yarā me ñaronajuma, ado bajiro bajirāre bajiro bajiruarāma: Mamarā rōmiri juaāmocārāco ñarāma, mame manajo cūtirosure ĩre bocarā vana. To vana, ĩna sĩabusuore juaánama. ² Cojomocārāco ñarāma quēnaro tuoĩarā. To yicōari, cojomocārāco quēnaro tuoĩamena ñarāma. ³ Quēnaro tuoĩamenama ĩna sĩabusuore juarā ñaboarine, uye ti jediro, ĩna jiovasoabortire juaámenama. ⁴ Quēnaro tuoĩarājuma,

“Ti jediro jiorāsa mani” yirā, juaánama. ⁵ Manajo cutirocu ĩ ejařimabetijare, yoaro yubusabo, cānicoanama. ⁶ ĩna cāniñarone, ñami gũdareco cõñaro cõro ocaruyuroja yuja: “Manajo cutirocu vadicoadiami yuja. ĩre bocarā vayá”, yi ocaruyuroja. ⁷ Tire ajicõari, ĩna sĭabusuore sĭarāma. ⁸ Cojomocārāco ñarā quēnaro tũoĭamenajua, ado bajiro yirāma quēnaro tũoĭarāñuare: “Yua sĭabusuore uye jedicoaju ti. To bajiri mua uye mojoroaca yuare ĩsiña”, yiboarāma ĩna. ⁹ To bajiro ĩna yiboajaquēne, ado bajiro cudirāma quēnaro tũoĭarā: “ĩsibeaja. Mua masune uye ĩsirimasa tju vacõari, vaja yiaya. Muare yua ĩsijama, manire tĭjabetiboroja”, ĩnare yirāma. ¹⁰ To bajiro ĩna yisere ajicõari, uye vaja yirā vacoanama quēnaro tũoĭamenajua. ĩna vato bero, manajo cutirocu ejağumi yuja. Quēnaro ñayuriarā rõmirima, ĩ ejarone, ĩ rāca sĭajacoanama ĩna, ĩ āmosiaro ĩarā. Sĭajacõari, sojere tucõagumi manajo cutirocujua. ¹¹ Soje ĩ turiaro bero, ejaboarāma quēnaro tũoĭamena. Sĭajamasimenama. To bajiri, manajo cutirocure ado bajiro ĩre yiboarāma: “Yua ujũ, soje jānaña maji”, ĩre yiboarāma. ¹² To ĩna yisere ajicõari, ado bajiro ĩnare cudigumi manajo cutirocu: “Riojo muare gotiaja yu. Yu yarā me ñaja mua. Muare masibeaja yu”, ĩnare yigumi manajo cutirocu –yuare yicami Jesús.

¹³ –To bajiri roori ñarũgũruarāja mua, “To cõrone tudiejarũcumi” yuare yimasimena ñari –yuare yicami Jesús.

Moabosarimasa ĩna bajirere Jesús ĩ gotimasiore queti
(Lc 19.11-27)

¹⁴ Quēna ado bajiro yuare yicami Jesús:

–Quēna yu tudiejaru, “Ñajediro ujũ ñaja yu” yĭocõari, yu yarā yuare ajitirũnuarā ĩna yisere masicõari, moabosarimasa ujũ ado bajiro ĩ yiriare bajiro bajararoja: Sĭgũ ñagumi gaje sitaju varocu. ĩ varoto rĭjoro, ĩre moabosarimasare jirẽogumi. ĩnare jirẽocõari, ĩ ye gājoare ĩnare bategumi. “Yu manitoyeju adi gājoa rāca vaja yicõari, mua vaja yisere gājerāre ĩsirā, jaibusaro vaja sēnima, ‘Jaibusaro gājoa bujarāsa’ yirā”, ĩnare yigumi.

¹⁵ To bajiri, sĭgũre cinco mil ñaritiiri gājoatiire ĩre ĩsigumi. Gājire, dos mil ñaritiiri ĩsigumi. To yicõari, gājirema, mil ñaritiiri ĩsigumi. ĩnare ĩsigajanocõari, vacoacumi. ¹⁶ Uju ĩ vato bero, cinco mil ñaritiiri ĩsiecor'i, quēna cinco mil ñaritiiri bujarẽmogumi. ¹⁷ Gāji dos mil ñaritiiri ĩsiecor'i, quēna dos mil ñaritiiri bujarẽmogumi. ¹⁸ Gāji, mil ñaritiiri ĩsiecor'ima, ĩ ĩsiecoriaro cõrone yujecũcõagumi.

¹⁹ Yoatoju ujũ tudiejağumi quēna. Tudiejacõari, “Gājoa ĩnare yu ĩsicati rāca, ¿no bajiro yuare yibosayujari ĩna?” yisēniaru, ĩnare jigumi quēna. ²⁰ Cinco mil ñaritiiri ĩ ĩsir'ire jisũogumi. To ĩ yigu, ejacõari, ĩre ĩ ĩsiriario cõro tũogumi. To yicõari, cinco

mil ĩ bujarēmorerere ĩre ĩsigũmi. To yigane, ado bajiro gotigumi: “Cinco mil ñaritiiri yũre ĩsicaju ma. To bajiri quẽna gaje cinco mil ñaritiiri mũre bujarēmobosabu yũ”, ĩ ujure ĩre yigumi. ²¹ To ĩ yijare, ado bajiro ĩre cudigumi ĩ uju: “Yũre quẽnaro moabosayuja ma. Yũ roticatore bajirone yũre cadiyuja ma. Mojoroaca mũre yũ ĩsicati rãca yũ roticatore bajiro ma yire ti ñajare, ñamasuse yũre yibosarũcũja ma. Yũ rãca variquẽnaña”, ĩre yigumi. ²² To ĩ yiro bero, gãji, dos mil ñaritiiri ĩsiecor'i ejagumi. Ejacõari, ĩre ĩ ĩsiriaro cõro tuogumi ĩ quẽne. To yicõari, gaje dos mil ñaritiiri ĩ bujarēmorerere ĩsigũmi. To yigane, ado bajiro gotigumi: “Dos mil ñaritiiri yũre ĩsicaju ma. To bajiri quẽna gaje dos mil ñaritiiri mũre bujarēmobosabu yũ”, ĩ ujure ĩre yigumi. ²³ To ĩ yijare, ado bajiro ĩre cudigumi ĩ uju: “Yũre quẽnaro moabosayuja ma. Yũ roticatore bajirone yũre cadiyuja ma. Mojoroaca mũre yũ ĩsicati rãca yũ roticatore bajiro ma yire ti ñajare, ñamasuse yũre yibosarũcũja ma. Yũ rãca variquẽnaña”, ĩre yigumi.

²⁴⁻²⁵ ĩ bero ĩ ujure ĩogũ ejagumi mil ñaritiiri ĩsiecor'i: “Yũ uju, adine ñaja ma gãjoa, yũre ma ĩsicati. Tire yujecũcõacaju yũ, mũre gũigu ñari, ‘Ti sũorine yũre tud'ijacagumi; bũto roticõari ĩ bojarore bajiro yirere bojagu ñacami’ yitũoĩagũ ñari”, ĩre yigumi. ²⁶ To bajiro ĩ yijare, ado bajiro ĩre cudigumi ĩ uju: “Yũ bojasere yitegu bajiyuja ma. Rojogu ñaja ma. ‘Tud'ijacagumi; bũto roticõari ĩ bojarore bajiro yirere bojagu ñacami’ yũre yitũoĩagũ ñaboarine, quẽnaro yũre moabosabesuja ma. ²⁷ Gãjoa mũre yũ ĩsicati rãca vaja yicõari, ma vaja yisere gãjerãre ĩsicõari, jaibũsaro vaja sẽnibetiboarine, gãjoa cũriavijua ma cũjama, jaibũsaro yũre bujarēmobosaboriaja ma”, ĩre yitud'igumi ĩ uju. ²⁸ To bajiro ĩre yigajanocõari, gãjerãre ado bajiro rotigumi: “Ånire gãjoa yũ ĩsiboacatire ĩmaña. Tire ĩmacõari, diez mil ñaritiiri yũre ĩsigũjũare ĩsiña”, ĩnare yigumi ĩna uju. ²⁹ To yicõari, ado bajise ĩnare gotirēmogumi: “No bojagu ĩre yũ ĩsise rãca yũ bojarore bajiro yigu, quẽnase bujarũcumi. Ñiejua ruyabetirũaroja ĩre. No bojagu ĩre yũ ĩsise rãca yũ bojarore bajiro yibecũrema, ĩre yũ ĩsiboacatire ĩre ĩmarũcũja yũ, ‘Yũ bojarore bajiro yimasibeami’ yigu. To yicõari, ĩre yũ ĩmasere gãji yũ bojarore bajiro yigũjũare ĩsirũcũja yũ. ³⁰ Åni yũre moabosarimasu ñie vaja magũre, rẽtiaroju ĩre rocacõaña ma. Toju ñacõari, bũto rojose tãmũogũ ñari, guji põguẽ, otĩ, yirũcumi”, yigumi ĩna uju —yũare yigoticami Jesús.

Adi macarũcũro ñarãre, masare ĩ beserotire Jesús ĩ gotire queti

³¹ Ado bajiro yũare goticami Jesús quẽna:

—Dios ĩ roticōacacu yu tudiejaro, yu rāca ejaruarāma ángel mesa. Ejacōari, masare rotiguagu, rūcubūoriaju rujirucija yu. ³² To bajicōari, “Adi macarucuroana masa ñajediro yu rĭjorojua ejato” yigu, ángel mesare juaárotirucija yu. To bajiro ĩna yiejoro bero, yu yarāre, yu yarā mere quēne ĩamasicōari, ricati ĩnare cūrucija yu. Oveja coderimasu, ovejare ricati, cabrare ricati ĩ cūrore bajiro ĩnare yirucija yu. ³³ Yu yarāre yu riojojacatua cūrucija. To yicōari, yu yarā mere yu gācojacatua cūrucija. ³⁴ To bajiri yu riojojacatuanare ado bajiro ĩnare yirucija yu: “Yu jacu quēnaro ĩ yirā ñaja mna. To bajiri ĩ rāca ĩ ye quēnasere bujaruarāja mna yuja. ‘To bajiro bajiruarāma’ mñare yituoĭacōari, quēnobosacami, adi macarucuro rujeogu. ³⁵ Yu ñiorijaro, yure bare ecacaju mna. Yu idiruaru, yure iocaju mna. Gajeroagu mna masibecu yu ñaboajaquēne, quēnaro yure bocaāmicaju mna. ³⁶ Yu sudi mano, yure sudi sācaju mna. Yu rijaro, yure ĩarā ejacaju mna. Tubiberiavi yu ñaro, yure ĩarā ejacaju mna”, yirucija yu, yu yarāre. ³⁷ To bajiro yu yisere ajicōari, ado bajiro yure sēniĭaruarāma ĩna: “Yuñu ĩju, ¿Divato mñ ñiorijasere ĩacōari, mñre bare ecacati yua? ¿Divato mñ idiruaru mñre iocati yua? ³⁸ ¿Divato gajeroagu yua masibecu mñ ñaboajaquēne, quēnaro mñre bocaāmicati yua? To yicōari, ¿divato mñ sudi mano, mñre sudi sācati yua? ³⁹ To yicōari, ¿divato mñ tubibe ecoro, mñ rijarore quēne, mñre ĩarā ejacati yua?”, yure yisēniĭaruarāma ĩna. ⁴⁰ To bajiro ĩna yisere ajicōari, ado bajiro ĩnare cūdirucija yu: “Riojo mñare gotiaja yu. Yu yarāre, ‘Ñamasurā me ñaama’ ĩnare yiboarine, quēnaro ĩnare mna yijama, yurene quēnaro yirā yicaju mna”, ĩnare yirucija yu, yu yarāre, yu riojojacatujua ñarāre.

⁴¹ To yicōari, yu gācojacatujua ñarārema ado bajiro yirucija yu: “Yure cāmotadiya mna. ‘Rojose tāmūoruarāma’ Dios ĩ yirā ñaja mna. ‘Jeame yatibetimeju, rojose tāmūoruarāma vātia, ĩna ĩju rāca’ Dios ĩ yirujeocatijuju vasa mna. ⁴² Yu ñiorijaro yure bare ecabeticaju mna. Yu idiruaru yure iobeticaju mna. ⁴³ Gajeroagu mna masibecu yu ñajare, yure bocaāmibeticaju mna. Yu sudi mano, yure sudi sābeticaju mna. Yu rijaro quēne, tubiberiavi yu ñaro quēne, yure ĩarā ejabeticaju mna”, ĩnare yirucija yu, yu gācojacatuanare. ⁴⁴ To bajiro ĩnare yu yirone, ado bajiro yure sēniĭaruarāma ĩna: “¿Divato mñ ñiorijaro mñre ecabeticati yua? ¿Divato mñ idiruaru, mñre iobeticati yua? ¿Divato gajeroagu yua masibecu mñ ñajare, mñre bocaāmibeticati yua? ¿Mñ sudi mano, mñre sudi sābeticati yua? ¿Divato mñ tubibe ecoro, mñ rijarore quēne, mñre ĩarā ejabeticati yua?”, yure yisēniĭaruarāma ĩna. ⁴⁵ To bajiro ĩna yisere ajicōari, ado bajiro ĩnare cūdirucija yu: “Riojo mñare gotiaja yu. Ānoa yu riojojacatua yu yarāre, ‘Ñamasurā me ñaama’ ĩnare yiboarine,

quēnaro ĩnare m̄ua yibetijama, yurene quēnaro yimena bajicaĵm̄ m̄ua”, ĩnare yic̄dir̄c̄ĵa ym̄, ym̄ ḡācoĵacat̄uanare. ⁴⁶ To bajiro ĩnare yigajanoc̄ari, rojose ĩna t̄am̄uot̄ujabetirot̄oĵm̄ ĩnare reac̄dar̄c̄ĵa ym̄. To yic̄ari, ym̄ yar̄ĵuama, quēnaro ĩna ĩnac̄a ĩn̄arotoĵm̄ var̄nar̄ama –ȳare yicami Jesús.

26

“¿No bajiro yiḡm̄ ĩaami yitoc̄ari, Jesúre ĩre ĩnar̄ati maní, ĩre s̄iar̄ar̄a?”, ĩna yire queti

(Mr 14.1-2; Lc 22.1-2; Jn 11.45-53)

¹ To bajiro gotigajanoc̄ari, ĩ buerimasare ado bajiro ȳare yicami Jesús:

² —J̄nar̄m̄ berone ĩnarodo yaja Pascua boser̄m̄ ĩnas̄orir̄m̄. Tir̄m̄ne ȳre Dios ĩ rotic̄acac̄are masare ĩsiroc̄ar̄c̄ami s̄iḡ. To bajiri ȳre ĩnac̄ari, yuc̄t̄eroĵm̄ jajus̄iar̄ar̄ama ĩna –ȳare yicami Jesús.

³ Tir̄m̄ari paia uĵm̄ ĩamasuḡ Caifás v̄ame c̄tiḡm̄ ya viju r̄ejac̄ari, t̄oĩaĩaĩujar̄a b̄c̄r̄a, paia uĵar̄a quēne:

⁴ —Jesúre s̄iar̄ar̄a, ¿no bajiro yiḡm̄ ĩaami yitoc̄ari, ĩnarotir̄ati maní? ⁵ To bajiboarine, boser̄m̄ ĩaro ĩre maní s̄ajama, tire ĩaj̄ĩnisinic̄ari, manire rojose yibor̄ama masa –ḡamer̄a ȳiĩaḡoĩujar̄a ĩna.

Jesús r̄ajoare s̄tiquēnasene r̄ōmio so yuejeore queti

(Mr 14.3-9; Jn 12.1-8)

⁶ Betania v̄ame c̄ti macajm̄ c̄ami boacac̄m̄, Simón v̄ame c̄tiḡm̄ ya viju ĩacajm̄ ȳna, Jesúr̄aca. ⁷ Ti viju Jesús ĩ barujirone, s̄iḡ, ḡata sot̄m̄ alabastro v̄ame c̄ti r̄aca veariar̄m̄ amiejacamo. S̄tiquēnase buto vaja c̄tise, nardo v̄ame c̄tise s̄aĩar̄it̄m̄ ĩacajm̄ tir̄m̄, so amirit̄m̄. To bajiri Jesús t̄aca eja, ĩ r̄joa joere ĩre yuejeocamo so. ⁸ To bajiro so yisere ĩnac̄ari, j̄ĩnisinicajm̄ ȳna ĩ buerimasa. To bajiri, ado bajiro ḡamer̄a yicajm̄ ȳna:

—Ĵairo ḡajoa yireago yamo! ⁹ Tire ĩsic̄ari, jairo ḡajoa b̄jac̄ari, maioro bajir̄are ejar̄emoroti ĩaboaja ti –ḡamer̄a yicajm̄ ȳna.

¹⁰ To bajiro ȳna yisere ajic̄ari, ado bajiro ȳare yicami Jesús:

—Sore ḡoĵanabiobesa m̄ua. Tire ȳre so yuejeojama, quēnaro ȳre yigo yamo. ¹¹ Maioro bajir̄a m̄ua r̄aca ĩnac̄a ĩnar̄ḡur̄ar̄ama, m̄ua ejar̄emorona. Ȳma, m̄ua r̄aca ĩnac̄a ĩnabetir̄c̄ĵa. ¹² Adio s̄tiquēnase ȳre so yuejeojama, ȳre ĩna yuĵeroto r̄ĵoro yuejeo r̄ĵoro c̄tigo yamo. ¹³ Rioĵo m̄are gotiaja ȳna. Ȳna bajiroti quēnase quetire, adi macar̄c̄roana jedirore gotibator̄ar̄ama masa. To bajirone bajir̄aroĵa s̄tiquēnase ȳre so yuejeose queti quēne. So yuejeosere

masiritimenane tire gotibatoruarāma —yūare yigoticami Jesús.

“Jesúre ñiato” yigū, ĩre ĩaterā tujū Judas ĩ gotirudigū vare queti (Mr 14.10-11; Lc 22.3-6)

¹⁴ Jesús buerimasa juaāmo cōro, gūbo jua jēnitarirācu ñacaju yua. To bajiri yua rācagūne Judas Iscariote vāme cutigū, paia ujarāre ñagōgū varimi. ¹⁵ ĩna tujū ejacōari, ado bajiro ĩnare sēniñaju ĩ:

—¿No cōro jairo yūare vaja yirāda mūa, “Jesúre ñiato” yigū, mūare yū gotijama? —ĩnare yisēniñaju ĩ.

To ĩ yisēniñase ñajare, treinta ñaritiiri gājoa ĩre ĩsiñujarā ĩna. ¹⁶ To bajiro ĩna gāmerā yiriaro bero, “¿Dirĩmaro ũno Jesúre ĩnare ñiarotigūti yū?”, yitūoĩacōa ñañaju ĩ.

Jesús ĩ batū sare queti

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Pascua boserūmū pan ũmato vauvase vūoyamani basuoriarūmū ejacaju ti. To bajiri Jesús buerimasa, ado bajiro ĩre sēniñacaju yua:

—Pascua boserūmū ñajare, mani barotire, ¿noju bare yua quēnoyusere bojati mū? —ĩre yisēniñacaju yua.

¹⁸ —Jerusalénju vasa mūa. Toju ejacōari, ado bajiro ĩre yiba, vi ujure: “Manire gotimasiorimasū ado bajiro mūare yicōami: ‘Mojeroaca ruyaja, Dios ĩ bojarore bajiro yū yijeoroti. To bajiri, ĩ ya vijū adi ñami Pascua boserūmū ti ñajare, yū buerimasare ũmato bagū varucija’ mūare yicōami”, ĩre yigotiba mūa —ĩnare yicami Jesús.

¹⁹ “To bajiro yiba mūa” Jesús ĩ yicatore bajirone yiyuma ĩna. To bajiri, Pascua boserūmū yua barotire quēnoyuyuma ĩna.

²⁰ Ti ñami ĩ buerimasa juaāmo cōro, gūbo jua jēnitarirācu ñarā barujicaju yua, Jesúrāca. ²¹ Yua bañarone, ado bajiro yūare yicami Jesús:

—Riojo mūare gotiaja yū. Sīgū mūa rācagu, yūre ĩaterāre yūre ĩsirocarucami —yūare yicami Jesús.

²² To ĩ yisere ajicōari, buto sutiriticaju yua. Tocārācūne sutiritirā ñari, ado bajiro ĩre sēniñacaju yua:

—¿Yū uju, yūne ñabetiboati, mūare ĩsirocarocu? —ĩre yisēniñacaju yua.

²³ To bajiro yua yisere ajicōari, ado bajiro yūare cudicami Jesús:

—Sīgū, yū rāca yosebagū ñaami yūre ĩsirocarocūma. ²⁴ Dios oca masa ĩna ucamasire ti gotiroke bajiro rojose tāmūogucija yū, Dios ĩ roticōacacu. To bajirocu yū ñajare, yūre ĩaterāre yūre ĩsirocarucami. Yūre ĩ gotiyiroke sūorine rojose tāmūogucija

yū. “Masare yirētobosarūcūmi” Dios ī yimasire ti ñajare, bajirūcūja yū. To bajiboarine, yūre gotiyiror'ijūama, rojose tāmūorūcūmi. Ruyūabeticōarocū ñaboayumi —yūare yicami Jesús.

²⁵ To ī yirone, Judas, Jesúre ĩsirocarocū, socūne ado bajiro Jesúre ĩre sēniĩatocami:

—Gotimasiorimasū, ĩyūne ñabetiboati, mūre ĩsirocarocū? —ĩre yisēniĩacami.

To ī yirone, ado bajiro ĩre cūdicami Jesús:

—Riojo yaja mū —ĩre yicami Jesús.

²⁶ Yūa bañarone, pan āmicōari, “Quēnaja”, Diore ĩre yicami Jesús. To yigajano, tire mūtocōari, ī buerimasare yūare ĩsibatogūne, ado bajiro yūare yicami:

—Bayā mūa. Ti ñaja yū ruju rii —yūare yicami.

²⁷ Tire yūa bagajanorone, idiriabaja āmicōari, “Quēnaro yaja mū”, Diore yicami quēna. To yicōari, tibaja yūare ĩsigūne, ado bajiro yicami:

—Mūa jediro adire idiya. ²⁸ Adi ñaja tirūmūana “Rojose mani yirere masirioato” yirā, Diore rūcūbūoriaju joere ĩna yuejeoriarore bajiro bajise. Yūcūrema, yū ri'ī ñaja. Ti sūorine, “Gajerodo to bajiro mūare yirūcūja yū” Dios ī yicūmasiriarore bajiro bajirūaroja. To bajicōari, jājarā masa rojose ĩna yisere masiriocōari, tuditūoĩabetirūcūmi Dios. k ²⁹ Riojo mūare gotiaja yū. “Rotimūorūgōrūcūmi” yigū, yū jacū yūre ī cūroto rĩjoro, quēna juaji ũye oco idibetirūcūja yū —yūare yicami Jesús.

“*Jesúre masibeaja yū' yirūcūja mū*”, *Pedrore Jesús ĩyire queti* (Mr 14.26-31; Lc 22.31-34; Jn 13.36-38)

³⁰ To ī yiro bero, Diore rūcūbūorā basacaju yūa. Basagajano, Olivo vāme cūti buroju vacoacaju yuja. ³¹ To yūa vatone, ado bajiro yūare yicami Jesús:

—Adi ñamine yūre ajitirūnū tūjacōari, vaveorūarāja mūa jediro. Dios oca masa ĩna ucamasire to bajiro ti gotijare, to bajise mūare yaja yū. Ado bajiro gotiaja ti: “Oveja coderimasūre bajiro bajigūre sīarūcūja yū. To bajiri ī yarā ovejare bajiro bajirā rudibatecoarūarāma”, yigotiaja Dios oca masa ĩna ucamasire, manire gotiro. ³² Yūre mūa vaveoboajaquēne, yūre ĩna sīaro bero, quēna tudicaticōari, Galilea sitaju mūa vato, yūjuā mūa rĩjoro ñatūjarūcūja —yūare yicami Jesús.

³³ To ī yisere ajicōari, ado bajiro ĩre yicami Pedro:

—Ānoa jediro, mūre ĩna vaveoboajaquēne, mūre vaveobētirūcūja yūma —Jesúre ĩre yicami.

³⁴ To ī yisere ajicōari, ado bajiro ĩre cūdicami Jesús:

k 26:28 “Yū bojarore bajiro mūa yijama, quēnaro mūare yirūcūja yū” masare Dios ī yicūmasire yirūaro yaja pacto ti yijama.

—Riojo mare gotiaja yu. Adi ñami busiyujua gājabocu ĩ ñagōroto rījoro, idiaji, “Jesúre masibeaja; ĩ rācagu me ñaja yu”, yisocarucuja mu —Pedrore ĩre yicami.

³⁵ To bajiro ĩ yisere ajicōari, ado bajiro cudicami Pedro:

—Mu rāca yure ĩna sīaruajaquēne, “Jesúrācagu me ñaja yu”, yisocabetirucuja yu —Jesúre yicami Pedro.

To bajiro Pedro ĩ yisere ajicōari, yua quēne to bajiro yijedicōacaju.

Getseman'i vāme cutoju Jesús ĩ jacure ĩ sēnigū vare queti
(Mr 14.32-42; Lc 22.39-46)

³⁶ To yua yiro bero, Getseman'i vāme cutoju yuare ũmato vacami Jesús. Toju ejacōari, ado bajiro yuare goticami Jesús:

—Ōju Diore sēnigūacu yaja yu. To yu vatoye, ado rujicōaña mua maji —yuare yicami.

³⁷ To yī vacune, Pedrore, to yicōari, Zebedeo rīare juarājurene ji vacami Jesús. To yī vacune, buto tuoīasutiriticami yuja. ³⁸ To bajiro bajigune, ado bajiro yiyuju Jesús, ĩ rāca variarāre:

—Buto tuoīasutiritiaja yu. Sutirosene yure sīaro yaja. Adone yure yuñaña maji. Yu cānibetore bajirone cānibesa mua quēne, Diore sēniñarā —ĩnare yiyuju Jesús.

³⁹ To yicōari, to sojubusa varēmoñuju Jesús. Va, sita tūcuroju murocacūcōari, Diore sēniñuju ĩ:

—Cacu, yure ĩna sīarotire matamasiaja mu. To bajiboarine, mu bojarore bajirone bajiato —Diore yiyuju.

⁴⁰ To yigajano, Pedro mesa ĩna cānitoyene ĩna tujū ejayuju. ĩnare yujicōari, ado bajise Pedrore ĩre yiyuju Jesús:

—¿No yirā cojo hora cōro cānibetibusarāne, yure yuñabetimasucōati mua? ⁴¹ Yu cānibetore bajirone cānibesa mua quēne. To bajicōari, Diore sēniña, “Vātia uju Satanás ĩ yirosere yicōari, Dios ĩ bojabetire yirobe” yirā. Quēnaro muare masiaja yu. “Dios ĩ bojasere yirucuja” yirā ñaboarine, cojojirema rojose usari cutirā ñari, Dios ĩ bojabetijure yirūgūaja mua —Pedro mesare ĩnare yiyuju Jesús.

⁴² To yicōari, gāme vacu, ado bajiro Diore sēniñuju Jesús:

—Cacu, yure ĩna sīaroti matamasiaja mu. To bajiboarine, mu bojarore bajirone bajiato —Diore yisēniñuju.

⁴³ To yigajano vacune, cāniariarāre ĩnare ejayuju quēna. Buto vujaejarā ñari, cāniñujarā ĩna. ⁴⁴ To bajiri rījoro ĩnare ĩ yiriarore bajirone ĩnare yicōa, Diore sēnigū vacoasuju quēna. To ejacōari, rījoro Diore ĩ sēniriarore bajirone ĩre sēniñuju quēna. ⁴⁵ Diore sēnigū var'i, tudiejacōari yuare yujicami:

—¿No yirā cāni manicōati mua maji? Ado cōrone Dios ĩ roticōacacure rojose yirāre yure ĩsirocarocu vadicoagumi yuja.

46 To bajiri yujiya m̄ua. Īre bocarã vajaro. Ȳare ĩsirocarocu vadiami yuja –ȳare yicami Jesús.

Jesúre ĩna ñiare queti

(Mr 14.43-50; Lc 22.47-53; Jn 18.2-11)

47 To bajiro Jesús ȳare ĩ yĩñarirĩmarone, Judas Iscariote v̄ame c̄utiḡu, ȳua r̄acaḡune, vadicami yuja. J̄ajarã ĩ r̄aca vadicama jariaseri c̄uorã, ḡajerã yuc̄ujuriri c̄uorã. B̄ucurã, paia ɰjarã quēne ĩna c̄oariarã ñacama ĩna. 48 J̄ere ado bajiro goti vadiryuyuyumi Judas, ĩ r̄aca vanare, “ Īne ñaami Jesús’ yĩ̄amasiato ĩna” yiḡu:

–Jesúre s̄enic̄ari, ĩre usur̄uc̄aja ȳu. To ȳu yirone, ĩre ñiama m̄ua –ĩnare yĩ vadiryuyuyumi.

49 To bajiro yir’i ñari, Jesús r̄ĩjoroj̄ua ejac̄ari, ado bajiro ĩre yicami Judas:

–Gotimasiorimas̄u, ¿ñati m̄u? –Īre yiḡune, usucami.

50 To ĩ yirone, ado bajiro yicami Jesús:

–“To bajiro yir̄asa mani” ĩnare m̄u ũmato yivadiriare bajiro yiya m̄u –Īre yicami Jesús.

To ĩ yirone, ĩre ñiacama Judas r̄aca vadiriarã.

51 To ĩna yirone, s̄iḡũ Jesúr̄acaḡu, ĩ jariase yoveaãmic̄ari, paia ɰj̄u ñamasuḡure moabosarimas̄ure ḡãmoru jatarocac̄acami.

52 To ĩ yisere ĩac̄ari, ado bajiro ĩre yicami Jesús:

–M̄u jariasere tudisuac̄oãña quēna. “Jariase r̄aca ḡãmerã quēarãma, tiase r̄acane s̄iaecor̄uarãma”, yimasijaia mani. 53 Ado c̄õrone ȳu jac̄ure ȳu s̄enijama, setenta y dos mil ñarã ángel mesare c̄oamasic̄oaḡũmi. ¿Tire masibeati m̄u? 54 To bajiboarine, ĩnare ĩre ȳu s̄enijama, Dios oca masa ĩna ucamasire, “To bajiro bajir̄aroja” ĩna yimasiriarore bajiro bajibetiboroja. To bajiri tire ĩre s̄enibeaja ȳu –Īre yicami Jesús.

55 To yic̄ari, ĩre ñiarã ejarãj̄uare ado bajiro yicami Jesús:

–¿No yirã gajeyeũni juarudirimas̄ure ñiarã vanare bajiro jariaseri r̄aca, yuc̄ujuriri r̄aca ȳure ñiarã vadiati m̄ua? Toc̄ar̄acar̄ũm̄une Diore yir̄uc̄ub̄oriavīj̄u m̄ua ñaro m̄uare gotimasio rujir̄ũḡũm̄u ȳu. To ȳu bajiboajaquēne ȳure ñiabetir̄ũḡũm̄u m̄ua maji. 56 Diore gotir̄etobosarimasa, ado bajiro ȳure m̄ua yirotirene ucamasĩ̄uma. To bajiri to bajirone ȳure yaja m̄ua –ĩnare yicami Jesús, ĩre ñiarã ejarãre.

Jesúre ĩna ñiasere ĩac̄ari, ũmarudijedicoacaj̄u ȳu.

“M̄u ye s̄uorine rojose t̄ãm̄uor̄uc̄aja m̄u”, jud’io masa ɰjarã, Jesúre ĩna yire queti

(Mr 14.53-65; Lc 22.54-55, 63-71; Jn 18.12-14, 19-24)

57 Jesúre ñiac̄ari, paia ɰj̄u ñamasuḡũ Caifás v̄ame c̄utiḡu t̄uj̄u ĩre ãmiasujarã. Toj̄u r̄ejac̄ari, ñañujarã Dios ĩ rotimasire gotimasiarimasa, to yic̄ari, b̄ucurã quēne. 58 Jesúre ĩna ãmivato,

sõju yayiĩsasuyayuju Pedro. Īnare yayiĩsasuyacõari, paia ɯju ñamasugũ ya vi, ta biberiasãniro rētosãjacoasuju. Sãjacõari, Diore yirũcũbũoriavi coderimasa rãca rujiyuju ĩ. “No bajiro Jesúre ĩna yigajano vato ĩagũsa” yigu, toju bocaĩarujiyuju.

59 Paia ɯjarã, to yicõari, gãjerã ɯjarã, ĩna jediro, Jesúre sĩarũayujarã. To bajiro yirã ñari, “Rojose masu yigu ñaami Jesús” yisocarõare macañujarã ĩna. 60 Jãjarã masa socarãne ĩna gotiboajaquẽne, to bajiro ĩna yisere ajicõari, “To bajiro ĩ yire ñajare, ĩre sĩaroti ñaja”, yimasibesujarã ĩna maji.

To bajiboarine, jũarã ejayujarã ĩna. 61 Ejacõari, ado bajiro socarãne gotiyujarã:

—“Diore yirũcũbũoriavire caguerocamasiaja yũ. To yicõari, idiarũmũ tũsatirũmũne bũajeocõamasiaja”, yicami ãni — yiyujarã ĩna.

62 To ĩna yirone, paia ɯju ñamasugũ, vãmũrũgũcõari ado bajiro Jesúre yiyuju:

—To bajiro mũre ĩna yi ocasãsere, ¿no bajiro yati mũ? ¿Cũdibeati mũ? —Jesúre ĩre yiboayuju.

63 To ĩ yiboajaquẽne, cojo vãme cũdibeticõañuju. Ī cũdibetire ĩacõari, ado bajiro Jesúre yiyuju paia ɯju ñamasugũ:

—Quẽnaro rĩojo yũare cũdiya mũ. Mũ socajama, rojose mũre yirũcũmi Dios. ¿“Rotimũorũgõrũcũmi” yigu, Dios ĩ cõar'ine, Dios macũne ñati mũ? —Jesúre ĩre yisẽniĩañuju paia ɯju ñamasugũ.

64 To bajiro ĩ yisere ajicõari, ado bajiro ĩre cũdiyuju Jesús:

—Mũ yĩrore bajirone bajiaja. Īne ñaja yũ. To bajiri, Dios ĩ roticõacacũ ñari, yoaro mene ĩ rĩojocacatũa rujiõari, masare besegũagũ oco bueri vatoaju yũ rujiadire ĩarũarãja mũa, —paia ɯju ñamasugũre yiyuju Jesús.

65 To bajiro Jesús ĩ yisere ajitegu ñari, ĩ sudire tũavoyuju paia ɯju ñamasugũ. To yigũne, ado bajiro ĩ rãcanare yiyuju:

—¡To bajiro ĩ ñagõjama, Diore rũcũbũobecũ yami! ¡“Diore bajiro bajigu ñaja yũ” yigu yami! No yirã gãjerã, “Rojose yigu ñaami” yironare macarẽmomenaja mani yuja. Mũa quẽne, Diore rũcũbũobecũ ĩ yisere ajiaja mũa. 66 To bajiro ĩ yisere ajicõari, ¿no bajiro ĩre yiroti ñati? —Ī rãcanare yiyuju paia ɯju ñamasugũ.

To bajiro ĩ yisere ajicõari, ado bajiro ĩre cũdiyujarã:

—Rojose masu yicõami. Īre sĩacõaroti ñaja —yicũdiyujarã.

67 To yicõari, Jesús riogare gooco eoreatuyujarã ĩna. To yicõari, ĩ cajere siabibecõari, ĩre jayujarã. 68 To yicõari,

—“‘Rotimũorũgõrũcũmi’ yigu, Dios ĩ cõagũ ñaja yũ” mũ yijama, mũ masise rãca, “Ī, yũre jami”, yũare yiya —Jesúre yitud'iyujarã.

*“Jesúre masibeaja yu”, Pedro ïyire queti
(Mr 14.66-72; Lc 22.56-62; Jn 18.15-18, 25-27)*

⁶⁹ Vi jubeaju Jesúre rojose ña yíñarone, macajúma ru-
jicōañuju Pedro. Sígō paia ujū ñamasugūre moabosarimaso,
Pedro tū ejacōari, ado bajiro ñe yiyuju:

—Jesús, Galilea sitagu rāca vacudirūgūgūne ñagūja mū quēne
—ñe yiyuju so.

⁷⁰ To bajiro so yisere ajicōari, masa jediro ña ajiro rījorojūa
ado bajiro yiyuju Pedro:

—“Riojo yaja mū”, mūre yimasibeaja yu —sore yiyuju Pedro.

⁷¹ To bajiro sore yicūdicōa, ta hiberiasāniro sājariasoje tū
vasuju Pedro. To ñ vatone, gajeo ñe ñacōari, ado bajiro yiyuju:

—Āni, Jesús Nazaret macagu rāca vacudigu ñaami —yiyuju,
gājerāre gotigo.

⁷² To bajiro ñnare so yisere ajicōari, ado bajiro yiyuju Pedro:

—Ñe masibeaja yu. Socū me yaja yu. Dios quēne yūre ajigūmi
—ñnare yiyuju Pedro.

⁷³ To ñ yigotiriario bero yoatobūsa, to ñarā ado bajiro Pe-
drore gotiyujarā:

—Riojo yaja yūa. Jesúrāca vacudirūgūgūne ñaja mū. Ñna
ñagōsere bajirone ñagōaja mū —Pedrore ñe yiyujarā ñna.

⁷⁴ —Ñe masibeaja yu. Socū me yaja. Dios yūre ajigūmi —ñnare
yiyuju Pedro.

To bajiro ñ yigajanorirīmarone, gājabocū ñagōcōañuju yuja.

⁷⁵ Ñ ñagōsere ajicōari, Jesús ado bajise ñe ñ gotirere ma-
sibūjayuju Pedro yuja: “Gājabocū ñ ñagōroto rījoro, idiaji, ‘Jesúre
masibeaja yu’ yirūcūja mū” ñe ñ yirere masibūjayuju. Tire
masibūjacōari, vacoasuju. Vacōari, bato otiyuju.

27

*Pilato tūju Jesúre ñna āmiejare queti
(Mr 15.1; Lc 23.1-2; Jn 18.28-32)*

¹ Busuro bero, būcūrā, paia űjarā quēne, ñna jediro
tudirējañujarā ñna. To bajicōari, “Ado bajiro mani yijama,
Jesúre sīaruarāma”, yitūoñañujarā ñna. ² To bajiro yirā ñnari, Jesús
āmorire siacōari ñe āmiasujarā ñna, Pilato vāme cutigu ya viju
vana. Jud’io masa űju ñamasugū, romano masū ñañuju Pilato.
To bajiri ñ ya viju Jesúre āmiejayujarā.

*Judas ñ masune ñ sīayayire queti
(Hch 1.18)*

³ Judas, Jesúre ñsirocacacū, “Jesúre sīaroti ñaja” ñna yisere
ajicōari, “Rojose yibū yu”, yitūoñā sūtiritiyuju. To bajigu
ñnari, būcūrā, paia űjarā quēne, Diore yirūcūbūoriavijū ñnarāre,
ñnare ejacōari, gājoatiiri treinta ñnariitiiri ñe ñna ñsiboarere ñnare

tuoċoñañuju. ⁴ Gãjoatiirire ĩnare ĩsigũne, ado bajiro ĩnare yiyuju ĩ:

—Rojose yibũ yũ. Nĩe rojose yibecũrene mũare ĩsirocãoñañuja yũ —ĩnare yiyuju.

To bajiro ĩ yiboajaquẽne, ado bajiro ĩre cũdiyujarã ĩna:

—To bajiro yũare mũ yiboajaquẽne, no yibeaja yũarema. Mũre bajiroja —Judare ĩre yiyujarã ĩna.

⁵ To ĩna yisere ajicõari, ti vijũ gãjoatiiri ĩ ĩsiacoboarere reabateyuju Judas. To yi, gajano vacũne, yucũju mũjacõari, ti rũju misimare siatucõari, ĩ ãmũare quẽne siatu, quedirocayo rijacoasuju.

⁶ Diore yirũcũbũoriavijũ gãjoatiiri Judas ĩ reabaterere juarẽoñujarã ĩna, paia ujarã. Tire juarẽocõari, ado bajiro yiyujarã:

—Adi gãjoa mani vaja yise sũorine sũgũre sũaroana yaja. To bajiri Diore yirũcũbũoriavi boarijũre quẽnorũarã, vaja yiroti gãjoa sãriajũre sãbetiroti ñaroja —yiyujarã ĩna.

⁷ To bajiro yitũoĩacõari, “Riri sotũri vearimasũ sitare vaja yito mani. Ti sita ñarũaroja gajeroanare bajirearãre mani yujeroti sita”, yitũoĩañujarã ĩna yuja. ⁸ To bajiri ti sita vaja yirũarã, “Jesũre sũato mani” yirã, Judare ĩna ĩsiboare rãca ĩna vaja yire ñari, adirũmũri quẽne, Ri'i Vese vãme cũticõa ñaja. ⁹⁻¹⁰ To bajiro ĩna yijama, tirũmũju Diore gotirẽtobosarimasũ Jerem'ias ñamasir'i ĩ ucamasiriarore bajirone bajiyuju. Ado bajiro ucamasiñuju ĩ: “Ado cõro vaja cũtiami sũgũ ãmũ' yitũoĩarã ñari, ĩre ĩsir'ire treinta gãjoatiiri ĩna vaja yiboarere juacõari, riri sotũri vearimasũ sitare vaja yirũarãma ĩna, Israel ñamasir'i jãnerabatia. To bajiro ĩna yijama, Dios ĩ bojarore bajiro yirã yirũarãma”, yucamasiñuju Jerem'ias ñamasir'i.

Jesũre Pilato ĩ sũniĩare queti

(Mr 15.2-5; Lc 23.3-5; Jn 18.33-38)

¹¹ Ti sitana uju ñamasugũ, romano masũ ñañuju Pilato vãme cũtigũ. To bajiri ĩ tũju Jesũre ãmiasujarã ĩna. ĩre ĩna ãmiejaro ĩacõari, ado bajiro sũniĩañuju Pilato:

—¿Mũne ñati jud'io masa uju? —Jesũre yiyuju Pilato.

To bajiro ĩ yisere ajicõari, ado bajiro ĩre cũdiyuju Jesũs:

—Mũ yirore bajirone bajiaja yũ —ĩre yiyuju.

¹² To bajiro Jesũs ĩ yisere ajicõari, bũcũrã, paia ujarã quẽne, “Rojose yigũ ñaami Jesũs” Pilatore ĩre ĩna yi ocasãboajaquẽne, ĩnare ñagõcũdibesuju Jesũs. ¹³ To bajiro Jesũre ĩna yi ocasãsere ajicõari, Jesũre tudisũniĩañuju Pilato:

—¿To bajiro mũre ĩna yisere ajibeati mũ? —Jesũre yiyuju Pilato.

14 To bajiro ĩre ĩ yisēniāboajaquēne, ĩre cǎdibeticōañuju Jesús. ĩ cǎdibetire ĩacōari, no yimasibesuju Pilato, ĩre bajiro bajigure ĩabetirũgũr'i ĩari.

“Jesúre sĩaroti ĩñaja”, ĩna yire queti
(Mr 15.6-20; Lc 23.13-25; Jn 18.38-19.16)

15 Tocārāca cǎma, Pascua boserǎmǎ jud'io masa ĩna quēnojama, sĩgũ, tubibe ecor'ire ĩna burotigure ĩnare bubosarũgũñuju Pilato. 16 Tubiberiaviju ĩñañuju sĩgũ, masa jediro ĩna masigũ Barrabás vǎme cǎtigũ. 17 To bajiri ĩ yirũgũriarore bajiro yigũ, masa ĩna rējarore ĩacōari, ado bajiro ĩnare sēniāñuju Pilato:

—¿ĩnimǎjuare yǎ busere bojati mǎa? ¿Jesús Barrabás vǎme cǎtigũjuare bugǎtique yǎ? ĩre yǎ bubetijama, ¿“ ‘Rotimǎorũgōrǎcǎmi’ yigũ, Dios ĩ cōar'i ĩñaami Jesús” masa ĩna yigũjuare bugǎtique yǎ? —ĩnare yisēniāñuju Pilato.

18 “Jesúre ĩajũnisinirǎ ĩari, yǎre ĩsima” yitǎoĩagũ, to bajiro yiyuju Pilato, Jesúre burǎ.

19 Oca ĩna ĩnagōquēnorijuju ĩ rujiro, ĩ manajo ĩre queti cōañuju: “Rojose ĩre yibesa. ĩnie rojose yigũ me ĩnagũmi. To bajiro ĩ yiecoroto rĩjoro gũiose cǎjiriamǎ yǎ”, ĩre yicōañuju, so manajǎre.

20 Bucurǎ, paia ĩjarǎ quēne ado bajiro tiju rējarǎre masare, “Ado bajiro yiya”, ĩnare yirotiyujarǎ ĩna:

—“Barrabájũare bucōari, Jesújũare sĩarotiya mǎ”, ĩre yiya mǎa —ĩnare yirotiyujarǎ ĩna.

21 Quēna ado bajiro tudisēniāñuju Pilato:

—¿ĩnimǎjuare yǎ busere bojati mǎa? —ĩnare yisēniāñuju.

To bajiro ĩ yisere ajicōari, ado bajiro ĩre cǎdiyujarǎ ĩna:

—Barrabájũare mǎ busere bojaja yǎa —yiyujarǎ ĩna, Pilatore.

22 To ĩna yisere ajicōari, ado bajiro ĩnare sēniāñuju Pilato:

—To yijama, ¿no bajiro yiguti yǎ Jesúre, “ ‘Rotimǎorũgōrǎcǎja mǎ’ yigũ, Dios ĩ cōar'i ĩñaami” masa ĩna yigũjuarema? —ĩnare yisēniāñuju.

To ĩ yirone, ĩna ĩnaro cōrone ado bajiro ĩre avasǎcǎdiyujarǎ:

—¿Yucátēroju ĩre jajusĩaroticōañǎ mǎ! —ĩre yivasǎ cǎdiyujarǎ ĩna.

23 To ĩna yijare, ado bajiro ĩnare sēniāñuju Pilato:

—¿ĩnie rojose ĩ yire sǎori ĩre sĩarotiguti yǎ? —ĩnare yiyuju Pilato.

To ĩ yiboajaquēne, quēna butobusa tudiavasǎñujarǎ ĩna:

—¿Yucátēroju ĩre jajusĩaroticōañǎ! —yivasǎñujarǎ ĩna.

24 To bajiro ĩna yijare, no yimasibetiboacǎ, ado bajiro tǎoñañuju Pilato: “No bajiro yicōari, ĩre bumasisibecǎja yǎ. ĩna

bojarore bajiro yu yibetijama, avasātujabeticōari, rojose yijacarāma ĩna”, yitōoĩañuju. To bajiro tōoĩacōari, oco juarotiyuju ĩ. To yicōari, ado bajiro ĩnare gotiyuju:

—Mua ĩaro rĩjorojua yu āmorire coeĩoaja yu, “Āni rojose yibecure sīaruabeaja yuma” yigu. To bajiri mua masune mua sīarotijama, quēnacōaroja. To bajiro mua yijama, mēane sūoye cutiruarāja mua —ĩnare yiyuju ĩ.

25 To ĩ yisere ajicōari, masa ñajediro ĩre cudiyujarā:

—Yua masiaja. ¡Yua, yua rĩa quēne sūoye cutiruarāja, ĩre yua sīarotijama! —ĩre yicudiyujarā ĩna.

26 To bajiro ĩna yijare, Barrabāre bucōañuju Pilato. Jesújuarema, ĩ surarare ĩsiñuju, “ĩre bajecōari, yucútērojū ĩre jajusīato ĩna” yigu.

27 To bajiri ĩna ya viju Jesúre āmiejayujarā surara mesa. ĩre āmiejacōari, ĩna jediro ĩre gānibiarūgñujarā. 28 To yicōari, “Ujare bajigu ñato” yirā, ado bajiro Jesúre yiyujarā: Jesús ĩ sudi sāñasere vejecōari, ujarā ĩna sāñarito ũnore, sūarivujoroire ĩre sāñujarā. 29 To yicōari, ĩ rujoa joere jotabedo ĩna suari-abedone ĩre jeoyujarā. To yicōari, riojojacatuaga āmore, yucá, uju ĩ suoriculture ĩre ĩsiñujarā. To bajiro ĩre yicōari, ĩ rĩjorojua gūsomuniari tuetucōari, ado bajiro ĩre yiajatud'iyujarā:

—Jud'io masa ujare mure quēnarotiaja yua yuja —Jesúre yiyujarā ĩna.

30 To yirāne, gooco ĩre eoreatuyujarā ĩna. To yicōari, ĩ suoriculture ēmacōari, ĩ rujoare jayujarā ĩna. 31 To bajiro ĩre yigajanocōari, ujarā ĩna sāñarito ũnore ĩna sāriarore ĩre veayujarā ĩna quēna. To yicōari, ĩ sudijua ĩre sāñujarā quēna. ĩre sudi sāgajanocōari, yucútērojū jajusīaroana ĩre āmiasujarā.

Yucútērojū Jesúre ĩna jajusīare queti

(Mr 15.21-32; Lc 23.26-43; Jn 19.17-27)

32 ĩre āmivanane, sīgū Cirene vāme cuti sitagu, Simón vāme cutigure bocacama ĩna. ĩre bocacōari, “Jesús ĩ gaja vatijāire ĩre gajabosaya”, ĩre yi vacama ĩna.

33 To yi vanane, Gólgota vāme cuti burojū ejacama ĩna. “Rujoco Buro” yire ũni ñacaju “Gólgota” yire. 34 Toju ejacōari, uye ocore, sēese rāca vuocōari Jesúre ĩre iocama ĩna. “ĩre jūnise jūni ruyubeticōato” yirā, yiboacama. Tire idiĩaboa yicōacami Jesús.

35 Yucútērojū Jesúre ĩre jajutugajanocōari, “Ñimujua ĩ sudire ĩ ujarō ĩarāsa mani” yirā, gūtarine reacūña ajeñacama. 36 To yiajegajanocōari, ĩre code rujicama ĩna.

37 Jesús ĩ tuyaritērojūre ĩ rujoa vecare ucaturiaju tuyacaju. “Ado bajiro ĩ yise suorine jaju ecoami” yĩlorijū ñacaju. Ado

bajise goticaju: “Āni ñaami Jesús, jud'io masa ujū”, yigoticaju ti.

³⁸ Jesúrāca juarā, jaju ecocama. Gajeyeūni juarudirimasa ñacama ĩna. Sīgūre ĩ riojocatua, gājire ĩ gācojocatua ĩnare jajutucama ĩna. ³⁹⁻⁴⁰ Masa rētoana, ĩna rujoarire yure, yure yicama, “Jaju ecor'ire ĩre ĩateaja” yirā. To yicōari, ado bajiro ĩre ajatud'icama ĩna:

—Ado bajiro yiboacaju mū: “Diore yirūcubūoriavire caguerocamasijaja yū. To yicōari, idiarūmū tūsatirūmūne būajeocōamasijaja”, yiboacaju mū. To bajiri “Dios macū ñaja yū” mū yisocabetijama, mū yimasise rāca mū masune yucátērojūre rujicoaya —ĩre yiajatud'icama ĩna.

⁴¹ Būcūrā, paia ujarā, Dios ĩ rotimasire gotimasiorimasa quēne, to bajirone Jesúre yiajatud'i ñacama ĩna. Ado bajiro yicama:

⁴² —Gājerārema catiogū ñaboarine, ĩ masu rojose ĩ tāmūoserema yirētomasibeami —yiajatud'icama. —Israel ñamasir'i jānerabatia ujū ñaami. To bajiri yucátērojūre rujicoadiato. To bajiro ĩ bajiro ĩacōari, “Īne ñaami”, yimasiruarāja —yiajatud'icama. ⁴³ —“Dios macū ñaja yū. Yūre ejarēmōrucūmi”, yirūgūmi. To bajiri ĩ macūne ĩ ñajama, ĩre ĩamaigū ñari, ĩre yirētobosato Dios —yiajatud'icama ĩna.

⁴⁴ Juarā Jesúrāca yucátērojū jaju ecoriarā quēne, to bajirone Jesúre yitud'icama.

Jesús ĩ ũsūtadire queti

(Mr 15.33-41; Lc 23.44-49; Jn 19.28-30; He 10.20)

⁴⁵ ũmūrecaji ñarone, rētiacoacaju yuja. Idia hora rētiacaju.

⁴⁶ To cōro ti rētiatusatone, ado bajiro tutuaro avasācami Jesús: —El'i, El'i, ¿lema sabactani? —yivasācami. “Dios, yū jacū, ¿no yigu yūre cāmotadiati mū?” yire ũni ñacaju ti, ĩ avasācati.

⁴⁷ Sīgūri toju ñarā ĩ avasāsere ajicōari, ado bajiro yicama ĩna: —Diore gotirētobosarimasū El'ias ñamasir'ire jigū yami ĩ —yicama ĩna.

⁴⁸ To bajiro Jesús ĩ yivasārone, sīgū, Jesús tū ũmaejacōari, uye oco jiarere ñiabiacoari, yucú gajaju siatucōari, Jesús rise tajūre ñumūotuboacami. ⁴⁹ To bajiro ĩ yiboajaquēne, ado bajiro yicama gājerāju:

—Yibesa mū. Tone bajicōato. Rojose ĩ tāmūosere yirētobosagu El'ias ñamasir'i ĩ ejasere ĩarāsa mani —yicama ĩna.

⁵⁰ Tutuaro avasātusa, ũsūtadicoacami yuja. ⁵¹ Tirīmarone Diore yirūcubūoriavi yotōria gasero vorujijedicoasuju ti. “Dios ĩ ñarisōa vāme cūti sōare sājamasibeami masa” yirā, ĩna yotōria gasero ñacaju. To yicōari, sita sabecaju. Gūta quēne caguevējacoacaju. ⁵² To bajicōari, masare yujeriviri quēne jānacōasuja. To bajicōari jājarā rijariarā Diore ajitirūnūriarā

tudicaticoasuma. ⁵³ Tudicaticōari, ti virire budicoasuma. Budiacoari, Jesús ĩ tudicatio bero, Jerusalénju Dios ĩ beseria maca ñamasuri macajure ĩna vacudisere ĩacama jājarā masa.

⁵⁴ Jesús yucútērojū ĩ tuyarore, codeñacama surara, ĩna uju rāca. To bajiñarā, sita sabesere, gajeye güiose bajisere ĩacōari, buto güicama ĩna. To bajiri ado bajiro yicama:

—Socabesumi. Dios macune ñaboayumi āni —yicama ĩna.

⁵⁵ Galilea sitaju Jesúre savyadicana rōmiri jājarā sōju ĩarūgōcama. ĩna ñacama ĩre ejarēmōrūgūcana. ⁵⁶ ĩna rāca ñacamo Mar'ia Magdalena. Gajeo Mar'ia vāme cutigo quēne ñacamo. Sone ñacamo Santiago, to yicōari, José jaco. Zebedeo ñamasicacu rīa jaco quēne ñacamo.

Jesúre ĩna yujere queti

(Mr 15.42-47; Lc 23.50-56; Jn 19.38-42)

⁵⁷ Rāioroto rījoro José vāme cutigu, Arimatea macagu Jesús rujarire ĩagū ejayuju. Gājoa jaigu ñacami. To bajicōari, Jesúre ajitirūnarūgūcacu ñacami. ⁵⁸ To ĩ bajiro bero, Jesús rujarire āmiru, Pilatore sēnigū vasuju. ĩre ĩ sēnirore bajirone ĩre cadiyuju Pilato. ⁵⁹ To bajiro ĩ yir'i ñari, Jesús rujarire rujiogu vasuju. ĩre rujiocōari, sudijāiri botiquēnarījāirine ĩre gūmañuju. ⁶⁰ To yigajanocōari, masa yujerīavi gūtavi mame ĩ quēnorotiriaviju ĩ rujarire cūñuju. To yicōari, ti vi sojere gūtane tūnuo bibecū, vacoasuju. ⁶¹ To bajiro ĩ yīñaro ĩañariarājune masa yujerīavi rījoroju, Mar'ia Magdalena, gajeo Mar'ia quēne, rujicōañujarā ĩna.

Jesúre, ĩna yujerīavire ĩna codere queti

⁶² Gajerūmu ñañuju usūsājariarūmu. Tirūmune paia ujarā, fariseo masa quēne, Pilatore ñagōrā vasujarā ĩna. ⁶³ ĩ tu ejacōari, ado bajiro ĩre yiyujarā ĩna:

—Yua uju, ajiya. Socarīmasu ĩ yisocacatire masībujabu yua. “Idiarūmu tūsatirūmune quēna tudicaticūcūja yu”, yisocacami, ĩ śīaacoroto rījoro. ⁶⁴ To bajiri ĩ rujarire ĩna yujerīavi soje ture surarare coderoticōaña, “ĩ buerīmasa ĩ rujarire āmirudiroma” yigu. ĩ rujarire ĩna āmijama, “Rījar'i ñaboarine, quēna tudicaticoami”, yisocaruarāma ĩna. ĩ rijaroto rījoro, “ĩ rotimūorūgōrotire yigu, Dios ĩ cōacacu, jud'io masa uju ñaja yu” ĩ yisocacati ti ñajare, quēnabeaja. To bajiri, “Tudicaticoami” ĩna yisocajama, quēnabetīmasucōarūaroja —Pilatore yiyujarā ĩna.

⁶⁵ To ĩna yisere ajicōari, ado bajiro cadiyuju Pilato:

—Mūare yu ĩscanarene coderotiya mūa —ĩnare yicadiyuju Pilato.

⁶⁶ To ĩ yisere ajicōari, Jesús rujarire ĩna yujerīavire coderotiyujarā ĩna. To yicōari, gūta sojere quēnaro

bibequēnoñujarã ñna, “Í rujurire ãmirã ñna jãnajama, ñamasirãsa mani” yirã.

28

Jesús ñ tudicatire queti

(Mr 16.1-8; Lc 24.1-12; Jn 20.1-10)

¹ ʘsʘsãjariarũmũ ti jediro, quēna moasʘoriarũmũ ti busumajado, Mar'ia Magdalena, gajeo Mar'ia quēne, Jesús rujurire ñna yujeriavire ñarã vacama ñna. ² To ñna vatone, bũto sita sabeyuju. To ti bajirone, sīgũ ángel rujiejayuju. Rujiejacõari, Jesúre ñna yujeriavire gũtane ñna bibeboariare jãnañuju. To yicõari, tia joene rujiyuju. ³ Bũjo ñ yabesere bajiro yaayuju ñ. Í sudi quēne bũto botiquēnañuju. ⁴ Ñre ñacõari, gũirã nanañujarã ti vire coderimasa. Nanacõari, rijavẽjarãre bajiro bajireacũcoasujarã. ⁵ To ñna bajirone, ángel ado bajiro rõmiajũare gotiyuju:

—Gũbesa mũa. Jesús yucátẽrojũ ñna jajusĩar'ire mũa macasere masiaja yũ. ⁶ Maami adojũre. Í goticatore bajirone tudicaticoami. Ñre ñna yujeriajũre ñarã vayá. ⁷ Tire ñacõari, guaro ñ buerimasare ado bajiro ñnare gotiaya: “Quēna tudicaticoasumi Jesús. To yicõari, mani rĩjoro Galilea sitajũ varocũ ñañuju. Tojũ ñre tudĩĩarũarãja mani”, ñnare yigotiaya mũa. Adire mũare gotigũ bajibũ yũ —ñnare yiyuju ángel.

⁸ To ñ yisere ajicõari, Jesús rujuri ñna yujeboariavijũ bu-dianane, gũitũoĩaboarine, variquēnase rãca ũmacoayuma ñna, Jesús buerimasare yũare gotirã vana. ⁹ Ñna ũmavadone ñnare sēniĩacãnamua ruyuyuju Jesús. “¿Ñati mũa?” ñ yisere ajicõari, ñre yirũcũbũorã, ñ rĩjorojũa muqueacõari, ñ gũborire ñiañujarã ñna. ¹⁰ To bajiro ñre ñna yirone, ado bajiro yiyuju ñ:

—Gũbesa mũa. Yũ yarã yũ buecanare ado bajiro ñnare gotiaya: “Galilea sitajũ vajarõ. Tojũ ñre ñarũarãja mani”, ñnare yiba —rõmiare ñnare yiyuju Jesús.

“Ado bajiro bajibũ ti”, surara ñna yigotire queti

¹¹ Rõmia ñna gotirã vato ũnone, surara quēne, Jesús rujurire ñna yujeriavire codeboariarã sīgũri, macajũ tudicoasujarã ñna. Tudiejacõari, paia ʘjarãre gotiyujarã, ñna ñare ñaro cõrone. ¹² Ti quetire ajicõari, bũcũrã rãca ñagõrã vasujarã paia ʘjarã. “To bajiro bajire ti ñajare, ado bajiro yirũarãja mani” yimasirũarã bajiyujarã ñna. To bajiri, sīgũre bajiro tũoĩacõari, Jesúre ñna yujeriavire codeboariarãre jairo gãjoa ñsiñujarã ñna. ¹³ To yicõari, ado bajiro ñnare socarotiyujarã ñna:

—“Ñami yũa cãnitoye, ñ ñaboar'i buerimasane Jesús rujurire ãmirudicoasuma ñna”, yigotibatoya mũa —masare yiyujarã bũcũrã, paia ʘjarã quēne. ¹⁴ —ʘjũ Pilato ti quetire ajicõari,

m̄are ĩ j̄ūnisinijama, m̄are ñagõbosaruarãja ȳa, “Rojose ĩnare yibesa” yirã. Ȳare c̄udicõar̄c̄m̄i – ĩnare yiyujarã.

¹⁵ To bajiro ĩna yijare, gãjoare boca juacõari, ĩnare ĩna rotiriarore bajirone socase queti goticudiyujarã ĩna, Jesúre ĩna yujeriavire codeboariarã. To bajiri adir̄m̄ari quẽne, “Tudicati-besuju Jesús. ĩ ñaboar'i buerimasane, ĩ ruj̄ar̄ire ãmirudiyujarã ĩna” yire quetire goticõa ñar̄ũgũama jud'io masa.

“Masa jedirore ȳa ocare gotimasiocudir̄arãja m̄a”, ĩ buerãre Jesús ĩ yire queti

(Mr 16.14-18; Lc 24.36-49; Jn 20.19-23)

¹⁶ Jesús ĩ tudicatisere, r̄õmia ĩna gotisere ajicõari, Galilea sitaj̄m̄ vacaj̄m̄ ȳa, ĩ buerã, j̄naãmo cõro, ḡubo coja j̄ēnituarirãc̄u ñarã. “Ti buro joej̄m̄ ȳare ĩar̄arãja m̄a” ȳare ĩ yicatoj̄m̄ vacaj̄m̄ ȳa. ¹⁷ Toj̄m̄ ejaõari, Jesúre ĩacaj̄m̄ ȳa. ĩre ĩacõari, ĩre r̄̄c̄ub̄ocaj̄m̄ ȳa. S̄ĩḡari, “ĩ me ñaami”, yit̄uõĩacama ĩna, bajirãj̄m̄a. ¹⁸ To bajiro ȳa yirone, ado bajiro ȳare yicami Jesús:

–Adi macar̄c̄roj̄m̄e, to yicõari, õ vecaj̄m̄e quẽne, “Rotiḡm̄ ñar̄c̄ija m̄”, ȳare yicũmi ȳa j̄ac̄m̄, Dios. ¹⁹ To bajiri m̄are quẽne masa jedirore ȳa ocare m̄are goticudirotiaja, “Ȳare ajitir̄̄n̄ato” yiḡm̄. To yicõari, ȳare ajitir̄̄n̄ar̄e ĩacõari, ȳa j̄ac̄m̄ v̄ãme, ȳa v̄ãme, to yicõari Esp'iritu Santo v̄ãme r̄ãca oco r̄ãca ĩnare bautizaba m̄a. ²⁰ To yicõari, “Jediro ȳa rotisere c̄diato” yirã, ĩnare gotimasioma. Ȳare m̄a ĩabetiboajaquẽne, cojor̄̄m̄ r̄ayabeto m̄a r̄ãca ñar̄ũgũr̄c̄ija ȳa, m̄are ejarẽmogũ. To bajiro bajicõa ñar̄c̄ija ȳa, adi macar̄c̄ro ti jediroj̄m̄ –ȳare yicami Jesús.

To cõrone ñaja.

Evangelio según SAN MARCOS

Juan vāme cūtigū, masare oco rāca bautizarimasū ĩ gotimasiore queti

(Mt 3.1-12; Lc 3.1-9, 15-17; Jn 1.19-28)

¹⁻³ “Rotimūorūgōrūcūmi” yigū, Dios ĩ cōar'i, Jesús ĩ bajirere mūare gotigū yaja yū. Īne űaami Dios macū. To bajiri, ado bajiro űasūoaja: Jesūre goti rĭjoro cūtigū űaűuju Juan vāme cūtigū, tirūmūju ĩre ĩ goti rĭjoro cūtirotire yigū, Diore gotirētobosarimasū, Isa'ias vāme cūtigū ado bajiro ĩ yuca-masire űajare:

“ “Rotimūorūgōrūcūmi” yigū, mūre yū cōaroto rĭjoro, mūre gotiyurocūre cōasūorūcūja yū maji' yami Dios.

Yucū manojū ado bajiro gotimasiōrūcūmi: ‘Mani űju ejarūcūmi. To bajiri, rojose mūa yisere yitūjacōari, quēnasejūare tūoĭvasoaya mūa, ĩre yurā' yirūcūmi’, yucamasiűumi Isa'ias, Juan ĩ bajirotire goti rĭjoro yigū.

⁴ To bajiri, yucū manojū űacōari, ado bajiro ĩre ajirā ejari-arāre gotimasiocudirūgūűuju ĩ:

—Rojose mūa yisere tūoĭasūtiritiya mūa. To yicōari, “Rojose yirūabeaja yūa. Diorāca quēnaro űarūarāja yūa” yirā, oco rāca yūre bautizarotiya mūa. To bajiro mūa yijama, rojose mūa yisere mūare masiriorūcūmi Dios —Īnare yigoticudirūgūűuju ĩ.

⁵⁻⁶ Camello joane suariaro sāűagū űaűuju ĩ. To yicōari, vecū gaserone vēűaricūűuju, ĩ sāűasere. űimia ba, to yicōari, beroa ocore idi, yirūgūűuju. Īre ajirā, jājarā masa ejayujarā. Jerusalén macana, Judea sitana quēne ejayujarā. To bajiro ĩ gotisere ajirā űari, “Rojose manī yisere Dios manire masirioato” yirā, “Rojose yirā űaja yūa” Diore ĩna yigotiro bero, Jordán vāme cūtirisajū oco rāca ĩnare bautizayuju Juan. a ⁷⁻⁸ Gaje vāme ado bajiro masare gotimasiōrūgūűuju ĩ:

—Yū bero yū rētoro masigū ejarūcūmi. űamasurā rĭne ĩre yibosamasiama, űamasugū masu ĩ űajare. Rojose ĩna yisere yitūjacōari, Dios ĩ bojasejūare yirāre oco rāca bautizarūgūaja yū. To bajiro yū yirūgūse ti quēnaboajaquēne, yū bero ejaḡū ĩ moasejūa quēnamasucōarūaroja. Īma, Esp'iritu Santore cōamasirūcūmi, masare. Ī sūorine, “Dios ĩ bojabetire yaja yūa” yimasicōari, tūoĭvasoarūarāma —Īnare yigotimasiōrūgūűuju Juan.

^a **1:5-6** Elías űamasirī, camello joane suariaro sāűagū űamasifūju ĩ quēne. To yicōari, vecū gaserone vēűaricūmasiűuju, ĩ sāűasere.

Oco rãca Juanre Jesús ĩ bautizarotire queti
(Mt 3.13-17; Lc 3.21-22)

⁹ Tirãmurine Galilea sitajure ñarimaca Nazaret vãme cuti maca ñar'i, Jordán vãme cutirisajũ vasuju Jesús. Juan tãjũ ejacõari, oco rãca ĩre bautizarotiyuju. ¹⁰ Juan ĩre ĩ bautizaro bero, majarũgũgũne, õ vecajũ ãmũagasero soje, ti jãnasere ĩañuju Jesús. Ti jãnarone, Esp'iritu Santo, bujare bajigũ rujiadicõari, ĩ joere ĩ rocajeosere ĩañuju. ¹¹ Jesús joere ĩ rocajeorone, ado bajiro yi ocaruyuyuju õ vecajũ:

–Yũ macũ, yũ maigũ masu ñaja mũ. Mũ rãca bũto variquẽnaja yũ –yi ocaruyuyuju.

Dios ĩ bojabetire vãtia ẽjũ, Satanás, Jesúre ĩ yirotiĩare queti
(Mt 4.1-11; Lc 4.1-13)

¹² Jesús, oco rãca Juanre ĩ bautizarotiro bero, yucá mano, vaibũcarã ĩna ñarojũ, ĩre ãmato vasuju Esp'iritu Santo. ¹³ Tojũre cuarenta ñarirãmũri ñañuju Jesús. Tojũ ĩ bajiĩnarone, vãtia ẽjũ Satanás, ĩre ejacõari, “Yũ rotisere yicõari, Dios ĩ bojabetire yato” yigũ, ĩre rotirũgũboayuju. ĩre cũdibesuju. To bajicõari, Diore moabosarã ángel mesa ĩre ejarẽmoñujarã ĩna.

Galilea sitajũ Jesús ĩ gotimasiosũore queti
(Mt 4.12-17; Lc 4.14-15)

¹⁴ Tirãmũri, tubiberiavijũ Juan ĩ tubibe ecoro bero, Galilea sitajũ vacoasuju Jesús. Dios oca quẽnasere gotimasiodigũ vasuju. ¹⁵ Ado bajiro masare gotimasiodiyuju:

–“To cõrone bajirũaroja yũre rotibosarocũ, ĩ rotisũoroti” Dios ĩ yitũoĩariajũ ejaja yuja. Ɔjũ Dios yarã quẽnaro ĩ yirona mũa ñarũajama, rojose mũa yisere yitũjacõari, ĩ oca quẽnasere mũare yũ gotisere ajitirũnũña –masare yigotimasiodiyuju ĩ.

Vai sãarimasa babaricãrãcũ ñarãre Jesús ĩ jire queti
(Mt 4.18-22; Lc 5.1-11)

¹⁶ Cojorãmũ, utablecũra Galilea vãme cutira tãjũ vacudigũ vasuju Jesús. To vacũjũ, ĩañuju, Simón vãme cutigũre, bero Pedro vãme cutirocũre, ĩ bedi Andrére quẽne. Vai sãarimasa ñañujarã ĩna. Bajiyucũrere rearoderuu yĩñañujarã ĩna. ¹⁷ ĩna tũ ejacõari, ado bajiro yiyuju Jesús:

–Yũ rãca vayá. Yucũrema mũa vai vejese ãnirene masa yũre ĩna ajitirũnũrotire gotimasibosarimasa ñarũarãja mũa –ĩnare yiyuju Jesús.

¹⁸ To ĩ yirirĩmarone, ĩna bajiyucũrere cũ, ĩre sũyacoasujarã.

¹⁹⁻²⁰ To yi varũtu vacũne, gãjerã jũarã ñarãre ĩnare jiyuju Jesús. ĩna ñañujarã Santiago, ĩ bedi Juan rãca. ĩna jacũ Zebedeo rãca cũmuajũ ĩna bajiyucũrere siaquẽno sãñañujarã. To ĩ yisere

ajicōari, ñna jacure, ñre moabosarãre quēne vaveocoasujarã, Jesúre s̄ayana.

Mas̄u us̄uj̄u sãñagũre vãtire Jesús ñ burocure queti
(Lc 4.31-37)

²¹ Capernaum macaj̄u ejayujarã ñna. Ti macaj̄u ñna ejaro bero, us̄us̄aj̄ariarũm̄u ti ejaro, Dios ocure ñna buerivij̄u sãjañuju Jesús. Sãjacōari, masare gotimasioñuju. ²² Dios ñ rotimasire gotimasiorimasare bajiro me, uj̄ure bajiro bojonebecune quēnaro ñ gotimasiojare, ajĩñañamani ñ gotise ti ñajare, no yimasibesujarã ñna. ²³ Ti vire s̄igũ ãm̄u ñañuju, ñ us̄uj̄u vãti sãñagũ. Jesús, masare ñ gotimasiorone, ñ us̄uj̄ure sãñacōari ado bajiro Jesúre ñre yivasãñuju vãti:

²⁴ —Jesús, Nazaret vãme cuti macagu, ¿no yigu yua tu vadiati mu? ¡Yua gōjanabiobesa! ¿Rojose yua yise vaja, rojose yua yigu vadiati mu? Mure ñamasajaja yua. Rojose yigu me, Dios ñ cōar'i ñaja mu —Jesúre yivasãñuju vãti.

²⁵ To ñ yirone, oca tutuase rãca ado bajiro ñre yiyuju Jesús:

—Ñagōbesa mu! ¡To yicōari, ñ us̄uj̄ure budigoya! —vãtire ñre yiyuju Jesús.

²⁶ To ñ yirone, rijaquedirotiyuju vãti, masure. To yi, b̄uto avasãcōari, mas̄u us̄uj̄ure budigocoasuju yuja. To ñ bajijare, mas̄uj̄uama quēnaejacoasuju. ²⁷ To bajisere ñacōari, ti vi ñarã jediro no yimasibesujarã ñna, ti ñnure ñabetirũgũriarã ñari. To bajicōari, ñna masune ado bajiro gãmerã sēniñañujarã:

—¿No bajiatu? Ajĩñañamani oca manire gotimasioğũ yami. B̄uto masigũ ñaami. Vãtia b̄uto masirã ñna ñaboajaquēne, masa us̄urij̄ure sãñarãre ñnare bureamasiami —gãmerã yiyujarã ñna.

²⁸ To bajiro Jesús ñ yĩnasere masa ñna gotibatojare, yoaro mene Galilea sitana tire ajijedyujarã ñna.

Simón ñmañicore Jesús ñ catiore queti
(Mt 8.14-15; Lc 4.38-39)

²⁹ To bajiro Jesús ñ yiro berone, Dios ocure ñna buerivij̄u budiasuju. Santiago, ñ bedi Juan quēne, gãjerã Jesús ñ buerimasa quēne ñ rãca vasujarã, Simón ñ bedi Andrés rãca ñna ñarũgũriavij̄ure vana. ³⁰ To ñna ejarone, Jesúre gotiyujarã ñna:

—Simón ñmañico b̄uto asicōari, b̄ub̄urib̄ujaamo —ñre yiyujarã ñna.

³¹ To bajiro ñna yijare, Jesús, so tu ejarũgũcōari, sore t̄uavãm̄uñuju. To ñ yirirĩmarone, sore ruju asiboase sore t̄ujacoasuju. To bajiro ñ yicatiocōario, bare ñnare ecayuju so.

Jãjarã, rijaye cutirãre Jesús ñ catiore queti
(Mt 8.16-17; Lc 4.40-41)

³² Tirũm̄u, rãiorij̄une, rijaye cutirãre juajayujarã masa, “Jesús ñnare catiato” yirã. ñna us̄urij̄u vãtia sãñarãre quēne

juaejayujarã, “Vãtiare bureato Jesús” yirã. ³³ Gãjerã quêne, ti macana jediro soje tã rējañujarã. ³⁴ Jãjarã ñañujarã rijaye cutirã, to yicõari, ñna usurijũ vãtia sãñarã, masa ñna juaejoriarã. Rijaye cutirãre catioyuju. To yicõari, ñna usurijũre sãñarãre vãtiare bureayuju. Vãtia, ñre ñna ñamasisere ñacõari, ñnare ñagõrotibesuju Jesús.^b

Dios ocare ñna buerivirijũre Jesús ñnare ñ gotimasiocudire queti

(Lc 4.42-44)

³⁵ Gajerãmũ busujedibetibũsarojũne, masa manojũ vacoa-suju Jesús, Diore sênighacũ. ³⁶ To ñ bajiboajaquêne, Simón ñ babarã rãca ñre macasũya, ejacoasujarã ñna. ³⁷ ñre ñabujacõari, —Masa jediro mũre macaama —ñre yiyujarã ñna.

³⁸ To bajiro ñna yiboajaquêne, ado bajiro ñnare cãdiyuju Jesús: —Ita. Gaje macarianare quêne quẽnase quetire gotimasiocudirocũ ñaja yũ. Tire yigũ vadicajũ yũ —ñnare yicãdiyuju Jesús.

³⁹ To bajiri Galilea sitajũ gotimasiocudiyuju Jesús. Tocãrãca macarirene Dios ocare ñna buerivirijũ sãjaejacõari, oca quẽnasere masare ñnare gotimasioñuju. To yicõari, ñna usurijũre sãñarãre vãtiare bureayuju.

Gase boagũre Jesús ñ catioire queti

(Mt 8.1-4; Lc 5.12-16)

⁴⁰ To bajiri sīgũ gase boagũ, Jesús rĩjorojũna gũsomuniari tuetuejayuju, ñre rũcũbũogũ. To yicõari, ado bajiro Jesúre ñre yiyuju:

—Yũ ujũ, yũ cãmire mũ yarũajama, yaya —ñre yisēniñuju ñ.

⁴¹⁻⁴² To bajiro ñre ñ yisere ajicõari,

—Mũ cãmire yarũcũja yũ —ñre yigũne, ñre moaĩañuju Jesús.

To bajiro ñ yirirĩmarone, ñ cãmĩ ñre yaticoasuju yuja. ⁴³⁻⁴⁴ To ñre yigajanocõari,

—Gãjerãre gotibetimasucõama —ñre yiyuju Jesús. To yicõari, ado bajiro ñre rotiyuju:

—Yucũacane paire mũ rujũre ñoaya. Mũ rujũre ñre ñogũne, Moisére Dios ñ roticũmasiriarore bajiro vaibũcũrã ecariarãre sĩacõari, paire ñre ñsima, Diore rũcũbũogũ. To mũ yisere ñacõari, “Caticoasumi”, yirũarãma masa —ñre yiyuju Jesús, gase boaboar'ire.

⁴⁵ ñre ñ gotirotibetiboajaquêne, masa jedirore gotibatoyuju, “Yũ gase boasere yacõami Jesús” yigũ. To bajiro ñ gotibatojare, macari Jesús ñ vacudijama, yayioro vacudirũgũñuju ñ. To

^b 1:34 “Masare ñ rijabosarotirãmũ ti ejabetijare, vãtiare ñagõrotibesuju Jesús”, yiyujarã sīgãri, Dios oca masa ñna ucamasire buerëtoburimasa.

bajiri, masa manojū ñacudirũgũñuju. To ĩ bajiñaboajaquẽne, macariana ñajediro ĩre ĩarã ejarũgũñujarã ĩna.

2

Micagũre Jesũs ĩ catioire queti

(Mt 9.1-8; Lc 5.17-26)

1-2 To bajiro ĩ yicudiriarũmuri bero, Capernaum vãme cati macajū tudiejayuju Jesũs quẽna. ĩ ñarũgũrivijure ĩ tudiejasere ajiyujarã masa. Tire ajicõari, ĩ tujū rējañujarã ĩna. Jãjarã ĩna ñajare, vi jũmũcoasuju ti. Nojũa rãgõriajũ mañuju. Soje tu quẽne, nojũa rãgõriajũ mañuju. To ĩna bajirone, vi jubeajũ Dios oca ĩnare gotimasio ñañuju Jesũs. 3 To bajiro ĩ yĩnarone, babaricãrãcũ ñacõari, micagũre ãmiejayujarã. 4 ĩre ãmiejacõari, Jesũs tujũ cũrũaboayujarã ĩna. To ĩna yirũaboarore jãjarã ñabibecõañujarã. To bajiri vijure sãjamasibesujarã. “Tire bajicõaja” yirã, vi joejũ ĩre ãmimujasujarã. ĩre ãmimujacõari, Jesũs ĩ rãgõro vecare goje yijorayujarã. To yigajano, micagũre ĩ jesarijũ rãcane ĩre jidirujio ejoyujarã, Jesũs tujũ. 5 “ĩre ĩamaicõari, ĩre catioirũcũmi” ĩna yitũoĩasere ĩamasicõari, micagũjũare ado bajiro ĩre yiyuju Jesũs:

—Rojose mũ yirere mũre masiriocõaja yũ —ĩre yiyuju Jesũs.

6 To ĩ yisere ajicõari, ti macana sũgũri Dios ĩ rotimasire gotimasiorimasa, ado bajiro tũoĩañujarã: 7 “¿No yigũ to bajise yati ĩ? To bajiro ĩ ñagõjama, Diore ĩre rũcũũobecũ yami ĩ. Dios sũgũne ñagũmi ti ũnire yimasigũma”, yitũoĩañujarã ĩna. 8 To bajiro ĩna yitũoĩasere ĩamasicõari, ado bajiro ĩnare yiyuju Jesũs:

—“Diore bajiro masa rojose ĩna yisere masiriomasiaja’ yisocaami”, yũre yitũoĩaboaja mũa. 9 “Rojose mũ yisere masiriocõaja” yũ yicõa tũajama, “Socũ yami. Socũ me yami” yũre yĩamasigũ magũmi. To bajiboarine, “Vũmũrũgũcõari, vasa” ĩre yũ yijama, “Socũ me yami. Rojose ĩ yirere masiriocõami”, yũre yĩamasirãja mũa. 10 To bajiri, Dios ĩ roticõacacũ ñari, “Diore bajirone masare rojose ĩna yisere masiriomasigũ ñaami’ yũre yĩamasiato” yigũ, ãni micagũre ado bajiro ĩre yaja yũ: 11 “Vũmũrũgũña mũ. Mũ jesarijũre ãmiña. To yicõari, mũ ya vijũ tudiasa”, ĩre yaja yũ —ĩre yiyuju Jesũs.

12 To ĩ yirirĩmarone, masa jediro ĩna ĩaro rĩjoro vũmũrũgũcõari, ĩ jesarijũre ãmi, ĩ ya vijũ vacoasuju ĩ yuja. To bajiro Jesũs ĩ yisere ĩaũcacoasujarã masa. “Ti ũnire ĩabetirũgũcajũ mani. ãni, Dios ĩ masise rãca yigũ yami” yitũoĩacõari,

—Quẽnaro yaja mũ —Diore ĩre yivariquẽñañujarã ĩna.

Lev'ire Jesũs ĩ jire queti

(Mt 9.9-13; Lc 5.27-32)

¹³ Micagũre ĩ catoriaro bero, Ƨtabucara Galilea vãme cutira tuju quẽna tudivasuju Jesús. Toju jãjarã masa rẽjañujarã. ĩna rẽjasere ĩacõari, Dios oca ĩnare gotimasioñuju ĩ.^C ¹⁴ Gotimasio gajano, vacune, Lev'i vãme cutigure ĩre ĩabujayuju. Alfeo macu ñañuju ĩ, Lev'i. Ƨjũre gãjoa sẽnibosarimasu ñañuju. Gãjoa sẽnirã ĩna rujirijũre gãjoa sẽnirujijuju. To ĩ yĩñaro, ĩacõari,

–Yũre ajisũyaya –ĩre yiyuju Jesús.

To bajiro ĩ yisere ajicõari, ĩre sũyacoasuju ĩ yuja.

¹⁵ Bero, Lev'i ya viju ejacõari, bayuju Jesús. To bajiri Jesũrãca bañañujarã Lev'i ĩ yiriarore bajiro rojose yirã, Ƨjũre gãjoa sẽnibosarimasa, gãjerã “Rojose yirã ñaama” masare yĩñarã quẽne. To yicõari, Jesús buerimasa quẽne bañañujarã ĩna. To bajiri jãjarã masu ñañujarã Jesũre ĩre ajisũyarã. ¹⁶ To ĩna bañarone, ejayujarã fariseo masa, Dios ĩ rotimasirere gotimasiorimasa quẽne. ĩna ñañujarã, Moisére Dios ĩ roticũmasirere bũto ajirũcũbũorã, rojose yirã rãca ñarũamena. Ejacõari, rojose yijairã rãca ĩna bañasere ĩacõari, Jesús buerimasare ĩnare sẽnĩañujarã:

–¿No yigu mũare buegũma, ãnoa rojose yirã rãca bañati? – yisẽnĩañujarã ĩna.

¹⁷ To bajiro ĩna yisẽnĩajare, ado bajiro ĩnare cũdiyuju Jesús:

–Catiquẽnarãma, Ƨco yigũre bojamenama. Rijaye cutirã rĩne ĩre bojarãma ĩna. To bajiro bajiaja yũre quẽne. “Rojose yirã me ñaja yũ”, yirãma, yũre bojamenama. “Rojose yirã ñaja yũ” yirã rĩne yũre bojarãma. Quẽnaro yirãre jigũ me, adi macarũcũrojũre vadicaju yũ. Rojose yirãre, “Rojose ĩna yisere yitũjato” yigũ, vadicaju yũ. To bajiri ãnoa, “Rojose yirã ñaama” mũa yĩñarã rãca bañaja yũ –ĩnare yiyuju Jesús.

“Mani sũtiritisere ĩacõari, quẽnaro manire ejarẽmũcũmi Dios” yirã, bare babetire queti

(Mt 9.14-17; Lc 5.33-39)

¹⁸ Juan masare oco rãca bautizarimasu ĩ buerã, fariseo masa quẽne, ĩna ñicua ĩna yimasiriarore bajiro bare bamenane Diore sẽnĩñujarã, “Mani sũtiritisere ĩacõari, quẽnaro manire ejarẽmoato Dios” yirã. To ĩna yirirũmũre Jesũre sẽnĩñarã ejayujarã sĩgũri:

–Juan ĩ buerimasa, to yicõari, fariseo masa quẽne, mani ñicua ĩna yimasiriarore bajiro Diore ĩna sẽnirirũmũrĩrema bare babetirũgũama. ¿No yirã tire yibeati mũ buerãma? – Jesũre yisẽnĩañujarã ĩna.

¹⁹ To ĩna yisere ajicõari, ado bajiro ĩnare gotimasioñuju Jesús:

^C 2:13 Leví, jua vãme, vãme cutigu ñañuju. Gaje vãme, Mateo vãme cutiyuju. “Leví” ti yijama, hebreo oca rãca yiyuju. “Mateo” ti yijama, romano oca rãca yaja.

—Sīgũ ĩ āmosiarirũmure ĩre variquēnaejarēmorã ñarãma. To ĩ ũmato yĩnaro cõro ĩre variquēnaejarēmorãma. ĩnare bajiro bajiamã yũ buerã. Yũ rãca ñari, variquēnacõa ñaama. “Sũtiritimena ñari, no yirã bare babeticõa yimenama” yimasire ñaja. ²⁰ To bajiboarine, cojorũmũ yũre ĩna ñiavato ĩacõari, bare bamenane Diore sēniruarãma, “Mani sũtiritisere ĩacõari, quēnaro manire ejarēmoato Dios” yirã.

²¹ Mame oca yũ gotimasiose ricati ti ñajare, yũ ye rãca mani ñicua ĩna yimasirere mũa tũoĩavũojama, quēnabeaja. Sudiro bũcũase ti vojama, mamagasero rãca seretumasime-naja mani. Mamagaserone mani seretujama, mani coero bero carato tũatutu vatone bũcũasejũa vocoatoja. Bũcũase, mamase rãca mani seretumasibetore bajirone, mame oca yũ gotimasiosere, mani ñicua oca rãca tũoĩavũobesa mũa. ²² To bajirone bajiaja yũye oco quēne. Mame yũye ocore, vaibũcũgaserone quēnorijaoja bũcũjoajũare jiomenaja mani. Bũcũjoajũare mani jiojama, jãmũsĩnituca yiro, yivocõaroja tijojũare. To bajiro mani yijama, yũye ocore, vaibũcũgaserone quēnorijaoja quēne, to bajirone yireacõa tũjana yirãja mani. “To bajirobe” yirãma, mame yũye ocore vaibũcũgaserone quēnorijaoja, mamajoajũare jiore ñaroja. To yicõari, yũye oco, vaibũcũgaserone quēnorijaoja quēne, cojoro cõro quēnaro ñarũaroja. To bajiri mame yũye ocore, bũcũjoajũare mani jibetore bajiro mame oca yũ gotimasiosere, mani ñicua oca rãca tũoĩavũobesa mũa —ĩnare yiyuju Jesũs.

Usũsãjariarũmũ ñaboajaquēne, Jesũs buerimasa trigo ajere tũnejuacõari, ĩna bare queti

(Mt 12.1-8; Lc 6.1-5)

²³ Usũsãjariarũmũ ti ejaro, trigo ĩna oterivese cõtore vasuju Jesũs, ĩ buerimasa rãca. To bajivanane, trigo ricare tũnejuacõari, ĩna āmorine ti gasere sĩguēreacõari, bayujarã ĩ buerimasa. ²⁴ Tire ĩna basere ĩacõari, fariseo masa ado bajiro Jesũre ĩre yiyujarã:

—ĩĩãña mũ! Mũ buerimasa, usũsãjariarũmũ yire mere yama ĩna —Jesũre ĩre yiyujarã.

²⁵ To bajiro ĩna yisere ajicõari, ado bajiro ĩnare cũdiyuju Jesũs:

—¿David ñamasir'i ĩ babarã rãca ñiorijacõari, ĩnare ĩ ũmato bamasirere masibea mũa? ²⁶ Paia yũ ñamasugũ Abiatar vãme cũtigũ ĩ ñarore David mesa, ñiorijarã ñari, “Mani rãca ñagũmi Dios” masa ĩna yirivijũre sãjacõari, Diore ĩre rũcũbũorã pan gãjerã ĩna cũboarerene juacõari, ĩ babarã rãca bamasĩñuju ĩ. To bajiri Moisés ñamasir'i ĩ gotimasirema, “Paia rĩne barũarãma” ĩ yimasiboarerene bamasĩñujarã ĩna. To bajiro ĩna yiboajaquēne, ti vaja rojose ĩnare yibetimasĩñumi

Dios. ²⁷ “‘Ususājariarūmure ado bajiro yiya’ ya yisere cūdirā ñato” yigu me, masare rujeoyumi Dios. Masare rujeocōari, “‘Ususājariarūmū ñaruarōja”, yicūmasiñumi, “‘Quēnaro ñato ña” yigu. ²⁸ Ya, Dios ī roticōacacu, “‘Ususājariarūmure ado bajiro mña yijama, quēnaja. To bajirojña mña yijama, quēnabeaja”, yirotigū ñaja ya —ñare yicūdiyuju Jesús, fariseo masare.

3

Āmo ñujobecure Jesús ī ñujorotire queti
(Mt 12.9-14; Lc 6.6-11)

¹ To yi vacune, Dios ocare ña bueriviju sāsajuju Jesús. Ti viju ñañuju sīgū, cojojacatuā āmo ñujobecu. ² Fariseo masa quēne ñañujarā. “‘Jesús, rojose yimi’ ujarāre yigoti, yiorāsa” yirā, Jesúre ĩre ĩacodeyujarā ĩna. “‘Adirūmū ususājariarūmure āni āmo ñujobecure ī masise rāca ī ñujorotijama, ‘Dios, Moisére ī roticūmasirere cūdibecu yimi’ yigotiruarāja mani”, yitūoñañujarā. ³ To bajiro ĩna yitūoĩarone, ado bajiro yiyuju Jesús, āmo ñujobecuĵare:

—Vūmurūgūña —ĩre yiyuju.

⁴ To bajiro ĩre yigajanogūne, fariseo masare ado bajiro ĩnare sēniñañuju:

—¿Ususājariarūmure quēne, no bojagu masare quēnaro mani yijama, quēnabetojari? ¿Diseĵare yiroti ñati? ¿Quēnaseĵare, rojoseĵare yiroti ñati ti? ¿Rijaye cūtirāre catioĵare yiroti ñatique? To yiterā, ¿ñare sīacōaroti ñatique? —ñare yiyuju Jesús.

To ī yiboajaquēne, ĩre cūdibesujarā ĩna. ⁵ To bajiri ĩre ĩna ajitesere ĩājūnisinigū ñaboarine, ĩnare ĩasūtiritigūne, āmo ñujobecuĵare ado bajiro ĩre yiyuju Jesús:

—Mū āmore ñujoya mñ —ĩre yiyuju.

To ī yirone, ī āmore ī ñujorone, quēnaejacoasuju yuja. ⁶ To ī yisere ajicōari, budicoasujarā fariseo masa. Budiacōari, “‘Uĵu ñamasugū ñarucūmi Herodes” yirūgūriarā rāca ñagōrā vasujarā. “¿No bajiro yicōari, Jesúre sīarotirāti mani?”, gāmerā yīñagōñujarā ĩna.

Utabucura tūju jājarā masa ĩna ejare queti

⁷ To ī yiro bero, ī buerimasa rāca vacoasuju Jesús utabucura Galilea vāme cūtiraju vana. To ĩna vato, Galilea sitana jājarā Jesúre sūyasujarā. ⁸ Gaje macariana quēne, jājarā masa, ĩañañamani Jesús ī yīñasere ajicōari, ī tūju ejayujarā. ĩna ñañujarā: Judea sitana, Jerusalén macana, Idumea sitana, Jordán vāme cūtiya gajejacatuāna, Tiro macana, to yicōari, Sidón macana quēne ñañujarā ĩna. ⁹⁻¹⁰ Jājarā rijaye cūtirāre Jesús ī catioĵare ajicōari, gājerā buto ĩre moaĩarūayujarā ĩna, “‘To bajiro mani yijama, caticoanaja” yirā. To bajiro ĩna

yituoñajare, “Răgōbibecōarāma” yigū ñari, —Cūmua cūo yuya mua —ĩ buerimasare ñnare yiyuju Jesús.

11 Ñna usurijure vātia sãñarã, Jesúre ñacōari, ñ rĩjorojua gusomuniari tuetucōari muquearãne, ado bajiro yivasãñujarã ñna:

—Dios macune ñaja mu —Jesúre ñre yivasãñujarã.

12 To bajiro ñna yisere ajicōari, oca tutuase rãca ñnare ñagōrotibesuju Jesús, vātiare rotigū.

Ï ocare goticudisuronare Jesús ñ besere queti

(Mt 10.1-4; Lc 6.12-16)

13-14 Cojorãmu buroju majacōari, ñ buerimasare ñ bojarãre jirẽoñuju Jesús. To bajiri ñ tũju ñna ejarone, juaãmo cōro, gũbo jua jẽnituarirãcu ñnarãre beseyuju. To yicōari, ado bajiro ñnare gotiyuju:

—Yũ rãcane ñacōaruarãja mua. To bajicōari, yũ ocare yũre goticudibosarã ñaruarãja mua. 15 Masa usurijũ sãñarãre vātiare, “Budiya” mua yijama, budiruarãma —ñnare yiyuju Jesús.

16 Ado bajiro vãme cutirã ñañujarã juaãmo cōro, gũbo jua jẽnituarirãcu ñarã ñ beseriarã: Simón vãme cutiboar'i Pedro vãme cutigũ. 17 To yicōari Zebedeo rĩa ñacama Santiago ñ bedi Juan. Ñna juarãre Boanerges vãme yiyuju Jesús. Ti vãme, Bujõ rĩa yire ñni ñañuju. d 18 Andrés, Felipe, Bartolomé, Mateo, Tomás, Tadeo ñañujarã. Alfeo macũ Santiago, to yicōari, Simón vãme cutigũ, celote yere tũoñaboar'i ñañuju. 19 Tusagu Judas Iscariote vãme cutiyuju. Ñ ñañuju Jesúre ñsirocar'i. To bajiri juaãmo cōro, gũbo jua jẽnituarirãcu ñañujarã Jesús ñ beseriarã.

“Vātia uju ñ masise rãca yigũ yami Jesús”, ñna yire queti

(Mt 12.22-32; Lc 11.14-23; 12.10)

20 Bero, vijũ Jesúrãca tudiejayujarã ñ buerimasa. To ñna bajiro, jãjarã masa rējañujarã. To bajiri, bare bamasibeticōañujarã ñna, Jesús mesa. 21 To bajiro ñna bajiñase quetire ajicōari, “Mecurimasũ ñacoacu yigũmi”, Jesúre ñre yiyujarã masa. To bajiro ñre ñna yisere ajicōari, ñ yarã, ñre jirã vasujarã ñna.

22 Gãjerã Dios ñ rotimasirere gotimasiorimasa Jerusalén maca vadiriarã ado bajiro Jesúre yiyujarã ñna:

—Ñ usũju vātia uju Beelzebú vãme cutigũ sãñagũ ñnaami. To bajiri Beelzebú ñ masise rãca vātiare bureaami —yiyujarã ñna.

23 To bajiro ñna yise ñajare, ñnare jiyuju Jesús. To yicōari, ñ tũju ñna ejaro, gotimasioire queti ado bajiro ñnare gotiyuju:

d 3:17 “Yoaro me jũnisinirã ñna ñajare, Santiago ñ bedi Juan ñna juarãre ‘Bujõ rĩa’ vãme yiyuju Jesús”, yiyujarã Dios oca buerëtoburimasa sīgãri.

—Vātia uju, masa usuriju i yarāre sājartigu űaboarine, no yigu, “Īnare bureaya” yigu űabecumi tia. ²⁴ Cojo sitana rotirimasa ĩna gāmerā quēajama, ĩna masune gāmerā sĳayayirā yirāma. ²⁵ To bajirone bajiroja cojo vi űarāre quēne. ²⁶ Tire bajirone bajiroja vātiare quēne. Vātia ĩna gāmerā bureajama, “Masare rojose yitajato mani” yirā yiborāma. To bajiro ti bajijare, “Beelzebú vāme cutigu i masise rāca masa usuriju sāñarāre vātiare bureaami” yure mĳa yiboase, riojo yirā me yaja mĳa —Īnare yiyuju Jesús.

²⁷ To bajiro ĩnare yigoticōari, quēna gajeye gotimasiore queti ĩnare gotiyuju:

—Sĳgū, gāji guamu ya vi sājacōari, ĩre i siabetijama, gajeyeūni ěmamasibecumi. ĩre siacōari, i gajeyeūnire ěmamasigūmi yuja. To bajirone bajiaja yure quēne. Vātia uju i rotiboasere ĩre yirotibeticōari, vātiare yu burease suorine, vāti i rotiajeboari-arāre ĩre ěmagū yaja, “Yu yarā űato” yigu —Īnare yiyuju Jesús.

²⁸ To bajiro ĩnare yigoticōari, quēna ado bajiro ĩnare yiyuju Jesús:

—Riojo mĳare gotiaja yu. Masa jediro rojose ĩna yijama, jediro rojose ĩna űagōjaquēne, sutiriticōari, Diore ĩna sēnijama, rojose ĩna yisere masiriorucumi. ²⁹ To bajiboarine, Esp'iritu Santojĳare rācubĳomena rojose ĩre ĩna yitud'ijama, tirema masiriobetirucumi. To bajiro ĩna yijama, to bajirone rojose ĩnare űacōa űarūgūruaroja —yiyuju Jesús.

³⁰ Esp'iritu Santo i masise rāca i yiboajaquēne, “Ī usuju vāti sāñagū űari, bajigūmi” ĩre ĩna yise űajare, to bajise ĩnare gotiyuju Jesús.

“Yu yarāma ado bajiro bajirājĳa űaama”, Jesús i yire queti (Mt 12.46-50; Lc 8.19-21)

³¹⁻³² Jesús, masare i gotimasio űarone, i tu rujigānirā ado bajiro ĩre yiyujarā ĩna:

—Mĳa jaco, mĳa bederā rāca macajúju ejama, mĳa rāca űagōruarā —Jesúre ĩre yiyujarā.

³³ To bajiro ĩna yiboajaquēne, ado bajiro ĩnare cūdiyuju Jesús:

—¿űimo űati yu jacomā? ¿űimarā űati yu bederāma? —Īnare yiyuju.

³⁴ To yigune, i tu rujigānirāre ĩacōari,

—Mĳa űaja yu bederāma, yu jacore bajiro bajirāma. ³⁵ No bojarā yu jacu ō vecagu i rotirore bajiro yirā, ĩna űarāma yu bederāre bajiro bajirāma, yu jacore bajiro bajirāma —Īnare yiyuju Jesús.

4

Oterimasu ĩ bajirere Jesús ĩ gotimasiore queti
(Mt 13.1-9; Lc 8.4-8)

¹ Quēna utabucura tu ejacōari, masare gotimasioñuju Jesús. Masa jājarābusa ĩna rējaquearo ĩacōari, cūmuaju vasājacōari, rujiyuju Jesús. Masajama, utabucura tu ñañujarā ĩna. ² To bajicōari, cojo queti me tuoīacōari, “Ado bajiro bajisere bajiro bajajaja” ĩnare yigotigu ñari, ado bajise gotiyuju:

³ —Adi queti muare yu gotisere quēnaro ajiya mu. Sīgū oterimasu veseju ote ajere otegu vacumi. ⁴ Vese ejacōari, ote ajere ĩ reabaterone, gajeye maaju vējaquearoja. To bajiri minia ejacōari, tire bareacōarāma ĩna. ⁵⁻⁶ Gajeyema, gūta joeju reajeoroja. Tijū, mojoroaca sita ti ñajare, guaro ti judidaboajaquēne, muiju, asisīocōagūmi. To bajicōari, oco manijare, sñireacoatoja ti. ⁷ Gajeyema, jotayucú vatoaju vējaquearoja. To bajicōari, ti judiboajaquēne, jotaju bucuaveocoatoja ti. To bajiri rica cutibetoja ti. ⁸ Gajeyema, sita quēnaroju vējaquearoja. To baji, judibucacōari, quēnase ñacōari, jairo rica cutiroja. Cojotō, treinta ñaricari rica cutiroja. Gajetō, sesenta ñaricari, gajetō, cien ñaricari rica cutiroja. ⁹ Tire mu ajimasirujama, quēnaro tuoīaña mu —ĩnare yiyuju Jesús.

“Ado bajiro yigu, gotimasiore queti gotirūgūaja yu”, Jesús ĩ yire queti

(Mt 13.10-17; Lc 8.9-10)

¹⁰ Tijū bero, Jesús sīgūne ĩ ñaro, ĩ buerimasa juaāmo cōro, gūbo juā jēnituarirācu ñarā, gājerā ĩre ajisuyarā rāca ĩ tu rējacōari, ado bajiro ĩre sēniñañujarā:

—¿Gotimasiore queti yuare mu gotise, no yire ũni ñati ti? —ĩre yisēniñañujarā ĩna.

¹¹ To bajiro ĩna yisēniñajare, ado bajiro ĩnare cūdiyuju ĩ:

—“Uju Dios yarā quēnaro ĩ yirona, yu ñarujama, ado bajiro yiroti ñaja” ĩna yimasibeticatire Dios sūorine ajimasijaja muama. To bajiboarine gājerājuama, Dios ĩ bojabetijare, tire ajimasibeama. ¹² To bajiri, gotimasiore queti rāca gotimasioaja yu, ado bajiro bajirā ĩna ñajare: Adi macarucuroaye rīrene tuoīarā ñari, yu yīosere ĩacōari, to yicōari, yu gotisere ajicōari, “To bajiro manire yigotigu yami”, manire yimasibeama. To bajiro bajirā ñari, rojose ĩna yisere tuoīavasocōari, “Yuare masirioya”, Diore yisēnibeama. To bajiri yirēto ecosabetiruarāma ĩna —ĩnare yigotiyuju Jesús.

“Ado bajiro yiruro yaja oterimasu ĩ bajire queti”, Jesús ĩ yigotirētobure queti

(Mt 13.18-23; Lc 8.11-15)

¹³ Bero, quēna ado bajiro ĩnare gotiyuju Jesús:

—Oterimasu ĩ bajire quetire muare yu gotisere mua ajimasibetijama, gajeye yu gotirotire quene ajimasimenaja mua — ĩnare yiyuju Jesús.

¹⁴To yigune, ado bajiro ti quetire ĩnare gotirĕtobuyuju Jesús:

—Oterimasuma, yu gotimasisere gotimasiodirimasure bajiro bajigu ñagumi. ¹⁵Ote aje, maaju vējaquearere, minia ĩna barere yu yijama, “Ēju Dios quĕnaro ĩ yirona ĩna ñarujama, ado bajiro yiroti ñaja” yu yigotimasisere ĩna ajiboasere, vĕtia uju ejaĉari guaro ĩ masirosere yigu yibu yu —yiyuju.

¹⁶⁻¹⁷—Gũta joeju vējaqueaĉari, guaro judibucaboarere, muiju ĩ asisĕore yu yijama, yu yere ajicĉari, quĕnaro variquĕnase rĕca ajirĕ ñaboarine, yoaro mene tire ĩna quejerotire, to yicĉari, yu gotisere ajirĕ ĩna ñajare, gĕjerĕ rojose ĩnare ĩna yijama, yoaro mene yu ocare ĩna ajitajarotire yigu yibu. ¹⁸⁻¹⁹Jotayucú vatoaju vējaqueaĉari, judiboarere jotajua ti bucaveore yu yijama, yu gotisere ajirĕ ñaboarine, adi macarucuro ti bajisejare tuoĭarejairĕ ñari, to yicĉari, gajeyeuni bojatuoĭarĕ ñari, yu yejare ĩna tuoĭatujacĉari, yu bojarore bajiro yimenare yigu yibu yu. ²⁰Sita quĕnaroju vējaqueare judibucacĉari, quĕnase rica cutirere cojotĕ treinta ñaricari, gajetĕ sesenta ñaricari, gajetĕ cien ñaricari rica cutirere yu yijama, yu gotmasiosere ajimasicĉari, Dios ĩ bojarore bajiro quĕnaro yirĕ yu ocare ĩna gotimasiose sĕori, gĕjerĕ masa quĕne yure ĩna ajitirĕnrotire yigu yibu —ĩnare yigotiyuju Jesús.

Sĭabusuariare tuoĭacĉari, Jesús ĩ gotimasiore queti

(Lc 8.16-18)

²¹Quĕna gaje queti ado bajiro ĩnare gotiyuju Jesús:

—Sĭabusuariare jĕocĉari, sotane tiare mubamenaja mani. Tiare jĕocĉari, “Ñajediro ti vianare ujubusato” yirĕ, vecaju jeorĕja mani. Tire bajiro bajaia yu gotimasiose. “Ajimasibeticĉato masa” yigu me, to bajise ĩnare gotiaja yu. “Quĕnaro riojo ajimasiato masa” yigu, gotirũgũaja. ²²Dios sĕorine masa ĩna ajimasibeticati jediro, quĕnaro ajimasiruarĕma. ²³Tire, muare yu gotisere mua ajimasirujama, quĕnaro tuoĭaĭa mua —ĩnare yiyuju Jesús.

²⁴To yicĉari, quĕna ado bajiro ĩnare gotiyuju Jesús:

—Muare yu gotisere quĕnaro ajitirĕnna mua. Mua ajitirĕnruĕtuatore bajirone “Butobusa ajimasiato” yigu, muare ejarĕmorucumi Dios. Rĕtobusaro muare ĩ ejarĕmose ñajare, variquĕnaruarĕja mua. ²⁵To bajiri, no bojagu Diore ajitirĕnugĕre, “Quĕnarobusa ajimasiato” yigu, ĩ masiere cĕarucumi Dios. Gĕjirema, ĩre ajigu ñaboarine, ĩre ĩ ajitirĕnubetijare, Dios ĩ rotise sĕorine ĩ ajimasiboasere masiriticĉarucumi ĩ. To bajiri Diore masibetimasucĉarucumi —ĩnare yiyuju Jesús.

Ote aje judibũcũare tũoĩacõari Jesús ĩ gotimasiore queti

²⁶ Quẽna ado bajiro masare gotimasioũju Jesús:

—No bojarã, Ʋũ Dios yarã quẽnaro ĩ yirãma, yũ gotimasiosere ajitirũnarã rĩne, ĩ sũorine bũtobũsa ĩre bajiro quẽnaro yirã ñarũtuarũarãma. To bajiro ĩna bajijama, ote aje ti judibũcũatore bajiro bajijama. Oterimasũ otegũmi. ²⁷ Otecõari, tocãrãca ñamiri, ũmũari quẽne, ĩ cãnijaquẽne, ĩ cãnibetijaquẽne, no yibetoja ĩ otere. ĩ codetirũncõa ñabetiboajaquẽne, ti masurione judicõari, bũcũatoja. Ti bũcũamũjasere, “Ado bajiro bũcũatũsajũ ti” yimasibetiboajaquẽne, bũcũamũjacoatoja ti. ²⁸ ĩ otere ti masurione judiroja ti. Rĩjoro rujasaviaca judisũoroja. Bero, bũcũamũjacõari jũ cũtiroja. To bajicõari rica cũtiroja. ²⁹ Ti bũcũaro ĩacõari, juagũmi —ĩnare yiyuju Jesús.

“Mostaza vãme cũtiũ rica, ajeare bajiro bajiaja”, Jesús ĩ yire queti

(Mt 13.31-32; Lc 13.18-19)

³⁰ Quẽna ado bajiro gotiyuju Jesús:

—“Rotimũorũgõrũcũmi” yigũ, Dios ĩ cõagũ, yũ gotimasiosere no bojarã ĩna ajitirũnũjama, mũare yũ gotisere mojoroaca ajimasiboarine, rojose ĩna ñare cũtisere tũoĩavasoacõari, tocãrãcarũmũri quẽnaro ñamũjarũgũcõari, quẽnaro ajimasimũjarũgũjama, ado bajiro bajirũaroja: e ³¹ Sĩgũ ĩ ya vesejũre mostaza ajea otegũmi. Gajeye ote aje rẽtoro rũjaricaca ñaroja ti, mostaza ajeaca. ³² To bajiri ĩ oterica mojoricaca ñaboarine, ti judibũcũacoajama, ote yucũri rẽtobũsaricũ jairicũ ñaroja tiũ. Jairicũ ti ñajare, tiũ rũjũriju minia ĩna ria cũtirotijũrĩre quẽnorãma ĩna —yigotimasioũju Jesús.

³³⁻³⁴ Gotimasiore queti rãca rĩne ĩnare gotimasiorũgũũju Jesús, “Ĩna ajimasiro cõro ajimasiato” yigũ. To bajiro yicõari, ĩ buerimasa rĩne ĩna ñaro, quẽnaro ĩnare gotirẽtobujeocõaũju.

Mino vatone, oco sabesere Jesús ĩ tũjore queti

(Mt 8.23-27; Lc 8.22-25)

³⁵ Tirũmũ muiju ĩ rocasãro, ĩ buerimasare ado bajiro ĩnare yiyuju Jesús:

—Gajecatũajũ jẽajaro mani —ĩnare yiyuju Jesús. ³⁶ To bajiri jãjarã masa Jesũre ajirã ejarãre, ĩ sãñaricũmuajũne ĩ buerimasa rãca ĩnare jẽaveocoasujarã. To bajiri, gaje cũmũariana quẽne, ĩnare jẽasũyasujarã. ³⁷ To ĩna jẽatone, bũto mino vasuju. To bajicõari, bũto sabeyuju. Ti saberone, cũmua sagueca yiro, rujacoarũayuju. ³⁸ To ti bajiboajaquẽne, rũjoa tutuoriajũ rãca

e 4:30 Mostaza ajea ti bajire queti Jesús ĩ gotirere, “Ado bajiro yirũaro yaja”, yiyujarã Dios oca masa ĩna ucamasirere buerẽtobudiriarã sũgũri: “Jesũs ĩ gotimasiosere ajitirũnarã ĩ ñarirodo mojoroaca ñaboarine, jãjarã ĩna bujũrotire yigũ yiyuju Jesús”, yiyujarã ĩna.

ĩ r̄ajoare tutuocõari, cãnisãñañuju Jesús, cūmua ḡudeju. Ī cãniro ĩacõari, ĩre yujioyujarã ĩna:

—Yua uju, ¡rujareana yaja mani! ¿“To bajiro ti bajijama, quẽnacõaroja”, yati mu? —ĩre yiyujarã ĩna.

³⁹⁻⁴⁰ To bajiro ĩna yirone,

—¿No yirã b̄uto ḡüiati mua? “Rojose mani tãmuoboaquẽne, manire yirẽtobosarucumi”, yure yit̄uoĩabeaja mua —ĩnare yiyuju Jesús. To yigajanocõari, ado bajiro yiyuju Jesús:

—¡Mino t̄ajaya! ¡Sabese quẽne t̄ajaya mua! —yiyuju Jesús.

To ĩ yirone, t̄ajacoasuju mino. Sabese quẽne, sabebesuju yuja.

⁴¹ To bajiro ĩ yiboajaquẽne, b̄uto ḡüicõa ñañujarã ĩna. To bajiri, ado bajiro gãmerã s̄eniñañujarã:

—¿Ñimu ũgũ masu ñati ãni? Minore, to yicõari, sabesere ĩ t̄ajarotijama, ĩre ajiaja —gãmerã yiyujarã Jesús buerimasa.

5

Gerasa vãme cuti maca t̄agure ĩ us̄uju sãñarãre vãtiare Jesús ĩ bureare queti

(Mt 8.28-34; Lc 8.26-39)

¹ Utabuc̄ura gajecat̄aju Gerasa vãme cuti maca t̄aju ejayujarã. ²⁻⁵ To ĩna ejarone, masa rijariarãre ĩna yujereariavijure s̄igũ ũmu budiyaju, Jesúre ĩaguagu. Ti vijũ ñañuju ĩ ñaro. Vãti sãñagũ ñañuju. To bajiri no yimasĩnamagũ ñañuju. Cojoji me cõemane ĩ ḡabori sotorire, ĩ ãmorire quẽne siaboayujarã. To ĩna yiboajaquẽne, t̄asure reacõarũgũñuju ĩ. To bajiro bajigu ñari, ũmua, ñamirire quẽne ḡutayucu joeju vacudirũgũñuju. To bajicõari, masa yujereariavijure ñacõari, avasãmec̄ucudirũgũñuju. To bajiro bajicudica yigu, ḡutariju quedioca vacudirũgũñuju. ⁶ To bajiro bajiñar'i, s̄õjune Jesúre ĩab̄jacõari, ũmarojayuju. Jesús t̄aju ejacõari, ĩ r̄ijorojua ḡusomuniari t̄uetuyuju, ĩre r̄uc̄buogu. ⁷⁻⁸ To bajiro ĩ yiejasere ĩacõari, ado bajiro ĩ us̄ujure sãñagũjare vãtire yiyuju Jesús:

—Ñani masu ĩ us̄uju sãñagũ budiya mu —ĩre yiyuju Jesús.

To ĩ yijare,

—Jesús, masirẽtogũ, Dios macu ñaja mu. ¿No yigu yua tu vadiati mu? “Yure ḡõjanabiobesa”, mure yis̄eniaja yu. Dios ĩ ĩaro r̄ijorojua, “Rojose mu yise vaja, rojose mure yibeaja yu”, yure yiya —Jesúre yis̄eniñuju vãti.

⁹ To ĩ yirone, ado bajiro ĩre yiyuju Jesús:

—¿Ñimu vãme cutiati mu? —ĩre yiyuju.

To ĩ yisere ajicõari, ado bajiro ĩre c̄adiyuju vãti:

—Legión vãme cutiaja, jãjarã ñarã ñari —ĩre yic̄adiyuju.

¹⁰ To bajiri ado bajiro Jesúre s̄eniñañujarã:

—Gaje sitaju ĩnare cōabesa mu —Jesúre yiyujarã. ¹¹ Buroju jājarã ecariarã yesea macabañañujarã. ¹² ĩnare ĩacōari, ado bajiro Jesúre yisēniñujarã ĩna:

—Yũare mu bureajama, òa yeseajũare yũare sãjarotiya —Īre yisēniñujarã ĩna.

¹³ To bajiro ĩna yijare,

—Mũare varotiaja yũ —vãtiare ĩnare yiyuju Jesús.

To ĩ yirone, masũ usũjũre sãñaboariarã budicoasujarã yuja, ecariarã yesea, dos mil cōro ñarãjũare sãjaroana. ĩna sãjarone, buro ũmaroja vacōari, utabucuraju rearoderujacōa tujasujarã.

¹⁴ Yeseare coderimasa, to bajiro ĩna bajisere ĩacōari, ũmacoasujarã, ĩna ya macaju vana. Toju ejacōari, ti macanare, to yicōari, ti maca tũ ñarimacarianare quēne tire gotibatoyujarã. To bajiro ĩna yigotisere ajicōari, Jesúre ĩarã vasujarã ĩna, ti macana jediro. ¹⁵ Ī tũju ejacōari, vãtia sãñaboar'ire ĩañujarã ĩna. Sudi sãñacōari, Jesús tũ rujiyuju. ĩna bajirore bajiro bajigu ñañuju ĩ yuja. Vãtia ĩna sãñajama, tũoĩamasibecu ñañuju maji. Quēnaro tũoĩagũ ñañuju yuja. To bajiro ĩ yimasisere ĩacōari, Jesúre buto güiyujarã ĩna. ¹⁶ Vãtia sãñaboar'i ĩ bajisere, to yicōari, yesea ĩna bajirere ĩariarã, gãjerãre gotiyujarã. ¹⁷ To bajiri Jesúre buto güirã ñari,

—Vacoasa. Ado mu ñasere bojabeaja —Īre yiyujarã ĩna.

¹⁸ To ĩna yijare, tudiacũ, cũmuaju vasãjañuju Jesús. To ĩ bajirone, ado bajiro ĩre yiboayuju vãtia sãñaboar'i:

—Mu rãca buto varũaja yũ quēne —Īre yiboayuju.

¹⁹ To bajiro ĩ yiboajaquēne, ado bajiro ĩre cũdiyuju Jesús:

—“Yũ rãca vadibesa. Mu ya vijũ tudiasa. Dios yũre ĩĩamajare, ĩ masise rãca yũ usũjũ sãñarãre vãtiare bureami Jesús”, mu yarãre ĩnare yigotiba —Īre yicũdiyuju Jesús, vãtia sãñaboar'ire.

²⁰ To bajiro ĩ yijare, ĩ yarã tũju tudicoasuju ĩ. Tudiejacōari, Decápolis vãme cũi sita ñarimacarianare, Jesús ĩ yirere goticudiyuju. To bajiro ĩ yigotisere ajicōari, no yimasibesujarã ĩna masa, ti ũnire ajibetirũgũriarã ñari.

Jairo macore Jesús ĩ catiore quieti

(Mt 9.18-26; Lc 8.40-56)

²¹ Jesús, tudijẽacoasuju quēna, gajejacatũaju. Utabucura tũju ĩ ñaro jājarã masa rējañujarã. ²² To bajirone, Dios ocare ĩna buerivi mũ quēne ejayuju, Jairo vãme cũi. Jesúsre ĩacōari, ĩ rĩjorojũa gũsomuniari tuetuyuju, ĩre rãcũbũogu. ²³ To yicōari, ado bajiro Jesúre ĩre yiyuju:

—Yũ maco bajirocaco yimo. So tũ ejacōari, sore mu moañajama, caticoarũocomo —Jesúre ĩre yiyuju.

²⁴ To bajiro Jairo ĩ yisere ajicōari, ĩre sũyasuju Jesús. Jãjarã masa ĩre sũyacōari, no bajiro yi vamasĩna manojũ vasujarã ĩna.

25 To bajiro ñna bajiro vatoajure sīgō, gāmōrōmi cutigo ñañuju so. Juaāmo cōro, gūbo jua jēnituari cūmari gāmogōre bajiro bajicōarūmari cutirīgūñuju so. 26 Jājarā uco yirimasa sore ñna uco yire vaja, vaja yigo, gājoa so cūboarere ñnare ñsijeocōañuju. To bajiro ñnare so yiboajaquēne, b̄tob̄usa bajiyuju so. 27-28 To bajiri gājerāre Jesús ĩ catiore queti ajirio ñari, jājarā masa vatoajū Jesúre s̄uyasuju so. “Jesús sudiro moaīarūaja ȳ. Ti rīne bojaja ȳ. To bajiro ȳ yijama, quēnaejacoarūocoja ȳ”, yiyuju so. To bajiro yirio ñari, Jesús s̄uyarojua ejarūgūcōari, ĩ sudirore moaīañuju. 29 So moaīarirīmarone, gāmogōre bajiro so bajīñaboare t̄ujasuju. To bajiri, “Quēnaejacoajū ȳ”, yimasiñuju so yuja. 30 So moaīarone, “Ȳ masise s̄uorine quēnaejacoajamo”, yimasicōañuju Jesús. To bajiri j̄udarūgūcōari, ado bajiro masare sēñañuju ĩ:

—¿Ñimū ȳ sudirore moaīari? —ñnare yisēñañuju.

31 To ĩ yirone, ĩ buerimasa ado bajiro yiyujarā ñna:

—¿No yigū, “Ñimū ȳre moaīati”, yati m̄? M̄ t̄ujū jājarā ñaja yua, m̄re moaīarā —īre yiyujarā ñna.

32 To ñna yiboajaquēne, ĩre moaīagūre ĩamacañuju Jesús.

33 “Īre moaīagōne, quēnaejacoajū ȳ” yimasigō ñari, nanagōne, Jesús r̄ijorojua ejacōari, ḡusomuniari t̄uetuyuju so. To yicōari, ñajediro so bajirere Jesúre gotiyuju. 34 To so yirone, ado bajiro sore c̄udiyuju Jesús:

—Ȳ maigō, “Ī sudi gajare ȳ moaīajama, ĩ masise s̄uorine quēnaejacoarūocoja ȳ” yit̄uoīagō ñari, quēnaejacoajū m̄. To bajiri, “Quēnaejacoajū”, yit̄uoīa variquēna vasa m̄ —sore yiyuju Jesús.

35 To bajiro sore ĩ yīnarone, Dios ocare ñna buerivi ūjū Jairo vāme cutigū ya viana ejayujarā. Ejacōari, ado bajiro Jairore gotiyujarā:

—M̄ maco bajirocacoamo. No yirā gotimasiorimas̄ ĩ vasere bojamenaja mani yuja —Jairore yiyujarā ñna.

36 To ñna yiboajaquēne,

—T̄uoīas̄utiritibesa m̄. Ȳ masisej̄are t̄uoīacōa ñaña —īre yiyuju Jesús.

37 To yicōari, gājerāre s̄uyarotibesuju Jesús yuja. Pedro, Santiago, ĩ bedi Juan, ñna idiarārene s̄uyarotiyuju. 38 To yī, vanane, Jairo ya vijū ejayujarā. Tojū ejana, ñna ĩajama, ĩ maco so bajirocacoajare, b̄uto otiñañujarā ñna, ti vi ejariarā. 39 ĩna otiñarivijure s̄ajaejacōari, ado bajiro ñnare yiyuju:

—¿No yirā otiami m̄? “Bajirocacoajamo” m̄na yiboago, bajirocabecomo. Cānigō yigomo —ñnare yiyuju Jesús.

40 To ĩ yisere ajicōari, ĩre ajayujarā ñna, “Bajirocacoasumo” yimasirā ñari. To bajiro ñna yiboajaquēne, ñnare budirotiyuju

Jesús. Īnare budiroticōari, bajirocario jacuare, to yicōari, ĩre s̄ayarāre quēne, ūmato jājasuju Jesús, bajirocario so ñarisōaju. ⁴¹ Īnare ūmato jājacōari, so āmore ñiañuju Jesús. To yigune, ado bajiro sore yiyuju:

—Talita cumi —sore yiyuju. (“ ‘Daquero, vāmurūgūña’ mure yaja yu” yire ūni ñañuju.)

⁴² To ĩ yirirīmarone, quēna tudicaticōari, vāmurūgū vasuju so yuja. Juaāmo cōro, gubo jua jēnituari cūmari tusaco ñañuju so. So tudicatisere ĩacōari, no yimasibesujarā masa, ti ūnire ĩabetirūgūriarā ñari. ⁴³ Sore catiocōari,

—Sore ĩ catiosere gājerāre gotibetimasucōama —Īnare yiyuju Jesús. To yicōari, —Bare sore ecaya ma —Īnare yiyuju Jesús.

6

Nazaret vāme cuti macaju Jesús ĩ vare queti
(Mt 13.53-58; Lc 4.16-30)

¹ To bajiri Capernaum macanare ĩnare gotimasio gajanocōari, ĩ buerimasare ūmato vacoasuju Jesús, ĩ ya macaju, Nazaret vāme cuti macaju. ² Toju ususājariarūmu ñarone Dios ocare ĩna buerivijure sājajacōari, masare gotimasio ñañuju Jesús. Quēnaro ĩ gotimasiosere ajicōari, no yimasibesujarā ĩna:

—¿No bajicōari, to bajise gotimasiosiasiati ĩ? ¿No bajiro yicōari, ĩañañamanire yati? —Jesúre yiyujarā ĩna, ĩ ya macana.

³ Gajeye ado bajiro yiyujarā ĩna:

—¿Adi macagu yucú moarimasu me ñatique ĩma? ¿Mar'ia macu me ñatique? ¿Santiago, José, Judas, Simón mesa gagu me ñatique ĩ? To yicōari, mani vatoaju ñarā, ¿ĩ bederā rōmiri me ñatique ĩna? —Jesúre ĩre yiyujarā ĩna, ĩ ya macana.

To bajiri, “Ñamasugū me ñaami. Mani ya macagu, mani masigū ñaami” yirā ñari, ĩre ajitirūnubesujarā ĩna. ⁴ To ĩna yirone, ado bajiro ĩnare gotiyuju Jesús:

—Diore gotirētobosarimasu gajeroju Dios ocare ĩ gotimasiodijama, ĩre ajirūcuborāma. To bajiboarine, ĩ ya macanare, ĩ ya vianare quēne, Dios ocare ĩ gotimasiojama, ĩre ajirūcubomenama —Īnare yiyuju Jesús.

⁵ To bajiri ĩ ya macana, ĩre ĩna ajitirūnubetijare, ĩañañamani yīomasibesuju ĩ. Mojoroaca ñañujarā ĩ āmo ñujeocōari ĩ catioriarā. ⁶ ĩ yarā ĩre ĩna ajitirūnubetire ĩacōari, no yimasibesuju Jesús, ĩnare bajiro tuoīarāre ĩabetirūgūr'i ñari. To bajiri, gaje macariju vasuju, masare gotimasiodigū vacu.

Ī ocare goticudisuronare Jesús ĩ cōare queti
(Mt 10.5-15; Lc 9.1-6)

⁷ Juaāmo cōro, gubo jua jēnituarirācu ñarāre ĩ buerāre jirēoñuju Jesús. Īnare jirēocōari, tocārāca macarire juarāri cōañuju. Īnare

cõagũne, masa usuriju sãñarãre vãtiare, ãna bureamasirotire ãnare ujoyuju ã. ⁸ To yicõari ado bajiro ãnare yiyuju:

—Mũa bare sãriajoari, gãjoare quẽne juaãbesa. No bojase mũa cõose juaãbesa. Tueriayucũri rĩne juaãsa. ⁹ Gũbo sudi mũa sãñasene sãñacõari, sudi mũa sãñasene sãñacõari, vasa —ãnare yiyuju Jesũs. ¹⁰ Gajeye ado bajiro ãnare yiyuju Jesũs:

—Tocãrãca macare mũa ejajama, mũa ejasũorivine cãnima. Ti vine ñacõari, ti macanare ãnare gotimasio ñama maji, gajeroju mũa varoto rĩjoro. ¹¹ Mũa ejarimacana quẽnaro mũare ãna bocaãmibetijama, to yicõari, mũa gotisere ãna ajirũabetijaquẽne, ti macajũre ñabeja. Mũare ãna ajirũabetijare, mũa gũbo sudi tuyasere sitare varerea, vacoaja. To bajiro mũa yijama, “Quẽnaro yũare bocaãmibeticõari, yũare mũa ajirũabetijare, rojose mũare yirũcũmi Dios” yirã, yirũarãja mũa —ãnare yiyuju Jesũs.

¹² To bajiro ã yijare, “Rojose mũa yisere yitũajacõari, quẽnasejuare tũoãvasoaya” ãnare yigotimasioducurã vasujarã. ¹³ Masa usuriju sãñarãre vãtiare bureayujarã ãna. Jãjarã rijaye cutirãre quẽne, uye yuejeoyujarã ãna. To ãna yijare, quẽnaejacoasujarã ãna.

Juan vãme cutigũre, masare oco rãca bautizarimasũre ã rujoare ãna jatarocare queti
(Mt 14.1-12; Lc 9.7-9)

¹⁴ Jesũs ã bajiñasere, ajijedicõañujarã Galilea vãme cuti sitana. To yicõari, ãna uju Herodes quẽne ajiyuju, ado bajiro ãna yisere:

—Juan vãme cutigũ, masare oco rãca bautizarimasũne sãacoboarine, tudicaticoarimi. To bajiri ãaãañamani yĩõõagũmi —yiyujarã ãna, Jesũre.

¹⁵ Gãjerãma, ado bajiro yiyujarã:

—Diore gotirẽtobosarimasũ El'ias ñamasir'i ñagũmi quẽna —yiyujarã.

Gãjerãjũama, ado bajiro yiyujarã:

—Diore gotirẽtobosarimasũ ñamasir'ire bajiro bajigũ ñaami —yiyujarã.

¹⁶ Herodes quẽne, ado bajiro yiyuju:

—Juan ñagũmi quẽna. ã rujoare ãre jatarocaroticõacaju yũ. To bajiro yũ yirotiõoajaquẽne, quẽna tudicaticoarimi —yiyuju Herodes.

¹⁷⁻¹⁸ Juan ã sãacoroto rĩjoro ado bajiro bajire ti ñajare, to bajiro tũoãañuju Herodes: ã bedi Felipe manajore Herod'ias vãme cutigore ãmacõari, manajo cutiyuju Herodes. To bajiro ã yire ñajare, ado bajiro ãre gotirũgũñuju Juan:

—Herod'iare mũa manajo cutise quẽnabeaja. Dios ã rotimasirere ajibeaja mũa —ãre yirũgũboayuju Juan.

19-20 To bajiro ĩ yigotisere ajitego ñari, ĩre sĭarotiruaboayuju Herod'ias. To bajiro so yituoĭboajaquĕne, “Dios ĩ bojarore bajiro quĕnaro yigu ñaami Juan” yigu, ĩ gotisere ajirucabuoogu ñari, Herod'ias, Juanre so sĭaruoaboasere matayuju Herodes. Juan ĩre ĩ gotisere quĕnaro ajivariquĕnagũ ñaboarine, “To bajiro yirucĭaja yu”, yimasibesuju Herodes. ²¹ To bajinarũgũboa, cojorũmu, “Ado bajiro yu yijama, yure matamasibecumi”, yituoĭañuju Herod'ias yuja. Tirũmu, Herodes ĩ ruyuarĩrũmu ñañuju ti. To bajiri ĩre moabosarimasa ujarãre, surara ujarãre, toana Galilea sitana ñamasuri masare quĕne jirẽoñuju ĩ, “Boserũmu yito” yigu. ²² To yicõari, ĩna rĕjaro bero, Herod'ias maco, ĩna ĩaro rĭjorojuare basañoñuju. So basasere ĩacõari, variquĕnañuju Herodes, ĩjicõariarã quĕne. To bajiri, ado bajiro sore gotiyuju Herodes:

—No bojase mu sĕnijama, mure ĩsirucĭaja —sore yiyuju. ²³ To yicõari, ado bajiro sore gotirẽmoñuju:

—Riojo mure gotiaja. Tuoĭavasoabetirucĭaja. Yu cuose, “Gudareco bojaja” mu yisĕniboajaquĕne, mure ĩsicõarucĭaja —Herod'ias macore yiyuju Herodes. ²⁴ To ĩ yisere ajicõari, so jacore sĕniĩagõ vasuju so, “¿Ñiere ĩre sĕnigõti yu?” yigo.

To so yisere ajicõari, ado bajiro sore yi ocasãñuju so jaco:

—“Juan vãme cutigu, masare oco rãca bautizarimasu rujoare bojaja”, ĩre yiya —so macore yicudiyuju Herod'ias.

²⁵ To so yijare, guaro Herodes tũju vacõari, ado bajiro ĩre gotiyuju:

—Yucacane Juan vãme cutigu, masare oco rãca bautizarimasu rujoare bare jeobariabaja joeju jeocõari, yure ĩsigũ vayã —ĩre yiyuju so.

²⁶ To bajiro so yisere ajicõari, buto sutiritiyuju Herodes. To bajiboarine, ĩjicõariarã ĩna ajiro rĭjorojuã, “Riojo mure gotiaja yu. No bojase mu sĕnijama, mure ĩsirucĭaja” ĩ yicõare ñajare, so sĕnirore bajirone yiyuju. ²⁷ To bajiri Juanre sĭaruoabetiboarine,

—Juan rujoare jatacõari, ãmiaya —yiroticõañuju, ĩ surarare.

To ĩ yijare, tubiberiaviju vacõari, Juan rujoare jatayuju surara. ²⁸ To yicõari, bare jeobariabaja joeju jeocõari, Herod'ias macore ĩsiñuju. To yicõari, sojuã, jacore ĩsirẽtoñuju so yuja.

²⁹ Ti queti ajicõari, Herodes tũju ejayujarã, Juan buerimasa. Ejacõari, ĩrujũri ñaboarere ãmivacõari, yujeyujarã.

Masa, cinco mil ñarãre Jesús ĩ bare ecare queti
(Mt 14.13-21; Lc 9.10-17; Jn 6.1-14)

³⁰ Juãmo cõro, gũbo juã jĕnituarĩrũcu ñarã ĩ buerimasa, ĩ goticudiroticõariarã, tudiejacõari, Jesũrãca rĕjañujarã. ĩ rãca rĕjacõari, ĩna goticudirere, to yicõari, jediro ĩna yicudirere

quêne gotijeocōañujarã. ³¹ Gãjerã ãna vato ãnone, gãjerã ejava-soacōarũgũñujarã masa. To ãna bajicōa ñajare, Jesús, ã buerimasa quêne, ususãja, bare ba, yimasibesujarã. To bajiri, ado bajiro ã buerimasare yiyuju:

—Ita. Ōjũ, masa ãna manibusarojũ vajaro mani. Tojũ ususãjaruarãja —Ûnare yiyuju.

³² To ã yijare, cũmua vasãja vacoasujarã ãna, masa ãna manibusarojũ vana. ³³ To bajiro ãna yi vaboajaquêne, ti macariana jãjarã masa, Jesús ã buerimasa rãca ã vasere ãamasicōari, ãmacoasujarã ãna, Jesús ã ejarotijũre vana. ³⁴ To bajiri Jesũjũna, majaejacōari, jãjarã masa ejacōari ñarãre ãnare ãañuju. ã ãajama, ovejare coderimasa ãnare ã codebetore bajiro bajiyujarã ãna. To bajiri ãnare ãamaiñuju. ãnare ãamaigũ ñari, cojo vãme me ãnare gotimasioñuju. ³⁵ To ã yirone, rãioroto rĩjoro, Jesús buerimasa, ã tu ejacōari, ado bajiro yiyujarã:

—Jẽre rãioato yaja. Masa manojũ ñaja. ³⁶ To bajiri ãnare varotiya mũ, “Masa cutojũ bare vaja yibarã vajaro” yirã —Ûre yiboayujarã ãna.

³⁷ To ãna yiboajaquêne, ado bajiro ãnare cũdiyuju Jesús:

—Mũane ãnare bare ecaya —Ûnare yiyuju ã.

To ã yijare, ado bajiro ãnare cũdiyujarã ãna:

—Doscientos gãjoatiiri rãca vaja yiroti ñaboaroja manire, pan ãna baroti vaja yirã —Jesũre yicũdiyujarã.

³⁸ To ãna yisere ajicōari, ado bajiro ãnare sẽnĩañuju Jesús:

—“¿Nocãrãca pan cõoati mũa?”, yisẽnĩacudiyã maji —Ûnare yiyuju Jesús.

To bajiri sẽnĩabũjacōari, ãnare gotiyujarã:

—Cojomo cõro pan, jũarã vai cõoaja yũa —Ûre yiyujarã.

³⁹ To ãna yirone,

—Masare tatũcurojũ rujatubuari rujirotiya —Ûnare yiyuju Jesús.

⁴⁰ To ã yise ñajare, rujatubuari rujibateyujarã ãna. Cojojũri cien ñarirãcũ, to yicōari, cincuenta ñarirãcũ rujibateyujarã.

⁴¹ To bajiro ãnare rujiroticōari bero, cojomo cõro ñaricari pan, to yicōari, jũarã vai ñarãre juacōari, õ vecajũna ãamucōari, “Quẽnaro yaja mũ”, Diore ãnare yiyuju. To yicōari bero, panre iguesurebatecōari, ã buerimasare ãsiñuju, “Rujirãre ãsibatoya” yigũ. Jũarã vaire quêne iguesurebatecōari, ã buerimasare ãsiñuju, “Rujirãre ãsibatoya” yigũ. ⁴² Sīgũ ruyariaro mano quẽnaro baususcutijedicōañujarã. ⁴³ ãna bagajanoro bero, ãna barũasere, ã buerimasa ãna juarẽojama, jũaãmo cõro, gũbo jũna jẽnituaro ñaribũri ruyayuju. ⁴⁴ Tire bariarã, cinco mil ãmũna ñañujarã. f

f 6:44 Rĩamasare, gõmiare cõmenane, ãmũna bũsarã rĩrene ãna cõjama, cinco mil ñañujarã ãna.

Oco joene Jesús ĩ vare queti
(Mt 14.22-27; Jn 6.16-21)

⁴⁵ Masa ĩna baruasere ĩ buerimasa ĩna juarẽogajanorone, cũmuaju ĩnare vasãjarotiyuju Jesús:

—Betsaida vãme cuti macaju yũre jẽadiyuya. Maji masare vare gotigu yaja yũ —yiyuju Jesús.

⁴⁶ ĩnare vare gotigajano, buroju majacoasuju, toju Diore sẽniru. ⁴⁷ Ti rãioato bero, utabucura jẽana, tira gudareco tũsasujarã, Jesús buerimasa. Jesújũama, sĭgũne ĩnacõañuju ĩ maji. ⁴⁸ To bajicõari, ĩ buerimasare ĩnacõañuju. To ĩna tũsatone, bũto mino vasuju. To bajiri jẽatĩmabesujarã ĩna. To ĩna bajĩnarone, busurocaroarijan ĩna tũju oco joene vayuju Jesús. To bajivagũ, ĩnare rẽtocoarocure bajiro vayuju. ⁴⁹⁻⁵⁰ Oco joeju ĩ vadire ĩarãne, ucacoasujarã ĩna. “¡Bajirocar'i vãti ñaami!”, yivasãñujarã. To ĩna yiboajaquẽne,

—Gũibesa. Variquẽnaña muã. Yũne ñaja —ĩnare yiyuju Jesús.

⁵¹ To yigũne, ĩna vaticũmuaju vasãjacõañuju Jesús. ĩ vasãjarone, mino vatũjacoasuju yuja. To bajiro ti bajisere ĩacõari, no yimasibesujarã ĩ buerimasa, ti ũnire ĩabetirũgũriarã ñari. ⁵² To bajiro ĩna bajijama, cinco mil ũmuare Jesús ĩ ecarere ĩariarã ñaboarine, “ĩããñamanire yimasijeogu ñaami” ĩre yimasimena ñari, to bajiro bajiyujarã.

Genesaret sitanare rijaye cutirãre Jesús ĩ catioire queti
(Mt 14.34-36)

⁵³ To baji, jẽanane, Genesaret vãme cuti sitaju jẽaejayujarã ĩna. Toju cũmuare siatujoyujarã. ⁵⁴ Cũmuare siagajano, ĩna majatone, Jesúre ĩamasicõañujarã ti macana, tũjana. ⁵⁵ To bajiri masa jedirore gotibatorã ũmacoasujarã ĩna. Tire ajirã ñari, ti macariana rijaye cutirãre Jesús tũju juaejayujarã ĩna. ⁵⁶ ĩ vacudiri macari cõrone mojorimacaju ĩ vajaquẽne, jairimacajure ĩ vajaquẽne, masa ĩna rẽjarũgũrijaurire ĩ vajaquẽne, to yicõari, Jesús ĩ varoti maarijure quẽne, rijaye cutirãre juaejocũñujarã. To yicõari,

—Mu sudi gajare ĩnare moãarotire bojaja yũã. To bajiro ĩna yijama, caticoaruarãma —ĩre yiyujarã rijaye cutirãre juaejararã. To bajiri, ĩre moãariarãma, caticoasujarã.

7

“Masa ĩna yisere ĩacõari, ‘Rojorã ñaama’ yire me ñaja. ĩna tũõãsejũare masicõari, ‘To bajiro yirã ñaama’ yire ñaroja”, Jesús ĩ yigotimasiore queti

(Mt 15.1-20)

¹ Fariseo masa, to yicõari, Dios ĩ rotimasire gotimasioremasa quẽne ejayujarã ĩna, Jesús tũju. Jerusalẽnju vadiriarã ñañujarã.

² Jesús tu ejacōari, ĩ buerimasa sĭgāri, ĩna baroto rĭjoro, ĩna ĩnicua ĩna āmorire ĩna coemasiriarore bajiro ĩna coebetire ĩaņujarā ĩna. ³⁻⁴ Jud'io masa ĩnajediro, ĩna ĩnicua ye quēnaro ajirūcubuoṛā ĩaņujarā ĩna. To bajirā ĩnari, ĩna ĩnicua ĩna yimasiriarore bajiro āmori coecōari rĭne, bayujarā ĩna. Masa, bare vaja yirā ĩna rējaroĵu vaja yirā variarā, tudiejacōari, ĩna ĩnicua ĩna āmorire ĩna coemasiriarore bajiro yirā, ĩna āmorire coecōasuoṛi rĭne, barūgūņujarā ĩna. To yicōari, idiriabajari, oco cūria sotari, no bojase sotari quēne coeyujarā. Bare barā rujirĭajurire quēne to bajiro yiyujarā ĩna, jud'io masa. ⁵ Tire buto ajirūcubuoṛā ĩnari, fariseo masa, to yicōari, Dios ĩ rotimasire gotimasiori-masa quēne, ado bajiro Jesúre sēniĩaņujarā ĩna:

—¿No yirā mani ĩnicua ĩna yimasiriarore bajiro yibeati mu buerimasa? ĩna baroto rĭjoro, mani ĩnicua ĩna āmori coemasiriarore bajiro coebeamā —ĭre yiyujarā ĩna, fariseo masa, Dios ĩ rotimasire gotimasiorimasa quēne.

⁶ To bajiro ĩna yijare, ado bajiro ĩnare cūdiyuju Jesús:

—“Quēnaro yirā ĩnaja yua” yiboarine, rojorā ĩnaja mua. Diore gotirētobosarimasu, Isa'ias ĩnamasir'i, mua bajiro tire quēnaro tūoĭacōari, ado bajiro ucamasĭņuju:

“ĩna oca masune yirā, quēnaro yure yirūcubuoama ĩna. To bajiro yirā ĩnaboarine, yu bojarore bajiro tūoĭabeama.

⁷ Yu yere buecōari, ĩna masu ĩna tūoĭasere gotimasioama. Tirene, ‘Dios ĩ rotise ĩnaja’ yiboama. To bajiri yure ĩna rūcubuooboase vaja, ĩne vaja bujamenama ĩna”, yiuca-masĭņuju Isa'ias, Diore gotirētobosagu —ĩnare yigotiyuju Jesús.

⁸ To yicōari, quēna ado bajiro ĩnare yiyuju Jesús:

—Dios ĩ rotiseĵuare ajitirūnmenane, mani ĩnicua ocaĵuare quēnaro ajitirūnaja mua —ĩnare yiyuju Jesús.

⁹ To yicōari, quēna ado bajiro ĩnare gotirēmoņuju Jesús:

—Mani ĩnicua yeĵuare ajirūcubuoṛā, Dios ĩ rotimasireĵuare cūdibeaja mua. ¹⁰ Dios ĩ roticūmasirere Moisés ĩ ucamasire ado bajiro gotĭaja: “Mu jacure, mu jacore quēnaro rūcubuoaya”. To yicōari, gaje vāme ado bajiro yaja: “No bojagu ĩ jacure, ĩ jacore, ‘Rojose tāmnoṛcarĵarāĵa mua’ ĩnare ĩ yĭjama, ĩre sĭaroti ĩnaja”, yigotĭaja Moisére Dios ĩ roticūmasire. ¹¹⁻¹² Muajuma, ado bajiroĵu rotĭaja mua: “ĭye rāca ĩ jacure ĩ ejarēmobetĭjama, quēnacōaja. ‘Yu gajeyeūni, yu cūose Diore yu ĩsĭroti rĭne ĩnaja. To bajiri muare ejarēmomasibeaja yu’ yicōari, ĩ jacure ĩ ejarēmobetĭjama, quēnacōaja”, yĭrotĭaja mua. ¹³ To yicōari, gajeye jairo ti ũnire bajiro mua yĭrotise ĩnaja. To bajiro yĭrotĭrā, “Dios manire ĩ roticūmasirere cūdibeticōato” yirāre bajiro yaja mua. To yicōari, “Mani ĩnicua ĩna rotimasireĵuare ĩnamasuse ĩnaja” mua yĭtūoĭajama, “ĩne vaja maja Dios ĩ rotimasire” yirā

yaja m̄ua –fariseo masare, to yicōari, Dios ï rotimasire gotimasiomasare yiyuju Jesús.

14-16 To bajiro ïnare yigotigajanocōari, masare jirēocōari, ado bajiro ïnare gotiyuju Jesús:

–Ñajediro quēnaro ajiya, yu gotimasiosere. Tire ajicōari, “To bajiro manire yigotigu yami”, yiajimasiña m̄ua: Mani ñicua, “Mani basāse suorine ñaja Dios ï ïavariquēnabeti, ïre mani yirūcub̄uose ï bojabeti”, yit̄uōïamasiboayuma. To bajiro me bajaiaja. Rojose t̄uōïacōari, m̄ua ñagōse suorine bajaiaja, Dios ï ïavariquēnabeti, ïre m̄ua yirūcub̄uosere ï bojabetima –masare yiyuju Jesús.

17 To bajiro ïnare yigotigajano, masa jājarā vatoaju ñar'i, vacoasuju Jesús, ï buerimasa rāca. Vijū sājajecōari, ado bajiro ïre sēniñañujarā ï buerimasa:

–Jēju m̄u gotimasiosere quēnaro yuare gotirētobuya –Jesúre yiyujarā ïna. 18-19 To ïna yisere ajicōari,

–¿Ajimasibeati m̄ua quēne? –yiyuju ï. –M̄ua basāse m̄ua gudajoaju vatoja ti. Tijū bero, rētobudiroja ti. To bajiri, m̄ua usarijarema rojose yimasibeaja ti –ïnare yiyuju Jesús. To bajiro ï yijama, “Ñajediro bare mani baboajaquēne, Dios ï bojabetire yirā me yirāja mani” yigu yiyuju.

20 To yicōari, ado bajiro ïnare gotirēmoñuju Jesús:

–Dios ï ïajama, masa rojose ïna t̄uōïasejua ñaja rojosema.

21 Masa, rojose ïna t̄uōïajama, ado bajiro yirāma: Juarudirāma. Gājerāre sīarāma. Manajo cutirā, manaju cutirā quēne, gājerā rāca ajeriarā cutirāma. 22 Gajeyeñire gājerā yere uorāma. Socajairāma. Bojoneose ti ñaboajaquēne, tire yicōarāma. Gājerāre, “Yu rētobusaro quēnaro ñaama”, yilājūnisinirāma. Gājerā ajiro rījorojua socarāne, “Ado bajise rojose yima”, yigotirāma. “Ñamasurā ñaja yuama”, yit̄uōïarāma. Riojo t̄uōïamasimenama. Dios yere rūcub̄uomenama. 23 Adi rojose jediro yirāma masa, rojose ïna t̄uōïajama –ïnare yiyuju Jesús.

Jud'io maso me Jesúre so ajitirāñare queti

(Mt 15.21-28)

24 To ñar'i, vacoasuju Jesús. Vacōari, Tiro vāme cuti maca t̄aju ejayuju. To ejacōari yayioro vijure sājajaboayuju. To bajiboarine yayioro sājamasibesuju. 25-26 To bajiri Jesús ï ejare queti ajicōari, sigō rōmio ï t̄ajure vasuju so. Vāti sāñagō jaco ñañuju so. Jud'io maso me ñañuju. Sirofencia sitago ñañuju. Jesús rījorojua ejacōari, ḡusomuniari t̄uetucōari, ado bajiro b̄uto ïre sēniñuju:

–Yure ejarēmoña m̄u. Yu maco so usuju vāti sāñagō ñaamo. ïre burocaya m̄u –Jesúre yiyuju so.

27 To so yisere ajicōari, ado bajiro sore c̄adiyuju Jesús:

—Y_u yarã jud'io masare ejarẽmosu_oaja. Y_u yarãre y_u ejarẽmoroto rĩjoro gãjerãre y_u ejarẽmojama, rĩamasã ãna basere ãmacõari, yaiare ecagure bajiro yig_uja y_u —sore yiyuju.

²⁸ To ã yisere ajicõari, ado bajiro ãre c_udiyuju so:

—Y_u _uj_u, riojo gotiaja m_u. To bajiboarine ãna _ujarã ãna bavẽjasere barãma yaia —Jesúre ãre yiyuju so. “Jud'io masare ejarẽmog_u ñaboarine, y_uare quẽne mojoroaca ejarẽmomasig_uja” yigo, to bajise ãre yiyuju so.

²⁹ To so yisere ajicõari, ado bajiro sore yiyuju Jesús:

—Quẽnaro t_uoĩacõari, gotiaja m_u. M_u maco _us_uj_u sãñag_ure vãtire ãre burocacõaja y_u. To bajiri m_u ya vij_u tudiasa —sore yiyuju Jesús.

³⁰ So ya vij_u tudiejacõari, cãnijesariaro joej_u so macore so jesar_o ãacõari, “Vãti so _us_uj_ure sãñar'i jẽre budicoasumi”, yimasiñuju.

Ajibeti, ñagõmasibeti bajig_ure Jesús ã catioire queti

³¹ Tiro maca t_uj_u ñar'i, Sidón vãme c_uti macaj_u rẽtoasuju Jesús. To rẽto vac_une Decápolis sita ñarimacarire quẽne rẽtoasuju. To rẽtoac_une, Galilea _ut_ub_uc_ura t_uj_u ejacoasuju yuja.

³² To ã ñarone, sīg_u ajibeti, ñagõmasibeti bajig_ure ãmiejayujarã masa. ãre ãmiejacõari, Jesúre sēniñujarã, “Ajibec_ure ã ãmori ñujeocõari ãre catioato” yirã. ³³ To bajiri ajibec_ure gajeroj_ua ãmato vasuju Jesús. ãre ãmato vacõari, ã gãmo gojerij_ure ã ãmovãsoa rãca tõmesõñuju Jesús. To yigajano, ã ãmovãsoare gooco eotucõari, ã ñemerore moaĩañuju, ã ñagõmasibetijare. ³⁴ To yicõari, õ vecaj_uare ãam_uocõari, _us_u sĩnisãñuju Jesús. To yig_une, ado bajiro ãre yiyuju:

—Efata —yiyuju Jesús. (“Ajiya yuja” yire ãni ñañuju ti.)

³⁵ To ã yirone, ajibec_u ñaboar'i ajicoasuju yuja. To bajicõari, quẽnaro ñagõcoasuju ã, ñagõmasibec_u ñaboar'i. ³⁶ To bajiro ãre yigajanocõari, ado bajiro masare yiyuju:

—Gãjerãre gotibetimasucõama m_ua —ĩnare ã yiboajaquẽne, butob_ua gotibatorũg_uñujarã masa. ³⁷ To bajiro Jesús ã yisere ajivariquẽnacõari, no yimasibesujarã ãna, ti ãnire ajibetirũg_uriarã ñari. To bajiri, ado bajiro Jesús ã yisere gotiyujarã:

—Ñajediro quẽnaro yimasijeog_u ñaami. Ajimenare, “Ajiato” ñagõmenare quẽne, “Ñagõato” yig_u ñaami —yiyujarã ãna.

8

Masa, cuatro mil ñarãre Jesús, bare ã ecare queti (Mt 15.32-39)

¹ Quẽna Jesús t_uj_u jãjarã masa rẽjacõari, ãna ñaro rĩne bare jedicoasuju ãnare. To bajiri ã buerimasare jicõari, ado bajiro yiyuju Jesús:

² —Ado ñaräre ñamaiaja yu. Idiarümü tusaju yuja, yu rāca ñna ñaro. To bajicōari bare maama. ³ Bamenane ñna ya virijü ñna tudiasere bojabeaja yu. Sīgüri sōjü vadiriarā ñaama. Ñnare yu tudirotijama, bamenane ñna vajama, ñiorijarā ñari, rijavējacoaborāma —ñnare yiyuju Jesús.

⁴ To bajiro ñ yirone, ado bajiro ñre yiyujarā ñ buerimasa:

—Ado, masa manojü ñaja. No bajiro masa ñaro cōro ñna barotire bare bñjamasifña manoja —ñre yiyujarā ñna.

⁵ To ñna yirone,

—¿No cōro jairo pan cñoati müa? —ñnare yiyuju.

—Cojomo cōro jüa jēnituario ñaricari ñaja —ñre yiyujarā ñna.

⁶ To ñna yirone, rücacane masare rujirotiyuju Jesús. To yicōari pan cojomo cōro jüa jēnituario ñaricari ñasere juacōari, “Quēnaro yaja mü”, Diore ñre yivariquēnañuju Jesús. To yicōari tire iguesurebatecōari, ñ buerimasare ñsiñuju. To bajiri ñnaju rujiräre ñsibatoyujarā yuja. ⁷ Vai quēne mojoroaca cñooyujarā ñna. To bajiri vaire juacōari, “Quēnaro yaja mü”, Diore yiyuju Jesús quēna. To yicōari, ñ buerimasare ñsibatorotiyuju. ⁸ Sīgü ruyariaro mano bañsücutijedicōañujarā. Ñna bagajanoro bero, ñna barñasere juarēoñujarā Jesús buerimasa. Ñna juarēojama, cojomo cōro jüa jēnituario ñarijibüri ruyayuju. ⁹ Tire bariarā cuatro mil masa ñañujarā. Ñnare ecagajanocōari, ñnare tudirotiyuju Jesús. ¹⁰ To yicōari bero, ñ buerimasa rāca cümüaju vasājacōari, Dalmanuta vāme cüti sitajü vacoasujarā.

*“Ñañañamani yñare yññoña”, Jesúre ñna yiboare queti
(Mt 16.1-4; Lc 12.54-56)*

¹¹ Fariseo masa, Jesús tü ejacōari, ñre sēññañujarā, “Cñdimasibeticōari, rojose tāmñoato ñ” yirā:

—“‘Dios ñ cōagü ñaami’ yñare yimasiato” yigü, õ vecaye ñañañamani yñare yññoña —ñre yiboayujarā.

¹² To bajiro ñna yisere ajicōari, üñ sññisññuju Jesús. To yicōari, ado bajiro ñnare yiyuju:

—¿No yirā adirodoria ñañañamani rāca rñe yñ yisere bojati müa? Riojo müare gotiaja yu. Ñañañamani müare yñobecüja yñ —ñnare yiyuju Jesús.

¹³ To bajiro ñnare yicōa, ñnare jēaveocoasuju Jesús, ñ buerimasa rāca.

*Fariseo masa pan ñmato vauvasere bajiro ñna bajire queti
(Mt 16.5-12)*

¹⁴ Jesúrāca jēana, ñna baroti pan masiritiyujarā. Ñna vat-icümüajare pan cojane cñooyujarā. ¹⁵ To bajiro ñna bajire ññajare, ado bajiro ñnare gotiyuju Jesús:

—Fariseo masa, to yicōari, Herodes quēne “Pan vauvato” yirā, ĩna vnosere quēnaro ajicōĩaña mña —ĭbuerimasare yiyuju Jesús.

¹⁶ To ĩ yisere ajimasimena ñari, ĩna masune ado bajiro gāmerā yiyujarā ĩna:

—Pan mani masiritijare, to bajise gotigu yigumi —gāmerā yiyujarā.

¹⁷ To bajiro ĩna gāmerā yisere masicōari, ado bajiro ĩnare gotiyuju ĩ:

—¿No yirā “Pan maja manire”, yati mña? ¿Yure ajimasibeati mña maji? ¿Adi macarucuroaye rīne tnoīarāre bajiro tnoīacōa ñati mña maji? ¹⁸⁻¹⁹ ¿Yu yīosere ĩarā ñaboarine, ajimasibeati mña maji? —ĩnare yiyuju Jesús.

To yicōari, ado bajise ĩnare yirēmoñuju:

—Cojomo cōro ñaricare panre bujnocōari, cinco mil masa ñarāre ecacaju yu. ĩnare yu ecaro bero, ¿nocārāca jiburi ruyacati ti? —ĩnare yiyuju Jesús.

To ĩ yisere ajicōari, ado bajiro ĩre cadiyujarā ĩna:

—Juaāmo cōro, gabo jua jēnituario ñarijiburi ruyacaju —ĩre yicadiyujarā ĩna.

²⁰ Quēna ĩnare tudisēniñañuju:

—Tiju bero, quēna cojomo cōro jua jēnituario ñaricare panre bujnocōari, cuatro mil masa ñarāre ecacaju yu. ĩnare yu ecaro bero, ¿nocārāca jiburi ruyacati ti? —ĩnare yiyuju.

—Cojomo cōro, jua jēnituario ñarijiburi ruyacaju —ĩre yicadiyujarā ĩ buerimasa.

²¹ To bajiro ĩna yicadisere ajicōari, ado bajiro ĩnare tudisēniñañuju Jesús:

—To bajiro yu yīocatire masirā ñaboarine, ¿jēju mñare yu gotisere ajimasibeati mña maji? “Fariseo masa, to yicōari, Herodes quēne, ‘Pan vauvato’ yirā, ĩna vnosere quēnaro ajicōĩaña” yu yijama, bare mere yaja yu —ĩnare yiyuju Jesús.

Betsaida vāme cuti macajure ejacōari, caje ĩabecure ĩna āmiejagure Jesús ĩ ĩarotire queti

²² Bero, Jesús, ĩ buerimasa rāca Betsaida vāme cuti macajure ejayuju. To ĩna ejaro ĩacōari, caje ĩabecure āmiejayujarā masa, “Caje ĩabecure Jesús ĩ moaīarone, ĩacoarucumi” yirā. ²³ To bajiro ĩna yiejogure ti maca sojubusa ĩre tūa vasuju Jesús. To yicōari, ĩ cajearire goocone eotucōari, moaīañuju Jesús, “Īato ĩ” yigu. To yicōari, ado bajiro ĩre sēniñañuju:

—¿Īati mñ? —ĩre yiyuju.

²⁴ To ĩ yirone, caje ĩabecu quēnaca ĩasuooyuju. To bajiri ado bajiro cadiyuju ĩ:

—Masare ĩaja yu. To bajiro yu ĩaboajaquēne, yucárine vasere bajiro bajiaja —yiyuju.

²⁵ To ĩ yijare, quēna ĩ cajearire tudimoaña quēnoñuju. To ĩ yirone, quēnaro ĩacoasuju. Ñajediro quēnaro ĩre ruyuyuju yuja.

²⁶ To bajiro ĩ bajiro ĩacōari, ado bajiro ĩre gotiyuju Jesús:

—Macajure vacōari, mure yu ĩarotisere gājerāre gotibato-becune, mu ya vijū tudiasa —ĩre yiyuju Jesús.

“*Rotimorügōrcami*” yigū, *Dios ĩ cōar’i ĩaja mu*”, *Jesúre Pedro ĩyire queti*

(*Mt 16.13-20; Lc 9.18-21*)

²⁷ To ĩ yiriaro bero, Cesarea de Filipo vāme cūti sita ĩarimacarijure ĩ buerimasare ũmato vasuju Jesús. To ĩnare ũmato vacune, ado bajiro ĩnare sēniñañuju:

—¿Ñimū ñaami yure yati ĩna, masa? —ĩnare yisēniñañuju.

²⁸⁻²⁹ To ĩ yisēniñajare, ado bajiro ĩre cūdiyujarā ĩ buerimasa:

—Sīgūri, “Juan vāme cūtigū, masare oco rāca bautizari-masū, tudicaticōari bajigūmi”, mure yama ĩna. Gājerāma, “El’ias ñamasir’i ñagūmi”, yama. Gājerājuama, “Gāji, Diore gotirētobosamasir’i ñagūmi”, mure yama —Jesúre yicūdiyujarā.

To ĩna yirone,

—Mājuama, ¿ñimū ñaami, yure yati mūa? —ĩnare yiyuju Jesús.

To ĩ yirone, ado bajiro ĩre cūdiyuju Pedro:

—Mu ñaja rojose yua tāmūborotire yure yirētobosacōari, rotimorügōrcū, Dios ĩ cōar’i —Jesúre yiyuju Pedro.

³⁰ To bajiro Pedro ĩ yicūdjare, gājerāre gotirotibesuju Jesús.

“*Yure sīaruarāma*”, *Jesús ĩyire queti*

(*Mt 16.21-28; Lc 9.22-27*)

³¹ To yicōari, ĩ bajirotire ado bajiro ĩ buerimasare gotimoyuju Jesús:

—Yu, Dios ĩ roticōacacū, buto rojose tāmūorucuja. Bucarā, paia ũjarā, to yicōari, Dios ĩ rotimasire gotimasiormasa quēne, rojose yure yicōari, yure sīaruarāma ĩna. Yure ĩna sīaboajaquēne, idiarūmū tūsatirūmūne yure catiorūcūmi Dios —ĩnare yiyuju Jesús.

³² ĩ sīaecorotire riojo ĩnare ĩ gotise ñajare, ajimasicōañujarā. Tire ajimasicōari, ricati ĩre jicāmotocōari,

—“Bajirūaroja” yure mu yigotise bajibeticōato —ĩre yiboayuju Pedro.

³³ To ĩ yisere aji, Jesújuama, ĩ buerimasa ĩna ĩnarojuare judarūgū, ĩacōari, ado bajiro Pedrorre ĩre yiyuju:

—¡Satanás, vasa mu! Vātia ũjure ñagōbosagū yaja mu. To bajiro mu yijama, Dios ĩ tūoīarore bajiro me tūoīaja mu. Masa ĩna tūoīarore bajiro tūoīagū yaja —ĩre yiyuju Jesús, Pedrorre.

³⁴ To yicōari, ĩ buerimasare gājerāre quēne ĩnare jirēocōari, ado bajiro yiyuju Jesús:

—No bojagu yu yu ĩ ñarujama, ĩ bojasere, ĩ ye ñarotire tūoĭabecune, “Jesúre bajiro rojose tām̃uoguc̃aja yu quēne” yitūoĭacōari, yuj̃uare ajis̃uyaruc̃ami. ³⁵ No bojarā, ĩna bojaro ñare cutirāma, adi macaruc̃urore ñasere ĩavariquēnacōari, Diore tūoĭamenama, Dios ĩ catisere yayibetire c̃uomena ñaruarāma ĩna. To bajiboarine, yure ajitir̃unurā, yu oca ĩna gotisere ajij̃ūnisinicōari, ĩna s̃iarāma, Dios tu quēnaro ñarona ñarāma. ³⁶ Sīgū adi macaruc̃uroju gajeyeūni jediro ĩ bujaboajaquēne, beroju rojose tām̃otujabetiriaroju ĩ vajama, ĩ gajeyeūni ĩ bujaboare, ñie vaja manoja. ³⁷ Ñiere Diore ĩsimasibec̃ami, ĩ rijato berojuma “Tudirijabeticōato” yigu, “Dios ĩ catisere yure ĩsiato” yigu. Mani rijato berojuma “Tudirijabeticōato” yigu, Dios ĩ catisere ĩ ĩsise cōro vaja cuti manoja. ³⁸ “Jesúre ajitir̃unuc̃ari, ĩ ocare ĩna gotimasiose s̃uorine ĩnare r̃uc̃ub̃uobeama adirodoriana” yīlagū ñari, ĩna ĩaro r̃ĭjorojuma, “Jesúre r̃uc̃ub̃uogu ñaja yu”, yibojonebesa. To bajiro yibojonegū ñari, yu yu ĩ ñarubetijama, “Yu yu me ñaami”, ĩre yīlaruc̃aja yu quēne, Dios ĩ roticōacacu ñacōari, “Quēnarētogū ñaja yu” yu jacu ĩ yīlorore bajiro yigu ñari, ĩ bususe rāca yu vadir̃um̃u. Yu rāca vadir̃uarāma Dios ĩ cōarā, ángel mesa —ĩnare yiyuju Jesús.

9

¹ To yicōari, gajeye ĩnare gotir̃emoñuju Jesús:

—Riojo m̃uare gotiaja yu. M̃ua sīgūri m̃ua bajireabetone, “Ñajediro uj̃u ñaami yu roticōacacu” Dios m̃uare ĩ yīosere ĩaruarāja m̃ua —ĩnare yiyuju Jesús. ǧ

Ī buerimasa ĩna ĩaro r̃ĭjorojuma Jesús ĩ godovediĩore queti
(Mt 17.1-13; Lc 9.28-36)

² Cojomo cōro, coja jēnituarir̃um̃u bero, Pedro, Santiago, to yicōari Juanre quēne, ũm̃uariburo joeju ĩnare ũmato vasuju Jesús. Toju ĩnare ũmato ejacōari, ĩna ĩaro r̃ĭjorojuma ricati ruyugu godovedicoasuju Jesús. ³ Sudi ĩ s̃añase buto boticoasuju. To bajicōari, cajemose busuyuju ti. To bajise botise ĩabetir̃ugūñujarā ĩna. ⁴ To bajicōari, El'ias ñamasir'i, Moisés ñamasir'i rāca Jesús tu ruyuar̃ugūcōari, ĩ rāca ĩna ñagōsere ĩañujarā ĩna, Pedro mesa.

⁵⁻⁶ To bajiro ĩna bajisere ĩacōari buto güiyujarā. Buto güigu ñari, “To bajiro yigu yiguja” yiri mene, ado bajiro Jesúre yiyuju Pedro:

ǧ 9:1 Dios oca masa ĩna ucamasirere buer̃etoburimasa ado bajiro yicama ĩna: “9.1 gotir̃ijure, ‘Ñajediro uj̃u ñaami yu roticōacacu’ Dios m̃uare ĩ yīlorotire’ Jesús ĩ yijama, ĩ buerimasa sīgūri ĩna ĩaro r̃ĭjorojuma Jesús ĩ godovediĩorere yigu yirimi”, yicama Dios ocare buer̃etoburimasa sīgūri.

—Y_u u_{ju}, ado_{ju} mani ñajama, quēnamasucōaja. M_{ua} ñaro cōrone vijāiri m_{uare} quēnobosaruarāja y_{ua}. M_u yajāi, Moisés yajāi, to yicōari, El'ias yajāi b_{uabosaruarāja} —Jesúre yiboayuju Pedro.

⁷ To bajiro ĩ yirirĩmarone, bueri b_{uto} cajemose ĩnare bue-bibecōañuju ti. Ti bueri vatoaj_u ado bajiro ocaruyuyuju:

—Ānine ñaami y_u mac_u, y_u maig_ũ. Īre quēnaro ajitir_ũñ_ũ m_{ua} —y_i ocaruyuyuju.

⁸ Ti ocaruyuro bero, ĩaboayujar_ã. El'iare, Moisére quēne, ĩnare ĩab_{ujabesujarã}. Jesús s_{ĩgũ}ne ñañuju ĩ yuja.

⁹ To bajiro bajicōari bero, ti buro ĩnare ũmato rojac_ũne, ado bajiro ĩnare rotiyuju Jesús:

—Jē_{ju} m_{ua} ĩasere g_ãjer_ãre gotibeja maji, Dios ĩ roticōacac_u, y_u rijato bero, quēna y_u tudicatirototo r_ĩjorore —ĩnare yiyuju Jesús.

¹⁰ To bajiro ĩna bajirere g_ãjer_ãre gotimenane, ĩna masune t_uo_ĩacōa ñañujar_ã ĩna. Tire t_uo_ĩacōa ñar_ã ñari, ado bajiro g_ãmer_ã yisēñi_ãñujar_ã:

—¿No bajiro yire ũnire yig_u yati, “Rijacoaboarine tudicatir_uc_uja” ĩ yijama? —g_ãmer_ã yisēñi_ãñujar_ã Pedro mesa. ¹¹ To bajiro yir_ã ñari, ado bajiro Jesúre sēñi_ãñujar_ã ĩna:

—¿No yir_ã, “ ‘Rotim_uor_ũg_õr_uc_umi’ yig_u, Dios ĩ cōaroc_u ĩ ejaroto r_ĩjoro ejar_uc_umi El'ias ñamasir'i”, yati ĩna Dios ĩ rotimasire gotimasiorimasa? —Jesúre yisēñi_ãñujar_ã ĩna.

¹² To ĩna yijare, ado bajiro ĩnare c_udiyuju Jesús:

—Riojo yiyuma Dios ĩ rotimasire gotimasiorimasa, “El'ias ñamasir'i ejas_uor_uc_umi”, ĩna yijama. “ ‘Rotim_uor_ũg_õr_uc_umi’ yig_u, Dios ĩ cōaroc_u, ĩ ejaroti ñajare, jediro Dios ĩ bojarore bajiro yir_ã quēnaro ñayuto mani” yig_u ejas_uor_uc_umi. “To bajiro yaja” yimasir_ã ñaboarine, “Rotim_uor_ũg_õr_uc_umi” yig_u, Dios ĩ cōaroc_ure ĩatecōari, cojo v_ãme me rojose ĩre yir_uar_ãma masa, Dios oca ĩna y_iucamasirej_uarema ajimasibeama. ¹³ Riojo m_{uare} gotiaja y_u. El'ias ñamasir'ire bajiro bajig_u jēre ejaboayumi. Dios oca masa ĩna ucamasiriarore bajiro yir_ã, ĩna bojarore bajiro rojose ĩre yiyuma ĩna —ĩnare yiyuju Jesús, Pedro mesare.

Mas_u us_uju s_ãñag_ũre v_ãtire Jesús ĩ burocare queti
(Mt 17.14-21; Lc 9.37-43)

¹⁴ Buroj_u ejariar_ã, ĩna r_ãcana ĩna ñar_oj_ure tudiejayujar_ã. Tudiejacōari, ĩna ĩajama, Jesús buerimasa r_ãca j_ãjar_ã masa ñañujar_ã. To bajicōari, ĩna r_ãca, Dios ĩ rotimasire gotimasiorimasa r_ãca ĩna g_ãmer_ã oca josasere ĩañujar_ã. ¹⁵ Jesús ĩ vadisere ĩacōari, b_{uto} variquēnañujar_ã. Variquēnar_ã ñari, ĩ t_u ũmasujar_ã ĩre sēñir_ã vana. ¹⁶ Īre ĩna sēñigajanoro, ado bajiro ĩnare sēñi_ãñuju Jesús:

—¿No bajise ñna rãca gãmerã oca josari mua? —Ënare yiyuju Jesús.

17 To ï yisere ajicõari, sîgũ ado bajiro Jesúre cãdiyuju:

—Gotimasiorimasu, yu macu ï usuju vãti sãñagũ ñaami. To bajiro bajica yigu, ñagõbecu ñaami. To bajiri “Jesús, vãtire burocagumi” yigu, yu macure amivabu yu. 18 Tocãrãcagine yu macu usuju sãñacõari, ïre rojose ï yijama, biyaroaca rijaquedicõari, ï riseju sõmo budi, guji põguẽ, ï ruju tutuajedi-coarũgũami. To bajiro ï bajijare, mu buerimasare, “Yu macu usuju sãñagũre vãtire burocaya”, ñnare yisẽniboabu. Ëre burocamasimema —Jesúre yiyuju ï.

19 To ï yisere ajicõari, ado bajiro yiyuju Jesús:

—Diore ajitirũnumena masu ñacõaja mua. ¿No cõroju mũare gotimasio tujaguti yu? Yoaro mua rãca yu ñaboajaquẽne, yu masisere mũare yu ñjosere ajitirũnubeaja mua maji —Ënare yiyuju Jesús. To yigune, —Adojuã vãti sãñagũre amiaya —yiyuju Jesús.

20 To ï yisere ajicõari, Jesús tujũ ïre amiasujarã. To ñna yirone, vãtijua, Jesúre ñacõari, masu usuju sãñagũ ñari, rojose yiyuju, masujuare. To bajiro ï yijare, rijaquedigune, ï riseju sõmo budiyuju. 21 To ï bajirone, rijaquedigu jacure ado bajiro sãnĩañuju Jesús:

—¿Nocãrãcarodori ado bajiro bajitusajari mu macu? —Ëre yiyuju Jesús.

To ï yisere ajicõari, ado bajiro Jesúre cãdiyuju ï:

—Daqueguaca ñagũjane to bajiro bajisucami. 22 Cojoji me jeameju rocatĩacõarũgũmi. To yicõari, oco vatoaju quẽne rocaroacõarũgũmi. To bajiro yirũgũmi, yu macure sãra. Yũare mu ejarẽmomasijama, yũare ñamaicõari, ejarẽmoña mu —Jesúre yiyuju ï.

23 To ï yisere ajicõari, ado bajiro ïre yiyuju Jesús:

—“Yimasigũmi”, ¿yũre yitũoĩabeati mu? To bajiro yũre mu yitũoĩajama, ñiejua josase manoja —Ëre yiyuju Jesús.

24 To ï yisere ajicõari, ado bajiro cãdiyuju ï:

—“Yu macure catiomasigũmi”, mũre yitũoĩamasicõaja, bajijujama. To bajiro tũoĩavũogu, “Ñabeticõato” yigu, yũre ejarẽmoña —Jesúre yivasãñuju ï, rijaquedigu jacu.

25 To bajiro ï yivasãsere ajicõari, jãjarãbũsa masa ãmarẽjañujarã, Jesús tujũ. To ñna bajisere ñacõari, tutuase rãca ado bajiro vãtire yiyuju Jesús:

—Vãti, yũre ajiya. “Masa ñagõbeticõato”, to yicõari, “Ajibeticõato” yigu ñaja mu. ¡To bajiri ãni usure budiya! ¡Quẽna ïre tudisãjabeja! —vãtire yiyuju Jesús.

26 To ï yirone, avasãcõari, rijaquedirotiyuju vãtijua. To yicõari, ï usuju sãñaboagu, budicoasuju yuja. Ë budirone,

rijar'ire bajiro bajicoasuju masujua. To bajise ĩacõari, "Rijacoajami", yiyujarã masa. ²⁷ To ĩna yiboajaquẽne, Jesús ĩ ãmore ĩiacõari, ĩre tãa vãmũoñuju. To ĩ yirone, rãgõcoasuju yuja.

²⁸ To yicõari bero, to ñarivijũ sãjañuju Jesús. Ti vijũ sãjaejacõari, ado bajiro ĩre sēniãañujarã ĩ buerimasa:

—¿No yirã vãtire burocamasibeti yua? —ĩre yiyujarã ĩna.

²⁹ To bajiro ĩna yisere ajicõari, ado bajiro ĩnare cãdiyuju Jesús:

—Jẽju yũ burocagũre bajiro bajirãre mũa burocarũajama, Diore sēnicõari rĩne burocamasirũarãja mũa —ĩnare yiyuju Jesús.

"Yũre sãarũarãma", Jesús ĩ yigotibabore queti

(Mt 17.22-23; Lc 9.43-45)

³⁰⁻³¹ Cesarea de Filipo ñar'i, vacũ, Galilea sitare ĩ buerimasare ũmato rẽtoasuju Jesús. Jãjarã masa ĩna ajisere bojibesuju, ĩ buerimasare goticudigũ ñari. Ado bajiro ĩnare gotiyuju:

—Yũre Dios ĩ roticõacacũre masare ĩsirocarũcũmi sīgũ. To bajiro ĩ yijama, yũre sãarũarãma ĩna. Yũre ĩna sãboajaquẽne, idiarũmũ tusatirũmũne quẽna tudicaticoarũcũja yũ —ĩnare yiyuju Jesús.

³² To bajiro ĩnare ĩ gotisere ajimasibesujarã ĩ buerã. To bajirã ñaboarine, ĩre sēniãabesujarã, ĩre gũirã ñari.

"¿Ñimũjua ñagũti ñamasugũ ñarocũ?", Jesús buerimasa ĩna gãmerã yire queti

(Mt 18.1-5; Lc 9.46-48)

³³ Capernaum vãme cãti macajũ ĩnare ũmato vasuju Jesús. To bajivana, "¿Ñimũjua ñagũti ñamasugũ ñarocũ?", gãmerã yi vasujarã Jesús buerimasa. To bajiro ĩna yi vare ñajare, ĩna ya vijũ sãjaejacõari, ado bajiro ĩnare sēniãañuju Jesús:

—Maa vana, ¿no bajise gãmerã oca josa vadi mũa? —ĩnare yiyuju.

³⁴ To bajiro ĩ yisēniãasere ajiboarine, cãdibesujarã ĩna, "¿Ñimũjua ñagũti ñamasugũ ñarocũ?" gãmerã yi oca josa vadiriarã ñari. ³⁵ ĩna cãdibetire, ĩa, ejarũjucoasuju Jesús. To bajicõari, ĩ buerimasare, jũaãmo cõro, gũbo jua jēnituarirãcũ ñarãre jirẽoñuju. To bajiro yicõari, ado bajiro ĩnare gotiyuju:

—No bojagũ ñamasugũ ĩ ñarũajama, "Ñamasugũ me ñaja yũ" yitũoĩacõari, masa jedirore moabosarũcũmi —ĩnare yiyuju Jesús.

³⁶ To yigũne, sīgũ daquegũre jicõari, ĩna rĩjorojua ĩre ãmijeoyuju Jesús. To yicõari, ado bajiro ĩnare gotiyuju:

³⁷ —Ãni daquegũ, "Ñamasugũ me ñaja yũ" ĩ yitũoĩarore bajiro tũoĩarãma, Uju Dios yarã ñamasurã ñaama. To bajiro ti bajijare,

ãni daquegure bajiro t̃oĩarãre, gãjerã tu ãna ejaro, quẽnaro ãnare yirãma, yũrene quẽnaro yirã yirãma. To yicõari, yũre quẽnaro yirãma, yũre cõacacure quẽne, quẽnaro yirã yirãma – ãnare yiyuju Jesús.

“Yũre ajitirũnucõari, mani yise ãnire yigũma, mani rãcagũ ñagũmi”, Jesús ã yire queti
(Mt 10.42; Lc 9.49-50)

³⁸ Ado bajiro Jesúre gotiyuju Juan:

–Gotimasiorimasũ, masa hũriju sãñarãre vãtiare bureagure ãamũ yũa. “Jesúre ajitirũnugũ ñari, ado bajise mũare rotimasi-aja yũ: ‘Budiya’”, yĩñaami, vãtiare bureagũ. Mani rãcagũ me ã ñajare, “Tire yibesa”, ãre yibũ yũa –Jesúre yigotiyuju Juan.

³⁹ To ã yisere ajicõari, ado bajiro ãre yiyuju Jesús:

–“Tire yibeticõaña”, ãre yibeja. Quẽnaro yirimi. No bo- jagũ yũre rũcũhucõari, ãããñamani ã yĩõoro bero, rojose yũre ñagõbecũmi. ⁴⁰ No bojagũ yũre ajitirũnucõari, mani yise ãnire yigũma, mani rãcagũ ñagũmi. ⁴¹ Riojo mũare gotiaja yũ. Yũre ajisũyarã ñamasurã me ãna ñaboajaquẽne, yũre ajitirũnrã mũa ñajare, quẽnaro mũare yirã, to bajiro ãna yise vaja, vaja bujarũarãma ãna, Dios tũju –ãnare yiyuju Jesús.

“Mũa sũorine gãjerã rojose ãna yijama, gũiose ñaja”, Jesús ã yigotimasiore queti
(Mt 18.6-7; Lc 17.1-2)

⁴² Quẽna ado bajiro ã buerimasare gotiyuju Jesús:

–Ãni daquegure bajiro t̃oĩarãre, yũre ajitirũnrãre rojose ãna ãmato yijama, bũto rojose tãmũorũarãma. Rojose ãnare ãna ãmato yiroto rĩjoro, tocãrãcurene ãna ãmũarijũre gũta jair-ica siatucõari, riaga ãcũaroju ãnare rearoderuucõajama, rojose tãmũobetibũsaborãma –ãnare yiyuju Jesús.

“Bũto mũa maise ti ñaboajaquẽne, ti sũorine Dios ã bojabeti mũa yijama, tire reacõaña”, Jesús ã yire queti
(Mt 18.8-9)

⁴³ “‘Rẽtoro rojose tãmũorobe’ yirã, rojose mũa yisere yitũjaya mũa” yigũ, ado bajiro ãnare gotiyuju Jesús:

–“Yũ ãmo sũorine rojose yibũ yũ” mũa yitũoĩamasijama, jatarocaya. Mũare cojo ãmo ti manijama, quẽnabetoja. To bajiboarine, jũãmo rãca mũa bajireajama, jeame yatibetimeju mũa vajama, rẽtobũsaro quẽnabetirũaroja. ⁴⁴ Toju ãna rujũrire becoa batũjabetirũarãma. To yicõari, jeamere yarocũ quẽne magũmi. ⁴⁵ “Yũ gũbo sũorine rojose yibũ yũ” mũa yitũoĩamasijama, jatarocaya. Mũare cojo gũbo ti manijama, quẽnabetoja. To bajiboarine, jũã gũbo rãca mũa bajireajama, jeame yatibetimeju mũa vajama, rẽtobũsaro quẽnabetirũaroja.

46 Toju ñna rujarire becoa batujabetiruarāma. To yicōari, jeamere yarocū quēne magūmi. 47 “Yū cajea suorine ñabojacōari, rojose yibū yū” mña yituoīamasijama, tiare āmirocacōaña. Coja cajea mñare ti manijama, quēnabetoja. To bajiboarine, jñajūne caje cuticōari, mña bajireajama, jeame yatibetimejū mña vajama, rēto busaro quēnabetiruarōja. 48 Toju ñna rujarire becoa batujabetiruarāma. To yicōari, jeamere yarocū quēne magūmi. h

49 “Rojose ñaja” yimasiboarine, rojose mña yijama, quēnabetoja. To bajiri, “Rojose yibetiruarāja”, yituoīacōa ñarūgūña mña. Rojose yiterā ñari, bato mña bojase ti ñaboajaquēne, tire mña yibetijama, bato busa Diore ajitirūnūrā ñaruarāja mña. To bajiro mña bajiro tire bojagūmi Dios.

50 Moa ñaja bare säre. Mña barotire vaibucū rii catisere cūrāma, moa turāja mña, “Boarobe” yirā. Moa ti ocaboase ti ocabeticoajama, “Quēna tudiocato” yirā, no bajiro yimasime-naja mña. Moa ocabetire bajiro bajiamā sīgūri. Ñna suorine quēnaro yimasibeami Dios. Moa ocatujabetijūare bajiro bajiya mña. To bajiro bajirā mña ñajama, mña suorine quēnaro yimasigūmi Dios. Yūre mña ajitirūnū tujabetijama, rojose yibetibusaruarāma gājerā. Gājerā quēnaro mña yisere ñacōari, mñare bajiro quēnaro yiruarāma ñna quēne. To bajiro bajirā ñari, quēnaro gāmerā yīñaña —ī buerimasare yiyuju Jesús.

10

*“Mña manajoare reabetiroti ñaja”, Jesús ī yire queti
(Mt 19.1-12; Lc 16.18)*

1 Capernaum ñar'i, Judea sitaju ī buerimasare ūmato vasuju Jesús. To eja, Jordán vāme cutirisa jēa, to boejūaju jājarā masa ī rāca rējañujarā quēna. Toju ñnare gotimasioñuju, ī yirūgūriarore bajirone. 2 To ñnare ī gotimasio ñarone, ī tū ejayujarā fariseo masa. Ejacōari, “Cūdimasibeticōari, rojose tāmūoato” yirā, ado bajise ñre sēniñatoyujarā ñna:

—¿Sīgū ī manajore ī rocajama, quēnacōati? —ñre yisēniñañujarā.

3 To bajiro ñre ñna yisēniñasere ajicōari, ado bajiro ñnare cūdiyuju ī:

—¿No bajise rotimasiñujari Moisés? —ñnare yiyuju.

4 To ī yisere ajicōari, ado bajiro cūdiyujarā ñna:

—Ado bajiro rotimasiñuju: “No bojagū ī manajore ī rocarūajama, ‘Mñare rocagū yaja’ yise papera ucacōari, ñsiroti ñaja”, yimasiniuja Moisére Dios ī roticūmasire —Jesúre yicūdiyujarā fariseo masa.

h 9:48 gotise, “Toju varona, bato rojose tāmūotujabetiruarāma” yire ūni ñaja.

⁵ To ñna yirone, ado bajiro yiyuju Jesús:

—Diore ajiterã ñna ñajare, “Bũtobusa ñna manajoare rojose yiroma” yigũ, manajoa reare beobetimasifũju Moisés ñamasir'i. ⁶ “Rẽmoju mũre, rõmiore rujeomasifũju Dios”, yigotiaja Dios oca. ⁷⁻⁸ To yicõari, gajeju ado bajiro gotiaja Dios oca: “Eũũ, rõmio i rujeore ti ñajare, mũũjua, manajo cutigu i jacũare ñnare cãmotadicoarũcũmi. Manajo cuticõari, juarã ñaboarine, sigũ rujure bajirone ñnarũarãma”, yigotiaja Dios oca. ⁹ “To bajirũarãma” Dios i yimasire ñajare, mũa manajoare reabetiroti ñaja —ñnare yiyuju Jesús.

¹⁰ To i yiro bero, vijũ ñacõari, to bajiro i gotisere sẽnĩañujarã i buerimasa. ¹¹ To ñna yijare, ado bajiro ñnare cãdiyuju Jesús:

—I manajore rocacõari, gajeo i manajo cutijama, Dios i ñajama, i manajo masu me ñagõmo. Sore ajerio cutigu yigũmi. ¹² To bajirone bajiaja rõmiore quẽne. So manajure rocacõari, gãjire so manaju cutijama, so manaju masu me ñagũmi, Dios i ñajama. Ñre ajeri cutigo yigomo —ñnare yiyuju Jesús.

Rĩamasare Jesús i ñubuejeore queti
(Mt 19.13-15; Lc 18.15-17)

¹³ Jesús tũju rĩamasacare juaejayujarã masa, “I ãmori ñujeocõari, Diore ñnare sẽnibosato i” yirã. Ñna juaejasere ñacõari, ado bajiro ñnare yiyujarã i buerimasa:

—iJuadibesa! Gõjanabioro yaja mũa —ñnare yiyujarã.

¹⁴ To ñna yisere ñajũnisinigũne, ado bajiro ñnare gotiyuju Jesúsũa:

—Rĩamasare ñnare matabesa. Ñnare bajiro tuoĩarã ñaama Eju Dios yarã quẽnaro i yirã. ¹⁵ Riojo mũare gotiaja yũ. Rĩamasa ñna yiecorore bajiro quẽnaro yiecorã ñaama Eju Dios yarã —i buerimasare yiyuju Jesús.

¹⁶ To ñnare yigotigajanocõari, rĩamasare i ãmori ñujeocõari, Diore ñnare sẽnibosayuju.

Gajeyeũni jaigũ, Jesũre i sẽnĩare queti
(Mt 19.16-30; Lc 18.18-30)

¹⁷ Quẽna Jesús varũtu vacũ i bajirone, sigũ, mũmaejayuju. Ejacõari, i rĩjorojũ gũsomuniari tuetugũne, ado bajiro Jesũre ñre sẽnĩañuju:

—Gotimasiõrimasũ, quẽnagũ ñaja mũ. Yũ rijato beroju “Tudirijabeticõato” yigũ, Dios i catisere yare i ñisere yũ boja-jama, ¿no bajiro yiroti ñnati yare? —Ñre yiyuju.

¹⁸ To i yisere ajicõari, ado bajiro ñre cãdiyuju:

—¿No yigũ, “Quẽnagũ ñaja mũ”, yare yati mũ? Dios sigũne ñaami quẽnagũma. ¹⁹ Mũ rijato beroju “Tudirijabeticõato” yigũ, Dios i catisere mũ bujarũajama, Dios i rotimasirere cãdiroti ñaja. Tire masiaja mũ. Dios i rotimasire yũ yijama, ado

bajise yimasirere yaja yu: “Sĩabesa. Gãji manajo rãca ajerio cãtibesa. Juarudibesa. Socane, ‘Rojose yimi’ yigotiyirobesa. Gãjerãre yitobesa, ‘Ĩna ye cãogusa’ yigu. Mu jacure, mu jacore quẽne quẽnaro ĩnare rucũbuoya”, yigotiaja Dios ĩ rotimasire – ĩre yiyuju.

20 To ĩ yisere ajicõari, ado bajiro yicũdiyuju:

–Daquegũne tire cãdisuoadimasicaju yu –ĩre yicũdiyuju.

21 To ĩ yisere ajicõari, ĩre ĩamaiũuju Jesũs. To bajiri, ado bajiro ĩre gotiyuju:

–Cojo vãme ruayaja mu yiroti, mu rijato beroju “Tudirija-beticõato” yigu, Dios ĩ catisere mu bujaruajama: Jediro mu cãosere gãjerãre ĩsiyecõãña. To yicõari, ti vaja mu bujasere maioro bajirãre ĩsima. To bajiro mu yijama, õ vecaju Dios ĩ ñaroju quẽnase bujarucãja mu. To bajiro yigajanocõari, yure ajisuyaya –ĩre yiyuju Jesũs.

22 To ĩ yigu, buto sutiriti vacoasuju ĩ, gajeyeũni jaiju ñari, tire maigã.

23 To yigajanogũne, ĩ buerimasare ĩacõari, ado bajiro gotiyuju Jesũs:

–Gajeyeũni jairãrema, yure ĩna suyarua tuõlãboajama, buto josaruaroja ĩnare. To bajicõari, yirẽto ecobosabetiruarãma – ĩnare yiyuju Jesũs.

24-25 To bajiro ĩ yisere ajicõari, no yimasibesujarã ĩ buerimasa, ti ũnire ajibetirũgũrã ñari. To bajiri quẽna ĩnare gotirẽmoũuju Jesũs:

–Yu buerã, ajiya. No bojarã, yure ĩna suyarua tuõlãboajama, buto josaruaroja ĩnare. To bajiboarine butobusa josaruaroja gajeyeũni jairãrema. Vaibucu camello vãme cãtigu, gãjojota gojeacare sãjarẽtobudimasibecumi. To bajirone bajiaja gajeyeũni jairãre quẽne, yure ĩna ajitirũnu suyarua boajama. To bajiro ĩna bajijare, yirẽto ecobosabetiruarãma – ĩnare yiyuju Jesũs.

26 To bajiro ĩnare ĩ gotisere ajicõari, no yimasibesujarã ĩna. To bajiri ado bajiro ĩre sãniãrẽmoũujarã:

–Riojo mu gotijama, ¿no bajiro bajirãjuã Dios tãjure ejaruarãda? –ĩre yiyujarã.

27 To ĩna yirone, ĩnare ĩacõari, ado bajiro ĩnare gotiyuju Jesũjama:

–Ĩna masune ejamasimenama masa, Dios tãjure. Diojuma, ñajediro yimasijeocõami. Ñiejua josase maja, ĩrema. ĩ suorine ĩ tãju ejamasire ñaja – ĩnare yiyuju Jesũs.

28 To ĩ yisere ajicõari, ado bajiro ĩre yiyuju Pedro:

–Jediro yua gajeyeũnire cũcõari, mure suyacaju yua –ĩre yiyuju.

29-30 To ĩ yisere ajicõari, ado bajiro ĩre cãdiyuju Jesũs:

—Riojo mũare gotiaja yu. No bojarã yũre ajitirũnarã ñari, yũ ocare gotiroana, ñna ya vi, ñna yarã, ñna jacua, ñna rĩa, to yicõari ñna ya veserire quẽne, ñna maisẽ ñaro cõro ñna vaveo-jama, ñna cõoboare rẽtõbusaro quẽnase bũjarũarãma ñna, adi macarũcũrore. Yũre ajitirũnarã ñari, rojose tãmũorã ñaboarine, ado bajiro quẽnaro ñnare yirũcũmi Dios: Jairo viri, jairo veseri, jãjarã yarã cuti, to yicõari jãjarã rĩa cutireayere ñsirũcũmi Dios. To yicõari, “Ñna rijato berojũma tudirijabeticõato” yigũ, ñ catisere ñnare ñsirũcũmi. ³¹ To bajiboarine, adire quẽne quẽnaro tũoĩaña mũa: Ado bajiro mũa tũoĩarore bajirone tũoĩaboarãma: “Dios ñ bojase yirã rẽtoro Dios ñ bojasere yirã ñari, ñamasurã ñaja yua. To bajiri, õ vecajũre quẽne ñamasurã ñari, quẽnase bũjarũarãja”, yitũoĩaboarãma. To bajiro yirã ñari, gãjerãre ñacõari, “Ñna ya vi, ñna yarã, ñna jacua, ñna rĩa, to yicõari ñna ya veserire vaveomena ñari, ñamasurã me ñaama. To bajiri, õ vecajũre quẽnase mojoroaca bũjaronã ñaama”, yitũoĩaboarãma. To bajiro me bajirũaroja. Adojũ ñamasurã, õ vecajũarema ñamasumena ñnarũarãma ñna. Adi macarũcũroju ñamasumenama, õ vecajũarema ñamasurã ñnarũarãma —ñnare yiyuju Jesús.

“Yũre sũarũarãma”, Jesús ñ yigotitũsare queti
(Mt 20.17-19; Lc 18.31-34)

³² ñ buerimasa, Jerusalẽnju Jesús ñnare ñ ñmato varũtu vajare, “Ujarã ñre ñaterã ñna ñnaroju ñ vasere gãuibeticõami Jesús”, ñre yitũoĩa vasujarã ñna. ñnajuama, ñre sũyarã, bũto gãiyujarã. To ñna bajirone, juaãmo cõro, gãbo jua jẽnitarũarĩcũ ñnarãre ñ buerãre ricati ñnare jicãmotocõari, ado bajiro ñnare gotiyuju:

³³ —Quẽnaro ajiya mũa. Jerusalẽnju vana bajiaja mani. Toju mani ejaro, Dios ñ roticõacacũre, sũgũ yũre ñsirocarũcũmi, paia ujarãre, to yicõari, Dios ñ rotimasire gotimasiorimasare. ñnajuã, “Ñre sũaroti ñaja”, yũre yirũarãma. To yicõari, romano masare yũre ñsirũarãma. ³⁴ To ñna yijare, yũre ajatud'irã, gooco yũre eoreatucõari, bajerũarãma ñna. To yicõari yucãtẽroju yũre jajurocacõarũarãma. Yũre jajurocacõari, yujeboarũarãma. To ñna yiboajaquẽne, yũre ñna sũarirũmũ bero, idiarũmũ tũsatirũmũne tudicaticõarũcũja yũ quẽna —ñnare yiyuju Jesús.

Santiago mesa Jesũre ñna sẽnire queti
(Mt 20.20-28)

³⁵ To ñ yiro bero, Zebedeo rĩa, Santiago, to yicõari Juan, Jesũrãca ñagõrã ejayujarã ñna. Ejacõari, ado bajiro ñre sẽnĩũujarã:

—Gotimasiorimasũ, “Ado bajiro yũare ejarẽmoña” mũre yua yisẽnisere, mũ cũdise bojaja yua —ñre yiyujarã ñna.

³⁶ To bajiro ñna yisere ajicõari,

—¿No bajiro m̄are yu yibosasere bojati m̄a? —Īnare yiyuju Jesús.

³⁷ To ĩ yijare, ado bajiro ĩre yiyujarã ĩna:

—“Ñajediro ɛju ñaja yu” yĩlocõari, m̄a rotis̄orirodo ti ejaro, ado bajiro ȳare m̄a ũmato rujiretore bojaja ȳa: Sīgũ m̄a riojojacat̄ua, gãjire m̄a gãcojacat̄ua ȳare ũmato rujir̄uc̄ja m̄a, m̄a rotirore bajirone ȳa rotimasiretore yigu —ĩre yiyujarã.

³⁸ To bajiro ĩre ĩna yis̄eniboajaquẽne, ado bajiro ĩnare c̄diyuju Jesús:

—T̄uõĩamasimenane, ȳare s̄eniboaja m̄a. Yu rãca m̄a rotir̄ujama, ¿m̄a quẽne ȳare bajirone rojose t̄am̄orãtique m̄a? —Īnare yiyuju.

³⁹ To bajiro ĩnare ĩ yirone,

—Bajicõarãja —ĩre yic̄diyujarã.

To bajiro ĩna c̄dise ñajare, ado bajiro yiyuju Jesús:

—Riojo m̄are gotiaja yu. M̄a quẽne, yu t̄am̄orotire bajiro rojose t̄am̄or̄arãja. ⁴⁰ To bajiro m̄a bajiboajaquẽne, yu riojojacat̄ua, yu gãcojacat̄ua m̄are rojomasibec̄ja yu. “Īna ñaruarãma yu macu tu rujirona” yu jacu ĩ yicana rĩne rujir̄uarãma —ĩnare yiyuju.

⁴¹ Jesús buerimasa j̄uaãmo cõro ñarã ĩna ajibetone, “To bajiro bojaja ȳa” ĩna yisere ajicõari, j̄unisiniñujarã ĩna. ⁴² To bajiro ĩna bajijare, ĩna jedirore jir̄eocõari, ado bajiro gotiyuju Jesús:

—Ujarã, Dios yarã me ñarã, ĩna yarãre buto tutuaro rotirãma ĩna. Tire masiaja m̄a. ⁴³ M̄ama, yu yarã ñari, ĩnare bajiro bajibetir̄uarãja. Ȳare ajitir̄unurã, ñamasurã ñaruarãma, gãjerã ĩna bojasere masicõari, quẽnaro ĩnare yiejarẽmorã. ⁴⁴ To bajiri ñamasurã m̄a ñar̄ujama, gãjerãre moabosar̄uarãja m̄a. ⁴⁵ Dios ĩ roticõacac̄u quẽne, to bajirone yaja yu. “Gãjerã yu bojasej̄are masicõari, quẽnaro ȳare yato ĩna” yigu me vadicaju yu. “Īna bojasere masicõari, quẽnaro ĩnare yir̄uc̄ja” yigu vadicaju yu. To yicõari, jãjarã rojose ĩna yisere Dios ĩ masiriorotire ĩnare vaja yibosaḡaḡu vadicaju yu —ĩnare yiyuju Jesús.

Caje ĩabecu Bartimeo vãme cutiḡure Jesús ĩ ĩarotire queti
(Mt 20.29-34; Lc 18.35-43)

⁴⁶ Jericó vãme cuti maca ñacõari, ĩna vatone, jãjarã masa ĩnare s̄uyasujarã, Jesúre ĩarã. Toju ĩna vatone, ĩabecu, Bartimeo vãme cutigu rujiyuju, maa tu. Timeo macu ñañuju ĩ. Maioro bajigu ñari, ĩ barotire, to yicõari, gajeyeũniaca ĩ c̄orotire t̄uoĩagũ, gãjoa s̄enirujiyuju. ⁴⁷ “Jesús, Nazaret macaḡu r̄etoacu yami” masa ĩna yisere ajicõari, ado bajiro ĩre jiavasãñuju:

—Jesús, Uju David ñamasir'i jãnami, “Rotim̄or̄uḡõruc̄ami” yigu, Dios ĩ cõar'i ñaja m̄a. Ȳare ĩamaiña m̄a —yivasãñuju ĩ.

⁴⁸ To bajiro ĩ yivasãrone,

—¡Avasãbesa! —Ïre yiyujarã masa.

To bajiro ña yiboajaquêne, butobusa avasãñuju quêna:

—Ëjũ David ñamasir'i jãnami “Rotimorũgõrũcũmi” yigũ, Dios ï cõar'i ñaja mũ. Yũre ñamaiña —Jesũre Ïre yivavasãñuju.

⁴⁹ To ï yisere ajicõari, tujarũgũñuju Jesũs. To bajicõari,

—Ïre jija mũa —masare ñare yiyuju.

To ï yijare, ñabecũre jiyujarã ña:

—Variquênaña. Vãmũrũgũña. Mũre jiami Jesũs —Ïre yiyujarã, ñabecũre.

⁵⁰ To bajiro ña yisere ajicõari, ï sudiro joeadore veorocõañuju, “Guaro vatĩmagũsa” yigũ. To yicõa, vãmũrũgũ vasuju ï, Jesũs tũjũ. ⁵¹ Ï ejasere ñacõari, ado bajiro Ïre yiyuju Jesũs:

—¿No bajiro mũre yũ yisere bojati mũ? —Ïre yiyuju, caje ñabecũre.

To ï yijare, ado bajiro Ïre yicũdiyuju:

—Gotimasioğũ, yũ tudĩarotire mũ ejarẽmosere bojaja yũ —Ïre yiyuju caje ñabecũ.

⁵² To bajiro ï yisere ajicõari, ado bajiro Ïre yiyuju Jesũs:

—Vasa mũ. “Yũre ñamaicõari, ñarotirũcũmi” yũre yitũoĩagũ ñari, ñacoajũ mũ yuja. Ñie rojose maja mũre yuja —Ïre yiyuju Jesũs.

To bajiro ï yirirĩmarone, caje ñabecũ ñaboar'i, ñacoasuju ï yuja. Ñacõari, ï quêne Jesũre sũyacoasuju.

11

“*Rotimorũgõrũcũmi*” yigũ, Dios ï cõagũ ñaja yũ” yĩlogũ, *Jerusalénjũ Jesũs ï ejare queti*

(Mt 21.1-11; Lc 19.28-40; Jn 12.12-19)

¹⁻² Jerusalén cõñana, Betfagé, Betania vãme cũi macari tũjũ ejayujarã ña. Ti macari tũjũre Olivo vãme cũi buro ñañuju ti. Ti burojũ ejagũagũne, jũarã ï buerãre ado bajiro ñare gotiyuju Jesũs:

—Mani varoto riojo ñarimacare vasa maji. Tojũ ejacõari, burro macũ ña siaturũgõr'ire bujarũarãja mũa, jesañañamagũre. Ïre õjacõari, yũre ãmiadibosaba. ³ Ti macagũ, mũa õjaro ñacõari, “¿No yirã Ïre õjati mũa?” mũare ï yisẽniñajama, “Mani mũ Ïre bojami. No cõro mene tũocõarũcũmi quêna”, Ïre yicũdiba —ñare yiyuju Jesũs.

⁴⁻⁵ To ï yisere ajicõari, vasujarã ña. To ejacõari, maa tũ ñarivi soje tũre ña siaturũgõr'ire ñabũjayujarã. Ñabũjacõari, Ïre ña õjarone,

—¿No yirã Ïre õjati mũa? —yisẽniñañujarã ña, burro mũjarã.

⁶ To ña yisẽniñase ñajare, Jesũs ñare ï cũidirotiriaro bajirone cũidiyujarã ña. To ña yirone, ñare varotiyujarã burro mũjarãjũ. ⁷ To ña yijare, burro macũre ãmivasujarã, Jesũs tũjũ. To yicõari, ña ye sudi joeayere vejecõari, burro macũ joere

jeoyujarã. To ñna yirone, vajejauyu Jesús. ⁸ Jãjarã masa ñañujarã. Ñna ye sudi joeayere vejecõari, ñ varotijure cõ rĩjoro cõtuyujarã. “Уна ыж ñаја мѣ” yirã, to bajiro yiyujarã, Jesúre rucubhorã. Gãjerã yucú rujuri jasurecõari, maare cõ rĩjoro cõtuyujarã. ⁹ To yicõari, “ “Rotimhorügõrcumi” yigũ, Dios ñ cõagũ ñaja yũ’ yĩocõari, rotimhorucumi yuja” Jesúre ñre yitõiarã ñari, buto variquẽñañujarã ñna. Ñre rĩjoro cõtũ vana, ñre suyarã quẽne, ñre ñavariquẽnarã, ado bajiro avasã vasujarã:

—¡“Rotimhorügõrcumi” yigũ, Dios ñ cõar’i ñaami! ¡Quẽnase ñre yivariquẽnato mani! ¡Diore rotibosagũ quẽnaro ñ yigũ ñaami! ¹⁰ ¡Ejũ David ñamasir’i jãnami ñ rotirodo, “Quẽnarirodo ñarũaroja” Dios ñ yiriarodo ejaroado yaja! ¡Diore quẽne, quẽnase ñre yivariquẽnato mani, ñni yna ыжре ñ cõajare! — yivasã vasujarã ñna.

¹¹ To bajiro ñna yi vato rĩne, Jerusalenju ejayuju Jesús. Ejacõari, Diore yirucubhorivire sãjañuju. Sãjaejacõari, jediro ñabatojeocõari bero, “Rãioato bajiaja” yigũ, ñ buerimasa juaãmo cõro, gũbo jna jẽnituarirãcũ ñarãre ñmato tudiasuju, Betania macaju.

Higuera vãme cõtũre, “Jũaji rica cõtibetirũaroja”, Jesús ñ yire queti

(Mt 21.18-19)

¹² Gajerũmũ Betania maca ñaboa, ñ buerimasare ñmato vacũ, ñiorijayuju Jesús. ¹³ To bajivacũne, sõjũne higuera vãme cõtũre ñabujacõañuju Jesús. Quẽnaro jũ cõtuyuju. Ti ricare barũ ojaboayuju. Rica mañuju, tiũjũama. Jũ rĩne ñañuju. Rica mañuju, rica cõtirodo me ñajare. ¹⁴ To bajiri tiũre ado bajiro yiyuju Jesús:

—Jũaji rica manũcarũarãja mũa —tiũre yiyuju ñ.

To bajiro ñ yisere ajiyujarã ñna, ñ buerimasa.¹

Diore yirucubhorivijũ ñacõari, gajeyeũni ñsirivire bajiro ñna yĩñajare, Jesús ñnare ñ tud’iãgõbure queti

(Mt 21.12-17; Lc 19.45-48; Jn 2.13-22)

¹⁵ To bajiro ñ yiro bero, varũtu ejacoasujarã, Jerusalenju. Ti macaju ejacõari, Diore yirucubhorivijũ sãjañujarã. Ti vijũ gajeyeũni ñsirãre, ñnare vaja yirãre quẽne, tud’iãgõbuyuju Jesús. Gãjerã ye rãca gãjoa vasoarimasa ñna gãjoa jeorijaũrre tujuareayuju. To yicõari, buja ñsirimasa ñna rujuri cũmurorire tucaguereayuju. ¹⁶ To yicõari, Diore rucubhorivijũ gajeyeũni no bojasere masa jedirore juarotibesuju. ¹⁷ To yicõari, ado bajiro ñnare gotiyuju:

¹ **11:14** Higuera rica cõtirodo me ñaboarine, rica cõtĩcõari, ti jũ cõtĩrũgũrĩarore bajiro ti bajijare, “Rica cõtiroja” yigũ, ñagũ vaboayuju Jesús.

—Diore gotirētobosarimasa ĩna ucamasire ado bajiro goti-
aja: “Y_u ya vima, masa jediro y_ure sēnirūcub_uorā rējariavi
ñar_uaroja”, yigotiaja, adi vire. To bajiro Dios ĩ yimasire ti
ñaboajaquēne, ado bajiro m_ua yiñase s_uorine juarudirimasa ya
vire bajiro bajaiaja ti —ĩnare yiyuju Jesús.

¹⁸ Ti vij_u Diore yirūcub_uoriavij_u ñañujarā paia _ujarā, Dios
ĩ rotimasire gotimasiorimasa quēne. To bajiro Jesús ĩ yis-
ere ĩacōari, “¿No bajiro yicōari, ĩre sīarāti mani?”, gāmerā
yiñagōñañujarā ĩna, ĩre gūirā ñari, ĩ gotimasiosere ajicōari,
jājarā masa ĩna ajirūcub_uose ñajare. ¹⁹ ĩnare gotimasiocōari
bero, ti rāioatone, ĩ buerimasare ũmato vacoasuju Jesús.

Higuera rica mani ti sñire queti

(Mt 21.20-22)

²⁰ Gajerām_u busurij_u jēj_u quēna maa vana higuera vāme
cūti_u, “Rica manic_uar_uarāja m_ua” Jesús ĩ yiri_u t_ure ejayujarā
ĩna. To ejacōari, higuera sñiar'ire ĩañujarā. Ti ñemari quēne
sñijedicoasuju ti. ²¹ To cōrone Jesús ĩ ñagōrere t_uoĩab_ujacōari,
gotiyuju Pedro:

—Gotimasiorimas_u, ĩañā. Higuera vāme cūti_ure, “J_uaji rica
manic_uar_uarāja m_ua” m_u yimasiric_u sñirocacoasuja ti —Jesúre
yiyuju.

²² To ĩ yisere ajicōari, ado bajiro ĩ buerimasare gotiyuju
Jesús:

—“Dios ĩ ejarēmose rāca yimasicōarāja”, yit_uoĩañā m_ua.
²³ Riojo m_uare gotiaja y_u. No bojag_u y_ure ajitir_uñ_ug_u, ĩ bure,
“Moa riagaj_u m_ua masune rocaroacoasa” ĩ yijama, to bajirone
bajir_uaroja, “Dios ĩ ejarēmose rāca yimasicōagūja” ĩ yit_uoĩa
t_ujabetijama. ²⁴ “Y_ua sēnijama, y_uare ĩsicōagūmi” yit_uoĩacōari,
Diore m_ua sēnijama, m_uare ĩsir_uc_umi, ĩnare yiyuju. ²⁵ Diore
sēnirā, m_uare rojose yirāre m_ua masiriojama, mani jac_u ō
vecag_u rojose m_ua yisere masirior_uc_umi ĩ quēne. ²⁶ Gājerāre
rojose ĩna yisere m_ua masiriobetijama, mani jac_u quēne
rojose m_ua yisere masiriobetir_uc_umi —ĩnare yiyuju Jesús, ĩ
buerāre.

*“¿Ñim_u m_ure ĩ rotise rāca to bajiro yati m_u?”, Jesúre ĩna
yisēniñare queti*

(Mt 21.23-27; Lc 20.1-8)

²⁷ To ĩ yiro bero, Jerusalén_u ejayujarā quēna Jesúrāca. To
bajicōari, Diore yirūcub_uoriavij_u sājañuju Jesús. Sājaejacōari,
ĩ ñacudirone, ĩ t_u ejarūgūñujarā paia _ujarā, Dios ĩ rotimasire
gotimasiorimasa, to yicōari, b_uc_urā quēne. ²⁸ Ejarāne, ado
bajiro ĩre sēniñañujarā ĩna:

—¿Ñim_u m_ure ĩ rotise rāca to bajiro yirūgūati m_u? —ĩre
yisēniñañujarā ĩna.

29 To bajiro ĩna yisere ajicōari,

—Y_u quēne, ado bajiro m_uare sēniñaja y_u. Y_ure m_ua c_udicōaroj_u, “Ī rotise rāca yaja y_u”, m_uare yir_uc_uja maji. 30 ¿Ñim_u rotiyujari, Juanre, “Oco rāca masare ĩnare bautizacudiya” yig_u? ¿Dios rotiyujari? ¿Masaj_ua rotiyujarique? —Īnare yisēniñaju Jes_us.

31 To ĩ yisere ajicōari, ĩna masurione gāmerā ñagōñañujarā ĩna:

—“Dios, Juanre oco rāca bautizarotiyumi” mani yijama, ado bajiro manire sēniñajacag_umi: “Tire masirā ñaboarine, ¿no yirā ĩre ajitir_un_ubeticati m_ua?” manire yisēniñajacag_umi.

32 To yicōari, “Masane, Juanre oco rāca bautizarotiriarāma” mani yijama, manire b_uto tud'ir_uarāma masa, “Diore gotirētosarimas_u ñaboacami Juan” yirā ñari —gāmerā yiyujarā ĩna. 33 To bajiro gāmerā ñagōrā ñari, ado bajiro ĩre c_udiyujarā ĩna:

—Juanre rotir'ire masibeaja y_ua —Jes_ure yicōañujarā ĩna.

To ĩna yisere ajicōari, ado bajiro ĩnare c_udiyuju Jes_us:

—To bajiro m_ua c_udijare, “Ī rotise rāca yaja y_u”, m_uare yigotibetir_uc_uja y_u quēne —Īnare yiyuju Jes_us.

12

“Jud'io masa ĩna ajitir_un_ubeti ñajare, gājerājuare wjor_uc_umi Dios” yig_u, ĩre moabosarimasa rojose yirā ĩna bajire rāca Jes_us ĩ gotimasiore queti

(Mt 21.33-46; Lc 20.9-19)

¹ Gotimasiore queti masare gotiyuju Jes_us:

—Sīg_u mas_u _uye vese oteg_umi. Tire otegajanocōari, matag_umi. To yicōari, _uye oco juarotij_u quēnog_umi. Tij_u bero, vecaj_u ñacōari, ĩ ĩatir_un_ujesarotij_u quēnog_umi. To yigajanocōari, gājerāre, “Y_ure ĩatir_un_ubosaba”, yig_umi. “_uye ti rica c_utiro, gājerāre ĩsicōari, vaja sēnir_uarāja. To yicōari, m_ua juajama, ‘Ado cōro ñaja mani ye. Ado cōro ñaja ĩ ye’ yicōiama”, ĩnare yig_umi. To yicōari, gajeroj_u vacoac_umi yuja.

² To bajiri cojor_um_u, “_uye rica c_uti b_uc_uatoja ti” yig_u, ĩre moabosarimas_ure cōag_umi, “_uye, y_ure ĩna c_ubosarere y_ure juabosaya” yig_u. ³ _uye vesej_u ĩ ejarone, ĩre ñiacōari jarāma vese coderimasa. To yicōa, ĩre _uye ĩsimenane, “Vasa”, yirāma ĩna. To bajiri _uye juabec_une tudiejag_umi, ĩre roticōar'i t_uj_u. ⁴ To bajiri _uye ĩ juabetire ĩacōari, gāji ĩre moabosarimas_ure cōag_umi quēna, vese _uj_u, “_uye y_ure juabosag_u vasa” yig_u. _uye vesej_u ĩ ejasere ĩacōari, rujajine ĩre yitud'icōari, ĩre quēne jarāma ĩna. To bajiri ĩ r_ujoaj_u cāmi c_utig_umi ĩ. To bajiro ĩre yigajanocōari, _uye ĩsimenane, “Vasa”, ĩre yirāma ĩna. ⁵ To bajiri _uye ĩ juabetire ĩacōari, quēna gāji ĩre moabosarimas_ure cōag_umi vese _uj_u.

Īre sġarāma. Bero, jājārābusa cōarūgūboagumi vese ʘju. Īnare quēne to bajirone yirūgūrāma vese coderimasa. Sġūrre buto jarāma. Gājerāre sġarāma ĩna.

⁶ Īnare ĩ cōariaro bero, sġū ruyagumi yuja, ĩ cōarocū. Ī ñagūmi ĩ macū, ĩ maigū. To bajiri, “Yū macūjuare rūcūbuoruarāma” yitūoġagū, ĩre cōaboagumi. ⁷ To bajiro ĩ yicōar'ire, veseju ĩ ejasere ĩacōari, ado bajiro gāmerā ñagōrāma vese coderimasa: “Adi vese ʘju macūne ñaami. To bajiri ĩ bajirocaveojama, ĩne ñaami ĩre vasoarocū. To bajiri ĩre mani sġajama, mani ye sita ñaruarōja yuja”, gāmerā yīñagōrāma ĩna. ⁸ To bajiri vese sojuaju ĩre ñia vati, ĩre sġarocacōarāma ĩna —Īnare yiyuju Jesús.

⁹ To bajiro ĩnare gotigajanocōari, ado bajiro ĩnare gotiyuju quēna:

—¿Ti vese ʘju tudiejagu, no bajiro ĩnare yigujari ĩ, ti vese coderimasare? Ado bajiro yigumi: Veseju vacōari, ti vese coderāre sġarocūmi. To yicōari, gājerājuare coderotigumi ĩ, ti vesere —Īnare yiyuju Jesús.

¹⁰⁻¹¹ Gajeye ado bajiro gotirūtuasuju Jesús:

—“ʘye vese ʘju macūre rojorā ĩna sġarocarere bajirone viri buarimasa gūta ĩna beserocaria ñaboarine, ñamasurica ñaruarōja”, yigotiaja Dios oca masa ĩna ucamasire. ¿Tire ĩabeticatique mūa? Ado bajiro gotiaja:

“Gūta rāca vi quēnorimasa coja gūtare rocarāma ĩna. Īna rocaria ñaboarine, gajea gūta rētoro quēnarica ñaruarōja tia. Tia gūta suorine quēnarivi quēnorocūmi Dios. Tia manijama, quēnomasibetibogumi. To bajiro bojagumi Dios mani ʘju. To bajiri tia gūta suorini Dios quēnaro ĩ yisere ajimasicōari, buto tuoġa variquēnaja mani”, yigotiaja Dios oca masa ĩna ucamasire —Īnare yigotiyuju Jesús, paia ʘjarāre.ĵ

¹² Jesús ĩ gotimasiosere ajicōari, “ʘye vese coderimasa ĩ yijama, manirene yigu yami. To yicōari, gūtavi quēnorimasa ĩ yijaquēne, manirene yami. Īre rojose mani yisere yigu yami”, yiajimasinujarā ĩna. To bajiri Jesúre ñiaruaboayujarā. To bajiboarine masare gūrā, ĩre ñiabesujarā. Īre ñiaruaboa, vacoasujarā ĩna yuja.

“ʘjarā, gājoa manire ĩna vaja yirotijama, ĩnare ĩsiroti ñaja”, Jesús ĩyigotire queti

(Mt 22.15-22; Lc 20.20-26)

¹³ Bero, fariseo masa, to yicōari, “ʘju ñamasugū ñarocūmi Herodes” yirūgūrīarā, Jesús tū ĩna rācanare cōañujarā ĩna, “Ado bajiro josari mūa sēniġajama, cudimasibeticōari rojose

ĵ **12:10-11** “To bajiro gotiyumi Dios, yū bajirotire tuoġagū”, ĩnare yigotigu yiyumi Jesús.

tãmuorucumi Jesús” yirã. ¹⁴ To ñna yicõariarã, ado bajiro Jesúre sēniãañujarã ñna:

—Ajiya gotimasiormasũ. “Riojo gotiami”, mãre yimasiaja yua. “Ado bajiro mani yisere bojagũmi Dios” yigotimasioğũ ñari, riojo yuare gotimasioaja mũ. “Ado bajiro yũ gotimasiojama, yũre ajijũnisiniruarãma” yitũoĩabecũne, riojo gotigũ ñaja mũ. “Ãnoama, ñamasurã ñna ñajare, ñna ajijũnisinibeti vãmejuare ñnare gotimasiormasũja”, yitũoĩabecũ ñaja mũ. Masa ñajedirore yuare riojo gotigũ ñaja mũ. To bajiro yigũ mũ ñajare, mũ tũoĩasere ajiruaja yua. ¿Roma macagũ uju, César, gãjoa manire ñ vaja yirotsere mani vaja yijama, quẽnacõarõari? ¿Dios ñ rotimasirere cãdimena yirãjarique mani, ñre mani vaja yijama? —Jesúre yisēniãaboayujarã ñna.

¹⁵ Jesújuama, “Rojose yũre yiruãrã, to bajise yũre sēniãatoama ñna”, yimasicõañuju. To bajiri ado bajiro ñnare yiyuju:

—¿No yirã, “Rojose ñre yirãsa” yirã, to bajise yũre sēniãatoati mũa? —Ñnare yiyuju Jesús. ¹⁶ —Gãjoatii cojotii yũre ñoña —Ñnare yiyuju Jesús.

To ñ yijare, gãjoatii ñre ñoñujarã. Gãjoatiire ñacõari, ado bajiro ñnare sēniãañuju Jesús:

—¿Ñimũ rioga tuyati? ¿Ñimũ vãme tuyati? —Ñnare yiyuju Jesús.

To ñ yirone,

—Roma macagũ Uju César vãme cutigũ rioga tuyaja. To yicõari, ñ vãme quẽne ñaja ti —Jesúre yicãdiyujarã ñna.

¹⁷ To ñna yijare, ado bajise yiyuju Jesús:

—To bajiri aditiire ñacõari, “César yatii ñaja”, yimasiaja mũa. To bajiri ujarã ñna vaja yirotijama, ñnare vaja yiroti ñaja. To bajirone bajaia Diore quẽne. Jediro Dios ñ cõase ti ñajare, “Yua cõose ti ñaboajaquẽne, ti rãca mũ bojarore bajiro yiruãrãja”, Diore ñre yiroti ñaja manire —Ñnare yiyuju Jesús.

To bajiro ñ yisere ajicõari, no yimasibesujarã ñna, ñre bajiro quẽnaro gotigare ajibetirũgũriarã ñari.

“¿Bajirearãma, tudicaticoanajari?”, Jesúre ñna yisēniãatore queti (Mt 22.23-33; Lc 20.27-40)

¹⁸⁻¹⁹ To bajicõari, saduceo masa quẽne ejayujarã, Jesúre sēniãatorã. “Masa ñna rijato bero, ñna usuri, ñna rujuri ñnaro cõrone quẽna tudicatimenama” yirã ñañujarã saduceo masa. Ado bajiro ñre sēniãañujarã:

—Ajiya gotimasiormasũ. Moisés ñamasir'i ado bajiro ñ yucacũmasire ti ñajare, mãre sēniãarã vabũ yua. “Sĩgũ, manajo cutiõoa, rĩa magũne ñ bajirocajama, ñ gagũ manajo ñariore manajo cutirucumi ñ bedijua. To bajiri ñ rãca ñacõari, so macũ cutijama, ñ gagũ macũ ñnarucumi”, yimasiñuju Moisés. ²⁰ Sĩa rĩa

cojomo cōro, jua jēnitarirācu ūmua űaboacama. Sīgōrene manajo cūtiboaacama ĩna. űasuoꝝ sore manajo cūtisuoꝝoacami. Rĳa magūne rijacoacami ĩ. ²¹⁻²² ĩ rijato bero, gāji ĩ bedi va-soaboacami. ĩ quēne rĳa magūne rijacoacami. ĩ bederā quēne, to bajirone sore manajo cūtiboaacama. Rĳa manane, rijajedi-coacama ĩna quēne. So manajua ĩna rijajediro bero, so quēne rijacoacamo yuja. ²³ To bajiri bajireacōari, quēna ĩna tudicati-jama, ĳñimajua űaguĳda so manaju masu űarocuma, ĩna űaro cōrone sore ĩna manajo cūticato bero? —Jesūre yisēniĳatoyujarā ĩna.

²⁴ To ĩna yirone, ado bajiro cūdiyuju Jesús:

—Dios oca, masa ĩna ucamasire ajimasimena űaja mua. Dios ĩ masisere quēne masirā me űaja. To bajirā űari, Moisés ĩ ucamasirere tūoĳacōari, “Riojo me gotiro yaja”, yitūoĳaboaja mua. ²⁵ Ado bajirojua bajiaja: Bajireariarā, ĩna tudicatiro bero, manajo cūtire, manaju cūtire quēne maniruaroja. Ángel mesare bajiro bajirā űaruarāma ĩna. ²⁶ ĳ“Masa ĩna bajirearo bero, ĩna usuri caticōaroja” yirere ĳabeticatique mua? ĳYucúyoa űjuriyoa vatoaju Dios Moisére ĩ űagōmasirere ĳabeticatique? Dios masune ĩre ĩ gotimasirere ado bajiro ucamasiñumi Moisés: “Mua űicua űamasiriarā Abraham, Isaac, Jacob, ĩna rūcubuo vadimasicacune űaja yu”, yigotimasiñumi Dios. ²⁷ Masa bajireariarā ĩna usuri ti caticōa űabetijama, to bajise yibetimasiborimi. Bajireariarā, quēna tudicatiűajua ĩna rūcubuoꝝ űaami. “ĩna usuri ti caticōa űajare, bajireariarā űaboarine, Diore rūcubuoꝝa űarāma” yire űaja. Buto mavisiaja mua —ĩnare yiyuju Jesús.

*Dios ĩ rotimasire űamasuri vāmere Jesús ĩ gotire queti
(Mt 22.34-40)*

²⁸ Sīgū, Dios ĩ rotimasire gotimasiorimasu ejayuju. Ejacōari, Jesúrāca ĩna űagōrore ajiñañuju ĩ. To bajiri, “Quēnaro cūdiami Jesús” yiajigu űari, ĩre sēniñañuju ĩ:

—Dios ĩ rotimasire űamasuse, ĳdisejua űati? —ĩre yisēniñañuju ĩ.

²⁹ To ĩ yisere ajicōari, ado bajiro cūdiyuju Jesús:

—Dios ĩ rotimasire űamasuse ado bajiro gotiaja: “Ajiya mua, Israel sitana. Dios sīgūne űaami mani űju. ³⁰ Mani űjare, Diore buto mairoti űaja. No bojagure mani mairo rētoro, no bojase mani cūose, mani bojatūoĳase, to yicōari mani moare cūtise rētoro Diore mairoti űaja”, yigotiaja Dios ĩ rotimasire űamasuse. ³¹ To yicōari, gajeye ado bajiro gotiaja ti: “Mā masu rujare mā mairore bajirone mā tūanare maiñā”, yigotiaja Dios ĩ rotimasire. Disejua gajeye Dios ĩ rotimasire rētoro űamasuse maja —ĩre yiyuju Jesús.

32 To bajiro ĩ yisere ajicōari, ado bajiro ĩre yiyuju Dios ĩ rotimasire gotimasiorimasu:

—To bajirone bajiaja. Riojo gotiaja mu. “Sĩgũne ñaami Dios. ĩre bajiro bajigu gãji magũmi. 33 Mani ujure Diore buto mairoti ñaja. No bojagure mani mairo rētoro Diore mairoti ñaja, manire. No bojase mani cuose mani mairo rētoro Diore mairoti ñaja. Diore mairã ñari, mani tuoñase, mani yise, jediro quēnaro yiroti ñaja”, yaja. To yicōari, “Mani masu rujure mani maiore bajirone jedirore maiña”, yigotiaja Dios ĩ rotimasire. Gajeye Moisére Dios ĩ roticũmasiriarore bajirone vaibucurã ecariarãre sīacōari, Diore rucuburã, paire mani ĩsijama, quēnaja. Gajeye no bojase Dios ĩ rotimasiriarore bajiro paire mani ĩsijama, quēnaja. To bajiboarine to bajiro yirã jediro mani ĩsise rētobusaro quēnaja, Diore, to yicōari, masare quēne mani maijama —Jesúre yiyuju Dios ĩ rotimasire gotimasiorimasu.

34 To bajiro quēnaro ĩ yisere ajicōari, ado bajiro ĩre yiyuju Jesús:

—Yu ĩajama, Dios yarã ĩre ĩna ajitirãnũsere ajimasiaja mu. ĩyu quēnaro ĩ yigu mu ñarũajama, ñamasiaja mu —ĩre yiyuju Jesús.

To bajiro Jesús ĩ yiro bero, “Mani rētoro masigũ ñaami” yituoñacōari, “‘Ānoama masimena ñaama’ yiro mi” yirã, ĩre sēniña tujacoasujarã yuja. “Mani rētoro masigũ ñaami Jesús” yituoñarã ñari, ĩre sēniñarēmobesujarã yuja.

“‘Rotimurũgõrucumi’ yigu, Dios ĩ cõarocũ, ĩñimũ ñarucumi, yituoñati ma?”, Jesús ĩ yisēniñare queti
(Mt 22.41-46; Lc 20.41-44)

35-36 Diore yirucuburivijũ masare gotimasio ñagũne, ado bajiro ĩnare sēniñañuju Jesús:

—“‘Rotimurũgõrucumi’ yigu, Dios ĩ cõarocũ, masũ ñarucumi. Ujũ David ñamasir'i jãnamine ñarucumi”, yama Dios ĩ rotimasire gotimasiorimasa. To bajiro ĩna yituoñaboajaquēne, Esp'iritu Santo ĩ ejarēmose rãca yigu, Diore yigure bajiro, “yu ujũ” yimasiñujari Ujũ David ñamasir'i, ĩ jãnami ĩ ñaboajaquēne, ado bajise ĩ yiucajama:

“Yu ujure ado bajiro yirucumi Dios: ‘Yu riojojacatu rujiya maji. Mure ĩaterãre, “Rojose yitujaya” ĩnare yu yiro bero, rojose yimasibetirũarãma yuja. To cõrone rotimurũcũja mu’ yirucumi Dios, yu ujure”, yiucomasiñumi David.

37 To bajiri, “‘Rotimurũgõrucumi’ yigu, Dios ĩ cõarocũ, David ñamasir'i jãnami ñarucumi” yiucomasire ti ñaboajaquēne, ĩno yigu ĩ ujure bajiro bajigutique? —ĩnare yiyuju Jesús.

To bajiro ĩ yigotisere ajivariquēnañujarã jãjarã masa.

*“Rojose tãmuoruarãma Dios ï rotimasire gotimasiorimasa”,
Jesús ï yire queti*

(Mt 23.1-36; Lc 11.37-54; 20.45-47)

³⁸ Masare ado bajiro ïnare gotimasioñuju Jesús:

—Dios ï rotimasire gotimasiorimasare bajiro bajibeja muama. Dios ï rotimasire gotimasiorimasa, sudiro yoaquẽnariase sãñacõari, masa ïna ïaro rĩjoro vacudi variquẽnarãma ïna. To yicõari, jãjarã masa ïna rẽjarũgũrijauĩre ejarũgũrãma. Gãji ïnare ï bocajama, rũcũbuose rãca ïnare ï sẽnisere ajivariquẽnarãma. Dios ocare ïna buerivirijure quẽne ñamasuri cũmurorire rujivariquẽnarãma. ³⁹ Boserãmuri ti ñajaquẽne, ïna barujiijama, ñamasuri cũmurorire rujivariquẽnarãma ïna. ⁴⁰ Manajua rijaveoriarã ya virire ãmarã ñaboarine, masa ïna ïaro rĩjorojua, “‘Quẽnaro yirã ñaama’ yĩtato” yirã, “Yoaro Diore sãnirã yaja”, yisocarũgũboarãma ïna. To bajiro ïna yise vaja, gãjerã rojorã, rojose ïna tãmuose rẽtoro rojose tãmuoruarãma ïna —masare ïnare yiyuju Jesús.

*Manajua rijaveorio maioro bajigo ñaboarine, gãjjoa so sãre queti
(Lc 21.1-4)*

⁴¹ Diore yirũcũbũoriavijũ ñacõari, gãjjoa sãriajũ riore rujiyuju Jesús. Rujicõari, jãjarã masa tijure gãjjoa ïna sãñasere ïañuju. Gãjjoa jairã, jairo sãñujarã. ⁴² To ïna yĩnarone, sĩgõ, manajũ rijaveorio ejacõari, gãjjoatii juatiine so sãsere ïañuju. Mojoroaca vaja cutitiiri ñañuju ti. ⁴³ Tire so sãro ïacõari, ado bajiro ï buerimasare gotiyuju Jesús:

—Riojo muare gotiaja yũ. Adio maioro bajigo, gãjerã rẽtoro sãmo so. ⁴⁴ Gãjjoa jairã ïna sãboajaquẽne, jairo ruyacõaroja ïnarema. Soma, so cũose ñaro cõroacane sãcõamo —ïnare yiyuju Jesús.

13

“Diore yirũcũbũoriavi cagueroca ecoruaroja”, Jesús ï yire queti

(Mt 24.1-2; Lc 21.5-6)

¹ Diore yirũcũbũoriavijũ ñar'i, budiasuju Jesús ï buerimasa rãca. To ï ùmato bajirone, ado bajiro ïre gotiyuju ï buerimasũ:

—¡Gotimasiorimasũ, ïaña! Quẽnarivi ñaja. Gãta quẽnase rãca quẽnaro quẽnoñuma ïna —Jesúre ïre yiyuju. ² To ï yirone, ado bajiro ïre cadiyuju Jesús:

—Jairivi ti ñaboajaquẽne, muã ïarivi ñaro cõrone cagueroca ecoruaroja. To bajiri adi viaye gajea gãta joere gajea jesabet-icõaruaroja —ïre yiyuju Jesús.

“Macarucuro ti jediroto rjoro ado bajiro bajiruroja”, Jesús ĩ yire queti

(Mt 24.3-28; Lc 21.7-24; 17.22-24)

³⁻⁴ Tiju bero, Olivo vāme cūti buro joeju rujiyuju Jesús. Ti buro riojojua ñañuju Diore yirucuboriavi. To ĩ rujirone, gājerā ĩna mano ĩacōari, ĩ buerimasa, Pedro, Santiago, Juan, to yicōari Andrés, ado bajiro ĩre sēniñañujarā ĩna:

—¿Divato cagueroca ecoroti Diore yirucuboriavi? ¿No bajiro ti bajiro ĩacōari, “Jesús ejaɣuagu yigumi”, yimasirāti yua? ¿No bajiro ti bajiro ĩacōari, “Adi macarucuro jediato yaja”, yimasirāti yua? —Jesúre yisēniñañujarā ĩna.

⁵ To bajiro ĩna yisere ajicōari, ado bajiro ĩnare cūdiyuju Jesús:

—Roori ñaruarāja mua, “Socarāne, gājerā manire yitoroma” yirā. ⁶ Jājarā yitorā ñaruarāma, “Yune ñaja ‘Rotimorūgōrcumi’ yigu, Dios ĩ cōagū” yirā. To bajiro ĩna yisocasere jājarā masa ĩnare ajisuyaboaruarāma.

⁷ To bajicōari, mua tuana, to yicōari, gajeroana quēne, gājerā rāca ĩna gāmerā siasere ajiruarāja mua. Tire ajicōari, güibetiruarāja mua. “Bajiruroja” Dios ĩ yiriarore bajirone bajiruroja. To bajiro ĩna gāmerā yĩnaboajaquēne, adi macarucuro jediro me bajiruroja. ⁸ Cojo sitana gaje sitana rāca gāmerā sīaruarāma. Buto sita saberuroja. To yicōari, cojo maca me ñioñaruroja. To bajiri, rojose tāmuroarāma masa. ĩna tāmurose rētobusaro rojose tāmuroana yirāma yuja. ⁹ Quēnaro tuoĩama mua: Mũare ñejecōari, Dios ocare ĩna bueriviriju ujarā rjorojua mũare juaáruarāma ĩna. Toju mũare bajeruarāma. To yicōari, yu ocare mua gotimasiojare, macari ujarā rjorojua mũare juaáruarāma ĩna. To yi vanane, ujarā ñamasurā rjorojua mũare juaáruarāma ĩna. To bajiro mũare ĩna yijare, yu oca quēnasere ĩnare gotiruarāja mua. ¹⁰ Tire adi macarucuro ñarā masa ñaro cōrone gotimasiojeo ecoruroja. ¹¹ Mũare ñejecōari, ujarā rjorojua mũare ĩna juaejaro, “¿No bajiro ñagōrāti yua?”, yituoñarejaibeja mua. “Ñagōña” mũare ĩna yirĩmarone, Dios ĩ cōagū Esp'iritu Santo ĩ ejarēmose rāca, “Ado bajiro gotiruarāja yua”, yimasiruarāja mua —ĩnare yiyuju Jesús.

¹² Quēna gajeye ado bajiro ĩnare gotirēmōñuju Jesús:

—Yu yere ajiterāre güiose ĩna yisere ĩaruarāja mua. Sīgū rĩa ñaboarine, “ĩnare sīato” yirā, ñejerotiruarāma ĩna. To yicōari, jacua quēne, “Yua rĩare sīato” yirā, ĩna rĩare ñejerotiruarāma. ĩna rĩajua quēne, ĩna jacuare ajijūnisinicōari, gājerāre sīarotiruarāma ĩna. ¹³ Yu ocare mua goticudijare, jediro masa mũare ĩateruarāma. To bajiro ĩna yiboajaquēne, no bojarā yare ajitirūnu tajamenarema, rojose tāmurotjabetiriaroju ĩna varoti ñaboarere ĩnare yirētobosarucumi Dios —ĩnare yiyuju Jesús.

¹⁴ Quēna gajeye ado bajiro ĩnare gotirēmōñuju Jesús:

—Adi macarucuro jedirirodo, sīgū, “Diore rūcububeticōato ĩna” yigū, Dios ĩ bojabetire yirucami. Diore yirucububoriavijū ĩ űasere masiruarāja m̱a. (Yū, Marcos, adi paperare Jesús ĩ gotisere yū ucasere ĩacōari, ajimasiña.) To bajiri Dios ĩ bojabetire ĩ yisere ĩacōari, “Jerusalén maca ti jedirotirāmū cōñaro bajaiaja”, yimasiruarāja m̱a. To bajiro bajirirāmū Judea sitana gūtayucujū guaro rudicoajaro ĩna. ¹⁵ Sīgū ĩ ya vi joejū jesaguma, rujiacōari, ĩ ya vi jubeaju gajeyeūni űasere juaátimabetirucami. ¹⁶ Gāji, vesejū moañagū, ĩ ye sudire juagu tudiatimabetirucami, rujarĩmarone yū ejaroti űajare. ¹⁷ Rōmia macū sãñarã, űjurã c̱orã quēne, rojose tãm̱oruarãma ĩna, űmatimabetica yirã. ¹⁸ “Buto oco quedirirãm̱re bajibeticōato” yirã, Diore sēnicōa űarũgũña. ¹⁹ To bajiro bajirirãm̱ri buto rojose tãm̱oruarãma masa. Adi macarucuro űasuboriarãm̱ri masa rojose ĩna tãm̱oadire rētoro tãm̱oruarãma ĩna. Rojose ĩna tãm̱oro bero, to bajise rojose tãm̱obeticuarãma yuja. ²⁰ “Yoaro mebusane rojose tãm̱oato masa” Dios ĩ yibetijama, sīgū catiruyarocū manibogūmi. “Yū yarã űaña m̱a” ĩ yirere c̱udiriarãre ĩamaigū űari, “Yoaro mebusane rojose tãm̱oato ĩna”, yirucami Dios.

²¹ To bajiro bajiñarirodorire, “Ānine űaami ‘Rotim̱orũgōrucami’ yigū, Dios ĩ cōar'i. Ejayumi” gājerã ĩna yijama, ĩnare ajibeja m̱a. To yicōari, gājerãjuma, “Tone űagūmi. Ejayuju” m̱are ĩna yijaquēne, ĩnare ajibeja m̱a. ²² Jājarã yitorã űaruarãma, “Yune űaja ‘Rotim̱orũgōrucami’ yigū, Dios ĩ cōagū” yirã, to yicōari, “Diore gotirētobosarimasa űaja yūa” yirã. To bajiro yirã, ĩaĩñamani yĩloruarãma, masare yitorã. To bajiro yiruarãma, “‘Yū yarã űaña m̱a’ Dios ĩ yirere c̱udirã, manij̱nare ajitirũñato” yirã.

²³ Tire m̱are yū gotimasiosere quēnaro ṯoĩañã m̱a. Ti bajiroto ṟjoro jediro m̱are gotijeobū yū.

*“Dios ĩ roticōacacū tudiejaṟc̱ija yū”, Jesús ĩ yire queti
(Mt 24.29-35, 42, 44; Lc 21.25-36)*

²⁴ Tire rojose ĩna tãm̱ogajanoro berone, gaje vãme rojose bajiruaroja. Muiju űm̱agū asibetirucami yuja. űamiagu quēne busubetirucami. ²⁵ űocoa quēne, vējacoaruarãma. To yicōari, ō vecaye jediro ṉṟuaruaroja. ²⁶ To bajiro ti bajiro, Dios ĩ roticōagū ō vecajū yū rujiadore ĩaruarãma masa. Yū masise rãca, oco bueri vatoajū yū busubatorujiadire ĩaruarãma. ²⁷ To cōrone, “Yū yarã űaña” Dios ĩ yirere c̱udiriarãre j̱doaga soje, j̱naga soje, varuaga soje, gajecaṯna varuaga soje űarã jedirore “Juarēoato” yigū, ángel mesare cōaruc̱ija yū. To yū yijare, yū yarã űaro cōrone juarēoruarãma ĩna —ĩnare yiyuju Jesús.

28 To yicōari, quēna gajeye ado bajiro ĩnare gotirēmoñuju Jesús:

—Gotimasiore queti m̄are gotiḡu yaja yu. Higuera vāme cut̄iare t̄uoīaña m̄a. Higuera vāme cut̄iricu gajecu b̄uc̄am̄ajacōari, jū mameaja. Tire ĩacōari, “Mojoroaca r̄uyaja c̄uma ti ejaroti”, yimasiaja mani, jud'io masa. 29 M̄are yu gotisere bajiro bajisere ĩacōari, “Mojoroaca r̄uyaja Jesús ĩ vadiroti”, yimasir̄arāja m̄a. 30 Riojo m̄are gotiaja yu. Adirodo ñarã m̄a bajireajediroto r̄joro, m̄are yu gotirote bajirone bajir̄aroja ti. 31 Adi macar̄uc̄uro ñaro cōrone, to yicōari, ð vecaye quēne jedicoar̄aroja. To bajiboarine, yu ocama jedibeti m̄or̄uḡōcōar̄aroja.

32 “Ado cōrone ejar̄uc̄umi Jesús”, yimasiḡu maḡumi. Ángel mesa quēne masimenama ĩna. Dios mac̄u ñaboarine, “To cōro ejar̄uc̄uja yu”, yimasibeaja yu quēne. Yu jac̄u s̄iḡune masiḡumi —ĩnare yiyuju Jesús.

33 —To bajiro bajiroti ti ñajare, roori ñar̄arāja m̄a, “To cōrone tudiejar̄uc̄umi” yure yimasimena ñari.

34 Quēna yu tudiejaroti ado bajiro bajir̄aroja: S̄iḡu ñaḡumi gaje sitaj̄u varocu. Ĩ varoto r̄joro, ĩre moabosarimasare jir̄eoḡumi. ĩnare jir̄eocōari, tocār̄ac̄urene ricati ĩna moarotire ĩnare rotiḡumi. To yicōari, soje coderimas̄ure quēne, “Yu tudiejarotire yuḡu tocār̄acar̄um̄ne quēnaro bocaĭama”, yiḡumi. 35 ĩre bajiro bajir̄uc̄uja yu quēne. To bajiro bajiroti ti ñajare, roori ñar̄arāja m̄a, “To cōrone tudiejar̄uc̄umi mani uju” yure yimasimena ñari. R̄āiorij̄u, ñami ḡudareco, ḡājabocu ñaḡōrij̄u, busurij̄u yu vadirotire masibeaja m̄a. 36 Roori ñar̄arāja m̄a, “Mani c̄āniñarone tudiejaromi” yirã. Yure masimenare bajiro bajibeja. 37 To bajise yu gotijama, m̄a r̄irene gotiḡu me yaja yu. Masa jedirote t̄uoīacōari gotiaja yu. Roori ñar̄arāja m̄a —ĩ buerimasare ĩnare yiyuju Jesús.

14

“¿No bajiro yiḡu ñaami yitocōari, Jesúre ĩre ñiarāti mani, ĩre s̄iar̄arã?”, ĩna yire queti

(Mt 26.1-5; Lc 22.1-2; Jn 11.45-53)

1 J̄uar̄um̄u r̄uyayuju yuja Pascua boser̄um̄u pan ūmato vauvase v̄ooyamanire bas̄oriar̄um̄u. To bajicōari, paia ujarã, Dios ĩ rotimasire gotimasiromasa quēne, ado bajiro gāmerã ñaḡōñañujarã ĩna:

—Jesúre s̄iar̄arã, ¿no bajiro yiḡu ñaami yitocōari, Jesúre ñiarāti mani? —gāmerã yĩñaḡōñañujarã ĩna. 2 —To bajiboarine, boser̄um̄u ñaro ĩre mani slajama, tire ĩaj̄ūnisinicōari, manire rojose yiborãma masa —gāmerã yĩñaḡōñañujarã ĩna.

Jesús rɥjoare sɥtiquēnase rōmio so yuejeore queti
(Mt 26.6-13; Jn 12.1-8)

³ Betania vāme cɥti macajɥ cāmi boagɥ ñaboar'i, Simón vāme cɥtigɥ ya vijɥ ñañuju Jesús. Ti vijɥ Jesús i barujirone, sīgō, gūta sotɥ alabastro vāme cɥti rāca veariarɥ āmiejayuju so. Sɥtiquēnase buto vaja cɥtise, nardo vāme cɥtise sāñaritu ñañuju tirɥ, so āmiritu. To bajiri, Jesús tɥaca eja, tirɥ āmɥare vējeacōari i rɥjoa joere ĩre yuejeoyuju so. ⁴ To bajiro so yisere ĩacōari, jūnisiñujarā sīgūri Jesús buerimasa. To bajiro yirāne, ado bajiro gāmerā yiyujarā ĩna:

—jairo gājoa yireago yamo! ⁵ Tire ĩsicōari, jairo gājoa trescientos denarios rētoro bɥjacōari, maioro bajirāre ejarēmoroti ñaboaja ti —gāmerā yiyujarā ĩna.^k

To bajiro yicōari, sore tud'yiyujarā ĩna.

⁶ To bajiro ĩna yiboajaquēne, Jesúɥama, ado bajiro ĩnare yiyuju:

—Sore gōjanabiobesa mɥa. Tire yɥre so yuejeojama, quēnaro yɥre yigo yamo. ⁷ Maioro bajirā mɥa rāca ñacōa ñarūgūrɥarāma. No mɥa bojarirūmɥ quēnaro ĩnare ejarēmomasirɥarāja mɥa. Yɥma, mɥa rāca ñacōa ñabetirɥcɥja. ⁸ Adio, quēnaro so yimasiro cōro yɥre yamo. Yɥre sɥtiquēnase so yuejeojama, yɥre ĩna yujeroto rījoro yuejeo rījoro cɥtigo yamo. ⁹ Riojo mɥare gotiaja yɥ. Yɥ bajiroti quēnase quetire, adi macarɥcɥroana jedirore gotibatorɥarāma masa. To bajirone bajirɥaroja sɥtiquēnase yɥre so yuejeose queti quēne. So yuejeosere masiritimenane tire gotibatorɥarāma —ĩnare yigotiyuju Jesús.

“Jesúre ñiatio” yigɥ, ĩre ĩaterā tɥjɥ Judas i goticudigɥ vare queti
(Mt 26.14-16; Lc 22.3-6)

¹⁰ Judas Iscariote vāme cɥtigɥ rāca ñarā ñajediro Jesús buerimasa juaāmo cōro, gɥbo jua jēnituarirācɥ ñañujarā. To bajiboagɥ, paia ɥjarā ĩna ñarɥjare vasuju, Jesúre ĩnare ĩsirocarɥ.

¹¹ Jesúre ĩ ĩsirocarɥasere ajvariquēnacōari,

—Gājoa mɥre ĩsirɥarāja yɥa —ĩre yiyujarā ĩna, paia ɥjarā.

To ĩna yisere ajvariquēnacōari, tudicoasuju Judas. Jesús tɥjɥre ejacōari, “¿Dirīmaro ũnone Jesúre ĩnare yɥ ĩsijama, josari mene ĩre ñiamasirojari ĩna?”, yitɥoĩañuju ĩ.

Jesús ĩ batɥsare queti
(Mt 26.17-29; Lc 22.7-23; Jn 13.21-30; 1 Co 11.23-26)

¹² Pascua boserūmɥ pan ũmato vauvase vɥoyamani basɥoriarūmɥ, to yicōari oveja macɥre ĩna sīariarūmɥ ejayuju ti. To bajiri Jesús buerimasa ado bajiro ĩre sēniñañujarā ĩna:

^k 14:5 Cojorūmɥ moare vaja, cojo denario vaja cɥtiyuju.

—Pascua bošerũmu ñajare, mani barotire, ¿noju bare yua quẽnoyusere bojati mu? —İre yisẽniĩañujarã.

13-14 To İna yijare, ado bajiro İnare yicõañuju Jesús:

—Jerusalénju mũare yu gotigu tũre vasa mua. To mua ejarone, sīgũ, oco vagu mũare bocarũcumi. İre sũyaja mua. To bajicõari, vi İ sãjarone, ti vi ıjũre ado bajiro İre yiba: “Gotimasiorimasu, ‘¿noju ñati Pascua bošerũmu adi ñami yu buerimasare yu ũmato barotijau?’ mũre yicõami”, yiba mua. 15 To mua yirone, mũare İorũcumi, vecaga sõa, jairisõa, mame quẽnogajanoriasõare. Tone mani barotire quẽnoyuba mua — İnare yiyuju Jesús, İnare varotigu.

16 To İ yijare, vacoasujarã İna juarã yuja. To eja, İ yiri-arore bajirone bajiyuju ti. To bajiri tisõaju İna barotire quẽnoyuyujarã İna.

17 To bajiri Pascua bošerũmũaye bare bariaju ti ejaro, İ buerimasa juããmo cõro, gubo juã jẽnituarirãcu ñarã ejacõari, barujiyujarã İna, İ rãca. 18 İna bañarone, ado bajiro İnare yiyuju Jesús:

—Riojo mũare gotiaja yu. Sīgũ mua rãcagu, yu rãca bagu, yũre İaterãre yũre İsirocarũcumi —İnare yiyuju Jesús.

19 To İ yisere ajicõari, buto sũtiritiyujarã İna. Tocãrãcũne sũtiritirã ñari, ado bajiro İre sẽniĩañujarã İna:

—¿Yũne ñabetiboati, mũre İsirocarocu? —İre yisẽniĩañujarã İna.

20 To bajiro İna yisere ajicõari, ado bajiro İnare cũdiyuju Jesús:

—Mua rãcagu sīgũ, yu rãca yosebagu ñaami yũre İsirocarocu.

21 Dios oca masa İna ucamasire ti gotirore bajiro rojose tãmuorũcũja yu, Dios İ roticõacacu. To bajirocu yu ñajare, yũre İaterãre yũre İsirocarũcumi. Yũre İ İsirocaroti sũorine rojose tãmuorũcũja yu. “Masare yirẽtobosarũcumi” Dios İ yimasire ñajare, bajirũcũja yu. To bajiboarine, yũre İsirocarocũjuama, rojose tãmuorũcumi. Ruyuabeticõarocu ñaboayumi —İnare yiyuju Jesús.

22 İna bañarone, pan ãmicõari, “Quẽnaja”, Diore yiyuju Jesús. To yigajano, tire mũtocõari, İ buerimasare İnare İsiBATOGũne ado bajiro İnare yiyuju İ:

—Baya mua. Ti ñaja yu ruju rii —İnare yiyuju.

23 Tire İna bagajanorone, idiriabaja ãmicõari, “Quẽnaro yaja mu”, Diore yiyuju quẽna. To yicõari, tibajare İnare İsiñuju. İna jediro idijedicõañujarã İna. 24 İsigũne, ado bajiro İnare gotiyuju Jesús:

—Adi ñaja tirũmũana “Rojose mani yirere masirioato” yirã, Diore rũcũboriaju joere İna yuejeoriarore bajiro bajise. Yucũrema, yu ri İ ñaja. Ti sũorine, “Gajerodo to bajiro mũare yirũcũja yu” Dios İ yicũmasiriarore bajiro bajirũaroja yuja.

To bajicōari, jājarā masa rojose ĩna yisere masiriocōari, tudituoĭabetirucami Dios yuja.¹ ²⁵ Riojo mure gotiaja yu. “Rotimuo rūgōrucami” yigu, Dios yure ĩ cūroto rĭjoro, quēna juaji yue oco idibetirucija yu –ĩnare yiyuju Jesús.

“*Jesúre masibeaja yu' yirucija mu*”, *Pedrore Jesús ĩyire queti* (Mt 26.30-35; Lc 22.31-34; Jn 13.36-38)

²⁶ To ĩ yiro bero, Diore rūcubuoarā, basayujarā ĩna. Basagajano, Olivo vāme cūti buroju vacoasujarā ĩna yuja. ²⁷ To ĩna vatone, ado bajiro ĩnare yiyuju Jesús:

–Adi ĩamine yure ajitirūnu tujacōari, vaveoruarāja mua jediro. Dios oca masa ĩna ucamasire to bajiro ti gotijare, to bajise mure gotiaja yu. Ado bajiro gotiaja ti: “Oveja coderimasire bajiro bajigure sĭarucija yu. To bajiri ĩ yarā ovejare bajiro bajirā rudibatecoaruarāma”, yigotiaja Dios oca masa ĩna ucamasire, manire gotiro. ²⁸ Yure mua vaveoboajaquēne, yure ĩna sĭaro bero, quēna tudicaticōari, Galilea sitaju mua vato bero, yujna, mua rĭjoro ĩatujarucija –ĩnare yiyuju Jesús.

²⁹ To ĩ yisere ajicōari, ado bajiro ĩre yiyuju Pedro:

–Ānoa jediro, mure ĩna vaveoboajaquēne, mure vaveobetirucija yuma –Jesúre ĩre yiyuju.

³⁰ To ĩ yisere ajicōari, ado bajiro ĩre cūdiyuju Jesús:

–Riojo mure gotiaja yu. Adi ĩami busiyujna gājabocu juaji ĩ ĩagōroto rĭjoro, idiaji, “Jesúre masibeaja; ĩ rācagu me ĩaja yu”, yisocarucija mu –Pedrore ĩre yiyuju ĩ.

³¹ To bajiro ĩ yisere ajicōari, ado bajiro cūdiyuju Pedro:

–Mu rāca yure ĩna sĭaruajaquēne, “Jesúrācagu me ĩaja yu”, yisocabetirucija yu –Jesúre yiyuju Pedro.

To bajiro Pedro ĩ yisere ajicōari, gājerā Jesús buerimasa quēne, to bajiro yijedicōañujarā ĩna.

Getseman'i vāme cūtoju Jesús ĩ jacure ĩ sēnigū vare queti (Mt 26.36-46; Lc 22.39-46)

³² To ĩna yiro bero, Getseman'i vāme cūtoju ĩnare ũmato vasuju Jesús. Toju ejacōari, ado bajiro ĩnare gotiyuju:

–Diore sēniguacu yaja yu. To yu vatoye, ado rujicōaña mua maji –ĩnare yiyuju ĩ.

³³ To yigajanogūne, Pedrore, Santiagore, to yicōari Juanre quēne ji vasuju Jesús. To vacu, buato tuoĭasūtiritiyuju ĩ yuja.

³⁴ To bajiro bajigu ĩnari, ado bajiro yiyuju Jesús ĩ rāca variarāre:

–Buto tuoĭasūtiritiaja yu. Sūtiriosene yure sĭaro yaja. Adone yure yuñaña maji. Yu cānibetore bajirone cānibeja mua quēne, Diore sēniñarā –ĩnare yiyuju Jesús.

¹ 14:24 “Rojose mani yirere masirioato” yirā, Diore rūcubuoariaju joere judío masa ĩna yuejeomasirere gotiaja.

³⁵ To yicōari, to sojubusa varēmoñuju Jesús. Va, sita tūcuroju murocacūcōari, Diore sēniñuju ĩ, “Yure ĩna sīarotire yure mata-bosato ĩ” yigu. ³⁶ Ado bajiro Diore sēniñuju ĩ:

—Cacu, ñajediro yimasigū ñaja m̄. Yure ĩna sīaroti matamasi-aja m̄. To bajiboarine, m̄ bojarore bajirone bajiato —Diore yiyuju.

³⁷ To yigajano, Pedro mesa ĩna cānitoyene ĩna tuj̄u ejayuju. ĩnare yujiogune, ado bajise Pedrore ĩre yiyuju Jesús:

—¿Simón, cāniati m̄? ¿No yirā cojo hora cōro cānibetibusarāne, yure yuñabetimasucōati m̄a? ³⁸ Yu cānibetore bajirone cānibesa m̄a quēne. To bajicōari, Diore sēniña, “Vātia uj̄u Satanás ĩ yiotisere yicōari, Dios ĩ bojabetire yirobe” yirā. Riojo m̄are masiaja yu. “Dios ĩ bojasere yir̄c̄uja” yirā ñaboarine, cojojirema rojose t̄oñarā ñari, Dios ĩ bojabetij̄are yirūgūaja m̄a —Pedro mesare ĩnare yiyuju Jesús.

³⁹ To yicōari, gāme vacu, Diore ĩ sēniriarore bajirone tudisēniñuju ĩ quēna. ⁴⁰ To yigajano, vacune, cāniariarāre ĩnare ejayuju quēna. B̄to v̄j̄aejarā ñari, cāniñujarā ĩna. To bajiri r̄j̄oro ĩnare ĩ yiriarore bajiro ĩnare ĩ sēniñaro, ĩre c̄dimasibesujarā ĩna. ⁴¹ To bajiro ĩnare yigajanocōari, Diore sēnigū vasuju Jesús quēna. Diore sēnigū var'i, tudiejacōari, ĩnare yujiouyuju:

—¿No yirā cāni manicōati m̄a maji? Ado cōrone, Dios ĩ roticōacacure, rojose yirāre yure ĩsirocarocu vadicoagumi yuja. ⁴² To bajiri yujiya m̄a. ĩre bocarā vajaro. Yure ĩsirocarocu vadiami yuja —ĩnare yiyuju Jesús.

Jesúre ĩna ñiare queti

(Mt 26.47-56; Lc 22.47-53; Jn 18.2-11)

⁴³ To bajiro Jesús ĩnare ĩ yĩñarir̄marone, Judas Iscariote vāme catigu, Jesús buerimasa rācagune vayuju yuja. Jājarā ĩ rāca vayujarā jariaseri c̄orā, gājerā yuc̄juriri c̄orā. Paia ujarā, Dios ĩ rotimasire gotimasiorimasa, to yicōari b̄c̄arā quēne ĩna cōariarā ñañujarā ĩna. ⁴⁴ J̄ere ado bajiro goti vayuju Judas, ĩ rāca vanare, “ ĩne ñaami Jesús' yĩamasiato ĩna” yigu:

—Jesúre sēnicōari, ĩre usur̄c̄uja yu. To yu yirone, ĩre ñiacōari, quēnaro ĩre ĩatir̄ñu vaja m̄a —ĩnare yi vayuju.

⁴⁵ To bajiro yir'i ñari, Jesús r̄j̄oroj̄ua ejacōari, ado bajiro ĩre yiyuju Judas:

—Gotimasiorimasu, ¿ñati m̄? —ĩre yigune, usuyuju ĩ.

⁴⁶ To ĩ yirone, Jesúre ĩre ñiañujarā Judas rāca vadiriarā.

⁴⁷ To ĩna yirone, sīgū Jesús tu r̄gōgū, ĩ jariase yoveaāmicōari, paia uj̄u ñamasugūre moabosarimas̄are gāmoro jatarocacōañuju. ⁴⁸ To ĩ yiro bero, ĩre ñiarā ejarāre ado bajiro yiyuju Jesús:

—¿No yirã gajeyeũni juarudirimasare ñiarã vanare bajiro jariaseri rãca, yucájuriri rãca yũre ñiarã vadiati mũa? Tocãrãcarũmũne Diore yirũcũbũoriaviũ mũa ñaro mũare gotimasio rujirũgũmũ yũ. To yũ bajiboajaquẽne, yũre ñiabetirũgũmũ mũa maji. ⁴⁹ Diore gotirẽtobosarimasa, ado bajiro yũre mũa yirotirene ucamasifũma. To bajiri, to bajirone yũre yaja mũa —ñare yiyuju Jesús, ñre ñiarã ejarãre.

⁵⁰ Jesũre ñna ñiasere ñacõari, ũmarudijedicoasujarã ñna, ñ buerimasa jediro. ⁵¹ To ñna bajiboajaquẽne, gãji mamũ, Jesũre ñna ãmivatone, ñnare sũyasuju ñ. Sudijãirine gãmañuju. To ñ bajirone, ñre ñiaboayujarã ñna, Jesũre ãmivana. ⁵² ñre ñiaca yirã, ñ gãmaritore tũaveacõañujarã. To ñna yigũ, sudi magũne ũmacoasuju.

Jud'io masa ƣjarã, “Mũ masu ye sũorine sãacorũcũja tũ”, Jesũre ñna yire queti

(Mt 26.57-68; Lc 22.54-55, 63-71; Jn 18.12-14, 19-24)

⁵³ Jesũre ñiãcõari, paia ƣju ñamasugũ tũju ñre ãmiasujarã. Toju rẽjacõari, ñañujarã paia ƣjarã, Dios ñ rotimasire gotimasionimasa, to yicõari bũcũrã quẽne. ⁵⁴ Jesũre ñna ãmivato, sõju yayiĩasũyayuju Pedro. ñnare yayiĩasũyacõari, paia ƣju ñamasugũ ya vi matariasãniro rẽtosãjacoasuju. Sãjacõari, Diore yirũcũbũoriavi coderimasa rãca rujiyuju ñ, jea sũmañagũ.

⁵⁵ Paia ƣjarã, to yicõari gãjerã ƣjarã, ñna jediro Jesũre sãarũayujarã. To bajiro yirã ñari, “Rojose masu yigũ ñaami Jesús” yisocarõnare macañujarã. ⁵⁶ Jãjarã masa socarãne ñna gotiboajaquẽne, ricati rĩne ñna yise ñajare, “To bajiro ñ yire ñajare, ñre sãaroti ñaja”, yimasibesujarã ñna maji. ⁵⁷⁻⁵⁸ To bajiboarine, sigũri vũmũrũgũcõari, ado bajiro yisocayujarã ñna:

—Ñni Jesús vãme cũtigu ñ ñagõmasisere ajibũ yũa. Ado bajiro yimasimi: “Diore yirũcũbũoriavire caguerocacõari, idiarũmũ tũsatirũmũne quẽna gaje vi masa ñna quẽnorivi mere quẽna tudibũajeocõarũcũja”, yimasimi ñ —yisocayujarã ñna.

⁵⁹ To bajiro yisocarã ñaboarine, tocãrãcũ ricati rĩne gotiboayujarã ñna. To bajiro ñna yise ñajare, “Ñ ye sũorine rojose tãmũorũcũmi”, Jesũre yimasibesujarã ñna maji.

⁶⁰ To bajiro ñna yisocaboajaquẽne, paia ƣju ñamasugũ, vũmũrũgũcõari, ado bajiro Jesũre yiyuju:

—To bajiro mũre ñna yi ocasãsere ¿no bajiro yati mũa? ¿Cũdibeati mũa? —Jesũre ñre yiboayuju.

⁶¹ To ñ yiboajaquẽne, cojo vãme cũdibeticõañuju. ñ cũdibetire ñacõari, ado bajiro Jesũre sãniñañuju paia ƣju ñamasugũ quẽna:

—¿“Rotimũorũgõrũcũmi” yigũ, Dios ñ cõar'ine, Dios macũne ñati mũa? —Jesũre yisãniñañuju paia ƣju ñamasugũ.

⁶² To bajiro ñ yisere ajicõari, ado bajiro ñre cũdiyuju Jesús:

—Ĩne ñaja yu. To bajiri, Dios ĩ roticõacacu ñari, ĩ riojojacatu rujicõari, masare beseguagu, oco bueri vatoaju yu rujiadire ĩaruarãja mu —paia uju ñamasugũre yiyuju Jesús.

63 To ĩ yirone, “Jesús ĩ yisere ajiteaja” yigu, ĩ sudire tãvovoyuju paia uju ñamasugũ. To yigune, ado bajiro ĩ rãcanare yiyuju ĩ:

—j“Diore bajiro bajigu ñaja yu” yigu yami! No yirã gãjerã, “Rojose yigu ñaami” yironare macarẽmomenaja mani yuja. 64 Mu quẽne Diore rãcububobecu ĩ yisere ajiaja mu. To bajiro ĩ yise ajicõari, ¿no bajiro ĩre yiroti ñati? —ĩ rãcanare yiyuju paia uju ñamasugũ.

To bajiro ĩ yisere ajicõari, ado bajiro ĩre cãdiyujarã:

—Rojose masu yicõami. ĩre sãcõaroti ñaja —yicãdiyujarã ĩna.

65 To yicõari, sãgãri, Jesúre gooco eoreatuyujarã ĩna. To yicõari, ĩ cajere siabibecõari, ĩre jayujarã. To yicõari,

—“ ‘Ĩ, mre jaami’ mre yigotiami Dios”, mre yiya mu —ĩre yiajatud'iyujarã ĩna.

Diore yirãcububoriavi coderimasa quẽne, ĩre jayujarã ĩna.

“Jesúre masibeaja yu”, Pedro ĩyire queti

(Mt 26.69-75; Lc 22.56-62; Jn 18.15-18, 25-29)

66 Vi jubeaju Jesúre rojose ĩna yĩnarone, macajũju ñacõañuju Pedro. To ĩ narone, sãgõ, paia uju ñamasugũre moabosarimaso, ejayuju so. 67 Pedro ĩ jea sũmañaro ĩre ĩacõari, ado bajiro ĩre yiyuju so:

—Jesús, Nazaret macagu rãca vacudir'i ñagũja mu quẽne —ĩre yiyuju so.

68 To bajiro so yisere ajicõari, ado bajiro yiyuju Pedro:

—“Riojo yaja mu”, mre yimasibeaja yu. Mre ajimasibeaja —sore yiyuju Pedro. To bajiro yicõari, matariasãniro sãjariosoje tu vasuju Pedro. 69 To ĩ ñasere ĩacõari, quẽna soje tu ñarãre ado bajiro gotiyuju so, moabosarimaso:

—Ăni, Jesúrãca vacudir'i ñaami —yiyuju, ĩnare gotigo.

70 To bajiro ĩnare so yisere ajicõari, quẽna, —ĩre masibeaja yu —yiyuju Pedro.

To so yiro bero, to ñarã ado bajiro Pedore yiyujarã ĩna:

—Riojo yaja. Jesúrãca vacudirũgũgũne ñaja mu quẽne. Mu quẽne Galilea sitagu ñaja mu —Pedore yiyujarã ĩna.

71 To bajiro ĩna yisere ajicõari, ado bajiro cãdiyuju Pedro:

—Ĩre masibeaja yu. Socu me yaja yu. Socabetimasucõaja. Dios, mre ajigumi —ĩnare yicãdiyuju Pedro.

72 To bajiro ĩ yigajanorirĩmarone, gãjabocu juaji ñagõcõañuju yuja. ĩ ñagõsere ajicõari, Jesús ado bajiro ĩre ĩ gotirere masibajayuju Pedro yuja: “Gãjabocu juaji ĩ ñagõroto rĩjoro idiaji,

‘Jesúre masibeaja yu’ yirucaja mu’ ĩre ĩ yirere masibujayuju. Tire masibujacõari, buto otiyuju.

15

Pilato tujũ Jesúre ĩna ãmiejare queti

(Mt 27.1-2, 11-14; Lc 23.1-5; Jn 18.28-38)

¹ Busurocacũse rãca bucũrã, paia ujarã, to yicõari Dios ĩ ro-timasire gotimasiorimasa quẽne, ujarã ñajediro tudirẽjañujarã ĩna. To bajicõari, Jesús ãmorire siacõari, ĩre ãmiasujarã ĩna, Pilato vãme cutigũ ya vijũ vana. To bajiri ĩ ya vijũ Jesúre ãmiejayujarã ĩna. ² Jesúre ĩna ãmiejarone, ado bajiro ĩre sẽnĩñañuju Pilato:

—¿Mũne ñati jud'io masa uju? —ĩre yiyuju Pilato.

To bajiro ĩ yisere ajicõari, ado bajiro ĩre cudiyuju Jesús:

—Mu yirore bajirone bajiaja yu —ĩre yiyuju Jesús.

³ To ĩ yirone, paia ujarã,

—Cojo vãme me rojose yigũ ñaami. Ado bajise rojose yimi —Pilatore yi ocasãñujarã paia ujarã. ⁴ To bajiro Jesúre ĩna yi ocasãsere ajicõari, ado bajiro Jesúre sẽnĩñañuju Pilato:

—¿No yigũ cudibeati mu? ¿Cojo vãme me, rojose mũre ĩna yisere ajibeati mu? —Jesúre yiyuju Pilato.

⁵ To bajiro ĩre ĩ yisẽnĩñaboajaquẽne, ĩre cudibeticõañuju Jesús. ĩ cudibetire ĩacõari, no yimasibesuju Pilato, ĩre bajiro bajigũre ĩabetirũgũr'i ñari.

“Jesúre sĩaroti ñaja”, ĩna yire queti

(Mt 27.15-31; Lc 23.13-25; Jn 18.38-19.16)

⁶ Tocãrãca cũma Pascua boserũmu jud'io masa ĩna quẽnojama, sīgũ tubibe ecor'ire ĩna burotigũre ĩnare bubosarũgũñuju Pilato. ⁷ Tubiberiavijũ ñarã, “Gobierno ĩ rotiboasere cudibeticõari, mani masu rotirãsa” yirã rãcagũ ñañuju Barrabás vãme cutigũ. ĩ babarã rãca rojose yicõari, masare sĩañuju ĩ. To bajiro ĩ yire vaja tubiberiavijũ ñañuju ĩ. ⁸ To bajiri jãjarã masa Pilato tujũ ejacõari, ado bajiro ĩre sẽnĩñujarã ĩna:

—Yũare mu yibosarũgũcatore bajiro yiya quẽna —ĩre yisẽnĩñujarã ĩna.

⁹ To bajiro ĩna yisere ajicõari, ado bajiro ĩnare sẽnĩñañuju Pilato:

—¿Ñimũjũare yu busere bojati mũa? ¿Jud'io masa ujuare yu busere bojati que mũa? —ĩnare yisẽnĩñañuju Pilato. ¹⁰ “Jesúre ĩajũnisinirã ñari, yu tu ãmiejama” yitũoĩagũ ñari, ĩre burũ, to bajiro yiyuju.

¹¹ To bajiro ĩ yiboajaquẽne, masare to rẽjarãre rĩjorojũne ĩnare ocasãcõañujarã paia ujarã, “Barrabájũare burotito mani”

yirã. ¹² To bajiri Barrabáre ñna burotijare, quëna ñnare tud-isëniñañuju Pilato:

—To yijama, ¿no bajiro yiguti yu, Jesúre, “Jud'io masa uju ñnaami” muu yigujarema? —Ñnare yisëniñañuju.

¹³ To i yirone, ado bajiro ñre avasãcadiyujarã:

—Yucátëroju ñre jajusiaroticõaña mu —Ñre yiyujarã ñna, Pilatore.

¹⁴ To ñna yijare, ado bajiro ñnare sëniñañuju Pilato:

—¿Ñie rojose i yire suori ñre sïarotiguti yu? —Ñnare yiyuju Pilato.

To i yiboajaquëne, quëna butobusa tudiasasãñujarã ñna:

—Yucátëroju ñre jajusiaroticõaña —yivasasãñujarã ñna.

¹⁵ To bajiro ñna yijare, masa to rëjarã ñna bojarore bajiro yiruaçu ñari, Barrabáre bucõañuju Pilato. Jesújarema, i surarare ñsiñuju, “Ñre bajecõari, yucátëroju jajusiato ñna” yigu.

¹⁶ To bajiri ñna ya vijü, Jesúre ñmiejayujarã surara mesa. Ñre ñmiejacõari, ñna jediro ñre gãnibiarügñujarã. ¹⁷ To yicõari, “Ujare bajigu ñnato” yirã, ujarã ñna sãñarito ñnore, sïarivujorore Jesúre sãñujarã. To yicõari, i rüjoa joere jotabedo ñna suari-abedone ñre jeoyujarã. ¹⁸ To bajiro ñre yicõari, ado bajiro ñre yiajatud'iyujarã:

—Jud'io masa ujare muu quënarotiaja yua yuja —Jesúre yiyujarã ñna.

¹⁹ To yicõari, yucá räca i rüjoare jayujarã. Ñre jacõari, gooco ñre eoreatuyujarã ñna. To yicõari, “Muure rücuõoaja” yiajatud'irã, i rüjoroju gusomuniari tuetuyujarã. ²⁰ To bajiro ñre yigajanocõari, ujarã ñna sãñarito ñnore ñna sãriarore ñre veayujarã ñna quëna. To yicõari, i sudijua ñre sãñujarã quëna. Ñre sudi sãgajanocõari, yucátëroju ñre jajusiaroana, ñre ñmiasujarã.

Yucátëroju Jesúre ñna jajusïare queti
(Mt 27.32-44; Lc 23.26-43; Jn 19.17-27)

²¹ Ñre ñmivanane, sīgü Cirene vãme cuti sitagu, Simón vãme cutigure, Alejandro, to yicõari, Rufo, ñna jacure bocayujarã. Ñre bocacõari, —Jesús i gaja vatijãire ñre gajabosaya —Ñre yivasujarã ñna.

²² To yi vanane, Gólgota vãme cuti buroju ejayujarã ñna. “Rüjoco Buro” yire ñni ñañuju “Gólgota” yire. ²³ Toju ejacõari, uye ocore, mirra vãme cutise räca vuocõari, Jesúre ñre ioyujarã ñna. “Ñre jünise jüni ruyubeticõato” yirã, yiboayujarã. Idibesuju Jesújama. ²⁴ To yicõari, yucátëroju Jesúre jajutuyujarã ñna. To yicõari, Jesús ye sudire bojarã, ado bajiro yiyujarã:

—Ñimujua ñni sudi i ujaro ñaïarãsa mani —yiajeyujarã, gütarine reacüñañarãne. To bajiro yiajecõari, i ye sudi gãmerã ñsibatoyujarã ñna.

25 Muiju asitutuatiya ĩre jajutuyujarã ĩna. 26 Jesús ĩ tuyaritẽrojũre ĩ rãjoa vecare ucaturiajũ tuyayuju. “Ado bajiro ĩ yise suorine jaju ecoami”, yĩorijũ ñañuju. Ado bajise gotiyuju: “Ãni ñaami jud'io masa uju”, yigotiyuju ti.

27 Jesúrãca juarã, jaju ecoyujarã ĩna. Gajeyeũni juarudirimasa ñañujarã. Sĩgũre Jesús riojojacatuare, gãjirema ĩ gãcojacatuajũre jajutuyujarã. 28 To bajiro Jesúre yiyujarã, Dios oca masa ĩna ucamasire, “ ‘Rojorã rãcagu ñaami’ ĩre yĩaruarãma masa”, Jesúre yimasire ñajare. 29-30 Masa rẽtoana, ĩna rãjoari yure, yure yiyujarã, “Jaju ecor'ire ĩre ĩateaja” yirã. To yicõari, ĩre ajatud'iyujarã ĩna:

—“Diore yirũcũbũoriavire caguerocamasiaja yũ. To yicõari, idiarũmũ tusatirũmũne buajeocõamasiaja”, yiboacaju mũ. Socu me mũ yijama, mũ yimasise rãca mũ masune yucátẽrojũre rujicoaya —Jesúre ĩre yiajatud'iyujarã ĩna.

31 Paia ujarã, Dios ĩ rotimasire gotimasiorimasa quẽne, to bajirone Jesúre yiajatud'i ñañujarã ĩna. Ado bajiro yiyujarã:

—Gãjerãrema catiogũ ñaboarine, ĩ masu rojose ĩ tãmuoserema yirẽtomasibeami —yiajatud'i ñañujarã ĩna. 32 —“Rotimũorũgõrucũmi” yigũ, Dios ĩ cõagũ, Israel ñamasir'i jãnerabatia mani uju ñaami. To bajiri yucátẽrojũre rujicoadiato. To bajiro ĩ bajiro ĩacõari, “ĩne ñaami”, yimasiruarãja —yiajatud'iyujarã. Juarã Jesúrãca yucátẽrojũ jaju ecoriarã quẽne, to bajirone Jesúre yitud'iyujarã ĩna.

Jesús ĩ usutadire queti

(Mt 27.45-56; Lc 23.44-49; Jn 19.28-30; He 9.1-28)

33 Ñmurecaji ñarone, rẽtiacoasuju yuja. Idia hora rẽtiañañuju. 34 To cõro ti rẽtiatusatone, jud'io masa ye rãca ado bajiro tutuaro avasãñuju Jesús:

—Eloi, Eloi, ¿lema sabactani? —yivasãñuju. (“Dios, yũ jacũ, ¿no yigũ yũre cãmotadiati mũ?” yire ũni ñañuju ti.)

35 Sĩgũri toju ñarã, to bajiro ĩ yivasãsere ajicõari, ado bajiro yiyujarã ĩna:

—¡Ajiya mũa! Diore gotirẽtobosarimasu El'ias ñamasir'ire jigũ yami —yiyujarã ĩna.

36 To bajiro Jesús ĩ yivasãrone, sĩgã, Jesús tu ũmaejacõari, uye oco jiarere ñiabiãcõari, yucú gajaju siatucõari, Jesús rise tãjũre ñumũotuyuju. To yigũne, ado bajiro ĩ rãcanare yiyuju ĩ:

—Ñagõbesa mũa maji. El'ias ñamasir'i ãnire ĩ rujiosere ĩato mani —yiyuju ĩ.

37 Tutuaro avasãtusa, usutadicoasuju yuja. 38 Tirĩmarone, Diore yirũcũbũoriavi yotoria gasero vorujijedicoasuju ti. “ ‘Dios ĩ ñarisõa’ vãme cuti sõare sãjamasibeama masa” yirã, ĩna yotoria gasero ñañuju.

³⁹ Jesús ĩ usutadiro, ĩ rĭjorojua ĩarũgõñuju surara uju. To bajiri Jesús ĩ usutadisere ĩacõari, ado bajiro yiyuju ĩ:

—Socabesumi. Dios macune ñaboayumi ãni —yiyuju ĩ.

⁴⁰⁻⁴¹ Galilea sitaju Jesúre suyavadiriarã rõmiri quẽne sõju ĩarũgõñujarã. ĩna ñañujarã ĩejarẽmoriarã. ĩna rãca ñañuju Mar'ia Magdalena. Gajeo Mar'ia vãme cutigo quẽne ñañuju. Sone ñañuju Santiago Mojogũ ĩna yigu, to yicõari, José vãme cutigu jaco. Gajeo, Salomé vãme cutigo quẽne ñañuju. Gãjerã jãjarã ñañujarã Jesúre suyavadiriarã rõmiri, Jerusalénju ĩ rijarere ĩariarã.

Jesúre ĩna yujere queti

(Mt 27.57-61; Lc 23.50-56; Jn 19.38-42)

⁴²⁻⁴³ Arimatea macagu, José vãme cutigu quẽne, ñañuju. Jud'io masa ujarã rãcagu, masa ĩna ĩarũcubuoꝑu, “‘Rotimũorũgõrũcũmi’ yigu, Dios ĩ cõar'i ñaami”, Jesúre yitũoĩagũ ñañuju. Tirũmũjuama jud'io masa ĩna usũsãjararũmũ rĭjoroagarũmũ rãiorotirũmũ rĭjoroaca ñañuju. To bajiri José, Jesús ĩ rijatore ĩacõari, “Jesúre rũcubuoꝑu ñaja yu” yitũoĩatutuacõari, Pilatore sãnigũ vasuju, Jesús rujarire ãmirũ. ^m

⁴⁴ Pilatojua, José ĩ sãnisere ajicõari, “¿Socabeati? ¿Jẽre rijacoasujari ĩ?”, yitũoĩañuju. To yigu ñari, surara ujure jiyuju. To bajiri ĩ ejarone,

—¿Rijamasucoati Jesús vãme cutigu? —ĩre sãnĩañuju ĩ.

⁴⁵ To ĩ yisere ajicõari, —Jẽre rijacoami —ĩre yicũdiyuju ĩ, surara uju.

To ĩ yirone, José ĩ sãnĩrore bajirone ĩre cũdiyuju Pilato. ⁴⁶ To ĩ yir'i ñari, sudijãiri botiquẽnarĩjãiri rãca Jesúre ĩ gũmarotijãirire vaja yicõari, ĩ rujarire rujiogu vasuju. ĩre rujiocõari, ĩre gũmañuju, tijãiri rãca. To yigajanocõari, masa yujeriavi gũtavi mame ĩ quẽnorotiriaviju ĩ rujarire cũñuju. To yicõari, ti vi sojere gũtane tũnuobibecũ vacoasuju ĩ. ⁴⁷ Mar'ia Magdalena, to yicõari gajeo Mar'ia, José vãme cutigu jaco quẽne, Jesús rujarire José ĩ cũro ĩañañujarã ĩna.

16

Jesús ĩ tudicatire queti

(Mt 28.1-10; Lc 24.1-12; Jn 20.1-10)

¹ Usũsãjararũmũ ti jediro, quẽna moasũoriarũmũ jẽjuaca Mar'ia Magdalena, gajeo Mar'ia, Santiago jaco, to yicõari Salomé vãme cutigo quẽne, sũtiquẽnase vaja yiyujarã ĩna, “Jesús

^m 15:42-43 “Usũsãjararũmũre yirã, ĩna moatusariarũmũ rãioato bero ñasũoaja”, yirũgũñujarã jud'io masa. To bajiri, quẽnoveo jeocõarũgũñujarã ĩna usũsãjarotirũmũ ejaroto rĭjoro, tirũmũre “Moamenane usũsãjacõa ñarãsa” yirã ñari.

rujare turāsa mani” yirā. ² To yicōari, muiju ī busumajado, Jesús rujarire ĩna yujeriavire ĩarā vasujarā ĩna. ³ Vanane,

—¿Ñimū ñarojari, yujeriavi gūta ĩna biberiare manire tūnuogobosarocu? —gāmerā yiyujarā ĩna.

⁴ Ejacōari, ĩna ĩajama, gūta tūnuo bibeboariaro mañuju. ⁵ Jairicaro ñañuju. To bajiri ti vi sājacōari, sīgū ángel ī rujisere ĩañujarā ĩna. Sudiro botiriase yoariase sãñacōari rujiyuju riojojacatajare. Buto güiyujarā ĩna. ⁶ To ĩna bajirone, ado bajiro ĩnare yiyuju ĩ:

—Güibesa m̄ua. Jesús Nazaret macagure, yucátēroju ĩna jajusĩamasigūre m̄ua macasere masiaja yu. Maami adojure. Tudicaticoami. ĩre ĩna cūmasirijure ĩaña m̄ua. ⁷ Vasa m̄ua. ĩ buerimasare ado bajiro ĩnare gotiaya: “Mani rĳoro Galilea sitaju varocu ñañuju. Toju ĩre tudĩaruarāja mani, ĩ goticatore bajirone”, ĩnare yigotiaya m̄ua —ĩnare yigotiyuju ángel.

⁸ To ĩ yisere ajicōari, Jesúsre ĩna yujeboariaviju budicōari, güirā ñari buto nanañujarā. To bajicōari, gājeräre gotimenane ũmacoasujarā ĩna.

Mar'ia Magdalenare Jesús ĩ ruyuaĩore queti (Jn 20.11-18)

⁹ Tirām̄u, Jesús ĩ tudicatiriarūm̄u, ti semana ñas̄orirūm̄u ñañuju ti. Busuriju jēju quēna tudicaticōari, Mar'ia Magdalenare rĳoro ruyuaĩoñuju ĩ. Cojomo cōro gaje āmo jua jēnituarirācu so usuju sãñariaräre vātiare ĩ bureario ñañuju so. ¹⁰ Jesús ĩ tudicatisere ĩacōari, ĩ buerimasare ĩre t̄oĩas̄utiriti otiräre gotigo vasuju so. ¹¹ ĩna t̄u ejacōari ado bajiro yiyuju so:

—Quēna catiami Jesús. ĩre ĩam̄u yu —ĩnare yiboayuju so.

So gotisere ajiboarine, “Riojo gotiamo”, yibesujarā ĩna.

¹² Bero, ĩ buerimasa j̄uarā Jerusalénju budicōari ĩna vacudirone, ĩnare ruyuaĩoñuju Jesús quēna. Gājire bajigu ñacōari, ĩnare ruyuaĩoñuju. To bajiri, ĩre ĩamasibesujarā ĩna maji. ¹³ “Jesús ñaami” yĩamasicōari, tudiasujarā ĩna, gājerā ĩ buerimasare gotirā vana. ĩna gotiboajaquēne, “Riojo gotiama”, yibesujarā ĩna quēne.

“Ado bajiro yu oca masare gotimasioruarāja m̄ua”, Jesús ĩ yire queti

(Mt 28.16-20; Lc 24.36-49; Jn 20.19-23)

¹⁴ To yiro bero, cojorūm̄u ĩ buerimasa j̄uaāmo cōro, ḡubo coja jēnituarirācu ñarā ĩna barujirone, ĩnare ruyuaĩoñuju Jesús quēna. ĩnare ruyuaĩocōari, ado bajiro ĩnare gotiyuju Jesús:

—Y_u tudicatiro bero, gãjerãre y_u ruyuañosere ãacõari, muare ãna gotiboasere, “Riojo gotiama”, yituoĩabej_u mu_a. “Jẽre masi-aja” yirãre bajiro tuoĩaboabu mu_a. Tuoĩavasoaruabej_u mu_a — ãnare yigotiyuju Jesús. ¹⁵ To bajiro yicõari, quẽna ado bajiro ãnare rotiyuju Jesús:

—Masa jedirore y_u ocare ãnare goticudiruarãja mu_a, “Ajitirũnũato” yirã. ¹⁶ No bojagure, y_u ocare ajitirũnũacõari, oco rãca bautizarotigure, “Rojose maja” ãre yĩacõari, rojose tãmuotujabetiriaroju ã vaborotire ãre yirẽtobosaruçija y_u. To bajiboarine, no bojagu y_u ocare ajitirũnũbecurema, rojose ãnacõaruroja ãre. To bajiri rojose tãmuotujabetiriaroju varucumi ã ãgũma — ãnare yigotiyuju Jesús. ¹⁷ —Yure ajitirũnrã, ado bajiro yiruarãma ãna: Yure ajitirũnrã ãari, y_u masise sũorine masa usũrij_u sãñarãre vãtiare burearuarãma. To yicõari, ãna masibeti oca ãnaboaserene ãagõuarãma. ¹⁸ ãñare ãna ãiaboajaquẽne, to yicõari, oco jũnise vuore ãna idiboajaquẽne, no bajibetoja ãnare. Diore sãnícõari, rijarãre ãmo ãujectuarãma. To ãna yirone, caticoaruarãma — ãnare yiyuju Jesús.

Dios ã ãnaroju Jesús ã mũjare queti

(Lc 24.50-53)

¹⁹ To ã gotiro bero, Dios ã ãnaroju mani uju Jesũre ãmimũja vasuju Dios. ãre ãmimũja ejacõari, riojojacatuajure ãre rojoyuju Dios. ²⁰ To ã mũjaro bero, masa ãjedirore Dios oca goticudirã vasujarã ãna Jesús ã buerimasa yuja. To bajiro ãna goticudisere ãacõari, mani uju Jesús ãnare ejarẽmoũuju, “ãnare quẽnaro ajitirũnũato” yigu. To bajiri ã ejarẽmose rãca ãããamani masare yĩõũujarã ãna quẽne.

To cõrone ãaja.

Evangelio según SAN LUCAS

¹ Teófilo, ¿ñaboati m̄u? Jesús ĩ bajire queti m̄ure ucabosaḡu yaja ȳu. Jājarā masa Jesús ĩ bajire quetire ucayuma ĩna. ² Jesús buerā, ȳmare ĩna goticatore bajirone ucayuma. ³ To bajiri, ȳu quēne, ti queti jedirore quēnaro buecōari, tire m̄ure ucabosaḡu yaja ȳu. ⁴ “Ti quetire quēnaro masijeocōato” yiḡu, m̄ure ucabosaja.

Oco rāca masare bautizarimas̄u Juan vāme c̄utiḡu, ĩ ruyuare

⁵ Judea sitana ūj̄u, Herodes vāme c̄utiḡu ĩ ñarirodo ñañujarā Zacar'ias, ĩ manajo Isabel vāme c̄utigo rāca. Zacar'ias, Ab'ias ñamasir'i jānami ñari, pai ñañuju ĩ. ĩ manajo quēne pai, Aarón ñamasir'i jāneño ñañuju so. ⁶ Dios ĩ ĩajama, quēnarā ñañañujarā ĩna j̄uarāj̄une. ĩ rotirore bajirone yiyujarā ĩna. Masa quēne, “Rojose yirā ñaama ĩna”, ĩnare yimasibesujarā. ⁷ Rīa mana rīne b̄uc̄uḡā ñacoasujarā ĩna. B̄uto rīa c̄utir̄uar̄uḡūboayujarā, bajirāj̄uma.

⁸⁻⁹ Cojor̄ām̄u Diore yir̄uc̄ub̄oriavij̄u moañañuju Zacar'ias, ĩ yarā rāca. ĩna yir̄uḡūriarore bajiro yiyujarā: “Ñim̄j̄ua ‘Dios ĩ ñarisōa’ vāme c̄uti sōaj̄u ĩ sājaro ĩaīarāsa mani” yirā, reacūīañujarā, ḡūtarine. To yigajanocōari, “Zacar'ias ñaami, tisōaj̄u sājaro c̄u” yimasicōari, ĩre sājaro tiyujarā ĩna.

—Quēnase s̄utisere bueaya m̄u —ĩre yiyujarā ĩna.

To bajiri, tisōaj̄u sājajecōari, bueyuju ĩ, Zacar'ias. ¹⁰ Tire ĩ buetoyene, macaj̄uj̄u ñacōari, jājarā masa Diore sēniñañujarā ĩna. ¹¹ To bajiri quēnase s̄utise ĩ bueñarone, ĩ bueñaricasabo riojojacat̄uaj̄uare ruyuar̄uḡūñuju ángel. ¹² To ĩ bajirone ĩre ĩācacoasuju Zacar'ias. To bajicōari, b̄uto ĩre ḡūiyuju. ¹³ To ĩ bajirone, ado bajiro ĩre gotiyuju ángel:

—Ȳure ḡūibesa m̄u. Dios ĩre m̄u sēnir̄uḡūsere m̄ure ajiami. To bajiri, ado bajiro m̄ure yicōami: “Mac̄u c̄utir̄uc̄o como so, ĩ manajo. Juan ĩre vāme yato”, m̄ure yimi Dios —ĩre yigotiyuju ángel.

¹⁴⁻¹⁷ To yigajano, ado bajiro ĩre gotir̄ūtuasuju, Zacar'iare, ĩ mac̄u ñaroc̄u ĩ bajiro tire gotiḡu:

—M̄u mac̄u ñaroc̄ure Juanre ĩre ĩacōari, “Ȳure quēnaro r̄uc̄ub̄oami”, yir̄uc̄ami Dios. Ado bajiro bajir̄uc̄ami m̄u mac̄u: ĩjacore s̄āñaḡūj̄urene, Esp'iritu Santore cōar̄uc̄ami Dios, Esp'iritu Santo ĩ ejarēmose rāca t̄uoīacōari, Dios ĩ bojarore bajiro Juan ĩ yir̄uḡūrotire yiḡu. Masa rojose ĩna t̄am̄oborotire ĩnare yir̄etobosacōari, “Rotim̄or̄uḡōr̄uc̄ami” yiḡu, Dios ĩ cōaroc̄u,

Cristo ĩ ruyuaroto rĩjoro ruyuarucami ma macu. Idire mecusere, to yicõari, vinore quẽne idibetirucami. ĩ sũorine jãjarã Dios ĩ bojarore bajiro tudithoĩarũarãma Israel ñamasir'i jãnerabatia. Diore gotirẽtobosamasir'i El'ias vãme cutimasir'ire bajiro masare gũithoĩabecũne gotimasiorucami. Jacua ĩna rĩare “Tudimaiato ĩna” yigũ, gotirucami. Diore ajimena, “Thoĩavasoato ĩna” yigũ, to yicõari, “Rotimũorũgõrucami” yigũ, Dios ĩ cõarocũre Cristore yurã, quẽnase ĩna thoĩavasoarotire yigũ, to bajiro yirucami. To bajiro yirocu ĩ ñajare, ĩ ruyuario buto variquẽnarucũja ma. Jãjarã masa buto variquẽnarũarãma, bucucacu to bajiro ĩ gotisere ajicõari –Zacar'iare ĩre yigotiyuju ángel.

¹⁸ To ĩ yirone, ado bajiro ĩre yicũdiyuju Zacar'ias:

–¿No bajiro ma yisere ĩacõari, “Riõjo yami”, mũre yimasirucũada yũ? Rĩa mana bajiaja yũ. Jẽre bucũo ñaamo yũ manajo. Yũ quẽne bucũ ñaja yũ –ĩre yiyuju, ángeljuare.

¹⁹ To bajiro ĩ yijare, ado bajiro ĩre gotiyuju ángel:

–Diorãcagu ñaja yũ, Gabriel vãme cutigu. “Quẽnase queti gotiaya” yigũ, yũre cõami. ²⁰ To bajiri mũre yũ gotirore bajiro bajirũaroja. Adire yũ gotisere quẽnaro ajiya ma: Yũ gotisere “Bajibetoja” ma yithoĩajama, ñagõbecũ ñacoarucũja ma. Ma macu ĩ ruyuario bero tudithagõcoarucũja ma, bajigũjuma –Zacar'iare ĩre yigotiyuju, ángel.

²¹ To ĩna gãmerã yĩnarõ ãnone, macajãju Zacar'iare yucõa ñaũujarã ĩna. Yubũsaboana, “¿No yigũ to cõro yoaro bajiatĩ?”, yithoĩañujarã ĩna. ²² To ĩna yĩnarone, budicoayuju ĩ yuja. ĩna tũjũre budiejacõari ĩnare gotimasibesuju, ñagõmasibecũ ñari. To ĩ bajisere ĩacõari, “Diore yirũcũbũoriavijũ Dios ĩ ruyuaĩosere ĩar'i ñari, bajiami”, yimasicõañujarã ĩna. ĩnare gotimasibeticõa tũjasuju ĩ. To bajiro bajigũ ñari, ĩ ãmorine ĩ bajirere ĩnare gotiyuju.

²³ Diore yirũcũbũoriavijũ ĩ moarũgũrere moagajanocõari, ĩ ya vijũ tudicoasuju ĩ yuja. ²⁴ To ĩ bajĩ tudiejato bero, gũda ñacoasuju so, ĩ manajo, Isabel vãme cutigo. To bajiri cojomocãrãcũ muijua cõro vi budibeco bajiñañuju so. ²⁵ To bajiñagõne, ado bajiro yithoĩañuju so: “Rĩa manicoadicajũ yũ. To bajiri buto bojonerũgũcãju yũ. Yucũrema Dios yũre ĩamaicõari, quẽnaro ĩ yijare, gũda ñaja yũ yuja”, yithoĩa variquẽnarũgũñuju so.

Jesús ĩ ruyuarotire ángel ĩ gotigũ ejare queti

²⁶ Isabel vãme cutigo cojomo cõro, coja jẽnituarirãcũ muijua, gũda so ñatusato, quẽna gaje queti ĩre gotirotiyuju Dios, ángel Gabriel vãme cutigũre. Galilea sita, Nazaret vãme cuti macajũ ĩre cõañuju Dios. ²⁷ Tojũ ñañuju so, Jesús jaco ñaroco, Mar'ia vãme cutigo. Mamo, ãmũa rãca ñabeco ñañuju so. Ujũ David

ñamasir'i jānami, José vāme cūtigū manajoroco ñañuju so. ²⁸ To bajiri Gabriel, so tū ejacōari, ado bajiro sore yiyuju:

—¿Ñaboati mū? Gājerā rōmia rētoro quēnaro mūre yigū ñari, quēnaro mūre codeami Dios —Mar'iare yigotiyuju ī.

²⁹ To ī yirone, tire ajicōari, buto tūoñarejaiyuju so: “¿No yigū to bajise yūre yati ī?”, yitūoñarejaiyuju so. ³⁰ To bajise so yitūoñarone ado bajise sore gotiyuju ī, Gabriel:

—Yū gotisere tūoñarejaibesa mū. Buto mūre maiami Dios. ³¹ Yū gotisere quēnaro ajiya. Gūda ñarūocoja mū. To bajicōari, macū cūtirūocoja mū. Macū cūticōari, Jesús ĩre vāme yirūocoja mū.

³² Masigū ñarūcūmi mū macū. Mū macūre, “Yū macū ñaami”, ĩre yirūcūmi Dios. Ī ñicū, David vāme cūticacū, “Israel ñacacū jānerabatia ūjū ñaña mū” yigū, ūjū ĩre cūcami Dios. ĩre ī cūcatore bajirone mū macūre quēne ūjū ĩre cūrūcūmi ī. ³³ To bajiri Israel vāme cūticacū jānerabatiare rotimūorūgōrūcūmi mū macū. Ī rotise jedibetirūaroja ti —Mar'iare sore yigotiyuju ī ángel.

³⁴ To ī yisere ajicōari, ado bajiro ĩre sēniñañuju so:

—Ūmūa rāca yū ñabetiboajaquēne, ¿no bajiro yūre bajiroti ti? —Īre yisēniñañuju so.

³⁵ To so yisēniñarone, ado bajise sore yigotiyuju ī:

—Dios ī rotise rāca gūda ñarūocoja mū. Esp'iritu Santore mū tūjū ĩre cōarūcūmi. To bajiri mūre ejacōari, mūre macū yirūcūmi ī. To bajiro mūre ī yijare, mū macū ñarocūre, “Quēnagū, quēnaro yigū, Dios macū ñaami”, ĩre yimasirūarāma masa. ³⁶ Mū yo Isabel vāme cūtigo quēne būcūo ñaboarine, macū sāñagō ñaamo so. Cojomo cōro coja jēnituarirācū muijua jēre gūda ñatūsajamo so, rīa magō ĩna yiboacacone. ³⁷ Dios quēnaro sore ī yijare, bajiamo so. Disejūane Diorema josase maja. Ī yimasise rīne ñacōaja. To bajiri bajiamo. Mū quēne, to bajirone bajirūocoja mū —Mar'iare yigotiyuju ī.

³⁸ To ī yisere ajicōari, ado bajiro yiyuju so:

—Dios ī rotirore bajirone yirūocoja yū. To mū yirore bajirone yūre yato Dios —yiyuju so, Mar'ia, ángeljūare.

To so yiro bero, vacoasuju ī, ángel Gabriel vāme cūtigū.

Isabel tūjū Mar'ia so ĩagō vare queti

³⁹ Tijū bero, gajeyeūni quēnosājeo, guaro vacoasuju so, Judea sita buto buri jairojū, Isabelre ĩagoaco. ⁴⁰ Tojū ejacōari, Zacar'ias ya vijū sājaejacōari, ī manajore sēniñañuju so. ⁴¹ To so yiro ajicōari, so gūdajoa sāñagū sūca yuguiyuju ī. ⁴²⁻⁴³ To ī yirone, Esp'iritu Santo ĩ ejarēmose rāca tūoñacōari, ado bajiro Mar'iare gotiyuju Isabel:

—Yū ūjū jaco ñaroco ejaja mū. Buto quēnaro mūre yiyumi Dios. Mū macū ñarocūre quēne, buto quēnaro ĩre yirūcūmi. Ñamasugō me yū ñaboajaquēne, yūre ĩagō ejaja mū. ⁴⁴ Yūre

ma sēniārone, yu gudajoa sãñagũ sũca variquēnagũ, yuguiami.
 45 “Dios ĩ goticōariare bajiro bajiruochoja yu” yituoĩagõ ñari,
 variquēnaja ma quēne —Mar'iare yiyuju Isabel.

46-49 To bajiro so yirone, variquēnagõ ñari ado bajiro yiyuju
 Mar'ia:

—Ī bojarore bajiro yirua tuoĩagõ ñaboarine, ñamasugõ me
 yu ñaboajaquēne, yure ĩamaicōari quēnaro yami Dios.
 To bajiro yure ĩ yise ñajare, “Ñie rojose mano yure
 yirētosarũgũgũmi”, Diore ĩre yivariquēnaja yu. Buto
 quēnaro yami Dios, ĩ bojarore bajiro quēnaro yu yirotire
 yigũ. ĩ ñagũmi masijeogu. Quēnaro yigũ ñagũmi. To
 bajiro quēnaro yure ĩ yise ñajare, “Quēnaro sore yiyumi
 Dios”, yure yirũgũrãrãma masa ñajediro.

50 ĩre rucuborãre ĩamaicōari, quēnaro yirũgũgũmi Dios. To
 bajirone yicõa m̄orũgõrcumi.

51 “Gãjerã rētoro masirã ñaja yua” yituoĩarã, no bojase ĩna
 yirũaboasere ĩnare yirotibesumi Dios.

52 Hjarãre ñamasurã ĩna ñarũaboasere ĩnare ñarotibeticōari,
 ñamasumenajure, “Ñamasurã ñato”, yiyumi.

53 Ñie manare quēnasere ĩnare cõaboarine, gajeyeũni jairãrema
 ĩnare cõabesumi.

54-55 Adire masiritibecu ñari, to bajiro yiyumi: Mani ñicu,
 Abrahamre, ĩ beroanare quēne, “Mua masare, mua
 jānerabatiare quēnaro yicõa ñaruc̄aja yu”, ĩnare yigoti-
 masiñuju Dios. Tire masiritibecu ñari, to bajiro yiyumi
 —Isabelre yigotiyuju Mar'ia.

56 Idiarã muijua sore baba cãtiñaboa, so ya vijũ tudicoasuju
 Mar'ia.

Juan vãme cãtigũ, masare oco rãca bautizarimasũ, ĩ ruyuare

57 Mar'ia so tudiato bero, macũ cãtiyuju so, Isabel. 58 So
 macũ cãtisere ajicōari, “Quēnaro sore ejarēmogũ yiyumi Dios”,
 yituoĩañujarã ĩna, so yarã, so tuana quēne. To bajiro yituoĩarã
 ñari, sore variquēna ejayujarã ĩna.

59 ĩ ruyuariaro bero, cojomo cõro, idia jēnitarirãmuri ĩ
 cõtusato, ĩ tujure ejayujarã masa, ĩna yirũgũriarore bajiro
 sũcare circuncisiõn yirã ejarã. To yicõari,

—Ī jacũ vãmene ĩre vãme yito mani —yiboayujarã ĩna.

60 To ĩna yiboajaquēne, jacojuama,

—Bajibeaja. Juan vãme cãtiami —ĩnare yicõañuju so.

61 To so yiro ajicōari,

—Mu ya jũnana ti vãmere vãmere cãtibeticoayuma —sore yiyu-
 jarã ĩnajuama.

62 To yicõari, Zacar'iare, ĩna ãmorine ado bajise ĩre
 sēniñañujarã:

—Mu macure, ¿No bajise ìre vāme yiruati mu? —Ìre yisēniñañujarā ìna.

⁶³ To ìna yijare, ñagōbecu ñari, ucariajāi sēniñuju Zacar'ias. Tijāire āmicōari, “Juan vāme cūtiāmi, yu macu”, ìnare yiuca ìoñuju ì. Ti ùnire ìabetirūgūriarā ñari, no yimasibesujarā ìna yuja. ⁶⁴ Tirīmarone, tudiñagōcoasuju Zacar'ias quēna. To bajicōari, “Quēnamasucōaja”, Diore yivariquēnañuju. ⁶⁵ Ti que-tire ajicōari, buto gūiyujarā ìna tuana ñajediro, ti ùnire ajibe-tirūgūriarā ñari. Judea sitana burori cūtoana jediro ti que-tire gāmerā gotibatoyujarā ìna. ⁶⁶ ìna gotibatosere ajicōari, Zacar'ias macure Dios ì ejarēmose ñajare, “¿Вучуасу, no bajiro yigu ñariquīda?”, yituoīañujarā.

Zacar'ias ì basare queti

⁶⁷ Cojorāmu Esp'iritu Santo ì ejarēmose rāca Diore gotirētosagu, ado bajiro basayuju Zacar'ias:

⁶⁸⁻⁷⁵ —Tirāmujū ado bajiro Diore gotibosamasiñujarā ìre gotirētosamasiriarā: “Sīgū, Ūju David ñamasir'i jānami, mua jānerabatiare ejarēmogū ruyuarucumi. Ruyucōari, mua jānerabatiare ìaterimasa sūorine rojose ìna tāmūborotire ìnare yirētosarucumi”, Diore yigotirētosamasiñujarā ìna. Ado bajiro mani ñicūare gotimasiñuju Dios: “Yu goticatore bajiro mūare, mua jānerabatiare quēne ìamaicōari, quēnaro ìnare yicōa ñarucūja”, manire yigotimasiñuju Dios. Mani ñicūre, Abraham vāme cūtimasir'ire quēne ado bajiro gotimasiñuju Dios: “Yu ñaja Dios. Ríojo mūre gotiaja yu. Mu jānerabatiare gājerā ìna ìatese sūorine rojose ìna tāmūborotire ìnare yirētosarucūja yu. ìnare gūimenane, yu bojarore bajiro ‘Yimasiato ìna’ yigu, to bajiro yirucūja yu. Adire masiritibetirucūja yu. To bajiri, ìna catiñaro cōro ‘Yūare ìagūmi Dios’ yimasiritimenane, yu bojarore bajiro quēnaro yirūgūrūarāma”, yigotimasiñuju Dios. To bajiri, ìre gotirētosarimasa, ìna gotimasiriarore bajiro, to yicōari ì masune ì gotimasiriarore bajirone yiguagu yigūmi Dios yuja. Yoaro mene adi macarucūroju vadicōari, ìre ajitirūnūrāre rojose mani tāmūborotire yirētosaguagu yigūmi. To bajiro yirocu ì ñajare, “Quēnaro yaja mu”, Diore ìre yivariquēnato mani — yibasavariquēnañuju Zacar'ias.

⁷⁶⁻⁷⁹ To yigajanocōari, “Ado bajiro yirocu ñaja mu”, ì macure yibasavariquēnañuju Zacar'ias:

—Yoaro mene ejarucumi mani ujū, “Rotimūorūgōrucumi” yigu, Dios ì cōarocu. To bajiro ì bajiroti rījoro ñajare, “Rojose mua yirūgūsere yitūjacōari, quēnasejuare tuoīavasoaya

mua, ĩre yurã”, yigotimasiorocu ñaja mu. To bajiro mu yisere ajicõari, t̃oĩavasoa yuñarãre ĩamaicõari, quẽnaro yigu ñari, ĩ rãca quẽnaro ñacõari, “Ĭ bojarore bajiro quẽnaro yirã ñato” yigu, ĩ yere masimenare ĩnare gotimasiodõari, rojose ĩna tãmuoborotire ĩnare yirẽtobosarocure cõarucami Dios. To bajiro yigoti rĩjoro cutirocu mu ñajare, “Masirẽtogũre Diore gotirẽtobosarimasu ñaami”, mure yĩiaruarãma masa, –ĩ macure Juanre yibasavariquẽnañuju Zacar'ias.

80 Yucá manojmu bucayuju Juan vãme cutigu. Bucarũtuacne, Dios ĩ bojarore bajiro quẽnaro yigu ñarũtuasuju ĩ. Masare ĩ gotimasiorotirãmu ti ejaroto rĩjoro, yucá manojure ñarũgũñuju.

2

Jesús ĩ ruyuare queti (Mt 1.18-25)

¹ To bajiro bajĩnarirodojure masa ñajediro um, César Augusto vãme cutigu, ĩ rotirimacarire ñarãre, “Ado cõro ñaama” yimasirũ, ĩna vãmere ucaturotisoyuju ĩ. ² ĩre rotibosarimasu, Cirenio vãme cutigu Siria sitana um ĩ ñarirodore masa vãmere ucaturotisoyuju César. ³ To bajiri, masa ñajediro, ĩna ñicua ĩna ñamasiriarojm vãme ucaturotirã varoti ñañuju.

⁴ To bajiri, José quẽne, Galilea sitajure ñarimaca Nazaret vãme cuti maca ñar'i, Judea sita Belén vãme cuti macajuare vasuju. Ti macajm ruyuamasiñuju ĩ ñicu ñamasir'i, Um David. To ĩ bajimasire ñajare, tojm vasuju, José, Mar'ia rãca ĩna vãmere ucarotigucũ. ⁵ Jẽre so jacure sẽnicoañuju ĩ. To bajiro yir'i ñari, so rãca vasuju José. “Macu cutirucocomo” Dios ĩ yirio ñari, guda ñañuju so. ⁶ To bajiri Belén vãme cuti macajm ĩna ejaro, so macu cutirotirãmu ejayuju ti. ⁷ To bajiro sore ti bajijare, vacudirã ĩna cãnirivi ĩna ñarotijure sẽniboayujarã ĩna. Masa jumcõañujarã, ti vire. To bajiri, vaibucurãre bare ecariavijm ejayujarã ĩna yuja. Tojm Dios macure macu cutiyuju Mar'ia. To yicõari, sũcare sudigaserorine ĩre gũmañuju so, jud'io masa ĩna yirũgũriarore bajiro yigo. To yicõari, cãnijesariaro ti manijare, vaibucurãre bare ecariacorojm so macure sãñuju so.

Oveja coderimasare Jesús ĩ ruyuasere ángel ĩ gotire queti

⁸ Belén maca tu ñañujarã ĩna, oveja coderimasa. Ñamire ĩnare ĩatirũnũñañujarã ĩna. ⁹ To ĩna bajirone, ĩna tujure ruyuarũgũñuju sũgũ ángel, Diore moabosagũ. To ĩ bajirone, ĩna tujm buto busubatooyuju, “ ‘Dios macu ruyuagumi’ yĩamasiato ĩna” yigu. To bajiro ti bajijare, oveja coderimasa buto gũiyujarã ĩna. ¹⁰ To ĩna bajirone, ado bajiro yiyuju ángel:

—Güibesa mña. Masa ñna ñavariquēnarotire yigu, quēnase queti mñare gotigu bajiaja yu. ¹¹ Uju David ñ ruyuamasicati macajure, masa rojose ñna yise vaja ñnare vaja yibosarocu, yucune ruyuami. Ññaami mani uj, “Rotimhorügõrcami” yigu, Dios ñ cõagü. ¹² Ado bajiro bajiñagüre ñre bujamasiruarãja mña: Vaibucurãre bare ecariaviju ñagümi. Toju sudigaserine gümacoar'i, vaibucurãre bare ecariacoroju sãñagümi ñ. Toju ñagüre ñre ñabujacõari, “Ñne ñnaami”, yimasiruarãja mña —ñnare yigotiyuju ángel.

¹³ To ñ yinãrirĩmarone, gãjerã ángel mesa jãjarã ruyuyujarã ñna. Ruyuacõari, ado bajise Diore ñre basavariquēnañujarã ñna:

¹⁴ —Dios õ vecagu quēnarëtogü, to yicõari, masirëtogü ñ ñajare, quēnaro ñre yito mani. Dios ñ ñavariquēnarã ñ rãca quēnaro ñnato ñna —yiyujarã ñna ángel mesa.

¹⁵ To yigajano, tudicoasujarã ñna, õ vecaju, Dios ñ ñaroju. Ñna tудиato bero,

—Dios manire ñ queti cõarere ajiaja mani. To bajiri, Belénju vañato mani —gãmerã yiyujarã ñna oveja coderimasa.

Oveja coderimasa Jesúre ñna ñarã vare queti

¹⁶ To bajiro gãmerã yigajano, guaro vacoasujarã ñna yuja. Toju ejacõari, Josere, Mar'iare ñnare ñabujayujarã ñna. Sũcare quēne vaibucurãre bare ecariacoroju sãñagüre ñre ñabujayujarã. ¹⁷ Ñre ñabujacõari, ángel ñnare ñ gotirere to ñarãre ñnare gotiyujarã. ¹⁸ To ñnariarã jediro, ñna gotisere ajicõari, no yimasibesujarã, ti ñnure ajibetirügüriarã ñari. ¹⁹ Mar'iajuama ñagõbesuju so, oveja coderimasa ñna gotisere ajicõari. To bajiboarine, sũca ñ bajisere buto tũoñañuju so masuriojuma. ²⁰ To bajiri oveja coderimasa ti quetire gotigajano, tudicoasujarã ñna. Tudianane, ado bajise Diore ñre yivariquēna tudiasujarã ñna:

—Dios manire ñ queti cõare, riojo ñañuja ti. Masirëtogü, to yicõari, quēnarëtogü ñagümi Dios —ñre yivariquēna vasujarã ñna.

Diore yirũcũbũoriaviju, Jesúre ñna ñmiatone, Simeón vãmecũtigu Jesúre ññare queti

²¹ Sũca cojomo cõro idia jēnitarirũmari ñ ruyuariaro bero ti tũsato, circuncisión ñre yiyujarã. To yicõari, Jesús ñre vãmecũtigu yiyujarã ñna, sũcare. Mar'ia gũda so ñnaro rĩjorojune ángel sore ñ vãmecũtigu yirotiriarore bajirone ñre vãmecũtigu yirã yiyujarã ñna.

²²⁻²⁴ To ñna yiriaro bero, Jerusalénju vasujarã ñna. Moisés ñnamasir'ire Dios ñ roticũmasirere cũdirã bajiyujarã ñna. Ado bajise roticũmasiñuju ñ: “Sũca ñ ruyuaro bero, juarã masa cõro ñnarirũmari bero, buja mña ecariarãre ñsima, paiaire. Mña cũobetijama, vaja yicõari, ñsima, ‘Ñnare soemũoato’ yirã. To

bajiro yiba, yure rucubhorã. To bajiro mua yijama, sũca ĩ ruyaroto rĩjoro yure yirucubhoriavi mua sãjarũgũriarore bajirone sãjamasiruarãja mua quẽna. Mua ĩsijama, buja mame bucuarãre ĩsiruarãja mua. Ema, rõmio, to cõrone ĩsiruarãja mua. Buja mame bucuarã ĩna manijama, juarã bujare bajirã ñarãcare ĩsiruarãja mua”, yirotimasĩñuju Dios. Gajeye ado bajiro yirotimasĩñuju Dios: “Mua macu ruyuasogure, paiare ĩorã, ĩre amivuarãja mua, ‘Dios yu ñaami’ yĩorã”, yirotimasĩñuju Dios. To bajise Dios ĩ yirotimasire ñajare, Jesũre amivasujarã, paiare ĩoroana.

25-26 To bajiri Jerusalenju ejacõari, Diore yirucubhoriavijure vasujarã ĩna. Tojure ñañuju Simeón. Diore quẽnaro ajirucubhogu, ĩ rotimasirere quẽnaro cudigu ñañuju ĩ. “‘Rotimhorũgõrucumi’ yigu, Dios ĩ cõarocu, Cristo, Israel jãnerabatiare, yu yarãre ejarẽmorũgũrucumi ĩ, ‘Quẽnaro ñato’ yigu” yitõoĩagũ ñari, ĩ ejarotire yugu bajicõa ñañuju ĩ. Dios ĩ cõagũ Esp'iritu Santo ĩ ejarẽmose rãca tũoĩagũ ñañuju ĩ. To bajiro bajigu ñari, cojorãmu ado bajise tũoĩañuju: “Yu bajirocaroto rĩjoro, ‘Rotimhorũgõrucumi’ yigu, Dios ĩ cõarocure Cristore ĩarucuja yu”, yitũoĩañuju Simeón. 27-29 Cojorãmu Esp'iritu Santo Dios ĩ cõagũ ĩre ĩ ejarẽmose rãca tũoĩamasicõari, Diore yirucubhoriaviju sãjaejacoasuju ĩ. Tirãmune Jesũre amiejayujarã José, ĩ manajo rãca. To ĩna sãjaejarone, ĩna macure bocaãmicõari, ado bajise Diore yigotiyuju ĩ, Diore variquẽnagũ:

—Yu ujũ, jẽre yu ĩaruarũgũcacure yure mu goticatore bajirone ĩre ĩacõaja yuja. To bajiri, variquẽnaja yu. Yu bajiroca-coajama, quẽnacõaroja yuja.

30-31 ĩre ajitirũnrã rojose yua tãmhorotire yuare yirẽtobosarocure mu cõar'ire ĩre ĩacõaja jẽre.

32 ĩ smorine “Israel jãnerabatiare quẽnaro yiyumi Dios” yimasicõari, Diore masiruarãma Israel jãnerabatia me ñarã quẽne —yiyuju Simeón.

33 José, to yicõari, Mar'ia quẽne, Jesús ĩ bajirotire Simeón ĩ gotisere ajicõari, no yimasibesujarã ĩna, “Mani macu ĩ bajirotire quẽnaro goti rĩjoro cutimasiami” yirã. 34-35 To yicõari, quẽnaro Dios ĩnare ĩ yirotire ĩnare ñubuejeoyuju Simeón. To yigajano, Jesús ĩ bajirotire ado bajiro sore gotiyuju quẽna, Mar'iare:

—Quẽnaro ajiya mu. “Israel ñamasir'i jãnerabatia, Dios ĩ bojasere quẽnaro masiato” yigu, ãni sũcare cõañumi Dios. To bajiri ĩ gotimasiosere ajicõari, ĩre tud'iruarãma jãjarã masa. To bajiro ĩna yijare, ĩnare ĩacõari, “‘Diore rucubhorã ñaja yua’ yigotiboarine, ĩre terã ñaama”, yimasiruarãma gãjerãjua. ĩre tud'irãma, ĩna rijato beroju rojose tãmhorotujabetiriaroju vajedicuarãma ĩna. To bajiboarine gãjerãjua, jãjarã,

ānīre ajitirūnucōari, Dios yarā ñacoaruarāma īna, rojose tāmūotujabetirarojū vaborona. Mūjūama, āni mū macū ī bajīrotire bato sūtiritirūocoja mū –Jesús jacore yiyuju Simeón.

³⁶⁻³⁷ To ī yiro bero, Diore yirūcūbūoriavijūre ñañuju Ana vāme cūtigo. Aser ñamasir'i jāneño ñañuju so, Fanuel maco. Diore gotirētobosarimaso ñañuju so quēne. So manajū cūtiboar'i, cojomo cōro jua jēnītuarirāca cūmari so rāca ñatūsasūne, sore bajīrocaveocoasuju. To ī bajīveorio sīgōne ñacōarūgūñuju so. To bajīñagō rīne, ochenta y cuatro cūmari cūotūsasuju. Diore yirūcūbūoriavijū ñacōari, so quēne Diore īre rūcūbūogo, īre so sēnīrūrūmūri bare babetirūgūñuju so. ³⁸ Simeón īnare ī gotīnarone īna tujū ejayuju so Ana. īnare ī gotisere ajicōari, “Quēnaro yiyuja mū”, Diore īre yivarīquēnañuju so. To yīgajanocōari, “Rotīmūorūgōrūcūmī” yīgū, Dios ī cōarocūre, “Jerusalén macana quēnaro ñato” yīgū, īnare yirētobosarocūre ī ejarotire tūoīa yuñarāre, “Jēre ruyūayūmī”, īnare yīgotibatoyuju Ana.

Nazaret vāme cūti macajū īna tudīare queti

³⁹ José, to yicōari, Mar'ia quēne Moisés ñamasir'ire Dios ī roticūmasīrīarore bajīrone yīgajanocōañujarā īna. To bajīri, Galilea sitare ñarīmaca, Nazaret vāme cūti macajū Jesúre īre āmitudiasujarā īna. ⁴⁰ To bajī tudīeja, tī macajū ñacōañujarā īna. Tojū būcūayuju Jesús. Quēnaro masīrūtūasuju, ī būcūarūtūatore bajīrone. To bajīcōari, rujū tutūaquēnagū ñarūtūasuju ī. To bajīro ī bajīñarore īre yirēmōrūgūñuju Dios.

Diore yirūcūbūoriavijū Jesús ī tujare queti

⁴¹ Nazaretjū Jesús ī ñatoye, Jerusalénjū tocārāca cūmane Pascua boserūmū īarā varūgūñujarā ī jacūa. ⁴² To bajīri jūāāmo cōro, gūbo jua jēnītuaro ñarīcūmari tūsasūjū, Pascua boserūmūre īagūacu, ī jacūa rāca vasuju Jesús. ⁴³⁻⁴⁵ Boserūmū īagajano, īna tudīrūrūmū, “To bajīgūmī” yīmāsīña manone, tojūne tujacoasuju Jesújūama. To ī bajīboajaquēne, “Gājerā rāca baba cūtivagū bajīgūmī”, yītūoīacōañujarā ī jacūajūama. To bajīro īna yītūoīa vaboajaquēne, rāiorijū īna tujūre ejabesuju. To bajīro ī bajījare, īna yarāre, īna rāca vanare, īna masīrāre sēnīīacudīboayujarā īna. “Maamī”, yīcōañujarā īnājūama. To bajīro īna yījare, Jerusalénjūne īre macarā tudīcoasujarā īna.

⁴⁶ Tojū ejacōari, idīarūmū īre macatūsanajū īre īabūjayujarā īna yuja. Diore yirūcūbūoriavijū ñañuju ī. Tojū Dios ī rotīmasīre gotīmāsīorīmāsa rāca rujīcōari, gāmerā ñagōñañujarā īna. ⁴⁷ ī gotisere ajicōari, “Daquēgū ñaboarine, josasere yūa sēnīīaboajaquēne, quēnaro tūoīacōari, yūare cūdīamī”, īre

yituoñañujarã ñna. ⁴⁸ To ñna yinãrone, Jesús jacua ñna tujũ sãjaejacõari, ñre ñauncacoasujarã. To bajicõari, ado bajiro ñre yiyuju ñ jaco:

—Macu, ¿no yigu to bajiro yuare bajiveoati mu? Buto tuoñarejairãne mure macamu yua —ñre yiyuju so.

⁴⁹ To bajiro ñre so yirone, ñjuaama ado bajiro sore cudyuju ñ:

—¿No yirã yure macari mu? ¿Adi vire yu jacu ñ bojasere yu yirotire masibeti mu? —ñ jacuare yicudyuju Jesús.

⁵⁰ To bajiro ñ yisere quẽnaro ajimasibesujarã ñnajuama. “No bajiro yiru yati mani macu”, yituoñacõañujarã. ⁵¹⁻⁵² ñ jacojuama, quẽnaro ajimasibetiboarine, so usujama quẽnaro tuoñacõa ñañuju.

To bajiro ñnare ñ yiro bero, ñ jacua rãca tudicoasuju, Nazaretju. Toju bucuarũtuasuju ñ. Bucuarũtuacune, ñ jacua ñre ñna rotirore bajiro yirũgũñuju ñ. To bajicõari, butobusa masirũtuasuju ñ. To bajiro ñ bajisere ñre ñavariquẽnarũgũñuju Dios. Masa quẽne, ñre ñavariquẽnarũgũñujarã ñna.

3

Juan vãme cutigu, masare oco rãca bautizarimasu, yucú manojũ ñ gotimasiore queti

(Mt 3.1-12; Mr 1.1-8; Jn 1.19-28)

¹⁻² Cojorãmu yucú manojũ Zacar'ias macure, Juanre Jordán vãme cutiyaju ñre gotiroticõañuju Dios. To ñre ñ gotiroticõarirodore, Tiberio César, juaãmo cõro, cojo gũbo jediro ñaricũmari ñ rotitusaticũmare, cojo sita me ñarãre rotigu ñañuju ñ. ñre rotibosarã quẽne ñañujarã ñna. Pilato vãme cutigu Judea sitanare ñre rotibosayuju ñ. Gãji, Herodes vãme cutigu, Galilea sitanare ñre rotibosayuju ñ. Gãji, Herodes bedi, Felipe vãme cutigu, Iturea, to yicõari, Traconite sita ñarãre ñre rotibosayuju, ñna. Gãji Lisantias vãme cutigu, Abilinia sitanare ñre rotibosayuju. To bajicõari, paia ujarã ñamasurã Anás, Caifás vãme cutirã ñañujarã ñna.

Tirodore Juanre gotirotiyuju Dios. ³ To ñ yijare, Jordán vãme cutiya riaga tujũ ñacõari, ñre ajirã ejarãre ado bajiro gotirũjacudirũgũñuju:

—Rojose mu yisere tuoñasutiritiya mu. To yicõari, “Rojose yiruabeaja yua. Diorãca quẽnaro ñaruarãja yua” yirã, oco rãca yure bautizarotiya mu. To bajiro mu yijama, rojose mu yisere mure masiriorucumi Dios —ñnare yigotiyuju Juan.

⁴ Ado bajiro Juan ñ bajirotire ucamasiñuju Isa'ias, Diore gotirẽtobosarimasu ñamasir'i:

“Yucú manojũ sũgũ masu ado bajiro goticudirũgũrucumi: ‘Mani uju ejarucumi. To bajiri, rojose mu yisere yitujacõari, quẽnasejuare tuoñavasoaya mu, ñre yurã. Uju,

ĩ vadiroto rĩjoro, quẽnaro quẽnoyurãma masa. Rojoribedo maa, ñaboaria maare riojo maa gorãma, ã vadiroti maare.

⁵ Goje ti ñajama, sita rãca biberãma. Buri cuti maa ti ñajaquẽne, coaquẽnocũrãma. To bajiro yu yijama, “Jediro rojose mua yisere yitujacõari, quẽnasejuare tuoĩavasoaya mua, mani ujure yurã” yigu yaja yu.

⁶ To bajiro mua yiro bero, rojose mua tãmuoborotire muare yirẽtobosarocure Dios ã cõagũre ãjediruarãja mua' yigoticudirũgũrucumi, yucú manojũ ñacõari”, yuicamasiñumi Isa'ias ñamasir'i.

⁷ To bajiri oco rãca Juanre bautizarotirã, ejayujarã jãjarã masa. Ìna bautizarotirone, ado bajiro ñnare yiyuju Juan:

—Oco rãca muare yu bautizasere bojaboaja mua. Vãtia ujũ rojose ã yirore bajirone rojose yijairã ñaja mua. To bajiro bajirã ñari, “Rojose yua yise vaja rojose yuare yibetirucumi Dios”, yituoĩa vadiboaja mua. ¿To bajiro mua bajise suorine rojose mua tãmuorotire masibeatique mua? ⁸ Rojosere yitujacõari, “Quẽnaro yirã ñaama” masa muare ñna yĩamasirotire yirã, quẽnasejuare yirũgũrona ñaja mua. Ado bajiro yituoĩabesa mua: “Abraham ñamasir'i jãnerabatia ñamasurã mani ñajare, rojose mani yise vaja rojose manire yibetirucumi Dios”, yituoĩabesa. Adiari gõtari rãca Abraham jãnerabatiare ã godoveoruajama, godoveomasigãmi Dios —ñnare yiyuju Juan.

⁹ —Oteriayucãri, rica mani yucãrĩre bajiro bajiaja mua. Rica manijare, quẽareacõari, soereariarore bajiro yirucumi Dios. Tire bajirone yiecoruarãja mua quẽne, mua tuoĩavasoabetijama. ¡Quẽnase mua yibetire ãcõari, jeame yatibetimeju muare rearucumi Dios! —ñnare yiyuju Juan.

¹⁰ To ã yigotisere ajicõari, —¿No bajirojua yua yirotire bojati Dios? —ĩre yisẽniãñujarã ñna.

¹¹ To bajiro ãre ñna yisẽniãrone ado bajiro ñnare cãdiyuju Juan:

—Juase sudirori cuorã, cojase ãsima, sudi magũre. Bare cuorã, bare magũre ecaba —ñnare yicãdiyuju Juan.

¹² Ujũre gãjoa sãnibosarimasa quẽne ejayujarã, Juanre oco rãca bautizarotirã. Ejacõari, ado bajiro ãre sãnĩãñujarã ñna quẽne:

—Gotimasiorimasa, yuajumarema ¿ñiere yua yirotire bojati Dios? —ĩre yisẽniãñujarã ñna quẽne.

¹³ To bajiro ñna yirone, ado bajiro ñnare gotiyuju Juan:

—Mua ujarã masare ñna vaja sãnĩrotiro cõrone sãnĩña. Ti rẽtoro vaja sãnibeticõãña mua —ñnare yicãdiyuju Juan.

¹⁴ Surara quẽne ado bajiro sãnĩãñujarã ñna:

—¿Yñarema, no bajiro yña yiro tire bojati? —İre yisēniñañujarã.

To bajiro İna yisēniñarone, ado bajiro İnare cadiyuju İ:

—Gãjerãre ěmabesa mña. Socarãne gãjerãre rojose ñagõmacabesa. Mña moase vajare, mña ñjarã mñare İna vaja yiro cõrone cuovariquēnaña mña —İnare yicadiyuju Juan.

¹⁵ Masajñama, Juan İ gotimasiosere ajicõari, “Rotimõorũgõrucami” yigũ Dios İ cõarocũre buto tũõĩayucõa ñarã ñari, “¿İne ñaruyuatique?”, Juanre İre yitũõĩañujarã, İna usrijuma.

¹⁶ To bajiro İna yitũõĩase ñajare, ado bajiro İnare yiyuju Juan:

—“Rotimõorũgõrucami” yigũ, Dios İ cõagũ me ñaja yũ. Rojose İna yisere yitujacõari, Dios İ bojasejũare yirãre oco rãca bautizarũgũaja yũ. To bajiro yũ yiboajaquēne, yũ bero ejagũ İ moasejũa quēnamasucõarũaroja. İma, Esp'iritu Santore cõamasirucami, masare. “Dios İ bojabetire yaja yũ” yimasicõari, tũõĩavasoarũarãma, Esp'iritu Santo İ ejarẽmose rãca —İnare yiyuju Juan.

¹⁷ Gajeye ado bajiro masare gotiyuju Juan:

—Yũ bero ejagũjũama, trigo ajere besegũre bajiro yirucami, masare. To bajiri ti gasere yireacõari, soereariarore bajiro yirucami, jeame yatibetimejũ masare cõagũ. To yicõari, quēnase cõrone juagũre bajiro yirucami, İre ajitirãnũrãre juavacũ —İnare yiyuju Juan.

¹⁸ Masare gotimasioğũ, cojo vãme me gotirũgũñuju, Cristo quēnaro İ yiro tire gotimasioğũ. ¹⁹ To bajiro İnare gotirũgũğũ ñari, Ujũ Herodes, İ bedi Felipe manajore Herod'ias vãme cõtigore İ manajo cõtijare, to yicõari, rojose yijaigũ İ ñajare, “Rojose yigũ yaja mñ”, İre yiyuju Juan. ²⁰ To bajiro Juan İ yisere ajicõari, rẽtoro rojose yigũ, tubiberiavijũ Juanre İre tubibecũñuju.

Oco rãca Juanre Jesús İ bautizarotire queti

(Mt 3.13-17; Mr 1.9-11)

²¹ İ tubibe ecoroto rĩjoro, rojose İna yisere yitujacõari, Dios İ bojasejũare yirãre oco rãca İnare bautizarũgũñuju Juan. To bajiri, Jesús quēne, rojose yibecũ ñaboarine, oco rãca Juanre bautizarotigũ ejayuju. To İ yiecoro bero, Diore, İ jacũre sēniñuju. İre İ sēniñarone, õ vecajũ ãmũagasero soje jãnacoasuju ti. ²² Ti jãnarone, bujare bajigũ rujiadicõari, Jesús joere rocajeoyuju Esp'iritu Santo. Jesús joere İ rocajeorone, ado bajiro yi ocaruyuyuju õ vecajũ:

—Yũ macũ, yũ maigũ masu ñaja mñ. Mũ rãca buto variquēnaja yũ —İre yi ocaruyuyuju.

Jesús ñicua ñna vãme cãtimsire queti

(Mt 1.1-17)

²³ Treinta cãmari cõro cõtũsacũ, masare gotimasiosũoyuju Jesũs.

To bajiri manire bajiro rujũ cãticõari ñ ruyuare ñajare, “José macũ ñaami”, ñre yitũoĩañujarã masa. To bajiro ñna yitũoĩare ñajare, ñ jacũre bajiro bajiyuju José.

José jacũ ñamasiñuju El'i.

²⁴ El'i jacũ ñamasiñuju Matat.

Matat jacũ ñamasiñuju Lev'i.

Lev'i jacũ ñamasiñuju Melqui.

Melqui jacũ ñamasiñuju Jana.

Jana jacũ ñamasiñuju José.

²⁵ José jacũ ñamasiñuju Matat'ias.

Matat'ias jacũ ñamasiñuju Amós.

Amós jacũ ñamasiñuju Nahúm.

Nahúm jacũ ñamasiñuju Esli.

Esli jacũ ñamasiñuju Nagai.

²⁶ Nagai jacũ ñamasiñuju Maat.

Maat jacũ ñamasiñuju Matat'ias.

Matat'ias jacũ ñamasiñuju Semei.

Semei jacũ ñamasiñuju Josec.

Josec jacũ ñamasiñuju Judá.

²⁷ Judá jacũ ñamasiñuju Joanán.

Joanán jacũ ñamasiñuju Resa.

Resa jacũ ñamasiñuju Zorobabel.

Zorobabel jacũ ñamasiñuju Salatiel.

Salatiel jacũ ñamasiñuju Neri.

²⁸ Neri jacũ ñamasiñuju Melqui.

Melqui jacũ ñamasiñuju Adi.

Adi jacũ ñamasiñuju Cosam.

Cosam jacũ ñamasiñuju Elmadam.

Elmadam jacũ ñamasiñuju Er.

²⁹ Er jacũ ñamasiñuju Jesús.

Jesús jacũ ñamasiñuju Eliezer.

Eliezer jacũ ñamasiñuju Jorim.

Jorim jacũ ñamasiñuju Matat.

Matat jacũ ñamasiñuju Lev'i.

³⁰ Lev'i jacũ ñamasiñuju Simeón.

Simeón jacũ ñamasiñuju Judá.

Judá jacũ ñamasiñuju José.

José jacũ ñamasiñuju Jonam.

Jonam jacũ ñamasiñuju Eliaquim.

³¹ Eliaquim jacũ ñamasiñuju Melea.

Melea jacũ ñamasiñuju Mena.

Mena jacu ñamasiñuju Matatá.
 Matatá jacu ñamasiñuju Natán.
 Natán jacu ñamasiñuju David.
³² David jacu ñamasiñuju Isa'i.
 Isa'i jacu ñamasiñuju Obed.
 Obed jacu ñamasiñuju Booz.
 Booz jacu ñamasiñuju Sala.
 Sala jacu ñamasiñuju Naasón.
³³ Naasón jacu ñamasiñuju Aminadab.
 Aminadab jacu ñamasiñuju Admin.
 Admin jacu ñamasiñuju Arni.
 Arni jacu ñamasiñuju Esrom.
 Esrom jacu ñamasiñuju Fares.
 Fares jacu ñamasiñuju Judá.
³⁴ Judá jacu ñamasiñuju Jacob.
 Jacob jacu ñamasiñuju Isaac.
 Isaac jacu ñamasiñuju Abraham.
 Abraham jacu ñamasiñuju Taré.
 Taré jacu ñamasiñuju Nacor.
³⁵ Nacor jacu ñamasiñuju Serug.
 Serug jacu ñamasiñuju Ragau.
 Ragau jacu ñamasiñuju Peleg.
 Peleg jacu ñamasiñuju Heber.
 Heber jacu ñamasiñuju Sala.
³⁶ Sala jacu ñamasiñuju Cainán.
 Cainán jacu ñamasiñuju Arfaxad.
 Arfaxad jacu ñamasiñuju Sem.
 Sem jacu ñamasiñuju Noé.
 Noé jacu ñamasiñuju Lamec.
³⁷ Lamec jacu ñamasiñuju Matusalén.
 Matusalén jacu ñamasiñuju Enoc.
 Enoc jacu ñamasiñuju Jared.
 Jared jacu ñamasiñuju Mahalaleel.
 Mahalaleel jacu ñamasiñuju Cainán.
³⁸ Cainán jacu ñamasiñuju Enós.
 Enós jacu ñamasiñuju Set.
 Set jacu ñamasiñuju Adán.
 Adán, Dios ĩ rujeosomasir'i ñamasiñuju ĩ, masa jediro ñicu.

4

*Dios ĩ bojabetire vātia ujɥ Satanás, Jesúre ĩ yirotiĩtare queti
 (Mt 4.1-11; Mr 1.12-13)*

¹ Jordán ĩna yirisajɥ Juan oco rāca ĩre ĩ bautizaro bero, Esp'iritu Santo bujare bajigɥ rujiadicōari, Jesús joere roca-
 jeejagɥne, ĩre ejarēmosoyuju, Dios ĩ bojarore bajiro Jesús ĩ

yicōa ñarũgũrotire yigũ. To bajivagure yucá manojũ ãre ũmato vasuju Esp'iritu Santo. ² Tojũre cuarenta ñarirãmũri Esp'iritu Santo ã bojarore bajiro vacudiyuju Jesús. To ã bajiñarone, vãtia ẽjũ Satanás, ãre ejacõari, “Yũ yirotisere yicõari, Dios ã bojabetire yato” yigũ, ãre rotirũgũboayuju. To bajiro ã bajicudirirãmũre babesuju Jesús. To bajigũ ñari, bũto ñiorijayuju. ³ To bajiro ã bajijare, ado bajiro ãre yirotiyoayuju Satanás:

—Dios macũne mũ ñajama, adia gũtare, pan godoveoya mũ —ãre yirotiyoayuju.

⁴ To bajiro Satanás ãre ã yiboajaquẽne,

—Yibeaja yũ. Dios oca masa ãna ucamasire ado bajiro gotiaja: “Bare rĩne ñamasuse me ñaja. Dios ocare mani cũdisejũa ñaja ñamasusema. ‘Bare ti manijare, rijarearũarãja’ yire ti ñaboajaquẽne, rijarere Dios ã bojabetijama, rijabetirũarãja. Catiñarotire rotigũ ñaami”, yigotiaja Dios oca masa ãna ucamasire —ãre yiyuju Jesús.

⁵ To bajiro ã yiro bero, gũtaũ joejũ Jesúre ũmato vasuju Satanás. Tojũ ũmato ejacõari, adi macarũcũro ñarimacari jediro guaro ãre ãojecõañuju. ⁶⁻⁷ ãre ãogajanocõari, ado bajiro ãre gotiyuju Satanás:

—“Masa ñajedirore rotiya” yigũ, yũre cũcami Dios. ãna gajeyeũni quẽne, yũ ye ñaja. To bajiri, yũ rĩjorojũa gũsomuniari tuetucõari, “Yũ ẽjũ ñamasugũ ñaja mũ” yũre mũ yirũcũbũojama, adi sita ñajediro mũre ãsirũcũja yũ —Jesúre ãre yiyuju Satanás.

⁸ To bajiro ãre ã yigotiyoajaquẽne, ado bajiro ãre cũdiyuju Jesús:

—Yibeaja yũ. Ado bajiro gotiaja Dios oca masa ãna ucamasire: “Mani ẽjũ Dios sĩgũrene, ‘Yũ ẽjũ ñamasugũ ñaja mũ’ ãre yirũcũbũocõari, cũdire ñaja”, yigotiaja Dios oca masa ãna ucamasire —Satanãre yicũdiyuju Jesús.

⁹⁻¹¹ To ã yiro bero, Jerusalén macajũ Jesúre ãre ũmato vasuju Satanás quẽna. Tojũ ejacõari, Diore yirũcũbũoriavi joejũ ãre ũmato mũjasuju. ãre ũmato mũjaejacõari, ado bajiro yiyuju Satanás:

—Ado bajiro gotiaja Dios oca masa ãna ucamasire:

“ãre moabosarimasa ángel mesare mũre coderotirũcũmi Dios.

Mũ quediajama, ‘Gũta joejũ rocajeogu, ã gũbo jearomi’ yirã, mũre boca ñiarũarãma ãna”, yigotiaja Dios oca. To bajiro Dios oca ti gotijare, Dios macũne mũ ñajama, adojũne yũre jatiquedi rujiaõõña mũ —Jesúre yiboayuju Satanás.

¹² To bajiro ãre ã yiboajaquẽne, Jesújũama, ado bajiro ãre yiyuju:

—To bajiro m̄a yisere c̄udibeaja ȳu. “Dios ï yiriarore bajiro ȳure boca ñiaruarãma ángel mesa” yimasir̄u, ȳu jatiquediñajama, Dios ï bojabetire yiḡu yiḡuja ȳu. Gajeye ado bajiro gotiaja Dios oca masa ñna ucamasire: “ ‘Dios, “Yir̄uc̄ija” yiyumi’ yit̄oñarã, ‘¿Yir̄u masu yiyujari?’ yimasir̄uarã, m̄ua t̄oñarore bajiro m̄ua yiajejama, quēnabeaja”, yigotiaja Dios oca masa ñna ucamasire —ÿre yiyuju Jesús, Satanáre.

¹³ Rojose ÿre yirotijeoboa, vacoasuju Satanás, “Bero ÿre yirotiñaḡusa” yiḡu.

Jesús, Galilea sitaj̄u tudiejac̄ari, ÿ gotimasios̄ore queti
(Mt 4.12-17; Mr 1.14-15)

¹⁴ Satanás ÿ vato bero, quēna Galilea sitaj̄u tudicoasuju Jesús. Tudiejac̄ari, Esp'iritu Santore c̄uoḡu ñari, ÿ ejarēmose rãca disej̄ua r̄uyariaro mano quēnaro yiyuju Jesús, toj̄ure. To bajiro ÿ yijare, ÿ bajise quetire gotibatoyujarã masa, toana jediro, gajeroana quēne. ¹⁵ Dios ocare ñna buerivirij̄u masare gotimasiocudir̄uḡuñuju Jesús. To bajiro ÿ yisere ajic̄ari, “Quēnaro masiḡu ñnaami”, ÿre yiyujarã ñna, ÿre ajirã jediro.

Nazaret v̄ame c̄uti macaj̄u Jesús ÿ tudiejare queti
(Mt 13.53-58; Mr 6.1-6)

¹⁶ Nazaretj̄u, ÿ bucuariaroj̄u tudiejayuju Jesús. Daqueḡu ñaḡuj̄ane jud'io masa ñna us̄s̄ajariar̄um̄are Dios ocare ñna buerivire s̄ajar̄uḡur'i ñari, us̄s̄ajariar̄um̄a ti ejaro s̄ajasuju. S̄ajac̄ari, ejar̄uju ejayuju. To bajin̄aboa, v̄am̄ur̄uḡuñuju, Dios ocare ÿagotiguagu. ¹⁷ ÿ v̄am̄ur̄uḡurone, Diore gotir̄etobosamasir'i, Isa'ias ÿ ucamasire ñaritutire ÿre ÿsiñuju ti viaḡu. To bajiro ÿ yirone, titutire j̄anac̄ari, ÿ ÿagotirotij̄ure ÿab̄ujayuju. ÿab̄ujac̄ari, ado bajiro ÿnare ÿagotiyuju Jesús:

¹⁸ —“Esp'iritu Santore c̄uoḡu ñari, ÿ ejarēmose rãca t̄oñac̄ari, m̄uare gotiaja ȳu. ‘Maioro bajir̄are quēnaro ȳu yiroti quetire ÿnare gotir̄uc̄ija m̄u’ yiḡu, ‘Rojose yir̄uaboarine, tire yibetic̄ato’ yiḡu, ȳure c̄oacami. S̄iḡuri ȳure masimena, ÿamenare bajiro bajirã, ‘Ȳure masiato ñna’ yiḡu, ȳure c̄oacami. Ḡajerãma, tubibe ecoriar̄are bajiro bajir̄are, rojose yisejariar̄are, ‘Rojose ñna yisere yit̄ujato’ yiḡu, ȳure c̄oacami.

¹⁹ “Adirodone ñaja Ÿj̄u Dios, masare rojose ñna t̄am̄uoborotire ÿnare ÿ yir̄etobosarotirodo”, ÿnare yigotiaja m̄u’ yiḡu, ȳure c̄oacami”.

“To bajiro bajir̄aroja ti”, yiucamasiñumi Isa'ias, Dios ocare gotir̄etoḡu —ÿnare ȳiñagotiyuju Jesús.

²⁰ To bajiro ȳiñagoti gajanoc̄ari, ÿ ÿaritutire buac̄ari, ti viaḡure t̄oyuju. To yic̄o, ejar̄ujucoasuju yuja, ÿnare bueḡuagu.

To ĩ bajirone buto ĩre ĩaňuĵarã ĩna jediro, ĩnare ĩ gotisere ajiruaraň ĩnari. ²¹ To bajiro ĩna bajirone, ado bajiro ĩnare gotiyuju ĩ:

—Jĕre adirodone ñaja, “Bajiruaroĵa” Isa'ias ĩ yuicamasiri-
arore bajirone bajirirodo —ĩnare yigotiyuju Jesús.

²² To bajiro ĩ yisere ajicĕari, no yimasibesujarã ĩna:

—¿No bajiro bajicĕari, quĕnaro gotimasiomasiati ĩ? ¿Adi
macagu Josĕ macu me ñatique? —Jesúre ĩre yiyujarã ĩna.

²³ To bajiro ĩna yisere ajicĕari, ado bajiro ĩnare yiyuju Jesús:

—Yure rucubuoĵeaja mu. Ado bajiro yure yituoĵaja mu:
“Capernaum vãme cutoĵu ĩaňaňamani ĩ yirere ajicaju mani. Ri-
oĵo gotigu, ĩaňaňamani ĩ yisere manire quĕne yĩoato ĩ”, yituoĵaja
mu. Mani gotise queti, ado bajiro gotiaja: “Sĭgũ, uco yigu, ĩ
rijajama, ĩ masune uco yi, caticoacumi. To bajiro ĩ bajisere
ĩacĕari, ‘Uco yigu masune ñaami’ yimasirãĵa mani”, yigotiaja. Ti
ũnre yure gotirua tuoĵaja mu, ado bajiro yu yisere bojarã ĩnari:
“ĩaňaňamani yigu masu mu ñajama, Capernaumu ĩaňaňamani
mu yĩorere bajiro mu ya macanare quĕne yĩoroti ñaja”, yure
yiboarãĵa mu —ĩnare yigotiyuju Jesús.

²⁴ To yigajano, ado bajiro ĩnare gotiyuju quĕna:

—Rioĵo muare gotiaja yu. Diore gotirĕtobosarimasu gajeroĵu
Dios ocare ĩ gotimasiocudijama, ĩre ajirucubuoĵama. To ba-
ĵiboarine, ĩ ya macanare Dios ocare ĩ gotimasioĵama, ĩre
ajiterãma. To bajirone bajiaja yure quĕne —ĩnare yiyuju Jesús.

²⁵ —To bajirone bajimasiňuju ti, mani ñicure quĕne. Diore
gotirĕtobosamasir'i, El'ias vãme cutigure, ĩ yarã ñamasiriarã, ĩre
ajitemasiňujarã ĩna. El'ias ĩ ñarirodori yoaro oco quedibeti-
masiňuju. Idia cãma jediro gaje cãma gũdareco oco quedibeti-
masiňuju. To bajiro bajica yiro, bare manimasiňuju. Manajua
rijaveomasiriarã, tirodori ĵãjarã ñamasiniujarã ĩna. ²⁶ To bajiri
El'ias ĩ ejarĕmorotire bojarã, ĵãjarã ĩna ñaboajaquĕne, ĩna tuĵuare
cĕabecune, “Sidón vãme cuti maca tu ñarimaca, Sarepta vãme
cuti maca ñagĕĵuare sore ejarĕmoaya” yigu, ĩre cĕamasiniuju
Dios. ²⁷ Eliseo vãme cutigu, Diore gotirĕtobosamasir'ire quĕne,
to bajirone bajimasiňuju. ĩ ñarirodori, mani ñicua ñamasiriarã,
gase boarã ĵãjarã ñamasiniujarã ĩna. Ĵãjarã ĩna ñaboajaquĕne, ĩnare
catiobetimasiniuju ĩ. ĩnare catiobetiboarine, gãĵerã masuĵuare,
Siria sitagure Naamán vãme cutigure catiomasiňuju Eliseo —
ĩnare yigotiyuju Jesús, Dios ocare ĩna buerivi rĕĵarãre.

²⁸ To bajiro ĩ yigotisere ajicĕari, ĩna jedirone buto
ĵũnisiniujarã. ²⁹ To bajiro bajirã ĩnari, Jesúre ñiacoasujarã
ĩna. Gũtau ñaňuju ti, ĩna ñarimaca tuĵu. “Tiũ gũtau joeĵu ĩre
turocaqueoto mani” yirã, Jesúre ñia vaboayujarã ĩna. ³⁰ ĩre
ĩna ñia vaboajaquĕne, no yimasinã manone ĩna vatoane
vacoasuju Jesús.

Mas ɯsɯjɯ sãñagũre vãtire Jesús ĩ burocare queti
(Mr 1.21-28)

³¹⁻³² Galilea sitare ñarimaca, Capernaum vãme cãti macajɯ vasuju Jesús. Ti macajɯ ejacõari, ɯsɯsãjariarũmɯ ti ejaro, Dios ocare ĩna buerivijɯ ĩnare gotimasioñuju ĩ. Ʋjũre bajiro bojonebecũne quẽnaro ĩ gotimasiojare, ajĩĩañamani ĩ gotise ti ñajare, no yimasibesujarã ĩna.

³³ Ti vire sĭgũ ẽmɯ ñañuju, ĩ ɯsɯjɯ vãti sãñagũ. ĩ ɯsɯjɯ sãñacõari, ado bajiro Jesúre ĩre avasãñuju vãti:

³⁴ —Jesús, Nazaret vãme cãti macagɯ, ¿no yigɯ yɯa tɯ vadiati mɯ? ¡Yɯare gõjanabiobesa! ¿Rojose yɯa yise vaja, rojose yɯare yigɯagɯ vadiati mɯ? Mɯre ĩamasiaja yɯa. Rojose yigɯ me, Dios ĩ cõar'i ñaja mɯ —Jesúre yĭavasãñuju vãti.

³⁵ To ĩ yirone, oca tutuase rãca ado bajiro ĩre yiyuju Jesús:

—ñagõbesa mɯ! ¡To yicõari, ĩ ɯsɯjũre budigoya! —vãtire ĩre yiyuju Jesús.

To ĩ yirone, rijaquedirotiyuju vãti, masure. To yicõari, rojose ĩre yirɯagɯ ñaboarine, rojose ĩre yibecũne, ĩre budigo-coasuju yuja. To ĩ bajijare, masujɯama quẽnaejacoasuju. ³⁶ To bajisere ĩacõari, ti vi ñarã jediro no yimasibesujarã ĩna, ti ũnire ĩabetirũgũriarã ñari. To bajicõari, ĩna masune ado bajiro gãmerã sēniñañujarã:

—¿No bajiati? Ajĩĩañamani oca manire gotimasioğũ yami. Bũto masigũ ñaami. Vãtia bũto masirã ĩna ñaboajaquẽne, masa ɯsɯrijũre sãñarãre ĩnare bureamasiami —gãmerã yiyujarã ĩna.

³⁷ To bajiro Jesús ĩ yĩnasere masa ĩna gotibatojare, Galilea sitana tire ajjedicõañujarã ĩna.

Pedro ũmañicore Jesús ĩ catiore queti
(Mt 8.14-15; Mr 1.29-31)

³⁸ Dios ocare ĩna buerivijɯ ñar'i, budiasuju Jesús, Simón Pedro ya vijɯ vacɯ. Ti vijɯ sãjaejacõari, Pedro ũmañicore ĩañuju. So rujɯ bũto asicõari, bũbũribũjayuju so. To bajiro so bajijare, Jesús sore ĩ catiosere bojayujarã ĩna. ³⁹ To bajiro ĩna yirone, so tɯ ejarũgũcõari,

—So rujɯ asise, tũjaya —yiyuju ĩ. To bajiro ĩ yirone, sore rujɯ asiboase sore tũjacoasuju. To bajiro sore ĩ yicatiõirĩmarone, vũmũrũgũcõari, bare ĩnare ecayuju so.

Jãjarã, rijaye cãtirãre Jesús ĩ catiore queti
(Mt 8.16-17; Mr 1.32-34)

⁴⁰ Tijɯ bero, rãiorijɯ Jesús tũjɯ juaejayujarã, rijaye cãtirãre. To ĩna bajisere ĩacõari, tocãrãcure ĩ ãmori ñũjeocõari, ĩnare catioyuju Jesús. ⁴¹ Vãti sãñarãre quẽne juaejayujarã. ĩnare quẽne, ĩna ɯsɯrijɯ sãñarãre vãtiare bureayuju Jesús. To ĩ yirone, “Dios macũne ñaami” yimasirã ñari,

—Dios macu ñaja mu —vãtia ñna yivasãjare, ñnare ñagõrotibesuju Jesús, “Masa rojose ñna tãmuoborotire ñnare yirẽtobosacõari, “Rotimurõgõrõcamì” yigu, Dios ñ cõar'i ñnaami Jesús' masare yiajioroma” yigu.^a

“Gaje macarianare quẽne, quẽnase quetire goticudirocu ñaja yu”, Jesús yire queti (Mr 1.35-39)

⁴² Gajerãm, busuriju, masa manoj, vacoasuju Jesús, Diore sẽnigacu. To ñ bajiboajaquẽne, ti macana, ñre macasaya, ejacoasujarã ñna. Toju ñre ñabujacõari,

—Yna rãca tudiyaya mu. Gãjerã ñna ñaroju vabesa mu —ñre yiboayujarã ñna. ⁴³ To bajiro ñna yisere ajicõari, ado bajiro ñnare yicudiyuju Jesús:

—Tudiabeaja yu. Gaje macarianare quẽne, quẽnase quetire goticudirũgũrocu ñaja yu. “Ëju Dios yarã quẽnaro ñ yirona mua ñarujama, rojose mua yisere yitujacõari, yure ajitirũnaña”, ñnare quẽne yigotimasioroti ñaja. “To bajiro yicudiatu” yigu, yure cõacami Dios —ñnare yicudiyuju Jesús.

⁴⁴ To bajiri, gaje macariana jud'io masa Dios ocare ñna bueriviriju sãjacõari, quẽnase quetire gotimasiodicudirũgũñuju Jesús.

5

Vai sãrimasare Jesús ñ jire queti (Mt 4.18-22; Mr 1.16-20)

¹ Cojorũmu Genesaret vãme cutira utabucura taju ñañuju Jesús. To ñ bajiro ñacõari, jãjarã masa ejayujarã. ñna ejaro ñacõari, ñnare gotimasio ñañuju ñ. To bajiri ñ gotimasiosere buto ajiruarã ñari, ñ ture jãjarãbusa ejayujarã masa. ² To bajiri ñ rãgõboarijure rãgõbibecõañujarã. To ñna bajijare, juã cũmuari masa maniaru jayasere ñabujayuju ñ. Vai sãrimasa ñna bajiyucãrre coerã ñna vãgãgoriari ñañuju. Coja ñañuju Pedro yaga. ³ Tia tu ñañuju Pedro, vai sãñar'i ñ bajiyucãrre coeñagũ. To bajiri tiare vasãjacõari,

—Quẽnaca yure ñnuviojoya mu —Pedrore ñre yiyuju Jesús. ñre ñ nuviojoro bero, cũmuaju sãñacõari, masare gotimasioñuju quẽna. ⁴ ñnare gotimasio gajanocõari, ado bajiro Pedrore ñre yiyuju:

—jũcãroju vijajajacõari, mua bajiyucãre rearoderuuya mua! —ñre yiyuju. ⁵ To bajiro ñ yisere ajicõari, ado bajiro ñre yicudiyuju Pedro:

^a 4:41 “Masare ñ rijabosarotirũmu ti ejabetijare, vãtiare ñagõrotibesuju Jesús”, yiyujarã sãgãri, Dios oca masa ñna ucamasire buerẽtoburimasa.

—Yua ujū, jēju ñami yua bajiyucare rearoderuu ñamicutiboabu yua. Vai, mama ña. To bajiboarine yuare mū rotijare, rearoderuu ñaruarāja quēna —Jesúre yicūdiyuju Pedro.

⁶ To bajiri, ũcuroju vijajajacōari, ña bajiyucare rearoderuucōari, tūajāmūoboayujarā ña. Ña tūajāmūoboaro, jājarā ña sājajare, ña bajiyucari vocoabusa bajiyuju. ⁷⁻¹⁰ To ti bajijare, gājerā vai sīarimasare jiyujarā ña, “Yuare ejarēmoroaya” yirā. To ña yirā, ña tujū ejacōari, ña ya cūmuaju vaire juasāñujarā ña quēne. Juā cūmuajune rujaruabusaroju yijūmūojocōañujarā. Pedro rācana ñañujarā Zebedeo rīa, Juan vāme cutigu, to yicōari, Santiago vāme cutigu. Jājarā vai ña sājaro ñaucajedicoasujarā ña, ti ũnire ñabetirūgūriarā ñari. Tire ñaucacōari, Jesús ture gūsomuniari tuetucōari,

—Masirētogū ñaja mū. To bajiro yigu ñari, quēnaro yigu mū ñasere masiaja yū. Dios ī bojarore bajiro yigu me ñaja yūma. Yuare baba cutirūabecuja mū, quēnagū ñari —Jesúre yiyuju Pedro. To bajiro ī yisere ajicōari, ado bajiro ñare yiyuju Jesús:

—Yuare gūibeticōaña mūa. Vai sīarimasa mūa ñaserema jēre moagajanocōaja mūa. To bajiri yucurema masa yare ña ajitirānūrotijare yare moabosarā ñarūgūruarāja mūa —ñare yigotiyuju Jesús.

¹¹ To bajiro ī yijare, ña cūmuarire vejamocū, to yicōari, ña gajeyeūnire quēne cūcōa, ñre sūyacoasujarā ña.

Gase boagure Jesús ī catioire queti

(Mt 8.1-4; Mr 1.40-45)

¹² Cojorāmū macaju Jesús ī ñaro, ī tujū ejayuju rijaye cutigu, ī ruju jediro gase boagu. Jesúre ñacōari, gūsomuniari tuetuyuju, ñre rācūbūogu. To yicōari, ado bajiro Jesúre ñre yiyuju:

—Yū ujū, yū cāmire mū yarūajama, yaya —ñre yisēniñuju ī.

¹³ To bajiro ñre ī yisere ajicōari,

—Mū cāmire yarūcūja yū —ñre yigūne, ñre moaīañuju Jesús. To bajiro ī yirirīmarone, ī cāmi ñre yaticoasuju yuja. ¹⁴ To ñre yigajanocōari, gājerāre ñre gotirotibesuju Jesús. To bajiro ñre yicōari, ado bajiro ñre yiyuju:

—Yucūacane paire mū rujure űoaya. Mū rujure ñre űogūne, Moisére Dios ī roticūmasiriarore bajiro vaibūcūrā ecariarāre sīacōari, paire ñre ĩsima, Diore rācūbūogu. To mū yisere ñacōari, “Caticoasumi”, yirūarāma masa —ñre yiyuju Jesús, gase boaboar'ire.

¹⁵ To bajiro ī yisere masa ña masisere ī bojabetiboajaquēne, Jesús ī yīñase quetire ajijedicōañujarā. To bajiri, jājarābūsa masa ejarūgūñujarā, Jesús tujure, ī gotisere ajirā, to yicōari, ña rijaye cutisere ñre catorotirā. ¹⁶ To bajiro ña bajiboajaquēne,

masa manojm̄ ĩnare cãmotadiveocoarũgũñju Jesũs, Diore ĩre sãnigũ vacu.

Micagũre Jesũs ĩ catioire queti
(Mt 9.1-8; Mr 2.1-12)

¹⁷ Cojorãm̄m̄ Jesũs masare ĩ gotimasio ñarore, fariseo masa, Dios ĩ rotimasire gotimasiorimasa quẽne ajirujiyujarã ĩna. ĩna ñañujarã Galilea sita ñarimacariana, to bajicõari, Judea sita ñarimacariana. Gãjerãma, Jerusalén macana ñañujarã. To ĩna ajirujirone, Dios ĩ masise rãca rijaye cutirãre ĩnare catioõõñju Jesũs. ¹⁸ To bajiro ĩ yĩñarone, micagũre ãmiayujarã. ĩre ãmiadicõari, Jesũs tujm̄ cũruaboayujarã ĩna. ¹⁹ To ĩna yiruaboarore jãjarã masa ñabibecõañujarã. To bajiri, vijure sãjamasibesujarã. “Tire bajicõaja” yirã, vi joeju ĩre ãmimujasujarã. ĩre ãmimujacõari, Jesũs ĩ rũgõro vecare goje yijorayujarã. To yigajano, micagũre ĩ jesarijm̄ rãcane ĩre jidirujio ejoyujarã, Jesũs tujm̄. ²⁰ “Micagũre ĩamaicõari, ĩre catioõõcũmi Jesũs” ĩna yitũõĩasere ĩamasicõari, micagũjũare ado bajiro ĩre yiyuju:

–Rojose m̄ yirere m̄re masiriocõaja ym̄ –ĩre yiyuju Jesũs.

²¹ To ĩ yisere ajicõari, Dios ĩ rotimasire gotimasiorimasa, fariseo masa quẽne, ado bajiro tũõĩañujarã ĩna:

–¿No yigm̄ to bajise yati ĩ? To bajiro ĩ ñagõjama, Diore ĩre rãcũruobecũ yami. Dios sĩgũne ñagũmi, ti ũnre yimasigũma –yitũõĩañujarã ĩna.

²² To bajiro ĩna yitũõĩasere ĩamasicõari, ado bajiro ĩnare yiyuju Jesũs:

–“ ‘Diore bajiro masa rojose ĩna yisere masiriomasiaja’ yisocaami”, yure yitũõĩaboaja m̄ma. ²³ “Rojose m̄ yirere masiriocõaja” ym̄ yicõa tujajama, “Socũ yami. Socũ me yami”, yure yĩãmasigũ magũmi. To bajiboarine, micagũre, “Vũmarũgũcõari, vasa” ĩre ym̄ yijama, “Socũ me yami. Rojose ĩ yirere masiriocõami”, yure yĩãmasirãja m̄ma. ²⁴ To bajiri, “ ‘Dios ĩ roticõacacũ ñari, Diore bajirone masare rojose ĩna yisere masiriomasigũ ñaami’ yure yĩãmasiato” yigm̄, ãni micagũre ado bajiro ĩre yaja ym̄: “Vũmarũgũña m̄. M̄ jesarijũre ãmiña. To yicõari, m̄ ya vijũ tudiasa”, ĩre yaja ym̄ –ĩre yiyuju Jesũs.

²⁵ To ĩ yirirĩmarone, masa jediro ĩna ĩaro rĩjoro vũmarũgũcõari, ĩ jesarijũre ãmi, ĩ ya vijũ vacoasuju ĩ yuja. “Quẽnaro yaja m̄”, Diore ĩre yivariquẽna vasuju ĩ. ²⁶ To bajiro Jesũs ĩ yisere ĩãcacoasujarã masa. “Ti ũnre ĩabetirũgũcãju mani. ãni, Dios ĩ masise rãca yigm̄ yami” yitũõĩacõari, “Quẽnaro yaja m̄”, Diore ĩre yivariquẽnañujarã ĩna.

Lev'ire Jesũs ĩ jire queti
(Mt 9.9-13; Mr 2.13-17)

27 Micagāre catiocōari bero vacoasuju Jesús. To bajivacu, Lev'i vāme cutigure ĩañuju. Ujūre gājoa sēnibosarimasu ĩañuju. Gājoa sēnirā ĩna rujirijūre gājoa sēnirujiyuju. To ĩ bajiro, ĩre ĩacōari, ado bajiro ĩre yiyuju Jesús:

—Yūre ajisuyaya —ĩre yiyuju.^b

28 To bajiro ĩ yisere ajicōari, ĩ yere juabecune, Jesúre suyacoasuju ĩ yuja.

29 Bero, ĩ ya vijū ejacōari, Jesúre rācubuoḡu, jairo bare quēnorotiyuju Lev'i. To yicōari, Jesúre, ĩ buerimasare quēne jiyuju. Ujūre gājoa sēnibosarimasare, to yicōari, gājerāre quēne jirēoñuju ĩ. ĩna ĩñañujarā “Rojose yirā ĩnaama” masa ĩna yīarā. To bajiri, jājarā ĩñañujarā ĩ jirēoriarā. 30 To bajiri, Jesúrāca ĩna bañarone, ejayujarā fariseo masa, Dios ĩ rotimasire gotimasiorimasa quēne. ĩna ĩñañujarā, Moisére Dios ĩ roticūmasirere buto ajirūcubuoḡā, rojose yirā rāca ĩnarūamena. To bajiri, ĩna bañarōjū ejacōari, ado bajiro Jesús buerimasare ĩnare sēniñañujarā:

—¿No yirā ānoa rojose yirā rāca bati mūa? —ĩnare yisēniñañujarā ĩna.

31 To bajiro ĩna yisere ajicōari, ado bajiro ĩnare cūdiyuju Jesús:

—Catiquēnarāma, uco yigure bojamenama. Rijaye cutirā rīne ĩre bojarāma ĩna. 32 To bajiro bajiaja yūre quēne. “Rojosere yirā me ĩaja yūa” yirāma, yūre bojamenama. “Rojose yirā ĩaja yūa” yirā rīne yūre bojarāma. Quēnase yirāre jigūagū me, adi macarūcūroju vadicaju yū. Rojasere yirā, “Rojose ĩna yisere yitūjato” yigū, vadicaju yū —ĩnare yiyuju Jesús.

“Mani sutiritisere ĩacōari, quēnaro manire ejarēmorūcūmi Dios” yirā, bare babetire queti

(Mt 9.14-17; Mr 2.18-22)

33 To ĩ yiro bero, Jesúre sēniñañujarā sīgāri:

—Juan vāme cutigū, masare oco rāca bautizarimasu buerimasa, to yicōari, fariseo masa quēne, mani ĩicūa ĩna yimasirarore bajiro Diore ĩna sēnirirūmūreirema bare babetirūgūama. ¿No yirā tire yibeati mū buerāma? —Jesúre yisēniñañujarā ĩna.

34 To ĩna yisere ajicōari, ado bajiro ĩnare gotimasioñuju Jesús:

—Sīgū ĩ āmosiarirūmūre ĩre variquēnaejarēmorā ĩnarāma. To ĩ ūmato yīnaro cōro ĩre variquēnaejarēmocōa ĩnarāma. ĩnare bajiro bajiamā yū buerā. Yū rāca ĩari, variquēnacōa ĩnaama. “Sutiritimena ĩari, no yirā bare babeticōa yimenama” yimasire ĩaja. 35 To bajiboarine, cojorūmū yūre ĩna ĩnavato ĩacōari, bare bamenane Diore sēnirūgūarāma, “Mani

^b 5:27 Leví, jua vāme, vāme cutigū ĩañuju. Gaje vāme, Mateo vāme cutiyuju. Leví, hebreo oca rāca, Mateo romano oca rāca yirūaro yaja.

satiritisere ĩacđari, quēnaro manire ejarēmoato Dios” yirā –ĩnare yiyuju Jesús.

³⁶ To yicđari, quēna gaje gotimasiore queti ado bajise ĩnare gotirēmoñuju Jesús:

–Mame oca yu gotimasiose ricati ti ñajare, yu ye rāca mani ñicua ĩna yimasirere mua tũoĭavuoĵama, quēnabeaja. Sudiro bucuase ti vojama, sudiro mamase voāmicđari, tiatumenaja mani, bucuase vorijure. To bajiro mani yijama, sudiro mamase yirojocđarāja mani. To bajicđari, bucuase rāca quēnaro ruyubetoja mamaseagaju rāca mani tiaturiju ñari. To bajiri bucuase, mamase rāca mani tiavuoĵetore bajiro, mame oca yu gotimasiosere, mani ñicua oca rāca tũoĭavuoĵesaba mua. ³⁷ To bajirone bajiaja uye oco quēne. Mame uye ocore, vaibucugaserone quēnorĭajoa bucujoajure jiomenaĵa mani. Bucujoajure mani jioĵama, jāmusĭnituca yiro, yivocđaroĵa tĭjoajure. To bajiro mani yijama, uye ocore, vaibucugaserone quēnorĭajoare quēne to bajirone yireacđa tujana yirāja mani. ³⁸ “To bajirobe” yirāma, mame uye ocore vaibucugaserone quēnorĭajoa, mamajoajure jiore ñaroĵa. To yicđari, uye oco, vaibucugaserone quēnorĭajoa quēne, coĵoro cđoro quēnaro ñaruaroĵa. To bajiri mame uye ocore, bucujoajure mani jĭobetore bajiro mame oca yu gotimasiosere, mani ñicua oca rāca tũoĭavuoĵesaba mua. ³⁹ To bajiro muare yaja yu, ado bajiro ti bajijare: Mani gotise queti ado bajiro bajiaja: “Uye oco tirũmuĵa ĩna quēnore idirũgũrāma, uye oco mame ĩna quēnose idirũamenama, ‘Tirũmuaye ĩna quēnoreĵua quēnaja’ yirā”, yigotiaĵa mani gotise. To bajirone bajiaja mame oca yu gotimasiose quēne. Jājarā tirũmuaye ocare ajirũcũuosejarāma, mame oca yu gotimasiosere ajiterāma, “Tirũmuaye ocaĵua quēnaja” yirā –ĩnare yiyuju Jesús.

6

Ususāĵariarũmu ñaboĵaquēne, Jesús buerimasa trigo ajere tũnejuacđari ĩna bare queti

(Mt 12.1-8; Mr 2.23-28)

¹ Ususāĵariarũmu ti ejaro, trigo oterĭavese cutore vasuĵarā, Jesũrāca. To bajivanane, trigo ricare tũnejuacđari, ĩna āmorine ti gasere sĭguēreacđari, bayuĵarā ĩna. ² Tire ĩna basere ĩacđari, sĭgũri fariseo masa ado bajiro ĩnare yiyuĵarā:

–Ususāĵariarũmu yire mere yaja mua –ĩnare yiyuĵarā.

³ To bajiro ĩna yisere ajicđari, ado bajiro ĩnare cũdiyuju Jesús:

–¿David ñamasir'i, ĩ babarā rāca ñiorĭacđari, ĩnare ĩ ũmato bamasirere masibeati mua? ⁴ Ñiorĭarā ñari, “Mani rāca ñagũmi Dios” masa ĩna yirivĭjare sājacđari, Diore ĩre rũcũuorā pan gāĵerā ĩna cũboarerene juacđari, ĩ babarā rāca bamasiñuju ĩ. To

bajiri Moisés ñamasir'i i gotimasirema, "Paia rĩne baruarãma" i yimasiboarerene bamasiñujarã ina. To bajiro ina yiboajaquẽne, ti vaja rojose ñnare yibetimasifumi Dios. ⁵ Yu, Dios i roticõacacũ, "Ususãjariarũmure ado bajiro mũa yijama, quẽnaja. To bajirojũa mũa yijama, quẽnabeaja", yirotigũ ñaja yũ –ñnare yicadiyuju Jesús, fariseo masare.

Ãmo ñujobecũre Jesús i ñujorotire queti

(Mt 12.9-14; Mr 3.1-6)

⁶ Gaje semana gaja, ususãjariarũmu ti ejaro, Dios ocare ñna buerivijũ tudivasuju Jesús quẽna. Sãjacõari, toanare gotimasioñuju. Ti vijũ ñañuju sīgũ, riojojacatũa ãmo ñujobecũ.

⁷ Dios i rotimasire gotimasiorimasa, to yicõari, fariseo masa quẽne ñañujarã. " 'Jesús, rojose yimi' ñjarãre ñre yigotiyirorãsa" yirã, Jesũre ñre ñacodeyujarã ñna. "Adirũmu ususãjariarũmure ãni ãmo ñujobecũre i masise rãca i ñujorotijama, 'Dios, Moisére i roticũmasirere cãdibecũ yimi' yigotiruarãja mani", yitũoñañujarã. ⁸ To bajiro ñna yitũoñasere ñamasicõañuju Jesús. To bajigũ ñnari, ado bajiro yiyuju, ãmo ñujobecũjũare:

–Vãmũrũgũña –ñre yiyuju.

To i yirone, vãmũrũgũñuju i.

⁹ To bajiro ñre yicõari, Dios i rotimasire gotimasiorimasare, to yicõari, fariseo masare quẽne ado bajiro ñnare sẽnĩañuju Jesús:

–¿Ususãjariarũmure quẽne, no bojagũ masũre quẽnaro mani yijama, quẽnabetojari? ¿Disejũare yiroti ñnati? ¿Quẽnasejũare, rojosejũare yiroti ñnati ti? ¿Rijaye cutirãre catiorejũare yiroti ñnatiqũ? To yiterã, ñnare sñacõaroti ñnatiqũ? –ñnare yiyuju Jesús.

¹⁰ I sẽnĩasere ñna cãdisere ajirũ, tocãrãcũrene ñnare ñaboayuju. ñna cãdibeto ñaboacũ, ado bajiro ñre yiyuju, ãmo ñujobecũjũare:

–Mũ ãmore ñujoya mũ –ñre yiyuju Jesús.

To i yirone, i ãmore i ñujorone, quẽnaejacoasuju yuja. ¹¹ To bajiro ñre i yijare, Jesũre buto jũnisiniñujarã ñna Dios i rotimasire gotimasiorimasa, to yicõari, fariseo masa quẽne. "¿No bajiro yicõari, Jesũre sñarotirãti mani?", gãmerã yĩñagõñujarã ñna.

Ãocare goticudisũronare Jesús i besere queti

(Mt 10.1-4; Mr 3.13-19)

¹² Cojorũmu buroju majasuju Jesús, Diore sẽnignũacũ. Toju Diore sẽnĩ ñamicutibusuocoasuju i. ¹³ I sẽnĩ busuorirũmure, i buerimasare jirẽoñuju Jesús. To bajiri i tu ñna ejarone, juaãmo cõro, gũbo jua jẽnitarirãcũ ñnarã ñnare beseyuju, i ocare goticudibosaronare. ¹⁴⁻¹⁵ Ado bajiro vãme cutirã ñañujarã: Simón vãme cutiboar'i Pedro vãme cutigũ, i bedi, Andrés ñañujarã. Santiago, Juan, Felipe, Bartolomé, Mateo, Tomás ñañujarã. Alfeo macũ, Santiago, to yicõari, Simón vãme cutigũ, celote

yere t̄uoĩaboar'i ñaũuju. ¹⁶ Santiago macu, Judas v̄ame cutigu ñaũuju. T̄usagu Judas Iscariote v̄ame cutiyuju. Ī ñaũuju Jesúre ĩsirocar'i. To bajiri j̄uaãmo cõro, ḡubo j̄ua j̄enituarir̄acu ñaũujar̄a Jesús ĩ beseriar̄a.

Masa j̄aj̄ar̄are gotimasioçõari, rijaye cutir̄are Jesús ĩ catiore (Mt 4.23-25)

¹⁷ Ī beseriaro bero, ĩna r̄aca rojaejayuju ĩ, rujatũcuroriju. Toju ḡajer̄a Jesús buerimasa ĩre ñayuyujar̄a ĩna. Judea sita ñarimacariana, ḡajer̄ama, Jerusalén macana ñaũujar̄a. Ḡajer̄a moa riaga t̄uana, Tiro macana, to yicõari, Sidón macana quẽne ñaũujar̄a ĩna. Ī gotimasiosere ajiruar̄a, to yicõari, ĩ catiosere bojar̄a, ĩre ñayuyujar̄a ĩna. ¹⁸ ĩna us̄arij̄ure v̄atia s̄añar̄a ñari, rojose t̄am̄or̄a quẽne ñaũujar̄a. ĩna us̄arij̄ure s̄añar̄are v̄atiare bureayuju Jesús. ¹⁹ To yicõari, toc̄ar̄acu rijaye cutir̄are quẽne catioyuju. To bajiro ĩ yisere ĩacõari, masa jediro ĩre moaĩar̄ayujar̄a, “Manire quẽne catioato” yir̄a.

Variquẽnaronare, to yicõari, rojose t̄am̄oronare Jesús ĩ gotimasiore queti

(Mt 5.1-12)

²⁰ ĩnare catiogajano, ĩ buerimasare ĩacõari, ado bajiro ĩnare gotiyuju ĩ:

—“Masimena ñari, m̄u ejarẽmose b̄uto bojaja ȳua”, Diore ĩre yis̄enir̄uḡur̄ama, ĩ yar̄a ñar̄ama. To bajiri, rojose t̄am̄oboarine, Dios t̄aj̄u variquẽnaronã ñar̄ama.

²¹ Yuc̄arire Dios ĩ bojabetire yicõari, t̄uoĩas̄utiritiñar̄a quẽne, variquẽnaronã ñar̄ama, beroju ĩna t̄uoĩas̄utiritisere Dios ĩnare ĩ yir̄etobosaroti ti ñajare.

²² Dios ĩ roticõacac̄ure, ȳure m̄ua ajitir̄an̄use s̄vorine ḡajer̄a m̄uare ajatud'icõari, “Rojor̄a ñaama” m̄uare ĩna yisocaboajaquẽne, variquẽnaruar̄aja m̄ua. ²³ To bajiro m̄uare ĩna yiboajaquẽne, b̄uto variquẽnaña m̄ua, “Beroju Dios t̄aj̄u ejar̄a, quẽnase b̄ujaruar̄aja” yimasir̄a ñari. M̄ua r̄ijoroana, Diore gotir̄etobosamasiriar̄are quẽne, rojose m̄uare ĩna yirore bajirone ĩnare quẽne rojose yimasir̄ujar̄a masa.

²⁴ Ḡajer̄ama, gajeyeũni jairo c̄ovariquẽnar̄a ñari, Diore bojamena ñar̄aja m̄ua. Adigodoju variquẽnar̄a ñaboarine, berojuma s̄utiritiruar̄aja.

²⁵ Ḡajer̄ama, “Disejua ȳuare r̄uyabeaja” yivariquẽnar̄a ñari, Diore bojamena ñar̄aja m̄ua. Adigodoj̄ure variquẽnar̄a ñaboarine, berojuma variquẽnabetiruar̄aja m̄ua.

Ḡajer̄ama, m̄ua rijato bero m̄ua bajirotire t̄uoĩamenane, adigodoayere t̄uoĩacõari ajar̄ama, beroju, otiruar̄aja m̄ua.

²⁶ Masa, “Quẽnaro yir̄a ñaama” m̄uare ĩna yisere ajicõari, variquẽnaboaja m̄ua. To bajirone bajimasir̄uju tir̄um̄ju.

“Diore gotirētobosarimasa ñaja yua” yitomasiriarāre, “Quēnaro yirā ñama” ñnare yirūcabuomasiboayujarā mua ñicua.

“Manire ñaterāre quēne mani ñamaijama, quēnaja”, Jesús ñiyigotimasiore queti

(Mt 5.38-48; 7.12)

²⁷ Yure ajitirūnrāre ado bajise mware rotiaja yu: Mware ñaterāre quēne ñamaiña. Ñnare ñamaicōari, quēnaro yiya. ²⁸ Rojose mware yirāre quēne quēnaro ñna ñnaretire, Diore ñnare sēnibosaya mua. ²⁹ Cojojacatua, mua vayujuare ñ jajama, gajejacatware quēne ñre jarotiya. Sīgū, mua sudirore joeagarore ñ veaāmijama, jubeagarore quēne ñre veaīsicōaña. ³⁰ No bojarā mua gajeyeūnire ñna sēnijama, ñsiña. Mua gajeyeūnire juarudigure, “Yure tuoja”, ñre yibesa mua. ³¹ Gājerā quēnaro mware ñna yisere bojaja mua. To bajiri quēnaro mware ñna yisere bojarā ñnari, quēnaro ñnare yiya mua quēne.

³² Mware ñamairā rīne mua ñamaijama, ¿“Quēnaro yaja mua”, mware yīlagūjari Dios? Yibecūmi. Rojose yirā quēne, ñnare mairā rīrene ñnare ñamairūgūrāma ñna. ³³ Quēnaro mware yirā rīrene quēnaro mua yijama, ¿“Quēnaro yaja mua”, mware yīlagūjari Dios? Yibecūmi. Rojose yirā quēne, quēnaro ñnare yirā rīrene quēnaro yirūgūrāma ñna. ³⁴ Mware tuomasirā rīrene no bojasere mua vasoajama, ¿“Quēnaro yaja mua”, mware yīlagūjari Dios? Yibecūmi. Rojose yirā, ñnare tuomasirā rīrene ñna sēnisere ñnare ñsirāma ñna quēne. ³⁵ To bajiri ado bajiro mware gotiaja yu: Mware rojose yirāre quēne, ñnare maiña mua. Ñnare quēne quēnaro yiya. “Mani ñisere manire tuoruarāma” yituoīamenane, ñnare ñsiña. To bajiro ñnare mua yijama, quēnamasusere mware ñjorucūmi Dios. “Quēnaro yaja mua” Diore yimenarene, to yicōari, rojose yirāre Dios ñ mairōre bajirone mua maijama, “Dios rīa ñaja yua” yīorā yirāja mua. ³⁶ Mani jacu Dios ñ ñamairōre bajirone mua quēne, masare ñamaiña —ñ buerimasare yigotiyuju Jesús.

“Rojose yirā ñaama. Ti sūori rojose tāmūoruarāma’ yiruarā, ñnare ñabesebesa”, Jesús ñiyigotimasiore queti

(Mt 7.1-5)

³⁷ Quēna ado bajiro gotiyuju Jesús:

—“Rojose yirā, ñaama. To bajiro yirā ñnari, rojose tāmūoruarāma”, gājerāre ñnare yīabesebesa. To bajiro mua yijama, “Rojose yirā ñaama”, mware yīaromi Dios. Gājerā rojose mware ñna yisere mua masiriojama, rojose mua yisere mware masiriorucūmi Dios quēne. ³⁸ No bojase ñna

C 6:30 “Ado bajiro gotigū yiyuju Jesús”, yicama Dios ocare gotirētoburimasa: “Mani vayujuare jagure, to yicōari, gajeyeūni manire ēmagūre, to yicōari, gājerāre no bojase rojose manire yirāre Jesús ñ yijama, ñnare gāmebeticōari, quēnasejūare yiroti ñaja’ yigū yiyuju”, yicama ñna.

сuobetijama, ĩnare ĩsiña. To bajiro mũa yijama, ĩnare mũa ĩsirere ĩacõĩacõari, mũa ĩsise rětobusaro mũare ĩsirucumi Dios –ĩre ajitirãnũrãre yigotiyuju Jesús.

³⁹ To yigũne, adi gotimasiore quetire ĩnare gotiyuju:

–Sĩgũ ĩabecu, gãji ĩabecure ĩ tũavajama, gojeju reasãcõanama, ĩna jũarãjũne. ⁴⁰ Gajeyerema, ĩnare buegu rětobusaro masirã me ñaama ĩ buerã. To bajiboarine quẽnaro ĩna buejeocõajama, ĩnare buerimasũre bajirone masirãma ĩna quẽne.

⁴¹⁻⁴² Gajeyerema, ado bajiro yirãre bajiro yaja mũa: Gãji bũto rojose ĩ yibetiboajaquẽne, “Mũ cajeare sũjuroaca sãñaja. Tĩjacare ãmirocatõ” yirãre bajiro yaja mũa. Tire bũto ĩatirãnũrã ñaboarine, mũa cajeajũre jairisũjuro sãñarijaure tijaure “Ãmirocaya”, yimasibeaja mũa, “Bũto rojorã ñaja yũa” yitũoĩamasimena ñari. Mũa rãcagu ĩ yisejũare ĩacõari, “Riojo tũoĩabeaja mũa. ‘Quẽnasejũare tũoĩavasoaya’ yirã, riojo mũre gotirũarãja” yigotirã ñaboarine, “Adi ñaja quẽnase. Tĩjũa ñaja rojose”, yimasimenaja, ĩ rětoro rojose yirã ñari. “Quẽnaro yirã ñaja yũa” yitũoĩaboarine, rojorã ñaja mũa. “Bũto rojorã ñaja yũa” mũa yitũoĩamasiro beroju, mũa rãcagũre ejarẽmomasirãja mũa, “Quẽnaro riojo ñato ĩ” yirã –ĩ buerãre ĩnare yigotimasioñuju Jesús.

“Ti rica cutise sũorine yucũre ĩamasijaja mani”, Jesús ĩ yigotimasiore queti

(Mt 7.17-20; 12.34-35)

⁴³ –Gajeyerema, yucũ vãnũricũ, “Quẽnase rica cutiricũ ñaja” mani yiboaricũne, quẽnabeti rica cutibetoja. To yicõari, vãnũbeti, “Quẽnabeti rica cutiricũ ñaja” mani yiboaricũne, quẽnase rica cutibetoja. ⁴⁴ Ti rica cutise sũorine yucũre ĩamasijaja mani. Quẽnase bare higos vãme cutiũ ricare juaroana, vãtijota yucũrijũre macamenaja mani. To yicõari, yũe juaroana, vidiroju ñaricũ savajotaũjũre macamenaja mani. ⁴⁵ To bajirone bajijaja masare quẽne. Sĩgũri quẽnase tũoĩarã ñari, quẽnase yirãma. Gãjerã, rojose tũoĩarã ñari, rojose yirãma. To bajiro bajijaja mũa ñagõse quẽne. Masa ĩna ñagõsere ajicõari, “Rojose tũoĩarã ñaama. Quẽnase tũoĩarã ñaama”, yimasijaja mũa. To bajiri ĩna usũrijũ ĩna tũoĩabũjuoñaserene, ĩna riserijũ ñagõburũgũama ĩna –ĩnare yigotiyuju Jesús.

“Quẽnaro ĩre ajitirãnũrã, to yicõari, ĩre ajiboarine, ĩre cũdimenama, ado bajiro bajirãma”, Jesús ĩ yigotimasiore queti
(Mt 7.24-27)

⁴⁶ Quẽnã ado bajiro ĩnare yiyuju Jesús:

–¿No yirã yũ rotisere cũdibetiboarine, “Yũa yũ” yũre yati mũa? ⁴⁷ Yũ gotimasiosere ajicõari, yũ rotirore bajiro yigũma, ado bajiro yigũ ũgũre bajiro bajigũ ñagũmi: ⁴⁸ ĩ ũgũ ñagũmi

gūtajāijū gojeri coaejocōari, botari rūgōcōari, vi b̄uagure bajiro bajigū. Vi ī b̄uaro bero, b̄uto oco quediropa. To bajicōari, riaga jaicoatoja. Ti vijū ti jaiejacoaboajaquēne, juriaquedibetoja ti vi. ⁴⁹ Ȳure ajiboarine, ȳu rotirore bajiro yibecūjūa ñagūmi sita vajarojū vi b̄uagure bajiro bajigū. Ti vi ī b̄uaro bero, b̄uto oco quediropa. To bajicōari, riaga jaicoatoja. Ti vijūre ti jaiejarone, yoaro mene juriaquedicoatoja —ñare yigotiyuju Jesús.

7

Surara ujure moabosarimasure Jesús ī catiore queti (Mt 8.5-13)

¹ Gotimasiore queti ñare gotigajanocōari, Capernaum vāme cūti macajū vasuju Jesús. ² Ti macajure ñañuju romano masū. Surara ujū ñañuju ī. Īre moabosarimasū, ī maigū, b̄uto rijayuju. Bajirocacūjū yiyuju ī. ³ To bajiri ti macajū Jesús ī vadire ajicōari, “Īre catiogū vadiato Jesús” yigū, jud'io masa b̄ucūrāre ñare cōañuju ī, “Īre jiaya” yigū. ⁴ To bajiri Jesús tujū ejacōari, ado bajiro ĩre yisēniñujarā ña:

—Ȳu t̄uagu, romano masū, surara ujū, ī queti cōarā bajaiaja yūa. “Vadiato Jesús. Ȳu maigū, ȳure moabosagū, b̄uto rijaami. To bajiri rijacū yami. Īre catiogū vadiato” ī yijare, bajibū yūa. ⁵ Mani yarā, jud'io masare maiami. To bajiri ĩne Dios ocare yūa buerotivire b̄uaroticami. To yigū ī ñajare, ĩre sēnibosarā bajibū yūa. Ķire moabosagure catiogū varuabeati mū? —Jesūre yisēniñujarā ña.

⁶ To bajiro ña yijare, ña rāca vacoasuju Jesús. Ī cōñatone, gājerā ujū ī cōariarā ĩre bocayujarā ña. Īre bocacōari, ado bajise ĩre queti gotiyujarā ña:

—“Ȳu ujū, quēnagū ñaja mū”, mure yami romano masū. “Yūma, rojose yū yisere t̄uōīabojonēgū ñari, yū ya vire ĩre s̄ajarotimasibecūja yū. ⁷ To bajiri, ĩre boca bojoneaja yū”, mure yami. No yigū s̄ajabecūja mū. “S̄ajabetiboarine, ī ñagōt̄uōīasene catiomasicōagūmi”, mure yami. ⁸ “Gājerā surara ujarā beroagu ñaja yū. To bajiri, yū quēne, gājerā surarare rotigū ñaja yū. Sīgūre, ‘¡Vasa!’ yū yijama, vajami. Gājire, ‘Vayá’ yū yijama, vadiami. To yicōari, ȳure moabosarimasure, ‘Tire yiya’ yū yijama, yirūgūami. To bajiri, ī roque rotigū masu ñari, adoju s̄ajadibetiboarine, ī ñagōt̄uōīasene caticoarucūmi”, mure yami —Jesūre yiyujarā ña, romano masū ī gotirotirā.

⁹ To bajiro ī yirere ajicōari, no yimasibesuju Jesús. To bajiri, judarūgūcōari, jājarā ĩre s̄uyarāre ado bajiro ñare gotiyuju:

—Riojo mure gotiaja yū. Israel ñamasir'i jānerabatia yū yarā ñaboarine, “Masigū, to yicōari, quēnagū ñari, ȳure

yirēmoraçami” romano masu yure ï yituoïarore bajiro tuoïagüre ïabetirügüaja yu –ïnare yigotiyuju Jesús.

¹⁰ To bajiro ï yiro bero, romano masu ï gotirotiriarã, vijure sãjacõari, ïna ïajama, ïre moabosagüre catiquēnagü ñagüre ïre ïañujarã ïna.

Bajirocar'ire Jesús ï catiore queti

¹¹ To ï yiriaro bero, gaje macaju vasuju Jesús, Na'in vãme cãti macaju. ï buerã quēne gãjerã quēne, jãjarã masa ï rãca vasujarã ïna. ¹² Ti macaju ïna ejaro, bajirocar'ï rujurire gajavayujarã ïna, ïre yujeroana. Jãjarã masa ïna rãca vayujarã ïna. ï ñaboar'ï jaco quēne, vayuju. Manaju rijaveorio ñañuju so. Sīgũne macu cãtirio ñari, bũto otiyuju. So oti vadone sore bocayuju Jesús.

¹³ Sore ïamaicõari,

–To cõrone otitujaya mu –sore yiyuju ï.

¹⁴ To yicõari, so macu rujuri ïna gajarijotire ï moaïaejarügürone, tujarügücõañujarã ïna. ïna tujarügürone,

–“Vãmũrũjuña” mure yaja yu –ïre yiyuju Jesús.

¹⁵ To ï yirone, vãmũrũjuri, ñagõñuju ï yuja, bajirocar'ï. To ï bajiro ïacõari, ï jacore tũaïsiñuju Jesús. ¹⁶ ïre ï catiosere ïacõari, güiyujarã masa, ti ïnure ïabetirügüriarã ñari. To bajirã ñari,

–Diore gotirētobosarimasu ñamasugü mani tujure ejaami yuja. ï yarã mani ñajare, manire ïamaicõari, Jesús sũorine manire ejarēmoami Dios –Diore yirũcũbũo variquēnañujarã ïna.

¹⁷ To bajiro Jesús ï yisere ajjedicõañujarã ïna, Judea sitana. Ti sita sojuana quēne, tire ajiyujarã ïna.

Juan vãme cãtigũ, masare oco rãca bautizarimasu ï cõariarã, Jesúre ïna sēniãare queti

(Mt 11.2-19)

¹⁸ Jesús ï yĩnasere masijeocõañuju, Juan, ï buerimasa ïna gotise ti ñajare. ¹⁹ Tire ïre ïna gotiro bero, juarã ï buerãre sēniãaroticõañuju Juan:

–Jesúre, “¿Mũne ñati, ‘Rotimũorügõrũcũmi’ yigũ, Dios ï cõar'ï, ‘Yu bero ejarũcũmi’ Juan ï yigotimasiocacu? ¿Gãjire yuroti ñatique maji?”, Jesúre yisēniãaaya –ïnare yicõañuju Juan.

²⁰ To bajiro ï yicõariarã, Jesús tu ejacõari, ado bajiro ïre sēniãañujarã ïna:

–Juan vãme cãtigũ, masare oco rãca bautizarimasu buerã ñaja yua. “ïre sēniãaaya” ï yicõajare vabu yua. ¿Mũne ñati, “Rotimũorügõrũcũmi” yigũ, Dios ï cõar'ï, “Yu bero ejarũcũmi” Juan ï yigotimasiocacu? ¿Gãjire yuroti ñatique maji? –ïre yisēniãañujarã ïna.

21 To bajiro ñna yisēñiarã ejarone, jājarã rijaye cutirãre catioñoñuju Jesús. Masa usariju sãñarãre vãtiare quēne bu-reaññuju. To yicōari, caje ñamenare quēne ñnare ñarotioñoñuju. 22 To bajiri, Juan ñ cōariarã ñna sēñiñasere ajicōari, ado bajiro ñnare cadiyuju Jesús:

—Ado bajiro Juanre gotiba mña: “Jesús ñ masise rãca ñ yijare, ñabetiboariarã quēne ñama. Rujasagueri vaboariarã quēne, quēnaro vama. Gase boariarãre quēne, ñna cãmi yatibu. Ajimena ñaboariarã quēne, ajima. Bajireariarã quēne, tudicaitima. To yicōari, maioro bajirãre quēne, Dios oca quēnasere gotimasio ecoma ñna”, yigotiba, Juan tujũ ejacōari. 23 To bajiri, “‘Quēnase bujaruarãma yure ajitirũnarã, ‘Socũ me yami’, yure yitũoñarãma’ yimi”, ñre yigotiaya —ñnare yiyuju Jesús, Juan ñ sēñiarotiriarãre.

24 To bajiro ñ yisere ajicōari, ñna vase rãcane, Juan vãme cutigu, masare oca rãca bautizarimasũ ñ ñnare quetire gotiyuju Jesús, jājarã ñre ajisũyarãre:

—Yucũ manojũ vana, ¿ñimũ ñgũre tũoña vacati mña? ¿Masa ñna bojasere bajiro yirũna tũoñagũre ñarã vacati mña? “To bajiro tũoñagũ me ñacami”, yimasijaja mña. 25 ¿Ñimũ ñgũre tũoñarã vacati mña? ¿Quēnase sudi sãñagũre tũoña vacati? To bajiro me tũoñariarãja mña. “Quēnase sudi sãñarãma, quēnarivirijũ, ujarã ya virijũ ñarãma”, yimasijaja mani. 26 ¿Ñimũ ñgũre tũoña vacati mña? ¿Diore gotirẽtobosarimasũre tũoña vacatique mña? Riojo mñare gotijaja yũ. Gãjerã Diore gotirẽtobosarimasa rẽtoro ñagũre ñariarãja mña. 27 Juan ñ bajiro tire gotiro, ado bajise gotijaja Dios oca masa ñna ucamasire:

“ ‘Rotimũorũgõrũcũmi’ yigu, mñre yũ cõaroto rĩjoro, mñre gotiyurocũre cõasũorũcũja yũ maji’ yami Dios. ‘Ñ ñarũcũmi ado bajise gotirocũ: ‘Yoaro mene ejarũcũmi, ‘Rotimũorũgõrũcũmi’ yigu, Dios ñ cõarocũ. To bajiri rojose Dios ñ bojabetire yitũjacõari, ñ bojasejũare yiyuya mña’ yigotirocũ ñarũcũmi’ yami Dios”, yigotijaja Dios oca masa ñna ucamasire.

28 Diore gotirẽtobosarimasa ñna gotimasire rẽtoro ñamasuse ñaja, Juan, Diore ñ gotirẽtobosasejũa. To bajiro ti bajiboajaquēne, Juan ñ gotise rẽtoro ñamasuse ñaja yũ gotiroticõarã ñna gotise. “Uju Dios yarã quēnaro ñ yirona mña ñarũajama, Jesũre ajitirũnuña” ñna yigotisere yaja yũ. Ñamasurã ñaama, “Ñamasurã me ñaama Jesús ñ gotiroticõarã” mña yĩaboajaquēne —ñ rãca ñnarãre ñnare yiyuju Jesús.

29 Juan ñ gotimasiorere ajitirũnuñujarã ñna, ujuare gãjoa sēñibosarimasa. Gãjerã quēne, jājarã ñre ajitirũnuñujarã ñna. “Mũ gotirotore bajirone bajijaja. Rojose yirã ñaja yũ” yitũoñacõari,

Juanre bautizarotiyujarã ñna, Diore rãcubũorã. ³⁰ Ñna bautizarotiboajaquẽne, fariseo masa, Dios ñ rotimasire gotimasiõrimasa quẽne, Juan ñ gotisere ajicõari, “Bajibeaja ti”, yitũoñañujarã ñnajuama. Dios ñ bojasere yirũabesujarã. To bajiri Juanre bautizarotibesujarã ñnama.

³¹ Quẽna ado bajiro ñnare gotiyuju Jesús:

—Ado bajiro yirãre bajiro yirã ñnarãja mũa, adirodoriana:

³² Daquerã, gãjerã rãca ajerũamenare bajiro yirã ñnarãja. Ñna ajeritũcurojũ rujicõari, gãjerãjũare, ado bajiro ñnare gotirujirãma: “ ‘Basavariquẽnato mani’ yirã, mũare jutibosaboabũ yũa. To bajiro yũa yiboajaquẽne, basabejũ mũa. To bajiri, ‘Rijariarãre bũcũrã ñna oticatore bajiro sutiriose boca otirũarãja mũa, yũa basañarone’ yiboabũ yũa. To yũa yiboajaquẽne, otibejũ mũa”, ñnare yigotirãma, ñna rãca ajerũamenare.

³³ Ñna rãca ajerũamenare bajiro yirã ñnarãja mũa, adirodoriana. Juan, quẽnase bare babeti, quẽnase idire idibeti bajiñañuju ñ. To bajiro bajigũ ñ ñajare, “Vãti sãñagũ ñagũmi”, ñre yitũoñacajũ mũa, ñre ajiterã ñari. ³⁴ Ñ bero gotimasiosũocajũ yũ, Dios ñ roticõacacũ. Yũjũama, quẽnase bare ba, quẽnase idire idi bajiñaja yũ. To bajiro yigũ yũ ñajare, “Jairo bagũ ñaami. Idimecũgũ ñaami. Ñjũre gãjoa sãnibosarimasa, gãjerã rojose yirãre quẽne ñnare baba cutiami”, yũre yĩñajũnisiniaja mũa, yũre quẽne ajiterã ñari. ³⁵ To bajiro Juanre quẽne, yũre quẽne mũa yise ti ñaboajaquẽne, Dios ñ masise rãca yũa yise ti ñajare, berojũ, “Quẽnaro yirã yiboayuma”, yũare yimasirũarãja mũa —ñ rãca ñnarãre yiyuju Jesús.

Fariseo masũ ya vijũ Jesús ñ ñnare queti

³⁶ Sĩgũ fariseo masũ ñañuju ñ, Simón vãme cũtigũ. “Bare bagũ vaja”, Jesúre yiyuju ñ. To bajiro ñ yijare, ñ tũjũ vasuju Jesús. Sãjaejacõari, barujiyuju ñ. ³⁷ Ti macajũ rõmio ñañuju rojose yigo. To bajiri, Simón ya vijũ bare bagũ Jesús ñ ejasere ajicõari, gãta sotũ alabastro vãme cuti rãca veariarũ ãmiejayuju so. Sũtiquẽnase sãñaritũ ñañuju tirũ. ³⁸ Jesús gũbori veca ejarũgũcõari, otiyuju so. So otirone, so caje oco reajeoyuju ti, ñ gũborire. To yicõari, so joa ñajone tire vejacaroyuju. Tire vejacarocõari, ñ gũborire usuyuju. To yicõari, sũtiquẽnase so juadirere Jesús gũbori joere yuejeoyuju. Ñre rãcubũogo yiyuju, to bajiro so yijama. ³⁹ To bajiro so yiro ñacõari, ado bajiro tũoñañuju Simón, Jesúre, “Bare bagũaba” ñre yir'ijũa: “Diore gotirẽtobosagũ masũ ñ ñajama, iso rõmiore, ‘Rojose yigo ñaamo’ yĩñamasicõari, sore moañarotibetibogũmi”, yitũoñañuju ñ. ⁴⁰ To bajiro Simón ñ tũoñasere masicõari, ado bajiro yiyuju Jesús:

—Gotimasiore queti mũare gotigũagũ yaja yũ.

To ñ yirone,

—Yure gotiya —Jesúre ìre yicadiyuju ì.

⁴¹ To bajiro ì yicadirone, ado bajiro ìre gotiyuju Jesús:

—Ëmua juarã ñarãma ìna, gãjijure gãjoa vasoariarã. Sīgũ, jua cãma moaroto cõro vaja mogũmi ì. Gãjijuma, juarã muijua moaroto cõro vaja mogũmi. ⁴² Gãjoa tuoruaaboarãma ìna, bajirãjuma. To bajiri ìna gãjoa mano ìacõari, “Tone bajicõato. Yure mua vaja mosere mure masiriocõaja yu”, ìnare yigũmi, ìnare maigũ ñari. To bajiri, ado bajiro mure sēniãaja yu: Gãjoa vasoariarãre ìnare ì masiriore ñajare, ¿nijua buto ìre maigũjari? —Ìre yisēniãañuju Jesús.

⁴³ To bajiro ìre ì yisēniãarone,

—Yu tuoãajama, jairo ìre vaja mor'ijua, buto ìre maigũmi —Ìre yicadiyuju Simón.

To ì yirone,

—Riojo yaja mu —Ìre yiyuju Jesús.

⁴⁴ To yigoticõari, rõmiojare sore ìagũne ado bajiro Simónre yiyuju Jesús:

—¿Adiore ìati mu? Yure jiboarine, mu ya vi yu ejaro, yu gũborire yu coerotire oco yure ìsibeju mu. To bajiboarine adioma so caje oco rãca yu gũborire coemo soma. To yicõari, so joa ñajone yu gũborire vejacoecaromo so. ⁴⁵⁻⁴⁶ Yure sēnigũne, ejarãre mani yarã ìna yirũgũrore bajiro yure usubeju mu. To bajiro mu bajiboajaquẽne, sãjaejagone yu gũborire so usurojune usutujabeticõa ñaamo adioma, yure rãcũbuogo. Muma, yu rujoa joere nye sãtiquẽnase yure yuejeobeju mu. Yure rãcũbuobecu ñari, bajibu mu. To mu bajiboajaquẽne, sojuma, nye sãtiquẽnase jairo vaja cutisere yu gũbori joere yuejeoamo so. ⁴⁷ To bajiri quẽnaro ajiya mu. Buto yure so maisere yĩomo so. Tire ìacõari, ado bajiro sore yimasiaja mani: “ ‘Rojose yijaigo yu ñaboajaquẽne, rojose yu yisere yure masiriogũmi Dios’ yituoãagõ ñaamo”, yimasiaja mani. To bajiboarine, “Diore maibetibusaja” yigure ìacõari, ado bajisejua yimasiaja mani: “ ‘Buto rojose yibecu yu ñajare, Dios mojoroaca yure ì masiriogore, ìre maibetibusacõaja’ yituoãagũ ñaami”, ìre yimasiaja mani —Simónre yiyuju Jesús.

⁴⁸ To yicõari, rõmiore ado bajiro sore yiyuju Jesús:

—Rojose mu yirũgũrere mure masiriocõamu yu —sore yiyuju Jesús.

⁴⁹ To bajiro ì yirone,

—¿No yigu to bajise yati ì? To bajiro ì ñagõjama, Diore rãcũbuobecu yami. Dios sīgũne ñagũmi ti ùnire yimasigũma —yituoãañujarã ìna, gãjerã “Baroaya” yigu, Simón ì jiriarãjua.

⁵⁰ To bajiro ìna yituoãajare, ado bajiro sore yiyuju Jesús:

—“Rojose yu yirũgũsere yure masiriocõañumi Dios” mu yituoãase ñajare, rojose tãmuotujabetiraroju mu vaborotire

m̄are yirētosab̄u yu. To bajiri, “Dios ãñajama, quēnagō ñaja yu”, yit̄oña variquēna vasa m̄u –sore yiyuju Jesús.

8

Jesúre, ã buerimasare quēne ñnare ejarēmorũgũriarã rōmiri

¹ Tij̄u bero, cojo maca me ejacudiyuju Jesús, Dios oca quēnasere masare gotimasiocudiḡu. “Ūju Dios yarã quēnaro ã yirona m̄ua ñar̄ajama, rojose m̄ua yisere yit̄ujacōari, yure ajitir̄ũñã”, ñnare yigotimasiocudiyuju. Ti macarij̄are ã rãca vasujarã ñna, ã ocare goticudis̄orona, j̄uaãmo cōro, ḡuho j̄ua j̄enituarirãc̄u ñarã. ² Rōmia quēne, ñna ūs̄rij̄u sãñarãre vãtiare Jesús ã bureariarã, to yicōari, rijaye cutiriarã ã catoriarã quēne ñabajiyujarã ñna, Jesúre s̄uyarã. Sigō, Mar'ia Magdalena vãme cutigo ñañuju so. Cojomo cōro gaje ãmo j̄ua j̄enituarirãc̄u so ūs̄ju sãñariarãre vãtiare ã bureario ñañuju so. ³ Gajeo, Juana, Cuza manajo, ñañuju so. Cuza, Herodes ya vij̄u codeḡu ñañuju ã. Gajeo, Susana vãme cutigo ñañuju so. Gãjerã rōmia quēne, jãjarã ñañujarã ñna, Jesúre s̄uyarã. ñna c̄osere Jesúre, ã buerimasare quēne ñnare ãsirũgũñujarã ñna, ñnare ejarēmorã.

Oterimas̄u ã bajirere Jesús ã gotimasiore queti
(Mt 13.1-9; Mr 4.1-9)

⁴ Jesúre ajirã ã t̄uj̄u r̄ejarũtuasujarã ñna, gajemacari ñarã quēne. To ñna bajiro, ado bajise gotimasiore queti ñnare gotiyuju ã:

⁵ –Siḡu oterimas̄u, vesej̄u ote ajere oteḡu vac̄umi. Vese ejacōari, ote ajere ã reabaterone, gajeye maaj̄u v̄ējaquearoja. To bajiri tire c̄udarãma masa, maa vana. To yicōari, minia ejacōari, tire bareacōarãma ñna. ⁶ Gajeyema, ḡũta joej̄u reajeoroja. To bajicōari, judiboarine, oco manijare, s̄inireacoatoja ti. ⁷ Gajeyema, jotayuc̄a vatoaj̄u v̄ējaquearoja. To bajicōari, ti judiboajaquēne, jotaj̄u ūc̄aveocoatoja ti. ⁸ Gajeyema, sita quēnaroj̄u v̄ējaquearoja. To baj̄i, judib̄uc̄acōari, quēnase ñacōari, jairo rica cutiroja. Cojotō cien ñaricari rica cutiejoroja –ñnare yigotiyuju Jesús.

To yigajanocōari,

–Tire m̄ua ajimasir̄ajama, quēnaro t̄oñaña m̄ua –ñnare yiyuju Jesús.

“Ado bajiro yir̄uaro yaja oterimas̄u ã bajire queti”, Jesús ã yigotir̄ēto bure queti

(Mt 13.10-23; Mr 4.10-20)

⁹ Tij̄u bero, ado bajiro Jesúre s̄eniñañujarã ã buerimasa:

–Oterimas̄u ã bajire queti m̄u gotimasiore, ¿no yire ãni ñati ti? –Ñre yis̄eniñañujarã ñna.

¹⁰ To bajiro ñna yis̄eniñajare, ado bajiro ñnare c̄udiyuju ã:

–“Uju Dios yarã quẽnaro ĩ yirona yua ñaruaajama, ado bajiro yiroti ñaja” ĩna yimasibeticatire Dios ĩ masise rãca ajimasi-
aja mũaama. To bajiboarine, gãjerãjũaama, yu yĩosere ĩarã
ñaboarine, to yicõari, yu gotisere ajirã ñaboarine, “To bajiro
manire yigotigu yami”, yimasimenama.

11 “Ado bajiro yirũaro yaja” oterimasu ĩ bajire quetire
yu gotise: Ote ajere yu yijama, Dios ocare yigu yibu yu.
12 Ote aje, maaju vẽjaquearere yu yijama, “Uju Dios yarã
quẽnaro ĩ yirona ĩna ñaruaajama, ado bajiro yiroti ñaja” yu
yigotimasiosere quẽnaro ajimasimenare yigu yibu yu. Minia,
ejacõari, ote ajere ĩna basere yu yijama, vãtia uju ejacõari,
Dios ocare ĩna ajimasiboasere guaro ĩ masirosere yigu yibu
yu. To bajiro yami vãtia uju, “Dios ocare ajitirũnũcõari,
quẽnaro yirẽto ecoroma ĩna” yigu. 13 Gũta joeju vẽjaqueacõari,
guaro judibũcũaboarere yu yijama, yu yere ajicõari, quẽnaro
variquẽnase rãca ajirã ñaboarine, yoaro mene tire ĩna que-
jerotire yigu yibu. Sĩnirearere yu yijama, yu yere ajirã ñaboarine,
rojose ĩna tãmũojama, yoaro mene yu ocare ĩna ajitũjarotire
yigu yibu. 14 Jotayucũ vatoaju vẽjaqueacõari, judiboarere
jotayucũjua ti bũcũaveorere yu yijama, yu gotisere ajirã
ñaboarine, tũoĩarejairã, to yicõari, gajeyeũni bojatũoĩarã ñari,
yu yejuare ĩna tũoĩatũjarotire yigu yibu. To bajiro bajirã, yu
yere ajisũoboarine, yu bojarore bajiro yimenama ĩna. 15 Sita
quẽnaroju vẽjaqueare judibũcũacõari, quẽnase rica cõtirere yu
yijama, yu yere ajimasicõari, Dios ĩ bojarore bajiro quẽnaro
yirãre yigu yibu –ĩnare yigotiyuju Jesús.

Sĩabusuariare tũoĩacõari, Jesús ĩ gotimasiore queti
(Mr 4.21-25)

16 Quẽna gaje queti ado bajiro ĩnare gotiyuju Jesús:

–Sĩabusuariare jẽocõari, sotũne tiare mubũamenaja mani.
Tiare jẽocõari, “Ñajediro ti vianare ãjubusurato” yirã, vecaju
jeorãja mani. Tire bajiro bajaaja yu gotimasiose. “Ajimasi-
beticõato masa” yigu me, to bajise ĩnare gotiaja yu. “Quẽnaro
riojo ajimasiato ĩna” yigu, gotirũgũaja. 17 Dios sũorine masa ĩna
ajimasibeticati jediro, quẽnaro ajimasirũarãma.

18 No bojagu Diore ajitirũnũgũare, “Quẽnarobũsa ajimasiato”
yigu, ĩ masisere cõarũcũmi Dios. Gãjirema, ĩre ajigu ñaboarine,
ĩre ĩ ajitirũnũbetijare, ĩ ajimasiboasere masiriojeocõarũcũmi
ĩ. To bajiri ĩre masibetimasucõarũcũmi ĩ. To bajiro ti baji-
jare, mũare yu gotisere quẽnaro mũa ajimasirũajama, Dios ĩ
bojarore bajiro quẽnaro yimũorũgõña mũa –ĩ buerimasare
yigotiyuju Jesús.

“Yu yarãma, ado bajiro bajirãjua ñaama”, Jesús ĩ yire queti
(Mt 12.46-50; Mr 3.31-35)

19 Jesús, masare ï gotmasio ñarone, ï jaco, ï bederã rãca ïre ïarã ejaboayujarã ïna. To bajiboarine jãjarã masa ïna ñajare, ï tujũ ejamasibesujarã. 20 ï tũ ïna ejamasibetijare, sïgũ, ado bajiro Jesúre ïre yiyuju:

—Mũ jaco, mũ bederã quëne macajájũ ejama, mũ rãca ñagõruarã —Jesúre ïre yigotiyuju.

21 To bajiro ï yigotisere ajicõari, ïre ajiñarãjũare ado bajiro ïnare yiyuju Jesús:

—No bojarã Dios ocare ajicõari, ï rotirore bajiro yirã ñarãma yũ bederãre bajiro bajirã, yũ jacore bajiro bajirã —Ënare yiyuju Jesús.

Mino vatone, oco sabesere Jesús ï tujore queti
(Mt 8.23-27; Mr 4.35-41)

22 Cojorãmũ Jesús ï buerã rãca cũmuaju vasãjacõari,

—Gajecatũajũ jëajaro mani —Ënare yiyuju Jesús.

23 ïna jëatone, bũto mino vasuju. To bajicõari, bũto sabeyuju. Ti saberone, cũmua sagueca yiro, oco sãjacõari, rujacoarũayuju. To ti bajiboajaquëne, cãnigũ yiyuju Jesús. 24 ï cãniro ïacõari, ïre yujioyujarã ïna:

—Yũa uju, jrujareana yaja mani! —Ëre yiyujarã ïna.

To bajiro ïna yijare,

—¡Mino tujaya! ¡Sabese quëne tujaya mũa! —yiyuju Jesús.

To ï yirone, tujacoasuju mino. Sabese quëne sabebesuju yuja. 25 To yicõari,

—“Rojose mani tãmũoboajaquëne, manire yirëtobosarũcũmi”, yũre yitũoĩarã me ñaja mũa —Ënare yiyuju Jesús.

To bajiro ï yisere ïacõari, no yimasibesujarã ï buerimasa.

—¿Ñimũ ùgũ masũ ñati ãni? Minore, to yicõari, sabesere ï tujarotijama, ïre ajaia —gãmerã yiyujarã ïna, ïre güirã.

Gerasa vãme cuti maca tũagũre ï mũsũjũ sãñarãre vãtiare Jesús ï bureare queti

(Mt 8.28-34; Mr 5.1-20)

26 Ëtabũcũra gajecatũajũ Gerasa vãme cuti maca tujũ ejayujarã. 27 Toju ejacõari, Jesús ï majatone, sïgũ ãmũ, ti macaju ñaboar'i, ïre bocayuju ï. Sudi magũne, yoaro masa rijariarãre ïna yujereariavijũ ñarũgũñuju ï. Vãtia sãñagũ ñañuju. 28-29 To bajigũ ñari, cojoji me ï masu ï bojasere yimasibeticõari, vãtia ïna bojasejũare yirũgũñuju ï. To bajiro bajigũ ï ñajare, cõmemane ïre siaboayujarã ïna. ïre ïna siaboajaquëne, tũasure reacõarũgũñuju ï. To yicõari, yucũ manojũ varũgũñuju, ïre sãñarã vãtia to bajiro ïre ïna varotijare. To bajiri Jesúre ï bocarone,

—Āni masu usuju sãñarã, budiya mua —vãtiare ĩnare yiyuju Jesús.

To ĩ yirone, masujua, vãtia suorine avasãcõari, Jesús rĩjorojua gusomuniari tuetuyuju. To ĩ bajirone, vãtiajua, masu usuju sãñacõari, ado bajiro Jesúre sēniãavasãñujarã:

—Jesús, masirëtogũ, Dios macu ñaja mu. ¿No yigu yua tu vadiati mu? “Yũare gõjanabiobesa”, mũre yisēniaja yua. “Rojose mua yise vaja, rojose mũare yibeaja yu”, yũare yiya —Jesúre yisēniñujarã.

³⁰ To ĩna yirone, ado bajiro vãtia sãñagũre sēniãañuju Jesús:

—¿Ñimũ vãme cutiati mu? —ĩre yiyuju.

³¹ To ĩ yisere ajicõari, ado bajiro ĩre cudiuyuju vãtiajua:

—Legiõn vãme cutiaja yua —ĩre yiyujarã. Jãjarã ĩ usujure sãñarã ñari, to bajiro ĩre yicudiujarã vãtia. To yicõari, bũto Jesúre sēniñujarã:

—Tusabetigoje tubibe ecocõari, josari tãmuoriaroju yũare cõabesa mu —Jesúre ĩre yisēniñujarã.

³² Buroju jãjarã ecariarã yesea macabañañujarã. ĩnare ĩacõari, ado bajiro Jesúre sēniñujarã vãtiajua:

—Yũare mu bureajama, õa yeseajũare yũare sãjarotiya —ĩre yiyujarã ĩna.

To bajiro ĩre ĩna yijare,

—Mũare varotiaja yu —vãtiare ĩnare yiyuju Jesús.

³³ To ĩ yirone, masu usujure sãñaboariarã budicoasujarã yuja, yeseajũare sãjaroana. ĩna sãjarone, buro ũmaroja vacõari, utabucuraju rearoderujacõa tujasujarã.

³⁴ Yeseare coderimasa, to bajiro ĩna bajisere ĩacõari, ũmacoasujarã, ĩna ya macaju vana. Toju ejacõari, ti macanare, to yicõari, ti maca tu ñarimacarianare quẽne, tire gotibatoyujarã.

³⁵ To bajiro ĩna yigotisere ajicõari, Jesúre ĩarã vasujarã ĩna, ti macana. ĩ tujũ ejacõari, vãtia sãñaboar'ire ĩañujarã ĩna. Sudi sãñacõari, Jesús tu rujiyuju. ĩna bajirore bajiro bajigu ñañuju ĩ yuja. Vãtia ĩna sãñajama, tũõĩamasibecu ñañuju maji. Quẽnaro tũõĩagũ ñañuju yuja. To ĩ bajisere ĩacõari, Jesúre bũto gũiyujarã ĩna.

³⁶ Vãtia sãñaboar'i ĩ bajisere ĩariarã, gãjerãre gotiyujarã. ³⁷ To bajiri, Gerasa vãme cuti macana to sojua vadiriarã quẽne, Jesúre bũto gũirã ñari,

—Vacoasa. Ado mu ñasere bojabeaja —ĩre yiyujarã ĩna.

To ĩna yijare, tudiacu, cũmuaju vasãjañuju Jesús. ³⁸ To ĩ bajirone, ado bajiro ĩre yiboayuju vãtia sãñaboar'i:

—Mu rãca bũto varũaja yu quẽne —ĩre yiboayuju. To bajiro ĩ yiboajaquẽne, ado bajiro ĩre cudiuyuju Jesús:

39 —Y_u rāca vadibesa. M_u ya vij_u tudiasa. “Dios ĩ masise rāca y_u us_uj_u sãñarāre vātiare bureami Jesús”, m_u yarāre ĩnare yigotiba —ĩre yic_udiyuj_u Jesús, vātia sãñaboar'ire.

To bajiro ĩ yijare, ĩ yarā t_uj_u tudicoasuj_u ĩ. Tudiejacōari, ĩ ya maca ñarā jedirore, ti quetire goticudiyuj_u.

Jairo macore Jesús ĩ catiore queti

(Mt 9.18-26; Mr 5.21-43)

40 Jesús tudijēacoasuj_u quēna, gajecacat_uaj_u. Toj_u ĩ ejarotire yucōa ñañujarā ĩna, masa. To bajiri ĩ jēaeja majatone b_uto variquēnase rāca ĩre sēniñujarā ĩna. 41-42 To ĩna bajirone, Dios ocare ĩna buerivi _uj_u quēne ejayuj_u, Jairo vāme c_utig_u. Jesúre ĩacōari, ĩ rĭjoroj_ua g_usomuniari t_uetuyuj_u, ĩre r_uc_ub_uog_u. To yicōari, ado bajiro Jesúre ĩre sēniñuj_u:

—Y_u maco sĭgōne ñagō, j_uaāmo cōro, g_ubo j_ua jēnituari c_umari t_usaco ñaamo so. Bajirocaco yimo. So t_u ejacōari, sore m_u moañajama, caticoa_uocomo —Jesúre ĩre yisēniñuj_u.

To bajiro Jairo ĩ yisere ajicōari, ĩre s_uyasuj_u Jesús. Jājarā masa ĩre s_uyacōari, no bajiro yi vamasina manoj_u vasujarā ĩna. 43 To bajiro ĩna bajivatoaj_ure sĭgō gāmorōmi c_utigo ñañuj_u so. J_uaāmo cōro, g_ubo j_ua jēnituari c_umari rijañañuj_u. Ŭco yirimas_u, sore ĩna _uco yire vaja, vaja yigo, gājoa so c_uboarere ĩnare ĩsijeocōañuj_u. To bajiro ĩnare so yiboa-jaquēne, quēnaejabesuj_u so. To bajiri gājerāre Jesús ĩ catiore quetire ajirio ñari, jājarā masa vatoaj_u Jesúre s_uyasuj_u so. 44 ĩ s_uyaroj_ua ejarūgūcōari, ĩ sudiro gajare moañañuj_u. So moañarĭmarone, sore quēnaejacoasuj_u yuja. 45 So moañarone, ado bajiro masare sēniñañuj_u ĩ:

—¿Ñim_u y_u sudirore moañari? —ĩnare yisēniñañuj_u.

—M_ure moañaña maja —ĩre ĩna yic_udijedicōajare, ĩ buerimas_u, Pedro vāme c_utig_u, ado bajiro Jesúre yiyuj_u ĩ:

—¿No yig_u “¿Ñim_u y_ure moañati?”, yati m_u? M_u t_uj_u jājarā ñaja y_ua, m_ure moañarā —ĩre yiyuj_u Pedro.

46 To ĩ yiboaquēne,

—Sĭgō rōmio, “Quēnaejagosa” yigo, y_ure moañamo so. Y_ure moañagōne, “Y_u masise s_uorine quēnaejacoajamo”, yimasicōam_u y_u —ĩnare yiyuj_u Jesús. 47 To bajiro ĩ yijare, “Jēre ĩre y_u moañasere masicōami” yigo ñari, nanagōne, Jesús rĭjoroj_ua ejacōari, g_usomuniari t_uetuyuj_u so. To yicōari, ñajediro so bajirere Jesúre gotiyuj_u. 48 To so yirone, ado bajiro sore c_udiyuj_u Jesús:

—Y_u maigō, “ĩ sudiro gajare y_u moañajama, quēnaejacoa_uocoja y_u” m_u yit_uoĭase ñajare, “Quēnaejato”, m_ure yib_u y_u. To bajiri, “To bajiro y_ure yimi”, yit_uoĭa variquēna vasa m_u —sore yiyuj_u Jesús.

49 To bajiro sore ĩ yiñarone, Dios ocare ĩna buerivi ʘjʘ Jairo vāme cʘtigʘ ya viagʘ ejayuju. Ejacōari, ado bajiro Jairore gotiyuju:

—Mʘ maco bajirocacoamo. No yigʘ mʘ ya vijʘ gotimasiorimasʘ ĩ vasere bojabecʘja mʘ yuja —Jairore yiyuju ĩ.

50 To ĩ yisere ajicōari, ado bajiro Jairore gotiyuju Jesʘs:

—Tʘoĩasʘtiritibesa mʘ. Yʘ masisejʘare tʘoĩacōa ñaña. Mʘ tʘoĩacōa ñajama, tudicaticoarʘocomo so —ĩre yiyuju Jesʘs.

51-53 To yi vanane, ejayujarā Jairo ya vijʘare. Tojʘ ejana ĩna ĩajama, ĩ maco so bajirocacoajare, bʘto otiñañujarā ĩna, ti vi ejariarā. To bajiro ĩna yiñajare, ado bajiro ĩnare yiyuju Jesʘs:

—Otibesa mʘa. “Bajirocacoajamo” mʘa yiboago, cānigō yamo —ĩnare yiyuju Jesʘs.

To ĩ yijare, ĩre ajayujarā ĩna, “Bajirocacoamo” yimasirā ñari. To yicōari, bajirocario so jesari sōajʘre ĩnare jājarotibesuju Jesʘs. Pedro, Santiago, Juan, to yicōari bajirocario jacʘare quēne tocārācʘne ĩnare jājarotiyuju Jesʘs. 54 Jājaejacōari, bajirocario āmore ñiagūne, ado bajiro sore yiyuju Jesʘs:

—Daqueo, vāmʘrūgūña —sore yiyuju.

55 To ĩ yirone, bajirocario cativāmʘrūgūncōañuju so yuja. To so bajisere ĩacōari,

—Bare sore ecaya mʘa —ĩnare yiyuju Jesʘs.

56 So tudicatisere ĩacōari, no yimasibesujarā so jacʘa, ti ũnire ĩabetirūgūriarā ñari. To bajiro ĩna bajisere ĩacōari, ĩna macore ĩ catiosere gotirotibesuju Jesʘs.

9

Ī ocare goticudisʘoronare Jesʘs ĩ cōare queti

(Mt 10.5-15; Mr 6.7-13)

1 Cojorʘmʘ, jʘaāmo cōro, gʘbo jʘa jēnitarirācʘ ñarāre ĩ buerimasare jirēoñuju Jesʘs. ĩnare jirēocōari, masa ʘsʘrijʘ sãñarāre vātiare ĩna bureamasirotire, to yicōari, rijaye cʘtirāre ĩna catiomasirotire ĩnare ʘjoyuju ĩ. 2 To bajiro yicōari, ĩnare ĩ cōaroto rĭjoro ado bajiro ĩnare yiyuju:

—“ʘjʘ Dios yarā quēnaro ĩ yirona mʘa ñarʘajama, rojose mʘa yisere yitʘjacōari, Jesʘre ajitirʘnʘña”, yigotimasiodirona ñaja mʘa. To bajicōari, rijaye cʘtirāre catiorona ñaja —ĩnare yirotiyuju Jesʘs. 3 To yicōari, quēna ado bajiro ĩnare yiyuju Jesʘs:

—No bojase mʘa cʘose juaábeja. Tueriayucári, mʘa bare sãriajoari, to yicōari, gājoare quēne juaábeja. Gajeye sudi juaámenane, mʘa sãñasene sãñacōari, vaja. 4 Tocārāca macare mʘa ejajama, mʘa ejasʘorivine cānima. Ti vine ñacōari, yʘ ocare goticudirʘarāja mʘa maji, gajerojʘ mʘa varoto rĭjoro.

5 Mʘa ejarimacana, quēnaro mʘare ĩna bocaāmibetijama, to

yicōari m̄ua gotisere ñna ajir̄uabetijaquēne, ti macajure ñabeja. M̄uare ñna ajir̄uabetijare, m̄ua ḡubo sudi tuyasere sitare varerea, vacoaja. To bajiro m̄ua yijama, “Quēnaro ȳuare bocaãmibeticōari, ȳuare m̄ua ajir̄uabetijare, rojose m̄uare yir̄uc̄ami Dios” yir̄a yir̄uar̄aja m̄ua –ñnare yiyuju Jesús.

⁶ To bajiro ñ yijare, ñ ocare goticudir̄a vasujar̄a ñna: “Rojose m̄ua yisere yit̄ujacōari, quēnasejuare t̄uoĩvasoaya” ñnare yigoticoari, Cristo suorine quēnaro Dios ñ yiro tire gotimasiodiuyujar̄a ñna. Rijaye cutir̄are quēne catiocudiyujar̄a, ñna vati macari ñnaro cōrone.

Jesús ñ bajiñasere ajicoari, “¿Ñim̄u ũḡu ñnarojari?”, Herodes ñ yit̄uoĩare queti

(Mt 14.1-12; Mr 6.14-29)

⁷⁻⁹ Jesús ñ bajiñasere, to yicōari, ñ goticudirotiriar̄a ñna bajiñasere quēne ajijeocōañuju Galilea v̄ame cuti sita ñar̄a ũju, Herodes v̄ame cutigu. To yicōari, Jesús ñ bajiñasere masa ñna t̄uoĩasere quēne ajiyuju Herodes. Ado bajiro t̄uoĩañujar̄a s̄iḡuri:

–Juan v̄ame cutigu, masare oco r̄aca bautizarimas̄une s̄iaecoboarine, tudicaticoarimi –yit̄uoĩañujar̄a.

Ḡajer̄ama, ado bajiro yiyujar̄a:

–Diore gotir̄etobosarimas̄u El'ias ñnamasir'i ñnaḡumi quēna –yiyujar̄a.

Ḡajer̄aj̄uama, ado bajiro yiyujar̄a:

–Diore gotir̄etobosarimasa ñnamasiriar̄a r̄acagu tudicaticir'i ñnaḡumi quēna –yiyujar̄a ñna, Jesúsre.

Herodej̄uama, ado bajiro yiyuju:

–Juan me ñnaḡumi. Ñ r̄ajoare jatarocaroticōacaju ȳu. To bajiri, ¿ñim̄u ũḡu ñnarojari ñ? –yiyuju Herodes. To bajiro yigu ñari, Jesúsre ñar̄ar̄uḡuboayuju ñ.

Masa, cinco mil ñnar̄e Jesús ñ bare ecare queti

(Mt 14.13-21; Mr 6.30-44; Jn 6.1-14)

¹⁰ Ñ goticudiroticōariar̄a, tudiejacōari, Jesús r̄aca r̄ejañujar̄a j̄uaãmo cōro, ḡubo j̄ua j̄enituarir̄ac̄u ñnar̄a ñ buerimasa. Ñ r̄aca r̄ejacōari, ñna yicudirere ñre gotiyujar̄a. To bajiro ñna yiro bero, ñnare ũmato vasuju Jesús, masa ñna manib̄usaroju, Betsaida v̄ame cuti macaju. ¹¹ To bajiri Jesús ñ vati quetire ajicoari, ñre s̄yaejasujar̄a j̄ajar̄a masa. Ñna ejasere ñacōari,

–Ȳure ajir̄a, ado m̄ua ejase quēnaja –ñnare yiyuju Jesús.

To yicōari, ado bajiro ñnare gotimasioñuju:

–Ūju Dios yar̄a quēnaro ñ yirona m̄ua ñnar̄ajama, rojose m̄ua yisere yit̄ujacōari, ȳure ajitir̄añuña –ñnare yigotimasioñuju. To yicōari, rijaye cutir̄are catioyuju.

12 To bajiro yiñarone, rãioroto rñjoro, juaãmo cõro, gubo jua jënituarirãcu ñarã Jesús buerimasa, ï tã ejacõari, ado bajiro ïre yiyujarã:

—Masa manojũ ñaja. To bajiri, “Masa cutojũ bare vaja yibamasiato ñna” yigũ, to yicõari, ñna cãnirotijurire “Vaja yicõari, cãniato ñna” yigũ, masare ñnare varotiya mũ —Jesúre yiyujarã ñna.

13 To bajiro ñna yiboajaquẽne,

—Mũane ñnare bare ecaya —ñnare yiyuju ï.

To ï yirone,

—Jairo bare cõobeaja yũa. Bajiboarine, cojomo cõro pan, juarã vai cõoaja yũa. ñna barotire, no bajiro vaja yibosamasi-menaja mani —ïre yiyujarã.

14 ñna tũjũre cinco mil ãmũa ñañujarã ñna. To bajiro ñna yisere ajicõari, ado bajiro ñnare yiyuju Jesús, ï buerimasare:

—Masare rujatubuari ñnare rujirotiya. Tocãrãcatubuare “Cin-cuenta ñarirãcu rujiya”, ñnare yiya mũa —ñnare yiyuju Jesús, ï buerimasare.^d

15 To bajiro ï yijare, ï rotirore bajirone ñnare rujiroti-jeoyujarã ñna, Jesús buerimasa. 16 To bajiro ñna rujiijediro ñacõari, cojomo cõro ñnaricari panre, juarã vai ñarãre quẽne juacõari, õ vecajũa ñamõõuju Jesús. To yicõari, “Quẽnaro yaja mũ”, Diore ïre yiyuju. To yicõari, panre iguesurebatecõari, ï buerimasare ñsiñuju, “Rujirãre ñnare ñsibatoya” yigũ. Juarã vaire quẽne vêtãrebatecõari, ï buerimasare ñsiñuju, “Rujirã jedirore ñnare ñsibatoya” yigũ. 17 Sīgũ ruyariaro mano quẽnaro baũsũcutijedicõañujarã. ñna bagajanoro bero, ñna barũasere ñna juarẽojama, juaãmo cõro, gubo jua jënituario ñarajibũari ruyayuju.

“*Rotimũorũgõrũcũmi*’ yigũ, Dios ï cõar’i ñaja mũ”, Jesúre Pedro ï yire queti

(Mt 16.13-19; Mr 8.27-29)

18 Cojorũmũ ï buerimasa rñne ñna ñaro, ï jacũre sẽnĩñuju Jesús. ï jacũre sẽnigajanocõari, ado bajiro ñnare sẽnĩñañuju ï:

—¿Ñimũ ñnaami yũre yati ñna masa? —ñnare yisẽnĩñañuju.

19 To ï yisere ajicõari ado bajiro ïre cãdiyujarã ï buerimasa:

—Sīgũri, “Juan vãme cutigũ, masare oco rãca bautizarimasũ, tudicaticõari bajigũmi quẽna”, mũre yama ñna. Gãjerãma, “El’ias ñamasir’i ñnaami”, yama ñna. Gãjerãjũama, “Diore gotirẽtobosamasir’i ñnaami”, mũre yama —Jesúre yicãdiyujarã.

20 To ñna yirone, ado bajiro ñnare tudisẽnĩñañuju Jesús:

—Mũama, ¿ñimũ ñnaami yũre yati mũa? —ñnare yiyuju.

To ï yirone, ado bajiro ïre cãdiyuju Pedro:

^d 9:14 Rĩamasare, rõmiare cõmenane, ãmũa bũcũrã rĩrene ñna cõjama, cinco mil ñañujarã ñna.

—Mu ñaja rojose yua tãmuoborotire yuare yirëtobosacõari, rotimuoṛugõrocũ, Dios ï cõar'i —Jesúre yiyuju.

²¹ To bajiro Pedro ïre ï yisere ajicõari, gãjerãre gotirotibesuju.

“Yũre sãaruarãma”, Jesús ï yire queti

(Mt 16.21-28; Mr 8.31-9.1)

²² To yicõari, ado bajiro ïnare gotiyuju ï:

—Yũ, Dios ï roticõacacũ, bũto rojose tãmuoṛucũja. Bũcũrã, paia ujarã, to yicõari, Dios ï rotimasire gotimasiorimasa quẽne, rojose yũre yicõari, yũre sãaruarãma ïna. Yũre ïna sãaboajaquẽne, idiarũmu tũsatirũmũne yũre catorũcũmi Dios — ïnare yigotiyuju Jesús.

²³ To yicõari, ï buerimasare gãjerãre quẽne ïnare jirẽocõari, ado bajiro gotiyuju Jesús:

—No bojagũ yũ yũ ï ñarũajama, ï bojasere, ï ye ñarotire tũoĩabetirũcũmi. Tũoĩabeticõari, “Jesúre bajiro rojose tãmuoṛucũja yũ quẽne” yitũoĩacõari, yũjuare ajisũyarũcũmi.

²⁴ No bojarã, ïna bojaro ñare cõtirema adi macarũcũrore ñasere ïavariquẽnacõari, Diore tũoĩamenama, Dios ï catisere yayibetire cũomena ñarũarãma ïna. To bajiboarine, yũre ajitirãnurã, yũ oca ïna gotisere ajijũnisinicõari, ïna sãarãma, Dios tũ quẽnaro ñarona ñarãma. ²⁵ Sĩgũ adi macarũcũrojũ gajeyeũni jediro ï bũjaboajaquẽne, berojũ rojose tãmuotũjabetiriarojũ ï vajama, ï gajeyeũni ï bũjaboare ñie vaja manoja. ²⁶ Masa ïna ïaro rĩjorojũa, “Jesúre rũcũbuogũ ñaja yũ”, yibojonebesa. To bajiro yibojonegũ ñari, yũ yũ ï ñarũabetijama, “Yũ yũ me ñaami”, ïre yũarũcũja yũ quẽne, Dios ï roticõacacũ ñacõari, “Quẽnarẽtogũ ñaja yũ” yũ jacũ ï yũorore bajiro yigũ ñari, ï bususe rãca yũ vadirũmũ. Yũ rãca vadirũarãma Dios ï cõarã, ángel mesa. ²⁷ Riojo mũare gotiaja yũ. Mũa sĩgũri mũa bajireabetone, “Ñajediro uju ñaami yũ roticõacacũ” Dios mũare ï yũosere ïarũarãja mũa — ïnare yigotiyuju Jesús.^e

Ï buerimasa ïna ïaro rĩjorojũa Jesús ï godovediĩore queti

(Mt 17.1-8; Mr 9.2-8)

²⁸ To bajiro ïnare ï yigotiriaro bero, cojomo cõro, gaje ãmo idia jẽnituario tũsatirũmũ cõro, Pedro, Juan to yicõari Santiagore quẽne buro joejũ ïnare ãmato vasuju Jesús. ²⁹⁻³² Tojũ ïna ejaro bero, Diore sãnigũ vasuju Jesús. To ï bajitoye, bũto ïnare vũjaejayuju Pedro mesare. To ïna bajiñarone, Jesújũa, Diore sãnĩagũne, ricati ruyugũ godovedicoasuju. To ï bajisere ïaũcacoasujarã ïna. Sudi ï sãñase bũto boticoasuju. To

^e 9:27 Dios oca masa ïna ucamasirere buerẽtoburimasa sĩgũri ado bajiro yicama ïna: “9.27 gotirijure, ‘ Ñajediro uju ñaami yũ roticõacacũ’ Dios mũare ï yũorotire’ Jesús ï yijama, ï buerimasa sĩgũri ïna ïaro rĩjorojũa Jesús ï godovediĩore yigu yirimi”, yicama Dios ocare buerẽtoburimasa sĩgũri.

bajicōari, cajemose busuyuju ti. To ĩbajirone, Moisés ñamasir'i, El'ias ñamasir'i rāca Jesús t̃ ruyuarūgũñujarã ĩna. ĩna quēne, busubatese rāca ruyuyujarã ĩna. To bajicōari, Jerusalén vāme cuti macaj̃ ĩ s̃laecorotire Jesúrāca ĩna gāmerã ñagõñasere ĩañujarã Pedro mesa. ³³ To bajiri Jesúrāca ñagõgajanocōari, ĩna cāmotadirirĩmarone, ado bajiro Jesúre gotiyuju Pedro:

—Ỹñ ɱj̃ñ, adoju mani ñajama, quēnamasucōaja. M̃na ñaro cōrone vijãiri m̃uare buabosaruarãja ỹna. M̃ñ yajãi, El'ias yajãi, to yicōari, Moisés yajãi buabosaruarãja —Jesúre yiboayuju Pedro.

“To bajiro yigu yiguj̃a” yiri mene yicōañuju. ³⁴ To bajiro ĩ yirirĩmarone, bueri b̃uto cajemose ĩnare buebibecōañuju ti. To bajiro ĩnare ti bajirone, b̃uto güiyujarã ĩna Pedro mesa. ³⁵ To bajicōari, bueri vatoaj̃ñ ado bajiro ocaruyuyuju:

—Ānine ñaami ỹñ mac̃ñ, “Rotim̃orūgõr̃ucuj̃a m̃ñ” yigu, ỹñ cõagũ. ĩre quēnaro ajitir̃ññ̃na m̃na —yi ocaruyuyuju.

³⁶ To bajiro ti ocaruyuro bero, ĩaboayujarã. El'iare, Moisére quēne ĩnare ĩabujabesujarã. Jesús s̃igũne ñañuju ĩ yuja. To bajisere ĩariarã ñaboarine, yoaro, gājerāre tire gotimenane bajicōañujarã ĩna.

*Mas̃ñ ɱs̃uj̃ñ sãñagũre vātire Jesús ĩ burocare queti
(Mt 17.14-21; Mr 9.14-29)*

³⁷ Ti buroj̃ñ majariarã, gajer̃m̃uj̃ñ rojaejayujarã ĩna quēna. Ti buro j̃udoj̃ñ, jãjarã masa ĩre yurã bajiñarāre ĩnare ejayujarã. ³⁸ Jesús ĩ ejasere ĩacōari, s̃igũ, ado bajiro ĩre sēniñuju:

—Gotimasiorimas̃ñ, ỹñ mac̃ñre ĩamaiña m̃ñ. S̃igũne ñagũ ñaami. ³⁹ ĩ ɱs̃uj̃ñre vāti sãñañaami. To bajiro ĩ bajijare, biyaroaca rijaquedicōari, ĩ risej̃ñ s̃õmo budir̃ũgũami. ⁴⁰ To bajiri m̃ñ buerimasare, “Ỹñ mac̃ñ ɱs̃uj̃ñ sãñagũre vātire burocaya”, ĩnare yis̃eniboab̃ñ ỹñ. ĩre burocimasimema —Jesúre yiyuju ĩ.

⁴¹ To ĩ yisere ajicōari, ĩ buerimasare, to yicōari, ĩre ajirã ejariarāre quēne ado bajiro ĩnare yiyuju Jesús:

—Rojosere t̃uõiarã ñari, Diore ajitir̃ññ̃mena masu ñacōaja m̃na. ¿No cōroj̃ñ m̃uare gotimasio t̃ujag̃uti ỹñ? Yoaro m̃na rāca ỹñ ñaboajaquēne, ỹñ masise m̃uare ỹñ ɱjosere ajitir̃ññ̃beaja m̃na maji —ĩnare yiyuju Jesús. To yicōari, —Adoj̃na m̃ñ mac̃ñre āmiaya —ĩre yiyuju, vāti sãñagũ jac̃uj̃ñare.

⁴² To bajiro ĩ yijare, ĩ mac̃ñre Jesús t̃uj̃ñ ĩ āmivatone, ĩ ɱs̃uj̃ñ sãñagũ vāti, ĩre rijaquedirotiyuju. To bajiro ĩ yijare, rijarocacũcoasuju. To bajiro ĩ bajirone,

—To cōrone ĩre yit̃ujaya —yicōari, vātire ĩre burocacōañuju Jesús.

Vāti ĩ budirone, catiquēnagũ ñacoasuju daqueg̃uj̃na. To ĩ bajirone, ĩ jac̃ñre ĩre t̃uãsiñuju Jesús. ⁴³ To bajiro Jesús ĩ yisere

ĭacōari, no yimasibesujarā masa jediro, ti ũnire ĭabetirũgũriarā ñari. “Jesús ĭ yĩose rāca ‘Masirētogũ ñaja yu’ manire yĩlogũ yami Dios”, yituoĩañujarā ĭna jediro.

*“Yũre sĭaruarāma”, Jesús ĭ yigotibabore queti
(Mt 17.22-23; Mr 9.30-32)*

Jesús ĭ yisere masa ĭna tuoĩañarone, ado bajiro ĭ buerimasare gotiyuju ĭ:

⁴⁴ —Mũare yu gotisere ajicōari, masiritibeja mũa. Yũre Dios ĭ roticōacacure masare ĭsirocarucumi sĭgũ —ĭnare yiyuju Jesús.

⁴⁵ To bajiro ĭ yiboajaquēne, ajimasibesujarā ĭna. “Ajimasibeticōato” Dios ĭ yijare, bajiyujarā. To bajicōari, “Yũare gotiquēnoña”, yimasibesujarā, ĭre gũirā ñari.

*“¿Ñimũna ñagũti ñamasugũ ñarocũ?”, Jesús buerimasa ĭna yi oca josare queti
(Mt 18.1-5; Mr 9.33-37)*

⁴⁶ “¿Ñimũna ñagũti ñamasugũ ñarocũ?”, gāmerā yi oca josayujarā Jesús buerimasa. ⁴⁷ To bajiro ĭna gāmerā yisere ĭamasicōari, sĭgũ daquegũre jicōari, ĭ tũju ĭre rũgōrotiyuju Jesús. ⁴⁸ To yicōari, ado bajiro ĭnare gotiyuju:

—Āni daquegu, “Ñamasugũ me ñaja yu” ĭ yituoĩarore bajiro tuoĩarāre, gājerā tũ ĭna ejaro, quēnaro ĭnare yirāma, yũrene quēnaro yirā yirāma. To yicōari, yũre quēnaro yirāma, yũre cōacacure quēne quēnaro yirā yirāma. To bajiri, ado bajise mũare gotiaja yu: Yũre ajitirũnũgũ, gājerā ĭna bojasere masicōari, quēnaro ĭnare yiejarēmogũ ñarucumi ñamasugũma —ĭ buerimasare yigotiyuju Jesús.

*“Yũre ajitirũncōari, mani yise ũnire yigũma, mani rācagũ ñagũmi”, Jesús ĭ yire queti
(Mr 9.38-40)*

⁴⁹ To bajiro ĭ yigotiro berone, ado bajiro Jesũre gotiyuju Juan:

—Gotimasiorimasũ, masa mũsũrijũ sãñarāre vātiare bureagũre ĭamũ yũa. “Jesũre ajitirũnũgũ ñari, ado bajise mũare rotimasi-aja yu: ‘Budiya’”, yĩñami, vātiare bureagũ. Mani rācagũ me ĭ ñajare, “Tire yibesa”, ĭre yibũ yũa —Jesũre yigotiyuju Juan.

⁵⁰ To ĭ yisere ajicōari, ado bajiro ĭre yiyuju Jesús:

—“Tire yibeticōaña”, ĭre yibeja. Quēnaro yirimi —ĭre yiyuju Jesús. To yicōari, ĭ buerimasa jedirore ado bajiro yiyuju:

—Ado bajiro ti bajijare, to bajiro yaja yu: No bojagũ yũre ajitirũncōari, mani yise ũnire yigũma, mani rācagũ ñagũmi —ĭnare yiyuju Jesús.

Santiagoore, to yicōari, Juanre, “Samaría sitajũ ñarimacanare rojose ĭnare yirũna tuoĩabesa”, Jesús ĭ yire queti

51 Dios õ vecajũ ĩ ñaroju ĩre ĩ ãmimujarotirãmu ti cõñarũtuadijare:

—Jerusalénju mani varoti ejacoajũ. To bajiri varũtu vajaro mani —ĩ, buerãre yi vasuju Jesús.

52 Varũtu vacũne, ĩ rãcanare ĩ ejaroti quetire, “Goti rĩjoro cutiaya”, ĩnare yicõañuju ĩ. To ĩ yicõariarã, Samaria sitajũ ñarimacajũ ejacõari, “Jesús ĩ cãnirotijure macayurã bajibũ yũ”, yiboayujarã ĩna. 53 To bajiboarine ti macanajũ, Jesús ĩ ejasere bojabesujarã ĩna. “Jerusalénju vacũ bajigũmi” yimasirã ñari, ĩre ĩaterã bajiyujarã ĩna.^f 54 To bajiro ĩna bajise ñajare, ado bajiro Jesúre sēniãañujarã, Juan, ĩ gagũ Santiago rãca:

—Yũna uju, ¿“Õ vecaye jea ãjũvẽjase rãca ĩnare soereacõaña mu”, Diore yũa yisēnisere bojati mu? —ĩre yisēniãboayujarã ĩna.

55 To bajiro ĩre ĩna yisēniãrone, judarũgũcõari, ado bajiro oca tutuase rãca ĩnare gotiyuju Jesús:

—¿No yirã to bajise tũoĩati mu? To bajiro mu yitũoĩajama, vãti ĩ bojarore bajiro tũoĩarã yaja mu —ĩnare yigotiyuju Jesús.

56 To bajiro ĩnare yigajanocõari, Samaria sitana ĩnare ĩna bojabetijare, gaje macajũ vacoasujarã ĩna.

“Yũre muã ajisũyarũajama, josarũaroja ti”, Jesús ĩ yigotima-siore queti

(Mt 8.19-22)

57 ĩna varũtuatone, sĩgũ ĩna rãca var'i, ado bajiro Jesúre ĩre yiyuju:

—No bojarõ mu vato cõrone mure sũyarũaja yũ —Jesúre ĩre yiyuju ĩ. 58 To ĩ yirone, ado bajiro ĩre cãdiyuju Jesús:

—Buyairoarema, ĩna gojeri ñacajũ. Miniare quẽne, ĩna jibũri ñacajũ. To ĩna bajiboajaquẽne, yũ, Dios ĩ roticõacacũma, cãnirijajũ magãre bajiro bajiaja yũ. To bajiri yũre mu sũyajama, bũto mure josarũaroja —ĩre yicãdiyuju Jesús.

59 To ĩre ĩ yiro bero, ado bajiro gãjjuare yiyuju Jesús:

—Yũre sũyaya mu —ĩre yiyuju.

To ĩ yiboajaquẽne, ado bajiro Jesúre cãdiyuju ĩ:

—Yũna uju, yũre yuya mu maji. Yũ jacũ ĩ bajirocacoajare, ĩre yujegũacũ yaja yũ. ĩre yujecõari bero, mure sũyarũcũja yũ —Jesúre ĩre yiboayuju.

60 To bajiro ĩre ĩ yiboajaquẽne, ado bajiro ĩre cãdiyuju Jesús:

—Yucũne yũre sũyaya mu. “Uju Dios yarã quẽnaro ĩ yirona muã ñarũajama, Jesúre ajitirũnũña”, yigoticudiaya mu. Yũre ajitirũnũmena, rijariarãre bajiro bajirã ñarãma. ĩnajũ rijariarãre yujeato ĩna —ĩre yicãdiyuju Jesús.

^f 9:53 Samaria sitana, samaritanos vãme cutiyujarã ĩna. ĩna rãca gãmerã ĩaterã ñañujarã judío masa. “Jerusalénju Diore quẽnase ĩre yirũcũbũoroti ñaja” judío masa ĩna yitũoĩasere bajiro tũoĩarã me ñañujarã samaritano masa.

61 To bajiro ñre ï yiro bero, quëna gãji ado bajiro Jesúre yiyuju:

—Mu rãca yu varoto rñjoro, yu ya vianare ñnare vare gotigñacu yaja yu maji —Jesúre ñre yiboayuju ï. 62 To bajiro ï yiboajquëne, ado bajiro ñre cudiyuju Jesús:

—“Diore rotibosagure mure ajitirñnu sñyarñcuja” yiboarine, gaje vãme tñoiavñoguma, Uju Dios yu me ñagãmi —ñre yicudiyuju Jesús.

10

Setenta y dos ñarirãcure ï ocare Jesús ï goticudiroticõare queti

1 Tijñ bero, Jesús ï buerimasare ï goticudirotisñoriarã mere, gãjerãre beseyuju Jesús. Setenta y dos ñarirãcu beseyuju. Ñnare besecõari, “Yu ocare goti rñjoro cutiaya”, ñnare yicõañuju ï. ï goticudiroti macari ñaro cõrone juarãri cõañuju.

2 Ñnare ï cõaroto rñjoro, ado bajiro ñnare yiyuju:

—Ote jairo buñaroja. To bajiro ti bajijare, ote ujure sëniña, “Moabosarimasa cõato ï” yirã —ñnare yiyuju Jesús.ğ

3 To bajiro ñnare yigoticõari, ado bajiro ñnare yiyuju quëna:

—Ovejare, buyairoa vatoaju güioroju ñnare cõagure bajiro mñare gotimasiodirotiaja yu —ñnare yiyuju. 4 —No bojase mña cuose juaábeja. Gãjoare, barere quëne juaábeja. Gñbo sudi juaámenane, mña cudasene cudacõari, vaja. Maaju masare mña bocaajama, ñnare sëniña, rëtocoaruarãja mña, yoaro ñnare queti gotimaniamenane —ñnare yiyuju Jesús.

5 —Vijñ ejacõari, “¿Ñnati mña?” ñnare yigajanocõari, “‘Quënarõ ñaña mña’ mñare yaja yña”, ñnare yiba, ti vianare. 6 To mña yirone, ti viana quënarõ mñare ñna bocaãmijama, mña yigore bajiro quënarõ ñnaruarãma. Quënarõ mñare ñna bocaãmibetijama, “‘Quënarõ ñaña’ yña yibetiriarãre bajirone ñacõaña mña” ñnare yí, vacoaja mña. 7 No bojarã gãjerãre moabosarimasa, vaja bujarãma. To bajirone bajiruarõja mñare quëne. Quënarõ mñare bocaãmira tñne ñacõari, ñnare mña gotimasiose vajane ñna basene ba, ñna idise idi yicõa ñnaruarãja mña. Mña ejarivine ñacõaruarãja mña, gaje viri cãnicudimenane. 8 Macaju mña ejariviana, no bojase bare mñare ñna ecasene ba variquënama. 9 Rijaye cutirãre catioba. To yicõari, “Uju Dios yarã quënarõ ï yirona mña ñarñajama, rojose mña yisere yitñjacõari, Jesúre ajitirñnuña”, ti macanare yigotimasioma. 10 To bajiboarine yu cõarimacajure mña ejarõ,

ğ 10:2 To bajiro ï yijama, ado bajiro yigñ yiyuju: “Jãjarã ñarãma yu ocare ajicõari, yure ajitirñnaronã. To bajiboarine, mojoroaca ñarãma yu ocare gotirãjña. To bajiro ti bajijare, Diore sëniña, “Jãjarãbusa yu ocare gotirimasare cõato ï” yirã” yiyuju Jesús”, yiyujarã Dios oca masa ñna ucamasire buerëtoburimasa.

m̄are quēnaro ñna bocaãmibetijama, ti maca gudarecoju jājarã ñna ñaro r̄jorojuã ejaçõari, ado bajiro ñnare gotiba m̄a: ¹¹ “Uju Dios yarã quēnaro ñ yirona m̄a ñarotire gotirã bajiboabu yna. To bajiri, ‘Quēnaro yare bocaãmibeticõari, yare m̄a ajir̄abetijare, rojose m̄are yir̄acumi Dios’ yirã, adi macaye sitare yna ḡbo sudi tuyasere varereaja yna”, ñnare yigotiba m̄a. ¹² Riojo m̄are gotiaja yu. Ti macana m̄are ñna ajir̄abeti vaja Diojuama, rojose ñnare yir̄acumi masare ñ beserir̄umu ti ejaro. Sodoma macana ñamasiriarã r̄etobusaro rojose tãmuor̄arãma ñna, m̄are quēnaro bocaãmimenama — ñnare yiyuju Jesús.

Ñre ajitir̄an̄abeti macariana ñna bajisere to yicõari, ñna bajirotire t̄uoĩacõari, Jesús ñ gotire queti

(Mt 11.20-24)

¹³ To bajiro ñnare yigoticõari, macariana ñre ñna ajitir̄an̄abetire gotiyuju Jesús:

—Coraz'in macana, to bajicõari, Betsaida macana quēne, b̄to rojose tãmuor̄arãma. Ti macarianare ñaãañamani yu yĩocatore bajiro, Tiro vãme c̄ti macanare, Sidón vãme c̄ti macanare quēne ñaãañamani yu ñojama, tir̄um̄ju rojose ñna yisere t̄uoĩas̄tiriticõari, yit̄ujacoaboriarãma ñnama. “Rojose yna yisere yir̄abeaja” yis̄tiritirã ñari, s̄tiritirã ñna sãñasejuã sudi vasoacõari, to yicõari, ñna r̄ujoariju õja majeboriarãma. ¹⁴ Sidón macana, to bajicõari, Tiro macana ñamasiriarã r̄etobusaro rojose tãmuor̄arãma ñna, Dios, masare ñ beserir̄umu ti ejaro. ¹⁵ Capernaum macanajua, “Quēnarã ñari, õ vecaju Dios ñ ñaroju ñarona ñaja mani”, yit̄uoĩaboarãma ñna. To bajiro ñna yit̄uoĩaboajaquēne, Dios t̄uju ñabetir̄arãma. Rojose tãmuot̄jabetiriaroju ñaja ñna c̄oaeorotoma. ¹⁶ M̄a gotisere ajicõari, “Riojo yama” m̄are ñna yijama, yarene, “Riojo yami” yirã yir̄arãma. M̄are ñna ajitejama, yare ajiterã yir̄arãma. To bajiro ñna yijama, yare c̄oacacure, yu jacure, ajiterã yir̄arãma — ñnare yiyuju Jesús, ñ gotiroticõarãre.

Jesús ñ gotiroticõariarã ñna tudiejare queti

¹⁷ Tij̄u bero, ñ gotiroticõariarã, setenta y dos ñarir̄acu Jesús t̄u tudiejayujarã quēna. Variquēnase rãca tudiejarãne, ado bajiro ñre gotiyujarã ñna:

—Masa us̄rij̄u sãñarãre, vãtiare, “Jesús ñ rotise rãca m̄are budirotiaja” yna yijama, c̄dima ñna — Jesure yigotiyujarã ñna.

¹⁸ To ñna yirone,

—Yu rotise rãca vãtia uj̄u, Satanás yarãre m̄a burearone, õ vecaju b̄jo ñ yabesere bajiro Satanás ñ quedirujiasere ñamu. ¹⁹ “Ññare, cotibajare ñnare c̄daboarine, rojose tãmuobetir̄arãja m̄a” yiḡu, yu masisere m̄are ujocaju

yũ, “Rojose yirã jediro, to yicõari, vãtia quẽne rojose mũare yibeticõato” yigũ. ²⁰ Yũ ejarẽmose rãca masa ɯsũrijũ sãñarãre, vãtiare, mũa burearere tũoĩa variquẽnaboarine, “Ado cõro ñaama yũ rãca ñarũgũrona” Dios ï yuicatu ecocana ñari, tijũare bũtobusa tũoĩa variquẽnaroti ñaja –ĩnare yigotiyuju Jesũs.

“Quẽnaja”, Diore Jesũs ï yivariquẽnare queti

(Mt 11.25-27; 13.16-17)

²¹ To yigajanocõari, Esp'iritu Santo ï ejarẽmose rãca, “Quẽnaja”, Diore yivariquẽnagũ, ado bajiro yiyuju Jesũs:

–Casũ, õ vecagũ ɯjũ ñaja mũ. Adi macarũcũrore quẽne, ñajediro ɯjũ ñaja mũ. “Jẽre masiaja yũa” yitũoĩaboarãre, “Yũ ocare ajimasibeticõato ñna” yigũ, ñnare masirioaja mũ. To yicõari, “Masimena ñaja yũa” yirãjũare, “Ajimasiatu” yigũ, ñna ajimasirotere yirẽmorũgũaja mũ. To bajiro mũ yijama, mũ bojarore bajiro yigũ yaja mũ –Diore yiyuju Jesũs.

²² To yicõari, ado bajiro ï rãca ñarãjũare gotiyuju Jesũs:

–Yũ jacũ ï ejarẽmose sũorine jediro yimasijeogũ ñaja yũ. “Tire yimasiatu” yigũ, adi macarũcũrojũre yũre cõacami yũ jacũ. To bajiro yũre yicacũ ñari, yũ yisere masijeocõami yũ jacũ. Yũ quẽne, ï yisere masijeocõaja. “Ïre masiatu” yigũ, yũ beserã rĩne yũ jacũre masiama –ĩnare yigotiyuju Jesũs.

²³⁻²⁴ To yicõari, ï buerimasa rĩne ñna ñaro, ado bajiro ñnare gotiyuju Jesũs:

–Variquẽnaña mũama. Yũ yĩosere tũoĩacõari, yũ bojarore bajiro tũoĩavasoariarã ñari, tire yũ gotimasiosere ajimasiaja mũama. Riojo mũare gotiaja yũ. Tirũmũjũ jãjarã Diore gotirẽtobosamasiriarã yucũ mũare yũ yĩosere ñarũamasiboayuma. Yũ gotimasiosere mũa ajisere ajirũamasiboayuma. To bajiri mũama, jairo yũ yĩosere masirã ñari, to yicõari, yũ gotimasiosere ajirã ñari, variquẽnaña mũa –ĩnare yiyuju Jesũs, ï buerãre.

Dios ï rotimasirere gotigũne, samaritano masũ ï yirere Jesũs ï gotire queti

²⁵ To bajiro Jesũs ï yiñarone, sĩgũ Dios ï rotimasirere gotimasiorimasũ, ñre sẽnĩarũ, vũmũrũgũñuju. “Ado bajiro yũ sẽnĩajama, josase ti ñajare, cũdimasibeticõari bojoneose tãmũorũcũmi” yitũoĩagũ ñari, ado bajise ñre sẽnĩañuju:

–Gotimasiorimasũ, yũ rijato berojũ “Tudirijabeticõato” yigũ, Dios ï catisere yũre ï ñisere yũ bojajama, ¿no bajiro yiroti ñati yũre? –Ñre yisẽnĩañuju.

²⁶ To ï yisere ajicõari, ado bajiro ñre cũdiyuju:

–¿No bajiro yati ti, Dios ï rotimasire, tire buegũ mũ ñajama? –Ñre boca yisẽnĩacõañuju Jesũs.

²⁷ To bajiro ï yisere ajicõari, ado bajiro Jesũre cũdiyuju ï:

—Dios ĩ rotimasire, ado bajiro yaja ti: “Mani ʘjʘre, Diore bʘto mairoti ʘjaja. No bojagʘre mani mairo rētoro, no bojase mani cʘose, to yicōari, mani bojatʘoʘase rētoro Diore mairoti ʘjaja”. To yicōari, “Mʘ masu rujʘre mʘ mairore bajirone mʘ tʘanare maiʘa” yigotiaja Dios ĩ rotimasire ʘnamasuse —Jesúre yicʘdiyuju Dios ĩ rotimasire gotimasiorimasʘ.

28 To bajiro ĩ yisere ajicōari,

—Riojo cʘadiaja mʘ. To bajiro mʘ yirŭgŭjama, mʘ rijato berojʘ “Tudirijabeticōato” yigʘ, Dios ĩ catisere mʘre ĩ ĩsirese bʘjarʘcʘja mʘ —ĩre yiyuju Jesús.

29 To bajiro ĩ yisere ajicōari, “Ti vāme ʘnaro cōrone cʘadijeobeami” yitʘoʘagŭ ʘnari, “Quēna gaje vāme yʘ sēniʘajama, gotimasibeticōari, bojoneoro tujarʘcʘmi” yigʘ, Jesúre ĩre sēniʘaʘuju ĩ quēna:

—¿Nimarā ʘnati yʘ tʘana, yʘ maironama? —ĩre yisēniʘaʘuju.

30 To bajiro ĩ yisēniʘajare, gotimasiore queti gotiyuju Jesús:

—Sĭgŭ jud'io masʘ, Jerusalénjʘ rojacʘmi Jericōjʘ ejagʘ vacʘ. Maa ĩ vatone, ĩre ʘniarāma juarudirimasa. ĩre ʘniacōari, sudi ĩ sʘaʘasere, to yicōari, ĩ gajeyeŭni ʘnajediro ĩre ēmajecōarāma ĩna. To yicōari, masacatibecʘjʘ ĩre quēasĭacōarāma ĩna. To yĭ, vacoanama ĩna. 31 To ĩna yĭ vato bero, vagʘmi pai. ĩre ĩarʘabecu ʘnari, ĩre gʘnirētocoacʘmi. 32 ĩ bero, paire moabosarimasʘ vagʘmi. ĩ quēne ĩre ĩacōari, gʘnirētocoacʘmi. 33-34 ĩna rētoro bero, samaritano masʘ vagʘmi. ĩre ĩamaicōari, ĩ tʘre tujarŭgŭ ejagʘmi. To bajicōari, ĩ cāmire ĩre ʘco yigʘ, olivo ʘyene, to yicōari, ʘye oco rāca ĩ cāmire ĩre tugʘmi. To yicōari, sudigase rāca ĩ cāmire ĩre dureagʘmi. Dureagajanocōari, ĩ yʘ burro vāme cʘtigʘ joejʘ ĩre āmijeo, vacoacʘmi samaritano masʘ. Vacudirimasa ĩna cʘanirivijʘ ĩre āmiejocōari, ĩre codegʘmi.^h 35 To bajiro ĩre yicodēnao, gajerāmʘ ti vi ʘjʘre ĩre gājoa ĩsigŭmi, jʘarāmʘ moare vaja yire cōro. To yicōari, ado bajiro gotigʘmi: “Rojorā ĩna quēasĭaecor'ire ĩre vaja yibosagʘ yaja yʘ, ado ĩre mʘ coderoti vaja. ĩTo bajiri quēnaro ĩre codeba mʘ! ĩre mʘ codero bero, yʘ vaja mojama, ado quēna gāme vagʘ, mʘre vaja yicōarʘcʘja yʘ” ĩre yigʘmi, ti vi ʘjʘre —yigotiyuju Jesús, Dios ĩ rotimasire gotimasiorimasʘre.

36 To bajiro ĩre yigotigajanocōari, ado bajiro ĩre sēniʘaʘuju Jesús:

—Ti quetire, ¿no bajiro tʘoʘati mʘ? ĩna idiarā ʘnariarā, ¿nijʘa ĩre ĩamaiʘujari ĩ? —ĩre yisēniʘaʘuju Jesús.

37 To bajiro ĩ yisēniʘarone,

^h 10:33-34 Samaria sitana, samaritano masa vāme cʘtiyujarā ĩna. ĩna rāca gāmerā ĩateyujarā judĭo masa.

—“Maioro bajigu ñaami” yiľasutiriticōari, quēnaro ĩre yir'ijua ñarimi ĩre mair'ima —Jesúre yicūdiyuju Dios ĩ rotimasire gotimasiomasu.

To bajiro ĩ yirone, ado bajiro cūdiyuju Jesús:

—Riojo yare cūdiaja ma. To bajiri, ma quēne to bajirone yiya. Maioro bajirāre ma ĩajama, ĩnare ejarēmoña —ĩre yiyuju Jesús.

Marta mesa ya vijua Jesús ĩ ejare queti

38-39 ĩ buerimasa rāca Jerusalénjua varūtu vacune, gaje macajua ĩnare ũmato ejayuju Jesús. Tojare Marta vāme cutigo, so bedeo, Mar'ia rāca ñañuju so. To bajiri ĩna ya vijua Jesús ĩ ejarone, ĩre bocacōari, ĩre sēniñuju Marta. Sājaejacōari, Jesús ĩ gotimasio ñaro tare rujiyuju so bedeo, Mar'ia, ĩre ajirujigo. ⁴⁰ To bajiro so bajijare, Martajua, “Jairo moare ti ñajare sīgōne ñari, moatĩmabeaja ya” yigo, Jesúre ado bajiro ĩre yiboayuju so:

—Yua ujua, yua sīgōne yua moasejuarema tūoĩabeaja ma. Yua bedeo, yare ejarēmobeamo so. To bajiri, “Ma gagore sore moaejarēmoña”, sore yiya ma —Jesúre ĩre yiboayuju Marta.

⁴¹ To bajiro so yisere ajicōari, ado bajiro sore cūdiyuju Jesús:

—Marta, yua maigō, moarere tūoĩarejaibesa ma. ⁴² Ma bedeo, quēnasejuare tūoĩamasiamo so. To bajiri yua gotisere ajigo yamo. To bajiro so bajijare, sore moarotire maja —sore yicūdiyuju Jesús.

11

Diore mani sēnirotire Jesús ĩ gotimasiore queti

(Mt 6.9-15; 7.7-11)

¹ Cojorāma ĩ jacare ĩre sēniñuju Jesús. To ĩ yigajanorone, sīgū ĩ buerimasu ado bajiro ĩre sēniñañuju:

—Juan vāme cutigu, masare oco rāca bautizarimasu, ĩ buerāre Diore ĩna sēnirotire gotimasioñuju ĩ. To bajiri, ¿yua quēne Diore yua sēnirotire yua gotimasiogūti ma? —Jesúre yisēniñañuju ĩ.

² To bajiro ĩ yijare, ado bajiro ĩ buerimasare gotimasioñuju Jesús:

—Diore ma sēnijama, ado bajiro sēniuarāja ma:

“Yua jacu, masa ñajediro, ‘Quēnarētogū ñaja ma’ mure yirūcubuoato ĩna. Adĩ macarucuroana, ma bojase rĩne yua yirotere tūoĩa yurūgūaja yua. Jēre ō vecaju ma ñaroju ma yarā ma rotirore bajirone yiñarāma. To bajiri adi macarucurojare quēne ma rotirore bajiro rĩne yirere bojaja yua.

³ Tocārācarūmune yua barotire cōaña ma.

⁴ ‘Rojose yua yisere masirioya’ mure yisēniaja yua, rojose yua yirāre quēne masiriorā ñari.

Rojose yua yirotere masigũ ñari, ‘Tire yibeticõato ñna’ yigu, yuare matabosaya”. Ado bajiro Diore mua sēnijama, quēnaja –yiyuju Jesús, ĩ buerimasare.

⁵⁻⁶ To yicõari, gotimasiore queti ado bajiro ñnare gotiyuju:

–Sīgũ, vacudigu, ñami gũdarecoju ĩ baba ya vijure ejagumi.

Ī ejaro ĩacõari, bare ĩre ecaroti ti manijare, gaje viagu ĩ babare sēnigũ vacoacumi. Ī ya vijũ ejacõari, “Yu baba ĩ ejaro ĩre yũ ecaroti ti manijare, mure bare sēnigũ bajibu yũ”, ĩre yigumi. ⁷ To bajiro ĩ yirone, ado bajiro ĩre cudigumi: “Yure gõjanabiobesa mu. Jere sojere bibecõamu yũ. Yu, yũ rĩa quēne cānirã yaja yua. To bajiri, vāgãcõari, mure ĩsimasibeaja yũ”, ĩre yicudicõagumi. ⁸ ĩre ĩ ĩsirubabetiboajaquēne, ĩre ĩ sēnitujabetijare, ĩ bojasere ĩsicõarucumi.

“Diore mua sēnijama, mure cudirucumi”, Jesús ĩ yigotimasiore queti

(Mt 7.7-11)

⁹ To bajiri quēnaro yure ajiya mua. Diore mua sēnijama, cõarucumi. ĩre sēnicõari, mua macajama, bujaruarãja mua. Sīgũ no bojase ĩre ti ruajama, gãji ya vijũ ejacõari sãjarũ, sēniãgumi. ĩ sēniãjare, ĩre sãjaroticõari, ĩre ejarēmogumi. To bajirone bajiaja Diore sēnirãre quēne. ĩre mua sēnisere ajicõari, quēnaro mure yiejarēmorucumi. ¹⁰ “Dios manire ejarēmorucumi” yitũoĩarã ñari, ĩre ñna sēnisere ñnare cõarucumi. ĩna macajaquēne, bujaruarãma –ĩ buerimasare yiyuju Jesús.

¹¹ To yicõari, quēna ado bajiro ñnare gotimasioñuju Jesús:

–“Vai bojaja yũ” mua macũ ĩ yisēnijama, ¿ãña, bar’i merene ĩsirãtique mua? ĩsimenaja mua. ¹² “Gãjabocu rĩa bojaja yũ” mua macũ ĩ yijama, ¿cotibajare ĩsirãtique mua? ĩsimenaja mua. ¹³ Diore bajiro quēnase yirã me ñaboarine, mua rĩare quēnaro yaja mua. To bajiri tire masicõari, ado bajiro Diore yimasiaja mani: “No bojarã Esp’iritu Santore cuõuarã, mani jacũ õ vecagure ñna sēnijama, ñnare cõarucumi”, yimasiaja mani –ĩ buerimasare yiyuju Jesús.

“Vãtia uju ĩ masise rãca yigu yami Jesús”, ñna yire queti

(Mt 12.22-30; Mr 3.20-27)

¹⁴ Sīgũ vãti sãñagũ ñañuju. “ĩÑagõbeticõato!” yigu, ĩ usujure sãjacõari, ñañuju. ĩre Jesús ĩ burocarone, ñagõmasicoasuju masujua. Tire ĩacõari, no yimasibesujarã masa, ti ũnre ĩabetirũgũriarã ñari. ¹⁵ Sīgũri, ado bajiro Jesúsre ĩre yitũoĩañujarã ñna:

–ĩ usuju vãtia uju Beelzebú vãme cutigu sãñagũ ñaami Jesús. To bajiri Beelzebú ĩ masise rãca vãtiare bureaami –Jesúsre ĩre yitũoĩañujarã ñna.

16 Gãjerãma, ado bajiro Jesúre yiyujarã:

—“Dios ĩ cõagũ ñaami” yua yĩamasirotire yigu, õ vecaye ĩañañamani yuare yĩõña —Jesúre ĩre yiboayujarã ĩna. 17 “Beelzebú sãñagũ ñaami” socarãne ĩna yitũoĩasere masicõari, ado bajiro ĩnare gotiyuju Jesús:

—Cojo sitana rotirimasa ĩna gãmerã quẽajama, ĩna masune gãmerã sıayayirã yirãma. To bajirone bajiroja cojo macanare quẽne, cojo vi ñarãre quẽne. 18 To bajirone bajiroja vãtiare quẽne. Vãtia ĩna gãmerã bureajama, “Masare rojose yitujato mani” yirã yiborãma. To bajiro ti bajijare, “Beelzebú vãme cutigu ĩ masise rãca masa usuriyu sãñarãre vãtiare bureaami” yure mũa yiboase, riojo yirã me yaja mũa. 19 To bajiro yure mũa yitũoĩaboajama, mũa buerã quẽne masa usuriyu sãñarãre vãtiare ĩna bureasere, “Vãti ĩ masise rãca burearãma ĩna quẽne” yirãre bajiro yaja mũa. To bajiro mũa yijama, “Tũoĩamavisiarã yaja mũa”, mũare yiguarãma ĩna, mũa buerã. 20 Ado bajirojua tũoĩarona ñaboaja mũa: “Vãtia uju ĩ masise rãca me yami. Esp'iritu Santo ĩ masise rãcajua vãtiare bureaami”, yure yitũoĩarona ñaja mũa. To yicõari, “ ‘Rotimũorũgõrcsmi’ yigu, Dios ĩ cõar'i ñaami”, yitũoĩamasiroti ñaja mũare.

21 “To bajiro yimasiroti ñaboaja” yigu ñari, “Quẽnabusaro yimasiato” yigu, quẽna gajeye gotimasiore queti mũare gotiaja yu: Sīgũ, guamu, jairo besu cõogu ñari, ĩ ya viayere quẽnaro ĩ ĩtirũnũjare, no bajiro yicõari juarudimasimenama. 22 To bajiboarine, “Jairo cõogu yu ñajare, yure ĩmamasigũ magũmi” ĩ yitũoĩaboasere, gãji ejacõari, ĩre quẽagũmi. To yicõari, ĩ besure, ĩ gajeyeũnire quẽne ĩmacõari, gãjerã ĩ babarãre ĩsibatogũmi ĩ rëtoro tĩmagũ. Tire bajiro bajiaja yure quẽne. Vãtia uju, masigũ ĩ ñaboajaquẽne, yujua, ĩ rëtoro masigũ ñaja yu. ĩ rotiboasere ĩre yirotibeticõari, vãtiare yu burease suorine, vãti ĩ rotiajeboariarãre ĩre ĩmagũ yaja, “Yu yarã ñato” yigu.

23 No bojarã yu gotiboasere ajitirũnũmenama, yure ajitirũnũboronare matarã yirãma. No bojarã, “Jesúre ajitirũnũña” yure yigoticudibosamenama, “ĩre ajibesa” yirãre bajiro bajirã ñarãma —ĩnare yiyuju Jesús.

Vãti, masu usujure sãñar'i, budicõari, ĩ tudisãjare queti (Mt 12.43-45)

24 Quẽna ado bajiro yiyuju Jesús:

—Vãti, masu usujure budicõari, oco manoriju vacudigũmi. Tujariajau bujabecu ñari, ado bajiro tũoĩagũmi: “Yu budirojune vacoarocu ñagũja yu”, yitũoĩagũmi. 25 Masu usujure ĩ budigoriarore tudiejagu ĩ ĩajama, gõjanabiose mano, quẽnarivire bajiro masu usujure ĩaejagũmi. 26 To bajiro ĩ usujure ĩaejacõari, cojomo cõro jua jënituarirãcu vãtia ĩ rëtoro rojose yirãre ũmato ejagũmi. To yicõari, ĩna ñaro cõrone masu usujure sãjarãma ĩna.

To bajiri, rētorobusa rojose yigu ñagūmi masu yuja. To bajirone bajiruroja muare adirodoriana rojose yirāre quēne. Vātiare yu bureacōboajaquēne, yare ajitirūnumena ñari, butobusa rojose yirā ñaja mua —ñare yiyuju Jesús.

²⁷ To bajiro ĩ yisere ajicōari, sīgō rōmio masa vatoaju ñacōari, ado bajiro Jesúre ĩre yiyuju:

—Buto variquēnagōmo so, mure ũjubucōorio —ĩre yiyuju so.

²⁸ To so yirone, ado bajiro sore cūdiyuju Jesús:

—To bajiro yare mu yiboajaquēne, Dios ocare ajicōari, ĩ rotisere quēnaro yirā ñarāma buto variquēnarāma —sore yicūdiyuju Jesús.

“Īaīañamani mu yīosere bojaja yua”, ĩna yire queti

(Mt 12.38-42; Mr 8.12)

²⁹ Jesús tujure jājarābusa masa ĩna ejarūtuate, ado bajiro ĩnare gotiyuju Jesús:

—Mua adirodoriana, rojose yirā jājarā ñaja mua. Yure ajiterā ñari, ĩaīañamani muare yu yīosere bojaboaja mua. To bajiro mua bojaboajaquēne, muare yīobetirucuja yu. To bajiboarine Jonás ñamasir'i Diore gotirētobosarimasu ĩ bajimasirere bajiro bajīoroti ñaroja. ³⁰ Jonás ĩna tujū ĩ ejaroto rījoro ĩ bajimasirere ĩnare ĩ gotisere ajicōari, “Diore gotirētobosagu ñaami”, ĩre yituoīamasīñujarā ĩna, N'ĩnive vāme cuti macana ñamasiriarā. Ti ũnire bajiro bajirucuja yu quēne, Dios ĩ roticōacacu ñari. To bajiro yu bajise ñajare, “Dios ĩ cōar'ine ñañumi”, yimasiruarāma masa.¹ ³¹ “Ūju Salomón quēnaro masigū ñañuju” yire queti ajicōari, Sabá sitana ũjo ñamasirio, sōju vadicōari, ĩre ajigo ejamasīñuju so. Salomón rētoro ñamasugū ñaja yu. To bajiro yu bajiboajaquēne, muajuma, yure ajitirūnubeaja mua. To bajiri masare Dios ĩ beserirūmu ti ejaro, ado bajiro bajiruroja muare: Salomón tu ejamasirio, tudicaticōari, “Mua ye suorine rojose tāmūoruarāja”, muare yirucocomo so, yu gotisere ajirā ñaboarine, rojose mua yitujabetijare, ĩnare yiyuju Jesús. ³² N'ĩnive macana ñamasiriarā, Jonás ñamasir'i Dios oca ĩ gotisere ajicōari, rojose ĩna yisere sutiriticōari, yitujamasīñujarā ĩna. Jonás rētoro ñamasugū ñaja yu. To bajiro yu bajiboajaquēne, muajuma, rojose mua yisere yitujabeaja mua. To bajiro yirā mua ñajare, masare Dios ĩ beserirūmu ti ejaro, ado bajiro bajiruroja: N'ĩnive maca ñamasiriarā, tudicaticōari, “Mua ye suorine rojose tāmūoruarāja”, muare yīaruarāma —ñare yiyuju Jesús.

³³ To yicōari, quēna gaje queti, gotimasiore queti ado bajiro ĩnare gotiyuju Jesús:

¹ **11:30** “Ti ũnire bajiro bajirucuja” Jesús ĩ yijama, rijacoaboarine, ĩ tudicaticōari, yiyuju.

—Sĩabusuoriare jẽocõari, sotune tiare mubũamenaja mũa. Tire jẽocõari, “Ñajediro ti vianare ãjubusuato” yirã, vecajũ jeorãja mũa —ĩnare yigotiyuju Jesũs.]

³⁴⁻³⁵ To yicõari, quẽna gaje gotimasiore queti ĩnare gotiyuju:

—Mũa caje quẽnaro ti ruyujama, “Tine ñaja quẽnamasuse”, yĩamasijaja mũa. To bajiboarine, mũa caje quẽnaro ti ruyubeti-jama, quẽnabetire ĩacõari, mũa masune, “Ti ñaja quẽnamasuse”, yisocarãja mũa. Tire bajiro bajiaja mũa tũoĩase quẽne. Dios ĩ bojarore bajiro quẽnaro mũa tũoĩajama, ñajediro quẽnaro ri-ojo tũoĩamasirũarãja mũa. ĩ bojabetire mũa tũoĩajama, “Ri-ojo tũoĩamasijaja” mũa masune yisocañarã rĩne, ñajediro ri-ojo tũoĩamasimena ñacoarũarãja mũa. To bajiri, quẽnabetire ĩacõari, “Mani masune, ‘Ti ñaja quẽnamasuse’ yisocarobe” yirã, Dios ĩ bojarore bajiro quẽnaro tũoĩañã mũa. ³⁶ Dios ĩ bojarore bajiro quẽnase rĩne mũa tũoĩajama, ñajediro quẽnaro riojo tũoĩamasirũarãja mũa —ĩnare yiyuju Jesũs.

Fariseo masa, to yicõari, Dios ĩ rotimasire gotimasiorimasa quẽne, “Rojose tãtũorũarãja mũa”, Jesũs ĩnare ĩ yire queti

(Mt 23.1-36; Mr 12.38-40; Lc 20.45-47)

³⁷ To bajiro ĩ yigajanoro bero, sĩgũ fariseo masũ,

—Yũ ya vijũ yũ rãca bagũ vayá mũ —Jesũre yiyuju.

To bajiro ĩ yir'i ñari, ĩ tũjũ sãjaejacõari, ĩ ãmori coebecũne, baejarũju vasuju Jesũs. ³⁸ To ĩ bajiro ĩacõari, “ “Manire ĩavariquẽnato Dios” yirã, mani ñicũa ĩna yimasiriarore bajiro ãmori coecõari rĩne, baroti ñaja’ yirotimasirere yirũcũbeami Jesũs” ĩre yĩagũ ñari, no yimasibesuju fariseo masũ.

³⁹ To bajiro ĩre ĩ yitũoĩasere ĩamasicõari, ado bajiro ĩre gotiyuju Jesũs:

—Idiriabaja, bare jeobariabajare bajiro bajiaja mũa, fariseo masa. Idiriabaja, bare jeobariabaja joema coeriabajari ñaboarine, jubeajũama bũto ueri cutibajarire bajiro bajiaja mũa. Mũa usũri bajisejũarema tũoĩabeaja mũa. To bajirã ñari, “Quẽnaro yirã ñaja yũ” yitũoĩaboarine, rojosere quẽne tũoĩarã ñari, rojorã ñaja mũa. ĩaworã ñari, “Ĩnare yitocõari, ĩna cũoboasere ĩmarũarãja”, yitũoĩarã ñaja mũa. ⁴⁰ Tũoĩamasimenare bajiro bajirã ñaja mũa, “Rojorã ñaja mani” yimasimena ñari. ¿Dios, mani rujũrĩre rujeor'i, mani usũrĩre quẽne rujeobesujarique ĩ? Mani usũrĩre rujeor'i ñari, quẽnaro mani tũoĩasere quẽne bojaami Dios. ⁴¹ Rojasere tũoĩatũjaya. To bajiro mũa yijama, Dios ĩ bojarore bajiro tũoĩarã ñari, quẽnaro yirã masu ñarũarãja mũa.

Ĵ **11:33** To bajiro Jesũs ĩ yijama, ĩ oca riojo masirãma, “Gãjerãre gotimasioroti ñaja” yigũ, yiyuju.

42 Buto rojose tãmuoruarãja mua, fariseo masa. Dios ï rotimasirere buerëtobucõari, ñamasuse mejuare ajitirũnarãja mua. To bajiro yirã ñari, bare sãvhorere, an'is, menta, comino vãme cãtire mojoroaca ti vaja cãtiboajaquẽne, Diore yirũcũbhorivi moabosarimasare ïsiaja mua. To bajiro yirã ñaboarine, Dios ï rotimasire ñamasusejuarema ajitirũnũmenaja mua. Ado bajiro bajiaja ñamasuse: Quẽnaro riojo yire, gãjerãre ïamaire, to yicõari, Diore maire quẽne ñaja ñamasuse. Tire quẽne yirũgũrona ñaja mua.

43 Buto rojose tãmuoruarãja mua, fariseo masa. Boserũmu ñaro rũcũbhorijajũ baruji variquẽnaja mua. Dios ocare ña buerivirijũ quẽne rũcũbhorijajũ rujivariquẽnaja. Masa ña ñarijũ mua eajama, rũcũbuose rãca muare ña sẽnisere bojarũgũaja mua.

44 Buto rojose tãmuoruarãja mua. Masa, gojere bajiro bajiaja mua. Ti goje joere vaboarine, “Masa ña yujeriagoje ñaroja” yimasimenama, õ õñerocajũ ti ñajare. Tire bajiro bajiaja muare quẽne. Rojose mua tũõĩasere masimena ñari, “Rojorã rãca ñaja mani”, muare yimasibeamã masa, mua tũjũ ejarã – ñare yigotiyuju Jesús, fariseo masare.

45 To bajiro ï yigotirone, sũgũ Dios ï rotimasire gotimasiorimasũ ñañuju ï. Ado bajiro Jesũre yiyuju:

–Gotimasiorimasũ, tũõĩamasiri mene goticõaja mũ. Fariseo masare to bajiro mũ yijama, yũare quẽne tud'igũ yaja mũ – Jesũre ïre yiyuju.

46 To bajiro ï yirone, ado bajiro ïre cũdiyuju Jesús:

–Mua, Dios ï rotimasire gotimasiorimasã quẽne buto rojose tãmuoruarãja. Dios ï rotimasire masirã ñari, ï rotimasire rëtobũsaro yirotirũgũaja mua. “Cojo vãme me mani rotise ñajare, cũdijeomasimenama ña” yimasirã ñaboarine, ñare ïamaimenane, “Ñajediro yũã gotirëtobuse riojo ñaja”, masare ñare yirũgũaja mua.

47 Buto rojose tãmuoruarãja mua. Diore gotirëtobosamasiriarãre mua ñicũã ña sãmasiriarãre ña yujemasirijajũ joere quẽnarijajũri quẽnoaja mua, “Quẽnarã ñañuma” yirã. 48 To bajiro mua yijama, “Quẽnarã ñañuma” yirã me yaja mua. Ado bajirojũã yirã yaja: “Diore gotirëtobosamasiriarãre mani ñicũã ña sãmasire quẽnañuja ti” yirã yaja mua, mua ñicũã rojose ña yiriarore bajiro rojose yirã ñari.

49 To bajiro mua yiroto rĩjorojũne masicõañumi Dios, quẽnaro tũõĩagũ ñari. Ado bajiro yiyumi, mua ñicũãre, to yicõari, muare quẽne tũõĩayugũ ñari: “Jud'io masa vatoajũ yũre gotirëtobosarãre, to yicõari, gãjerã yũ oca goticudirimasare quẽne cõarũcũja yũ. ñare sãarũarãma ña. Gãjerãrema, rojose

ĩnare yiruarãma”, jud'io masare mũare yiyumi Dios. ⁵⁰⁻⁵¹ To bajiri mũa ñicua ĩna yimasire, mũa yisere quẽne ado bajiro mũare yirũcũmi Dios: Abel ñamasir'ire mũa ñicũ ĩ sĩasũomasire, to yicõari Diore gotirẽtobosarimasare mũ ñicua ĩna sĩamasire, to yicõari Diore yirũcũbũoriavi jubeaju ñarijau soemũoriajau taju mũa ñicua Zacar'iare ĩna sĩatusamasire ti ñajare, bũto rojose tãmũoruarãja mũa adirũmuri ñarã. ĩna bajimasiriarore bajirone Diore mũa ajitirũnũbeticõa ñajare, ĩna sĩamasire vaja rojose ĩnare ĩ yiroti rẽtobũsaro rojose mũare yirũcũmi Dios, adirũmuri ñarãre.

⁵² Bũto rojose tãmũoruarãja mũa, Dios ĩ rotimasire gotimasiõrimasa. Tire buerẽtobucõari, ñamasuse mejũare ajitirũnũcõari, gotimasiovadicaju mũa. To bajiro mũa yijama, “Uju Dios yarã quẽnaro ĩ yirã ñabeticõato mani” yirãre bajiro yĩñaja mũa. To yicõari, “Gãjerã, Uju Dios yarã quẽnaro ĩ yirã ñabeticõato ĩna” yirã yaja mũa. Dios yarã ĩna ñarũaboajaquẽne, ĩnare matarã yaja mũa. To bajiri mũa quẽne ĩ yarã ñabetiruarãja mũa —ĩre yicũdiyuju Jesús, Dios ĩ rotimasire gotimasiõrimasare.

⁵³⁻⁵⁴ To yigajano, ĩre jivar'i ya vijure Jesús ĩ budiato, bũto ĩre jũnisiniñujarã Dios ĩ rotimasire gotimasiõrimasa, fariseo masa quẽne. ĩre jũnisinirã ñari, bũto ĩre sẽnĩlagõjanabioyujarã ĩna. “Ĩ cũdimasibetijama, ĩre ocasãrãsa mani” yirã, quẽnaro ajisũya vasujarã.

12

“Quẽnaro yirã ñaja yua’ yitũoĩaboarine, ‘Rojorã ñaama’ ĩnare yĩamasicõari, ĩna gotimasiosere ajibesa”, Jesús ĩ yire queti

¹ “Rojose Jesũre yirãsa” yirã, ĩre ĩna ajicode ñarone, jãjarã masa ĩ tujure rẽjañujarã ĩna. Jãjarã masu rẽjarã ñari, ĩna masune gãmerã cũdaroriju ñañujarã ĩna. To ĩna bajĩñarone, Jesús ĩ buerimasajũare ado bajiro gotisũoyuju ĩ:

—Fariseo masa “Pan vauvato” yirã, ĩna vũosere quẽnaro ajicõĩaña mũa. “Quẽnaro yirã ñaja yua” yitũoĩaboarine, rojose yirã ñaama. ² Masa ĩna masibeti jediro, ĩ beserirũmũ ti ejaro, “Quẽnaro tire masiato” yigũ, masare ĩnare gotirũcũmi Dios.

³ Masa ĩna ajibeto yayioroaca mũa ñagõsere, “Jediro ajiato” yigũ, mũa ñagõrere gotirũcũmi Dios —ĩ buerimasare yigotiyuju Jesús.

“Masa rojose yirãre gũimenane, Diojũare gũiroti ñaja mũare”, Jesús ĩ yire queti

(Mt 10.26-31)

⁴ To yicõari, quẽna ado bajiro ĩ buerimasare gotiyuju Jesús:

—Yũ babarãre ado bajiro mũare gotiaja yũ: Mũare sĩarũarãre gũibeja mũa. Mũa usũrijũrema sĩamasimenama ĩna. ⁵ Diojũare

mua güijama, quēnaja. Ī ñaami mani catisere rotigu. Ī masu masiami. To bajiri rojose tām̄ot̄ajabetiriaroju m̄are reama-sic̄ōami.

⁶ Cojomocār̄acu miniare mani vaja yijama, juatii gājoatiiri rāca vaja yire ñaroja ti, mojoroaca vaja cutirā ña ñajare. To cōroaca vaja cutiboarine, Dios ĩ rotibetone rijagu magūmi. ⁷ Masajm̄are, Dios ĩ ĩajama, jairo vaja cutirāre bajiro manire ĩaami. Manire b̄uto maiami ĩ. To bajiro bajigu ñari, mani r̄ajoajoare, cojojoara r̄ayabeto cōīajeogu ñaami. To bajiri rojose m̄are yirāre güibeja —ĩ buerimasare yiyuju Jesús.

“Masa ĩna ĩaro r̄ijorojua, ‘Jesúre ajitir̄anugū ñaja yu’ mua yijama, quēnaja”, Jesús ĩ yire queti

(Mt 10.32-33; 12.32; 10.19-20)

⁸ Quēna ado bajiro ĩ buerimasare gotiyuju Jesús:

—Ado bajiro m̄are gotiaja yu: Masa ĩna ĩaro r̄ijorojua, “Jesúre ajitir̄anugū ñaja yua” yirārema, yu quēne ō vecaju yu jacu yarā ángel mesa ĩna ĩaro r̄ijorojua, “Ánoa ñaama yu yarā”, yīlor̄ac̄uja yu. ⁹ To bajiboarine masa ĩaro r̄ijorojua, “Jesúre ajitir̄anugū me ñaja yua” ĩna yijama, yu quēne, Dios ĩ rotic̄ōacacu, ō vecaju yu jacu yarā ángel mesa ĩna ĩaro r̄ijorojua, “Yu yarā me ñaama ĩnama”, yir̄ac̄uja yu.

¹⁰ No bojarā, Dios ĩ rotic̄ōacacure rojose yure ĩna ñagōro bero, sutiritic̄ōari, Diore ĩna sēnijama, rojose ĩna yisere masirior̄ac̄umi. To bajiboarine, Esp̄iritu Santo ĩ masise rāca moagūre, “Satanás ye rāca moami” ĩna yitud’ijama, Esp̄iritu Santoj̄are rojose yirā yirāma. Tirema gajerodo ti ñacoaboajaquēne, masiriobetir̄ac̄umi Dios.

¹¹ Yu ocare mua gotimasiojare, m̄are ñejec̄ōari, Dios ocare ĩna buerivirij̄u ujarā r̄ijorojua m̄are juaár̄uarāma ĩna. To yic̄ōari, macari ujarā r̄ijorojua m̄are juaár̄uarāma ĩna. To yi vanane, ujarā ñamasurā r̄ijorojua m̄are juaár̄uarāma. Ujarā r̄ijorojua m̄are ĩna juaejaro, “¿No bajiro ñagōrāti yua?”, yit̄oñarejaibeja mua. ¹² “Ñagōña” m̄are ĩna yirir̄imarone, mani jacu Dios ĩ cōagū, Esp̄iritu Santo ĩ ejarēmose rāca “Ado bajiro gotir̄uarāja yua”, yimasir̄uarāja mua —ĩ buerimasare yigotiyuju Jesús.

“Jairo gajeyeūni mani c̄uobetijaquēne, no yibeaja”, Jesús ĩ yire

¹³ To bajiro ĩ yiro bero, ado bajiro Jesúsre sēniñañuju sigū:

—Gotimasiorimasu, yu jacu ñamasicacu gajeyeūnire c̄uobeaja yu. Yu gagu, tire juac̄ucacu ñaboarine, yure ĩsir̄abeami. To bajiri, “Ī ye ñarotire ĩre ĩsiña mu” ĩre yiya, yu gagure —Jesúre ĩre yiboayuju ĩ.

¹⁴ To bajiro ĩ yisere ajic̄ōari, ado bajiro ĩre c̄udiyuju:

—“Tire yiro tirimasu ñarucuja mu” yigu me, yure cōacami Dios —İre yicudiyuju Jesús.

15 To yicōari, masa jedirore ado bajiro gotiyuju:

—Gājerā ye gajeyeūnre bojañabesa. To yicōari, gajeyeūni catirā mua ñajama, buto tire maibesa. Jairo mani cōojama, mani cōobetijaquēne, no yibeaja. Ti s̄ori me variquēnare ñaroja —İnare yiyuju Jesús.

16 To yicōari, gotimasioire queti İnare gotimasioñuju Jesús:

—Sīgū masu gajeyeūni jaigu ñagūmi. İ ote quēne, jairo rica cutiroja ti. 17 Jairo ti ricacuto İacōari ado bajiro t̄oİagūmi: “¿No bajiro yiguti ya? Nojua cūmasiriaro maja ya”, yit̄oİagūmi. 18 To bajiro yit̄oİagūne, “Ado bajiro yirucuja ya”, yit̄oİabujagūmi. “Bare cūriavirire caguereacōari, gaje viri jacobsariviri buarucuja ya. To yicōari, ti virijure ya barere, ya gajeyeūnre quēne cūrucuja ya. 19 To yigajanocōari, ado bajiro t̄oİa variquēnarucuja ya: ‘Guaro jedibetiruroja ti, ya cōose. To bajiri, ususāja, quēnaro bare ba, idire idi, yivariquēna ñarucuja ya’”, yit̄oİaboagūmi, socane. 20 To bajiro İ yit̄oİañarone, ado bajiro İre yigūmi Dios: “T̄oİamasibecure bajiro yaja mu. Mu rijato bero mu bajiro tire t̄oİabecune yicōaja mu. Adi ñamine rijacoarucuja mu. To bajiri mu cōosema, ¿ñimu yejua ñaruroada?”, İre yigūmi Dios. 21 Tire bajirone bajiraja Diore t̄oİamenane, jairob̄usa gajeyeūni juacūrūtuanarema. “Disejua r̄uyabetiruroja yure” İna yiboajaquēne, Dios İ İajama, “Ya ye quēnasejare bujabetirona ñaama, yure ajitirūn̄mena ñari”, İnare yīİaami Dios —İnare yiyuju Jesús.

“İ r̄a mani ñajare, manire İtirūnarucūmi Dios”, Jesús İ yire queti

(Mt 6.25-34)

22 To İ yiro bero, ado bajiro İ buerimasare gotiyuju quēna:

—To bajiro Dios İ yīİase ti ñajare, adi macarucurojare mua bajiro tire t̄oİarejaibesa mua. “¿No bajiro bujacōari, bare ba, idi, sudi s̄aña, yicatiñarāti ya?”, yit̄oİarejaibesa. 23 Quēnamasuse mani us̄are, to yicōari mani rujare manire İsiñumi Dios. To bajiri mani baroti, mani idiroti, to yicōari sudi mani s̄añarotire quēne cōarūgūrucūmi İ. 24 Minia İna bajisere t̄oİañna mua. İna otebetiboajaquēne, to yicōari, bare İna juarēocūbetiboajaquēne, İnare bare cōarūgūami Dios. “Miniare quēne İamaigū ñari, manire roque r̄etro maigūmi”, ¿yimasibeati mua? 25 “Adi macarucurojare ñarā yoaro catiruarāja ya” mua yit̄oİarejaiboase, “Yoarob̄usa catiato” yiro, m̄are ejarēmomasibeaja ti. 26 To bajiro ti bajijare, mua catiñarotire t̄oİarejaibesa.

27 Sudi mña sãñarotire quẽne tũoĩarejaibesa. Go bucuasere tũoĩãlasaque mña: Moabeti, to yicõari, sudi sãñarua tũoĩarejaibeaja ti. To bajiboarine, Uju Salomón ñamasir'i gajeyeũni jaigu ĩ ñaboajaquẽne, quẽnase ĩ sudi sãñamasire rẽtoro quẽnase ñaja ti. 28 Gore buto quẽnase ñarotirũgũami Dios. Quẽnase ñaboarine, yoaro mene sĩnicoatoja. Ti sĩniro ĩacõari, bare quẽnoruarã, tire juacõari, soerãma masa. To bajiri yoaro catise me ti ñaboajaquẽne, tire quẽnorũgũgũami Dios. Go rẽtoro manire roque maigũ ñari, “Manire sudi cõarucumi Dios”, yimasiroti ñaja mñare. “To bajirone yigumi Dios”, yiajiritũnubetibusarã ñaja mña. 29 To bajiri, “¿No bajiro bujacõari, bare ba, idi, yicatiñarãti yña?”, yitũoĩarejaibesa. 30 Dios yarã me ñarãma, tire buto tũoĩarejairãma. Manijũarema, mani jacũ ñagũmi, “Ti ruyaja, ĩnare” yimasigũ. 31 To bajiri, “Uju Dios yarã, quẽnaro ĩ yirã ñaja mani. ĩ bojarore bajiro quẽnase rĩne yiruarãja”, yitũoĩarũgũña mña. To bajiro mña yijama, adi macarucuroaye mña cuobetire bujaruarãja mña.

*Õ vecaju Dios tũju quẽnase mani bujaroti queti
(Mt 6.19-21)*

32 Jãjarã me ñaja mña. To bajiboarine tũoĩarejaibesa. Uju Dios quẽnase mñare cõavariquẽnarũgũami. To yicõari, ĩ ñaroju õ vecaju variquẽnase rãca mñare bocaãmirucumi. 33 Jediro mña cuose gãjerãre ĩsijeocõaña. To yicõari, ti vaja bujacõari, maioro bajirãre ĩsima. To bajiro mña yijama, õ vecaju Dios ĩ ñaroju quẽnase bujaruarãja mña. Mñare quẽnaro Dios ĩ yise jedibetiruaroja. Tojũre juarudirimasa ejabetiruarãma. To yicõari, quẽnaro mñare Dios ĩ yisere barearã manama. 34 Õ vecaye quẽnase mña bujaroti jedibetiroti ti ñajare, mña cuosejũare tire tũoĩarejaimenane, “Quẽnaro yña yise vaja õ vecaju vaja tacũrã yaja” yitũoĩacõari, quẽnaro yirũgũña –ĩ buerimasare yigotiyuju Jesús.

“Yũ tudiejarotire quẽnaro tũoĩayuya”, Jesús ĩ yire queti

35-36 Ado bajiro ĩnare gotiyuju Jesús:

–Adi macarucurore vaveorucuja yũ. To bajiboarine, tudivadirucuja quẽna. Yũ manitoye quẽne, yũ bojarore bajiro quẽnaro yicõa ñama, yũ tudiejarotire tũoĩayurã ñari –ĩnare yiyuju Jesús.

To bajiro yigajanocõari, gotimasiore quetire tũoĩacõari, ĩnare gotiyuju Jesús:

–Sĩgũ uju gãjerã ĩna ãmosiarirũmũ, boserũmũ ĩna yiro, ĩagũ vacoacumi ĩ. To bajiri ĩ tudiejaroto rĩjoro ĩre moabosarimasa ĩre yurãma ĩna. “¿No cõro tudiejaruti ĩ?”, yirũgũrãma ĩna. Tudiejacõari, “Manire ĩjirone, guaro sojere jãnaruarãja mani”, yitũoĩarãma ĩna. 37 To bajiri cãnibetiriarã ñari, ĩna uju ĩ tudiejaro,

buto variquēnarāma ĩna. To cōrone ĩna uju ĩnare rujirotigumi. ĩnare rujiroti, ĩ masune ĩnare bare ecagumi, ĩna uju űaboarine. ³⁸ To bajiri űami gũdareco ti űacoaboajaquēne, cānibetiriārā űari, ĩna uju ĩ tudiejaro, ĩre ĩacōari, buto variquēnarāma ĩna.

To bajiri uju ĩ manitoyeju ĩ tudiejarotire yurā, ĩna cānibetiriare bajiro bajicōa űaruarāja mua, yure yurā űari. Yu bojarore bajiro quēnaro yicōa űama mua. To bajiro mua bajijama, yu tudiejaro ĩacōari, buto variquēnaruarāja –ĩnare yigotiyuju Jesús.

³⁹ To yicōari, quēna gaje queti gotiyuju:

–Adi quetire quēne tuoĩaűa: Sĭgũ vi uju, “Adi űami juarudiri-masũ ejarucumi” ĩ yimasijama, roori űabogumi, ĩre matarũ. ⁴⁰ To bajiri, “Dios ĩ roticōagũ ĩ tudiejarotire mani masibetirĩmarone tudiejaromi” yirā, roori űarũgũruarāja mua –ĩnare yigotiyuju Jesús.

“Ado bajiro bajigumi yu tudiejarotire roori űagũma”, Jesús ĩ yire queti

(Mt 24.45-51)

⁴¹ To bajiro ĩ yijare, sĭgũ ĩ buerimasũ, Pedro vāme cõtigu, ado bajiro Jesũre ĩre sēniĩaűuju ĩ:

–Yu uju, ĩtire yua rĩrene gotigu yati mu? ĩJedirore gotigu yatique mu? –ĩre yisēniĩaboayuju ĩ.

⁴² To ĩ yirone, ado bajiro ĩre cadiyuju Jesús, gaje queti, gotimasiore rāca gotigu:

–Ado bajiro bajirucumi yure quēnaro ajitirũnu tũjabecu, quēnaro tuoĩagũ: Uju, gajeroju űagucũ, ĩ varoto rĩjoro, “Yu ya vianare yure codebosaba” yigu, ĩre moabosarimasare ĩ cũvar'ire bajiro bajigu űagumi. ⁴³ ĩ uju, ĩ rotiriare bajirone ĩ moayurere tudiejacōari, ĩ ĩaeajama, quēnaro ĩre yigumi, ĩre moabosarimasare. ⁴⁴ Riojo mũare gotiaja yu. Uju ĩ bojarore bajirone ĩ yire ti űajare, ĩ cũose jedirorene, ĩre ĩatirũnurotigumi. ⁴⁵ Ado bajiro bajirucumi yure quēnaro ajitirũnũbecuma: Rojose yigu ĩ űajama, uju ĩ vato bero, “Yoatoju tudiejagumi” yituoĩagũ űari, ĩ ujure moabosarimasare rojose yigumi. To yicōari idimecũgũrāre baba cõticōari, ĩna rāca idirũgũgumi ĩ quēne. ⁴⁶ To ĩ yĩnarone, ĩ uju, tudiejagumi. Tudiejacōari, ĩ rotiriare bajiro ĩ yibetire ti űajare, rojose ĩre yigumi. To bajiri “Quēnaro yirā űaja yua” yiboarine, ĩna yirore bajiro yimena rojose ĩna tãmũore bajirone tãmũogumi.

⁴⁷ No bojagu ĩ uju ĩ bojasere masiboarine, ĩ rotiriare bajiro ĩ yibetijama, tudiejacōari, buto ĩre quēasĩacōagumi ĩ uju.

48 Gājijua, ujū ī bojasere masibecune ī yijama, tudiejacōari, quēnabusane ĩre quēagūmi ī ujū —Īnare yigotiyuju Jesús.^k

*“Yure m̄ua ajitirūn̄usere ĩacōari, m̄are ĩajūnisinir̄arāma”,
Jesús ĩyire queti*

(Mt 10.34-36)

49-50 Quēna ado bajiro ĩnare gotiyuju Jesús:

—“Rojose tām̄otujabetiraroju mani vaborotire manire yirētohosarūcūmi Jesús’ yivariquēnarona ñato” yigū, vadicaju yū. To bajiro bajicacū ñari, gājerā tire t̄oīamenare ĩnare so-ereaguagure bajiro bajicaju yū. To bajicacū ñari, guaro ĩnare yū rijabosarotire bojaja yū. ⁵¹ “Quēnaro ñato ĩna masa’ yigū, vayumi Jesús”, yure yit̄oīabesa m̄ua. Dios ĩ bojabeti yirā, yū ocare ajijūnisinicōari, yure ajitirūn̄urāre ĩateruarāma ĩna. To bajiri ado bajiroju yure yit̄oīaīa: “Ī s̄ori ricatiri t̄oīaruarāma masa’ yigū bajiyumi Jesús”, yure yit̄oīaīa. ⁵² “Ado bajiro bajiruarōja” yigū yaja yū: Cojo viana ñaboarine, sīgūri yure ajitirūn̄urā ña, gājerāju yure ajiterā ña, bajiruarāma. ⁵³ Ī macū, yure ĩ ajitirūn̄ujama, ĩ jascūja ĩre ĩaterūcūmi. Jascūja, yure ĩ ajitirūn̄ujama, ĩ macūja, ĩre ĩaterūcūmi. So macōju, yure so ajitirūn̄ujama, so jacoju, sore ĩaterūocomo. Jacoju, yure so ajitirūn̄ujama, so macōju, sore ĩaterūocomo. So jējoju yure so ajitirūn̄ujama, so ūmañicoju, sore ĩaterūocomo. So ūmañicoju yure so ajitirūn̄ujama, so jējoju, sore ĩaterūocomo —Īnare yigotiyuju Jesús.

Rodori bajisere ĩ gotimasiore queti

(Mt 16.1-4; Mr 8.11-13)

⁵⁴ To yicōari, ado bajiro ĩnare gotirūtuasuju Jesús, jājarā masare:

—Muiju ĩ rocasātoju bueri ti vadijama, “Oco quedir̄aja”, yīamasajaja m̄ua. ⁵⁵ To yicōari, mino varuagūmuaye ti vēatujama, “Buto asirūcūmi muiju”, yīamasajaja m̄ua. ⁵⁶ Ņamasuse mere ĩamasicōari, “Masirā ñaja yua”, yit̄oīaboaja m̄ua. Ņamasusejare masibeaja m̄ua. Adirūm̄uri yū yisere ĩarā ñaboarine, “Dios ĩ roticōar’i ñari, yami”, yīamasibeaja m̄ua —Īnare yiyuju Jesús.

“Rojose m̄ua yigure oca quēnoīa”, yire queti

(Mt 5.25-26)

⁵⁷ Ado bajiro ĩnare gotiyuju Jesús quēna:

—¿No yirā m̄ua masune yū yisere ĩacōari, “¿To bajiroju yiroti ñatique?”, yit̄oīabeati m̄ua? ⁵⁸ Gājire rojose m̄ua yijama, oca quēnorimasū tajū m̄ua ejaroto rījoro, ĩ rāca oca quēnoroti

^k 12:48 Adi vāmere yigū yiyuju Jesús: Adi macarūcūroju Jesús ĩ tudiejarone, ujū ĩre moabosarimasare ĩ yiriarore bajiro ĩnare yirūcūmi Dios. To bajiri Dios ĩ bojasere quēnaro masirāre, “Quēnaro yiya”, yami Dios. Ī bojasere quēnarobusa masirā, “Butohusa masiña”, yami Dios. Mani masiro cōro mani yisere bojaami Dios.

ñaja mña juarãne. Oca quënorimasu tu ejaminane, mña oca quënobetijama, masare coderimasare juarotirucumi, mñare. Ìña, mñare tubiberucumi. ⁵⁹ Riojo mñare gotiaja yu. Rojose mña yire vaja mña vaja yibetijama, budimenaja mña. Tire bajirone bajiruroja. Dios ì vaja sënirirũmu ejaroto rĩjorojua, rojose mña yir'ire ìre oca quënoña. Mña gãmerã oca quënobetijama, Dios ì vaja sënirirũmu ti ejaro, rojose tãmũotujabetiriaroju, tudibudiyamanoju mñare cõarucumi — ìnare yigotiyuju Jesús.

13

“Rojose mña yisere yitũjacõari, Dios ì bojarore bajirojua mña yibetijama, rojose mña yise vaja bajiyayirũarãja mña quëne”, Jesús ì yire queti

¹ Tirũmane queti gotirã Jesús tũju ejayujarã ìna. Ì tũju ejacõari, ado bajise ìre gotiyujarã ìna:

—Galilea sitana, Diore yirũcũbũoriaviju sãjaejacõari, Diore rũcũbũorã, vaibũcũrãre sĩañujarã ìna. To ìna bajirone, Ʋju Pilato ì yarãre ìnare sĩaroticõañuju —Jesũre yigotiyujarã ìna.

²⁻³ To bajiro ìna yigotisere ajicõari, ado bajiro ìnare gotiyuju Jesús:

—Galileana ìna bajiyayirere mñare gotirucuja yu: Bũto rojose ìna yise vaja me bajiyayiyujarã ìna. Gãjerã Galileana rëtoro rojose yirã me ñaboayujarã ìna. Mña quëne, rojose mña yisere mña tũoĩvasoabetijama, bajiyayicoarũarãja mña. ⁴⁻⁵ Siloé vãme cuti macajure cojo vi, juriaquediato, juaãmocãrãcu, cojo gũbo jedi, gaje gũbo idia jënituarirãcu masare sĩañuju ti. Bũto rojose ìna yire vaja me bajiyayiyujarã ìna quëne. Gãjerã Jerusalén macana rëtoro rojose yirã me ñaboayujarã ìna. Mña quëne rojose mña yisere yitũjacõari, Dios ì bojarore bajirojua mña yibetijama, bajiyayicoarũarãja mña —ìnare yigotiyuju Jesús.¹

Higuera vãme cutiũ rica manire tũoĩacõari, Jesús ì gotimasiore

⁶ Quëna gaje queti gotimasiore queti ìnare gotiyuju Jesús:

—Sĩgũ masu vese cutigũ ñagũmi. Ì ya vesere higuera vãme cutiũre otegũmi. Ì oter'ì, “Bũcua, rica cuticoatoja ti” yigũ, ìagũ vacumi. Vaejacõari, ìaboagũmi. Rica manicõaroja. ⁷ To ñagũmi, ì vesere codebosarimasu. To bajiri, ìjuare ado bajiro gotigũmi: “Jëre idia cãma tiũre rica macaboaja yu. Rica manirũgũaja ti. Quëarocacõaña mũ, tiũre. Rojoricũ ñaja ti. Gaji ote vasoaroti ñaja”, ìre yigotigũmi. ⁸⁻⁹ To ì yiboajaquëne, ado bajiro ìre

¹ 13:4-5 13.2-5 “Ìna bajiyayirotire Jesús ì gotijama, ìna rijato beroju, rojose ìna tãmũotujabetirotire yigu yiyuju”, yitũoĩaama sĩgũri, Dios oca masa ìna ucamasire buerëtoburimasa.

cudigami vese coderimasu: “Maji. Quëarocabeticõato mani. Adi cãmare quëne quënaro tiare ïacoderuaja yu. Sita quënase tu, vaibucurã guda quëne tu, quënaro tiare code, gaje cãmã gãme tudïaruarãja mani quëna. To cõrone ti rica manicõajama, quëarocaruarãja mani”, ïre yicugudimi vese coderimasu — ïnare yigotiyuju Jesús^m

Ususãjariarũmu rõmiore Jesús ï catiore queti

¹⁰ Ususãjariarũmu ti ñaro Dios ocare ïna buerivijũ masare gotimasio ñañuju Jesús. ¹¹ ïnare ï gotimasio ñarojare ñañuju sïgõ rõmio. Yoaro, juaãmo cõro, cojo gũbo jedi, gaje gũbo idia jënituarirãca ñaricũmari so usuju vãti ï sãñajare, mubiarine ñacõañuju so. ¹²⁻¹³ To so bajiñasere ïacõari, sore yiyuju.

—Jëre ma rijaye catise mure jedicoaju ti —sore yiyuju Jesús.

To yigune, so suyarojua joere ï ãmori ñujeoyuju. ï ñujeorirĩmarone, riojo vãmujocoasuju so yuja. Vãmujogone, ado bajiro gotiyuju:

—Jesús suorine quënaro yure yami Dios —yigotiyuju so.

¹⁴ To bajiro so yiboajaquëne, Dios ocare ïna buerivi ujũ, so quënaejasere ïacõari, Jesũre ïajũnisiniñuju ï. “Ususãjariarũmure catorotibeama ujarã. To bajiri, ‘Rojose yigũ ñaami’”, Jesũre yijũnisiniñuju ï. To bajiro Jesús ïre yijũnisinigũ ñari, ado bajiro masajare gotiyuju:

—Tocãrãca semana, cojomo cõro coja jënituarirãcarũmuri, moariarũmuri ñaja ti. To cõrojũ mua catirotire sënirã vadirũgũroti ñaja. Adirũmu ususãjariarũmu ïnorema to bajiro yirã ejabesa mua —ïnare yigotiyuju ï.

¹⁵ To bajiro ïnare ï yirone, ado bajiro ïre gotiyuju Jesús:

—“Quënaro yirã ñaja yua” yituoĩaboarine, rojorã ñaja mua. Ususãjariarũmu ti ñaboajaquëne, mua ta vecuare, burroare, bare ecariavijũ ñarãre ïnare jojiocõari, ïna oco idirojũ tãa varũgũaja mua. ¹⁶ To bajiro mua yirũgũse ñajare, adiore yu catiosere ïacõari, bũto variquënaroti ñaboaja mũare. Vaibucu me ñaamo. Mani yo, Abraham ñamasir'i jãneñone ñaamo so. Vãtia ujũ sore siacõari, cuogure bajiro yiyumi. Juaãmo cõro, cojo gũbo jedi, gaje gũbo idia jënituarirãca cãmari to bajiro sore cuoñañumi. To bajiro sore ï yicuoñajare, “Ususãjariarũmune sore catiocõaroti ñaroja”, yibũ yu. Mua quëne yure bajiro tuoĩamasiña —ïre yiyuju Jesús, ti vi ujare.

¹⁷ To bajiro ï yisere ajicõari, “Riojo gotiami”, yibojoneñujarã ïna, ïre tud'iriarã. Gãjerãjuama, bũto variquënañujarã ïna, jediro quënase rĩne Jesús ï yirũgũsere ïacõari.

m 13:8-9 “Adi quetire Jesús ï gotijama, ‘Masa rojose ïna yise vaja rojose tãmuotũjabetiriarojũ ïnare reategũ ñari, rojose ïna yisere yitujacõari, ï bojasejũare ïna yirotire yugũmi Dios’ yimasioğũ yiyuju ï”, yiyujarã sïgãri, Dios oca masa ïna ucamasire buerëtoburimasa.

“Mostaza vāme cutiū rica, ajeare bajiro bajiaja”, Jesús ĩyire (Mt 13.31-32; Mr 4.30-32)

¹⁸ Higuera, rica manire sĭgũ ĩ rocare queti Jesús ĩ gotiro bero, ado bajirone masare gotimasioñuju:

—“Rotimurogõrucuja mu” yigu, Dios ĩ cõagũ, yu gotimasiosere no bojarã ĩna ajitirũnjama, muare yu gotisere mojeroaca ajimasiboarine, rojose ĩna ñare cutisere tũõlvasoacõari, tocãrãcarũmuri quẽnaro ñamujarũgũcõari, quẽnaro ajimasimujarũgũjama, ado bajiro bajiruroja: ¹⁹ Sĭgũ ĩ ya vese mostaza ajea otegmĩ. To bajiri ĩ oterica mojoricaca ñaboarine, ti judibucacoajama, ote yucãri rẽtobusaricũ jairicũ ñaroja tiũ. Jairicũ ti ñajare, tiũ rujarĩju minia ĩna ria cutirotijũre quẽnorãma ĩna —ĩnare yigotimasioñuju Jesús.

“Pan vauvasere bajiro bajiaja” Jesús ĩyire queti (Mt 13.33)

²⁰ Quẽna ado bajiro gotimasioñuju Jesús:

—“Rotimurogõrucuja mu” yigu, Dios ĩ cõagũ, yu gotimasiosere no bojarã ĩna ajitirũnjama, muare yu gotisere mojeroaca ajimasiboarine, rojose ĩna ñare cutisere tũõlvasoacõari, tocãrãcarũmuri quẽnaro ñamujarũgũcõari, quẽnaro ajimasimujarũgũjama, ado bajiro bajiruroja: ²¹ Rõmio, pan quẽnogoago, trigo vetare idiaji vasãcõari, pan ũmato vauvasere vũogomo so. To so yijare, jairo vauvaroja ti. Tire bajirone bajiruroja, Diore rotibosagure yũre ajitirũnrã jãjarãbusa mua bũjuroti —ĩnare yigotimasioñuju Jesús.

“Eyabetisoje ñaja Dios tũju vana sãjariaro”, Jesús ĩyigotimasiore queti

(Mt 7.13-14, 21-23)

²² Jerusalẽnju vacũ ñaboarine, tocãrãca maca ĩ rẽtorimacarire ĩnare gotimasiovasuju Jesús. ²³ To ĩ bajivatone, sĭgũ ĩ rãcagu ĩre sẽnĩñañuju ĩ:

—¿Yu uju, masa rojose tãmutjabetiriaroju vaborona Dios ĩ yirẽtobosarona, mojeroaca ñarãti? —ĩre yisẽnĩñañuju, Jesúsre.

To bajiro ĩ yisere ajicõari, ĩ rãcanare ado bajiro ĩnare gotimasioñuju Jesús:

²⁴ —Uju Dios yarã quẽnaro ĩ yirã mua ñaruajama, eyabetisojere sãjarãre bajiro josaruarãja mua. Ti josaboajaquẽne, ĩ yarã ñaña mua. Riojo muare gotiaja yu: ĩ yarã mejuama, jãjarã ñaruarãma õ vecaju eyabetisoje sãjaruaboarã. ²⁵⁻²⁶ Soje bibero bero ejaruarãma ĩna. To bajicõari, sojere jãnamasimena

¶ 13:18 Mostaza ajea ti bajire queti Jesús ĩ gotirere, “Ado bajiro yiruro yaja”, yiyujarã Dios oca masa ĩna ucamasirere buerẽtobudiriarã sĭgãri. “Jesús ĩ gotimasiosere ajitirũnrã ĩ ñarirodo mojeroaca ñaboarine, jãjarã ĩna bũjurotire yigu yiyuju Jesús”, yiyujarã ĩna.

ñari, ado bajiro yare sēniāboaruarāma ĩna: “Uju, soje jānaña mu” yare yihoaruarāma. To ĩna yirone, “Mũare masibeaja yu”, ĩnare yirũcũja yu. To bajiro ĩnare yu yisere ajicõari, ado bajiro yare yiruarāma ĩna: “Mu rāca bare ba, idi, yicanane ñaja yua. Yua ya macajũre ejacõari, yũare gotimasiocaju mu”, yihoaruarāma ĩna. ²⁷ To ĩna yirone, “Jẽre mũare masibeaja’ yigotigajanomu yu. ¡Vasa! Rojorã ñaja mua”, ĩnare yirũcũja yu. ²⁸ To yu yirone, ĩna ñicua, Abraham, Isaac, Jacob, to yicõari Diore gotirẽtobosamasiriarã ñajediro Dios taju quẽnaro ĩna ñasere ĩacõari, bũto sutiritiruarāma ĩna, ĩnare yu sãjarotibetijare. To bajicõari, bũto rojose tãmũorã ñari, guji põguẽ, oti, yiruarāma ĩna. ²⁹ To bajiboarine Dios taju ejaruarāma gãjerã. Muiju ĩ jiado vadiriarã, ĩ rocasãto vadiriarã, to yicõari varuaga soje vadiriarã, gajejacatua varuaga soje vadiriarã ñaruarāma. Tojũre ĩ rāca barujiuarāma ĩna.^o ³⁰ Jãjarã adoju ñamasurã, õ vecajũarema ñamasumena ñaruarāma ĩna. Adi macarũcũroju jãjarã ñamasumena, õ vecajũarema ñamasurã ñaruarāma — ĩnare yigotimasioñuju Jesús.P

³¹ To bajiro ĩ yigotimasiorone, Jesús taju ejayujarã fariseo masa sīgũri. ĩ taju ejacõari, ado bajiro gotiyujarã ĩna:

—Gajeroju vacoasa mu. Uju Herodes, mũare sĩaru macañañuju ĩ —Jesũre yigotiyujarã ĩna.

³² To bajiro ĩna yisere ajicõari, ado bajiro ĩnare cũdiyuju Jesús:

—Herodere quẽnaro tũoĩagũre ado bajiro ĩre gotiba mua:

³³ “Moaroti ñaja yare maji. Masa usũriju sãñarãre vãtiare ĩnare burearoti, to yicõari rijaye cõtĩrãre catioroti ñaja yare maji. Yuma, yu bajĩnarotire quẽnaro masiaja yu. To bajiri Jerusalénjũne vacũ bajiaja yu. To bajiro yare varotiami Dios. Tone Diore gotirẽtobosamasiriarãre sĩarearũgũmasiñujarã ĩna, masa. Tone yare quẽne sĩaruarãma ĩna”. To bajiro yu gotisere yare gotibosaba mua —ĩnare yicũdiyuju Jesús.

Jerusalén macana ĩna bajiro tire Jesús ĩ tũoĩasũtiritire queti (Mt 23.37-39)

³⁴ To bajiro ĩnare yigajanocõari, Jerusalén macanare ĩre ĩna sĩarocaro bero ĩna bajiro tire tũoĩacõari, ado bajiro yiyuju Jesús:

—Jerusalén macana, Diore gotirẽtobosamasiriarãre sĩamasiriarã jānerabatia ñacõama ĩna. Dios ĩ cõamasiriarãre ĩocare gotimasiorimasare gũtane ĩnare reasĩamasiriarã jānerabatia ñaama. Cojoji me gãjaboco so querũju eñeroca so rĩare so

O 13:29 Diorāca ĩna barujirotire Jesús ĩ yijama, Diorāca quẽnaro ĩna ñarotire yigũ yiyuju, yiyujarã Dios oca masa ĩna ucamasire buerẽtoburimasa. **P 13:30** “To bajiro Jesús ĩ yijama, judío masa Dios ĩ besesũboariarã jãjarã ĩ taju ĩna ejabetirotire, to yicõari, judío masa me ñarã ĩ besetũsarã ĩ taju ĩna ejarotire yigu yiyuju ĩ”, yitũoĩañujarã sīgũri Dios oca masa ĩna ucamasire buerẽtoburimasa.

juarēore bajiro ĩnare yir̃uaboacaj̃u ỹu, ĩnare coder̃u. To bajiro ỹu yir̃uaboajaquēne, ĩnaj̃ua ỹure bojabeticama. ³⁵ To bajiri j̃ere “Īna ĩarij̃ure codet̃uacōaja ỹu yuja”, yit̃uōiami Dios. Riojo gotiaja ỹu: “ ĩRotim̃uor̃ug̃ōr̃uc̃ami’ yig̃u, Dios ĩ cōar’i vadiami! ĩQuēnase ĩre yivar̃iquēnato mani! ĩDiore rotibosag̃u ĩ ĩajare, ĩre quēnaro yato Dios!”, ỹure ĩna yiroto r̃ijoro, quēna j̃uaji ỹure ĩabetir̃uar̃ama ĩna —ĩnare yit̃uōia ĩag̃ōñuju Jesús, Jerusalén macanare.

14

Ucug̃ure Jesús ĩ catiore queti

¹ Ũs̃s̃ājariar̃ūm̃u ti ĩnaro, fariseo masa ũj̃u ya vijure bagu vasuju Jesús. Toj̃u ĩ ejaro, “Jesús, rojose yimi” ũjar̃are yi ocas̃ar̃ar̃ā, Jes̃ure quēnaro ĩacodeyujar̃ā ĩna, fariseo masa, Dios ĩ rotimasire gotimasiorimasa quēne. ² Toj̃u ĩañuju s̃ig̃ā, ĩ ruju jediro uc̃ug̃u. ³ To bajiri fariseo masa, Dios ĩ rotimasire gotimasiorimasa quēne ĩna t̃uōiasere masicōari, ado bajiro ĩnare s̃ēniñañuju Jesús:

—¿Adir̃ūm̃u ũs̃s̃ājariar̃ūm̃ure rijaye cutir̃are manire catiorotibeat̃i Dios oca masa ĩna ucamasire? —ĩnare yis̃ēniñañuju ĩ.

⁴ To bajiro ĩ yiboajaquēne, ĩre c̃udibesujar̃ā ĩnaj̃uama. To bajiri uc̃ug̃ure jicōari, ĩre catioyuju Jesús. To yicōari, ĩre varotiyuju. ⁵ ĩre varoticōari, ĩ vato bero ĩnar̃are ado bajiro ĩnare gotiyuju ĩ:

—Ta vec̃u m̃ua ecar’i, gojeju ĩ quediocas̃ājama, “Ũs̃s̃ājariar̃ūm̃u ĩaja” yir̃ā, ¿āmir̃ā vamenada m̃ua? —ĩnare yigotiyuju Jesús.

⁶ To ĩ yisere ajicōari, no bajiro ĩre c̃udimasibesujar̃ā ĩna.

“Masa, ĩamasumenaj̃ure, ‘Īnasur̃ā ĩnato’ yig̃u yir̃uc̃ami Dios”, yire queti

⁷ To ĩ yiro bero, toj̃u bar̃ā ejar̃ā, r̃uc̃ub̃or̃iaj̃ur̃ire rujir̃ayujar̃ā ĩna. To ĩna bajisere ĩacōari, ado bajiro ĩnare gotimasioñuju Jesús quēna:

⁸⁻⁹ —No bojag̃u ĩ āmosiarotire “Īr̃ā vadiato” yigotiecor̃ā m̃ua ĩajama, ĩ t̃uj̃u ejar̃āne, r̃uc̃ub̃or̃iaj̃u rujibeja. To bajiro m̃ua bajibetijama, r̃uc̃ub̃or̃iaj̃u m̃ua rujiro bero g̃āji m̃ua r̃ētoro ĩamasug̃ū ĩ eajama, ado bajiro m̃uare gotir̃uc̃ami ṽi ũj̃u: “T̃us̃aroj̃ua rujiaja m̃uama. Ānij̃ua, m̃ua bero ejağ̃uj̃ua, adore rujir̃uc̃ami”, m̃uare yir̃uc̃ami. To bajiro ĩ yirone, b̃uto bojoner̃uar̃āja m̃ua. ¹⁰ To bajiri “Īr̃ā vadiato” m̃uare ĩna yijama, ĩna t̃uj̃u ejacōari, t̃us̃aroj̃ua rujiba m̃ua. Ṽi ũj̃u, m̃uare ĩacōari, “R̃uc̃ub̃or̃iaj̃uj̃ua rujiaja m̃ua”, yir̃uc̃ami. To bajiro m̃uare ĩ yiro ajiri, m̃uare yir̃uc̃ub̃or̃uar̃āma ĩna, rujir̃ā quēne.

11 Ado bajiro ti bajijare, to bajiro bajiaja: No bojagure, ñamasugũ ñarugure, “Ñamasugũ me ñato”, ãre yirucami Dios. No bojagure, “Ñamasugũ me ñaja yu” yigu, quẽnaro gãjerãre yirucabuoğujare, “Ñamasugũ ñato”, ãre yirucami Dios – ãnare yigotimasioñuju Jesús.

Maioro bajirãre Jesús ã mairõtire queti

12 To yigajanocõari, viagure ado bajiro ãre gotiyuju Jesús:

–Gãjerãre mu barotijama, mu babarãre, mu yarãre, to yicõari, jairo cõorãre mu tuanare, ãnare barotibeticõañã. ãnare mu barotijama, bero ãnajua quẽna barotirãma, cõorã ñari yibeticõañã. 13 To bajiri, gãjerãre mu barotijama, ñie cõomenare, micarãre, rujasagueri vanare, to yicõari, ãamenare quẽne barotiya mu. 14 ãnajuma mure bare ecamasimenama ãna, mojoroaca cõorã ñari. To bajiro ãnare mu yijama, buto variquẽnarucija mu. Beroju ã bojarore bajiro yiriarãre rijariarãre, ã catorirũmju mure vaja yirucami Dios, to bajiro mu yise vaja –viagure yigotiyuju Jesús.

“ã macu ã ãmosiagũadjare, masare jirẽogũmi uju”, Jesús ã yigotimasiore queti

(Mt 22.1-10)

15 To bajiro ã yisere ajicõari, sãgũ, Jesurãca barujigu, ado bajiro ãre gotiyuju:

–Uju Dios tuju õ vecaju ã rãca barona variquẽnaruarãja mani –Jesure ãre yigotiyuju.

16 To bajiro ã yisere ajicõari, ado bajiro ãre cãdiyuju Jesús:

–To bajirone bajiboroja, Dios tuju mu ejajama –ãre yicãdiyuju Jesús. To yicõari, gotimasiore quetire gotiyuju:

–Cojorũmu sãgũ masu quẽnaro boserũmu yigumi. Tirũmu ñaroto rãjoro jãjarã masare jigumi, ãnare ãmato baru. 17 To bajiri boserũmu ti ejaro, ãre moabosagure cõagũ, ado bajiro ãre yigumi: “Yu rãca barona barã vadiato ãna. ‘Bare quẽnogajanoaja yu jẽre’, muare yicõami’ ãnare yigotiba”, ãre yigotigumi, ãre moabosarimasure. 18 To bajiro ã yicõari, gãjerãre jicudiboagumi. ãna ñajediro ricatine ãre boca cãdirãma ãna. ã jisogũ ado bajiro ãre cãdigumi: “Cojotũcuro oteriatũcuro vaja yibu yu. Tojare ãagũacu yaja yu. To bajiri, ‘ã tuju bagu varuaboarine, vamosibeaja’ yure yigotibosaba”, ãre yicãdigumi. 19 Gãjima, ado bajiro ãre cãdigumi: “‘Cojomocãrãcu ta vecua vaja yibu yu. ãnare ããagũacu yaja’ yicõami. To bajiri, ‘Vadimemi’ ãre yicõama, mu ujure”, ãre yicãdigumi, ã quẽne. 20 Gãjijuma, ado bajiro yigumi quẽna: “Manajo cãticoaju yu, yucnacane. To bajiri boserũmu ãgũ vamosibeaja

yua”, ïre yicudigumi. ²¹ To bajiro ïna yijare, ï uju ya vijua tudie-jacõari, ïna yicõasere ïre gotigumi. To bajiro ïna yicõasere ïgotiro ajijünisinigumi ï uju. Jünisinigüne, ado bajiro rotigumi quëna: “¡Guaro vasa ma! ¡Macari ñajediro vasa ma! Ñie cuomenare, micaräre, ïamenare, rujasagueri vanare, ïnare jiba. ïnajua, yu tuju barã vadiato ïna”, ïre yigotigumi, ïre moabosarimasare. ²² To bajiri uju ï yirore bajiro yigoticudigumi ïre moabosarimasu. ï goticudiro bero, tudiejacõari, ado bajiro ujare gotigumi: “Uju, yure ma roticõarore bajirone ïnare gotigajanomu yu yuja. Masa bojarëmocõaja maji”, yigotigumi. ²³ To bajiro ï yijare, ado bajiro ïre rotigumi uju quëna: “Maca tusaroanare maa tãri ñaräre quëne ïnare jijeocõama mu. ‘Yu vi jãmucõajaro’ yigü yaja yu. ²⁴ ‘Yu rãca baroadiato’ yu yicõaboarãjuaama, yu rãca babetiruarãma ïna”, ïre yigumi ï uju –ïre yigotiyuju Jesús.

“Yure ajitirãnugü ï masu rujare ï mairo rëtoro yure maigümi”, Jesús ï yire queti

(Mt 10.37-38)

²⁵ Tirãmuri jãjarã masa Jesúrãca vasujarã ïna. To ïna bajiro judarãgü, ïnare ïacõari, ado bajiro gotiyuju Jesús:

²⁶ –No bojagu yu buegu, ï jacure, ï jacore, ï manajore, ï rãre ï mairo rëtobusaro yure maigümi. To bajicõari, catiquënegü ñagü quëne, rijaye tãmucõo gajajuagu ñaboarine, yure maigümi. ²⁷ No bojagu, “Jesüre bajiro rojose tãmucõosyarucõaja yu” yitucõabecü, yure ajitirãnugü ñamasibecumi –ïnare yigotiyuju Jesús.

²⁸ To yigajanocõari, gotimasiore queti ïnare gotiyuju ï:

–Ëmuarivi quënoru, “Ti vire yu quënojama, ¿vaja tãjacoaruaboati?” yigu, ï ye gãjoare cõiagümi. ²⁹ ï cõiabetijama, ti vire ï quënogajanobetone, ï vaja yitãboase gãjoa jediveocoatoja ti, ïre. To bajiri ï vire quënogajanobecumi. Gãjerã, ï quënogajanobeto ïacõari, ïre ajarãma ïna. ³⁰ “Adi vire quënoboarine, gajanomasibeami ï”, ïre yiajarãma ïna –ïnare yigotiyuju Jesús.

³¹ To yigajano, gaje queti ïnare gotirũtuasuju:

–Uju, gãji uju rãca ïna gãmerã quëajama, ado bajiro tucõiagümi: “¿Yua diez mil ñarirãcu yure moabosarimasa rãca, veinte mil masa cucõgure quëarëtocũrãjari yua?”, ¿yitucõiasucõarique?

³² “ïnare quëarëtomasimenaja yua” ï yitucõiagama, “¿No bajiro yua yirotere bojati mu, ‘Yua rãca gãmerã quëabeticõato’ yirã?”, ï ãmucõare yisëniãa roticõagümi, gãji uju tujure. ³³ To bajiri, vi bucõgure, to yicõari, gãmerã sãaroana ujure bajiro bajiaja yu. Jëre yu yirotere cõiajeocaju yu. To yicõari, “To bajiro ïna yijama, yu buerã ñaruarãma”, yimasiaja yu. To bajiro yigu yu ñajare, ado bajisere tucõiamasiãa mu: No bojagu, jediro ï cucõsere

yu bojarore bajiro yu yirotisere bojabecu, yare ajitirānugū ñamasibecumi —ñare yigotiyuju Jesús.

“Yare ajitirānugū, moa ocasere bajiro ña bajijama, quēnaja”, Jesús ñ yire queti

(Mt 5.13; Mr 9.50)

³⁴ Quēna ado bajiro gotiyuju Jesús:

—Moa ñaja bare säre. Mña barotire vaibucu rii catisere cūrāma, moa turāja mña, “Boarobe” yirā. ³⁵ Moa ti ocaboase ti ocabeticoajama, “Quēna tudiocato” yirā, no bajiro yimasime-naja mña. To bajiri, tire reacōarāja mña. Moa ocatujabetire bajiro mña bajijama, quēnaja. Tire mña ajimasirujajama, quēnaro tūoña mña —ñare yigotiyuju Jesús.¶

15

Oveja coderimasare bajiro manire Dios ñ maitujabeti queti
(Mt 18.10-14)

¹ Jesúre ajirā ñ tujū ejarūgūñujarā. Ña ñañujarā rojose yirā, ujure gājoa sēnibosarimasa, to yicōari, gājerā quēne. ² To bajiri fariseo masa, Dios ñ rotimasire gotimasiorimasa quēne ñañujarā. Ado bajiro Jesúre gōjañujarā ña:

—Rojose yirāre maiami. Ña rāca barūgūami —ñre yigōjacodeyujarā ña.

³ To bajiro ña yijare, gotimasioire queti ado bajiro ñare gotimasioñuju Jesús:

⁴ —Sīgū ñagūmi cien ovejare codegū. Cojorūmū sīgū oveja yayicoacumi. To bajiri ñare coderimasu, ruyarāre, noventa y nueve ñarāre ta veseju ñare cūcōari, yayir'ire macagū vacoacumi ñ, “Bujacōariju tujarucuja” yigu. ⁵ Yayir'ire bujacōari, buto variquēnagūne, ñre gaja tudicoacumi, ñ ya viju. ⁶ Ñ ya vi ejacōari, ñ babarāre, ñ tñanare quēne, rējarotigūmi. “Oveja yayir'ire bujabu yu. Mña quēne yare variquēna ejarēmoña”, ñare yivariquēnagūmi. ⁷ Tire bajiro bajiroja ñ vecaju Dios ñ ñaroju. Oveja yayir'ire bujacōari, ñ variquēnariarore bajiro variquēnarāma ángel mesa, Diore moabosarā, sīgū masu, rojose ñ yisere yitujacōari, Dios ñ bojasejuare ñ yijama. Socarāne gājerāma, “Quēnarā ñaja yu” yitūoñarārema variquēnamenama ángel mesa —ñare yigotimasioñuju Jesús.

Gājoatiire yiyayiocōari, titiire bujagone, so variquēnariarore bajiro manire Dios ñ maitujabeti queti

⁸ To yicōari, gaje queti gotirēmoñuju Jesús quēna:

¶ 14:35 Adi quetire Jesús ñ yijama, ado bajiro yigu yiyuju, yiyujarā Dios oca buerētoburimasa: Ñre ajitirānūmenama, moa ocabetire bajiro ñarā yirāja mña. To bajiri mña suyarujajama, yu sīgūrene mña ajitirānū suyajama, quēnaja.

—Rõmio, juaãmocãrãcatiiri, gãjoatiiri caogo ñagõmo. Cojotii ti yayiro ñacõari, sïabusuariare so ya vire sïabusuogomo so. To yicõari, quẽnaro tumacagõmo, “Titiire bujacõariju tujarucocaja” yigo. ⁹ Titiire bujacõari, buto variquẽnagõne, so babarãre, so tãanare quẽne rẽjarotigomo. “Gãjoatiire yayiritiire bujabu yu. Mna quẽne yure variquẽnaejarẽmoña”, ñnare yivariquẽnagõmo. ¹⁰ Tire bajiro bajiroja õ vecaju Dios ï ñaroju. Gãjoatiire bujacõari, so variquẽnariarore bajiro variquẽnarãma ángel mesa, Diore moabosarã, sigũ masu, rojose ï yisere yitujacõari, Dios ï bojasejure ï yijama —ñnare yigotimasiñuju Jesús.

Ï macu ï tudiejaro ñacõari, rojose yiboar'irene ï jacu ï masiri-oreaye Jesús ï gotimasiore queti

¹¹ To yicõari, gaje queti gotirẽmoñuju Jesús quẽna:

—Sĩgũ masu juarã rña cutigu ñagũmi. ¹² Ï bedijua, ï jacure ado bajise ñre yigumi: “Cacu, yu ye ñarotire yure ñsiña mu”, ñre yigumi. To bajiro ï yijare, ñnare ujojeocõagũmi ï jacu, ñna ye ñarotire. ¹³ To ï yiro beroagarũmarine, ï macu, ï bedijua gaje sitaju varu ï yere ñsigũmi ï. Ti gãjoa rãcane vacoacumi, gaje sitaju vacu. Toju ejacõari, rujajine ï gãjoare yibaterea-jeocõagũmi. ¹⁴ To bajiro yireacõari bero, josari tãmuogũmi, tojure. To ï bajiñarone, ti sitaju bare quẽnaro manoja. To ti bajijare, buto ñiorijasucogumi. ¹⁵ To bajiro bajiboacu, toagure moare sãnigũmi ï. To bajiri ecariarã yeseare ñre coderotigumi ï. ¹⁶ Ñnare codeñagũju, yesea ñna basene baruaboagumi, mano ñiorijagu ñnari, ñimujuane ñre ñna bare ecabecu ñnari. ¹⁷ To bajiñaboacu, tuoñagũmi ï: “Yu jacu moabosarimasarema jãjarã ñna ñaboajaquẽne, ñna base ruyaquẽnacuda ti. No yigu yuma adojure ñiorija ñnati yu”, yituoñagũmi. ¹⁸ To yi, “Ban. Casu ya viju tudiarocu ñagũja yu. Tojure tudiejacõari, ado bajise Casure ñre yigucuja yu: ‘Cacu, rojose yicaju yu, Diore, mure quẽne. ¹⁹ To bajiri macu yure mu yise bojabeaja yu. Mure moabosarimasure bajirojua yure yija mu’ yu jacure ñre yicõa ejarucuja yu”, yituoñagũmi. ²⁰ To yi, ï jacu ï ñarojua tudicoacumi, maane.

To bajiro ï bajivato, sõjne ï jacu bocañacõari, ñre ñamaigumi. To bajiri ñre vabocacõari, jabario, usu, ñre yigumi, ï jacu. ²¹ To bajiro ï yirone, “Cacu, Diore rojose ñre yicaju. Mure quẽne rojose mure yicaju yu. To bajiri macu yure mu yise bojabeaja yu”, ñre yigumi. ²² To bajiro ï yiboajaquẽne, ñre moabosarimasare jicõari, “Sudi quẽnase masure juaáya. To yicõari, ñre sudi sãña. Ñmo sãriabedore quẽne ñre sãña. Gũbo sudire quẽne ñre sãña. ²³⁻²⁴ To yicõari, ta vecu mame jaigure ñre sãña mu. Ñre bacõari, basavariquẽnato mani. Yu macure, ‘Rijacoarimi’

ĭre yirũgũboabu yu. Caticõañumi”, ĭnare yigumi ĭ jacu. To yicõari, ĭre basajeorãma ĭna.

²⁵ To bajiro ĭna yiñarijare ĭ macu ñasuoꝝuama, vesejane bocañacõagũmi. To bajinaboacu, tudiacumi yuja. Tudiacu, ĭ ajicõñarũtu vajama, to basa ocaruyu ñarãma ĭna. ²⁶⁻²⁷ Tire ajicõari, ĭ jacure moabosarimasare ĭre sēniãagũmi, “¿Ñiere yirã yiri ĭna?” yigu. To bajiro ĭ yirone, “Mu bedi tudiejami. To bajiri ta vecu mame jaigure sãarotimi mu jacu, mu bedi ĭ tudiejajare”, ĭre yigumi ĭ. ²⁸ To bajiri tire ajicõari, bũto jũnisinigũmi, ĭ gagu, vire sãjaruabecu. To bajiri ĭ jacu tire, “ĭTo bajibeticõaña mu!” yigu, budiacumi. ²⁹ To bajiro ĭ bajirone, ado bajise ĭ jacure ĭre yigumi: “Tocãrãca cũma mu ye moarere mre moabosarũgũboacaju yu. To bajiboarine, divatojũane no sũgũ vaibucũaca cabrito vãme cutigũacare, ‘ĭ babarã rãca basavariquẽna bato ĭna’ yigu, yure ĭsibeticaju mu. ³⁰ To bajiboarine, mu macu rojorã rõmiri rãca mu ye gãjoare yireagu var’ijũarema, ta vecu mame jaigure sãcõari, basavariquẽnaja mu”, ĭre yigumi, ĭ jacure.

³¹ To bajiro ĭ yijare, ado bajiro ĭre cudigumi ĭ jacu: “Ado yu rãcane ñacõarũgũaja mu. To bajiri yu cuose jediro mu ye ñaja ti. ³² Yucũrema basavariquẽnato mani, mu bedi, ‘Rijacoarimi’ yu yirũgũboagu, gãme tudiejami. ĭre bujacõaja mani yuja”, ĭre yigumi ĭ jacu –ĭnare yigotimasioñuju Jesús.

16

Ujũre moabosarãre ĭre rotibosarimasu socũne quẽnaro yitocõari, rojose ĭ yirere Jesús ĭ gotimasiore queti

¹ Ado bajise ĭ buerimasare gotiyuju Jesús quẽna:

–Sũgũ gajeyeũni jaigu ĭ yere codebosagure ĭre cuoꝝumi. Gãjerãjũa, “Mu yere yibatereagu yami”, ĭre yigotirãma. ² To bajiro ĭna yisere ajicõari, ĭ yere codebosagure ĭre jicõari, ado bajiro ĭre yigumi: “Gãjerã, mu yibatereasere gotiama. To bajiri mu yisere cõari, ucatucõaña mu. Yu yere codebosabetirũcũja mu yuja”, ĭre yigotigumi ĭ uju. ³ To bajiro ĭ yijare, ado bajiro tũõĩarejaigumi ĭre codebosarimasu: “¿No bajiro bajigũti yu? Yu uju yure bucõarũcumi yuja. No gajeye moare bujabecũja yu yuja. Ote oteroti ñarore coatĩmabecũja yu. Vojoneose, gãjerãre gãjoa sēnibecũja yu”, yitũõĩarejaigumi ĭ. ⁴ To bajiro yitũõĩarejaiboacu, “Jẽre yu yiro tire masiaja yu yuja, ‘yu uju yure ĭ buro bero, gãjerã ĭna ya viriju yu ejaro yure ĭamaiato ĭna’ yigu”, yigumi. ⁵ To bajiri ĭ uju vaja morãre ĭnare jijeocõagũmi. To bajiro yitũõĩar’i ñari, sũgũ ĭ ejaro, ado bajiro ĭre yigumi: “¿No cõro yu uju vaja moati mu?”, ĭre yisēniãagũmi. ⁶ To bajiro ĭ yisēniãarone, “Cien ñarirajeri uyerajeri bare roagu sãvũorere tire vaja moaja yu”, ĭre yigumi. To bajiro ĭ yirone, “Jan. Rujiya.

'Adi mu vaja more tuyarijũrore mojoroaca cincuenta ñaro vaja moaja' yiucatu vasoatoya", ãre yigumi. ⁷ To bajiro ãre yigajanocõari, gãji ã ejaro, ãre sãnĩagũmi: "¿No cõro vaja moati muma?", ãre yigumi. "Cien jiburi pan quẽnorotire vaja moaja yu", ãre yigumi. To bajiro ã yirone, "Adi mu vaja more ñarijũrore mojoroaca ochenta jiburi vaja moaja yiucatu vasoatoya", ãre yigumi. To yicõari, gãjerãre quẽne to bajiro rĩne yigumi. ⁸ To bajiro ã yiro ajicõari, "Quẽnaro yigu me ñaboarine, tũoĩamasigũ ñaami", yitũoĩagũmi ã uju, ãre —ĩnare yigotiyuju Jesús, ã buerimasare.

—To bajiro tũoĩaama ãna, jãjarã masa, Diore ajiterã. Gajeyeũnire buto tũoĩarã, masare yitocõari, vaja bujamasiama ãna. Yũre ajitirãnrãjuama, "Quẽnabusaro Dios ã bojarore bajiro ajitirãnũato ãna" yirã, quẽnaro mua yirotire tũoĩabetibusacõaja mua.

⁹ To bajiri ado bajiro mũare gotiaja yu: Rijanane mua yere, mua gajeyeũnire juavamasibetirũarãja. To bajiri mua cũosere maioro bajirãre ãsiña mua. To bajiro mua yijama, mua rijato bero, ãnare quẽnaro yiriarã mua ñajare, Dios ã ñaroju quẽnaro mũare ãvariquẽnarũarãma ãna.

¹⁰ Gajeyere quẽne mũare gotiaja yu. Gajeyeũni, gãjoa codebosarimasu mojoroaca ñasere quẽnaro codeguma, jairo ñasere quẽne quẽnaro codemasiami. Gãjima, gajeyeũni, gãjoa codebosarimasu ñagũ mojoroaca ñasere codemasibecuma, jairo ñasere quẽne codemasibecumi. ¹¹ Adi macarũcũrojure Dios mũare ã ãsise "Dios ã cõase ñaja" yitũoĩacõari, mua gãjoare, gajeyeũnire, mua cũosere quẽnaro mua cũomasijama, Dios, buto variquẽnacõari, ã tũayere quẽnamasusere mũare ujuũcumi, tũoĩamasireayere, moamasireayere, to yicõari mua ñarotiyere quẽne. ¹² Adi macarũcũroayere ã cõasere mua cũomasibetijama, quẽnamasuse mua cũoborotire ujobetirũcumi Dios.

¹³ Diore yirũcũbuorãma, adi macarũcũroayere tũoĩarũcũbũomenama, "Diojuã ñaami ñamasugũ" yitũoĩarã ñari —ĩnare yigotiyuju Jesús.

Gajeyeũnire, gãjoare buto bojarãre Jesús ã gotire queti

¹⁴ To bajiro ã yisere ajicõari, ñagõjurũaũujarã fariseo masa, gajeyeũnire, to yicõari, gãjoare quẽne, tire buto bojarã ñari. ¹⁵ To ãna yijare, ado bajiro ãnare gotiyuju Jesús:

—Quẽnase mua yijama, "‘Quẽnarã ñaama’ manire yĩlato masa" yirã, yitorũgũaja mua. To bajiro mua yiboajaquẽne, mua tũoĩasere ãamasigũ ñaami Dios. To bajiri, "Quẽnamasucõaja" masajuama ãna yĩlaboasere, Diojuama, "Quẽnabetimasucõaja" yĩlami —fariseo masare ãnare yiyuju Jesús.

“Y_u _u _u ñaami Dios’ m_ua yijama, ĩ rotisere c_udiroti ñaja”, Jesús ĩ yire queti

¹⁶ Quēna ado bajiro ĩnare gotimasioñuju Jesús:

—Rēmoj_ure Dios yere Moisés ĩ rotimasirere, Diore gotirētobosamasiriarā masare ĩna gotimasiorema, Juan vāme c_utig_u, masare oco rāca bautizarimas_u ĩ gotimasioriaj_une t_usaja. “_U _u Dios yarā quēnaro ĩ yirā m_ua ñar_uajama, rojose m_ua yisere yit_ujacōari, Jesúre ajitir_uñ_uña” yisej_ua ñaja ñamasusema. Tire ajirā ñari, quēnaro y_ure ajivariquēnas_uyas_uoadicama jājarā masa.

¹⁷ Adirūmariaye ñamasuse ti ñaboajaquēne, Moisére Dios ĩ roticūmasire, to yicōari, Diore gotirētobosarimasa ĩna gotimasiosimasi_ure ñajediro ñacōarūgūr_uaroja. Adi macar_uc_uro jediroto rījoro, cojo vāme godoc_utibetir_uaroja. Ñajediro Dios ĩ gotiriarore bajirone bajir_uaroja —ĩnare yigotimasioñuju Jesús.

“Ī manajore rocacōari, gajeore ĩ manajo c_utijama, quēnabeaja”, Jesús ĩ yire queti

(Mt 19.1-12; Mr 10.1-12)

¹⁸ Quēna ado bajiro ĩnare gotimasioñuju Jesús:

—Sīgū ĩ manajore rocacōari, gajeore ĩ manajo c_utijama, ĩ manajo masu me ñaamo. Sore ajerio c_utig_u yami, Dios ĩ ĩajama. To yicōari, manaj_u rocario rāca ĩ manajo c_utijaquēne, ĩ manajo masu me ñaamo. Sore ajerio c_utig_u yami, Dios ĩ ĩajama —ĩnare yigotimasioñuju Jesús.

Sīgū gajeyeñi jaig_u, to yicōari, Lázaro vāme c_utig_u rāca ĩna bajirere Jesús ĩ gotire queti

¹⁹ To bajiro yigajanocōari, quēna ado bajiro ĩnare gotiyuju Jesús:

—Sīgū ñagūmi jairo gajeyeñi c_uog_u. Quēnase sudi, vaja jacase rīne sãñarūgūgūmi. Tocārācarūm_urine bare quēnase rīne ba, boserūm_u quēno, variquēnarūgūgūmi. ²⁰ Ī ya vi soje t_uaca ñie c_uobec_u, maioro masu bajig_u rujig_umi, Lázaro vāme c_utig_u. Ī ruj_uri cāmi boag_u ñagūmi ĩ. ²¹ Ī bareasere bar_ua rujig_umi. To ĩ bajirujirone, ĩ cāmire ĩre verogōjanabiorāma yaia. ²²⁻²³ Cojorūm_u rijacoac_umi Lázaro. Ī rijato bero, ò vecaj_u ĩ ñic_u Abraham t_uj_u ĩ _us_ure āmicōanama ángel mesa. Bero, gajeyeñi jaig_u quēne bajirocacoac_umi. Bajirocacōari, yuje ecog_umi. To bajicōari, rojose tām_uot_ujabetiriaroju cōaecog_umi. Toju ñacōari, ĩam_uogūne, Abraham, Lázaro rāca ĩna ñaro ĩab_uajag_umi, ò vecaj_u ñarāre. ²⁴⁻²⁵ ĩnare ĩab_ujacōari, Abrahamre ado bajise avasãĩam_uogūmi: “Ñic_u, y_ure ĩamaiña. Adi jeamere b_uto rojose tām_uoaja y_u. Lázarore, y_u t_uj_u ĩre cōaña. Mojoroaca oco juaádiato”, ĩre yivasāgūmi. To ĩ yirone, ado bajiro ĩre c_udig_umi Abraham: “T_uoĩaña jānami. M_u ya macaj_u ñagū

quēnasere сuосаја мѹ. Variquēnacaja мѹ. Lázarojuama toju ñagũ buto rojose tãмuосамі. Yucurema, quēnaro variquēnaro ñagũ bajiami yuja. Mъjъama buto rojose tãмuогũ bajiaja мѹ yuja. ²⁶ Gajeyerema jairigoje ñamatacõaja. To bajiri мѹ tãjъre eјamasibeaja yua. Mъajъa quēne yua tãjъre eјamasibeaja мѹ”, ìre yicudigumi Abraham.

²⁷ To bajiro ì yijare, gajeyeũni jaigu ñaboar'i ado bajiro ìre yigumi: “Lázarore yu јасу ya vijу ìre cõaña' yigu yaja. ²⁸ Yu bederã coјomocãrãсu ñarãre, Lázarore ìre gotiroticõaña. ‘Ìna quēne, adoju rojose yu tãмuогore bajiro bajiroma' yigu yaja”, Abrahamre yigotiboagumi. ²⁹ To ì yirone, “Moisés, to yicõari, Diore gotirẽtobosamasiriarã quēne ìna ucарere jēre tire сuогãma ìna, мѹ yarã. Tire бueato ìna”, ìre yicudigumi Abraham. ³⁰ To ì yirone, “Bajibeaja. Buemenama. ‘Rijar'ine tudicaticõari, gotiami manire' yirã, ìre ajirũсuбuоcõari, тuоїавасоарuарãma ìna”, ìre yiboagumi, jeameju rojose tãмuоñagũ. ³¹ To ì yirone, ado bajiro ìre сudigumi Abraham quēna: “Moisés, to yicõari, Diore gotirẽtobosamasiriarã, ìna ucamasirere мѹ bederã ìna ajitirũнbetijama, rijar'i, ìnare ì gotiboajaquēne, ìre ajimenama”, yigumi Abraham –ìnare yigotiyuju Jesús, fariseo masare.

17

“Mъa сuорine gãјerã rojose ìna yijama, gũiose ñaja”, Jesús ì yigotimasiore queti

(Mt 18.6-7, 21-22; Mr 9.42)

¹ Ì buerimasare ado bajiro gotimasioñuju Jesús:

–Rojose yirã jãјarã ñarãma. To bajiri gãјerãre rojose ùmato yiruarãma. To ìna yise сuорі buto rojose tãмuогuarãma. ² Rojose ìnare ìna ùmato yiroto rĩјoro, tocãrãсurene ìna ãмuarijъre gũta jairica siatucõari, riaga ũсuaroju ìnare rearoderuucõajama, rojose tãмuобetibusaborãma.

³ To bajiri, “Rojose mani ùmato yijama, rojose tãмuобorãја” yirã, quēnaro тuоїamasirine ñarũgũña мѹa. Sĩgũ rojose мѹare ì yijama, “Rojose yure yibu мѹ”, ìre yiya. To bajiro мѹ yisere ajicõari, “Riojo yaja мѹ” ì yisãtiritijama, rojose мѹare ì yisere ìre masirioya мѹa. ⁴ Tocãrãcajine rojose мѹare ìna yijama, ìnare masirioya, rojose мѹare ìna yiro сõrone, “Јuaji rojose мѹare yibetirũсuja” yirãre –ìnare yiyuju Jesús.

“Dios ì rotimasirore bajirone yirъaja yua” yirã, Jesús buerã ìna sēniboare queti

⁵ To bajiro ì yisere ajicõari,

–“Tocãrãcajine masiriotĩmamenaja” yitũoĩarã ñari, yua masiriotĩmarotire Dios ì eјarẽmosere bojaja –yiyujarã ìna.

⁶ To bajiro ìre ìna yirone, ado bajiro ìnare gotiyuju Jesús:

—Mojoroaca yimasirã ñaboarine, “Dios ï ejarẽmose rãca yimasicõarãja” yirã, icu morera vãme cutiure, “Mua masune vnevati, rãgõaya” mua yirotijama, to bajirone bajiruaroja ti — ñare yigotiyuju Jesús.

“Ujũre moabosarimasũ, ado bajiro bajire ñaroja”, Jesús ï yire

⁷ To yigajanocõari, ado bajiro ñare gotirũtuasuju ï quẽna:

—To bajiri, ãããñamani mua yijama, ado bajirojua tũoĩama mua: Moabosarimasũ suorã ãre mua rotisere tũoĩaña: Ovejare mũare codebosaguar'ire, ï tudiejaro, “Mujua basũoya”, ãre yimenaja mua. ⁸ Ado bajirojua ãre yirãja mua: “Yua barotire roabosaya. Roagajanocõari, yũare ecaba. Yua bagajanoero bero, mũjua barũcũja mũ”, ãre yirãja mua. ⁹ Mua moarotisere ï moaro ãcõari, “Quẽnaja ti”, ãre yimenaja mua, “Yũare moabosarimasũ ñaami” ãre yitũoĩarã ñari. ¹⁰ To bajiro ãre mua yitũoĩarore bajirone tũoĩagũmi ï quẽne. To bajiri, “Quẽnaro yaja mua' manire yato Dios” yitũoĩacõari, “Ñamasurã ñaja” yirãre bajiro yisocabesa. “No bojagũre moabosarimasũ, ï moarotiecorore bajiro bajigũ ñaja”, yitũoĩarũgũña — ñare yigotiyuju Jesús.

Gase boarãre Jesús ï catiore queti

¹¹ To bajiri Galilea sita, Samaria sita rãca vatojere varũtuasuju ï, Jesús, Jerusalén macajũ vacũ. ¹² Varũtu vacũne, gaje maca ejayuju. Ti macajũre ï ejaro, juaãmocãrãcũ rujari gase boarã ãre bocayujarã ñna. ï tuaca ejamenane, sõjũ ñarine ado bajiro ãre yivasãñujarã ñna:

¹³ —Jesús yua ujũ, yũare ãamaiña mũ — ãre yiyujarã.

¹⁴ To bajiro ñna yivasãrone, ñare ãcõari, ado bajiro ñare yiyuju Jesús:

—Paiare mua rujarãre ãoaya. To mua yijama, caticoarũarãja mua — ñare yiyuju ï.

To bajiro ï yijare, vacoasujarã ñna. Maa ñna vato rĩne ñna cãmi boaboare yaticoasuju ti yuja. ¹⁵ To bajiro sãgũ rujũ gase boagũ ñar'i, ti yatiro ãcõari, jũdarũgũ, Jesús tũjũ tudicoasuju quẽna. Tudicũne, variquẽnagũ ñari, “Quẽnaro yũre yami Dios”, yivasã varũtuasuju ï. ¹⁶ Jesús tũjũre tudiejacõari, muqueayuju ï. To bajicõari, ado bajiro Jesũre gotiyuju:

—Yũ gase boaboase mũ suorine ti yatijare, bũto quẽnaja — Jesũre ãre yigotiyuju. ï ñañuju samaritano masũ. ¹⁷⁻¹⁸ To bajiro ï yisere ajicõari, ado bajiro yiyuju Jesús:

—Juaãmocãrãcũre gase boariarãre yũ catioboajaquẽne, ãni samaritano masũ, ï sãgũne tudidiami, “Quẽnaro yũre yami Dios” yigũ vagũ — ï rãcanare ñare yigotiyuju Jesús.

¹⁹ To bajiro yigajanocõari, ï catior'ire ado bajiro ãre yiyuju:

—Vũmũrũgũña. Vasa. “Yũre ãmaicõari, catiorũcũmi Jesús” mũ yitũoĩajare, mũre catiobũ yũ — ãre yigotiyuju Jesús.

*“Dios ĩ roticõagũ, ¿no cõro ejaguti ĩ?”, Jesũre ĩna yisẽniĩare
(Mt 24.23-28, 36-41)*

20-21 Cojorũmũ ado bajiro Jesũre sẽniĩañujarã fariseo masa:

–¿No cõro ejacõari, rotisũoguti Dios ĩ cõarocu? –ĩre yisẽniĩañujarã ĩna.

To bajiro ĩre ĩna yisẽniĩarone ado bajiro ĩnare cadiyuju Jesũs:

–Mũa yutũoĩarore bajiro bajibeaja ti. Ruyurone, “Adine ñaja. Ise ñaja” yimasĩñamanire bajiro bajise ñaja, Dios ĩ roticõagũ ĩ ejasema. Jẽre mũa vatoane ñaboaja ti –ĩnare yiyuju Jesũs.

Jesũs adi macarũcũro ĩ tudiejaroti queti

22 To bajiro yicũdigajanocõari, ĩ buerãre ado bajiro ĩnare gotiyuju Jesũs:

–Yoaro yũ rãca ñaruaboarãja mũa. To bajiro mũa bajiboajaquẽne, mũa rãca ñacõa ñabetirũcũja yũ. 23 To bajiri yũ tudivadiroto rĩjorore, “Ĩne ñaami. Tudiejami. Tone ñami”, mũare yisocarũarãma. To bajiro ĩna yijama, ĩnare ajibetirũarãja mũa.

24 Ƴmũagasero jedirojũ bujo ĩ yabesere masa ĩna ĩarore bajiro yũ vadore yũre ĩare ñaruaroja. 25 To bajiro yũ bajiroti rĩjorore, adirodoana jairo rojose yũre ĩna yisere rojose tãmũoroti ñaja ti. “Dios ĩ cõagũ me ñaami” yica yirã, yũre sĩarotirũarãma masa. 26 Yũre ĩna sĩaro bero, tudicaticõari, quẽna vadirũcũja yũ, adi macarũcũrojũre. Noé ñamasir'i ĩ ñariarodo masa ĩna bajiñamasiriarore bajiro bajiñaruarãma, Dios ĩ roticõacacu, yũ tudiejarirũmũre quẽne. 27 Adi macarũcũro ti rujaroto rĩjoro bare ba, idi, manajo cuti, yicõa ñamasĩñujarã ĩna. Diore tũoĩari mene, “¿To bajiroado yatique?” yimenane, jairica cũmua quẽnogajanocõari, Noé ĩ vasãjaro ũnone to bajiro yicõa ñamasĩñujarã ĩna. “To bajiroado yiroja” ĩna yimasibetone, ĩnare ruureacõañuju Dios. To bajirone bajirũarãma masa, yũ tudiejarirũmũre quẽne. 28 To bajirone bajiñamasĩñujarã masa, Lot ñamasir'i ĩ ñariarodoana quẽne. Sodoma macana bare barã, idirã, gajeyeũni gãmerã ĩsirã, gãjerã vaja yicõari cũorã, gãjerãma, oterã, viri bũarã, yicõa ñamasĩñujarã ĩna, Diore tũoĩamenane. 29 Sodomajũre ñaboar'i Lot ĩ rudiro bero, õ vecaye jea ũjũse azufre vãme cutise rãca Dios ĩ soereamasiriarore bajiro bajirone bajirũaroja ti. 30 To bajirone bajiñaruarãma masa, Dios ĩ roticõacacu yũ tudiejarirũmũre quẽne.

31 To bajiri, quẽnaro ñaña mũa, rojosere yimenane. Yũ gotisere quẽnaro tũoĩamũjarũgũña, “No bojarĩjane vagũmi” yitũoĩarã ñari. No yimasĩña manirũaroja. Sĩgũ ĩ ya vi joejũ jesagũma, rujiacõari, ĩ ya vi jubeajũ gajeyeũni ñasere juaátĩmabetirũcũmi. Gãji, vesejũ moañagũ, ĩ ye sudire juagũ tudiatĩmabetirũcũmi, rujarĩmarone yũ ejaroti ti ñajare. 32 Lot manajo so bajimasirere tũoĩaña mũa. Gajeyeũnire ũmaveovaco

ñari, tire maigõ, ãtuoca yigone, moatutune godovedirocacoasu su.

³³ No bojarã, no ãna bojarone ñare cãtirãma adi macarucuro ñasere ãvariquẽnacõari, Diore tuõiamenama, Dios ã catisere yayibetire cõomena ñaruarãma ãna. To bajiboarine, yure ajitirũnarã, yu oca ãna gotisere ajijũnisinicõari, ãna sãarãma, Dios tuju quẽnaro ñarona ñarãma.

³⁴ Gajeyerema adi macarucuroju yu tudivadoju, ñami ti ñajama juarã mũma cãniñarãre ejacõari, sãgũ ãmiecorucumi. Gãjima, ãmiecobetirucumi. ³⁵ Mũma ti ñajama, rõmia juarã trigore vãiaabo ñaruarãma. To bajiri, sãgõ ãmiecorucocomo. Gajeoma, ãmiecobetirucocomo. ³⁶ Juarã mũma veseju moañaruarãma. To ãna yĩnarone, sãgũ ãmiecorucumi. Gãjima, ãmiecobetirucumi – ãnare yigotiyuju Jesũs.

³⁷ To bajiro ãnare ã yigotirone,

–¿Nojare to bajise bajiroti ti? – ãre yisẽniãañujarã ã buerimasa.

To bajiro ãre ãna yisẽniãarone, ado bajiro cãdiyuju Jesũs:

–Rijar'i, ã boacũñarorema, yuca ejarãma ãna – ãnare yicãdiyuju Jesũs.†

18

“Yuare ejarẽmogũmi, yua sãnijama’ yitũõiarã ñari, Diore sãnitujabetiroti ñaja”, Jesũs ã yire queti

¹ “Diore ãre sãnitujabeticõato ãna” yigu ãnare gotimasioñuju ã:

² –Cojo macare sãgũ masu ñagũmi masa ãna yisere ãacõiarimasu. Diore, to yicõari, masare quẽne rãcũbũobecu ñagũmi. ³ ã ya macajure sãgõ ñagõmo manaju rijaveorio. Biyarocaca ado bajiro ãre sãnigõ ejaboagomo: “Yuare ejarẽmoña mu. Rojose yure yami”, ãre yiaboagomo. ⁴ To bajiro so yiaboajuquẽne, sore yibosadabecumi. To bajiboarine, bũto ãre so sãnicõa ñajare, ado bajiro tuõãgũmi yuja: “Diore, to yicõari, masare quẽne rãcũbũobecu ñaja yu. ⁵ To bajiro bajigu ñaboarine, bũto so sãnigõjanabiocõa ñajare, sore ejarẽmorucuja yu. Sore yu ejarẽmobetijama, yure gõjanabiocõa ñabogomo”, yitũõãgũmi – ãnare yigotiyuju Jesũs.

⁶ Ti quetire gotigajanocõari, “Ado bajiro yirũaro yaja”, ãnare yiyuju:

–Masa ãna yisere ãacõiarimasu ã yirere ajĩãsaque mũma: ⁷⁻⁸ ¿Dios, ã ejarẽmosere bojarã ãre sãnitujamenare, ã yarãre, yoaro ãnare ejarẽmobecũtique ã? To bajiro yibecumi Diojuma. Mũma sãniro cõrone tocãrãcãjine mũare cãdimasiami. To bajiri,

† 17:37 “Yuca ejarãma, masu boagu ã ñarore” ã yijama, “Rojose yirãma, no bojarone ñacõarãma” yigu yiyuju Jesũs.

¿“Yũare ejarẽmogũmi Dios” yitũoĩacõari, ìre sẽnitujamenare, tudivagũ, bujarũcũada yũ? –yiyuju Jesũs.

Fariseo masũ, gãjõa sẽnirimasũ rãca Diore ìna sẽnirere Jesũs ì gotimasiore queti

⁹ Quẽna gaje queti ìnare gotimasioñuju. Ìre ajirã sīgũri ado bajise yitũoĩañujarã ìna: “Quẽnaro yirã ñaja yũama”, yitũoĩañujarã ìna. To bajiro yicõari, “Rojorã ñaama ìnama”, gãjerãre yĩarã ñañujarã ìna. To bajiro yirã ìna ñajare, ado bajise queti ìnare gotiyuju Jesũs:

¹⁰ —Ëmũa juarã ñarãma ìna, Diore yirũcũbũoriavijũ ìre sẽnirã vana. Sīgũ fariseo masũ ñagũmi. Gãji, ãjure gãjõa sẽnibosarimasũ ñagũmi ì. ¹¹ Fariseo masũ, Diore yirũcũbũoriavijũre sãjæjarũgũcõari, ado bajiro Diore ìre yigũmi, ì tũoĩase rãca: “Dios, mũre variquẽnaja yũ, gãjerãre bajiro bajibetir’i. Gãjerãma, juarudirã ña, yitorã ña, gãjerã manajoare ajeriarã cutirã ñarãma ìna. Ado ejağũ, ãjure gãjõa sẽnibosarimasũ, ìre bajiro bajigũ me ñaja yũ. To bajiri mũre variquẽnaja yũ. ¹² Tocãrãca semana juaji bare babeaja yũ, mũ rotimasirere cũdigũ ñari. Yũ moase vaja juããmocõro ñaritiiri vaja tagũ, cojotii mũ ya vire cũbosarũgũaja yũ”, Diore ìre yigũmi. ¹³ Gãjjũa gãjõa sẽnibosarimasũ õjũne tujacõari, õ vecajũre ìamũobecũmi, ì rojosere bojone, sutiritimasucõagũ ñari, ì cotitẽrore jagũne, ado bajise Diore sẽnigũmi: “Dios, yũre ìamaiña mũ. Rojose yũ yisere yũre masirioya mũ”, Diore yisẽnigũmi. ¹⁴ Yũre quẽnaro ajija mũa: Rojose ì yisere sutiriticõari, Diore sẽnigũma, rojose ì yisere masirio ecocõari, ì ya vijũ tudiacũmi. Gãjjũama, fariseo masũ, ì ya vijũ tudiajama, “Rojogũ ñaami”, Dios ì yĩagũ ñagũmi. To bajiro ti bajijare, ado bajiro mũare gotiaja yũ: “Quẽnaro yirã mani ñajare, ‘Quẽnarã ñaja mũa’ manire yĩagũmi Dios” yitũoĩarãre, “Quẽnarã me ñaama. Rojorã ñaama”, yĩagũmi Dios. No bojagũre, “Quẽnagũ me ñaja yũ” Diore yisutiritigũjũare, “Quẽnagũ ñaami”, ìre yĩarũcũmi Dios —ìnare yigotiyuju Jesũs.

Rĩamasare Jesũs ì ñubuejeore queti
(Mt 19.13-15; Mr 10.13-16)

¹⁵ Jesũs tũju rĩamasacare juæjayujarã masa, “Ì ãmori ñũjeocõari, Diore ìnare sẽnibosato ì” yirã. Ìna juæjasere ìacõari, ado bajiro ìnare yiyujarã ì buerimasa:

—jJadibesa! Gõjanabioro yaja mũa —ìnare yiyujarã. ¹⁶ To bajiro ìnare ìna yiboajaquẽne, rĩamasare jirẽocõari, ado bajiro ì buerimasajũare yiyuju Jesũs:

—Rĩamasare, “Jadibesa” ìnare yibesa. “Quẽnaro yũare yirũcũmi Dios” yitũoĩarã ñaama rĩamasa. Ìna tũoĩarore bajiro tũoĩarã ñaama Ëju Dios yarã. ¹⁷ Riojo mũare gotiaja yũ. Rĩamasa

Īna yiecorore bajiro yiecorā ñarāma Ʋju Dios yarā —ĩ buerimasare yiyuju Jesús.

Gajeyeũni jaigu, Jesúre ĩ sēniñare queti

(Mt 19.16-30; Mr 10.17-31)

¹⁸ Sīgũ Ʋju, ado bajiro Jesúre ĩre sēniñañuju:

—Gotimasiorimasũ, quēnagũ ñaja mũ. Ʋũ rijato beroju “Tudirijabeticōato” yigu, Dios ĩ catisere yũre ĩ ĩsiserere yũ bojajama, ¿no bajiro yiroti ñati yũre? —Jesúre ĩre yiyuju.

¹⁹ To ĩ yisere ajicōari, ado bajiro ĩre cadiyuju:

—¿No yigu, “Quēnagũ ñaja mũ”, yũre yati mũ? Dios sīgũne ñaami quēnagũma. ²⁰ Mũ rijato beroju “Tudirijabeticōato” yigu, Dios ĩ catisere mũ bũjarũajama, Dios ĩ rotimasirere cadiroti ñaja. Tire masiaja mũ. Dios ĩ rotimasire yũ yijama, ado bajise yimasirere yaja yũ: “Gãji manajo rāca ajerio cõtibesesa. Sĩabesa. Juarudibesa. Socũne, ‘Rojose yimi’ yigotirobesa. Mũ jacũre, mũ jacore quēne quēnaro ĩnare rũcũboya”, yigotiaja Dios ĩ rotimasire —ĩre yiyuju.

²¹ To ĩ yisere ajicōari, ado bajiro yicadiyuju:

—Daquegũjũne tire cadiũoadicaju yũ —ĩre yicadiyuju.

²² To ĩ yisere ajicōari, ado bajiro ĩre gotiyuju Jesús:

—Cojo vāme ruyaja mũ yiroti, mũ rijato beroju “Tudirijabeticōato” yigu, Dios ĩ catisere mũ bũjarũajama: Jediro mũ cũosere gãjerāre ĩsijeocōañã. To yicōari, ti vaja bũjacōari, maioro bajirāre ĩsima. To bajiro mũ yijama, õ vecaju Dios ĩ ñaroju quēnase bũjarũcũja mũ. To bajiro yigajanocōari, yũre ajisũyaya —ĩre yiyuju Jesús.

²³ To ĩ yigu bũto sũtiriti vacoasuju ĩ, gajeyeũni jaigu ñari, tire maigũ. ²⁴ ĩ sũtiritisere ĩacōari, ado bajiro ĩ buerimasajũare gotiyuju Jesús:

—Gajeyeũni jairārema, yũre ĩna sũyarũa tũoĩaboajama, bũto josarũaroja ĩnare. To bajicōari, yirēto ecobosabetirũarāma. ²⁵ Vaibũcũ camello vāme cõtigu, gãjojota gojeacare sãjarēto budimasibecũmi. To bajirone bajiaja gajeyeũni jairāre quēne, yũre ĩna ajitirũnũ sũyarũaboajama. To bajiro ĩna bajijare, yirēto ecobosabetirũarāma —ĩnare yiyuju Jesús.

²⁶ To bajiro ĩnare ĩ yisere ajicōari, no yimasibesujarã ĩna. To bajiri ado bajiro ĩre sēniñañujarã:

—Riojo mũ gotijama, ¿no bajiro bajirãju Dios tũjũre ejarũarãda? —ĩre yiyujarã.

²⁷ To bajiro ĩna yisere ajicōari, ado bajiro ĩnare cadiyuju Jesús:

—Ĩna masune ejamasimenama masa, Dios tũjũre. Diojũama, ñajediro yimasijeocōami. Ñiejũa josase maja ĩrema. ĩ sũorine ĩ tũju ejamasire ñaja —ĩnare yiyuju Jesús.

28 To ï yisere ajicõari, ado bajiro ïre yiyuju Pedro:

—Yũ ʘjũ, jediro yua gajeyeũnire cõcõari, mure sayacaju yua —ïre yiyuju.

29-30 To ï yisere ajicõari, ado bajiro ïre cadiyuju Jesús:

—Riojo mure gotiaja yũ. No bojarã yure ajitirãnarã ñari, yũ ye gotiroana, ña ya vi, ña yarã, ña manajoa, ña jacua, ña rĩa, to yicõari ña ya veserire quẽne ña vaveojama, ña cuoboare rêtobusaro quẽnase bujaruarãma ña, adi macarucurore. To yicõari, ña rijato berojama “Tudirijabeticõato” yigu, ï catisere ñnare ïsirucumi Dios —ñnare yicadiyuju Jesús.

“Yure sjaruarãma”, Jesús ï yigotitusare queti

(Mt 20.17-19; Mr 10.32-34)

31 Jerusalénju ñnare ïmato varũtu vacune, juaãmo cõro, gũbo jua jẽnituarirãcu ñnarãre ñnare gotirũ, ricati ñnare jicãmotoyuju Jesús. To bajiro yicõari, ado bajiro ñnare yiyuju:

—Quẽnaro ajiya mua. Jerusalénju vana bajiaja mani. Dios ï roticõacacu, yũ bajiro tire jairo ucayuma tirãmuaana Diore gotirêtobosamasiriarã. Ñajediro ña ucarere bajirone bajijeocõaruroja yure. 32-33 Romano masare yure ïsiruarãma. To ña yijare, yure ajatud'irã, gooco yure eoreatucõari, bajeruarãma ña. To yicõari, yucãtẽroju yure jajurocacõaruarãma. Yure jajurocacõari, yujeboaruarãma. To ña yiboajaquẽne, yure ña sjarirũmu bero, idiarũmu tusatirãmune tudicati-coarucuja yũ quẽna —ñnare yiboayuju Jesús.

34 To bajiro ñnare ï yisere ajimasibesujarã ña, ña ajimasiro tire Dios ï cõabetijare.

Caje ïabecure Jesús ï ïarotire queti

(Mt 20.29-34; Mr 10.46-52)

35 Jericó vãme cuti macaju ï cõñatone, caje ïabecu rujiyuju, maa tu. Maioro bajigu ï barotire, to yicõari, gajeyeũniaca ï cuorotire tuoĩagũ, gãjoa sẽnigũ bajiyuju. 36 Masa jãjarã ña rêtosere ajicõari,

—¿No bajiro bajiatu ti? —ñnare yisẽnĩañuju ï.

37 To bajiro ñnare ï yisẽnĩarone,

—Jesús Nazaret macagu, rẽtoacu yami —ïre yiyujarã ña.

38 To bajiro ña yisere ajicõari, ado bajiro Jesũre jiavasãñuju ï:

—Jesús, yua ʘjũ, ʘjũ David ñamasir'i jãnami, “Rotimũorũgõrucumi” yigu, Dios ï cõar'i ñaja mu. Yure ïamaiña mu —yivasãñuju ï.

39 To bajiro ï yivasãrone,

—¡Avasãbesa! —ïre yiyujarã ña, Jesũre ïre rĩjoro cuti vana.

To bajiro ña yiboajaquẽne, butobusa avasãñuju quẽna:

—ʘjũ David ñamasir'i jãnami, “Rotimũorũgõrucumi” yigu, Dios ï cõar'i ñaja mu. Yure ïamaiña —Jesũre ïre yivasãñuju.

40-41 To ĩ yisere ajicōari, tujarūgũñuju Jesús. To bajicōari,

—Īre jija m̄na —masare ĩnare yiyuju. To bajiro ĩ yijare, Jesús t̄ju ĩre jiejoyujarā ĩna. To ĩna jiegoro ĩacōari, —¿No bajiro m̄re yu yisere bojati m̄? —Īre yiyuju Jesús, caje ĩabec̄ure.

To ĩ yijare, ado bajiro ĩre yic̄adiyuju:

—Yu ŋju, tudĩar̄uaja yu —Īre yiyuju.

42 To bajiro ĩ yisere ajicōari, ado bajiro yiyuju Jesús:

—“Yure ĩamaicōari, ĩarotir̄uc̄ami” yure yit̄oĩagũ ñari, ĩacoaju m̄. Ñie rojose maja m̄re yuja —Īre yiyuju Jesús.

43 To bajiro ĩ yirir̄imarone, caje ĩabec̄u ñaboar'i, ĩacoasuju ĩ yuja. ĩacōari, ĩ quēne Jesúre s̄yacoasuju. “Quēnaro yaja m̄”, Diore ĩre yivariquēna vasuju ĩ. Masa quēne tire ĩarā, “Quēnaro ĩre yami Dios”, yiyujarā ĩna quēne.

19

Zaqueo r̄aca Jesús ĩ bajire queti

1 To bajiri, Jericó v̄ame c̄uti macare r̄etoac̄u bajiboayuju Jesús. 2 To ĩ bajivatore, s̄igũ ti macagu ñañuju, Zaqueo v̄ame c̄utigu. ĩñañuju ḡajoa s̄enibosarimasa ŋju. Gajeyeũni jaigu ñañuju.

3 To bajiri, Jesús ĩ r̄etoato b̄uto ĩar̄uaboayuju. Īre ĩarā jājarā ĩna ñajare, ĩre ĩabujabesuju ĩ, yeguaca ñari. 4 To bajiri, Jesús ĩ varoti maa t̄ju ĩ r̄joro ūma va, yuc̄ju m̄jasuju, Jesúre ĩre ĩar̄u. 5 ĩjesaro ēñeroca ejayuju Jesús. To bajicōari, ĩre ĩam̄oñuju, Zaqueore. Īre ĩam̄ogũne,

—Zaqueo, guaro rujiaya m̄. Yuc̄u m̄ ya viju tujar̄uc̄aja yu —Īre yiyuju Jesús.

6 To bajiro ĩre ĩ yirone, guaro rujiacōari, variquēnagũne, Jesúre ĩre ūmato vasuju Zaqueo, ĩ ya viju. 7 To bajiri Zaqueo ya viju Jesús ĩ ñasere ĩacōari, ado bajiro ḡamerā yiyujarā masa:

—Rojogu t̄ure ñagũ bajiami —yiyujarā ĩna.

8 ĩ ya viju ñacōari, ado bajiro Jesúre gotiyuju Zaqueo:

—Yu c̄uose, gajeyeũnire, maioro bajir̄are ḡudareco ĩnare ĩsir̄uc̄aja yu. Ḡajer̄are ĩnare yitocōari, ĩna ye ñaboasere ēmacaju yu. To bajiri ĩnare yu ēmacati r̄etoro ĩnare ĩsir̄uc̄aja yu. Babarir̄ac̄aji ĩnare yu ēmacati r̄etobusaro ĩnare ĩsir̄uc̄aja —Jesúre ĩre yiyuju ĩ.

9-10 To bajiro ĩre ĩ yisere ajicōari, ado bajiro ĩre gotiyuju Jesús:

—Quēnaro yaja m̄. Abraham Diore ĩ ajitir̄ũn̄masiriarore bajiro Diore ajitir̄ũn̄aja m̄. To bajiro yigu m̄ ñajare, m̄re, to yicōari, m̄ ya vianare quēne, rojose m̄na yisere m̄are masir̄ioc̄aja yu. To yicōari, rojose m̄na t̄am̄oborotire m̄are yir̄etobosar̄uc̄aja yu. Yayir̄are bajiro bajir̄are, rojose t̄am̄oboronare, ĩnare yir̄etobosagu vadicaju yu, Dios ĩ rotic̄oac̄u —Īre yigotiyuju Jesús.

*Moabosarimasa ñna bajirere Jesús ñ gotimasiore queti
(Mt 25.14-30)*

11 To bajiro ñre ñ yigotisere ajicōari, ado bajiro tñoñaboayujarã masa: “Jerusalénjñ ñ ejaroti mojoroaca ti ruyajare, yucñacane Israel vãme cuti sitare manire rotisñorucñmi Jesús, Dios ñ roticōar'i, romano masare bucōari”, yitñoñaboayujarã ñna. To bajiro ñna yitñoñasere ñamasicōari, gotimasiore quetire ado bajiro ñnare gotiyuju Jesús:

12-13 —Sīgũ ñagũmi gaje sitajñ varocñ, ñjñ ñamasugũ ñ ñarojñ, ñjñ ñ ñarotire sēnigũ, “Yñ ya macanare rotigusa” yigũ. ñ varoto rñjoro, ñre moabosarimasare jñãmocãrãcñre jirēogũmi. ñnare jirēocōari, ñ ye gãjoare ñnare bategũmi. “Yñ manitoyejñ adi gãjoa rãca vaja yicōari, mñ vaja yisere gãjerãre ñsirã, jaibusaro vaja sēnima, ‘Jaibusaro gãjoa bñjarãsa’ yirã”. To yigajano, vacoacñmi. 14 To bajiro ñ bajiboajaquēne, ñ ya macana ñjñ ñ ñasere bojamenama ñna. “Yñ ñjñ ñ ñasere bojabeaja” yirã, ñna rãcanare gotiroticōarãma, ñjñ ñamasugũre.

15 To bajiro ñnare ñna yicōaboajaquēne, ñna ñjñ ñre cñgũmi ñjñ ñamasugũ. To bajiro ñ yir'i ñnari, ñ ya macanare ñnare rotigũ tudiejagũmi. Tudiejacōari, ñ gãjoa ñsiriarãre ñnare jicōagũmi, “Tire quēnaro yimasiboayujari ñna” yigũ. 16 ñ moarimasñ ejasñogñ, ado bajiro ñre yigũmi: “Gãjoa yñre mñ ñsicati rãca mñre bñjarēmobosabñ yñ, jñãmocãrãcñaji yñre mñ ñsicati rētoabusaro”, ñre yigũmi, ñ ñjñre. 17 To bajiro ñ yijare, “Yñre quēnaro moabosayuja mñ. Yñ yicatore bajiro yñre cñdiyuja mñ. Mojoroaca mñre yñ ñsicati rãca yñ yicatore bajiro yigũ mñ ñajare, ñamasuse moare mñre moarotiaja yñ. Jñãmocãrãca macarianare rotirñcñja mñ”, ñre yigũmi ñ ñjñ. 18 ñ bero gãji ejagũmi: “Gãjoa yñre mñ ñsicati rãca mñre bñjarēmobosabñ yñ, cojomocãrãcñaji yñre mñ ñsicati rētoabusaro”, ñre yigũmi, ñ ñjñre. 19 To bajiro ñ yijare, “Cojomocãrãca macarianare rotirñcñja mñma”, ñre yigũmi ñ ñjñ.

20-21 ñ bero, ñ ñjñre ñogũ ejagũmi gãji: “Adine ñaja mñ gãjoa, yñre mñ ñsicati. Sudigaserone gũmacōari, cñcñjñ yñ, ‘Bñto roticōari ñ bojarore bajiro yirere bojagñ ñacami’ mñre yigũigñ ñnari”, ñre yigũmi. 22 To bajiro ñ yijare, ado bajiro ñre cñdigũmi ñ ñjñ: “To bajiro yñre yitñoñagũ ññaboarine, yñre quēnaro moabosabetir'i mñ ñajare, rojose mñre yirñcñja yñ. 23 Gãjoa mñre yñ ñsicati rãca vaja yicōari, mñ vaja yisere gãjerãre ñsicōari, jaibusaro vaja sēnibetiboarine, gãjoa cñriavijñ mñ cñjñama, jaibusaro yñre bñjarēmobosaboriaja mñ”, ñre yitud'igũmi ñ ñjñ. 24-25 To bajiro yigotigajano, ñ tñ rñgōrãre ñacōari, ado bajiro ñnare rotigũmi: “Ñnare gãjoa yñ ñsiboacatire ēmaña. Tire ēmacōari, jñãmocãrãcñaji ñre yñ ñsicati rētoabusaro bñjarēmocōari

cuogujare ĩre ĩsiña”, ĩnare yigumi ĩna uju. To bajiro ĩ yiroti-boajaquene, “Jere jairo cuoami ĩma”, ĩre yicōarāma, ĩna ujure. ²⁶ To bajiro ĩre ĩna yisere ajicōari, ado bajiro gotigumi ĩna uju: “No bojagu ĩre yu ĩsise rāca yu bojarore bajiro yigu, quēnase bujarucumi. No bojagu ĩre yu ĩsise rāca yu bojarore bajiro yibecurema, ĩre yu ĩsiboacatire ĩre ēmarucija yu, ‘Yu bojarore bajiro yimasibeami’ yigu. ²⁷ Uju yu ĩasere bojamenarema, yu rĭjoroju ĩiejocōari, ĩnare siareacōaĩa ma”, yigumi ĩna uju –ĩnare yigotiyuju Jesús.⁵

“*Rotimorūgōrucumi’ yigu, Dios ĩ cōagū ĩaja yu’ yĭogū, Jerusalēnu Jesús ĩ ejare queti*
(Mt 21.1-11; Mr 11.1-11; Jn 12.12-19)

²⁸ To bajiro yigotigajanocōari, varūtu vasuju Jesús, Jerusalēn ĩaejari maajure. ²⁹⁻³⁰ Varūtuacōari, ejayuju, Betfagé, Betania vāme cuti macari tujure. Ti macari tujure, Olivo vāme cuti buro ĩaĩuju ti. Ti buroju ejaġuagane, ġarā ĩ buerāre ado bajiro ĩnare gotiyuju ĩ:

–Mani varoto riojo ĩarimacare vasa maji. Toju ejacōari, burro macu ĩna siaturūgōr’ire bujaruarāja ma, jesaĩaĩamagūre. ĩre ōjacōari, yure āmiadibosaba. ³¹ Ti macagu sĭgū, ma ōjaro ĩacōari, “¿No yirā ĩre ōjati?” maare ĩ yisēnĩajama, “Mani uju ĩre bojami”, ĩre yicudiba –ĩnare yiyuju Jesús.

³² To ĩ yisere ajicōari, vasujarā ĩna. To ejacōari, Jesús ĩ gotiriarore bajirone burro macure ĩabujayujarā ĩna. ³³ ĩre ĩna ōjarone,

–¿No yirā ĩre ōjati ma? –yiyujarā ĩna, burro ujarā.

³⁴ To bajiro ĩna yirone,

–Mani uju bojaami –ĩnare yicudiyujarā ĩna.

³⁵ To bajiro ĩnare yigajanocōari, burro macure āmivasujarā, Jesús taju. To yicōari, ĩna ye sudi joeayere vejecōari, burro macu joere jeoyujarā. To yigajanocōari, Jesúre ĩre vajejarotiyujarā ĩna. ³⁶ To bajiri burro joere jesamaja vasuju Jesús, Olivo vāme cuti buro majacu. To ĩ jesamaja vatone, ĩna ye sudi joeayere vejecōari, ĩ varotijure cū rĭjoro cutiyujarā. “Yu uju ĩaja ma” yirā, to bajiro yiyujarā, Jesúre rūcuborā. ³⁷ To bajiro ĩna yĭ vati maajure jesamaja, joe jecōari, Jerusalēnu ĩ rojaroto rĭjorore, “Quēnaro yaja”, Diore yĭavasā variquēnaĩujarā ĩna, ĩjarā. Dios ĩ masise rāca ĩaĩaĩamani Jesús ĩ yĭorerere tūōĩacōari, ado bajiro yĭavasā variquēnaĩujarā:

³⁸ –“Rotimorūgōrucumi” yigu, Dios ĩ cōar’i, ĩaami. ĩDiore rotibosagu quēnaro ĩ yigu ĩaami! Manire ĩvariquēnagūmi Dios. Quēnagū masune ĩaami –yĭavasā variquēnaĩujarā ĩna.

⁵ 19:27 “‘Uju ĩaami” yure yĭrūcubūomenare rojose tāmūotūjabetiriaroju ĩnare rearucija yu’ yigu, yiyuju Jesús”, yama ĩna Dios oca buerētoburimasa.

39 To bajiro ñna yivasã ñarone, sīgūri ñañujarã fariseo masa quēne. To bajiri Jesúre rúcubhorã ñna yivasãsere ajicōari, ado bajiro Jesúre yiboayujarã ñna:

—Mũ buerãre avasãrotibeticōaña mũ —ĩre yiboayujarã ñna.

40 To bajiro ñre ñna yiboajaquēne, ado bajiro ñnare cūdiyujuru Jesús:

—To bajiro ñna yivasãbetijama, adiaru gātarijũare avasãroticōarũcũmi Dios —ñnare yicūdiyujuru Jesús.

41 To yu va, Jerusalén maca tũaca ejaḡũne, ti macare ñagũne, otiyujuru Jesús. 42 Ado bajiro yiotiyujuru:

—Yucũne Jerusalén macana, variquēnarere ñnare Dios ĩ cōarũaboasere, ñna masune ajitirũnũ sũyamasibeamã. To bajiri quēnaro ñnavariquēnamasibetirũarãma. 43-44 Masa rojose ñna tãmũosere yũ sũorine Dios ñnare ĩ yirētosasere masimena ñnari, bũto rojose tãmũorũarãma ñna. ñnare quēarũarã vadirũarãma gãjerã. Adi macajũre vadicōari, ñnare gãnibiaquearũarãma, “Rudiroma” yirã. Gãnibiaqueacōari, quēnaro sãajeocōarũarãma, ñnare. Virire quēne, gajeyeũnirẽ quēne jediro reajeocōarũarãma ñna. To bajiro ñna yireacōaro bero, adi maca ñnaboariaro, rujatũcuro ñarũaroja ti —yiotiyujuru Jesús, Jerusalén macare ñagũne.

Diore yirũcubhoraviyũ ñnacōari, gajeyeũni ĩsiriavire bajiro ñna yuñajare, Jesús ñnare ĩ tud'ĩagōbure queti

(Mt 21.12-17; Mr 11.15-19; Jn 2.13-22)

45-46 To bajiro yigajano, varũtu vaejacoasuju ĩ, Jerusalénjũ. To ejacōari, Diore yirũcubhoraviyũ sãjañuju ĩ. Sãjaejacōari, ti vijũ ĩsiñarãre ñgōbucōañuju ĩ. ñnare ñgōbucōagũne, ado bajiro ñnare gotiyujuru:

—Dios ĩ rotimasire masa ñna ucamasire ado bajiro gotiaja: “Yũ ya vima, yũre sēnirũcubhorã rējaravi ñarũaroja”, yigotiaja, adi vire. To bajiro ĩ yimasire ti ñnaboajaquēne, mũa sũorine juarudirimasa ñnarivire bajiro bajaiaja ti —ñnare yigotiyujuru Jesús.

47 To bajiro ñnare ĩ yuñgōburiaro bero, tocãrãcarũmũri ti vine masare buerũgũñuju Jesús. To ĩ yisere, paia ujarã, Dios ĩ rotimasire gotimasiorimasa quēne, masa ujarã quēne, “¿No bajiro ñre sãrãti mani?”, yitũoñarũgũñujarã ñna. 48 No bajiro yimasibesujarã ñna, bajirãjũma, masa ñnadediro bũto ñre ñna ajitirũnũ sũyajare.

20

“¿Ñimũ mũre ĩ rotise rãca to bajiro yati mũ?”, Jesúre ñna yisēniãre queti

(Mt 21.23-27; Mr 11.27-33)

¹ Cojorūma, Diore yirācuburiavijū masare gotimasioñuju Jesús. “Rojose mua yisere yitūjacōari, quēnasejūare tūōiavasoaya” ĩnare yigoticōari, ĩ sūorine quēnaro ĩnare Dios ĩ yirotire gotimasioñuju ĩ. To bajiro ĩ yigotimasio ñarone, ĩre sēniarā, ĩ tūre ejayujarā bucārā, paia ujarā, Dios ĩ rotimasire gotimasiorimasa quēne. ² Ado bajiro ĩre yisēniāñujarā ĩna:

—¿Ñimū mure ĩ rotise rāca to bajiro yirūgūati mū? —ĩre yisēniāñujarā ĩna.

³ To bajiro ĩna yisere ajicōari,

—Yū quēne, ado bajiro mure sēniāja yū: ⁴ ¿Ñimū rotiyujari, Juanre, “Oco rāca masare ĩnare bautizacudiya” yigū? ¿Dios rotiyujari? ¿Masajūa rotiyujarique? —ĩnare yisēniāñuju Jesús.

⁵ To ĩ yisere ajicōari, ĩna masune gāmerā ñagōñujarā ĩna:

—“Dione, Juanre oco rāca masare bautizarotiyumi” mani yijama, ado bajiro manire sēniājacagūmi: “Tire masirā ñaboarine, ¿no yirā ĩre ajitirūnubeticati mūa?” manire yisēniājacagūmi. ⁶ To yicōari, “Masane, Juanre oco rāca bautizarotiriarāma” mani yijama, gūtarine manire reasīaruarāma masa, “Diore gotirētobosarimasū ñaboacami Juan” yirā ñari —gāmerā yīñagōñujarā ĩna. ⁷ To bajiro yirā ñari, ado bajiro ĩre cūdiyujarā ĩna:

—Juanre rotir'ire masibeaja yūa —Jesūre yicūdiyujarā ĩna.

⁸ To ĩna yisere ajicōari, ado bajiro ĩnare cūdiyuju Jesús:

—To bajiro mūa cūdiare, yure rotigū vāmere gotibetirūcūja yū quēne —ĩnare yiyuju Jesús.

“Jud'io masa ĩna ajitirūnubetijare, gājerājūare ũjorūcūmi” yigū, moabosarimasa rojose yirā ĩna bajire rāca Jesús ĩ gotimasiore queti

(Mt 21.33-44; Mr 12.1-11)

⁹ To bajiro ĩnare yigajanocōari, gotimasiore queti ado bajiro ĩnare gotiyuju Jesús:

—Sīgū masū ũye vese otegūmi. Tire otegajanocōari, gājerāre, “Yure ĩatirūnubosaba”, yigūmi. “ũye ti rica cūtiro, gājerāre ĩsicōari, vaja sēniarāja. To yicōari, mūa juarotire, ‘Ado cōro ñaja mani ye. Ado cōro ñaja ĩ ye’ yicōiama”, ĩnare yirotigūmi. To yicōari, gajerojū vacoacūmi. ¹⁰ To bajiri cojorūma, “ũye rica cūti bucūacoatoja” yigū, ĩre moabosarimasūre cōagūmi, “ũye, yure ĩna cūbosarere yure juabosaaya” yigū. ũye vesejū ĩejarone, ĩre ñiacōari jarāma vese coderimasa. To yicōa, ĩre ũye ĩsimenane, “Vasa”, yirāma ĩna. To bajiri ũye juabecūne tudiejagūmi, ĩre roticōar'i tūju. ¹¹ To bajiri ũye ĩ juabetire ĩacōari, gājire cōagūmi quēna, vese ũju, “ũye yure juabosagū vasa” yigū. ũye vesejū ĩ ejasere ĩacōari, rujajine ĩre yitud'icōari, ĩre quēne jarāma ĩna. To bajiro ĩre yigajanocōari, ũye ĩsimenane, “Vasa”, ĩre yirāma ĩna. ¹² To bajiri ũye ĩ juabetire ĩacōari, quēna gājire cōagūmi vese ũju.

Uye veseju ĩ ejasere ĩacōari, ĩre quēne jarāma ĩna. To bajiri cāmi catigūmi. To yicōari, ĩre ñiacōari, vese sojuaju rocarāma ĩna.

¹³ To bajiro ti bajijare, “¿No bajiro yiguti ya?”, yituoĭagūmi ujū. “Yu maigūre, ya macure ĩre cōarucija ya. ĩjuare rucuborāma ĩna”, yituoĭagūmi. ¹⁴ To bajiro yituoĭacōari, ĩ macure cōagūmi. To bajiro ĩ yituoĭaboajaquēne, ĩ macu veseju ĩ ejasere ĩacōari, ado bajiro gāmerā ñagōrāma vese coderimasa: “Adi sita ujū ĩ bajirocaveojama, ĩ macune ñaami vasoarocu. To bajiri ĩre mani sĭajama, mani ye sita ñaruarōja yuja”, gāmerā yirāma ĩna. ¹⁵ To bajiri vese sojuaju ĩre ñia oja vanama. To yicōari, sĭarāma ĩna yuja —ĩnare yiyuju Jesús, ti quetire gotigū.

To bajiro ĩnare yigajanocōari, ado bajiro ĩnare gotiyuju quēna:

—¿Ti vese ujū tudiejagu, no bajiro ĩnare yigujari ĩ, ti vese coderimasare? ¹⁶ Ado bajiro yigūmi: Veseju vacōari, ti vese coderāre sĭagūmi. To yicōari, gājerāre coderotigūmi, ti vesere —ĩnare yiyuju Jesús.

To bajiro ĩ yisere ajimasicōañujarā jud'io masa. To bajiri, —ĭBajibeticōato ti! —yiyujarā ĩna. “Uju macure sĭariarāre bajiro bajaia maa', manire yami” yimasicōañujarā ĩna.

¹⁷ To bajiro ĩna yirone, ĩnare ĩacōari, ado bajiro ĩnare yiyuju Jesús:

—¿Uye vese ujū ĩ macure rojorā ĩna sĭarocarere bajirone gūtavi quēnorimasa coja gūtare rocaruarāma” Dios oca masa ĩna yiucamasirere ĩabeticatique maa? Ado bajiro gotiaja:

“Gūta rāca vi quēnorimasa coja gūtare rocarāma ĩna. ĩna rocaria ñaboarine, gajea gūta rētoro quēnarica ñaruarōja tia. Tia gūta suorine quēnarivi quēnorucūmi Dios. Tia manijama, quēnomasibetibogūmi”, yigotiaja Dios oca masa ĩna ucamasire.

¹⁸ To yigajano, ado bajiro gotirūtuasuju ĩ Jesús:

—No bojarā, ya ocare ajiterā, rojose tāmuoruarāma ĩna — ĩnare yiyuju Jesús.

¹⁹ To bajiro Jesús ĩ gotimasiosere ajicōari, “Manirene mani bajisere yigū yami”, yiajimasifñujarā paia ujarā, Dios ĩ rotimasire gotimasiorimasa quēne. “Uju macure sĭariarāre bajiro bajaia maa' manire yami”, yiajimasifñujarā ĩna. To bajiro yirā ñari, Jesúre ñiaruaboayujarā ĩna. To bajiboarine masare güirā, ĩre ñiabetesujarā.

“Ujarā gājoa manire ĩna vaja yirotijama, ĩnare ĩsiroti ñaja”, Jesús ĩyigotire queti

(Mt 22.15-22; Mr 12.13-17)

²⁰ Jesúre ñiaruarā ñari, gājerāre cōañujarā ĩna, Jesús tujū. To bajiri, “Mani ujū César ĩ rotisere quēnabeaja' ĩ yisere ajirudirā vasa. To bajiro ĩ yise ti ñajama, ĩre gotiyirorāsa mani, Pilatore”,

yituoĩaboayujarã. To bajiri Jesús tujure ĩ gotisere ajirãre bajiro bajitoyujarã ĩna cõariarã. ²¹ Jesús tũ ejacõari, ado bajiro ĩre sēniãañujarã ĩna:

—Ajiya gotimasiomasũ. “Riojo gotigũ ñaja mũ”, yimasiaja yũa. “Ado bajiro mani yisere bojagũmi Dios” yigotimasioğã, ñaro cõrone riojo yũare gotimasioaja mũ. “Ado bajiro yũ gotimasiojama, yũre ajijũnisinirũarãma” yituoĩabecũne, riojo gotigũ ñaja mũ. Masa ñajedirore riojo gotigũ ñaja mũ. To bajiro yigũ mũ ñajare, mũ tũoĩasere ajirũaja yũa. ²² ¿Roma macagũ uju, César, gãjoa manire ĩ vaja yirotisere mani vaja yijama, quēnacõarõari? ¿Dios ĩ rotimasirere cudimena yirãjarique mani, ĩre mani vaja yijama? —Jesũre yisēniãaboayujarã ĩna.

²³⁻²⁴ Jesũjũama, “Rojose yũre yirũarã, to bajise yũre sēniãatoama ĩna”, yimasicõañuju. To bajiri, ado bajiro ĩnare gotiyuju:

—Gãjoatii cojotii yũre ĩoña mũa.

To ĩ yijare, gãjoatii ãmiadi, ĩre ĩoñujarã ĩna. Gãjoatiire ĩacõari, ado bajiro ĩnare sēniãañuju Jesús:

—¿Ñimũ rioga tuyati? ¿Ñimũ vãme tuyati? —ĩnare yiyuju Jesús.

To ĩ yirone,

—Roma macagũ Uju César vãme cutigũ rioga tuyaja. To yicõari, ĩ vãme tuyaja ti —Jesũre yicũdiyujarã ĩna.

²⁵ To ĩna yijare, ado bajise yiyuju Jesús:

—To bajiri aditiire ĩacõari, “César yatii ñaja”, yimasiaja mani. Ujarã manire ĩna vaja yirotijama, ĩnare vaja yiroti ñaja, manire. To bajirone bajiaja Diore quēne. “Dios sũori bajiaja” mani yimasijama, “Yũa cũose ti ñaboajaquēne, ti rãca mũ bojarore bajiro yirũarãja”, Diore ĩre yiroti ñaja, manire —ĩnare yiyuju Jesús.

²⁶ To bajiro ĩ yisere ajicõari, no yimasibesujarã ĩna, to bajise quēnaro ñagõgũre ajibetirũgũriarã ñari. To bajiri, ĩre sēniãatũjacõañujarã yuja. Jesús rojose ĩ yibetijare, ĩna ujuere ocasãmasibesujarã ĩna.

“¿Bajirearãma, tudicaticoanajari?”, Jesũre ĩna yisēniãatore (Mt 22.23-33; Mr 12.18-27)

²⁷⁻²⁸ To bajicõari, saduceo masa quēne sīgũri ejayujarã, Jesũre sēniãatorã. “Masa ĩna rijato bero, ĩna usũri ĩna rujũri ñaro cõrone quēna tudicatimenama” yirã ñañujarã saduceo masa. Ado bajiro ĩre sēniãañujarã:

—Ajiya, gotimasiomasũ. Moisés ñamasir'i ado bajiro ĩ yiuacũmasire ti ñajare, mũre sēniãarã vabũ yũa. Ado bajiro yimasiñuju Moisés: “Sīgũ, manajo cutiboa, rĩa magũne ĩ bajiro-cajama, ĩ gagũ manajo ñariore manajo cutirũcũmi ĩ bedijũa. To bajiri ĩ rãca ñacõari, so macũ cutijama, ĩ gagũ macũ ñarũcũmi”,

yimasiñuju Moisés. ²⁹ Sīgũ rĩa cojomo cõro, jua jēnitarirãcu ãmna ñaboacama. Sīgõrene manajo cãtiboacama ñna. Ñasũogũ sore manajo cãtisũoboacami. Rĩa magũne rijacoacami ï. ³⁰⁻³¹ Ì rijato bero, gãji ï bedi vasoaboacami. Ì quẽne rĩa magũne rijacoacami. Ì bederã quẽne, to bajirone sore manajo cãtiboacama. Rĩa manane, rijajedicoacama ñna quẽne. ³² So manajũna ñna rijajediro bero, so quẽne rijacoacamo yuja. ³³ To bajiri bajireacõari, quẽna ñna tudicatijama, ¿ñimũjua ñaguĩda so manajũ masu ñarocũma, ñna ñaro cõrone sore ñna manajo cãticato bero? —Jesũre yisēniãtoyujarã ñna.

³⁴⁻³⁵ To ñna yirone, ado bajiro cãdiyuju Jesũs:

—Bajireariarã, “Quẽnarã ñaama” Dios ï yĩarã, quẽna tudicatiro bero, manajo cãtire, manajũ cãtire quẽne manĩũaroja. ³⁶ Tudirijabetirona ñari, to bajiro bajirũarãma. Õ vecajũ ángel mesare bajiro bajirã ñarũarãma. To bajicõari, ï sũorine tudicatiriarã ñari, Dios rĩa ñarũarãma —ñnare yicãdiyuju Jesũs. ³⁷ —¿“Masa ñna bajirearo bero, ñna usũri caticõaroja” yirere ñabeticatique mũa? ¿Yucũyoa ãjũriyoa vatoajũ Dios Moisére ï ñagõmasirere ñabeticatique? Dios masune ado bajiro gotimasiñumi ï oca masa ñna ucamasire rãca: “Mũa ñicũa ñamasiriarã Abraham, Isaac, Jacob, ñna rũcũbũo vadimasicacũne ñaja yũ”, yigotimasiñumi Dios. ³⁸ Masa bajireariarã ñna usũri ti caticõa ñabetijama, to bajise yibetimasiborimi. Bajireariarã, quẽna tudicatirãjua ñna rũcũbũogũ ñagũmi. Masa ñna usũri ti caticõa ñabetiboajaquẽne, “Diore rũcũbũogã ñarãma”, yimasiña maja. “Ñna usũri ti caticõa ñajare, bajireariarã ñaboarine, Diore rũcũbũocõa ñarãma”, yire ñaja —ñnare yiyuju Jesũs.

³⁹⁻⁴⁰ To ï yise ñajare, saduceo masa, ïre sēniãrēmobesujarã, ïre gũirã ñari. To bajiri, ado bajiro Jesũre yiyujarã sīgũri, Dios ï rotimasire gotimasiorimasajũama:

—Gotimasiorimasũ, quẽnaro cãdiaja mũa —ïre yiyujarã ñna.

“*Rotimũorũgõrũcũmi*’ yigũ, Dios ï cõarocũ, ¿ñimũ ñarũcũmi, yitũoĩati mũa?” *Jesũs ï yisēniãre queti*

(Mt 22.41-46; Mr 12.35-37)

⁴¹⁻⁴³ To bajiro ïre ñna yiboajaquẽne, ado bajiro masare gotiyuju Jesũs:

—“*Rotimũorũgõrũcũmi*’ yigũ, Dios ï cõarocũ, masũ ñarũcũmi. Õjũ David ñamasir’i jãnamine ñarũcũmi” yise ñaja. To bajiro mũa yitũoĩaboajaquẽne, Diore yigure bajiro, “yũ ãjũ”, yimasiñujari Õjũ David ñamasir’i, ï jãnami ï ñaboajaquẽne, ado bajise ï yiucajama:

“Yũ ãjũre ado bajiro yirũcũmi Dios: ‘Yũ riojojocatũa rujiya maji. Mũre ñaterãre, “Rojose yitũjaya” ñnare yũ yiro bero,

rojose yimasibetiruarāma yuja. To cōrone rotisurocsuja mu' yirucami Dios, yu ujure", yucamasiñumi David.

44 To bajiri, " 'Rotimurogōrcumi' yigu, Dios i cōarocu, David ñamasiri' i jānami ñarucumi" yucamasire ti ñaboajaquēne, ĩno yigu i ujure bajiro bajigutique? —Īnare yiyuju Jesús.

"Rojose tāmuroarāma Dios i rotimasire gotimasiorimasa", Jesús i yire queti

(Mt 23.1-36; Mr 12.38-40; Lc 11.37-54)

45-46 To bajiro Īnare yigajanocōari, masa ĩna ajjediro, ado bajiro i buerimasare gotiyuju Jesús:

—Dios i rotimasire gotimasiorimasare bajiro bajibeja muama. Dios i rotimasire gotimasiorimasa, sudiro yoaquēnariase sãñacōari, masa ĩna ĩaro rĭjoro vacudi variquēnarāma ĩna. To yicōari, jājarā masa ĩna rējarūgūrijaurire ejarūgūrāma. Gãji ĩnare i bocajama, rūcubuose rāca ĩnare i sēnisere ajivariquēnarāma. Dios ocare ĩna buerivirijure quēne ñamasuri cūmurorire rujivariquēnarāma. Boserāmari ti ñajaquēne, ĩna bajama, ñamasuri cūmurorire rujivariquēnarāma ĩna. 47 Manajua rijaveoriarā ya virire ēmarā ñaboarine, masa ĩna ĩaro rĭjorojua, " 'Quēnaro yirā ñaama' yūiāto" yirā, yoaro Diore sēnirā yaja, yisocarūgūboarāma ĩna. To bajiro ĩna yise vaja, gājerā rojorā, rojose ĩna tāmuose rētoro rojose tāmuroarāma ĩna —Īnare yiyuju Jesús.

21

Manaju rijaveorio maioro bajigo ñaboarine, gãjoa so sãre queti
(Mr 12.41-44)

1 Diore yirucuboriaviju ñacōari, gãjoa jairā gãjoa sãriajujure gãjoa ĩna sãñasere ĩañuju Jesús. 2 To ĩna yīñarone, sīgō, manaju rijaveorio, gãjoatii juatiine so sāsere ĩañuju. Mojoroaca vaja cutitiiri ñañuju ti. 3 Tire so sãro ĩacōari, ado bajiro i buerimasare gotiyuju Jesús:

—Riojo muare gotiaja yu. Adio maioro bajigo, gājerā rētoro sãmo so. 4 Gãjoa jairā ĩna sãboajaquēne, jairo ruyacōaroja ĩnarema. Soma, so cūose ñaro cōroacane sãcōamo —Īnare yiyuju Jesús.

"Diore yirucuboriavire jud'io masa me ñarā caguero-cacōaruarāma", Jesús i yire queti

(Mt 24.1-2; Mr 13.1-2)

5-6 Diore yirucuboriavire ĩacōari, sīgūri i buerimasa ado bajiro Jesúsre ĩre yiyujarā:

—Quēnarivi ñaja. Gūta quēnase rāca quēnaro quēnoñuma ĩna. Diore rūcuborā ĩna cūre quēne quēnase ñaja —Jesúsre ĩre yiyujarā ĩna.

To bajiro ĩna yisere ajicōari, ado bajiro gotiyuju Jesús:

—Adi vi mua ĩarivi ñaro cõrone cague vėjajedicoaruaroja. To bajiri adi viaye gajea gũta joere jesabetiruaroja —ĩnare yiyuju Jesús.

“Macarucuro ti jediroto rĩjoro ado bajiro bajiruaroja”, Jesús ĩ yire queti

(Mt 24.3-28; Mr 13.3-23)

⁷ Ado bajiro Jesúre ĩre sēniñañujarã ĩna:

—¿Divato cagueroca ecoroti Diore yirucuburiavi? ¿No bajiro ti bajiro ĩacõari, “Jesús ejaguagu yigumi”, yimasirãti yua? ¿No bajiro ti bajiro ĩacõari, “Adi macarucuro jediato yaja”, yimasirãti yua? —Jesúre yisēniñañujarã ĩna.

⁸ To bajiro ĩna yisere ajicõari, ado bajiro ĩnare cudiyuju Jesús:

—Roori ñaruarãja mua, “Socarãne, gãjerã manire yitoroma” yirã. Jãjarã yitorã ñaruarãma, “Yune ñaja ‘Rotimorãgõrucumi’ yigu, Dios ĩ cõagũ” yirã. To yicõari, “Adi macarucuro ti jediroti cõñaja”, yitoruarãma. To bajiro ĩna yiboajaquẽne, ĩnare ajitirũbetiruarãja mua. ⁹ To bajicõari, mua tuana to yicõari, gajeroana quẽne gãjerã rãca ĩna gãmerã siasere ajiruarãja mua. Tire ajicõari, güibetiruarãja mua. “Bajiruaroja” Dios ĩ yiriarore bajirone bajiruaroja. To bajiro ĩna gãmerã yiñaboajaquẽne, adi macarucuro jediro me bajiruaroja.

¹⁰ Cojo sitana, gaje sitana rãca gãmerã sjaruarãma. ¹¹ Buto sita saberuaroja. To yicõari, cojo maca me ñioñaruarõja. To bajicõari, cojo sita me gajeye rojose cõarucumi Dios, “Rojose tãmuoato masa” yigu. Vecajure ĩaĩñañamani güiose Dios ĩ yĩose ñaruarõja.

¹² To bajiro ti bajiroto rĩjoro, mũare ñejecõari, rojose mũare yiruarãma masa. Dios ocare ĩna bueriviju ujarã rĩjorojua mũare juaácõari, mũare goti yitoruarãma ĩna. To yicõari, mũare tubiberuarãma. Yũ ocare mua gotimasiojare, macari ujarã rĩjorojua mũare juaaruarãma ĩna. To yi vanane, ujarã ñamasurã rĩjorojua mũare juaejaruarãma ĩna. ¹³ To bajiro mũare ĩna yijare, yũ oca quẽnasere ĩnare gotiruarãja mua. ¹⁴ Mũare ñejecõari, ujarã rĩjorojua mũare ĩna juaároto rĩjoro, “¿No bajiro ñagõrãti yua?”, yitũõiarejaibetiruarãja mua. ¹⁵ Mũa ñagõrotiju ti ejaro, “Ado bajiro ñagõroti ñaja”, yimasiruarãja. Mũa ñagõjama, mua masise rãca me ñagõruarãja. Yũ masise rãca ñagõruarãja. Yũ masise mũare yũ cõajare, mua ñagõsere ajicõari, “Socarã yaja mua”, mũare yibetiruarãma mũare ĩaterã —ĩnare yiyuju Jesús. ¹⁶ —Mũa jacua, mua bederã, mua yarã, mua rãcana quẽne, mũare ĩsirearuarãma ĩna. To bajiro ĩna yijare, sãecoruarãja mua sīgũri. ¹⁷ Yũre ajitirũnrã mua ñajare, mũare ĩateruarãma jãjarã masa. ¹⁸ To bajiro mũare ĩna yiboajaquẽne, ñie mũare godocutiruaroja. Dios ĩ ejarẽmose rãca ĩ tũju ejacõari, quẽnaro

ñacõa ñarũgũrũarãja mũa. ¹⁹ Yũre mũa ajitirũnũ tũjabetijama, to bajirone bajirũarãja mũa.

²⁰ Jerusalén macajũre surara ñna gãnibiasere mũa ñajama, “Jerusalén maca ti jedirotirũmũ cõñaro bajiaja”, yimasirũarãja mũa. ²¹⁻²² Jerusalén maca jedirotire Dios oca masa ñna ucamasire ti gotirote bajiro bajirũaroja. Rojose tãmũoriarũmũri ñarũaroja. To bajiroti ti ñajare, Jerusalén maca tũana, Judea sitana, Jerusalén macajũ rudibeticõato ñna. Gũtayucũjũajũ guaro rudicoajaro ñna. Jerusalén macana quẽne, guaro rudicoajaro ñna. ²³ To bajiro bajirirũmũre bũto rojose tãmũorũarãma masa, ñ bojasere ñna yibetire Dios ñ ñajũnisinjare. Rõmia macũ sãñarã, ũjurã cũorã quẽne, rojose tãmũorũarãma ñna, ũmatĩmabetica yirã. ²⁴ Sĩgũrire jasĩarũarãma jud'io masa me ñarã. Gãjerãre, sĩaecomenare ñnare ñejebatecoarũarãma, gajerorijũ. To yicõari, ñna ye sita cũorũarãma jud'io masa me ñarã, “To cõrone rotitũjarũarãma” Dios ñ yitũoĩariarũmũ ti ejaroto rĩjoro.

“Dios ñ roticõacacũ tudiejarũcũja yũ”, Jesús ñ yire queti (Mt 24.29-35, 42-44; Mr 13.24-37)

²⁵ Jud'io masa me ñarã ñna rotirirodo jedirijau, muiju ãmũagu, to yicõari, ñamiagu quẽne, ñocõa quẽne, bũto gũiose bajĩorũarãma. Tire ñagũirũarãma adi macarũcũroana ñajediro. Moa riaga bũto jacase saberũaroja. To bajiro ti bũsire ajigũicõari, no yimasibetirũarãma ñna. ²⁶ Ő vecayere nũũobatorũcũmi Dios. To bajiro ti bajiro ñacõari, “Adi macarũcũro jediato yaja” yitũoĩacõari, bũto gũirũarãma ñna. Sĩgũri ñamecũ vanane, rijavẽjarũarãma ñna. ²⁷ To bajicõari, yũ masise rãca, bũto bususe rãca, oco bueri vatoajũ adi macarũcũrojũre Dios ñ roticõacacũ yũ rujiadire ñarũarãma ñna. ²⁸ To bajiri, adi gũiose ti bajisũorore ñacõari, tũoĩatutuarũarãja mũa. Tũoĩatutuaõari, ñamũorũarãja mũa, “Yucũacane rojose tãmũotũjabetiriarõjũ mani vaborotire manire yirẽtobosaguagũ yigũmi Dios” yimasirã ñari –Ñnare yigotiyuju Jesús, ñ buerãre.

²⁹ To yigajanocõari, gotimasiore queti gotiyuju quẽna:

–Yucũre tũoĩãña mũa. ³⁰ Yucã gajecu bũcũamũjacõari, jũ mameaja. Tire ñacõari, “Mojeroaca rũyaja cũma ti ejaroti”, yimasiaja mani, jud'io masa. ³¹ Tire bajiro mũare yũ gotise ti bajisere ñacõari, “Mojeroaca rũyaja Diore rotibosagũ, Jesús ñ vadiroti”, yimasirũarãja mũa.

³² Riojo mũare gotiaja yũ. Adirodo ñarã mũa bajireajediroto rĩjoro, mũare yũ gotirote bajirone bajirũaroja ti.^t ³³ Adi macarũcũro ñaro cõrone, to yicõari, õ vecaye quẽne

^t **21:32** Griego masa ye rãca “esta raza” yiroma, judío mesare yiro yaja. To bajicõari, “esta generación” ti yijama, adirodo ñarãre yiro yaja.

jedicoaruroja. To bajiboarine, yu ocama, jedibeti mhorũgõcõaruroja.

³⁴ To bajiri yu vadirotire masiritibesa. Idire mecuse idimecõari, yure mua masiritijama, quẽnabetoja. To bajicõari, gajeyeũni mua cuse, to yicõari, gajeye mua cuorna tuoĩasere bato tuoĩarã ñari, yure mua masiritijama, quẽnabetoja. ³⁵ “To cõrone ejarucumi” jãjarã masa ña yimasibetirĩmarone, tudiejarucija yu. To yu bajijare, masa ñajediro yure rudimasibetiruarãma ña. ³⁶ To bajiro bajiro ti ñajare, roori ñaruarãja mua. To bajicõari, ado bajiro Diore sãnirũgũuarãja mua: “ ‘Dios ñ roticõacacu ñ tudivadiroto rĩjoro, rojose tãmuroti ti ñaboajaquẽne, ñre ajitirũnu tujabeticõari, õ vecaju ñ rĩjorojua bojonemenane ejato’ yigu, yure ejarẽmoña”, ñre yisãnirũgũuarãja mua — ñnare yigotiyuju Jesús.

³⁷ Tocãrãcarũmarine Diore yirũcũbũoriaviju masare gotimasiorũgũñuju Jesús. Ñamirema ñnare vaveocõari, Olivo vãme cuti buroju cãnirũgũñuju. ³⁸ Quẽna busuriju jãjarã masa ñre ajirã sãjarũgũñujarã ña, Diore yirũcũbũoriaviju.

22

“¿No bajiro yicõari, Jesúre ñiarãti mani, ñre sãruarã?”, ñna yire (Mt 26.1-5, 14-16; Mr 14.1-2, 10-11; Jn 11.45-53)

¹ Pascua boserũmu pan ñmato vauvase vnoyamani basũoriarũmu cõñañuju. ² To bajicõari, paia ujarã, Dios ñ rotimasire gotimasiorimasa quẽne, Jesúre sãruarã, masare gũirã ñari, “¿No bajiro yicõari, ñre ñiarãti mani?”, gãmerã yĩngõñañujarã ña.

³ To ña yitũoĩañatoyene, Judas Iscariote vãme cutigu rãca ñarã ñajediro Jesús buerimasa, juaãmo cõro, gũbo jua jẽnituarirãcu ñañujarã. To bajiboagure, ñ usũjure sãjacoasuju vãtia uju, Satanás vãme cutigu. ⁴ To bajiri, ñ usũju vãtia uju ñ sãjare, ñ sũorine rojose tuoĩacõari, paia ujarã, Diore yirũcũbũoriavi coderã ña ñarõjure vacoasuju Judas. ñna tũju ejacõari, Jesúre ñ ñsirocarotire gãmerã ñngõñujarã ña. ⁵ Jesúre ñ ñsirocaruasere ajivariquẽnacõari,

—Gãjoa mũre ñsiruarãja yua —ñre yiyujarã. ⁶ To ña yisere ajivariquẽnacõari, tudicoasuju Judas. Jesús tũjure ejacõari, “¿Dirĩmaro ñnone Jesúre ñnare yu ñsijama, josari mene ñre ñiamasirojari ñna?”, yitũoĩañuju ñ.

Jesús ñ batũsare queti

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pascua boserũmu pan ñmato vauvase vnoyamani basũoriarũmu, to yicõari, oveja macũre ña sãriarũmu ejayuju ti. ⁸ To bajiri Pedrore, Juanre ado bajiro ñnare yicõañuju Jesús:

—Adi ñami bare mani barotire quēnoyurã vasa mña —Īnare yicōañuju.

⁹ To bajiro ĩ yisere ajicōari,

—¿Nojm bare quēnoyurãti yña? —Īre yisēniñañujarã ĩna.

¹⁰⁻¹¹ To bajiro ĩna yisēniñarone, ado bajirone ĩnare cūdiyuju Jesús:

—Yñre quēnaro ajiya mña. Macajm mñare yñ gotigu ture vasa mña. To mña ejarone, sīgũ, oco vagm mñare bocarucami. Īre sñyaja mña. To bajicōari, vi ĩ sãjarone, ti vi ñjñre ado bajiro ĩre yiba: “¿Nojm ñati Pascua boserũmñ adi ñami yñ buerimasare yñ ũmato barotijau?” mñre yicōami gotimasiorimasu”, yiba mña. ¹² To mña yirone, mñare ĩorucami, vesañña sōa, jairisōa, quēnogajanoriasōare. Tone mani baroti quēnoyuba mña —Īnare yiyuju Jesús, ĩnare varotigñ.

¹³ To ĩ yijare, vacoasujarã ĩna jñarã yuja. To eja, ĩ yiri-arore bajirone bajiyuju ti. To bajiri tisōajm ĩna barotire quēnoyuyujarã ĩna.

¹⁴ To bajiri Pascua boserũmñaye bare bariajm ti ejaro, ĩ buerimasa jñaãmo cōro, gñbo jña jēnituarirãcñ ñarã ejacōari, barujiyujarã ĩna, ĩ rãca. ¹⁵ To bajiñarãne, ĩnare ũmato bagñagñe, ado bajiro ĩnare gotiyuju Jesús:

—Rojose yñ tãmñoroto rñjoro, mña rãca Pascua boserũmñ bare bato barña tñoñacajm yñ. ¹⁶ Dios ĩ roticōacacñ ñari, mñare yñ ũmato baro bero, quēna tudibabetirucñja. To bajiboarine, adi macarucñrojm yñ tudivado berojm yñre roticōacacñ ĩ ñarojñre tudi mña rãca quēnaro bavariquēnarucñja yñ, rojose tãmñoboriarãre yñ yirētobosarã rãca —ĩ buerimasare ĩnare yiyuju Jesús.

¹⁷ To yigajano, idiriabaja ãmicōari,

—Quēnaro yaja mñ —Diore yiyuju.

To yicōari, tibaja ĩnare ĩsigñe, ado bajiro yiyuju ĩ:

—Mña jediro adire idiya. ¹⁸ Riojo mñare gotiaja yñ. “Rotimñorũgñrñcñja mñ” yigñ, Dios yñre ĩ cñroto rñjoro, ñye oco idibetirucñja yñ —Īnare yiyuju.

¹⁹ To yigajanocōari, pan ãmicōari, “Quēnaja”, Diore yiyuju Jesús. To yigajano, tire mñtocōari, ĩ buerimasare ĩsibatogñe, ado bajiro ĩnare gotiyuju ĩ:

—Ti ñaja yñ rujm rii. Mñare rijabosarucñja yñ. Yñ rijato bero, mñare yñ rijabosare tñoñacōari, yñre rñcñbñorã, ado bajirone rējacōari, barũgñrñarãja —Īnare yigotiyuju ĩ.

²⁰ To yicōari, bare ĩna baro bero, ñye oco sãñaribajare ãmicōari, ado bajiro ĩnare gotiyuju Jesús quēna:

—Adi ñaja tirũmñana, “Rojose mani yirere masirioato” yirã, Diore rñcñbñoriajm joere ĩna yuejeoriarore bajiro bajise. Yucñrema, yñ ri'ñ ñaja. Ti sñorine, “Gajerodori ado

bajiro masare quēnaro yirucija yu” Dios i yigotimasiriarore bajiro bajiruaroja yuja. Yu rijato bero, mware yu rjabosare tuoīacōari, yure rucubuoṛā, ado bajirone rējacōari, idirūgūruarāja –īnare yiyuju Jesús.

21-22 To yigajano, ado bajiro īnare gotiyuju quēna:

–Dios i tuoīariarore bajiro rojose tāmuroṛucija yu, Dios i roticōacacu. To bajiro bajirocu yu űajare, sigū mwa rācagu, yu rāca bagu, yure īaterāre yure īsirocarucumi. Yure i gotiyirose suorine rojose tāmuroṛucija yu. “Masare yirētobosarucumi” Dios i yimasire űajare, tirotire yigu bajirucija yuma. To bajiboarine, yure gotiyirogujama, rojose tāmuroṛucumi –īnare yigotiyuju Jesús, i buerimasare.

23 To bajiro i yisere ajicōari,

–¿Nimujua űati, īre īsirocarocuma? –īna masune gāmerā yisēniāñujarā īna.

“¿Nimujua űagūti űamasugūma?”, Jesús buerimasa īna gāmerā yire queti

24 To bajiro gāmerā yigajanocōari,

–¿Nimujua űagūti űamasugūma? –gāmerā yi oca josayujarā īna. 25 To bajiro īna yijare, ado bajiro īnare gotiyuju Jesús:

–Ujarā, Dios yarā me űarā, īna yarāre buto tutuaro rotirāma īna. To bajiro yirā īna űaboajaquēne, “Masare quēnaro yirā űaama”, yīarucubuoṛe űaja. 26 Mwaama, yu yarā űari, īnare bajiro bajibetiruarāja. Yure ajitirūnugū, űamasugū űarucumi, gājerā bedire bajiro bajituoīagū. To bajiro yu yijama, “Gājerā īna bojasere masicōari, quēnaro īnare yirucubuoṛu űarucumi” yigu yaja yu. 27 ¿Nijua rētoro űamasugū űarojari, rotigujua, rotiecoṛujua? Moarotigu űagūmi űamasugūma. To bajiro ti bajiboajaquēne, yujua, mwa cu űaboarine mwa bojasere masicōari, quēnaro mware yigu űaja yu.

28 Rojose tāmoadicaju yu. To bajiro bajigu yu űaboajaquēne, yure ajitirūnucōa űaja mwa. 29-30 To bajiro bajirā mwa űajare, ado bajiro quēnaro mware yirucija yu: “Rotimuroṛugōṛucija mwa” yigu, yu jacu yure i cūroju, “Rotiruarāja mwa quēne” yigu, mware cūrucija yu quēne. To cōrone juāāmo cōro, cojo gubo juā jēnituario űariaserire rujiruarāja mwa. To yicōari, mani yarā, jud'io masa, juāāmo cōro, cojo gubo juā jēnituarirācu űarā masatubuarire rotiruarāja mwa. Yure ajitirūnurenāre, to yicōari, yure ajitirūnūmenare īacōīamasiruarāja. To yicōari, yu rāca bare ba, idi yīīnarūgūruarāja mwa –īnare yiyuju Jesús.

“Jesúre masibeaja yu' yirucija mwa”, Pedrore Jesús i yire queti (Mt 26.31-35; Mr 14.27-31; Jn 13.36-38)

31 To yigajanocōari, i bueṛe Pedrore ado bajiro gotiyuju Jesús:

—Quēnaro yure ajiya mua. Vātia uju, “¿Jesúre ajitirūnarā masu ñati ñna?” yīlaru, rojose ñnare cōaruaja yu”, Diore yisēñiñañuju ī, mware. To bajiro ī yijama, “Rojose ñnare yu cōajama, Jesúre ajitirūnu tujacoanama ñna” yigu, yiyuju ī, tire. ³² To bajiro Diore ī yiboajaquēne, Diore mure sēnibosabu yu, “Yure ajitirūnubetiboarine, quēna yure ajitirūnūato ī” yigu. To bajiri yure ajitirūnubetiboarine, quēna yure mū ajitirūnuro bero, gājerā yu buerā ñarāre ejarēmoma, quēnaro yure ñna ajitirūnucōa ñarūgūrotire yigu —Pedrore ĩre yiyuju Jesús.

³³ To bajiro ĩre ī yisere ajicōari, ado bajiro Jesúre ĩre yiyuju Pedro:

—Mure ñna tubibeboajaquēne, mure ñna sīacōajaquēne, mū rāca ñacōa ñagū ñari, sīacomasiaja yu quēne —Jesúre ĩre yiyuju Pedro.

³⁴ To ī yisere ajicōari, ado bajiro ĩre cūdiyuju Jesús:

—Riojo mure gotiaja yu. Busiyujua gājabocu ī ñagōroto rījoro idiaji, “Jesúre masibeaja; ī rācagu me ñaja yu”, yirucuja mū —Pedrore ĩre yiyuju ī.

³⁵ To yigajanocōari, ī buerimasare ado bajiro ñnare sēñiñañuju Jesús:

—¿Mua cūosere, mua barere, gajeye gūbo sudire quēne tire mware juarotibeticōari, “Juarāri, vacōari, yu ocare gotibosacudiaya” yigu, mware yu yirotiñocotirāmure ñie mware godocūocati? —ñnare yisēñiñañuju.

—Yure godo cūobeticaju —yicūdiyujarā ñna.

³⁶ To bajiro ñna yicūdisere ajicōari, ado bajiro ñnare gotiyuju Jesús:

—Yucurema mua cūosere, mua barere, to yicōari, mua gājoare quēne juaya. Jariase cūobecu, sudiro yoariase, ī gūboju tūsariasere ĩsicōari, jariasere vaja yiya. ³⁷ Masa rojose yure ñna yirotire quēnaro mua tūoñamasirotire yigu, to bajise mware yaja yu. Ado bajiro yure gotiyuja Dios oca masa ñna ucamasire: “Rojorāre ñnare ñna yirore bajiro ĩre yiruarāma, rojose ī tāmūrotire yirā”, yure yigotiyuja ti. Diore gotirētobosarimasa, “Ado bajiro bajiruarōja” ñna yiucamasire ñajare, to bajiro yure yiruarāma. Ñajediro ñna ucamasirere bajirone bajijeocōaruaroja yure —ñnare yiyuju Jesús.

³⁸ To bajiro ñnare ī yisere ajimasibeticōari, ado bajiro ĩre yiyujarā ñna, ī buerā:

—Yua uju, ĩañna mū. Adone juajāi, jariase cūoaja yua —yiyujarā ñna.

To bajiro ñna yijare,

—To bajiro masu yimenaja mani —ñnare yicūdiyuju Jesús yuja.

Getseman'i vāme cūtoju veseju, Jesús ĭ jacure ĭ sēnigū vare
(Mt 26.36-46; Mr 14.32-42)

³⁹ To yigajanocōari, Jerusalén vāme cūti macaju űar'i, Olivo vāme cūti buroju ĭ buerimasare ĭ ũmato varŭgŭriarore bajirone ĩnare ũmato vasuju Jesús. ⁴⁰ Toju ejacōari, ado bajiro ĩnare gotiyuju Jesús:

—Vātia ũju Satanás ĭ yirotisere yicōari, “Dios ĭ bojabetire yirobe” yirā, Diore sēniña —ĩnare yiyuju Jesús.

⁴¹⁻⁴² To bajiro ĩnare yicōa, ĭ sīgūne to sojubusa vasuju ĩ. ĩacōarine űagū, gŭsomuniari tuetucōari, ado bajiro Diore sēniñuju ĩ:

—Cacu, yŭre ĩna sĭaroti matamasiaja mŭ. To bajiboarine, mŭ bojarore bajirone bajiato —Diore yiyuju.

⁴³ To bajiro ĩre yigajanorone, ángel Diore moabosagu ruyuyuju ĩ. Ruyucōari, “Dios ĭ bojarore bajiro yicōa űato” yigu, Jesúre ejarēmoñuju ĩ. ⁴⁴ To ĩ yiro bero, rojose ĭ tāmurotore tuoĭa sutiritigu űari, butobusa Dios ĭ ejarēmorotire sēnitujabesuju Jesús. To bajiro bajiñagū rĭne, buto rĭ'i rāca vŭsase ũsaca budicōari, “tapi, tapi, tapi” yivĕjareacŭñuju ti, sita joejŭre.

⁴⁵ Diore sēnigajano, vŭmŭrŭgŭcōari, ĭ buerā tŭ tudiejayuju. ĩ gotirere buto tuoĭasutiriticodeboa, cānicosujarā. ⁴⁶ ĩna tŭ ejacōari,

—Cānibesa mŭa. Vŭmŭrŭgŭcōari, Diore sēniña, “Vātia ũju Satanás ĭ yirotisere yicōari, Dios ĭ bojabetire yirobe” yirā — ĩnare yiyuju Jesús.

Jesúre ĩna űiare queti

(Mt 26.47-56; Mr 14.43-50; Jn 18.2-11)

⁴⁷ To bajiro Jesús ĩnare ĩ gotiñarirĭmarone, jājarā masa vayujarā ĩna. ĩnare ũmato vagŭ, Judas Iscariote vāme cutigu, Jesús buerimasŭ űar'ine űañuju ĩ. To bajivadi, Jesús rĭjorojŭa ejacōari, socŭne ĩre buto ĩamaigŭre bajiro ĩre usugŭagu yiyuju. ⁴⁸ To ĩ yirone, ado bajiro ĩre gotiyuju Jesús:

—Judas, ¿Dios ĭ roticōacacure yŭre sĭaronare, “To bajiro usugotigŭsa”, yitŭoĭaboati mŭ? —ĩre yiyuju Jesús.

⁴⁹ To bajiro ĩ yirone, Jesúre ĩna űiarŭaro ĩamasicōari,

—Yŭa ũju, ¿jariase rāca ĩnare jasurereacōarāti yŭa? — yisēniñañujarā ĩna, ĩ buerā.

⁵⁰ To yisēniñarāne, sīgū ĩ buegu, ĩ jariase yoveaāmicōari, paia ũju űamasugŭre moabosarimasŭre gāmoro jatarocacōañuju.

⁵¹ To ĩ yisere ĩacōari, ado bajiro ĩre yiyuju Jesús:

—Yĭbesa mŭa —ĩnare yiyuju Jesús, ĩ buerāre.

To yicōari, gāmoro jataroca ecogŭjŭare ĩ gāmorore āmitucōari, űariarore bajirone yiquēnocōañuju Jesús. ⁵² To yicōari, ĩre

ñiaruarãre, paia ujarãre, Diore yirũcũbũoriavi coderimasare, to yicõari, bũcũrãre quẽne, ado bajiro ñnare yiyuju Jesús:

—¿No yirã gajeyeũni juarudirimasũre ñnarãre bajiro jariaseri rãca, yucũ rãca yũre ñnarã vadiati mũa? ⁵³ Tocãrãcarũmũrine Diore yirũcũbũoriavijũ mũa ñaro gotimasiorũgũmũ yũ. To bajiboarine yũre ñiabetirũgũmũ mũa maji. Yucũrema Dios ñ tũoĩacatore bajirone bajirũaroja. To bajiri, Satanás sũorine rojose mũa bojarore bajiro yimasirũarãja mũa yuja —ñnare yiyuju Jesús.

“Jesũre masibeaja yũ”, Pedro ñyire queti

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ To bajiro ñ yirone, Jesũre ñiacõari, paia uju ñamasugũ tũju ñre ãmiasujarã. Toju ejacõari, sãjasujarã ñna. Ñre ñna ãmivato, sõju yayĩiasũyayuju Pedro. ⁵⁵ To bajiri Jesũre ãmivariarã sĩgũri toju ejacõari, macajũ tũcuro gũdarecoju tujayujarã. Tone jea riocõari, rujiyujarã ñna, jea sũmañarã. To ñna bajiñarone, ejacõari, ñna rãca rujiyuju Pedro quẽne, jea sũmagũ. ⁵⁶ Jeame tũ rujigũ ñnari, quẽnaro ruuyuju ñ. To bajiro ñ bajijare, sĩgõ paia uju ñamasugũre moabosarimaso, jeame tũ ñ rujiro ñre ñamasicõari, —Jesũrãcagũne ñnaami —Pedrore yiyuju so.

⁵⁷ To bajiro so yisere ajicõari, ado bajiro sore yiyuju Pedro:

—Ñre masibeaja yũ —sore yiyuju.

⁵⁸ To ñ yiro beroaca, ñre ñacõari,

—¿Jesũrãcagũ ñabetiboati mũ? —Ñre yiyuju gãji.

To bajiro ñ yisere ajicõari,

—Ñ me ñaja yũ —yiyuju ñjuama.

⁵⁹ Cojo hora bero, gãji, Pedro ñ ñagõsere ajicõari, ñ babarãre ado bajiro yiyuju:

—Jesũrãcagũne ñnaami, Galilea sitagũ ñnari —yiyuju ñ.

⁶⁰ To bajiro ñre ñ yisere ajicõari, ado bajiro yiyuju Pedro:

—“Riojo yaja mũ”, mũre yimasibeaja yũ. Jesũre masibeaja —Ñre yiyuju Pedro.

To bajiro ñ yirirĩmarone, gãjabocũ ñagõcõañuju yuja. ⁶¹ Ñ ñagõrone, Jesús, judarũgũcõari, Pedrore ñañuju ñ. Ñ judarũgũ ñarone, Jesús ñre ñ gotirere masibũjayuju Pedro yuja, “Gãjabocũ ñ ñagõroto rĩjoro, idiaji, ‘Jesũre ajisũyagũ me ñaja yũ’ yirũcũja mũ” Jesús ñ yirere. ⁶² Tire masibũjacõari, vacoasuju. Vacõari, bũto otiyuju.

Jesũre ñna ajatud'ire queti

(Mt 26.67-68; Mr 14.65)

⁶³ To bajiri, Jesũre ñacoderimasa, ñre jacõari, ajatud'yujarã ñna.

⁶⁴ Ñ cajere siabibecõari, ñre jayujarã. To yicõari,

—“ Ñ, mũre jaami’ yũre yigotiami Dios”, yũare yiya mũ — Jesũre ñre yisẽniña tud'yujarã ñna.

65 To yicōari, cojo vāme me ĩre yiajatud'iyujarā ĩna.

Jud'io masa ɥjarā ñamasurā, “¿Dios macɥne ñati mɥ?”, *Jesúre ĩna yisēniāre queti*

(Mt 26.59-66; Mr 14.55-64; Jn 18.19-24)

66-67 Busuro bero, paia ɥjarā quēne, to yicōari, Dios ĩ ro-timasire gotimasiorimasa quēne, Jesús tare rējañujarā ĩna. Rējacōari, ĩre āmiasujarā ĩna, ɥjarā ñamasurā tujare. Tojɥ ejačōari, ado bajiro Jesúre yiyujarā ĩna:

—“Rotimɥorŭgōrɥɥɥmi” yigɥ, Dios ĩ cōagŭ mɥ ñajama, yɥare gotiya —Jesúre ĩre yiyujarā ĩna.

To bajiro ĩre ĩna yisere ajicōari, ado bajiro cɥdiyujɥ Jesús:

—“Īne ñaja yɥ” yɥ yijama, yɥare ajirɥamenaja mɥa. 68 Yɥjɥa, yɥ sēniāajama, yɥre cɥdimenaja mɥa —Īnare yiyujɥ Jesús. 69 To yigajanocōari, ado bajiro ĩnare gotiyujɥ quēna:

—Yɥ bajiro tire masibeticōari, to bajiro yare yaja mɥa. Dios ĩ roticōacacɥ ñari, yoaro mene ĩ riojojacatɥa rujicōari mɥare yɥ besero ĩarɥarāja mɥa —yiyujɥ Jesús.

70 To bajiro ĩ yisere ajicōari,

—¿“Dios macɥne ñaja yɥ” yigɥ yati mɥ? —Īre yisēniāñujarā ĩna jediro.

To bajiro ĩna yisere ajicōari,

—To bajirone bajaiaja. Īne ñaja yɥ —Īnare yicɥdiyujɥ ĩ yuja.

71 To bajiro ĩ yisere ajicōari, ado bajiro gāmerā ñagōñujarā ĩna:

—“Dios ĩ cōacacɥ, ĩ macɥ ñaja yɥ” ĩ yise sɥorine Diore rojose yigɥ yami. No yirā gājerāre, “Rojose yigɥ ñaami” yironare macarēmomenaja mani yuja —gāmerā yiyujarā ĩna.

23

Pilato tɥjɥ Jesúre ĩna āmiejare queti

(Mt 27.1-2, 11-14; Mr 15.1-5; Jn 18.28-38)

1-2 To yigajanocōari, Jesúre ĩre āmiasujarā ĩna jediro, Pilato vāme cutigɥ ya vijɥ vana. Ī tujɥ ĩre āmiejacōari, ado bajiro Jesúre gotiyiroyujarā ĩna:

—Ānire bujabɥ yɥa. Ado bajiro yimi: “Ūjɥ Césare gājoa mɥare ĩ vaja yirotisere mɥa vaja yijama, quēnabeaja. To yicōari, ‘Rotimɥorŭgōrɥɥɥmi’ yigɥ, Dios ĩ cōagŭ ñaja yɥ”, yimi —Jesúre ĩre yigotiyiroyujarā ĩna.

3 To bajiro ĩna yise ñajare, ado bajiro Jesúre sēniāñujɥ Pilato:

—¿Mɥne ñati jud'io masa ɥjɥ? —Īre yiyujɥ Pilato.

To bajiro ĩ yisere ajicōari, ado bajiro ĩre cɥdiyujɥ Jesús:

—To bajirone bajaiaja —Īre yiyujɥ Jesús.

4 To ĩ yirone, paia ɥjarāre, to yicōari, jājarā masa to ñarāre quēne ado bajiro ĩnare yiyujɥ Pilato:

—Yũ ñajama, ñie rojose yigũ me ñaami —ñinare yiboayuju Pilato.

⁵ To bajiro ñi yiboajaquẽne, bũto avasãñujarã ñina:

—Galilea sitajũre gotimasiosũoyumi. Bero, Judea sitana ñajedirore gotibatomavisioami —ĩre yiyujarã ñina.

Herodes tũjũ Jesũre ñina ãmiejare queti

⁶⁻⁷ To bajiro ñina yisere ajicõari, ado bajiro ñinare sẽnĩñañuju Pilato:

—¿Ñani, Jesús Galileagu ñati? —ñinare yisẽnĩñañuju ñi.

To ñi yirone,

—Toagũne ñaami —yicũdiyujarã ñina.

To bajiro ñina yijare,

—Ujũ Herodes ya sitagu ñi ñajare, Herodejũ ñie ñacõĩato —ñinare yiyuju Pilato.

Tirũmũre Jerusalenjũne ñañuju Herodes quẽne, Pilato ñi ñarimacane. To bajiri tire masicõari, Herodes tũjũ Jesũre cõañuju Pilato. ⁸ To bajiri, Jesús ñi ejaro, ñie ñacõari, bũto variquẽñañuju Herodes, bũto ñie ñarũarũgũr'i ñari. Yoaro ñie ñarũaboayuju. Jesús ñi yirere ajirũgũr'i ñari, ñi ñaro rĩjorojũ quẽne, ñañamani Jesús ñi yĩosere bũto ñarũayuju ñi. ⁹ To bajiro yigũ ñari, yoaro Jesũre sẽnĩñañuju ñi. To bajiro ñi yiboajaquẽne, ñie cũdibesuju Jesús. ¹⁰ Paia ujarã, Dios ñi rotimasire gotimasiorimasa bũto rojose avasãgotiyiro ñañujarã ñina. ¹¹ To bajiri, Jesús ñi cũdibeti ñaboana, ñie ajatud'iyujarã Herodes, ñi surara quẽne. To yigajanocõari, quẽnariase sudiro Jesũre sãcõari, ñie tũocõañujarã, Pilato tũjũre quẽna. ¹² Tirũmũne Herodes, Pilato rãca gãmerã oca quẽnoñujarã ñina, gãmerã ñateboariarã.

“Jesũre sĩaroti ñaja”, ñina yire queti

(Mt 27.15-26; Mr 15.6-15; Jn 18.39-19.16)

¹³ ñi tũjũ Jesũre ñi tũocõajare, paia ujarãre, masa ujarãre to yicõari, masa to ñarãre quẽne jirẽoñuju Pilato. ¹⁴ ñina ejaro, ado bajiro yiyuju ñi:

—“Ujũ César ñi rotisere cũdibesa mũa' yigotimavisioami” yirã, jẽjũ ñnire yũ tũjũ ñmiejabu mũa. To bajiro mũa yise ñajare, mũa ajiro ñie quẽnaro sẽnĩñaboabu yũ. Yũ ñajama, ñie rojose yibecu ñaami. ¹⁵ Herodes quẽne, “Ñie rojose yibecu ñaami” yigũ ñari, yũ tũjũ ñie tũocõañumi. “Ñie rojose ñi yiro cõro ñie sĩaña manoja”, yaja yũ. ¹⁶ To bajiri ñie bajegajanocõari, bucõarũarãma yũ surara —ñinare yigotiboayuju Pilato, to rẽjariarãre.

¹⁷ Tocãrãca cãma Pascua boserũmũ jud'io masa ñina quẽnojama, sĩgũ, tubibe ecor'ire ñina burotigũre ñinare bubosarũgũñuju Pilato.

¹⁸ To bajiri, “Jesũre ñie bucõarũcũja yũ” ñi yisere ajicõari, ado bajiro Pilatore avasãjedicõañujarã masa:

—¡Bajibeticōato! ¡Barrabájuaare bucōari, Jesújuare sīarotiya mu!
—yivasā jedicōañujarā ĩna.

¹⁹ Barrabás vāme cutigu, “Gobierno ĩ rotiboasere cūdibeticōari, mani masu rotirāsa” yituoīacōari, ĩ babarā rāca masare sīar'i ñañuju. To bajiro ĩ yire vaja tubiberiavijū ñañuju ĩ.

²⁰ To ĩna yiro bero, quēna ado bajiro gāme tudisēniñañuju Pilato. To bajiro ĩna yivasā ñaboajaquēne, Jesúre bucōaru, quēna ĩ budirotire sēniñaboayuju Pilato. ²¹ To bajiro ĩ yirone,

—¡Yucátēroju ĩre jaju sīaroticōaña mu! ¡ĩre jajutuya! —ĩre yivasā cūdiyujarā ĩna.

²² To bajiro ĩna yirone, jēre juaji ĩnare ĩ gotiboasere gotiboayuju ĩ quēna:

—¿Ñie rojose ĩ yire suori ĩre sīarotiguti yu? ĩre quēnaro sēniñamu yu. Yu ĩajama, ñie rojose yibecu ñaami. To bajiri, ĩre bajegajanocōari, bucōaruarāma yu surara —ĩnare yigotiboayuju Pilato quēna.

²³ To ĩ yiboajaquēne, ĩna yiriarore bajiro, ĩre avasātujabesujarā ĩna, Jesúre sīaruarā. To bajiro ĩna yivasācōa ñajare, ĩna rotirore bajiro cūdigu, Barrabájuaare ĩre bucōañuju. ²⁴⁻²⁵ To yicōari, Jesújuarema ĩ yarā surarare ĩsiñuju, “Yucátēroju ĩre jajusiato ĩna” yigu.

Yucátēroju Jesúre ĩna jajusiare queti
(Mt 27.32-44; Mr 15.21-32; Jn 19.17-27)

²⁶ To bajiri Jesúre āmicoasujarā ĩna, ĩre sīarā vana. ĩre āmivanane, sīgū Cirene vāme cuti sitagu, Simón vāme cutigure bocayujarā. ĩre bocacōari,

—Jesús ĩ gaja vatijāire ĩre gajabosaya —ĩre yi vasujarā ĩna.

²⁷ Jājarā masa Jesúre suyayujarā ĩna. Rōmia quēne, ĩre suyacōari, otiyujarā ĩna. ²⁸ To bajiro ĩna otisere ajicōari, judarūgñuju Jesús. Judarūgūcōari, ado bajiro ĩnare gotiyuju ĩ:

—Mua Jerusalén macana rōmiri, yure otibesa. Mua bajirotire, to yicōari, mua rīa ĩna bajirotire tuoīacōari, otiya. ²⁹ No bojarirāmū ejaruaroja buto rojose mua tāmurorotirāmū. Tirūmure ado bajise tuoīaruarāja mua: “Rīa mana rōmiri rojose tāmuroā ñaboarine, buto sutiritibetiruarāma, ‘Bucurā rīne bajirearuarāja yua’ yituoīarā ñari”. ³⁰ To bajiri, “Josari rojosere tāmurobe; rojose mani yise vaja rojose manire cōaruacūmi Dios” yirā, guaro bajireadarotire yirā, “Gūtayucari yuare tājoreadaya”, yituoīaruarāma. ³¹ Yu yirore bajirone bajiruarāja mua. Ado bajiro yu gotisere ajituoīaña mua: “Ñie rojose yibecu

U 23:30 “ ‘Rojose ĩna yise suorine rojose ĩna tāmurorotire tuoīamecurā, gūtayucari, burori, yuare tooya’, yiruārāma’ yaja Ap 6.16-17. To bajiboarine Lc 23.30 gaje vāme yiruaro yaja”, yiyujarā Dios ocare buerētoburimasa sīgāri.

ñaami” yure yirã ñaboarine, yure rojose yama ñna. To bajiri, “Rojorã ñaama” mware yïarã ñari, rëtohusaro mware rojose yiruarãma ñna –ñnare yigotiyuju Jesús, ñre otisuyarãre.

32 To bajiri gãjerã jmarã rojose yiriarãre jua vasujarã, Jesúrãca, ñnare sïaruarã. 33 Ñnare jua va, Rujoco Buro vãme cuti buroju majaejayujarã. Toju Jesúre, to yicõari, rojorãre quëne, yucútëroriju jajutuyujarã ñna. Sïgüre Jesús riojojacatware, gãjirema ñ gãcojacatuarãre jajutuyayujarã. 34 Jesús ñre ñna jajuturo bero, ado bajiro Diore sëniñuju ñ:

–Cacu, yure sïarãre rojose ñna yisere masirioya mu. “Rojose yirã yirãja yua” yimasimenane yama ñna.

To bajiro ñ yiro bero, Jesús ye sudire bojarã, ado bajiro yiyujarã surara: “Ñimujua ñ sudire ñ ujarõ ñarãsa mani” yirã, gãtarine reacüña ajeñañujarã. To yiajecõari, ñ sudire gãmerã ñsibatoyujarã ñna. 35 Tire ñacõari, Jesúre ajatud'iyujarã masa. Ñna ujarã quëne, ado bajiro Jesúre ajatud'iyujarã ñna:

–Gãjerãre rijaye cutirãre catorügümi. To bajiri, “Rotimorügörucami” yigu, Dios ñ cõagü ñ ñajama, ñ masune rujiadimasiato –yiajatud'iyujarã ñna.

36-37 Surara quëne ñre ajatud'iyujarã ñna. ñ tujã ejacõari, uye oco jiasere Jesúre idirotiboyujarã. ñre idirotirãne, ado bajiro ñre ajatud'iyujarã ñna:

–Mu jud'io masa ujã mu ñajama, mu masune rujiaya –ñre yiajatud'iyujarã ñna.

38 Jesús ñ jaju ecoritërojare ñ rujoa vecare griego masa oca, romano masa oca, jud'io masa oca ñna ucaturia jüro tuyayuju. Ado bajise yirijüro ñañuju ti: “Ñni ñaami jud'io masa ujã”, yucare ñañuju.

39 To bajicõari, sïgü rojogu Jesúrãca yucútëroju jaju ecor'i ado bajiro ñre tud'iyuju ñ quëne, Jesúre:

–¿“Rotimorügörucami” yigu, Dios ñ cõagü me ñatique mu? ñ mu ñajama, rujiacõari, yware yirëtohosaya –ñre yitud'iyuju ñ quëne.

40 To bajiro ñ yisere ajicõari, gãjijuaama, ado bajiro ñre boca yiyuju ñ:

–Rojose mani yire sãori manirema jajutuama ñna. To bajiri, ¿Dios tujã ejacõari, rojose mu yise vaja rojose mware ñ yirotire güibeatique muma? 41 Manima, mani masu ye sãorine bajiaja. To bajiboarine, ñjuaama, ñie rojose yibecu ñaami –boca yiyuju.

42 To bajiro yigajanocõari, ado bajiro Jesújare gotiyuju ñ:

–Jesús, “Rotimorügörucami” yigu, mware cõar'i Dios ñ cüro bero, yure ñamaicõari, rojose yu yise vaja rojose tãmõtujabetiriaroju yu vaborotire yure yirëtohosaba –Jesúre yigotiyuju ñ.

43 To ĩ yisere ajicōari,

—Yure quēnaro ajiya m̄. Adir̄m̄ne yure ajitir̄n̄r̄ ĩna variquēna t̄jabetoju ȳ r̄ca ñar̄c̄ja m̄ —Īre yic̄diyuju Jesús.

Jesús ĩ us̄tadire queti

(Mt 27.45-56; Mr 15.33-41; Jn 19.28-30)

44-45 Jesúre ĩna jajus̄iar̄m̄ne, ūm̄recaji ñarone, r̄etiañuju yuja. Idia hora cōro r̄etiañañuju. Idia hora r̄etiat̄satone, Diore yir̄c̄b̄oriaviju sudigasero yotoriario vorujijedicoasuju ti. Tiase yotoriario, “ ‘Dios ĩ ñaris̄ōa’ v̄ame c̄ti s̄oare s̄ajamasibeama masa”, yimasiriario ñaboayuju. 46 To ti bajirone,

—ĭCac̄, ȳ us̄re m̄ t̄ju c̄ōaja ȳ! —Diore yivas̄a, us̄tadicoasuju ĩ yuja.

47 To bajiro ĩ bajijare, ado bajiro yiyuju surara ūj:

—Riojone bajiboayuja. Ñie rojose yigu me ñamasiboayumi āni —yiyuju ĩ.

48-49 J̄jar̄a masa ñañujar̄a, Jesúre ĩna s̄iarore ĩar̄a vadiriar̄a. Jesúre masir̄a quēne, Galilea sitana r̄ōmiri ĩre s̄uyaboariar̄a quēne, ĩre ĩna s̄iasere s̄ōju ĩar̄ḡōñujar̄a ĩna quēne. Tire ĩagajanoc̄ari, b̄to s̄atiritir̄ane tudijedicoasujar̄a ĩna.

Jesúre ĩna yujere queti

(Mt 27.57-61; Mr 15.42-47; Jn 19.38-42)

50 Arimatea macaḡ, José v̄ame c̄tiḡ ñañuju. Jud'io masa ūjar̄a r̄acaḡ, masa ĩna ĩar̄c̄b̄oḡ, quēnaro yigu ñañuju ĩ. To bajic̄ari, Diore quēnaro ajir̄c̄b̄oḡ, ĩ rotimasirere quēnaro c̄diḡ ñañuju. 51 Ūjar̄a Jesúre ĩna s̄iar̄asere bojabesuju ĩj̄ama. “ ‘Rotim̄or̄ḡōr̄c̄mi’ yigu, Dios ĩ c̄ōar'ĭ ñaami”, Jesúre yit̄oġaḡ ñañuju. 52 Jesús ruj̄ire āmir̄, Pilatore s̄ēniḡ vasuju ĩ. 53 Īre s̄ēnic̄ari, Jesús ruj̄ire āmirujic̄ari, sudij̄airi botirij̄airi r̄ca ĩre ḡūmañuju. To yigajanoc̄ari, masa yujeriavi ḡtavi ĩna quēnor̄iaviju ĩ ruj̄ire c̄ñuju. Ḡj̄er̄e yujeña manivi ñañuju ti vi. 54 Tir̄m̄j̄ama jud'io masa ĩna us̄s̄j̄ar̄m̄ r̄j̄oroagar̄m̄ r̄āiorotir̄m̄ r̄j̄oroaca ñañuju.^V

55 Jesúr̄cana r̄ōmiri, Galilea sitana vadimasiriar̄a r̄ōmiri Jesúre ĩre yujeroanare ĩas̄yayujar̄a ĩna. ĩnare s̄uya, eja, ĩna yujerivire ĩc̄ari, Jesús ruj̄ire ĩna c̄ūrore ĩañujar̄a ĩna.

56 ĩagajanoc̄ari, tudicoasujar̄a. Tudiejac̄ari, ĩna ñar̄iviju s̄atiquēnasere rijariar̄a r̄ca c̄ūre quēnoñujar̄a ĩna. To yigajanoc̄ari, us̄s̄j̄ar̄m̄ ti ejaro, Dios ĩ rotimasiriario bajiro us̄s̄j̄añujar̄a ĩna.

^V 23:54 “Us̄s̄j̄ar̄m̄re yir̄a, ĩna moatsariar̄m̄ r̄āioato bero ñas̄oaja”, yir̄ḡñujar̄a jud'io masa. To bajiri, quēnoveo jeoc̄ar̄ḡñujar̄a ĩna us̄s̄j̄ar̄otir̄m̄ ejaroto r̄j̄oro, tir̄m̄re “Moamenane us̄s̄j̄ac̄ōa ñar̄asa” yir̄a ñari.

24

*Jesús ĩ tudicature queti**(Mt 28.1-10; Mr 16.1-8; Jn 20.1-10)*

¹ Gaje semana ĩna moasuarĩmũ ti busumajado Jesús rujĩre ĩna yujerĩvire ĩarã vasujarã rĩmia, sutĩquĩnase ĩna quĩnorere, “Tuto mani” yirã. ² Ejacĩari, ĩna ĩajama, gũta tũnuobibeboaria mañuju. ³ To bajiri ti vi sãjacĩari, ĩaboayujarã ĩna. ĩ rujari mañuju. ⁴ To bajiro ti bajiro ĩacĩari, “¿No bajiro bajiyujari ti?” ĩna yitũĩarone, ĩna tũre ángel mesa jũarã ruyuarũgũcĩañujarã ĩna. Bũto yaase sudi sãĩnarã ñañujarã ĩna. ⁵ To bajiro ĩna bajirone, bũto gũĩrãne, gũsomuniari tuetucĩari, mureacũcoasujarã ĩna. To ĩna bajirone, ado bajiro ĩnare gotiyujarã ĩna, ángel mesa:

—¿No yirã rijariarã yujerĩaroju Jesũre macati mũa? ⁶ Maami adorema. Jĩre caticoami. Mũa rãca Galileaju ñagũ, ado bajiro mũare ĩ goticature tũĩañã mũa: ⁷ “Dios ĩ roticĩacacu, rojorãre ĩsiecũcũja yũ. Yũre jajutu sĩarũarãma ĩna. To bajiboarine yũre ĩna sĩaro bero, idiarũmũ tũsatirũmũne quĩna tudicaticũarũcũja yũ”, mũare yicami Jesús —ĩnare yigotiyujarã ĩna ángel mesa.

⁸⁻¹⁰ To bajiro Jesús ĩnare ĩ gotirere tũĩabũjacĩari, tudicoasujarã ĩna. Toju ñañujarã Jesús buerimasa jũaãmo cĩro, gũbo, coja jĩnituarĩrĩcũ ñarã, gãjerã ĩ rãca ñarã quĩne ñañujarã ĩna. To bajiri ĩna tũjare tudiejacoasujarã ĩna, rĩmia. Ado bajiro vãme cutĩrã ñañujarã ĩna: Mar'ia Magdalena vãme cutigo ñañuju so. Bero Juana, bero gajeo Mar'ia, Santiago jaco ñañuju so. To yicĩari, gãjerã quĩne ñañujarã ĩna. To bajiri Jesús buerimasa tũju ejacĩari, jediro ĩnare bajirere gotiyujarã ĩna. ¹¹ To bajiro ĩnare ĩna gotiboajaquĩne, ĩnare ajitĩrĩnũbesujarã Jesús buerimasa. “Mecũrã yama ĩna”, yitũĩañujarã ĩna.

¹² To bajiboarine, Pedrojũama, ĩna gotisere ajicĩari, ũmacoasuju ĩ. ũma vaejacĩari, sojeju mubiar'ĩ, ĩasĩñuju ĩ. Jesũre ĩna gũmaboare rĩne ñañuju ti. Tire ĩacĩari, “¿No bajiro bajicĩari, bajiyujari ti?” yitũĩarejaigũne, tudicoasuju ĩ.

Emaús vãme cuti macaju vanare Jesús ĩnare ĩ ruyuaĩore queti
(Mr 16.12-13)

¹³ Tĩrũmũne Jesũrãca ñariarã jũarã vasujarã ĩna, Emaús vãme cuti macaju vana. Jerusalĩnju ñacĩari, Emaús vãme cuti macajũre varia maa, once kilĩmetros ñañuju ti. ¹⁴ To vanane, Jesús ĩ bajirocarere gãmerã queti gotivasujarã ĩna. ¹⁵ To bajiro ĩna yi vatone, ĩnare ĩmũñuju Jesús. ¹⁶ ĩnare ĩ ĩmũboajaquĩne, “Jesũne ñaami”, yimasibesujarã, Dios, ĩre ĩna ĩamasiborotire ĩnare ĩ masĩriocĩajare. ¹⁷ To bajiri ĩ rãca vacĩa ñañujarã ĩna. To bajivacũne,

—¿Ñie ũni quetire gãmerã gotiati mua? —Jesús ñnare ï yisēniñarone, sutiritirãne, tujarũgũñujarã ñna.

18 To bajicõari, sīgũ, Cleofas vãme cõtigu ado bajiro Jesúre sēniñañuju ï:

—¿Mũma Jerusalénjũre vacudigu ñaboarine, adirũmũri bajiñasere masibeati mua? —Jesúre ñre yisēniñañuju ï.

19 To bajiro ï yisere ajicõari, ado bajiro ñre yiyuju Jesús:

—¿No bajiro bajise ũnire yigu yati mua? —Ñnare yisēniñañuju ï.

To bajiro ï yisere ajicõari, ado bajiro Jesúre ñre cãdiyujarã ñna:

—Jesús, Nazaret macagũre ñna yimasisere yaja yua. Ñma, Diore gotirẽtobosagu ñari, quẽnaro masare gotimasiocõari, ñañañamanire yĩlogũ ï ñajare, Dios, to yicõari masa jediro, “Quẽnagũ ñaami”, ñna yĩlagũ ñaboami. 20 To bajiro yigu ï ñaboajaquẽne, paia ujarã, mani ujarã rãca ñre sñaroticõamasiñuma ñna. Yucátẽroju ñre jajusñarotimasiñuma. 21 “Ñma, Israel sitanare, quẽnaro yua ñarotire yiejarẽmorocu ñagũmi”, yitũoĩamasiboabu yua. Ñre ñna sñamasirirũmu rãca mani cõñajama, idiarũmu tũsatirũmu ñaja. 22-24 “Ñ rujarire bajabeju yua”, yima. “To yua ñañarone, yũare ruyuaĩoma ángel mesa. Yũare ruyuaĩocõari, ‘Ñre tudicaticoami Jesús’”, ñnare yigotiyujarã ñna. “To bajiro yima” ñna yigotisere ajicõari, no yimasibetiboana, yua rãca ñarã, sīgũri ñarã vasuma ñna. Toju vaejacõari, rõmia ñna gotiriarore bajirone Jesús rujuari ti manore ñañujarã ñna quẽne — Jesúre yigotiyujarã ñna, Emaús vãme cãti macaju vana.

25 To bajiro ñna yisere ajicõari, ado bajiro ñnare yiyuju Jesús:

—Tũoĩamasimenare bajiro bajiaja mua. Diore gotirẽtobosarimasa ñamasiriarã “Rotimũorũgõrucumi” yigu, Dios ï cõarocu ï bajiro tire ñna ucamasire ti ñaboajaquẽne, “Riojo gotiriarãma”, yitũoĩabeaja mua maji. 26 “ ‘Rotimũorũgõrucumi’ yigu, Dios ï cõarocu, ï rotiroto rñjoro, rojose tãtũorucumi”, yucamasiñuma ñna jediro —ñnare yiyuju Jesús.

27 To yigajanocõari, “Rotimũorũgõrucumi” yigu, Dios ï cõarocu ï bajiro tire Moisés ï ucamasirere, gãjerã ñajediro Diore gotirẽtobosamasiriarã ñna ucamasirere quẽne ñnare gotirẽtobuyuju ï.

28 To bajiro ñnare goti vacũ rñne, ñna vati macare ejacõari, ñna tujaro ũnone Jesújuama, rẽtoarocũre bajiro bajiyuju. 29 To ï bajiboajaquẽne, ñre rẽtoarotibesujarã ñna.

—Vabesa mua. Adone yua rãca tujaya. Rãioato bajiaja —ñre yiyujarã.

To bajiro ñre ñna yijare, ñna ya vijũ ñna rãca sãjasuju ï. 30 Ñna sãjaejacõari bero, ñna rãca barujigũne, pan ñmicõari, “Quẽnaja”, Diore yigotiyuju Jesús. To yigajanocõari, panre matocõari, ñnare ñsibatoyuju ï. 31 To ï yirone, ñre ñna ñamasirõtire cõañuju Dios.

Īre ĩna ĩamasirirĩmarone, yayicōa tujasuju Jesús. ³² To ĩ bajirone, ado bajiro gāmerā yiyujarā ĩna:

—Manire ēmucōari, quēnaro ĩ gotirĩtu vadisere ajivariquēnamu mani. To bajiri, “Jesúne ĩnaami”, yĩamasiroti ĩnaboabu ti —gāmerā yiyujarā ĩna.

³³ To yĩnarāne, Jerusalénju tudicoasujarā ĩna, Jesús buerimasa, ĩaāmo cōro, gūbo coja jēnituarirācu ĩnarā, to yicōari gājerā ĩna rācana quēne ĩna ĩnaroju. ³⁴ To bajiri, ĩna tudiejaro ĩacōari, ado bajiro ĩnare gotiyujarā ĩna:

—Mani uju tudicaticoasumi. Pedrore ruyuañoñuju ĩ —ĩnare yigotiyujarā ĩna.

³⁵ To bajiro ĩna yigotigajanorone, Jesúrāca ĩna vare quetire, to yicōari, panre matocōari, ĩnare ĩ ĩsibatorone, ĩre ĩna ĩamasirere ĩnare gotiyujarā ĩna, Emaús maca variarāju.

*Ī buerā vatoajuere Jesús ĩ ruyuañore queti
(Mt 28.16-20; Mr 16.14-18; Jn 20.19-23)*

³⁶ To bajiro ĩna gotiñarone, ĩna vatoaju ruyuarūgūñuju Jesús. Ruyuarūgūcōari,

—¿Ñati muu? Quēnaro ĩñaña muu —ĩnare yiyuju ĩ.

³⁷ To bajiro ĩ yiejaro, ĩre ĩaucacōari, buto gūiyujarā ĩna. “¡Bajirocar'i vāti ĩnaami!”, yituoñagūiyujarā ĩna. ³⁸ To ĩna yigūisere ĩacōari, ado bajiro ĩnare yiyuju Jesús:

—¿No yirā yure ĩaucati? ¿No bajiro yirā, “Jesús me ĩnaami”, yituoñati muu? ³⁹ Yune ĩaja. Yu āmorire, yu gūborire, ĩna jajumasise godore ĩaĩasaque muu. Yure moaĩaña muu. Bajirocar'i vātima, gōa maami. Ri'i maami. Yuma ri'i cutijedicōaja yu. ĩaña muu —ĩnare yiyuju Jesús.

⁴⁰ To bajiro ĩnare yigotigajanocōari, ĩ āmorire, ĩ gūborire quēne ĩnare ĩoñuju ĩ. ⁴¹ To bajiro ĩnare ĩ yiboajaquēne, “ĩne ĩ ĩajama, quēnamasucōaboroja”, ĩre yituoñacōa ĩñañujarā ĩna maji. To bajiro ĩre ĩna yituoñacōa ĩnjare, ado bajiro ĩnare yiyuju ĩ:

—¿Bare cuoati muu? —ĩnare yisēniñuju ĩ.

⁴² To bajiro ĩ yijare, vai sesoriajuria ĩre ĩsiñujarā ĩna. ⁴³ ĩre ĩna ĩsironne, ĩna ĩaro rĩjorojuu bayuju ĩ. ⁴⁴ Tire bagajanocōari, ado bajiro ĩnare gotiyuju:

—Yu bajirocaroto rĩjorojuu yu bajirotire muare goticaju yu. Moisés ĩ ucamasire, to yicōari, Diore gotirētobosarimasa ĩnamasiriarā Salmo ĩna ucamasire quēne yu bajirotirene yimasiñuma —ĩnare yigotiyuju Jesús.

⁴⁵ To bajiro ĩnare yigoticōari, Dios oca masa ĩna ucamasirere ĩna ajimasirotire ĩnare ujoyuju ĩ. ⁴⁶ To yigajanocōari, ado bajiro ĩnare gotimasioñuju ĩ:

—Ado bajiro yu bajirotire gotiaja Dios oca masa ĩna ucamasire: “‘Rotimūorūgōrūcūmi’ yigū, Dios ĩ cōarocu

bajirocacoarḡcḡmi. Bajirocaboarine, ĩ bajirocaro bero, idiarḡmḡ tḡsatirḡmḡne tudicaticoarḡcḡmi. ⁴⁷ ĩ tudicatiro bero, Jerusalén macanare gotimasiorḡarḡma. ĩnare ĩna gotimasioro bero, adi macarḡcḡro ḡarḡ jedirore ado bajiro gotimasiorḡarḡma: ‘Rojose mḡa yisere tḡoġasḡtiriticḡari, yitḡjaya mḡa. To bajiro mḡa yijama, rojose mḡa yise vaja mḡare Cristo ĩ vaja yibosare ḡajare, rojose mḡa yisere masirio variquēnarḡcḡmi Dios’ yigotimasiorḡarḡma”, yigotiaja ti, Dios oca masa ĩna ucamasire. ⁴⁸ Mḡama, to bajiro yḡ bajisere ĩarḡ ḡari, “Riojone ḡaja. To bajirone bajicajḡ”, gḡjerḡre yigotimasirḡarḡja mḡa. ⁴⁹ Dios ĩ yicatore bajirone mḡa rḡca ḡarocḡre Esp’iritu Santore mḡare cḡarḡcḡja yḡ. To bajiri, adi macane Jerusalénne yuḡarḡarḡja mḡa maji. Esp’iritu Santo rujiejacḡari, Dios ĩ masisere mḡare ḡjorḡcḡmi. To bajiro ĩ yiro bero, yḡ ocare goticudirḡ varḡarḡja mḡa –ĩnare yigotiyuju Jesús.

Dios ĩ ḡarojḡ Jesús ĩ mḡjare queti

(Mr 16.19-20)

⁵⁰ To bajiro ĩnare ĩ yiro bero, Betania vḡme cḡti maca tḡjḡ ĩ buerimasare ũmato vasuju ĩ. Tojḡ ejacḡari, ĩ ḡmori ḡumḡori, –Quēnaro mḡare yato Dios –yiyuju ĩ.

⁵¹ To bajiro ĩnare ĩ yḡḡarone, ĩ ḡarojḡ ĩre ḡmimḡjacoasuju Dios. ⁵² Dios ĩre ĩ ḡmimḡjatone, muqueacḡari, Jesúre rḡcḡbḡoyujarḡ ĩna. To yigajanocḡari, Jerusalénjḡ quēnaro variquēnarḡ tudicoasujarḡ ĩna yuja. ⁵³ Tudiejacḡari, tocḡrḡcarḡmḡri Diore yirḡcḡbḡoriavijḡ sḡjacḡari, “Quēnaro yaja mḡ”, ĩre yivariquēnarḡḡḡḡjarḡ ĩna.

To cḡro ḡaja.

Evangelio según SAN JUAN

¹ Dios macu Jesucristo suorine Diore masiama masa. Rẽmojuene jere ñie manojurene ñacõamasifũju Jesús, i jacu rãcane. Jesúne, Dios ñacoadimasifũju. ² Macarucuro, õ vecayere quẽne, tire Dios i rujeoroto rĩjoroju jere i rãcane ñacõamasifũju i macu. ³ Macarucurore, õ vecayere quẽne ñajediro i macu suorine tire rujeomasifũju Dios. I macu i manone Dios i rujeoroti maniboriaroja. ⁴ Mani rijato berojuma, “Tudirijabeticõato” yigu, Dios i catisere isigũ, ñacoadimasifũju Dios macu. I jacu i catisere i macu i isise suorine Diorãca quẽnaro ñaama masa, ire masirã yuja. ⁵ Diore ajimenajuma, rojose yirã ñari, “Riojo ñamasusere masiaja yuma”, yituoõaboarãma. To bajiro yirã ñaboarine, “Diorãca quẽnaro ñato” yigu, Jesucristo i isisere masa jediro ña ajibetirotire yirã, yimasinena Diore ajiterã.

⁶⁻⁷ Sīgũ ñacami Juan vãme cutigu. Masare, “Rojose yiruabeaja yua. I suorine Diorãca quẽnaro ñaja yua” yirãre oco rãca ñare bautizagu ñacami. Ire goti rĩjoro cutirotiyumi Dios, i macu i bajiroti quetire. I bajiroti quetire ajicõari, “To bajiro masu bajigu ñagũmi” i macure masa jediro ña yituoõarotire bojagu ñari, to bajiro ire goti rĩjoro cutirotiyumi Dios. ⁸⁻⁹ Riojo ñamasuse Juan i gotimasiocatima i masune tũõiaquẽnocõari, i goticati me ñacaju ti. Dios macu adi macarucurojũre ejacacu yejua ñacaju ti, riojo ñamasuse Juan i gotimasiocati. “Rojose mani tãmõborotire manire yirẽtobosarocu ñaami” Dios macure masa ña yituoõarotire yigu, ire goti rĩjoro cutirimasu ñacami Juanma.

¹⁰ Jesúma, adi macarucurojũre manire bajiro ruju cuticõari i ruyaroto rĩjorojuene jere ñacõañuju i. I suorine adi macarucurore Dios i rujeomasire ti ñaboajaquẽne, ire ñacõari, “Ñni, Dios macu ñaami”, ire yimasibeticama ña, adi macarucuroana masa. ¹¹ Jud'io masa, “Yu rĩa ñaja tua” Dios i yigoticũboariarã taju manire bajiro ruju cuticõari, ña rãca i ñarũgũboajaquẽne, ire ñatecama ña. ¹² Ire ña ñateboajaquẽne, sīgũri ire yua ajitirũnjare, “Yu rĩa ñaja tua”, yuare yĩañumi Dios. ¹³ “Jud'io masa ñari, Dios rĩa ñaja yua”, yimasiña manija. Gãjerã masa quẽne, to bajiro yimasibeama. To yicõari, “Mani masune mani tũõise suorine Dios rĩa ñaja mani”, yimasiña manija. Ado bajirojua bajiaja: “ ‘Yu rĩa ñaja tua’ i yĩamajare, i rĩa ñacoaju”, yirejua ñaja.

14 Dios macu manire bajiro ruju cuticōari, yua rāca bajiñarūgūcami. Yuaare ĩamaicōari, quēnaro yirūgūcami. To yicōari, Dios yere gotigu, riojo gotimasiorūgūcami. “Ī ñacami Dios macu. Sīgūne ñagū, ĩ jacure bajiro ñamasugū ñacami”, ĩre yimasiaja yua, ĩre ĩacana. 15 ĩrene goticami Juan vāme cutigu, masare oco rāca bautizarimasu. Jesús ĩ ejarone, ado bajiro masare goticami:

—Ānine ñaami m̄are yu goti r̄joro cutiguma. Ī bajirotire gotigu, ado bajiro m̄are yigotiadicaju yu: “Yu bero sīgū ejarucami. Yu r̄jorojune j̄ere ñacōañumi. To bajigu ĩ ñajare, yu r̄etoro ñamasugū ñaami ĩma” m̄are yigotiadicaju yu —yicami Juan, Jesús ĩ bajirotire gotigu.

16 Masare maimasucōagū ñari, mani ñajedirorene quēnaro manire yirūgūami Dios macu. 17 Moisés ñamasir'i s̄orine masare Dios ĩ rotimasirere masire ñaja. Jesucristo s̄orine Dios manire ĩ maisejuaema masire ñaja. Ī ocare quēne, riojo ñamasusere, Jesucristo s̄orine tire masire ñaja. 18 Nijwane Diore ĩre ĩagū magūmi. To bajiboarine ĩ macu sīgūne ñagū, ĩ jacu rācagu ñari, ĩ jacure bajirone t̄oñagū ñari, ĩ jacu ĩ bajisere riojo manire gotimasiocami.

Juan vāme cutigu, masare oco rāca bautizarimasu, Jesucristo ĩ goti r̄joro cutibosare queti

(Mt 3.11-12; Mr 1.7-8; Lc 3.15-17)

19 To bajiri paiare, ĩnare ejarēmōrāre quēne cōañuma ĩna ujarā, Jerusalén macana. “¿Ñimū ñati m̄?” masare oco rāca bautizagure Juanre ĩre yisēniñama” yirā, ĩnare cōañuma. 20 To bajiro ĩre ĩna yisēniñasere ajicōari, ado bajiro ĩnare yicadicami Juan:

—Yuma, masa rojose ĩna tām̄oborotire ĩnare yir̄etobosacōari, “Rotim̄orūgōrucami” yigu, Dios ĩ cōagū me ñaja yu —ĩnare yicami Juan.

21 To bajiro ĩ yirone, ĩre sēniñaquēnocama ĩna:

—¿Ñimū ūgūjua ñatique m̄, to yijama? ¿El'ias, Diore gotir̄etobosamasir'i, gāme tudicaticōari, bajiatique m̄? —ĩre yisēniñacama.

—Ī me ñaja yu —yicōacami quēna.

To bajiro ĩ yirone, ĩre sēniñacama quēna:

—¿Mune ñatique Diore ĩre gotir̄etobosarimasu, “Ejarucami” ĩna yigu? —Juanre yisēniñacama.

—Ī me ñaja yu —yicōacami quēna.

22 To bajiro ĩ yise ñajare:

—¿Ñimū ūgūjua ñati m̄? —ĩre yicama ĩna. —Yuaare sēniaroticōarāre, “Ī ñaami”, ĩnare yigotir̄uaja yua. ¿Ñimū ūgū

ñaja yu, yatique mu, mu masune mu yijama? —İre yisēniñacama quēna, Juanre, masare oco rāca bautizagure.

²³ To bajiro İna yisere ajicōari, ado bajiro İnare yicudicami:

—Yune ñaja, yucá manojū masare gotimasiocudirügūgūma. Ado bajiro yigotirügūaja yu: “Mani ujū ejarucami. To bajiri rojose mua yisere yitujacōari quēnasejuare tuoİvasoaya, İre yurā”, yirügūaja yu. To bajiro yu yigotirotire jēre tirūmajune, “To bajiro yirucami İ”, yiuca rĭjoro cuticōamasiñumi Diore İre gotirētobosarimasu, Isa'ias ñamasir'i —yicudicami Juan, İre sēniñarāre.

²⁴ Fariseo masa İna cōariarā ñacama İna, Juanre sēniñacana.

²⁵ Quēna İre sēniñacama İna:

—To bajise yigu ñaboarine, Cristo me ñaboarine, El'ias ñamasir'i me ñaboarine, Diore gotirētobosarimasu “Ejarucami” İna yigu me ñaboarine, ¿no yigu oco rāca masare bautizatique mu? —Juanre yisēniñacama.

²⁶ To bajiro İna yisere ajicōari ado bajiro İnare yicudicami:

—Yuma, masa rojose İna yisere yitujacōari, Dios İbojasejuare yirāre oco rāca İnare bautizagu ñaja yu. To bajiboarine mani ñarigodoju jēre ñagūmi, “To ñagūmi” mua yimasibecu. ²⁷ Yu bero masare gotigu ñaboarine, yu rētoro ñamasugū ñagūmi İma. Ñamasurā rĭne İre yibosamasiama, ñamasugū masu İ ñajare —İnare yicudicami Juan.

²⁸ To bajiri, adi ñajediro bajicaju Betania vāme cuti macaju. Ti maca ñacaju Juan, masare oco rāca İ bautizacatiya Jordán vāme cutirisa gajejacatujaju.

²⁹ Gajerūmu, yua taju Jesús İ vadone İre İacami Juan vāme cutigu, masare oco rāca bautizarimasu. İre İacōari ado bajiro masare yigoticami:

—İaña mua yuja. İne ñaami Dios yu, oveja macure bajiro masare rijabosarocu. No bojarāre “Rojose yu yise vaja yure rijabosayumi” İre yironare rojose İna yise vaja İnare rijabosarocu. ³⁰ İ yirotirene goti rĭjoro cutigu ado bajiro muare yigoticaju yu: “Masa İna İaro rĭjorojuu yu gotimasioro bero gotimasiorucami gāji” muare yicaju yu. “Yu rĭjorojuune jēre ñacoayumi İma. To bajiri yu rētoro ñamasugū ñaami” muare yicaju yu. ³¹ Yu quēne, “İ ñagūmi” yimasibeticaju yu maji. To bajiboarine, “İne ñagūmi ‘Rotimorügōrucami’ yigu, Dios İ cōar'i” mani yİamasirotire bojagu ñari, oco rāca masare bautizadicaju yu —yure yicami Juan.

³²⁻³⁴ Quēna gajeje ado bajiro yure yigoticami:

—İre İaboarine, “İne ñagūmi ‘Rotimorügōrucami’ yigu, Dios İ cōar'i”, yimasibeticaju yu maji. To bajiboarine Dios ado bajiro yure yi ocaruyucami İ, “Masare oco rāca bautizarucuja mu” yure yi ocaruyucōari: “Yu cōagū, Esp'iritu Santo, bujare bajigu

rujadićōari, ĩ joere rocajeorucami. Īne ñarucami, ‘Rojose ĩna yisere quēnaro masicōari, tūoĭavasoatĭmato ĩna’ yigū, Esp’iritu Santore cōarocu”, yare yi ocaruyucami Dios. To bajiro yare ĩ yicatore bajirone ĩamū yū yuja. To bajiri, “Dios macū ñaami”, yimasiaja yū yuja —yigoticami Juan, yare gotigū.

Jesúre ĩre ajisuyasūoriarā queti

³⁵ Gajerūmū oco rāca masare ĩ bautizacatojū ñacami Juan quēna. Ī rāca ñacajū yua, juarā, ĩ buerā. ³⁶ To yua ñaro, Jesús ĩ rētoato ĩre ĩacōari, ado bajiro yare goticami Juan:

—Īaña. Īne ñaami Dios yū, oveja macure bajiro masare rijabosarocu —yare yicami Juan.

³⁷ To bajiro Juan ĩ yisere ajicōari, Jesúre ĩre suyacajū yua yuja.

³⁸ To ĩre yua suyatone, judarūgū ĩacōari,

—¿Ñiere bojarā bajiati mūa? —yare yisēniĭacami.

To bajiro ĩ yisēniĭarone:

—Gotimasiorimasū, ¿noju ñari mū ñaro? —ĩre yisēniĭacajū yua.

³⁹ To bajiro ĩre yua yirone,

—Īarā vayá —yare yicūdicami.

To bajiro ĩ yijare, ĩre suyaejacoacajū yua, ĩ ñarojare. Muiju ĩ rocasāroto rĭjoro ejacajū yua, tojare. To bajiri ĩ rāca bajiña, tojune cānicoacajū yua yuja.

⁴⁰ Juan vāme cutigū, masare oco rāca bautizarimasū ĩ gotisere ajicōari, yū rāca Jesúre ĩre suyacacū ñacami Andrés. Simón Pedro vāme cutigū bedi ñacami. ⁴¹ Jesúre ĩre ĩamasicōari, guaro ĩ gagū Simónre ĩre jigū vacoacami. ĩre bujacōari ado bajiro ĩre gotiyuju:

—“Rotimūorūgōrūcami” yigū, Dios ĩ cōagū, Cristo mani yitūoĭayuarūgūgūre ĩamū yū yuja —ĩre yiyuju Andrés.

⁴² To bajiro ĩre yi, yua cutojūa ĩre jicoayumi Andrés. Simónre ĩre ĩacōari, ado bajiro ĩre yicami Jesús:

—Simón ñaja mū, Jonás macū. To bajiboarine Pedro vāme cutirūcūja mū yuja —Simónre ĩre yicami Jesús. (Gūta yire ũni ñaja ti, “Pedro” yire.)

⁴³ Gajerūmū Galilea vāme cuti sitajare yare ũmato vacami Jesús. To bajiri tojare ejacōari, Felipe vāme cutigure ĩre bujacami yuja. ĩre bujacōari, ado bajiro ĩre yicami Jesús:

—Yū rāca vayá. Yare ajitirūnū suyaya mū —ĩre yicami.

⁴⁴ Betsaida vāme cuti macagū ñacami Felipe. Ti macanane ñacama Pedro, ĩ bedi Andrés quēne. ⁴⁵ Jesúre ĩamasicōari, Natanael vāme cutigure ĩre gotigū vacoacami Felipe. ĩre bujacōari, ado bajiro ĩre gotiyuju ĩ:

—“Bajirūcami” Moisés ñamasir'i ĩ yucomasir'ire ĩamū yū yuja. Diore ĩre gotirētobosarimasa quēne, “To bajirūcami” ĩna yucomasir'ire ĩamū yū yuja. ĩ ñaami Nazaret vāme cuti macagū,

Jesús vāme cutigu, José vāme cutigu macu —Natanaelre ĩre yigotiyuju ĩ.

⁴⁶ To bajiro ĩ yirone,

—¿Īma Nazaret vāme cuti macagu ñaboarine, quēnagũ ñaguĩda? —Felipere ĩre yisēñiñaju Natanael.

—Vayá. ĩre ĩaĩatoque mani —ĩre yiyuju Felipejuma.

To bajise gāmerā yicōari, yua taju vadicoayuma ĩna yuja.

⁴⁷ Natanael ĩ vadore ĩacōari ado bajiro yicami Jesús:

—Ō tusagu, Israel ñamasir'i jānami Dios ĩ bojasere yigu vadiami. Masare yitogu me ñaami —yicami Jesús.

⁴⁸ To bajiro ĩ yirone,

—¿No bajiro yicōari yare ĩamasiasiati mu? —ĩre yicami Natanael.

To bajiro ĩ yirone,

—Felipe mure ĩ jiroto rĩjorojune higuera vāme cutiũ eñeroca mu ñarojune jēre mure ĩacōamu yu —ĩre yicami Jesús.

⁴⁹ To bajiro ĩ yisere ajicōari:

—Gotimasiomasu, Dios macu ñaja mu, yuare Israel ñamasir'i jānerabatiare rotimurugōrocũ —ĩre yicami Natanael.

⁵⁰ To bajiro ĩ yisere ajicōari ado bajiro ĩre yicadicami Jesús:

—“¿Higuera vāme cutiũ eñeroca mu ñarojune jēre mure ĩacōamu yu” mure yu yiserene ajicōari, “‘Rotimurugōrucami’ yigu, Dios ĩcōar'i ñaami”, yare yimasiasiati mu? Adi rētoro ĩaĩañamanire mure yĩorucaja yu —ĩre yicami Jesús.

⁵¹ Gajeye quēna ado bajiro yuare yicami Jesús:

—Ñamasusere riojo mure gotiaja yu: Ūmagasero soje ti jānarone, yu, Dios ĩ roticōacacure, to yicōari, Diore moabosarāre ĩna mujatore, ĩna rujiadore quēne ĩaruarāja mu —yuare yicami Jesús.

2

Caná vāme cuti maca ĩna āmosiare queti

¹ Juarāmu bero, Galilea sita Caná vāme cuti macajure sīgũ ĩ manajo cutirāmu boserāmu ñasucaju ti. Jesús jaco quēne ñacamo so, tojure. ² Jesúre, to yicōari, yua ĩ buerāre quēne, yuare jicama ĩna. To bajiro ĩna yicana ñari, yua quēne Jesúrcā ñacaju tojure. ³ Yua idiñaro rĩne uye oco jedicoajmu. To ti bajirone, ado bajiro Jesúre yicamo ĩ jaco:

—Uye oco jedicoajmu yuja —ĩre yicamo.

⁴ To so yirone,

—¿Caco, no yigo tire yure gotiati mu? Maji, ĩaĩañamani Dios ĩ masise rāca yu yĩoroti ejabeaja maji —sore yicami Jesús.

⁵ To bajiro ĩ yisere ajicōari ado bajiro ĩnare yicamo so, uye oco iorimasare:

—Ī rotirore bajiro yiya —ĩnare yicamo so.

⁶ Tore ñacaju oco varia soturi, gütane ña vearia soturi. Cojomo cõro, coja jënituario ñari soturi ñacaju ti. “Ado bajiro mani yijare, ‘Rojose mana ñaja mña’ manire yiñaami Dios” yirã ña coeri soturi, oco soturi ñacaju ti. Ti soturi cincuenta, to yicõari, setenta litros cõro juari soturi ñacaju. ⁷ To bajiri ado bajiro ñye oco iorimasare ñare yicami Jesús:

—Oco jiojũmũoña adi soturire —ñare yicami.

To bajiro ñ yisere ajicõari, ti soturi ñaro cõrone jiojũmũocama ña. ⁸ Ña jiojũmũogajanoro ñacõari, ado bajiro ñare yicami Jesús:

—Boserũmũ ùmato yirimasare mojoroaca vaãmi vati, ñre ioaya —ñare yicami Jesús.

Ñare ñ yirotiore bajirone iocama ña. ⁹ Tire ñ idiroto rĩjorojũne oco jëre ñye oco godovedicoasuja ti, ti sotũ ñaro cõrone. “Toaye ñye oco ñaroja”, yimasibeticami. Tire iorimasa rĩne masicama ña. Tire idicõari, mame manajo cõtirocare jicami boserũmũ ùmato yirimasũ. ¹⁰ Ñ ejarone, ado bajiro ñre yicami:

—Gãjerãma, ña boserũmũ yisũo vajama, quëñasejũare iosũocama. Jairo masa ña idiro berojũ, quëñabetibũsare iocama ña yuja. Mũma quëñasejũare rũayuja mũ, yucũaca ña ioserema —ñre yicami boserũmũ ùmato yirimasũ.

¹¹ To bajiro Jesús ñ yicati, ñaiañamanire Dios ñ masise rãca ñ yĩosũocati ñacaju ti Galilea sita, Caná vãme cõtĩ macajũre. Ñaiañamanire ñ yĩojama, “ ‘Rotimũorũgõrũcũami’ yigũ, Dios ñ cõacacũ ñaja yũ” yigũ yĩosũocami. To bajiro ñ yĩosere ñacõari, butobũsa ñre ajitirũñacajũ yũa, ñ buerã.

¹² Boserũmũ ti jediro bero, Capernaum vãme cõtĩ macajũ ùmato vacami Jesús. Ñ jaco, ñ bederã, to yicõari yũa ñ buerã quëne, ñ rãca vacajũ yũa. Yoarobũsa ñacajũ yũa, ti macajũre.

Diore yirũcũbũoriavijũ ñacõari, gajeyẽni ñsirivire bajiro ña yĩñajare, Jesús ñare ñ tud'iağõbure queti

(Mt 21.12-13; Mr 11.15-18; Lc 19.45-46)

¹³ Yũa jud'io masa Pascua boserũmũ yũa yirotirũmũri cõñaro Jerusalénjũ ejacajũ yũa, Jesũrãca. ¹⁴ Tojũ Diore yirũcũbũoriavijũ ta vecũa ñsirimasa, oveja ñsirimasa, buja ñsirimasa quëne ñacama. Gãjerã ye rãca gãjoa vasoarimasa quëne ña rujiri cũmurorijũ rujicama ña. ¹⁵ To bajiro ña yĩñasere ñacõari bajeriamare quënocami Jesús. To bajiro yicõari ña yarã ta vecũare, ovejare Diore yirũcũbũoriavijũ ñarãre ñare bajeãğõbucami. Gãjoa vasoarimasa ye gãjoatiirire varebatereacõacami. To yicõari ña gãjoa jeorijaũrere tucaguereacami. ¹⁶ To yicõari, buja ñsirimasare ado bajiro yicami yuja:

—Ānoa m̄ua ĩsironare juabudi vasa m̄ua. Ȳu jacu ya vire gajeyeũni ĩsiriavi godoveobesa m̄ua —Īnare yicami Jesús.

17 To bajiro ĩ yisere ajicōari, Dios oca masa ĩna ucamasirere ado bajiro t̄uoĭab̄ujacaj̄u ȳua, ĩ buerā: “M̄u ya vire quēnaro ĩna yir̄uc̄ub̄uobetiĵare, ĩnare ĩaj̄ūnisinir̄uc̄uj̄a ȳu. To bajiro ȳu yise ñajare ȳure s̄iaroc̄ar̄ar̄ama ĩna”, yirere t̄uoĭab̄ujacaj̄u ȳua.

18 To ĩ yirone, to ñacana jud'io masa Jesúre ĩre sēniĭacama:

—“Dios ĩ masise r̄aca yiḡu yaja ȳu” m̄u yijama, ¿no bajiro ȳure ȳiĭoḡhada m̄u? —Īre yisēniĭacama ĩna, Jesúre.

19 To bajiro ĩna yisere ajicōari ado bajiro ĩnare yic̄udicami Jesús:

—Adi vi Diore yir̄uc̄ub̄uoriavire m̄ua caguerocacōajama, idiar̄am̄u t̄usatir̄um̄ne quēna ti vire buajeoc̄ōar̄uc̄uj̄a ȳu —Īnare yicami.

20 To bajiro ĩ yisere ajicōari,

—Cuarenta y seis ñaric̄um̄ari josayujar̄a ĩna, adi vire buañar̄a. ¿M̄uma, “Idiar̄am̄u berone quēna buajeoc̄ōar̄uc̄uj̄a”, yiboati m̄u? —Jesúre ĩre yicama ĩna.

21 Jesús to bajiro Diore yir̄uc̄ub̄uoriavire ĩ yijama, ĩ masu ruj̄urene yiḡu yicōañumi. 22 Ī bajirocaro bero ḡame ĩ tudicat̄iatio, “To bajiro bajir̄uaroĵa” ĩ yigoticatire t̄uoĭab̄ujacaj̄u ȳua, ĩ buecana. Tire t̄uoĭab̄ujacōari, Dios ocare masa ĩna ucamasirere, Jesús ĩ goticatire quēne ajitir̄un̄c̄aj̄u ȳua.

“Masa jediro ĩna t̄uoĭasere ĩamasiḡu ñaami Jesús”, yire queti

23 Jerusalén̄ju Pascua boser̄um̄u ĩna yĩnaro, quēna gajeye ĩañañamanire masare ȳiĭocami Jesús. To bajiro ĩ ȳiĭojare, “‘Rotim̄or̄aḡōr̄uc̄umi’ yiḡu, Dios ĩ cōar'i mani Ɂ̄ju ñaami”, ĩre yiaj̄itir̄un̄c̄ama j̄aj̄ar̄a masa. 24-25 Jesúj̄uama to bajiro ĩna yiaj̄itir̄un̄sere ĩamasicōari, “Socar̄a mene yama”, yibeticōacami, masa jediro ĩna t̄uoĭasere ĩamasiḡu ñari.

3

Jesús, Nicodemo r̄aca ĩ ñaḡōre queti

1 Sīḡu fariseo masu, Nicodemo v̄ame c̄utiḡu ñacami. Jud'io masa vatoaj̄ure ñamasuḡu ñacami ĩ. 2 Ñam̄iju Jesúre ĩre ĩaḡu ejayuju. ĩ t̄aj̄ure ejacōari, ado bajiro Jesúre ĩre yiyuju:

—Gotimasioriesu, “M̄ure c̄ũñumi Dios, ‘Masare gotimasioato’ yiḡu”, m̄ure yimasiaja ȳua. Sīḡu m̄u yirore bajirone ȳiĭoñamanire yiḡure ĩabeticaj̄u. To bajiri, “Dior̄aca ñacōari, yami”, yimasiaja ȳua —Jesúre ĩre yiyuju.

3 To bajiro ĩ yisere ajicōari, ado bajiro Nicodemore gotiyuju Jesús:

—Riojo mure gotiaja yu. No bojarã, quëna gãme ruyuame-nama, Dios ï ñarojũre ejamasimenama —Nicodemore yiyuju Jesús.

⁴To bajiro ï yijare, ado bajiro Jesũre sënĩñañuju Nicodemo:

—¿No bajiro bucũ ñacoaboarine, quëna gãme tudiruyuoacore ñarojari? ¿Quëna ï jacore sãjacoacujarique ï, quëna gãme tudiruyuarũ? —Jesũre ïre yiyuju Nicodemo.

⁵⁻⁶To bajiro ï yisere ajicõari, ado bajiro ïre cudiuyuju Jesús:

—“Quëna gãme ruyuaroti ñaja” yu yijama, masa sũorine gãme ruyuarotire yigũ me yaja. “Quëna gãme ruyuaroti ñaja” yu yijama, “‘Dios ï cõagũ, Esp'iritu Santo ï ejarẽmose rãca Diorãca quënarõ ñacõari, ï bojarore bajiro yirã ñato’ yigũ, ï yirotire sënĩroti ñaja”, yigũjua yaja. “Dios ï bojabeti yirũabeaja yu. ï sũorine ï rãca quënarõ ñaja yu” yirã, oco rãca bautizarotiriarã, to yicõari, Esp'iritu Santo ï ejarẽmose rãca Diorãca quënarõ ñarã, ïna rĩne ñarãma Dios ï ñarojũre ejacõari, ï rãca ñamũorũgõrona. ⁷ “Dios ï cõagũ, Esp'iritu Santo ï ejarẽmose rãca Diorãca quënarõ ñarã, ïna rĩne Dios ï ñarojũre ejacõari, ï rãca ñamũorũgõrũarãma” mure yu yisere, ajiyamanire bajiro ajimavisiabesa mũ. ⁸ Mino no ti bojarone vëatucõaroja ti. Mino ti vëatujama, ajiaja mani. To bajiboarine, “Toaye vadoja. Tojũare vatoja”, yimasibeaja mani. Tire bajirone bajigũ ñaami Dios ï cõagũ, Esp'iritu Santo. “Esp'iritu Santo ï ejarẽmose rãca quënarõ ñacõari, ï bojarore bajiro yigũ ñato” yigũ, gãjire ï yirotire masibeama masa —Nicodemore yiyuju Jesús.

⁹To bajiro ï yirone, quëna gãme sënĩñaquënoñuju Nicodemo:

—¿No bajiro bajiroada ti? —Jesũre ïre yisënĩña quënoñuju ï.

¹⁰Ado bajiro ïre cudiuyuju Jesús:

—¿Israelita masare ïnare gotimasiogũ ñaboarine, adi que-tirema masibeati mũ? ¹¹ Riojo mure gotiaja yu. Mani ïase, Dios ï yiserene, mũare gotirũgũaja yua. To bajiboarine yua gotirũgũsere ajicõari, “To bajiro me bajiaja”, yicõarũgũaja mũa. ¹²Adi macarũcuroayere yu gotisere ajitegu ñari, Dios ï bajisere ïabũjayamanire yu gotijaquëne, ajiterũcũja mũ —ïre yiyuju Jesús.

¹³Gajeye quëna ado bajiro ïre gotiyuju Jesús:

—Sĩgũ, Dios ï ñarojũre mũjar'i maami. Yu sĩgũne ñaja yu, Dios ï ñarojũne rujiadicõari, tudi gãme mũjarocũma. Dios ï roticõacacũ ñaja yu Diorãcagũ. ¹⁴Tirũmũju Moisés ñamasir'i, yucũ manõju ñacudigu yucũ joeju ãñare bajigũ ñagũre cõmene quënor'ire ïre jeomasĩñuju, “Ãña cũniecoriarã ïre ïamũoato ïna” yigũ. To bajiro ï yir'ire ãña cũniecoriarã, ïre ïamũogãjua, caticoamasĩñujarã ïna quëna. To bajiro bajirũaroja yure quëne, Dios ï roticõacacũre quëne. Yucãtẽroju yure jajutucõari, vũmũorũgõrũarãma ïna, yu bajirocarotire yirã. ¹⁵To bajise

bajirocū ñari, no bojarā, “Jesucristo ĩ bajirocare sʷorine yʷre ĩavariquēnacōari quēnaro yirucūmi Dios” yitʷoĩarāre ĩna rijato berojū “Tudirijabeticōato” yigū, yū catisere ĩnare ĩsirucūja yū – Nicodemore ĩre yiyuju Jesús.

Ñajediro masare maigū ñari, ĩ macʷre Dios ĩ cōare queti

16 –Ñajediro masare maimasucōagū ñari, ĩ macū sīgūne ñagūre ĩre cōañumi Dios, “Masare rijabosato” yigū. To bajiro ĩ yire ñajare, “Jesucristo ĩ bajirocare sʷorine yʷre ĩavariquēnacōari, quēnaro yirucūmi Dios” yitʷoĩarāma, ĩna rijato berojū “Tudirijabeticōato” yigū, Dios ĩ catisere ĩ ĩsiriarā ñarāma. 17 Adi macarucuroanare, “Rojose ĩna yise vaja rojose ĩnare yato” yigū me, ĩ macʷre cōañumi Dios. Ado bajirojūa yiyumi. “Mʷre ajitirānʷrona ĩna rijato berojū, rojose tāmʷotʷjabetiriarojū ĩna vaborotire ĩnare yirētobosarucūja mʷ” yigū, ĩ macʷre cōañumi Dios.

18 “Dios macū ñagūmi” Jesúre yitʷoĩagūre rojose tāmʷotʷjabetiriarojūre ĩre cōabetirucūmi Dios. Dios macū sīgūne ñagūre, “Dios macū me ñagūmi” ĩre yigūjʷarema, to bajiro ĩre ĩ yise vaja rojose tāmʷotʷjabetiriarojū ĩre cōarucūmi Dios. 19 ĩ macʷre adi macarucurojūre ejacacʷre ĩre ajitirānʷmenare rojose tāmʷotʷjabetiriarojū ĩnare rearucūmi. ĩ macū sʷorine Diorāca quēnaro ñaama masa, ĩre masirā. Masajūama rojose yitʷjarūamena ñarā ñari, quēnasejūare tʷoĩavasoarūamenama ĩna. To bajiri Dios macʷre ajitirānʷmenama. To bajiro yirā ĩna ñajare, ĩnare rearucūmi Dios. 20 Rojose yirā, Dios macʷre terāma ĩna. “Masa rĭjorojūa, ‘To bajise rojose yicajū mʷ’ yʷre yiromi Jesús” yibojonerā ñari. 21 Dios ĩ bojasere quēnasejūare yirāma, Dios macʷre ajitirānʷrāma ĩna. Yayiorojū yirudibeama ĩnajūama, “ ‘Dios ĩnare ĩ yirēmojare, quēnasejūare yirūgūama’ yimasiato ĩna” yirā.

Juan masare oco rāca bautizarimasū, Jesús ĩ ñasere ĩ tudigotire

22 Nicodemore Jesús ĩ gotiro bero, vacoacajū yūa, Judea sitajū. Tojūre yoarobūsa ñacajū yūa. Tojū masare oco rāca bautiza ñarūgūcayū yūa. 23 Juan, oco rāca bautizarimasū, Salim vāme cūti maca tūjū Enón vāme cūti macajū oco rāca masare bautizarūgūñuju ĩ quēne. Tojūre riaga jairo ti oco cūtijare, ĩnare bautiza ñarūgūñuju ĩ. Jājarā masa ĩre bautizarotirā ejarūgūñujarā ĩna, tojūre. 24 Ado bajiro yiñamasiñuju Juan, tubiberiavijū ĩ tubibe ecoroto rĭjoro: 25 Oco rāca masare Juan ĩ bautiza ñarone, gāji jud’io masū, Juan buerā tūjūre ejayuju ĩ. Ejacōari, “To bajiro me bajiaja. Ado bajirojūa mani yijare, ‘Rojose mana ñaja mʷa’ manire yĭĭagūmi Dios” yigū, ĩna rāca

oca josayuju ĩ. ²⁶ Ĩ rāca ĩna oca josariaro bero, Juan tujū ejacōari, ado bajiro ĩre gotiyujarā ĩ buerā:

—Gotimasiomasu, Jordán vāme cutirisa ijacatuaju ma ĩagoticacu, ma yirūgūrore bajirone masare oco rāca ĩnare bautizarūgūñuju ĩ. To bajiri jājarā masa mani tujūre ejaborona, ĩ tujūa rīne varūgūrāma ĩna, ĩre yigotiyujarā ĩna —Juanre, masare oco rāca bautizarimasare.

²⁷ To bajiro ĩna yisere ajicōari, ado bajiro ĩnare gotiyuju Juan:

—Ñie manane ñaborāma masa, Dios ĩ cōabetijama. Mani bajirūgūse quēne Dios ĩ bojasere bajirone bajirūgūaja ti. ²⁸ “Rotimorūgōrcami” yigu, Dios ĩ cōar'i me ñaja yu. “ Ĩ ejaroto rījoro, ĩre goti rījoro cutiato' yigu, Dios ĩ cōar'i ñaja yu”, jere mware yigoticōacaju yu —ĩnare yiyuju Juan, ĩ buerimasare.

²⁹ To yicōari, “Āmosiagu babare bajiro bajaaja yu” yigu, ado bajiro ĩ buerāre ĩnare gotimasioñuju Juan:

—Āmosiariarūmu so manaju ñarocu babare ajisuyaroco me ñagōmo. So manaju ñarocujūare ajisuyaroco ñagōmo. So manajūre so ajisuyasere ĩacōari, buto variquēnagūmi ĩ baba. Tire bajirone, “Masa jājarāre oco rāca bautizarūgūñuju ĩ quēne” ma yisere ajicōari, buto variquēnaja yu quēne. ³⁰ Yu rētoro ñamasugū ñaami ĩma. To bajiri, yūre ĩna rūcuburo rētoro ĩre ĩna rūcubosere bojaja yu —ĩ buerāre yiyuju Juan.

“Gāji magūmi Jesúre bajiro bajigu”, yire queti

³¹ Dios tujū vadir'i ñaami jediro ujū ñamasugū. Gāji ĩ cōro ñamasugū magūmi. Adi macarucurojūre ruyuararā, adi macarucuroayere ĩarā ñari, tirene gotiaja mani. Dios tujū vadir'ima ō vecayere, to yicōari, adi macarucuroayere quēne quēnaro masigū ñari, jediro ujū ñamasugū ñaami. ³² ĩma, ĩ ĩarere, ĩ ajirere gotiami ĩ, Dios yere. To bajiboarine ĩ gotisere ajitirānubeama masa. ³³ “Jesús ĩ yirore bajiro bajiroja” ĩre yiajiguma, to bajiro ĩ yiajise sūorine “Socagu me ñaami Dios” yigu ñagūmi. ³⁴ Esp'iritu Santore ĩre cōañumi ĩ macure adi macarucurojūre ĩ cōar'ire, “ Ĩ tūoīarore bajiro tūoīamasiato” yigu. To bajiro ĩ yir'i ñari, Dios ocarene goticami Jesús. ³⁵ Mani jacu Dios, ĩ macure maigū ñari, “Ñajedirore rotiya mu”, ĩre yicūñumi. ³⁶ No bojagu, Dios macure ajitirānugūma, Dios ĩ catisere cūogū ñaami. To bajiboarine no bojagu Dios macure ajitirānubecuma, Dios ĩ catisere cūobeami. To bajiro ĩ bajijare, rojose ĩ yisere ĩajūnisini tujabecune, rojose ĩ yise vaja, rojose ĩre yirucami Dios, rojose tāmūotujabetiriaroju ĩre rocagu.

4

Jesús, Samaria sitago oco vago ejagore “Yure ioya”, ĩ yire queti

1 To bajiri, “Juan rētoḅusaro masare oco rāca bautizarūgūñuju Jesúḅa. To bajiri Juan buerimasa rētoḅusaro ñañujarā Jesús ĩ buerimasajḅa” yire quetire ajiyujarā fariseo masa. 2 (Quēnaro masuma, masare oco rāca bautizabetirūgūcami Jesús. Yḅajḅa, ĩ buerimasajḅa masare oco rāca ĩnare bautizarūgūcajḅa.) 3 To bajiri, “Jesús masare oco rāca bautizagḅa yigḅumi” fariseo masa ĩna yitḅoĭasere masicḅari, Judea sitare ñacana vacoacajḅa yḅa Jesúrāca, Galilea sitaju tudiana yuja.

4 To vana, Samaria sitare rētoaroti ñacajḅa yḅare. 5 To bajiri tojḅure ejacoacajḅa yḅa, Sicar vāme cuti macajḅure. Ti macama Jacob ñamasir'i, ĩ macḅ Josére ĩ ĩsimasire sita tujḅ ñacajḅ ti. 6 Tojḅure ñacajḅ oco goje, Jacob ñamasir'i ya goje. Bogagḅ ñari, ti goje tḅure ejarūju ejacami Jesús. Ḝmḅarecaji cōro muiju tḅasacami. 7-8 Yḅa ĩ buerājḅama gaje macajḅ bare vaja yirā vacoacajḅ yḅa. Tojḅure Jesús ĩ rujirone, sīgō Samaria sitago oco vago ejayumo so. So oco vago ejaro ĩacḅari, sore oco sēniñuju Jesús:

—Oco yḅure ioya —sore yiyuju ĩ.

9 Sore ĩ oco sēnirone, ado bajiro ĩre yiyuju so, Samaria sitago: —¿No yigḅ jud'io masḅ ñaboarine, Samaritana yḅ ñaboajaquēne, yḅure oco sēniati mḅ? —Jesúre yiyuju so. Samaritano masa, jud'io masa rāca gāmerā terā ñacoayuja yḅa. To bajiri, to bajiro Jesúre ĩre yiyuju so.

10 To bajiro so yisere ajicḅari:

—Dios ĩ ĩsirotire mḅ masijama, “Ī ñaami yḅure oco sēnigū” mḅ yimasijama, yḅḅare oco sēnibogoja mḅ. Yḅure mḅ oco sēnijama, oco catireayere mḅre iobogḅja yḅ —sore yiyuju Jesús.

11 To bajiro ĩ yijare,

—Ñiene oco vabecḅja mḅ. Ḝmḅarigoje ñaja adi goje. ¿Nojḅayere yḅure catorotirema yḅure oco iogḅada mḅ? 12 Mani ñicḅ Jacob ñamasir'i adi gojere cūmasiñumi ĩ. Ī quēne idimasiñuju, adi goje ocore. Ī rīa quēne idiyujarā. Ī yarā vaibḅcurā ecariarā quēne idiyujarā. Mḅma, ¿Ī rētoro ñamasugū ñaja yḅ” yigḅ yatique mḅ? —Jesúre ĩre yiyuju so.

13 To bajiro so yijare, ado bajiro sore cḅdiyuju Jesús:

—No bojarā adi goje ocore idiboariarā, quēna gāme oco idirḅacḅarḅarāma. 14 No bojarā oco catireayere masare yḅ iorāma, quēna gāme oco idirḅabetirḅarāma. ĩnare yḅ oco iose sḅorine Diorāca quēnaro ñacḅa ñarūgūrḅarāma —sore yigotiyuju Jesús.

15 To bajiro ĩ yisere ajicḅari:

—Tijḅare idirḅaja yḅ quēne, “Quēna adi gojeayere tudi oco vacḅari, idirobe yḅ” yigo —Jesúre ĩre yiyuju so.

16 To bajiro so yirone,

—Vasa. M_u manajure ĩre jiaya. ĩre ji, vaba quēna adoju —sore yiyuju Jesús.

¹⁷ To bajiro ĩ yijare,

—Manaju magō ñaja y_u —yic_udiyuju so.

To so yisere ajicōari, ado bajiro sore yiyuju Jesús:

—“Manaju magō ñaja y_u” m_u yiserema soco me yaja m_u.

¹⁸ Cojomocārāc_uju manajua cutirio ñaja m_u. Quēna yuc_u m_u rāca ñagū quēne, m_u manaju masu me ñaami. To bajiri, “Manaju magō ñaja y_u” m_u yiserema soco me yaja m_u —sore yiyuju Jesús.

¹⁹ To bajise sore ĩ yisere ajicōari, ado bajiro ĩre yiyuju so:

—Diore gotirētososagu ñaja m_u, m_ure yimasiaja y_u —yiyuju so, so bajisere ĩ gotise ñajare. ²⁰ —Mani ñic_ua, adi buroj_u ejacōari, vaib_uc_ure soem_uomasiñujarā, Diore ĩre yirūc_ubuorā. To bajiboarine m_uama, jud'io masama, “Jerusalénju r_une yirūgūroti ñaja”, yirūgūaja m_ua —Jesúre yiyuju so.

²¹ To bajiro so yijare, ado bajiro sore yiyuju Jesús:

—M_ure y_u gotisere ajitirūn_uña m_u: Cojorūm_u adi bureore quēne, to yicōari Jerusalénj_ure quēne Diore, mani jac_ure, ĩre yirūc_ubuorā vabetiruarāma masa. ²² M_uama, Diore quēnaro m_ua masibec_urene rūc_ubuoaja m_ua. Y_uaj_uama, m_ua rētoro ĩre masiaja y_ua. Y_ua, jud'io masa s_uorine masa rojose ĩna tām_uoborotire ĩnare yirētososarūc_umi Dios. ²³ “Cojorūm_u Diore ĩre yirūc_ubuorā vabetiruarāma” m_ure y_u yigotiserema yoato mene bajiro tirene m_ure gotiaja y_u. Masa, Diore rūc_ubuorā masuma, Esp'iritu Santo ĩ bojarore bajiro t_uoīacōari, ĩre rūc_ubuoama ĩna. To bajiro ĩre yirūc_ubuosere bojaami mani jac_u. ²⁴ ĩabujayamagū ñaami Dios. To bajiri, masa ĩre ĩna rūc_ubuomasucōar_uajama, socarā mene Esp'iritu Santo ĩ bojarore bajiro t_uoīacōari, ĩre rūc_ubuorāma —sore yiyuju Jesús.

²⁵ To bajiro ĩ yisere ajicōari ado bajiro yiyuju so:

—“Diore gotirētososagu ejarūc_umi, Cristo ĩna vāme yig_u”, yimasiaja y_u. Ejacōari, y_uare quēnaro gotiquēnojeorūc_umi —Jesúre yiyuju so.

²⁶ To bajiro so yirone,

—ĩne ñaja y_u, m_ure ñagōgūma —sore yicami Jesús.

²⁷ To bajiro sore ĩ yiñarone, tudiejacaj_u y_ua, ĩ buerā. To rōmio rāca ĩ ñagōñajare, no yimasibeticaj_u y_ua, tiñire ĩabetirūgūriarā ñari. To bajiboarine, “¿Ñie ũnire bojati m_u? ¿No yig_u so rāca gāmerā ñagōri m_ua?”, ĩre yisēniĩabeticaj_u y_ua. ²⁸ Y_ua tudiejarone oco varia sot_ure āmibecone, so ñariaroju vacoacamo so. So ñariaroju tudiejacōari, ado bajiro masare ĩnare yigoticudiyuju so:

29 –Jediro yu yiadirere, “Ado bajiro yicaju mu” yure yigotigure ĩarã vayã mua quẽne. ¿Diore gotirẽtobosagu, Cristo me ñagũ yiguida ĩ? –Īnare yiyuju so.

30 To bajiro so yirere ajicõari, Jesũre ĩarã, yua tujare vayuma ĩna. 31 Īna ejaroto rĩjoro ado bajiro Jesũre yiboacaju yua:

–Gotimasiorimasu, baya –Īre yiboacaju yua.

32 To bajiro ĩre yua yiboajaquẽne, ado bajiro yuare cudicami Jesús:

–Jẽre yurema yu bare ñacõaja mua masibeti –yuare yicõacami.

33 To bajiro ĩ yirone,

–¿Sĩgũ ĩre bare cũgũ ejarida ĩ? –yua masune gãmerã yisẽniĩacaju yua.

34 To bajiro yua gãmerã yĩñagõsere ajimasicõari, ado bajiro yuare yicami Jesús:

–Yure cõacacu ĩ bojasere yu yijama, ti moarere yu yigajanojama, tine ñaja yu barere bajiro bajise. Masama bare bavariquẽnarũgũama. Yuma yure cõacacu ĩ bojasere bajiro yicõari, variquẽnarũgũaja yu. 35 “Babari muijua ruajaja maji, ote ti bũcũaroti, tire mani juarẽoroti”, tocãrãca cũmari yirũgũaja mua. Dios ocare masare gotimasiorãjũama, ti ũnire yitũoĩabesa. “Masare Dios ocare mani gotimasiorotiju ejabeaja maji”, yitũoĩabesa mua. Yuma ado bajiro yaja: Jẽre ote bũcũacoaju yuja. Yucũacane tire juaroti ñaja. Īaĩasaque. Jãjarã masa yure ajitirũnũrona vadiama ĩna. Ado cõrone ĩnare mua gotimasiojama, quẽnamasucõaja, mũare yaja yu. 36-37 Socaro me bajiaja bũcũrã ĩna gotimasire: “Sĩgũ ñagũmi otegu. Gãji ñagũmi ti rica cutiro boca juarẽogũ”, yiyujarã bũcũrã. To bajiro masune bajiaja ti, yu ocare gotimasiorãre quẽne. Tũoĩasaque mua: Sĩgũri ñaama yu ocare masare gotimasiosũorã. Oterimasare bajiro bajirã ñaama. Īna bero ĩnare gotimasiorã, ti rica cutiro boca juarẽorãre bajiro bajirã ñaama gãjerã. Īnajua ĩna gotimasiorone, ĩnare ajitirũnũama masa yuja. To bajiri goti rĩjoro cutiriarã ña, bero gotimasiorã ña, bajiaama ĩna. No bojagu otericare juarẽogũ, vaja bũjagu yigũmi. To bajirone bajirãma yu ocare masare gotimasiorã quẽne, variquẽnarere bũjarã. Īna gotimasiose ti ñajare, yure ajitirũnũama masa. To bajiri yure ajitirũnũrã ñari, Diorãca quẽnaro ñarũgũruarãma, ĩna rijato beroju quẽne. To bajiro ĩna bajisere ĩacõari, ĩnare gotimasiosũoboariarã, bero ĩnare gotimasiorã rãca bũto variquẽnarũarãma ĩna. 38 Tirũmũju quẽne mũare cõacaju yu, mua gotimasiose sũorine masa ĩna ajitirũnũrotire yigu. Yu ocare ĩnare gotimasiosũoriarã me ñaja mua, bajirãjuma. To bajiri, gãjerã ĩna gotimasioboariarã

ñaaama, maaajua mua gotimasiorone, yure ajitirānaronā —yuaare yigoticami Jesús, i buerimasare.

³⁹ To bajiro ñnare i yiro bero, “Jediro ya yiadirere, ‘Ado bajiro yicaju m’ yure yigotimi i” rōmio so yigotisere ajicōari, jājarā ti macariana Samaria sitana, ado bajiro Jesúre tūoīacama ñna: “Diore gotirētobosagu, Cristo ñnaami”, Jesúre yitūoīacama ñna. ⁴⁰ To bajiro yitūoīarā ñari, Jesús tū vadieja, ñre ñavariquēnacōari, yuaare tujaroticama ñna. To bajiri, ñna rāca juarūmū ñacaju yua. ⁴¹ ñna rāca ñnacōari, Jesús i masune ñnare i gotimasiosere ajicōari, “Diore gotirētobosagu, Cristo ñnaami”, yitūoīacama jājarābusa. ⁴² Jesúre ñre ajitirānūcōari, ado bajiro sore yicama ñna, rōmiore:

—Jēre, ñre ajitirānūaja yua, mū gotise rīne me. Yucune yua masune ñre ajicōari, “To bajiro masu bajigu ñnaami”, ñre yiajiritirānūaja yua yuja. “Ñne ñnaami adi macarūcuroana rojose mani tāmūoborotire manire yirētobosarocū”, yimasiaja yua yuja —sore yicama ñna, ti macana.

Ñamasugū macure Jesús i catiore queti

⁴³ To yiro bero juarūmū bajīña, vacoacaju yua quēna, Jesúrāca, Galilea sitajuaare vana. ⁴⁴ Ado bajiro yuaare yigoticami Jesús, ñna gotimasirere gotigu:

—“Diore gotirētobosarimasare ñna ye sitana ñnare rācūbūobeama” yise socaro mene yigotiaja ti —yuaare yigoticami Jesús.

⁴⁵ Galilea sitajure Jesús i ñnarirojure i rāca yua ejatone quēnaro yuaare yicama toana. ñna quēne Jerusalénju Pascua boserūmū ñaro ñarā variarā tudiejariarā ñnacama ñna. To bajiri jediro Pascua ñaro Jesús i yicatire ñariarā ñañuma ñna quēne.

⁴⁶ To bajiro bero Galilea sita Caná vāme cuti macaju ejacaju yua quēna, Jesúrāca. To ñacaju, ocorene uye oco i godoveocato. Tojure ñacami sīgū masu ujure rotibosagu. I macū, Capernaum vāme cuti macaju buto rijañañuju i. ⁴⁷ To bajiri, Judea sitaju ñar'i Galilea sitajuaare Jesús i vadisere ajicōari, ñre ñagū ejacami ujure rotibosagu. Jesús tujure ejacōari ado bajiro ñre yicami:

—Yū ya vijū vayá. Yū macū bajirocacū yimi. ñre catiogū vayá —Jesúre, ñre yicami.

⁴⁸ To bajiro i yisere ajicōari, ado bajiro ñre yicami Jesús:

—Ñañāñamanire yū yīosere mūa ñabetijama, “Dios i masise rāca yigu yami”, yure yiajiritirānūbetirāarāja mūa —ñre yicami Jesús.

⁴⁹ To bajiro i yiboajaquēne:

—Yū rāca mū vadibetijama, bajirocacōarūcūmi yū macū —Jesúre ñre yicami.

⁵⁰ To bajiro i yijare yuja:

—Mū ya vijū tudiasa. Jēre ñre catiocōaja yū —ñre boca yicōacami Jesūjuaama.

To bajise ìre ì yisere ajicōari, Jesúre ìre ajitirānucami. To bajiri ì ya vijū tudicoacami yuja. ⁵¹ Ì ya vire ì cōñarūtuatone, ìre moabosarimasa bocacōari, ado bajiro ìre yigoti bocayujarā ìna:

—Jēre mū macū quēnacoami yuja —ìre yiyujarā ìna.

⁵² To bajiro ìna yirone,

—¿No cōro masune tudiquēnasuori ì, yū macū? —Ìnare yisēniñaju.

—Ñamica, āmurecaji ñaro masune ìre tujamasimū ti —ìre yiyujarā ìna, ìna ūjare.

⁵³ To bajiro ìre ìna yibocarone, “To cōro muiju ì tūsatone, ‘Jēre mū macūre catiocōaja yū’ yūre yimasimi Jesús”, yitūoñamasiñuju ì. To bajiri ì quēne, ì yarā quēne, “‘Rotimōrāgōrūcami’ Dios ì yicōagū, manire ejarēmorocu ñaami”, Jesúre ìre yiajitirānūñujarā ìna.

⁵⁴ Ti ñacajū quēna gaje ìañañamani Jesús ì yīobabocati, Judea sitare ñacōari, Galilea sitajū tudiejacōari, ì yīlocati.

5

Micagūre Betzata utara tujū ñagūre Jesús ì catiore queti

¹ To ì yiro bero, jud'io masa ìna bajimasirere tūoñacōari, boserūmū ti ejajare, Jerusalénjū yūare ūmato vacami Jesús. ² Ti macana ìna vajanare, “Sājaroma ìna” yirā, ìna matagāniriacūni soje, Oveja vāme cūti soje ñacajū ti. Ti soje tūre ñacajū masa ìna guarita. Hebreo ocama Betzata vāme cūticajū tira. Tira tūre cojomocārāca viriaca sitane ìna veariaviriaca ñacajū, rijaye cūtirā ìna cūñariviriaca. ³ Tojūre jājarā ñacama rijaye cūtirā. Cajē ìamena, rujasagueri vana, micarā quēne, to cūñacama. Tira oco ti saberotire yurā, bajicūñacama ìna. ⁴ Dios tūagū, ángel, tocārācaji tirajūre ì ejarone, tira oco saberūgūñuju ti. To ti bajirone, no bojagū rijaye cūtigū, varocarōasūogū rīne guaro catirūgūñuju ì. ⁵ Tojū rijaye cūtirā vatoajū ñacami sīgū treinta y ocho cūmari rijañar'i. ⁶ Ì cūñaro ìacōari, yoaro ì cūñarūgūrere ìamasicōari, ado bajiro ìre sēniñacami Jesús:

—¿Quēna tudicati quēnaejacoarūati mū? —ìre yicami Jesús.

⁷ To bajiro ì yisere ajicōari, ado bajiro ìre yicami:

—Sīgūjuama oco ti saberone yūre āmiroñuagū maami. Tocārācaji oco ti sabero, gājerājūa rīne yū rījoro ñuñaveocōarūgūama ìna —ìre yicami, Jesúre.

⁸ To bajiro ì yirone,

—Vūmūrūgūña. Mū cūñaritore āmiña. To yicōari, vasa —ìre yicami Jesús.

⁹ To ì yirirīmarone, quēnaro catiquēnagū ñacoacami ì yuja. Ì cūñaritore āmi, vasūocami yuja. Tirāmū ñacajū jud'io masa yūa

usúsājariarūm. ¹⁰ To bajiri ĩ cūñaritore ĩ gaja vato ĩacōari, ado bajiro ĩre yicama jud'io masa ɯjarā:

—Yucma usúsājariarūm ñaja. To bajiri mɯ cūñaritore gajabesa mɯ. To bajiro mɯ yijama, moare ñaja ti —ĩre yicama sīgāri, Jesús ĩ catiocacure.

¹¹ To bajiro ĩna yiro, ado bajiro ĩnare cudicami Jesús ĩ catiocacu:

—Yure catiogɯ, “Mɯ cūñaritore āmiasa”, yure yimi —ĩnare yicami.

¹² To bajiro ĩ yisere ajicōari, ado bajiro ĩre sēniñacama ĩna:

—¿Nimɯ ñari, “Mɯ cūñaritore āmiasa” mure yiguma? —ĩre yisēniñacama ĩna.

¹³ To bajiro ĩre ĩna yisēniñaboajaquēne, tojare jājarā masa vatoajɯ Jesús ĩ vayayicoajare, “Ī ñaami”, ĩnare yigotimasibeticami. ¹⁴ Tijɯ bero, Diore yirūcubɯoriavijɯ yɯ ñaro, rijarūmɯri cutir'ire ĩre ĩabɯjacami Jesús quēna. ĩre ĩabɯjacōari, ado bajiro ĩre yicami Jesús:

—Ajiya. Quēnaro quēna tudicaticojɯ mɯ. Quēna gāme rojose yibesa, “Butoɯsa rojose tāmɯorobe” yigɯ —ĩre yicami Jesús.

¹⁵ To bajiro ĩ yiro bero micase rijaye cutiboacacu, ĩre sēniñaboariarā tajɯ ejacōari, “Jesúne ñaami, yure catiogɯ”, ĩnare yigotiyumi ĩ. ¹⁶ To bajiri usúsājariarūmure micaboacacure Jesús ĩre ĩ catiocatore bajiro gājerāre to bajirone ĩ yirūgūjare, josari ĩ tāmɯorotire yirā, ĩre rojose yisɯyacama ĩna, jud'io masa ɯjarā. ¹⁷ “Usúsājariarūmɯ ti ñaboajaquēne, masare ĩ catiose vaja, rojose tāmɯoato ĩ” yirā ĩna ñaboajaquēne, ado bajiro ĩnare yicami Jesúsɯama:

—Masa rijaye cutirāre catiotɯjabecɯ ñaami Dios, yɯ jacɯ. To bajiri ĩnare catiotɯjabeaja yɯ quēne —ĩnare yicami Jesús.

¹⁸ “Usúsājariarūmure Dios ĩ moarotibetiboajaquēne, moami Jesús”, ĩre yijūnisinicama jud'io masa ɯjarā, ĩre sīaruarā. To yicōari, “Dios ñaami yɯ jacɯ” ĩ yisere ajicōari, “ ‘Diore bajiro ñamasugū ñaja yɯ’ yigɯ yami”, yicama ĩna. To bajiro yirā ñari, butoɯsa jūnisinirā ñari, ĩre sīarua tuoñacama ĩna.

“Dios macɯ ñari, ĩ rotirore bajiro yimasiaja yɯ”, Jesús ĩ yire

¹⁹ To bajise ĩna yituoñasere ĩamasicōari ado bajiro ĩnare yicami Jesús:

—Ñamasusere riojo mure gotiaja yɯ: Dios macɯ ñari, yɯ bojase yibeaja yɯ. Yɯ jacɯ ĩ yisere ĩacōari, ĩ yirore bajirone yaja yɯ. Jediro yɯ jacɯ ĩ yirore bajirone yɯ quēne ĩ macɯ quēne, to bajirone yaja. ²⁰ Yɯ jacɯ yure maiami. Yure maigū ñari, jediro ĩ yisere yure ĩoami. Adirūmɯriaye rētoro josasere yure yīorucɯmi. To bajiro ĩ yisere yɯ yīosere ĩacōari, no yimasibetiruarāja mɯa quēne, ti ũnire ĩabetirūgūriarā ñari.

²¹ Bajireariarāre catiorūgūami yɯ jacɯ. To bajiri yɯ, ĩ macɯ

quēne, ĩ yirũgũrore bajirone yirũgũaja yu, no yu bojarãre. 22 Masa rojorãre beserocu me ñaami yu jacy. “Īnare beserocu ñaja mu”, yure yicami. 23 To bajiro yure yicami, ĩre quēnaro ĩna yirũcũbuorore bajirone yure quēne “Yirũcũbuoato ĩna” yigu. Quēnaro yure yirũcũbubecuma, yu jacure, yure cõacacure quēne yirũcũbubecuma yigumi –jud’io masa ujarãre yicami Jesús.

24 To bajiro ĩnare yigajanocõari, ado bajiro goticami Jesús:

–Ñamasusere riojo mũare gotiaja yu: No bojagu yu ocare ajicõari, yure cõacacure ajitirũngũma, Dios ĩ catisere cõogu ñaami. Ī ũgũrema, rojose tãmuotujabetiriaroju ĩre cõabetirũcumi Dios. 25 Ñamasusere riojo mũare gotiaja yu: Adirũmũri bajiro tirene mũare yaja yu: Yure ajitirũnũmenama, bajireariarãre bajiro bajirãma, ĩna rijato beroju “Tudirijabeticõato” yigu, Dios ĩ catisere cõomena ñari. To bajilboarine Dios macure yure ajitirũnũuarãma sigũri. Īnajuare, “Īna rijato beroju tudirijabeticõato” yigu, Dios ĩ catisere ĩnare ĩsirũcũja yu. 26 Masare yu jacy ĩ catorũgũrore bajiro yure ĩ catoroticati ñajare, ĩ catisere ĩnare ĩsimasiaja yu. 27 To yicõari, Dios macũ ñaboarine, masure bajiro ruju cõaticõari, masa vatoaju ñar’i yu ñajare, “Masare besemasirũcũja mu”, yure yicami yu jacy. 28 To bajiro yu yisere ajiyamanire bajiro ajitũoĩabesa mũa. Bajireariarã jediro ĩnare yu jiro, ĩna ajjediro tirãmũ ejarũaroja. 29 To cõrone yu jisere ajicõari, yu tũju ejajedirũarãma ĩna, tudicatiana yuja. Yu tũ ejacõari, quēnaro yirũgũriarãma, Diorãca quēnaro ñacõa ñarũgũrũarãma ĩna. Rojose yirũgũriarãrema rojose tãmuotujabetiriaroju ĩnare cõarũcũja yu yuja –ĩnare yigoticami Jesús, jud’io masa ujarãre.

“Ado bajiro yure ĩna yire sũori, ‘“Rotimũorũgõrũcumi” yigu, Dios ĩ cõar’i ñaami yure yimasiroti ñaja”, Jesús ĩ yire queti

30 Quēna ado bajiro ĩnare goticami Jesús:

–Yu bojarore bajiro yigu me ñaja yu. Yure cõacacu ĩ bojarore bajiro yirũa tũoĩagũ ñari, masare rojose yirãre, to yicõari quēnase yirãre yu ĩabesejama, quēnaro riojo yaja yu. 31 “To bajiro yigu ñaja yu” yu masurione yu yijama, “Socũ yami”, yure yiroti ñaboroja. 32 To bajilboarine, ñaami sigũ, yure gotibosagu. Yure ĩ gotibosase, quēnaro riojo ñaja ti. 33 Gãji quēne, “Īne ñaami ‘Rotimũorũgõrũcumi’ yigu Dios ĩ cõar’i”, yure yigotibosayumi, Juan, masare oco rãca bautizarimasũ. Ī tũjũre mũa ejarẽmorimasare sēniĩaroticõañũja mũa. Quēnaro riojo mũare cũdiyumi. 34 “Rotimũorũgõrũcumi” yigu Dios ĩ cõar’ire yure ĩ gotibosajaquēne, yure ĩ gotibosabetijaquēne, no yibeaja ti, yure, Dios ĩ cõacacu ñari. Juan yure ĩ gotibosarere mũare gotiaja yu, tire ajitirũnũcõari, rojose tãmuotujabetiriaroju mũa

vabetirotire bojagu ñari. ³⁵ Sĭabusuocōari quēnaro riojo ĩamasire ñaja. Tire bajirone bajicami Juan, quēnaro riojo yure gotibosacacu ñari. Īre ajivariquēnañuja maña maji. ³⁶ To bajiro mañare yiboarine, “Sĭgũ ñaami yure gotibosagu” yu yijama, Juanre tũoĭagũ me yaja yu. Juan yure ĩ gotibosacati rētoro ñamasuse ñaja. Tima ĩalañamanire mañare yu yĭorũgũse, yu jacy yure ĩ rotise ñaja. Tire ĩacōari, “Socũ me yami. Dios ĩ cōar'i ñaami”, yure yimasiama masa. ³⁷⁻³⁸ Yu jacy yure cōacacu quēne, ĩ masune, “Yu macũ, yu cōagũ ñaami” yigu ñari, masa ĩna ajimasirotire ĩnare cōarũgũami. Ī cōacacure yure ajitirũnũmena ñari, ĩre ajimena, to yicōari, ĩ ocare ajitirũnũmena ñaja maña.^a ³⁹⁻⁴⁰ Dios ocare masa ĩna ucamasirere bũto buerũgũboaja maña, “Ti ocare mani buejama, Diorāca quēnaro ñacōari, mani rijato beroju ĩ rāca quēnaro ñacōa ñarũgũnarāja mani” yirā. To bajiboarine yu bajiserene mañare ti gotiboajaquēne, yure ajirũabeaja maña. Yure maña ajitirũnũjama, Diorāca quēnaro ñacōari, maña rijato beroju ĩ rāca quēnaro ñacōa ñarũgũborāja maña.

⁴¹ “Quēnaro yure yirũcũbũoato masa” yigu me, adi macarũcũrojũre vadicaju yu. ⁴² Maña tũoĭasere ĩamasijaja yu. To bajiri, “Diore mairā me ñaja maña”, mañare yimasiaja yu. ⁴³ Yu jacy yure ĩ roticōajare, adoju vadicaju yu, mañare gotimasiogũ. To bajiro yu bajiboajaquēne, yure ajitirũnũbeaja maña. No bojagu, Dios ĩ cōabecũrema, “Masa quēnaro yure yirũcũbũoato ĩna” yigu ĩ vadijama, ĩñare ajitirũnũnarāja maña. ⁴⁴ Maña masune quēnase gāmerā yirũcũbũogere bojarũgũaja maña. Dios sĭgũne ñaami mani uju. To bajigu ĩ ñaboajaquēne, “Quēnase manire yato Dios” yirā, no bojase maña yĭrotire yitũoĭabetirũgũaja maña. To bajiro bajirā ñari, yure ajitirũnũbeaja maña. ⁴⁵ Yu jacy tũjũre maña ejaro, “Yure ajitirũnũbeticama”, mañare yigotiyirobetirũcũja yu. Moisés ñamasir'ine ñaami to bajisere mañare yigotiyirogu. “Moisés ñamasir'i ĩ rotimasirere quēnaro mani ajitirũnũjama, Dios tũju varũarāja mani”, yitũoĭaboaja maña. ⁴⁶ To bajiboarine yu bajirotirene ucamasirũmi Moisés. To bajiri ĩ ucamasirere maña ajitirũnũmasucōajama, yure quēne ajitirũnũborāja maña. ⁴⁷ Ī ucamasirere quēnaro ajitirũnũmena ñari, yure quēne ajitirũnũbeaja maña, —ĩnare yicami Jesús, jud'io masa ujarāre.

6

Masa, cinco mil ñarāre Jesús ĩ bare ecare queti
(Mt 14.13-21; Mr 6.30-44; Lc 9.10-17)

^a 5:37-38 “Diore ajimena, to yicōari, ĩre ĩamena ñaja maña’ Jesús ĩ yijama, ‘Īre ĩarā ñaboarine, to yicōari, ĩre ajirā ñaboarine, “Dios macũ ñaami” yimasibeamā’ yigu yiyuju”, yiyujarā Dios ocare masa ĩna ucamasire buerētoburimasa.

1 To bajiro ñnare ï yiro bero, utabucara Galilea vāme cutira gajecatuañajū yuare ũmato jēacami Jesús. Gaje vāme, Tiberias vāme cuticajū tira. 2 “Dios macune ñaja yu” yigu, rijaye cutirāre Jesús ï catorügūšere ñacōari, jājarā masa ñre sūyarügūcama ñna. 3 Gajecatuañajū ejacōari, burore yuare ũmato majacōari, rujicami Jesús. 4 Pascua bošerāmū jud'io masa yua quēnorotirāmū cōñacajū. 5 To bajiri jājarā masa Jesúre ñre sūyarügūrā ñna vadore ñacōari, ado bajiro Felipere ñre yicami Jesús:

—Ñnare ecaruarā, ¿noñū bare vaja yirāti mani? —Ñre yicami.

6 “Ado bajiro yirucuja yu” yimasiboarine, “‘Mū ejarēmose rāca ecamasicōaruarāja’ Felipe yure ï yicūdiro ajigūsa” ñre yigūne, yicōañumi Jesús. 7 To bajiro ï yijare ado bajiro ñre yicūdicami Felipe:

—Doscientos gājoatiiri rāca vaja yiboarine, ñnare ecajeomasi-betiborāja mani —Jesúre ñre yicami.

8 To ï yirone, yua rācagu, Pedro bedi Andrés vāme cutigu, ado bajiro Jesúre yicami:

9 —Sīgū daquegu, cojomo cōro pan cebada vāme cutise, to yicōari, jnarā vaire cūboami, bajigūjūma. Masa jājarā ñna ñajare, tñjariaro manimasucōaja ti —Jesúre ñre yicami Andrés.

10 To bajiro ï yirone,

—Masare ñnare rujirotiya —yicami Jesús.

Tojūre tatūcuro ñacajū. To bajiri, ta joejū rujicama. Cinco mil ũmua ñacama ñna.^b 11 ñna rujijediro ñacōari, pan daquegu ï baborotirene juacōari, “Quēnaro yaja mū”, Diore yivariquēnacami Jesús. To yicōari ï buerāre yuare ñsicami, “Rujirāre ñsibatoya” yigu. Vaire quēne, to bajirone yicami. Sīgū ruyariaro mano quēnaro bašucūtijedicōacama. 12 ñna bagajanoro ñacōari, ado bajiro yuare yicami Jesús:

—Ñna baruasere juarēoña. Bajirearobe tñjūma —yuare yicami Jesús.

13 To bajiro yuare ï yijare, cebada vāme cutise cojomo cōro pan ñaboarere yua juarēojama, juaāmo cōro, gūbo jua jēnituario ñarijiburi ruyacajū. 14 To bajiro ñañamanire Jesús ï yūoro ñacōari, ado bajiro yicama masa:

—Diore gotirētobosarimasū, adi macarucurojūre vadicoari, manire rotirocune ñaami —Jesúre ñre yicama masa.

15 To bajiro ñna yijare, “Yu bojabetiboajaquēne, yure āmivacōari ũjū yure cūrūama” yimasicoari, ñ sīgūne buro joejūre majacoacami Jesús.

^b 6:10 Rīamasare, rōmiare cōmenane, ũmua bucarā rīrene ñna cōjama, cinco mil ñañujarā ñna.

*Oco joene Jesús ĩ vare queti**(Mt 14.22-27; Mr 6.45-52)*

¹⁶ Ti rãioato ĩacõari, ʘtabʘcʘrare rojaejacaju yʘa, Jesús buerimasa. ¹⁷ Rojaeja, cʘmua vasãja jẽacaju yʘa, gajejacatʘajʘ Capernaum vãme cʘti macaju vana. Ti rẽtiacoaboajaquẽne, ejabeticõacami Jesús. ¹⁸ To yʘa bajijẽarũtuatone, bʘto mino vacaju. To bajica yiro, bʘto sabetʘocõacaju ti. ¹⁹ Cinco o seis kilõmetros cõro yʘa jẽatʘsatone, yʘa tʘjʘ oco joene vadicami Jesús. Oco joene ĩ vadire ĩarãne, ʘcacaju yʘa. ²⁰ To bajiro yʘa bajiboajaquẽne, ado bajiro yʘare yicami Jesús:

—Gũibesa. Yʘne ñaja —yʘare yi vadicami Jesús.

²¹ To bajiro yʘare ĩ yijare, variquẽnarãne, ĩre sãcaju yʘa. ĩre yʘa sãrirĩmarone jẽaejacocaju yʘa yuja.

Jesúre masa ĩna macare queti

²²⁻²⁴ ʘtabʘcʘra gajejacatʘajʘ tujacana, cʘmuane yʘa ĩ buerã Jesús ĩ manone yʘa jẽasere ĩacama ĩna. To bajiri gajerũmu yʘa tudijẽaejabetore ĩacõari, Jesúre quẽne ĩre ĩabeticõari, Tiberias macana ĩna ejase cʘmune jẽaejayuma, Capernaum vãme cʘti macaju, Jesúre macarã.

“Pan quẽnamasusere bajiro bajigʘ ñaja yʘ”, Jesús ĩ yire queti

²⁵ Yʘare ĩabʘjacõari, ado bajiro Jesúre yisẽniĩacama ĩna:

—Gotimasiorimasʘ, ¿Divato adore ejari mʘ? —ĩre yisẽniĩacama ĩna.

²⁶ To bajiro ĩna yisẽniĩasere ajicõari:

—Ñamasusere riojo mʘare gotiaja yʘ. ĩããñamanire yʘ yĩosere ĩari, “To bajiro yigʘ ĩ ñajare, ĩre ajitirũnʘ sʘyaroti ñaja” yirã me yʘre macasʘyaja mʘa. “Quẽnaro baʘsʘcʘtiriariojʘ bare ecagʘ ñaami” yirã ñari, bajiaja mʘa. ²⁷ Vare mʘa bojama-susejʘama yoaro meacane mʘare jediveocoatoja ti. To bajiri mʘa barotire tʘoĩarejaibeticõañã mʘa. Gajeye barere bajiro bajise ñaja, Dios ĩ roticõacacʘ yʘre ajitirũnrãre yʘ ĩsisema. Jedibetirʘaroja tima. “‘Tire ĩsimasiami’ yʘre yimasiato ĩna” yigʘ, ĩããñamanire yʘ yĩorũgũrotire yʘre ʘjocami Dios. To bajiri, bare jedibetijʘare bojarã, Dios ĩ bojasere yija mʘa — ĩnare yicami Jesús.

²⁸ To bajiro ĩ yijare, ĩre sẽnĩacama ĩna:

—¿No bajiro yʘa yirotire bojati Dios? —ĩre yisẽniĩacama.

²⁹ To bajiro ĩna yisere ajicõari ado bajiro ĩnare yicadicami Jesús:

—Dios ĩ cõacacʘre yʘre mʘa ajitirũnʘsere bojaami Dios — ĩnare yicami Jesús yuja.

³⁰ To bajiro ĩ yijare,

—¿Ñie ũnire Dios ĩ masise rãca ĩããñamanire yʘare yĩorʘcʘada mʘ, tire ĩacõari “Yʘre ajitirũnʘato ĩna” yʘare yigʘ? ³¹ Mani

ñicua ñamasiriarã yucá manojũ ñacudirã, maná vãme cutisere bamasiñujarã ñna. To bajirone gotiaja Dios ocare masa ñna ucamasire. Tũoñasaque: “Bare Dios ñ ñaroayere manire ecagũ yivẽjañumi”, yigotiaja Dios oca, masa ñna ucamasire —Jesúre ñre yicama. To bajiro ñna yijama, “Moisés ñamasir'i sũorine bajiriaroja ti” yirã yicama.

³² To bajiro ñna yisere ajicõari, ado bajiro cãdicami Jesús:

—Ñamasusere riojo mũare gotiaja yũ: Moisés ñamasir'i me Dios ñ ñaroayere barere ñnare cõacami. Yũ jacũne ñaami ñ ñaroayere barere ñnare cõacacũma. To bajirone bajaia pan quẽnamasusere quẽne. Tire mũare cõami Dios. ³³ Tire mũa bajama, mũa rijato berojũ, “Tudirijabeticõato” yigũ, Dios ñ catisere ñsiecõuarãja mũa.

³⁴ To bajiro ñ yirone,

—To yijama, pan quẽnamasusere yũare ecarũgũma mũ —ñre yicama ñna yuja.

³⁵ To bajiro ñna yijare, ado bajiro ñnare yicami Jesús yuja:

—Yũne ñaja pan quẽnamasuse Dios ñ cõase. To bajiri, no bojagũ yũre ajitirũnũgũma, baũsũcutirũgũgũre bajiro bajigũmi. To bajiri, disejũane Dios ñ ejarẽmose ñre rũyabetirũaroja. ³⁶ To bajiro yũ bajiboajaquẽne, yũre ajitirũnũbeaja mũa, yũre ñarã ñaboarine. Jẽre tirene mũare gotiboabũ yũ. ³⁷ No bojarã yũre ajitirũnũrãma, yũ jacũ sũorine yũ bojarore bajiro quẽnasejũare tũoñavasoariarã ñaama. No bojagũ yũre ajitirũnũgũre, “Mũre bojabeaja”, ñre yibetirũcũja yũ. ³⁸ Adojũre vagũ, yũ bojasere yirũ me rujiadicajũ yũ. Yũ jacũ ñ bojasejũare yirũ, vadicaajũ yũ. ³⁹ Ado bajiro bojaami yũ jacũ, yũre cõacacũ: Ñ sũorine yũre ajitirũnũrã ñajediro, ñatusarirũmũre rojose tãmũotũjabetiriarojũ ñna vasere bojabeami. Ñ tũja ñna ñasejũare bojaami.^C ⁴⁰ No bojagũ, “Dios macũ ñaja mũ” yũre yimasicõari, yũre ajitirũnũgũre, Dios ñ catisere ñ cõosere bojaami yũ jacũ —ñnare yicami Jesús.

⁴¹ “Pan quẽnamasusere bajiro bajigũ ñaja yũ Dios ñ ñarojũ rujiadicacũ” Jesús ñ yisere ajicõari, ñagõjaicama jud'io masa ñjarã. ⁴² Ado bajiro gãmerã yicama:

—¿Adi macagũ, José macũ me ñatique? Ñ jacũre, ñ jacore quẽne masiaja maní. To bajigũ ñaboarine, “Dios ñ ñarojũ rujiadicajũ yũ”, manire yisocaboami —gãmerã yicama ñna.

⁴³ To bajiro ñna gãmerã yĩñajare, ado bajiro ñnare yicami Jesús:

—Yũre ñagõmacabesa mũa. ⁴⁴ Yũ jacũ sũorine yũ bojarore bajiro quẽnasejũare tũoñavasoariarã rĩne ñaama yũre ajitirũnũrã. Ñatusarirũmũ ñnare catiorũcũja yũ. ⁴⁵ Diore gotirẽtobosariarã yũre ajitirũnũrona ñna bajiro tire yirã, gotirã ado bajiro ucayuma ñna: “Dios ñ masise sũorine masirũarãma

^C 6:39 Ñatusarirũmũre ñ yijama, adi macarũcũro ti jediro tudiejacõari, masare ñ ñabeserirũmũre yigũ yiyuju Jesús.

ĩna jedirone”, yuicayuma ĩna. To bajiri yu jacy ĩ masise suorine yu bojarore bajirojũare tuoĩlavasoacõari, yure ajitirũnũarãma.

46 Masũ, nijũane yu jacyre ĩagũ maami. Yu sũgũne ĩ tũjũre rujiadicacy ñari, ĩre ĩacacy ñaja yu. 47 Ñamasusere riojo mũare gotiaja yu: No bojagy yure ajitirũnũgũma, Dios ĩ catisere cyogy ñaami. 48 Pan quẽnamasusere bajiro bajigy ñaja yu. 49 Mũa ñicũa yucũ manojũ manã vãme cutisere bare, Dios ĩ cõarũgũrere barũgũriarã ñaboarine bajireajedicoasuma ĩna. 50 Yũrema, pan quẽnamasusere bajiro bajigyre, masa ĩna ajitirũnũjama, bajireacoaboarine, quẽna tudicaticõari, quẽnaro ñarũgũrũarãma ĩna. 51 Yũne ñaja pan quẽnamasusere bajiro bajigy Dios ĩ cõacacyma. No bojarã yure barã ĩna rijato berojũ, quẽna tudicaticõari, quẽnaro ñarũgũrũarãma. To bajiro ĩna bajirotire yigy, ĩnare rijabosarũcũja yu —jud'io masa ujarãre yicami Jesús.

52 To bajiro ĩ yisere ajicõari, ĩna masune ado bajiro gãmerã yicama ĩna:

—¿No bajiro ĩ rujũre manire ecariquĩda ĩ? —gãmerã yicama ĩna.

53 To bajiro ĩna yisere ajicõari, ado bajiro ĩnare yicami Jesús:

—Ñamasusere riojo mũare gotiaja yu: Yure, Dios ĩ roticõacacyre, yu rujũre mũa babetijama, yu ri'ire quẽne mũa idibetijama, mũa rijato berojũ “Tudirijabeticõato” yigy, Dios ĩ catisere cyobetirũarãja mũa. 54 No bojagy yu rujũre bagy, yu ri'ire idigy ñaami Dios ĩ catisere cyogy. To bajicõari, ĩ rijato berojũ ñatũsarirũmũare tudicaticõari, quẽnaro ñarũgũrũcũmi. 55 Yu rujũ ñaja bare ñamasuse. To bajicõari, yu ri'i ñaja idire ñamasuse. 56 To bajiri yu rujũre bacõari, yu ri'ire idigyuma, yu rãcagy ñagũmi. Yũjũa quẽne, ĩ rãcagy ñaja yu. 57 Yu jacy, yure cõacacy catirere cyogy ñaami. To bajiri ĩ suorine catiaja yu. To bajirone bajirũcũmi yure ajitirũnũgũ quẽne. Yu suorine ĩ rijato berojũ quẽna tudicaticõari, yu rãca quẽnaro ñacõa ñarũgũrũcũmi. 58 To bajiri pan quẽnamasusere bajiro bajigy, Dios ĩ ñarojũ rujiadicacy ñaja yu. Yũma mũa ñicũare õ vecaye bare Dios ĩ cõare manã vãme cutisere bajiro bajigy me ñaja. Mũa ñicũa, manã vãme cutisere bariarã ñaboarine, bajireajedyuma ĩna. No bojagy yure ajitirũnũgũma, ĩ rijato berojũ quẽna tudicaticõari, yu rãca quẽnaro ñacõa ñarũgũrũcũmi —ĩnare yicami Jesús, jud'io masa ujarãre.

59 Ado bajiro ĩ gotimasio ñajama, Capernaum vãme cuti maca ñarivi, Dios ocare ĩna buerivijũ ñacõari, ĩnare gotimasio cami Jesús.

“Yu ocare ajitirũnũgũrema, ‘Tudirijabeticõato’ yigy, Dios ĩ catisere ĩsirũcũja”, Jesús ĩ yire queti

60 To bajiro ĩ gotisere ajicõari, jãjarã ĩre sũyarã, ado bajiro gãmerã yicama ĩna:

—To bajiro ĩ yigotimasiose, no bajiro yimasiriaro maja. Tire ajivariquēnagū magūmi —gāmerā yicama ĩna.

⁶¹ To bajiro ĩna gāmerā yisere masicōacami Jesús. To bajiri, ado bajiro ĩnare yicami:

—To bajiro m̄are yu yigotimasiosere ajitebesa m̄a. ⁶² “Riojo me yami” m̄a yit̄oĭajama, Dios ĩ roticōacacu ō vecaju yu vadicatojure quēna yu tudimujatore ĩacōari, “Riojo yiyumi”, yit̄oĭaboaruarāja m̄a. ⁶³ “Yu rujure ĩna base suorine, ĩna rijato beroju ‘Tudirijabeticōato’ yigu, Dios ĩ catisere suoruarāma masa” yu yijama, yu rujure yigu me yaja yu. Yure masa ĩna ajitir̄un̄usejare yigu yaja. Yure ajitir̄un̄r̄arema Esp'iritu Santore ĩnare cōaruc̄aja yu, ĩna rijato beroju, “Tudirijabeticōato” yigu. ⁶⁴ To bajiro yu yigotisere, “Socu yami”, yit̄oĭaja m̄a sīgūri —ĩnare yicami Jesús.

Rēmojune, “ĩna ñaruarāma ‘Socu yami’ ” yure yit̄oĭarā, to yicōari, “ĩ ñaruc̄ami yure ĩsirocarocu” yimasigū ñari, to bajiro ĩnare yicami.

⁶⁵ To bajiro yigajanocōari, ado bajiro ĩnare gotiquēnocami:

—“Yure suyará sīgūri, ‘Socu yami’, yure yit̄oĭaama” yimasigū ñari, “Ñimarā yure ajitir̄un̄r̄a maniborāma, yu jacu suorine quēnasejare ĩna t̄oĭavasoabetijama”, m̄are yibu yu. To bajiri yu jacu suorine quēnasejare t̄oĭavasoarā me ñari, “Socu yami”, yure yaja m̄a sīgūri —ĩnare yicami Jesús.

⁶⁶ To bajiro ĩ yisere ajicōari, jājarā ĩre suyaboacana ĩre cāmotadicōari, juaji ĩ rāca vacudibeticama ĩna yuja. ⁶⁷ To bajiro ĩna bajiro ĩacōari, juāmo cōro, gubo juā jēnituarirācu ñarāre ado bajiro yure sēniñacami Jesús:

—¿M̄a quēne, “ĩre cāmotadito mani”, yure yit̄oĭati m̄a? — yure yisēniñacami.

⁶⁸ To bajiro ĩ yisere ajicōari, ado bajiro ĩre yicudicami Pedro:

—Ñimuj̄a m̄are bajiro bajigu magūmi. Yuā rijato beroju, “Tudirijabeticōato” yigu, Dios ĩ catisere yure m̄ ĩsisere gotiaja m̄. ⁶⁹ M̄are ajitir̄un̄aja yuā. “Rojose yigu me, Dios ĩ cōar'i ñaja m̄”, m̄are yimasiaja yuā —Jesúre ĩre yicami Pedro.

⁷⁰ To bajiro ĩ yisere ajicōari ado bajiro yure yicami Jesús:

—M̄arema, ¿juāmo cōro, gubo juā jēnituarirācu ñarāre yune m̄are bese juabeticati yu? To yu yicana m̄a ñaboajaquēne, m̄a vatoare ñaami sīgū vātia ujure cadigu —yure yicami Jesús.

⁷¹ To bajise ĩ yijama, Simón macu Judas Iscariotere yigu yiyumi Jesús, yuā juāmo cōro, gubo juā jēnituaro rācagu ñaboarine, ĩre ĩsirocarocu ĩ ñajare.

7

Jesús bederā ñaboarine, ĩre ĩna ajitir̄un̄abetire queti

¹ To bajiro ĩ yiro bero, quēna Galilea sitajū yuare ũmato vacudicami Jesús. Judea sitajū ñarɥabeticami, ti sitana jud'io masa ɥjarā ĩre ĩna s̃arɥajare. ² Yucú manojū ĩna ñicua ĩna ñacudimasirere tɥoñariarūmuri, Enramadas vāme cuti boserūmū cōñacajū. ³ To bajiri, Jesús bederā ado bajiro ĩre yicama:

—Judea sitajū mure sɥyaboacana, jājarā ñarāma. To bajiri adojure tujabesa. Tojūane tudicoasa mɥ, ĩna quēne, “Īaĭañamanire mɥ yīñorūgūsere ĩato ĩna” yigū. ⁴ No bojagū, jājarā masa ĩre ĩna ĩamasirotire ĩ bojjama, masa mojjoroaca ñarojjure yīñocudibecūmi. Īaĭañamanire yīñomasigū ñari, jājarā ĩna ñarojjure yīñoaya mɥ —ĩre yicama ĩna, Jesús bederā.

⁵ Jesús bederā ñaboarine, “ ‘Rotimɥorūgōrɥucami’ yigū, Dios ĩ cōar'i ñaami”, ĩre yitɥoñarā me ñacama. ⁶ To bajiri ado bajiro ĩnare yicami Jesús:

—Judeajū yɥ varoti ejabeaja maji. No bojarirūmū mɥa vajama, mɥarema quēnacōaja. ⁷ Diore ajimena mɥa ñajare, mɥare ĩatemena. Yɥrema ĩateama ĩna, “Mɥa yirūgūse, rojose ñaja ti” ĩnare yɥ yijare. ⁸ Enramadas boserūmū ĩarā vasa mɥama. Yɥrema, yɥ varoti ejabeaja maji —ĩ bederāre yicami Jesús.

⁹ To bajiro ĩnare ĩ yiro bero, Galilea sitajure ñacōacajū yɥa maji.

Enramadas vāme cuti boserūmure Jesús ĩ gotimasiore queti

¹⁰ Ī bederā ĩna vato bero, Jesús quēne, Enramadas boserūmū ũmato ĩagū vacami. To bajiboarine, yayioroaca yuare ũmato ejacami. ¹¹ To ñacama jud'io masa ɥjarā quēne. Īre macaboacama.

—¿Nojū ñati ĩ? —yicudiboacama.

¹²⁻¹³ Tirūmɥirire jājarā masa Jesúre ñagōjai ñacama ĩna. Sīgūri ado bajiro yicama:

—Quēnaro yigū ñagūmi —yicama ĩna.

Gājerājūama:

—Quēnaro yigū me ñagūmi. Masare yitogū ñagūmi —boca yicama. ɥjarāre gūirā ñari, ĩna masune yayioroaca gāmerā ñagōcōa ñacama ĩna, Jesúre gōjarā.

¹⁴ Enramadas boserūmū ĩna yī gɥdareco cutiato, Diore yirūcɥɥoriavire sājacōari, masare ĩnare gotimasioami Jesús yuja. ¹⁵ Ī gotimasiosere ajicōari, no yimasibeticama jud'io masa ɥjarā:

—Buebetir'i ñaboarine, ¿no yigū to bajise gotimasiomasiati ĩ? —yicama ĩna.

¹⁶ To bajiro ĩna yisere masicōari,

—Yɥ gotimasiosema yɥ ye me ñaja. Yɥre cōacacɥ ye ñaja ti. ¹⁷ Dios ĩ bojasere mɥa yirɥajama, “Dios ĩ yerene gotimasioami”, yimasiborāja mɥa. ¹⁸ No bojagū no ĩ tɥoñasene

gotiguma, masa quēnase ĩre ĩna yirūcubuosere bojagumi. No bojagu ĩre cōacacure Diore masa quēnase ĩre ĩna yirūcubuosere bojaguma, riojo masune gotigu ñagūmi. Ñie ũnijūare masare ĩnare yitobecumi.

¹⁹ ¿Moisés ñamasir'i Dios ĩ rotimasirere mūare cūbesujarique ĩ? Tire cūorā ñaboarine no bojagu mūa vatoare Dios ĩ rotimasirere cūdijeogu maami. Rojose yu yibetiboajaquēne yure sīarūaja mūa —masare yicami Jesús.

²⁰ To bajiro ĩ yisere ajicōari, ado bajiro ĩre cūdicama ĩna masa:

—Vāti mū usujure sājacōari, rojose mūre yitogu yigumi. Ñimūjua mūre sīarūagu magūmi —ĩre yicama ĩna, Jesúre.

²¹ To bajiro ĩna yijare,

—Ususājariarūmū ñaboajaquēne, sīgū rijagure yu catioro ĩacōari ĩaucacaju mūa, “Ususājariarūmū ñaboajaquēne moami” yīīaterā. ²² Moisés ñamasir'i sūcacare circuncisión yirere mūare rotiyumi ĩ. ĩ masu me tire rotisūoyumi. Jēre ĩ ñicūajune to bajirone yicoadimasīñujarā ĩna. To bajiro rotimasire ñajare,

ususājariarūmū ti ñaboajaquēne, sūcare circuncisión yaja mūa. ²³ Moisés ñamasir'i ĩ rotimasirere cūdirā ñari, ususājariarūmū ti ñaboajaquēne sūcare circuncisión yaja mūa. Yūjūarema ususājariarūmū ti ñaboajaquēne sīgū rijagure yu catiojama, ¿no yirā yure jūnisiniati mūa?

²⁴ Ñie manone rujajine quēnaro tūoīabetiboarine, “Rojose ĩre ñaja”, yure yibesa mūa. “Rojose ĩre ñaja” mūa yijama, quēnaro tūoīa rījoro yicōari, “Rojose ĩre ñaja”, yure yiya mūa —ĩnare yicami Jesús, masare.

“Dios ĩ ñarojūre vadicaçū ñaja yu”, Jesús ĩyire queti

²⁵ To bajiro ĩ yisere ajicōari, Jerusalén macana sīgūri ĩna masune gāmerā sēniīacama ĩna:

—¿Sīarūarā, ĩna macagu me ñaruyuati ĩ? ²⁶ Ado mani jediro rījorojūare ñagōñaami ĩ. To ĩ bajiboajaquēne sīgū ĩre boca yimatagu maami. Adoana ujarā, “Cristo Dios ĩ cōagū, mani uju ñagūmi ĩ”, ¿yitūoīarāda ĩna? ²⁷ “Ti macagu vayumi”, yimasijaja mani. Cristorema, “ĩ ejaro, ‘Toagu vayumi’ yimasibetirūarāja mani”, yiadire ñaja —ĩna masune gāmerā yicama ĩna, Jerusalén macana sīgūri.

²⁸ To bajiro ĩna yisere ajicōari, Diore yirūcubūoriavijū gotimasio ñacacū, oca tutuase rāca ñagōcami Jesús yuja:

—Yure ĩacōari, “Ti macagu ñaami”, yure yitūoīaboaja mūa. To bajiro mūa yitūoīajama, yure cōacacure riojo yigure masibeaja mūa. ²⁹ Yūma ĩre masijaja. ĩ cōacacūne ñaja yu. ĩ ñarojūne vadicaçū yu —ĩnare yicami Jesús.

³⁰ To bajiro ĩ yijare, buto ĩre ajijūnisinirā ñari, ĩre ñiarūaboacama ĩna, jud'io masa ujarā. To bajiboarine ĩre

ñiamasibeticama ñna, “To cõrone ñiaecorucami” Dios ï yiriarũmu ti ejabetijare. ³¹ Gãjerãma jãjarã ñre ajitirũnucama ñna. To bajiri ado bajiro yicama ñna:

—Cristo, Dios ï cõar'i ñagũmi ãni. No bojagu ï rãtoro ñaiañamanire yigu manirucami —yicama ñna, ñre ajitirũnũrã.

Jesũre ñre ñiaruarã, Diore yirũcũbũoriavire coderimasa ñna ejare queti

³² Masa Jesús ï bajisere yayioroaca ñna gotiro ajiyuma fariseo masa. To bajiri, Diore yirũcũbũoriavi coderimasare Jesũre ñre ñiarotiyuma ñna, paia ujarã quẽne. ³³ Ñna ejaro ñacõari ado bajiro yicami Jesús:

—Yũre cõacacu tũju quẽna tudiarucuja yũ. To bajiri yoaro meaca adore masa tũjũre ñarucuja yũ. ³⁴ Yũre macaruarãja mũa. To bajiboarine yũre bũjabetiruarãja mũa. Yũ ñarojũre no bajiro yi vamasibetiruarãja mũa —masare ñnare yigoticami Jesús.

³⁵ To bajiro Jesús ï yisere ajicõari, jud'io masa ujarã ñna masune gãmerã sãnĩlacama ñna:

—¿Nojũre variquĩda ñ, ñre mani bũjabetirotøjũrema? Mani ñaro sojuajũ vacõari griego masa rãca vusarã tũju varũ yigũmi, ñ yijama. Tojũre vacõari, gãjerã masare, o mani yarãre gotimasiogũ varũ yigũmi, ñ yijama. ³⁶ “Yũre macaboarine yũre bũjabetiruarãja mũa. To bajicõari yũ ñarojũre vamasibetiruarãja mũa” ñ yijama, ¿no yire ñnire yati ñ? —gãmerã yĩñagõcama ñna.

“Masa Diorãca quẽnaro ñaruarã, ado bajiro bajirãma”, Jesús ñ yire queti

³⁷ Masa manojũ ñna ñicũa ñna ñnacudimasirere tũõiatũsariarũmu, tirũmu ñacajũ rujarũmu masuma. Tirũmũre vũmũrũgũcõari, oca tutuase rãca ñagõcami Jesús:

—Sĩgũ ñ oco idirũajama, oco sãnigũmi. Tire bajirone, no bojagu Diore ñ masirũajama, yũ tũjũre vadicõari ñre yũ catiorotire sãnigũ ejato ñ. ³⁸ Ajiya mũa. Ado bajiro gotiaja Dios ocare masa ñna ucamasire: No bojarã yũre ajitirũnũrãrema, “Ñna usũrijũ oco masare catiose, riagare bajiro ñmayucõa ñarũaroja, ‘Diorãca quẽnaro ñacõa ñarũgũrãjaro’ yiro”, yigotiaja Dios oca —masare ñnare yigoticami Jesús.

³⁹ To bajiro ñ yijama, “Yũre ajitirũnũrãre ñna usũrijũre, Dios ñ cõagũ Esp'iritu Santo ejacõari quẽnaro ñnare ejarẽmocõa ñarũgũrũcami, ñna rijato berojũ tudirijabeticõari, Diorãca quẽnaro ñaronare” yigu yicami Jesús. Õ vecajũre, quẽnase ñre yirũcũbũoriajũjũre Jesús ñ tudiejabetijare, Dios ñ cõagũ Esp'iritu Santore adi macarũcũrore Jesũre ajitirũnũcanare cõabesumi Dios maji.

Ricatiri rĩne masa ĩna tũoĩare queti

⁴⁰ Jesús ĩ ñagõsere ajicõari, sĩgũri ado bajiro yicama:

—Diore ĩre gotirẽtobosarimasa, Dios ocare ucarã, “To bajirucumi” masa ĩna yucamasir'i masune ñaami —yicama ĩna, sĩgũri.

⁴¹ Gãjerãjũama ado bajiro yicama ĩna:

—Cristo, “Rotimũorũgõrucumi” yigũ, Dios ĩ cõar'i masune ñacõaami —yicama ĩna.

Gãjerãma ado bajiro yicama:

—Cristo me ñaami. No bajiro yigũ, Galileagũne Cristo ñabecumi. ⁴² Dios ocare masa ĩna ucamasire ti gotijama, ado bajiro yaja: “Ujũ David ñamasir'i jãnerabatia jãnami ñarucumi Cristo. To bajiri David ñamasir'ire bajirone Belén macagũne ñarucumi ĩ quẽne”, yigotiaja Dios oca —yicama ĩna.

⁴³ Ado bajise ricatiri rĩne Jesũre ĩre yitũoĩacama ĩna. ⁴⁴ Sĩgũri ĩre ñiarũaboacama. To bajiboarine ĩre ñiamasibeticama.

Jud'io masa ujarã, Jesũre ĩna ajitirũnũbetire queti

⁴⁵ Diore yirũcũbũoriavire coderimasa Jesũre ĩre ñiamasibeticõari, fariseo masa, paia ujarã tũjũre tudiacama ĩna. Ñie manane ĩna ejaro ĩacõari ado bajiro ĩnare yisẽniãũujarã ĩna paia ujarã:

—¿No yirã ĩre ãmiadibeti mũa? —ĩnare yiyujarã ĩna.

⁴⁶ Ado bajiro ĩnare yicũdiyujarã Diore yirũcũbũoriavire coderimasa:

—ĩre bajiro ñagõrã manicama ĩna —yiyujarã ĩna.

⁴⁷ To bajiro ĩna yijare, fariseo masajũa ado bajiro ĩnare yiyujarã:

—¿To yitogũ ĩ yiserene ĩre ajiri mũa? ⁴⁸ Mũa ujarã ñaja yũa. Yũama sĩgũ ĩre ajitirũnũgũ maja. Mani ujarã quẽne sĩgũ ĩre ajitirũnũgũ maami. ⁴⁹ Adoana masa Moisés ñamasir'i ĩ rotimasirere masibeticõari, Jesũre ĩre ajitirũnũrãma. To bajiro ĩna bajijare, ĩnare rearucumi Dios —yiyujarã ĩna fariseo masa.

⁵⁰ Nicodemo ñamijũ Jesũre ĩre ĩagũ ejar'i, fariseo masũ ñaũuju ĩ quẽne. ĩ babarãre ado bajiro ĩnare yiyuju ĩ:

⁵¹ —¡Majique! Moisés ñamasir'i manire ĩ rotimasirere yirã, ĩ gotisere ajicõari, ĩre sẽniãbetiboarine, “Rojose ñaja ti, ĩre”, yimasibeaja mani —yiyuju Nicodemo, ĩ babarãre.

⁵² To bajiro ĩ yijare,

—¿Mũ quẽne Galileagũ ñatique mũa? Dios ocare masa ĩna ucamasiriatutire ĩaãasaque mũa. Tire mũ buero bero, “Diore gotirẽtobosarimasũ Galileajũ vadir'i manirucumi” yiuaturere masirucuja mũ quẽne —ĩre yiyujarã ĩna, Nicodemore tud'irã.

⁵³ To bajiro ĩre yicõa, ĩna ya virijũ tudijedicoasujarã ĩna.

8

Rõmio manajm cõtiboarine, gãji rãca ajeri cõtigo Jesús tujare so ejare queti

¹ Macajm yna tujarone, Olivo vãme cõtì burojm majacoacami Jesús. ² Gajerãm, busurijm, Diore yirãcãbãoriavijm tudiejacami quëna Jesús. Ì ejaro ìacõari jãjarã masa ì ture rëjacama. To bajiro ìna bajijare, rujicõari ymare gotimasiocami Jesús.

³ To bajiro ymare ì yigotimasio ñarone, fariseo masa, Dios ì rotimasire gotimasiorimasa quëne ejacama. Sīgõ rõmio manajm cõtiboarine gãji rãca ajeri cõtigore yna ìaro rìjorojuare sore jiaejocama ìna. ⁴ To yicõari, ado bajiro Jesúre ìre yicama ìna:

—Ymare masiogũ, adio rõmio manajm cõtiboarine gãji rãca so ajeri cõtisere ìam yna. ⁵ Moisés ñamasir'i ì rotimasire ado bajiro yirotiaja ti: “To bajiro yirãrema gütane ìnare reasĩaña”, yaja ti. Muma, ¿no bajiro tãoĩati m? —Jesúre ìre yicama.

⁶ “Moisés ì yiriarore bajirone Jesús manire ì cãdibetijama, ‘Jesús, rojose yimi’ ” ùjarãre yi ocasãruarã, Jesúre sënĩatoboacama ìna. To bajiro ìna yisënĩatoboaquëne, mubiãcõari ì ãmo vãsoane ucacami Jesús, sita tũcurojare. ⁷ Ìre ìna sënĩatãjabetijare, vãmãrũgũcõari, ado bajiro ìnare yicami Jesús yuja:

—Mna rãcagũ, “Rojose yibecũ ñaja yũ” yigũ, gütane mũare ùmato rocavasũoato —ìnare yicami Jesús.

⁸ To bajiro yicõa, quëna mubiãcoacami Jesús. Mubiãcõari, sita tũcurore ucacõa ñacami quëna. ⁹ To bajiro ì yisere ajicõari, “Rojose yibeticajm” yigũ manicami. To bajiri, sore gütane rocavamenane, bũcãrã vasũo, tijm bero gãjerã vajedicoacama ìna. To ìna baji veogo, so sīgõne Jesúrãca tujacamo so. ¹⁰ To ìna bajiro bero, vãmãrũgũcõari, so sīgõne so ñaro ìacõari, ado bajiro sore sënĩacami Jesús:

—¿Nojm ñati ìna yuja, “Rojose yimo” mure yirãma? ¿Rojose m yise vaja, sīgũjuma mure sãmnenane, vacoajari ìna? —sore yicami Jesús.

¹¹ To bajiro ì yijare,

—Yure sãmnenane, vacoajama —Jesúre yicamo.

To so yisere ajicõari, ado bajiro sore yicami Jesús:

—Yũ quëne, “Rojose m yire vaja rojose tãmũogũocoja”, yibeaja yũ. Vasa. Quëna gãme rojose yibeja m yuja —sore yicami Jesús.

“Yũ sũorine Diore masire ñaja”, Jesús ì yire queti

¹² Quëna ado bajiro masare ìnare yigoticami Jesús:

—Yũ sũorine Diore masiama masa. Yure ajitirũnũmasurãma, Diore masimenare bajiro bajibetirũarãma

ĩna. Yure ajitirũnarãre catioaja yu, ĩna rijato beroju, “Quẽnaro catijedicõa ñarũgũrãjaro” yigũ –ĩnare yicami Jesús.

13 To bajiro ĩ yisere ajicõari, ado bajiro yicama fariseo masa:

–“To bajiro bajigũ ñaja yu” mũ yiboajaquẽne, nijũane gãji mami, “Riojo gotiami” mũre yigũma. To bajiri to bajiro mũ yiboase vaja maja ti. To bajiro yitocõagũ yaja mũ –Jesũre ĩre yicama.

14 To bajiro ĩna yijare, ado bajiro ĩnare yicũdicami Jesús:

–Yũ vadicatojũre masiaja yu. Yũ varotore quẽne masiaja yu. To bajiri yũ masune yũ gotise ñaboarine, socase me ñaja ti. Mũama, yũ vadicatojũre, to yicõari, yũ varotore quẽne masibeaja mũa. 15 Masa ñari, riojo masimenane, “Rojose yirã ñaama”, gãjerãre yĩabeserũgũaja mũa. Yũma, masa ĩna yisere ĩabesegũ me yaja. 16 To bajiboarine masa rojose ĩna yisere yũ ĩabesejama, yũ sĩgũne ĩabesebeaja yũ. Yũ jacũ, yũre cõacacũ, yũ rãcane ĩabeseami. To bajiri, masare, “Rojose yirã ñaama” yũ yijama, riojo masune ĩnare gotiaja yũ. 17 Mũa ñicũa ĩna rotimasirere ado bajiro yuicamasire ñaja ti: “‘Rojose yimi’ jũarã ĩna yijama, ĩnare ajiya”, yaja ti, mũa ñicũa ĩna rotimasire. 18 To bajiri, “To bajiro bajigũ ñaja yu”, masare yĩõrũgũaja yũ, yũ masu quẽne. Yũ jacũ yũre cõacacũ quẽne, ĩ masune, “Yũ macũ yũ cõagũ ñaami” yigũ ñari, masa ĩna ajimasirotire ĩnare cõarũgũami –ĩnare yicami Jesús.

19 To bajiro ĩ yisere ajicõari, ado bajiro ĩre sẽnĩlacama ĩna:

–¿Nojũ ñati mũ jacũ? –ĩre yicama, Jesũre.

To bajiro ĩna yijare ĩnare cũdicami Jesús:

–Yũre ĩamasibeaja mũa. To bajiri yũ jacũre quẽne masibeaja mũa. Yũre mũa ĩamasijama, yũ jacũre quẽne masiborãja mũa –ĩnare yicami Jesús.

20 Diore yirũcũbũoriavijũ, masa ĩna gãjoa sãriaju tũjũre rũgõcõari, to bajise masare ĩnare yigotimasiocami Jesús. Tojũ jud'io masa ujarã ĩna moarijũ ti ñaboajaquẽne, Jesũre ñiamasibeticama, ĩre ĩna ñiaroticu maji ti ejabetijare.

“Yũ vatojũre no bajiro yi vamasibetirũarãja mũa”, Jesús ĩyire

21 Quẽna ado bajiro masare yigoticami Jesús:

–Varũcũja yũ. Yũ vato bero, yũre macaboarũarãja mũa. Yũre bũjamena rĩne rojose mũa yise rãcane bajireacoarũarãja mũa. To bajiri yũ vatojũre vamasibetirũarãja mũa –ĩnare yicami Jesús.

22 To bajiro ĩ yisere ajicõari, ado bajiro gãmerã yicama ĩna, jud'io masa ujarã:

–¿Ĩ masune sĩayayirũ yati ĩ, “Yũ varotojũre vabetirũarãja mũa” ĩ yijama? –gãmerã yicama ĩna.

23 To bajiro ĩna yisere ajicõari:

—M̄uama, adigodoana ñaja. Ȳuma, õ vecaguj̄u ñaja. Adi macar̄uc̄uroana Diore ajimena ñaja m̄uama. Ȳuma, adi macar̄uc̄uroagu me ñaja yu. ²⁴ To bajiri, “Rojose m̄ua yise r̄ãcane bajireacoar̄uar̄aja m̄ua”, m̄uare yib̄u yu. “Ïne ñaja yu” yu yirore bajiro yure m̄ua ajitir̄un̄ubetijama, rojose m̄ua yise r̄ãcane bajireacoar̄uar̄aja m̄ua —Ïnare yicami Jesús.

²⁵ To bajiro ï yisere ajic̄õari, ado bajiro ïre s̄eniñacama ña:

—¿Ñim̄u õgũ ñati m̄u? —Ïre yicama ña, Jesúre.

To bajiro ña yirone, ñnare c̄adicami Jesús:

—M̄uare gotis̄uoguj̄une, “Ï ñaja yu” m̄uare yis̄uoadicaj̄u yu. ²⁶ Jairo m̄uare yu gotiroti ñaboaja ti. Rojose m̄ua yisere ïac̄õari, “Ado bajiro rojose yaja m̄ua” cojosi me m̄uare yu yiborotine bajic̄õaja ti. To bajiboarine masare adi macar̄uc̄uroanare m̄uare yu gotijama, yure c̄õacacu ï gotirotise r̄ïne gotir̄ũgũaja yu —Ïnare yicami Jesús.

²⁷ To bajiro ï yiboajaquẽne, “Ȳure c̄õacacu’ yiḡu, ‘Diore, ï jac̄ure’ yiḡu yami”, yiajimasibeticama ña. ²⁸ To bajiri ado bajiro ñnare yigoticami Jesús:

—Dios ï rotic̄õacacune ñaja yu. Yuc̄at̄eroj̄u masa yure ña jajuturo bero bajisere ïac̄õari, “Riojo yiyumi. To bajiro masune bajiḡu ñañumi”, yure yimasir̄uar̄aja m̄ua. “Ï masurione ï t̄uõiasere me gotir̄ũgũñumi. Ï jac̄u ïre ï gotimasiorotisere gotir̄ũgũñumi”, yimasir̄uar̄aja m̄ua. ²⁹ Yure c̄õacacu yu r̄ãcane ñac̄õa ñar̄ũgũami. Ï bojase r̄ïne yaja yu. To bajiri yure vaveobetr̄ũgũami —masare yigoticami Jesús.

³⁰ To bajiro Jesús ï yisere ajic̄õari, j̄ajar̄a masa ïre ajitir̄un̄ucama.

“Dios r̄ĩa me ñaama rojose yir̄ã”, Jesús ï yire queti

³¹ To bajiri jud'io masare ïre ajitir̄un̄ar̄are ado bajiro goticami Jesús:

—M̄uare yu gotimasior̄ũgũsere m̄ua ajitir̄un̄u t̄ujabetijama, yu buer̄ã masune ñar̄uar̄aja m̄ua. ³² To bajiro bajir̄ã r̄ïne Dios ocare socabetire ajimasir̄uar̄aja m̄ua. Ti ocare ajimasic̄õari, rojose m̄ua yisejasere yit̄ujar̄uar̄aja m̄ua, Dios ï bojasej̄uare yir̄uar̄ã —Ïnare yicami Jesús.

³³ To bajiro ï yijare, ado bajiro yicama ña:

—Abraham ñamasir'i j̄ãnerabatia ñari, Dios yar̄ã ñaja yu. To bajiri, ¿no bajiro yiḡu, “Rojose m̄ua yisejasere yit̄ujar̄uar̄aja m̄ua, Dios ï bojasej̄uare yir̄uar̄ã”, yure yati m̄u? —Jesúre ïre yicama ña.

³⁴ To bajiro ña yisere ajic̄õari, ado bajiro yicami:

—Ñamasusere riojo m̄uare gotiaja yu: No bojar̄ã rojose yir̄ãma, rojose yisejar̄ã ñari, rojose yit̄ujamasibeama. ³⁵ S̄igũ ï çj̄ure moabosarimasu, “Ado yure moarotiḡu r̄ãcane ñac̄õa

ñarũgũrũcũja yũ”, yimasibeami. Ʋju macũjuama, ĩ rãcane ñacõa ñarũgũrũcũmi. To bajiri, Dios rĩama, ĩ rãcane ñacõa ñarũgũrũarãma. ³⁶ To bajiri, rojose mũa yisejasere yũ sũorine “Yitũjarũarãja” mũa yijama, “Rojose maja ĩnare”, mũare yirũcũja yũ yuja. ³⁷ “Abraham ñamasir'i jānerabatia ñaja yũa” mũa yisere masiaja yũ. To bajiro yirã ñaboarine, yũ gotisere ajitirũnũbeticõari yũre sĩarũaja mũa. ³⁸ Yũ jacũ yũre ĩ yĩlocatire mũare gotiaja yũ. Mũaama, mũa jacũ rojose yigũ ĩ rotisere cũdirã ñaja –ĩnare yicami Jesús.

³⁹ To bajiro ĩ yisere ajicõari, ado bajiro yicama ĩna:

–Abraham ñamasir'ine ñaũumi, “yũa jacũ” yũa yigũama – Jesũre ĩre yicama ĩna.

To bajiro ĩna yirone, ado bajiro ĩnare yicami Jesús:

–Abraham ĩ yirũgũriarore bajirone yiborãja mũa, ĩ rĩa mũa ñajama. ⁴⁰ Yũ jacũ, Dios oca socase mere ĩ gotirotirore bajirone mũare yũ gotimasioboajaquẽne, yũre sĩarũaja mũa. Abraham ñamasir'ima ti ũnire yibetirũgũmasiũumi. ⁴¹ Yũre sĩarũarã, mũa jacũ masu rojose yigũ ñadir'i ĩ yirũgũrore bajirone yirã ñaja mũa –ĩnare yicami Jesús.

To bajiro ĩ yijare, ado bajiro ĩre yicama:

–Yũa jacũ masuma, Dios ñaami. Gãji mami yũarema. ĩ rĩa masune ñaja yũama –Jesũre ĩre yicama ĩna.

⁴² To bajiro ĩna yisere ajicõari, ado bajiro ĩnare cũdicami Jesús:

–Mũa jacũ masune Dios ĩ ñajama, yũre maiboriarãja mũa. Yũ masu me vadicaju yũ. Dios yũre ĩ cõajare vadicaju yũ. Dios tũju vadicõari adone ñaja yũ. ⁴³ ¿No yirã yũ gotisere ajimasibeati mũa? Yũ gotimasiosere ajirũamena ñari, tire ajimasibeaja mũa. ⁴⁴ Mũa jacũma, vãtia ẽju ñaami. ĩ rĩa ñaja mũa. To bajiri ĩ bojasere bajirone mũa quẽne yirũa tũoĩaja mũa. Rẽmojuũne masare sĩarimasũne ñacoayumi vãtia ẽju. Riojo gotibetirũgũami. Yitorimasũ, socase jacũ ñaami. ĩ gotijama, socarũgũami. Rẽmojuũne to bajirone bajicoayumi. ⁴⁵ Yũrema socabeti quetire gotigũ yũ ñajare, yũre ajitirũnũbeaja mũa. ⁴⁶ Sĩgũ, “Ado bajise rojosere yicaju mũa”, yũre yimasigũ mami. To bajiri, riojo mũare yũ gotiboajaquẽne, ¿no yirã yũre ajitirũnũbeati mũa? ⁴⁷ Dios rĩa mũa ñajama, ĩ ocare ajiboriarãja mũa. ĩ rĩa me ñari yũre ajirũabeaja mũa –ĩnare yicami Jesús.

“Abraham ñamasir'i rĩjorojuũne ñacoadicaju yũ”, Jesús ĩ yire

⁴⁸ To bajiro ĩ yirone, cũdicama jud'io masa ɯjarã:

–“Samaria sitagũ, vãti sãñagũ ñaja mũa” mũre yũa yirũgũse riojone yiyuja yũa –Jesũre ĩre yicama jud'io masa ɯjarã yuja.

⁴⁹ To bajiro ĩna yisere ajicõari, ado bajiro ĩnare yicami Jesús:

—Vāti sãñagũ me ñaja yuma. Yũ jacu Diore quẽnase ãre yirũcũbũoaja yũ. Mũama, yũre rũcũbũobeaja mũa. ⁵⁰ “Quẽnaro yũre yirũcũbũoato ãna masa” yigũ me vadicacu ñaja yũ. Sĩgũne ñaami, quẽnaro masa yũre ãna yirũcũbũosere bojagũma. Yũre rũcũbũomenare ãamasigũ ñaami. ãamasicõari, rojose yũre ãna yise vaja rojose tãmũorotirũcũmi. ⁵¹ Ñamasusere riojo mũare gotiaja yũ. No bojarã yũ gotisere ajitirũnrãma, bajireabetirũarãma ãna —ãnare yicami Jesús.

⁵² To bajiro ã yisere ajicõari, ado bajiro Jesũre yicama jud'io masa ujarã:

—To bajiro mũ yisere ajicõari, “Vāti sãñagũ masune ñaami”, mũre yimasiaja yũa yuja. Abraham ñamasir'i, Diore gotirẽtobosarimasa ñamasiriarã quẽne, bajireajedicoasuma ãna. To bajiro ãna bajire ti ñaboajaquẽne, “Yũre ajitirũnrãma bajireabetirũarãma ãna”, yiboaja mũ. ⁵³ Yũa ñicu Abraham ñamasir'i, ñamasugũ ñamasifiũju ãma. ¿I rẽtoro ñamasugũ ñatique mũ? Abraham quẽne, Diore gotirẽtobosarimasa quẽne bajireajedicoasuma ãna. To yijama, ¿ñimũ ũgũ ñati mũ? — Jesũre ãre yicama ãna.

⁵⁴ To bajiro ãna yijare, ãnare cũdicami Jesús:

—Yũ masurione, “Quẽnagũ ñaja yũ. Quẽnase yigũ ñaja yũ” yũ yiboajama, ñie vaja maja ti. Yũ jacu ñaami quẽnase yũre yirũcũbũogũ, “ãne ñaami yũa Dios” mũa yiboagũ. ⁵⁵ ãre masibeaja mũa. Yũma, ãre quẽnaro masiaja. “ãre masibeaja” yũ yijama, mũare bajirone socagũ ñaboguja yũ. Yũma, quẽnaro masune ãre masicõaja yũ. ã yirore bajirone ãre cũdiaja yũ. ⁵⁶ Mũa masa ñicu, Abraham ñamasir'i, “Cojorũmũ ejarũcũmi Dios ã cõagũ, ñajediro masa uju” yigũ, variquẽna yũñamasifiũmi. To bajiri adi macarũcũrojũre yũ ejaro ãacõari, variquẽnamasucõacami —ãnare yicami Jesús, jud'io masa ujarãre.

⁵⁷ To bajiro ã yisere ajicõari, ado bajiro ãre yicama ãna, Jesũre:

—Bũcu me ñaja mũ. Cincuenta cãmari cũobetiboarine, ¿no yigũ, “Abraham ñamasir'ire ãre ãacajũ yũ”, yati mũ? —ãre yicama ãna.

⁵⁸ To bajiro ãna yijare, ado bajiro ãnare yicami:

—Ñamasusere riojo mũare gotiaja yũ. Abraham ñamasir'i ã ñaroto rĩjorojũne jẽre ñacõacajũ yũ —ãnare yicami Jesús.

⁵⁹ To bajiro ã yisere ajicõari, gũtari juacama, ãre rearũarã. To bajiro ãna yirone, ãnare rudicõa budiacami Jesús, Diore yirũcũbũoriavire ñaboacacu.

9

Caje ãabecu ruyuar'ire Jesús ã ãarotire queti

¹ To bajivacune, sīgū rēmone caje ĩabecu ruyuar'ire ĩre ĩabujacami Jesús. ² To ĩ bajisere ĩacōari, ado bajiro ĩre sēniñacaju yua, ĩ buerimasa, Jesúre:

—Gotimasiogū, ¿no yigū rēmone ĩabecu ruyuyujari ĩma? ¿ĩ jacuajua o ĩ masu ye sūori bajiyujarique? —Jesúre ĩre yisēniñacaju yua.

³ To bajiro yua sēniñarone, ado bajiro yuare cūdicami Jesús:

—Ī masune rojose ĩ yire vaja me, ĩ jacua quēne rojose ĩna yire vaja me, to bajigū ruyuyumi ĩ. “Dios ĩ masisere masirājaro masa” yigū, to bajigū ruyuyumi. ⁴ Ūmua ti ñaro moamasiaja mani. Rāioro berojuma moamasibeaja mani. To bajirone bajaiaja mani catise quēne. Ado ñarāma, moamasiaja mani. To bajiboarine, no bojarirāmū mani bajireacoajama, moamenaja mani. To bajiri, yure cōacacu ĩ rotirore bajirone quēnaro yirūgūroti ñaja. ⁵ To bajiri adi macarucurojare masa rujare bajiro rujū cūticōari, yū ñasere ĩacōari, to yicōari, yū gotimasiore ajicōari, Diore masiama masa. Ti ñaja yū moare —yicami Jesús.

⁶ To bajiro yigajanogūne, sita tūcurojare gooco eoreacūcami. To yicōa, ĩ goocone sitare yierocami. To yicōari, ĩabecure tine tucami, ĩ cajere. ⁷ To bajiro ĩre yicōari ado bajiro ĩre yiroticami, ĩabecure:

—Siloé vāme cūtirita, masa ĩna guarūgūritaju vasa. Tojū ejacōari, mū cajere coeba —ĩre yicami Jesús, ĩabecure. (Hebreo oca rāca “siloé” ĩna yijama, “cōar'i” yirā yicama.)

To bajiri Jesús ĩ coerotisere ajicōari, ĩ coerotirore bajirone ĩ cajere coegū vacoacami ĩabecu. Ī cajere coegajanogūne, ĩacoasuju. To bajiri ĩ ya vijū tudicoasuju. ⁸ Ī tudiejarō ĩacōari, ĩ yarā, ĩre ĩarūgūriarā, ado bajiro ĩre yiyujarā ĩna:

—“¿Yure ĩamaicōari, yure ĩsiña” yirujirūgūgū me ñati ĩma? —yiyujarā ĩna.

⁹ To bajiro ĩna yirone,

—Īne ñaami —yiyujarā ĩna sīgūri.

Gājerājuama:

—Ī me ñaami. ĩre bajigūne ñaami, bajigujuma —yiyujarā gājerāju.

To bajiro ĩna yisere ajicōari ĩ masune,

—Īne ñaja yū —yigotiyuju ĩ.

¹⁰ To bajiro ĩ yigotijare ado bajiro ĩre yisēniñañujarā masa:

—¿No bajiro yicōari, ĩacoati mū yuja? —ĩre yiyujarā ĩna.

¹¹ To bajiro ĩna yijare,

—Sīgū, Jesús vāme cūtigū ĩ goocone sitare yierocōari yū cajere tumi. Tire tucōari, ado bajiro yure yirotimi: “Siloé vāme cūtiritaju vacōari, mū cajere coeba”, yure yimi. To bajiri tiraju

ejacōari, yu cajere coebu yu. To bajiro yigune, ñacoaju yu yuja –ñare yiyuju i.

12 To bajise ñare i yigotijare, ado bajiro ñre yisēniñañujarã masa:

–¿Noju ñarolari, to bajiro mure yir'ima? –ñre yisēniñaboayujarã ña.

–Ba. Masibeaja yu –yiyuju ñabecu ñaboar'i.

13 To bajiro i yisere ajicōari, fariseo masa tujere ñabecu ñaboar'ire ñre jiasujarã ña. 14 I goocone sitare yierocōari ñabecu Jesús i caje ñaroticatirumuma, jud'io masa ña ususājarirum ñacaju ti. 15 To bajiri ñabetiboacacure ña ñmiejaro ñacōari, ado bajiro ñre yisēniñañujarã fariseo masa:

–¿No bajiro yicōari, ñabetirügüboagune, ñacoati mu yuja? –ñre yisēniñañujarã fariseo masa.

To bajiro ñre ña yirone,

–I goocone sitare yierocōari, yu cajere tumi. Tire coegune ñacoaju yu yuja –ñare yigotiyuju i.

16 To bajiro i yirone,

–Mure to bajiro yir'ima, Dios i cōar'i me ñagūmi. Ususājarirumure rucubobesumi –yiyujarã ña.

Gājerājuama ado bajiro yiyujarã ña:

–Rojose yigu i ñajama, ado bajiro ñañañamanire yibetiborimi –yiyujarã gājerājuama.

To bajiri ricatiri rñe tñoiñañujarã ña fariseo masa. 17 To yicōari bero, quēna gāme sēniñañujarã ña, ñabecu ñaboar'ire:

–Muma, ¿no bajiro tñoiati mu, “Iato” mure yir'ire? –yiyujarã ña.

To bajiro ña yirone,

–“Diore gotirētobosarimasu ñagūmi”, yaja yuma –yiyuju i.

18 “Ñabecu ruyuar'i ñaboarine, ñacoasumi yuja”, yirñabesujarã ña maji. To bajiri ñabetiboar'i jacuare jicōañujarã ña. 19 ña ejaro, ado bajiro ñare yisēniñañujarã ña:

–¿Mua macu, ñabecu ruyuacacu mua yigune ñati ñanima? ¿No bajiro yicōari ñabecu ñaboarine, ñacoasujari i yuja? – yisēniñañujarã ña, i jacuare.

20 To bajiro ña yisēniñajare, ñare gotiyujarã ña:

–Ñe ñaami yua macune, ñabecu ruyuacacune. 21 To bajiboarine, “Ado bajiro yicōari, ñaami yuja”, yimasibeaja yua. I cajere ñarotir'ire masibeaja yua. ñre sēniñañu mua. Bucu ñaami jēre. I masu mure gotiato –yiyujarã i jacua.

22 Jud'io masa ujarãre ñare güirã ñari, “Jesune ñaami ñre ñarotir'i” ñare yiterã ñari, to bajise yiyujarã i jacua. Jud'io masa ujarã ado bajiro yitñoiñañujarã ña:

—“Jesús ñaami ‘Rotimorügörucami’ yigü, Dios ï cõar'i, mani ujü” yiräre sãjarotibetiruarãja mani, Dios ocare ña buerivirijare —yituoïañujarã ña.

23 To bajiri, “Manire sãjarotibetoma” yirã, “Вуса ñaami. Ìre sēniñaña”, ñare yiyujarã ïabetiboar'i jacua.

24 To bajiro ña yijare, ïabetiboar'ire ado bajiro ñre yiyujarã ña quēna:

—Dios sīgūrene quēnase ñre yirücubuoaya, mü cajere ïarotir'i ï ñajare. Jesújarema, “Rojose yigü ñaami”, ñre yimasiaja yua — ñre yiyujarã ña.

25 To bajiro ña yisere ajicõari, ado bajiro yiyuju ï:

—“Rojose yigü, quēnase yigü ñagūmi”, ñre yimasieaja yu. “Ïabecu ñaboacacu, yucurema ïagū ñaja yu yuja”, yimasiaja yu, tirema —yiyuju ï.

26 To bajiro ï yisere ajiboarine, quēna ñre sēniñañujarã ña:

—¿No bajiro müre yiri ï, “Ïato ï” müre yigü? —Ñre yiyujarã ña.

27 To bajiro ña yijare, ado bajiro ñare cūdiyuju ï:

—Jēre müare gotiboabu yu. Yure ajieaja müa. ¿No yiguarã quēna gāme gotire bojati müa? ¿Müa quēne ï buerã ñarhatique? —Ñare yiyuju ï.

28 To bajiro ï yisere ajicõari, ñre tud'yujarã ña:

—Müma, ï buegü ñaja mü. Yüma, Moisés ñamasir'i ï rotimasirere buerã ñaja yüma. 29 “Moisés ñamasir'ire ñagõñumi Dios”, yimasiaja yua. Müre cator'irema masieaja yua. “Tojü vadir'i ñagūmi”, yimasieaja yua, ñrema —yiyujarã ña.

30 To bajiro ña yisere ajicõari, ado bajiro ñare cūdiyuju ï:

—Yü cajere ï ïarotiboajaquēne, “Tojü vadir'i ñañumi”, yimasieaja müa. 31 “Rojose yirärema ajibecami Dios. ñre rücübucõari, ï bojasere yirã rĩrene ajigümi Dios”, yimasiaja mani. 32 “Ïabecu ruyuar'ire sīgü ñre ïaroticõañuju” yire ajiyamanicaju ti. 33 Yure ïarotigüma, Dios ï cõagü me ï ñajama, yure no yimasibetiborimi —ñare yiyuju ï.

34 To bajiro ï yijare, ado bajiro ñre yiyujarã ña:

—Rēmone rojose rãca ruyuar'i ñaja mü. To bajigü ñaboarine, “Ñare gotimasiorucüja yu”, ¿yituoïaboati mü, yure? —Ñre yiyujarã ña, ïabecu ñaboar'ire.

To yicõa, ñre bucõañujarã ña, Dios ocare ña bueriviju ñaboagure.

“Yure ajitirünmenama, caje ïamenare bajiro bajiamata”, Jesús ï yire queti

35 Ïabecu ñaboar'ire ñre ña bucõasere ajicajü yua, Jesúrãca. To bajiri ñre ïabujacõari, ado bajiro ñre yicami Jesús:

—¿Dios ï roticõacacure ajitirünhati mü? —Ñre yicami Jesús.

36 To bajiro ï yirone, ado bajiro ñre cūdicami:

—Yure gotiya. “Ī ñaami”, yiya. Īre ajitirūnūaaja —Jesúre Īre yicami.

³⁷ To bajiro ĩ yirone, ado bajiro Īre cūdicami Jesús:

—Jēre Īre ĩaja mū. Īne ñaja yū, ado mū rāca ñagōgūne —Īre yicami Jesús.

³⁸ To bajiro ĩ yirone,

—Yū ũjū, mūre ajitirūnūaaja yū —Jesúre Īre yicōa, ĩ rĭjorojuare gūsomuniari tuetucami, “Ñamasugū masune ñaja mū” Īre yirūcūbūogū.

³⁹ To ĩ yiro bero, ado bajiro masare yicami Jesús:

—Īamenare bajiro bajirā ñaama Dios ocare ajitirūnūmena. “Quēnaro Diore ajitirūnūato ĩna” yigū, adi macarūcūrojure vadicaia yū. To bajilboarine Diore ajitirūnūmena ñaboarine, “‘Diore ajitirūnūā ñaja yūa’ yirāma, rojose tāmūotūjabetiriaroju varuarāma ĩna” yigūagū vadicaia yū —Īnare yicami Jesús.

⁴⁰ To bajiro ĩ yijare, to ñacana fariseo masa sĭgūri, Jesúre Īre sēniāacama ĩna:

—¿“Dios ocare masimena ñaama ĩna quēne” yigū, yūare yati mū? —Jesúre Īre yicama ĩna.

⁴¹ To bajiro ĩna yirone,

—“Dios ocare quēnaro masibeaja yūa” mūa yigotijama, rojose maniboriaroia ti, mūare. “Jēre Dios ocare masiaja yūa” yirā ñari, yūre mūa ajitirūnūbetijare, rojose ñacōa ñaja mūare —Īnare yicami Jesús.

10

Ovejare ĩatirūnūgūre bajiro Jesús Īre ajitirūnūrāre ĩ codese

¹ Quēna masare gotimasiogū ado bajiro yicami Jesús:

—Ñamasusere riojo mūare gotiaja yū. No bojagū oveja ĩna ñarisānirore, sojere sājabecū, soje manijūrene joresājagūma, juarudirimasū o gājerā yarāre ēmacudirimasū ñagūmi. ² Sojene sājagūma, ĩnare coderimasū ñaami. ³ Ovejare coderimasūre, “Sājajaro ĩ” yigū Īre soje jānabosagūmi, ti sāniro sojere codegū. Ī sājatone ĩ oca jedisere ajimasicōarāma ĩna oveja. ĩna vāmene ĩnare jibugūmi, ĩnare masigū ñari. ⁴ ĩnare jibujeocōari, ĩnare rĭjoro cūti vacūmi. ĩ ocare ajimasicōari, ĩre sūyarāma ĩna. ⁵ ĩna ajimasibecūrema sūyamenama ĩna. ĩ ocare ajimasibeticōari, ĩre rudiruarāma ĩna —Īnare yicami Jesús, masare.

⁶ Ado bajise ĩnare yigotimasioboacami Jesús. ĩnajūama boca ajimasibeticama.

“Oveja ĩna sājarijojere bajiro bajigū ñaja yū”, Jesús ĩ yire queti

⁷ ĩna ajimasibetire masicōari, ado bajiro ĩnare goticami Jesús quēna:

—Ñamasusere riojo m̄are gotiaja yu. Yu ñaja soje, oveja ña s̄jarisojere bajiro bajigu. Ovejare bajiro bajirã ñaama masa. ⁸ Yu r̄joro ejariarãma, “ ‘Rotim̄or̄uḡõrc̄ami’ yigu, Dios ñ c̄agũ ñaja yu”, yisocariarãma. Ña ñaro c̄õrone juarudirimasare bajiro bajirã ñacoayuma ña, yure ajitir̄un̄ariarãre, “Ajitir̄un̄abetic̄õãña” yirã. To bajiro ñare ña yiboajaquẽne, yure ajitir̄un̄arãj̄ama, ñare c̄udibesuma ña. ⁹ Yu ñaja sojere bajiro bajigu. No bojarãre yure ajitir̄un̄arãre, rojose tãm̄ot̄ujabetiriaroju ña vaborotire ñare yir̄etobosar̄uc̄aja yu. Ovejare coderimasare bajirone quẽnaro ñare ñacoder̄uḡõrc̄uc̄aja yu. To bajiri ñie ḡuiose mano quẽnaro ñacõã ñar̄uḡõrc̄arãma ña.

¹⁰ Juarudirimasa, masare juarudir̄arã, ñare s̄iama ña. Yuj̄ama, “S̄igũ r̄uyabeto catireayere quẽnaro c̄uojedic̄õato ña” yigu, vadicaju yu. ¹¹ Yu ñaja ovejare quẽnaro coderimasare bajiro bajigu. Ovejare quẽnaro coderimasare ñe ña s̄iar̄uaboajaquẽne, quẽnaro ñare codecõã ñar̄uc̄ami. Ñe bajiro bajigu ñaja yu. Yure ajitir̄un̄arã rojose ña yise vajare yure ñare vaja yibosar̄oc̄u ñaja yu. ¹² S̄igũ, vaja bojagu r̄ine ñ moajama, quẽnaro ovejare codetir̄un̄abec̄ami. Buyairo ñ ejaro ñac̄õari, ovejare vaveocoac̄ami ñ, ñe rudigu. Ñ yarã oveja me ña ñajare, ñare vaveocoac̄ami. To bajiri, buyairo j̄aejac̄õari, ovejare ñare ñḡõbatereac̄õagũmi. ¹³ Vaja bojagu masune moagũ ñari, ovejare ñare maibec̄une, ñare vaveor̄uc̄ami, ñ yarã me ña ñajare.

¹⁴⁻¹⁵ Yu ñaja ovejare quẽnaro coderimasare bajiro bajigu. Dios, yu jac̄u yure ñ masirore bajirone yu quẽne ñe masiaja. Tire bajirone yure ajitir̄un̄arãre quẽne ñare ñamasiaja yu. Ñaj̄ua quẽne, yure ñamasiamã ña. Ñare rijabosar̄oc̄u ñaja yu. ¹⁶ Yure ajitir̄un̄arona, s̄iḡuri, jud'io masa me ñar̄uarãma. Ñare quẽne ñare jir̄eõr̄uc̄aja yu. Ña quẽne yure c̄udir̄arãma ña. To bajiri cojor̄am̄u cojo masare bajirone bajicõã ñar̄uḡõrc̄arãma ña, ḡãmerã ñamairã. To bajiri yu s̄igũne quẽnaro ñare coder̄uḡõrc̄uc̄aja yu.

¹⁷ Yure ajitir̄un̄arãre ñare rijabosar̄uaja yu, “Ña rijato beroju rojose tãm̄ot̄ujabetiriaroju vatoma ña” yigu. Yu rijato beroju quẽna tudicatir̄uc̄aja yu, bajiguj̄ama. Yure ajitir̄un̄arãre yu rijabosar̄uajare, yu jac̄u b̄uto yure maiami. ¹⁸ Masare yu rijabosar̄uabetijama, no bajiro yic̄õari yure s̄iabetiborãma ña. Masare yu rijabosar̄uase ñaja yu bojarore bajirone yu yiroti. To bajiri, quẽna yu tudicatir̄uajama, caticoa masiaja yu. To bajiro yu yimasirotire yure c̄uc̄ami yu jac̄u —masare yigoticami Jesús.

19 To bajiro ĩ yisere ajicōari, jud'io masa ɯjarā ricatiri rĭne tɯoĭacama ĩna. 20 Jājarā ĩna rācana ado bajiro yicama:

—Vāti sãñagũ, mecɯrimasɯ ĩ ñaboajaquēne, ¿no yirā ĩre ajiatimɯa? —ĩnare yicama ĩna.

21 Gājerājɯama, ado bajiro yicama ĩna:

—Vāti sãñagũ ĩ ñajama, to bajise ñagōbetiborimi; to yicōari, caje ĩamenare quēne ĩnare ĩarotibetiborimi —yicama ĩna.

Jud'io masa ɯjarā, Jesúre ĩna ajirɯabeti queti

22 Jerusalénɯ Diore yirɯcɯɯoriavijɯre ñarāre Diore rɯcɯɯomenare ĩnare bucōari, ĩna quēnorere tɯoĭariarɯmɯrĭ ñacajɯ tĭ, tirɯmɯrĭ. Juebɯcɯrɯmɯrĭ ñacajɯ tĭ. 23 To bajiri Diore yirɯcɯɯoriavijɯ sājacōari, Salomón vāme cɯtijacatɯajɯare vacajɯ ɯna Jesúrāca. 24 To bajiro ɯna bajiñarone, Jesús tɯjɯ jud'io masa ɯjarā rējacōari, ado bajiro ĩre sēniĭacama:

—¿No cōrojɯ, “Ī me ñaami. ĩne ñaami”, mɯre yimasirātĭ ɯna? “Rotimɯorūgōrɯcɯmĭ” yigɯ, Dios ĩ cōar'ĭ mɯ ñajama, ɯcɯne riojo ɯare gotiya —Jesúre ĩre yicama ĩna.

25 To bajiro ĩna yisere ajicōari, ado bajiro cɯdicami Jesús:

—Jēre mɯare gotiboaja ɯn. Ɏre ajibeaja mɯa. Ɏn jacɯ ĩ rotisene cojoi me mɯare yĭocōarūgūboaja ɯn. Tire ĩacōari, “Īne ñaami”, mɯare yiroti ñarūgūboaja tĭ. 26 Ɏn yarā me ñaja mɯa, bajirājɯama. To bajiri ɯre ajitirɯnɯbeaja mɯa. 27 Oveja ĩna ɯjɯ ocare ĩna ajimasirore bajirone ɯn yarā ɯre ajimasiamama ĩna. Ɏn quēne quēnaro ĩnare masiaja. To bajiri ɯre ajitirɯnɯ sɯyaama ĩna. 28 Dios ĩ catisere ĩnare ĩsiaja ɯn. To bajiri nijɯane ɯre jicāmoto ecobetirɯcɯmĭ. To bajiri, ĩna rijato berojɯ, quēna tudicatijedicōari ɯn rāca quēnaro ñacōa ñarūgūrɯarāma. 29 “Īnare cɯoato” yigɯ, ɯn jacɯ ɯre cɯcami. Nijɯane ĩ rētoro masigū magūmĭ. To bajiri nijɯane ɯre jicāmoto veomasibetirɯcɯmĭ. 30 Ɏn, ɯn jacɯ rāca sĭgūne ñaja ɯna —yicami Jesús, jud'io masa ɯjarāre.

31 To bajiro ĩ yirone, gūtarire juacama ĩna, ĩre rearɯarā. 32 To bajiro ĩna yisere ĩacōari, ado bajiro ĩnare yicami Jesús:

—Ɏn jacɯ ĩ masisene cojoi me mɯa ĩaro rĭjorojɯa ĩaĭañamanire yĭorūgūmɯ ɯn. ¿Di vāme ɯn yĭosere ĩacōari, “Rojose yigɯ yami” yirā, gūtane ɯre rearɯati mɯa? —ĩnare yicami Jesús.

33 To bajiro ĩ yirone, ado bajiro ĩre cɯdicama ĩna jud'io masa ɯjarā:

—Īaĭañamanire mɯ yĭose sɯori me gūta rāca mɯre rearɯarāja ɯna. Rujajine Diore mɯ yise vaja mɯre rearɯarāja ɯna. Ɏnare bajiro masɯ ñaboarine, “Dios ñaja ɯn”, yĭboaja mɯ —ĩre yicama ĩna, Jesúre.

34 To bajiro ĩna yijare, ado bajiro ĩnare yicami Jesús:

—“Yure bajiro bajirã ñaja mña’ yiyumi Dios”, yucamasire ñaja, mña ñicua ñna rotimasire. ³⁵ “Dios ocare masa ñna ucamasire riojo ñamasuse ñaja”, yimasijaja mani. “Í ocare ajitirũnũrãre, ‘Yure bajiro bajirã ñaja mña’ yiyumi Dios”, yimasijaja mani. ³⁶ “Mũ sīgũne ñaja mũ, yure bajiro bajigũ” yigũ, adi macarũcũrojure yure cõacami Dios. To bajiro ï yicacũ yũ ñaboajaquẽne, “Dios macũ ñaja yũ” yũ yirone, ¿no yirã, “Diore yiajegũ yaja mũ”, yure yati mña? ³⁷ Yũ jacũ ï yirore bajirone yũ yibetijama, yure ajitirũnũbesa. ³⁸ Yũ jacũ ï yirore bajirone yũ yijama, yure ajitirũnũbetiboarine, yũ yĩosere ñacõari, “Dios macũ ñaami”, yitũõĩaroti ñaja mñare. To bajiri, “Yũ jacũ rãcane ñaja yũ. Í quẽne yũ rãcane ñaami” yũ yigotimasiosere ajicõari, “Riojo gotiami”, yure yimasirona ñaja mña —ñnare yicami Jesús.

³⁹ To bajiro ï yisere ajicõari, ñre ñiarũaboacama ñna. Jesũjũama boca rudicoacami.

⁴⁰ To bajivacũ, Jordán vãme cutirisa gajejacatũajũ yũare ùmato jẽacoacami Jesús. Tojũ ejacõari, masare oco rãca Juan ï bautiza ñacatojure tujacajũ yũa yuja. ⁴¹ Tojure jãjarã masa ñre ñarã ejacama. Jesũre ñre ñacõari, ado bajiro gãmerã yicama ñna:

—Ñaãaňamanire yĩobetiboarine, jediro Jesús ï bajisere gotigũ, socũ mene gotiyumi Juan —gãmerã yicama masa.

⁴² Tojure jãjarã masu, Jesũre ñre ajitirũnũ sũyasũocama ñna yuja.

11

Lázaro ï bajirocare queti

¹⁻² Sīgũ ñacami Lázaro vãme cutigũ. Í bederã rõmiri ñacama Mar’ia, gajeo Marta. ñna ñacama Betania vãme cuti macana. Mar’ia ñacamo so, Jesús gũborire sutiquẽnase tucõari so joa ñajone vejacarocaco. Bũto rijayuju Lázaro. ³ Lázaro ï rijaro ñacõari, ï bederã rõmiri Jesũre ñre oca cõañuma ñna:

—Mũ baba Lázaro bũto rijami —ñre yi oca cõañuma ñna.

⁴ Tire ajicõari, ado bajiro yũare yicami Jesús:

—Rijaye ñre sĩabetoja. “Quẽnarẽtogũ ñaami Dios. Í cõrone quẽnagũ ñaami ï macũ quẽne’ yirũcũbũorãjaro masa” yigũ, rijagũ bajigũmi —yũare yicami Jesús. “Ñre rijaye ñre sĩabetoja” yigũ, “Rijayayicõa tujabetirũcũmi” yirũne yicõañumi.

⁵ Lázarore, ï bederã rõmiri Martare, to yicõari, Mar’iare quẽne ñnare maicami Jesús. ⁶ To bajiboarine, “Bũto rijami Lázaro” ñna yisere ajiboarine, vabeticami Jesús maji. Tone yũa ñacatone jũarũmũ ñacõacajũ yũa maji, Jesũrãca. ⁷ To baji, jũarũmũ bero yũare ï buerãre ado bajiro yũare yicami Jesús:

—Ita quēna, Judea sitaju. Lázaro ĩ ñaroju vajaro mani —yare yicami Jesús.

⁸ To bajiro ĩ yisere ajicōari, ado bajiro ĩre sēniñacaju yua:

—Cānubusane toana jud'io masa ujarā gūta rāca mure rearuacama ĩna. ¿Tojure quēna tudivaroti tūoīati m, yare gotimasiogū? —ĩre yisēniñacaju yua, Jesúsre.

⁹ To yua yirone, ado bajiro yare cūdicami Jesús:

—Adi macarucurojare mani catiro cōro quēnaro cōīamasiami Dios. ĩ bojaro cōro catiruarāja mani. No bojarā Diore masirā, Dios ĩ bojasere yitujabeama, yare ajitirūnarā ñari. ¹⁰ Diore masimenajuma, Dios ĩ bojasere yirubeama, yare ajitirūnūmena ñari —yare yicami Jesús.

¹¹ Tire yare goticōa, quēna gajeye yare gotirēmocami:

—Mani baba Lázaro, cānicoarimi. To bajiri ĩre yujioquacu yaja yu —yicami Jesús.

¹² To bajiro ĩ yijare, ado bajiro ĩre yicaju yua:

—Cānigū ĩ bajijama, caticoarucūmi —ĩre yicaju yua, Jesúsre.

¹³ “Cānigū bajigūmi” Jesús ĩ yisere ajicōari, “ĩ ussājare yigūmi”, yicōacaju yua. To bajiro yua yitūoīaboajaquēne, Jesúsūma, “Bajirocacoarimi” yirūne yicōañumi Jesús. ¹⁴ To bajiri, “Yare quēnaro ajimasibeama ĩna” yigu, riojo yare goticami Jesús:

—Lázaro bajiyayicoarimi —yicami yuja. ¹⁵ —Variquēnaja. Quēnaro ĩ tujare vabeju yu, “Riojo Dios macūne ñaami” mūa yirūcūborotire yigu. To bajiri, ita. ĩato, Lázarore —yare yicami Jesús.

¹⁶ Jesús buerimasu yua rācagu, Tomás vāme cutigu ñacami. Cojoi ruyuarāne, jarā ruyuar' i yua yicacu ñacami. Ado bajise yare yicami:

—Ita mani quēne. Jesúsācane bajiyayirāsa —yare yicami Tomás.

“Yu ñaja masare catiomasigū”, Jesús ĩ yire queti

¹⁷ To bajiri, Betaniaju yua ejarone, —Babarirūmuri tūsaju, Lázarore ĩna yujero bero —yare yigoticama masa.

¹⁸ Jerusalén macaju ñacōari, vajama, tres kilómetros vaejararo ñacaju Betania maca. ¹⁹ Jerusalén maca vadiriarā jud'io masa jājarā ejayuma, Lázaro ĩ bajirocajare otirā. “Quēnabeti bajaia ti mūa gagū ĩ bajiyayise” Martare, to yicōari Mar'iare quēne yiotirā ejayuma ĩna. ²⁰ To bajiro ĩna yīñarone, “Vadiami Jesús” ĩna yisere ajicōari, yare bocago, vadicoayumo Marta. To so bajiro ũnone, so bedeo, Mar'iajuma, vadibesumo. Vijūne ñacōañumo so. ²¹ Jesús tujare ejacōari, ado bajiro ĩre yicamo Marta:

—Y_u _uj_u, adone m_u ñajama, y_u gag_u bajiyayibetiborimi. ²² Ī bajirocato bero ti ñaboajaquēne, “Diore m_u sēnijama, m_u sēnirore bajirone m_ure c_udir_uc_umi Dios”, yimasiaja y_u —Jesúre ĩre yicamo so, Marta.

²³ To so yisere ajicōari,

—M_u gag_u quēna caticoar_uc_umi —sore yicami Jesús.

²⁴ To bajiro ĩ yijare,

—So_u me yaja m_u. Ñatusarir_um_u masare Dios ĩ catorir_um_uj_u, quēna caticoar_uc_umi y_u gag_u —ĩre yicamo so.

²⁵⁻²⁶ To so yisere ajicōari, ado bajiro sore yicami Jesús:

—Y_u ñaja masare catiog_u masuma. No bojarā y_ure ajitir_un_ur_uāma bajiyayicoaboarine, quēna tudicaticōar_uar_uāma ĩna. To ĩna bajiro bero, j_uaji tudirijabetir_uar_uāma. ¿Tire ajitir_un_uati m_u quēne? —Martare sore yisēni_uacami Jesús.

²⁷ To bajiro ĩ yisere ajicōari,

—“Y_u _uj_u, m_u yirore bajirone bajaia ti. M_une ñaja, ‘Rotim_uor_ug_ud_ur_uc_umi’ yig_u, Dios ĩ cōar’i, masa ñajediro _uj_u. Dios mac_une ñaja m_u, adi macar_uc_uroj_ure vadir’i”, m_ure yimasiaja y_u —Jesúre ĩre yicamo so.

Lázaro masa boero t_uj_u Jesús ĩ otire queti

²⁸ To yicōa, so bedeore Mar’iare, sore jigo, tudicoacamo Marta. So t_uj_ure ejacōari, ado bajiro Mar’iare sore gotirudiyuju so, yayioroaca:

—Manire gotimasiorimas_u tone ñaami. “Vadiato”, m_ure yimi —sore yiyuju Marta, so bedeore.

²⁹ To sore so yigoticōar_uj_uma, guaro v_um_u budi vadi-coayumo so Mar’ia, Jesúre ĩre ĩagoago. ³⁰ Jesúr_uāca ti macaj_ure ejabeticaj_u y_uma maji. Marta y_uare so bocacatoj_une ñacōacaj_u y_uma maji. ³¹ Mar’ia r_uāca ñañuma ĩna jud’io masa, so gag_u ĩ bajiyayijare otirā. To bajiri Mar’ia guaro so v_um_u vado ĩacōari sore s_uyayuma ĩna quēne. “Masa boero t_uj_u otigo, vaco bajigomo” yirā baji ruyuyuma ĩna.

³² Mar’ia, Jesús t_uj_u ejacōari, ĩ g_ubori t_uj_u g_usomuniari t_ue-tucamo so, ĩre r_uc_ub_uogo. To yicōari, ado bajiro ĩre yicamo so:

—Y_u _uj_u, c_un_uj_u m_u ejajama, y_u gag_u bajiyayibetiborimi —Jesúre ĩre yicamo so, Mar’ia.

³³ Mar’ia so otisere ĩacōari, so r_uāca vadicana jud’io masa quēne ĩna otisere ĩacōari, Jesús, b_uto s_utiriticami. ³⁴ To bajicōari ĩnare sēni_uacami Jesús:

—¿Noj_u ĩre yujemasiri m_ua? —ĩnare yisēni_uacami Jesús.

To bajiro ĩ yirone,

—Adoj_ua ĩag_u vadi_uasa y_uma _uj_u —ĩre yicama ĩna.

³⁵ To bajiro ĩre ĩna yirone, oticami Jesús. ³⁶ Jesús ĩ otisere ĩacōari, ado bajiro yicama ĩna jud’io masa, s_ug_uri:

—Īaĩasaque. Lázaro bũto ĩre maiboayumi —gãmerã yicama ĩna.

³⁷ To bajiro ĩna yirone, gãjerã sĳgũri ado bajiro yicama:

—Caje ĩabecũre ĩaroticacũ ñaboarine, ¿no yigũ Lázaroema, “Rijabeticõato”, yimasibesujari? —gãmerã yicama ĩna sĳgũri, to ñacodecana.

Lázaro ĩ tudicatire queti

³⁸ Bũto sutiritigũne, ejarũgũcami Jesús, Lázaro masa boero tũjũre. Gũtavi ñacajũ ti, bajirocar'ire ĩna yujeriajũ. Gũtane bibe ecoyuja. ³⁹ Tojũre ejagũne,

—Gũtare tũnuo gocõaña —ĩnare yicami Jesús.

To bajiro ĩ yirone ado bajiro ĩre yicamo so, Marta, Lázaro ñaboar'i bedeo:

—ĪYũ ẽjũ, majique! Babaricãrãcarũmũ tũsacoajũ ĩ bajiyayiro bero. Jẽre ũni suticoacũmi —Jesũre yicamo so.

⁴⁰ To so yiboaajuẽne, ado bajiro sore yicami Jesús:

—Yũre mũ ajitirũnjama, rẽtoro ñamasusere Dios ĩ yimasisere ĩarũocoja mũ, mũre yibũ yũ —sore yicami Jesús.

⁴¹⁻⁴² To bajiri yuja, gãtare tũnuogocama masa. ĩna tũnuogorone, õ vecajũare ĩamũocõari, ado bajiro yicami Jesús:

—Cacũ, “Quẽnaja” mũre yaja, yũre mũ ajise ñajare. Tocãrãcãjine mũre yũ sẽniro ajirũgũaja mũ. To bajiri, “Dione ñaami Jesũre ĩre cõar'i' yimasiato ĩna” yigũ, ĩna ĩaro rĳjorojũa yũ yimasirotire mũre sẽniaja yũ —Diore yicami Jesús.

⁴³ To yigajanogũne, tutuase avasãcami Jesús yuja:

—Lázaro, budiaya mũ —yicami Jesús.

⁴⁴ To bajiro ĩ yirone, bajirocar'ire ĩna yujer'i ñaboarine, bu-dicoadicami Lázaro. ĩ ricarire to yicõari, ĩ rujũre quẽne sudine dũrear'i ñacami. ĩ gũbori, ĩ rũjoa quẽne sudine gũmar'i ñacami. To bajiri,

—Īre õjaña mũa. Vajaro ĩ —ĩnare yicami Jesús.

*“¿No bajiro yicõari, Jesũre ĩre sãrãti mani?”, ĩna yire queti
(Mt 26.1-5; Mr 14.1-2; Lc 22.1-2)*

⁴⁵ To bajiro Jesús ĩ yĩosere ĩacõari, jãjarã jud'io masa, Mar'iare baba cuticana, Jesũre ĩre ajitirũnũ sũyasũocama ĩna.

⁴⁶ Gãjerãma, Jesús ĩ yĩosere ĩacõari, fariseo masare gotirã vasujarã ĩna. ⁴⁷ ĩna gotisere ajicõari, fariseo masa, paia ẽjarã rãca rẽjañujarã ĩna. Rẽjacõari, jud'io masa ẽjarãre, Dios ĩ rotimasire gotimasiorimasare quẽne jirẽocõañujarã ĩna. To bajiri ĩna rãca ado bajiro gãmerã ñagõñujarã ĩna:

—¿No bajiro ĩre yirãti mani? Bũto masune ĩaĩañamanire yĩogũ yami. ⁴⁸ To bajirone ĩre mani yiboa tũjajama, masa jediro

ĭre ajitirũnarũarãma. To bajicõari, Diore yirũcũbũoriavire caguerẽacõarũarãma romano masa. To yicõari mani ñarimacarire reajeocõarũarãma ĩna –gãmerã yiyujarã ĩna.

49 Ti cũmare paia ĩjũ ñamasugũ Caifás vãme cutigũ ñacami. To bajiro ĩna yisere ajicõari, ado bajiro ĩnare gotiyuju ĩ:

–Masibeaja mũa. 50 Mani ye jedirore ĩna reajama, quẽnabetoja. To bajiri ĩaĩañamanire yĩlogũ, manire rijabosato ĩ –yiyuju Caifás.

51-52 ĩ masurione to bajise tũoĩacõari, yibesuju Caifás. Paia ĩjũ ñamasugũ ñari, Dios sũorine to bajiro gotiyuju, Jesũre ĩre sĩarũagu ñaboarine. “Jud'io masa rĩrene ĩnare rijabosabetirũcũmi Jesũs. No bojarã Jesũre ĩre ajitirũnarũona Dios rĩa ñaronare adi macarũcũroanare ĩnare rijabosarũcũmi Jesũs” yimasibecũ ñaboajaquẽne, ĩ tũoĩasere Caifãre cõañuju Dios. 53 To bajiri, Caifás ĩ gotiriarũmũne, “¿No bajiro yicõari Jesũre ĩre sĩarãti mani?”, gãmerã yisũoyujarã ĩna, jud'io masa ĩjarã.

54 To bajiri, jud'io masa ĩna ñarorema ñacudibeticami Jesũs yuja. To ñabecũne, yucũ manojũ ñarimaca, Efra'in vãme cuti macajũa yũare ũmato vacoacami Jesũs.

55 Pascua boserũmũ ĩna yiroto mojoroaca ruyacoadicajũ ti. To bajiri, jãjarã masa vacama Jerusalẽnjũ, “‘Rojose mana ñaja mũa yuja’ manire yĩato Dios” yirã, paia ĩna yirotirere yirã vana. 56 Tojũre ejacõari, Jesũre macaboayujarã ĩna. ĩre macaboana, Diore yirũcũbũoriavijũre ejacõari ado bajiro gãmerã sẽnĩañujarã ĩna, Jesũs ĩ ejabetijare:

–¿Mũma no bajiro tũoĩati mũ? ¿Boserũmũ vadibetima-sucõagũ yiguida? –gãmerã yiyujarã ĩna, Jesũs ĩ ejabetijare.

57 Fariseo masa, to yicõari, paia ĩjarã quẽne, “Jesũre mũa ĩabũjajama, yũare gotiba. ĩre ñiarũarã yaja yũa”, yiyujarã ĩna, masare.

12

Jesũs gũborire sũtiquẽnasene rõmio so yuejeore queti
(Mt 26.6-13; Mr 14.3-9)

1 Cojomo cõro, coja jẽnĩtuarirũmũari Pascua boserũmũ ñaroti ti ruyarũtuato Betania vãme cuti macajũ vacajũ yũa, Jesũrãca. Lázaro ĩ ñarimaca ñacajũ ti maca Betania. To ñacajũ Lázaro, bajirocaboar'irene Jesũs ĩre ĩ catiocato. 2 Jesũs ĩ ejaro ĩacõari, ĩre rũcũbũorã ĩre bare quẽnoecacama toana rõmiri. Lázaro bedeo, Marta ñacamo, yũare bare jeogo. Lázaro quẽne ñacami, yũa rãca bagũ. 3 Yũa bañarone sũtiquẽnase nardo vãme cutisere ãmiejacamo Lázaro bedeo ñatũsago, Mar'ia vãme cutigo. Trescientos gramos cõro ñacajũ ti. Jairo vaja cutise ñacajũ. Tine Jesũs gũborire yuetucamo so. Yuetucõari so joa ñajone tire vejacarocamo so. Vi jũmũrone sũtijũmũcoacajũ ti.

4 Tone ñacami Judas Iscariote quēne. Ī quēne yuare bajirone Jesús buegm ñacami. Ī ñañumi Jesúre ĩaterāre ĩsirocarocm. Jesús guborire so yueturo ĩacōari, ado bajiro sore yicami:

5 –Tire sutiquēnasere ĩsicōari, trescientos ñaritiiri juaroco ñaboayumo so. Ti vaja juacōari, maioro bajirāre ĩnare mani ĩsijama, quēnaboyuja ti –sore yicami Judajumama.

6 Maioro bajirāre maibetiboarine to bajiro yicōacami ĩ. Juarudirimasu ñari to bajise yicami ĩ. Ī ñarūgūcamu yua gājoare juabosarimasu. To bajiro yica yigune yua gājoare juarudicōarūgūñumi ĩ. 7 To bajiri Judas to bajise sore ĩ yijare, ado bajiro ĩre yicami Jesús:

–Tone yicōato. Yure ĩna yujeroto rĭjoro yuejeo rĭjoro cutigo yamo so. 8 Maioro bajirā muu rāca ñacōa ñarūgūruarāma, muu ejarēmorona. Yuma, muu rāca ñacōa ñabetirucuja –ĩre yicami Jesús.

Lázarore ĩna sĭarumare queti

9 “Betania macajm ñaami Jesús” ĩna yisere ajicōari jud'io masa jājarā eJacama. Jesús sĭgūrene ĩre ĩarā eJarā me, bajicama ĩna. Lázarore, Jesús ĩ cator'ire ĩarā rācane vayuma ĩna. 10-11 Lázarore quēne sĭarumayujarā ĩna paia ujarā, ĩre Jesús ĩ catiore suorine, jājarābusa Jesújumare ajitirūnm suyacōari, ĩnare ĩna cāmotadise ñajare.

“*Rotimurūgōrucami' yigm, Dios ĩ cōagū ñaja yu*” yĭlogū,
Jerusalénjm Jesús ĩ ejare queti

(Mt 21.1-11; Mr 11.1-11; Lc 19.28-40)

12-13 Jerusalénjm Pascua boserūm ĩna yiñarore ĩarā, jājarā masa eJayuma ĩna. To bajiri Mar'ia Jesúre so yuetucatirūm beroagarūm ñacajm tirūmuma. To bajiri tirūmarene Jesús ĩ eJarotire ajicōari, jejejū ũni rujañoquerire jasurejuacōari Jesúre bocacama. ĩre bocarā, ado bajiro yivasā variquēnacama ĩna:

–ĭ“Rotimurūgōrucami” yigm, Dios ĩ cōar' ĩ ñaami! ĭQuēnase ĩre yivariquēnato mani! ĭDiore rotibosagm quēnaro ĩ yigm ñaami! – Jesúre ĩre yivasā variquēnacama ĩna.

14 To bajiro ĩna yi vatone, burro vāme cutigure ĩre bujacōari, ĩre vajeJacami Jesús, “To bajirone bajirucami” Dios oca, masa ĩna yuucamasire ñajare. Ado bajiro yuucamasinuma ĩna:

15 “Muu Jerusalén macana, güibetiruarāja muu. Muu ujm ñarocm burro vāme cutigm joejm jesacōari, vadirucami”, yuucamasinuma.

16 Maji to bajiro ĩna yuucamasirere ajimasibeticajm yua, ĩ buerimasa. Jesús masare rijabosacōari Dios ĩ ñarojm ĩ tudimujato bero, “Dios ocare masa ĩna ucamasire, Jesús ĩ vadirotirene gotiyuja ti”, yimasicajm yua yuja.

17 Jêre ña yujerijure Lázarore Jesús ï catiocatire ñacana, masa jedirorene gotibatocōañuma. 18 To bajiri, ñañañamanire Jesús ï yïocotire ajicōari Jesúre ñarã ejacama jãjarã masa. 19 To bajiro masa ña yisere ñacōari fariseo masa ña masune gãmerã ñagōñujarã ña:

—Ñaña. Masa jediro ï ocare ñre ajitirñnũama ña yuja. No yiriario maja mani —gãmerã yiyujarã fariseo masa.

Griego masa Jesúre ña macare queti

20 Pascua boserãmure Jerusalénjũ Diore rũcũbũorã vana rãca sīgũri vñsacama griego masa. 21 Felipere sēññarã ejayujarã ña. Galilea sita Betsaida vãme cãti macagũ ñacami Felipe. Jesús buegũ ñacami ï quēne. Ado bajiro Felipere yiyujarã ña:

—Jesúrãca ñagōrũaja yũ —Felipere ñre yiyujarã ña.

22 To bajiro ña yisere ajicōari, Andrére ñre gotigũ vasuju Felipe. To bajiri ña jũarã Jesúre gotirã ejacama, yũ tũjũ. 23 Ña gotisere ajicōari, ado bajiro yicami Jesús, ñnare:

—Yũ ñaja Dios ï roticōacacũ. Yũre ña sñarotirũmũ cōñaja ti. Yũre ña sñaro bero, “Rētoro quēnagũ ñaami”, yũre yimasirũarãma masa. 24 Ñamasusere riojo mũare gotiaja yũ: Yũ rijabosabetijama, masa ñajediro, Diorãca quēnaro ñabeticōari, ña bajirearo bero, rojose tãmũotũjabetiriariojũ varũarãma. Trigo aje oteriarore bajirone bajiaja ti. Trigo ajea, sita eñeroca tiare ña coacũbetijama, judibetoja ti. Tiare ña coacũjama, judicōari, jairo rica cãtirũaroja ti. To bajirone bajirũaroja yũre quēne. Yũre ña yujejare, yũ sũorine ña rijato bero quēnaro catijedicōa ñarũgũrũarãma jãjarã yũre ajitirñnũrona. 25 No bojarã, no ña bojarone ñare cãtirãma adi macarũcũro ñasere ñavariquēnacōari, Diore tũoĩamenama, Dios ï catisere cũomena ñarũarãma ña. To bajiboarine, yũre ajitirñnũrã, “Ñ oca yũ gotise ñajare, yũare ña sñacōajama, quēnacōaroja” yirãma, Dios ï catisere cũorã ñarũarãma. 26 No bojagũ yũ bojasere yirũagũ, quēnaro yũre ajitirñnũ sũyaroti ñaja. To bajiro bajigũma, yũ rãca ñacōa ñarũgũrũacũmi. To bajiro bajigũrema quēnaro ñre rũcũbũorũcũmi yũ jacũ —ñnare yicami Jesús.

“Masare rijabosarũcũja yũ”, Jesús ï yire queti

27 To bajiro yicōari, ado bajiro ñagōcãmi Jesús quēna:

—Bũto tũoĩasũtiriritiaja yũ. ¿No bajiro yigũti yũ? ¿“Cacũ rojose tãmũoromi’ yigũ, yũre matabosaya”, yigũti yũ? To bajiro yibetirũcũja yũ. Tire tãmũorũne vadicacũ ñaja yũ —yicami Jesús.

28 To bajiro yicōa, Diojũare sēnicami yuja:

—Cacũ, mũ bojarore bajirone bajiato. Masa mũre rũcũbũorãjaro —Diore ñre yicami Jesús yuja.

To bajiro ï yirone, ò vecajũ ocaruyucajũ:

—M̄u s̄uori “Masa quēnaro ȳure yir̄uc̄ub̄uoato” yiḡu, yicoad-
icaj̄u ȳu. To bajiri, yir̄uc̄aja ȳu quēna, m̄u bajirotire —ȳi
ocaruyuc̄aj̄u ð vecaj̄u.

²⁹ Tire ajir̄āne,

—B̄uj̄o ñaromi —yicaj̄u ȳua s̄īḡuri.

Ḡajer̄āma:

—Ángel ĩre ñaḡõḡũ yiro mi —yicama ĩna.

³⁰ To bajiro masa ĩna yisere ajic̄õari, ado bajiro yicami Jesús:

—“Ȳure yiro me”, ȳi ocaruyuc̄aja ti. M̄uare “Ajiato” yiro,
yaja. ³¹ Yuc̄uacane rojose ȳure yir̄āre ĩabeseseuoruc̄ami
Dios. To bajiro ĩ yis̄uorone masare ĩnare rojose yiro tigure
yir̄ẽtor̄uḡur̄uc̄aja ȳu. To ȳu yirone, masare ĩ rotir̄ũḡũboasere
rotimasibetir̄uc̄ami ĩ yuja. ³² Yuc̄t̄ẽroju masa ȳure ĩna jajutuse
s̄uorine masa ñajediro uju ñar̄uc̄aja ȳu yuja. To bajiro ȳu bajise
s̄uorine, “Dios mac̄u, ȳu uju ñar̄uc̄aja m̄u, m̄u masise r̄āca ȳure
ejar̄ẽmoroc̄u”, yir̄uar̄āma j̄ajar̄ā adi macar̄uc̄uor̄oana.

³³ To bajiro ĩ yijama, “Ado bajiro s̄īaesor̄uc̄aja” yiḡu yicami.

³⁴ To bajiro ĩ yijare, ado bajiro ĩre c̄udicama masa:

—Dios ocare masa ucamasire ti gotijama, “ ‘Ro-
tim̄uor̄uḡõr̄uc̄ami’ yiḡu, Dios ĩ c̄õaroc̄u bajirocabetir̄uc̄ami”,
yigotiaja ti. To bajiro ti yigotiboajaquēne, ¿no yiḡu,
“ ‘Rotim̄uor̄uḡõr̄uc̄ami’ yiḡu, Dios ĩ c̄õaḡũre ȳure jajutur̄uar̄āma
ĩna”, yati m̄u? ¿Ñim̄uj̄ua Dios ĩ rotic̄õar̄'i masuma ñati? —Jes̄ure
ĩre yicama ĩna.

³⁵ To bajiro ĩna yijare, ado bajiro c̄udicami Jesús:

—Ȳu s̄uorine riojo ñamasusere masiama masa, ĩna
masir̄uajama. Yoaro mene m̄uare vaveoḡuaḡu yaja ȳu.
To bajiri ȳure quēnaro ajitir̄ũn̄ut̄usaya m̄ua, “Ĭ yirore
bajirone yir̄āsa mani” yir̄ā. To bajise m̄ua yijama,
rojose t̄ām̄uot̄ujabetir̄iaroju vabetir̄uar̄āja m̄ua. Diore
masimenaj̄uama, rojose t̄ām̄uot̄ujabetir̄iaroju ĩna varotire
masibeama. ³⁶ To bajiri, m̄ua r̄āca ȳu ñarone ȳure ajitir̄ũn̄ũña,
“Ĭre bajirone Diore masicoar̄uar̄āja mani” yir̄ā —ĩnare yicami
Jesús.

To bajiro masare ĩnare yigotigajanoc̄õa, ĩna masibetoju
vac̄õari, ĩnare yayicami Jesús.

Jud'io masa Jesúre ĩna ajitir̄ũn̄ubetire queti

³⁷ Jesús, jairo ĩaĩañamanire ĩnare ĩ yĩboajaquēne, ĩre aji-
tir̄ũn̄ubeticama masa. ³⁸ “To bajiro bajir̄uaroja ti” Isa'ias
ñamasir̄'i, ĩ yimasire ñajare, bajicaj̄u ti. Ado bajiro yiuca-
masiñumi:

“Ȳua uju, m̄ure ȳua gotir̄ẽtobosasere ajiboarine, to yic̄õari,
m̄u yĩosere ĩaboarine, m̄ure ajitir̄ũn̄uḡũ maami”, yiuca-
masiñumi Isa'ias ñamasir̄'i.

³⁹ Dios ĩ cōarocure ajitirūnubetironare yigū ado bajiro ucamasiñumi Isa'ias ñamasir'i quēna:

⁴⁰ “Īre ĩna ajitirūnubeti vaja ĩna masiboasere ĩnare masiriojeocōarucami Dios. To bajiro ĩ yise ñajare, ĩre ajimasibetiruarāma. Riojo ĩna ajimasijama, rojose ĩna yirūgūšere tūoĩasutiriticōari, tūoĩavasoaborāma ĩna. Yure ĩna sēnijama, yure ĩna cāmotadicōa tujaborotire ĩnare yirētobosaboguja yu, yigotiami Dios”, yuicamasiñumi Isa'ias ñamasir'i.

⁴¹ “Cristo rētoro ñamasugū maami” Dios ĩ yīosere ĩacōari, to bajiro yuicamasiñumi Isa'ias.

⁴² “To bajiro bajiruaroja” Isa'ias ĩ yuicamasire ñaboajaquēne jājarā jud'io masa, to yicōari ĩna ujarā quēne sīgūri Jesūre ĩre ajitirūnucama ĩna. To bajirā ñaboarine, masa ĩna ajiro rījorojua, “Jesūre ajitirūnūrā ñaja”, yibeticama ĩna bajirājuma, fariseo masa, “Jesūre ajitirūnūrāre sājarotibetiruarāja mani, Dios ocare mani buerivijure” ĩna yire ñajare. To bajiri ĩnare gūirā, “Yure masiroma” yirā, tire gotibeticama ĩna. ⁴³ To bajiro yirā ñari, Dios ye rētohusaro masa yejare rūcubhorere bojacama ĩna.

“Yure ajitirūnūmenare rojose ĩna tāmūotujabetiriaroju ĩnare cōarucami Dios”, Jesús ĩ yire queti

⁴⁴ Ruyugoaro goticami Jesús:

—Yure ajitirūnūrāma, yu sīgūrene ajitirūnūrā me yama. Yu jacu yure cōacacure quēne ajitirūnūrā yama. ⁴⁵ Yure ĩarāma, yu jacure quēne ĩarā yama. ⁴⁶ Yu šuorine Diore masiama masa. Adi macarucurojure vadicaju yu, “Yure ajitirūnucōari, rojose yitujato” yigū. ⁴⁷ Yu ocare ajiboarine yure ĩna ajitirūnubetijama, yu me ñaja rojose tāmūotujabetiriaroju ĩnare cōarocama. Adi macarucuroanare rojose yigūagu vadicaču me ñaja yuma. Yure ajitirūnūrāre ĩna ñaro cōrone rojose tāmūotujabetiriaroju ĩna vaborotire ĩnare yirētobosaguagu vadicaču yu. ⁴⁸ To bajiboarine, yure rūcububeticōari, yu ocare ajitirūnūmenama, ñatusarirūmu rojose tāmūotujabetiriaroju varuarāma ĩna. ⁴⁹ Yu masurione tūoĩacōari, tire gotigu me yaja yu. Yu jacu yure cōacacu ĩ gotirotise rīne gotiaja yu. ⁵⁰ “Yu jacu ĩ rotisere ĩna ajitirūnūjama, ĩna rijato beroju, tudirijabeticōari, yu rāca quēnaro ñacōa ñarūgūruarāma ĩna”, yimasiaja yu. To bajiri yu gotijama, yu jacu yure ĩ yirotiore bajirone gotiaja yu —masare yicami Jesús.

13

Ī buerimasare ĩna gūborire Jesús ĩ coere queti

¹⁻³ Pascua bošerūmu yua batūsaroto rījoro, jēre, “Yu jacu tujū adi macarucurore yu vaveoroto mojoroaca ruyaja yuja”, yimasicōacami Jesús. Simón macure, Judas Iscariotere, “Jesús

vajanare ñnare ocasãrucija yu, 'Ïre ñiato ñna' yigu" yirere ïre cõañumi ï, vãtia uju. Jëre tire masicõañumi Jesús. "Dios tujã vad-icacu ñaja yu. To bajiri ï tujã quëna tudiarucija yu. Rëmojne, 'No yiyamagũ ñaja mu. No mu bojasere yimasaja mu' yure yicoadicami Dios", yimasicõacami Jesús. Rëmojne adi macarucuroanare, ïre ajitirũncanare, yure maicoadicami "Mũare maimasucõaja yu" yigu, ado bajiro bajicami Jesús adi macarucurojũre ï ñatũsacatirũmuri. Tire mũare gotiguagu yaja yu.

⁴ Yuã batusañarone, vãmũrũgũcõari, joeado ï sãñaritore veacami Jesús. To yicõari, ï ruju gũdarecore toallare siatucami.

⁵ To yicõari, rujabajaju ocore jiocami. Jiojeo, yuã gũborire coecami Jesús. Coecõari, toalla rãca yuã gũborire carocami.

⁶ Pedro gũborire ï coegũadone, ado bajiro ïre boca yicami:
—¿Yu uju ñaboarine, yu gũborire coegũagu yati mu? —yicami Pedro.

⁷ To bajiro ï yijare, ado bajiro ïre cũdicami Jesús:
—Yucũacarema mũa gũborire yu coesere tũoĩamasibeaja mũa maji. Bero tire ajimasirũarãja mũa —yicami Jesús.

⁸ To bajiro ï yiboajaquëne:
—Yu gũborire coebetirucija mu —Jesũre ïre yicami Pedro.
To bajiro ï yirone,
—Mu gũborire yu coebetijama, yu rãcagu me ñarucija mu —Pedrore ïre yicami Jesús.

⁹ To bajiro ï yisere ajicõari, ado bajiro ïre cũdicami Pedro:
—To mu yiro ñnoma yu gũbori rĩne coebesa. Yu ãmorire quëne, yu rũjoare quëne coeya —Jesũre ïre yicami Pedro.

¹⁰ To bajiro ï yisere ajicõari, ado bajiro ïre cũdicami Jesús:
—Jëre guacõar'irema, jediro ï ruju coere maja. Gũbori rĩne coejama, quënaja. Ueri manare bajiro bajirã ñaja mũa. To bajiboajaquëne sigũ ñaami mũa rãcagu ueri cũtigũre bajiro bajigu —yure yicami Jesús.

¹¹ "Ï ñaami yure ïsirocarocu" yimasicõari, "Mũa jedirone ueri mana ñajedicõa bajibeaja mũa", yure yicami Jesús.

¹² Yuã gũborire coegajanocõari, quëna ï veacũcatiasere sãñacami Jesús. To yigajano, quëna gãme ejarũjucõari ado bajiro yure goticami Jesús:

—¿Mũa gũborire yu coesere ajimasiati mũa? ¹³ "Yũare gotimasiogũ, yuã uju", yure yaja mũa. Ï masune ñaja yu. To bajiro yure mũa yijama, quënaja. Riojone yaja mũa. ¹⁴ Yu, mũa uju, mũare gotimasiogũ ñaboarine, mũa gũborire yu coejare, mũa masu quëne, mũa gãmerã gũbori coejama, quënaja. ¹⁵ "Yu yirore bajirone yato ñna" yigu, mũare yĩlogũ yaja yu. ¹⁶ Ñamasusere riojo mũare gotiaja yu: Sigũ moabosarimasu ñamasugũ me ñaami ï. Ï ujujũama ñamasugũ ñaami. Sigũ gãji ï

cōar'i ĩ ñajama, ñamasugũ me ñaami. Ñamasugũjuma ĩre cōar'i ñaami. To bajiri mña ɯjũ ñari, “Yũ yirore bajirone mña masu quẽne gãmerã ejarẽmoña mña”, mñare yaja yũ. ¹⁷ Yũ gotisere ajicōari, quẽnaro mña yijama, variquẽnaruarãja mña.

¹⁸ Mña jedirorene yigũ me yaja yũ adirema. Yũ besecanare, mñare quẽnaro masiaja yũ. Yucnacane yũ bajiroti Dios ĩ goticũcati ejaruaroja ti. Ado bajiro yigotiaja ti, Dios ocare masa ucamasire: “Yũ rãca bagũ ñaboarine yũre ĩsirocarocũ ñaami”, yigotiaja Dios oca. ¹⁹ Ti bajiroto rĩjoroaca mñare gotiaja yũ. To bajiro ti bajiro ĩacōari, “ ‘Rotimũorũgõrũcũmi’ yigũ, Dios ĩ cōar'i ñaami”, yũre yiajitiũrũuarãja mña. ²⁰ Ñamasusere riojo mñare gotiaja yũ: Yũ cōarãre ajitiũrũuarãma, yũre quẽne ajitiũrũuarãma. No bojarã yũre ajitiũrũuarãma, yũre cōacacũre quẽne ajitiũrũuama —yũare yicami Jesús.

“Sĩgũ mña rãcagũ yũre ĩaterãre yũre ĩsirocarocũmi”, Jesús ĩ yire queti

(Mt 26.20-25; Mr 14.17-21; Lc 22.21-23)

²¹ To bajiro yigoticōari bero, bũto tũoĩasutiriticami Jesús. To bajiri quẽnaro riojo yũare goticami:

—Ñamasusere riojo mñare gotiaja yũ. Sĩgũ mña rãcagũ, yũre ĩaterãre yũre ĩsirocarocũmi —yũare yicami Jesús.

²² To bajiro ĩ yisere ajicōari, yũa ĩ buerimasa, yũa masune gãmerã ĩacajũ yũa, “¿Ñimũjũare yati?” yirã ñari. ²³ Yũre ĩ buegũre bũto yũre maicami Jesús. To bajiri yũa batũsacatire ĩ tũaca barujiacajũ yũ. ²⁴ “ ‘¿Ñimũjũare yati mũ?’ ĩre yisẽniĩato” yigũ, yũre sõjucami Pedro. ²⁵ To bajiro ĩ yiro ĩacōari, Jesús tũbũsaca vũũacajũ yũ, ĩre sẽniĩagũ:

—Yũ ɯjũ, ¿ñimũjũa ñati mũre ĩaterãre ĩsirocarocũma? —ĩre yisẽniĩacajũ yũ.

²⁶ To yũ yirone, ado bajiro yũre cũdicami Jesús:

—Pan yosecōari, yũ ĩsigũne ñarũcũmi yũre ĩsirocarocũma —yicũdicami Jesús.

To yicōa yuja, Simón macũ Judas Iscariotere, ĩsicami ĩ yuja. ²⁷ Tire bocaãmĩcōari, ĩ barone ĩ ɯsũjũre vãtia ɯjũ sãjacoa ruycami Judare. To bajiro ĩ bajijare, ado bajiro ĩre yicami Jesús:

—Mũ yirũa tũoĩasere yidaya mũ —Judare ĩre yicami Jesús.

²⁸ ĩ rãca barujiicana sĩgũjũama to bajiro ĩ yisere ajimasibeticajũ yũa. ²⁹ Yũa ye gãjoare coderimasũ ĩ ñajare, “ ‘Boserãmũ ñaro mani baroti vaja yiaaya’ ĩre yigũ yigũmi Jesús”, yitũoĩaboacajũ yũa sĩgũri. Gajeyerema, “ ‘Maioro bajĩare gãjoa ĩsiaya’ yigũ yigũmi ĩ yijama”, yicōacajũ yũa.

³⁰ Bagajano, vacoacami Judas yuja. Jẽre ñamijũ ñacajũ ti.

“Gãmerã ĩamaiña”, Jesús ĩ yire queti

³¹ Judas ĩ budiato bero, ado bajiro yũare yicami Jesús:

—Yucñacane, “Quēnamasugũ ñaami Dios ï roticõacacu”, yimasiroti ñaja. To bajiro yure yirã ñari, “Quēnamasugũ ñaami Dios quēne”, yimasiroti ñaja ti. ³² Diore masa ñna rñcubuoajama, yure quēne, “Ïre rñcubuoarãma”, yirñcumi Dios. Yoaro mene to bajiro yigñagñ yami Dios. ³³ Yñ rñare bajiro bajirã ñaja mña. Mña rãca yoaro ñacõa ñabetirũgũrñcñja yñ. Yñare macaboarñarãja mña. Cãññ jud'io masa ñjarãre yñ gotimasirore bajirone mñare quēne gotiaja yñ. “Yñ varotore vamasimenaja mña”, mñare yaja yñ. ³⁴ Yucñe mame rotisere mñare gotiaja yñ: Ado bajiro bajirãma mña: Mñare yñ ñamaiadicatorre bajirone mña quēne gãmerã ñamaiña. ³⁵ Mña gãmerã ñamairo ñacõari, “Jesús buerimasa ñaama”, mñare yñarñarãma ñna, masa jediro —yñare yicami Jesús.

“*Jesúre masibeaja yñ yirñcñja mñ*”, Pedrore Jesús ïyire queti (Mt 26.31-35; Mr 14.27-31; Lc 22.31-34)

³⁶ To bajiro ï yisere ajicõari, Jesúre sēniñacami Pedro:

—Yñ ññ, ¿noyña vacñ yati mñ? —Ïre yicami Pedro.

To bajiro ï yijare,

—Yucñacarema yñ varotojñre vamasibecñja mñma maji. Ado berojñ yñre sñyarñcñja mñ —Pedrore Ïre yicami Jesús.

³⁷ To bajiro ï yirone,

—Yñ ññ, ¿no bajijare yucñacarema mñ rãca sñyamasibecñada yñ? Mñ sñacoroti ñaboajaquēne, yñña sñacorñcñja yñ —Jesúre yicami Pedro.

³⁸ To bajiro ï yirone, ado bajiro Ïre cñdicami Jesús:

—¿Socabetiboatime mñ? Ñamasusere riojo mñre gotiaja yñ: Gãjabocñ ï ñagõroto rñjoro idiaji, “Jesúre Ïre masibeaja yñ”, yirñcñja mñ —Pedrore Ïre yicami Jesús.

14

“Yñ sñorine Dios tñjñre ejamasire ñaja”, Jesús ïyire queti

¹ To bajiro Pedrore Ïre yigajanocõari ado bajiro yñare yigot-icami Jesús quēna:

—Bñto tñõñarejaibeticõañna mña. Diore Ïre ajitirññcõari, yñre quēne ajitirññña. ² Yñ jacñ ya vijñre jairo mña ñarotijañri ñaja ti. To ti bajibetijama, mñare gotibetibogñja yñ. Tojñ mña ñarotire mñare quēnoyugñ varñ bajiaja yñ. ³ Tojñ mña ñarotijañrire quēnogajanocõari, quēna gãme vadirñcñja yñ. “Tojñre yñ ñaro yñ rãca ñarãjaro” yigñ mñare juagñ ejarñcñja yñ quēna. ⁴ Yñ vaejarotore masiaja mña. To bajiri tojñ vaejaria maare masiaja mña —yñare yicami Jesús.

⁵ To bajise ï yiboajaquēne, ado bajirojñ Ïre yicami Tomás:

—Yñ ññ, mñ varotore masibeaja yñ. ¿No bajiro yicõari, to varia maare masirñarãda yñ? —Jesúre Ïre yicami.

6 To bajiro ĩ yirone ado bajiro ĩre yicadicami Jesús:

—Yune ñaja varia maare bajiro bajiguma. Yn suorine Dios tujure ejare ñaja ti. Yn suorine riojo ñamasusere masire ñaja ti. “Īna rijato berojn tudirijabeticōato” yign, Dios ĩ catisere masare ĩnare ĩsigũ ñaja yn. To bajiri, yure ajitirũnarã rĩne yn jacũ tujure ejaruarãma. 7 Yure mna masijama, yn jacure quẽne ĩre masiruarãja mna. Yure ĩarã ñari, “Ī jacure masiaja yna”, yimasiruarãja mna —yure yicami Jesús.

8 To bajiro ĩ yirone, ado bajiro ĩre yicami Felipejama:

—Yna un, mũ jacure yure ĩoña mũ. To mũ yicōarojn, “Riojo gotiami yure”, yimasiruarãja yna yuja —Jesure ĩre yicami Felipe.

9 To bajiro Felipe ĩ yijare,

—Tirũmũjne mna rãca ñacōa suoadicajn yn. ¿No yign to yn bajiboajaquẽne yure ĩamasibeati mũ maji? No bojagn yure ĩagũma, yn jacure ĩagũ ñaami. To bajiri, “Mũ jacure yure ĩoña”, yibeticōañã mũ. 10 “Yn jacũ rãcane ñacōaja yn. Ī quẽne yn rãca ñaami”, mure yaja yn. Tire ajicōari, ¿“Riojone gotiami”, yure yibetimasucōati mna, yure ajitirũnarã? Mure yn gotirũgũserema yn masune yn tũoĩase mere mure gotiaja yn. Yn jacũ, yn rãcane ñacōarũgũgũ ĩ yise ñajare, jediro yicoadicajn yn. 11 “Yn jacũ rãcane ñaja yn. Ī quẽne yn rãcane ñaami” yn yisere yure ajitirũnũña. Yn gotisere ajicōaboarine yure mna ajitirũnũbetijama, ĩaĩañamanire yn yĩoadirũgũcatire tũoĩacōari, yure ajitirũnũña mna. 12 Ñamasusere riojo mure gotiaja yn: No bojagn “‘Rotimũorũgōrũcũmi’ yign, Dios ĩ cōar’i ñaami” yure yiajitirũnũgũma, yn yigore bajirone yirũcũmi. Yucnacane yn jacũ tũ vaguagn yaja yn. Dios tũ yn tudiajare, ĩaĩañamani yn yĩocati rētobusaro ĩaĩañamanire yĩoruarãja mna quẽne. 13 Yure ajitirũnarã ñari, gũimenane sēnirũgũma mna. To bajiro mna yijama, no mna bojasere mna sēniro cōrone mure ĩsirũgũrũcũja yn, “‘Quēnamasugũ ñaami’ yn jacure yimasiato ĩna” yign. 14 Yure ajitirũnarã ñari, gũimenane yure mna sēnijama, no mna sēnirore bajirone mure cūdirũcũja yn —ĩ buerãre yure yicami Jesús.

“Esp’iritu Santore cōarũcũmi Dios”, Jesús ĩ yire queti

15 To bajiro yigajanocōari, ado bajiro yure goticami Jesús quẽna:

—Yure mna maimasucōajama, yn rotisere cūdiruarãja mna.

16 To bajiro mna yijama, yn jacure ĩre sēnirũcũja yn, “Yure ñavasoarocure ĩre cōato ĩ” yign. Ī cōarocũ ñaami Esp’iritu Santo riojo gotign. Mna rãca ñacōarũgũrũcũmi, mure yirẽmogũ. 17 Diore ajimena Dios ĩ cōagũ Esp’iritu Santore masibeama ĩna. To bajiri ĩna usũrijure ĩre sãjarotimasibeama. Mna rãca ĩ ñajare, ĩre masirã ñaja mna. Mna usũrijure ñacōarũgũrũcũmi.

18 Vaguagu yaja yu. Mña rāca ñagū vadirucuja yu quēna. 19 Yucnacane vaguagu yaja yu. To bajiri yure ajimenama, yure ĩabetiruarāma. Mña rāca yu ñarūgūrotire masiruarāja mñama. Yu rijato bero quēna gāme caticōarocu yu ñajare mña quēne, yure ajitirūnarā, mña rijato beroju quēna gāme caticōari ñacōarūgūnarāja mña quēne. 20 Yu jacu rāca ñacōaja yu. Mña rāca quēne ñacōaja yu. Mñajua quēne, “Yu rācane ñacōaja mña” yu yirore bajirone, yu tudicatirirām, “Socu mene yiyumi Jesús”, yimasiruarāja mña yuja. 21 Yu rotisere cūdiguma, yure maigū ñaami. Yure maigūrene ĩre mairucumi yu jacu quēne. Yu quēne ĩre mairucuja yu. ĩre maicōari, ĩ rāca ñagū ejarucuja yu. To yu bajiro yure ĩabetiboarine ĩ rācane yu ñasere “Masiato” yigu ĩre rotirucuja yu —yure yicami Jesús.

22 To bajiro ĩ yisere ajicōari, Judas Iscariote me, gāji Judas vāme cutigu, ado bajiro ĩre sēniācami:

—Yua uju, ¿no yigu gājerāre ĩnare yīobecane, yua rīrene yuare yīorucuada mu? —Jesúre ĩre yisēniācami Judas.

23 To bajiro ĩ yirone, ado bajiro cūdicami Jesús:

—No bojarā yure mairā, yu gotisere ajitirūnaruarāma. To bajiri yu jacu ĩnare mairucumi. To bajiri yu quēne, yu jacu quēne, ĩna tu ñarā vadiruarāja yua. 24 No bojagu yure maibecuma, yu gotisere ajitirūnubecumi. Mñare yu gotisema yu masune yu tuoīarujeose mere mñare gotiaja yu. Yu jacu yure cōacacu ĩ gotirotisere gotiaja yu.

25 Maji mña rāca ñagū ñari, tire mñare gotiaja yu. 26 Yure ñavasoarocure, Esp'iritu Santore ĩre cōarucumi yu jacu. Ñajediro mñare yu gotiadicatire, “Masiritiroma” yigu, mñare ejarēmorucumi —yure yicami Jesús.

27 Gajeye quēna ado bajiro yuare goticami Jesús:

—Mñare vare gotiguagu yaja yu. Mñare yu rijabosaroti ñajare, Diorāca quēnaro ñaruarāja mña. Yure ajimenajmama, “Ado bajiro mani yijama, quēnaro ñaruarāja mani” yiboarine, Diorāca quēnaro ñamasibetiruarāma. To bajiri, tuoīarejaibesa mña. To bajicōari, gūibesa. 28 “Vaguagu yaja yu. To bajiboarine mña rāca ñagū vadirucuja yu quēna” yu yisere ajibu mña. Socarā mene yure mña maijama, “Yu jacu tujure vaguagu yaja yu” yu yisere ajicōari, quēnaro variquēnaboriarāja mña. ĩ ñaami yu rētohusaro ñagū. 29 Yu bajiroto rījoro tire mñare gotiaja yu. To bajiri to ti bajiro ĩacōari, butobusa yure ajitirūnaruarāja mña.

30 Gajeye jairo mñare ñagōrēmobetirucuja yu. Diore ajimenare rojose yirotigū, vātia uju, jēre vadicoagumi. To bajiboarine, yure rotimasigū me ñaami ĩma. 31 Yu jacu ĩ rotirore bajirone yaja yu. To bajiro yu yisere ĩacōari, “ĩ jacure maigū masune ñacōaami”, yimasiruarāma masa —yure yicami Jesús.

To bajiro yigajanocōari,
—Ita. Vajaro mani —yñare yicami Jesús yuja.

15

“Ҫыебу ñamasuribure bajiro bajigñ ñaja”, Jesús ï yire queti

1 —Ҫыебу ñamasuribure bajiro bajigñ ñaja yñ. Tibure ïatirñngüre bajiro bajigñ ñaami yñ jacñ. ² To bajiri tibñ rñjuri ti rica manijama, jasurereacōarucñmi. Ti rica cutijama, quēnaro ïatirñngñcñmi. “Jairobñsa rica cutiato” yigñ, sñirirñjurirema, tire bejareacōarucñmi. ³ Rica cuti rñjuri bajiro bajirã ñaja mña, mñare yñ gotimasiosere ajitirñngñ ñari. To bajiri yñ jacñ suorine jēre rojose mana ñacoadicajñ mña. ⁴ Quēnaro yñ rãca ñacōarũgũma mña. To bajiro mña bajijama, mña rãcane ñacōarũgũñcñja yñ. Ҫыебу rñjñ tibñjare ti tuyabetijama, rica manoja ti. To bajirone bajiruarãja mña. Yñ rãca mña ñabetijama, quēnase yimasibetiruarãja mña yuja.

⁵ Yñ ñaja Ҫыебуре bajiro bajigñma. Tibñ rñjuri bajiro bajirã ñaja mña. No bojarã yñ rãca ñarãma, ïna rãca yñ ñajare, quēnase rñne yiruarãma ïna. To bajiro ïna bajijama, jairo rica cutirãre bajiro bajirã ñaruarãma ïna. Yñ manijama, ïna masurione Dios ï ïavariquēnasere yimasibetiruarãma ïna. ⁶ No bojagñ yñ rãca ñabecñrema ïre rocacōarucñmi yñ jacñ. Sñirirñjuri ãmicōari, jeamejñ tñarocagure bajiro ïre yicōarucñmi yñ jacñ.

⁷ Yñ rãcane ñacōari, mñare yñ gotimasiosere masiritibeticoñari, mña bojasere yñre mña sēniro cōrone mñare ïsirñcñja yñ. ⁸ Quēnase rñne mña yirũgũsere ïacōari, yñ jacñre quēnase ïre yirñcñbñogñarãma masa. To bajiri, “Jesũre ïre ajitirñngñ ñaama”, mñare yimasiruarãma ïna. ⁹ Yñ jacñ yñre ï mairore bajirone mñare quēne maiaja yñ. Yñ mairã ñaja mña. To bajiri quēnase rñne yirũgũña mña, yñ bojarore bajirone yirã. ¹⁰ Yñ rotisere mña cñdirũgũjama, yñ mairã ñarũgũruarãja mña. To bajirone yaja yñ quēne. Yñ jacñ yñre ï rotisere cñdirũgũaja yñ. To bajiri yñre mairũgũami yñ jacñ.

¹¹ “Yñre bajirone quēnaro variquēnaro ñato ïna” yigñ mñare gotiaja yñ. ¹² Ado bajiro mñare rotiaja yñ: Mñare yñ maiadicator bajirone gãmerã maiña mña. ¹³ Sīgũ ï babare maigũ ñari, ï rijabosajama, tijña ñaja ñamasuse gãmerã maireayema. ¹⁴ Yñ rotirore bajiro mña cñdijama, yñ babarã ñaruarãja mña. ¹⁵ To bajiri, “Yñre moabosarimasa ñaja mña”, mñare yibeaja yñ yuja. Moabosarimasama ïna çjñ ï yisere masimenama ïna. “Yñ babarã ñaja mña”, mñare yaja yñ yuja. Jediro yñ jacñ yñre ï gotiadicatire mñare gotimasioacoadicajñ yñ. To bajiri yñ babarã ñaja mña. ¹⁶ Yñre besecana me ñaja mñama. Yñjña mñare besecajñ yñ. “Quēnase rñne yato ïna” yigñ, mñare besecajñ yñ. To bajiro mña yijama, gãjerã mñare ïacōari,

m̄are ajicōari ȳare ajitir̄n̄ar̄ar̄ama ĩna quēne. To bajiri Dios ĩ catisere c̄or̄ar̄ama ĩna quēne. To bajiri, quēnase m̄a yijama, ȳare m̄a sēnirore bajirone m̄are ĩsiruc̄ami ȳa jac̄u. ¹⁷ Ado bajiro m̄are rotiaja ȳa: Gāmerā ĩamaiña m̄a —ȳare yicami Jesús.

“Diore ajimena, m̄are ĩatud'ir̄ar̄ama”, Jesús ĩ yire queti

¹⁸ Quēna ado bajiro ȳare gotimasociami Jesús:

—Diore ajimena m̄are ĩna ĩatud'ijama, “Ȳa r̄irene ĩatud'ir̄a me yir̄ama ĩna. Jesúre quēne ĩre ĩatud'icoadicama ĩna”, yit̄oĩamasir̄ar̄aja m̄a. ¹⁹ Diore ajimenama, ĩnare bajiro t̄oĩar̄are maiama ĩna. To bajiri ĩnare bajiro m̄a t̄oĩajama, m̄are quēne maiboriar̄ama ĩna. Diore ajimena r̄aca m̄a ĩnare m̄are besecaj̄u ȳa, “T̄oĩavasoac̄ari, ȳare ajitir̄n̄ar̄ajaro” yiḡu. To bajiri m̄are ĩatud'iam̄a Diore ajimena yuja. ²⁰ M̄are ȳa gotisere masiritibesa m̄a: “Moabosarimas̄ma, ĩn̄amasuḡu me ĩn̄ami. Uj̄uj̄ama ĩn̄amasuḡu ĩn̄ami ĩna” yiḡu, m̄are gotib̄u ȳa. Diore ajimenama, m̄a aj̄are, ȳare rojose yis̄yar̄uḡuama. To bajiri m̄are quēne rojose yis̄yar̄ar̄ama. To bajiboarine t̄oĩavasoac̄ari, ȳa gotimasiosere c̄dir̄uḡuama. To bajiri m̄are quēne m̄are c̄dir̄ar̄ama. ²¹ Ȳare c̄oacac̄ure quēne masibeama Diore ajimena. To bajiri ȳare ajitir̄n̄ar̄a m̄a ĩajare, m̄are quēne rojose yis̄yar̄ar̄ama ĩna.

²² Masare gotimasioḡ̄u ȳa vadibetijama, “Rojose yir̄a ĩaja mani. Dios ĩ rotiriarore bajirone c̄dibeaja”, yimasibetiboriar̄ama, Diore ajimena. ĩnare ȳa gotimasioro bero ĩajare, “Rojose mana ĩaja”, yimasibeama ĩna yuja. ²³ No bojarā ȳare ĩatud'ir̄a, ȳa jac̄ure quēne ĩatud'ir̄a yama ĩna. ²⁴ ĩna ĩaro r̄ijorojua Dios ĩ masise r̄aca ĩaĩañamanire ȳa yĩobetijama, “Ȳare Dios ĩ masise r̄aca ĩaĩañamanire ĩ yĩobetijare, ‘Dios ĩ c̄or̄'i, Cristo ĩn̄ami’ ĩre yimasibeaja ȳa”, yiboriar̄ama ĩna. Dios ĩ masise r̄aca ĩaĩañamanire ȳa yĩoro ĩacana ĩn̄ama ĩna. Tire ĩacana ĩaboarine ĩna ĩatir̄n̄abeti vaja rojose ĩnare ĩac̄o ĩaja. To bajiri, ȳare ĩateama ĩna. Ȳa jac̄ure quēne ĩre teama ĩna. ²⁵ Dios ocare masa ĩna ucamasire ti gotirote bajirone bajiaja ti yuja, yuc̄rirema. Ado bajise gotiaja ti: “Ñie manone ȳare ĩateama ĩna”, yigotiaja ti —ȳare yicami Jesús.

²⁶ To bajiro yicōari, gajeyere quēna ado bajiro ȳare gotimasociami Jesús:

—Dios ĩ c̄oaḡu Esp'iritu Santore socabec̄ure m̄are c̄oar̄uc̄aja ȳa, ȳa gotimasir̄uḡusere “Ajimasiato” yiḡu, m̄are ejar̄em̄oc̄ure. ²⁷ Ȳa gotimasios̄oroj̄ne ȳa r̄acane ĩn̄oadicaj̄u m̄a. To bajiri, ȳa gotimasociatire ajicana ĩnari, ĩaĩañamanire

yü yĩlocatire ñacana ñari, masare gotimasiomasiruarãja mua –yüare yicami Jesús.

16

¹ Quëna ado bajiro yüare gotimasiörütuacami Jesús:

–“Yüre ajiquejeroma” yigü, adire müare gotiaja yü: ² Dios ocare mani buerügürivijü mua ñarore müare bucõaruarãma ñna. To bajiro yicõari müare sïarãne, “Dios ï bojasere bajiro ãnoare ïre sïabosaja mani”, yitüoïaboaruarãma ñna. ³ To bajiro ñna yijama, yüre quëne, yü jacüre quëne masimena ñari, yiruarãma ñna. ⁴ “ “To bajiro masune bajiruarõja ti” yiquïda ï Jesús’ yitüoïamasirãjaro ñna” yigü, müare gotiaja yü.

Esp'iritu Santo ï ejarëmorotire Jesús ï gotimasiore queti

Rëmojure müare gotisüogü, müare gotibeticajü yü maji, “Ïna rãca ñarücüja yü maji” yigü ñari. ⁵ Yüre cõacacü tujü vaguagü yaja yü yuja. To yü bajiboajaquëne, “¿Nojü vaguagü yati mü?” yüre yisëniãbeaja mua. ⁶ Sëniãmenane, müare yü yigotiserene tûoïasütiritiaja mua. ⁷ To bajiri, riojo müare gotiaja yü. Yü vacoajama, müare quënaruarõja. Yü vabetijama, müare ejarëmorocü, Esp'iritu Santo mua rãca ñagü vadibetibogümi. Yü vajama, ïre cõarücüja yü. ⁸ Esp'iritu Santo ï vadijama, ï ejarëmose rãca, “Riojo manire yiyumi Dios. Rojose yirã ñaja mani”, yimasiruarãma masa. Ï ejarëmose rãca quënase masune yirere masiruarãma ñna. Gajeye quëne, ï ejarëmose rãca ado bajiro tûoïamasiruarãma masa: “Diore mani cüdibeti vaja rojose tãmüotujabetiriarõjü manire cõarücümü Dios”, yimasiruarãma. ⁹ Yüre ñna ajitirünubeti vaja rojose tãmüotujabetiriarõjü ñna varotire Esp'iritu Santo ï ejarëmose rãca masiruarãma. ¹⁰ Yü jacü ï ñarõjure yü varoti ti ñajare, yüre ïabetiruarãja mua. Yü jacü tü ñacõari, yü cõagü Esp'iritu Santo ï ejarëmose rãca, “Quënarõ riojo yigü ñañumi”, yimasiruarãja mua. ¹¹ “Masare rojose yirotigüre vätia üjure rojorojü, rojose tãmüoato” yigü, ïre yü cõarotire Esp'iritu Santo ï ejarëmose rãca masiruarãja mua.

¹² To bajiro yigajanocõari, ado bajiro yüare yigotimasiocami Jesús:

–Jairo müare yü gotiroti ñaboaja ti. To ti bajiboajaquëne yucüne müare yü gotijeocõajama, ajimasimenaja mua maji. ¹³ Dios ï cõagü Esp'iritu Santo mua tü ejaõari, ï ejarëmose rãca riojo masu ajimasijeoruarãja mua. Ï sïgü ï ejarëmose rïne bajibetiruarõja. Yü jacü ï rotise rãca ejarëmorücümü. To yicõari, “Ado bajiro bajiruarõja” ï yise rãca ajimasiruarãja. ¹⁴ To yicõari, mua rãca yü yïñarügücatire mua ajimasirotire müare ejarëmorücümü Esp'iritu Santo, “ Jesús, quënamasugü ñaami’ ïre yirücübüoato ñna” yigü. ¹⁵ Ñajedirone yü jacü yüre

ĩ rotirore bajirone m̄uare gotiaja yu quēne. To bajiri, “M̄ua r̄ãca yu yiadicatire m̄uare gotimasior̄uc̄ami Esp'iritu Santo”, m̄uare yib̄u yu –ȳuare yicami Jesús.

¹⁶ To yiḡune, quēna ado bajiro goticami Jesús:

–Yuc̄ne yu jac̄u t̄ju vaḡuagu yaja yu. To bajiri ȳre ĩabetir̄uar̄aja m̄ua. To bajiboarine quēna yoaro mene ȳre ĩac̄oaruar̄aja m̄ua –ĩ buer̄are ȳuare yicami Jesús.

“T̄uoĩas̄utiritir̄ã ñaboarine, variquēnar̄uar̄aja m̄ua”, Jesús ĩ yire queti

¹⁷ To bajiro ĩ yisere ajic̄oari, s̄iḡari ĩ buer̄ã, ado bajiro ḡamer̄ã yis̄ēnīac̄aju yua:

–¿No yire ũnire yiḡu yati ĩ? –ḡamer̄ã yicaju yua. –“Yu jac̄u t̄ju vaḡuagu yaja yu. To bajiri ȳre ĩabetir̄uar̄aja m̄ua. To bajiboarine quēna yoato mene ȳre ĩac̄oaruar̄aja m̄ua”, manire yami –ḡamer̄ã yicaju yua. ¹⁸ –“Yoato mene ȳre ĩaruar̄aja” manire ĩ yijama, ¿no bajiro bajir̄u yati? “Tire yiḡu yami”, yiajimasibeaja mani –ḡamer̄ã yicaju yua.

¹⁹ To yua yiñarone, “Ȳre s̄ēnīaruama ĩna”, yimasic̄oacami Jes̄ujúama. To bajiri ado bajiro ȳuare yicami:

–“Yoaro mene ȳre ĩabetiroana yaja m̄ua. To bajiboarine quēna yoato mene ȳre ĩacoaruar̄aja m̄ua”, m̄uare yib̄u yu. To bajiro yu yiserene, ¿m̄ua masune ḡamer̄ã s̄ēnīati m̄ua? ²⁰ Riojo ñamasusere m̄uare gotiaja yu. T̄uoĩas̄utiritir̄ã ñari, otir̄uar̄aja m̄ua. Diore ajimenama, variquēnar̄uar̄ama ĩna. M̄uama, t̄uoĩas̄utiritir̄ã ñaboarine yoaro mene quēna variquēnac̄oaruar̄aja m̄ua. ²¹ Adire bajiro bajir̄uaroja ti: S̄iḡo r̄omio, mac̄u cutigoago, t̄uoĩas̄utiritigomo so, “Josari t̄am̄uoḡocoja” yigo. So mac̄u cutiro berोजना, tire t̄uoĩas̄utiritibecone, variquēna masirioc̄oḡomo so. ²² Tire bajirone m̄ua quēne yuc̄rema t̄uoĩas̄utiritiaja m̄ua. To bajiboarine quēna m̄uare ĩaḡu vadir̄uc̄uja yu. Ȳre ĩac̄oari, buto variquēnar̄uar̄aja m̄ua quēna. To bajiro m̄ua variquēnasere ḡaji, “Variquēnabetic̄oãña m̄ua”, yibetir̄uc̄ami.

²³ Tir̄ãm̄u ti ejarone yuja, ñiejuare ȳre s̄ēnīabetir̄uar̄aja m̄ua yuja. J̄ere masic̄oaruar̄aja m̄ua. Riojo ñamasusere m̄uare gotiaja yu: “ ‘Rotim̄uoḡōuc̄ami’ yiḡu, Dios ĩ c̄oari ñaami” ȳre yiajiritir̄un̄ã ñari, yu jac̄ure m̄ua s̄ēnijama, m̄ua s̄ēniro c̄orone m̄uare ĩsir̄uc̄ami. ²⁴ “Jes̄úre ajitir̄un̄ã ñaja yua”, yis̄ēnibetic̄aju m̄ua maji, yu jac̄ure. Ado beroma yuja, “Jes̄úre ajitir̄un̄ã ñaja yua”, yis̄ēnir̄ũḡũña m̄ua. To bajiro m̄ua yijama, m̄uare ĩsir̄uc̄ami yu jac̄u, “Quēnaro variquēnato ĩna” yiḡu –ȳuare yicami Jesús.

“Rojose ȳre ĩna yiboajaquēne, rojosere yibetic̄oari, Dios ĩ bojasejuare yicoadic̄aju”, Jesús ĩ yire queti

²⁵ Gajeye quēna ado bajiro ȳuare yigoticami Jesús:

—Mũare yũ gotijama, gotimasiore rãca mũare goticoadicaju yũ maji. Bero mũare yũ gotijama, gotimasiore rãca me mũare gotirũcũja yũ. To bajiro yũ jacũ yere mũare yũ gotijare, quẽnaro ajimasirũarãja mũa. ²⁶ Yũ jacũ tũju yũ tudiejato berone, “Yũare sẽnibosaya mũ”, yũre yibetirũarãja mũa. Mũa masune, yũ jacũre gũimenane, “Jesũre ajitirũnrã ñaja yũa”, ãre yisẽnirũgũrũarãja mũa. ²⁷ Mũare maiami yũ jacũ, yũre mũa maijare. “Dios ã cõar'i ñaami” mũa yiajiritũnũjare, mũare maiami ã. ²⁸ Yũ jacũ tũ ñar'i, adi macarũcũrojuve vadicaju yũ. To bajiri adi macarũcũroanare vaveocoarũcũja yũ, quẽna yũ jacũ tũ tudiacũ —yũare yicami Jesũs, ã buerãre.

²⁹ To bajiro ã yisere ajicõari ãre cũdicaju yũa yuja:

—Yucũrema gotimasiore rãca me, mũ gotisere quẽnaro ajimasiaja yũa yuja. ³⁰ “Ñajediro masigũ ñaja mũ”, yĩamasiaja yũa yuja. Mũre yũa sẽnĩaroto rĩjorojuve jẽre yũa sẽnĩarotire masicõaja mũ. To bajiri, “Dios tũ vadir'i ñaja mũ”, mũre yiajiritũnũaja yũa yuja —Jesũre ãre yicaju yũa.

³¹ To bajiro yũa yijare, ado bajiro yũare cũdicami Jesũs:

—¿Socarã mene, “Quẽnaro mũre ajitirũnũaja yũa”, yũre yatĩ mũa? ³² Riojo mũare gotiaja yũ: Yucũne yũre cãmotadijedicoarũarãja mũa. To bajiro mũa bajiboajaquẽne, sigũne ñabetirũcũja yũ. Yũ rãcane ñacõa ñarũcũmi yũ jacũ. ³³ Ti jediro mũare gotiaja yũ, “Yũre ajitirũnũcõari, quẽnaro ñacõarũarãja mũa” yigũ. Adi macarũcũroana, Diore ajimena, rojose mũare ñna yijare, rojose tãmũorũarãja mũa. To bajiboarine, tũoĩatĩmama: Masa rojose yũre ñna yiboajaquẽne, rojose yibeticõari, Dios ã bojasejũare yicoadicaju yũ. To bajiri, mũa quẽne yũre bajirone yimasirũarãja mũa —yũare yicami Jesũs, ã buerãre.

17

Ã buerimasare Diore Jesũs ã sẽnibosare queti

¹ To bajiro yicõari bero, õ vecajũare ãamũocõari, ado bajiro yicami Jesũs:

—Casũ, mũ tũju yũ tudiaroti mojoroaca rũyaja ti yuja. Masa, “Quẽnamasugũ ñaami” yũre ñna yimasirotire yigũ, ejarẽmoña. To bajiro mũ yijama, yũ sũorine, “Quẽnamasugũ ñaami”, mũre quẽne yigũarãma ñna. ² Mũ macũ ñaja yũ. “Masare ñajedirore rotimasiato ã” yigũ yũre cõacaju mũ. Mũ sũorine yũre ajitirũnrã, “Ñna rijato bero quẽnaro catijedicõa ñarũgũrãjaro” yigũ yũre cõacaju mũ. ³ Ado bajiro bajiamã ñna tudirijabetirere cũorãma: Dios ñamasugũre, mũre masiama. To yicõari, mũ roticõacacũre quẽne yũre masiama.

⁴ Adi macarũcũroju yũ ñaro, yũ sũorine quẽnase mũre yigũcũbũocoadicama ñna masa. Yũre mũ yirotirũgũro cõrone

jēre mure yibosagajanoaja yu. ⁵ Adi macarucuro ti ruyuaroto rījorojune mure bajirone rūcubuo ecogu ñacoadicaju yu. To bajiri, m̄ t̄ju yu tudiejaro, quēna yure ña yirūcuburotore yigu, yure yirēmoña m̄.

⁶ Yu buerimasa mure ajimena rāca ña ñarore m̄ besecana ñama. Ñare besecōari, yure ĩsicaju m̄. To bajiri yu suorine mure masiama ña yuja. M̄ yarā ñacōari, m̄ ocare cūdirā ñaama. ⁷ To bajiri jediro yu gotimasiose, to yicōari, ĩāñamani yu yīosere ĩacōari, “Dios suorine yami”, yimasiamā ña. ⁸ M̄ ocare yure m̄ gotiroticatore bajirone ñare goticoadicaju yu. Tire ajicōari, “Dios t̄ vadir'i, Dios ĩ cōar'i ñaami”, yure yimasiamā ña yuja.

⁹ Mure ñare sēnibosaja yu. Mure ajimenarema ñare mure sēnibosabeaja yu. Yure m̄ ĩsicana ñajare, sēnibosaja yu. ¹⁰ Yu yarā ñarā ñari, m̄ yarāne ñarā bajiamā. Ña suorine yure quēnase yirūcubuoama masa.

¹¹ Yucacane m̄ rāca ñagū vaguagu yaja yu. To bajiri adi macarucurore vaveoacu yaja yu yuja. Yure ajitirūnrāma, adi macarucuroju tujacōarā yama ña. Cacū, rojose yigu me ñaja m̄. M̄ masise, yure m̄ ĩsicati rācane ānoare ñare ĩatirūnā. Cojoro cōro t̄oīarā ñaja manī. Manire bajirone ña quēne “Sīgūre bajirone t̄oīato ña” yigu, ñare ĩatirūnā. ¹² Adi macarucurojore ña rāca ñagū yu yimasirotire yure m̄ ĩsicati ñajare, quēnaro ñare ĩatirūncoadicaju yu. “Sīgū rojose t̄m̄ot̄ujabetiriaroju vatomi” yigu quēnaro ñare ĩatirūncoadicaju yu. To bajiboarine sīgū ñaami rojose t̄m̄ot̄ujabetiriaroju varocu. “To bajiro bajiruroja” m̄ yicature masa ña ucamasicati ti goticatore bajirone yigu bajirucami ĩma.

¹³ Yucacane m̄ t̄ vaguagu yaja yu yuja. Adi macarucurojore ñagū maji adire mure sēniaja yu, “Yure ajitirūnrā, yu variquēnare bajirone ña quēne quēnaro variquēnajedicōato ña” yigu. ¹⁴ Ānoa yu buerā, yure m̄ gotiroticature ajicōari t̄oīavasoacana ñaama ña. To bajiri mure ajimena ña t̄oīare bajirone t̄oīabeama ña yuja. Yure bajirone t̄oīarā ñama. To bajiro bajirā ña ñajare, ñare ĩateama masa, mure ajimena. ¹⁵ Yure ajitirūnrāre, “‘Mure ajimena rāca vatoaju ñabeticōato ña’ yigu, ñare juacoasa m̄”, mure yibeaja yu. Ado bajirojua mure sēniaja yu. Quēnaro ñare yirēmoña, “Vātia ũjore ĩre cūdiroma ña” yigu. ¹⁶ Mure ajimena ña t̄oīare bajirone t̄oīagū me ñaja yu. To bajiri, yure ajitirūnrā quēne, mure ajimena ña t̄oīare bajiro t̄oīarā me ñaama ña. ¹⁷ Riojo ñamasuse ñaja ti m̄ oca. To bajiri yure ajitirūnrāre ñare yirēmoña m̄, m̄ ocare “Quēnaro ajimasiatō ña” yigu. M̄ ocare ajimasicōari, “Quēnase rīne yirā

ñato” yigũ, ñare yirẽmoña. ¹⁸ Mũre ajimena vatoajũre yũre cõacajũ mũ. Yũ quẽne, to bajirone mũre ajimena vatoajũre yũre ajitirũnrãre ñare cõagũagũ yaja yũ. ¹⁹ “Yũ bajiro tire mũ tũoĩacatore bajirone bajirũaroja ti”, mũre yaja yũ, “Yũ sũorine quẽnase ñare ejarũaroja” yimasigũ ñari. To bajiro mũre yaja yũ, “Yũre ñacõari, ‘Dios ocare socabetire Jesús ĩ cũdĩrore bajirone cũdirãsa mani’ yato ña” yigũ –yicami Jesús, Diore sẽnigũ.

²⁰ Gajeye ado bajiro Diore sẽnĩcami Jesús:

–Yũ rãca ñacõari, yũre ajitirũnrã rĩrene ñare sẽnĩbosagũ me yaja yũ. Ñnoa ña gotimasiose ti ñajare, “Gãjerã quẽne, yũre ajitirũnrãrãrãma” yigũ, ñare quẽne sẽnĩbosaja yũ. ²¹ “Yũre ajitirũnrã ñajediro sigũre bajiro ñato ña” yigũ, mũre sẽnĩaja yũ, to yicõari, “Mani rãca quẽne ñacõa ñato ña” yigũ. Cacũ, yũ rãca ñaja mũ. Yũ quẽne, mũ rãca ñaja. To mani bajirore bajirone sigũre bajiro ña ñasere bojaja yũ. To bajiro ña bajiro ñacõari, “Socũ mene Dios ĩ cõar’i ñañumi Jesús”, yitũoĩvasoarũarãma masa. ²² “ ‘Diorãca ñaami’ masa yũre yirũcũbũoato” yigũ, yũre ejarẽmoadicajũ mũ. To bajirone yũre ajitirũnrãre quẽne, yũre mũ ejarẽmocatore bajirone ñare ejarẽmorũcũja yũ, masa, ñare ñacõari “ ‘Diorãca ñaama’ ñare yirũcũbũoato” yigũ. To bajiro ñare yirũcũja yũ, mani bajirore bajirone, “Sigũre bajiro ñato ña” yigũ. ²³ Ña rãca ñarũgũaja yũ. Mũ quẽne, yũ rãca ñarũgũaja mũ. To bajiri sigũre bajirone tũoĩarũarãma ña. To bajiro ña bajiro ñacõari, “Dios ĩ cõar’ine ñañumi Jesús”, yimasirũarãma masa. “Ĩ macũre ĩ mairore bajirone ñare quẽne maiami Dios”, yimasirũarãma masa.

²⁴ Cacũ, yũre ajitirũnrã yũre mũ ĩsicana ñaama ña. To bajiri yũ rãca ña ñarotire bojaja yũ, mũ rãca yũ rotĩnarore “Īarãjaro ña” yigũ. To bajiri, mũ rãca yũ rotisere ñacõari, “Adi macarũcũro ti ruyuaroto rĩjorojũne Jesũre maicoayumi Dios” ña yimasiro tire bojaja yũ. ²⁵ Cacũ rojose yigũ me ñaja mũ. Mũre ajimenama, mũre masibeama ña. Yũma, mũre masiaja yũ. Ñnoa yũ buerã quẽne, “Dios ĩ cõar’ine ñaami”, yũre yimasiamã ña. ²⁶ “Ado bajiro bajigũ ñaami Dios”, ñare yigotimasiocoadicajũ yũ, yũre ajitirũnrãre. To bajirone ñare gotimasiocõaja yũ maji, yũre mũ mairore bajirone “Gãjerãre maiato ña” yigũ. To yicõari, “Ña rãca yũ ñacõa ñarũgũotire masiato ña” yigũ to bajiro yũre ajitirũnrãre ñare gotimasioaja yũ –Diore ĩre yicami Jesús.

18

Jesũre ña ñiare queti

(Mt 26.47-56; Mr 14.43-50; Lc 22.47-53)

¹ To bajiro Diore Jesús ĩ yisēniro bero, Cedrón vāme cūti cora gajejacatūajū vacajū yūa, ĩ rāca. To vanane, olivo vāme cūtisere oteriavesejūre jiacajū yūa. ² Tocārācajine ti vesejūre rējacajū yūa. To bajiri Judas, Jesúre ĩaterāre ĩsirocacacū quēne, yūa rāca rējarūgūcacū ñari, tojūre quēnaro masicami. ³ To bajiri ti vesere masigū ñari, surarare, to yicōari, Diore yirūcūbūoriavi coderimasare ũmato ejacami Judas. Paia ũjarā, to yicōari, fariseo masa ĩna cōariarā ñacama. Jariaserine besu cūocama ĩna. Sīgūri sīabusuoriari, gājerā mūjorijāirire bajise sīare cūocama ĩna. ⁴ Jēre, “To bajirone yūre yirūarāma” yigoticacū ñari, ĩnare bocagūacami Jesús. ĩnare bocacōari ado bajiro ĩnare sēniñacami:

—¿Ñimūre macati mūa? —ĩnare yicami Jesús.

⁵ To bajiro ĩ yirone,

—Jesús Nazaret macagūre macaja yūa —ĩre yicūdicama ĩna.

To bajiro ĩna yirone,

—Yūne ñaja —ĩnare yicūdicami ĩjūama.

Judas, Jesúre ĩaterāre gotiyiror’i quēne ĩna rāca ñacami.

⁶ “Yūne ñaja yū” Jesús ĩ yirone, judavējacoacama ĩna. ⁷ To ĩna bajirone, ĩnare tudisēniñacami Jesús:

—¿Ñimūre macarā bajiati mūa? —ĩnare yicami Jesús.

To bajiro ĩ yirone,

—Jesús Nazaret macagūre macaja yūa —yicama ĩna.

⁸ To bajiro ĩna yisere ajicōari:

—“Yūne ñaja yū”, jēre mūare yibū yū. Yūrene mūa macajama, yū rācanare ĩnare varotiya maji —ĩnare yicami Jesús.

⁹ To bajiro ĩ yijama, “ ‘To bajirūaroja ti’ ĩ yigoticatore bajiro bajiato” yigū yicami. Ado bajise Diore ĩre yicami: “Cacū, yūre mū ĩsicanare quēnaro ĩnare ĩatirūñacoadicajū yū, ‘Sīgū bajiyayiro mi’ yigū”, yicami Jesús.

¹⁰ Jesúre ĩna ñiarūaro ĩacōari, ĩ jariasere yoveacami Pedro. Tiasene paia ũjū ñamasugūre moabosarimasure, Malco vāme cūtigūre riojojacatūaga gāmorore ĩre jatarocacōacami Pedro.

¹¹ To bajiro ĩ yijare, ado bajiro Pedrore ĩre yicami Jesús:

—Mū jariasere tudisuacōañā quēna. Rojose yū tāmūrotire yū jacū ĩ bojacatire, “Tāmūorūabecūmi”, ¿yūre yiboatime mū? —Pedrore ĩre yicami Jesús.

Anás ya vijū Jesúre ĩna āmiejare queti

(Mt 26.57-58; Mr 14.53-54; Lc 22.54)

¹² To bajiro ĩ yirone surara, ĩna ũjū rāca, Diore yirūcūbūoriavi coderimasa quēne Jesúre ñiacama ĩna. ĩre ñiacōari, ĩ āmobearire siacama ĩna. ¹³ To yicōari, Anás ya vijū ĩre āmicoacama ĩna yuja. Caifás ũmañicū ñacami Anás. Tī cūmare paia ũjū ñamasugū ñacami Caifás. ¹⁴ Caifás ñañuju: “ĩre mani sīabetijama, mani ñaro

cōrone s̄iajeocōaruarāma ĩna romano masa. To bajiri manire rijabosagure bajirone bajiato ĩ”, yigotir’i ĩñañuju ĩ.

*“Jesúre masibeaja yu”, Pedro ĩyire queti
(Mt 26.69-70; Mr 14.66-68; Lc 22.55-57)*

¹⁵ Pedro rāca, Jesúre ĩna āmivato s̄uyacaju yu. Paia uju ĩnamasugūre quēnaro ĩ masigū ĩnacaju yu. To bajiri josari mene paia uju ya vi ta biberiasāniro rētosājacoacaju. ¹⁶ Pedrojuama ta biberiasāniro s̄uyarojuajune s̄jabecune tujacoacami. To bajiri paia uju ĩnamasugūre masigū ĩnari, ta biberiasānirore coderimaso rāca ĩnagōgū tudibudicoacaju yu. To yicōari Pedrore ĩre ĩsōcaju yu. ¹⁷ To cōrone ta biberiasānirore coderimaso, Pedrore ĩre sēñiñacamo so:

—¿Jesús buerimasa rācagu me ĩnati mu? —ĩre yicamo so, Pedrore.

To so yirone,

—ĩ me ĩaja yu —sore yicami Pedro.

¹⁸ Ti usajare, paia uju ĩnamasugūre moabosarimasa, Diore yirūcub̄oriavi coderimasa quēne jea riocōari, sūmañacama ĩna. Pedro quēne ĩna rāca sūmañacami.

*Paia uju ĩnamasugū, Jesúre ĩ sēñiñare queti
(Mt 26.59-66; Mr 14.55-64; Lc 22.66-71)*

¹⁹ Jesúre ĩna āmiejaro, ĩacōari, paia uju ĩnamasugū, ado bajiro ĩre sēñiñañuju:

—¿Nocārācu ĩnati mu buerā? ¿Ñie ũnire ĩnare gotimasiorūgūati mu? —ĩre yisēñiñañuju ĩ, Jesúre.

²⁰ To bajiro ĩ yijare, ado bajiro c̄adiyuju Jesús:

—Masa ĩaro r̄ijorojuā gotis̄uoadicaju yu, Diore yirūcub̄oriavijure, to yicōari, ĩ ocare mani buerūgūrivirijure quēne. Disejuane yayioroaca yu gotimasiore maja. ²¹ ¿No yigu yujare sēñiñati mu? Yure ajicanajuare ĩnare sēñiñiñasaque. Yu gotirūgūcatire mure gotiruarāma ĩna. Tire masirāma ĩna —ĩre yiyuju Jesús, paia uju ĩnamasugūre.

²² To bajiro Jesús ĩ yisere ajicōari, s̄igū, Diore yirūcub̄oriavi coderimasu Jesús riogare jayuju. ĩre jacōari,

—To bajiro mu yic̄adijama, paia uju ĩnamasugūre ĩre r̄ucub̄ogu me yaja mu —Jesúre ĩre yiyuju Diore yirūcub̄oriavi coderimasu.

²³ To bajiro ĩ yirone, ĩre c̄adiyuju Jesús:

—Riojo me yu yijama, “Ado bajiro yaja mu”, yure yigotiya mu. Riojo yu yiboajaquēne, ¿no yigu yure jati mu? —ĩre yiyuju Jesús.

²⁴ To bajiro ĩre yisēñiñacōari bero, ĩre ĩna siarere jojiorotibecune paia uju ĩnamasugū Caifás vāme cutigu tujare Jesúre cōañuju Anás.

*Quēna, “Jesúre masibeaja yu”, Pedro ïyire queti
(Mt 26.71-75; Mr 14.69-72; Lc 22.58-62)*

²⁵ To ïna yiñaro ũnone jea sũmacõa ñacami Pedro. Ì rãca jea sũmañarã ado bajiro ïre yisēniñacama ïna:

—¿Ï buerimasu me ñati mu quēne? —Ïre yisēniñacama ïna.

To bajiro ïna yirone, —Bajibeaja. Ì me ñaja yu —yicami Pedro.

²⁶ To bajiro ï yirone, sīgũ paia ujure moabosarimasu Pedroro ïre sēniñacami:

—Olivo vãme cutisere oteriaveseju, ï rãca mu ñaro, mare ïamu yu —Ïre yicami. Ì ñacami Pedro ï gãmoru jatacasu.

²⁷ To bajiro ï yisēniñasere ajicõari,

—Ì me ñaja yu —yicõacami quēna Pedro.

To bajiro ï yirirĩmarone, gãjabocu ñagõcõacami yuja.

Pilato tuju Jesúre ïna ãmiejare queti

(Mt 27.1-2, 11-14; Mr 15.1-5; Lc 23.1-5)

²⁸ Tijũ bero, Caifás ya vi ñariarã, Pilato ya vijũare Jesúre ïre ãmivacama. Jud'io masa uju ñaboarine, Roma vãme cuti macagu ñacami Pilato. To cõrone busumujacoacaju yuja. Ì ya vire sãjabeticama ïna jud'io masa, “Gãjerã masa ya vi mani sãjajama, Pascua bare bamasimenaja mani” yitũõiarã ñari. ²⁹ To bajiri, Pilato ïna rãca ñagõru budiacami ï yuja:

—¿Ñie rojose ï yise suori ïre ocasãti mua? —yicami Pilato, jud'io masare.

³⁰ To bajiro ï yisēniñarone, ado bajiro ïre cudicama ïna:

—Rojose ï yibetijama, mu tu ïre ãmiejobetiboriarãja yua —Ïre yicama ïna.

³¹ To bajiro ïna yirone,

—Ïre ãmicoasa mua. Mua masune rojose ï yisere ïacõiajeocõari, rojose ï yise vaja rojose ïre yiba mua yuja — ïnare yiboacami Pilato, jud'io masare.

To bajiro ïnare ï yirone,

—Yua, jud'io masama, masare sãmasibeaja —Pilatore ïre yicama ïna.

³² “Yucútẽroju yure jajutusãcõaruarãma masa” Jesús ï yicatore bajirone bajicaju ti. ³³ Quēna sãjacõari, Jesúre ïre jiyuju Pilato. To yicõari, ado bajiro Jesúre ïre yisēniñañuju:

—¿Jud'io masa uju masune ñati mu? —Jesúre ïre yiyuju Pilato.

³⁴ To bajiro ï yirone,

—¿Mu masu tuõiarine, to bajise yure yisēniñati mu? ¿Gãjerã mare ïna gotijare, to bajise yure sēniñatique mu? —Ïre yiyuju Jesús, Pilatore.

³⁵ To bajiro ï yijare,

—Jud'io masu me ñaja yu, tia. Mu yarãne, paia ujarã rãca, yu tu mare ãmiejoama ña. ¿Ñie ùni rojose yirori mu? —Jesúre ãre yiyuju Pilato.

³⁶ To bajiro ã yisere ajicõari, ado bajiro ãre cudiyuju Jesús:

—Masa uju mu yigure bajiro bajigu me ñaja yu. To bajiro bajigu yu ñajama, yure sayarimasa yure ãaterãre ña rãca gãmerã quẽaboriarãma ña, “Yure ñiaroma ña” yirã. To bajiri, masa uju mu yigure bajiro bajigu me ñaja yu. Yure rotise adone ñabeaja —Pilatore ãre yiyuju Jesús.

³⁷ To bajiro ã yirone,

—To yijama, ¿uju ñati mu? —yiyuju Pilato.

To bajiro ã yirone ãre cudiyuju Jesús:

—Mu yimore bajirone bajaaja yu. Ujune ñaja yu. Adi macarucurojore vadicõari ruyucaju, riojo ñamasusere gotiru. No bojarã yu gotisere ajivariquẽenarãma, yure ajitirunurã ñaama —Pilatore ãre yiyuju Jesús.

³⁸ To bajiro ã yirone,

—¿Ñie ùnire yigu yati mu, ñamasuse ñaja mu yiserema? —Jesúre ãre yiyuju Pilato.

“Jesúre sãaroti ñaja”, ña yire queti

(Mt 27.15-31; Mr 15.6-20; Lc 23.13-25)

To bajiro Jesúsre ãre yisẽniã gajanocõari, budiejacami Pilato, jud'io masare gotiguagu quẽna:

—Yu ãajama, ñie rojose yigu me ñaami. ³⁹ Tocãrãca cãmari Pascua ma yiro cõro, sãgũ tubibe ecor'ire mare bubosarũgũaja yu. To bajiri, ¿ma jud'io masa ujure yu bubosasere bojati ma? —Inare yicami Pilato, jud'io masare.

⁴⁰ To bajiro ñare ã yijare, ado bajiro ãre avasãcudicama ña:

—ãrema bubesa mu! ¡Barrabãjũare ãre bucõãña! —yivasãcama ña, Pilatore.

Barrabãjũama, juarudirimasu ñaũju.

19

¹ To bajiro ña yisere ajicõari, Jesúsre ãre bajarotiyuju Pilato yuja. ² Jesús rãjoa joere jotabedo suariabedo ãre jeoyujarã surara. To yicõari, ujarã ña sãñarito ùnore sũarivãjorore ãre sãñujarã ña. ³ To bajiro ãre yigajanocõa, ã tubusa ejarũgũcõari, ado bajiro ãre yiyujarã ña:

—Jud'io masa ujure mare quẽnarotiaja yua yuja —yiajatud'iyujarã ña, Jesúsre.

To yicõari ã riogare ãre jayujarã ña.

⁴ To bajiro ña yiro bero quẽna budiejacõari jud'io masare ado bajiro ñare yicami Pilato yuja:

—Ĵaĵa mĵa! Ÿu Ĵajama, ĵiejĵa rojose yigĵ me ĵaami. Mĵa quĕne Ĵre Ĵacĕari, “Ÿare bajiro tĵoĴato” yigĵ, Ĵre buaja yĵ —Ĵnare yicami Pilato.

⁵ To bajiro Ĵ yirone, jotabedo jesacĕari, sĵarivĵjorore sĵnacĕari budiadicami Jesĵs. To cĕrone yuja ado bajiro masare yicami Pilato:

—Ĵaĵa mĵa! Ąni ĵaami Ĵ yuja —Ĵnare yicami Pilato.

⁶ To bajiro Ĵ yirone, Jesĵs Ĵ budiadore Ĵacĕari ado bajiro avasĕcama Ĵna paia ĵjarĕ, Diore yirĕcĵbĵoriavi coderimasa quĕne:

—Ĵyucĕtĕroĵĵ Ĵre jajutuya! ĴĴre jajutuya! —yiavasĕcama Ĵna.

To bajiro Ĵna yirone,

—ĴMĵa masune Ĵre ĵmivacĕari yucĕtĕroĵĵ Ĵre jajutuaya mĵa! Ÿĵĵa yĵ Ĵajama, ĵiejĵa rojose yigĵ me ĵaami —Ĵnare yicami Pilato, jud'io masare.

⁷ To bajiro Ĵ yisere ajicĕari, ado bajiro Ĵre cĵdicama jud'io masa:

—Ÿĵa ĵicĵa Ĵna rotimasiriarore bajirone yirĕ “Rijacoajaro” yaja yĵa, “Dios macĵ ĵaja yĵ” Ĵ yise vaja —Pilatore Ĵre yicama Ĵna.

⁸ To bajiro Ĵna yisere ajicĕari bĵtobĵsa gĵiyuju Pilato. ⁹ To bajiri quĕna vijĵ Ĵre ĵicĕari Ĵre sĕniĴaĵuju Pilato:

—ĴNoagĵ masu ĵati mĵ? Ĵre yisĕniĴaĵuju Pilato.

To bajiro Ĵ yisĕniĴaboajaquĕne —Ĵre cĵdibesuju Jesĵs.

¹⁰ To bajiri quĕna Ĵre tudisĕniĴaĵuju Pilato:

—ĴŸre cĵdibeatime mĵ? Gĵjerĕre mĵre yucĕtĕroĵĵ yĵ jajuturotirĵajama, jajutu rotimasiaja yĵ. Mĵre yĵ burĵajaquĕne bucĕamasiaja yĵ. ĴTire masibeatique mĵ? —Jesĵre Ĵre yiyuju Pilato.

¹¹ To bajiro Ĵ yirone,

—No bajiro yicĕari rotimasibetibogĵa mĵ, Dios Ĵ bojabetijama. Masare rotirocĵre mĵre cĵcami Dios. To bajiri mĵ tĵĵre yĵre cĕagĵre, mĵ rĕtoro rojose masu ĵnacĕaja ti —Pilatore Ĵre yiyuju Jesĵs.

¹² To bajiro Ĵ yisere ajicĕari, “ĴNo bajiro yicĕari, Jesĵre Ĵre bucĕaroti ĵaboati ti?”, yĴtĵoĴaĵuju Pilato yuja. To bajiro Ĵ yĴtĵoĴaboajaquĕne, ado bajiro yiavasĕcama jud'io masa:

—Ĵre mĵ bucĕajama, ĵĵĵ ĵamasugĵ Cĕsar vĕme cĵtigĵ rĕcagĵ me ĵnarĕcĵa mĵ. No bojagĵ Ĵre sĕnibecĵne, “Ÿĵĵ ĵnarĕcĵa yĵ” yigĵma, Cĕsar Ĵ Ĵategĵ ĵaami. To bajiri, Ĵre mĵ bujama, quĕnabeaja —Pilatore Ĵre yiavasĕcama Ĵna.

¹³ To bajiro Ĵna yisere ajicĕari, Jesĵre Ĵre jiburoticami Pilato yuja. To yicĕari, rotigĵ Ĵ rujirĵre ejarĵĵĵcoacami Pilato. Gabata vĕme cĵticaĵĵ hebreo ocarema. “Gĵtane bĵoriaĵĵ” yire ŵni ĵacaĵĵ ti. ¹⁴ Pascua boserĵmĵ bare basĵoriarĵmĵ

rĩjoroagarũmũ, ñacajũ ti. Ɛmũrecaji ñaro ado bajiro ñnare yicami Pilato, jud'io masare:

—Ñani ñaami mũa Ʃjũ —ñnare yicami.

15 To bajiro ĩ yisere ajicõari, bũto avasãcama ñna quẽna:

—¡Sĩacõaroti ñaja! ¡Sĩacõaroti ñaja! ¡Yucútẽroju ĩre jajutusĩarotiya mũ! —Pilatore ĩre yiavasã cõdicama ñna.

To bajiro ĩre ñna yise ñajare, ado bajiro ñnare yicami Pilato:

—¿No yigũ mũa Ʃjũre jajutusĩarotighada yũ? —ñnare yicami Pilato.

To bajiro ĩ yijare, ado bajiro ĩre cõdicama paia Ʃjarã:

—César sīgũne ñaami yũa Ʃjũma. Ñimũjũa gãji maami —yicama ñna, Pilatore.

16 To bajiro ñna yisere ajicõari, “Yucútẽroju ĩre jajusĩato ñna” yigũ, Jesũre ñnare ĩsicami Pilato. To bajiri Jesũre ĩre ãmicoacama ñna yuja.

Yucútẽroju Jesũre ñna jajusĩare queti

(Mt 27.32-44; Mr 15.21-32; Lc 23.26-43)

17 ĩre ñna ãmiato, yũa quẽne sũyacajũ yũa. ĩre ãmivacõari, yucútẽrore ĩre gajaroticama ñna. Hebreo ocama Gólgota vãme cõtĩ buroju ĩre ãmivacama ñna. “Rũjoco Buro” yire ũni ñacajũ ti.

18 Tojũ ĩre ãmiejacõari, Jesũre yucútẽroju ĩre jajutucama ñna. ĩ tũ gãjerã jũarã ñnare jajutucama. Sīgũre ĩ riojojacatũa, gãjire ĩ gãcojacatũa ñnare jajutucama ñna. 19 Jesũs ĩ tuyaritẽroju ĩre ĩrũjoa vecare ĩ vãmere ucaturotiyumi Pilato. Ado bajise yituyacajũ: “Jesũs Nazaret macagũ, jud'io masa Ʃjũ” yiuature ñacajũ ti.

20 Jãjarã jud'io masa tire ñacama ñna. Maca tũacane ñacajũ ti, Jesũre ñna jajutucato. ĩ rũjoa veca vãme tuyase griego oca, hebreo oca, lat'in oca quẽne ñacajũ ti. 21 To bajiri jud'io masa paia Ʃjarã ado bajiro ĩre yicama, Pilatore:

—“Jud'io masa Ʃjũ ñaami” mũ yiuarotiboare quẽnabeaja ti. “‘Jud'io masa Ʃjũ ñaja yũ’ yiboami”, yiuavasoarotiya mũ —Pilatore ĩre yicama ñna.

22 To bajiro ñna yiboajaquẽne, ado bajiro ñnare cõdicami Pilato:

—Jẽre uca ecocoamũ. To bajiro ñnacõato —ñnare yicami Pilato.

23 Yucútẽroju Jesũre jajutugajanocõari, ĩsudi sãñaboarere juacama ñna surara. Babaricãrãcãjũ vocõari, gãmerã batocama ñna. To bajiri, cojasene rũyacajũ ti, ñna ãmirotiase. Jesũs ĩ sãñarito joeado tiayamano ñacajũ ti. Riojone suamũjagajanoriaro ñacajũ ti. 24 To bajiri ado bajiro gãmerã yicama surara:

—Tiasere vobeticõato mani. “Ñimũjũa tiasere ĩ ãmiũjaro ĩarãsa mani” yirã, gũtariacane reacũĩacama ñna.

To bajiro ñna yijama, Dios ocare masa ñna ucamasire ti gotiriarore bajirone bajicajũ ti yuja, ado bajiro ti yimasire

ñajare: “Yu ye sudire gãmerã batoruarãma ñna. ‘Ñimujua tiasere ñ ãmiujaro ñaïarãsa mani’ yiruarãma ñna. To yirãne gütariacane reacũiaruarãma ñna”, yigotiaja Dios ocare masa ñna ucamasire. To bajiri, to bajirone yicama surara.

²⁵ Jesús yucátëroju ñ tuyaro taju adocãrãca ñacaju ya: Ñ jaco, to yicõari, so yo Cleofas manajo Mar'ia vãme cãtigo, gajeo Mar'ia Magdalena, ñacaju ya. ²⁶ Yu Jesús ñ buecacu, ñ maigũ quẽne ñacaju ya. Ñ jaco rãca ya ñasere ñacõari ado bajiro yicami Jesús:

—Caco, ñ ñarucami m̄ macure bajiro bajigu —sore yicami Jesús, yujare.

²⁷ To yicõari, yujare ado bajiro yicami:

—M̄ jacore bajiro bajigo ñarucocomo so —yure yicami Jesús.

To bajiro ñ yise ñajare, ya ya vij̄u sore ñm̄ato ñarũgũcaju ya yuja.

Jesús ñ us̄tadire queti

(Mt 27.45-56; Mr 15.33-41; Lc 23.44-49)

²⁸ Jesús, to bajise yure ñ yiro bero, “Dios ñ bojadatore bajirone jẽre adi macaruc̄rojure yijeocõaja ya yuja” yigu ñari, Dios ocare masa ñna ucamasire, “Ti gotirote bajirone bajiato ti” yigu,

—Bogoaja yure —yicami Jesús yuja.

²⁹ To ñacaju uye oco jiasẽ. Tire, sudiro buruane ñiabiãcõari, hisopo vãme cãtiricu gajane siatucama ñna, tiburure. To yicõari, Jesús rise tujure ñumotucama ñna. ³⁰ Uye oco jiasẽ veroñacõari ado bajiro yicami Jesús:

—Dios ñ roticõacatore bajirone jẽre yijeocõaja ya yuja. To cõrone ñaja —yicami Jesús.

To yigune, murocayo, us̄tadicõa tujacami Jesús yuja.

Surara, Jesús varubure ñ sarejorare queti

³¹ Pascua boserũm̄u bare basuoriarũm̄u r̄joroagarũm̄u ñacaju ti. Gajerũm̄u ya jud'io masa us̄sãjariarũm̄u ñacaju. To bajiri yucátëroju rijariarã rujari tuyasere bojabeticama ñna. To bajiri Pilatore ñre s̄eniñujarã jud'io masa ujarã:

—Yucátëroju tuyarãre ñna ñicugũri gõare jatãrerotiya m̄, “Guaro rijacoajaro” yigu. To yicõari ñna rujarire rujio rotiya —ñre yiyujarã ñna, jud'io masa ujarã.

³² To bajiri Pilato ñ rotijare, ñ yarã surara vacõari, yucátëroju Jesús taju juarã tuyarãre ñna ñicugũri gõare jatãrecama ñna.

³³ Jesús tujure ejarũgũcõari, “Jẽre us̄tadicoasumi ñanima”, ñre yĩacama ñna. To bajiri ñ ñicugũri gõare jatãrebeticama ñna.

³⁴ To bajiboarine Jesús varubure s̄igũ surara sarejoracami. Ñ sarejorarone, ri'i, oco rãca budicaju. ³⁵ Yu, tire gotigu, tire ñacacu masune ñacõaja ya. “Riojo gotiaja tire”, yimasiaja ya.

Muare quēne, quēnabusaro “ ‘Jesús ñaami Dios macu mani uju, ñ masise rāca manire ejarēmogū’ yimasiao ña” yigu, riojo tire gotiaja yu. ³⁶ To bajiro ti bajijama, Dios ocare masa ña ucamasire ti gotirote bajirone jediro bajicaju ti. Ado bajiro gotiaja Dios oca: “Cojo gōaro ñe gōaro jajeabetiruarāma ña”, yigotiaja ti Dios oca. ³⁷ Gajeju Dios oca ti gotijama, ado bajiro gotiaja: “Sarejora ecor'ire ñaruarāma masa”, yigotiaja Dios oca.

Jesúre ña yujere queti

(Mt 27.57-61; Mr 15.42-47; Lc 23.50-56)

³⁸ To ña yiro bero, Arimatea vāme cuti macagu José, Jesús rujurire āmiru Pilatore sēniñuju ĩ. Jesúre ñe ajitirūnacacu ñacami José. To bajiboarine gājerāre gotibatobeticami, jud'io masa ujarāre güigu. To bajiri, “Āmiña” Pilato ĩ yijare, Jesús rujurire rujiogu vasuju José. ³⁹ Nicodemo ñamiju Jesúrāca ñagōgū ejar'i quēne ejayuju. Treinta y cuatro kilo cōro rācuse suti quēnasere juajayuju ĩ. Mirra vāme cutise, áloe vāme cutise rāca vuore ñañuju ti sutise. ⁴⁰ To bajiri José, Nicodemo rāca, Jesús rujurire rujiocōari sudijāiri botiquēnarijāirine sutisere tucōari, ñe gūmañujarā ña. Yua jud'io masa, to bajiro yirūgūcaju yua, bajirearāre yujerā. ⁴¹ Jesúre yucātēroju ña jajutusīacato, ote vese taju ñacaju ti. Ti vesejere masa yujeriavi gātavi mame quēnorivijure ĩ rujurire cūñujarā. Gājerāre yujeñañamanivi ñañuju ti vi. ⁴² Ususājariarūmu, Pascua bare basuoriarūmu ti ejaroto mojoroaca ruycacaju ti. To bajiri ti vijū Jesús rujurire cūñujarā ña, sōju me ti ñajare.

20

Jesús ĩ tudicatire queti

(Mt 28.1-10; Mr 16.1-8; Lc 24.1-12)

¹ Gaje semana ña moasnoriarūmu busuriju jēju rētiabusarōjne vasuju so Mar'ia Magdalena. Jesúre ña yujeriavi tu ejacōari, so ñajama, gūta tūnuobibeboaria mañuju. ² To ti bajiro ĩacōari, ũmadi, yua taju ejacamo so. Pedro, yu, Jesús buto ĩ maicasu, ñacaju yua. Yua tajuere ejacōari, ado bajiro muare goticamo so:

—Mani uju rujurire āmicoasuma ña. “Toju ĩ rujurire cūriarāma ña”, yimasibeaja yu —yuare yicamo so.

³ To so yisere ajicōari, Pedro rāca ñarā vacoacaju yua. ⁴ Yua juarā, cojoro cōro ũmacaju yua. Pedro rētoabusaro ũmacaju yujua. To bajiri, yujua ĩ rījoro ejacoacaju yu. ⁵ Mubiacōari, ti vire ñasōcaju yu. Ñe ña gūmaboare rīne ñacaju. Sājabeticaju yu, bajigujuma. ⁶ Yu beroju ejacami Pedrojuma. ĩma ñe ña yujeriaviju sājacoacami. ĩ quēne, Jesúre ña gūmaboare rīrene

ĭacami. ⁷ Jesús rujoare ĩna gũmariaro ricatijũ ti jesaro ĭacami. ĩre ĩna dũreariaboare gajerojũ jesacajũ ti. ⁸ To cõrone yũ quẽne ĩ rĩjoro ejasũocacũ quẽne sãjacoacajũ yũ. Tire ĭacõari, “Tudicaticoasumi Jesús”, yimasicajũ yũ yuja. ⁹ “Rijacoaboarine tudicaticoarũcumĩ Jesús” Dios ocare masa ĩna ucamasire ti yigotisere ajimasibeticajũ yũa maji. ¹⁰ To bajicõa, yũa ya vijũ tudicoacajũ yũa yuja.

Mar'ia Magdalenare Jesús ĩ ruyuaĩore queti
(Mr 16.9-11)

¹¹ Mar'ia Magdalenama, Jesũre ĩna yujeriavi tũjũne oticõa tujasumo so. Otiñagõne, mubiacõari, ti vire ĭasõcõañũju so. ¹² ĭasõcõagõne, jũarã ángel mesa, botiquẽnase sãñacõari rujirãre ĭañũju so. Sĩgũ Jesús rujoa ñariarojũare rujiyuju ĩ. Gãji, ĩ gũbori ñariarojũare rujiyuju. ¹³ So otiñaro ĭacõari, sore sẽnĩañũjarã ĩna, Mar'ia Magdalenare:

—¿No yigo otiati mũ? —sore yiyujarã ángel mesa.

To bajiro ĩna yirone,

—Yũ ujũ rujũrĩre ãmicoasuma ĩna. “Tojũ ĩ rujũrĩre cũriarãma ĩna”, yimasibeaja yũ —yiyuju so.

¹⁴ To bajiro ĩnare yigotigajanocõari, jũdarũgũgõne Jesũre ĭañũju so. ĩre ĭaboarine, “Jesũne ñaami”, yimasibesuju so. ¹⁵ To cõrone ĩjũa sore sẽnĩañũju ĩ:

—¿No yigo otiati mũ? ¿Ñimũre macati mũ? —sore yiyuju Jesús.

“Adi vese coderimasũ ñagũmi”, yitũoĩacõañũju so. To bajiri ado bajiro ĩre yiyuju so:

—ĩ rujũrĩre mũ ãmicũjama, “To cũmũ yũ”, yũre yigotiya. ãmigõ varũo yaja yũ —ĩre yiyuju so.

¹⁶ To so yirone, ado bajiro sore yiyuju Jesús yuja:

—Mar'ia —sore yiyuju.

To bajiro ĩ yirone hebreo ocane ado bajiro ĩre yiyuju so:

—Rabuni —yiyuju so. “Gotimasiogũ” yire ũni ñaja ti.

¹⁷ To so yirone, ado bajiro sore cũdiyuju Jesús:

—Yũre moaĩabesa maji. Yũ jacũ tũjũ mũjabeaja yũ maji. Vasa. Yũ yarãre ĩnare gotiaya: “Dios mani jacũ, mani rũcũbũogũ, ĩ ñarojũ vacũ yimi”, ĩnare yigotiaya —sore yigotirotiyuju Jesús, Mar'ia Magdalenare.

¹⁸ To bajiro ĩ yirio, yũare gotigo ejacamo so. “Mani ujũre ĭamũ yũ”, yũare yicamo so. To yicõari, Jesús ĩ gotiroticõariarore bajirone yũare goticamo.

ĩ buerimasare Jesús ĩ ruyuaĩore queti
(Mt 28.16-20; Mr 16.14-18; Lc 24.36-49)

¹⁹ Moasũoriarũmũ rãioati ñamire yũa Jesús ĩ buecana vijũre rẽjacõari, ñacajũ yũa. Yũa yarã jud'io masare ĩnare gũirã ñari,

sojere tubibecōari ñacaju yua. To bajiro yua bajiñaro yua vatoane ruyuarügüacami Jesús:

—¿Ñati mña? Quēnaro ñaña mña —yua yicami Jesús.

²⁰ To yigüne, ñ amorire ñna jajucature, ñ varubure ñna sarecatire yua yocami Jesús. Yua ñ buecana yua ujure ñacōari, buto variquēnacaju yua yuja. ²¹ To bajiri quēna ado bajiro yua gotirütuacami Jesús:

—Quēnaro ñaña mña. Yua jacy masa tuj yua ñ cōacatore bajirone yua quēne mñare cōaja yua yuja —yua yicami Jesús.

²² To yigüne, yua jutijeocami. Jutijeogüne, ado bajiro yicami:

—Dios ñ cōagüre Esp'iritu Santore bocañmiña mña. ²³ Ñre bocañmicōari, gājerā rojose ñna yisere mña masiriojama, Dios quēne rojose ñna yisere masiriorucami. Rojose ñna yisere mña masiriobetijama, Dios quēne rojose ñna yisere masiriobetitucami —yua yicami Jesús.

Jesús ñ tudicatiro Tomás ñ ñare queti

²⁴ Yua Jesús ñ ruyuañorema, Tomás yua rācagu cojoji ruyuarāne, juarā ruyuar'i yua yicacy manicami maji. ²⁵ Jesús ñ ruyuañoro bero Tomāre ñabujacōari, “Mani ujure ñre ñam yua”, ñre yiboacaju yua. To bajiro ñre yua yiboajaquēne ado bajiro yua boca cudicami Tomás:

—Ñ amorire ñre ñna jajucati gojerire ñacōari yua tōmeñabetijama, to yicōari ñ varubure ñna sarecatijure yua moañabetijama, “Ñne ñaami”, yimasibecaja yua —yua boca yicami Tomás.

²⁶ Cojomo cōro idia jēnituarirūmari bero quēna rējacaju yua. Tirūm yua rējjarirūmure Tomás quēne ñacami yuja. Soje turaro ti ñaboajaquēne yua vatoane ruyuarügüacami Jesús quēna.

—¿Ñati mña? Quēnaro ñaña mña —yua yicami Jesús.

²⁷ To yicōa, ado bajiro Tomāre ñre yicami:

—Yua amorire ñacōari, mña amo vāsoane yua tōmeñaña mña. Mña amo vāsoane yua varubure ñna saremasirijure tōmeñaña. “Ñ me ñagūmi”, yibeja yuja. “Ñne ñaami”, yimasiña mña yuja —ñre yicami Jesús.

²⁸ To bajiro ñre ñ yirone,

—Yua ujua, Dione ñaja mña —Jesúre yicami Tomás.

²⁹ To bajiro ñ yirone, ado bajiro ñre cudicami Jesús:

—Tomás, yua ñagū ñari, “Ñne ñaja mña”, yua yaja mña. Gājerāma yua ñabetiboarine mña yirore bajirone yua ñna yijama, quēnaro variquēnaruarāma ñna —Tomāre ñre yicami Jesús.

“ ‘Masa, Jesúre ñre ajitirūnarājaro’ yigü, adi quetire ucaja yua”, Juan ñ yire

³⁰ Gajeye jairo ñañañamanire yĩiocami Jesús, yuare ñ buerãre. Ti ñaro cõrone ucajeobeaja yu, adi queti ucagu. ³¹ Yu ucasema, “Mani rijato beroju, rojose tãmũotũjabetiriaroju mani vaborotire manire yirẽtobosacõari, ñ rotirotire yigu, Dios ñ cõar'i, to yicõari, ñ macũ ñagũmi Jesús” mũa yitũoĩarotire yigu, ucaja yu. To bajiro Jesũre mũa yitũoĩajama, mũa rijato beroju, “Tudirijabeticõato” yigu, Dios ñ catisere ñsiecoruarãja mũa quẽne.

21

Ñ buerimasa, cojomo cõro juã jẽnituarirãcũ ñarãre Jesús ñ ruyuaĩore queti

¹ Tijũ bero, quẽna yuare ruyuaĩocami Jesús, ñ buecanare. Tiberias vãme cõtira tũsaroju yuare ruyuaĩocami ñ. Ado bajiro bajicami: ² Adocãrãcũ ñacaju yuã, rẽjacana: Simõn Pedro vãme cõtigu, Tomás yuã rãcagu cojoji ruyuarãne, juarã ruyuar'i yuã yicacũ, Natanael, Galilea sitagu Canã vãme cõtĩ macagu, yuã Zebedeo rĩa, gãjerã juarã Jesús ñ buecana ñacaju yuã. ³ To yuã bajiñarone, ado bajiro yicami Pedro:

—Vai vayagũacũ yaja yu —yicami.

To bajiro ñ yijare,

—Yuã quẽne mũ rãca vana yaja —ñre yicaju yuã.

To yĩ, ñ rãca vascocaju yuã. Va, cũtua vasãjacaju yuã. Ti ñamire vai vaya ñamicũtibocaju yuã. ⁴ Ti busumũjadone tũbũcũra tũne yuare ruyuaĩocõacami Jesús. To ñ bajiboa-jaquẽne, “Ñne ñagũmi”, yimasibeticaju yuã. ⁵ Ado bajise yuare yicami:

—¿Vai sãbeati mũa? —yuare yicami Jesús.

To bajiro ñ yijare,

—Vai vayaboaja yuã. Sãjabeama —ñre yicaju yuã.

⁶ To yuã yirone,

—ñcũtua riojojacatuare bajĩre rocaroaya mũa! To bajiro mũa yijama, vai sãnarãja mũa —yuare yicami Jesús.

To ñ yĩrotirore bajirone yicaju yuã. Jãjarã vai ñna sãjjare, no yĩ tũamũo sãtĩmabeticaju yuã. ⁷ Tire ñaboacũ, yuã, Jesús ñ maicacũ ado bajiro ñre yicaju yuã, Pedroro:

—Mani mũne ñaami —ñre yicaju yuã.

Tire ajicõari, ñ sudiro veacũcatiasere guaro sãña, jatirocaroa, bacõa jãjacami ñ, Jesús ñ ñarojuare. ⁸ Cien metros cõro vi-jariarojuare jayacaju yuã. To bajiri jabua cõtõjũre bajĩre sãjacanare vaire vejajãjacaju yuã. ⁹ Jãjaeja, majacõari, jeame mũjũrime vecare vai jesarãre ñnare ñacaju yuã. To bajicõari, pan quẽne jesacaju ti. ¹⁰ Yuã ejaro ñacõari ado bajiro yuare yicami Jesús:

—Gãjerã vai juadirẽmoña yucaacane mua vayasãarãre —
yũare yicami Jesús.

¹¹ To bajiro ï yisere ajicõari, cõmuajure ejasãjacami Pedro. To yicõari, bajiare boeju vejamocõcami, jacarã vai sãñaricure. Ciento cincuenta y tres ñarirãcu ñacama vai ñajediro. Jãjarã ña ñaboajaquẽne, surebeticaju ti, bajiu. ¹² To ï yiro bero, ado bajiro yũare yicami Jesús:

—Bayujiroaya —yũare yicami Jesús.

“¿Ñimu ñati mu?”, ñre yisẽniãabeticaju yua, “Mani ujuñe ñaami” yirã ñari. ¹³ To yicõa, yua taju ejarũgũ, panre yũare ñibatocami. Vaire quẽne, to bajirone yicami.

¹⁴ Idiaji yũare ruyuãõocoacami, ï sãaecocato bero tudicaticõari.

Simón Pedro rãca Jesús ï ñagõre queti

¹⁵ Yua bayujigajano bero, Pedrorre ñre sẽnĩacami Jesús:

—¿Mu rãcana yure ña mairo rẽtoro yure maiati mu Pedro, Jonás macu? —Ñre yisẽnĩacami Jesús.

To bajiro ï yirone,

—Yũ uju mũre maiaja yu. Mũre yu maisere masiaja mu —
Jesúre ñre yicami Pedro.

To bajiro ï yijare,

—¡Oveja rãare ña ecarũgũriarore bajirone yu yarãre yure goti-
masiobosaba mu! —Ñre yicami Jesús.

¹⁶ Quẽna tudisẽnĩacami Jesús, Pedrorre:

—¿Yũre maimasucõati mu Pedro, Jonás macu? —Ñre yicami
Jesús.

To bajiro ï yirone Pedrojuama:

—Yũ uju mũre maiaja yu. Mũre yu maisere masiaja mu —
Jesúre ñre yicami Pedro quẽna.

To bajiro ï yijare,

—¡Ovejare coderiarore bajirone yu yarãre yure codebosaba
mu! —Ñre yicami Jesús.

¹⁷ To yicõa, quẽna ñre tudisẽnĩaquẽnocami Jesús:

—¿Yũre maiati mu Pedro, Jonás macu? —Ñre yicami Jesús.

Idiaji, “¿Yũre maiati mu?” Jesús ï yisere ajicõari, sãtiríticoacami Pedro yuja. To bajiri ado bajiro Jesúre ñre
yicami Pedro:

—Yũ uju, ñajediro masigũ ñaja mu. Mũre yu maisere masiaja
mu —Jesúre ñre yicami Pedro.

To bajiro ï yijare,

—Ovejare ña ecarũgũrore bajirone yu yarãre yure gotima-
siobosaba mu. ¹⁸ Socu mene mũre gotiaja yu. Tirũmju mamu
ñagũjuma sudi sãñacõari, no mu bojarone vacudirũgũcaju mu
maji. Bucu mu ñatone mu ãmorire siacõari, mu varuabetojũre
mũre ãmiruarãma ña —Pedrorre ñre yicami Jesús.

19 To bajise Pedrore ĩ yijama, ĩ sãacoroti vãmere gotimasiogũ yicami. To bajiro m̃ yiecosere ĩacõari, “Diore r̃c̃b̃uor̃arãma masa” yig̃, to bajise goticami Jesús, Pedrore. To yigajanoḡãne,

—Vayá ỹ rãca. Ỹre ajitir̃ñ s̃yaya —ĭre yicami Jesús.

“Jesús ĩ maimasug̃ ñacaj̃ ỹ”, Juan ĩ yire queti

20 J̃dati ĩacõari ĩnare ỹ s̃yaro ỹre ĩacami Pedro. Ỹ ñacaj̃ Jesús ĩ buecac̃, b̃to ĩ maicac̃. Ỹne ñaja Jesús, Pascua boser̃m̃ ỹare ĩ ũmato bat̃sacatir̃m̃ ĩ t̃b̃saca ñacõari, “¿Ñim̃ ñati, m̃re ĩaterãre ĩsirocaroc̃ma?” Jesúre yis̃niĩacac̃.

21 Ỹre ĩacõari, ado bajiro Jesúre ĩre yis̃niĩacami Pedro:

—Ỹ ̃j̃, ãnima, ¿no bajiro bajirijariquĩda? —Jesúre ĩre yis̃niĩacami Pedro.

22 To bajiro ĩ yirone, ado bajiro ĩre c̃dicami Jesús:

—Quẽna ỹ tudivadirotoḡ ĩ catirotire ỹ bojajama, caticõa ñarũḡur̃c̃ami maji. No bajiro m̃re yibeaja ti, m̃ masibeti-jaquẽne. M̃ma ỹre ajitir̃ñ s̃yaya m̃ —Pedrore ĩre yicami Jesús.

23 To bajiro ĩ yirone, ỹj̃arema, “‘Rijabetir̃c̃ami’ yig̃ yig̃ami” yirene masicõacama ĩna. To bajiboarine Jesúj̃ama, “Rijabetir̃c̃ami”, yibeticami. Ado bajiroj̃ma yicami ĩ: “Ỹ tudiejarij̃j̃ ĩ catisere ỹ bojajama, caticõar̃c̃ami maji. Tire m̃ masibetijama, no yibeaja m̃re” yig̃ yicami Jesús. Tire quẽnaro ajimasibeticõari, “Rijabetir̃c̃ami Juan” yire queti gotibatoyuma ĩna.

24 Juan ñaja ỹ, Jesús ĩ buecac̃. Ỹne ñaja, adi paperare ucag̃. Ỹ gotisere, “Riojo gotiaja ti”, yimasiaja mani.

25 Gajeye jairo ñaja Jesús ĩ yĩocati. Jediro Jesús ĩ yirũḡucati-re mani ucajeocõajama, adi macar̃c̃ore t̃jabetiboroja paperatu-tiri.

To cõrone ñaja.

HECHOS de los Apóstoles

“Esp'iritu Santore mũare cõarũcũja yũ”, Jesús ï yire queti

1-2 ¿Teófilo, ñaboati mũ? Tirãmũ mũre papera cõasũocajũ yũ. Ti papera rãca Jesús ï yisũorere masare ï gotimasiorere mũre ucacõacajũ yũ. Ì bueriarã yũre ïna goticato cõro ucajeocõacajũ yũ. Ì ruyuarere ucasũocajũ yũ. To yicõari, ï sãacorere, tudicaticõari õ vecajũ ï mũjarere quẽne ucacajũ yũ. Õ vecajũ ï mũjaroto rĩjoro, ï bueriarãre ïnare gotimasioroticõagũ, Esp'iritu Santo ï ejarẽmose rãca, “Ado bajiro yiba mũa” ïnare ï yigoticũrere ucacajũ yũ. ³ Ì rijato bero, tudicaticõari ï cõaronare cojoi me ïnare ruyuaõõũju Jesús. To bajicõari, cuarenta ñarirũmũri ïna rãca ñagũ, ïnare ï ùmato yirũgũriarore bajiro ïnare ùmato yicõa ñaũju, “Ìne ñaami” ïna yimasirotire yigũ. To bajiõagũ, “Yũ rijabosare sũorine yũre ajitirũnarãre ïavariquẽnaami Dios yuja”, ïnare yigotimasioõũju.

⁴ Ìna rãca ñagũjũ, ado bajiro ïnare gotiyuju Jesús maji:

—Adone ñacõama maji, Jerusalenne. Dios mani jacũ ï gotirere bajirone ï cõagũ Esp'iritu Santo ejarotire yuba mũa. Tire mũare yũ goticatire ajicajũ mũa. ⁵ Tirãmũjũ oco rãca mũare bautizacami Juan, “Dios ï bojabeti yirũabeaja” mũa yitũõõajare. To bajiri, yoaro mene Esp'iritu Santore mũare cõarũcũmi Dios, mũa rãca ñarocũre, “Dios ï bojarore bajirone yimasiato” yirocũre —ïnare yiyuju Jesús.

Jesús õ vecajũ ï mũjare queti

⁶ To bajiri, Jesũrãca rẽjarã ado bajiro sẽnĩñaũjarã ïna:

—Tirãmũjũ romano masa, mani Israel ñamasir'i jãnerabatia ye sitare õmacõari, moarotisũoadimasiõũma ïna. ¿Yucũrema, ïnare bucõari, “ ‘Rotimũorũgõrũcũja mũ’ yigũ, Dios ï cõagũ ñaja yũ”, yigotigũti mũ? —Jesũre ïre yiyujarã ïna.

⁷ To bajiro ïna yijare, ado bajiro ïnare cũdiyuju Jesús:

—No bajiro yicõari, masimenaja mũama. Dios mani jacũma ï masise rãca ï yiotire, ï sigũne masiami. ⁸ To bajiboarine, Dios ï cõagũ Esp'iritu Santo ï vado, ï masise mũare ejarũaroja ti. To bajiri, gãjerã masa tũjũ vacõari yũre gotibosarã varũarãja mũa. Jerusalenjũre, adi maca Judea sita jediro, Samaria sitajũ quẽne, macarũcũro ñaro cõrone yũre gotibatocudibosarũarãja mũa —ïnare yiyuju Jesús ï buerãre.

⁹ To bajiro ïnare gotigajanogũne, ïre ïna ïaõarone mũjacoasuju Jesús. Buerigasero ejacũne yayicoasuju. To bajiro ï bajiro bero ïre tudĩĩabesujarã yuja. ¹⁰ Ì mũjaveoro

bero to bajirone vecajure ĩamucõa ñañujarã ĩna maji. To ĩna bajirone ĩna vatoaju juarã ángeles ruyuarügucõañujarã ĩna. Buto botise sudi sãñarã ñañujarã ĩna. ¹¹ To bajicõari, ado bajiro ĩnare gotiyujarã ĩna:

—Mua Galileana, çñiere yirã umagaserojure ĩamucõa ñati? Jesús, mua rãca ñar'i, umagaseromu ĩ mujato mua ĩarore bajirone tudirujadirucami quẽna —Jesús bueriarãre yiyujarã ángeles.

Judare, Mat'ias ĩ ñavasoare queti

¹² To bajiri, Olivo vãme cuti buro ñañujarã ĩna, Jesús ĩ bueriarã, ĩ cõarona. To bajiri Jerusalénju tudicoasujarã ĩna yuja. Ti buro tucane ñañuju ti, ti maca. ¹³ Ti macaju ejaçõari, viju vecaga sõajure ñañujarã ĩna. Ado bajise vãme cutiyujarã ĩna: Pedro, Juan, Santiago, Andrés, Felipe, Tomás, Bartolomé, Mateo, gãji Santiago Alfeo macu ñañuju ĩ. Gãji Simón Celote ĩna yigu ñañuju. Gãji, Santiago macu Judas ñañuju ĩ. Tocãrãcu ñañujarã ĩna. ¹⁴ Sīgũre bajirone tuoĩacõari, rëjarügũñujarã ĩna, Diore sënirã. Jesús bederã, ĩ jaco Mar'ia, gãjerã rõmia quẽne ñañujarã ĩna.

¹⁵ Tirũmurire ĩna rãca rëjarügũñujarã ĩna, Jesũre ajitirũnrã. Ciento veinte cõro ñariarãma ĩna. ĩna vatoaju vãmũrũgũcõari, ado bajiro ĩnare gotiyuju Pedro:

¹⁶ —Ajija mua, yu yarã. Tirũmũju Esp'iritu Santo ĩ ejarẽmose rãca Judas ĩ bajiro tire ucamasĩnju, mani ñicu David ñamasir'i, Jesũre ĩre ñiacanare umato ejacacũre. ¹⁷ To bajiri Judas yua rãcagu ñaboacami. ĩ ye moare quẽne ñaboacaju ti. ¹⁸ Judas, ĩ masune rojose yicõari, rijacoasuju ĩ. ĩ rujoajũane quediruji, tũasiarocayocõa tũjasuju. To baji, tuvagua potogũne, ĩ gũdamisi budibatecoasuju ti. To ĩ bajiro bero, rojose ĩ yire vaja gãjoa ñarãre juacõari, ti sitare vaja yiyujarã ĩna gãjerã. ¹⁹ To bajiri to ĩna yijare, Jerusalén ñarã, Acéldame vãme yiyujarã ĩna, ti sitare. ĩna ocarema ri'i vese yire ũni ñañuju ti. ²⁰ “To bajiro bajirũaroja” David ñamasir'i ĩ yimasire socase me ñañuja, ado bajiro ĩ ucamasirema:

“Masa mano ñato ĩ ya vi. To bajiro bajicõari ĩ ye moare ñaboarere, gãji moavasoato”, Diore yucabosayuju David ñamasir'i, Judas ĩ bajiro tire goti rĩjoro yigu.

²¹⁻²² To bajiro David ñamasir'i ĩ yucamasire ti ñajare, Judare ĩre vasoagu, Jesús ĩ rijato bero quẽna ĩ tudicatiro ĩacacũre, Juan, Jesũre ĩ tuñĩabiaro ĩacacũre, yua Jesús ĩ cõasucana rãca vacudicacũre macato mani —yiyuju Pedro.

²³ To bajiro ĩ yiro bero, juarãre umũare beseyujarã ĩna. “José vãme cutigu quẽnagũmi” yicõari, “Gãji, Mat'ias vãme cutigu quẽnagũmi”, yiyujarã ĩna. José, Justo ĩre yiyujarã gãjerã.

Gaje vāmerema, Barsabás ĩre yiyujarā. ²⁴ To bajiro yicōari, ado bajiro Jesúre ĩre sēniņujarā ĩna:

—Jesús yna un, mna masiaja űajediro masa ĩna tnoĩasere. To bajiri ānoare, “Nijna űati mna besegu” ynaare ioña mna. ²⁵ Judare vasoarocu yna rāca moarocure ioña ynaare. Rojose yiru Judas ynaare vaveocami. To bajiri yucurirema rojose ĩ yicati vaja, rojose tāmnotujabetiriaroju űagūmi —yisēniņujarā ĩna, Jesúre.

²⁶ To yigajano, José vāme ucatuyujarā ĩna, gūtajure. To yicōari, gajea gūtare Mat'ias vāme ucatuyujarā. “Tiarire reacūĩato mani, űimujna űati Dios ĩ beseguma?”, yiyujarā ĩna. Gūtarire reacūĩacōari, “Mat'iane űaami Dios ĩ beseguma”, yimasiņujarā ĩna. To bajiri, juaāmo cōro, coja gabo jēnituarirācu űaņujarā maji. To bajiri, Mat'ias rāca űarā, juaāmo cōro jua jēnituarirācu űaņujarā yuja.

2

Dios ĩ cōagū Esp'iritu Santo ĩ ejare queti

¹ Pentecostés boserūmure Jesúre ajitirūnrā rējaņujarā ĩna.

² To bajiro ĩna bajiņarone, űaro tūsarone busi ocaruyuyaju ō vecaju. Buto mino cutiejarore bajiro ejayuju, ĩna űarivijure.

³ To bajicōari, jea űjūserere bajise ruyuyaju. To bajicōari tocārācurene ĩnare quedireajeoyuju. ⁴ To bajiro ti bajirone, Dios ĩ cōagū, Esp'iritu Santo ĩnare ejayuju, tocārācurene. Ejacōari, ĩna űagōmasirotire ĩnare űjoyuju. To bajiro ĩ yijare, tocārācurene ricatiri rīne űagōjedicoasujarā ĩna, gājerā masa yere.

⁵ Pentecostés boserūmna űaro, jud'io masa Jerusalén macajure boserūmna ĩarā ejariarā űaņujarā, Diore rucubhorā. Jud'io masa űaboarine, ricatiri rīne űagōrā űaņujarā, gaje macariana vadiriarā űari. ⁶ To bajiri mino vatore bajiro ti busisere ajicōari, jājarā masa rējaņujarā ĩna, ti busirojure. To ejacōari ĩna ajijama, ricati oca űagōrā űaboarine, sīgū ruyariaro mano ĩna ocare ajiyujarā ĩna. To bajiri, no bajiro yimasiņa maņuju ĩnare. ⁷ No yimasibeticōari, ĩna masune ado bajiro gāmerā yiyujarā ĩna:

—űGalileana me űati, mna ĩajama? ⁸ Galileana, mna ocare, yna ocare quēne űagōmasimena űaboarine, ānoajuma, űno bajiro yicōari, mani ocare űagōmasiati ĩna yuja? ⁹⁻¹⁰ Adocārāca sitana vadiriarā űaja mani: Partia, Media, Elam, Mesopotamia, Judea, Capadocia, Ponto, Asia, Frigia, Panfilia, Egipto, to yicōari, Cirene maca adojuana Africana quēne, Roma macaju vadiriarā sīgūri jud'io masa quēne űaama. ¹¹ To yicōari, gājerā jud'io masare bajiro Diore rucubhorā Roma macaju vadiriarā űaama ĩna quēne. Creta, Arabia vadiriarā quēne űaama. To bajiro mani bajiboajaquēne, Dios quēnaro manire ĩ yīņasere

mani oca rāca manire gotiama, Galileana ñaboarine —gāmerā yiyujarā ñna.

¹² To bajiro yituoñarejaica yirā, no bajiro yimasibesujarā ñna. To bajiri ado bajiro gāmerā yicōa ñañujarā:

—¿Ñie ñnire yirā, to bajiro yati ñna? —gāmerā yisēniñañujarā ñna.

¹³ Gājerājuama:

—Mecurā yama, yiajatud'iyujarā ñna —Jesús buerimasa ñariarāre.

To rējarāre Pedro ñ gotimasiore queti

¹⁴ To bajiro ñna yiajatud'isere ajicōari, juaāmo cōro, coja jēnituarirāca ñarā rāca vūmūgūñuju Pedro. Vūmūgūcōari, buto tutuase rāca ado bajiro gotiyuju Pedro, to rējarā ñna ajijediro:

—Quēnaro ajiya yu yarā, yu gotisere, Jerusalén ñarā quēne.

¹⁵ “Mecurā yaja mūa”, yuare yirāja mūa. Mecurā me yaja yua. Busurijuaaca ñaja maji. Masa mecūriaju ejabeaja maji.

¹⁶ Ado bajirojua bajiaja: Yuare mūa ñase, “To bajiro bajirūaroja”, yiyuju Diore gotirētosamasir'i, Joel. Ado bajiro yiucomasiñuju:

¹⁷ “Adi macarucuro ñatūsarirūmūre Esp'iritu Santore ñre cōarucija yu, jediro masare. To bajiri, ñ suorine mūa rīa, Diore gotirētosaruarāma ñna. Mamarāma, yu yīosere ñamasiruarāma ñna. Bucurāma, yu cōasere cājiriuarāma.

¹⁸ Tirāmūre Esp'iritu Santore cōarucija yu, yuare ajitirūnūrāre. Ūmūare, rōmiare quēne ñre cōarucija yu. To bajiri yu ocare gotimasiourāma ñna.

¹⁹ To bajiri ō vecaju ñañañamanire mūare yīogū, adigodo quēne ñañañamanire yīorucija yu. Ri'i ñarūaroja ti. To bajicōari, jea ūjuse, bueri buemūjarūaroja ti.

²⁰ Ūmūagu muiju quēne rētiacoarucūmi. Ñamiagu muiju quēne ri'ire bajirone sūagū ñacoarucūmi. Ti jediatone, Dios rojose yirāre ñabeserirūmū ejaro bajirūaroja. Ñamasurirūmū ñarūaroja, Jesús to bajiro ñ yīorirūmū. Gajerūmū tire bajiro bajibetirūaroja yuja. Gūiorirūmū ñaro yirūaroja yuja.

²¹ To bajiboajaquēne no bojarā, ‘Yu ūju, rojose yigu ñaja yu. Rojose yu yisere masirioya mū’ yirāre rojose ñna yise vaja rojose tāmūotūjabetiriaroju ñna vaborotire ñnare yirētosarucija yu, yami Dios”, yiucomasiñuju Joel — yiyuju Pedro.

²² To yicōa, quēna tudigotiyuju Pedro:

—Dios ñ beserimasa ajiya mūa. Nazaret macagu Jesús ñañañamanire Dios ñ masise rāca mūare yīoñumi. To bajiri, “Dios ñ rotirore bajiro yiyumi Jesús”, yimasiaja mūa, tire ñacana

ñari. ²³ To bajiro yimasirã ñaboarine, Jesúre ãaterãre ocasãñuju mña. To yicõari, yucãtërojũ ñnare jajurotiyuja mña, ãre. Tire mña yioto rĩjorojũne masicõañuju Dios. “To bajiro rojose ãre ñna yiboajaquẽne, quẽnasejũare yirũcũja yũ” yigũ, ãre cõañuju Dios, Jesúre. To bajiri mñare matabesumi, “Jesúre ãre sãato ñna” yirã, ãre ãaterãre mña ãsiboajaquẽne. ²⁴ To bajiro Jesúre mña yiboajaquẽne, Diojũama, Jesús ã sãacoro bero, quẽna ãre catiocõañumi. To bajiri rijayayicõa tũjabesumi Jesús, no yiyamagũ ñari. ²⁵ To bajiri tirũmũju mani ñicũ David ñamasir'i, Jesús ã bajirotire yigũ, ado bajiro ucamasiñumi ã:

“Cacũ, yũ rãcane ñaja mũ. Yũre mũ ejarẽmose ti ñajare, ñiere gũibeaja yũ.

²⁶ Tire yũ tũoãajama, yũre quẽnamasucõaja. To bajiri buto variquẽnagũ quẽnase mũre ñagõaja yũ. To bajiri, ‘Yũ ruju ti yayiboajaquẽne, quẽna tudicaticoarũcũja yũ’ yitũoãa tutuaja yũ.

²⁷ Cacũ, masiaja yũ, ñna yujerojũne ñacõa ñabetirũcũja yũ. Mũ macũ ñaja yũ. Mũre rãcũbũoaja yũ. To bajiri yũ ruju boarocabetirũaroja ti.

²⁸ To bajiri quẽna yũre catiorũcũja mũ. To cõrone buto variquẽnarũcũja yũ, mũ rãca ñagũ ñari”, yucamasiñumi David, Jesús ã yirotirene yigũ.

²⁹ ã tũoãase mere yimasiñuju ã. ã rijato, adone ãre yujerocamasiñujarã, ãrema. “Ado ñaja ãre yujeriaro”, yimasiaja mani. ³⁰ To bajiro bajirotire goti rĩjoro cãtirimasũ ñamasiniñuju David. “Berojũ ‘Rotimũorũgõrũcũmi’ yigũ, Dios ã cõagũ, yũ jãnami ñarũcũmi. Yũre bajiro ãjũ ñarũcũmi”, yimasiñuju David, Diore gotirẽtobosagũ. ³¹ To bajiro ti bajirotire masigũ ñari, “Rotimũorũgõrũcũmi” yigũ, Dios ã cõarocũ Cristo rija-coaboarine, ã tudicatirotire ucamasiñuju. “Ñna yujerojũne ñacõa ñabetirũcũmi Cristo. To bajicõari, ã ruju quẽne, boabetirũaroja. To bajigũ ñari, tudicaticoarũcũmi quẽna”, yucamasiñuju. ³² Jesús ã rijato bero, ãre tudĩãcãjũ yũ. To bajiri, “Dios ãre catioyumi”, yimasiaja yũ. ³³ Jesúre, õ vecãjũ ñacõari, ãre jiyuju Dios. To bajiri rãcũbũorãjãre Dios ã rujiro riojojacatũajũare rujigũmi. Tojũre Dios ã gotiriarore bajirone, “Esp'iritu Santore rotiya mũ”, Jesúre ãre yiyuju. To bajiri Jesújũa yũare cõañumi, Esp'iritu Santore. Jẽjũ mña ãase, mña ajise quẽne, Esp'iritu Santo ã ejajare, bajibũ ti. Tine ñaja ti, Dios ã cõagũ Esp'iritu Santo ã ejase. ³⁴ Quẽna David ñamasir'i ã bajimasirere gotiaja yũ. David ã masũ ã bajirotire yigũ me, ucamasiñuju. ã ruju, Dios ã ñarõjũre mũjabetiriaroja. To bajiboarine Jesús ã mũjarotire yigũne, ado bajiro yucamasiñuju David:

“Yũ riojojacatũa rujiya maji.

35 Mure ãaterãre, “Rojose yitujaya” ãnare yu yiro bero, rojose yimasibetiruarãma yuja. To cõrone rotisucurucija mu' yirucumi Dios, yu ãjare”, yucamasiñumi David.

36 To bajiri, “Israel ñamasir'i jãnerabatiare, ‘Socase me ñaja’ yimasirãjaro” yigu, mure gotiaja yu. Jesure, yucãtẽrojare mua sãar'irene, manì ãju ñamurugõrocure cõañuju Dios –yiyuju Pedro, masare.

37 To bajiro ã yisere ajicõari tũõiarejai sutiritiyujarã ãna. To bajiri, Pedro rãcanare senniãañujarã:

–¿Yna yarã, no yirãti yna? –yiyujarã ãna.

38 To bajiro ãna yirone, cãdiyuju Pedro:

–Rojose mua yisere sutiriticõari tũõiãvasoaya. To yicõari, oco rãca bautizarotiya mua, “ ‘Ynare rijabosar'i ñaami’ Jesure ãre yitũõiarã ñaja yna” yirã. To bajiro mua yijama, rojose mua yisere masiriocõari, Esp'iritu Santore mure cõarucumi Dios. 39 Esp'iritu Santore mure cõarucumi, mua rãare quẽne, mua jãnerabatiare quẽne, sõjuanare quẽne. “Yu rãa ñaruarãja mua” ã yirere cãdirã ñajedirore ãre cõarucumi Dios –yiyuju Pedro.

40 Ti rãne gotigu me yiyuju Pedro. Jairo ãnare gotimasioñuju. To yigune ado bajiro gotiyuju:

–Masa adirũmuna rojose yirã rãca ñabesa mua. Cãmotadicoasa mua, “Rojose tãmõtujabetiriaroju ãna rãca vatobe” yirã –yiyuju Pedro.

41 To bajiro ã yigotisere quẽnaro ajiyujarã ãna. To bajiri tres mil cõro ñarã, ñarẽmoñujarã ãna, Jesure ajitirũnarã. To bajiri, ãnare bautizarotiyujarã ãna, “Rojose yirũabeaja. Dios yarã ñaja yna yuja” yirã. 42 To bajiri Jesús ã gotiroticõasuruarã rãca rãjãñujarã ãna. Tocãrãcarũmune ãna rãca rãjarũgũñujarã. To bajiri sãgure bajiro tũõiañujarã ãna. To bajicõari Diore sãnurũgũñujarã ãna. Bare barã quẽne, Jesús ã yirotiriarore bajirone yibayujarã ãna.

Jesure ajitirũnarã ãna bajire queti

43 Tirũmuri Jesús ã gotiroticõasuruarã jairo ãããñamanire yiyujarã, Dios ã masisere ãnare ã cõajare. Tire ãcõari, no yimasibesujarã ãna toana ñajediro. 44-45 Tocãrãcune Jesure ajitirũnarã sãgure bajiro tũõiañujarã. “Yu ye ti ñaboajaquẽne, mure ti ruyajama, ãsirucuja yu”, gãmerã yitũõiãjedicõañujarã ãna. Gãjerãre maioro bajirãre ãcõari, ãna ye gãjeyeũnire ãsicõari vaja sãni, juayujarã, ãna, maioro bajirãre gãjoa ãsiruarã. 46-47 Tocãrãcarũmu sãgure bajiro tũõiarã ñari, Diore yirũcũhurãvãjare rãjarũgũñujarã ãna, Diore sãnirã. To yigajano, gãjerãre jicoasujarã ãna, ãnare barotirã. ãna ya virãjũ eãcõari, bare barãne, Jesús ã rotiriarore bajirone yibavãriquẽnañujarã ãna. To bajiro bajirã, quẽnase Diore yirũcũhurũgũñujarã ãna. To bajiri ãnare ãcõari, “Quẽnaro yirã

ñaama”, yíñañujarã ñna, ti macana. To bajiri, Jesús ï masisere ñnare cõañuju. Ñnare ï cõajare, cojorãmũ ruyabeto ti macana sîgãri, Jesúre ñre ajitirũnũoyujarã ñna. To bajicõari, Jesúre ajitirũnrã tũju rējañujarã ñna quêne. Ñna rãca ñnrã, jãjarãbusa ññañujarã, Jesúre ajitirũnrã.

3

Pedro, micagũre ï catiore queti

¹ Tocãrãcarãmũ ñnamicajũa tusato, Diore sãnirã ejarũgũñujarã ñna jud'io masa. To bajiri cojorãmũ Pedro, Juan rãca, Diore ñre sãnirã vasujarã ñna quêne, Diore yirũcũbũoriavijũ. ² Ti vi soje tũre rujiyuju rãmone micagũ ruyuar'i. Tocãrãcarãmũ tojũre ñre ãmiejorũgũñujarã ï babarã. Ti soje, Quẽnarisoje vãme cuti soje ññañuju ti. Ti soje tũre rujicõari, ti vi sãjarãre, “¿Yũre ñamaicõari, gãjoa ñsirũabeati mũa?”, yirũjirũgũñuju ï. ³ To bajiri, Pedro, Juan rãca ñna sãjatone, gãjoare ñnare sãnirũju micagũ. ⁴ To bajiro ï yisere ajicõari, ñre ññañujarã ñna. To yirãne, ado bajiro ñre yiyuju Pedro:

—Adojũare ñaña, mũ —Ñre yiyuju.

⁵ To ï yijare, “Yũre ñsirũarãma mojoroaca” yigũ, quẽnaro ñnare ajiyuju micagũjũama. ⁶ To yicõari, ado bajiro ñre yiyuju Pedro:

—Gãjoa maja yũare. Gajeye quẽnamasuse mũre yirẽmorũcũja yũ. Jesucristo Nazaret macagũ ñ masise rãca mũre varotiaja yũ —yiyuju Pedro, micagũre.

⁷ To yicõari, ï riojojacatũaga ãmore ñniacõari, ñre tũavãmũorũgõñuju Pedro. To ï yirone, ï ñicũgãri, ï ãñatigãri ñmacoasuju, ñre, micaboar'ire yuja. ⁸ To bajicõari, jatirocarũgũcõari, vasũoyuju ï yuja. Ñna rãca sãjasuju micaboar'i, Diore yirũcũbũoriavijũre. To jatisãjacũne, “Dios quẽnaro yũre yami. Yũ rijaye cutisere yũre catioami”, yivariquẽnãñuju ï. ⁹ Ti vi ñnrã, to bajiro ï yivariquẽnasere ññañujarã ñna. ¹⁰ To bajiri ñre ñamasicõari mũayujarã ñna. “¿‘Quẽnarisoje’ vãme cuti soje tũ gãjoa sãnirũjirũgũgũ me ñati ñ?”, yiyujarã ñna.

Diore yirũcũbũoriavijũ Pedro ï gotimasiore queti

¹¹ To bajiri micagũ ñaboar'i, Pedrore, Juanre ñnare ñiatuayuju, “Yũre vaveobeticõato ñna” yigũ. Salomón vãme cutijacatũajũare rũgõñujarã ñna, Pedro, Juan rãca. To bajiro ñna bajirone, masa ñna ñnaro cõrone ãmarẽjañujarã ñna, ñre ñna catorore ñaucacõari. ¹² Ñna ãmarẽjaro ñacõari, ado bajiro ñnare gotiyuju Pedro:

—¿No yirã ñaucati? ñaucabesa, mũa, yũ yarã Israel ñnamsir'i jãnerabatia. Ñni micar'ire yũa masune catiobejũ yũa. “Diore quẽnaro cũdirã ñari, ñre catioma”, yitũoĩabesa mũa. ¹³ Ado

bajirojua bajaia: Mani ñicua Abraham, Isaac, to yicōari, Jacob ña rucubomasir'i, i bojasere yicacure Jesúre “Ñamasugũ ñaami” yirucubogũ, ãni micar'ire yuare catorotimi. To bajiro yigũ i ñaboajaquene, Jesúre ãaterãre ocasãcaju mua, ujarãre, “Ïre sãato ña” yirã. Uju Pilato, Jesúre i burotirũaboajaquene, muajua ãre sãarucacaju. ¹⁴ Dios i bojase rĩne yigure Jesúre burotimenane, Barrabájuaire ãre buroticōacaju mua, Pilatore. ¹⁵ To bajiro mua yijama, ña rijato beroju “Tudirijabeticōato” yigũ, Dios i catisere ãsirocure sãarotiyuja mua. To bajiboarine rijar'irene tudicatiocōañuju Dios. Ïre ãacōari, “Quēna tudicati-coasumi”, yimasiaja yua. ¹⁶ Ñni micagũ ñaboagure ãre ãaja mua. “Jesús yure catorucumi” i yitũoãajare, rēmone i ñicugũri tĩmacoaju ti. Tire ãacōari, “Jesús suorine bajaiaja ti”, yimasiaja mua.

¹⁷ Mani ujarã rãca Jesúre ãre sãarotiacaju mua, riojo tũoãabetica yirã. ¹⁸ “To bajirone bajirũaroja ti” Dios i yimasire ñajare, bajicaju tima. Ado bajiro ucamasinũjarã Diore ãre gotirẽtobosariarã: “Rojose tãmucōari, sãacorucumi Cristo”, yucamasinũjarã ña. ¹⁹ Tire ajicōari, rojose mua yisere yitũjacōari, Diore sēniña mua. To mua yijama, rojose mua yisere masiriorucumi. To bajiro i yijare, i rãca quēnaro ñaruarãja mua. ²⁰ To bajiro mua bajijama, Jesúre muare cōarucumi Dios quēna, tirũmũjũne “ ‘Masa uju ñaña mu’ yigũ mure cōarucuja” yimasir'i ñari. ²¹ Yucurema õ vecaju ñagũmi Jesús. “To cōrone adi macarucure tudiquēnorucuja yu” Dios i yitũoãariaro bajiro ti bajiroto rĩjoro, tone ñacōa ñarucumi. Adi ñaja tirũmuana Diore ãre gotirẽtobosamasiriarã, ña ucamasire. ²² Diore gotirẽtobosamasir'i, Moisés vãme cutigũ, ado bajiro gotimasinũju, mani ñicure: “Dios mani uju yure i cōacatore bajirone gãji i ocare gotirocure cōarucumi. Ï cōarocuma, mani rãcagũne ñarucumi. Jediro i yirore bajirone cudiruarãja mua. ²³ Ï yirore bajiro cudimenarema, ñnare bucōaroti ñaja ti. Ñnare bucōari ñnare sãaroti ñaja”, yimasinũju Moisés. Adi ñaja, Jesús i bajirotire goti rĩjoro yigũ, mani ñicure ã gotimasire.

²⁴ Samuel vãme cutimasir'i, to yicōari, ãre bajiro bajirã quēne i beroana Diore ãre gotirẽtobosariarã ñajediro, adirũmũri bajirotire gotiyujarã ña quēne. ²⁵ Tirũmũju, mani ñicure Dios i gotirere gotimasinũjarã ña. Dios mani ñicure i goticōare ti ñajare, quēnase manire ejarũaroja ti. Ado bajiro mani ñicu Abraham ñamasir'ire gotimasinũju Dios: “Masa jedirore quēnaro yirucuja yu, mu jãnerabatia suori”, yimasinũju Dios, mani ñicu ñamasir'ire gotigũ. ²⁶ To yimasir'i ñari, i macure catorocōari bero, mani jud'io masa tũjũre ãre cōasũoyumi Dios, “Ï suori, rojose ña yisere masiriocōari, quēnaro ñato ña” yigũ cōañuju, i macure —ñnare yigotimasinũju Pedro.

4

Pedrore, to yicōari, Juanre tubiberiavijm masa ɯjarã, ïna tubibere queti

1-2 To bajiri Pedro, Juan rãca, ado bajiro masare gotimasioñujarã ïna:

—Jesús, sãaecogm ñaboarine, quēna tudicaticoasumi. To bajiri mani quēne tudicatiɯarãja, yimasiaja mani —yiyujarã Pedro, Juan rãca.

To ïna yiñarore paia, to yicōari, saduceo masa quēne ejayujarã ïna. Diore yirucubɯoriavire coderimasa ɯm quēne ejayuju ï. Buto jūnisiniejayujarã ïna, Pedro, Juan rãca to bajiro ïna gotimasiosere ajicōari. 3 To bajiri Pedrore, Juanre quēne ïnare ñejecōari, tubibe, vaveocoasujarã ïna, rãiorijm ti ñajare. 4 To bajiro ïnare ïna yiboajaquēne, Jesús ocare ajicōari, jājarã ajitirãɯsoyujarã ïna. To bajiri ɯmɯa cinco mil ñañujarã ïna.

5 To bajiri busurijm tudirējañujarã ïna quēna, jud'io masa ɯjarã, Dios ï rotimasire gotimasiorimasa, to yicōari, bɯcũrã quēne. 6 Paia ɯm ñamasugũ Anás, to yicōari, ï yarã Caifás, Juan, Alejandro ñañujarã ïna quēne. 7 To bajiri, Pedro, Juan rãca tubibe ecoriarãre, jirotiyuju Anás. To ï yijare, ï rĩjorojuare ejarũgũ ejayujarã Pedro, Juan rãca. To ïna ejaro, ado bajiro ïnare sēniãañuju Anás:

—¿Ñimɯ masare mɯare gotimasiorotimasiri? ¿Ñimɯ ï maise rãca micagũre catiomasiri mɯa? —Ïnare yisēniãañuju Anás.

8-9 To bajiro ï yisēniãaro, Dios ï cōagũ Esp'iritu Santo ï ejarẽmose rãca cojo vãme ruyabeto quēnaro cɯdiyuju Pedro:

—Yɯa ɯjarã, bɯcũrã quēne, quēnaro yure ajiya. “¿Ñimɯ ï maise rãca micagũre catiomasiri mɯa?” yɯare mɯa yisēniãasere cɯdirɯcɯja yɯ. 10 “Quēnaro masiato” yirã, adi macana, to yicōari, “Israel sitana ñaro cōrone masiato” yirã, ñamasusere mɯare gotiaja yɯa. Jesucristo Nazaret macagm sɯorine micagũ ñaboar'i catimasimi. Jesús, yucútẽroju mɯa sãar'ine, Dios ï tudicator'ine, micagũ ñaboagure ïre catiomasimi. 11 Tirãmɯju David ñamasir'i ado bajiro ucamasiñumi: “Gũta rãca vi quēnorimasa coja gũtare rocarãma. ïna rocaria ñaboarine, gajea gũta rẽtoro quēnarica ñarɯaroja tia. Tia gũta sɯorine quēnarivi quēnorucumi Dios. Tia manijama, quēnomasibetibogumi”, yucamasiñumi. “Ado bajiro bajiaja” yire ũni ñaja adi: Mɯa jud'io masa ɯjarã, Jesúre ïre bojabetesuja mɯa. To bajiboarine ñamasugũ ñaami. 12 Jesús rĩne ñaami adi macarucũroana masa, ïna rijato beroju, rojose ïna tãmɯoborotire ïnare yirẽtobosarocɯ, Dios ï cōar'i. Gãji to bajiro manire yirẽtobosagm maami —yiyuju Pedro.

13 To bajiri Pedro, Juan rãca quēnaro masirãre bajiro ïna ñagõsere ajimasicōañujarã ɯjarã. “Papersa buebetiriarã

ñaboarine, quēnaro ñagōama ñna. Jesúrāca ñarūgūriarāne ñaruyuama ñna. To bajiri ñre bajirone gotimasioama”, yituoñañujarā ñna, ñjarā. ¹⁴ To bajiri micagū ñaboar'i, Pedro, Juan rāca ñ ñajare, “Rojose yiyuja mña”, yimasibesujarā ñjarā. ¹⁵⁻¹⁶ To yi, budiarotiyujarā ñjarā, Pedrore, to yicōari Juanre quēne. To yicōari ado bajiro ñna masune gāmerā ñagōñujarā ñna:

—¿No yirāti mani ñnare, Pedrore, Juanre quēne? Jerusalén macana ñna ñaro cōrone masiama micar'ire ñna catorere. To bajiri, “Socarā yama”, yimasiña maja. ¹⁷ To bajiri ado bajiro ñnare gotiroti ñaja: “Jesús yere quēna mña ñagōrēmojama, rojose tāmūorā vana yaja mña”, ñnare yiroti ñaja, “To cōrone Jesús yere gotibatobeticōato yuja” yirā —yituoñañujarā ñjarā. ¹⁸ To yi, quēna ñnare jisōñujarā ñna, Pedrore, to yicōari, Juanre quēne. ñna sājearone:

—Jesús yere masare gotimasiobesa mña —yiboayujarā ñna, Pedrore, to yicōari, Juanre quēne. ¹⁹ To bajiro ñjarā ñna yisere ajicōari, ado bajiro cūdiyujarā Pedro, Juan rāca:

—Mñare yua cūdiyama, Diore cūdimena yirāja yua. To bajiri, mña tūoñajama, mñajñare yua cūdiyama, ¿rijo yirā yirājari yua? ²⁰ Jesúre yua ñacati, yua ajicatire quēne, tire gotitujamasimenaja —yiyujarā Pedro, Juan rāca.

²¹ Tire ajicōari,

—Gotimasiobeticōaña, Jesús yere. Jesús yere mña gotijama, rojose tāmūorāñaja mña —yiyujarā ñjarā quēna.

Micagū ñ catisere ñacōari, “Quēnaro yigū ñnaami Dios”, yiyujarā masa. To ñna yisere ajirā ñnari, Pedrore, to yicōari, Juanre quēne rojose ñnare yimasibesujarā ñna. To bajiri ñnare budiroticōañujarā ñjarā. ²² Micagū ñaboar'i, Pedro, Juan rāca ñna cator'i, cuarenta cūmari rēto busaro tusacu ñañuju ñ.

“*Jesús yere gotimasiocōa ñato ñna' yigū, yñare ejarēmoña*”, Diore ñna yisēnire queti

²³ Budicoanajama, ñna babarā tñju vacoasujarā Pedro, Juan rāca. Toju ejacōari paia ñjarā, to yicōari, bñcñrā quēne, ñnare ñna yirere gotiyujarā ñna. ²⁴ Tire ajicōari, sīgūre bajirone tūoñacōari, ado bajiro Diore sēniñujarā ñna:

—Dios, yua jacu, mñ rñe ñajediro masirētogū ñaja mñ. Mñne, ñmñagaserore quēnoñuja, sitare quēne, riagarire quēne jediro. Adi macarñcñroayere jediro rujeoyuja mñ. ²⁵ Tirāmñju yua ñicū mñ bojarore bajiro yimasir'i David ñamasir'i, Esp'iritu Santo ñ ejarēmose rāca ado bajiro ucamasifñumi:

“¿No yirā ‘Rotimñorūgōrñcñmi’ yigū, Dios ñ cōagūre jñnisiniati jud'io masa, to yicōari, jud'io masa me ñnarā quēne? ¿No yirā Diore rojose yirñaboati ñna?

26 ‘Rotim̄orügōruc̄ami’ yiḡu, Dios ĩ cōaḡure, to yicōari, Diore quēne rojose yir̄uarã, adi macar̄uc̄uroana ujarã rējacōari, ñayur̄uarãma”, yiucomasiñumi David.

27 Soc̄u me yimasiñumi David. ĩ gotimasiriarore bajirone bajicaju. Uju Herodes, Poncio Pilato vāme cutiḡu quēne, jud'io masa, to yicōari, jud'io masa me quēne, rējacama ĩna. M̄u bojase r̄ine yiḡure, “Rotim̄orügōruc̄ami” yiḡu, m̄u cōar'ire Jesúre rojose ĩre yir̄uarã rējacama ĩna. 28 “Ado bajirone bajir̄uroja” m̄u yiriarore bajiro yirã, to bajiro yicama ĩna. 29 To bajiri Dios yua jac̄u, yuare ajiya. “Rojose t̄am̄or̄uarãja m̄ua” yuare ĩna yisere masiritibesa m̄u. M̄u yirore bajiro m̄ure cadir̄uaja yua. To bajiri yuare yir̄emoña m̄u, “Ñie güimenane Jesús ĩ goticatire quēnaro gotiato ĩna” yiḡu. 30 M̄u masise r̄aca masa rijar̄are catioya m̄u. ĩañoñamanire quēne yiya m̄u, “Jesús, Dios ĩ bojase r̄ine yiḡu, ĩ mac̄u s̄orine to bajiaja ti’ yato ĩna masa” yiḡu — yiyujarã ĩna, Diore s̄enirã.

31 Diore ĩna s̄enigajanoro, sita nur̄uañuju. Tir̄imarone, Dios ĩ cōaḡu Esp'iritu Santo, ĩ masisere ĩnare ĩsiñuju. To ĩ yijare, cojo vāme rayabeto Dios ĩ bojarore bajirone güimenane, Dios ocare masare gotiyujarã ĩna.

Jesúre ajitir̄unurã ĩna ḡamerã yir̄emore queti

32 Jesúre ajitir̄unurã s̄iḡure bajiro tuoĩarã ñañujarã ĩna. ĩna cuosere, “Yu s̄iḡu ye ñaja”, yibesujarã ĩna. Ñajedirore, “Mani ye ñaja” yirã, ĩna babar̄are ĩsiñujarã ĩna. 33 Jesús ĩ bajireayere gotimasio t̄ujabesujarã Jesús ĩ gotiroticōas̄oriarã. “Jesús, rijacoaboarine, tudicaticōari ñaami quēna”, yigotiyujarã ĩna, masare. To bajiro quēnaro ĩnare yigoticōari, ĩañoñamanire ĩnare yiñoñujarã. “To bajirone quēnaro yiñato ĩna” yiḡu, Jesúre ajitir̄unurã ĩna ñaro cōrone quēnaro ĩnare yir̄emoñuju Dios. 34-35 Sita cuorã, viri cuorã, ḡajer̄are ĩsiñujarã ĩna. To yicōari, ḡajoa bujayujarã. Ḡajoa bujacōari, Jesús ĩ gotiroticōas̄oriar̄are ĩsiñujarã ĩna, “Maioro bajir̄are ĩnare ĩsiato” yirã. To bajiri ĩna r̄acana nijua maioro bajiḡu mañujarã yuja. 36 To bajiro Jesúre ajitir̄unurã vatoare, s̄iḡu jud'io mas̄u levita j̄unagu ñañuju ĩ. José vāme cutiḡu ñañuju. Chipre vāme cutiyoj̄u ruyuar'i ñañuju ĩ. Jesús ĩ gotiroticōas̄oriarã, Josére gajeye ĩre vāme yiyujarã, Bernabé. Griego ocama, “Quēnase ḡajer̄are oca cutiḡu” yire ũni ñañuju ti vāme. 37 Sita cuoyuju José. Tire ḡajire ĩsiñuju ĩ. Ti vajane ḡajoa bujacōari, Jesús ĩ gotiroticōas̄oriar̄are ĩsiñuju, “Maioro bajir̄are ĩsiato” yiḡu. Quēnaro yiḡu ñañuju José.

5

Anan'ias, ĩ manajo Safira r̄aca, ĩna yitore queti

¹ Anan'ias vāme cutigu ĩ manajo Safira rāca, quēnaro yirā me ñañujarā ĩna. Anan'ias ĩ manajo rāca ĩna ya vesere gājerāre ĩsiñujarā. To yicōari, gājoa bujayujarā ĩna. ² Anan'ias ĩ manajo rāca cojoro cōro tuoñañujarā ĩna. To bajiri gājoa mojoro yayioyujarā ĩna. To yicōari Jesús gotiroticōasuoariarāre ĩsigū vacoasuju, ruvasere. ĩna tujū ejacōari,

—Ado cōrone bujabu yu —ĩnare yĩsiñuju Anan'ias.

³⁻⁴ To ĩ yisere ajicōari, ado bajiro ĩre yiyuju Pedro:

—Anan'ias, ¿no yigu Diore ĩategure vātia ujure cūdiati mu? ¿Mu ya vese me ñari, mu ĩsiriavesema? ¿Ti vese vaja mure ĩna ĩsirema, mu ye me ñari? To bajiro ti bajiboajaquēne, “Ti vese vaja ñaro cōrone mure ĩsiaja yu”, yitoaja mu. To bajiro uare mu yitojama, yua ĩrene yitogu me yaja mu. Diore, Esp'iritu Santore quēne yitogu yaja mu —yiyuju Pedro, Anan'iare.

⁵ To ĩ yisere ajicōari, rijaquedicoasuju Anan'ias. To bajiro ĩ bajirere ajicōari, buto güiyujarā toana. ⁶ Sīgūri mame bucuarā Anan'ias rujare gümacōari, ĩre yujerā vacoasujarā ĩna.

⁷ Tres hora bero ejayuju Anan'ias ñaboar'i manajo. “To bajiro bajiriaroja”, yibesuju so. ⁸ To so ejarone,

—¿Adi ñati vese vaja, jediro mu bujare? —sore yiyuju Pedro.

—Ti ñaro cōrone ñaja —ĩre yicūdiyuju so.

⁹ To so yisere ajicōari, ado bajiro sore yiyuju Pedro:

—¿No yirā mu manaju rāca cojoro cōro tuoñacōari, Dios ĩ cōagū Esp'iritu Santore yitoruari mu? Ō tusaroma mu manajure yujerā variarā. Mure quēne āmiaroana yirāma, mure yujeruarā —sore yiyuju Pedro.

¹⁰ To ĩ yiririmarone, rijaquedicoasuju sojuma. Sājanane, rijaqueariore ĩabujayujarā mame bucuarā. To bajiri sore āmibudicōari, so manajure ĩna yujeriaro tujū sore yujeyujarā.

¹¹ To bajiri, Jesúre ajitirūnarā ñajediro, to yicōari, ĩna tuana quēne, “To bajiyuju” yisere ajicōari, buto güiyujarā ĩna.

Jesús ĩ gotiroticōasuoariarā, ĩañañamanire ĩna yĩore queti

¹² Tirāmure Jesúre ajitirūnarā jediro sīgūre bajiro tuoñarā, Diore yirūcubuoariavi, Salomón vāme cutijacatuajuare rējarūgūñujarā ĩna. To bajicōari, Jerusalén macana ĩna ĩaro rījoro Dios ĩ masise rāca ĩañañamanire yĩoñujarā ĩna Jesús ĩ gotiroticōasuoariarā. ¹³ To bajiri, Jesúre ajitirūnarāre, “Quēnarā masu ñaama”, ĩnare yirūcubuoayujarā Jerusalén macana. To bajiro yiboarine, Anan'ias ĩ manajo Safira mesa ĩna bajirere masicōari, “Jesúre ajitirūnugū ñaja yu quēne’ yisocacōari sajarucuja yu”, yibesujarā ĩna, güirā. ¹⁴ To bajiri jājarābusa ñarūtuasujarā Jesúre ajitirūnarā. Rōmia quēne, ũmu quēne ñañujarā. ¹⁵ ĩañañamanire Pedro ĩ yĩore ajicōari, rijaye cutirāre ĩna jesariajauri rācane maa tu ĩnare juaejoyujarā ĩna.

To bajiro ña yiejorã, Pedro ï rëtorotire yuñañujarã, “Yũare moaĩato ï” yirã. “Ï moaĩabetijaquêne, ï vãti mani joere ti rëtojama, caticoaruarãja mani” yirã, yuñañujarã ña. ¹⁶ To bajicõari, ti maca tuana jãjarã masa vasujarã, Jerusalénjare, rijaye cutirãre, to yicõari ña usurijare vãtia sãñarãre quêne juavana. To bajiri rijaye cutiboariarã catijedicoasujarã. Ña usurijare vãtia sãñarãre, vãtiare ñare bureayujarã ña, Jesús ï gotiroticõasuriorãre.

Jesús ï gotiroticõasuriorãre ña ïajũnisinire queti

¹⁷ Tire ajicõari, paia uju ï rãcana, saduceo masa quêne buto jũnisiniñujarã, Jesús ï gotiroticõasuriorãre. ¹⁸ To bajiri ñare ñejeroticõari tubiberiaviju tubiberotiyujarã ña, Jesús ï gotiroticõasuriorãre. ¹⁹ To ña yiboajaquêne, tubiberiaviju ña ñaro, ángel ñare ruyuyuju ï, ñamiju. To bajicõari, ñare jãnabucõañuju. ²⁰ Ñare jãnabucõari,

—Diore yirãcũburiaviju vasa mua —yiyuju. —To ejacõari masare gotiba, Dios ï catisere ña cõorotire yirã —ñare yiyuju ángel.

²¹ To bajiri busuriju jẽju, Diore yirãcũburiavire sãjaejacõari, masare ñare gotimasioñujarã quëna.

Dios oca masare ña gotimasio ñarone, paia uju, ï rãcana, to yicõari, Israel sitana ujarã quêne rëjañujarã ña. To yicõari, “Tubiberiaviju ñarãma” yirã, ñare jiroticõañujarã ña. ²² Ña jiroticõariarã tubiberiavijure ña ejaro, mañujarã ña. To bajiboa, tudicoasujarã ña, gotirã tudiana. ²³ Tudiejacõari, gotiyujarã ña:

—Tubiberiavi quënarõ turiaro ti ñarore ejaboabu yua. Ti vire coderimasa quêne tone ñaboama ña. To bajiboarine sojere jãnacõari yua ïajama, mama ña, Jesús ï gotiroticõasuriorãre —yigotiyujarã ña, tudiejana.

²⁴ Tire ajicõari, paia uju, Diore yirãcũburiavire coderimasa uju quêne, no yimasibesujarã ña yuja. “To bajiro ña bajijama, ¿no bajiro yiroana yirãda ña?”, yiyujarã ña. ²⁵ To ña yitõõãrejaiñarone sīgũ, ña tare ejacõari, ado bajiro ñare gotiyuju:

—Mua tubibecũboariarãma, Diore yirãcũburiaviju masare gotimasio ñama ña —ñare yigotiyuju.

²⁶ To ï yijare, Diore yirãcũburiavi coderimasa uju, ïre moabosarimasa rãca Jesús ï gotiroticõasuriorãre ñare ñejerã vasujarã ña. To bajicõari rujaji yimenane, ñare ñejecoasujarã, “Rujajine ñare mani yijama, manire gũtane reasãborãma masa” yiguirã ñari. ²⁷ To bajiro ñare yi vacõari, ujarã rĩjorojũare ñare ãmato ejayujarã ña. Ña ejaro ïacõari, ado bajiro ñare yiyuju paia uju:

28 —Jesús yere mña gotimasiosere, mñare gotirotibeti-boacajm yña. To yña yiyoajaquēne, adoanare Jerusalén macanare ñna ñaro cōro ñnare buecudiyuja mña. To bajiri sīgũ ruyariaro mano masiama mña gotimasiodudisere. “Ñna suorine sīaecocami Jesús”, yiyuja mña, yñare —yiyuju paia mñ, Jesús ĩ gotiroticōasñoriarāre.

29 To ĩ yisere ajicōari ado bajiro ĩre cñdiyuju Pedro, ĩ babarā rāca:

—Diojñare cñdiroti ñaja manire. Masa ñna rotisere rētoro ñaja Dios ĩ rotisejña. 30 Mani ñicña ñna rñcñbñomasir'ine ñnaami Jesúre yucátērojñ mña jajusñarotir'irene tudicator'ima. 31 Ō vecajñ ñnacōari, Jesúre ĩre jiyuju. To bajiri ĩ riojojacatñna rñcñbñoriajñre rujigñmi. Jesús masa mñ ñnarocñre, ñna rijato berojñ rojose tāmñotñjabetiriarojñ ñna vaborotire ñnare yirētobosarocñre cññuju Dios. “Mñ suorine Israel jānerabatia rojose ñna yisere yitñjamasirñarāma” yigñ, to yicōari, “To bajiro yirāre rojose ñna yisere masiriomasirñcñja yñ” yigñ, ĩre cōañuju Dios. 32 Tire masiaja yña. Dios ĩ cōagũ Esp'iritu Santo rāca ñaja yña. To bajiri jediro Dios ĩ yirere gotiaja yña. No bojagñre Dios ĩ yirore bajiro cñdigñre, Esp'iritu Santore ĩre cōarñcñmi —yiyujarā ñna, Pedro ĩ babarā rāca.

33 To ĩ yisere ajicōari, bñto jñnisinirā ñnari, ñnare sñarñayujarā. 34 Gamaliel vāme cñtigñ, ñna rācagñ, Dios ĩ rotimasirere gotimasiomasñ ñaññuju ĩ, masa ñna rñcñbñogñ. Vñmñrñgñcōari, —Pedro, ĩ babarāre ñnare bucōañña —yiyuju, gñjerā mñjarā rāca ñnagōrñ. 35 To yicōari, ado bajiro ĩ babarāre gotiyuju:

—Quēnaro ajiya yñ yarā mña. Ānoare mña yirñasere quēnaro tñoñañña mña. 36 Teudas ĩ yirere masiritibesa mña. Yoabeaja ti, “Ñnamasugñ ñaja” ĩ yiyoariaro bero. Tire ajicōari, “Socaro me bajiroja”, ĩre yisñyaboayujarā cuatrocientos ñnarā. Tijñ bero, gñjerā ĩre sñacōañujarā. To bajiri ĩre sñyaboariarā no ñna bojarone bajicōaññuma ñna. ĩ gotimasioboare quēne to cōrone jedicoasuja. 37 Tijñ bero, “To cōro ñnaama masa” yimasirñarā, ñna ucaturotirirñmñre Galileagñ, Judas vāme cñtigñ ñaññuju. ĩre quēne ĩ gotisere ajicōari jājarā masa ĩre sñyaboayujarā. Tijñ bero, ĩre sñacōañujarā gñjerā. To ñna yijare, ĩre sñyaboariarā no ñna bojarone bajicōaññuma ñna quēne. 38 To bajiri mñare gotiaja yñ: Gōjanabiobesa ānoare. No ñna bojarore bajiro yato. ñna masune tñoñacōari, ñna gotimasiocudijama, yayiori mene jedicōarñaroja tia. 39 Dios ĩ gotirotiserene ñna yijama, gñjerāre ñna gotisere “Ajitirññbeticōato” yirā, no bajiro yimasimenaja mña. To bajiri mña yirñasere quēnaro tñoñañña mña; Dios ĩ rotiserene yicōari, “Yibetirotirene yiyuja” yirobe —ñnare yiyuju Gamaliel, ĩ babarāre.

40 To ĩ yisere ajicōari,

—Socũ me yaja mũ. To bajiro masu bajirũaroja ti —yiyujarã ãna.

To yi, Pedrore, to yicõari, ã babarãre quẽne jiejocõari, ãnare bajarotiyujarã ãna yuja. ãnare bajegajano, Jesús yere ãna gotimasiosere gotirotibesujarã ãna yuja. To yicõari, ãnare budirotiyujarã. ⁴¹To bajiro ãnare ãna yiro bero, Pedro, ã babarã rãca ularã vatoare ñariarã, variquẽnase rãca budicoasujarã. Jesũre mani ajitirũnuse suori rojose yiecoaja mani. “To bajiro bajirũarãma, Jesũre ajitirũnu tujamena ñari’ Dios ã yire ñajare, bajiaja mani”, yitũoĩa variquẽna budiasujarã.^a ⁴²To bajiri Jesús yere ularã ãna gotirotibetiboajaquẽne, masare gotimasio tujabesujarã ãna. Tocãrãcarãmũne Diore yirũcũbũoriavijare, to yicõari ãna ya virijure quẽne Jesucristo yere masare gotima-siocudirũgũñujarã ãna.

6

Cojomo cõro jua jẽnituarirãcũ ãnare ejarẽmorãre ãna besere

¹ Tiroadore Jesũre ajitirũnurã jãjarãbũsa ñarũtuasujarã ãna. To bajiri, griego oca ñagõrã, hebreo oca ñagõrãre ado bajiro ñagõjaisũoyujarã:

—Tocãrãcarãmũne mũa bare batojama, cojoro cõro bato-beaja mũa. Manajua rijaveoriarãre hebreo oca ñagõrã rõmiri rĩne jairo ãsiaja mũa —yiyujarã ãna griego oca ñagõrã.

² To bajiro ãna gãmerã ñagõjaisere ajicõari, Jesũre ajitirũnurã jedirore ãnare jirẽoñujarã ãna, Jesús ã gotiroticõasũoriarã. To yicõari, ado bajiro ãnare yiyujarã ãna:

—Yũarema, yua gotimasiosejua ñaja, bare batoreaye rẽtoro ñamasusema. Bare batorejũare yua yijama, Diore ãre cõdimena yirãja yua. ³ To bajiri, cojomo cõro jua jẽnituarirãcũ ñarã beseya mũa, mũa vatoanare, bare batorona ñaronare. Quẽnaro tũoĩarã, “Quẽnaro yirã ñaama” mũa yirã, Dios ã cõagũ Esp'iritu Santo ã ejarẽmose rãca tũoĩarã, cojo vãme ruyabeto Dios ã bojarore bajirone yirãre, ãnare beseya mũa. ⁴ Ado bajirojua yirũgũrũarãja yũama. Diore ãre sãnirũgũrũarãja. To yicõari, Dios ocare masare gotimasiõrã ñarũarãja, yũama —yiyujarã Jesús ã gotiroticõasũoriarã.

⁵ To bajiro ãna yisere ajicõari, sĩgũre bajiro tũoĩacõari, Esteban vãme cutigure beseyujarã ãna. Jesũre quẽnaro ajitirũnũgũ ñañuju ã. To bajicõari, Esp'iritu Santo ã ejarẽmose rãca tũoĩagũ, cojo vãme ruyabeto Dios ã bojarore bajiro yigũ ñañuju. To yicõari, gãjerã Estebanre bajiro bajirãre beseyujarã ãna. Adocãrãcũ ñañujarã ãna: Felipe, Prócoro, Nicanor, Timón, Parmenas, to yicõari, Antioqu'ia macajũ vadir'i, Nicolás, tocãrãcũ ñañujarã, “Bare batoato” yirã ãna beseriarã. Nicoláma, jud'io

^a 5:41 Mt 5.11-12.

masu me ñaboarine jud'io masare bajiro bajiyuju ĩ. ⁶ ĩnare besegajanocōari, “Ānoa ñaama masa, yua beserā”, yiyujarā, Jesús ĩ gotiroticōasuriorarāre. To ĩna yijare, ĩnare āmo ñujeocōari Diore ĩre sēniñujarā Jesús ĩ gotiroticōasuriorarā, “Quēnaro ĩnare ejarēmoato Dios” yirā.

⁷ To bajiri, masa jājarābusa ajitirāñujarā, Jesús yere. To bajirā rīne, tojare Jerusalēnjure, Jesús yere ajitirāñarā, jājarābusa ñarūtusujarā ĩna. Paia quēne jājarā, Jesús yere ajitirāñujarā ĩna.

Estebanre ĩna ñiare queti

⁸ Estebanre quēnaro yirēmoñuju Dios. To yicōari, ĩ masisere ĩre ɱjoyuju. To bajiri jairo ĩañañamanire masare yīñoñuju Esteban. ⁹ ĩañañamani Esteban ĩ yīñoñaro, ĩ rāca gāmerā ñagōñujarā ĩna. Dios ocare ĩna buerivijɱ vadiriarā ñañujarā. Moabosari-masa ñaboariarā ya vi vāme cūtiyuju ti vi. Cojo macana me ñañujarā ĩna, bajirājɱma. Cirene macana, Alejandr'ia macana ñañujarā ĩna. ĩna rācana Cilicia sitana, Asia sitana ñañujarā ĩna. Esteban rāca ñagōboanane, oca josayujarā ĩna. ¹⁰ Esp'iritu Santo ĩ ejarēmojare, ĩna rētoro masiñuju Esteban. To bajiri no bajiro ĩre yimasibesujarā ĩna. ¹¹ To bajiri, gājerāre yayioroaca gājoa ĩsiñujarā ĩna, “ ‘Rojose yimi’ ɱjarāre yato ĩna” yirā. To bajiri, “ ‘Diore, to yicōari, Moisés ñamasir'ire quēne rojose ĩnare ñagōmacami’ yigotiba mɱa”, ĩnare yiyujarā. ¹² To bajiro ĩna yigotire ñajare, Estebanre bato jūnisiniñujarā ti macana. To bajiri, bɱcɱrā, Dios ĩ rotimasire gotimasiorimasa rāca Estebanre ñiañujarā, ĩna ɱjarā tujure ĩre āmivaruarā. ¹³ ĩna ɱjarā tujure ĩna āmiejarone gājoa ĩsiecoriarā, ado bajiro yisocayujarā:

—Diore yirācɱbɱoriavire, to yicōari, Moisés ĩ rotimasirere quēne rācɱbɱobecɱ rojose ñagōrūgūami Esteban. ¹⁴ Ado bajiro ĩ gotisere ajirūgūmɱ yɱa: “Jesús Nazaret macagɱ, Diore yirācɱbɱoriavire caguerearɱcɱmi. To yicōari, Moisés manire ĩ roticūmasirere vasoarɱcɱmi”, yigotirūgūmi Esteban — yisocayujarā ĩna.

¹⁵ To ĩna yisocasere ajicōari, ĩna ɱjarā yoaro ĩre ĩañañujarā, Estebanre. ĩre ĩna ĩajama, ángel riogare bajiro rioga cūtiyuju Esteban.

7

“Ñie rojose yibejɱ yɱ”, Esteban ĩyire queti

¹ To bajiri, paia ɱjɱ, Estebanre ĩre sēniñañuju:

—¿“Rojose yimi” mure ĩna yise, riojo yati ĩna? —ĩre yiyuju, Estebanre.

² To ĩ yirone, ado bajiro ĩnare cūdiyuju Esteban:

—Yɱ yarā, ajiya mɱa. Tirāmɱjɱ mani ñicɱ Abraham ñamasir'i, Mesopotamia ĩ ñarone, Harán vāme cūti macajure ĩ ñagū varoto

rĩjoro, ĩ rāca ñagõmasiñuju Dios. ³ Ado bajiro yimasiñuju: “Mu ñarore, to yicõari, mu yarāre quēne vaveoya, gaje sitajũ mure yũ ĩorotojũ vacũ”, ĩre yimasiñuju Dios, mani ñicũ ñamasir'ire. ⁴ To bajiro Dios ĩ yisere ajicõari, Caldea maca ñar'i, Harán vāme cuti macajũre ñagũ vamasiñuju. To ĩ ñaro, ĩ jacũ ñamasir'i ĩre rijaveocoamasiñuju. Tijũ bero, adojũ mani ñari sitajũre ĩre ñarotimasiñuju Dios. ⁵ “Adi sitajũ ñaña” Dios ĩ yiboa-jaquēne, ñajediro gājerā ye sita ñamasiñuju ti maji. To bajiri, “Adi ñaja yũ ye sita”, yimasibesuju Abraham. Rēmone, “Ado bajiro bajirũaroja”, yimasiñuju Dios, Abrahamre: “Ti sitare mure ĩsirũcũja yũ. Mu rijato berojũ, mu jānerabatia ye sita ñarũaroja”, yimasiñuju Dios, Abrahamre, rĩa magũ ĩ ñaboajaquēne. ⁶ To yicõari, ado bajiro ĩre gotimasiñuju Dios: “Cojorũmũ adi sitare vaveorũarāma mu jānerabatia. Adi sitare vaveocõari, gājerā sitajũre ñarũarāma. Tojũre ĩna ñaro, cuatrocientos cũmari ĩnare rotiajerũarāma ĩna. ⁷ To bajiboarine mu jānerabatiare rojose ĩnare ĩna yise vaja gāmetorũcũja yũ quēne. Tijũ bero, mu jānerabatia ti macare tudiveocoarũarāma. To baji, adi sitajũre tudiejarũarāma quēna. Adojũ ñacõari yũre sēnirũcũborũarāma”, yiyuju Dios, mani ñicũre Abraham ñamasir'ire. ⁸ To yicõari, ado bajiro Abrahamre rotimasiñuju Dios: “Yũ gotisere, ‘To bajirone bajirũaroja’ mu yicũdijama, mu macũ ĩ ruyuario bero, circuncisiõn ĩre yirũcũja mu. ‘Dios yũ ñaami’ yigũ, to bajiro ĩre yirũcũja mu”, yimasiñuju Dios, Abrahamre. To bajiro Dios ĩ yire ñajare, ĩ macũ Isaac ĩ ruyuario cojomo cõro, idia jēnitarirũmũ tũsatirũmũre circuncisiõn ĩre yimasiñuju Abraham. To bajiri Isaac ĩ macũ Jacob vāme cutigũre circuncisiõn ĩre yimasiñuju. Jacob quēne to bajirone yimasiñuju, ĩ rĩare mani ñicũa ñamasiriarāre. Juaāmo cõro, jua jēnitarirācũ ñamasiñujarā ĩna.

⁹ Jacob rĩa, ĩna bedi, José vāme cutigũre buto ĩre ĩatemasiñujarā ĩ gagũ mesa. To bajiri Egipto sita vanare ĩre ĩsicõari, vaja sēnimasiñujarā ĩna. To bajiro ĩna yiboaajaquēne quēnaro ĩre ĩatirũncõa ñañuju Dios. ¹⁰ Egiptojũ José rojose ĩ tãmũborotire ĩre yirētosomasasiñuju Dios. To bajiri ʘjũ, faraõn ĩna yigũ rāca ñamasasiñuju José. To ĩ bajiñaro, ĩ masisere ʘjomasiñuju Dios, Josére. Faraõn, ĩre ĩvariquēnacõari, “Rotigũ ñato, ĩre yicũgũjaro ĩ” yigũ yimasiñuju Dios. To bajiri Egipto sitana ñaro cõrone, ĩ ya vianare quēne, “ĩnare rotirũcũja mu”, Josére ĩre yicũmasiñuju faraõn.

¹¹ To ĩ yiro bero, Egipto sitajũre bare jedicoamasiñuju. Canaán sitajũre quēne jedicoamasiñuju. Masa buto ñiorijamasiñujarā ĩna. To bajicõari rojose tãmũomasasiñujarā ĩna. Mani ñicũa, no ũno bare bujamasibetimasiñujarā ĩna. ¹² To bajiri José jacũ mani ñicũ ñamasir'i, Jacob, “Egiptojũ

trigo ñna juacũre ñañuju ti” yirere ajicõari, ï rĩare cõamasinũju “Vaja yirã vajarõ” yigũ. ¹³ Egiptoju bare juarã vamasinũjarã ñna. Tiju bero, quẽna tojũne vamasinũjarã ñna. To ñna bajiro ñacõari, ado bajiro ñnare yimasinũju José: “Yũre ñamasibeaja mũa. Mũa bedine ñaja yũ”, ñnare yimasinũju. To bajiro José ï yirere ajicõari, “Ï yarã ñaama”, yimasinũju faraón. ¹⁴ To bajiri José, ï yarã ñna ñaro cõrone ï jacũre quẽne jiroticõañuju, “Egiptoju ñato ñna” yigũ. Ñna jediro ñnarã, setenta y cinco ñamasinũjarã ñna. ¹⁵ To bajiri, Egiptojuare vamasinũju Jacob. Egiptoju yoaro ñaboacũju, bajirocacoamasinũju Jacob. To bajicõari, ï rĩa ñariarã, mani ñicũa ñamasiriarã quẽne, tojũne bajireamasinũjarã ñna. ¹⁶ Jacob ï bajirocaro bero, ï rujũrire juamasinũjarã, Siquem vame cuti macaju. Toju ejacõari, ïre yujemasinũjarã, gũtaviju. To ñamasinũju Abraham, Hamor rĩare ï vaja yimasiriavi, gũtavi.

¹⁷ To bajiboarine mani ñicũa ñamasiriarã, Egiptojuare jãjarãbũsa masa bujũmasinũjarã. To ñna bajiñaro rĩne, cõñamasinũju mani ñicũa ñamasiriarãre Dios ï sita ñsiroti, mani ñicũ Abraham ñamasir'ire ï gotiriarore bajirone ti bajiroti. ¹⁸ Tiju bero, gãji uju Egiptojuare rotisũomasinũju. José ï ñamasirere masibecũ, to yicõari, mani ñicũa ñamasiriarãre rũcũbuobecũ ñamasinũju ï. ¹⁹ Ñne mani ñicũa ñamasiriarãre ñnare yitomasinũju. To yicõari, rojose yimasinũju. Mame ruyuarã rĩamasare riagaju ñnare rearotimasinũju ï, “Bũjuroma” yigũ. ²⁰ Tirodorene ruyuamasinũju Moisés quẽne. Dios ï ñajama, quẽnagũaca ñamasinũju ï. To bajiri, ï jacũa idiarã muijua ïre cũomasinũjarã ñna. ²¹ To bajiñaboã, so macũacare vijũre ïre yayiomasibeticõari, riagaju ïre jomasinũju so. To so yir'ire, uju Egiptoagu macõ, ïre ñabujacõari, so macũre yigore bajiro ïre masomasinũju so. ²² To bajiro so yibũcũomasir'i, Egiptoana ñna bajisere quẽnaro masinũju ï, Moisés. Ï ñagõjama quẽnaro tũoĩamasicõari ñagõñuju ï, ñna yere. Quẽnaro ï yisere ñacõari, bũto ïre yirũcũbuoyujarã ñna.

²³ Cuarenta cãmari cũotũsacũ, “Yũ yarãre ñagũ varũcũja yũ”, yitũoĩamasinũju ï. ²⁴ To yi va, ñna tũju ï ejaro, ï yũre egipcio masũ ïre ï bajero ñacõari, ïre gãmetoca yigũ, ïre sñacõamasinũju Moisés. ²⁵ “ ‘Egipcio masa rojose manire ñna yisere manire yirẽtobosarocũ, Dios ï cũr'i ñaami Moisés’ yũre yimasirũarãma yũ yarã”, yitũoĩamasiboayuju Moisés. To bajiro ï yitũoĩaboajaquẽne, tire tũoĩabetimasinũjarã ñnajuama. ²⁶ To bajiri gajerũmũ quẽna ï yarãre ñnare ñagũ vamasinũju Moisés. To ejacõari, ï yarã juarã ñna gãmerã quẽañarore ñamasinũju ï. Ñnare ñacõari, ado bajiro ñnare yimasiboayuju: “Yũre ajiya maji. ¿No yirã cojo masa ñaboarine, gãmerã quẽati mũa?”, ñnare yimasiboayuju. ²⁷ To ï yirone, ï babare quẽagũjũa, Moisére ïre

turocacõañuju, ãre jũnisinigũ: “¿Ñimũ ‘Ína uju ñaña’ mure yicati?
 28 ¿Ñamica egipcio masure mu sñiarore bajiro yure quene sñaru
 yatique mu?”, ãre yimasiñuju ã, Moisére. 29 To bajiro ã yisere
 ajicõari, Egipto sita ñar'i, Madián sitajure rudicoamasifñuju
 Moisés. Toju manajo bajicõari, jarã rã cutimasiñuju ã.

30 To bajiri, cuarenta ñaricãmari bero, cojorãmu Sina'i
 vãme cutiricu gũtau tuju yucã manojure vacudigu vamasifñuju
 Moisés. To bajiro ã bajirone, ã tujure yucã zarza vãme cutiu,
 ãjurũgõmasifñuju. To bajiro vatoajure ruyuarũgũñuju ángel.
 31 Tire ãacõari, ucacoamasifñuju Moisés. Quenaro ãaru tubusaca ã
 vatone ado bajiro ãre ñagõmasifñuju Dios: 32 “Yune ñaja Dios. Mu
 ñicua Abraham, Isaac, Jacob quene ãna rucubhocacune ñaja yu”,
 yimasiñuju Dios, Moisére. Tire ajicõari, gũigu nanamasifñuju
 ã. To bajiri, ãarubetimasifñuju. 33 Quena tudiñagõñuju Dios:
 “Adone yu ñaro ñaja ti. To bajiri mu gubo sudi vejeya mu,
 yure rucubhocu. 34 Yu yarã Israel ñamasir'i jãnerabatia, Egiptoju
 rojose ãna tãmosere ãarũgũaja yu. To bajicõari, ãna sutiritisere
 ãaja yu. To bajiri, ‘Egiptoanare cãmotadiato ãna’ yigu, ãnare
 yirẽmogũ vabu yu. Egiptoju quena mure tudiarotiaja yu”, ãre
 yimasiñuju Dios –yigotiyuju Esteban, ãjarãre.

35 To yicõa, quena gotirũtuasuju:

–Moiséne ñaami, mani ñicua ãna ajirubetir'i. “Yua uju
 me ñaja mu. Rojose yua yisere ãacõñarimasu me ñaja mu”,
 ãre yimasiñujarã mani ñicua. To bajiro ãna yiboajaquene,
 Diojuma, Egiptoju ñamasiriarãre ãnare ãmato varocure yigu,
 yucã zarza vãme cutiu ãjuñaro vatoajure ángel suorine Moisére
 gotimasifñuju Dios. 36 To bajiri ãããñamanire yĩomasifñuju
 Moisés, Egiptoju. To yigajano, mani ñicua ñamasiriarãre ãnare
 ãmato vadimasifñuju. To bajivacu, moa riaga Oco Sũarisa
 vãme cutojure, to yicõari, yucã manojure quene ãããñamanire
 ãnare yĩomasifñuju Moisés. 37 ãne ñamasifñumi ado bajiro mani
 ñicua ñamasiriarãre ãnare gotimasir'i: “Dios mani jacu yure ã
 cõacatore bajirone, gãji ã ocare gotirocure cõarucumi. Dios
 ã cõarocuma, mani yune ñarucumi”, yimasiñuju Moisés mani
 ñicua ñamasiriarãre. 38 Moiséne mani ñicua ñamasiriarã rãca
 gũtau Sina'i vãme cutiu veaju rẽjamasifñuju. ã sũgũne gũtaujure
 mujacõari, ángel rãca ñagõmasifñuju. To ã yijare, ãre ãsimasiñuju,
 Dios ã rotisere, mani jedirone mani ajitirũnu sayarotire.

39 To bajilboarine tire ã gotisere ajirubetimasifñujarã
 ãna, mani ñicua. Tire ajiterã ñari, quena Egiptojure
 tudiarubamasifñujarã ãna. 40 To yicõari Moisés gũtau joeju ã ñatoye
 rĩne, ã gagu Aarón vãme cutigure ado bajiro ãre yimasiñujarã
 ãna: “¿Noju ñati mu bedi, Egipto sitaju mani ñaro manire ãmato
 vadicacuma? Toju ã bajĩnasere masibeaja mani. To bajiri,
 Diore bajiro bajigure mani rucubhococure quenoña mu. ã ãgũ

rāca mani ñajama, manire quēnaruroja ti. No mani varuarore manire ūmato varucami”, yimasiñujarā, Aarón ñamasir'ire. ⁴¹ To yirā ñari, ta vecu macuacare bajigu quēnorujeomasiñujarā ña. To yicōari, vaibucurā ecariarāre siacōari, soeismasiñujarā. To yicōari, basavariquēna codemasiñujarā, ña quēnorujeor'i ta vecu macure bajigu ñagüre rucuborā. ⁴² To bajiri Dios ñare ñatirānu tujacoamasiñuju. Ña bojarore bajiro ña yirujare, ñare matabetimasiniñuju Dios. To bajiri ñocoare, muijure quēne, ñamiagu muijure quēne, yirucubomasiñujarā ña yuja. To bajiri Diore gotirētobosamasir'i, Amós, ado bajiro ñ ucamasire ñajare, bajiyuja ti:

“Israel ñamasir'i jānerabatia, yure ajiya ma: ¿Cuarenta ñaricūmari yucú manojū ñarā, vaibucurā, ma sjarāre yure rucuborā, yure soeisirūgūcati ma?

⁴³ Yure rucubomenane, ma masu ma quēnorujeoriarārene rucubocaju ma. Mojariviaca quēnocaju ma. To yicōari, ti vi jubeaju Moloc vāme cutigure ñre jeocōari gajarūgūcaju ma. Gājire quēne ñocore bajiro bajigure ma quēnorujeor'ire, Refán vāme cutigure ñre rucubocaju ma. To bajiro ma yirūgūcati ñajare, Babilonia sojuaju mare cōarucija y”, yimasiñuju Dios ñare —yiyuju Esteban, ñjarāre gotigu.

⁴⁴ To yicōa, ado bajiro ñare gotirēmoñuju Esteban:

—To bajiri mani ñicua yucú manojū ñarā, cabra vāme cutirā gase rāca ña quēnorivire cuomasiñujarā ña. “Mani rāca ñagūmi Dios” ña yirucuborivi ñamasiniñuju ti vi. Dios, Moisére ñ yūriorore bajirone ti vire quēnorujeomasiñujarā ña. No ña bojaro vana quēne ti vire ñmicoarūgūmasiniñujarā ña. ⁴⁵ Moisés ñ rijato bero, Josué vāme cutigu ñre ñvasoamasiñuju. Moisés rācana ña bajirearo bero, ti vire cuosuyayujarā ña rā, mani ñicua. Ti vire ñmicōari, adi sita Canaán vāme cuti sitajure vadi-masiñujarā ña. To bajiri Dios ñare yirēmoñuju, mani ñicure. Adi sita ñaboariarāre ñare bucōamasiñuju Dios. To ñ yiriaro bero, mani ñicu David ñamasir'i ñ ñaro quēne ñacōamasiñuju ti vi maji, cabra gasene ña quēnorivi. ⁴⁶ David ñamasir'ire quēnaro ñre yimasiñuju Dios. To bajiri Diore variquēnagū ñari, ñ yarā Jacob jānerabatia rāca, ñre ña yirucuboroti vire ñre buabosarūamasiñuju. To ñ yitūoñaboajaquēne, ñre buarotibetimasiniñuju Dios. ⁴⁷ David macu Salomón ñamasir'ijua Diore ñre vi buabosamasiñuju yuja —yiyuju Esteban, ñjarāre gotigu.

⁴⁸ To yicōa, quēna gotirūtuasuju ñ:

—To bajiboarine, masa ña quēnorivire ñabecūmi Dios, Diore ñre gotirētobosamasir'i, ado bajiro ucamasire ñajare:

49 “ ‘Adi macarucuroaye, to yicōari, ò vecaye ñajediro uju ñaja yu. To bajiro bajigu yu ñaboajaquēne, ¿no bajirivi yure buabosaruarāda mua? ¿No bajiriju quēnobosaruarāda yu ususājarotijurema?

50 Yune ñaja ñajediro rujeocacuma’ yami Dios”, yucamasiñumi ire gotirētobosamasi’i —yigotiyuju Esteban.

51 To bajiro ñare yigajano, ado bajiro ñare gotirēmoñuju quēna:

—Dios ocare ajitirānubetirūgūaja mua. “Dios magūmi” yirāre bajiro ñ ocare ajiteaja mua. Mani ñicuaire bajiro Dios ñ cōagū Esp’iritu Santore cudimena ñaja mua. 52 Sīgū, Diore gotirētobosar’i, mua ñicua quēnaro ña yir’i manicoayumi. To bajiri, Cristo rojose yibecare, ñ ejarotire gotiriarāre quēne ñare sīamasiñuma mua ñicua. To yiriarā ñari, cānūribusane “Jesúre ñre sīato” yirā ñre ñaterāre ĩsirocayuja mua. To bajiro mua yijare, ñre sīañuma. 53 Dios ñ rotimasirere cudibetirūgūaja mua, ángel mesa sūori mua ñicua ña gotiecore ti ñaboajaquēne — ujarāre ñare yiyuju Esteban.

Estebanre ñre ña sīare queti

54 Tire ajicōari, yaia guarāre bajiro guji ĩoñujarā ña, Estebanre buto jūnisinirā ñari. 55 To bajiro ñre ña yiboa-jaquēne, Esp’iritu Santo ñ masisere ujar’i ñ ñajare, butobusa ñre ejarēmoñuju Esp’iritu Santo. To bajiri, ò vecaju ĩamuoḡūne, Dios ñ ñasere ĩabujayuju. To bajicōari, ñ riojojacatua ñagūre Jesúre quēne ĩañuju. 56 Tire ĩacōari, ado bajiro ujarāre ñare yiyuju Esteban:

—Īaña mua quēne. Ūmūagasero soje jānacajū. Dios ñ roticōacacū, ñ riojojacatūajure ñaami —yiyuju Esteban.

57 To ñ yijare, quēna ñ tudiñagōrotire ajiterā, ña gāmo gojerire bibeyujarā ña. To yi, ña jediro buto avasācōari, ñre ñiarā ũmarējañujarā ña. 58 To yicōari, ti maca sojūajū ñre vejacoasujarā ña, gūtarine ñre reasīaroana. Toju eja, ña sudi joeayere vejecōari, Saulo vāme catigūre ñre ĩsiñujarā ña, “Tire codebosato” yirā. To yicōari, gūtarine Estebanre ñre reasūovasujarā ña.

59 Gūtane ñre ña reañarone, Jesúre ado bajiro sēniñuju Esteban:

—Jesús, yu uju yu usure bocaāmiña mu —yiyuju Esteban.

60 To yi, gūsomuniari tuetucōari, avasāñuju Esteban:

—Yure rojose ña yisere ñare masirioya mu —Jesúre ñre yisēniñuju Esteban.

To yigajanogūne, rijacoa tūjasuju Esteban.

8

Saulo, Jesúre ajitirānūre rojose ñ yirūḡūre queti

1-3 Estebanre gütane ĩre reasĭariarã rãcagu, ĩna sudire coderine ñaňuju Saulo. “Estebanre ĩre sãacõato”, yitũoĭaňuju ĩ quẽne. Esteban ĩ sãacoro bero, ĩ rujurire ĩacõari, sĭgũari jud'io masa Diore quẽnaro rũcũborã ĩre yujeyujarã ĩna. To yirãne, bũto otiyujarã Estebanre. Tirũmarine Jesũre ajitirũnrãre Jerusalẽnju ñarãre rojose yisũoyujarã ti macana. To bajiri Saulo quẽne, Jesũre ajitirũnrãre cojovi ruyabeto ĩnare macaňuju ĩ. ĩnare bujagune, ãmũare quẽne rõmiare quẽne ĩnare juacõari tubibecũrũgũňuju ĩ. To bajiri ĩna jedirone Jesũre ajitirũnrã, ĩ gotiroticõasũoriarã rãca ñariarã rudiasujarã Judea sitaju, to yicõari, Samaria sitajure quẽne. Jesũs ĩ gotiroticõasũoriarãma Jerusalẽnre vaveobesujarã ĩna.

Jesucristo yere Samaria sitaju Felipe ĩ gotimasiore queti

4 Jerusalẽn macana rudiriarã no ĩna vacudiro cõrone Jesũs yere gotimasiocudiyujarã ĩna. 5 Felipe, Jerusalẽnju ñar'i, Samaria sita ñarimacajure vasuju. Toju ejacõari, “Rotimũorũgõrũcamĩ” yigu Dios ĩ cõar'i Jesũs yere ĩnare gotimasioňuju Felipe. 6 Jãjarã masa rẽjaňujarã, ĩ gotisere ajirũarã ñari. To bajicõari, ĩaňaňamanire ĩ yĩosere ĩaňujarã ĩna. To bajicõari ĩ gotimasiosere quẽnaro ajiyujarã ĩna. 7 To ĩna bajirone jãjarã masa usũrijure sãñarãre vãtiare bureayuju Felipe. ĩnare ĩ bureajare, bũto avasãbudivasujarã ĩna vãtia. Jãjarã rijarãre quẽne catioyuju ĩ. Micarãre, rujasagueri vanare quẽne quẽnoejarotiyuju ĩ. 8 To bajiri ti macana bũto variquẽnaňujarã ĩna.

9-11 Ti macajure Simõn vãme cũtigu ñaňuju. Cojo cũma me ĩ masisere yĩoňuju ĩ. “Gãjerã rẽtoro masigũ ñaja yũ” yigu, ĩaňaňamani yĩorũgũňuju ĩ. To bajiro yigu ñari, “Yũ ñaja ñamasugũma”, yiyuju ĩ, masare. To ĩ yise ñajare, sĭgũ ruyariaro mano ĩre ajiyujarã. Bũcũarã quẽne, rĩamasa quẽne jediro quẽnaro ĩre ajiyujarã ĩna. “Diore bajiro masiamĩ”, ĩre yirũcũborũgũňujarã ĩna. 12 To yiriarã ñaboarine, Jesucristo ĩ rijabosare sũorine ĩre ajitirũnrãre, “Yũ yarã ñaja” Dios ĩ yĩavariquẽnasere gotiyuju Felipe. Tire ajicõari, Jesũre ĩre ajitirũnrãňujarã ãmũa, rõmia quẽne. To yicõari, oco rãca Felipere ĩre bautizarotiyujarã, “Jesũre ajitirũnrãja” yirã. 13 Simõn quẽne, Jesũs yere ajitirũnrãňuju ĩ. To yicõari, oco rãca bautizarotiyuju ĩ quẽne. To ĩ yiro bero, Felipere baba cũtisũoyuju. To yicõari ĩaňaňamanire Dios ĩ masise rãca Felipe yĩosere ĩacõari, no yimasibesuju Simõn, ti ũnire ĩabetirũgũr'i ñari.

14 Jesũs gotiroticõasũoriarã Jerusalẽnju ñarã, “Samaria sitana jãjarã Dios ocare ajitirũnrãňujarã” yire quetire ajiyujarã ĩna. To bajiri, Samariajure cõaňujarã ĩna, Pedrore, to yicõari, Juanre quẽne. 15-16 To bajiri, Samaria sitajure ejacõari, Diore ĩnare sẽnibosayujarã ĩna, toana Jesũre ajitirũnrãsũorãre. Oco rãca

bautizarotiriarã ñna ñaboajaquêne, Dios ï cõagũ Esp'iritu Santo ñnare ejabesuju maji. To bajiri, “Esp'iritu Santo ñnare ejato” yirã, Diore sēniñujarã ñna. ¹⁷ To yicõari, Pedro, Juan rãca, Diore sēnicõari Jesúre ajitirũnũsũorãre ñna ãmori rãca ñnare ñujeoyujarã ñna. To cõroju Esp'iritu Santo ejayuju, ñnare.

¹⁸⁻¹⁹ Ñna ãmori rãca ñna ñujeorore Esp'iritu Santo ï ejasere ñañuju Simón. Tire ñacõari ñnare gãjoa ñsirũ, ado bajiro yiyuju Simón:

—Gãjerãre yũ ãmo ñujeorone Esp'iritu Santo ï ejarotire bojaja yũ quêne —ñnare yiyuju Simón.

²⁰ To bajiro ï yisere ajicõari, ado bajiro ñre cãdiyuju Pedro:

—Vaja mani Dios ï cõasere, “Vaja yire ñaroja ti”, yitũoĩaboaja mũ. To bajiro yitũoĩagũ ñari, mũ gãjoa rãcane bajirocacoarũcũja mũ. ²¹ Rojose mũ tũoĩasere masiami Dios. To bajiri, Esp'iritu Santore mũre cõabetirũcũmi Dios. ²²⁻²³ Mũ tũoĩasere ñamasicõaja yũ. Rojose rĩne tũoĩagũ ñaja mũ. To bajiri, rojose mũ tũoĩasere yitũjaya. To yicõari, Diore sēniña mũ, “Rojose yũ yisere masiri-oya” yigũ —yiyuju Pedro.

²⁴ To bajiro ï yisere ajicõari, ado bajiro ñre cãdiyuju Simón:

—Diore sēnibosaya mũa, yũre. Mũa gotisere bajiro yũre ti bajirotire bojabeaja yũ —yiyuju Simón.

²⁵ To ï yiro bero, Jesús ï yirere ñna ñarere, to yicõari, ï gotimasiorere ti macanare gotiyujarã. Ñnare gotimasio gajanocõari, Jerusalénju tudianane Samaria sita ñarimacarianare Jesús ye quēnasere ñnare gotimasioñujarã ñna.

Etiop'ia sitagũre Felipe, oco rãca ï bautizare queti

²⁶ To ñna bajiñarone, Felipere ado bajiro ñre yiyuju ángel:

—Jerusalénju vasa. To ejacõari, Gaza vãme cãti maca vati maare vaja mũ. Yucũ manojũ ñavati maa ñaja ti maama —yiyuju ángel, Felipere.

²⁷ To bajiri Felipe vacoasuju, ángel ï gotiriarore bajirone. Maa vacũ, Etiop'ia sitana ujore gãjoa codebosarimasũre ñre ñañuju Felipe. Jerusalénju Diore ñre rũcũbuogũ ejar'i, tudiacũ bajiyuju ï. ²⁸ Caballo ï tãa vaticoroju sãñacõari, Diore gotirẽtobosamasir'i, Isa'ias ï ucamasirere buesãñañuju ï.

²⁹ To bajiri, ado bajiro yiyuju Esp'iritu Santo, Felipere:

—Ñ tũbũsa vacõari, ñre baba cãti vasa mũ —yiyuju, Felipere.

³⁰ To bajiri ï tũ vaejacõari, ajiyuju, Diore gotirẽtobosamasir'i Isa'ias ï ucamasirere ï buesere ajiyuju Felipe. Tire ajicõari,

—¿Mũ buesere ajimasiati mũ? —yiyuju Felipe, Etiop'iaũre.

³¹ To ï yirone:

—“To bajiro yirũaro yaja”, yiajimasibeaja yũ, ñimũ yũre ï gotiro cõro —yiyuju ï, Felipere. To yigũne, —Yũ tũ vasãjagũaya —yiyuju Etiop'iaũ.

³² Dios ocare Isa'ias ñamasir'i ĩ ucamasirere ĩ buere ado bajiro yiyuju ti:

“Ovejare s̄aroana ĩre ñiac̄ari ĩna jiatore bajiro ĩre yiruar̄ama ĩna. To bajiri, ovejare ĩna joa suaro ĩ avas̄abetore bajiro yiḡu, rojose ĩre ĩna yiboajaqūene, ñaḡobetiruc̄ami.

³³ Masa ĩna ĩaro r̄ijoro bojoneose yiecoruc̄ami. Rojose ĩ yibetiboajaqūene, ‘Rojose yiḡu me ñaami’ ĩre yibosaḡu maniruc̄ami. To bajiri, ĩ s̄iac̄oro bero, ‘Ĭ jānerabatia ñaama’ yimasiña manir̄aroja”, yucamasire ñañuju, Etiop'iağ̄u ĩ buere.

³⁴ To bajiri,

—Yure gotiya m̄u. Ñimure yiro yati, to bajiro ti yijama. ¿Ĭ masune ĩ bajiro tire t̄uoñac̄ari yiyujari? ¿Ḡaji ĩ bajiro tire yiḡu, ucamasiñujari que ĩ? —yiyuju Etiop'iağ̄u, Felipere.

³⁵ To ĩ yijare, Isa'ias ĩ ucamasirere ĩre ĩagotiḡune, ado bajiro ĩre gotiyuju Felipe:

—Isa'ias ñamasir'i to bajiro ĩ ucajama, Jesús ĩ bajiro tirene yiḡu yimasiñumi —ĩre yigotiyuju Felipe. To yic̄ari, Jesús ĩ bajir̄arere ĩre gotimasiñuju yuja.

³⁶ To yi vana r̄ine, maa t̄u utabuc̄ara ejayujar̄a ĩna. To eja,

—Ĭaña, ado ñaja oco. ¿Yuc̄une, oco r̄aca yure bautizar̄abeati m̄u? —yiyuju Etiop'iağ̄u, Felipere.

³⁷ To ĩ yirone, ado bajiro ĩre yiyuju Felipe:

—“ ‘Jesúne ñaami Dios mac̄u, rotim̄or̄uḡoroc̄u’ yiḡu ĩ c̄ar'i” m̄u yijama, oco r̄aca m̄ure bautizar̄uc̄aja yu —ĩre yiyuju Felipe.

To ĩ yirone, ado bajiro ĩre c̄adiyuju Etiop'iağ̄u:

—To bajirone bojaja. Jesúne ñaami Dios mac̄u, rotim̄or̄uḡoroc̄u yiḡu ĩ c̄ar'i, yaja yu —yiyuju Etiop'iağ̄u.

³⁸ To yi, utabuc̄ara t̄uj̄u tujayujar̄a. To bajic̄ari, ũmato rojasuju, oco r̄aca Etiop'iağ̄ure ĩre bautizaḡuac̄u. ³⁹ ĩre bautiza gajano, ĩna majar̄uḡarone, ñaro t̄usarone ruyubetiboarine Esp'iritu Santo ĩre ãmicoasuju, Felipere. To bajiri ĩre ĩabetic̄a t̄uj̄asuju Etiop'iağ̄u. To bajiboajaqūene, qūenaro variqūena vasuju ĩ Etiop'iağ̄u. ⁴⁰ Felipej̄ama, “To bajiro bajir̄iaja” yiri mene, Azoto v̄ame c̄ati macaj̄u ejayuju. Toj̄u ñac̄ari, cojo maca r̄ayabeto Jesús ĩ bajirere masare gotimasiocudiyuju ĩ. Goticudiḡu r̄ine, Cesarea v̄ame ti macaj̄ure ejacoasuju ĩ Felipe.

9

Saulo, t̄uoñavasoac̄ari, Jesúre ĩ ajitir̄un̄are queti
(Hch 22.6-16; 26.12-18)

¹ Saulo ñañuju. Jesúre ajitir̄un̄ar̄e s̄iar̄u, b̄ato ĩnare ĩaj̄un̄isinir̄uḡuñuju maji. To bajiri, paia ūj̄u ñamasuḡure s̄eniḡu vasuju. ² Damasco v̄ame c̄ati maca ñarivi, Dios ocare ĩna buerivirij̄u Jesúre ajitir̄un̄ar̄e macaḡu var̄u, papera s̄eniñuju:

—Īnare yu ĩabujaro cōrone ũmũare, rōmiare quēne, juadirucija yu, Jerusalénju ĩnare tubibecũru —yiyuju Saulo, paia uju ĩnamasugũre sēnigũ.

³ Īre sēnigajano, vasuju ĩ. Maa ĩ vato rĩne Damasco macaju ĩ cōñatone, ñaro tũsarone vecaju bũto caje mose busurujiayuju ti. ⁴ To bajiro ti bajijare, quedirocacũcoasuju Saulo. ĩ quedirocacũatone, ado bajiro ocaruyuyuju ti:

—Saulo, Saulo, ¿no yigu rojose yũre yisũyarũgũati mu? —yi ocaruyuyuju, õ vecaju.

⁵ To bajiro ti yirone,

—¿Ñimũ ũgũ ñacõari, to bajise yũre yati mu? —yiyuju Saulo.

To ĩ yirone,

—Yũne ñaja, Jesús, rojose mu yisũyarũgũgũne —ĩre yiyuju Jesús. ⁶ To bajiro ĩre yicõa, —Damascoju vasa mu. To mu ejaro, “Ado bajiro yiya”, mũre yĩuarãma —Saulore yiyuju Jesús.

⁷ Saulo rãca vana, masa maniboarine, to bajiro yi ocaruyusere ajicõari, no yimasibesujarã ĩna. ⁸ To ti bajiro bero, vãmũrũgũcõari, ĩarũaboayuju Saulo. ĩ caje ruyubesuju. To ĩ bajijare, ĩ babarã Damascoju vana ĩre tũa vasujarã ĩna. ⁹ Damascoju ejacõari, idiarũmũ ĩabeti, babeti, idibeti, bajiñañuju Saulo.

¹⁰ Damascojare Jesũre ajitirũnũgũ ñañuju ĩ, Anan'ias vãme cutigu. ĩre ruyuañocõari:

—Anan'ias —ĩre yiyuju Jesús.

—Adone ñaja yu —yiyuju Anan'ias.

¹¹ To ĩ yirone,

—Vasa Riojo vãme cuti maajũre. Ti maa vacũne, Judas vãme cutigu ya vire ejarucija mu. Toju ejacõari, “¿Adone ñati Saulo, Tarso vãme cuti macagu?”, ĩre yiba mu. Yucũrema yũre sēnigũ yami Saulo. ¹² Jẽre ĩre ĩomu yu, ĩ tũju mu ejarotire. To bajiri ĩ tũ sãjaejacõari mu ãmo ñujeorucija mu, “Quēna tudĩato” yigu —Anan'iare yiyuju Jesús.

¹³ Tire ajicõari, ado bajiro yiyuju Anan'ias:

—Bũto queti ajirũgũaja yu, Diore ajitirũnũrãre Jerusalénju ñarãre rojose ĩ yirũgũrere. ¹⁴ Yũare mũre rũcũbũorãre tubiberũ, ejarimi —Jesũre ĩre yiyuju Anan'ias.

¹⁵ To ĩ yise ñajare, ado bajiro Anan'iare gotiyuju Jesús:

—Yũ ocare masare gotimasiorecu yigu, ĩre cũmu yu, Saulore. Ũjarãre, jud'io masare quēne, jud'io masa mere quēne gotimasiorecumi. ¹⁶ To bajiri, “Yũre gotimasiobosagu ñari, rojose tãmũorucija mu”, ĩre yirucija yu —Anan'iare ĩre yiyuju Jesús.

¹⁷ To ĩ yijare, vacoasuju Anan'ias. Vijũ sãjaejacõari, ĩ ãmo ñujeoyuju, Saulore. To yigũne,

—Yũ rãcagu, ajiya mu. Jesús mani ujũ, mu vado, mure ruyuañorine yũre cõami, “Quẽna tudi caje ãato” yigũ. “Dios ã cõagũ Esp'iritu Santo mure ejato” yigũ yũre cõami —Saulore ãre yiyuju Anan'ias.

¹⁸ To ã yirone, rujarũtorori ã cajearijũre ñase jãnevẽjañuju, Saulore. To ti bajirone quẽna tudiãacoasuju Saulo. To bajisere ãacõari, vũmurũgũcõari, oco rãca ãre bautizarotiyuju Saulo, “Jesũre ajitirũnũgũ ñaja yũ” yigũ. ¹⁹ To ã yiro bero, bacõari, ruju tũmacoasuju Saulo quẽna. To bajiri yoarobũsa ñañuju Saulo, Jesũre ajitirũnrã rãca, Damascoju.

Saulo, Jesús yere Damascoju ã gotimasiosũore queti

²⁰ Bero, Dios ocare ãna bueriviju sãjaejacõari, “Dios macũ ñaami Jesús”, ãnare yigotimasioñuju Saulo. ²¹ To ã yisere ajicõari, no yimasibesujarã ãna, ñajediro:

—Ãni Saulo, ¿Jerusalénju Jesũre ajitirũnrãre ãnare sãar'i me ñati? To yicõari, ¿Jesũre ajitirũnrãre ñejerũ me adojũre vayujari ã? ¿Ãnare ñejeccõari, paia ujarãre ãsibequãda ã? —yiyujarã masa.

²² To bajiro ãna yitũoãboajaquẽne, tocãrãcarũmu jãjarãbũsa, Jesũre ajitirũnũujarã ãna, Saulore ajicõari. “Socũ me yaja yũ. Jesũne ñaami, ‘Rotũorũgõrucũmi’ yigũ Dios ã cõar'i”, yiyuju Saulo. Quẽnaro ã gotise ñajare, no bajiro yimasibesujarã ãna, jud'io masa Jesũre ãre ajimena.

Jud'io masa, Saulore ãre ãna sãarũajare, ã rudire queti

²³ To bajiri Damascoju, Saulo ã gotiñasere ãacõari, “Ãre sãaroti ñaja manire”, yitũoãñujarã ãna, jud'io masa Jesũre ãre ajitirũnũmena. ²⁴ To bajiri ãre ãna sãarũasere ajiyuju Saulo. Ñami, ãmũa quẽne ãre sãarũarã, quearũgũñujarã ãna maca budiriasojeri tũjũre. ²⁵ ãre ãna sãarũaboajaquẽne, Saulo Jesús yere ã gotimasiosere ajitirũnrã ãre ejarẽmoñujarã, “Rudiajaro” yirã. Ñami, maca matariacũni veca ñarisojeju, jibũ jairijibũne sãcõari, ticũni sũyarojuaju ãre rujiocõañujarã. To bajiro ãna yijare, rudicoasuju Saulo.

Jerusalénju Saulo ã bajire queti

²⁶ Rudiva, Jerusalénju ejacoasuju ã. Tojũre ejacõari, Jesũre ajitirũnrã rãca rẽjarũboayuju ã. “Jesũre ãre ajitirũnũgũ me ñagũmi Saulo” yitũoãrã ñari, bũto ãre gũiyujarã ãna. ²⁷ To ãna bajiboajaquẽne, Bernabé vãme cutigũ, Saulore ãre ejarẽmoñuju ã.

—Vayá. Jesús ã gotiroticõasũoriarãre ãnare ñagõto mani —Saulore ãre yiyuju Bernabé.

To yi, ãna tũju ejacõari, ado bajiro Saulo ã bajirere ãnare gotiyuju Bernabé:

—Ānīre Saulore maaju ī vatone īre ruyuañoñuju Jesús. Īre ruyuañočōari īre ñagōñuju ī. To ī yiro bero, Damasco vāme cūti macanare güibecune Jesús ī bajirere gotimasioñuju —īnare yiyuju Bernabé, Jesús ī gotiroticōasūoriarāre.

²⁸ To ī yisere ajicōari, “Mani rācagu ñaami Saulo”, īre yitūoīañujarā īna yuja. To īna yijare, Jerusalénju īna rāca ñacōañuju Saulo. To bajiro bajigu rīne güiri mene Jerusalén macanare Jesús ī bajirere īnare goticudiyuju ī. ²⁹ Jud'io masa ñaboarine griego oca ñagōrā quēne ñañujarā. To bajiri, Saulo rāca ñagōboanane, oca josayujarā. To yirāne, īre sīarūayujarā īna. ³⁰ Īre īna sīarūasere ajicōari, Cesarea vāme cūti macaju Saulore īre āmicoasujarā ī rācana. Īre āmiejacōari, ī ya macaju Tarso vāme cūti macajure cōacōañujarā īna.

³¹ Tirodore Judea, Samaria, Galilea sitana quēne Jesúre ajitirānūrā rojose tāmūobesujarā. Dios ī cōagū Esp'iritu Santo īnare ī ejarēmose rāca Jesús ocare butobusa ajivariquēnarūtusujarā īna, Jesúre ajitirānūrā. To bajiri jājarābūsa ñarūtusujarā īna, Dīore quēnaro cūdirā.

Micagūre Pedro ī catioe queti

³² To bajiri Jesús ī gotiroticōasūoriarā rācagu Pedro vāme cūtigū, Jesúre ajitirānūrāre ĩacudigu, Lida vāme cūti macaju, ejayuju Pedro. ³³ Toju ejacōari, micagūre Eneas vāme cūtigūre īre ĩabūjayuju ī. Cojomo cōro idia jēnituario rāca cūmari ī cāñiesarioju jesacōarūgūñuju ī. ³⁴ Īre ĩabūjacōari, ado bajiro īre yiyuju Pedro:

—Ajīya mū. Jesucristo mūre catioami. To bajiri vāmūrūgūñā. To bajicōari mū cāñiesariore quēnocūñā mū —yiyuju Pedro.

To bajiro ī yirone, micagū ñaboar'i vāmūrūgūñuju ī. ³⁵ Ī bajisere ĩañujarā Lida vāme cūti macana, to yicōari, Sarón vāme cūti macana quēne. Tire ĩacōari, Jesúre īre ajitirānūñujarā īna jediro.

Rijarioe Pedro ī catioe queti

³⁶ Tirāmūri Jope vāme cūti macaju Tabita vāme cūtigo ñañuju so. Jesúre īre ajitirānūgō ñañuju. Griego ocarema, Dorcas vāme cūtigo ñañuju. Quēnase yigo ñañuju so. Maioro bajirāre quēnaro yirēmōrūgūñuju. ³⁷ To bajiro yicudiboacone, bajirocacoasuju so. To bajiri so yarā so bajirocato ĩacōari, rijariarāre īna yirūgūriarore bajiro sore īna yujeroto rījoro, so rujure coecōari, vecaga sōaju sore cūñujarā īna. ³⁸ Jope vāme cūti maca tūne ñañuju Lida vāme cūti maca. To bajiri, Lida macaju Pedro ī ñasere ajiyujarā Jope macana, Jesúre ajitirānūrā. Tire ajicōari, juarā, Pedrore “Īre jirā vajaro” yirā īnare cōañujarā īna. To bajiro īna yicōariarā, ī taju ejacōari, ado bajiro īre yiyujarā īna:

—Yūa rāca guaro vayā —īre yiyujarā īna.

³⁹ To ña yisere ajicōari, ña rāca vacoasuju Pedro. Toju ejacōari, Dorcas bajirocario so ñarisōajure ñe jim̄ocōañujarā ña. Jājarā manajua rijaveoriarā otiñañujarā ña, so ruju ture. To ña yiñarone, Pedro ñ evaro ñacōari, ñ tujure gānibiarūgūcoasujarā rōmia, ñe gotiruarā:

—Ñaña m̄. Dorcas ñaboario so bajirocaroto r̄joro jairo sudi yuare tiaisiboacamo —yirāne, Pedrore ñe juañoñujarā ña.

⁴⁰ To ña yirone,

—Adi sōare vijagocoasa maji —ñare yiyuju Pedro.

To yigajanocōari, ḡsomuniari tuetucōari, Diore sēniñuju Pedro. Diore sēnigajanocōari, rijariore judarūgū ñañuju. Judarūgū ñacōari:

—Tabita, v̄m̄arūjuña m̄ —sore yiyuju Pedro.

To ñ yisere ajicōari, tudicaticoasuju so. To bajigo ñari, Pedrore ñacōari v̄m̄arūjuñuju so. ⁴¹ To so bajirone, so ãmore ñiacōari sore t̄av̄m̄oñuju Pedro. To yicōari, ti sōare vijagoriarāre ñare jājarotiyuju quēna:

—Quēna so tudicatisere ñarā vayá m̄a —ñare yiyuju Pedro, manajua rijaveoriarāre, ḡajerā Jesúre ajitir̄an̄arāre quēne.

⁴² To bajiri, quēna so tudicatirere ajiyujarā toana Jope v̄ame cuti macana ñajediro. Tire ajicōari, jājarā ñañujarā “Jesús ñ masise rāca yiyumi Pedro” yirā ñari, “Jesúre ajitir̄an̄arā ñato mani quēne” yirā. ⁴³ To bajiro ñ yiro bero, yoaro Jopeju ñacudiyuju Pedro, vaib̄c̄arā gasene sudi, to yicōari vasojoari quēnorimas̄, Simón v̄ame cutigu tujure.

10

Cornelio tuj̄ Pedro ñ vare queti

¹ To bajiri Cesarea v̄ame cuti macajure, Cornelio v̄ame cutigu ñañuju ñ. Surara mesare coderā ñju ñañuju romano mas̄. Italia sitana surara ñju ñañuju ñ. To bajiri cojomo cōro masa cōro ñarāre rotigu ñañuju ñ. ² Jud'io mas̄ me ñaboarine, quēnaro Diore ñe r̄uc̄b̄uoyuju, ñ ya viana rāca. Jud'io masare maioro bajirāre quēnaro ñare yir̄em̄orūgūñuju ñ. Tocārācar̄m̄ane Diore ñe sēnirūgūñuju. ³ To bajiri cojor̄m̄ ñamicajua tusato, ángel ñe ruyuañoñuju, Corneliore.

Quēnaro ñe ñamasucōañuju Cornelio. ñ tujure s̄ajaejacōari,
—¡Cornelio! —ñe yiyuju ángel.

⁴ To ñ yiboajaquēne, ñe cudibesuju maji. ñe gūigu ñari, ñe ñacōa ñañuju Cornelio. To bajigune,

—¿Ñie bojati m̄? —ñe yiyuju Cornelio.

To ñ yirone,

—Diore ñe m̄ sēnisere ajivariquēnarūgūami. Maioro bajirāre m̄ ejar̄emosere quēne ñavariquēnarūgūami. To bajiri m̄re quēnaro yiḡaḡ yami. ⁵ To bajiri, Jope v̄ame cuti macajure

ñaami Simón Pedro vāme cutigu. Īre jirā varonare ĩnare cōaña m̄. ⁶ Gāji Simón vaib̄c̄urā gasene sudi, to yicōari vasojoari quēnorimas̄ ya vijure ñaami Simón Pedro, utab̄c̄ura tuj̄m̄ ñarivire —Īre yiyuju ángel, Corneliore.

⁷ To yigajanocōari, ĩre vaveocoasuju ángel. Ī vato bero, j̄uarā ĩre moabosarimasare to yicōari, ĩ surarare quēnaro Diore ajir̄c̄ub̄oḡure quēne ĩre jiyuju Cornelio. ⁸ ĩnare jicōari, ángel ĩre ĩ gotirere ĩnare gotiyuju. To yigajanocōari, Jope macaj̄m̄ ĩnare varotiyuju.

⁹ To ĩ yicōariarā, gajer̄m̄m̄ ūm̄urecaji ñaro Jope maca t̄u t̄asasujarā ĩna. To ĩna bajirone, vi riyo t̄unaj̄m̄ m̄j̄acōari, Diore ĩre sēniñuju Pedro. ¹⁰ Yoaro Diore sēniñaḡũ ñari, ñiorijacoasuju. To bajiri gājerāre ĩre ĩna bare quēnobosañasere yuyuju ĩ. To ĩ bajiñarone, ado bajise ĩre ruyuañoñuju Pedroro: ¹¹ Ō vecaj̄m̄ ūm̄agasero soje j̄anacoasuju ti. To bajicōari, sudij̄ai jairij̄ai j̄uajacat̄ua gaja ñiacōari yorujiocōariarore bajiro rujiayuju ti. Rujiadi, ĩ tuj̄m̄ ejayuju. ¹² Toj̄ure ñañujarā vaib̄c̄urā jediro. Jēnirā, v̄urā, āña quēne, ñajediro ñañujarā ĩna. ¹³ ĩ tuj̄m̄ ti ejaro, ado bajiro yi ocaruyuyuju ō vecaj̄m̄, Pedroro:

—V̄m̄r̄ḡũña m̄. ĩnare s̄iacōari, baya —ĩre yi ocaruyuyuju.

¹⁴ Tire ajicōari ado bajiro yiyuju Pedro:

—Babeaja ȳ. Rēoriarāre divatoj̄uane baīabeticaj̄m̄ ȳ —boca yicōañuju Pedro.

¹⁵ To ĩ yirone, quēna ocaruyuyuju:

—“Rēore ñaja”, yibesa. “Baya” Dios ĩ yisema, quēnase ñaja —yi ocaruyuyuju.

¹⁶ Idiajij̄m̄ ĩre bajiñocoasuju ti. To baji, tudim̄j̄acoasujarā. ¹⁷ Tire ĩacōari, “¿Ñie ūni yare bajiati ti?”, yit̄oĩañuju Pedro. To ĩ yin̄arone, Simón vaib̄c̄urā gasene sudi, to yicōari vasojoari quēnorimas̄ ĩ ñarij̄ure gājerāre sēniñacōari ĩ ya vi soje t̄ure ejayujarā Cornelio ĩ cōariarā. ¹⁸ Ejacōari,

—¿Adi vire Simón Pedro vāme cutigu ñati? —yiyujarā ĩna.

¹⁹ Pedro ĩ ĩasere ĩ t̄oĩañarone, ado bajiro ĩre gotiyuju Esp'iritu Santo:

—Idiarā ūm̄ua m̄ure macarā ejama. ²⁰ V̄m̄r̄ḡũcōari, ĩnare ĩaḡũ rujiasa m̄. T̄oĩarejaibec̄une vasa, ȳ cōarā ĩna ñajare —Pedroro ĩre yiyuju Esp'iritu Santo.

²¹ To bajiri, ĩna t̄ure rujiacōari,

—Ȳne ñaja m̄ua macaḡũ. ¿No bajiro yirā vadi m̄ua? —ĩnare yiyuju ĩ.

²² To bajiro ĩ yisere ajicōari, ado bajiro Pedroro gotiyujarā ĩna:

—Ȳna ūj̄m̄ Cornelio ȳnare cōami. Surara ūj̄m̄ ñaami. Quēnaro Diore ajir̄c̄ub̄oami. “Quēnase yiḡm̄ ñaami”, ĩre yama jud'io masa jediro. To bajiri ado bajiro ĩre gotiyuju ángel: “Cornelio

ajiya mu. Simón Pedrore jiaya mu. To yicōari ī gotisere quēnaro ajiba mu”, yua ujare ĩre yiyuju ángel –yiyujarā Cornelio ī cōariarā, Simón Pedrore.

²³ To ĩna yisere ajicōari, ado bajiro ĩnare yiyuju Pedro:

–Ado sājaaya maji. Rāioato yaja. Yū tū cāniña maji –ĩnare yiyuju Pedro.

To yī, gajerāmū ĩna rāca vasuju yuja. Sīgūri Jopeana Jesúre ajitirūnarā, ĩ rāca vasujarā, ĩre baba cuti vana.

²⁴ To bajiri gajerāmū, Cesarea vāme cuti macajū ejayujarā ĩna. ĩna ejaroto rījoro, ĩ yarāre, to yicōari, ĩ babarāre quēne ĩnare jirēoñuju Cornelio, “Simón Pedro ĩ gotisere ajito mani” yigū. ²⁵ To baji, vi tujū ĩna ejarone, Pedrore bocaāmirū budiasuju Cornelio. ĩre bocacōari, gūsomuniari tuetuyuju, Pedrore rācūbuogu. ²⁶ To ĩ yijare,

–Vūmūrūgūñā mu. Mūre bajirone masū ñaja yū quēne –Corneliore ĩre yiyuju Pedro.

²⁷ To yī, gāmerā ñagōrāne vījū sājacoasujarā yuja. Sājaejacōari, jājarā ejacōari, bajiñarāre ĩnare ĩañuju Pedro.

²⁸ ĩnare ĩacōari, ado bajiro gotiyuju ĩ:

–Yua jud'io masa, gājerā masa ya vire yua sājajama, to yicōari, no bojarijū gājerā masa rāca yua vūsajama, yua ujarā ĩna rotisere cūdimena yirāja yua. Tire ajiriarāja mūa. To bajiro ti bajiboajaquēne, Dioma ado bajiro yūre yimasimi: “‘Quēnaja’ yū yisema quēnase ñaja. ‘Rēore ñaja’ yibesamū”, yūre yimasimi Dios. To bajiri, “Jud'io masū ñaboarine gājerā masa rāca yū ñajama, quēnacōaja ti”, yimasijaja yū yuja. ²⁹ To bajiri mūa ocare ajicōari, tūōiarejaibecūne vabū yū. To bajiri, ¿no bajiro yato yirā, yūre bojacōari mūa? –ĩnare yiyuju Pedro.

³⁰ To ĩ yisere ajicōari, ado bajiro ĩre cūdiyuju Cornelio:

–Cānū babarirāmū rījoroagarāmū, ñamicajūa, ado cōro muiju ĩ tūsatone Diore sēniñamasimū yū. ĩre yū sēniñarone, sudi būto botise sāñacōari, yūre ruyuarūgūmasimi ángel.

³¹ Ruyuarūgūcōari, ado bajiro yūre gotimasimi: “Diore ĩre mū sēnisere ajivariquēnarūgūami. Maioro bajirāre mū ejarēmosere quēne ĩvvariquēnarūgūami. To bajiri mūre quēnaro yigūagu yami. ³² To bajiri, Jope macajū Simón Pedro vāme cutigūre jiaya. Gāji Simón, vaibūcūrā gasene sudi, to yicōari vasojoari quēnorimasū ya vijure ñaami, utabūcūra tujū ñarivire”, yūre yimasimi ángel. ³³ To ĩ yijare, guaro mūre jicōamasimū yū. Quēnaro vayuja mu. Ado mū ejajare, variquēnaja yua. Adojure Dios ĩ ĩaro rējamū yua, ñajediro mūre ĩ gotirotirere ajirūarā –Pedrore ĩre yiyuju Cornelio.

Cornelio rācanare Pedro ĩ gotire queti

³⁴ To bajiro ĩ yisere ajicōari, ado bajiro gotiyuju Pedro yuja:

—Ajimasiaja yu yuja. Gãjerã masare ï mairo rëtoro jud'io masare maigũ me ñaami Dios. ³⁵ No bojarãre Diore mani rñcubhojama, quënaró mani yijama, cojoro cõrone manire ïavariquënaami Dios. ³⁶ Dios ï ejarëmose rãca yua yarã Israel ñamasir'i jãnerabatiare ïnare gotimasiorũgũaja yua, ñajediro uju Jesucristo suorine Diorãca quënaró ïna ñaroti quetire. ³⁷⁻³⁸ Jesús, Nazaret vãme cuti macagu ï bajirere masirãja mña. Galilea vãme cuti sitaju oco rãca Juan ïre ï bautizariaro bero, Esp'iritu Santore, to yicõari, ï masisere Jesúre cõañumi Dios. To bajiro ï yicõar'i ñari, masare quënaró yicudicami, Galilea sitanare, to yicõari Judea sitanare quëne. ïna usurijure vãtia sãñarãre, vãtiare ïnare bureacudicami. Tire masirãja mña. ³⁹ Ti jedirore ïacaju yua Jesús ï gotiroticõasucocana, Jerusalén vãme cuti macaju yicatire quëne. To bajiro ï yiro bero, Jerusalénju yucútëroju ïre jajusãcama ïna. ⁴⁰ To bajiro ïre ïna yiboajaquëne, idiarãmu tusatirãmune, ïre catiocõari, “ïnare ruyuaõña”, Jesúre ïre yiyumi Dios. ⁴¹ Jediro masa mere Jesúre ïre ruyuaãorotiyumi. Rëmojne Jesús ï bajicatire gotirona ï cücana yua ñajare, “ïre catioyumi Dios” yua yimasirotire yigu, ïre ruyuaãorotiyumi. To bajiri, Jesús ï tudicatiro bero, ï rãca ba, idi, yicaju yua. ⁴² “Catirãre, bajireariarãre quëne ïna yisere ïacõiarocure Jesúre ïre cũñumi Dios”, yuare yigoticudiroticami Jesús. ⁴³ Diore gotirëtobosamasiriarã ïna ñaro cõrone Jesús ï bajirotire ucamasiñujarã ïna. To bajiro yirã ñari, no bojarãre, Jesúre ajitirãnarãre, rojose ïna yisere Dios ï masiriorotire ucamasiñujarã —yiyuju Pedro.

Dios ï cõagũ Esp'iritu Santo jud'io masa mere ïnare ï ejasucore

⁴⁴ ïnare ï gotimasio ñarone, Dios ï cõagũ Esp'iritu Santo ïnare ejayuju ï. ⁴⁵⁻⁴⁶ To ï bajirone, ricatiri rñne oca ñagõsucoyujarã ïna, quënase Diore yirñcubhorã. Tire ïacõari, “Jud'io masa mere quëne ejaami Dios ï cõagũ Esp'iritu Santo” yirã ñari, no yimasibesujarã Pedro rãca ejariarã jud'io masa. ⁴⁷ To bajiri, ï rãcanare ado bajiro ïnare gotiyuju Pedro:

—Yure ajiya yu yarã. Esp'iritu Santo, manire ï ejacatore bajirone ïnare quëne ï ejajare, ¿mani rãcagu nijuane, “Oco rãca ïnare bautizabeticõato” yigu magũmi? —ïnare yiyuju Pedro. ⁴⁸ To yicõari, —“Jesús suorine Dios yarã ñaama” yirã, oco rãca ïnare bautizaya mña —ï rãcanare ïnare yiyuju Pedro.

To bajiri, ïna bautiza ecoro bero, “Vabesa maji. Yua rãca ñacõaña”, Pedrore ïre yiyujarã Cornelio rãcana.

11

Jerusalén macana Jesúre ajitirãnarãre Pedro ï gotire queti

¹ To bajiri Jesús ĩ gotiroticōasuariorã, gãjerã ĩre ajitirũnurã Judea sitanajũa, “Jud'io masa me ñaboarine, Jesũre ajitirũnũñujarã” yire quetire ajiyujarã ĩna. ²⁻³ To bajiri, Jerusalénjũ Pedro ĩ tudiejaro, ado bajiro ĩre sēniãñujarã ĩna:

—¿No yigũ jud'io masa vi me ti ñaboajaquẽne, sãjacati mũ? To bajicōari, ¿no yigũ ĩna rãca bacati mũ? —yiyujarã, Pedrore.

⁴⁻⁵ To bajiro ĩre ĩna yijare, ado bajiro riojo ĩnare gotiyuju Pedro:

—Jope macajũ ñacōari, Diore ĩre yũ sēnirone, ado bajiro yũre ruyucajũ. Vecajũ sudijã jairijã jũajacatũa gaja ñiacōari, yorujiocōariarore bajiro ejacajũ ti, yũ tajũ. ⁶ “¿Ñie ñati, ti jubeajũre?” yigũ, quẽnaro ĩacajũ yũ. Tojũ ñacama sãñarã vaibũcũrã jediro. ãña, jēnirã, to yicōari, vũrã quẽne ñacama. ⁷ ĩnare yũ ĩarone, õ vecajũ ado bajiro ocaruyucajũ: “Pedro, vũmũrũgũña mũ. ĩnare sãacōari, baya mũ”, yũre yĩ ocaruyucajũ ti. ⁸ “Babeaja yũ. Rēorere divatojuane baĭabeticajũ yũ”, boca yicōacajũ yũ. ⁹ To yũ yirone, ado bajiro yũre ocaruyucajũ quẽna: “‘Rēore ñaja’, yibesã. ‘Baya’ Dios ĩ yisema, quẽnase ñaja”, yũre yĩ ocaruyucajũ. ¹⁰ Idiajijũ to bajiro yũre bajĩiocajũ. To bajĩ, tudimũjacoacajũ quẽna. ¹¹ Ti mũjato bero, idiarã ejacama, yũ ñarivijũre. Cesarea vãme ti macagũ Cornelio vãme cũtigũ ĩnare cōaũumi, yũre “Macato ĩna” yigũ. ¹² ĩna ejarone, “Tũoĩarejaibecũne vasa mũ” Esp'iritu Santo yũre ĩ yijare, vacajũ yũ. Cojomo cōro coja jēnituarirãcũ Jesũre ajitirũnurã yũre baba cũti vacama ĩna. ĩna rãca vacōari, Cornelio ya vijũre sãjacajũ yũa. ¹³ Yũa sãjaejarone, ángel, ruyuaĩocōari, ĩre ĩ gotirere yũare goticami Cornelio. Ado bajiro yũare goticami: “‘Jope macajũ mũ ãmũare ĩnare cōaũna mũ, Simón Pedro vãme cũtigũre ‘ĩre jirã vajaro’ yigũ. ¹⁴ Mũre, mũ ya vianare quẽne gotimasiorũcũmi ĩ. Mũare ĩ gotimasiose sũorine mũa rijato bero, rojose tãmũotũjabetiriarojũ mũa vaborotire yirẽto ecobosarũarãja mũa’, yũre yigotimasimi ángel”, yũare yicami Cornelio. ¹⁵ To bajiro yũare ĩ yiro bero, ĩnare gotimasiocajũ yũ. ĩnare yũ gotimasiosũorone, Esp'iritu Santo manire ĩ ejacatore bajirone ĩnare quẽne ejacami. ¹⁶ To ĩ bajirone, mani mũjũ Jesús ĩ goticatire masibũjacōacajũ yũ: “Tirũmũjũ oco rãca mũare bautizacami Juan, ‘Dios ĩ bojabeti yirũabeaja’ mũa yitũoĩajare. To bajiri, yoaro mene Esp'iritu Santore mũare cōarũcũmi Dios, mũa rãca ñarocũre, ‘Dios ĩ bojarore bajirone yimasiatõ’ yirocũre” manire ĩ yigoticatire. ¹⁷ Jesucristore ajitirũnurã mani ñajare, Esp'iritu Santore manire ĩ cōacatore bajirone ĩnare quẽne cōacami Dios, jud'io masa me ĩna ñaboajaquẽne. ĩnare quẽne to bajiro ĩ yijare, “Jud'io masa me ñari, mani rãcana me ñaama”, yimasibeaja yũ —ĩnare yiyuju Pedro.

18 To bajiro ĩ yisere ajicōari, ĩre sēniĭatujacōañujarã ĩna. Ado bajirojua yiyujarã ĩna yuja:

—Quēnaro yigũ ñaami Dios. “Jud'io masa mere quēne, rojose ĩna yisere masirioami, ĩna rijato berojũ ĩ rãca quēnaro ñacōa ñato ĩna” yigũ —yiyujarã jud'io masa Jesúre ajitirũnarã.

Antioqu'iana, Jesúre ajitirũnarã ĩna rējare queti

19 Tirũmuri rĭjoro Estebanre ślacōari gãjerãre quēne Jesúre ajitirũnarãre rojose ĩnare yiyujarã ĩna Diore masimena. To bajiri śĭgũri Jesúre ajitirũnarã Fenicia sita ñarimacariju, Chipre vãme cutiyoa ñarimacariju, to yicōari, Antioqu'ia vãme cuti macaju quēne rudiasujarã ĩna. Ti macarijure ejacōari, jud'io masa rĩrene Jesús yere ĩnare gotiyujarã ĩna. 20 Gãjerãma, Chipre vãme cutiyoa ñarimacariana, Cirene vãme cuti macana, vacōari Antioqu'ia macaju ejayujarã. Toju ejacōari, jud'io masa mere quēne Jesús yere ĩnare gotiyujarã ĩna. 21 “Quēnaro gotimasioato ĩna” yigũ, ĩnare ejarẽmoñuju Esp'iritu Santo. To bajiri Jesús ĩ bajirere ajicōari, masa ĩna rotisere ĩna ajirũcũbooarere ajitujacōari, jãjarã Jesúre ajitirũnarũoyujarã ĩna.

22 Jesúre ĩna ajitirũnarere ajiyujarã Jerusalén macana Jesúre ajitirũnarũ sayarã. To bajiri ĩna tujure Bernabé vãme cutigure ĩre cōañujarã. 23 To ĩna cōar'i, ejacōari, Dios quēnaro ĩnare ĩ yisere ĩañuju. To bajiri bũto variquēnacōari, ado bajiro ĩnare gotiyuju:

—Tocãrãcũne, Jesúre ĩre ajitirũnarũgũña mũa —ĩnare yiyuju Bernabé.

24 Esp'iritu Santo ĩ ejarẽmose rãca tũoĭagũ ñari, cojo vãme ruyabeto Dios ĩ bojarore bajiro quēnaro yigũ, to bajicōari, Jesúre quēnaro ajitirũnarũgũ ñañuju Bernabé. To bajiri jãjarã masa, ĩ gotimasiosere ajicōari, Jesúre ajitirũnarũoyujarã ĩna.

25 Tijũ bero, Tarso vãme cuti macajure vasuju Bernabé, Saulore macagũ. 26 To ĩre ejabũjacōari, “Ita mũ, Antioqu'iaju”, ĩre yiyuju. To bajiri vasujarã Antioqu'iajure. Tojũre cojo cũma ñañujarã ĩna, Jesúre ajitirũnarã rãca. Toju ñacōari jãjarã masare Dios oca Jesús yere ĩnare gotimasioñujarã ĩna. Ti macane Jesúre ajitirũnarãre, “Cristiano masa ñaama ĩna”, yisũoyujarã. “Mani ujũ ñaami Cristo' yirã ñaama” yire ũni ñañuju ti vãme.

27 Tirũmũrirene Jerusalén macana, Diore ĩre gotirẽtobosarimasa ejayujarã tojũre, Antioqu'iajure. 28-30 ĩna rãcagũ ñañuju Agabo vãme cutigũ. Jesúre ajitirũnarã ĩna rējãrũgũrojũre sãjaejacōari, Esp'iritu Santo ĩ ejarẽmose rãca tũoĭacōari, ado bajiro ĩnare gotiyuju Agabo:

—Judea sita ti ñaro cōrone, ñio ejarũaroja. Bare jedi-coarũaroja —yiyuju Agabo.

To ĩ yisere ajicōari, “Judeana ñiorijarũarãma ĩna. Gãjoa ĩnare cōato mani”, yiyujarã Antioqu'iana Jesúre ajitirũnarã. To ĩna yiriarore bajirone yiyujarã ĩna. ĩna cũose ĩna ĩsimasiro

cõro Saulore, Bernabére quêne ñnare ïsiñujarã, Judea ñarãre Jesúre ajitirãnarã bũcarãre “Ïnare ïsiato” yirã. To bajiro ti bajijama, Roma macagu Claudio vãme cutigu masa ñajediro ujũ ï ñnariadore bajiyuju.

12

Santiago ï sãacore, to yicõari tubiberiavire Pedro ï budire

¹ Tirãmũrĩrene, Ujũ Herodes, Jesúre ajitirãnarãre sīgũrĩre rojose ñnare yisũoyuju ï. ² To yicõari, “Juan bedire Santiago ï rũjoare jataya mũa”, ñnare yiyuju ï. ³⁻⁴ To bajiro ïre ï yirotisere ajicõari, bũto variquẽnañujarã jud'io masa ï yarã sīgũri. Ñna variquẽnaro ïacõari, Pedrorẽ quêne ñnariotĩcõari, tubiberotiyuju ï. To bajiro ti bajijama, pan vũoyamanire ñna bariarãmũrĩre bajiyuju. Ñre tubiberotigu, “Rudiromi” yigu, ado bajiro quẽnaro coderotiyuju ï:

—Diez y seis ñarãre babaricãrãcũne vacõari, tocãrãcãjine babaricãrãcũ codevasoaya mũa —ñnare yiyuju. To yicõari, “Pascua boserãmũ ti jediro, masa ñna ñaro rĩjoro Pedrorẽ ïre sãarotĩrũcũja yũ”, yitũoĩañuju Herodes. ⁵ To bajiri quẽnaro masune code ecocõañuju Pedro. Tire ajicõari, gãjerã Jesúre ajitirãnarã Diore bũto ïre sãnibosayujarã ñna.

⁶ Gãjerãmũ busurijũne ñaboayuju, Herodes Pedrorẽ ï sãarotĩrãmũ. Jũarã surara coderimasa vatoajũre cãnicũñañuju Pedro. Jũaãtojũne cõmemari rãca siaecocõañuju. Gãjerã surara soje tũne coderũgõñujarã ñna. ⁷ To ñna bajiboajaquẽne, ñaro tũsarone ruyuyuju ángel. To ï bajirone Pedrorẽ ñna tubiberiasõa busujãmũcõañuju. To bajicõari, Pedrorẽ ïre moaĩañuju ángel, ïre yujiogu. Ñ yujiro ïacõari,

—Vãmũrũgũña mũ —ñre yiyuju, Pedrorẽ.

To ï yirone, Pedrorẽ ñna siaboariamari, cõmemari joviẽjacoasuju. ⁸ To ti bajirone,

—Mũ sudi sãñaña. Mũ gũbo sudi cũdaya —Pedrorẽ ïre yiyuju. To yigũne, ado bajiro yirẽmoñuju:

—Mũ sudiro joeagarore quêne sãña. To yicõari, vayá. Yũre sũyaya mũ —ñre yiyuju ángel, Pedrorẽ.

⁹ To ï yirone, ïre sũyacoasuju Pedro. To bajiboarine, “To bajiro bajigũja yũ”, yimasibesuju ï. “¿Socaro me bajiatĩ ti?” yiboacũ, “Ba. Socaro bajiroja gãjeyerema”, yitũoĩañuju Pedro. ¹⁰ To bajivana rĩne, jũa soje surara ñna coderisojerire rẽtoasujarã ñna. Tũsarisoje, cõme soje ññañuju ti. Ti soje tũ ñna ejarone, ti masune jãnacõasuju ti. To bajĩ budirũgũ, maa ïre ï ñmato vacũne, “To bajigũmi” yimasĩña manone yayicoasuju ángel. To bajiri Pedro sīgũne tujacõañuju yuja.

¹¹ To bajisere ïacõari, “Socaro me bajiaja”, yimasicoasuju Pedro. “Herodes ïre sãaromi” yigu, yũre ñmato budirocũre

cõañumi Dios”, yituoĩañuju ĩ. “To bajiri jud'io masa rojose yure ĩna yirũaboase rētoçajũ ti yuja”, yituoĩañuju Pedro.

¹² To yituoĩamasicõari, Juan Marcos vãme çatigu jaco, Mar'ia ya vijũ vacoasuju ĩ. Ti vijũre jãjarã masa rējacõari ñañujarã, Diore sēnirã. ¹³ To ĩna yiñarore soje tũ ejacõari,

—¿Ñaboati mũa? —yiyuju Pedro.

Ti vijũre, sigõ ti vianare ejarēmorimaso ñañuju so, Rode vãme çatigo. To bajiri Pedro ĩ sēniĩasere ajicõari, soje tũ ejarũgũcõari, ajiyuju so, “¿Ñimũ ñarõari?” yigo. ¹⁴ Soje jãnabecõne ajirũgõca yigo, Pedro ocare ajimasiñuju. ĩ ocare ajimasicõari bũto variquēnañuju. To bajigo ñari, soje jãnabecõne gotigo tĩjasuju, ti vianare.

—Macajũju ñarõmi Pedro —ĩnare yigotiyuju so.

¹⁵ To bajiro ĩnare so yirõne,

—Mecũgõ yigoja mũ —sore boca yiyujarã ĩna.

To ĩna yijare,

—Soco me yaja yũ —ĩnare boca yicũdiyuju so.

To so yijare,

—Ba, ángel, Pedrorõ coderimasũ ñagũmi —sore yiyujarã ĩna.

¹⁶ To ĩna yiboajaquēne,

—¿Ñaboati mũa? —yi ocaruyucõa ñañuju Pedro, macajũju ñacõari.

To bajiri, sojere jãnacõari, Pedrorõ ĩre ĩaũcayujarã ĩna. ¹⁷ ĩre ĩna ĩaũcasere ĩacõari, ĩnare, “Ñagõbesa” yigu, ĩ ãmone ñumũoñuju Pedro. To yicõari, “Ado bajiro yare yirēmõmi Dios, tubiberiavijũ yũ ñaro”, ĩnare yigotiyuju. Tire gotigajanocõari,

—Adire Santiagore, to yicõari, manĩ rãcanare Jesũre ajitirũnrãre quēne ĩnare gotiaya mũa —ĩnare yiyuju Pedro.

To bajiro ĩnare yigotigajanocõari, gajerojũ vacoasuju ĩ.

¹⁸ Gajerũmũ busuato tubiberiavire codeboariarã, Pedro ĩ mano ĩacõari, “¿No bajiro bajiyujari ĩ?” gãmerã yiboana, bũto tũoĩarejaiyujarã ĩna. ¹⁹ Herodes quēne, Pedro ĩ mano ĩacõari, ĩre macarotiboayuju. ĩre bũjabesujarã ĩna. To bajijare, tubiberiavijũ codeboariarãre ĩnare sēniĩaboayuju Herodes. ĩna çadimasibetijare, “Ĩnare sĩacõaña”, yiyuju ĩ. To yicõari bero, Judea sitajũ ñar'i, Cesarea vãme çati macajũ ñagũ, vacoasuju Herodes.

Herodes ĩ bajirocare queti

²⁰ Tirũmũrĩre Tiro vãme çati macanare, to yicõari Sidón vãme çati macanare quēne bũto ĩnare jũnisiniñuju Herodes. To bajiri Sidón macana, Tiroana rãca rējacõari, Herodere ñagõrã vasujarã ĩna. “Herodes ĩ jũnisinicõa ñajama, uju ĩ ñari sita bare manĩ bũjarũgũsere ĩsibecũmi” yirã ñari, to bajiro bajiyujarã ĩna. Herodes tũjũre ñañuju ĩre ejarēmogũ ñamasugũ, Blastõ vãme

cutigu. To bajiri Herodere ĩna ñagõroto rĩjoro, ĩre ñagõñujarã ĩna, Blastore. To ĩna yise ñajare, ĩnare ĩamaicõari, ĩnare ñagõbosayuju Blasto. ĩnare ĩ ñagõbosarone, “Cojorũmũ ĩnare ñagõrũcũja yũ maji”, ĩre yiyuju Herodes. ²¹ “To cõro ĩnare ñagõrũcũja yũ” ĩ yiriarũmũ ti ejaro, uju ñagũ ĩ sãñase sudi quẽnase sãñañuju ĩ Herodes. To yicõari, rotigu ĩ rujiri cũmurojũre ejarũjucõari, masare gotiyuju ĩ. ²² ĩ ñagõsere ajicõari,

—Masũ me ñaami ãni. Dione ñaami —yivasã variquẽnañujarã masa.

²³ To bajiro ĩna yiñarone, ángel Herodere rijaye ĩre cõañuju. To ĩ yijare, ĩ gũdajoajũre vãsia ĩna bajare, bajirocacoasuju Herodes. “To bajise yibesa mũa. Dios me ñaja yũ. Dios sīgũrene rũcũbũoya mũa” ĩ yibetijare, to bajiro bajiyuju ĩre.

²⁴ Herodes ĩ bajirocarirodore Jesús ĩ bajirere Dios oca gotisere ajicõari, jãjarãbũsa Jesũre ajitirũnrũtuasujarã ĩna.

²⁵ Bernabé, Saulo rãca Jerusalén vãme cuti macanare gãjoa ĩnare ĩsigajanocõari, Antioqu'iaju tudiasujarã ĩna. Gãji, Juan Marcos vãme cutigu, ĩna rãca vasuju ĩ.

13

Saulo, Bernabé rãca Dios ocare ĩna gotimasiocudisũore queti

¹ To bajiri, Antioqu'ia vãme cuti macajũre Jesũre ajitirũnrũ rãcana, ĩnare gotimasiõrã, to yicõari, gãjerã Diore gotirẽtobosarã ñañujarã. Adocãrãcũ ñañujarã: Bernabé, Simón, Lucio, Cirene vãme cuti macagu, Manaén, Saulo. Tocãrãcũ ñañujarã ĩna. Simónre, Ñigũ ĩre yiyujarã gãjerã. Manaénjũ, Uju Herodes ñamasir'i rãcagu ñaboayuju ĩ. Cojovata bũcũariarã ñañujarã ĩna. ² To ñacõari, bare bamenane, Diore ĩre yirũcũbũo ñañujarã ĩna. To yiñarãne, Esp'iritu Santo sũorine ado bajiro yiyujarã ĩna, Bernabére, Saulore quẽne:

—Gajeroju mũa gotimasiocudirodire bojami Dios. To bajiri, ĩ bojarore bajirone yirũarãja mũa —ĩnare yiyujarã.

³ To yicõari, quẽna Diore rũcũbũorã bare bamenane, Diore ĩnare sãnibosayujarã ĩna, Bernabére, Saulore. To yicõari, ĩna rũjoari joere ĩna ãmori ñũjeoyujarã, Bernabére, Saulore, “Dios ĩ bojarore bajirone gotimasiocudiya” yirã. To bajiro ĩnare yigajanocõari, ĩnare varotiyujarã ĩna.

Chipre vãme cutiyoa ñarimacarire Pablo, Bernabé rãca ĩna gotimasiõrã vare queti

⁴ To bajiri Esp'iritu Santo ĩnare ĩ cõajare, vacoasujarã ĩna, Bernabé, Saulo, Seleucia vãme cuti macajũre. Ti maca moa riaga tũ ñañuju ti. To bajiri, rojaeja, cũmua jairicaju vasãja vacoasujarã ĩna, Chipre vãme cutiyojũ vana. ⁵ Salamina vãme cuti maca jetagare rocatuejayujarã ĩna. Ejacõari, tiyoa

ñarimacarire jud'io masa Dios ocare ñna buerivirijare Jesús bajirere Dios oca gotisere gotimasiodudiyujarã ñna. Ñna rãcagũ, ñnare ejarẽmogũ ññañuju Juan vãme cutigu.^b

⁶⁻⁸ To bajiri goticudirã rĩne, Pafos vãme cuti macajure ejasujarã ñna. Tojũre sīgũ Barjesús vãme cutigure ñre ñabũjayujarã ñna. Barjesús ti yijama, griego ocarema Elimas yĩũaro yiyuju ti. Jud'io masũ ññañuju ñaĩañamanire yigũ. “Diore gotirẽtobosarimasũ ñaja yũ”, yisocagũ ññañuju ñ. Ti macagũ ujujũa, Sergio Paulo vãme cutigu, quẽnaro tũoĩagũ ñnari, quẽnaro masigũ ññañuju. To bajigu ñnari, Jesús ñ bajirere ñna gotimasiosere ajirũ, Bernabé, Saulore ñnare jicõañuju ñ. To ñ yire ñajare, ñre gotimasioñujarã ñna. Ñna gotimasio ñnare,

–Ñnare ajibesa –yiyuju Barjesújũa, “Jesúre ajitirũnũromi” yigũ. ⁹⁻¹⁰ To ñ yiboajaquẽne, Esp'iritu Santo ñ ejarẽmose rãca tũoĩacõari, Barjesúre ñre ñacõari, ado bajiro ñre yiyuju Saulo, romano ocarema Pablo vãme cutigu:

–Vãtia ujuure bajiro socajaigu ñaja mũ. Jediro quẽnasere buto tegũ ñaja mũ. Dios oca quẽnaro riojo ti gotiboajaquẽne, “Tire ajibeticõaña. Socase ñaja”, masare yimavisiogu ñaja mũ. ¹¹ To bajiri yucane rojose mũ yise vaja rojose mũre cõaami Dios. Caje ñabecũne ñacõarũcũja mũ, Dios ñ bojaro cõro –ñre yigotiyuju Pablo, Barjesúre.

To bajiro ñ yirone, ñabecũ ñacoasuju ñ yuja. To bajiri, “Yũ ãmore ñiacõari yũre tũato” yigũ, masare vare macaboayuju ñ yuja. ¹² To ñ bajisere ñacõari, “Jesús ñ bajirere gotimasiorã ñnari, to bajiro yama” yitũoĩagũ ñnari, Jesús ñ bajirere ajitirũnũñuju ti macana uju.

Psidia sita ñarimaca Antioqu'iaju Jesús ñ bajirere ñna gotimasiore queti

¹³ To bajiri Pablo rãcana, Pafos vãme cuti macare ñnariarã, cũmua jairica rãca vacoasujarã ñna, Perge vãme cuti macajũ vana. Panfilia sitajure ññañuju Perge. Ti macajũ ñna rãca ejaõari, Juanjũama, Jerusalénjũ tudicoasuju. ¹⁴ Perge maca ñnariarã, Psidia sita ñarimaca Antioqu'ia vãme cuti macajũ vasujarã. Ti macajũ ejaõari, usũsãjariarũmũ ñnaro, jud'io masa Dios ocare ñna buerivijũ sãjasujarã ñna. ¹⁵ To bajiri Moisés ñamasir'i ñ ucamasirere, to yicõari Diore gotirẽtobosamasiriarã ñna ucamasirere quẽne ñagotiyuju gãji. To bajiro ñ yiro bero, Pablo rãcanare sãnĩañujarã ñna, ti vi ujarã:

–“Butobũsa Diore ajitirũnũato ñna” yirã, quẽnase oca yũare gotiya mũa –ñnare yiyujarã ñna.

^b 13:5 Lucas, “Juan” ñ yijama, Juan Marcos vãme cutigure yami.

16 To bajiro ĩna yijare, v̄amur̄ägũcõari, ĩ ãmone ñumuoñuju Pablo, “Ñagõbesa m̄ua” yigũ. To bajiro yicõari, ado bajiro ĩnare gotiyuju ĩ:

–Yure ajiya m̄ua, Israel ñamasir'i jānerabatia, to yicõari, ñajediro Diore r̄ucub̄uorã quẽne: 17 Dios, Israel ñamasir'i jānerabatia ĩna r̄ucub̄uogu, Egipto sitaju ĩna ñaro ĩnare bujarotimasiñuju ĩ. To yicõari, ĩ masise rãca yucá manojũ ĩnare ũmato vamasiniñuju ĩ. 18 To bajiri, cuarenta ñaricãmari yucá manojũ ñarã ĩre ĩna r̄ucub̄uobetiboajaquẽne, ĩna rãca ñacõa ñarũgũñuju ĩ. 19 Bero, ĩ s̄uorine Canaán sita ñarimacarianare heteo masare, gergeseo masare, amorreo masare, cananeo masare, ferezeo masare, heveo masare, to yicõari jebuseo masare quẽne ĩnare siareacõari, ĩna ñaboaria macarire ñamasiniñarã ĩna. To bajiro ĩna bajijama, “Yũ yarãjũa, ti sitare ñaruarãma” Dios ĩ yimasire ñajare, to bajiro bajiyuma ĩna. 20 To bajiri, Egipto sitajure ĩna ñas̄uoriacũma, to yicõari Canaán sitajure ĩna ñas̄uomasiriacũma rãca, cuatrocientos cincuenta ñaricãmari tusamasiniñuju ti.

Bero, gãjerã masa rojose ĩnare ĩna yijare, ĩnare ũmato ñaronare cũmasiniñuju Dios. Samuel vãme cutigũre ĩre cũtusamasiniñuju. Diore gotir̄etobosagũ ñamasiniñuju ĩ. 21 Samuel ĩ ñarirodore, “Gaje sitare ujũ ĩ ñarore bajiro yua quẽne ujũ bojaja”, yimasiniñarã jud'io masa. To ĩna yijare, ĩna ujũ ñarocure cũmasiniñuju Dios. ĩ cũs̄uomasir'i ñamasiniñuju Cis macũ, Saúl vãme cutigũ. Benjam'in ñamasir'i jānami ñamasiniñuju ĩ. Cuarenta ñaricãmari rotimasiñuju Saúl. 22 Rojose ĩ yisere ĩvariquẽnabeticõari, Isa'i ñamasir'i macũ David vãme cutigũjare ujũ ñarotimasiñuju Dios. “Ñajediro yir̄ucumi”, yĩamasiniñuju Dios, David ñamasir'ire. 23 To bajiri, “David jānamire, Israel ñamasir'i jānerabatia rojose ĩna tãmuoborotire ĩnare yir̄etobosarocure ĩre cõarucuja yũ” Dios ĩ yigotiriarore bajirone Jesũre ĩre cõañumi. 24 Israel ñamasir'i jānerabatiare Jesũs ĩ gotimasioroto r̄jorojune, ĩna jedirore ado bajiro ĩnare gotimasiorũgũñuju Juan vãme cutigũ: “Rojose m̄ua yisere t̄uȭas̄utiritiya m̄ua. T̄uȭas̄utiriticõari, ‘Rojose yir̄abeaja yua. Diorãca quẽnaro ñaruarãja yua’ yirã, oco rãca yure bautizarotiya m̄ua. To bajiro m̄ua yijama, rojose m̄ua yisere m̄uare masiriorucumi Dios”, ĩnare yigotimasiorũgũñuju ĩ. 25 To bajiro ĩ yigotimasiorũgũrere ĩ gotigajanoroto r̄joro, ado bajiro ĩnare gotiyuju: “‘Rotim̄uorũgõr̄ucumi’ yigũ, Dios ĩ cõagũ me ñaja yũ. Yũ bero ejarucumi ĩma. Ñamasurã r̄ĩne ĩre yibosamasiama, ñamasugũ masu ĩ ñajare”, masare yigotiyuju Juan –yiyuju Pablo.

To yicõa, quẽna tudigotiyuju:

26 –Abraham ñamasir'i jānerabatiare to yicõari, ñajediro Diore r̄ucub̄uorãre quẽne rojose mani tãmuoborotire

manire ĩ yirĕtobosaruase quetire manire cōañumi Dios. ²⁷ Jerusalén macana, to yicōari, ĩna ujarā quĕne, “Ānine ñaami ‘Rotimhorügōrcsmi’ yigū, Dios ĩ cōagū, mani yurügügū”, Jesúre ĩre yimasibesujarā ĩna. Tocārāca semana usūsājariarūmure Diore gotirĕtobosariarā ĩna ucamasirere ĩgotirā ñaboarine riojo tuoĭamasibesujarā. “Dios ĩ cōagū me ñaami” yirā, Jesúre ĩre sĭarotiyujarā ĩna, “To bajiro bajiruroja” Dios ĩ yimasiriarore bajirone yirā. ²⁸ Disejua rojose Jesús ĩ yise ti maniboajaquĕne, “Īre sĭarotiya”, Pilatore ĩre yiyujarā ĩna. ²⁹ “To bajiro yiruarāma ĩna” Dios ĩ yiriarore bajirone ti bajiro bero, Jesúre yucūtĕroju tuyagure ĩ rujurire āmirujiocōari, masa yujeriavi gūtaviju ĩre cūñujarā ĩna. ³⁰ Īre ĩna sĭaboajaquĕne, ĩre catiocōañuju Dios quĕna. ³¹ Ī sĭaecoroto rĭjoro, Galilea sitaju ĩ rāca vadicōari Jerusalénju ejariarāre tudicaticōari cojorūmu me ĩnare ruyuaĭoñuju Jesús. To bajiri, ĩ bajirere gotirügūama ĩna, ĩre ĩariarā ñari.

³²⁻³³ To bajiri, quĕnase quetire mure gotiaja: Tirūmaju mani ñicure jud’io masare, “Quĕnaro mure yirucuja” ĩ yimasiriarore bajirone yiyumi Dios. Manire, ĩna jānerabatiare, to yicōari ñajedirore quĕne yibosagu, Jesús ĩ rijacoaboajaquĕne, ĩre catioyumi Dios. Ado bajiro gotiaja ti, Dios ĩ goti rĭjoro cĕtire, Salmo segundo ucare: “Yu macu ñaja mu. Adirūmu ure bajirone rotisurucuja mu yuja”, yimasiñuju Dios, Jesúre ĩre ĩ gotirotire yigū. ³⁴ “Jesúre ĩ catioro bero, tudirijabetirucsmi” yigū, quĕna gajeju ado bajiro yimasiñumi Dios: “Davidre yu goti rĭjoro cĕticatoro bajirone quĕnaro mure yirucuja yu yuja”, yimasiñumi Dios. ³⁵ Quĕna gajeju ado bajiro gotiaja ti: “Mu bojasere yigure, ‘Ī rijato bero, boayayiromi’ yigū, ĩre tudicatorucuja mu”, yaja ti. ³⁶ To bajiro ti yijama, David ñamasir’i ĩ bajiroti mere gotiyuja. Dios ĩ bojasere yigū ñamasirūju David. To bajiro yigū ĩ ñaboajaquĕne, ĩ bajirocaro bero gūtaviju, ĩ ñicure ĩna yujerivijure ĩ rujurire yujemasiñujarā masa. Īre ĩna yujero bero, ĩ rujuri ñaboare boayayicoariaroja ti. ³⁷ To bajiboarine Jesújama, rijacoaboarine, Dios ĩre ĩ catiojare, ĩ rujuri boayayibesuju. ³⁸⁻³⁹ To bajiri, ado bajiro tuoĭaña mu: “Moisés ñamasir’ire Dios ĩ roticūmasirere cĕdijeoroti ñaja manire”, yimasicaju mani. “Ñajedirore mani cĕdijeojama, ‘Quĕnarā ñaama’ Dios ĩ yĭarā ñari, mani rijato beroju ĩ tujū ñaruarāja”, yicaju mani. To bajiboarine, “Cĕdijeogu magūmi”, yicoadicaju mani. Yucurema ado bajirojua bajiaja yuja: Jesúre mani ajitirānujama, rojose mani yisere masiriocōari, Jesús manire ĩ rijabosare surine, “Ñie rojose mana ñaama”, manire yĭagūmi Dios. ⁴⁰⁻⁴¹ Dios ocare ajiterā, ĩna bajirotire ucamasinuma Diore gotirĕtobosariarā. Ado bajiro ĩre uca-

bosamasiñuma:

“Yñ ocare ajiterã, ñaïñañamanire yñ yïïorotire, ‘Bajibetiruaroja’ mña yiboasere ñaucacõari, bajireacoaruarãja mña”, yu-camasiñuma Diore gotirëtobosariarã.

To bajiri, “Ïna bajirotire bajiro bajiruarabeaja yña” yituoïacõari, mñare yñ gotisere quënarõ ajiya mña —ñare yigotiyuju Pablo.

⁴² To bajiro ñare yigotigajanocõari, Pablo, Bernabé rãca ñna budiatone, ado bajiro ñare yiyujarã ñna, Dios ocare ñna buerivi ñarã:

—Gaje semana ususãjariarũm ti ñaro yñare gotimasiorëmorã vaba quëna —ñare yiyujarã ñna.

⁴³ Jud'io masa, to yicõari gãjerã Diore rucubhorã quëne, Pablo, Bernabé rãca budicõari, ñare sñyasujarã ñna. To ñna bajirone,

—“Manire maigũ ñari, Jesús ï rijabosare sñorine manire ñavariquënaami Dios”, yicõa ñarũgũña mña —ñare yiyujarã ñna, Pablo, Bernabé rãca.

⁴⁴ To bajiri, gaje semana ususãjariarũm ti ñaro ti macana, jãjarã rëjañujarã ñna, Jesús ï bajirere Dios oca gotisere ajirã.

⁴⁵ Jãjarã ñna rëjasere ñacõari, bũto jñinisiniñujarã jud'io masa. To bajicõari, “Socũ yaja mñ”, Pablõre ñre yitud'yujarã ñna. ⁴⁶ To ñna yiboajaquëne, bojonemenane, ado bajiro gotiyujarã Pablo, Bernabé rãca:

—Dios oca, jud'io masare gotimasiosũore ñaja ti. To bajiboarine, tire ajiteaja mña. To bajiro yirã ñari, “Mani rijato berojũ tudicatibetiruarãja mani” yirãre bajiro yaja mña. To bajiri Dios ocare ajiterã mña ñajare, gãjerã masare ñare gotimasiorũtuana yaja yña yuja. ⁴⁷ Ado bajiro yñare rotiyumi Dios:

“Yñ ocare mña gotimasiose sñori yñre masiruarãma jud'io masa me ñarã. ‘Adi macarũcũroana ñajediro, rojose tãmũotũjabetiriarõjũ ñna vaborotire ñare yñ yirëtobosarotire sënirãjaro’ yigũ, mñare cõagũ yaja yñ”, yñare yiyumi Dios —ñare yigotiyujarã Pablo, Bernabé rãca, jud'io masare.

⁴⁸ To ñna yisere ajicõari, “Quënarõ masu yigũ ñaami Dios”, yivariquënañujarã jud'io masa mejña. To bajicõari, “Ïna rijato berojũ, quëna tudirijabetiruarãma” Dios ï yimasiriarã, Jesúre ñre ajitirũnũsũoyujarã ñna. ⁴⁹ To bajiri, Pablo, Bernabé rãca, mani uñ ï bajirere ñna gotisere ti macana, to yicõari ti maca tñana quëne ajijediujarã ñna. ⁵⁰ Ïna gotisere ñna ajijedicoabõajaquëne, Pablõre, Bernabére gotiyiroyujarã ñna, jud'io masa, gajeyeũni jairã rõmiri Diore rucubhorãre, to yicõari ti macana ñamasurãre quëne. To bajiro ñna yijare, jñinisinicõari, Pablo, Bernabére varotiyujarã ñna. ⁵¹ To bajiro ñna yijare, ti macaye

sitare ña gubõ sudi tuyasere varerea, vacoasuju Pablo, Bernabé rãca. To bajiro ña yijama, “Yñare mña ajirñabetijare, rojose mñare yirñucmi Dios” yirã yiyujarã ña. To yicõari, Iconio vãme cuti macajũ vacoasujarã ña. ⁵² To bajiro ña bajiboa-jaquẽne, ña gotimasiore sñorine Jesúre ajitirñurãma, bũto variquẽnañujarã ña. To bajicõari, Esp'iritu Santo ñ ejarẽmose rãca tñõiacõari, cojo vãme ruyabeto Dios ñ bojarore bajirone yirũgũñujarã ña.

14

Iconio macajũ Pablo, Bernabé rãca ña gotimasiore queti

¹ Iconio macajũ ejacõari, jud'io masa Dios ocare ña buerivire sãjasujarã Pablo, Bernabé rãca. Sãjaejacõari, quẽnaro ña gotimasiojare, Jesúre ñre ajitirñusñoyujarã ña, jãjarã jud'io masa, jud'io masa me ñarã quẽne. ² To bajiro ña bajiboa-jaquẽne, jud'io masa, Pablo, Bernabé rãca ña gotiboasere ajimenama, “Jesúre ajitirñurã socarã ñaama”, jud'io masa me ñarãre ñnare yigotiyujarã ña. To ña yijare, Jesúre ajitirñurãre ñateyujarã ña. ³ Ti macajũre yoaro ñacõañujarã Pablo, Bernabé rãca. “Mani mũ ñ bajirere mani gotirotire manire ejarẽmorucmi” yitñõiarã ñari, “Ñ rijabosare sñorine manire ñavariquẽnaami Dios” yire quetire ñnare gotirũgũñujarã ña. To yicõari, Jesús quẽnaro ñnare ñ ejarẽmojare, ñañañamanire yñõrũgũñujarã ña. ⁴ To bajiro ña yñaboa-jaquẽne, ti macana ricatiri rñe tñõañujarã ña: Sñgũri Pablo mesa ña gotisere ajitirñuñujarã. Gãjerãma, ñnare ñaterã, jud'io masa rãcana ñañujarã. ⁵ To bajiri, jud'io masa, jud'io masa me ñarã quẽne, “Gãtane Pablõre, Bernabére reasñato mani”, gãmerã yiyujarã, ña mũjarã rãca. ⁶⁻⁷ To ña yirñase quetire ajicõari, Licaonia sitajũ rudicoasujarã Pablo mesa. Ti sitajũ ejacõari, Lистра vãme cuti maca, Derbe vãme cuti macare, to yicõari, ti macari tũrere quẽne Jesús ñ bajirere goticudiyujarã ña.

Listra vãme cuti macana, Pablõre gãta rãca ñre ña reare queti.

⁸ Lистра macare ñañuju sñgũ rẽmojũne ruyugajũne micar'ĩ. To bajiri, no yivamasibecũ ñañuju. Pablo ñ gotimasiosere ajitirñurũyijuju ñ. ⁹ ñre ñ ajitirñusere, to yicõari, “Jesús, yũre cationucmi” ñ yitñõasere ñre ñamasicõañuju Pablo. ¹⁰ To yicõari, oca tutuase rãca ado bajiro ñre yiyuju:

—Vũmũrũgũña —ñre yiyuju Pablo. To ñ yirone, jativũmũrũgũcoasuju. To bajiri quẽnaro vamasigũ ñañuju. ¹¹ To bajiro Pablo ñ yisere ñacõari, ado bajiro avasãñujarã, ña oca, Licaonia oca rãca:

—Masa ñna rãcũbuorã õ vecana, manire bajirone ruju cuticõari, adojuere rujiayuma —yiavasãñujarã ñna.

12 To yicõari Bernabére, “Zeus” ñre yiyujarã ñna. Pablorẽma, “Hermes” ñre yiyujarã ñna, “Zeure ñagõbosagu ñnaami” yirã.^C 13 Ti maca tujare Zeure yirũcũbuoriavi ñañuju. Ti vijare pai ñ yirore bajiro yigũ ñañuju, “Zeure rãcũbuoto mani” masare ñmato yigũ. “Pablo, to yicõari Bernabére ñnare rãcũbuoto mani” yigũ, ta vecna, gore quẽne juaáyuju ñ. “Pablo mesare rãcũbuoto mani” yigũ, vaibũcũrã sãcõari, masare ñmato soeru yiboayuju. 14-15 Ñ ñmato yigũadire ñamasicõari, “Ti ñnare yũare yirũcũbuobetiroti ñaja” yirã, ñna sudire tãavoyujarã. To yicõari, masa ñna ñnaro ñmaejacõari, oca tutuase rãca ado bajiro ñnare gotiyujarã ñna:

—¿No yirã to bajise yati mũa? Yũa quẽne masane ñaja yũa. Mũare bajirãne ñaja. To mũa yise ñnarene, “Yitujato ñna” yirã, mũare gotirã vabu yũa. To bajiro yũare mũa yiboase, vaja maja. Tire yitujacõari, Dios catimũorũgõgũjũare yirũcũbuoya mũa. Ñ ñnaami ñmũagaserore, sitare, ocore, ñajediro rujeor'i. 16 Tirũmũjũarema masa no bojarãrene ñna rãcũbuosere, bojabecu ñaboarine, “Tone yicõato”, ñnare yimasiñuju Dios. 17 “Tone yicõato” yigũ ñaboarine, quẽnaro ñnare yicoadimasiñumi Dios, “‘Quẽnagũ ñnaami’ yimasiato ñna” yigũ. Ñne ñnaami oco quedisere, rica cutire quẽne mũare cõarũgũgũma, “Rodori rica cutiato” yigũ. Ñne ñnaami barere mũare cõarũgũgũma. Mũare quẽnaro ñ yise ñajare, variquẽnaja mũa —ñnare yigotiyujarã Pablo, Bernabé rãca.

18 To bajiro ñnare ñna yigotiboajaquẽne, “Pablo, Bernabére ñnare rãcũbuorã vaibũcũrã sãñisito mani”, yitũoñacõañujarã ñna.

19 To bajiro ñna yĩnarone, jud'io masa, Antioqu'ia macana, to yicõari, Iconio macana quẽne ejayujarã ñna. Ejacõari, Pablore, Bernabére ñnare gotiyujarã ñna, ti macanare. To bajiro ñna yijare, gũta rãca Pablore ñre reayujarã, ñre sãrũarã. To bajiro ñre yicõari, “Jẽre rijacoajami” yirã, ti maca tũsarõju ñre vejavacõari, ñre rocacõañujarã ñna. 20 To bajiro ñna yirocar'ire ñre ejayujarã ñna, Jesũre ajitirũnrã. To ñna ejarone, vũmũrũgũ, ti macajũane jiacoasuju Pablo quẽna. Gajerũmũ Derbe vãme cuti macajũa vacoasuju Pablo, Bernabé rãca.

21 Ti macajũere ejacõari, toanare Jesús ñ bajirere ñnare gotimasioñujarã. Tire ajicõari, jãjarã ñañujarã Jesũre ajitirũnrũorã. Ñnare gotimasio gajanocõari, Listra macajũ vasujarã ñna quẽna. Listra macare eja, ñna rãca bajiña, Iconio macajũa vacoasujarã

^C 14:12 Licaonia masa ñna rãcũbuorãre ñnare ñagõbosagu, “Hermes vãme cutigũmi” yitũoñarã ñnari, to bajiro Pablore ñre yiyujarã ñna.

ĩna. Ti macare eja, ĩna rāca bajiña, Pisidia sita ñarimacajua Antioqu'iajũ vacoasujarã ĩna. ²² To ĩna bajicudiriarijũ ñariarãre Jesũre ajitirũnarãre ado bajiro ĩnare gotiyujarã ĩna:

—Jesũre ajitirũnarã mani ñajare, rojose manire yirũgũama masa. To bajiro manire ĩna yiboajaquẽne, Jesũre ajitirũnarã ñaruarãja mani, “Ī yarã ñari, ĩ tujũ ejarona ñaja mani” yirã — ĩnare yiyujarã ĩna. ²³ To yicõari, ĩnare ũmato ñaronare bũcũrãre ĩnare beseyujarã. To yicõari, bare bamenane ado bajiro Diore mani ʘjũre ĩnare sẽnibosayujarã ĩna: “Ado ñarã mũ yarã ĩna ñajare, quẽnaro ĩnare yirẽmoña, mũre ĩna ajitirũnarã ñarotire yigũ”, ĩnare yisẽnibosayujarã ĩna. Jesũre ajitirũnarã ĩna ñarimacarine ejacõari, to bajiro rĩne yicõañujarã, Diore ĩnare sẽnibosarã.

Pablo, Bernabé rāca, Siria sita ñarimaca Antioqu'iajũ ĩna tudiare queti

²⁴⁻²⁵ Pisidia sita ñarimacari ñariarã, Panflia sitare ñarimacare, Perge vāme cuti macare ejayujarã. Ti macajũ ejacõari, Jesús ĩ bajirere ĩnare gotimasioñujarã ĩna. To yigajanocõari, Atalia vāme cuti macajũ vacoasujarã ĩna. ²⁶ Ti macajũ ejacõari, cũmuane vacoasujarã, Antioqu'ia macajũ tudiana, “Quẽnaro ĩnare ejarẽmoato” yirã, Diore ĩnare sẽnibosariarã ĩna ñarojũ. ĩna goticudiroticõariarore bajirone yijeocõariarã ñari, Antioqu'iajũre tudiejayujarã ĩna, Pablo mesa. ²⁷ Ti macajũre tudiejacõari, Jesũre ajitirũnarãre rẽocõari ĩna bajicudirere, Dios ĩnare ĩ yirẽmorere, to yicõari, jud'io masa me ñaboarine Jesũre ĩna ajitirũnarere quẽne ĩnare gotiyujarã ĩna. ²⁸ Tone yoaro ñacõañujarã, Jesũre ajitirũnarã rāca.

15

Jerusalénjũ rẽjacõari ĩna gāmerã ñagõre queti

¹ Tirodore, sīgũri Judea sitana Jesũre ajitirũnarã, Antioqu'ia macajũre vasujarã. To ejacõari toanare Jesũre ajitirũnarãre ĩnare gotimasioñujarã. Ado bajiro ĩnare gotiyujarã ĩna:

—Moisés ñamasir'ire circuncisión yirere Dios ĩ roticũmasirere, mũa yibetijama, rojose tãmuotujabetiriarijũ mũa varotire mũare yirẽtobosabetirũcũmi Jesús — ĩnare yigotiyujarã ĩna, Jesũre ajitirũnarãre.

² Pablo, Bernabé rāca, to bajiro ĩna yisere ajicõari, bũto ĩnare jũnisiniñujarã ĩna. To bajiri, “To bajirone bajiroja” ĩna gāmerã yimasibetijare, Jerusalénjũ Pablõre, Bernabẽre, to yicõari, gājerã ĩna rācanare quẽne ĩnare cõañujarã Antioqu'iana. “Jerusalén macanare Jesús ĩ gotiroticõasũoriarãre, to yicõari, ĩre ajitirũnarãre ĩnare ũmato ñarãre quẽne, circuncisión yirere ĩnare sẽnĩaaya mũa”, ĩnare yicõañujarã ĩna.

³ To ñna yicōariarã, Fenicia sitare, Samaria sitare quēne ejacōari, Jesúre ajitirūnarãre ado bajiro ñnare gotibatoyujarã ñna:

—Jud'io masa me ñaboarine, yua gotimasiosere ajicōari, ñna rãcubuoarere rãcubuoajacōari, Jesúre ajitirūncama —ñnare yigotibatoyujarã ñna.

Tire ajicōari, buto variquēnañujarã ñna.

⁴ Jerusalénju Pablo, Bernabé rãca ñna ejaro, quēnaro ñnare bocaãmiñujarã Jesús ñ gotiroticōasuararã, gãjerã Jesúre ajitirūnarã, to yicōari, ñnare ũmato ñnarã quēne. To bajicōari, Dios suorine jediro ñna yirere ñnare gotiyujarã ñna, Pablo, Bernabé rãca. ⁵ To bajiro ñna yisere ajicōari, fariseo masa, Jesúre ajitirūnarã, vãmurãgũcōari, ado bajiro yiyujarã ñna:

—Jesúre ajitirūnarãre jud'io masa me ñnarãre quēne, ñnare circunciación yiroti ñaja ti. Moisére Dios ñ yiroticūmasiriarore bajirone yiroti ñaja ñnare quēne —yiyujarã ñna.

⁶ To bajiro ñna yijare, Jesús ñ gotiroticōasuararã, gãjerã Jesúre ajitirūnarãre ũmato ñnarã, rējañujarã ñna, to ñna yisere gãmerã ñagōrētobudiruarã. ⁷ Yoaro gãmerã ñagōñañujarã ñna. To ñna bajiñarone, vãmurãgũcōari, ado bajiro ñnare gotiyuju Pedro:

—Yua yarã Jesúre ajitirūnarã, yure ajiya. Tirūmaju mua rãcagure yure besecōari, jud'io masa me ñnarãre Jesús ñ bajicatire yua gotirotire yigu, yure cōacami Dios, “Tire ajicōari, Jesúre ajitirūncato ñna” yigu. Tire masiaja mua. ⁸ Masa ñna tuoñasere masigũ ñari, jud'io masa me ñnarãre quēne Esp'iritu Santore ñnare cōacami Dios, manire ñ cōacatore bajirone. To bajiro ñnare ñ yicati ñajare, “Ñnare quēne ñavariquēnaami Dios”, yimasiaja mani. ⁹ “Jud'io masa me ñna ñajare, rojose ñna yisere ñnare masirobetirucuja”, yibesumi Dios. Jesúre ñna ajitirūncasuararã, rojose ñna yisere masirocōari, Jesús ñ rijabosare suorine “Ñie rojose mana ñaama”, ñnare yiañumi Dios. ¹⁰ To bajiro ñnare ñ yire ti ñaboajaquēne, “Mũare ruyaja. Dios mũare ñ ñavariquēnase mua bojajama, ado bajiro yiroti ñaja”, ñnare yaja mua, Jesúre ajitirūnarãre. To bajiro ñnare mua yijama, Jesús ñ rijabosare suorine quēnaro Dios manire ñ yisere ajimenare bajiro yirã yaja mua. Circunciación ñnare mua yirotijama, Dios ñ rotimasire ñnaro cōrone cudiroti ñnaroja ñnare. Rẽmojune mani ñicua quēne yijeobeticoadimasinuma. Mani quēne, tire cudijeobeticaju mani. ¹¹ Ado bajirojua tuoñaroti ñaja manire: “Tire mani cudise suori me, rojose mani tãmuborotire manire yirētosaga, Jesucristo manire rijabosayumi”, yiroti ñaja manire. To bajirone bajiaja jud'io masa me ñnarãre quēne —ñnare yigotiyuju Pedro.

¹² To bajiro Pedro ñ yisere ajicōari, ñagōbesujarã ñna yuja. To ñna bajirone, Dios ñ masise suorine ñaiañamanire jud'io masa me

ñaräre ĩna yĩlorere ĩnare gotiyujarã Pablo, Bernabé rãca. ¹³ To bajiro ĩna yigajanoro bero, ado bajiro yiyuju Santiago vãme cutigũ:

—Yũ yarã, yũre ajiya. ¹⁴ Jud'io masa me ñarã ĩna bajirere manire gotigajanoami Simón. Ī gotisere ajicõari, “Jud'io masa me ñaräre quẽne ĩnare besecõari, ‘Yũ rĩa ñaama ĩna’ yĩlavariquẽnañumi Dios”, yimasiaja mani. ¹⁵ Ti bajiro tire tũoĩacõari ado bajiro ucamasiñujarã Diore gotirẽtobosamasiriarã:

¹⁶⁻¹⁸ “‘Adirũmũri ñarã, Uju David ñamasir'i jãnerabatia, ujarã me ñaama ĩna. To bajiro ĩna bajiboajaquẽne, beroju mũa jud'io masare ĩamaicõari, David jãnamire, “Rotimũorũgõrũcũja mũ” yigũ, ĩre yicõarũcũja yũ. Ī rotimũorũne, jud'io masa me ñarã quẽne yũ rĩa ñarũarãma. To bajiro ĩna bajiro tire yigũ, ĩre cõarũcũja yũ’ yami Dios”, yucamasiñujarã ĩna, mani ujuere Jesũre Dios ĩ cõarũ tire yirã —yigotiyuju Santiago.

¹⁹ —To bajiri, ado bajiro tũoĩaja yũ: Jud'io masa me ñaboarine, ĩna rũcũbũorere rũcũbũo tũjacõari, Dios ĩ bojasejuare yirãre jairo ĩnare rotibetiroti ñaja. ²⁰⁻²¹ Tirũmũjũne usũsãjariarũmũ ti ejaro, Dios ocare ĩna buerivirijũ Moisés ñamasir'ire Dios ĩ roticũmasirere gotimasiocoayuma ĩna, tocãrãca macarine. To bajiri ñamasuse rĩne ado bajiro ĩnare yucacõato mani: “Ado bajirã ñarãma” ĩna masune yiquẽnorũjeocõari, ĩna yirũcũbũorã tũjũre vaibũcũrãre sĩacõari, mojoroaca ĩna tũjũ cũrãma. Tire babesa, ĩnare yucacõato mani. To yicõari, manajo cutirã, manajũ cutirã, manajo mana, manajũ mana quẽne, gãjerã rãca ajeriarã cũtibesa, ĩnare yucacõato mani. Vaibũcũrã sĩariarãre ĩna ri'ire yireamenane, babesa. ĩna ri'ire quẽne idibesa, ĩnare yucacõato mani —ĩnare yiyuju Santiago.

Jud'io masa me ñaräre ĩna ucacõare queti

²² To bajiro ĩ yisere ajivariquẽnacõari, Jesũs ĩ gotiroticõasũoriarã, Jesũre ajitirũnarã, ĩnare ũmato ñarã quẽne, “Pablo, Bernabé rãca Antioqu'iajũ mani cõaronare beseto mani”, yiyujarã ĩna. To bajiri, Judas, Barsabás ĩna yigũ, to yicõari Silas vãme cutigũ ñañujarã ĩna. Jesũre ajitirũnarã vatoajũre ñamasurã ñañujarã ĩna. ²³ To bajiri, Pablo, Bernabé rãcare ĩnare cõañujarã ĩna. Ado bajise queti ĩna rãca ucacõañujarã ĩna:

“Jesũre ajitirũnarã, ĩnare ũmato ñarã to yicõari, Jesũs ĩ gotiroticõasũocana quẽne, mũa yarã ñaja yũa, mũa quẽne Jesũre ajitirũnarã mũa ñajare. To bajiri mũare, jud'io masa me ñaräre, Antioqu'ia macanare, Siria sitanare, to yicõari Cilicia sitanare quẽne mũare quẽnaroticõaja yũa. Cojo masare

bajiro bajirã ñari, Jesús bederã rĩne ñaja mani. ²⁴ Ado yua rãcana sīgũri, ñare yua cõabetiboajaquẽne, mũa ñarojũre vacõari mũare ña gotimavisiodise quetire ajibũ yua. ²⁵ To bajiri, 'Ñare ucacõato mani, tire ñare gotiquẽnorã. To yicõari, ado mani rãcanare "Ñare ñarã vajaro" yirã, Pablo, Bernabé rãca ñare cõato mani' yitũoñaja yua. Pablo, Bernabé, yua ñamairã ñaama ña. ²⁶ Ñare ña sãruaboajaquẽne, Jesús mani mũũ ñ bojasere yicõa ñañũma ña, tojũ ña gotimasiodijaquẽne. ²⁷ To bajiri Judare, Silare, mũare cõaja yua, Pablo, Bernabé rãca. Tojũ ejacõari, mũare yua ucacõasere quẽnaro mũare gotiquẽnorũarãma ña. ²⁸ Esp'iritu Santo yuare ñ tũoñaejarẽmose rãca, ñamasuse rĩne mũare yiroticõaja yua: ²⁹ 'Ado bajirã ñarãma' ña masune yiquẽnorũeocõari, ña rũcũbuorã tũjũre vaibũcare sãcõari, mojoroaca ña tũjũ cũrãma. Tire babesã mũa. To yicõari, vaibũcurã mũa sãriarãre ña ri'ire yireame-nane, babesã. Ña ri'ire quẽne idibesa. To yicõari, manajo cõtĩrã, manajũ cõtĩrã, manajo mana, manajũ mana quẽne, gãjerã rãca ajeriarã cõtĩbesã. Adire mũa yijama, quẽnase yirã ñarũarãja mũa. Mũare quẽnarotiaja yua", ñare yiuacacõañujarã ña, Antioqu'ianare, jud'io masa me ñarãre.

³⁰ To bajiri, Antioqu'ia macajũ ña varotirã, ñare vare goti, vacoasujarã ña. To ejacõari Jesũre ajitirũnurãre ñare rẽocõari, gotiquẽnorã ña ucacõarere ñare ñañujarã ña. ³¹ Tire ñacõari, bũto variquẽnañujarã ña, tũoñasutiritiñaboariarã. ³² Judas, Silas quẽne, Diore gotirẽtobosarimasa ñañujarã ña. To bajiri toanare Jesũre ajitirũnurãre Jesús ocare quẽnaro gotimasioñujarã. Tire ajicõari, bũtobũsa ajivariquẽnañujarã ña. ³³ Ña rãca yoaro ña bajirãro bero, ñare queti cõariarã tũjũ tudiana, ñare ña vare gotirone,

—Quẽnaro tudiasã mũa —Ñare yitũocõañujarã ña.

³⁴ To ña bajirone,

—Adone tujagũ yaja yũ —yitujacõañuju Silama.

³⁵ Pablo, Bernabé quẽne, Antioqu'iajũre tujayujarã ña. To ñacõari, gãjerã jãjarã rãca Jesús ñ bajirere masare gotimasiodõa ñarũgũñujarã ña.

Jesús ñ bajirere Pablo ñ goticudigũ tudivare queti

³⁶ Antioqu'iajũ yoaro bajirãboana,

—Ita. Quẽna ñare tudĩacudito, Jesús ñ bajirere mani goticudicati macarire, "¿Mani goticudicatore bajirone ajitirũnũcõa ñati?" yirã —ĩre yiyuju Pablo, Bernabére.

³⁷ To bajiri, Juan Marcos vãme cõtĩgũre ñre jiarũaboayuju Bernabéjũama. ³⁸ Ñre ñ jiarũaboajaquẽne, bojabesuju Pablojũama, Panfilia macajũ Jesús ñ bajirere ña gotimasiodirore ñare ñ tudiveore ti ñajare. ³⁹ To bajiri

sĩgũre bajiro tuoĩamasibetica yirã, gãmerã cãmotadicõañujarã ãna. Bernabėjũama, Chipre vãme cãtiyoajũ Juan Marcõre ãre ũmato vasuju. ⁴⁰ To ã bajiro bero, Pablojũama, Silare ãre jiyuju. ãna varoto rĩjoro, toana Jesũre ajitirũnarã Diore ãnare sãnibosayujarã, Pablõre, Silare quẽne, “ãna goticudiro ãnare ejarẽmoato Dios” yirã. To bajiro ãna yiro bero, vacoasujarã ãna. ⁴¹ To bajivana, Siria sitare, Cilicia sitare quẽne, Jesũre ajitirũnarãre ãnare gotimasiodirũgũñujarã ãna, “Bũtõbũsa ajivariquẽnato ãna” yirã.

16

Timoteo, Pablõre, Silare, ã baba cãti vare queti

¹ To bajivana, Derbe vãme cãti macare, to yicõari Listra vãme cãti macajũre quẽne ejayujarã Pablo mesa. Ti macajũre Jesũre ajitirũnũgũre, Timoteo vãme cãtigũre ãre bũjayujarã ãna. Jesũre ajitirũnũgõ jud'io maso macũ ñañuju ã. ã jacũma, griego masũ ñañuju. ² Listra macana, Iconio macana quẽne, “Quẽnaro yigũ ñaami”, ãnare yigotiyujarã Jesũre ajitirũnarã, Timoteore. ³ “ã jacũ griego masũ ñacami”, yimasijedicõañujarã ti macariana. To bajiri ã rãca Timoteo ã vacudirotire bojagũ ñari, “Jud'io masa adi macariana, ‘Circuncisiõn yiyamagũ ñagũmi Timoteo’ yĩateroma” yimasigũ ñari, “Circuncisiõn yirotiya”, yiyuju Pablo. ⁴ To bajiro yicõa, vacoasujarã ãna, Timoteo rãca. ãna ejarimacari ñaro cõrone Jesũre ajitirũnarãre ado bajiro ãnare gotirũgũñujarã ãna:

—Jerusalén macana Jesús ã gotiroticõasũoriarã, ãre ajitirũnarãre ãnare ũmato ñarã quẽne, “Adi vãmere yibetiroti ñaja” ãna yirere —ãnare gotirũgũñujarã.

⁵ To bajiro ãna yigotirũgũsere ajivariquẽnañujarã ãna, ti macariana Jesũre ajitirũnarã. To bajicõari, jãjarãbũsa ñarũtuasujarã ãna.

Pablõre Macedonia sitagũ ã ruyuaĩõre queti

⁶ Asia sitajũre Jesús sũorine quẽnaro Dios ã yisere ãnare gotirotibesuju Esp'iritu Santo. To bajiri tojũre vamenane, Frigia, Galacia, to yicõari, Misia sita ñarimacarianare quẽne ãnare gotimasiodiyujarã ãna. ⁷ Misia sita tũsarijũ ejacõari, Bitinia sitajũre varũaboayujarã ãna. ãnare varotibesuju Esp'iritu Santo. ⁸ To bajiri, Misia sitare varũtu vanane, ti sita ñarimaca Troas vãme cãti macajũ ejayuma ãna. ⁹ Ti macajũre Pablo ã ejarãioati ñamire, Macedonia sitagũ ãre ruyuaĩõñuju. Ruyuaĩõcõari, ado bajiro ãre yiyuju:

—Vayá. Yũare ejarẽmogũaya —ãre yijiyuju.

¹⁰ ãre ã ruyuaĩõjare,

—Macedonia sitaju vajaro. Tojare Jesús suorine quēnaro Dios ĩ yisere mani gotirotire yigu, ĩre ruyuaĥorotiyumi Dios — yituoĥacaju yua.

To yirã ĥari, yua gajeyeĥnire quēnosãcaju yua, Macedoniaju varuarã.^d

Filipos vãme cuti macaju Pablo mesa ĩna bajire queti

¹¹ To bajiri, Troas maca ĥariarã, cĥmuane vacĥari, Samotracia vãme cutiyoaju ejaaju yua. To ejaĥari, gajerãmu Macedonia sita ĥarimaca, Neápolis vãme cuti macajure vacaju yua. ¹² Romano masa, Macedonia sitare ĕmacĥari ĩna ĥaro ĥacaju. Ti maca ejaĥari, Filipos vãme cuti macaju vacaju yua. Jairimaca, ĥamasuri maca ĥacaju ti maca. Tojare yoarobusaca ĥacaju yua. ¹³ Ĥsusãjariarãmu ti ĥaro, ti maca tusaroju vacaju yua, riaga boeju. “Jud’io masa, rĕjacĥari Diore ĩre ĩna sĕniriju ĥaroja”, yituoĥa rojacaju yua. Rojaejaĥari, to rĕjarãre rĕmiare ĩnare gotimasioaju yua, Jesús suorine quēnaro Dios ĩ yisere. ¹⁴ Sĕgĕ yuare ajigo, Lidia vãme cutigo ĥacamo, Tiatira vãme cuti macago. Sudijãiri, sĕarivĥojãiri ĩsicĥari, vaja sĕnigĕ ĥacamo. Quēnaro Diore yirĕcubĥogo so ĥajare, “Pablo ĩ gotimasiosere ajimasiato” yigu, ĩ masisere sore cĥaĥumi Dios. To bajiro sore ĩ yijare, Jesure ĩre ajitirĕnĥocamo so. ¹⁵ To bajiro so bajijare, sore, to yicĥari, so ya vianare quēne oco rãca ĩnare bautizacaju yua. To yua yiro bero,

—“Jesure ĩre ajitirĕnĥgĕ ĥamo” yure mĥa yijama, yĥ ya viju ĥarã vayá mĥa —yuare yicamo so.

To so yijare, so ya viju ĥacaju yua.

¹⁶ Cojorãmu Diore sĕniriaroju vana, gãjerãre moabosari-masore sore ĥajacaju yua. Vãti sãĥagĕ ĥacamo so. Vãti suorine masa ĩna bajirotire tuoĥacĥari, riojo gotigo ĥacamo. To bajiro bajigo so ĥajare, ĩna bajirotire masiruarã, sore sĕniarũgũĥujarã. To so yise vaja jairo gãjoa ĥjarũgũĥujarã so ĥjarã. ¹⁷ To bajiri yuare sĥyacĥari, ado bajiro yuare yivasã sĥyarũgũcamo so:

—Ãnoa, masirĕtogũ Dios ĩ bojasere yirã ĥaama. Dios, masa rojose ĩna tãmuoborotire ĩnare ĩ yirĕtobosarotire gotirimasa ĥaama —yivasã sĥyarũgũcamo so.

¹⁸ Tocãrãcarãmune to bajiro so yivasã sĥyajare, buto gĕjanabidicami Pablo. To bajiri ĥdarũgũcĥari, so usĥu vãti sãĥagũre ado bajiro ĩre yicami:

—Jesucristo ĩ rotise rãca mure budirotiaja yĥ —ĩre yicami Pablo.

To bajiro ĩ yirone, budicoacami vãti.

^d 16:10 Adi quetire ucamasirĕ Lucas vãme cutigu, Troas maca ĥacĥari, Filipos vãme cuti macaju Pablo rãca varĕ ĥari, “yicami Pablo”, yiucauyumi.

¹⁹ So usujare vāti ī budicoajare, masa ĩna bajirotire gotima-sibeco ñacamo so yuja. To bajiro so bajijare, “So suorine gājoa bujarūgūboabu mani. No yicōari, gājoa bujariaro maja mani yuja” yijūnisinirā ñari, Pablore, Silare quēne ĩnare ñejecama so ujarā. ĩnare ñejecōari, masa ĩna yisere ĩacōiarimasa tuju ĩnare juaácama. ²⁰ ĩna tu ejacōari, ado bajiro goticama ĩna:

—Ānoa jud'io masa mani ñarimacanare gotigōjanabioama. ²¹ ĩna ñicua ĩna yimasiriarore bajiro yiroti ñaja, yigotimasioama ĩna. Manima romano masa mani ñajare, ĩna gotisere mani ajiama, Hju César ī rotisere cūdimena yirāja mani —ĩnare yigoticama ĩna, vāti sāñaboario ujarā.

²² To bajiro ĩna yisere ajicōari, jājarābusa ĩnare ĩajūnisinica ĩna. ĩnare sudi vejecōari, ĩnare bajeroticama masa ĩna yisere ĩacōiarimasa. ²³ Buto ĩnare ĩna bajero bero, tubiberiaviju ĩnare tubiberoticama. To yicōari,

—Quēnaro ĩnare ĩatirūnama —ĩre yicama ĩna, ti vire coderimasare.

²⁴ To ĩna yijare, gudareco ñari aruajure no yirudimasiña manojū ĩnare juacōari, yucūjāi goje cutijāine ĩna guborire yirēto buñiacōari, ĩnare tubibecūcōañuju.

²⁵ To ī yicōariarā, ñami gudareco ñaro Diore sēni, basa, yiñañujarā ĩna, Pablo, Silarāca. Gājerā, ti vi tubibe ecoriarā, to ĩna yisere ajiyujarā. ²⁶ To bajiro ĩna yiñarone, buto sita sabeyuju. To bajiro ti bajirone, ti vi ñarisōari sojeri jedirone jāñajedicoasuju. Cōmemarine ĩnare ĩsiaboare jojijedicoasuju, ĩna jedirorene. ²⁷ To bajiro ti bajirone, yujicōari, ti vi ñarisōari sojeri ñaro cōrone jāñariasojeri ti ñacōajare, “Budijedicōariarāma ĩna” yigu, ī masune jariase rāca sīaghuagu yiboayuju ti vi ĩacoderimasu. ²⁸ To ī yigudone,

—¡Mū masune sīabeticōañā! Yna ñaro cōrone adorine ñajedicōaja yna —ĩre yiyuju Pablo.

²⁹ To ī yisere ajicōari, sīabusuorotiyuju ti vi coderimasu. To yicōari, ti vijure ũmasājacōari, buto güigu ñari, nanagūne Pablo, Silarāca rījorojuare gūsomuniari tuetuyuju, ĩnare rācūbuogu.

³⁰ To ī yiro bero, ĩnare bucōari, ado bajiro sēniñañuju ī:

—Rojose yu tāmūoborotire Dios yure ī yirētorotire yu bojajama, ¿no bajise yiroti ñati yure? —ĩnare yisēniñañuju ī.

³¹ To ī yisere ajicōari, ado bajiro ĩre cūdiyujarā ĩna:

—Mani uju Jesúre mū ajitirūnūjama, rojose tāmūotūjabetiriaroju mū vaborotire mure, mū yarāre quēne yirēto bosarūcūmi Dios —ĩre yiyujarā Pablo, Silarāca.

³² To bajiro ĩre yicōari, ĩre, ī ya vianare quēne mani uju ocare ĩnare gotimasioñujarā ĩna. ³³ Ti ñamine Pablo mesa cāmire coeyuju ī, tubiberiavi coderimasu. ĩnare ī coegajanorone, ĩre, ī ya vianare quēne oco rāca ĩnare bautizayujarā ĩna. ³⁴ To bajiro

Īnare Īna yiro bero, ĩ ya vijũ Īnare ĵiacõari bare Īnare ecayuju. Diore ajitirũnarã ĩari, bũto variquẽnañujarã Īna.

³⁵ Gajerũmũ busurijũ masa Īna yisere ĩacõĩarimasa, ado bajiro Īna surarare Īnare yiyujarã Īna:

—Tubiberiavi coderimasũre ĩre gotiaya, “Pablo, Silare Īnare bucõato” —Īnare yiroticõañujarã Īna. ³⁶ To Īna yiroticõare ti ĩajare, ado Pablo mesare Īnare gotiyuju ti vi coderimasũ:

—“Pablo, Silare Īnare bucõañã”, yũre yicõañuma Īna. To bajiri, “Rojose manire yirẽmomenama”, yitũoĩa variquẽna bu-diasa mũa —Īnare yiyuju ĩ.

³⁷ To ĩ yiboajaquẽne, ado bajiro Īnare yiyuju Pablo, masa Īna yisere ĩacõĩarimasa Īna cõariarãre:

—Bajibeaja. Roma macana yũa ĩaboajaquẽne, rojose yũa yirere ĩacõĩamenane, yũare bajerotimasima Īna, masa Īna ĩaro rĩjorojũa. To yicõari yũare tubiberotimasima. To bajiro yũare yirã ĩaboarine, ¿no yirã masa Īna ĩabetone yũare burotiati Īna? Īna masune yũare burã vadiato —Īna cõariarãre Īnare yiyuju Pablo.^e

³⁸ To ĩ yijare, masa Īna yisere ĩacõĩarimasa tũjũ ejacõari, Pablo ĩ gotirere Īnare gotiyujarã Īna. To Īna yisere ajicõari, “Roma macana ĩañuma Īna quẽne” yimasicõari, bũto gũiyujarã Īna.

³⁹ To bajiri tubiberiavijũ ejacõari, “Rojose mũare yũa yimasisere masirioya mũa”, Īnare yiyujarã, Pablo mesare. To Īna yiro bero, Īnare bucõari, rũcũbũose rãca Īnare varotiyujarã Īna, masa Īna yisere ĩacõĩarimasa. ⁴⁰ To bajiro Īnare Īna yiro bero, Lidia ya vijũ vasujarã Īna. Ti vijũ sãjaejacõari, to ĩariarãre Jesũre ajitirũnarãre quẽnaro Īnare gotiyujarã Īna. Īnare gotigajanocõari, vacoasujarã Pablo mesa.

17

Tesalónica vãme cuti macajũ Pablo mesa rojose ĩna tãmũore

¹ To bajivanane, Anf'ipolis, Apolonia vãme cuti macare rẽtoanane, Tesalónica macajũre ejayujarã Pablo mesa. Tojũre jud'io masa Dios ocare Īna buerivi ĩañuju ti. ² To bajiri ĩ yirũgũriarore bajiro yigũacũ, ti vire sãjañuju Pablo. Idia semana cõro tocãrãcarũmũ usũsãjariarũmũri ĩaro Dios oca masa Īna ucamasirere Īnare bueajiocõari, ado bajiro Īnare gotimã-siorũgũñuju:

³ —Tire quẽnaro mũa buejama, “ ‘Rotimũorũgõrũcũmi’ yigũ, Dios ĩ cõarocũ rojose tãmũocõari, ĩ rijarotire, to yicõari, quẽna ĩ tudicatirotire gotiaja ti”, yimasirũarãja mũa quẽne. “To bajiro

^e 16:37 Pablo jacũ Roma macana surara rãca quẽnaro ĩ moajare, Roma macagũ me ĩ ĩaboajaquẽne, “Roma macagũ ĩaami” Īna yucature cõoyuju, jud'io masũ ĩaboarine. To bajiro Īna yire ti ĩajare, ĩ macũ Pablo quẽne, “Tarso macagũ ĩaboarine, Roma macagũ ĩaja”, yiyuju.

bajirucumi” ña yuicamasir'i, “Jesúne ñaami”, muare yaja yu — ñare yigotimasioñuju Pablo.

⁴ To bajiro ñ yisere ajicōari, sīgūri jud'io masa, griego masa Diore rūcubuoŕgūriarā, to yicōari, rōmia ñamasurā quēne, “Pablo mesa rācana ñaja yuā”, yiyujarā ña. ⁵ To bajiro ña yisere buto ñajūnisiniñujarā gājerā jud'io masa. ñajūnisinicōari, jājarā masa ña rējarūgūrijau ejacōari, “Pablore, Silare ñare ñejecōari, rojose yito mani” yirā, rojose yirāre ñare jirēoñujarā ña. To yicōari, “Jasón ya vijū ñarāma” yirā, ñare macarā sājasujarā ña. ⁶ ñare bujabetica yirā, Jasón to yicōari gājerā Jesúre ajitirūnrāre quēne, ñare vejabudiacōari, ti maca ujarā tūju ñare juaásujarā. To ejacōari, ado bajiro ñare avasāgotiyujarā ña:

—Ānoa, macarucuro jediro ñarā masare gōjanabiorā ñaama. To bajiri adojure quēne manire gōjanabiorā ejama ña. ⁷ Jasón ñare bocaāmiñumi ñ ya vijū. ña jedirone, Ūju César ñ rotisere ajirūcubuomena ñaama. “Gāji ñaami mani uju, Jesús vāme cutigū”, yirūgūama ña —yiavasā gotiyujarā ña.

⁸ To bajiro ña yigotisere ajicōari, maca ujarā, gājerā to rējarā quēne, buto avasājūnisiniñujarā ña. ⁹ To yicōari, Jasónre, gājerā Jesúre ajitirūnrāre quēne ñare gājoa sēniñujarā ña, “Tire mua ĩsijama, muare buruarāja yuā” yirā. To ña yijare, gājoa ñare ña ĩsirone, ñare bucōañujarā ña.

Berea vāme cuti macajure Pablo mesa ña bajire queti

¹⁰ Tirūmū rāioati ñamine, Berea vāme cuti macaju Pablo mesare ñare varotiyujarā ña Jesúre ajitirūnrā. Tojure ejacōari, Dios ocare ña buerivijure sājañujarā ña. ¹¹ Tesalónica vāme cuti macanare bajiro tuoĭabesujarā ña, ti macana jud'io masa. Pablo ñ gotimasiosere buto ajivariquēnañujarā ña. Tocārācarāmurine Pablo ñ gotisere ajicōari, Dios oca masa ña ucamasirere buerūgūñujarā ña, “¿Pablo ñ gotisere bajirone gotiati?” yirā. ¹² To bajiri jājarā jud'io masa, griego masa rōmia ñamasurā, ũmua quēne, Jesúre ĩre ajitirūnūoyujarā ña. ¹³ Berea macajure Jesús suorine quēnaro Dios ñ yisere Pablo ñ gotimasio ñasere ajiyujarā Tesalónica macana jud'io masa. Tire ajicōari, Pablo ñ gotimasio ñarojure vasujarā ña. Toju ejacōari, “Pablo rojose yigū ñaami”, ñare yigotiyujarā ña. To ña yijare, Pablore buto ĩre jūnisiniñujarā ña, ti macana. ¹⁴ To ña yijare, moa riaga boeju Pablore ĩre varotiyujarā ña Jesúre ajitirūnrā. To bajiboarine, Timoteo, Silarāca Berea macane ñacōañujarā ñama. ¹⁵ Pablo rāca variarā, Atenas vāme cuti macaju ĩre cūejoyujarā ña. ĩre cū, Berea macaju ña tudiatone, “Guaro yu tūju vayá”, yuicacōañuju Pablo, Silas, Timoteore.

Atenas vāme cuti macaju Pablo ñ bajire queti

16 Pablo, Atenas macaja ñacōari, Silas, Timoteore ñare yuñañuju ĩ. To bajiñagũ, ti macana, ña yuñasere ñañuju, “Ado bajirã ñarãma” ña masune yiquēnorujeocōari, ña yirũcũbũoñasere. Tire ñacōari, bũto tũoĩarejaiuju. 17 To bajiri jud'io masa Dios ocare ña buerivijũ sãjacōari, ñare gotimasioñuju Pablo, Jesús sũorine quēnaro Dios ĩ yisere. Griego masare, Diore rũcũbũorũgũriarãre quēne gotimasioñuju. To yicōari, tocãrãcarũmũrine masa ña rējarũgũrijau ejarãre ñare gotimasioñuju Pablo. 18 Tojũre epicũreo masa, to yicōari estoico masa ĩ rãca ñagõñujarã ña. To yicōari, ña masune ado bajiro gãmerã yiyujarã ña:

—¿Ñie ũnire ñagõru yiboati, ãni tũoĩamasibecu? ¿No bajise gotirũ yiboati? ĩ yarã ña rũcũbũorãre “Ĩna quēne rũcũbũoato” yigũ, manire gotimasiorũ yiboami —gãmerã yiyujarã ña, Jesús rijacoaboarine, quēna ĩ tudicatirere Pablo ĩ gotisere ajicōari.

19 To bajiro gãmerã yicōari, ĩre jiasujarã ña, masa rējacōari ña gãmerã gotirojũ, Areópago vãme cutojũ. To ejacōari,

—¿Ñie ũnire ajĩñañamanire yũare gotirũgũati mũ? 20 Mũ gotise ũnire ajibetirũgũmũ yũa. Mũ gotiri vãmere masirũaja yũa —Pablore ĩre yiyujarã ña.

21 (Atenas vãme cuti macana, to yicōari, gãjerã gajerojũ vadiriarã quēne, ña ajĩñabetirũgũrere ña ajijama, Areópagojũ vacōari, ti rione gãmerã gotirũgũñujarã ña.)

22-23 To bajiri ña vatoajũre vũmũrũgũcōari, ado bajiro ñare gotiyuju Pablo:

—Atenas vãme cuti macana, yũre ajiya mũa. “Ado bajirã ñarãma” yiquēnorujeocōari, mũa rũcũbũorã jãjarã ñaama adi macare. ñare bũto rũcũbũorã ñaja mũa. Mũa quēnoriarãre mũa rũcũbũorivirire, ñacudica yigũ, cojojũ soemũoriajũre, uaturere ñamũ yũ. Ado bajiro yibũ ti: “Ado ñaja Dios ñañamagũre rũcũbũoriajũ” yibũ. ĩre masibetiboarine, mũa rũcũbũogũre mũare gotigũagũ vadimasimũ yũ.

24 ĩne ñaami Dios, ñajediro mũ, adi macarũcũro ãmũagaserore, to yicōari, catirã ñajedirore rujeor'i. Masa ña bũariavire ñagũ ũgũ me ñaami ĩma. 25 Masa ĩre ña yibosasere bojagũ me ñaami. Disejũa ĩrema ruyabetoja. ĩne ñaami ñajediro mani catirotire manire ĩsirũgũgũma.

26 “Macarũcũro ti ñaro cõrone jãjarã masa ñarũtuarãma” yigũ, rēmojũre sũgũne ãmũre rujeosũomasĩñuju. Mani catirotirodorire, to yicōari, mani ñaroti sitare quēne manire cũbosamasĩñuju. 27 “Ĩbũjayamagũ ñaboarine, yũre ña sēnijama, yũre masirũarãma ña” yigũ, to bajiro manire rujeomasĩñuju

† 17:19 Areópago vãme cutore rējarũgũriarã Areópago vãme cutiyujarã.

ĩ. Sõjũ me ñaami. Ado mani rãcane ñacõagũmi. ²⁸ Ĩ suorine catiaja mani. Sĩgũri mũa yarã ado bajiro ucamasiñuma ñna: “Mani rũcũbuõgũ yarã ñaja mani. To bajiri ĩ rĩa ñaja mani”, yucamasiñuma. ²⁹ To bajiri, Dios rĩa ñari, “Orone, cõme vetane, gũtane masare bajirã ñna quẽnoriarã ũgũ ñagũmi mani rũcũbuõgũ”, ĩre yitũoĩabeticõato. Masa ñna quẽnoboasema Diore bajiro bajise me ñaja ti. ³⁰ Tirũmũjũrema, “Ado bajirã ñarãma” ñna masune yiquẽnorujeocõari, ñna yirũcũbuõñasere bojabecu ñaboarine, rojose yibetimasiñumi Dios, “Ĩ bojabetire yirã yirãja mani” ñna yimasibetijare. To bajiboarine yucũrema, “Yũ ĩvariquẽnabetire yitũjacõari, yũ bojasejũare yiya”, yami Dios, masa ñajedirore. ³¹ To bajiri, “Cojorũmũ masa ñna yisere riojo ĩabeserocũre cũrũcũja yũ”, yimasiñuju Dios. To bajiro ĩ yir'i ñari, adi macarũcũrojũre ejacõari, ĩ rijato bero Dios ĩre ĩ catiore ñajare, “Masa ñna yisere ĩabeserocũ ñaami”, yimasire ñaja –ñna yigotiyuju Pablo.

³² “Bajirocacoaboarine quẽna tudicaticoasuju” Pablo ĩ yigotisere ajicõari, ĩre ajayujarã ñna, sĩgũri. To ñna yirone, gãjerãjũama:

–To mũ gotiserema, gajerũmũ mũre ajirũarãja –ĩre yiyujarã ñna.

³³ To bajise ĩre ñna yijare, vacoasuju Pablo. ³⁴ Sĩgũri, Pablo ĩ gotisere ajicõari, Jesũre ĩre ajitirũnũsũoyujarã ñna. Dionisio, Areõpago masũ ñaũuju ĩ. To yicõari, Dãmaris vãme cutigo, gãjerã quẽne ñaũujarã ñna.

18

Corinto vãme cuti macajũ Pablo ĩ bajire queti

¹ To bajiro bero, Atenas macajũ ñar'i, Corinto vãme cuti macajũ vacoasuju Pablo. ² Tojũ ejacõari, Ponto sitajũ ruyuar'i jud'io masũ Aquila vãme cutigure ĩabũjayuju. Italia sitagũ mũũ Claudio vãme cutigũ, Roma vãme cuti macajũre jud'io masa ñna ñasere bojabecu ñari, ñna varotiyuju ĩ. To ĩ yijare, Italiajũ ñnariarã, Corinto macajũ ejayujarã ñna, Aquila, ĩ manajo Priscila vãme cutigo rãca. ĩnare ĩabũjar'i ñari, ñna ya vijũ ĩnare ĩagũ vasuju Pablo. ³ Vaibũcũrã gaserorine viri bũarotire quẽnocõari, vaja sãnirã ñaũujarã ñna. To bajiri Pablo quẽne, tire moarũgũr'i ñari, ñna tũjũ ñacõari, ñna rãca moaũuju ĩ. ⁴ ĩna rãca ñacõari, usũsãjariarũmũ ti ejaro Dios ocare ñna buerivijũ vacõari, jud'io masare, griego masare quẽne, “Jesũs yere ajitirũnũato” yigu, ĩnare gotimasiorũgũñuju Pablo.

⁵ Macedonia sitajũ ñnariarã, Pablo ĩ ñarojũre Corinto macajũre ejayujarã Silas, Timoteo rãca. To bajiri ñna ejaro bero, vaibũcũrã gaserorine viri bũarotire ĩ quẽnorũgũboarere yitũjacõari, tocãrãcarũmũne jud'io masare

ĩnare gotimasiorũgũñuju. “Jesúne ñaami masa rojose ĩna tãmuoborotire ĩnare yirẽtobosacõari, rotimũorũgõrocũ, Dios ĩ cõar’i”, ĩnare yigotimasiorũgũñuju Pablo. ⁶ To bajiro ĩnare ĩ yigotiboajaquẽne, ĩre ajiterã “Rojose yigũ ñaami Pablo. Socagũ ñaami”, yiyujarã ĩna. To bajiro ĩre ĩna yijare, “To cõrone mũare gotitujagũ yaja” yigũ, ĩ sudi sãñasere tũayayeyuju Pablo. To yicõari, ado bajiro ĩnare yiyuju:

—Jesús mũorine Dios quẽnaro ĩ yisere mũare yũ gotisere ajiterã ñari, mũoye cutiaja mũa. Yũ mũori me bajirũarãja mũa. To bajiri, jud’io masa mejũare mũare yũ gotiboasere ĩnare gotigũacũ yaja yũ —ĩnare yigotiyuju Pablo.

⁷ To yigajanocõari, ti vi ñar’i, budicoasuju ĩ. Ti vi tũre ñañuju Ticio Justo vãme cutigũ ya vi. Jud’io masũ me ñaboarine, Diore ajirũcũbuogũ ñañuju ĩ. To bajiri ĩ tũ sãjasuju Pablo. ⁸ Jud’io masa Dios ocare ĩna buerivi mũju Crispo vãme cutigũ, ĩ ya viana, to yicõari Corinto macana quẽne, jãjarã Pablo ĩ gotimasiosere ajicõari, “Jesũrãcana ñaja yũa” yirã, oco rãca bautizarotiyujarã ĩna. ⁹ Cojo ñami Pablöre ruyuañocõari, ado bajiro ĩre yiyuju Jesús, mani mũju:

—Gũibesa. Gũibecũne yũ yere ĩnare gotimasioocõa ñaña. ¹⁰ Mũ rãcane ñaja yũ. To bajiri mũre ñiacõari, rojose mũre yirocũ maami. Adĩ macare jãjarã ñaama yũre ajitirũnrã —Pablöre ĩre yigotiyuju Jesús. ¹¹ To bajiri cojo cãma jedi, gaje cãma gũdareco Corintojare Dios ocare ĩnare gotimasio ñañuju Pablo.

¹² Tirodore Acaya sita mũju ñañuju Galiõn vãme cutigũ. To bajiri Pablo ĩ gotimasio ñarone, jud’io masa, ĩre ñiacõari, Galiõn tũju Pablöre ĩre ãmiasujarã ĩna, “ ‘Rojose yigũ ñañumi’ ĩre yato” yirã. ¹³ To ejacõari, ado bajiro Galiõnre gotiyujarã ĩna:

—“Ado bajiro yũre yirũcũbuorũgũrũarãja mũa” Dios ĩ yicũmasire mere masare ũmato yirũgũami —ĩre yigotiyujarã ĩna.

¹⁴ To ĩna yijare, Pablo ĩ ñagõgũadone, ado bajiro ĩnare gotiyuju Galiõn:

—Rojose ĩ yire ti ñajama, “Rojose yigũ yiyumi”, mũare yiajibogũja yũ. ¹⁵ To bajiboarine mũa ñicũa ĩna yirũgũrere ĩ yijama, ĩ yibetijaquẽne, no yibeaja, yũrema. To bajiri no yigũ ĩ yirere ĩacõĩabecũja yũ. Mũa masune tire oca quẽnoña —ĩnare yiyuju Galiõn, jud’io masare.

¹⁶ To yigajanocõari, ĩnare budirotiyuju ĩ. ¹⁷ To ĩ yirã, budiane Dios ocare ĩna buerivi mũju Sõstenes vãme cutigũare ĩnare ũmato var’irene ñiacõari, quẽañujarã ĩna. To ĩna yiboajaquẽne, “To yaja mũa”, ĩnare yibeticõañuju Galiõn.

Antioqu’ia macajũ tudiejacõari bero, Dios ocare Pablo ĩ tudigotigũ vare queti

18 To bajiro bero, Corinto macajure yoaro ñacõañuju Pablo. To bajiñaboacũ, Jesúre ajitirũnarãre vare goti, vacoasuju. Priscila so manajũ Aquila quẽne ã rãca vasujarã ãna, Siria sitajũ vana. Cencrea macajũ ejacõari, “Tire yirũcũja yũ” Diore ãre yir'i ñari, ã rãjoa joare suarotiyuju Pablo. To bajiro ã yiro bero, cũmuane Efeso macajũ vacoasujarã ãna. 19 Ti macajũ ejacõari, Priscila so manajũ Aquila rãca to ãna ñatoyene, jud'io masa Dios ocare ãna buerivijũ vasuju Pablo. Ti vi ejacõari, ãnare gotimasioñuju ã. 20-21 To ã yĩñarone,

—Yũna rãca yoarobũsa ñacõaña —ãre yiboayujarã ãna.

To ãna yijare,

—Mũna rãca yoaro ñamasibeaja yũ. Dios ã bojjajama, quẽna mũnare ãagũ vadirũcũja yũ —ãnare yiyuju.

To yicõari, ãnare vare goti vacoasuju cũmuane, Cesarea macajũ vacũ. 22 Cesarea macare ejacõari, Jerusalénjũ vacoasuju ã. To ejacõari, Jesúre ajitirũnarãre ãnare quẽnaroti gajanoõõari, Antioqu'ia macajũ vacoasuju. 23 Ti macajũ ejacõari, yoaro ñañuju. To bajiñaboacũ, vacoasuju Galacia sitajure, to yicõari, Frigia sitajure quẽne, Jesúre ajitirũnarãre “Butobũsa ajitirũnarũtuajaro” yigũ, ãnare goticudigũacũ.

Efeso macajure Apolos vãme cõtigu ã gotimasioire queti

24 Tirodore Efeso macajũ ejayuju jud'io masũ, Apolos vãme cõtigu. Alejandr'ia vãme cõtĩ macajũ ruyuar'i ñañuju ã. Dios ocare masa ãna ucamasirere quẽnaro masigũ ñañuju ã. 25 “Jesús ñañumi, ‘Rotimũorũgõrũcũmi’ yigũ, Dios ã cõar'i” gãjerã ãna yigotimasior'i ñañuju ã. “Rojose mũna yisere yitũjaccõari, ‘Dios ã bojjasejũnare yirũarãja’ yirã, oco rãca bautizarotiya” Juan ã yire rĩne masiñuju ã. To bajiboarine, ã masiro cõro quẽnaro gotimasio variquẽnañuju. 26 Ti macajũ ejacõari, Dios ocare ãna buerivijure bojjonebecũne ãnare gotimasioñuju ã. To bajiro ã yisere ajiyujarã ãna, Priscila, so manajũ rãca. Tire ajicõari, “Cojo vãme ãre ruyaja” yirã, ricati ãre jicãmotocõari, ãre gotirẽmoñujarã ãna, Jesús ocare, to yicõari ã bajirere quẽne. 27 ã gotimasiorotire ãre ãna gotirẽmoro bero, Acaya sitana Jesúre ajitirũnarã ãna ñarojũ varũna tũoĩañuju Apolos. “To mũ vajama, quẽnamasucõaroja ti”, ãre yiyujarã ãna, Efeso vãme cõtĩ macana Jesúre ajitirũnarã. To bajiri Acaya vãme cõtĩ sitanare queti ãnare ucacõañujarã ãna, “Apolo mũna tũ ã ejaro, quẽnaro ãre bocaãmĩña mũna” yirã. To bajiri, Acayajure vacoasuju ã. To ejacõari, Dios ã ejarẽmose rãca Jesúre ajitirũnũsũoriarãre ado bajiro ãnare yirẽmoñuju Apolos: 28 Quẽnaro tũoĩagũ ñari, masa ãna ãaro rĩjorojũna, jud'io masa ãna gotiboasere, “To bajiro me bajajaja” yigũ, Dios oca masa ãna ucamasirere gotiyuju ã.

—“Rotimũorũgõrũcũmi” yigũ Dios ã cõar'i, ãne ñaami Jesús —yigotimasioñuju ã.

Quēnaro ĩ gotimasiojare, “To bajiro me bajiaja”, yimasibesujarā jud'io masa.

19

Efeso vāme cuti macajμ Pablo ĩ bajire queti

1 Corinto vāme cuti macajμ Apolos ĩ űatoyene, Pabloyμa gūtayucμ vatoajμ űarimacarire rētoacōari, Efesoym ejayuju. Toym ejacōari, Jesúre ajitirūnrāre sīgūrire ĩnare bujayuju Pablo.

2 ĩnare bujacōari, ado bajiro ĩnare sēniñañuju:

—Jesúre ĩre mμa ajitirūnrμorijμ, ¿Dios ĩ cōagū Esp'iritu Santo mμare ejacati? —ĩnare yiyuju.

To ĩ yisere ajicōari,

—¿Ñimμ űati Dios ĩ cōagū Esp'iritu Santo mμ yigμma? ĩre masibeaja yμa —ĩre yicūdiyujarā ĩna.

3 To ĩna yisere ajicōari,

—¿Nie űnire yirā, oco rāca bautizaroticati mμa? —ĩnare yisēniñañuju Pablo.

To ĩ yisere ajicōari,

—Juan ĩ yirere yirā, oco rāca bautizaroticajμ yμa —ĩre yicūdiyujarā ĩna.

4 To bajiro ĩna yijare,

—“Rojose yirμabeaja yμa. Dios ĩ bojasejμare yirμarāja yμa” yirāre ĩnare bautizayuju Juan. To yicōari, “Yμ bero ejarocμre ĩre ajitirūnrμma mμa”, ĩnare yigotiyuju ĩ, Jesús ĩ ejarotire yigμ —ĩnare yigotiyuju Pablo.

5 To yicōari Jesús ĩ gotimasiorere, ĩ bajirere quēne ĩnare gotiyuju Pablo. Tire ajicōari, “Manire rijabosayumi Jesús mani μμ. To bajiri ĩ rācana űaja yμa” ĩre ĩna yiajitirūnrμsojare, oco rāca ĩnare bautizayuju Pablo. 6 To yigajanocōari, ĩ āmori rāca ĩnare ĩ űujeorone, Esp'iritu Santo ĩnare ejayuju. To ĩnare ĩ bajirone, ajiyamani oca űagōñujarā ĩna. To yicōari, Diore ĩre gotirētobosayujarā ĩna. 7 Jμāāmo cōro, gμbo jμa jēnituarirācμ űañujarā ĩna.

8 Jud'io masa Dios ocare ĩna buerivijμ tμoĭagūibecμne idiarā muijua ado bajiro ĩnare gotimasio űañuju Pablo:

—Jesúne űaami “Rotimμorūgōrμcμmi” yigμ, Dios ĩ cōar'i. ĩre ajitirūnrāre, “Yμ rācana űaama” ĩnare yīlavariquēnaami Dios —ĩnare yigotirūgūñuju.

9 To bajiro ĩnare ĩ yigotiboajaquēne, sīgūri ĩre ajitecoasujarā ĩna. To bajiri, “Jesús yere ajitirūnrμ sμyare socase űaja”, yigotiyujarā ĩna, ti vi rējarāre. To bajiro ĩna yijare, Tirano vāme cutigμ ya vi, bueriavijμ Jesús yere ajitirūnrāre ĩnare űmato vacōari, tocārācarūmμne ĩnare gotimasiorūgūñuju Pablo. 10 Jμa cūma ĩnare gotimasio űañuju ĩ. To bajiri Asia sitana, jud'io masa, to yicōari griego masa quēne, mani μμμ Jesús ĩ bajirere

to yicōari, ĩ gotimasiorere Pablo ĩ gotisere ajijedicoasujarã ĩna. ¹¹ Tirodore ĩaĩaĩamanire Dios ĩ masise rãca yĭoñuju Pablo. ¹² To bajiri, Pablo ĩ masune rijaye cutirãre ĩ moaĩagũ vabetiboa-jaquẽne, sudi joeaye, to yicōari ĩna rujoa siariarorine Pablore ĩre moaĩaroticōari, juacoarũgũñujarã rijaye cutirã taju. Tire ĩna juaejasere moaĩarãne, caticoarũgũñujarã. Masa usuriju sãñarã vãtia quẽne, budicoarũgũñujarã.

Masa usuriju sãñagũre vãtire, “Budiya”, Esceva rã ĩna yiboare

¹³ Masa usuriju sãñarãre vãtiare bureacōari, vaja sēnicudirimasa ñañujarã ĩna, ĩaĩaĩamanire Pablo ĩ yĭorirodore. To yirũgũriarã ñari, “Jesús ĩ rotise rãca yaja yua’ mani yijama, quẽnaro manire cudiruarãma vãtia”, gãmerã yiyujarã ĩna. To yirã ñari, “Pablo masare ĩ gotimasiorũgũgũ, Jesús ĩ rotise rãca budiya”, yirũgũñujarã ĩna, masa usuriju sãñarãre vãtiare.

¹⁴ To bajiro yirũgũñujarã jud’io masu paia uju ñamasugũ Esceva vãme cutigu rã. Cojomo cōro, juã jēnituarirãcu ñañujarã ĩna. ¹⁵⁻¹⁶ To bajiro yirũgũriarã ñari, vãti sãñagũ ĩ ñarivijure sãjaejacōari, “Jesús ĩ rotise rãca budiya”, yiboayujarã, masu usuru sãñagũre vãtire. To ĩna yirone,

—Jesúrema masiaja yu. Pablore quẽne ĩre masiaja. To bajiboarine mwarema masibeaja —ĩnare yicōañuju vãti. To yigune, —ĩnare quẽaña mu —yiyuju vãti, ĩ sãñagũre.

To ĩ yijare, ĩnare quẽacōari, ĩna sudire voreajeocōañuju. To ĩ yiriarã, cãmironi cuticōari, sudi manane, ũmabudicoasujarã, ĩre rudiana. ¹⁷ Efeso macana, jud’io masa, to yicōari griego masa quẽne, to bajiro Esceva rã ĩna yiecorere ajicōari, buto gũiyujarã ĩna. To yicōari, Jesús yere ĩna gotijama, rucubuose rãca gotiyujarã ĩna.

¹⁸ To yicōari, Jesúre ajitirãnurã, Dios ĩ bojabetire ĩna yirũgũrere masa ĩna ajiro rĩjorojuã gotirã ejayujarã ĩna, “Tire tudiyibetiruarãja yua” yirã. ¹⁹ “Gãjerã rëtoro masirã ñaja yua” yirã, ĩaĩaĩamani yĭorimasa, ĩna ucariatutirire buerã ñañujarã gãjerãma. To bajiri ĩna buerũgũriatutirire juadicōari, soereayujarã ĩna, masa ĩna ĩaro rĩjorojuã. Cincuenta mil ñaritiiri cōro vaja cuti ñañuju titutiri. ²⁰ To bajiri, Jesús yere ajitirãnurã jãjarãbusa ñarũtuasujarã ĩna.

²¹ To bajiro ti bajiro bero, ado bajiro yiyuju Pablo: “Macedonia sitanare, Acaya sitanare ĩacudigu varocu ñagũja yu. To bajigune, Jerusalén macajure ejacoarucuja yu. Ti macajure ñacōari, Roma vãme cuti macajure quẽne ejacoarucuja yu”, yituoñañuju Pablo. ²² To bajiro yituoñagũ ñari, Macedonia sitajure ĩ varoto rĩjoro, ĩre ejarẽmorãre, Erasto, to yicōari, Timoteore ĩnare cōañuju ĩ. ĩnãma, Asia sitajure ñacōañuju maji.

Efeso macagu Demetrio vāme cutigu, Jesúre ajitirūnarāre rojose ī yirūare queti

²³ Tirodore Jesús yere ajitirūnūmena, Jesús yere ajitirūnarājūare bato jūnisiniñujarā, Efeso macana rīne ñaboarine. ²⁴ Demetrio vāme cutigu ñañuju. Masore bajigo ñagōre ĩna quēnorio Artemisa vāme cutigore ĩna rūcūbuorivire bajiriviriaca cōme botisene quēnocōari ĩsigū ñañuju ĩ. Gājerā quēne, ĩ quēnose ũnire quēnorimasa ñañujarā ĩna. Tire quēnorā ñari, tire ĩsicōari, jairo gājoa būjarūgūñujarā ĩna. ²⁵ ĩre bajiro moare cutirāre, to yicōari ĩre moabosarimasare quēne jirēoñuju Demetrio. ĩ tu ĩna ejarone, ado bajiro ĩnare gotiyuju ĩ:

—Mani moase jairo vaja cutiaja ti. Tire manire ĩna moaroti-betijama, ñie mana ñarūarāja mani. Tire masiaja mūa. ²⁶ Pablo ĩ gotirūgūsere ajirūgūaja mani. “Masa ĩna quēnorāma, rūcūbuoriarā me ñaama”, yigotirūgūami. To bajiro ĩ gotisere ajitirūnarā, adi macana rīne ñabeama. Asia sita ñaro cōrone ñarāma, ĩ gotisere ajitirūnarā. ²⁷ To bajiro ĩ yigoticōa ñajama, mani quēnosere vaja yibeticōari, Artemisare sore rūcūbuorā ĩna ejarūgūrivijure ejabetirūarāma ĩna. To yicōari, Asia sitana jediro, adi macarūcuro ñarā jediro, sore rūcūbuoboriarā sore rūcūbuobetirūarāma yuja —ĩnare yigotiyuju Demetrio.

²⁸ To bajiro ĩnare ĩ gotijare, ajijūnisinicōari, ado bajiro avasāñujarā ĩna:

—Mani ya maca, Efeso vāme cuti macago ñaamo Artemisa. Ñamasugō ñaamo —yivasāñujarā ĩna.

²⁹ To bajiro ĩna yivasā ñarone, jājarābusa ĩna tujure rējacōari avasārēmoñujarā ĩna. To yiñarāne sīgū ĩ tuoīarore bajiro tuoīacōari, Gayore, Aristarcōre quēne ĩnare ñejeñujarā. Macedonia sitana ñañujarā ĩna, Pablo rācana. ĩnare ñejeccōari, ti macana ñajediro ĩna rējarūgūraroju ĩnare juaásujarā ĩna. ³⁰ “ĩna rējaroju ĩnare juacoasujarā” ĩna yisere ajicōari,

—ĩnare juavariarāre ñagōgū vacū yaja —yiboayuju Pablo.

To ĩ yisere ajicōari, ĩre varotibesujarā gājerā Jesúre ajitirūnarājūa. ³¹ Gājerā Pablo babarā, Asia sitana ũjarā sīgūri, ti macare ejariarā, “Tojūre vabeticōato” Pablōre ĩre yire queti cōañujarā, “ĩre ñiaroma” yirā. ³² Tojūre rējarā, rujajine tuoīamecūcōañujarā ĩna. To bajiri, no ĩna bojarone ricatiri rīne avasācōa ñañujarā ĩna. “Tire yirā rējamū mani”, yimasibeticōañujarā. ³³ To bajiro ĩna yiñarone, “Yūare ñagōbosaya; manire quēne rojose yiroma ĩna” yirā, ĩna yū Alejandro vāme cutigore ĩre turocavioyujarā jud'io masa. To ĩna yijare, “Avasātujaya”

yigũ, ĩ ămo răca văre văre yiboayuju. ³⁴ To bajiro ĩ yiboajaquêne, “Jud'io masũne ănaami ĩ quêne” ĩre yĩamasicõari, jua hora cõro, ĩna jedirone avasăjedicõaňujară ĩna.

—Mani ya maca, Efeso văme cuti macago ănaamo Artemisa. Ńamasugõ ănaamo —yiavasă ănaňujară ĩna.

³⁵ To ĩna yĩňarone, ti macana uju,

—To cõrone avasătujaya —ĩnare yiyuju.

ĩna avasătujarone ado bajiro ĩnare gotiyuju:

—Ajya mua, adi macana: Masa jedirone, “Artemisare sore rucubũoriavire, to yicõari, õ vecaju quedirujiadiriajũre sore bajigo ruyuriju, masa ĩna rucubũorigũre coderimasa ănaama”, manire yimasiamama ĩna. ³⁶ To bajiro ĩna yĩňajare, rujajine yibesa. Quênaro tũoĩacõari yiya. ³⁷ Mani rucubũogore rujajine sore ĩna yibetiboajaquêne, to yicõari rucubũoriaviayere ĩna juarudibetiboajaquêne, ănoare ĩnare ănejeayuja mua. ³⁸ Demetrio, to yicõari, ĩ quênose ũnire quênorimasa quêne, “Rojose yũare yama” ĩna yirũajama, masa ĩna yisere ĩacõiarimasa tũjũre vajaro. ĩna ănaama, tire yirimasama. ³⁹ Gaje văme mua ăngõrua tũoĩajama, ujară ĩna rējaroju vacõari, quênaro tire gotiroti ănja. ⁴⁰ “¿No yiră rujajine yimasiri mua?”, manire yisēniarăma romano masa, mua avasăcõa ănajama. To bajiro manire ĩna yisēniarone, “To bajiro ti bajijare, yibu yũ”, ĩnare yigotimasibetirũarăja mani. To bajiri, “Rujajine mua yicudire vaja, rojose tămũorũarăja mua” manire yiroma —ĩnare yiyuju uju. ⁴¹ To yigotigajanocõari, —Mua ya viriju tudiasa —ĩnare yiyuju ĩ.

20

Macedonia sitanare, Grecia sitanare quêne Pablo ĩ goticudire

¹ To bajiro ĩna yiriaro bero, “Ado bajiro ănarũarăja mua” ĩnare yigotiru, Jesũre ajitirũnrăre ĩnare jirẽoňuju Pablo. To yiganocõari, ĩnare vare goti, vacoasuju ĩ, Macedonia sitaju vacũ.

² Ti sitaju ejacõari, Jesũre ajitirũnrăre, butobusa ĩre ĩna ajitirũnrõtire ĩnare goticudiyuju. To yicõari, Grecia sitaju vacoasuju ĩ. ³ Ti sitaju ejacõari, idiară muijua ănaňuju ĩ. To bajiňaboa, Siria sitajũre varũaboayuju. Jud'io masa ĩre ĩna sũarũasere ajicõari, vabesuju. To bajiri, “Macedonia sitare rẽtoarũcũja yũ, Efeso macaju vacũ”, yitũoĩaňuju Pablo. ⁴ ĩre baba cuti vacana ado bajiro văme cutiră ănacama ĩna: Berea văme cuti macagu, Pirro macũ Sõpater văme cutigu ănacami. To bajicõari, Segundo, Aristarco ănacama Tesalónica macana. Derbe văme cuti macagu Gayo quêne ănacami. T'iquico, Trõfimo, to yicõari, Timoteo

ñacama ñna Asia sitana.^h ⁵ Troas vāme cūti macajū vana, yua rījoro vacoacama ñna, tojū yūare yuroana. ⁶ Boserūmū pan ūmato vauvase vuoγamani bariarūmūri bero, vacajū yua, Filipos vāme cūti macajū. Ti maca ñariarā, Troas macajūare vana, cojomocārācarūmū bero, ejacajū yua, ti macajūre. Ti macajū yūare yuyuma rījoro vacana. ñna rāca cojomo cōro, jūa jēnitarirūmūri ñacajū yua.

Troas macanare Jesúre ajitirūnūrāre Pablo ĩ gotire queti

⁷ Sábado rāiorijū rējacajū yua, Jesúre ajitirūnūrā. “Yū ri-jato bero, mūare yū rijabosarere tūoīarā, aye ocore idi, to yicōari, pan ba, yirūgūrūarāja mūa” Jesús ĩ yiroticūre ñajare, tire yirūarā rējacajū yua. Yua baroto rījoro, Jesús ocare ñnare gotimasiocami Pablo. Busurijū varocu ñari, goticōa ñacami. ĩ gotiñaro rīne, ñami gūdareco ejacoacajū. ⁸ Idiatuti cūtivi ñacajū yua rējacativi. To bajiri tūsaritutijūre ñacajū yua. Jairo sīabusuore ñacajū ti. ⁹ Mame būcuaγū Eutico vāme cūtigū, yua rāca ñacami. ĩaburiasojejūre rujicōari, cānijuriarujicami. To bajica yigū, quedijasīacoacami. To bajiri rijar’ire tūavūmūoboa yicōacama. ¹⁰ To ñna yisere ĩacōari, rujiadicami Pablo. Rujie-jacōari, ĩre tūavūmūogūne, jabariocami. To yigūne,

–ĩaūcabeticōaña. Rijayayibeami –yūare yicami.

¹¹ To yicōari, mūjacoacami quēna. Jesús ĩ rijabosarere tūoīagū, bare ūmato bacami. To yicōa, gotirūtuacūne gotibusuocoacami. To ĩ yigajanoro bero, vacoacajū yua. ¹² Ti macana, variquēnarāne Euticore ĩre tūacoacama ñna, Pablo ĩ cator’ire.

Mileto macajūre Pablo ĩ vare queti

¹³ Maane Pablo ĩ varoto rījoro, cūmuane Aso macajū vacajū yua, “Tojū yūre sārūarāja mūa” ĩ yijare. ¹⁴ Aso macajū yua ejaro bero, maajū vadicōari, ejacami. ĩ ejaro bero, Mitilene vāme cūti macajū ĩre sāvacajū yua. ¹⁵ Ti macajū yua ejabusuocatirūmūre Qu’io vāme cūtiyoa cānamuñarore ejacajū yua. Gajerūmū, Samos vāme cūtiyoajū ejacajū yua. Gajerūmū vana, Mileto vāme cūti macajū ejacajū yua. ¹⁶ Asia sitajūre yoaro ñarūabecu ñari, “Efeso macare rētocoarūarāja mani”, yicami Pablo. Jerusalénjūre Pentecostés boserūmū rījoro ejarūaγū ñari, guaro varūacami.

Efeso macanare Jesúre ajitirūnūrāre Pablo ĩ gotitū sare queti

¹⁷ Mileto macajūre ñacōari, Efeso macana Jesúre ajitirūnūrāre ūmato ñarāre jigū, ñnare uacōacami Pablo. ¹⁸ ĩ jicōarā ñna ejaro, ado bajiro ñnare goticami Pablo:

^h 20:4 Macedonia sitajū ñacōari, Pablo rācanare ĩarí ñari, “Adocārācu ñacama”, yiucaγumi Lucas. To yicōari, ĩ rāca varí ñari, “Bajicajū yua”, yiucaγumi.

—Mua taja ejasogua, quēnaro ya yirūgūcatire bajirone ya yicōa ñasere masiaja mua. ¹⁹ Mani aja Jesús i bojasere ya yijama, ya masune tuoīacōari, yigu me yirūgūcaja ya. Yu yarā jud'io masa yure ina sīaruajare, buto rojose tāmucōcaja ya. Cojo vāme me rojose tāmucōari, otirūgūcaja ya. ²⁰ Mua rējarivirija, to yicōari mua ya virijare quēne, yure ina sīaruasere güibecu, muare ejarēmora, ya masiro cōro Dios ocare muare gotimasiorūgūcaja ya. ²¹ Jud'io masare, to yicōari, jud'io masa me ñarāre quēne, “Rojose mua yisere yitajacōari, ‘Dios i bojasejare yiruarāja. To yicōari, mani aja Jesucristo i rijabosare suorine rojose ya yisere Dios i masiriojare, i rāca quēnaro ñaja ya’ yituoīaña”, muare yigotirūgūcaja ya. ²² Esp'iritu Santo yure i rotise rāca, Jerusalén macaja vacu bajiaja ya. Toju yure bajirotire masibetiboarine, bajiaja ya. ²³ To bajiboarine masiaja ya, bajigajuma. Tocārāca macari ya ejaro, Esp'iritu Santo ado bajise yure gotirūgūami: “Tubibe ecorucaja m. To yicōari, gajeye rojose tāmucōcaja m”, yure yigotirūgūami. ²⁴ Tire tuoīaboarine, ya bajirotire güibeaja ya. Ñamasuse me ñaja ti. Ado bajiseja ñaja ñamasuse: Masare Dios i maisere quēnase quetire mani aja Jesús yure i gotiroticatire tire yijeocōaraja ya.

²⁵ Dios i bojarore bajiro Jesúre ajitirūnarere muare gotimasio gajanocōaja ya. To bajiri yure tudiīabetiruarāja mua. ²⁶⁻²⁷ Quēnaro yure ajiya mua: Güibecune, jediro Dios i bojaro cōrone muare gotijeocōacaja ya. To bajiri, “Pablo, quēnaro yure i gotibeticati suori rojose tāmucōaja ya”, yibetiruarāja mua. ²⁸ “Rojosere yibetiruarāja”, yituoīacōa ñarūgūruarāja mua. Mua rācanare ire ajitirūnarēre ñare rijabosayumi Jesús, “Yu yarā ñaama’ yūīato Dios” yigu. To bajiri, Esp'iritu Santo muare i roticūriarore bajirone quēnaro ñare ūmato ñarūgūruarāja mua. ²⁹ Yu vaveoro bero ejaruarāma gājerā, “Diore gotirētobosarimasa ñaja ya” yitorimasa. Mua ñaro vatoajare ejacōari, ina gotitose suorine Jesúre ajitirūnu tajacōari, rojose tāmucōuarāma mua rācana. ³⁰ Mua quēne, Jesúre ajitirūnarēre ūmato ñarā ñaboarine, “To bajiro me bajiaja. Ado bajiroja bajiaja ti”, yisocaruarāja mua sīgūri, “Yuarajare ajisuyato ña” yirā. ³¹ To bajiro bajiroti ti ñajare, “Rojose yibetiruarāja”, yituoīacōa ñarūgūruarāja mua. Tocārācurene, idia cāma tire muare gotirūgūcaja ya, ūmari, to yicōari ñamire quēne. Tire muare gotiñagūne, sīgūri mua bajirotire tuoīacōari, cojaji me otisūtirirūgūcaja ya.

³² To bajiro muare yirūgūcacu ñari, “Ñare ĩtirūnuña”, yisēniaja ya, Diore. Muare ĩamaicōari, quēnaro Dios i yisere, to yicōari muare ya gotimasioatire quēne tire masiritibetiruarāja mua. Tire mua masiritibetijama, Jesúre butobusa

ajitirānūrūtuararāja mua. To yicōari, Dios rīa űari, mua rijato berojū ĩ gotiriarore bajirone ĩ űarøjure quēnaseayere bujaruarāja mua. ³³ Dirūmū űnone gājerā ĩna cūosere gājoare, sudire ĩnare sēnigōjanabiobetirūgūcajū yū. ³⁴ Yū masu moacōari, yū bojasere, yū rācana ĩna bojasere quēne tire vaja yirūgūcajū yū. Tire masiaja mua. ³⁵ To bajiro yū yijama, “Mani bojasere, to yicōari, maioro bajirā ĩna bojasere ĩnare vaja yīsiruarā, quēnaro moarūgūroti űaja” yīgū, yīcajū yū. Ti űnire ado bajiro manire gotimasioņuju mani ujū Jesucristo: “Īsiecocōari, ĩ variquēnaro rētoro variquēnagūmi gājerāre ĩ ĩsijama”, manire yigotiyuju Cristo. To bajiri, tire masiritibeticōaņa mua –ĩnare yigoticami Pablo, Efesoana Jesúre ajitirānūrāre űmato űarāre.

³⁶ To bajiro ĩnare yigotigajanocōari, ĩna rāca gūsomuniari tuetucōari, “Diore sēnito mani”, ĩnare yīcami Pablo. ³⁷ To ĩ yigajanoro bero, otirāne Pablore ĩre jabario, usu, yīcama ĩna. ³⁸ “Yūre tudīābetiruarāja mua” ĩ yijare, buto sutiriticama ĩna. To bajirā űari, cūmua yūa vasājavatojū yūare ĩasūyaejocama ĩna.

21

Jerusalēnjure Pablo ĩ vare queti

¹ ĩnare vare gotigajano, vasāja, vacoacajū yūa, Cos vāme cutiyoajū. Gajerūmū vana, Rodas vāme cutiyoajū ejacajū yūa. Tiyoare rētoanane, Pátara macajū ejacajū yūa. ² “Fenicia sitajure vana yaja”, yīcama. To bajiri ĩna vatiane ĩna rāca vacoacajū yūa. ³ To bajivana, Chipre vāme cutiyoare ĩacajū yūa. To bajiri, tiyoa visarore vacajū. To baji rētoanane, Siria sitajū ejacajū. Ti sita űarimaca, Tiro vāme cuti macajū rocatuejacōari, gajeyeūni cūcama ĩna. ⁴ Tone tujacajū yūa quēne. To bajiri toanare Jesúre ajitirānūrāre ĩabujacōari, cojomo cōro jūa jēnituarirūmuri űacajū yūa, ĩna rāca. To yūa bajiņaro Esp'iritu Santo Pablo ĩ bajirotire ĩnare ĩ gotirere masirā űari, “Jerusalēnjure vabeticōaņa mū”, ĩre yīboacama ĩna. ⁵ To ĩna yīboajaquēne, vacoacajū yūa quēna. ĩna manajoa, ĩna rīa, jediro yūare ĩasūyarā vadicama ĩna. ĩna rāca jabujū rojaejacōari, gūsomuniari tuetucōari, Diore sēnicajū yūa. ⁶ Diore sēnigajanocōari, ĩnare vare goti, vasāja, vacoacajū yūa. ĩna quēne, ĩna ya virijū tudicoacama.

⁷ Tiro variarā, Tolemaida vāme cuti macajū ejacajū yūa. To ejacōari, Jesúre ajitirānūrāre ĩabujacajū yūa. To bajiri ĩna rāca cojorūmū űacajū. ⁸ Gajerūmū Cesarea vāme cuti macajū vacajū yūa. To ejacōari, Felipe ya vijū vacajū. Jesús ĩ bajirere gotimasioģū űacami Felipe. Jerusalēn macana Jesúre ajitirānūrāre, “Bare batoato” yirā ĩna beseriarā rācagū űacami. ⁹ Babaricārāco rīa rōmiri cuticami. Manajūa mana

ñacama. Diore gotirētobosarimasa rōmiri ñacama ñna. ¹⁰ Yoaro ï tu ñacōacaju yua. To yua bajiaro, Agabo vāme cutigu eja-cami. Judea sitagu Diore gotirētobosarimasu ñacami. ¹¹ Yua tu sājajecōari, Pablo ï vēñarigaserore tūaveaāmicami. To yicōari, ï āmorire, ï gūborire quēne siacami, ti gaserone. To yigune, ado bajiro yicami:

—Esp'iritu Santo ado bajiro yure gotiami: “Yu āmori, yu gūbori yu siarore bajiro Pablore ïre siaruarāma ñna jud'io masa, Jerusalén macana. ïre siacōari, jud'io masa me ñarāre ïsiruarāma”, yure yigotiami Esp'iritu Santo —yure yigoticami Agabo.

¹² To ï yisere ajicōari, Cesarea macana, yua quēne, Jerusalénjure Pablore ïre varotibetiboacaju. ¹³ To yua yirone, ado bajiro yure yicami:

—¿No yirā otiami mūa? Yure yisutiriobeticōaña. Jesúre ajitirūnugū yu ñajare, jud'io masa Jerusalén macana yure ñna siajama, ñna sīajaquēne quēnacōaruarōja. To bajirone mani mju Jesús ï bojjama, “To bajirone bajiato”, yaja yu —yure yicami Pablo.

¹⁴ To bajiro yure ï yicūdjare, “Vabesa”, ïre yibeticaju yua.

—Dios ï bojjarore bajiro bajiya mū —ïre yicōacaju yua yuja.

¹⁵ Tiju bero, yua gajeyeūnure quēnosā, Jerusalénju vacoacaju yua. ¹⁶ Sīgūri Cesarea macana Jesúre ajitirūnūrā, yure ūmato vacama, Chipreagu, Mnasón vāme cutigu ya vijū. Toju yure cū, tudicama ñna, “Ī ya vijū cāniato” yirā. Tirāmujune Jesúre ajitirūnugū ñacoayumi Mnasón.

Santiagoore Pablo ï ñagū vare queti

¹⁷ Jerusalénjure yua ejato, toana Jesúre ajitirūnūrā, variquēnase rāca yure sēnicama ñna. ¹⁸ Gajerāmū yua rāca vacami Pablo, Santiago ya vijure. To ñañuma Jesúre ajitirūnūrāre ūmato ñarā jedirone. ¹⁹ To bajiri ñnare quēnaroti gajanocōari, ï gotimasiorere Dios ï ejarēmose rāca jud'io masa me ñarā Jesúre ñna ajitirūnūrere ñnare gotijeocōacami Pablo. ²⁰ To bajiro ñnare ï yisere ajicōari, “Dios sūorine to bajiro yiyumi Pablo” yirā ñari, Diore yirūcūbuo variquēnacama ñna. To yigajanocōari, Pablore ado bajiro ïre goticama ñna:

—Adojure jājarā masu ñacōama jud'io masa, Jesúre ajitirūnūrā. To bajirā ñaboarine, “Moisés ñamasir'ire Dios ï roticūmasirere quēne yicōa ñarūgūroti ñaja ti” yirā rīne ñacōama ñna. ²¹ To yicōari, ado bajiro mū yirūgūrere yure gotirūgūama: Jud'io masa, gaje sitaju ñarāre, “Moisére Dios ï roticūmasiboarere tire yibeticōato mani. Rīamasare quēne ñnare circuncisión yibeticōato mani. Mani ñicua ñna yisūoadimasirere quēne tire yibeticōato mani” ñnare mū yirūgūrere ajicōari, yure gotirūgūama —ïre yicama, Pablore.

22 —Mure jūnisinirā ñari, m̄ ejasere ajicōari, ejaruarāma ñna. To bajiri, ¿no bajiro yiruarāda mani? 23 Ado bajiro yiruc̄s̄aja m̄: Adore babaricār̄acs̄ ũm̄a ñaama ñna, “Tire yiruarāja ya” Diore ñre yiriarā. 24 Diore yiruc̄sb̄oriavij̄ure ñna rāca vaja m̄. Ti vij̄ ejaçōari, ñna yirore bajiro yiba. “ ‘Tire yiruarāja’ yicōari, ya yibetirere masirioya Dios” yirā, ñre ñna soem̄osere, to yicōari, ñna joare ñna suarotisere ñnare vaja yibosaba m̄. To bajiro m̄ yijama, “Socarō bajiyuja ti. Moisés ñamasir'ire Dios ñ roticūmasirere c̄diḡ ñaami ñ quēne”, m̄ure yiruarāma ñna, jud'io masa, mani yarā. 25 Jud'io masa me ñaboarine, Jesúre ajitir̄n̄r̄j̄uare adocār̄aca vāmene ñnare roticaj̄u mani: “ ‘Ado bajirā ñarāma’ ñna masune yiquēnorujeocōari, ñna r̄c̄sb̄or̄ā t̄j̄ure vaib̄cs̄r̄āre s̄içacōari, mojoroaca ñna t̄j̄u c̄r̄āma. Tire babesa m̄a. Manajo c̄tirā, manaj̄u c̄tirā, manajo mana, manaj̄u mana quēne, ḡajerā rāca ajeriarā c̄tibesa. Vaib̄cs̄r̄ā m̄a s̄iariarāre ñna ri'ire yireamenane, babesa”, ñnare yicaj̄u mani —Pablore ñre yigoticama ñna, Santiago ya vij̄ ñacana.

Diore yiruc̄sb̄oriavij̄u ñaḡure Pablore ñna ñiare queti

26 To bajiri, gajer̄m̄ Diore yiruc̄sb̄oriavij̄u ñna rāca vacami Pablo. To ejaçōari, “ ‘Tire yiruarāja’ ȳre m̄a yicatore bajiro m̄a yibetire m̄are masirioaja ȳ manire yato Dios” yirā, ñ babarā ñna yirore bajiro yiyuju ñ quēne. To yigajanocōari, paia t̄j̄u s̄jasuju, Diore yiruc̄sb̄oriavij̄u. “Vaib̄cs̄r̄ā ñna soem̄orotir̄m̄ ti ejaro vadir̄cs̄ja ya, ñna soem̄ose vaja ñnare vaja yibosaga”, yigotiḡacs̄ bajiyuju ñ.

27 To yir'i ñari, cojomo cōro, j̄a j̄enituarir̄m̄ ti ejaroto r̄joro, vasuju Pablo, Diore yiruc̄sb̄oriavij̄u. Ti vij̄ ñaḡure ñre ñañujarā jud'io masa Asia sita vadiriarā. ñre ñacōari, “Rojose yirūḡur'i ñaami”, masare yigotiyujarā, “Pablore jūnisiniato” yirā. To ñna yijare, ñre jūnisinicōari, “ñre ñiato mani”, yiūmasujarā ñna. 28 To yicōari, ado bajiro avasāñujarā ñna:

—Israel ñamasir'i jānerabatia, ȳare ejarēm̄orā vayá. Rojose yiḡ ñaami ñni. “Manire ñateato” yiḡ, masa ñaro cōrone gotimasiocudirūḡūami. To bajiro ñ yirā ñari, Moisére Dios ñ roticūmasiboarere, to yicōari, Diore yiruc̄sb̄oriavire r̄c̄sb̄obeama. To bajise ñnare gotirūḡur'i ñari, Diore yiruc̄sb̄oriavire r̄c̄sb̄obecs̄, griego masare ñnare ũmato s̄jañumi —masare yiavasā gotiyujarā ñna, Pablore ñre jūnisinirā.

29 Efeso macaj̄u vadir'i, griego mas̄, Trófimo vāme c̄tiḡu rāca Pablo ñ ñarore ñre ñañujarā ñna. To bajiri, “Diore yiruc̄sb̄oriavij̄u ñre ũmato s̄jarimi Pablo” yit̄oñarā ñari, to bajise yiyujarā ñna.

ñ 21:26 Lucas, ñna rāca vabetirí ñari, “yiyujarā”, yiuçayumi.

³⁰ “Rojose yiyumi Pablo” ña yisocasere ajicōari, Jerusalén macana ñajedirone buto jūnisinirã ñari, avasã ũmarējañujarã ña, Pablore ñiaroana. Īre ñiacōari, Diore yirūcubūoriavijū ñagūre ĩre vejabudiasujarã ña, ĩre sīaroana. Īre vejabudianane, ti vi sojere tubibe, yicoasujarã ña. ³¹ Pablore sīaroana ña yiñarirīmarone, romano masu surara ũjūre queti ejayuju, jūnisinirã, masa ña avasãñase. ³² To bajiri, surarare jirēocōari ĩnare ũmato vasuju, Pablore ña jañarojūre. Īna vado ĩacōari, ĩre jatūjacōañujarã ña. ³³ Surara ũjū, ejacōari ĩre ñiañuju. To yicōari, “Cōmemarine ĩre siaya”, yiyuju, ĩ surarare. To yicōari, “¿Ñimū ñati ĩ? ¿No bajise rojose mūare yiri?”, ĩnare yisēniñañuju ĩ, Pablore jūnisinirãre. ³⁴ To ĩ yisēniñasere ajicōari, jājarã ĩre ña cūdimavisicōajare, “To bajiro rojose yiyumi”, yiajimasibeticōañuju surara ũjū. Tire ajimasibeticōari, “Mani ñarivijū ĩre ãmicoaya”, yiyuju, ĩ surarare. ³⁵⁻³⁶ To bajiri Pablore ñiacōari, ña ñarivi mūjariaju tūju ĩre ãmiejayujarã. To ĩre ña ãmiejagūre “Pablore sīaña” yivasācōari, butobusa ĩre jayujarã. To ña yijare, ĩre ãmimūjasujarã, ña ñarivijū.

Īre sīaruarãre Pablo ĩ ñagōre queti

³⁷ Īre ña ãmisājaroadone,

—Mū rāca ñagōruaja yū —surara ũjūre ĩre yiyuju Pablo, griego oca rāca.

To ĩ yirone,

—¿Griego ocare ñagōmasiatique mū? ³⁸ “Egipto sitaju ñar'i, adi sitare ejacōari, ‘Gobierno ĩ rotiboasere cūdibeticōari, mani masune rotirāsa’ ĩnare ũmato yicōari, sīarimasa cuatro mil ñarāre yucá manojū ĩnare ũmato var'i ñagūmi”, mūre yitūoñaboabū yū —Pablore ĩre yiyuju surara ũjū.

³⁹ To ĩ yisere ajicōari, ado bajiro ĩre cūdiyuju Pablo:

—Jud'io masu ñaja yū, Cilicia sita ñarimaca Tarso vāme cūti macagū. To bajiri, ānoa yūre jūnisinirã rāca ñagōruaja yū —Īre yiyuju Pablo.

⁴⁰ To ĩ yijare, ĩre ñagōrotiyuju surara ũjū. To cōrone Pablojū, mūjariarojūre rūgōcōari, ĩ ãmone ñumūoñuju, “Ñagōbesa mūa” yigū. To ĩ yirone, ñagōtūjacoa būsayujarã. To bajiri, hebreo oca rāca ado bajiro ĩnare ñagōñuju Pablo:

22

¹ —Yū yarã, to yicōari, yū jacūare bajiro bajirã yūre ajiya: “Rojose yibesumi” yūre mūa yimasirotire yigū mūare gotigūagū yaja yū —Īnare yiyuju Pablo.

² Īna oca rāca ĩnare ĩ ñagōjare, ĩre ajiruarã, ña jedirone ñagōbeti jedicōañujarã. To ña bajiro ĩacōari, ado bajiro ĩnare gotiyuju ĩ:

³ –Jud'io masu ñaja yu quēne. Cilicia sita ñarimaca Tarso vāme cūti macaju ruyuar'i ñaja yu. Toju ruyuar'i ñaboarine, ado Jerusalénju bɯcɯacaju yu. To bajicōari, Moisés ñamasir'ire Dios i roticūmasirere quēnaro yure buecami Gamaliel. To bajiri, quēnaro masicaju. Tire masigū ñari, “Dios i bojase rīne yirā yaja” mu yitūoīarore bajiro yitūoīagū ñacaju yu quēne. ⁴ To bajiro tūoīagū ñari, “Jesúre ajitirūnarā, Dios i rotimasirere rūcɯbɯobeama” yitūoīacōari, ado bajiro rojose ĩnare yicaju yu: Ūmure, rōmiare quēne ĩnare ñejecōari, tubiberiaviriju ĩnare tubibecūrūgūcaju yu. To yicōari, ĩnare ślarotirūgūcaju yu. ⁵ Socu me yaja yu. Paia uju ñamasugū, to yicōari i rāca rējarūgūrā quēne, tire ĩacana ñari, yu bajicatire masiama. “Damasco vāme cūti macana, mani yarā, tojare mure yirēmoato ĩna” yirā, yure ucabosacōari, ĩsicama ĩna. To bajiri, Jesúre ajitirūnarāre macagɯacu, Damasco macajure vaboacaju yu, “Īnare ñejecōari, Jerusalénju yu juaejorāre rojose ĩna yise vaja rojose ĩnare yato” yigu.

“Rojose yicacu ñaboarine, Jesúre ajitirūnɯsɯocaju yu”, Pablo i yire queti

(Hch 9.1-19; 26.12-18)

⁶ Ūmurecaji muiju i tɯsato Damascore yu cōñatone, ñaro tɯsarone vecaju bɯto caje mose busurujiadicaju ti. ⁷ Yure ti busurocaturone, quedicocacaju yu. Yu quedirocacūatone, ado bajiro ocaruyucaju ti: “Saulo, Saulo, ¿no yigu rojose yure yisɯyarūgūati mu?”, yi ocaruyucaju ti. ⁸ To bajiro ti yirone, “¿Ñimɯ ūgū ñacōari, to bajise yure yati mu?”, ĩre yicaju yu. To yu yirone, “Yune ñaja, Jesús, Nazaret macagu, rojose mu yirūgūgūne”, yure yi ocaruyucami. ⁹ Yu rāca vacana quēne, bususere ĩacama. To bajiboarine Jesús yure i ñagōsere ajibeticama ĩna. ¹⁰ To bajiro yure i yisere ajicōari, “Yu uju, ¿no bajiro yigūti yu?”, ĩre yisēniīacaju yu. To yu yirone, “Damascoju vasa mu. To mu ejaro, ‘Ado bajiro yiya’ mure yiruarāma”, yure yi ocaruyucami. ¹¹ Yu caje ĩamasibeticaju. To yu bajijare, yu babarā Damascoju vana yure tūa vacama ĩna.

¹² Ti macajure ñañumi Anan'ias vāme cūtigu. Moisés ñamasir'ire Dios i roticūmasirere quēnaro ajitirūnugū ñacami. “Quēnaro yigu ñaami”, ĩre yicama jud'io masa jediro. ¹³ Yure ĩagū ejacōari, ado bajiro yure yicami: “Yu maigū, Saulo, tudīiaña mu quēna”, yure yicami. To yure i yirone, ĩacocacaju yu. ¹⁴ To yicōari, ado bajiro yure gotirūtuacami: “Mani ñicua ĩna rūcɯbɯosɯoadimasir'i Dios, mure beseyumi, ‘Rojose yibecure, yu macure ĩacōari, i ñagōsere ajiato’ yigu, to yicōari, ‘Yu bojasere masigūjaro’ yigu. ¹⁵ To bajiri Diore gotirētobosarimasu ñarɯcūja mu. Mu ajirere, mu ĩarere quēne, tire gotirɯcūja mu. ¹⁶ ¿No yigu

yumanajari? Vūmarūgāña. ‘Rojose yu yisere yure masirioya’ mani ɛju Jesure ĩre yiya. To yicōari, ‘Īre ajitirūnugū ñaja’ yigu, oco rāca bautizarotiya”, yure yicami Anan’ias.

17-18 Ti macaju yu ñacato bero, Jerusalénjare tudiejacōari, Diore yirūcubɔoriaviju, Jesure sēnigū sājacaju yu. Īre yu sēniñarone yure ruyuañocōari, ado bajiro yure yicami: “Divatone vasa. Yu bajisere adi macanare mu gotijama, mure ajibetiruarāma ĩna”, yure yicami. ¹⁹ To yure ĩ yisere ajicōari, ado bajiro ĩre yicaju yu: “Yu ɛju, tocārāca vine, Dios ocare ĩna buerivirire sājacōari, mure ajitirūnugūre ñejecōari, ĩnare bajerūgūcaju yu. To yicōari tubiberiaviju ĩnare tubiberūgūcaju yu. To yu yirūgūcana masirāma ĩna. ²⁰ Mure gotirētobosarimasure Estebanre ĩre sīaroana ĩna yiñarone, ‘Īre sīarocacōaña’ yicaju yu quēne. To yicōari, ĩna sudi joeayere ĩna vejecūsere ĩnare codebosacaju yu”, ĩre yicaju yu. ²¹ To bajiro ĩre yu yiboajaquēne, “Vasa mu. Sōju mure cōagugū yaja yu, jud’io masa me ĩna ñaroriju”, yure yicami yu ɛju —jud’io masare ĩnare yigotiyuju Pablo.

Surara ɛju Pablöre ĩ sēniñare queti

²² To cōro ĩ gotitusatone, “Jud’io masa me ñarā tujū vasa mu’ yure yicami yu ɛju Jesús” ĩ yisere ajiterā ñari, buto avasātud’icōañujarā ĩna:

—Catitegu yami. Īre sīarocacōaña —yiavasāñujarā ĩna.

²³ To bajiro yiñarāne, buto jūnisinirā ñari, ĩna sudi joeayere vejecōari, ĩ cutojare reacōañujarā ĩna. To yicōari, sitane mareayujarā ĩna. ²⁴ To ĩna yijare, surara ɛjuada ado bajiro yiyuju, ĩ surarare:

—Īre āmisājacōari, ĩre bajeya mu. Īre bajecōari, “¿No bajiro mu yijare, mure avasājūnisiniati ĩna?”, ĩre yisēniña mu —ĩnare yiyuju.

²⁵ Īre siatucōari, ĩre ĩna bajeroadone, to rūgōgūre, surara ɛjare rotibosarimasure ado bajiro ĩre yiyuju Pablo:

—Rojose yu yirere ĩacōīabetiboarine, yure mu bajejama, ¿quēnacōarolari ti, Roma macagu yu ñaboajaquēne? —Īre yiyuju Pablo.

²⁶ To bajiro ĩ yisere ajicōari, ĩ ɛjare gotigu vasuju:

—“Roma macagu ñaja”, yure yimi. ¿No bajiro ĩre yiguti mu? —Īre yiyuju.

²⁷ To bajiro ĩ yisere ajicōari, Pablöre ĩre sēniñagū vasuju surara ɛju:

—Yure gotiya mu: ¿Roma macagu ñati mu? —Īre yisēniñañuju ĩ.

To ĩ yisere ajicōari,

—Roma macagune ñaja yu —Īre yiyuju Pablo.

²⁸ To ĩ yisere ajicōari, ado bajiro Pablöre ĩre yiyuju:

—“Roma macagũ ñaami” yũre yĩato ñna” yigũ, jairo vaja yicajũ yũma.

To ĩ yirone, ado bajiro ĩre yiyuju Pablo:

—Yũrema, yũ jacũjũne, Roma macagũ ñacõañumi. To bajiri, Roma macagũ ñaja yũ —ĩre yiyuju Pablo.

²⁹ To ĩ yisere ajicõari, ĩre bajarũaboariarã, bũto gũiyujarã. To bajiri ĩre vurũgocoasujarã ñna. “Pablo, Roma macagũ ĩ ñaboajaquẽne, ‘Cõmemarine ĩre siaya’ ĩnare yibũ yũ” yigũ ñari, bũto gũiyuju surara ẽjũ.

Jud'io masa ẽjarã rãca Pablo ĩ ñagõre queti

³⁰ To bajiri gajerũmũ, “Pablõre ĩre jojioya mũa”, ĩnare yiyuju surara ẽjũ. To yicõari, paia ẽjarãre, jud'io masa ẽjarã ñaro cõro ĩnare jirẽoñuju, “‘Ado bajise rojose yimi Pablo’ yũre yigotiya mũa” ĩnare yisẽniĩarũ. To bajiri, ñna ejaro ĩacõari, Pablõre ĩre jiyuju, “‘Ñna rãca ñagõgũaya mũ’ yigũ.

23

¹ To ĩ yigũ ñari, ẽjarã rĩjorojũa rũgõcõari, ado bajiro ĩnare gotiyuju Pablo:

—Yũre ajiya, yũ yarã: Dios ĩ bojase jediro yirũgũaja yũ. To bajiro yigũ ñari, tũoĩarejaibecũne ñacõaja yũ —ĩnare yiyuju Pablo.

² To bajiro ĩ yisere ajicõari, Anan'ias vãme cõtigu paia ẽjũ ñamasugũ, ĩ tũ rũgõrãre, “Pablo risere jaya”, ĩnare yiyuju. ³ To bajiro Anan'ias ĩ yijare,

—Mũre jarũcũmi Dios. “Quẽnaro yigũ ñaja yũ” yitũoĩaboarine, rojose yigũ ñaja mũ. “Moisės ñamasir'ire Dios ĩ roticũmasirere cũdibecũ ñaami” yũre yĩ ocasãrũaboarine, yũre mũ jarotijama, tire cũdibecũ yaja mũ —Anan'iare ĩre yiyuju Pablo.]

⁴ To ĩ yisere ajicõari, ĩ tũ ñarã ado bajiro Pablõre ĩre yiyujarã:

—¿To bajise ĩre yitud'iatĩ mũ, Dios ĩ cũr'ire paia ẽjũ ñamasugũre? —ĩre yiyujarã ñna.

⁵ To ñna yijare, ado bajiro yiyuju Pablo:

—“Paia ẽjũ ñamasugũ ñagũmi”, yimasibejũ yũ. “Mũare ãmato ñagũre ĩre tud'ibesa”, yigotiaja Dios oca masa ñna ucamasire —ĩnare yiyuju Pablo.

⁶ Pablõre gotiyiroriarã, saduceo masa, to yicõari fariseo masa ñañujarã ñna. To bajiri, ĩnare ĩamasicõari, ado bajiro ĩnare yiyuju Pablo:

—Yũ yarã, yũre ajiya mũa. Fariseo masũ ñaja yũ. Yũ ñicũa quẽne fariseo masa ñamasĩũma ñna. “Masa bajireariarãre ĩnare tudicatioũcũmi Dios” yigũ yũ ñajare, yũre gotiyirorã yaja mũa —ĩnare yiyuju Pablo.

Ĵ 23:3 “Mũre jarũcũmi Dios” Pablo ĩ yijama, “Rojose mũ yise vaja rojose mũre yĩarũcũmi Dios” yigũ yiyuju.

⁷ To ĩ yijare, fariseo masa, saduceo masa rãca gãmerã oca rëtoruayujarã ĩna. To bajiro bajica yirã, gãmerã ajimasibesujarã. ⁸ Fariseo masama, ado bajiro tuořarã ñaņujarã ĩna: “Bajireariarãre tudicatorucumi Dios. Ángel mesa, to yicõari, mani vatoa ĩna ñaboajaquëne, ĩabujayamana quëne ñarãma”, yituořarã ñaņujarã ĩna. Saduceo masajumama, “Bajireariarãre tudicatiobetirucumi Dios. Ángel mesa quëne manama. ‘Mani vatoare ĩabujayamana ñarãma’, ĩna yirã quëne, manama”, yirã ñaņujarã ĩna. ⁹ To bajica yirã, butobusa avasãņujarã ĩna. Sīgũri fariseo masa, Dios ĩ rotimasire gotimasiorimasa ado bajiro yiyujarã ĩna:

—“Ñie rojose yibetirimi”, yaja yuama. ĩabujayamagũ, ĩre ñagõrimi. ĩ yijama, ángeljua ĩre ñagõrimi —yiyujarã ĩna.

¹⁰ Butobusa ĩna avasãjare, “ĩre sřaroma” yigũ, “Mani ya vijũ ĩre ãmicoasa mũa”, ĩnare yiyuju surara ujũ.

¹¹ To ĩ yijare, ĩre ãmivacõari, ĩre tubibeyujarã ĩna quëna. To ĩna yiro bero, ñamijũ Pablöre ĩre ruyuaĩoņuju mani ujũ. ĩre ruyuaĩocõari, ado bajiro ĩre yiyuju:

—Tuořagũibesama mũ. Ado Jerusalenjũre yũre mũ gotibosarore bajirone Roma vãme cuti macajũre quëne gotirucujama mũ — Pablöre ĩre yiyuju mani ujũ Jesús.

Pablöre ĩna sřaruaboare queti

¹² Gajerũmũ busurijũ, “Ado bajiro Pablöre ĩre sřaruarãjama mani”, yiyujarã ĩna sīgũri, jud'io masa. “Pablöre ĩre mani sřaroto rĩjoro bare babeti, idibeti, bajiruarãjama mani. To bajiro mani yibetijama, rojose manire yato Dios”, yiyujarã ĩna. ¹³ Cuarenta rëtoro ñarirãcũ ñaņujarã ĩna, “Pablöre ĩre sřarãsa mani” yiriarã. ¹⁴ To bajiro yicõari, paia ujarãre, Dios ĩ rotimasire gotimasiorimasare quëne ĩnare gotirã ejayujarã ĩna:

—“Pablöre ĩre mani sřaroto rĩjoro bare babetiruarãjama mani. ĩre sřamenane mani bare bajama, rojose manire yato Dios”, yibũ yua. ¹⁵ To bajiri paia ujarã, to yicõari masa ujarã quëne, surara ujũre ado bajiro ĩre yiuacõãña mũa: “Yua tuju Pablöre ĩre cõãña. ĩre ajiquënorooana yaja yua”, ĩre yiuatoya mũa. Adore ĩ ejabetone ĩre sřacõaruarãjama yua —ĩnare yiyujarã ĩna.

¹⁶ To bajiro ĩna yisere ajiyuju Pablo bedeo macũ. Tire ajicõari, surara ya vijũ vasuju, Pablöre ĩre gotiguacu. ¹⁷ Tire ĩ gotijare, surara ujũre rotibosagũre ĩre jiyuju Pablo. ĩ ejaro ĩacõari, ado bajiro ĩre yiyuju:

—Ñnire jiasama mũ. Ujũre ĩre ñagõrucumi —ĩre yiyuju Pablo.

¹⁸ To ĩ yijare, ujũ tuju ĩre jiasuju. To ejacõari, ado bajiro ĩre yiyuju:

—Pablo, yu tubibecũmasigũ yare jicõari, “Ånire mu uju tuju ire jiasa. I rãca ñagõruami”, yure yimi. To bajiri ire jiabu yu —ire yiyuju.

19 To i yirone, gajerobusa ire tũaacõari, ire sēniĩañuju i:

—¿Niere yure ñagõruati mu? —ire yiyuju surara uju.

20 To i yirone, ado bajiro ire yiyuju:

—Jud'io masa, sīgũre bajiro tũõiacõari, busiyu, “Yu tuju Pablore ire cõaña. Ire ajiquēnorona yaja yu' ire yiuatoya”, yima, ina ujarãre. 21 To bajiri inare ajibeja mu. Cuarenta rētoro ñarirãcu ñama ina, Pablore queacõari ire sãrona. “Ire mani sãroto rĩjoro bare babeti, idibeti, bajiruãrãja mani. To bajiro mani yibetijama, rojose manire yato Dios”, yĩñama ina. To bajiri inare mu cãdirotire yurã yirãma —surara ujure ire yigotiyuju Pablo bedeo macu.

22 To i yisere ajicõari,

—Vasa. Yure mu gotisere gãjerãre inare gotibeja —ire yiyuju surara uju.

Surara uju, Félix tuju, Pablore i cõare queti

23 To yicõari, juarã ire rotibosarãre inare jicõari, ado bajiro inare yiyuju i:

—Yucu ñami nueve ñaro, Cesarea vãme cuti macaju Pablore ũmato vana yirãja mu. Adocãrãcu inare jirẽoña, mu rãca varona: Doscientos ñarirãcu gubone varona, setenta ñarirãcu caballo joe varona, to yicõari, doscientos ñarirãcu reare besu cãocõari varonare inare jirẽoña mu. 24 To yicõari, caballo, Pablo i jesavarocure quēne quēnoyuya. Sãacobecune, Uju Félix tuju Pablo i ejasere bojaja yu —inare yiyuju ire rotibosarãre, surara uju.

25 To bajiro yigajanocõari, Uju Félixre ado bajiro ire ucayuju i:

26 “¿Félix, yu rũcũbuogũ, tone ñaboati mu? Mure quēnaroticõaja yu. Yu ñaja Claudio Lisias vãme cutigũ, surara uju. 27 Jud'io masa, añire ñiacõari, ire sãruayuma ina. Ire ina sãroadone, ‘Roma macagu ñaami’ yire quetire ajicõari, yu surara rãca matamasimu yu. 28 ‘¿No bajise rojose yiri?’ inare yisēniĩaru, jud'io masa ujarã tuju ire ãmiamasimu yu. 29 To yu ejaro iacõari, ina ñicua ina yirũgũrere, i yibetirere yure gotimasima ina. Tire ajicõari, ‘Nie rojose yibesumi. To bajiri, ire tubibecũña manoja ti. To yicõari, ire sãña manoja’ yiajimasimu yu. 30 Ire ina sãruasere ajigu ñari, mu tuju ire cõaja yu. To yicõari, ‘Rojose yimi’ ire yi ocasãrãre quēne, ‘Uju Félix tuju vasa mu’ inare yirũcũja, ‘ “Ado bajise rojose yimi” mure yigotiato ina’ yigu”, ire yiuacõañuju surara uju, Uju Félixre.

³¹ To bajiro ĩ yiriarã ñari, ñamine Pablöre ĩre ũmato vacõari, Ant'ipatris vãme cõtĩ macajure ejayujarã ĩna. ³² ĩna va ñami cõtibusuoriarũmũne, tudicoayujarã ĩna, caballo joe vabetiriarãma. Caballo joejũ vana rĩne, Pablo rãca vasujarã ĩna. ³³ Cesarea macajũ ejacõari, ĩna uju ĩ ucacõariajũrore Uju Félixre ĩre ĩsiñujarã ĩna. To yicõari Pablöre quẽne ĩ tujũ ĩre cũñujarã. ³⁴ ĩ ucarere ĩacõari, “¿Noagu ñati ĩ?”, ĩnare yisẽniãñuju Félix. To ĩ yirone, “Cilicia sitagu ñaami”, ĩre yicũdiyujarã ĩna. ³⁵ To ĩna yisere ajicõari, Pabljũnare ado bajiro ĩre yiyuju:

—“Rojose yimasimi” mũre yi ocasãrã ĩna ejarojũ yũre mũ gotisere ajirũcũja yũ —ĩre yiyuju Uju Félix.

To yicõari, Uju Herodes ñamasir'i ya vijũ ĩre cũcõari, ĩ surarare ĩacoderotiyuju.

24

“Rojose yibeticajũ yũ”, Pablo, Uju Félixre ĩ yire queti

¹ Cojomocãrãcãmũ bero ejayujarã jud'io masa. Paia uju ñamasugũ Anan'ias vãme cõtigu, Tértulo vãme cõtigu, to yicõari bucũrã quẽne ñañujarã ĩna, Pablöre, “Ado bajiro rojose yimasimi” ĩre yi ocasãrã ejarã. Tértulo ñañuju ĩnare ñagõbosagu, romano masa ĩna rotisere masigũ. To ĩna ejaro bero, Pablöre ĩre jicõañuju Uju Félix. ² Pablo ĩ sãjæjarone, Félixre “Ado bajiro rojose yimi Pablo” yigũagu, ado bajiro ĩre gotiyuju Tértulo:

—Adi sitanare quẽnaro yũare coderũgũaja mũ. Quẽnaro rotigu mũ ñajare, quẽnaro ñarũgũaja yũ. “Ado bajirojũna ĩnare yũ rotijama, quẽnarũaroja” yitũoĩacõari yũare rotirũgũaja mũ. To bajiri, rĩjoro rotiriarã rẽtoro quẽnaro rotimasiaja mũ. ³ Adi sitanare quẽnaro mũ rotisere tũoĩacõari, “Quẽnamasucõaja”, mũre yivariquẽnarũgũaja yũ. ⁴ Gajeye jairo ñaboaja, mũre yũ gotirũase. Moare jaibũsagũja mũ. To bajiboarine gaje vãme mũre gotirũaja yũ. Tire ajija mũ maji. ⁵ Āni Pablo vãme cõtigu, yũna jud'io masa jedirore bũto gotimavisiocudirũgũami. To bajiro ĩ yijare, quẽnaro ñamasibeaja yũ. To bajiri, nazareno masare socase yirãre ĩnare ũmato ñagũ ñaami. Tire masiaja yũ. ⁶⁻⁷ Diore yirũcũbũoriavire rũcũbũobecũ, sãjamasiñumi. To bajiro ĩ bajire ñajare, ĩre ñiamasimũ yũ, yũare rotise ti yirore bajirone rojose yirũarã. To yũna yiroadone, surara uju Lisias vãme cõtigu ĩ surara rãca ejacõari, yũare ĩmacoamasimi. To yicõari, “Uju Félix tujũ vacõari, oca quẽnorũarãja mũna”, yũare yimasimi. To bajiri, bajibũ yũ. ⁸ To bajiri mũ masu, ĩre sẽniãcõari, “Socarã mene yiyuma ĩna. Rojose yigu ñaami”, yimasirũcũja mũ —Uju Félixre ĩre yiyuju Tértulo.

⁹ ĩre ĩ gotigajanorone, “Socũ me yami. To bajirone bajimasimũ”, ĩre yigotirẽmoñujarã jud'io masa, Tértulo rãcana. ¹⁰ To

Īna yiro bero, Pablojare ĩre ñagōrotiyuju Félix. To ĩ yijare, ado bajiro ĩre gotiyuju Pablo:

—“Cojo cāma me jud'io masa yua yisere quēnaro riojo ĩacōiārūgūami. To bajiri yu yisere quēne quēnaro riojo ĩacōiārucumi” mure yituoīamasigū ñari, variquēnase rāca mure gotiaja yu. ¹¹ Jerusalénjare Diore yirūcubuoogu, ejamasimu yu. Yu ejamasiro bero, juaāmo cōro, gubo jua jēnituarirāmari ñatusaju. Tire gājerāre mu sēniñajama, yu gotirote bajirone mure gotirāma ĩna quēne. ¹² Rojose yu yibetiboajaquēne, ānoa socarāne yure gotiyiroama. Diore yirūcubuooriavijure gājerā rāca gāmerā oca josabetimasimu yu. Dios ocare buerivirijure, to yicōari ti maca tūri ñarāre quēne ĩnare gotimavisobetimasimu yu. ¹³ Rojose yu yiro cōro, “Rojose yimasimi”, mure yigotimasimenama ĩna. ¹⁴ Ado bajirojua bajigu ñaja yu. Jesús vāme cutigure ajitirūnugū ñaja yu. Yua ñicua ĩna rūcubuoomasir'ire Diore ĩre rūcubuoogu ñaja yu. “Socasere ajitirūnugū ñaami” yure ĩna yijama, Jesure yu ajitirūnjare, yama. To bajiro ĩna yiboajaquēne, yua ñicure Moisés ñamasir'ire Dios ĩ roticūmasire jediro, to yicōari, Diore gotirētobosariarā ĩna ucamasirere quēne ajitirūnugū ñaja yu. ¹⁵ “Cojorāmu masa bajireariarāre rojose yiriarāre, quēnase yiriarāre quēne ĩnare catioꝛucumi Dios” ĩna yituoīayurore bajirone tuoīaja yu quēne. ¹⁶ To bajiro tuoīagū ñari, yu yimasiro cōro quēnasere yirūgūaja yu, Dios quēne, masa quēne, “ ‘Rojose yigu ñaami’ yure yiroama’ yigu.

¹⁷ Cojo cāma me gajerori ñacudiboacu, Jerusalénjare ejamasimu yu, yu yarā sigūri maioro bajirāre ĩnare gājoa ĩsigū. To yicōari, Diore rūcubuoogu ñari, paiare vaibucurā sīaroticōari, ĩnare soemurotigu bajimasimu yu. ¹⁸⁻¹⁹ “Tire yirucuja” yicōari yu yibetirere, Diore yirūcubuooriavijū ñacōari, “Yure masirioya” Diore yu yigajanorone, yure ĩamasima jud'io masa, Asia sita vadiriarā. Jājarā masa rāca ñacōari, rujajine yicudigu me bajimasimu yu. Tire yu yibetiboajaquēne, yure jūnisinirā ñari, ñiamasima ĩna. ĩna masune adojure vadicōari, rojose yu yirere mure gotirā ejarona ñaama ĩna. ²⁰ ĩna ejabetijama, ado ñarā, jud'io masa ujarā rījorojua ejacōari, “Ado bajise rojose yimi” yure yi ocasāmasirā, rojose yu yirere mure gotirona ñaama ĩna. ²¹ ĩna rījorojua ñacōari, ado bajiro ĩnare gotimasimu yu: “ ‘Masa bajireariarāre ĩnare tudicatioꝛucumi Dios’ yigu yu ñajare, yure gotiyirorā yaja ma”, ĩnare yimasimu yu —Uju Félixre ĩre yigotiyuju Pablo.

²² To ĩ yisere ajicōari, Jesure ajitirūnurā ĩna bajisere quēnaro masigū ñari, ado bajiro ĩnare gotiyuju Uju Félix:

—Jere ajicōaja yu. Surara uju Lisias ĩ ejarogu, Pablore yu yirotere mure gotirucuja —ĩnare yiyuju ĩ Uju Félix.

²³ To bajiro ĩnare yigotigajanocđari, surara ʘjʘre, “Ado bajiro ĩre codeba mʘa”, yiyuju Félix:

–Tubiberiavi ĩnacđari, ĩ vacudijama, ĩ ĩacudijaquēne, “Vabesa”, ĩre yibeja. ĩ babarā ĩre ĩarā ĩna ejajama, ĩre yirēmorā ejajaquēne, “¿No yirā bajiati?”, ĩnare yibeja –ĩre yi vacoasuju Félix.

²⁴ To ĩ yivariaro bero, yoatojʘ tudiejayuju ĩ quēna, ĩ manajo Drusila vāme cʘtigo rāca. Jud'io maso ĩnañuju so. Ejacđari, Pablora ĩre jirotiyuju ĩ. ĩ ejaro ĩnacđari,

–Jesucristore ajitirānʘrere yʘare gotiya –Pablora ĩre yiyujarā ĩna.

²⁵ –Dios quēnase rĩne manire yirotiami. Rojose yirʘaboarine, “Rojose yibetirʘarāja” mani yitʘoĩasere bojami Dios. Gajerāmʘ masa rojose ĩna yisere ĩ ĩabeserirāmʘ ejarʘaroja –ĩnare yigotiyuju.

Tire ajicacđari,

–ĩre ajicđaja yʘa. Quēna gajerāmʘ yʘ moare manirāmʘ mare jirʘcʘja. To cđorojʘ mʘ gotisere ajirēmorʘcʘja –ĩre yiyuju Félix.

²⁶ Tijʘ bero, cojoi me Pablora ĩre jirūgūñuju Félix. Jesús ocare ĩ gotimasiose rĩne, ajirʘ me ĩre jirūgūñuju ĩ. “Yʘre mʘ bucđajama, gājoa mare ĩsirʘcʘja” ĩ yisere ajirane, ĩre jicđarūgūñuju. ²⁷ To bajiro ĩ yĩnarō rĩne jʘa cūma rētocoasuju ti. “Jud'io masa yʘre jūnisiniroma” yigʘ, Pablora ĩre bubblesuju ĩ. Jʘa cūma bero, ʘjʘ ĩ ĩnaboasere budicoasuju Félix. To bajiri, Porcio Festo vāme cʘtigʘjʘa ʘjʘ sājajñuju.

25

ʘjʘ Festo rāca Pablo ĩ ĩagđore queti

¹ Cesarea macajʘ ʘjʘ ĩ sājariaro bero, idiarāmʘ ĩnacđari, Jerusalén macajʘare vasuju Festo. ²⁻³ Tojʘ ĩ ejaro ĩnacđari, paia ʘjarā, gājerā jud'io masa ĩnamasurā quēne,

–Rojose yicami Pablo –Festore ĩre yi ocasāñujarā ĩna. To yicđari, –Pablora yʘare mʘ jiroticđabosajama, quēnarʘaroja –ʘjʘ Festore ĩre yisēniñujarā ĩna. To bajiro ĩna yijama, “Maa ĩ vadojʘne Pablora ĩre sĩacoarāsa mani” yirā, yiboayujarā ĩna.

⁴ To bajiro ĩre ĩna yiboajaquēne, ado bajiro ĩnare yiyuju Festo: –Cesarea macajʘne ĩre codecđa ĩnarʘarāma ĩna. To bajiri, yoaro mene tojʘre tudiarʘcʘja yʘ quēna. ⁵ To yʘ bajirone, mʘa rācana sĩgūri yʘ rāca tojʘre vaejacđari, rojose Pablo ĩ yirere yʘre gotirʘarāma ĩna –ĩnare yicđiyuju Festo.

⁶ To bajiro ĩnare ĩ yiro bero, Jerusalénjʘre jʘaāmocārācarāmʘ cđoro ĩnacđari, Cesarea macajʘre tudiasuju Festo. ĩ ejabusuorirāmʘne oca ĩna ĩagđquēnorijʘjʘ rujicđari, Pablora ĩre jicđañuju ĩ. ⁷ Pablo ĩ sājajjaro ĩnacđari, “Cojo vāme me rojose

yicami”, Festore ĩre yigotiyujarã ĩna, jud'io masa, Jerusalénju vadiriarã. “Rojose yicami” yicõarã ñaboarine, “Ado bajise rojose yicami”, yimasibesujarã ĩna. ⁸To ĩna yiro bero, “ ‘Rojose yibesumi’ yure yato” yigũ, ado bajiro yiyuju Pablo:

–Ñie rojose yibeticaju yũ. Jud'io masa ĩna rotisere, to yicõari, Uju César ĩ rotisere quẽne cãdirũgũcaju yũ. To yicõari, Diore yirãcũbũoriavire quẽne, rãcũbũorũgũcaju yũ –yiyuju Pablo.

⁹To ĩ yirone, “Jud'io masa yure tud'iroma” yigũ, ado bajiro Pablöre ĩre sãnĩañuju Festo:

–¿Jerusalénju ejacõari, rojose mũ yirere mũre yũ sãnĩajama, quẽnati? –ĩre yisãnĩaboayuju.

¹⁰To ĩ yiboajaquẽne, ado bajiro ĩre yiyuju Pablo:

–Bajibeaja. No yigũ vabecuja. Uju César “Masa rojose ĩna yisere ĩacõiaña” ĩ yiriavine ñaja yũ. To bajiri adone yure sãnĩacõaroti ñaja. Yũ yarã jud'io masare rojose ĩnare yibeticaju yũ. Tire quẽnaro masiaja mũ. ¹¹Rojose yũ yire sũori ĩnare mũ sãrotijama, “Yure sãabesa”, yibecuja yũ. To bajiri, socarãne “Rojose yicami” yure ĩna yi ocasãjare, “ĩre sãaña” yigũ, yure ĩsirocagu magũmi. “Rojose yiyujari yũ” yigũ, Roma macagu, Uju Césare ĩre ĩacõiarotirucuja yũ –ĩre yicũdiyuju Pablo.

¹²To bajiro Pablo ĩ yijare, ĩre ñagõejarẽmorãre, “¿No bajiro yiroti ñati ĩre?” ĩnare yisãnĩacõari bero, ado bajiro yiyuju Festo:

–“ ‘¿Rojose yiyujari yũ?’ yigũ, Uju Césare ĩre ĩacõiarotirucuja yũ” mũ yijare, ĩ tãju mũre cõarucuja yũ –Pablöre ĩre yiyuju Festo.

Uju Agripa rãca Pablo ĩ ñagõre queti

¹³To ĩ yiriarãmuri bero, Uju Festore ĩagũ ejayuju Uju Agripa, Berenice vãme cõtigo rãca. ¹⁴Cojorãmũ me ĩ rãca ñacõañujarã ĩna. To ĩna bajiñarone Pablo ĩ bajisere Agripare ĩre gotiyuju Festo:

–Sĩgũ ñaami ado, Pablo vãme cõtigu, Uju Félix ĩ tubiber'i. ¹⁵Jerusalénju yũ ñaro, “Rojose yicami”, yure yigoticama bũcũrã jud'io masa, paia ujarã quẽne. “Rojose ĩ yicati vaja ĩre sãrotiya mũ”, yure yiboacama ĩna. ¹⁶To bajiro yure ĩna yiboajaquẽne, “Yibeaja yũ. Yũna, romano masama, rojose masa ĩna yirere ĩacõiamenane, sãrotire manicoadimasĩjuja. ‘Rojose yimi’ yigotiyirorã, to yicõari, rojose yir'i rãca ĩnare jirẽocõari, sãnĩare ñacoadimasĩjuja”, ĩnare yicaju yũ. ¹⁷Adojure ĩna rãca yũ ejabusuocatirãmũne, Pablöre ĩre jicõacaju yũ. ¹⁸“ĩre gotiyirorã, ‘Bũto rojose masu yimasimi’ yure yigotirũarãma ĩna”, yitũoĩaboacaju yũ. “Rojose yigũ yiyumi” yiajyamanirene goticõacama. ¹⁹“Yũna rũcũbũosere rũcũbũobeami. ‘Jesús vãme cõtigu, rijacoaboarine tudicatiami quẽna’ yisocarũgũami Pablo”. “ ‘Rojose yigũ yimi’ yirã yaja”, yirã, ti rĩne yure goticama. ²⁰To bajiro ĩna yijare, “Rojose yiyumi”, yimasibeticaju

yū. To bajiri, “Jerusalénjū ejacōari, rojose mū yirere mure yū sēniñajama, quēnati?”, ĩre yisēniñaboacajū yū. ²¹ To yū yirone, ado bajiro yūre yicadicami: “Rojose yiyujari yū’ yigū, Ūjū Césare ĩre ĩacōiarotirucujā yū”, yūre yicami. To ĩ yijare, surarare ĩnare coderoticağū yū, Ūjū César ĩ ñarøjare ĩre cōarū —Agripare ĩre yigotiyuju Festo.

²² To ĩ yisere ajicōari,

—Yū quēne, ĩ gotisere ajirūaja yū —Festore ĩre yiyuju Agripa.

To ĩ yijare, —Busiyū ajirucujā mū, ĩ gotisere —ĩre yiyuju Festo.

²³ To bajiri gajerāmū masa ĩna rējarivijū Pablore ajigū ejayuju Agripa, Berenice rāca. “Manire ĩacōari, ‘Namasurā ñaama ĩna’ manire yato” yirā, rūcūbūoro ejayujarā ĩna. ĩna rācana, surara ujarā, gājerā Cesarea macana ñamasurā quēne ejayujarā ĩna, Pablore ajirā. ĩna ejaro bero, Pablore ĩre jiyuju Festo. ²⁴ Pablo ĩ ejarone ado bajiro gotiyuju Festo:

—Ūjū Agripa, ado rējarā jediro, ĩañā mū. Āni ñaami Pablo. Buto ĩre sīaruarūğūama jud’io masa. Jerusaléana, adi macana quēne, “ĩre sīacōaroti ñaja”, yivasāboacama ĩna. ²⁵ “Ñie rojose ĩ yire sūori ĩre sīañā manoja ti”, yicajū yū. To bajiro yū yiboajaquēne, “Rojose yiyujari yū’ yigū, Ūjū Césare ĩre ĩacōiarotirucujā yū” yūre ĩ yijare, “Ūjū César ĩ ñarøjū ĩre cōarucujā”, yicajū yū. ²⁶⁻²⁷ To bajiro yitūoĭaboarine, rojose ĩ yirere ucamasibeaja yū, mani ujure, Césare gotigū. Rojose ĩ yirere gotibecūne ĩre yū ucacōajama, tūoĭamasibecūre bajiro yigū yigūja yū. Tire tūoĭagū ñari, Pablore ĩre jicōamū yū, mūa ajiro rĭjoroğūa, “Ūjū Agripa ĩre sēniñato” yigū. ĩre sēniñacōari, “Rojose yiyumi Pablo” mū yisere ajicōari, “Ūjū Césare ĩre ucacōarucujā”, ĩre yibū yū —ĩnare yiyuju Festo.

26

¹ To bajiro Festo ĩ yisere ajicōari, ado bajiro Pablore ĩre yiyuju uğū Agripa:

—Mū yirūğūrere yūare gotiya —Pablore ĩre yiyuju Agripa.

To ĩ yijare, ado bajiro ĩnare gotiyuju Pablo:

²⁻³ —Yū uğū Agripa, mū ajiro rĭjoro gotigūagū ñari, variquēnase rāca gotigūagū yaja yū. Jud’io masa mani yisere quēnaro masi-aja mū. Gāmerā ajimasibeticōari, yūa gāmerā oca rētorūğūsere quēne quēnaro masiaja mū. To bajiri jud’io masa, “Rojose yigū ñaami” ĩna yiboasere mū ajiro rĭjoro gotigūagū yaja yū. To bajiri quēnaro yū gotisere ajirucujā mū —yiyuju Pablo, Agripare.

⁴ —Yū ya maca ñacōari, mamū ñagū yū bajinarūğūcatire masirāma jud’io masa jediro. To bajicōari, Jerusalénjūre yū bajirūğūcatire quēne masirāma. ⁵ Yūre masirā ñari, “Fariseo masū ñacami”, mure yigotirāma ĩna, ĩnare mū sēniñajama. Fariseo masama, Dios manire ĩ rotimasirere buto ajirucūbūorā ñaama.

⁶ “Bajireariarāre ĩnare tudicatorucuja yu”, yigotimasiñumi Dios, mani ñicure. To ĩ yire ti ñajare, “To bajirone yirucami” yituoĭagũ yu ñajare, “Rojose yigu ñaami”, yure yi ocasācama. ⁷ Tire yu yituoĭarore bajirone tuoĭaama jud'io masa, juaāmo cōro, gũbo jua jēnitarirāca jūnari ñarā jedirone. Tire tuoĭarā, ñari ũmari, ñamirire quēne buto Diore ĩre yirucuborũgũama ĩna. Tire tuoĭagũ yu ñajare, “Rojose yigu ñaami”, yure yi ocasācama jud'io masa. ⁸ ¿No yirā, “Bajireariarāre tudicatorucumi Dios”, yituoĭabeati ma? —yiyuju Pablo.

“Jesúre ajitirũnarāre rojose ĩnare yirũgũcaju yu”, Pablo ĩ yire queti

⁹ Quēna ado bajiro gotiyuju Pablo:

—“Nazaret macagu Jesús vāme cutigu yere ĩna ajitirũnuse vaja, cojo vāme me rojose ĩnare yirucuja yu”, yituoĭarũgũcaju yu. ¹⁰ To bajiro yigu ñari, Jerusalénjare ñacōari, rojose ĩnare yirũgũcaju yu. “Jesús yere ajitirũnarāre ĩnare tubibeya ma” paia ujarā yure ĩna yijare, jājarā Jesúre ajitirũnarāre ĩnare tubiberũgũcaju yu. To yicōari, “ĩnare sĭacōato mani” ujarā ĩna yijama, “To bajirone bojaja”, yirũgũcaju yu quēne. ¹¹ Cojosi me Dios ocare bueriviriju sãjaejacōari, “ ‘Rotimorũgōrucami’ yigu, Dios ĩ cōar'i me ñarimi Jesús' yiya ma” yigu, ĩnare buto rojose yicudirũgũcaju yu. Buto ĩnare ĩategu ñari, gãjerā masa ĩna ñarimacarijare ĩna rudicoaboajaquēne, rojose ĩnare yiru, ĩnare sayarũgũcaju.

“Jesúre ajitirũnũsũocaju yu”, Pablo ĩ yire queti
(Hch 9.1-19; 22.6-16)

¹² Jesúre ajitirũnarāre rojose ĩnare yigu yu ñajare, “Damasco vāme cuti macaju vasa” paia ujarā yure ĩna yijare, yu babarā rāca vacaju yu. ¹³ To yua bajivato, ũmurecaji ñaro, ũmũagu muiju ĩ bususe rētoro buto caje mose busucaju ti. ¹⁴ To bajiro ti bajijare, quedicocaju yu. Yua quediocacũatone, hebreo oca rāca ado bajiro yi ocaruyucaju ti: “Saulo, Saulo, ¿no yigu rojose yure yisũyarũgũati ma? To bajiro ma yijama, ma masune rojose yigu yaja ma”, yure yi ocaruyucaju ti. ¹⁵ To bajiro ti yirone, “¿Ñimũ ũgũ ñacōari, to bajise yure yati ma?”, ĩre yicaju yu. To yu yirone, “Yũne ñaja, Jesús, rojose ma yisũyarũgũgũne”, yure yi ocaruyucami. ¹⁶ To yigũne, “Vũmarũgũña ma. ‘Yure gotibosarucami’ yigu, mure ruyuaĭoaja yu. To bajiri, yu bajicatire, to yicōari yucũaca ma ĩasere, bero mure yu yĩorotire quēne masare gotimasiodirucuja ma. ¹⁷ Mũ yarā jud'io masa, to yicōari jud'io masa me ñarā quēne, rojose mure ĩna yirotere mure yirētosarucuja yu. ¹⁸ ‘Vātia uju ĩ bojasere yitũjacōari, Dios ĩ bojosejare yirā ñaruarāma ĩna’ yigu, yu bajicatire mure gotimasioroticōagũ yaja yu. Mũ gotimasiosere ajitirũnarā ñari,

rojose ñna yisere masirio ecocđari, Dios yarã ñaruarãma ñna quēne”, yure yicami Jesús —İre yiyuju Pablo, Agripare.

“Jesús ruyuañocđari, yure ĩ yirocticatire bajirone cudicajũ yũ”, Pablo ĩ yire queti

19 —To bajiri, yure ruyuañocđari, ĩ yirocticatire bajirone cudicajũ yũ. 20 Damasco vãme cuti macanare ñnare gotimasiosuocajũ yũ. Bero, Jerusalén macanare, Judea sitanare, to yicđari jud'io masa me ñarãre quēne ñnare gotimasiocudirũgũcajũ yũ. “Rojose yũa yisere yitũjacđari, ‘Dios ĩ bojasejũare yiruarãja yũ’ yigoticđari, quēnasejũare yirũgũña mũa”, ñnare yigotirũgũcajũ yũ. 21 To bajiro yũ yijare, Diore yirũcũbũoriavijũ yũ ñnaro yure ñiacđari, yure sũarũaboacama ñna, jud'io masa. 22-23 To bajiro yure ñna yirũaboajaquēne, quēnaro yure ejarēmocami Dios. Yure ĩ ejarēmose ñajare, ñamasurã, ñamasumenare quēne, mũare gotimasiocđa ñarũgũaja yũ. Moisés ñamasir'i, to yicđari Diore gotirētosamasiriarã quēne, “Ado bajiro bajirũaroja”, yiucomasiñuma: “‘Rotimũorũgđorũcũmi’ yigũ, Dios ĩ cđagũ, rijacoaboarine, quēna tudicatisũorocũ ñarũcũmi. To bajiro ĩ bajiroti ñajare, Diorãca quēnaro ñacđari, ĩ catisere ĩsiecoaruarãma, jud'io masa, jud'io masa me ñarã quēne”, yiucomasiñuma. “‘Bajirũaroja’ ñna yiucriarore bajirone bajiaja”, mũare yigotirũgũaja —ñnare yigotiyuju Pablo.

“Jesúre ajitirũnũato” yigũ, Pablo Agripare ĩ gotimasiore queti

24 To bajiro Pablo ĩ yigotiñarone, ado bajiro yiavasãñuju Festo:

—To bajiro yimecũcđagũ yaja mũ. Jairo bueri ñari, no bojasene tũoñacđari, goticđaja mũ —Pablore ĩre yiavasãñuju Festo.

25 To bajiro ĩ yijare, ado bajiro yiyuju Pablo, Festore:

—Yimecũgũ me yaja yũ. Mũare yũ gotise socase me ñaja ti. Tire quēnaro ajicđari, “To bajirone bajiroja”, yimasiroti ñaja.

26 Jesús ĩ bajirere yũ gotise yayiorojũ gotire me ñaja. Masa ñna ĩaro bajire ñaja ti. To bajiro bajire ti ñajare, masare yũ gotimasiocatire masigũmi Ujũ Agripa. To bajiri, gũibecũne ñajediro ĩre gotiaja yũ —Festore ĩre yiyuju Pablo.

27 To yicđari, Agripajũare ado bajiro yiyuju Pablo:

—Diore gotirētosariarã ñna ucomasirere mũ ajirũcũbũosere masiaja yũ —İre yiyuju Pablo.

28 To bajiro ĩre ĩ yisere ajicđari, ado bajiro yiyuju Agripa:

—“To cđoro ĩre yũ gotirone tũoñavasoacđari, Jesúre ĩre ajitirũnũsoarũcũmi”, ¿yure yitũoñacđati mũ? —İre yiyuju Agripa.

29 To ĩ yisere ajicđari, ado bajiro yiyuju Pablo:

—Yoaro meaca mũare yũ gotiboajaquēne, “Jesúre yũ ajitirũnũrore bajiro ĩre ajitirũnũato ĩ” yigũ, Diore mũare sēnibosaja yũ. To yicđari, mũa jedirore Jesúre mũa ajitirũnũrotire bojaja

y_u. To bajiboarine Jesúre m_{ua} ajitir_un_use s_uori y_ure bajiro m_{ua} tubibe ecosere bojabeaja y_u –yiyuju Pablo.

³⁰ To ĩ yisere ajicōari, Agripa, Festo, Berenice, to yicōari Pablore ĩre ajiñariarā jediro, v_um_ur_ug_u budicoasujarā ĩna.

³¹ Budianane, ado bajise gāmerā yiyujarā ĩna:

–Ñie rojose yibesumi. To bajiri, ĩre tubibecūre, ĩre sĭare quēne mañuja ti –gāmerā yiyujarā ĩna.

³² To yicōari, ado bajiro yiyuju Agripa, Festore:

–“¿Rojose yiyujari y_u?” yig_u, Uj_u Césare ĩre ĩacōiarotir_ucsuja y_u” Pablo ĩ yibetijama, ĩre bucōaroti ñaboayuja –Festore ĩre yiyuju Agripa.

27

Roma vāme cuti macajure Pablore ĩre ĩna cōare queti

¹ “Pablore, gājerā tubibe ecoriarāre quēne, Italia vāme cuti sitajure ĩnare cōato mani”, yicama ĩna. To yirā ñari, Julio vāme cutigure,

–ĩnare ũmato vasa –ĩre yicama. Roma macana surarare Uj_u César ĩ beseriarāre rotig_u ñacami Julio. ² Cūmua ñacaj_u Adramitio vāme cuti macana yaga. Asia sitajure varoado bajicaj_u tia. To bajiri tia rāca vacaj_u y_u. Y_ua rāca ñacami Aristarco vāme cutig_u quēne. Macedonia sita ñarimaca, Tesalónica vāme cuti macag_u ñacami.^k ³ Gajer_um_u Sidón vāme cuti macaj_u ejacaj_u y_u. “Rojose tām_uoami Pablo” yĭamaicōari, “M_u babarāre ĩnare ĩacudiyaya. No m_u bojase m_ure ĩsiato”, ĩre yicami Julio. ⁴ Ti maca ñariarā, vacaj_u y_u quēna. To y_ua bajivatone, b_uto mino vacaj_u. To bajicōari, y_uare vēat_uocaj_u. To ti bajijare, Chipre vāme cutiyoa t_ure gāniacaj_u y_u. ⁵ To bajivana, Cilicia sitare rēto, Panfilia sitare, Licia sita ñarimaca Mira vāme cuti macare ejacaj_u y_u.

⁶ Ti macaj_u gajea cūmua Alejandr'ia vāme cuti macana yagare, Italiaj_u varoado bajiricare ĩacōari, tia rāca y_uare ũmato vacami surara _uj_u. ⁷ B_uto mino ti vajare cojor_um_u me josari vacōari, Gnido maca cānamuñarore ejacaj_u y_u. Y_ua vato riojo b_uto mino ti vacōa ñajare, Creta vāme cutiyoa c_utoj_ua vacoacaj_u y_u. Tiyoa ñarimaca Salmón vāme cuti macare rēto, tiyoa t_ure vacaj_u y_u, mino ti vabetib_usaroj_ua vana. ⁸ Josari masu bajivana, Lasea maca t_u ñarimaca Buenos Puertos vāme cuti macajure ejacaj_u y_u.

⁹ Cojor_um_u me vacoacaj_u y_u. To bajiri tone b_uto y_uare g_uiocoacaj_u yuja, jueb_ucs_u ti cōñajare. To bajiri, ado bajiro ĩnare goticami Pablo:

^k 27:2 Lucas vāme cutig_u, Pablo rāca varĭ ñari, “vacaj_u y_u”, yiucauyumi.

10 —Vabeticōato. Mani vajama, rojose tām̄oruarāja. Cūmua rujacoaruarōja. Gajeyeūni quēne yayicoaruarōja. Mani quēne sīgāri rujareacoaruarāja —īnare yigotiboacami Pablo.

11 To ī yiboajaquēne, ĩre cūdibeticami surara ūj̄. Cūmua ūjarāj̄ua, “Vacoajaro mani” ĩna yisej̄uare ajicami. 12 Ti maca jetaga rocaturiaro jueb̄c̄u ti űajama quēnabesuju. To bajiri, “Fenice vāme cūti macaj̄u vajaro mani. Ti maca jetaga quēnaro rocaturiaro űaņuju ti, mino ti vabetib̄sajare. Toj̄u mani űaro jueb̄c̄u rētoruarōja”, yit̄oīacama ĩna jedirone.

Buto mino ti vare queti

13 To bajiri ĩna vatoj̄uare mino ti vasere ĩacōari, “Vajaro mani”, yicama ĩna. To yi, cūmua ruucūñiaraj̄u ancla vāme cūtij̄uare tūam̄osā, tiyoa t̄ure vacoacaj̄u ȳua. 14 To ȳua bajivatone, gajeroj̄ua buto tutuaro mino vadicōari, ȳuare vēaviocōacaj̄u ti. Nordeste vāme cūti űacaj̄u ti. 15 To ti bajijare, “Tiyoa t̄ub̄sa vanasa mani” yirā, tiare veaquēnob̄saboacama ĩna. Butob̄sa mino ti vajare, “Manire ti vēacōarore bajirone vacoajaro mani”, yicōacama ĩna. 16 To bajivana, Cauda vāme cūtiyoa cōñarore rētoanane, mino ti vabetib̄sajare, cūmua jairica t̄ure ĩna siajoriare tiare tūam̄osācama ĩna, ȳua vacatia jubeaj̄u. 17 To yigajanocōari, “Saguerobe” yirā, ȳua vacatia rāca quēnaro siañiacōacama ĩna. Sirte vāme cūtij̄u cōñanane, “Jōrero vana yaja mani” yirā, ancla vāme cūtij̄uare rocároaruucama ĩna. To bajiro ĩna yijare, mino ti vēacōarore bajirone vacaj̄u ȳua. 18 Gajer̄am̄u to bajirone mino ti vacōa űajare, buto sabecōa űacaj̄u. To ti bajijare, “Rujarobe” yirā, gajeyeūni gāj̄erāre ĩsiruarā ĩna juaboarere juarearodecōacama ĩna. 19 To ĩna yibusuorir̄am̄u, to bajirone mino vacōari, ti sabecōa űajare, cūmuayere quēne juarearodecama ĩna yuja. 20 Cojor̄am̄u me, muiju ruyubeticami. űamire quēne űocoa ruyubeticama. Mino ti vat̄ujabetijare, “Rujareacoaruarāja mani”, yit̄oīacaj̄u ȳua.

21 Yoaro babeti vacaj̄u ȳua. To ȳua bajivajare, ado bajiro ȳuare goticami Pablo:

—“Vabeticōato mani” m̄uare ȳu yimasisere m̄ua ajijama, Creta vāme cūtiyoaj̄uare mani űacōajama, rojose tām̄ob̄etiborāja mani. 22 To bajiboarine, t̄oīas̄tiritibesa m̄ua. “Cūmua ti yayicoaboajaquēne, manima caticōaruarāja”, yit̄oīaña m̄ua. 23 Jēj̄uaga űami ángel ȳure ruyuañocōari ȳure gotimi, Dios, ȳu ūj̄, ĩ cōagū. 24 Ado bajiro ȳure gotimi: “Gūibesa m̄u. Ūj̄u César t̄u ejačōari, ‘¿Rojose yiyujari ȳu?’ yiḡu, ĩre ĩacōiarotir̄uc̄aja m̄u. Dios, m̄ure ĩamaigū űari, ĩre m̄u sēnijare, rojose m̄ua tām̄oborotire m̄uare yirētobosar̄uc̄ami. M̄u rāca vana jedirone catijedicōaruarāma ĩna”, ȳure yimi ángel. 25 To

bajiri tire ajirã ñari, sutiritibesa mña. “Dios ï gotiroticõariare bajirone bajirũaroja”, yaja yũ. ²⁶ To bajiri, yucũyoa cõñarojua mino manire vēatucõarũaroja –yũare yigoticami Pablo.

²⁷ Adriático vãme cõtuyajure jua semana vacaju yua, mino yũare vēatucõase rãca. To bajivana rĩne, ñami gũdareco ti tũsato, “Yucũyoare cõñacoana yirãja mani”, yicama cũmuare ïacoderimasa. ²⁸ To bajiri ãcũase cõĩariama rãca “¿no cõro ãcũati ti?” yirã, ruucõĩacama ñna. Treinta y seis metros ãcũacaju ti. Yoarobũsa vacõari, ruucõĩacama ñna quẽna. Veintisiete metros ãcũacaju yuja. ²⁹ To ti bajijare, “Gũtare rocaturu, cũmua vadirobe” yirã, cũmua ruucũñiare ancla vãme cõtijaũgĩre babarirãcajũre rearoderuucama ñna, cũmua gũde ñasejũare. To yicõari, “Guarobũsa busuato” yirã, Diore sẽnĩcama ñna. ³⁰ To yicõari, “Ìguẽaju ñasere quẽne rearoderuuroana yaja yua”, yicama cũmuare ïacoderimasa. Cũmua mojourica rãca rudiarũarã yirã yiboayuma. ³¹ To ñna yiboajaquẽne, surara ãjũre, to yicõari surarare quẽne ado bajiro ñnare goticami Pablo:

–Cũmuare ïacoderimasa ñna rudicoajama, catibetirũarãja mña –ñnare yigoticami.

³² To ï yijare, “Rudicoanasa mani” ñna yiboariare, ñna siariamire yijesurecõari, vējarocarocõacama ñna, surara.

³³ To ñna yiro bero, busujedibetone yua jedirore baroticami Pablo:

–“¿No bajiro bajirãti mani?” yitũoĩarã ñari, jua semana quẽnaro bare bamenane ñacoaju mña. ³⁴ To bajiri bare baya mña, “Catirãsa” yirã. Nijũane mani rãcagu rijayayibetirũcũmi –yũare yigoticami Pablo.

³⁵ To bajiro yũare ï yiro bero, panre ãmicõari, “Quẽnaro yaja mñ”, yicami, Diore sẽnĩgã. To yigajanocõari, bacami. ³⁶ To ï yisere ajivariquẽnacõari, bacaju yua quẽne. ³⁷ Tia cũmuare vacana, doscientos setenta y seis ñarirãcũ ñacaju yua. ³⁸ Yua baũsũcũtiro bero, trigo joarire rearodecama ñna, “Rũcũbetibũsaro vanasa” yirã.

Pablo mesa ñna rujare queti

³⁹ Busuro bero yucũyoare ïacõari, “¿No ãnoju ñnati?”, yicama ñna. To bajiro yiboarine, jabua ti ruyujare, “Tibua cõtõjũare rocaturãsa”, yicama cũmuare ïacoderimasa. ⁴⁰ To bajiri, ancla bũto ti rũcũjare, ti cãnori rãcane jasureruucõacama ñna. To ñna yirone, gãjerãma “Cũmuare veaturãsa” yirã ñna siaturi-ajãirire jojocama ñna, jabuajũare jãjarũarã. To yicõari, cũmua ïguẽa cõtõjua ñarigaserore mino tuarigaserore tũamũocama ñna, “Cũmuare ãmato jãjajaro” yirã. ⁴¹ Tũsarojũre jãjajamenane ti jõrejare, cũmua ïguẽa jabuaju jejacõacaju ti. To ti bajirone, bũto oco sabeca yiro, cũmua gũde cõtõjũare sabevaruucõacaju.

42 To ti bajirone, tubibe ecoriarã ĩna juadiriarãre “Baájãjarudiatoma” yirã ĩnare sĭarũacama surarajũa. 43 ĩna sĭarũaboajaquẽne, Pablora maigũ ĩnari, ĩnare sĭarotibeticami ĩna ujujũa.

—Tire yimenane, baámasirãma jatirearodecõari, tũsarojũa baájãjasa mũa —ĩnare yicami. 44 —Baámasimenama, yucújãiri, to yicõari, no bojase jayase rãca ĩnacõari tũsarojũa baájãjasa —yicami. To bajiri sĭgũ rujarocariaro mano jabuaju baájãjaejacaju yũa.

28

Malta vãme cutiyoaju ejacõari, Pablo mesa ĩna bajire queti

1 Toju ejacõari, “Malta vãme cutiyoaju ĩnaja mani”, yĩamasicaju yũa. 2 Tijũana masa, to yũa ejaro, quẽnaro yũare yicama. Buto oco ti quedijare, yũare usacaju. To yũa bajijare, jeame riodõari, “Sũmaroaya mũa quẽne”, yũare yicama. 3 Jearũjũri juagu vacõari, ĩna riori mere ĩ tũarone, ãña jearũjũri vatoa ĩnar'i, “Jea asisere rudiacũja” yigũ, ĩ ãmojũre jatirocayocõari, cũnicami, Pablora. 4 ĩ cũniyojasere ĩacõari, ado bajiro gãmerã yicama toana:

—Masa sĭarimasũ ĩnagũmi. ĩna rujariaroju ĩ rujarocabetijare, ĩ masa sĭare vaja ĩre ãña cũnirotigomo so, mani rãcũbũogo —gãmerã yicama ĩna.

5 To bajiro ĩna yiboajaquẽne, jeameju ãñare ĩre yayerocatĩacõacami. To bajicõari, visiorũgũ yibeticami Pablo. 6 “Guaro mijirũaroja. Ti mijibetijaquẽne, ĩnaro tũsarone rijacoa tũjarũcũmi”, yitũoĩaboacama tijũana jediro. To yicõari, yoaro ĩre ĩacodeñaboacama. ĩna tũoĩarore bajiro ĩ bajibetijare, ado bajiroju tũoĩacama ĩna yuja: “Mani rãcũbũogu, masũre bajiro ruju cuticõari, ejami”, gãmerã yicama ĩna yuja.

7 To yũa bajiñacatiju tũre ĩnacaju, tiyoana uju Publio vãme cutigũ ye sita. Quẽnaro yũare bocaãmicami. To bajiri, idiarũmu ĩ rãca yũa ĩnaro quẽnaro yũare yicami. 8 ĩ tu yũa ĩnaro, “Buto rijaami yũ jacũ” ĩ yisere ajicaju yũa. “Bũbũribũjacõari, gũda cuduami. Mano gajajuar'i cãnijesariaro joeju jesaami”, yicami. To bajiro ĩ yijare, ĩre ĩagũ jãjacami Pablo. ĩ tu jãjaejacõari, Diore ĩre sãnibosacami. To yicõari, ĩ ãmori ĩũjeocami. To ĩ yirone, caticoacami ĩ yuja. 9 ĩre ĩ catiosere ajicõari, toana rijaye cutirã, ĩre catiorotirã ejacama ĩna. To ĩna bajijare, ĩnare catiocami Pablo. 10 To ĩ yijare, yũare rãcũbũorã, quẽnaro yirũgũcama ĩna. To yicõari, yũa varoto rĩjoro, yũa bojase jediro yũare ĩsicama.

Romaju Pablo ĩ ejare queti

11 Malta vãme cuti yoajũre idiarã muijua ĩnacaju yũa. “Juebũcũ ti rẽtoro bero vanasa” yirã, tũjayuma Alejandr'ia

vāme cūti macana. To bajiri, juebucū bero, ĩna rāca vacaju yua quēna. Tia ĩguēajure, “Ado bajirā ĩnarāma cūmuare ĩacoderimasa mani rācubūorā, Cástor, to yicōari Pólux vāme cūtigū quēne” yicōari ĩna quēnoriarā ĩacama. ¹² Siracusa vāme cūti macaju ejacōari, idiarūmū ĩacaju yua. ¹³ Ti macaju ĩacōari vana, Regio vāme cūti macaju ejacaju yua. Gajerūmū yua vato riojo mino ti vajare, Puteoli vāme cūti macaju vaejacaju yua. ¹⁴ Ti macaju ejacōari, Jesúre ajitirūnūgāre ĩnare bñjacaju yua. “Yua rāca cojo semana ĩaña mū”, yuare yicama ĩna. To bajiri ĩna rāca cojo semana ĩacaju yua. To baji, Romaju vacaju yua. ¹⁵ Yua vadi quetire ajicōari, yuare bocarā vayuma ĩna, ti macana Jesúre ajitirūnūgā. To bajiri, Foro de Apio vāme cūti macaju yuare bocacama. Gājerāma, Tres Tabernas vāme cūtoju yuare bocacama ĩna. To ĩna bajiro ĩacōari, variquēnagū ĩari, “Quēnaro yaja mū”, Diore ĩre yicami Pablo. ¹⁶ Roma vāme cūti macaju yua ejaro, tubiberiavijū Pablo ĩ ĩnarūbetijare, “Gaje vijū sīgū ĩ ĩnacōajama, quēnacōaroja. To bajiboarine sīgū surara ĩre coderūcūmi”, yicama.

Romaju ĩacōari, Pablo ĩ bajire queti

¹⁷ Romaju ĩ ejaro bero idiarūmū ĩatusacu, “Jud'io masa ĩjarāre ĩnare jirēoña”, yicami Pablo. ĩna rējajediro, ado bajiro ĩnare goticami:

—Yure ajiya yu yarā. Mani yarāre rojose yu yibetiboajaquēne, to yicōari, mani ĩncua ĩna yirūgūrere yu rācubūorūgūboajaquēne, yure ĩiacōari, romano masare ĩsicama mani yarā, Jerusalén macana. ¹⁸ ĩie rojose yu yibetijare, “Rojose yibesumi” yicōari yure burūaboacama romano masajūama. ¹⁹ Yure ĩna burūaboajaquēne, mani yarājūa, “ĩre bubeticōaña”, ĩnare yicama. To ĩna yijare, “ ‘Rojose yiyujari yu’ yigū, Roma macagu, Ūju Césarē ĩre ĩacōārotirūcūja”, yicaju yu. “ ‘Rojose yure ĩna yicati ti ĩnjare, rojose ĩnare yiya’ yiru me, Ūju César tūju varūcūja”, yicaju yu. ²⁰ Tire gotirū mūare jicōamū yu. Israel ĩamasir'i jānerabatia mani tūoīayurūgūcacū, jēre ejayumi. To bajiri, ĩre yu ajitirūnūjare, cōmema rāca yure siarūgūama —ĩnare yigoticami Pablo.

²¹ To ĩ yisere ajicōari, ado bajiro ĩre yicama ĩna, Roma macana jud'io masa ĩjarā:

—Judea sitana ejaboarine, “Rojose yigū ĩnaami Pablo”, yuare yigotibetirūgūama. ĩna ucacōasere quēne ĩabetirūgūaja yua. To bajiri mū bajisere masibeaja yua. ²² To bajiboarine, “Jesúre masa ĩna ajitirūnūjama, quēnabeti ĩaja” masa ĩna yise rīne ajirūgūmū yua. To bajiri, mū tūoīase yuare mū gotisere bojaja —ĩre yicama ĩna, Pablōre.

²³ To bajiro ïre yirã ñari, ï gotisere ajirã ïna rëjarotirãmure ïre goticama ïna. “Tirãmũ rëjaruarãja mani” ïna yicaturãmũ ti ejaro, jãjarãbũsa rëjacama ïna.

To bajiri, ado bajiro ïnare gotimasiocami Pablo:

–Jesúne ñaami “Rotimũorũgõrũcũmi” yigũ, Dios ï cõar'i. ïre ajitirãnũrãre, “Yũ yarã ñaama” ïnare yĩavariquẽnacõari, quẽnaro yirũgũami Dios –ïnare yigotimasiocami Pablo.

Tire ï gotimasiojama, Moisés ñamasir'ire Dios ï roticũmasirere, to yicõari Diore gotirëtobosamasiriarã ïna ucamasirere masigũ ñari, ïnare gotimasiogũ yicami. Busurijũ ï goticoajama, rãiorijũ gotigajanocami. ²⁴ To bajiro ï yisere ajicõari, “Socũ me yami. Riojone bajiroja”, yiajicama sīgũri. To bajiboarine gãjerãma ajitebũsacama. ²⁵ To bajiri sīgũre bajiro tũõĩabetica yirã, budisũocama ïna. To ïna bajirone, ado bajiro ïnare goticami Pablo:

–Ado bajiro mũa bajirotire yigũ, Esp'iritu Santo, mũa ñicũa ñamasiriarãre ï yimasire riojo ñañũja ti. “Ado bajiro ïnare gotiya”, yimasiñumi, Isa'ias ñamasir'ire:

²⁶ “Mũ yarãre ïnare gotiaya mũ: ‘Yũre ajirã ñaboarine, ajimasibeticõa ñarũarãma. Yũ yĩosere ïarã ñaboarine, “¿To bajiro bajisere yigũ yatique ï?”, yĩamasibeticõa ñarũarãma.

²⁷ Ado bajiro bajirã ñari, yũ yere ajimasimena ñarãma ïna: Gãmo gojeri tusubeti, to yicõari, caje ïamenare bajiro bajirãma. To bajiro yũ yijama, “Yũ yere tũõĩarũamena ñaama” yigũ yaja yũ. To bajirã ñari, tire quẽnaro ajimasibeama. Yũ yere ïna tũõĩarũajama, tire ajimasicõari, yũ bojarore bajiro tũõĩavasoacõari, yũre sãnirũcũbũoborãma ïna. Yũre ïna sãnijama, yũre ïna cãmotadicõa tũjaborotire ïnare yirëtobosabogũja yũ', ïnare yigotiaya mũ”, Isa'iare ïre yigotimasiñumi Esp'iritu Santo. To bajiro ï yijama, adirodorianare quẽne, mũare gotigũ yimasiñumi.

²⁸ To bajiri quẽnaro ajiya mũa: Adirãmũrre Jesús sũorine quẽnaro Dios ï yisere jud'io masa me ñarãjũare gotimasioduciroti ñaja. ïnajuama tire ajirã ñari, ajitirãnũrãrãma –ïnare yigoticami Pablo.

²⁹ To bajiro ï yigotijare, sīgũre bajiro tũõĩabetica yirã, gãmerã oca rëtocõari, budijedicoacama jud'io masa.

³⁰ Jũa cũma ñacami Pablo, gãjoa bojarã ñari, ïre ïna vasoariavijũre, Roma macajũre. To bajiñagũ, ïre ïarã ejarã jedirore quẽnaro ïnare yirũgũcami. ³¹ Gũibecũne ado bajiro ïnare gotimasiõrũgũcami:

–Jesucristore mũa ajitirãnũjama, “Yũ yarã ñaama” mũare yĩavariquẽnacõari, quẽnaro mũare yirũgũrũcũmi Dios. To

yicõari, —Ado bajiro Jesucristore ajitirãnuroti ñaja —ñare yigotimasiorũgũcami.

Tire ãgotimasio ñaro, “ñare gotibesa”, ãre yibetirũgũcama ña, romano masa.

To cõro ñaja.

Carta de San Pablo a los ROMANOS

Roma vāme cūti macana, Jesucristore ajitirūnūrāre Pablo ī ucacōare queti

¹ Yū nāja Pablo vāme cūtigū adi quetire mūare ucacōagū. Jesucristo, ī bojasere yigū nāja yū. Yūre besecōari, yūre cōacami Dios, “Yū macū sūori quēnaro yū yise quetire gājerāre gotima-siocudirūcūja mū” yigū.

²⁻³ Adi quetire Jesucristo ī bajirotire quēnasere ucasūomasifūma īna tirūmūanajū Diore gotirētobosariarā. To bajiri adigodojūre masūre bajiro rujū cūticōari ī ruyūare ti nājare, tirūmūana ī bajirotire yirā īna ucariarore bajirone bajiyūmi. To bajiri, “Ūjū David nāmasir'i jānami nānūmi”, īre yimasijaja manī. ⁴ To bajiri ī sīaecoro bero, Dios ī masise rāca īre caticōari, “Nājediro cūjū nānā mū” īre ī yire ti nājare, “Jesucristo manī cūjū, Dios macūne nāami”, īre yimasijaja manī.

⁵ To bajiri Jesucristo sūori quēnaro yūre yigū, yūre gotic-udirotiyūmi Dios, “Tocārāca sitana ī macū ī bajirere ajicōari, quēnaro īre ajitirūnūato” yigū. ⁶⁻⁷ To bajiri mūa quēne Roma nārā, “Cristore īre ajitirūnūnā” Dios ī yirere cūdiriarā nāja mūa, Jesús yarā. Mūare būto maiami Dios. Jesūre ajitirūnūrā nāri, Dios rīa nānūja mūa. Mūare quēnarotigū, manī jacū Diore, to yicōari, manī cūjū Jesucristore, ado bajise mūare sēnibosaja yū: “Quēnaro īna nārotire yirā, īnare ejarēmoñā”, mūare yisēnibosaja yū.

Roma macanare Pablo ī īagū varūare queti

⁸ Nāsūose ado bajise mūare gotijaja yū: Cristore īre mūa ajitirūnūsere gotirūgūama tocārāca macariana. To bajiro īna yisere ajicōari, “Dios ī yise sūorine Cristore ajitirūnūrāma” yimasigū nāri, “Quēnaro yaja mū”, Diore īre yaja yū. ⁹ Tocārācajine Diore yū sēnijama, mūare quēne sēnibosarūgūaja yū. Dios yūre ī rotirore bajiro būto cūdivariquēnaja yū. Ī yirore bajiro cūdigū nāri, ī macū sūori quēnaro ī yise quetire goticudirūgūaja yū. To bajiri, masiami Dios, mūare yū sēnibosasere. ¹⁰ Diore sēnigū, “Mū bojajama, no bojarirūmū īnare īacudigū varūcūja yū”, īre yisēnirūgūaja yū. Mūa tūjū varū, tūoīacōa nārūgūboaja yū. ¹¹ “Būto būsā Jesūre ajitirūnūato” yigū, mūare ejarēmorūaja yū. ¹² Mūa quēne, yū quēne, “Būto būsā īre ajitirūnūrāsā manī” yigū, manī gāmerā ejarēmosere bojaja yū.

¹³ Cojōji me mūa tūjūre yū varūarūgūboasere masifūa mūa, yū mairā. “Gaje sitana yū gotisere ajicōari, Cristore īre īna ajitirūnūcatore bajiro mūa rācana quēne ajitirūnūato” yigū,

varuarũgũboaja yu. Mũa ñarõjũre varua tuoĩagũ ñaboarine, mũa tũjũre vamasibeticajũ yu. ¹⁴⁻¹⁵Yu moare ñaja Jesucristo ĩ bajire sũorine Dios quẽnaro masare ĩ yisere gotimasiore. Griego ocare ñagõrãre quẽne, ĩna mere quẽne, quẽnaro masirãre, masimenare quẽne gotimasioroti ñaja yũre. To bajigũ ñari, Roma macajũ ejaçõari, mũa rãcanare quẽne bũto gotimasiorũaja yu.

“Masa, Jesucristore ĩre ajitirũnũçõari, quẽnaseayere ĩna bũjajare, tire gotibojonebeaja yu”, Pablo ĩ yire queti

¹⁶ Jesucristo ĩ bajire sũorine masare quẽnaro Dios ĩ yise queti, quẽnase ñaja. Tire ajicõari, Jesucristore ĩna ajitirũnũjare, rojose ĩna yise vaja rojose ĩna tãmũotũjabetirotire ĩnare yirẽtobosami Dios. Quẽnaro ĩ yise ñajare, ti quetire gotibojonebeaja yu. Jud'io masa, ti quetire ajisũocajũ. Tijũ bero, ajisũyarũtuajama jud'io masa me quẽne. ¹⁷ Ado bajiro yaja ti queti: “ ‘ ‘ Ñie rojose mana ñaama' yato Dios” yigũ, yũre rijabosayumi Jesús' yitũoĩarãre, ‘Ñie rojose mana ñaama' ĩnare yĩĩaami Dios”, yaja ti. ĩjũne to bajiro ĩ yire ñajare, to bajiro tuoĩaja mani. Tirene gotiaja Dios ocare masa ĩna ucamasire. Ado bajiro gotiami Dios: “ ‘Ñie rojose magũ ñaami' yu yĩĩavariquẽnagũma, ‘Cristo sũorine Diorãca quẽnaro ñaja yu' yigũ ñari, ‘ ĩ rijato berojũ tudirijabeticõato ĩ' yigũ, yũ catisere yũ ĩsigũ ñarũcũmi ĩ ũgũma”, yigotiaja Dios ocare masa ĩna ucamasire.

“Masa jediro rojose yirã ñaama”, Dios ĩ yĩĩase queti

¹⁸⁻¹⁹ “Ado bajiro ti bajijare, ‘Rojose mana ñaama' Dios manire ĩ yĩĩasere bojaja mani jediro”, yigotimasiogũagũ yaja yu. Dios ĩ rujeorere ĩacõari, “To bajiro tuoĩagũ ñagũmi”, yimasiroti ñaja. To yicõari, “Masa rojose ĩna yisere ĩategũ ñaami”, ĩre yimasiroti ñaja. “To bajiro tuoĩagũ ñagũmi” ĩre yimasiroti ti ñaboajaquẽne, ĩre rũcũbũobeticõari, rojose yirã ñari, gãjerã ĩre ĩna masirũaboasere “ĩre masibeticõaña” yirã yama. To bajiro ĩna yijare, rojose ĩnare ĩ yijama, riojo yigũ yirũcũmi Dios. ²⁰ ĩabũjayamagũ ĩ ñaboajaquẽne, ĩ rujeorere ĩacõari, “ ‘To bajiro yir'ĩ ĩ ñajare, ĩ masisere masiaja' yure yato ĩna” yigũ, adi macarũcũrore rujeomasĩũmi Dios. To bajiri, tire ĩacõari, “Ñagũmi mani rẽtoro masigũ, adi macarũcũrojũre yirũjeosũor'ĩ”, yire ñacoayuja. To bajiro yire ti ñacoadijare, “Diore masiña manicajũ ti”, yimasĩña maja. To yicõari, “Dios ĩ bojabetire masibecũ ñari, no yũ bojarone yirũgũcajũ yu”, yimasĩña maja. ²¹ Tirũmũjũ, Diore masiboarine, quẽnaro ĩre rũcũbũobetimasĩũjarã masa. Quẽnaro ĩnare ĩ yiboajaquẽne, “Quẽnaro yaja mũ”, ĩre yibetimasĩũjarã ĩna. To bajiro bajirã ñari, socasejũare ajitirũnũçõari, Dios ĩ ĩajama, rojose ti ñaboajaquẽne, “Quẽnasere yirã yaja mani”, yicoayuma ĩna.

22 To bajiro bajica yirãne, “Buto masirã ñaja yua” yicōarã ñaboarine, ñamasusejũarema masiriticoayuma ñna. 23 Dios rijabetirocũjũare ñre rũcũbũobeticōari, masa rijarona rujũre bajirojũa quẽnorujeocōari, rũcũbũoyujarã ñna. To yicōari, vũrãre bajirã, vaibũcũrãre bajirã quẽnorujeocōari, rũcũbũoyujarã ñna.

24 To bajiri, ñre ñna ajitirũnũbetijare, “Rojose ñna yirũaro cõro yicõa ñato ñna”, ñnare yicõañuju Dios. To bajiro ñnare ñ yijare, butobũsa bojoneose yirũtuasujarã ñna. 25 Dios yere ajitirũnũbeticōari, socasejũare ajitirũnũrũtuayujarã ñna. To yica yirã, Diore jediro rujeor'ijũare ñre rũcũbũobeticōari, ñ rujeorejũare ñna masune quẽnorujeocōari, rũcũbũoyujarã ñna. Diojũa ñaami masa ñna rũcũbũo tũjabetirocũma. To bajirone bajimũorũgõato.

26 To bajiri gaje vãmejũa rĩne masa ñna rũcũbũocõa ñajare, “No ñna bojaro yicõa ñato ñna”, ñnare yicõañuju Dios. Ado bajiro yirũgũñujarã ñna: “Rõmia, ãmũa rãca yirũarãma” Dios ñ yiboarere yibeticōari, rõmia rĩne gãmerã ajeriarã cãtiyujarã ñna. 27 Æmũa quẽne, “Rõmia rãca yirũarãma” Dios ñ yiboarere yibeticōari, ãmũa rĩne buto gãmerã yirũacōari, gãmerã yiyujarã ñna. To bajiri ñna rujãriaye rãca bojoneose yirã ñna ñajare, rojose ñnare yiyuju Dios.

28 Ñre ñna ajibeti vaja, “No ñna bojaro bajicõato”, ñnare yiyuju Dios. 29-31 Rojose ñna yijama, ado bajiro yirũgũrãma: Jairo gajeyẽni cũorã ñaboarine, jaibusaro bojarẽmorã ñarãma. Gãjerãre, “Yũ rẽtobusaro quẽnaro ñaama”, yĩajũnisinirã ñarãma. Gãjerãre sĩa, buto oca josajai, socajairã ña, bajirãma. Gãjerã rojose ñna yirere ajicōari, gãjerãre gotirudijairã ñarãma. Masa ñna ajiro rĩjorojũa quẽne, socarãne, “Ado bajise rojose yima”, yigotirãma. Diore ñre terã ñarãma. Gãjerãre tud'irã ñarãma. “Ñamasurã ñaja yua”, yijairã ñarãma. Gãjerãma, “Ñamasurã ñaja yua” yitũoĩarã ñaboarine, “To bajiro bajirã ñaja yua”, yimenama. Rojose ñna yirotire quẽnaro yimasirã ñarãma. Ñna jacũare ocarẽtorã ñarãma. “Quẽnase ñaja. Rojose ñaja”, yimasi-mena ñarãma. Ñna gotirore bajiro yirã me ñarãma. Gãjerã ñna yarã ñna ñaboajaquẽne, ñnare ñamaimena ñarãma ñna. Maioro bajirãre sũtiritĩamena ñarãma ñna. To bajiri, rojose jediro yirã ñarãma. 32 To bajiro yirãrema, “ ‘Rojose ñna yise vaja, rojose tãmũotũjabetiriarojũ cõarũcũja yu’ yiyumi Dios” yimasicōarã ñaboarine, rojose yitũjamenama. To yicōari, ñna yirore bajiro gãjerã ñna yijama, rojose ñna yisere ñacōari, buto variquẽnarãma ñna.

2

“Rojose, quẽnase masa ñna yisere ñabeserũcũmi Dios”, yire

1 “Rojose ĩna yise vaja Dios rojose ĩnare ĩ yijama, riojo yigũ yigũmi” yitũoĩacõari, “Quẽnarã ñaja yua; yuarema rojose yibecũmi” mũa yitũoĩaboajaquẽne, “Yuare quẽne, rojose yuare yato Dios” yirã yirãja mũa. Rojose ĩna yirore bajirone rojose yaja mũa quẽne. To bajiri, “Rojose yimena ñaja yua”, yimasimenaja mũa. 2 “Dios ñaami, ‘Rojose ĩna yise vaja rojose tãmuotũarãma’ yĩamasigũma”, yimasiaja mani. 3 “Rojose ĩna yise vaja rojose ĩnare yirũcũmi Dios” yicõari, “Rojose yibetirũcũmi yuarema”, ÿyitũoĩaboati mũa, ĩnare bajiro rojose yirã ñaboarine? 4 Rojose mũa yise vaja guaro rojose mũare ĩ yibetijama, “Manire maigũ ñari, rojose yibetirũcũmi Dios”, ÿyitũoĩaboati mũa? To bajiro me bajiaja. Mũare ĩamaicõari, rojose mũa yise vaja guaro rojose mũare yirũabeami Dios. Rojose mũa yisere sãtiriticõari, mũa tũoĩavasoarotire bojaami. Rojose mũa yisere “Yitũjato” yigũ, mũare yugũ bajiami maji. 5-6 To bajiri rojose mũa yise vaja rojose mũare ĩ yibetijare, “Rojose yirã yaja yua” yisãtiritimena ñari, rojose yitũjabeaja mũa. To bajiri, rojosere mũa yicõa ñarũgũjare, masare ĩ beserirũmu ti ejaro, rojose yirãre rojose tãmuotũjabetiriaroju ĩ cõarotirũmu buto mũare jũnisinigũ ñari, rojose mũare yirũcũmi Dios. To ĩ yijama, “Ĭ yirore bajiro yigũ ñaami”, yimasire ñarũaroja. 7 Sĩgũri quẽnasere yitũjamena ñaama ĩna. “‘Quẽnaro yirũgũcaju mũa’, manire yato ĩ Dios”, yitũoĩarã ñaama. Dios tũju ĩna ñarotire bojarã ñaama. To bajiro ĩna tũoĩajare, ĩna rijato beroju “Tudirijabeticõato” yigũ, ĩ catisere ĩnare ĩsirũcũmi Dios. 8 Gãjerãjuama to bajise tũoĩarã me ñaama ĩna. ĩna bojarore bajiro tũoĩarã ñari, Diore ajimena ñaama ĩna. ĩre ajimena ñari, rojose yirũgũama ĩna. To bajiro ĩna yise ñajare, buto jũnisiniami Dios. ĩnare jũnisinigũ ñari, masare ĩ beserirũmu ti ejaro, rojose tãmuotũjabetiriaroju ĩnare cõarũcũmi. 9 Jud'io masa, jud'io masa me quẽne, rojose yirãma, buto rojose tãmuotũarãma ĩna. 10 Quẽnasere yitũjamenajuarema, “Quẽnaro yirũgũcaju mũa” ĩnare yicõari, “Yu rãca quẽnaro ñarũarãja mũa”, ĩnare yirũcũmi Dios. To bajiro yirũcũmi, jud'io masare, to yicõari jud'io masa mere quẽne.

11 Masare ĩ ĩabesejama, “Ãnoama rojose yirã ĩna ñaboajaquẽne, ñamasurã ĩna ñajare, ĩnare quẽnaro yirũcũja yu” yigũ me ñaami Dios. To bajiro yigũ ñari, rojorãre rea, quẽnarãre jua, yirũcũmi. 12 Jud'io masa me ñarãre, Moisere Dios ĩ roticũmasirere cõomena ĩna ñaboajaquẽne, rojose ĩna yise vaja rojose tãmuotũjabetiriaroju ĩnare reacõarũcũmi. To yicõari, Moisere Dios ĩ roticũmasirere cõorãre quẽne, tire cõorã ñaboarine ĩre ĩna cõdibeti vaja rojose tãmuotũjabetiriaroju ĩnare reacõarũcũmi. 13 “Dios ĩ rotimasirere cõorã ñaja yua” yirã ñaboarine, ti rotirore bajiro ĩna cõdibetijama, ñie vaja maja.

“Quēnase yirā ñaama”, ñnare yīābetirūcamī Dios. Ī rotimasire ti yirore bajiro cūdirā rīne ñnaruarāma, “Quēnase yirā ñaama” ĩ yīārā. ¹⁴ To bajiri jud'io masa me ñarā, Moisére Dios ĩ roticūmasirere masibetiboarine, quēnasere ñna yijama, Dios ĩ rotimasirere ajicōari, cūdirāre bajiro bajirāma, ĩ bojasere yirā ñari. To bajiro yirā, Dios ĩ ucarotimasirere cūomena ñaboarine, rojose ñna yisere masirāma, Dios ĩ masisere ñnare ĩ cōase ti ñajare. ¹⁵ “Dios ĩ rotise ñaja ti” yimasimena ñaboarine, Dios ĩ bojasere masirāma ñna. To bajiri rojose ñna yijama, “Rojose yirā yaja yua”, yitūōīarāma. To yicōari, quēnasere ñna yijama, “Quēnase yirā yaja yua”, yitūōīarāma. ¹⁶ To bajiro masa ñna yitūōīarūgūse ñajare, masare ĩ beserirāmū ti ejaro Jesucristore cōarūcūmī Dios, masa jediro ñna tūōīarūgūrere ĩacōari, “ ‘Ado bajiro tūōīarā ñari, quēnase bñjarā, rojose tāmūorā, bajiruarāja mña’ ñnare yato ĩ” yigū. To bajiro ĩ yiroti ti ñajare, Jesucristo manire ĩ rijabosare sūorine Dios quēnaro ĩ yise quetire yū gotimasiojama, tire quēne gotirūgūaja yū.

“Moisére Dios ĩ roticūmasirere cūdirā ñari, Dios yarā ñaja yua”, jud'io masa ñna yire queti

¹⁷ Ado bajiro yitūōīaboarāja mña jud'io masa sīgūri: “Jud'io masa ñari, Moisés ñamasir'ire Dios ĩ roticūmasirere rūcūbūoaja yua. To bajiri Dios yarā ñaja yua, rojose ĩ yibetirona”, yitūōīaboarāja mña. ¹⁸ Moisére Dios ĩ roticūmasirere cūorā ñari, ĩ bojarore bajiro yirere masirāja. To yicōari, “Dios ĩ rotimasire masicōari, quēnasere yimasirā ñaja yua”, yirāja mña. ¹⁹⁻²⁰ To bajise yitūōīarā ñari, ado bajiro tūōīaboarāja mña: “Dios yere masimenare gotimasiorimasa ñaja mani”, yiboarāja mña. “Rojose yirāre Dios ĩ bojasejuare gotimasioaja mani. To bajiro mani yibetijama, rīamasare bajiro tūōīacōa ñnaruarāma”, yitūōīaboarāja mña, “Dios rotimasirere cūorā ñari, Dios ye jediro riojo masijeorā ñaja mani” yitūōīarā ñari. ²¹ To bajiri gājerā masare gotimasioaboarine, ζmñajūama gājerāre mña gotimasiorore bajiro yibeati mña? Gājerā masare, “Mña juarudijama, quēnabeaja ti” yigotiboarine, mñajūama juarudirāja mña. ²² “Mña manajo me rāca, rōmia quēne mña manaju me rāca mña ajeriarā cutijama, quēnabeaja ti” yirā ñaboarine, mñajūama, ζno yirā tire yicōarūgūati mña? “Gājerā masa, Diore masimena, ñna masune ñna quēnoriarājuare rūcūbūosocarāma. To ñna yisere ĩaterā ñaja yua” yigotiboarine, ζno yirā ñna yirūcūbūosocariviriayere ñasere juarudiati mña? ²³ “Moisére Dios ĩ roticūmasirere ñnamasusere cūoaja yua” yivariquēnarā ñaboarine, ti rotirore bajiro yimenaja mña. To bajiro mña bajijama, Diore terā bajirāja mña. To bajiro mña bajisere ĩacōari, gājerā masa quēne, ĩre terāma. ²⁴ Ti ũnire gotiaja Dios ocare masa ñna ucamasire: “ ‘Dios yarā ñaja yua’

yigotirã ñaboarine, rojose yirũgũrãja m̄ua. To bajiri Diore masimena quẽne, ‘Rojosere quẽnaro yigu ñagũmi Dios’ yitũoĩaama ña”, yigotiaja Dios ocare masa ñna ucamasire.

²⁵ Circuncisión yiecoriarã ñarãja m̄ua. “ ‘Dios yarã ñaja yua. To bajiri ñre c̄udirona ñaja yua’ yimasiritibeticõato ñna” yigu, to bajiro mani ñicũare yirotimasiñumi Dios. To bajiro Dios manire ñ yirotimasire ti ñajare, ñ rotimasire ñaro cõrone mani c̄udijeocõajama, circuncisión mani yiecore, vaja c̄utiboroja ti. To bajiboarine Dios ñ rotimasire jediro c̄udijeomena ñari, circuncisión yiecobetiriarãre bajirone bajicõaja mani. ²⁶ No bojarã, circuncisión yiecoyamana ñna ñaboajaquẽne, Dios ñ roticũmasirere masibetiboarine, ti yirore bajiro ñna yijama, “Yũ yarã ñaama”, yĩagũmi Dios. ²⁷ Jud'io masajũama, Dios ñ rotimasire masa ñna ucamasirere c̄uorã ñaboarine, to yicõari, circuncisión yiecoriarã ñaboarine, Diore quẽnaro c̄udimenaja m̄ua. Gãjerã masa circuncisión yiecobetiriarã ñaboarine, Dios ñ roticũmasirere masibetiboarine, ti yirore bajiro yirã ñarãma. To bajiro bajirã ñari, m̄uare jud'io masare ñacõari, “Rojose yirã ñaama”, m̄uare yĩaruarãma. ²⁸ Jud'io masa quẽnase ñna gotiboa-jaquẽne, to yicõari quẽnase ñna yiboajaquẽne tire ñacõari, “Jud'io masa masu ñaama”, yĩabeami Dios. Circuncisión yiecoriarã ñna ñaboajaquẽne, “Jud'io masa masu ñaama”, ñnare yĩabeami Dios. ²⁹ Dios ñ ñajama, Esp'iritu Santo ñ ejarẽmose rãca tũoĩarã rĩne ñaama ñ yarã, jud'io masa masuma.

3

¹ To bajiro yũ gotisere ajicõari, ado bajiro tũoĩarãja m̄ua jud'io masa sĩgũri: “No yirã, ‘Jud'io masa ñaja yua’ yimenaja mani. Jud'io masa mani ñajaquẽne, ñie b̄jamenaja. Circuncisión yire quẽne, ñie vaja manoja”, yitũoĩaboarãja m̄ua. ² To bajiro me bajaiaja. Cojo vãme me jud'io masare quẽnaro yiyumi Dios. Ñasũose ado bajiro m̄uare gotiaja yũ: Mani ñicũare ñ ocare cũñumi Dios. “Quẽnaro m̄uare yirũcũja yũ”, ñnare yimasiniñumi Dios. Tire ajicõari, ado bajiro tũoĩarãja m̄ua: ³ “Mani ñicũa sĩgũri Dios ñ rotimasirere c̄udimena ñna ñajare, ‘Quẽnaro ñnare yirũcũja yũ’ Dios ñ yiboarere yibetirũcũmi”, yitũoĩaboarãja m̄ua. “Diore ajitirũnrũgũrãrãja” yirã ñaboarine, ñna yirore bajiro yirã me ñaama masama. Diojũama, to bajiro bajigu me ñaami. “Quẽnaro ñnare yirũcũja” yir'i ñari, ñ yirore bajiro yirũcũmi. ⁴ Ado bajiro bajaiaja: Masa mani socaboa-jaquẽne, Dioma, socagu me ñaami. Tirene ucamasiniñumi Diore gotirẽtobosarimasu:

“Mũre yũ c̄udibeti vaja, rojose yũre m̄u yiro ñacõari, ‘Yirũcũja’ ñ yiriarore bajiro yami’ m̄ure yirũcũbũo

variquēnaruarāma masa. To bajiri, ‘Socagu ñaami’ mure yigu manirucumi”, yucamasiñumi.

⁵ Ī rotisere cūmasiñumi Dios, mani ñicware. “Yū rotirore bajiro mña yibetijama, rojose mñare yirucija”, ñnare yimasíñumi. To bajiro ĩ yimasire tí ñaboajaquēne, ĩre ajibeticoayuma ñna. To bajiri, jud'io masare, “Yū yarā ñaama”, yĩabeami Dios yuja. Jud'io masare, “Yū yarā me ñaama” ĩ yirere ajicōari, “Īre ñna cūdibeti vaja, ‘Rojose’ yirucija ĩ yiriarore bajirone yigu ñaami” yirā ñari, ĩre rūcubuoama ñna, jud'io masa me. To bajiri, jud'io masajūama, Dios mñare rojose ĩ yisere masicōari, “ ‘Gājerā yūre rūcubuo variquēnato ñna’ yigu, yū yarā me ñaama jud'io masama”, yigumi Dios. “To bajiro ĩ yijama, mani rāca rojose yigu, yigumi Dios”, ¿yitūoīati mña? ⁶ To bajiro me bajiaja. Masa rojose ñna yise vaja Dios rojose ñnare ĩ yijama, vatojene rojose yigu me yami. To bajiri, masa rojose ñna yisere ĩamasigū ñari, rojose ñnare yirucumi Dios.

⁷ To bajiro mñare yū gotisere ajicōari, ado bajiro tūoīarēmoboarāja mña jud'io masa: “Dios ĩ rotimasirere cūdijeobetiboarine, ĩ rotimasirere yirā ñaja mani. To bajiri rojosere mani yiboajaquēne, rojose manire yimasibeami Dios. Rojose mani yise vaja, rojose manire ĩ yijama, rojose manire ĩ yisere ĩacōari, ‘ “To bajiro yirucija” ĩ yiriarore bajiro yigu yami Dios’ yĩacōari, rūcubuo variquēnaruarāma jud'io masa me ñarā”, yitūoīaboarāja mña. ⁸ To bajiro me bajiaja. To bajiboarine, jud'io masare yū gotimasiosere ajicōari, sīgūri ado bajiro yūre ñagōmacarāma ñna: “ ‘ “Gājerā, Diore rūcubuo variquēnato ñna” yigu, rojose yito mani’ yigumi Pablo”, socarāne yūre yĩñagōmacarāma ñna. To bajiro yirāma, rojose tāmuotujabetiraroju reaecorā ñarāma.

“Mani jedirone rojose mani yise vaja, sūoye cutiaja mani”, yire

⁹ To bajiro mñare yū gotisere ajicōari, ¿ado bajiro yitūoīati mña? “Dios manire ĩ ĩajama, gājerā masa rētoro quēnarā ñaja mani jud'io masa”, ¿yitūoīati mña? To bajiro me bajiaja. Mani jud'io masa, jud'io masa me ñarā quēne, ñajediro rojose mani yise vaja sūoye cutiaja mani, Dios ĩ ĩajama. ¹⁰ Tirene, ado bajiro gotiaja Dios ocare masa ñna ucamasire:

“Jediro mñ rotirore bajiro cūdigū magūmi.

¹¹ ‘Adi ñaja quēnase. Tijūa ñaja rojose’ yimasimena rīne ñaama. ‘Mñ bojarore bajiro yirucija yū’ mñare yisēnigū magūmi.

¹² Masa jediro mñ ocare ajirūgūboariarā, tire ajitujacōari, rojosejūare yirā ñarāma ñna. Gājerāre quēnaro yirā manama. Quēnasere yirā manimasucōarāma.

13-14 Īna ñagõjama, masa yujeriagojerire jãna ãniorãre bajiro yama ĩna. Socajairã ñaama. Gãjerãre jũnisinicõari, ĩna tud'ijama, ĩna oca, ãña rĩma jũnisere bajiro budiaja.

15 Gãjerãre ĩna tud'ijũnisijama, guaro sĩarã ñarãma.

16 Rojose yirã ĩna ñajare, ĩna vacudirijuri ñarãjua, rojose tãmuoama ĩna.

17 Gãjerã rãca quẽnaro ñarere masimena ñaama.

18 Diore gãimena ñari, ĩre rãcũbũomena ñarãma", yigotiaja Dios ocare masa ĩna ucamasire.

19 Dios ĩ rotimasirere, "Mani jud'io masare cũñumi, 'Yu rotisere quẽnaro cãdiato ĩna' yigũ", yimasiaja mani. To bajiri Dios ĩ rotimasirere masiboarine tire yibeticõari, "Yuma sũoye maja", yimasiña maja. To bajiri, jud'io masa, jud'io masa me ñarã quẽne, "Dios ocare ti yirore bajirone, 'Rojose yirã ñaja' ", yimasiaja mani. ²⁰ " 'Yu rotiro cõrone cãdijeogu ñaja mu' yũre yĩarũcũmi Dios", yimasigũ magũmi. "Dios ĩ rotimasire ñaro cõrone yijeomena ñari, sũoye cãtiaja mani", yimasiaja mani jediro.

"Jesucristo manire rijabosayumi" yitũoĩarãre, "Ñie rojose mana ñaama", Dios ĩ yĩare queti

²¹ To bajiro yirã ñaboarine, yucũrema ado bajirojua yimasi-aja mani yuja: "Dios ĩ rotimasire ñaro cõrone yijeomena ñaboarine, sĩgũrere, 'Ñie rojose mana ñaama' yĩaami Dios", yimasi-aja mani. Mani ñaja, Cristore ajitirũnrã ñari, "Ñie rojose mana ñaama" Dios ĩ yĩarã. To bajiro manire ĩ yiotire goti rĩjoro cãtiyuja, Moisẽre Dios ĩ roticũmasire, to yicõari, Diore gotirẽtobosariarã ĩna ucamasire quẽne. ²²⁻²⁴ Ado bajiro bajaiaja ti, Dios quẽnaro manire ĩ yise: Dios ĩ rotimasire ñaro cõrone cãdijeogu magũmi. To bajiboarine mani jedirore maigũ ñari, "Masa rojose ĩna yise vaja ĩnare vaja yibosaaya" yigũ, ĩ macũre cõaũmi Dios. ĩ macũ ĩ rijabosare ti ñajare, rojose mani yisere manire masirioyumi Dios, Cristore ajitirũnrãre. To yigũ ñari, "Ñie rojose mana ñaama", manire yĩaami Dios yuja. To bajiro bajaiaja jud'io masare, jud'io masa me ñarãre quẽne. ²⁵ "Masa rojose yirãre rojose tãmuotũjabetiriaroju cõaroti ñaja" yir'ĩ ñari, "Rojose tãmuoroma" yigũ, Jesucristore ĩ macũre cõaũmi, ñajediro rojose yirãre ĩnare rijabosarocũre. To bajiro ĩ yire ñajare, masare rijabosayumi Jesús. ĩ ri'ĩ rãca manire ĩ vaja yibosare ti ñajare, rojose mani yisere masirioyumi. To ĩ yijare, no bojagu Jesũre ajitirũnũgũre, "Ñie rojose magũ ñaami", ĩre yĩaami Dios. To bajiro ĩ yijama, "Yirũcũja" ĩ yirore bajiro yigũ yami. ²⁶ To bajiro yir'ĩ ñari, tirũmuanaaju rojose ĩna yisere ĩaboarine, rojose ĩna yise vajare rojose tãmuotũjabetiriaroju ĩnare cõabesumi. To yicõari, yucũre

quēne, “Rojose yirā ñaboarine, yuare rijabosayumi Jesucristo” yituoīarāre rojose tām̄uot̄ajabetiriaroju īnare cōabetiruc̄ami.

²⁷ To bajiri, “Dios ī rotimasire ti yirore bajirone mani yijare, ‘Quēnase yirā ñaama’ manire yīlagūmi Dios”, yimasif̄na maja. Ado bajirojua yire ñaja: “ ‘Jesucristo mani uju, manire ī rijabosare ñajare, ‘Ñie rojose mana ñaama’ manire yīlagūmi Dios’ yirājuare, ‘Ñie rojose mana ñaama’ īnare yīlagūmi Dios”, yire ñaja. ²⁸ To bajiri, Moisére Dios ī roticūmasirere mani masiro cōro quēnaro mani cudiboajaquēne, “Quēnase yirā ñaama”, manire yīabec̄ami. “Jesucristo manire ī rijabosare ti ñajare, ñie rojose mana ñaja mani yuja” mani yisejuare masicōari, “Rojose mana ñaama”, manire yīlagūmi Dios.

²⁹ ¿Dioma, jud'io masa uju rīne ñagūjarique? Bajigami, bajigujama. Bajicōari, jud'io masa me ñarā uju quēne ñagūmi. ³⁰ Sīgūne ñaami Dioma. Gāji magūmi. To bajiri circuncisión yiecoriarāre, yiecoyamanare quēne, “Jesucristo manire ī rijabosare ti ñajare, ñie rojose mana ñaja mani yuja” mani yisere masicōari, “Rojose mana ñaama”, manire yīlagūmi Dios. ³¹ To bajiri, “Jesucristo ī rijabosare suorine manire īavariquēnaami Dios” mani yituoīajama, “Moisére Dios ī roticūmasirejuā vaja mano tujaroja”, yituoīarāja m̄ua sīgūri. To bajiro me bajiaja. Moisére Dios ī roticūmasirere rearā me yirāja. “Jesucristo suori manire īavariquēnagūmi Dios” yimasirā ñari, tire yirēmora yirāja mani.

4

“ ‘Ñie rojose magū ñaami Abraham’ yīlamasiñumi Dios”, yire

¹ Abraham, jud'io masa ñicu ñamasir'ire ado bajise ī yijare, “Ñie rojose magū ñaami” ĩre yīlamasiñumi Dios yire que-tire m̄uare gotiruc̄aja yu. ² Abraham quēnaro ī yimasire ti ñaboajaquēne, “Rojose magū ñaami”, ĩre yibesuju Dios. “Rojose magū ñaami” ĩre ī yijama, “Quēnaro yigu yu ñajare, ‘Rojose magū ñaami’ yuare yīlagūmi Dios”, yīborimi Abraham. ³ Ado bajirojua gotiaja Dios ocare masa ĩna ucamasire: “Abrahamre, ‘Quēnaro m̄ure yiruc̄aja yu’ Dios ĩre ī yisere ajicōari, ‘Ī yirore bajirone bajiruarōja’ ĩ yimasire ñajare, ‘Ñie rojose magū ñaami’ ĩre yīlamasiñuju Dios”, yigotiaja ti, Dios ocare masa ĩna ucamasire. ⁴ No bojagu gājire ī moabosajama, ĩre ī moabosase vaja ĩre vaja yigu, ĩre ĩsigūmi. ĩre ī moabosase vaja bujacōari, “Vaja manone yuare ĩsigū me yimi. ĩre yu moabosase vajare yigu, yuare ĩsimi”, yigūmi. ⁵ Tire bajiro me bajiaja ti, manire Diore ajitirūn̄arāre. “Dios ī rotimasire ti yirore bajiro mani yise ñajare, ‘Ñie rojose mana ñaama’ manire yīlagūmi Dios”, yituoīabeaja. Ado bajirojua tuoīarā ñaja mani: “Dios ī bojarore bajiro yirā

me mani ñaboajaquēne, quēnaro manire yigūmi. Rojose mani yisere ‘Manire masirioato Dios’ yigū, manire vaja yibosayumi Jesús. To bajiro manire ĩ yibosare ti ñajare, ‘Ñie rojose mana ñaama’ manire yīlagūmi Dios, yaja ti, ĩ oca. To bajiro ti yijare, to bajirone bajiroja”, yituoīarā ñaja mani. To bajiro yituoīarāre, “Ñie rojose mana ñaama”, yīlagūmi Dios. ⁶ Tire tuoīagū, David ñamasir'i, ado bajiro ucamasiñumi: “Rojose ĩna yisere tuoīabecune, ‘Rojose mana ñaama’ ĩnare yīlagūmi Dios, ĩre ajitirūnarāre. To bajiro ĩnare ĩ yijare, variquēnaruarāma”, yiu camasiñumi David ñamasir'i. ⁷ Ado bajiro yiu camasiñumi ĩ: “Variquēnaruarāma rojose ĩna yisere Dios ĩ masiriorā.

⁸ ‘Rojose mani yiro bero, manire masiriocōari, “Rojose yicaju m̄aa. To bajiri rojose m̄are yiruc̄aja ȳu” tudiyibe-tiruc̄ami Dios’ yituoīarāma, variquēnaruarāma”, yiu camasiñumi David.

⁹ Variquēnarere ti yijama, jud'io masa, circuncisión yiriarā r̄ne yiro me yaja. Circuncisión yiecoyamana jud'io masa mere quēne yiro yaja. Abraham ĩ bajimasirere tuoīasaque m̄aa quēna: Dios ĩre ĩ gotimasirere, “Ĭ yirore bajirone bajiruaroja” yigū ĩ ñajare, “Ñie rojose magū ñaami”, ĩre yīlamasiñuju Dios. ¹⁰ To bajiro ĩre ĩ yijama, ¿circuncisión ĩ yiecoriario berojua, ĩ yiecobetojuā bajiyujarique? “Ñie rojose magū ñaami” Abrahamre Dios ĩre ĩ yijama, circuncisión ĩ yiecoroto r̄jorojuane ĩre yimasiñumi. ¹¹ Dios ĩre ĩ gotimasirere, “Ĭ yirore bajirone bajiruaroja” yigū ĩ ñajare, “Rojose magū ñaami”, ĩre yīlamasiñumi Dios. To yicōari bero, “To bajiro ĩre ȳu yicatire masiritiromi” yigū, circuncisión ĩre yiro timasiñuju, Abrahamre. To bajiri Abraham circuncisión ĩ yiecoroto r̄jorojuane, “Rojose magū ñaami”, ĩre yīlamasiñuju Dios. To bajiro bajimasir'i ñari, jud'io masa ñic̄u r̄ne ñagū me bajimasir̄umi Abraham ñamasir'ima. “Dios ĩ yiriarore bajirone bajiruaroja” ĩ yituoīamasiriarore bajirone yituoīarā ĩna ñajare, “Ñie rojose mana ñaama” Dios ĩ yīlarāre quēne, ĩna ñic̄une ñamasir̄umi Abraham. ¹² Jud'io masa circuncisión yiecocōari, Abraham circuncisión yiecobec̄uju, “Dios ĩ yirore bajiro bajiruaroja” ĩ yituoīamasiriarore bajirone tuoīarāre quēne ĩna ñic̄u ñamasir̄umi Abraham.

“Cristore mani ajitirūn̄ajama, ‘Yiruc̄aja’ ĩ yiriarore bajirone yiruc̄ami Dios”, yire queti

¹³ “M̄are, m̄u jānerabatijare quēne, adi macaruc̄uro ti ñaro cōrone m̄are ūjoruc̄aja ȳu”, yimasiñuju Dios, Abrahamre. “Ȳu rotisere quēnaro c̄udiami” yigū me, to bajiro ĩre yimasiñuju Dios. Abrahamjuā, “ ‘Yiruc̄aja’ Dios ĩ yiriarore bajirone bajiruaroja” yituoīamasir'i ĩ ñajare, “Rojose magū ñaami” ĩre yīlagū ñari, to bajiro ĩre yimasiñuju Dios. ¹⁴ “Dios ĩ rotimasire ti yirore

bajiro yirã rĩne, macarucuro ti ñaro cõrone ujaruarãja” mani yituoñajama, Dios Abrahamre, “Mure, mu jānerabatiare quēne ujoꝛucuja yu” ĩ yimasiboarejuma vaja maniboroja. ¹⁵ “Dios ĩ roticũmasire ti yirore bajiro mani yijama, macarucuro ti ñaro cõrone ujaruarãja” mani yituoñajama, riojo gotirã me yirãja mani, Dios ĩ roticũmasire ñaro cõrone cudijeomena ñari. “Macarucuro ujaruarãja” mani yituoñaboajaquēne, rojose manire yirucumi Dios, ĩ roticũmasirere cudijeomena mani ñajare. “Dios ĩ roticũmasire mani cudibetiboajaquēne, ‘Rojose mana ñaama’ yĩlagũmi Dios” yituoñarã rĩne ñaama “Rojose mana ñaama” Dios ĩ yĩarã.

¹⁶ To bajiri, “Ī yirore bajirone bajiruaroja” ĩ yituoñase ñajare, Abrahamre ĩamaicõari, “Macarucuro jedirore mure ujoꝛucuja yu”, ĩre yimasiñuju Dios. To bajirone bajiaja manire quēne. Abraham Diore ĩ tuoñiarore bajiro Diore mani tuoñajama, manire quēne, “Abraham jānerabatia ñari, adi macarucuro jedirore ujaruarãja mu”, manire yĩlagũmi Dios. To bajiri jud’io masa Moisére Dios ĩ roticũmasirere cuocõari, Abraham ĩ tuoñiarore bajirone ĩna tuoñajama, ĩnare quēne to bajirone yirucumi Dios. ¹⁷ Dios ocare masa ĩna ucamasire quēne, to bajirone gotiaja: “ Jājarã masa cojo sitana me ñarã ñicu ñarucuja mu’ yigotimasiñuju Dios, Abrahamre”, yigotiaja. To bajiro Dios ĩ yisere ajicõari, “Ī yirore bajirone bajiruaroja”, ĩre yituoñamasiñuju Abraham. To bajiri, rijariarãre catiogũ, to yicõari, ñajediro rujeomasir’i ñaami Dioma.

¹⁸ “Bucu ñari, rĩa maniacu bajiaja” Abraham ĩ yituoñaboajaquēne, “Jājarã ñaruarãma mu jānerabatia” Dios ĩre ĩ yijare, “Ī yirore bajirone bajiruaroja”, yimasiñuju Abraham. “Bajirucuja mu” ĩ yiriarore bajirone yigũ, jediro ñicu ñaami yuja. ¹⁹ Abraham, cien cũmari cõro tusacu ñamasiñuju. Ī manajo rãca, juarãjune bucãrã ñari, rĩa cutibetiararãju ñamasiñujarã. To bajiri, “To cõro bajirearuarãja yua” yimasibetiboarine, “Dios ĩ yirore bajirone bajiruaroja”, yicõa ñagũ ñamasiñuju Abraham. ²⁰ “ ‘Bajiruaroja’ Dios yure ĩ yicati bajibetiruaroja”, yibecu ñamasiñuju Abraham. To bajiro bajigũ ñari, “Dios ĩ yirore bajirone yirucumi” yigũ ñari, “Socagũ me ñaami Dios” ĩre yiajirucubomomasucomasiñuju Abraham. To bajiri, “Mu yirore bajirone yigũ ñaja mu”, Diore yivariquēnamasiñuju Abraham. ²¹ “Ī yirore bajirone yirucumi. Ī yimasibeti manoja, Diorema”, yituoñamasiñuju. ²² “To bajiro yure tuoñagũ ĩ ñajare, ‘Rojose magũ ñaami’ ĩre yĩaja yu”, yimasiñuju Dios. To bajirone gotiaja ti, Dios ocare masa ĩna ucamasire.

²³ Abraham sīgũrene, “Rojose magũ ñaami”, yiuca ecobesuja Dios ocare masa ĩna ucamasire. ²⁴ Manire quēne, Abraham

Diore ĩ tʉoĩamasiriarore bajirone ĩre mani tʉoĩajama, “Rojose mana ñaama”, yĩagũmi Dios. ĩ ñaami mani ʉjʉ Jesucristo ĩ rijato bero ĩre catior'ima. ²⁵ “Rojose ĩna yise vaja ĩnare vaja yibosaya” yigʉ, Jesucristore ĩre rijaroticõañumi Dios. To yicõari, Jesucristo ĩ rijato bero, “ ‘Rojose mana ñaama’ manire yĩagũsa” yigʉ, ĩre tudicatioyumi quẽna.

5

Rojose mana mani bajise queti

¹⁻² To bajiri, “Rojose mani yise vaja manire vaja yibosayumi mani ʉjʉ Jesucristo” mani yitʉoĩasere masicõari, “Rojose mana ñaama”, manire yĩagũmi Dios. To bajirã ñari, “Mani rijato berojʉ, ĩ rãca quẽnaro ñacõa ñarũgũrʉarãja”, yivariquẽnaja mani. To yicõari, “ ‘Yʉre bajiro quẽnase rĩne yirã ñato’ yigʉ, manire yirẽmogũ yami”, yivariquẽnaja mani. ³ To bajiro yirã ñari, rojose tãmʉoboarine, variquẽnaja mani. Tiaye rĩne variquẽnarã me yirãja mani. Rojose tãmʉoboarine, “ ‘Jesucristo sʉori Diorãca quẽnaro ñaja’ yitʉoĩarã ñari, rojose yirʉaboarine, tire yibejʉ yʉa”, yimasiaja mani. ⁴ Cojogi me rojose tãmʉorã ñaboarine, “Jesucristo sʉori Diorãca quẽnaro ñaja” yitʉoĩarã ñari, rojose yirʉaboarine, tire yimena ñari, “ ĩ ñarojʉ ĩ rãca quẽnaro ñarʉarãja”, yitʉoĩañarʉarãja mani. ⁵ Esp'iritu Santore manire cõañumi Dios. To bajiro ĩ yiriarã ñari, “Manire maiami Dios”, yimasiaja mani. To bajiri, “ ĩ ñarojʉ ĩ rãca ñabetirʉarãja”, yisʉtiritibetirʉarãja mani.

⁶ Rojose yitʉjamasimena mani ñajare, rojose mani yisere masiriorʉ, ĩ macʉre cõañumi Dios, “Rojose ĩna yise vaja, ĩnare vaja yibosaya” yigʉ. ⁷ Josari ñaroja ti, gãjire ĩna sĩaroadone, “Yʉjʉa ĩre rijabosarʉcʉja” yirema. Dios ocare ajitirũnũgũre ĩre ĩna sĩaroadijaquẽne, ĩre maigũ ñari, “Yʉjʉare sĩaña”, yimasigũ magũmi. To bajiboarine quẽnaro ĩre yigʉ ĩ ñajama, “Yʉjʉare sĩaña”, yimasibogũmi, cojojirema. ⁸ Rojose yirã mani ñaboajaquẽne, Jesucristojʉama manire rijabosayumi. To bajiri, “Manire buto maiami Dios”, yimasiaja mani. ⁹ Rojose yirã mani ñaboajaquẽne, Jesucristo manire ĩ rijabosare ti ñajare, “Rojose mana ñaama”, manire yĩaami Dios. To bajiri, “Rojose tãmʉotʉjabetiriarojʉ manire cõabetirʉcʉmi”, yimasiaja mani. ¹⁰ Rojose mani yisere ĩategʉ ñaboarine, tire masiriorʉ, ĩ macʉre manire cõañumi, “ ĩnare rijabosaaya” yigʉ. To bajiri ĩ macʉ manire ĩ rijabosaro bero ĩre catiocõari, “Rojose mana ñaama”, manire yĩajũnisini tʉjayumi Dios. To bajiri, ado bajiro yimasiaja mani: “ ‘Dios tʉjʉ ĩ rãca quẽnaro ñato’

yigũ, butobusa manire yirẽmorũgũrucami Jesucristo”, ãre yivariquẽnaja mani. ¹¹ Ti rĩne yivariquẽna tãjamenane, “Jesucristo mani uju manire ã rijabosare ñajare, Diorãca quẽnaro ñaja mani”, yivariquẽnaroti ñaja.

Adán ã bajire, to yicõari, Jesucristo ã bajire rãca Pablo gotire

¹² Adán ñamasiñuju rojose yisũor'i. To bajiro ã yimasire vaja rijacoamasiñuju. To bajiro ã yimasire ti ñajare, jedirone rojose yirã ñari, bajireacoayuja mani quẽne. ¹³ Dios Moisére ã roticũroto rĩjorojũne, masa jediro rojose yimasiñujarã ãna. To ãna yiboajaquẽne, ã roticũre ti manijare, “Yũ rotirore bajiro yibeama ãna”, yĩabetimasiñuju Dios. ¹⁴ To bajiro ã yĩabetiboajaquẽne, Moisére ã roticũroto rĩjoroana quẽne bajireacoadimasiñuma. To bajiro ãna bajijama, Adán Dios ãre ã roticũsere masiboarine, ã cãdibetimasire vaja bajireasũoadimasiñuma ãna. To bajiri Adán manire ã yomasire sũorine bajireacoarũgũaja mani quẽne. To bajiboarine, “Quẽnase yigũre ãre cõarũcãja yũ. ã sũorine quẽnaro ñarũarãma ãna”, yimasiñuju Dios.

¹⁵ Adán rojose ã yisũomasire vaja rojose manire ti ñaboajaquẽne, manire ãamaicõari, quẽnaro masu manire yirẽmoami Dios. To bajiri Adán sũorine “Rojose yirã ñaama” manire ã yĩare ti ñaboajaquẽne, yucũrema Jesucristo sũorine “Rojose mana ñaama”, manire yĩagũmi Dios. To yicõari, butobusa quẽnaro manire yirẽmocõa ñagũmi Jesucristo, “Diorãca quẽnaro ñato” yigũ. ¹⁶ Adán, rẽmojũne rojose ã yisere ãcõari, “Mũ yise sũorine, mũ quẽne, mũ jãnerabatiaju quẽne, bajireajedicõarũarãma”, yimasiñuju Dios. To bajiro manire yimasir'i ñaboarine, yucũrema cojoji me rojose mani yise ti ñaboajaquẽne, tire masiriocõari, “Ñie rojose mana ñaama”, manire yĩagũmi Dios. ¹⁷ Sĩgũ rojose ã yisũomasire sũorine masa jediro bajireacoayuja mani. To bajiro bajirã mani ñaboajaquẽne, Dios, masijeogũ ñari, manire ãamaicõari, quẽnaro masu manire ejarẽmogũmi. “Jesucristo manire rijabosayumi” yirãre, rojose mani yisere masiriocõari, “Rojose mana ñaama. ãna rijato beroju ‘Tudirijabeticõato’ yigũ, yũ catisere ãnare ãsirũcãja yũ”, manire yĩagũmi Dios.

¹⁸ Adán rojose ã yisũomasire sũorine, “Masa jediro bajireacoarũarãma”, manire yimasiñuju Dios. To bajiro ã yimasire ti ñacõaboajaquẽne, “Jesucristo yũare rijabosayumi” yirãre, “Ñie rojose mana ñaama. ãna rijato beroju ‘Tudirijabeticõato’ yigũ, yũ catisere ãnare ãsirũcãja yũ”, ãnare yigũmi Dios. ¹⁹ To bajiro yũ yijama, ado bajiro yigũ yaja yũ: Sĩgũ Diore ã cãdibetimasire sũorine rojose yirã ñacoayuja mani jediro, Dios ã ãajama. To bajiro bajiriarã ñaboarine, Jesucristo, Dios ã rotirore bajirone

ĩ cãdire sũorine, “Rojose mana ñaama” ĩ yĩarã jãjarã ñarũtuaju mani yuja.

²⁰ Dios cũmasiñumi, ĩ roticũmasirere Moisés ñamasir'i rãca, “ ĩ roticũriarore bajiro yibeticõari, rojose yijairã ñaja mani' yimasiato ña” yigu. ĩ rotimasirere masiboarine, butobusa rojose yiyuma. To bajiro ña yiboajaquẽne, Diojũama, butobusa ñare ñamaiñumi. ²¹ Rojose mani yise vaja, bajireacõari, rojose tãmũotujabetiriaroju varona ñañuja mani. To bajirona mani ñaboajaquẽne, manire ñamaigũ ñari, mani mũre Jesucristore cõañumi Dios, “Mũre ajitirũnrãre rojose ña tãmũoborotire ñare yirẽtobosaaya” yigu. To bajiri Jesucristo manire ĩ rijabosare sũorine, “Rojose mana ñaama, manire yĩacõari, ña rijato beroju ‘Tudirijabeticõato’ yigu, yũ catisere ñare ĩsirũcũja yũ”, manire yĩagũmi Dios.

6

“Rojose mani yisere yitũjacõari, Dios ĩ bojasejũare yirã ñato mani”, yire queti

¹ To bajiri Dios manire ĩ ñamaisere yũ gotisere ajicõari, ¿no bajiro tũoĩati mũa? “Rojosere ña yiboajaquẽne, rojose yigu me ñañumi. To bajiri, butobusa rojose yito mani. To bajiro mani yiboajaquẽne, manire maigũ ñari, manire masiriocõa ñarũcũmi”, ¿yitũoĩaboati mũa? ² ĩTo bajiro me bajiaja! “Manire rijabosayumi” yitũoĩarã ñari, rojose yirũaboarine, tire yibetisũoyuja mani. To bajiro yiriarã ñaboarine, ¿no yirã rojosere tudiyirãjari mani? ³ ¿Bautizarere ajimasiati mũa? Oco rãca manire ña bautizarone, “Cristore ajitirũnrã ñaja yũ” yirã, ado bajiro yiriarãja mani: “ ‘Rojose ña yisere, tire yitũjato’ yigu, Cristo manire rijabosayumi’ yirã ñari, rojose mani yisere to cõrone yitũjato”, yiriarãja mani. ⁴ To bajiri rojose mani yisere yitũjarũarã ñari, oco rãca mani bautizarotirone, Jesucristo rãca rijanare bajiro bajiyuja mani. To bajicõari, Jesucristo ĩ yuje ecoro bero, ĩ masise rãca ĩre tudicatĩoyumi Dios. To bajiri, ĩ rãca tudicatirãre bajiro bajiyuja mani, bautismo mani yiecoro bero. To bajirã ñari, Jesucristo ĩ ejarẽmose rãca Dios ĩ bojarore bajiro yirã ñaja mani.

⁵ To bajiri, Jesucristo rãca rijariarãre bajiro bajirã ñari, tudicatir'i ĩ ñajare, ĩ rãca tudicatiriarãre bajiro bajirã ñari, ĩ ejarẽmose rãca quẽnase yirũgũroti ñaja manire. ⁶ “Rojose mani yisere yitũjacõari, Jesucristojũare ĩre ajitirũnrãja” yirãre, manire rijabosayumi Jesús, rojose mani yisere “Yitũjato” yigu. To bajiro ĩ bajire ti ñajare, rojosere yirũa tũoĩaboarine, tire yitũjaroti ñaja. ⁷ Masũ ĩ bajirocacoajama, jũaji rojose yibecũmi. To bajiri mani quẽne rojose yirũgũriarã ñaboarine, Jesũre ajitirũnrũca yirã, jũaji rojose yibetiroti ñaja

manire. ⁸⁻⁹ Mani quēne, Jesucristo rāca rijariarāre bajiro bajirā ñari, rojose yir̄uaboarine, tire yibetir̄uarāja. “Jesucristo ĩ rijariaro bero tudicaticōari, j̄uaji tudirijabetir̄ucami” yimasirā ñari, “Ī ejarēmose rāca quēnase yicōa ñarūgūr̄uarāja mani, adigodoj̄u quēne, to yicōari, mani rijato beroj̄u quēne”, yit̄uoīaja mani. ¹⁰ Jesucristo cojojine rijayumi, “Rojosere yit̄ujacōari, quēnasej̄uare yato ĩna” yiḡu. To bajiri j̄uaji tudirijabecami. Ī rijaro bero, tudicaticōari, yuc̄rema õ vecaj̄u ñacōari, Dios ĩ bojasere yīñaḡumi. ¹¹ To bajiro t̄uoīarūgūr̄oti ñaja manire quēne. “‘Quēnasej̄uare yato’ yiḡu manire ĩ rijabosare ti ñajare, rojosere yir̄uaboarine, tire yibetir̄uarāja. To bajicōari, Jesucristo ĩ ejarēmora ñari, Dios ĩ bojasere yicōa ñaruarāja mani quēne”, yit̄uoīarūgūr̄oti ñaja manire.

¹²⁻¹³ Mani ruj̄u, yoaro catirotiruj̄u me ñaja. To bajiri Dios ĩ bojabetire yir̄uarā ñaboarine, tire yibetir̄uarāja mani. “Rijacoaboarine, Jesucristo ĩ tudicature ñajare, ĩ ejarēmose rāca Dios ĩ bojasej̄uare yir̄uarāja” yit̄uoīacōari, quēnasej̄uare yirā ñaruarāja mani. ¹⁴⁻¹⁵ “Dios Moisére ĩ roticūmasirere mani c̄udibetijama, rojose t̄am̄uot̄ujabetiriaroj̄u manire cōar̄ucami”, yit̄uoīa güibetiroti ñaja manire. Dios, manire maiḡu ñari, ĩ mac̄ure cōañumi, rojose mani yise vajare, “Vaja yibosato” yiḡu. To bajiri, “Ñie rojose mana ñaama’ manire yīñaḡumi Dios”, yaja mani. To bajiri, rojosere yir̄uaboarine, Jesucristo ĩ ejarēmose rāca rojose yibeaja mani.

“‘Rojose mana ñaama’ Dios ĩ yīñarā ñari, rojose mani yijama, quēnacōaroja”, çyit̄uoīati m̄ua? To bajiro me bajiaja. ¹⁶ “Rojosere yir̄uarā ñari, tire mani yicōa ñajama, ti rione yisejacoanaja mani”, çyimasibeat̄i m̄ua? “To bajiro mani yijama rojose t̄am̄uot̄ujabetiriaroj̄u varuarāja mani”, çyimasibeat̄i m̄ua? “Tire yibeticōari, Dios ĩ bojarore bajiroj̄u mani yicōa ñajama, ĩ bojasej̄uare yisejacoanaja mani”, çyimasibeat̄i m̄ua? ¹⁷ Tir̄um̄ujama rojosere yisejariarā ñari, ti rione m̄uare yir̄uamacōriaroja ti. To bajiri siḡu moarimas̄u c̄uticōari, ĩre ĩ rotiajeriarore bajiro m̄uare bajiriaroja rojosej̄u. To bajiro m̄uare ti bajiboajaquēne, ado bajisej̄uare yit̄uoīañuja m̄ua yuja: “Jesucristo manire rijabosayumi, rojose mani yise s̄uori”, yit̄uoīañuja m̄ua. To bajiri yuc̄rema Dios ĩ bojasere yirā ñarāja m̄ua. Tire t̄uoīacōari, Dios s̄uorine to bajiro yirā m̄ua ñajare, “Quēnaro yaja m̄u”, ĩre yaja ȳu. ¹⁸ Dios s̄uorine rojose yit̄ujacōari, quēnasej̄uare ĩ bojarore bajiro yirā ñarāja m̄ua. ¹⁹ Moarimas̄u c̄uticōari, ĩ rotirere quēnaro masirāja m̄ua. To bajiri tire cōīacōari, m̄uare gotib̄u ȳu. Tir̄um̄ujama rojose yisejarā ñañuja m̄ua. Yuc̄rema ado bajiro Diore s̄enirūgūña: “M̄u bojase quēnase rīne yir̄uaja ȳu”, ĩre yis̄enirūgūña m̄ua.

20 Rojosere yirã ñaboarine, “Rojose yirã yaja yua”, yimasi-betiriarãja mua. 21 Rojose rĩne mua yijama, ¿dise ũni quẽnase bujacati mua? Bujabetiriarãja. Rojose mua yirũgũrere mua tũoĩajama, “Bojoneose yirã yiyuja mani”, yirãja mua. Rojose rĩne mua yicõa ñajama, rojose tãmũotujabetiriaroju varona ñaboriarãja mua. 22 To bajiboarine, yucurema, Dios ĩ ejarẽmose rãca rojosere yitujacõari, ĩre cudirãja mua yuja. ĩre cudirã ñari, Dios ĩ ejarẽmose rãca butobusa ĩ bojasere yirũtuanaja mua. To bajicõari, mua rijato beroju tudicaticõari, ĩ rãca quẽnaro ñacõa ñarũgũrũarãja mua. 23 To bajiri, masa rojose mani yise vaja mani rijato beroju rojose tãmũotujabetiriaroju varoti ñaja. To bajiboarine, Jesús yarã mani ñajama, rojose mani yise vaja, mani vaja yibetiboajaquẽne, mani rijato beroju “Tudirijabet-icõato” yigu, ĩ catisere manire ĩsiami Dios.

7

“Rojose mana ñarãsa’ yirã, Moisere Dios ĩ rotimasirere ajisuyabetiroti ñaja”, yire queti

1 Yũ mairã, Moisere Dios ĩ rotimasirere masirãja mua. Mani catiro cõro tire cudire ñaja. Mani rijacoajama, tire cudimasimenaja. 2 Tire bajirivãme mũare gotiaja yũ: Rõmio so manaju cutijama, ĩ catiro cõro so manaju rãca so ñajama, quẽnaja. So manaju ĩ bajirocacoajama, “Gãjire manaju cutibesa”, yibeaja Dios Moisere ĩ roticũmasire. To bajiri so manaju ĩ bajirocaro bero, gãji so manaju cutijama, Dios ĩ rotimasirere cudibeco me bajigomo. 3 To bajiboarine, so manaju ĩ catirone, gãji rãca so ajeri cutijama, “Rojose yigo yamo”, sore yĩare ñaroja. So manaju ĩ rijato beroju, gãji rãca so manaju cutijama, Dios rotimasirere cudibeco me yigomo. To bajiri, “Rojose yigo yamo”, sore yimasiña manoja.

4 Tire bajiro bajaaja manire quẽne. Cristo ĩ rijaroto rĩjoro, Dios ĩ rotimasirere mani cudibeti vaja rojose tãmũotujabetiriaroju manire varoti ñaboayuja maji. To bajiboajaquẽne, rojose mani yisere “Masirioato Dios” yigu, manire rijabosayumi Cristo. ĩre ajitirũnrã, ĩ rãca rijariarãre bajiro bajaaja mani. To bajiri yucurema, “Dios ĩ rotimasirere mani cudibetijama, rojose tãmũotujabetiriaroju manire cõarũcũmi Dios”, yitũoĩagũibetiroti ñaja manire. Cristo, mani yũ ñaami. ĩre catioyumi Dios, “Yũ macure ajitirũnrã, yũ bojarore bajiro yato” yigu. 5 Jesũre mani ajitirũnrõto rĩjorojuma, rojose rĩne yirã ñarũgũñuja mani. Moisere Dios ĩ roticũmasirere masiboarine, ti yirore bajiro yirũabesuja mani. To bajiri, rojose yisejarã ñari, ti rione manire yirũamacõñuja ti. To bajiro yirã ñari, rojose tãmũotujabetiriaroju varona ñaboayuja mani maji. 6 Yucurema, “Moisere yũ roticũcatire cudijeoroti

ñaja, yu tujá ña ñarujama”, yituoĩabeami Dios. To bajiro ĩ yibetijare, “Dios ĩ rotimasirere mani c̄adibetijama, rojose t̄am̄uotujabetiriaroju manire c̄oarućami Dios”, yituoĩagũirã me ñaja mani yuja. To bajirã ñari, Esp'iritu Santo ĩ ejarẽmose rãca Dios ĩ bojarore bajiro yirã ñaja mani.

Rojose mani yisere Pablo ĩ gotire queti

⁷ To bajiro mũare yu gotisere ajicõari, ¿ado bajiro yituoĩati mũa? “Dios, Moisere ĩ roticũmasire, ‘Rojose yiya mũa’ manire yiro yaja”, ¿yituoĩati mũa? To bajiro me bajaia. “ ‘Rojose yirã ñaja mani’ yimasiato” yiro, yaja ti, Moisere Dios ĩ roticũmasire. Moisere ĩ roticũmasire ti manijama, “Rojose yirã ñaja mani”, yimasibetiboriarãja mani. Ado bajiro bajaia: “Gãjerã ye gajeyeũnre bojaĩabesa”, yigotiaja Dios ĩ roticũmasire. To bajiro ĩ yimasirere yu masibetijama, “Rojose yigu yaja”, yimasibetiboriaja yu. ⁸ “Bojaĩabesa” Dios ĩ yimasirere masicõari, “Yu bojaĩajama, rojose yigu yaja” yimasiboarine, rojose yigu ñari, butobusa gãjerã yere bojaĩarũtuacaju yu. Dios ĩ rotimasire ti manijama, “Rojose yigu yaja yu”, yimasire maniboriaroja. ⁹ Moisere ĩ roticũmasirere yu masiroto rĩjorojuma, “Quẽnaro yigu ñaja yu”, yituoĩaboacaju yu maji. “Bojaĩabesa” Dios ĩ yimasirere masicõari, “Yu bojaĩajama, rojose yigu yaja” yimasiboarine, butobusa gãjerã yere bojaĩarũtuacaju yu. To bajiri, “Dios ĩ ñajama, rojose t̄am̄uotujabetiriaroju varocu ñaja yu”, yimasicaju yu yuja. ¹⁰ “Masa, yu rãca quẽnaro ñato” yigu, Moisere roticũmasiñumi Dios. To ĩ yimasire ti ñaboajaquẽne, “Tire yu c̄adibetijare, rojose t̄am̄uotujabetiriaroju yure c̄oarućami Dios”, yituoĩacaju yu. ¹¹ “Gãjerã ye gajeyeũnre bojaĩabesa” yirere ajicõari, “Tire yu c̄adijama, ‘Quẽnaro yigu ñaami’ yure yĩarucami Dios”, yituoĩacaju yu. To yituoĩaboarine, gãjerã yere bojaĩacõa ñacaju yu. Tire yitujabecu ñari, “Rojose t̄am̄uotujabetiriaroju yure c̄oarućami Dios”, yituoĩacaju yu.

¹² To bajiri, Dios, Moisere ĩ roticũmasire, ñajediro riojo yise ñaja ti. To bajicõari quẽnase ñaja. ¹³ Tire ajicõari, Dios ĩ rotimasire quẽnase ti ñaboajaquẽne, “ ‘Ti suorine rojose yirã ñari, rojose t̄am̄uotujabetiriaroju varuarãma masa’, yigu yami”, ¿yure yituoĩati mũa? To bajiro me yaja yu. “Rojose ña yise vaja rojose t̄am̄uoruarãma” yigujua yaja yu. “ ‘ ‘Rojose masu yirã ñaja mani’ yituoĩamasiato’ yirojua bajiyuja Dios ĩ rotimasirema”, yimasiaja mani.

¹⁴ Dios ĩ roticũmasire, quẽnase ti ñaboajaquẽne, rojosere yirua tuoĩarã ñari, Dios ĩ bojabetijuare yaja mani. To bajiri, sīgũ moarimasu c̄aticõari, ĩre ĩ rotiajerore bajiro manire bajaia. ¹⁵ Mani bajisere ajimasibeaja mani. Quẽnasere mani yirũasejuarema yibetirũgũaja mani. To yicõari, “Rojose yibetiruarãja” mani yituoĩasejuare yirũgũaja mani. ¹⁶ “Mani

yirügüsere yirɥabeaja” mani yituoɔajama, “Quēnase ñaja Dios ĩ rotimasire” yirã yaja mani. ¹⁷ “Mani yirügüsere yirɥabeaja” yirã ñaboarine, tire mani yijama, mani masune yirã me yaja mani. Rojosejɥa manire ũmato yirügũaja. ¹⁸ Quēnasere yirɥarã ñaboarine, rojosejɥare yirügũaja mani. To bajiri, “Quēnasere yimasimena ñaja mani”, yimasiaja. ¹⁹ Quēnasere mani yirɥasejɥare yibeticɔari, mani yirɥabeti rojosejɥare yirügũaja mani. ²⁰ To bajiri, “Mani yirügüsere yirɥabeaja” yirã ñaboarine, tire mani yijama, mani masune yirã me yaja mani. Rojosejɥa manire ũmato yirügũaja.

²¹⁻²³ Ado bajiro bajirügũaja manire: “Quēnasere yirɥarãja” yirã ñaboarine, rojosejɥare yirügũaja mani. Dios ĩ rotimasire ti yirore bajiro mani yirɥacɔaboajaquēne, rojosejɥa manire ũmato ti yicɔa ñajare, rojosejɥare yirügũaja mani.

²⁴ To bajiri rojose yitɥajamasimena ñari, rojose tãmɥotɥabetiriaroju mani varotire tɥoɔacɔari, buto sɥtiritiaja mani. “¿Ñimɥ manire yirēmogüti, rojose yitɥajacɔari, Dios ĩ bojasejɥare mani yirügürotire yigɥ?”, yisɥtiritiaja mani. ²⁵ To bajiro sɥtiritiboarine, “ ‘Rojose yitɥajacɔari, yɥ bojasejɥare yirã ñato ñna’ yigɥ, mani ɥjare Jesucristore ĩre cɔañumi Dios”, yivariquēnaroti ñaja manire. To bajiri, “Quēnaro yaja mɥ”, Diore ĩre yivariquēnato mani.

To bajiri Dios ĩ bojarore bajiro mani yirɥaboajaquēne, rojosejɥa manire ũmato ti yicɔa ñajare, rojosere yicɔa ñaja mani.

8

“Esp'iritu Santo ĩ ejarēmose rãca quēnasere yimasiaja mani”, yire queti

¹⁻² Yɥɥrema, “Yɥ roticatore bajiro yibeama” Dios ĩ yĩarã me ñaja mani. Jesucristo yarã ñari, “Rojose mana ñaama” ĩ yĩarã ñaja. To bajicɔari, rojose yirɥaboarine, Esp'iritu Santo ĩ ejarēmojare, rojosere yimena ñaja mani. To bajiri, rojose tãmɥotɥabetiriaroju vabetirɥarãja. ³ Ado bajiro bajiyuja manire: Dios Moisére ĩ roticūmasire ti yirore bajiro cɥdijeomasibesuja mani, rojosejɥare yirã ñari. Mani cɥdijeobetijare, rojose magü ĩ ñaboajaquēne, “Rojose yigɥ ñaja mɥ” ĩre yigɥare bajiro ĩ macɥare rijaroticɔañumi Dios, “Rojose ñna yisere ñnare vaja yibosaya” yigɥ. Mani rujare bajiro ruju cɥtigɥ ñaboarine, rojose yibecɥ ñari, rojose mani yise vaja manire rijabosayumi. ⁴ To bajiro yiyumi Dios, “Yɥ ejarēmose rãca yɥ bojarore bajiro quēnase rĩne yirã ñato” yigɥ. To bajiri, rojosere yirɥarã ñaboarine, tire yibeaja mani. To yicɔari, Esp'iritu Santo ĩ ejarēmose rãca tɥoɔacɔari, Dios ĩ bojarore bajiro yirügũaja mani.

⁵ Rojose yirāma, rojose ĩna yivotire tuoĭarũgũrāma ĩna. Esp'iritu Santo ĩ bojarore bajiro yirāma, “Ī bojarore bajiro yirāsa” yirā tuoĭarũgũrāma. ⁶ Rojose yirāma, rojose tāmnoŭjabetiriaroju varona ũaama ĩna. Esp'iritu Santo ĩ bojarore bajiro yirāma, ĩna rijato beroju, Diorāca quēnaro ũacōa ũarũgũrāma. ⁷ Rojose yirāma, Diore terā ũarāma ĩna. To bajirā ũari, ĩ bojarore bajiro yimasimenama. ⁸ To bajiro yirārema, ĩnare ĩvarequēnabeami Dios.

⁹ Mũajama, rojose yirā me ũaja mua, Esp'iritu Santo mua rāca ĩ ũajare. Esp'iritu Santo ĩ bojarore bajiro yirā ũarāja mua. Esp'iritu Santore cȳobecȳ, Jesucristo yȳ me ũaami, ĩ ũgũma. ¹⁰ Rojose mũare ũmato yirirujũrima, boacoarũaroja. Boarotirujũri ti ũaboajaquēne, Cristo rācana mua ũajare, “Rojose mana ũaama”, mũare yĩlagũmi Dios. To bajiro mũare ĩ yĩajare, ĩ rāca quēnaro ũarāja mua. ¹¹ Dione ũaami Jesús ĩ rijacoaboajaquēne, ĩre tudicator'i. ĩre ĩ catioire ti ũajare, Esp'iritu Santore cȳorā ũaja mua. ĩre cȳorā mua ũajare, mua rijato beroju Cristore ĩ catoriarore bajirone mũare quēne tudicatorȳcȳmi Dios, jũaji boabetirotirujũrire mũare ĩsigũ.

¹² To bajiri yȳ mairā, rojose yirũaboarine, tire yibetiroti ũaja mũare. ¹³ Rojose mua yĩñajama, mua rijato beroju rojose tāmnoŭjabetiriaroju varũarāja mua. Rojose yirũaboarine, Esp'iritu Santo ĩ ejarēmose rāca rojosere mua yibetijama, mua rijato beroju “Tudirijabeticōato” yigȳ, ĩ catisere mũare ĩsirȳcȳmi Dios.

¹⁴ Esp'iritu Santo ĩ ejarēmose rāca yirāma, Dios rĩa ũarāma ĩna. ¹⁵ “ ‘Rojose mani yijare, rojose tāmnoŭjabetiriaroju manire cōarȳcȳmi Dios’ yigũiato ĩna” yigȳ me, manire ejarēmoami Esp'iritu Santo. ĩ suorine Dios rĩa ũaja mani. To bajicōari, ĩ ejarēmose rāca, “Dios ĩ macȳre ĩ maiore bajiro manire maiami” yituoĭarā ũari, “Cacȳ”, yaja mani, Diore. ¹⁶ Esp'iritu Santo ĩ ejarēmose rāca, “Dios rĩa ũaja”, yimasijaja mani. ¹⁷ To bajiri ĩ rĩa, Cristo yarā mani ũajare, ĩ macȳre ĩ maiore bajirone manire maigũ ũari, manire quēne quēnaro yirȳcȳmi Dios. Adigodoju, “Cristo ĩ bojasere yica” yirā, rojose mani tāmnojamana, mani rijato bero Dios tȳju quēnaro ũarũgũrāma. ĩ macȳ quēnaro ĩ ũarore bajirone quēnaro ũarũgũrāma mani quēne.

Mani rijato bero, quēnaro mani ũaroti queti

¹⁸ To bajiri adirũmũri, “¿No yirā rojose tāmnoati mani?”, yituoĭa sutiritibetiroti ũaja manire, rojose mani tāmnoose rētoro quēnaro Diorāca ũarona ũari. ¹⁹ Adĩ macarȳcȳro Dios ĩ rujeore jediro, Dios ĩ rĩare quēnaro ĩ yivotirũmȳ ti ejarore ĩarũaro bũto yũarõja ti. ²⁰ Rēmoju Dios ĩ rujeorema, adirũmũri ti

bajirore bajiro me bajimasiñuju. Adán rojose ï yise ti ñajare, “Boase rñe ñacõararoja” Dios ï yimasire ñari, adirãmuri ñase quêne, boase rñe ñacõaja. To bajiboarine, “Cojorãm adi macarucuro ï rujeorere Dios ï tudiquênorotirãm ejararoja”, yimasiaja mani. ²¹ To bajiri ï rujeore jedirone “Boabeticõari, quênase rñe ñato” yigũ, tudiquênorucumi quêna. To yicõari, “Yũ rña quênase rñe yirã ñato” yigũ, tudirijayamanire manire ïsirucumi. ²² Adirãmuri quêne Dios ï rujeore jedirone rojose tãmucõa ñaja ti. Tire masiaja mani. Rõmio macũ cutigoago, rojose so tãmurore bajiro rojose tãmucõaja ti. ²³ Esp'iritu Santo ï ejarẽmorã ñaboarine, rojose yicõa ñarã ñari, rojose tãmurõgũaja mani. To bajiri, “Quênase rñe yirã ñato” yigũ, tudirijayamanire Dios manire ï ïsrotire bojarã ñari, buto tũoĩacõa ñarũgũaja mani. ²⁴ “Tudirijayamanire ïsirucumi”, yitũoĩacõa ñarũgũaja mani, rojose mani yise vajare Jesús ï vaja yibosariarã ñari. Jẽre quênase rñe yirã mani ñajama, tudirijayamanire manire ï ïsrotire, no yirã yumenaja mani. ²⁵ Mani cõobeti ti ñajare, quênaro tire yucõa ñarũgũroti ñaja.

²⁶ Esp'iritu Santo manire ejarẽmogũmi, “Rojose yirũaboarine, tire yibeticõato ña” yigũ. To yicõari, Diore mani sãnimasibetire masicõari, manire sãnibosarũgũgũmi, ï masise rãca. ²⁷ Dios ï bojarore bajiro manire sãnibosagumi. To bajiri, Esp'iritu Santo manire ï sãnibasasere masigũmi Dios. ï ñaami mani tũoĩasere masigũma.

Cristore ajitirũnrã ñari, “Dios ï ejarẽmose rãca quênase rñe yirã ñarũarãja mani”, yire queti

²⁸ Dios ï beseriarã ñari, ïre maiaja mani. To bajiri, quênaro mani ñarotire yigũ, manire ï yirẽmorũgũsere masiaja mani. Rojose tãmucõoarine, “Quênaro mani ñarotire yigũ, manire yirẽmogũmi”, yitũoĩacõa ñaroti ñaja. ²⁹ Rẽmojane Cristore ajitirũnrõnare manire masicõañumi Dios. “Yũ macũ Jesucristore bajiro quênase rñe yirã ñarũarãma ña” yigũ. To bajiri, “Yũ bojarore bajiro yirãrema, ña gagũ ñarucumi Jesucristo”, yicõamasĩnumi Dios. ³⁰ To bajiri rẽmojane, “Cristore bajiro quênase rñe yirã ñarũarãma” ï yiriarã ñaja mani. To bajiro manire yigũ ñari, “Rojosere yitũajacõari, ï macũre ajitirũnũato” yigũ, manire ejarẽmoñumi. To yicõari, ï macũre mani ajitirũnũajare, “Rojose mana ñaama”, manire yĩañumi. To bajiri, ï macũ yarã mani ñajare, “ ïre bajiro quênase rñe yirã ñato’ yigũ, ñare ejarẽmorucũja”, yiyumi Dios.

³¹ Ti oca quênasere masicõari, ado bajiro yirẽmomasiaja mani: “Dios manire ejarẽmoami, rojose tãmucõtũajabetiriarõju vabeticõato ña” yigũ. Rojose gãjerã manire ña yiboajaquêne, “Dios

manire ĩ ejarẽmojare, no bajiro manire yimasimenama”, yimasiaja mani. ³² ĩ maigũ ĩ ñaboajaquẽne, ĩ macure ĩre cõañumi Dios, “Masare rijabosato” yigũ. To bajiro yir'i ñari, quẽnasere manire ejarẽmocõa ñarũcumi Dios. ³³ To bajiri, ĩ beseriarãre manire ĩamaicõari, “Rojose mana ñaama”, manire yĩagũmi Dios. To bajiro ĩ yirã mani ñajare, “Rojose yirã ñaama”, manire yimasimenama. ³⁴ Rojose mani yise vaja, manire vaja yibosagũ rijayumi Jesucristo. Tudicaticõari, Dios ĩ rujiro riojocatũajũare rujicõari, manire ñagõbosarũgũgũmi. To bajiri, “Rojose yirã ñaama”, manire yibetirũcumi ĩ quẽne. ³⁵ Cristo manire ĩ maisere, “¿No yigũ ĩnare maiati?” yigũ magũmi. Cojoji me rojose mani tãmũoboajaquẽne, gãjerã rojose manire ĩna yiboajaquẽne, ñiorijarã, sudĩ mana mani ñaboajaquẽne, gũioroju mani vaboajaquẽne, gãjerã manire ĩna sĩaboajaquẽne, manire maicõa ñarũcumi Cristo. ³⁶ Tirũmũju Dios ocare masa ĩna ucamasire mani bajisere gotiro, ado bajiro gotiaja ti:

“Mũ yarã yũ ñajare, gãjerã yũare sĩarũgũama ĩna. Ovejare juaácõari, ĩna sĩaroju juaejacõari, ĩna sĩarore bajiro yũare yirũgũama”, yigotiaja Dios oca.

³⁷ Ñajediro rojose mani tãmũose ti ñaboajaquẽne, manire ĩ ejarẽmocõa ñajare, “Manire bũto maicõa ñaami”, yitũjabetirũarãja mani. ³⁸⁻³⁹ Dios manire ĩ maisere matase manoja. Mani bajireacoajaquẽne, mani ñacõajaquẽne, manire maitũjabetirũcumi. Adirũmũri rojose mani tãmũose, to yicõari, gajerũmũri rojose mani tãmũoroti ti ñaboajaquẽne, manire maitũjabetirũcumi Dios. Ángel mesa, vãtia, adigodo ẽjarã, õ vecana, õ ẽñerocana, ĩañamana quẽne, rojose manire ĩna yiboajaquẽne, manire ejarẽmocõa ñarũcumi Dios, ĩ tũju mani ejarotire yigũ. Jesucristo yarã mani ñajare, manire bũto maigũmi Dios.

9

Israel sitanare Dios ĩ besere queti

¹⁻³ “Yũ yarã, Jesús ĩ bajirere ĩna ajitejare, ĩ yarã me ñaama”, yisũtiritiaja yũ. ĩre ajitirũnũgũ ñari, Esp'iritu Santo ĩ ejarẽmose rãca, “Riojo gotiaja yũ”, yimasiaja yũ. ĩnare maigũ ñari, rojose ĩna yise vaja ĩnare vaja yibosagũ, Cristore ĩre cãmotadicõari, rojose tãmũotũjabetiriaroju varũaboaja yũ; “To bajiro yũ bajise vajane, ĩnajũa Cristo rãcana ñato” yigũ. ⁴ Yũ yarãre ado bajiro quẽnaro ĩnare yiyumi Dios: ĩnare besecõari, “Yũ rĩa ñaja mũa”, ĩnare yiyumi. To yicõari, ĩañamagũ ñaboarine, ĩañamani ĩnare yĩorũgũũmi, “Mani rãca ñagũmi” ĩna yimasĩrotire yigũ. Moisés ñamasir'ire ĩ rotisere ĩre cũmasiũmi. To yicõari, “Yũ

bojasere m̄ua yijama, quēnaro m̄uare yir̄uc̄uja yu”, ĩnare yimasiñumi. “M̄ure, m̄u jānerabatiaj̄ure quēne, adi macar̄uc̄uro ti ñaro cōrone m̄uare m̄jor̄uc̄uja yu”, ĩnare yimasiñumi. ⁵ Yu ñic̄ua, Diore rūc̄ub̄uor̄ā ñamasin̄ujar̄ā ĩna. ĩna jānamine ñañumi Cristo. ĩne ñaḡūmi Dios, ñajediro m̄ju. ĩ ñaami masa ĩna rūc̄ub̄uot̄ujabetiroc̄uma. To bajirone bajim̄uor̄ūḡōato.

⁶ Yu yar̄ā israelita masare Dios oca quēnase ti gotiboa-jaquēne, “Quēnaro yir̄uc̄uja” ĩ yir̄iarore bajiro ĩ yibetijama, “Soc̄u yiyumi”, yit̄uōiar̄āja m̄ua s̄īḡūri. To bajiro me bajiaja. ĩre ajitir̄ūn̄ur̄ā r̄īne ñar̄āma quēnaro ĩ yirona. Ḡājer̄āma, israelita masa ñaboarine, Dios ĩ ĩajama, ĩ r̄īa me ñar̄āma, ĩre ajitir̄ūn̄umena ñari. ⁷ Abraham jānerabatia ñaro cōrone, ĩ jānerabatia masu me ñar̄āma, Dios ĩ ĩajama. Ado bajiro Abrahamre gotimasiñuju Dios: “M̄u mac̄u Isaac r̄īa ñar̄uar̄āma m̄u jānerabatia masuma”, yimasiñuju Dios. ⁸ To bajiro ti yijama, ado bajiro yiro yaja: “Quēnaro m̄ure yir̄uc̄uja yu” ĩre ĩ yirere ajitir̄ūn̄ur̄āj̄ua ñaama Dios r̄īa. ĩna roque, Abraham jānerabatia masu ñaama, Dios ĩ ĩajama. ⁹ Dios, ado bajiro ĩre yimasiñumi, Abrahamre: “Gaje c̄ūma ado cōrone m̄ure ĩaḡū vadir̄uc̄uja yu quēna. To bajiri, tirodore m̄u manajo Sara, mac̄u c̄utir̄uc̄ocomo”, ĩre yigoti r̄ījoro c̄utimasiñumi Dios.

¹⁰ Adi m̄uare yu gotise r̄īne ñabeaja. Abrahamre Dios ĩ gotiro bero, ĩ mac̄u Isaac v̄āme c̄utiḡu, b̄uc̄uc̄ac̄ōari Rebecare manajo c̄utiyuju. Sore ĩ manajo c̄utiro bero, cojoji r̄īa c̄utigone, j̄uar̄ā r̄īa c̄utimasiñuju so. Esaú, Jacob v̄āme c̄utimasiñujar̄ā. J̄uar̄āj̄une s̄īḡū r̄īa ñaboarine, Dios ĩ ĩajama, Jacob s̄īḡūne ñamasin̄uju Abraham jānami masu. ¹¹⁻¹² ĩnare so r̄īa c̄utiroto r̄ījoro, ado bajiro sore gotimasiñuju Dios: “M̄u mac̄u c̄utis̄uoḡu, ĩ bedire moabosarimasu ñar̄uc̄umi”, sore yimasiñuju Dios, Rebecare. ĩna j̄uar̄āj̄une, quēnasere, rojosere quēne ĩna yibetoj̄une, to bajiro sore gotimasiñuju Dios. To bajiro sore ĩ yimasire ti ñajare, ado bajiro yimasiaja mani: “Masa quēnasere ĩna yise s̄uori me, ĩ bojar̄āre beseḡumi Dios”, yimasiaja mani. ¹³ To bajiri, Dios ocare masa ĩna ucamasire ado bajiro gotiaja: “Jacobj̄uare ĩre maic̄ōari, Esaúrema ĩre ĩatec̄aju yu”, yigotiaja Dios oca.

¹⁴ To bajiro ĩ yijama, “Rojose yiḡu yiḡumi Dios”, yit̄uōiaboar̄āja m̄ua. To bajiro me bajiaja. ¹⁵ Ado bajiro Moisére gotimasiñuju Dios: “Masa jediro rojose yir̄ā ĩna ñaboajaquēne, yu bojar̄āre besec̄ōari, ĩnare ĩamair̄uc̄uja yu”, ĩre yimasiñuju Dios, Moisére. ¹⁶ To bajiri, Dios manire ĩ ĩamairotire mani s̄ēniro me, manire ĩamaiḡūmi. To yic̄ōari, “Quēnase mani yise s̄uori manire beseḡumi Dios”, yimasina maja. “ĩ bojar̄āre ĩamaic̄ōari, beseḡumi”, yimasire ñaja. ¹⁷ Egipto v̄āme cuti sitagu

ujure Dios ĩre ĩ yiro tire gotiro, Dios ocare masa ĩna ucamasire ado bajiro yaja: “Uju mare cūcaju yu, ‘Yure mu ajiruabeti s̄ori Egiptoanare rojose yu yisere ĩac̄ari, “Masigū ĩnaami Dios” masa yure yirūcubuoato ĩna’ yigu”, yigotiaja Dios ocare masa ĩna ucamasire. ¹⁸ To bajiro Dios ĩ yimasire ĩajare, “Ī bojarāre ĩamaic̄ari quēnaro yigu ĩnagūmi Dios”, yimasire ĩaja. To yic̄ari, “Īre ajiterārema, ‘B̄utobusa yure ajiteato ĩna’ yigu ĩnagūmi”, yimasire ĩaja.

¹⁹ Tire ajic̄ari, ado bajiro tuoĭarāja mu sīgūri: “Dios ĩ yiruasere, ‘Tire yibetic̄ato’ yigu magūmi. Ī manijare, ĩ bojarore bajiro yigu ĩari, rojose mani yisere ĩac̄ari, ‘Rojose tām̄uoruarāma ĩna’ Dios ĩ yijama, rojose yigu, yigūmi”, yituoĭarāja mu sīgūri. ²⁰ To bajiro mu tuoĭajama, ado bajiro mare cūdiguja yu: Dios ĩ rujeoriarā ĩari, “Rojose yure yaja mu”, ĩre yimasibeaja mani. Riri sotu quēne, “¿No yigu to bajiri sotu yure veari mu?”, yibetoja ti, ti soture vear’ire. ²¹ Riri soturi ĩ veajama, ĩ vearu tuoĭase cōro veagūmi. Cojoburūaye ti ĩaboajaquēne, “Gājerā, yu veari soture ĩac̄ari, ‘Quēnase veamasigū ĩnaami’ yure yĭato ĩna” yigu, quēnari sotu veagūmi. Gajerurema, “Yu c̄oroti sotu ĩaruaroja” yigu, “Ado bajiri sotu yu veajama, quēnaja”, yigūmi. “To bajirone manire yigūmi Dios quēne”, yimasiaja mani.

²²⁻²³ To bajiro yigu ĩari, jud’io masa rojose ĩna yise vaja rojose tām̄uotujabetiriaroju ĩnare ĩ cōaruajama, cōamasigū ĩboarine, ĩnare cōabesumi. ĩnare ĩ cōabetijama, gājerāja, “Yu ocare ĩna ajitirūnjare, ĩnare ĩamaic̄ari, ‘Rojose mana ĩnaami’ ĩnare yĭarucaja” yigu, bajiyumi. To bajiri, jud’io masare rojose tām̄uotujabetiriaroju ĩnare cōabetiboarine, rojose ĩna yijare, “Rojose tām̄oĭa mu”, ĩnare yirūgūñumi, “Jūnisinigū ĩnaami’ yure yimasiatu” yigu.^a ²⁴ To bajiro yigu ĩari, “Yure ajitirūnato” yigu, manire beseyumi, jud’io masare, jud’io masa me ĩarāre quēne. ²⁵ Tirene gotiaja Dios ĩ yirere, Oseas ĩamasir’i ĩ ucamasire:

“Yu yarā merene, “Yu yarā ĩnaami”, yirucuja yu. Yu ĩamaibeticanare, “Yu ĩamairā ĩnaami”, yirucuja yu’, yami Dios.

²⁶ Yu rĭa me ĩnaami ĩna’ Dios ĩ yiriaro bero ti ĩaboajaquēne, ‘Catim̄uorūgōgū Dios rĭa ĩnaami ĩna’ yiruarāma”, yuca-masiñuju Oseas ĩamasir’i.

²⁷ Isa’ias ĩamasir’ijuaama, ado bajiro Diore gotirētosamasiñumi, manire jud’io masare tuoĭagū: “Jud’io masa moa riaga jare bajiro jājarā ĩboarine, mojoroaca ĩaruarāma, ‘Rojose tām̄uotujabetiriaroju vabetic̄ato’ yigu,

^a 9:22-23 Rojose tām̄uotujabetiriaroju ĩnare cōabetiboarine, “Rojose tām̄oĭa mu” ĩnare ĩ yijama, adi macarucuro ĩac̄ari, rojose ĩna tām̄oĭarotire yigu, yiyuju.

y_u yirētobosarā. ²⁸ Jājarā masa, adigodoana, rojose ĩna yise vaja, ‘Rojose tām_uot_ujabetiriaro_u ĩnare cōar_uc_uja’ ĩ yiriarā_u ti e_uaro rēmone ĩnare cōarear_uc_umi”, y_ucamasiñ_uju Isa’ias. ²⁹ Quēna gaje_u ado bajiro ucamasiñ_uju Isa’ias, jud’io masa mani bajiro tire yig_u:

“Rojose ĩna tām_uoborotire sīgā_urire Dios masijeog_u ĩnare yirētobosabec_une, Sodomanare, Gomorranare, ĩ yiriarore bajiro ĩnare ĩ yireajeocōa t_ujajama, mani jānerabatia maniborā_uma”, y_ucamasiñ_uju Isa’ias, jud’io masa mani bajiro tire yig_u.

Cristore ajitirā_un_urāre, “Rojose mana ñaama” Dios ĩ yīārere jud’io masa ĩna ajir_uabeti queti

³⁰ Tire t_uoīacōari, jud’io masa me ñarāre ado bajiro yimasi-aja mani: “¿No bajiro yirāti mani, “Rojose mana ñaama” Dios, manire ĩ yīār_uotire yirā?” yit_uoīabetiboarine, ‘Rojose mani yise vaja, manire rijabosayumi Cristo’ ĩna yit_uoīajare, ‘Rojose mana ñaama’ ĩnare yīag_umi Dios”, yimasiaja mani. ³¹ To yicōari, jud’io masaj_uarema ado bajiro yimasiaja mani: “Dios ĩ rotimasire ti yirore bajiro mani yijama, ‘Quēnase yirā ñaama’ manire yīar_uc_umi Dios”, yit_uoīaboayuma ĩna. To bajiro yit_uoīaboarine, ĩ rotimasire jediro ĩna c_udibetijare, “Quēnase yirā ñaama”, ĩnare yīābesuju Dios, yimasiaja mani. ³² ¿No yirā to bajise bajiyujari ĩna? “Jesucristo, manire ĩ rijabosare ti ñajare, manire ĩavariquēnag_umi Dios”, yibesuma. “Quēnaro mani yisere ĩacōari, ‘Quēnase yirā ñaama’ manire yīāvariquēnar_uc_umi Dios”, yit_uoīaboayuma ĩna. To bajiro yit_uoīarā ñari, gāta j_uatarāre bajiro bajiyuma.^b ³³ Ado bajiro yaja Dios oca, tire gotiro:

“Sion vāme c_uti macare gāta cūr_uc_uja y_u, masa ĩna j_uata quedirotiare. Tiare ajitirā_un_urāma, y_u goticatore bajiro ĩnare quēnaro yir_uc_uja y_u. To bajiro ĩnare y_u yijare, ‘ “Yir_uc_uja” ĩ yiriarore bajiro yig_u ñaami’ yirā, s_utiritibetir_uarāma”.

10

¹ Aj_uya m_ua, y_u mairā, Cristore ajitirā_un_urā. “Jud’io masa jediro rojose tām_uot_ujabetiriaro_u vatoma” yig_u, Diore ĩnare sēnibosarūg_uaja y_u. ² Ado bajiro ĩna bajisere masiaja y_u: Dios ĩ bojasere b_uto yir_uaboama ĩna. To bajiboarine, “Ti ñaja ĩ bojase”, yimasibeama. ³ “Rojose mani yisere Dios ĩ masiriose vaja, manire vaja yibosayumi Cristo. To bajiro, Dios ĩ ĩajama, ‘Rojose mana ñaama’ manire yīag_umi”, yit_uoīabeama. “ĩ rotimasirere mani c_udijama, ‘Rojose mana ñaama’ manire

^b 9:32 “Gātare j_uatayuma” ti yijama, judío masa Jesucristore ĩna ajiterere yiro yaja.

yīaracami Dios”, yituoīaboama. To bajiro īna yijama, Dios ī bojase yirā me yirāma. ⁴ “Cristo s̄orine manire īavariquēnagūmi Dios” yituoīarārema, “Rojose mana űaama”, yīlagūmi Dios. “Yū roticatire cūdirā űari, rojose mana űaama”, īnare yibecami.

⁵ “Dios ī rotisere cūdirāma, rojose mana űaama” yigū, ado bajiro ucamasiñumi Moisés űamasir'i: “Dios ī roticatore bajirone cūdirāma, Diorāca quēnaro űacōa űarūgūr̄arāma īna, adigodojū, to yicōari, īna rijato berojū quēne”, yiucamasiñuju Moisés. ⁶ To ī yimasire ti űaboajaquēne, “Dios ī rotimasire ti yimore bajirone cūdigū magūmi”, yimasijaja mani. To yicōari, “Jesucristore masa īna ajitirūnūjama, ‘Rojose mana űaama’ īnare yīlagūmi Dios”, yimasijaja mani. To bajiro yirā űari, “Dios ī űarojū űagūre manire yirētobosarocure Cristore īre āmirā varoti űaja”, yituoīabetiroti űaja, manire. ⁷ To yicōari, “Rijariarā īna űarojū űagūre Cristore īre tudicatorā varoti űaja”, yituoīabetiroti űaja, manire. ⁸ “To bajiro tire yituoīamenane, ‘Dios ī yiriarore bajirone bajiyuja’ yituoīamasicōari, gājerāre tire gotiya”, yigotijaja Dios oca. To bajiri, tirene masare ado bajiro gotimasiorūgūaja yūa: ⁹ “Jesús ī rijacoaboaquēne, īre tudicatoyumi Dios” yituoīacōari, “Jesús űaami mani űjū” mūa yigotijama, rojose tām̄uotūjabetiriarojū mani vaborotire manire yirētobosaracami Dios, yigotimasiorūgūaja yūa. ¹⁰ Tire īnare yūa gotimasiojama, “Rojose mana űaama” īnare yīlacōari, rojose tām̄uotūjabetiriarojū īna vaborotire īnare yirētobosaracami Dios yirā, īnare gotimasiorūgūaja.

¹¹ To bajirone gotijaja Dios oca: “Jesūre ajitirūnūrārema yū goticatore bajiro īnare quēnaro yū yijare, ‘‘Yirūcūja’ ī yiriarore bajiro yigū űaami’ yirā, s̄tiritibetirūarāma”, yigotijaja ti. ¹² Īna űjū űagūmi jud'io masare, jud'io masa me űarāre quēne. To bajiri, īre sēnirārema, quēnaro īnare yigūmi. ¹³ Tire gotijaja Dios ocare masa īna ucamasire: “‘Rojose yūa yise vaja rojose tām̄uotūjabetiriarojū yūa varotire yūare yirētobosaya’ īre yisēnirārema yirētobosaracami mani űjū”, yigotijaja Dios ocare masa īna ucamasire. ¹⁴ To bajiro ti gotiboajaquēne, “Dios ī cōar'i űaűumi” īna yituoīabetijama, no bajiro īre yisēnimenama. To yicōari, Jesús ī bajire quetire īna ajibetijama, no bajiro yimasicōari, “Dios ī cōar'i űaűumi”, īre yimasimenama. No bajirojūa yicōari tire masimenama īna, űimūjūane Jesús ī bajirere īnare ī gotimasiobetijare. ¹⁵ “Jesús ī bajirere gotimasiocudiyaya” űimūjūane īnare ī yiro cōro gotimasiocudirā vamenama. To bajiro yituoīarāre ado bajiro gotijaja Dios ocare masa īna ucamasirere: “Masare quēnaro Dios ī yise quetire gotimasiorā īna ejasere b̄uto īavariquēnaja mani”, yigotijaja ti.

¹⁶ To bajiro ti yiboajaquēne, jud'io masa Jesús ī bajire quetire ajirā jājarā űaboarine, mojoroaca űaama īre ajitirūnūrāma.

To bajiro ñna bajirotire yigu, Isa'ias ñamasir'i ado bajiro ucamasĩnumi: “Yũ ujũ, yũare mũ gotimasiorotisere ajirũamena rĩne ñacõama”, yucamasĩnumi Isa'ias. ¹⁷ To bajiri, Cristo ã bajirere ñna gotimasiosere ajicõari, “To bajirone bajirimi Cristo”, yitũõiare ñaja.

¹⁸ To bajiri, Jud'io masa, ¿Cristo ã bajirere ajibesujarique ñna? Ajiboayuma, bajirãjũma. Ado bajiro gotiaja Dios ocare masa ñna ucamasire:

“Dios ocare gotimasiodiyujarã ñna. To ñna yijare, Cristo ã bajirere ajijedicõañujarã”, yigotiaja Dios oca.

¹⁹ ¿Jud'io masa tire ajiboarine, quẽnaro ajimasibesujarique? Ajimasiboayuma. “Ado bajiro bajirũarãma jud'io masa”, yigotiaja Moisés ã ucamasire:

“ “Dios ocare ajimasimena ñaama” mũa yirãre, “Yũ yarã ñaja mũa”, ñnare yirũcũja yũ. Ñnajuare quẽnaro yũ yisere ñacõari, ñnare jũnisinirũarãja mũa' yami Dios”, yucamasĩnumi Moisés.

²⁰ Isa'ias ñamasir'i quẽne, gũitũõari mene ado bajiro ucamasĩnumi:

“ Yũre macamenajũa, yũre bũjarũarãma. “Diore masirũarãja” yitũõiamenajũa, yũre masirũarãma' yami Dios, jud'io masa me ñarãre tũõĩagũ”, yucamasĩnumi Isa'ias.

²¹ Jud'io masajuare Dios ã gotirere ado bajiro ucamasĩnumi Isa'ias: “ ‘Tocãrãcarũmũne, “Yũ yarã mũa ñasere bojaja yũ”, ñnare yirũgũboacajũ yũ. Yũre cãdibeticõari, yũre oca rẽtorũgũcama ñna' yami Dios”, yucamasĩnumi Isa'ias.

11

Israelita masare Dios ã ñamaire queti

¹ To bajiri, ¿ĩ yarãre jud'io masare ñnare maitũjacoasujari Dios? Bajibeaja. No yigu maitũjabecũmi. Yũ quẽne, jud'io masũ ñaja. Yũ ñicũ ñasũor'i ñamasĩnjuju Abraham. To bajiri, ã jãnami ñamasir'i, Benjam'in ñamasir'i ya jũnagu ñaja yũ.

² Tirũmũjũ, yũa jud'io masare, “Yũ yarã ñarũarãja mũa”, yimasiĩnumi Dios. To bajiro yir'i ñari, maitũjabeami. El'ias ñamasir'i Diore ã sãnimasire masa ñna ucamasirere ñariarãja mũa. “Jud'io masa yũ yarãre rojose ñna yise vaja rojose ñnare yiya” yigu, ado bajiro yimasiĩnumi: ³ Yũ ujũ, yũare ajiya. “Mũre gotirẽtobosarimasare sãajeocõama ñna. Mũre ñna rũcũbũorijũrĩre quẽne reajeocõama ñna. Yũ sũgũne, mũre rũcũbũogũma rũyaja yũ. Yũre quẽne sãarũama”, Diore ãre yimasiĩnumi El'ias. ⁴ To bajiro ã yisere ajicõari, ado bajiro ãre cãdimasiĩnumi Dios: “Mũ sũgũ me rũyaja. ‘Yũ yarã ñaja mũa’ yũ yirã, siete mil ñarirãcũ rũyaama, yũre rũcũbũorã, Baal vãme cãtigũre rũcũbũomena”, yimasiĩnumi Dios, El'ias ñamasir'ire. ⁵ Yucũrĩre quẽne sũgũrĩre

jud'io masare yuare ĩamaicōari, quēnaro ĩ yire ñajare, “Yu yarã ñaja mua” ĩ yirã ñaja yua. ⁶ Quēnaro mani yibetiboajaquēne, manire ĩamaicōari, quēnaro ĩ yire ti ñajare, ĩ yarã ñaja mani. To bajiro ti bajijare, “Quēnaro mani yise s̄ori me, ‘Yu yarã ñaama’ manire yĩañumi Dios”, yimasijaja mani.

⁷ Ado bajiro bajiyuja jud'io masare: “Rojose mana ñaama” Dios ĩ yĩasere ĩna bojaboajaquēne, Diojuaama, “Rojose mana ñaama”, ĩnare yĩabesumi. To yibetiboarine, s̄ḡire ĩamaicōari, quēnaro ĩ yire ti ñajare, “Rojose mana ñaama” ĩ yĩarã ñari, ĩ yarã ñaja yua. Gãjerãrema, “Yuare ajiterã ñari, b̄tob̄usa yure ajiteruarãma”, yiyumi Dios. ⁸ Tire gotiro, ado bajiro gotiaja Dios oca:

“Yuare ajiterã ñari, b̄tob̄usa yu ocare ajimasibetiruarãma’ yir̄c̄umi Dios. To bajiro ĩ yijare, ĩ ocare masa ĩna ucamasirere ĩboarine, ajimasibetiruarãma. Gãjerã ĩ ocare ĩna gotiboajaquēne, ajimasibetiruarãma ĩna”, yigotiaja Dios oca.

Ī gotiriarore bajirone bajicōa ñaja ti, yu yarãre. ⁹⁻¹⁰ David ñamasir'i quēne, ado bajiro ucamasiñumi, Diore ĩ s̄eniḡũ:

“Jud'io masa, boserũmu yivariquēnaboarã, s̄tiritiato, to yicōari, ajimasibetiruarãma ĩnare yiya. Rojose ĩna yise vaja rojose tãmuoruarãma ĩnare yiya. To yicōari rojose ĩna yise vaja, s̄ḡũne b̄to r̄c̄usere juacōari, ĩ tãnivatore bajiro bajiato ĩnare yiya”, Diore ĩre yis̄enimasĩñumi David.

Jud'io masa me ñarã, rojose ĩna yise vajare Dios ĩnare ĩ yir̄ētosare queti

¹¹⁻¹² To bajiri, ¿Jud'io masa Cristo ocare ĩna ajir̄abeti vaja, “Yu yarã me ñaja mua”, ĩnare yicōa t̄jasujari Dios? To bajiro me bajaiaja. Jud'io masa jãjarã ĩre ĩna ajir̄abetijare, jud'io masa me ñarãjua Cristo ocare ajitir̄ũñuma. ĩna ajitir̄ũjare, rojose ĩna yise vaja rojose tãmuot̄jabetiriaroju ĩna vaborotire ĩnare yir̄ētosayumi. To bajiro ĩ yijama, “Quēnaro manire ĩ yiborere ĩnajuare quēnaro yiḡumi Dios’ yit̄oĩacōari, ‘Manire quēne quēnaro yato Dios’ yirã, yure ajitir̄ũnato jud'io masa” yiḡu, jud'io masa mere quēnaro yiyumi Dios. Jud'io masa quēne ĩna ajitir̄ũnjama, masa jedirore r̄etro quēnaro yir̄c̄umi Dios.

¹³ Jud'io masa mejuare ado bajiro muare gotiaja yu: Muare gotimasioroc̄ure yure cōacami Cristo. To bajiri, “Ti moare ñamasuse ñaja” yiḡu ñari, yu masiro cōro quēnaro gotimasiorũḡũaja yu. ¹⁴ Muare yu gotimasiojama, yu yarã

jud'io masa, m̄are yu gotimasiosere ajicōari, “Ȳare ī goti-
borotire īnajuare gotimasioami’ yirā ñari, īna quēne Cri-
store ajitir̄n̄uato” yigu, m̄are gotimasioaja yu. To ba-
jiri, rojose īna yise vaja rojose t̄m̄uot̄ujabetir̄aroju īna
vaborotire īnare yir̄etobosar̄c̄ami Dios. ¹⁵ Jud'io masa,
Cristo ocare īna ajir̄uabetijare, jud'io masa mej̄are go-
timasiocaju yu. To bajiri Cristo ocare ajitir̄n̄urā ñari,
adigodoju Diorāca quēnaro ñaama īna. Dios ī bojariorore
bajiro jud'io masa quēne, Cristo ocare īna ajitir̄n̄ujama,
r̄etoro quēnar̄aroja ti. Tudir̄ijayamanire Dios ī catisere c̄orā
ñar̄uarāma. ¹⁶ Pan mani quēnorotibur̄uayere mojaribur̄uaca
āmicōari, mani quēnoricare, “Dios yaga ñar̄uaroja” mani yi-
jama, tiare quēnoru mani juar̄are quēne, Dios ye r̄ine
ñacōaroja, ī īajama. Yuc̄ū ñemare, “Dios ya ma ñar̄uaroja” mani
yiboajaquēne, tiu r̄ujuri jedirone ī ye r̄ine ñacōaroja. Abraham
ñamasir'ire quēne, “Ȳu yu ñaami”, ĩre yīamasir̄n̄umi Dios. To
bajiro ĩre yir'ī ñari, ī jānerabatia jedirone, “Ȳu yarā ñaama”, ĩnare
yīar̄c̄ami Dios.

¹⁷ Tir̄m̄ujuma, jud'io masa, olivo v̄ame cuti r̄ujure bajiro
ñañuma. To bajiro īna bajiboajaquēne, tir̄ujure jatarocariarore
bajiro ĩnare yiyumi Dios, ĩre īna ajitir̄n̄ubeti vaja. M̄ua,
jud'io masa mej̄na, no bojaric̄u yuc̄ū r̄ujure bajiro m̄ua ba-
jiboajaquēne, Jesucristore m̄ua ajitir̄n̄use s̄orine ti r̄ujure
jataāmiadicōari, olivo v̄ame cuti r̄uju ī jatarocariar̄ujare va-
soagure bajiro yiyumi Dios. To bajiro ī yijama, “Sīgū r̄iare
bajiro bajirā ñar̄uarāma” yigu yiyumi. ¹⁸ To bajiri, jud'io masa
s̄ori Dios ye quēnase b̄jarā ñari, jud'io masare, “Ȳu yarā me
ñaaama” ī yīar̄are ĩatebesa m̄ua. “Īna r̄etoro quēnarā ñaja yu”,
yit̄oīabesa. Ado bajiroju t̄oīañā: “Ȳu yarā ñaaama’ manire ī
yīaroto r̄ijoroju, jud'io masarema, ‘M̄ua s̄ori masa jedirone
quēnar̄aroja ti’ ĩnare yimasir̄n̄uju Dios”, yit̄oīañā m̄ua.

¹⁹ To bajiro m̄are yu yigotiboajaquēne, m̄ua sīgūri ado ba-
jiro t̄oīar̄aja m̄ua: “Yuc̄ū r̄ujuri rojosere mani jasurerearore
bajirone jud'io masare, ‘Ȳu yarā me ñaaama’ ĩnare yīañumi
Dios, ‘Gājerā masa yu r̄ia ñato’ yigu”, yit̄oīar̄aja m̄ua. To
bajiro yit̄oīacōari, “Jud'io masa r̄etoro quēnarā ñaja mani”,
yit̄oīaboar̄aja m̄ua. ²⁰ To bajiro t̄oīar̄are ado bajiro c̄udiaja yu:
Diore īna ajitir̄n̄ubeti s̄ori, jud'io masare reayumi Dios. To
bajiro ĩnare yiboarine, m̄ajuare ī yar̄are bajiro m̄are ĩaami,
ĩre m̄ua ajitir̄n̄use s̄ori. ĩre m̄ua ajitir̄n̄u s̄uyabeticōajama,
ī yarā me ñabor̄aja. To bajiri, “Jud'io masa r̄etoro ñamasurā
ñaja”, yit̄oīabeticōañā. Dioj̄are güiya, “Ȳuare quēne rearomi’
yirā. ²¹ Jud'io masa ĩre īna ajitir̄n̄u s̄uyabeti s̄ori, rojose īna
yire vaja ĩnare masir̄ibesumi Dios. Olivo r̄ujure ñas̄orir̄uju
jatarocariarore bajiro ĩnare yiyumi. To bajiri m̄ua jud'io

masa me ñarã quêne, ñre mña ajitirũnũ sũyabetijama, to bajirone yirũcũmi. ²² Diore mña teboajaquêne, mñare ñamaicõari, quẽnaro ñ yirere, to yicõari, jud'io masa, Cristo ocare ñna ajitirũnũbeti vaja “Yũ yarã me ñaama” ñnare ñ yirere tũoĩaña. Tire masirã ñari, “Cristore mani ajitirũnũ tũjajama, manire quêne, ‘Yũ yarã me ñaama’ yĩarũcũmi”, yimasiña mña. ²³ Jud'io masa quêne, Cristo ocare ñna ajitirũnũjama, ñnare ñamaicõari, “Yũ yarã ñaja mña quêne”, ñnare yĩarũcũmi Dios quẽna. ²⁴ Jud'io masa me mña ñaboajaquêne, ñnare ñ yisũoriarore bajirone mñare ñamaicõari, “Yũ yarã ñaama”, mñare yĩañumi. To bajiro ñ yire ñajare, “Quẽna ñre ñna ajitirũnũjama, josari mene, ‘Yũ yarã ñaama’ ñnare yĩacõagũmi, jud'io masare”, yimasire ñaja.

Jud'io masa rojose ñna yise vajare Dios ñnare ñ yirẽtobosaroti

²⁵ Yũ mairã, masa ñna masibeticatire ado bajiro mñare gotiaja yũ: “Dios yarã ñari, yũ rĩne ñaja ñ ocare quẽnaro riojo ajimasirã’ yibeticõato” yigũ, adi ocare mñare gotiaja yũ: Adirũmũri jud'io masa jãjarã ñarãma Cristo ocare ajiterã. Jud'io masa me Cristore ñna ajitirũnũjediro bero, jud'io masa quêne, Cristore ñre ajitirũnũrũarãma ñna. ²⁶ ñna ajitirũnũjare, rojose ñna yise vaja rojose ñnare ñ yiborotire ñnare yirẽtobosarũcũmi Dios. Tirene, ado bajiro gotiaja Dios ocare masa ñna ucamasire:

“Siõn vãme cõtĩ macagũ ejarũcũmi, jud'io masa rojose ñna yisere Dios ñ masiriose vajare, ñnare vaja yibosarocũ. Rojose ñna yisere ñ sũorine yitũjacõari, yare ajitirũnũrũarãma quẽna.

²⁷ Rojose ñna yisere masiriocõari, yũ goticatore bajirone yirũcũja yũ”, yigotiaja Dios ocare masa ñna ucamasire.^C

²⁸⁻²⁹ Cristo ñ bajire sũorine quẽnaro Dios ñ yisere jud'io masa jãjarã ñna ajirũabetijare, ñnare ñategumi Dios. ñna ajirũabetijare, jud'io masa mejũare mñare gotimasiocajũ yũ. To bajiboarine, jud'io masa ñicũa ñamasiriarãre, “Yũ rĩa, quẽnaro yũ yirona ñarũarãja, mña jãnerabatia quêne” ñnare yir'ĩ ñari, ñnare maicõa ñagũmi Dios. To bajicõari, “Yirũcũja” ñ yiriarore bajirone yigũ ñari, Cristo ñ bajirere ñna ajitirũnũro, ñnare quêne, “Yũ rĩa ñaama”, yĩarũcũmi.

³⁰ Tirũmũjũma Dios ocare ajiterã ñañuja mña maji. To bajiro bajiriarã mña ñaboajaquêne, jud'io masa Dios ocare ñna ajirũabetijare, mñajũare ñamaicõari, rojose mña yise vaja rojose mña tãmũoborotire mñare yirẽtobosayumi. ³¹ To bajiri yucũrema jud'io masa ñaama Dios ocare ajiterã. To bajiro ñna bajiboajaquêne, mñare ñamaicõari, ñ yiriarore bajirone rojose ñna yise vaja rojose ñna tãmũoborotire ñnare yirẽtobosarũcũmi Dios. ³² Ado bajiro bajiyuja manire: Jud'io masare, ñna mere

quēne, “Yū bojarore bajiro yirā me ñaama”, manire yīñañumi Dios, “Manire rijabosayumi” Jesúre yituoīarāre ĩamaicōari, quēnaro ĩ yirotire yigū.

³³ Mani jedirore quēnaro yigū ñagūmi Dios. ĩMasijeogu ñagūmi! ĩre bajiro quēnaro yigū magūmi. ĩnimujane, ĩ tuoīasere, to yicōari ĩ yisere quēne masibecūmi. ³⁴ Ado bajiro gotiaja Dios ocare masa ĩna ucamasire: “Dios, mani ujū, ĩ tuoīasere masigū magūmi. ĩre gotimasiogū magūmi. ³⁵ ‘Quēnaro mani yijare, Dios quēne quēnaro manire yirocū ñagūmi’ yimasibeaja mani”. ³⁶ “Quēnase yure yirūcūbuo variquēnato” yigū, ñajedirore rujeomasifūmi Dios. To bajiro ĩ yire ñaro cōrone cūogu ñagūmi. To bajiro bajigū ĩ ñajare, quēnase ĩre rūcūbuo variquēnatujabetiroti ñaja, manire. To bajirone bajimūorūgōato.

12

“Dios ĩ bojasere yirūgūñarāja mani”, yire queti

¹ To bajiri, yū mairā, Dios manire ĩ ĩmaisere masirā ñari, ĩ bojarore bajiro quēnase rīne yiroti ñaja. To bajiro mani yīñajama, ĩre rūcūbuorā yirāja mani. Tire ĩvariquēnagūmi Dios.

² Adigodoaye rīne tuoīarā ĩna tuoīarore bajiro tuoīabetiroti ñaja mūare. Mūajūama, Dios ĩ ejarēmose rāca ĩ bojasere yirūgūña. To bajiro mūa yijama, “Quēnasere, Dios ĩ ĩvariquēnasere yirā yaja”, yimasirūarāja.

³ Yure ĩamaicōari, quēnaro yure yigū, yure goticudirotiyumi Dios. To bajiri ado bajiro mūare gotiaja yū: “Mani masune Dios ĩ bojasere yimasiaja mani”, yituoīabesa mūa. Ado bajirojūa tuoīaña mūa: “Tocārācure ricatiri rīne mani yimasirotire ujoyumi Dios. To bajiri, ĩ ejarēmose rāca yirūarāja”, yituoīaña mūa. ⁴ Mani rujure jairo ñaja. Āmo, cajea, gāmoro, gūbo, gajeye quēne ñaja, cojo ruju ñaboarine. Ricati rīne yaja. Cajea rāca ĩa, gāmoro rāca aji, āmo rāca āmi, gūbo rāca va, bajimasire ñaja manire. ⁵ To bajirone bajiaja Cristore ajitirūñarāre quēne. Jājarā ñaboarine, Cristore ajitirūñarā ñari, cojo rujure bajirone bajiaja mani. To bajicōari, cojo masare bajiro quēnaro gāmerā ejarēmorūgūaja mani.

⁶ Tocārācure ricati rīne ĩ bojarore bajiro mani yimasirotire manire ujoyumi Dios. To bajiri ĩ ujure mani yimasise rāca Cristore ajitirūñarāre ĩnare ejarēmoroti ñaja. “ĩnare yū gotisere ajicōari, gotirētobosarimasa ñato” yigū, ĩna yimasirotire ĩnare Dios ĩ ujure ti ñajama, “Tire manire ujoyumi” yituoīacōari, gājerāre gotimasiroti ñaja. ⁷ “Gājerāre ejarēmoato” yigū, ĩna yimasirotire Dios ĩ ujure ti ñajama, ĩnare quēnaro ejarēmoroti ñaja. “Dios ocare ajimasicōari, gājerāre gotimasioato” yigū, ĩnare ĩ ujure ti ñajama, “Tire manire ujoyumi” yituoīacōari, quēnaro

gotimasioroti ñaja. ⁸ “Yure ajitirñnarã butobusa ajitirñnato” yigu, ña gotimasiorotire ñoyumi Dios. Tire ñoecoriarãma, quẽnaro gotimasioroti ñaja. Maioro bajirãre gãjoa ñsigũma, “To bajiro yu yise vaja yure ejarẽmoruarãma ña” yituoĩagũ me, ñsiroti ñaja. Rotirãrema, quẽnaro rotiroti ñaja. Maioro bajirãre ejarẽmorãrema, variquẽnase rãca ñnare ejarẽmoroti ñaja.

“Ado bajise ñaroti ñaja Cristore ajitirñnarã”, yire queti

⁹ Socarãne, “Mũare maiaja”, yitobesa. To yicõari, ñnare mai, ñnare ejarẽmo, rojose yibeti, quẽnase rĩne yirũgũña. ¹⁰ Cristore ajitirñnarã ñari, sĩgũ rĩare bajiro bajiaja mũa. To bajirã ñari, quẽnaro gãmerã ñamaicõari, rũcũbũoya, “Ñajna ñaama ñamasurãma” gãjerã ñnare ña yĩarũcũborotire yirã.

¹¹ Dios ñ bojasere mũa yijama, teyejairãne yibesa mũa. Tocãrãcarãmũne Dios mũare ñ ejarẽmosere tuoĩacõari, variquẽnase rãca ñ bojasere quẽnaro yirũgũña.

¹² “Õ vecajũ manire quẽnaro yirũcũmi Dios” yimasirã ñari, quẽnaro variquẽnase rãca ñacõarũgũña mũa. Rojose tãmũoboarine, Diore ajitirñnacõa ñarũgũña. Ñre ajitirñnacõari, “Yũare ejarẽmoña”, ñre yisẽnitũjabeja mũa.

¹³ Cristore ajitirñnarã rojose ña tãmũojama, ñnare ejarẽmoña. Ejarãre quẽnaro yiya.

¹⁴ Rojose mũare yirãre, “Quẽnaro ñnare yato Dios” yirã, ñnare sãnibosaya.

¹⁵ Gãjerã quẽnaro ña variquẽnajama, ñnare variquẽnaejarẽmoña. Gãjerã ña sutiritijama, ñnare sutiritiejarẽmoña.

¹⁶ Gãjerã rãca cojo masare bajiro gãmerã ñamaiña. “Ñamasurã ñaja yua”, yituoĩabesa. “Ñamasurã me ñaama” gãjerã ña yirãre baba cutiya mũa. “Gãjerã rẽtoro masirã ñaja yua”, yituoĩabesa.

¹⁷ Quẽnase rĩne yirũgũña mũa, “Quẽnaro yirã ñaama” masa ña yĩarotire yirã. Rojose mũare yirãre ñnare gãmebesa mũa. ¹⁸ Mũa yimasiro cõro quẽnase rĩne yiya, “Masa jediro mani rãca quẽnaro ñato” yirã. ¹⁹ Gãjerã rojose mũare ña yiboajaquẽne, “Dios rĩne ñaami, masa rojose ña yise vaja, rojose ñnare yirocũ” yirã ñari, rojose mũare ña yijama, ñnare yigãmebesa mũa. Dios ocare masa ña ucamasire ado bajiro gotiaja: “Yũ ñaja, rojose ña yise vaja, ñnare rojose yirocũ”, yigotiaja ti. ²⁰ Gaje vãme, ado bajiro gotiaja, rojose manire yirãre ñnare mani yirotire yiro: “Mũare ñategũ ñ ñiorijajama, bare ñre ecaya. Ñ idirũajama, ñre ioya. To bajiro ñre mũa yijama, rojose mũare ñ yisere tuoĩacõari, mũare buto bojonecũmi”, yigotiaja Dios oca. ²¹ Gãjerã rojose mũare ña yijama, rojose ñnare yicõarũaboarine, quẽnasejũare yicõa ñaña.

13

¹ Dione ñagũmi masa ɥjarã ñaronare ñnare cũrimasu. Ī cũriarã ñna ñajare, ñna rotirore bajiro quẽnaro yirũgũɥarãja mɥa. ² Dios ĩ cũrãre cɥdimenarema, ñna cɥdibeti vaja rojose ñnare yirɥcũmi Dios. ³ Quẽnase yirãrema gũiorã me ñaama ɥjarã. Rojose yirãɥarema gũiorã ñaama ñna. To bajiri quẽnase rĩne yiya mɥa. Quẽnase rĩne mɥa yijama, “Quẽnaro yirã ñaama”, mɥare yĩarɥarãma mɥa ɥjarã. ⁴ “Masa quẽnaro gãmerã ejarẽmoato” yigũ, ɥjarãre cũgũmi Dios. To ĩ yiboajaquẽne, rojose mɥa yijama, “Rojose yɥa yise vaja rojose yɥare yirɥarãma ɥjarã” yimasirã ñari, ñnare gũirɥarãja mɥa. “Rojose yirãre rojose ñna yise vaja rojose yɥre yibosato” yigũ, ñnare cũgũmi Dios. ⁵ “Rojose mani yise sɥori rojose manire yiroma” yitɥoĩarã ñari, ɥjarãre cɥdirũgũɥarãja mɥa. Tiaye rĩne, cɥdirã me, Gajeye quẽne, “Mani cɥdisere bojagũmi Dios” yirã ñari, cɥdirũgũɥarãja. ⁶ Masa ɥjarã Diore moabosarũgũama, manire “Quẽnaro ñato” yirã. To bajiri manire ñna moabosase vaja ñnare vaja yiroti ñaja. ⁷ Mɥa ɥjarã jedirore Dios ĩ bojarore bajirone quẽnaro ñnare yiroti ñaja. Ñna vaja taro cõrone ñnare vaja yiya. “Gajeye moare ñna yise vajare quẽne ñnare vaja yiya” mɥare ñna yirore bajirone cɥdirɥarãja mɥa. To yicõari, quẽnaro ñnare yirɥcɥbɥoya.

⁸ Gãjerãre mɥa vaja mojama, mɥa vaja mosere vaja yiya. Mɥa rãcanare ñamaiña. To bajiro mɥa yijama, Dios ĩ rotise ñaro cõrone cɥdirã yirãja. ⁹ Dios ĩ rotimasire ado bajiro gotiaja: “Manajo cɥtirã, manajɥ cɥtirã, manajo mana, manajɥ mana quẽne, gãjerã rãca ajeriarã cɥtibesa. Sĩabesa. Juarudibesa. Gãjerã ye gajeyeũnre bojañabesa”, yigotiaja Dios ĩ rotimasire. To bajicõari, gajeye ñarẽmoaja Dios ĩ rotimasire. Tire cojo vãme mɥare gotigɥagɥ yaja yɥ. Cojo vãme ti ñaboajaquẽne, tire quẽnaro mani cɥdijama, Dios ĩ rotise ñaro cõrone cɥdirã yirãja mani. Ī rotimasire ado bajiro yaja: “Mɥ masu rujere mɥ mairone bajirone mɥ rãcanare maiña”, yigotiaja Dios ĩ rotimasire. ¹⁰ Mani rãcanare mani maijama, rojose ñnare yimenaja. To bajiro mani yijama, Dios ĩ rotise ñaro cõrone cɥdirã yirãja mani.

¹¹ Tirũmɥjɥ Cristo ĩ bajirere ajisɥorãjɥne, “Tudiejacõari, quẽnaro manire yirɥcũmi”, yicõasɥoyuja mani. To bajiri yucɥrema, “Ī tudiejarotirũmɥ cõñadiaja” yimasirã ñari, tire tɥoĩatɥamenane, bɥtobɥsa Dios ĩ bojarore bajiro yito mani. ¹² Cristo ĩ ejarotirũmɥ cõñacoajɥ. To bajiri vãti ĩ bojasere ñna yirirodori jedicoato yaja. To cõrone rojose yirãre rearɥcũmi Cristo. Tire masicõari, “Cristo manire ejarẽmoato” yirã, ĩre sẽnito mani, “Rojose yirɥaboarine, tire yibeticõari, ĩ bojaseɥare yirãsa mani” yirã. ¹³ To bajiro mani bajijama, quẽnase rĩne yirɥarãja mani. Boserũmɥri ñaro idimecɥcõari,

avasãmecucudirãre bajiro bajibetiroti ñaja manire. Manajo cutirã, manajũ cutirã, manajo mana, manajũ mana quẽne, gãjerã rãca ajeriarã cutibetiroti ñaja. Gãmerã oca rêtobeticõato. Gãjerã ñna yisere ñajũnisinibeticõato mani. ¹⁴ Ado bajirojũa yirã ñato mani: “Mani ẽjũ Jesucristo manire ejarẽmoato” yirã, ñre sãnirũgũto mani. Ñne ñagũmi manire ejarẽmogũ, “Rojose yiroma” yigũ. To bajiri ñ ejarẽmose ti ñajare, rojose yirũaboarine, tire yibetirũarãja mani.

14

“Cristore ajitirũnrã ñnari, gãmerã ajirũcũbũoto mani”, yire

¹ “Cristo yũre ejarẽmogũmi” yitũoĩagũ ñaboarine, tũoĩagũigũrema, quẽnaro ñre yiya. “Ado bajiro yiroti ñaja” ñ yisere ajicõari, “Bajibeaja. Ado bajirojũa yiroti ñaja, mũre”, ñre yi oca rêtobesa. ² Sĩgũri, Cristore ajitirũnrã, “Bare vãme cuti ñnaro cõrone mani bajama, quẽnaja”, yitũoĩaama ñna. Gãjerãma, “Cristo manire ejarẽmogũmi” yitũoĩarã ñaboarine, “Vaibũcũ rii mani bajama, quẽnabetoja” yitũoĩagũicõari, bamenama ñna. ³ Bare jediro barãjũa, “Mani bajama, quẽnabetoja” yigũirãre, “Tũoĩamasimena ñaja mũa”, ñnare yibetiroti ñaja. Bamenajũa quẽne, jediro barãre, “Rojose yirã yaja mũa”, ñnare yĩnagõjaibesa, “Ñna quẽne, yũ rĩa ñaama” Dios ñ yirã ñna ñajare. ⁴ Cristore ajitirũnrã, Dios ñ rotirã ñaja mani. To bajiri sĩgũri ñna bajisere ñacõari, “Quẽnaro yaja mũa. Ado yũa rãca ñaĩa”, ñnare yirã ñaboarine, ricati tũoĩarãrema, “Quẽnaro yibeaja mũa. Gajerojũ vasa”, ñnare yibetiroti ñaja. Dios sĩgũne ñnaami ti ñnare yimasigũma. To yicõari ñ rotirãre ejarẽmogũmi, “Yũ rãca ñacõa ñato ñna” yigũ. To bajiri ricati tũoĩarãre quẽne, “Yũ rãca ñacõa ñato”, ñnare yimasigũmi.

⁵ Sĩgũri, Cristore ajitirũnrã ado bajiro tũoĩaama ñna: “Cojorũmũne, gajerũmũri rẽtoro ñnamasurirũmũ Diore rũcũbũoriarũmũ ñaja”, yitũoĩaama. Gãjerã Cristore ajitirũnrã, ado bajiro tũoĩaama: “Tocãrãcarũmũne Diore rũcũbũoroti ñaja”, yitũoĩaama ñna. To bajiboarine ricati rĩne mũa tũoĩase, no yibeaja. Diore mũa sãnise ñaja ñnamasusema, “Ñ bojasere yaja” mũa yimasirotire yirã. ⁶ Sĩgũ ñagũmi, “Adirũmũ ñaja ñnamasurirũmũ Diore rũcũbũoriarũmũ” yigũ. Mani ẽjũre Diore rũcũbũogũmi. Gãjima, “Bare vãme cuti ñnaro cõrone mani bajama, quẽnaja” yigũ ñ bajama, “Quẽnaro yaja mũ”, Diore yigũmi. Gãji, vaibũcũ rii babecũ ñaboarine, gajeye bare bañagũne, “Quẽnaro yaja mũ”, Diore yirũcũbũogũmi ñ quẽne.

⁷⁻⁹ Cristore ajitirũnrã, mani masune tũoĩacõari, yirã me ñaja mani. Ado bajiro bajaia: Sĩaecoboarine, tudicaticoasumi Cristo, ñna catijaquẽne to yicõari ñna rijacoajaquẽne, “Ñna ẽjũ ñnarũcũmi” Dios ñ yijare. To bajiri adigodo mani catiñarõ

cõro, mani rijato berojũ quẽne, “Yũ masune rotiaja. Gãji yure rotibeami”, yimasiña manoja. Cristo yarã ñari, mani rijato berojũ quẽne ã yarã ñacõa ñaruarãja mani. To bajiri, Cristo ã bojase rĩne yicõa ñaroti ñaja.

¹⁰ To bajiro ti bajiboajaquẽne, ¿no yirã, “Rojose yaja mũa”, mũa yarãre ñare yĩñagõjai coderũgũati? To yicõari, ¿no yirã mũa yarãre, “Tũoĩamasimena ñaja mũa”, yĩĩateati mũa? Mani ñaro cõrone, Dios ã ñarojũ ejarona ñaja mani. To bajiri, “Ãnoa ñaama quẽnase yicana. Ãnoa ñaama rojose yicana”, yĩĩabeserũcũmi. To bajiro ã yirotire masirã ñari, gãjerã Cristo yarãre, “Rojose yaja mũa”, yĩñagõjaibesa. ¹¹ Ado bajiro gotiaja Dios oca Isa'ias ã ucamasire:

“ Socũ me yaja yũ. Ado bajise bajirũaroja ti, masa jedirore: Yũ ãaro rĩjorojũna yure rũcũbũorã, gũsomuniari tuetucõari, “Masa ña yisere masigũ ñaja mũa”, yure yiruarãma ña', yami mani mũjũ”, yĩucamasĩũmi Isa'ias.

¹² To bajiro ã yimasire ñajare, “Tocãrãcũne, ña yire jedirore Diore ãre gotiruarãma ña”, yimasiaja mani.

¹³ To bajiri, “Rojose yaja mũa” gãmerã yĩñagõjaibetiruarãja mani. Tire yibeticõari, “Mani rãcanare rojose ñare ãmato yirobe” yirã, quẽnase rĩne yito mani. ¹⁴ Yũ, mani mũjũ Cristo ã gotimasiocatire ajicacũ ñari, ado bajiro yaja yũ: “Bare vãme cuti ñaro cõrone mani bajama, quẽnaja”, yimasiaja yũ. To bajiro yũ yiboajaquẽne, ñarãma gãjerã Cristore ajitirũnarã, “Vaibũcũ rii yũ bajama, rojose yigũ, yigũja yũ”, yitũoĩarãma. ¹⁵ “Vaibũcũ rii yũ bajama, quẽnabetoja” yigũ ñari, mũajũna tire mũa baro ãcõari sũtiritigũmi. To bajiro ã bajisere masirã ñaboarine, mũa bacõa ñajama, “Mũre maibeaja” yirãre bajiro yirãja mũa. Mũa rĩ mere, gãjerãre quẽne rijabosagũ bajiyũmi Cristo. To bajiri sĩgũ, Cristore ajitirũnagũ, “Vaibũcũ rii yũ bajama, rojose yigũ yaja” ã yisere ajicõari, vaibũcũ riire babeja. “Mani basere ã bajama, ‘Rojose yigũ yaja yũ’ yitũoĩacõari, rojose tãmũotũjabetiriarojũ vatomi” yirã, tire babetiruarãja mũa. ¹⁶ To bajiri, “Mani yise quẽnase ti ñaboajaquẽne, tire ãcõari, ‘Rojose yirã yama’ gãjerã manire yĩĩarãma” mũa yimasijama, tire yibeticõaña. ¹⁷ Mani barotire, mani idirotire bũto tũoĩaroti me ñaja. Mani mũjũ ã bojarore bajiro quẽnaro mani yisejũare tũoĩaroti ñaja. To yicõari, Esp'iritu Santo manire ã ejarẽmose sũorine gãjerã mani rãca quẽnaro ña variquẽnarotijũare tũoĩaroti ñaja, manire. ¹⁸ Esp'iritu Santo ã ejarẽmose sũorine Cristo ã bojarore bajiro quẽnaro mani yijama, “Quẽnaro yirã ñaama”, manire yĩĩavariquẽnagũmi Dios. To bajicõari, masa quẽne, “Quẽnaro yirã ñaama”, manire yĩĩaruarãma ña.

19 To bajiri butobusa ĩ bojarore bajiro mani yijama, gãmerã ejarẽmorã yirãja mani, “Jediro Cristo ĩ bojarore bajiro yirã ñarãsa mani” yirã. 20 To bajiri sīgũ, Cristore ajitirũnũgũ, mũa baroti ñaboasere ĩacõari, “Babetiroti ñaja” ĩ yijama, tire babetirũarãja mũa. “Mani basere ĩ bajama, ‘Rojose yigũ yaja yũ’ yitũoĩacõari, rojose tãmuotũjabetiriaroju vatomi” yirã, tire babetirũarãja mũa. Mani base jediro quẽnase rĩne ñacõaja. To bajiboarine mani rãcagũ Cristore ajitirũnũgũ, “Vaiũcũ rii yũ bajama, rojose yigũ yaja” ĩ yĩĩasere, mani bajama, rojose ĩre yirorãre bajiro yirãja mani. 21 Mani rãcagũ Cristo yũ, mũa basere, uye oco mũa idise, to yicõari, gajeye no bojase mũa yisere ĩacõari, ĩ quẽne ĩ yijama, “Rojose yigũ yaja”, yitũoĩagũmi. To bajiro tũoĩagũ ĩ ñajare, to bajiro mũa yijama, rojose ĩre yirorãre bajiro yirãja mũa. 22 To bajiri, “Bare vãme cuti ñaro cõrone mani bajama, quẽnaja”, “Mani bajama, quẽnabeaja” mũa yitũoĩasere, gãmerã gotimenane, Dios sīgũrene mũa tũoĩasere gotiroti ñaja. “To bajiro yũa yisere ĩacõari, ‘Quẽnaja’ yĩĩagũmi Dios” yirãma, variquẽnarãma. 23 “Yũa bajama ¿Dios ĩ bojabetire yirojari yũa?” yiboarine ĩna bacõajama, rojose yirã yirãma. To bajirone bajaia. “Dios ĩ bojabetire yirã yaja” yiboarine, mani yijama, manire quẽne rojose ñaroja.

15

“Mani ñaroti rĩne tũoĩaroti me ñaja”, yire queti

1 “Cristo yũare ejarẽmogũmi” yitũoĩarã ñaboarine, tũoĩagũirãre, “To bajiro mũa bajise quẽnabeaja” ĩnare yimenane, ĩnare rũcũbũocõaĩa. Mũa ñaroti rĩne tũoĩamenane, tũoĩagũirãre ĩnare ejarẽmoroti ñaja. 2 Mani rãcana Cristore ajitirũnũrã, gãjerã ĩre ajitirũnũrã ñaboarine, tũoĩagũirã quẽne, ĩnare ejarẽmoroti ñaja, “Butobusa Cristore ajitirũnũcõari, variquẽnase rãca quẽnaro ñato ĩna” yirã. 3 Cristo adigodo ejacõari, ĩ yiriarore bajiro yito mani. ĩ sīgũne ĩ variquẽnarotire bojagũ me ñañumi. Mani variquẽnarotijũare bojagũ ñari, buto rojose tãmuoĩnũmi, manire ejarẽmogũ. To bajiri, ado bajiro gotiaja Dios ocare masa ĩna ucamasire: “Rojose yirã, mũre ĩna rũcũbũobetijama, yũrene rũcũbũomena yicama”, yigotiaja Dios ocare masa ĩna ucamasire, Cristo ĩ jacare Diore ĩ yirere yiro. 4 Jediro Dios ocare masa ĩna ucamasire quẽnaro manire gotimasioaja ti. To bajiri tire mani buejama, quẽnaro gotimasioacõa ñarũarãja mani, “Butobusa Cristore ajitirũnũato ĩna” yirã. To bajiri, “Õ vecaju manire quẽnaro yirũcũmi Dios” yimasirã ñari, variquẽnacõa ñarũarãja mani. 5 Dios manire ejarẽmoami, “Ĩna rãcanare gotimasioacõa ñarũarãma” yigũ. “Yũre ajitirũnũcõa ñato” yigũ, mani variquẽnarotire cõaami. To bajiri, butobusa mũare ejarẽmoato Dios, mũa gãmerã mairotire yigũ.

To bajiro ĩ yijama, Jesucristo ĩ bojarore bajiro yirã ñaruarãja mña. ⁶ To bajiro manire ĩ ejarẽmojare, mani ñaro cõrone mani ujure Jesucristo jacure ĩre rũcũbũo variquẽnaruarãja mani.

Jud'io masa mere Cristo ĩ bajirere ĩna gotimasiore queti

⁷ To bajiri, “Yũ yarã ñaja mña” Cristo mñare ĩ mairiarore bajirone gãmerã maiña mña. Mña gãmerã maisere ĩacõari, “Dios sũorine bajiaja” yirã ñari, “Quẽnagũ ñagũmi Dios”, ĩre yiruarãma masa. ⁸ Adi macarũcũrojure jud'io masare ĩnare ejarẽmogũ vayumi Cristo. Yũa ñicũare, “ “To bajiro bajirũaroja” ĩnare ĩ yimasiriarore bajirone yigũ ñaami Dios’ yimasioato ĩna” yigũ, yũare ejarẽmoñumi. ⁹ Jud'io masa rĩ mere ejarẽmogũ vagũ bajiyumi Cristo. Jud'io masa mere quẽne ejarẽmogũ bajiyumi. “Masare Dios ĩ ĩamaisere masicõari, ĩre quẽnaro rũcũbũo variquẽnato jud'io masa, jud'io masa me quẽne” yigũ, vayumi Jesús. To bajisene gotiaja Dios ocare masa ĩna ucamasire:

“ ‘Jud'io masa me, yũ rãca mure yivariquẽnato ĩna’ yigũ, varũcũja yũ. Yũ sũorine mure yirũcũbũocõari, basaruarãma ĩna”, yigotiaja Dios ocare masa ĩna ucamasire, Cristo ĩ jacure ĩ gotirere yiro.

¹⁰ Quẽna gajeye ado bajiro gotiaja Dios ocare masa ĩna ucamasire:

“Mña jud'io masa me, Dios yarã jud'io masa rãca cojo masare bajiro variquẽnaruarãja mña”, yigotiaja Dios oca.

¹¹ Gajeye quẽne ado bajiro gotiaja ti:

“Jud'io masa, ĩna me quẽne, masa jediro ĩre rũcũbũo variquẽnaruarãja mña”, yigotiaja ti.

¹² Isa'ias ñamasir'i quẽne ado bajiro ucamasiñumi:

“Isa'i jãnami sĩgũ ruyuarũcũmi, jediro masa ujũ ñarocũ. ĩre ajitirũnũcõari, ‘Ī sũorine Diorãca quẽnaro ñarũgũrũarãja mani’ yiruarãma ĩna”, yiuamasiñumi Isa'ias.

¹³ “Cristo sũorine Diorãca quẽnaro ñarũgũrũarãja” yitũoĩamasirere manire cõagũ ñagũmi Dios. ĩrene ado bajiro mñare sẽnibosaja yũ: “ ‘Mure ajitirũnũrũtuacõari, quẽnaro variquẽnarã, mñ rãca quẽnaro ñacõa ñato ĩna’ yigũ, ĩnare ejarẽmoña. To yicõari, ‘Esp'iritu Santo ĩ ejarẽmose rãca bũtobusa tire masiato ĩna’ yigũ, ĩnare ejarẽmoña”, Diore mñare yisẽnibosaja yũ.

“Diore gotirẽtobosagũ yũ ñarotire Dios ĩ cõar'i ñari, mñare ucacõagũ yaja”, Pablo ĩyire queti

¹⁴ Yũ mairã, “Quẽnaro yirã ñarãma ĩna. Cristo ocare quẽnaro masirã ñari, quẽnaro gãmerã gotimasiorã ñarãma ĩna”, mñare yimasiaja yũ. ¹⁵ To bajiro mña bajisere masigũ ñaboarine, papera rãca quẽnaro riojo mñare gotiaja yũ. “Tirũmũm mña

ajirere masiritibeticōato” yigũ, mũare ucacōaja yũ. Dios yũre ĩamaicōari, ĩ ocare gotirētobosagu yũ ñarotire ĩ bojacati ñajare, mũare ucaja yũ. ¹⁶ “Jesucristo ĩ bajirere jud'io masa mere gotimasiato” yigũ, yũre cōacami Dios. To bajiro ĩ yicati ñajare, yũ gotimasiosere ajicōari, Cristore ajitirũnũama jud'io masa me ñarã. ĩre ajitirũnrã ñari, Esp'iritu Santo ĩ ejarēmose rãca “Rojose mana ñaama”, Dios ĩ yĩarã ñari, ĩ yarã ñaama.

¹⁷ To bajiri, “Dios ĩ bojasere yigũ, Jesucristo sũorine quēnaro moaja”, yivariquēnaja yũ. ¹⁸⁻¹⁹ Jud'io masa mere yũ gotimasiojama, yũ masune tũoĩacōari, gotigũ me yaja. Cristo, ĩ ejarēmose rãca gotimasioaja yũ. Tire ajicōari, Cristo ĩ ejarēmose rãca quēnaro yũ yisere ĩacōari, to yicōari, Esp'iritu Santo sũorine ĩaĩañamani yũ yĩosere ĩarã ñari, “Yũre ejarēmorũcũmi Cristo”, ĩre yitũoĩasũocama ĩna. To bajiri, Jerusalénjũne Cristo ĩ bajirere gotisũocacũ, gaje macarire quēne goticudigũ rĩne, Iliria sitajũ gotiejocajũ yũ. ²⁰ “Cristo ĩ bajirere gotimasioñamana ĩna ñarojũre, gotimasioğũ varũcũja”, yitũoĩa vadirũğũcajũ yũ. Gãjerã ĩna goticōariarojũrema gotimasioğũ varũabeticajũ yũ. ²¹ To bajiro yũ bajirotire yiro, ado bajiro gotiyuja, Dios ocare masa ĩna ucamasire:

“Cristo ĩ bajirere masibetiriarã, gotimasio ecorũarãma.

To bajiri, tire ajimasirũarãma”, yigotiyuja ti.

Romajũ Pablo ĩ varũa tũoĩare queti

²² To bajiri, Cristo ĩ bajirere gotimasioñamana ĩna ñarojũare gotimasio cudigũ ñari, mũa tũre varũaboarine, vabetirũğũcajũ yũ maji. ²³ Tirũmũjũne mũa tũ varũacōa ñacajũ yũ. To bajiro bajirũarũğũcacũ ñari, adi sitanare ĩnare gotimasiojeocōari, mũa tũjũa varũa tũoĩaja yũ yuja. ²⁴ Espaĩajũ vacũ mũare ĩarētoarũcũja yũ. To bajiri mũa rãca yoaro variquēnacōa ñaruagũ ñaboarine, yoaro mũa rãca ñabetirũcũja yũ, bajigũjũma. To bajiboarine mũa ejarēmose bojaja yũ, Espaĩa yũ eja-masirotire yigũ. ²⁵ To bajiro yũ bajiroto rĩjoro Jerusalénjũ vacoacũ yaja maji, Cristore ajitirũnrãre ĩnare ejarēmogũacũ. ²⁶ Cristore ajitirũnrã, Macedonia vãme cũti sitana, Acaya vãme cũti sitana quēne, ado bajiro tũoĩañujarã ĩna: “Jerusalén macana, Cristore ajitirũnrã maioro bajirãre gãjoa rãca ĩnare ejarēmoto mani”, yitũoĩañujarã ĩna. To bajiro yitũoĩariarã, ĩna ĩsirere juacōari, Jerusalén macanare ĩsignacũ yaja yũ. ²⁷ ĩna masune tũoĩacōari, “ĩnare ejarēmoto mani”, yitũoĩañujarã ĩna, jud'io masa me ñaboarine. Jud'io masa sũorine, jud'io masa mere, Dios yarã ĩna ñase ejayuja ti. To bajiri jud'io masare maioro bajirãre ejarēmoroti ñaja. ²⁸ To bajiri Jerusalén macanare gãjoa ĩnare yũ ĩsiro bero, Espaĩajũ vacũ, mũare

ĭarĕtoarucĭaja yu. ²⁹ “Mua tu yu ejaro, mani ñajediro mani variquĕnarotire cĕarucĭami Cristo”, yimasiaja yu.

³⁰ Yu mairĕ, Jesucristore ajitirĕnurĕ ñaja mua. To bajicĕari, Esp'iritu Santo suorine gĕjerĕre ĭamairĕ ñaja. To bajiri yu bajisere tuoĭacĕari, Diore yure sĕniejarĕmoĕa yaja yu. ³¹ “Judeana Cristo ĭ bajirere yu gotisere ajiterĕ rojose yure yiroma” yirĕ, Diore yure sĕniejarĕmoĕa. To yicĕari, “Jerusalĕn macana, Cristore ajitirĕnurĕ gĕjoa yu ĭsirotire variquĕnase rĕca boca juato ĭna” yirĕ, Diore yure sĕniejarĕmoĕa. ³² To bajiri Diore yure mua sĕniejarĕmoĕama, variquĕnase rĕca mua tujy ĭagĕ ejarucĭaja yu, Dios ĭ bojajama. Mua tujy eja, mua rĕca quĕnaro ucĭsĕjarucĭaja yu. ³³ Dios, quĕnaro mua ñarotire muare ejarĕmoato ĭ. To bajirone bajiato.

16

Pablo ĭ quĕnaroticĕare queti

¹ Febe vĕme cutigore mua tu sore cĕagĕ yaja yu. Dios suorine Cristore ajitirĕnugĕ ñaamo so. Cristore ajitirĕnurĕ Cencrea vĕme cuti macana rĕca Diore moabosarimaso ñaamo so. ² Sone ñaamo jĕjarĕ Cristore ajitirĕnurĕre quĕnaro ejarĕmorio. Yure quĕne ejarĕmorĕgĕmo. To bajiri mua tu so ejaro, “Mani ĕjure ajitirĕnugĕ ñaamo so quĕne” yimasirĕ ñari, so bojase cĕoro sore yirĕmoĕa, “Cristore ajitirĕnurĕ ñaja mani” yirĕ.

³ Yure bajiro Jesucristo ocare gotimasierĕ ñacana, Prisca, so manajy Aquila, quĕnato ĭna. ⁴ “ĭre mani ejarĕmoĕama, manire quĕne sĭarĕma” yimasiboarine, yure ĭna sĭaborotire yirĕtobosacama ĭna. To bajiri, “Quĕnaro yure yicajy mua”, ĭnare yuucacĕaja yu. Yu sĭgĕ mere, “Quĕnaro yirĕ yicajy mua”, ĭnare yaja yu. Yu sĭgĕ me to bajiro muare yicĕaja yu. Jud'io masa me, tocĕrĕca macariana Cristore ajitirĕnurĕ quĕne, yirĕgĕama. ⁵ Quĕnato Cristore ajitirĕnurĕ Aquila ya vi rĕjarĕgĕrĕ. Quĕnato yu maigĕ, Epeneto quĕne. ĭ ñaami Asia sitagy Cristore ajitirĕnucĕor'i. ⁶ Mar'ia, quĕnato, bato muare ejarĕmorio quĕne. ⁷ Yu yarĕ, Andrĕnico, Junias quĕne quĕnato. ĭna rĕca tubiberi-avijy ñacajy yu. ĭna ñacama yu rĭjoro Cristore ajitirĕnucĕoriarĕ. Cristo ocare ajitirĕnurĕ ĭna cĕarĕ rĕtoro quĕnaro yicudiyuma ĭna.

⁸ Quĕnato yu maigĕ Ampliato quĕne. Mani ĕjure ajitirĕnugĕ ĭ ñajare, ĭre bato maiaja yu. ⁹ Gĕji, yure bajiro Cristo ocare gotimasiogĕ, Urbano vĕme cutigy, quĕnato. To bajicĕari, yu maigĕ Estaquis quĕne, quĕnato. ¹⁰ Apeles quĕne, quĕnato. Rojose tĕmĕoarine, Cristore ajitirĕnucĕa ñacami. Aristĕbulo, to yicĕari ĭ ya viana quĕne, quĕnato. ¹¹ Yu yu Herodiĕn quĕne, quĕnato. Mani ĕjy Cristore ajitirĕnurĕ Narciso ya viana, quĕnato. ¹² Trifena, to yicĕari, Trifosa quĕne quĕnato.

Mani ɯɟu Cristore buto moabosarimasa ñaama. Mani maigõ Pérsida quêne, quênato. So quêne, mani ɯɟu Cristore buto moabosacamo. ¹³ Rufo quêne quênato. Cristore quênaro ajitirũnɯgũ ñacami. Ī jaco quêne quênato. Sone ñacamo, yu jacore bajiro yure maicaco. ¹⁴ To yicõari, As'incrito, Flegonte, Hermes, Patrobas, Hermas, ñna rãcana quêne, Cristore ajitirũnrã jediro quênato. ¹⁵ Filólogo, Julia, Nereo, to yicõari, ĩ bedeo quêne, quênato. Olimpás, to yicõari, ñna rãcana Cristore ajitirũnrã jediro quênato.

¹⁶ Cristo sũorine cojo masare bajiro bajirã ñari, quênaro gãmerã yisẽniãa, yiñaña mũa. Adoana, Cristo ocare ajitirũnrã jediro, mũare quênaroticõama ñna.

¹⁷ Yu mairã, gajeye ado bajiro mũare gotimasioaja yu: Mũa rãcana sīgũri ricati ñna gotijare, sīgũre bajiro tũoĩamenaja mũa. Cristo oca mũa ajiriarore bajiro me bajiaja ñna yisema. To bajiri ñnare cãmotadicõaña. ¹⁸ Mani ɯɟu Cristo ĩ bojasere yirã me ñarãma ñna. Ñna tũoĩarore bajiro yirã ñari, socarãne quênaro gotitorãma. To bajiri socase ñna gotisere ajitirũnrãma, quênaro tũoĩamasimena. ¹⁹ Mũarema, ñnare bajiro mũa bajibetijare, “Ñna ɯjarãre quênaro cũdirã ñaama”, yama masa, mũare. To bajiro mũa bajisere ajivariquênaja yu. To bajiri, quênase rĩne mũa yisere bojaja yu. ²⁰ Quênaro mani ñnartire cõagũ ñaami Dios. To bajiro yigũ ñari, vãtia ɯjũre ĩre cũdaabogũre bajiro yirũcũmi, “Socarimasa ñna gotiboasere ajibeticõato ñna” yigũ. To bajiri, “Quênaro ñnare yiya” mani ɯɟu Jesucristore mũare yisẽnibosaja yu.

²¹ Yu baba, Cristo ocare gotimasioagũ, Timoteo vãme cũtigũ, mũaare quênarotiami. Yu yarã Lucio, Jasón, Sos'ipate quêne, mũaare quênarotiamã.

²² Yu Tercio, Pablo ĩ rotirore bajiro adi paperare ucabosagu quêne, mani ɯɟu Cristore ajitirũnɯgũ ñari, mũaare quênarotiaja yu.

²³ Gayo quêne, mũaare quênarotiami. Ī ya vijũne ñacõari, Cristore ajitirũnrã rẽjarũgũaja. Erasto adi macajũre gãjoa codebosarimasũ quêne, mũaare quênarotiami. Cristo sũorine mani yu, Cuarto vãme cũtigũ quêne, “Quênato”, mũaare yami.

²⁴ To bajiri, “Quênaro ñnare yiya”, mani ɯɟu Jesucristore mũaare yisẽnibosaja yu. To bajirone bajiato.

“Diore rũcũbũo variquênato mani”, yire queti

²⁵ Diore rũcũbũorã ñari, “Quênaro yigũ ñaami. Rẽtoro masigũ ñaami”, Diore yirũcũbũoroti ñaja. Ī ocare quênaro mũa ajitirũnɯjama, “Manire ejarẽmogũmi Cristo” mũa yitũoĩarotire cõarũcũmi Dios. Ī ocare gotimasiorũgũaja yu, masa rojose ñna tãmũoborotire Cristo ĩ yirẽtobosarere. Tirũmũjama ti

ũnire gotimasio ecobesuja maji. ²⁶ To bajiboarine, Diore gotirētobosariarã ãna ucamasirere ajicõari, “To bajise bajirotire gotiro yaja”, yimasibesuma. Adirũmũrirema, “ ‘Cristo ã rija-bosare ti ñajare, “Quẽnarã ñaama”, manire yĩagũmi Dios’, masa jediro yare yimasiato” yigũ, ti oca mani ajimasirotire manire cõañumi Dios, adi macarũcũrojũ ñacõa ñarũgũgũ.

²⁷ Ñagũmi jediro masigũ. Gãji ãre bajiro bajigũ magũmi. Jesucristo manire ã codese sũorine ãre yirũcũbũo variquẽnacõa ñato mani. To bajirone bajiato.

To cõrone ñaja.

Primera carta de San Pablo a los CORINTIOS

Corinto vāme cūti macana, Cristore ajitirānūrāre Pablo ī ucacōare queti

1-3 Adi quetire mūare cōagū, Pablo vāme cūtigū ñaja yū. ¿Ñati mūa, Corinto macana, Dios sūori ī macū ocare ajitirānūcōari, rējarūgūrā? Jesucristo ī rijabosare ñajare, “Rojose mana ñaama” yicōari, “Yū rīa ñaama” Dios ī yūārā ñaja mūa. Sóstenes rāca ñacōari, mūa rī mere ucaja yūa. “Mani űjūre Jesucristore sēnirā jediro, adi quetire ajiato” yirā, ucaja yūa. Mūare quēnarotirā, mani jacū Diore, to yicōari, Jesucristo, mani űjūre, ado bajise mūare sēnibosaja yūa: “Quēnaro mūa rāca ĩna ñarotire yirā, ĩnare ejarēmoña”, mūare yisēnibosaja yūa. Dios ī bojarore bajiro yūre cōacami Jesucristo, “Yū sūorine yū jacū quēnaro ī yise quetire gājerāre gotimasiodiuya mū” yigū.

“Mūa bajisere tūōācōari, ‘Quēnaro yaja mū’ Diore yaja yū”, Pablo īyire queti

4 Tocārācaine Dios, mani jacūre sēnigū, mūare quēnaro ī yisere tūōācōari, “Quēnaro yaja mū”, ĩre yivariquēnarūgūaja yū. Jesucristore ajitirānūrā mūa ñajare, quēnaro mūare yirūgūami Dios. 5 ĩre ajitirānūrā mūa ñajare, ĩ oca jediro quēnaro riojo ajimasicōari, mūa gotimasiorotire, to yicōari, ĩ bojarore bajiro mūa yimasirotire yigū, mūare űjoyumi Dios. 6 To bajiro mūare ĩyire ñajare, Cristo ĩ bajirere mūare yūa gotimasiosere ajicōari, “Socase me ñaja”, yicajū mūa. 7 Ñajediro mūa yimasiroti mūare ĩ űjore ti ñajare, mani űjū Jesucristo ĩ tudiejarotire yurāre, ñie ruyabetoja, mūare. 8 “Yūre quēnaro ajitirānūcōa ñato” yigū, mūare ejarēmorūcūmi. To bajiri, Jesucristo ĩ ejarirūmūre, ñimūjūane, “Rojose yirā ñaama”, mūare yimasigū manirūcūmi. 9 “‘Yirūcūja’ ĩ yirore bajiro yigū ñari, manire ejarēmorūcūmi Dios”, yimasijaja mani. ĩ ñaami, “Jesucristore ajitirānūña” yirere manire cōagū. To bajiri ĩ ejarēmose sūorine mani űjū, Cristore ajitirānūrā ñari, quēnaro gāmerā baba cūtirūgūaja mani.

Corinto macana ricati rīne ĩna tūōāre queti

10 Yū mairā, yū gotirore bajiro yirā ñaboarine, gajeye mūa yise quēnabeaja. Mani űjū, Jesucristore yibosagu, ado bajiro mūare yaja yū: Rojose mūa yijama, “Jūaji rojose yimenasa mani” yicōari, sīgūre bajiro tūōāña. 11 “To bajiro yama Corinto macana” Cloé yarā ĩna yisere ajicōari, to bajiro mūare yaja yū. 12 Ado bajise yūre gotiama: “Sīgūri, ‘Pablore ajisuyarā ñaja

yua', gājerāma, 'Apolore ajisuyarā ñaja yua' yama. Gājerāma, 'Pedrore ajisuyarā ñaja yua', gājerāma, 'Cristore ajisuyarā ñaja yuama' yama", yure yigotiana Cloé yarā. ¹³ ¿No bajiro yirā to bajise ñagōjaiati mua? "Mani ujū Cristo sīgūne ñaami" yirā ñaboarine, "Jājarā ñaama mani ujarā" yisocarāre bajiro yīñaja mua. ¿Yū, Pablone rojose mua yire vajare yirētobosagu, yucútēroju rijabosayujarique yu? "Pablone ajitirūnarā ñaja yua" yirā me, oco rāca bautiza ecoyuja mua. ¹⁴⁻¹⁵ "Crispo vāme cutigu, to yicōari, Gayo vāme cutigu, ña rīne ñacama oco rāca yū bautizacana", yitūōīaja yū. To bajiri mua rācana, "Pablone ajitirūnarā ñaja yua", yimasirā manama. Tire tūōīacōari, "Tocārācūne ñacama yū bautizacana", Diore ĩre yivariquēnaja yū. ¹⁶ Estēfanos ya viana quēne ñacama oco rāca yū bautizacana. To cōrone yiriaja yū. ¹⁷ "Oco rāca masare ĩnare bautizacudiaya" yigū me, yure cōacami Cristo. "Yū sūorine Dios quēnaro masare ĩ yisere gotimasiodiaya" yigūjua, cōacami. "Quēnaro ĩ gotimasiojare, ĩre ajitirūnaja yua' yato" yigū, me yure cōacami. To bajiro ĩna yijama, "Yucútēroju rojose mani yise vajare yirētogū, manire rijabosayumi' yitūōīarā me ñaruarāma", yure yicami Jesucristo.

"Jesucristo manire ĩ rijabosare, ñamasuse oca ñaja", yire queti

¹⁸ Yucútēroju Cristo ĩ rijabosarere ajicōari, "Socase ñaja", yitūōīaama rojose tāmūotūjabetiriaroju varona. Dios tūju varonajuama, ti quetire ajicōari, "Masijeogu ñaami Dios. ĩ sīgūne ñagūmi rojose mani tāmūoborotire yirētobosarocū", yitūōīaama. ¹⁹ Tire bajirone gotiaja Dios oca masa ĩna ucamasire:

"Masirā ñaja yua' yirāre masimenare bajiro ĩnare yirūcūja yū, yure ĩna masirotire yigū", yigotiaja Dios oca masa ĩna ucamasire.

²⁰ To bajiri, "Dios ĩ rotimasire riojo gotimasiorā ñaja yua" yirāre, to yicōari, gājerā, "Adi macarūcūro ñase jedirore masirā ñaja yua" yirāre masimenare bajiro ĩnare yami Dios.

²¹ Masijeogu ñaami Dios. To bajiri adi macarūcūroana, masa ĩna masune ĩna buese, ĩna tūōīase sūori ĩre ĩna masirotire bojabesumi. Ado bajirojua ĩna yisejūare bojayumi: ĩ macū ĩ bajirere ajitirūnarā rīrene rojose ĩna tāmūoborotire ĩnare yirētobosagu ñaami Dios. To bajiri ti ocare ajicōari, "To bajiro yimecūrā yama. Socase ñaja", yama Diore masimena.

²² To bajiri, jud'io masa quēne, ti quetire ĩna ajitirūnsūoroto rījoro, "Socase me ñaja yua yirotire yirā, ĩaīñamani yūare yīōña", yirā ñaama. Griego masajūama, "Quēnaro ĩna gotijama, ĩnare ajisuyaruarāja mani", yirā ñaama. ²³ To bajiro ĩna yitūōīaboajaquēne, yūajūama, yucútēroju Cristo manire ĩ rijabosarere gotimasiorūgūaja. Jud'io masa ĩna ajitese, griego

masa, “Yimecurā yama” yuare ĩna yisere yirũgũaja yuā. ²⁴ To bajiboarine, Cristo ĩ bajirere yuā gotimasiosere ajicōari, jud'io masa, griego masare quēne, “Yu macure ajitirũnuña” Dios ĩ yirere ĩna cūdjama, ĩ masisere ĩnare cōaami. To ĩ yijare, “Masijeogu ñaami Dios”, yirũgũama. ²⁵ Gãjerãjua, Diore masimena ñari, “Yimecurā yama Cristore ajitirũnurã”, yituoĩaboama. To bajiro ĩna yiboajaquēne, “Masijeogu ñaami Dios. ĩre bajiro yimasigũ magũmi”, yimasiaja mani, ĩ ocare ajitirũnurãma. ²⁶ Yu mairã, Dios muare ĩ besere tuoĩaña mua. Jãjarã me ñacaju mua, ñamasurã, masare rotirimasa, to yicōari, “Masirã ñaama” Diore masimena ĩna yĩarã. ²⁷ To bajiro mua ñarotire bojayumi Dios. “Tuoĩamasimena ñaama’ masa ĩna yirã, to yicōari ĩna rucubũomena ñaruarãma yu macure ajitirũnurã”, yiyumi Dios. To bajiro ĩ yijama, “‘Masirã ñaama’ Diore masimena ĩna yirucubũorãre, ‘Masirã me ñañuma’ yato” yigu, yiyumi. ²⁸ “Ñamasurã me ñaama’ to yicōari, ‘No yimasimenama’ masa ĩna yirãjua, yu macure ajitirũnuruarãma”, yiyumi Dios. “‘Ñamasurã ñaama’ masa ĩna yĩarã, ñamasurã me ñato” yigu, to bajiro yiyumi. ²⁹ To bajiro yigu ĩ ñajare, ĩ ĩaro rĩjoro, “Masa ĩna rucubũogu, ñamasugũ ñari, mu macu ĩ bajirere ajicōari, ‘Riojo gotiaja’ yicaju yu”, ĩre yirocu magũmi. ³⁰ To bajiri Dios suorine Jesucristo ĩ bajirere ajicōari, ĩ yarã ñaja mua. To bajiri, Dios ocare ñamasusere masirã ñaja mua. Rojose mua yisere ĩ masiriojama, Cristo ĩ rijabosare suorine, “Rojose mana ñaama” Dios ĩ yĩavariquēnarã ñaja mua. ³¹ Dios macu suorine to bajiro mua bajise ñajare, ado bajiro gotiaja Dios ocare masa ĩna ucamasire: “‘Ñamasurã ñaja yuā’ yituoĩamenane, ‘Manire quēnaro yiyumi Cristo. ĩjua ñaami ñamasugũ’ yivariquēnaroti ñaja”, yigotiaja Dios ocare masa ĩna ucamasire.

2

“Masigũ ñaja yu” masa ĩna ĩaro rĩjorojua, yibecune, Cristo ĩ bajirere Pablo ĩ gotimasiore queti

¹ Dios oca masa ĩna masibetirere muare yu gotimasioatire tuoĩaña mua, yu mairã. “‘Masigũ ñaami’ yure yĩato ĩna” yigu me, muare goticaju yu. ² “Yucátēroju Jesucristo ĩ rijabosare rĩne ĩnare gotirucuja” yituoĩagũ ñari, to bajiro muare goticaju. ³ Mua tu ejagu, gotimasiobetirocure bajiro muare bojonecaju yu. To bajiro bajigu ñari, nanacaju yu. ⁴ Cristo ĩ bajirere muare yu gotigudijama, “Masirã ñaja yuā” yirã ĩna yirore bajiro me muare goticaju yu. “‘Pablo quēnaro ĩ gotijare, Cristore ajitirũnaja yuā’ yato” yigu me, muare goticaju. Muare yu gotimasiore, Esp'iritu Santo ĩ masise rãca ĩ ejarēmojare, “Riojo gotiami Pablo”, yure yiajitirũnucaju mua. ⁵ To bajiri, masa ĩna

masise rāca me ajimasicōari, Cristore ajitirānucaju m̄ua. Dios ĩ masise m̄uare ĩ cōajare, Jesucristore ajitirānucaju m̄ua.

“Esp’iritu Santo ĩ ejarēmose rāca Diore masire ñaja”, Pablo ĩ yire queti

⁶ Jesucristo ocare quēnaro ajitirānūrā ĩna ñajama, yua gotimasirotire Dios ĩ cōajare, josabucase ĩnare gotimasiōrūgūaja yua. Yua gotimasiose, adigodoana, masirā, to yicōari, ujarā ĩna masise me ñaja. ĩna masiboase rācane ĩna rijato, yayicoarucaroja tijuama. ⁷ Yua gotimasiosejuama, Dios ye, ĩ masise, ĩ cōase ñaja. Ti oca, masa ĩna masibeticati ti ñaboajaquēne, adi macarucuro ĩ rujeoroto rījorojuṇe, “Masare quēnaro yirucuja” ĩ yimasire ñaja. ⁸ Adigodoana ujarā tire ajimasirā manicama. Tire ĩna ajimasijama, manī uju Cristo quēnamasugūre, “Yucútēroju ĩre jajutu sīacōañā”, yibetiboriarāma ĩna. ⁹ To bajirone gotiaja Dios ocare masa ĩna ucamasire:

“Dios, ĩre mairāre, ‘Quēnase ĩnare ujoꝛucuja’ yi goti rījoro yiyumi. Masa ĩna ĩabetirūgūre, ĩna ajiĩabetirūgūre, to yicōari ĩna tuoĩabujabetirūgūre quēne ñaja”, yigotiaja Dios oca masa ĩna ucamasire.

¹⁰ Yucurema, manī masibetirūgūrere Esp’iritu Santo ĩ ejarēmose suorine Dios ĩ ujosere masiaja manī. Ñajediro masiami Esp’iritu Santo. Dios ĩ tuoĩasere quēne masigū ñaami.

¹¹ Gājerā ĩna tuoĩasere, “To bajiro tuoĩama”, yimasiña maja. Mani masu manī tuoĩase rīne masire ñaja. To bajirone bajaiaja, Dios ĩ tuoĩase quēne. Mani masibetiboajaquēne, Esp’iritu Santo sigūne masiami, Dios ĩ tuoĩasere. ¹² To bajiboarine, adigodoana Diore masimena ĩna tuoĩase ũni mere manire cōañumi Dios. Esp’iritu Santojuare manire cōañumi, manire ĩ ujosere quēnaro manī ajimasiorotire yigu. ¹³ To bajiri yua gotimasiojama, gājerā yuare ĩna gotimasiore mere gotimasiōrūgūaja. Esp’iritu Santo yuare ĩ ejarēmojare, quēnaro gotimasiōrūgūaja yua.

¹⁴ Esp’iritu Santore cuomena, ĩ ejarēmose rāca yua gotimasiosere ajicōarā ñaboarine, ajimasimena ñari, “Tuoĩamasimena ye ñaja”, yicōama. To bajiro ĩna yiboajaquēne, Esp’iritu Santo suorine Dios yere quēnaro ajimasire ñaja. Esp’iritu Santore cuomena, ĩ ocare ajimasimenama. ¹⁵ Esp’iritu Santore cuorājuama, masa ĩna yise jedirore ĩacōari, “Quēnaro yama. Rojose yirā yama”, yimasiama. To bajiro yirā ĩna ñajare, Esp’iritu Santore cuomenajuama, ĩna yisere ĩacōari, “Socarā yama”, ĩnare yimasibeamā. ¹⁶ Dios oca masa ĩna ucamasire ado bajiro ti gotijare, “Esp’iritu Santore cuorā ĩna yisere ĩacōari, ‘Socarā yama’ ĩnare yimasibeamā Esp’iritu Santore cuomena”, m̄uare yaja yu: “Mani uju, ĩ tuoĩasere masigū magūmi. ĩre gotimasiogū magūmi”, yigotiaja Dios oca masa ĩna ucamasire. To bajiro

ti gotiboaajaquēne, Esp'iritu Santo suorine Cristo ĩ tuoĩarore bajiro tuoĩarã ñaja mani.

3

“Dios ĩ bojasere yirã ñaja yua”, Pablo ĩ yire queti

¹ Mña tujñ ñacudigñ, Esp'iritu Santo ĩ bojarore bajiro yirãre yñ gotimasiocatore bajiro mñare gotimasiobeticajñ yñ. Cristore ajitirũnũsorã mña ñajare, Diore tuoĩabeticõari ĩna masune ĩna bojarore bajiro yirãre yñ gotimasiocatore bajiro mñare gotimasiocajñ yñ. ²⁻³ Cristo ĩ gotimasiorere, josari me busane ajimasirere mñare gotimasiorũgũcajñ. “Yñ gotimasiosũosere ajimasibeticõa ñaama” yigñ, josasere mñare gotimasiobeticajñ. Yucñ quēne to bajirone bajicõa ñarãja mña maji. Beroaye mñare gotimasioroti ti ñaboajaquēne, mñare yñ gotimasioboacatirene tudigoticõaroti ñaroja. Mña masune mña bojarore bajiro mña yicõa ñajare, to bajiro yaja yñ. Gãjerã ĩna bajisere ĩacõari, “Yña rētoro quēnaro ñaama” yĩajũnisini, ñagõjai, bajiñarãja mña. To bajiro mña bajiñajama, Esp'iritu Santore cñomenare bajiro mña masune mña bojarore bajiro yicõa ñarãja. ⁴ Ado bajiro yirã mña ñajare, to bajiro yaja yñ: “Sĩgũri, ‘Pablore ajisuyarã ñaja yua’, gãjerãjuama, ‘Apolore ajisuyarã ñaja yuama’ yirũgũama” ĩna yisere ajiaja yñ.

⁵ Apolos, ñamasugũ me ñaami. Yñ quēne, ñamasugũ me ñaja. Diojña ñaami ñamasugũma. ĩre moabosarimasa ñaja yua. Tocãrãcũne, mani cñu, yñare ĩ moaroticõariarore bajirone moaja yua. Yña gotimasiore suorine Cristore ajitirũnũsoyujã mña. ⁶ Yñ, mñare Cristo ocare gotimasiosũocajñ. Yñ gotimasioro bero, butobusa mñare gotimasiorẽmoñumi Apolos. To bajiro yña yisere ejarẽmoami, Dios “Butobusa Cristore ajitirũnũato” yigñ. ⁷ To bajiri Cristo ĩ bajirere gotimasiosũorã, ĩna bero tire gotirẽmorã quēne, ñamasurã me ñaja yua. Diojña, ñaami ñamasugũma, “Yñ macũre ajitirũnũcõari, butobusa ajitirũnũrũtuajaro ĩna” yigñma. ⁸⁻⁹ Gotimasiosũorã, gotimasiorẽmorã, cojoro cõro ñacõaja yua, Diore moabosarã. Tocãrãcũre ĩre ĩna moabosase vaja, vaja yirũcũmi Dios. Mña ñaja Dios ĩ ĩatirũnũrã, yñare ĩ moaroticõarijũre bajiro bajirã. To bajicõari, Dios ĩ quēnorivire bajiro bajiaja mña. ¹⁰ Yñjua, ti vire buasũogũre bajiro bajigñ ñaja. Dios, yure ĩ yirẽmojare, ĩ oca ñamasusere quēnaro mñare gotimasiosũocajñ yñ. Yñ gotimasioro bero gotimasiorã, yure buarẽmorãre bajiro yirã ñaama. To bajiri, quēnaro riojo Dios ocare ĩnare gotimasioroti ñaja. ¹¹ Ado bajise mñare gotimasiocajñ yñ: “Jesucristo manire ĩ rijabosare ñajare, rojose mana, Dios ĩ ĩavariquēnarã ñaja mani”, yigoticajñ yñ. Ti oca ñaja ñamasuse. Gãjerã ricati ĩna gotimasiojama, Dios ye mere

gotimasiōrā yirāma. ¹²⁻¹³ Sīgāri, Dios ocare ĩna gotimasiōjama, quēnaro riojo gotirāma. Gājerāma, quēnaro riojo gotimasiōmenama. Tocārācurene gotimasiōrimasare, “Quēnaro gotiyuma. Quēnaro gotimasibesuma”, yimasiruarāja mani, masa jedirore Dios ĩ ĩabeserīmujū. To bajiri, ĩna gotimasiōrere, “Quēnase ĩaja” yimasirū, jeamejū tire soēlagūre bajiro yirūcūmi Cristo. ĩna gotimasiōre quēnase ti ĩajama, ũabetoja. Quēnabeti ti ĩajama, ũajedicoarūaroja. ¹⁴ Quēnase ĩari, ti ũabetijama, vaja yirūcūmi Cristo. ¹⁵ Rojose ĩari, ti ũajedicoajama, rojose tāmūoruarāma quēnaro yibetiriārā. Rojose tāmūoroti ti ĩaboajaquēne, rojose tāmūotūjabetiriarojū ĩnare cōabetirūcūmi Cristo, ĩre ajitirūnūrā ĩna ĩajare. Vi ti ũaro rudi budirāre bajiro bajiruarāma.

¹⁶ ĩ “Esp’iritu Santore cūrā ĩaja mani”, yimasibeatigue mūa? ¹⁷ Dios yarā ĩaja mūa. To bajiro bajirā mūa ĩajare, gājerā rojose mūare ĩna ũmato yijama, ũmato yirājūare buto rojose ĩnare yirūcūmi Dios.

¹⁸ Mūa masune socabesa. Adigodoaye rīne tūoīarā, “Masirā ĩaja yūa” ĩna yitūoīarore bajiro mūa yijama, mūa masune socarā yirāja. “ĩamasurā me, masirā me ĩaja”, yitūoīaroti ĩaja mūare. To bajiro mūa yijama, ĩamasurā ĩnaruarāja mūa. ¹⁹ Dios ĩ ĩajama, ĩre ajitirūnūmena ĩna tūoīase, tūoīamasimena ye ĩaja. Dios ocare masa ĩna ucamasire ado bajiro ti gotijare, to bajiro bajaia: “ ‘Dios oca socase ĩaja’ yitūoīarā ĩari, ‘Yūa masise rāca ado bajiro yiruarāja’ yitūoīaboarāre matarūgūgūmi Dios, ‘Masimena ĩaboarine, to bajiro tūoīañuja mani’ yimasiato” yigū. ²⁰ Quēna gajejū ado bajiro gotiaja Dios ocare masa ĩna ucamasire: “Yūre ajitirūnūmena, ‘ ‘Masirā ĩaja yūa’ ĩna yitūoīaboase, vaja maja’ yimasigūmi Dios”, yigotiaja Dios ocare masa ĩna ucamasire. ²¹⁻²² To bajiri, “Mūare gotimasiōrimasū rētoro yimasigū ĩaami yūare gotigū”, mūa rācanare yivarīquēnabesa. No yirā to bajise yimenaja. Yū, Pablo, Apolos, to yicōari, Pedro, yūa jediro, mūare moabosarimasare bajiro mūare ejarēmōrā, mūare gotimasiōaja yūa. Adigodoaye jediro mūare cūbosayumi Dios. Tire masicōari, ĩ ocare ajitirūnūrā quēnaro ĩaja mūa. To bajiri, mūa rijato bero quēne, Dios tūjū quēnaro ĩarūgūruarāja. ²³ Dios macū yarā mūa ĩajare, jediro mūa ye rīne ĩacōaja.

4

Jesucristo ocare gotimasiōrimasa ĩna bajire queti

¹ Mūare gotimasiōrimasare: “Cristore moabosarimasā ĩaama”, yūare yiya mūa. ĩ oca masa ĩna masibeticatire yūare gotimasiōroticōacami Dios. ² Moabosarimasā mani ĩacōa ĩnarūajama, ĩna rotirore bajirone cūdirūgūroti ĩaja. ĩna

bojarore bajiro ĩna yijama, ĩnare rotigũjua, quẽnaro ĩnare ĩavariquẽnagũmi. ³ Yũjũarema, “Cristo ĩ bojarore bajiro quẽnaro moagũ ĩnaami Pablo” mũa yijama, mũa yibetijaquẽne, no yibeaja yũrema. Masa ƚjarã quẽne, “Cristo ĩ bojarore bajiro quẽnaro moagũ ĩnaami Pablo” ĩna yijama, ĩna yibetijaquẽne, no yibeaja. Yũ masune, “ƚCristo ĩ bojarore bajiro quẽnaro moati yũ, moamasibeatique yũ?”, yitũoĩabeaja yũ. ⁴ No yigũ to bajise tũoĩabecũja. Cristore quẽnaro moabosadicajũ. To bajiro yũ yiboajaquẽne, “Cristo ĩ bojarore bajiro quẽnaro moacami Pablo” yire ũni me ĩaja ti. Mani ƚjũ Cristo ĩnaami, “Yũ bojarore bajiro quẽnaro moacami. Quẽnaro moabeticami” yimasirocũma. ⁵ To bajiro yirocũ ĩ ĩajare, Cristo ĩ tudiejaroto rĩjoro, “Āni quẽnaro moaami. ĩjũ, quẽnaro moabeami”, yũare yibetiroti ĩaja mũare. Masa ĩna ajibeto, mani yisere, mani tũoĩasere quẽne, ĩ tudiejarirũmũ, “Ajjedicõato masa” yigũ, manire gotirotirũcũmi. To cõrone mani yirere ĩabesejeomasiruarãja mani. Quẽnaro yiriarãre, “Quẽnaro yicajũ mũa”, ĩnare yirũcũmi Dios.

⁶ “Dios oca mũare gotimasiorimasare ado bajiro tũoĩaroti ĩaja’ yimasiato ĩna” yigũ, Apolos ĩ bajisere, to yicõari, yũ bajisere mũare gotibũ yũ. “Yũa bajisere tũoĩacõari, Dios ocare masa ĩna ucamasire ti gotirore bajiro tũoĩato ĩna quẽne” yigũ, to bajiro mũare yibũ yũ, ado bajiro tũoĩarã mũa ĩajare: “Yũare gotimasiogũjua, mũare gotimasiogũ rẽtoro masigũ ĩnaami”, yaja mũa. To bajiro yibetiroti ĩaja. ⁷ “Yũare gotimasiogũjua, mũare gotimasiogũ rẽtoro masigũ ĩnaami” mũa yijama, “Gãjerã rẽtoro masirã ĩari, bũtobũsa masigũre besemasiaja yũa” yirã yirãja. “To bajiro yirã ĩato” yigũ me mũa masirotire ƚjoyumi Dios. Jediro mũa masise Dios ĩ ƚjore ĩaja. To bajiri, Dios ĩ ƚjore ti ĩaboajaquẽne, ƚmũa masune tũoĩacõari, “Masirã ĩaja yũa” yirãre bajiro yati mũa? Tire yibeticõaĩa.

⁸ ƚjarãre bajiro tũoĩarũgũaja mũa. To bajiro tũoĩarã ĩari, “ĩna gotimasiosere bojabeaja. Masimena ĩnaama”, yũare yĩĩaja mũa. Dios yere quẽnaro masirã mũa ĩajama, yũa quẽne, mũa masisere ajitirũnũborãja. ⁹ To bajiri, “Dios yarã ĩ ĩamaimena ĩ cũriarãre bajiro bajaiaja”, yitũoĩaja yũa. “Vaja mana ĩaja mũa. Mũa sĩa ecosere ĩaruarãja” masa ĩna yirãre bajiro bajaiaja yũa. “ ‘Adi macarũcũroana, õ vecana ángel mesa quẽne, Cristore ajitirũnũrã rojose ĩna tãmũosere ĩna ĩarũajama, ĩnare ĩato’ yigũ, yũare cũĩumi Dios”, yitũoĩaja yũa. ¹⁰ Cristo ĩ bojasere yirã yũa ĩajare, “Tũoĩamasimena ĩnaama”, yũare yama masa. To bajiro yũare yiboarine, mũajũarema, masirãre bajiro mũare ĩama. “Dios ĩ ejarẽmobetijama, ĩ ocare quẽnaro gotimasimenaja mani”, yitũoĩarã ĩaja yũa. To bajiro yirã yũa ĩaboajaquẽne, “Dios oca quẽnaro masiaja yũa”, yirũgũaja mũa. Gãjerã ĩna

rũcũbuorã mũa ñaboajaquẽne, yũarema rũcũbuobetirũgũama masa. ¹¹ Tirũmũju yũa bajicatore bajirone bajicõa ñarũgũaja yũa, adirodorire quẽne: Bũto ñiorija, oco idirũaboa, sudi mani, masa quẽne rojose yũare yirũgũama. Yũa ñarotivi quẽne, maja yũare. ¹² Dios ocare gotirã ñaboarine, yũa masune bũto josari moarũgũaja yũa, yũa ñase vaja, yũa base vaja, vaja yirũarã. Gãjerã yũare ña ajatud'iboajaquẽne, “Quẽnaro mũare yato Dios”, ñare yicũdirũgũaja yũa. Rojose yũare ña yiboa-jaquẽne, ñare gãmebetirũgũaja. ¹³ Yũare ña tud'iboajaquẽne, quẽnasejũare tũoĩacõari, ñare gotirũgũaja yũa. Tirũmũju yũare ña ñatecatore bajirone ñatecõa ñarũgũama.

¹⁴ “Yũ ucacõasere ñacõari, ajibojoneato” yigũ me, adi quetire mũare ucacõaja yũ. Yũ mairã, yũ rĩare gotimasioğũre bajiro mũare gotiaja yũ, “Quẽnaro riojo masiato ña” yigũ. ¹⁵ Cristo ñ bajirere mũare gotimasiorã, diez mil ñarã ña ñaboajaquẽne, yũ sũgũne ñaja, mũare gotimasiosũocacũ. Yũ gotimasiosere ajicõari Jesucristore ajitirũnũsũocajũ mũa. To bajiri mũa jacũre bajiro bajiaja yũma. ¹⁶ To bajiro yũ bajijare, yũ yirũgũcatore bajiro mũa yijama, quẽnaroja.

¹⁷ To bajiro mũa bajirotire bojagũ ñari, Timoteore, mũare ejarẽmorocũre, mũare cõaja yũ. “Cristore ajitirũnũgũ ñari, ado bajiro bajirũgũami Pablo”, mũare yigotirũcũmi, Jesucristore ajitirũnũrã jedirore yũ gotimasioçatire. Yũ macũ, yũ maigũre bajiro bajigũ mani uju ñ bojasere yigũ ñaami Timoteo. ¹⁸ “Jũaji ejabecũmi Pablo” yitũoĩarã ñari, sũgũri mũa rãca “Ñamasurã ñaja yũa”, gãmerã yivariquẽnarãja mũa. ¹⁹ “Yũ varotire Dios ñ bojjama, yoaro mene mũare ñagũ varũcũja”, yitũoĩaja yũ. Mũa tũ ejacõari, to bajiro gãmerã mũa yĩnasere masirũcũja yũ. Dios ñ ejarẽmose rãca mũa yijama, mũa rãca bũtobũsa Cristore mũa ajitirũnũsere quẽne ñamasirũcũja. ²⁰ Ado bajise ti bajijare, to bajiro yaja yũ: Dios yarã me ñaama socarãne, “Diore ajirã ñaja yũa” yigotiboarine, ñ bojarore bajiro yimena. Ñ yarã ñaama ñ ejarẽmose rãca ñ bojarore bajiro yirã. ²¹ To bajiri mũa tũ ejacõari, ¿no bajiro mũare yũ yirotire bojati? Rojose mũa yisere mũa yitũjabetijama, tutuaro mũare gotirũcũja yũ. Tire mũa yitũjjama, mũare yũ maisere quẽnaro mũare gotirũcũja yũ.

5

Ñ jacũ manajore ajerio cũtigũre Pablo ñ burocarotire queti

¹ Gaje vãme mũare gotirũaja yũ. Sũgũ mũa rãcagũ ñ jacũ manajore ñ ajerio cũtisere ajibũ yũ. To bajiro ñ yijama, bũto rojose yigũ yiyumi. Gãjerãjũama, Diore ajimena ñaboarine, ti ñnũre yimenama ña. ² To bajiro yirã ñaboarine, “Dios oca masirã ñaja yũa”, yivariquẽnarãja mũa. Mũa rãcagũ rojose ñ

yisere ĩasutiriticōari, ĩre burocaroti ñaboayuja ti. ³⁻⁴ Mña rāca ñabetiboarine, mña rāca ñagūre bajiro tuoĳaja yu. Mani uju Jesucristo ĩ ejarēmose rāca, “Ado bajiro ĩre yiroti ñaja”, yimasijaja yu, ĩ jacu manajore ajerio cutigure. To bajiri mña rējaroju, mña rāca ñabetiboarine, yu tuoĳasejuma mña rāca ñarucuja yu. To bajicōari, mani uju Jesucristo quēne, mña rāca ñarucumi, mñare ejarēmogū. ⁵ ĩ jacu manajore ajerio cutigure, “Satanás ĩ bojarore bajiro rojose ĩre yato” yirā, ĩre burocaya. “Rojose tāmugū ñari, ĩ jacu manajore ajerio cutibeticōari, Dios ĩ bojarore bajirojua yato” yirā, to bajiro ĩre yiruārāja mña. Tire ĩ yitujajama, mani uju Cristo, masare ĩ ĩabeserimū ti ejaro, rojose yir'i ĩ ñaboajaquēne, rojose tāmūotujabetiriaroju ĩ vaborotire ĩre yirētobosarucumi.

⁶ Mña rācagu rojose ĩ yīñaboajaquēne, “Dios oca masirā ñaja yua” mña yivariquēnase quēnabeaja. Tire bajiro bajiaja pan ũmato vauvase. Mojoroaca vūore ti ñaboajaquēne, vauvajediaja ti. Tire bajirone bajiaja rojose mani yise. Mani rācagu, rojose ĩ yicōa ñajama, ĩ yisere ĩacōari, mani jediro rojose yijedicoanaja. ⁷ Jud'io masa, Pascua boserūmuri quēnorā, pan ũmato vauvasere ĩna reajeorore bajiro rojose mña yisere reajeocōaña mña. “Jediro rojose mña yise yitujacōaña” yigu yaja yu. “Rojose mana ñato mani” yirā, to bajiro yiya mña. Oveja macure bajiro masare Jesucristo ĩ rijabosare suorine rojose mani yise vaja manire ĩ vaja yijeobosare ñajare, to bajiro yiroti ñaja. ⁸ “Rojose mani tāmūoborotire manire yirētobosayumi” yirā, “Yiruārāja” mña yituoĳarore bajirone quēnase rīne yiroti ñaja.

⁹ Tirūmaju papera mñare cōagū, ado bajiro gotiboacaju yu: “Gāmerā ajeriarā cutirā rāca ñabesa”, mñare yuicaboacaju yu. ¹⁰ To bajiro yu yijama, “Cristore ajitirūnūmena rāca ñabesa” yigu me yicaju yu. Adigodojore jājarā ñarāma: Manajo mana, manaju mana, manaju cutirā, manajo cutirā quēne, gājerā rāca ajeriarā cutirā ñarāma. To yicōari, jairo gajeyeūni suorā ñaboarine, jaiabusaro bojarēmora ñarāma. Juarudirimasa ñarāma. “Ado bajirā ñarāma” ĩna masune yiquēnorujeocōari, rūcubūora quēne ñarāma. Cristore ajitirūnūmenajua jājarā ĩna ñajare, ĩnare tuoĳacōari, “Rudiya” mñare yu yiboajama, no bajiro yicōari, rudimasimenaja mña. Rijana rīne ñarāma rudirāre bajiro bajirāma. ¹¹ Mñare yu ucacōacatire, “Quēnaro ajimasiato” yigu, ado bajise mñare papera ucacōaja yu quēna: “Ado bajiro bajirāma” yituoĳagū, “ĩna rāca ñabesa”, mñare yuucacōacaju: “Cristore ajitirūnūnrā ñaja yua” yiboarine, gāmerā ajeriarā cutirā ñarāma. To yicōari, jairo gajeyeūni suorā ñaboarine, quēna gajeye bojarēmora ñarāma. Socarāne gājerāre, “Rojose yima”, yigotirimasa ñarāma. “Ado bajirā ñarāma” ĩna

masune yiquēnorujeocōari, rŭcubuoṛā ñarāma. Idimecuarā, to yicōari, juarudirimasa quēne ñarāma. “Īna ūna rāca ñabesa” yu yiucajama, ĩna rāca mŭa babetirotire quēne tuoŭagū yaja. 12-13 Cristore ajitirŭnumena ĩna yisere ĩacōari, “Adi quēnase ñaja; tijua rojose ñaja”, yibeseroti me ñaja manire. Dios sĭgūne ñaami to bajise yirocŭma. Cristore ajitirŭnurā ñaboarine, rojose ĩna yisere ĩacōari, “Tire yitujacōato” yirā, rojose ĩnare yiroti ñaja. To bajiri Dios ocare masa ĩna ucamasire ti gotirote bajiro yiya mŭa. Ado bajiro gotiaja: “Mŭa rācagu rojose yigure ‘Yua rāca ñabesa’ ĩre yicōaña”, yigotiaja Dios oca.

6

“Cristore ajitirŭnurā rĭne, rojose gāmerā mŭa yijama, ĩre ajitirŭnumena tujŭ vamenane, mŭa masune oca quēnoroti ñaja”, yire queti

¹ Gajeye quēnabeti mŭa yisere mŭare gotirŭaja yu. Cristore ajitirŭnurā rĭne rojose mŭa gāmerā yijama, ¿no yirā oca quēnoruarā, Cristore ajitirŭnumena tujŭ vacōari, oca quēnorotirŭgūati mŭa? ¿No yirā Cristore ajitirŭnurā rĭne rējacōari, ĩnare oca quēnorotibēati mŭa? “To bajiro bajiaja”, ¿yibojonebēati mŭa, Cristore ajitirŭnumena tujua varuarā? ² “Dios yarā ñari, Cristore ajitirŭnumena rojose ĩna yisere ĩabeserona ñaja mani” yimasirā ñaboarine, ¿no yirā ñamasuse mere mŭa rojose gāmerā yisere oca quēnomasibēati mŭa? Mŭa masune oca quēnomasicōarāja. ³ Ángel mesa, vātia, ĩna yisere quēne ĩabeserona ñari, adigodo mŭa yiñasere roque rētoro ĩabesemasirāja mŭa. ⁴ ĩna yisere ĩabeserona ñaboarine, rojose gāmerā mŭa yisere, Cristore masimenare oca quēnorotirā varŭgūaja mŭa. ⁵ “¿To bajiro yirŭgūñujari mani?” mŭa yimasirotire yigu, to bajiro mŭare gotiaja yu. Tire masicōari, Cristore ajitirŭnumenare oca quēnorotibetiruarāja mŭa yuja. “Masirā ñaja yua” yirā ñaboarine, Cristore ajitirŭnumena tujŭ mŭa oca quēnorotirā vajama, “Rojose mani gāmerā yisere mani rācagu oca quēnorimasu magūmi” yirāre bajiro yaja mŭa. ⁶ To bajiri ado bajiro bajiaja mŭa: Cojo masare bajiro bajirā ñaboarine, rojose gāmerā yaja mŭa. To bajiro mŭa yise quēnabeti ñaja. To yicōari, mŭa masune oca quēnomenane, Cristore ajitirŭnumenajure mŭa oca quēnorotirā vase ñaja rētoḃusaro quēnabeti.

⁷ Mŭa masune rojose mŭa gāmerā yijare, quēnabeaja. Gājerā tujŭ ĩnare oca quēnorotirā vamenane, ado bajirojua mŭa yijama, quēnaboroja: Gāji rojose mŭare ĩ yisere gāmemenane, “Yuaire yitocōari, yua ye ñaboasere mŭ ēmase tone bajicōato. Mŭre masirioaja yua” ĩre mŭa yijama, gājerā tujŭ mŭa vase rētoro quēnaroja. ⁸ To bajiro ūmato bajiroti ūnirēne, ĩmŭajane

ñaja rojose yisurāma! ¡Muane ñaja gājerā Cristore ajitirūnrāre, mua mairona ñaboarāre yitocōari, ña yere ēmarā!

⁹To bajiro rojose mua yisere, “Rojose me ñaja” mua yituoīase socase ñaja. To bajiri, to cōrone mua yirūgūsere yitujacōaña. “Rojose yirāma, Dios tujū ejarona me ñaama”, yimasiaja mua. Rojose yirāma, ado bajiro yirā ñarāma: Manajo cutirā, manaju cutirā, manajo mana, manaju mana quēne, gājerā rāca ajeriarā cutirā ñarāma. “Ado bajirā ñarāma” yiquēnorujeocōari, rucuburōā ñarāma. ¹⁰Juarudirimasa ñarāma. Jairo gajeyeūni curōā ñaboarine, quēna gajeye bojarēmōrā ñarāma. Idimecurā ñarāma. Socarāne, “Ado bajise rojose yima”, yigotirimasa ñarāma. Gājerāre yitocōari, ña cūboasere ēmarā ñarāma. “Īna ūnama, Dios tujū ejarona me ñaama”, yimasirāja mua. ¹¹Mua quēne ñnare bajiro bajiyuja mua maji. Yucurema Jesucristo, to yicōari Esp'iritu Santo surine “Rojose mana ñaama yū yarā” Dios ĩ yīārā ñaja mua.

“Dios ĩ bojarore bajiro yiroti ñaja”, yire queti

¹²Ado bajiro yisere ajirūgūaja mua: “Mani bojarore bajiro yimasiaja”, yigotiaja. To bajiro yigotiboajaquēne, mani tuoīarore bajiro mani yijama, quēnabetoja. “Butobusa Dios ĩ bojarore bajiro yirā ñato mani” yirā, yibetiroti ñaja manire. “Tire mani yisejacōajama, ti rione manire yirūamacōroja” yirā ñari, yibeticōato mani. ¹³Gājerāma, ña ruju ti bojarore bajiro yiruarūgūrā ñari, ado bajiro yirūgūama: “Mani gudajoaju mani basāroti ñaja bare. To bajicōari, gudajoajua quēne bare basārotioja ñaja”, yirūgūama. To bajiro ña yise, socase me ñaja, bajirojuma. To bajiboarine, mani base, mani gudajoa quēne ñamasuse me ñaja. Cojorūmu tire reajeocōarucumi Dios. To bajiri, “Mani ruju quēne rōmia rāca ajeriarā cutiato” yiro me bajaiaja. Cristo ĩ bojasejure yirotiruju ñaja. To bajiri, Cristojua quēne, “Yū bojasere yirā ñaama” yigu, manire ejarēmogūmi. ¹⁴Mani ruju ti bajiyayiboajaquēne, mani wju Cristore ĩ catoriarore bajirone manire quēne ĩ masise rāca catorucumi Dios.

¹⁵Cristo yarā ñari, ĩre moabosarimasa ñaja mani. To bajiro bajirā ñaboarine, ĩrōmia, ūmuare ajeriarā cuticōari, vaja sēnirā rōmiri rāca ñarāti mua? ¡Ñabetiruarāja! ¹⁶“Īna rōmiri rāca mani ajeriarā cutijama, ñnare ajeriarā cutirā ñari, cojo rujuṇe, ruju cutirāre bajiro bajirā ñarāja mani”, yimasirāja mua, Dios ocare masa ña ucamasire ado bajiro ti gotijare: “Manajo cutijama, jurā ñaboarine, sīgū rujure bajiro ñaama, Dios ĩajama”, yigotiaja Dios ocare masa ña ucamasire. ¹⁷Manajo cutirere ti gotirore bajirone mani quēne, Cristore ajitirūnrā ñari, Cristo rāca cojo usune, usu cutirāre bajiro bajaiaja mani, Dios ĩ ĩajama.

¹⁸To bajiri Cristo yarā ñari, rōmia rāca ajeriarā cutirūaboarine, yibeticōaña mua. Gajeye rojose mua yisema,

quēnacōaroja. To bajiboarine, rōmia rāca m̄ua ajeriarā c̄tisejua űaja quēnabeti masu. ¹⁹ Esp'iritu Santore mani us̄urijare manire cōañumi Dios. To bajiri mani us̄uriju ĩ űajare, "Esp'iritu Santo ĩ űarivire bajiro bajiaja", yimasirāja m̄ua. To bajiri mani ruj̄u, mani masu ruj̄u me űaja. Dios ye űaja. ²⁰ "Ȳu yarā űato" yiḡu, Satanás yarā űaboarāre ĩ mac̄u ĩ rijare s̄uorine, "Ȳu yarā űaama", manire yiyumi Dios. To bajiri rōmia rāca ajeriarā c̄timenane, Dios ĩ bojarore bajiro r̄ine yiḡuarāja. To bajiro mani yijama, Diore r̄uc̄ub̄orā yiḡuarāja mani.

7

Īna manajo c̄tirotire ĩna sēniācōarere Pablo ĩ c̄udire queti

¹ Papera rāca ȳure m̄ua sēniācōarere m̄uare c̄udiaja ȳu. "Sīḡu manajo maḡū ĩ űacōajama, ¿quēnati?", ȳure m̄ua yisēniācōarere, "Quēnaja", yaja ȳu, tire. ² To bajiboarine, "Manajo mana, rōmia rāca ajeriarā c̄tire ĩna bojajama, manajo c̄tiroti űaja", yaja ȳu. Rōmia quēne, ĩna manaj̄u c̄tijama, quēnaja. ³ Manajo c̄ticōari, ĩ yiḡuaro cōro so c̄udijama, quēnaja. Ījua quēne, ĩ manajo so yiḡuaro cōro ĩ c̄udijama, quēnaja. ⁴ Manaj̄u c̄ticōari, "Ȳu bojarore bajiro ĩre yiḡuocoja ȳu", yibetir̄uc̄ocomo. So manaj̄u ĩ yiḡuore bajiro c̄dir̄uc̄ocomo. Ūm̄u quēne, manajo c̄ticōari, "Ȳu bojarore bajiro sore yiḡuc̄uja ȳu", yibetir̄uc̄umi. Ī manajo so yiḡuore bajiro c̄dir̄uc̄umi. ⁵ To bajiri, ĩna manajoa rāca ĩna yijama, "Yibesa", yibeticōato ĩna manajoaaja. Īna manajoaaja quēne, ĩna yiḡuajama, "Yibesa", yibeticōato ĩna manajua. To bajiboarine, "Diore r̄uc̄ub̄orā, yibeticōato mani maji" ĩna j̄uarājune ĩna yit̄uoĭajama, quēnaja. Diore r̄uc̄ub̄uo gajanocōari, ĩna yiḡuḡur̄iarore bajiro ĩna yijama, quēnaja. To bajiro ĩna yijama, "Gājerā rāca ajeriarā c̄tiya", yimasibetir̄uc̄umi v̄atia űj̄u, Satanás.

⁶ Adi jediro m̄uare ȳu gotise, m̄uare rotiḡu me yaja ȳu. "Ȳu gotirote bajirone m̄ua yijama, quēnaja" yiḡu, tire m̄uare gotiaja ȳu. ⁷ "Ȳure bajiro manajo mana m̄ua űajama, quēnaboroja", yit̄uoĭaja ȳuma. To bajiboarine sīḡure bajiro bajirā me űaja mani. Tocārāc̄ure ricati Dios ĩ masisere manire űjoyumi.

⁸ Manajo manare, manaj̄u manare, manaj̄u rijaveoriarāre quēne ado bajiro m̄uare gotiaja ȳu: Ȳure bajiro manajo mana, rōmia quēne manaj̄u mana m̄ua űacōajama, quēnaja. ⁹ To bajiboarine, manajo maḡū ĩ ajerio c̄tir̄uajama, manajo c̄tiato. To bajirone yato rōmia quēne. Ajeriarā c̄tire b̄uto ĩna t̄uoĭajama, manaj̄u c̄tiato.

¹⁰ Manaj̄u c̄tir̄āre, ado bajiro m̄uare gotiaja ȳu: M̄ua manaj̄uare reare maja. Ti űaja mani űj̄u ĩ rotire. Ȳu masu t̄uoĭacōari, yiḡu me yaja. ¹¹ So manaj̄ure so rocajama, gāji manaj̄u c̄tire maniḡaroja. So manaj̄u űar'i rāca so oca

quënojama, quënjaja. To bajirone bajijaja ãmure quëne. Í manajo cutijama, rocare maja.

¹² Mani ãmure í rotire me, yã masune tãoíacõari, ado bajise mure gotijaja, Cristore ajitirãnãbeco rãca manajo cutirãre: Mã manajo Cristore ajitirãnãbeco ñaboarine, mã rãca so ñacõa ñarãajama, sore rocabetiroti ñaja. ¹³ To bajirone gotijaja manajã cutirãre quëne. Mã manajã Cristore ajitirãnãmena ñaboarine, mã rãca ña ñacõa ñarãajama, ñare reabetiroti ñaja. ¹⁴ Ado bajiro ti bajijare, tire gotijaja yã: Mã manajã, Cristore ajitirãnãmena ñaboarine, mã rãmijã Cristore ajitirãnrã mã ñajare, í yarãre í ñamãiore bajiro ñare ñamãiami Dios. To bajirone bajijaja Cristore ajitirãnãmena rãmĩrire quëne. Cristore ajitirãnãmena ña ñaboajaquëne, mure ña manajã cutijare, í yarãre í ñamãiore bajiro ñare ñamãiami. To bajiro ti bajibetijama, mã rãre, Cristore ajitirãnãmenare bajiro ñare í ñaborotire í yarãre í ñamãiore bajiro mã rãre quëne ñare ñamãiami. ¹⁵ Cristore ajitirãnãgã manajo Cristore ajitirãnãbeco ñari, ñre so rocarãajama, rocacõato. To bajirone bajiato rãmĩjãre quëne. Cristore ajitirãnãbeco ñari, í manajore í rocarãajama, rocacõato. To bajiro ña yijama, quënacõaroja. Quënarõ mani ñase bojaami Dios. ¹⁶ Ado bajiro ti bajijare, to bajise mure gotibã yã: “Cristore ajitirãnãgõ yã ñajare, yã manajã yã rãca í ñacõa ñajama, Cristore ajitirãnãcoarãcãmĩ í quëne”, yimasimenaja mã. Ëmã quëne, “Cristore ajitirãnrã yã ñajare, yã manajõ yã rãca ña ñacõa ñajama, Cristore ajitirãnãcoarãrãma ña quëne”, yimasimenaja mã, ña bajirotire masimena ñari.

¹⁷ To bajiri Cristore ajitirãnãmena ña bojarore bajiro ña yicõa ñaboajaquëne, manijãrema Cristore mani ajitirãnãsorijãne ricati rãne mani ñarotire manire ãjoyumi Dios. To bajiro í yire ñajare, manire í cãmãiore bajirone mani ñacõa ñajama, quënjaja. To bajiro rãne gotirãgãjaja yã, tocãrãca macãriana Cristore ajitirãnrãre. ¹⁸ Tire yã gotijama, ado bajise tãoíacõari yaja: Cristore mã ajitirãnrõto rãmĩrojãne jud'io masa ñari, circuncisiõn yiecoriarã ñãñuja mã. To bajiri mã rãcana, “ ‘Jud'io masa ñaama’ yĩãroma” yĩã, circuncisiõn yiyamanare bajiro ñarãrãgãrãjaja mã. Tĩ ñnãre yibeticõãña mã. Mã ñãriarore bajiro ñacõãña. Gãjãrãma, Cristore mã ajitirãnrõto rãmĩrojãne, circuncisiõn yiecobetiriarã ñãñuja mã, jud'io masa me ñari. Mã rãcana, “Jud'io masare bajiro circuncisiõn mani yirotijama, quënarõja”, yitãõãrãma. “Tĩ ñnãre yibeticõato ña”, yaja yã. ¹⁹ Circuncisiõn yiecoriarã mani ñajama, mani ñabetijaquëne, no yibeaja. Dios í bojarore bajiro mani yisejã ñaja ñamasusema. ²⁰ To bajiri “Cristore mani ajitirãnãsorijãne tocãrãcãre Dios manire í cãmãiore bajirone

mani ñacõa ñajama, quënaja”, mware yaja yu. ²¹ Cristore mua ajitirũnũroto rĩjorojũne, gãjerãre moabosarimasa ñañuja mua. To bajiri adirũmũre quëne to bajirone mua moabosacõa ñajama, tũõiarejaibesa. To bajiboarine, mua ujarã, “Mua masune moamasirũarãja” mware ñna yijama, ñnare vaveocõari, mua masu mua bojarore bajiro moarũarãja mua. ²² Gãjerãre moabosarimasa ñna bojase rĩne yiriarã ñaboarine, Cristore mua ajitirũnũũorijũne, Satanás ĩ bojasere yitũjacõari, Dios yarãjua ñacoasuja mua. Gãjerãre moabosarimasa me ñariarã quëne, Cristore ñna ajitirũnũũoriajũne, Cristo yarã ĩ bojasejũare yirã ñacoasuma ñna. ²³ “Yu yarã ñato” yigu, Satanás yarã mua ñaboarone, ĩ macũ ĩ rijare sũorine, “Yu yarã ñaama”, mware yiyumi Dios. To bajiri gãjerã, Dios ĩ bojabetire mware ñna yirotsere ñnare cũdibetiroti ñaja. ²⁴ To bajiri Cristore mani ajitirũnũũorijũne Dios manire ĩ cũrere mani yicõa ñajama, quënaja.

²⁵ Gajeye, manajũ mana, manajo mana mua sēniĩacõarere mware cũdiaja yu. Mani uju yure ĩ yirotsere me ñaja ti. Yu masune tũõiacõari, mware gotigu yaja. Mani uju, yure ĩamaicõari, yure ejarẽmorũgũami, “Quënarõ riojo tũõĩagũ ñato” yigu. To bajiro yure ĩ yijare, yure mua ajitirũnũajama, quënaja. ²⁶ Cristore ajitirũnũrã ñari, bũto rojose yiecorã ñaja mani. To bajiri, ado bajiro ñaroti ñaja: Manajo mana, to yicõari manajũ mana, mua ñacõajama, quënaja. ²⁷ Manajoa cõtirã, manajũ cõtirã quëne, gãmerã reabesa. Manajo mana quëne, manajo macabesa. Manajũ mana quëne, manajũ macabesa. ²⁸ To bajiro yu gotisere ajiboarine, ĩ manajo cõtijama, to yicõari rõmio quëne, so manajũ cõtijama, rojose yirã me yirãma ñna. To bajiboarine manajoa cõtĩcõari, rojose ñna tãmũojama, bũtobũsa josari ñarũaroja ñnare. Tire, bũtobũsa rojose ñna tãmũosere bojabesu ñari, “Manajũ mana, to yicõari manajo mana mua ñacõajama, quënaja”, mware yibu yu.

²⁹ Quënarõ tũõĩaña yu mairã. Ado bajise yigu, “Mua ñariarore bajirone mua ñacõajama, quënarõja”, mware yibu yu: Cristo ĩ ejarotirũmũ cõĩnarõ masu bajaiaja. To bajiri manajo cõtirã, rõmia manajua cõtirã quëne, manajo mana mua ñariarore bajirone ñacõari, Cristo ĩ bojasejũare yĩnarũgũroti ñaja mware. ³⁰ Sũtiritirã, mua sũtiritisere bũto tũõĩabesa. Variquënarã quëne, mua variquënasere tũõĩabesa. Gajeyeũni bũjarã quëne, mua cũosere tũõĩabesa. “Adigodoju yoaro meaca catirũarãja mani” yitũõĩarã ñari, to bajiro bajiya. ³¹ Adigodoaye yoaro me jediroti ti ñajare, bũto tire tũõĩabesa. Ñamasuse me ñaja ti. Tire mua tũõĩajama, Cristo ĩ bojasejũare quënarõ yimasimenaja mua.

³² Adigodoayere bũto mua tũõĩasere bojabeaja yu. Man-

ajo magūma, Cristo ĩ bojasejuare buto tʉoĩagūmi, ñajediro ĩ yisere ĩ ĩavariquēnarotire bojagu ñari. ³³ To bajiboarine, manajo cutiguma, adigodoayere buto tʉoĩagūmi, ĩ manajo so variquēnarotire bojagu ñari. ³⁴ To bajiri Cristo ĩ bojasere tʉoĩa, to yicōari, ĩ manajo so bojasejuare quēne tʉoĩa, yigumi. Juu vāme tʉoĩare ñaroja ĩre. To bajicōari, manaju magōma, Cristo ĩ bojasejuare buto tʉoĩagōmo, ñajediro so yisere ĩ ĩavariquēnarotire bojago ñari. To bajiboarine, manaju cutigoma, adigodoayere buto tʉoĩagōmo, so manaju ĩ variquēnarotire bojago ñari.

³⁵ “Manajo cutiruhagu manajo cutibeticōato” yigu me, tire mʉare gotiaja yu. “Quēnaro tʉoĩacōari, manajo cutiato ĩna” yigu, tire gotiaja yu. Dios ĩ bojase rĩne mʉa yĩnasere bojaja yu.

³⁶ ĩ manajo cutiroco ñario rāca, sore buto bojagu ñari, manajo cutiato. To bajiro ĩ yijama, rojose yigu me yigumi. ³⁷ To bajiboarine, “Manajo cutibetirucuja” yiguma, manajo cutibeticōato. To bajiro bajigu ñari, gājerāre quēne, ĩ aje-riarā cutibetijama, quēnaja. ³⁸ To bajiri ĩ manajo cutiroco ñario rāca, manajo cutiguma, quēnaro yigu, yigumi. “Manajo cutibetirucuja” yigujama, ĩ rētoro quēnaro yigu, yigumi.

³⁹ Manaju cutigo, so manaju ĩ catiñaro cōro ĩ rāca ñacōa ñaroco ñaamo maji. ĩ rijato beroju, gājire, no so bojugare, mani ĩjire ajitirūnugāre, manaju cutirucocomo. ⁴⁰ To bajiboarine, “So manaju ĩ rijato bero, gājire so manaju cutibetijama, rētoro quēnaro ñagōmo”, yitʉoĩaja yu. Yu quēne, Esp'iritu Santore cuogu ñaja yu. To bajiri quēnaro tʉoĩacōari, to bajiro mʉare gotiaja.

8

“Jesúre ajitirūnugāre ĩnare yirobotiroti ñaja”, yire queti

¹ Quēna gajeye mʉare gotihagu yaja yu. Vaibucugāre sīacōari, “Ado bajirā ñarāma” yiquēnorujeoriarā tujure ĩnare rucuborā, mojoroaca vaibucu riire cūrūgūama. To yicōari, ruyasere barūgūama. To bajiri, ĩna yisere ĩacōari, “Socarā yama. ĩna rucubuoarā manama” yimasirā ñari, “Yu quēne, yu bajama, quēnacōaja”, yirāja mʉa. To bajiro mʉa yijama, gājerā, “Tire babetiroti ñaja manire” yitʉoĩaboarājuare ĩnare ĩamaimenane, “ĩna rētoro ñamasurā ñaja yu” yirāre bajiro yaja mʉa. To bajiro yimenane, ado bajiroju yiroti ñaja: “ĩnare ĩamaicōari, ĩnare ejarēmoroti ñaja, ‘Butobusa Diore ajitirūnato ĩna’ yirā”. ² Masijeobetiboarine, “Quēnaro masigū ñaja yu” sīgū ĩ yiboajama, ruyacōaroja ĩre, quēnaro riojo ĩ masiroti. ³ Diore ĩ maijama, ĩ bojarore bajiro yigu ĩ ñajare, “Quēnaro masigū ñaami”, ĩre yĩamasigūmi Dios.

4 Yirūcubuoḡarā ĩna quēnorujeose ñie vaja maja. “Dios sīgū ñaami, mani rūcubuoḡu. Gājerā ĩre bajiro bajirā manama”, yimasiaja mani. 5 Gājerā ĩna gotijama, “Jājarā ñarāma mani yirūcubuoḡā. Ō vecana, adigodoana quēne ñarāma”, yituoĭaboarāma. 6 To bajiro ĩna yiboajaquēne, “Dios sīgūne ñaami mani jacu”, yimasiaja mani. ĩne ñaami ñajediro, “Yu bojasere yato ĩna” yigu, manire rujeor'i. To bajicōari, Jesucristo sīgūne ñaami mani uju. Jesucristo suorine ñajediro rujeoyumi Dios. To bajiri ĩ sĭaecore suorine Dios yarā ñaja mani.

7 To bajiro yirā mani ñaboajaquēne, gājerā ñaama Cristore ajitirūnarā ñaboarine, mani tuoĭarore bajiro tuoĭamena. ĩna ñaama, Cristore ĩna ajitirūnuroto rĭjoroju, “Ado bajirā ñarāma” ĩna masune yiquēnorujeocōari, rūcubuoḡūgūriarā. To bajiro yirūgūriarā ñari, ado bajiro tuoĭarāma: “Vaibucurāre sĭacōari, ‘Ado bajirā ñarāma’ yiquēnorujeoriarā tujure ĩnare rūcubuoḡā, mojoroaca vaibucu riire ĩna cūsere mani bajama, rojose yirā yaja mani”, yituoĭarāma. 8 To bajiro ĩna yijama, riojo tuoĭarā me yama. Mani bajama, mani babetijaquēne, ñamasuse me ñaja, Dios ĩ ĩajama. “Tire mani babetijama, rētoḡusaro manire ĩvariquēnarucumi Dios”, yire maja. 9 “Mani base jediro quēnase rĭne ñacōaja” yirā ñaboarine, babetiruarāja mna. Gājerā Cristore ajitirūnarā, “ĩna basere mani bajama, ‘Rojose yirā yaja yna’ yituoĭacōari, rojose tāmuoḡujabetiriaroju vatoma ĩna” yirā, tire babetiruarāja mna. 10 To bajiro yu yijama, ado bajiro yigu yaja yu: “Babetiroti ñaja” gāji ĩ yisere mna baro ĩacōari, “Yu bajama, quēnabetoja” yituoĭaboarine, bagumi ĩ quēne. 11 Cristore ajitirūnarā ñaboarine, mna tuoĭarore bajiro tuoĭamenare quēne rijabosagu bajiyumi, “Yu rāca quēnaro ñato” yigu. To bajiri, “Mani base jediro quēnase rĭne ñacōaja” mna yise suorine mna mairona ñaboarā ĩna quēne ĩna bajama, “Rojose yirā yaja yna” yituoĭarā ñari, rojose tāmuoḡujabetiriaroju vanama. 12 Mna rācagu Cristore ajitirūnugū, “Babetiroti ñaja” ĩ yĭaboasere mna bajama, rojose ĩre yiroḡā yirāja mna. To bajiro mna yijama, ĩ sīgūrene rojose yirā me, yirāja mna. Cristore quēne rojose yirā yirāja. 13 To bajiri, “Vaibucu riĭ yu bajama, Cristore ajitirūnugūre rojose ĩre yiroḡare bajiro yiguja yu” yituoĭagū ñari, baĭobetiroti ñaja.

9

“Jesucristo ĩ cōar'i me ñaami Pablo” ĩna yirere Pablo ĩ cudire

1 Yu bojarore bajiro yimasigū ñaboarine, Jesucristo ĩ bojasejare yigu ñaja yu. Jesús, mani ujure ĩacacu ñaja yu. Gājerāre ĩ cōasuoĭarore bajiro yare quēne cōacami. Yare ĩ gotiroticōacati suorine ĩre ajitirūnarā ñaja mna. 2 “Jesucristo

ĩ cõar'i me ñaami Pablo" gãjerã ñna yiboajaquẽne, mũajũama, mũare yũ gotimasiosũocati sũorine Cristore ajitirũnarã ñari, "Jesucristo ĩ cõar'i ñaami", yiroti ñaja mũare.

3 "Jesucristo ĩ cõar'i me ñaami Pablo" yũre yirãre ado bajiro ñnare cũdiaja: 4 Yũ Pablo, to yicõari, Bernabé quẽne, Jesús ĩ cõacana ñaja yũ. To bajiri gãjerã Jesús ĩ bajirere gotimasiorãre ñna baroti, to yicõari, ñna idirotire mũa ĩsirũgũrore bajirone yũare quẽne ĩsiroti ñaja. 5 Pedro, ĩ rãcana quẽne Cristo ĩ gotiroticõariarã, to yicõari, mani mũa Jesús bederã quẽne, Jesũre ajitirũnarãre manajoa cũticõari, ñna rãca varũgũama. To bajiro ñna bajijare, ñna manajoare quẽnaro codebosarũgũaja mũa. To bajiri "Yũa quẽne, manajo cũticõari, vamasirãja", yitũoĩaja yũ. 6 Jesús ĩ bajirere gotimasiodirrimasa gajeye moare moamenane, "Quẽnaro yũare gotimasioato" yirã, ñnare mũa ejarẽmoriarore bajiro yimenane, "Ĩna masune moacõari, vaja yato ñna ñarotire", ¿yitũoĩati mũa, yũarema? 7 Surara mesa quẽne, ñna moare rĩne moarãma. "Ĩna moare ñna moajama, ñna ñaroti vaja ĩsiecorũarãma", yimasire ñaja. 8 Yũe oterimasũma, "Tire barũcũmi", yimasire ñaja. Cabrare coderimasũ quẽne, "Ĩna õjecoa idirũcũmi", yimasire ñaja. 8 To bajiri, "Mani moase sũorine quẽnase bũjaroti ñaja", yimasire ñaja. To bajiri, Dios ocare masa ñna ucamasire quẽne, tire bajiro gotiaja. 9-10 Ado bajiro gotiaja Moisés ñamasir'ire Dios ĩ roticũmasire: "Ta vecũ risere siabibebesa, trigo gasere ĩre mũa cũda jãnerotijama, ĩ quẽne bato' yirã", yigotiaja. To bajiro ĩ gotijama, ta vecũa rĩrene tũoĩagũ me yimasiñumi Dios. Mani jedirore tũoĩacõari, yigũ, yimasiñumi. Vese moarã, to yicõari, gãjerã ñna otere rica juarãre quẽne, "Mani moase sũorine quẽnase bũjarũarãja' yimasiato" yigũ, tire yimasiñumi Dios. 11 Jesús ĩ bajirere mũare gotimasiosũocajũ yũ, "To bajiro mani yise sũorine Cristore ajitirũnarũarãma sĩgũri" yirã. Mũare yũa gotimasiojama, ote ajere oterãre bajiro mũare yicajũ yũ. To bajiri yũa gotimasiodati sũorine Cristore ajitirũnarã ñari, yũa otecatiricare bajiro bajirã ñaja mũa. To bajiro bajirã mũa ñajare, yũa gotimasiodati vaja, mũare yũa sãnijama, ¿vaja yiroti me ñaboayujarique? 12 Gãjerã Cristo ĩ bajirere ñna gotimasiojare, ñnare vaja yirũgũrãja mũa. To bajiri, mũare gotimasiosũocanare roque, ¿ĩnare mũa ĩsiro rẽtoro yũare vaja yiroti me ñatique?

To bajiro yiroti ti ñaboajaquẽne, mũare vaja sãnibeticajũ yũ. Bũto josari yũa moarũgũcati ti ñaboajaquẽne, "Yũare ejarẽmoña", mũare yibeticajũ yũ, "Gãjoa bojarã, Jesús ĩ bajirere gotimasioama' manire yiroma" yirã. 13 Diore yirũcũbũoriavijũ ĩre rũcũbũorã, bare ñna cũsere ti vi moarimasa ñari, ñna baroto cõro juacõari, barũgũama. Tire masiaja mũa.

14 “Tire bajirone bajiruaroja yu ocare gotimasiodirimasare quēne. Īna gotimasiose vajane bacatiruarāma”, yiyumi mani ujy Cristo. 15 To bajiro ĩ yirere masigū űaboarine, muare vaja sēnibeticaju yu. Sēnibeticacu űari, “Yucaju yure vaja yiya” muare yuicagu me yaja yu. Buto űiorijagu űaboarine, muare bare sēnibecu rīne, rijacoarucuja yu. To bajiri, Jesucristo ĩ bajirere yu gotimasiodijama, vaja sēnibetirūgūaja. “‘Vaja taami Pablo’ gājerā ĩna yisere bojabecu űari, vaja sēnibeticaju”, yivariquēnaja yu.

16 Cristo ĩ bajirere gotimasio gū űari, “űamasugū űaja yu”, yituoĭabetirūgūaja. Jesucristo yure ĩ gotiroticati űaja yu moare. Tire yu gotimasio betijama, rojose tāmĭoboguja.

17 Jesucristo yure ĩ gotimasiorotibetone, yu masu “Ī ocare gotimasiodirucuja” yu yijama, “Yu gotimasiose vaja, quēnase bujarucuja”, yituoĭaboguja yu. To bajiboarine, Jesucristo yure gotimasioroticōacami. To bajiri quēnase yu bujajama, yu bujabetijaquēne, no yibeaja ti. Ī ocare gotimasio cōa űaroti űaja yure. 18 To bajiro ti bajijare, vaja sēnibecune, Jesucristo ĩ bajirere gotimasio variquēnarūgūaja yu, vaja sēniroti ti űaboajaquēne.

19 To bajiri yu gotimasiose vaja, yure vaja yimena űari, rotimasibeamas masa. Yure ĩna rotimasibetiboajaquēne, “Jājarābūsa Cristore ajitirūnūato” yigu, ĩna ĩvariquēnarore bajiro bajiűarūgūaja yu.

20 Jud’io masa tujy yu űajama, Cristore ĩna ajitirūnūrotire bojagu űari, ĩnare bajiro bajiűaja yu quēne. To bajiro yu yijama, ado bajise yigu yaja yu: Moisére Dios ĩ roticūmasirere ajirūcubūorā tujy yu űajama, “Cristore ajitirūnūato” yigu, ĩna yirūcubūorore bajiro yirūgūaja.

“Tire quēnaro mani ajirūcubūojama, manire ĩvariquēnarucumi Dios” ĩna yituoĭarore bajiro tuoĭagū me űaboarine, to bajiro yirūgūaja yu. 21 Jud’io masa me űarā tujy yu űajama, “Cristo ocare yu gotimasiosere ajitirūnūato” yigu, ĩna űasere bajiro űacōari, ĩnare gotimasiorūgūaja. To bajiro yu bajijama, Dios ĩ bojabetire yigu me bajiaja. Jesucristore ajitirūnūcōa űarūgūaja yu.

22 “Manire ejarēmorucumi Cristo” yituoĭaboarine, tuoĭagūirā tujy yu űajama, ĩnare bajiro bajiűaja yu quēne, “Yu gotisere ajivariquēnacōari, butobūsa Cristo ocare ajitirūnūato” yigu. “Sīgūri yu gotimasiosere ajicōari, Cristore ajitirūnūato” yigu, yu yimasiro cōro yirūgūaja yu.

23 “‘Cristore mūa ajitirūnūajama, rojose tāmĭotujabetiriaroju mūa vaborotire muare yirētobosarucumi’ yire quetire ajijedicōato masa” yigu, to bajiro yirūgūaja. To bajiri, “Gājerā Cristore ajitirūnūrāre Dios quēnaro ĩ yirotire bajiro yure quēne quēnaro yato” yigu, to bajiro yirūgūaja yu.

24 Cristore ajitirūnūrā, Dios quēnaro manire ĩ yirotire

mani bojajama, josari yirügüroti ñaja. Ūmatĩmarã cõro buto ñna ũmaboajaquẽne, sīgũ ñagũmi ñna rẽtoro ũmacõari, quẽnase bujarocu. To bajiri mani quẽne, gãjerã rẽtoro ũmagũre bajiro mani yimasiro cõro yirügüroti ñaja, quẽnase mani yise vaja, Dios quẽnaro manire ĩ yiotire bojarã ñari. ²⁵ To bajiri, ĩ ũmaroto rĩjorojũne quẽnaro ñayucõagũmi. To bajiro ĩ bajijama, yoaro mene rojoribedo ti ñaboajaquẽne, “Gãjerãre ũmarẽtocõari, bujagusa” yigũne bajicõagũmi. To bajiro ĩ bajijosase ũnire yirãne, Cristore ajitirũnarã quẽne ĩ bojarore bajiro mani yisere ñacõari, yayiroti mejuare manire ĩ ĩsirotire bojarã, quẽnaro yirügũaja mani. ²⁶ Quẽnase mani bujaroti, yayiroti me ti ñajare, yũ yimasiro cõrone Dios ĩ bojarore bajiro yiñarũgũaja yũ. Ūmagũ ĩ ũmagajanorotijũ rĩne tũoĩacõari ũmagũmi. ĩre bajiro bajiaja yũ quẽne, Dios quẽnaro yũre ĩ yiotire bojatũoĩagũ ñari, ĩ bojarore bajiro yiñarũgũaja yũ. Quẽarimasũ ñaboarine, quẽnaro ñose ejobecũmi. Yũjũama, quẽnaro ñose ejojũre bajiro bajigũ ñari, Dios quẽnaro yũre ĩ yioti rĩrene tũoĩagũ, Dios ĩ bojarore bajiro yirügũaja yũ. ²⁷ To bajiri, yũ gotimasiorãre quẽnaro Dios ĩ yiotire yũ gotiboajaquẽne, “Rojose yũre yiromi” yigu, yũ bojasere yirũaboarine, ĩ bojasejuare yirügũaja.

10

“Rũcũbuorũarã ñna quẽnorũjeoriarãre rũcũbũobesa”, yire

¹ Adire masiritibesa mũa: Jud'io masa yũa ñicũa, Moisés ñamasir'ire sũyamasiriarã ñna bajimasirere masiritibesa. “Egiptoana ñnare sĩabeticõato” yigu, Dios ĩ masise rãca buerine yũa ñicũare buebibecõamasĩũju. To ĩ yijare, jediro jẽacoamasĩũjarã riaga, Oco Sũarisa vãme cutiya, gajejacatũajũ ñnare rudirã. ² To bajiro ñna bajijama, “Moisere ajitirũnarã ñaja yũa” yĩorã bajimasĩũjarã ñna. ³ Ñna jẽaro bero, ñna jediro õ vecaye manã vãme cuti Dios ĩ cõarere barũgũmasĩũjarã. ⁴ To yicõari, ñna idicatirotire yigu, gũtajũre oco budirotimasĩũju Dios. Ti oco ñna idise quẽnase ñamasĩũju. Jesucristo quẽne, gũtare bajiro ñagũ quẽnasere cõagũ ñacoayumi. To bajicõari, gũta sũorine ñna catijama, Cristo, ruyubetiboarine, ñnare ĩ ñatirũnũjare, ñna jedirone quẽnaro ñacoayuma. ⁵ Quẽnaro ñnare ĩ ñatirũnũboarone, jãjarã rojose ñna yijare, ñnare ñavariquẽnabetimasĩũju Dios. To bajiro ñna yisere ñavariquẽnabecu ñari, “Ūjorũcũja” ñnare ĩ yiboaria sitajũ ñna ejabetone, “Yucã manojũne bajireacõãña mũa”, ñnare yimasĩũju Dios.

⁶ To bajiro ñna bajimasire ñajare, “Dios ĩ bojabetire mani yijama, ñnare ĩ yimasiriarore bajiro manire quẽne yiromi Dios” yimasirã ñari, mani yibetijama, quẽnaja. ⁷ To bajiri yũa ñicũa sīgũri, “Ado bajigũ ñagũmi” yiquẽnorũjeocõari, ñna

rūcub̄omasiriarore bajiro rūcub̄obesa m̄ua. Yua ñicua, ña rūcub̄omasirere ado bajiro gotiaja Dios ocare Moisés ĩ ucamasire: “‘Ado bajiḡu ñaḡūmi’ yiquēnorujeoc̄ari, ‘Īre rūcub̄orã yaja’ yirã, barujiyuma. To yic̄ari, idiyuma. To yigajanoc̄ari, basavariquēnacama”, yigotiaja Dios ocare Moisés ĩ ucamasire, Dios ĩ bojabetire ña yimasirere gotiro. ⁸ To yic̄ari, gajeye yua ñicua sīḡuri, rōmia rāca gāmerã ña ajeriarã cutimasire ũnre yibetiroti ñaja manire. To bajiro ña yijaise vaja, cojor̄m̄une veintitres mil ñarãre bajirearotimasiñuju Dios. To bajiri ñare ĩ yimasiriarore bajiro, “Manire quēne yiromi” yirã, yibetiroti ñaja. ⁹ “Rojose mani yijama, rojose manire yir̄uc̄ami” yit̄oĩaboarine, rojose yit̄ajamena ñari, ãña cūnieco, bajireacoamasiñujarã ña. To bajiri, “Rojose t̄am̄orobe” yirã, ña yimasiriarore bajiro yibetiroti ñaja manire. ¹⁰ Yua ñicua sīḡuri Diore ñaḡōmacamasiñujarã. To bajiro ña yise suorine ĩ t̄agure ñare s̄iarearotic̄amasiñuju Dios. To bajiri ángelj̄ua ñare s̄iareac̄amasiñuju. “Manire quēne to bajiro yirotiromi Dios” yirã, ĩre ñaḡōmacabetiroti ñaja.

¹¹ “To bajise rojose yua ñicua ña yimasiriarore bajiro mani yijama, ñare ti bajimasiriarore bajiro bajir̄aroja manire quēne”, yimasiaja mani. Adirodoria, mani t̄oĩamasirotire yiḡu, ña bajimasirere Moisére ucarotimasiñumi Dios. ¹² To bajiri, Cristore quēnaro ajitir̄ūnḡuma, quēnaro t̄oĩamasiri ñato, “Jud'io masa rojose ña bajimasiriarore bajiro ȳre bajirobe” yiḡu. ¹³ Quēnaro t̄oĩaroti ti ñaboajaquēne, “‘Rojose yir̄abeaja’ yic̄oaboarine, rojose yic̄aroti ñaja”, yit̄oĩaroti me ñaja m̄are. “Ȳare rojose ĩ rotirore bajiro m̄are rotibec̄ami Satanás”, yiroti me ñaja. Gājerãre rojose ĩ yirotirore bajiro r̄ine manire yirotir̄ūḡumi. Rojose manire ĩ yirotirore bajiro r̄ine manire yirotir̄ūḡumi. Rojose manire ĩ yirotirore bajiro r̄ine manire yirotir̄ūḡumi. Rojose manire ĩ yirotirore bajiro r̄ine manire yirotir̄ūḡumi. “Tire yibetic̄ari, ȳ bojasej̄are yirã ñato” yiḡu, manire ejar̄em̄oc̄ami Dios.

¹⁴ To bajiri ȳ mairã, “Jud'io masa rojose ña bajimasiriarore bajiro manire bajirobe” yirã, quēnaro t̄oĩamasiri ña ña m̄ua. “Ado bajirã ñarãma”, ña masune yiquēnorujeoc̄ari, ña rūcub̄orãre rūcub̄obetic̄oãña. ¹⁵ Quēnaro t̄oĩamasirã ñari, m̄are ȳ gotisere ajic̄ari, “Riojo gotiami Pablo”, yit̄oĩamasir̄arãja m̄ua. ¹⁶ Cristo manire ĩ rijabosarere t̄oĩarã, ȳ ocore mani idiroto r̄joro, “Quēnaja” Diore yic̄ari, mani idijama, ¿Cristo r'ire idirã me yatique mani? Pan mani baroto r̄joro, “Quēnaja” Diore yic̄ari mani bajama, ¿Cristo ruj̄u riire barã me yatique mani? To bajiro mani yijama, “Manire ejar̄em̄oḡumi”, yit̄oĩaja mani. To bajiro mani yisere ĩac̄ari, b̄atob̄usa manire ejar̄em̄oḡumi, “Ȳre ajitir̄ūn̄ato” yiḡu. ¹⁷ Jājarã ñaboarine, pan cojane batec̄ari, baja mani. To bajiro yirã ñari, ĩ yarã ñaja mani jediro.

18 Jud'io masa, Diore rūcub̄orā, vaib̄uc̄arē sīac̄ari, mo-
joroaca soem̄orāma. To yic̄ari, rūyasere barāma. Tire ĩna
bajama, “Manire ejarēmogūmi”, yit̄oīaama ĩna. To bajiro
ĩna yisere ĩac̄ari, “Butobusa yure ajitir̄n̄uato” yiḡu, ĩnare
ejarēmogūmi Dios. To bajirone t̄oīarāma, “Ado bajirā ĩnarāma”
ĩna masune yiquēnorujeoc̄ari, rūcub̄orā quēne. 19 To bajiro
ȳu yijama, “Catirā ĩnarāma ĩna quēnorujeoriarā” yiḡu me yaja.
To yic̄ari, “Īnare rūcub̄orā vaib̄uc̄u rii ĩna cūse ĩnamasuse ĩaja”
yiḡu me yaja. 20 Ado bajiroj̄u yiḡu yaja ȳu: Diore masimena,
ĩna quēnorujeoriarāre ĩna rūcub̄ojama, v̄at̄iaj̄uare rūcub̄orā
yirāma. To bajiri, v̄atiare m̄ua ejarēmosere, to yic̄ari, v̄at̄iaj̄u
quēne, ĩnare m̄ua ajitir̄n̄uotire yirā, m̄uare ĩna ejarēm̄otire
bojabeaja ȳu. 21 To bajiri mani ũj̄are rūcub̄oc̄o, v̄atiare quēne
rūcub̄o mani yijama, quēnabetoja. To bajiro yibetiroti ĩaja
manire.

22 To bajiro mani yijama, ĩaj̄ūnisinir̄uc̄umi mani ũj̄u. Ī r̄etoro
masirā me ĩaja mani. To bajiri, “Rojose mani yise vaja, rojose
ĩ yijama, rudimasibetir̄uarāja mani”, yimasiaja.

“Mani ĩaroti r̄īne t̄oīaroti me ĩaja”, yire queti

23 Ado bajiro yisere ajir̄ūgūaja m̄ua: “Mani bojarore ba-
jiro yimasiaja”, yigotiaja. To bajirone bajiaja, bajiroj̄uama.
Jediro mani yise manire ejarēm̄obeaja. To bajiro mani yijama,
“Gājerā, Dios ĩ bojarore bajiro yirā ĩnato” yirā me, yirāja mani.
24 Mani masu quēnaro mani ĩaroti r̄īne t̄oīaroti me ĩaja. Gājerā
quēnaro ĩna ĩarotire quēne t̄oīar̄ūgūuarāja mani.

25 Vaib̄uc̄u rii ĩna ĩsirij̄u ĩnasere vaja yic̄ari, “Rojose ĩaroja”
yit̄oīamenane, m̄ua bajama, quēnaja. “Ķĩna quēnorujeor'ire
rūcub̄orā ĩna cūruare ĩnati adi?”, yisēniīabeja. Dios ocare masa
ĩna ucamasire ado bajiro ti gotijare, “Sēniīabetiroti ĩaja”, m̄uare
yaja ȳu: 26 Adi macar̄uc̄uroaye jediro Dios ĩ rujeore ti ĩajare,
bare ĩaro cōrone mani bajama, quēnaja.

27 Cristore ajitir̄n̄ubec̄u, “Ȳu t̄u barā vayá” yic̄ari, no bojase
ĩecasere m̄ua bajama, quēnaja. “Ķĩna quēnorujeor'ire rūcub̄orā
vaib̄uc̄u rii ĩna cūruare ĩnati adi?” yisēniīamenane, m̄ua bajama,
quēnaja. 28-30 “Tire mani bajama, quēnaja” m̄ua yit̄oīajama,
gāji magūmi, “Rojose yirā yaja m̄ua” yiḡu. ĩna quēnorujeor'i
t̄uj̄u ĩna cūruare riire, “Quēnaja” Diore m̄ua yisēniro bero m̄ua
bajama, rojose yirā me yirāja m̄ua. To bajiboarine, Cristore
ajitir̄n̄ugū, “Īna quēnorujeor'i t̄uj̄u ĩna cūruare rii ĩaja, mani
babeti” ĩ yigotijama, babeja. 31 To bajiri mani bajama, mani
babetijaquēne, mani idijama, mani idibetijaquēne, no bo-
jase mani yijama, Dios ĩ bojarore bajiro yir̄uarāja mani, ĩre
rūcub̄orā. 32 Gājerāre ĩamaimenane mani bojarore bajiro mani
yisere ĩac̄ari, “Īna quēne rojose yiroma” yirā, yibetiroti ĩaja.

33 Tire m̄uare yu gotirote bajiro yirũgũaja yu. To bajiro yigu ñari, yu masu yu bojasere yibecune, yu rãcana jediro ñare yu ejarẽmorotijuaare tũoĩacõari, yirũgũaja yu, “Yu yise sũorine Cristore ajitirũnũcõari, rojose tãmũotũjabetiriaroju ñi yirẽtobosarã ñato” yigu.

11

1 To bajiri, “Cristo ñi bajiñariare bajiro yiroti ñaja” yitũoĩacõari, yu yimasiro cõro yirũgũaja yu. To bajiri m̄ua quẽne, yu bajiñarũgũsere tũoĩacõari, m̄ua yimasiro cõro yirũgũroti ñaja.

Rẽjariaviju Diore sẽnirã, ñi ocare gotirã, rõmia ña bajiroti queti

2 “Jediro yu gotimasiocaire masiritimenane, ajitirũnũcõa ñarãja m̄ua”, yivariquẽnaja yu. 3 To bajiro yigu ñaboarine, gajeye m̄uare gotimasioaja yu. Rẽjacõari, Diore m̄ua rãcũbuose, “Ado bajiroju yiroti ñaja”, m̄uare yigotigu yaja yu: Tocãrãcure rotigu ñari, mani rũjoare bajiro bajiami Cristo. To bajirone bajiaja rõmia manajuã cutirãre. Ña manajuã, ña rũjoare bajiro bajirã ñarãma, ñare rotirã ñari. To bajirone bajiaja Cristore quẽne. Ñi jacũ, ñi rũjoare bajiro bajigumi, ñare rotigu ñari. 4 To bajiro ti bajijare, rẽjariaviju, rũjoa jeoriarori jeocõari, Diore ña sẽnijama, Dios oca ña gotijaquẽne, Cristore rãcũbuomena yirãma. 5 Rõmiajuama, ña rũjoa jeoriarori jeomenane Diore ña sẽnijama, Dios oca ña gotijaquẽne, ña manajure rãcũbuomena yirãma. Ña rũjoa jeoriarori ña jeobetijama, joa suagoriarãre bajiro bajirã ñarãma, ñare rãcũbuomena ñari. 6 To bajiro ti bajijare, “Rõmia manajuã cutirã ña rũjoa jeoriarorire ña jeorũabetijama, ña joare suagoroti ñaja”, m̄uare yaja yu. To bajiro yu yijama, “Bojoneose ti ñajare, rũjoa jeoriarorire jeoato” yigu yaja. 7 To bajiri ãm̄ua, Diore ña sẽnijama, ñi ocare ña gotijaquẽne, rũjoa jeoriarorire jeobetiroti ñaja, “Yũre rotibosacõari, yũre rãcũbuoato” yigu, Dios ñi rujeoriarã ñari. Rõmiajuama, “Ëm̄uare rãcũbuoato” yigu, Dios ñi rujeorio ñaamo. 8 Rõmio gõarore ãmicõari, ãm̄ure rujeobesumi Dios. Ëm̄u gõarojuare ãmicõari, rõmiore rujeomasinũmi Dios. 9 “Rõmiore ejarẽmoato” yigu me, ãm̄ure rujeomasinũmi Dios. Rõmiojuã, ãm̄ure ejarẽmoato yigu, rujeomasinũmi. 10 To bajiro bajimasire ti ñajare, ña manajuare rãcũbuorã, rũjoa jeoriarori ña jeojama, quẽnaja. To bajiro ña yijama, “Dios ñi bojarore bajiro yama, ña manajuare rãcũbuorã”, yĩavariquẽnaruarãma ángel mesa. 11 Ëm̄uare quẽne, rõmiare quẽne rujeoyumi Dios. Rõmia ña manijama, quẽnaro ñamasimenama ãm̄ua. Rõmia quẽne, ãm̄ua ña manijama, quẽnaro ñamasimenama. 12 Ëm̄u gõarone rõmiore Dios ñi rujeomasirio so ñaboajaquẽne, ãm̄ua,

rōmia suorine ĩna ruyuase ti ñajare, “Gãmerã ejarẽmoroti ñaja”, yaja mani. To bajicōari, mani jediro ñaja Dios ĩ rujeoriarã.

¹³ Mña masune quẽnaro tũoĩamasiña. “Rẽjariavijũ Diore sãnirã, ĩ ocare gotirã quẽne, rũjoa jeoriarori jeomenane rōmia ĩna yĩñajama, quẽnabeaja”, yimasirãja mña. ¹⁴ “Ƴmña yoese ĩna joa cutijama, bojoneose ñaja”, yitũoĩaja mani. ¹⁵ Rōmiajũarema, “Yoese joa cutirã ñaama”, yitũoĩaja mani. “Ĩna joa ĩna rũjoarire bũase ñato” yigũ, Dios ĩ cũmasire ñajare, to bajiro tũoĩaja mani, rōmiare. To bajiri yoese ĩna joa cutijama, variquẽnaama rōmia. ¹⁶ Sīgũri to bajiro mũare yũ gotisere ajicōari, “To bajiro me bajiaja” ĩna yijama, “Ñajediroana Cristore ajitirũnrãre, to bajise rĩne gotirũgũaja yũ, mũare yũ gotiri vãmere”, ĩnare yigotiroti ñaja.

Cristo ĩ batũsare boserũmũre bañarã ĩna rũcũbũobetire queti

¹⁷ Rẽjacōari, mña basere tũoĩavariquẽnabeaja yũ. “Rẽjacōari bato mani” mña yibetijama, quẽnacōaboriarojoa. ¹⁸ “Rẽjaboarine, ricati rĩne tũoĩarã ñari, ricatitubuari rujicōari, gãjerã rãca oca josaama”, yire queti ajiaja yũ, mũare. Ado bajiro tũoĩarã mña ñajare, “To bajirone bajirãma”, mũare yaja yũ: ¹⁹ “Mani tũoĩarore bajiro tũoĩarã rãca mani rujijama, ‘Ĩna ñaama Dios oca quẽnaro masirã’ manire yirũarãma”, yitũoĩarãja mña. ²⁰ Ricati rĩne tũoĩarã ñari, “Cristo ĩ batũsarere tũoĩacōari bato mani” mña yiboase, Cristore rũcũbũomena yirãja. ²¹ Mña juavarere gãjerãre yumenane, bajeocōarãja mña. To bajiri jairo barã, to yicōari, idimecũrã mña ñaboajaquẽne, mña bero ejarã sīgũri bare mana ñari, ñiorijacōa ñarãma. To bajiro yirã ñari, cojo masare bajiro bajirã ñaboarine, mña bero ejarã rãca baba cutimasiña manoja mũare. ²² Viri cutirã ñarãja mña. Mña ya virijũne bare ba, idi, mña yijama, quẽnaja. To bajiro mña yibetijama, gãjerã bare cũomenare rojose yĩorã yirãja mña. Gãjerã Cristore ajitirũnrãre ĩaterã ñari, ¿to bajiro yatique mña? “‘Bare cũomenare quẽnaro yaja mña’ yato Pablo”, ¿yitũoĩaboati mña? Yibeaja yũ. To bajiro mña yijama, rojose masu yirã yirãja mña.

Mani Ƴjũ ĩ rijaroto rĩjoro ĩ batũsare queti

(Mt 26.26-29; Mr 14.22-25; Lc 22.14-20; Lc 4.1-7)

²³⁻²⁴ Adi mũare yũ gotimasiose, mani Ƴjũ ĩ rijaroto rĩjoro ĩ batũsare queti ñaja. Yũre ĩ goticati, to yicōari, mũare yũ gotirẽtocati ñaja. Ado bajiro bajiaja: Mani Ƴjũre Judas ĩre ĩ ĩsirocaroto rĩjoro, panre ãmicōari, “Quẽnaja”, Diore yisẽnĩñuju Jesús. To yigajano, panre mũtocōari, ĩ buerimasare ĩsibatogũne, ado bajise gotiyuju ĩ: “Ti ñaja yũ rujũri. Mũare rijabosarũcũja yũ. Yũ rijato bero, mũare yũ rijabosare tũoĩacōari, yũre rũcũbũorã, ado bajirone rẽjacōari,

barũgũuarãja”, ãnare yigotiyuju. ²⁵ To yicõari, bare ãna baro bero, uye oco sãñaribajare ãmicõari, ado bajiro gotiyuju Jesús quẽna: “Adi ñaja tirũmũana, ‘Rojose mani yirere masirioato’ yirã, Diore rãcũbũorajũ joere ãna yuejeoriarore bajiro bajise. Yucũrema, yũ ri’i ñaja. Ti sũorine, ‘Gajerodori ado bajiro masare quẽnaro yirũcũja yũ’ Dios ã yigotimasiriarore bajiro bajirũaroja. Yũ rijato bero, mũare yũ rijabosare tũoĩacõari, yũre rãcũbũorã, ado bajirone rẽjacõari, idirũgũuarãja”, ãnare yiyuju Jesús. ²⁶ Ì rotiriarore bajirone mani bajama, mani idijaquẽne, yĩorũgũroti ñaja, “Manire rijabosayumi mani uju” yirã. Ì tudiejarojũ to bajiro yitũjarũarãja mani.

²⁷ To bajiri, mani uju manire ã rijabosarere tũoĩagũ, panre ba, to yicõari, uye ocore idi, yiboarine, rãcũbũobeti rãca ã yijama, Cristore rãcũbũobecu yigumi. “Cristo ri’i, ã rujari quẽne, ñie vaja mani ñaja” yigu yigumi. ²⁸ To bajiri panre mani baroto rĩjoro, to yicõari, uye ocore mani idiroto rĩjoro, rojose mani yirere tũoĩa, Diore yigoticõari, panre ba, uye ocore idi, yiroti ñaja. ²⁹ To bajiro yibecũrema, Cristo manire ã rijabosare quẽnaro ã tũoĩabetijare, rojose ãre yirũcũmi Dios. ³⁰ To bajiro ti bajijare, jãjarã ñarãja mũa rijaye cutirã. Gãjerãma, bajireacoana, bajireamena quẽne ñarãja mũa. ³¹ Cristo manire ã rijabosarere quẽnaro tũoĩacõari, to yicõari, rojose mani yirere tũoĩa, Diore mani yigotijama, rojose manire yibetirũcũmi Dios. ³² Rojose mani yise sũori rojose Dios manire ã yijama, “Rojose yitũjacõari, yũre ajimena rãca rojose tãmũotũjabetiriarojũ vabetirũarãma” yigu yigumi.

³³ To bajiri yũ mairã, mani uju manire ã rijabosare tũoĩacõari panre barã, to yicõari uye ocore idirã mũa rẽjajama, gãjerãre yucõari, ãna ejajediro baba. ³⁴ Mũa rẽjaroto rĩjoro, mũa ñiorijajama, mũa ya virijũ mũa bajama, quẽnacõaroja. To bajiro mũa yijama, no yigu rojose mũare yibecũmi Dios.

Mũa tũjũ ejacõari, gajeye quẽnaro mũare gotirũcũja yũ.

12

“Yũ ujuose rãca gãmerã ejarẽmomasiato” yigu, Esp’iritu Santo manire ã yire queti

¹ Yũ mairã, gajeye Esp’iritu Santo ã masise manire ã ujosere gotigũagũ yaja yũ, “Masiato” yigu.

² Diore mũa ajirũcũbũoroto rĩjoro, mũare yitorimi vãtia uju, Satanás. To ã yijare, “Ado bajirã ñarãma” ãna masune yitũoĩa quẽnorujeocõari, ñagõmena ãna ñaboajaquẽne, “Rẽtoro masirã ñarãma” socarãne yirũcũbũorã ñaũuja mũa maji. ³ To bajiri, ado bajise mũa masisere bojaja yũ: Esp’iritu Santo rãca ñagũma, “Rojose tãmũotũjabetiriarojũ Jesũre cõaroti ñaja”,

yibecu ñagūmi. To bajicōari, “Mani ɯɯ, Jesúre, Dione ñagūmi” yiguma, Esp'iritu Santo i ejarēmose rāca tire yigumi.

⁴ “Dios i bojarore bajiro yimasiato” yigu, i masisere manire ɯjoyumi Esp'iritu Santo. I sīgūne manire ɯjor'i i ñaboajaquēne, tocārācure ricati rīne mani yimasirotire manire ɯjoyumi. ⁵ Dios i bojasere yirā, ricati rīne mani yimasise ti ñaboajaquēne, sīgūne ñaami mani ɯɯ. ⁶ Ricati rīne manire i ejarēmose ti ñaboajaquēne, sīgūne ñaami manire ejarēmogūma. ⁷ Ado cōrone Esp'iritu Santo manire i ɯjosere m̄are gotigu yaja: Tocārācure Esp'iritu Santo i ñajama, “Gājerāre ejarēmomasiato” yigu, i masisere ɯjogumi. “Esp'iritu Santo i ɯjor'i ñari, to bajiro yami”, yimasire ñaja. ⁸ “Quēnaro t̄oīacōari gotimasiogū ñato” yigu, i yimasirotire iɣe ɯjogumi. Gājirema, “Dios ocare quēnaro ajimasicōari, ñare gotimasiogū ñato” yigu, i yimasirotire iɣe ɯjogumi. ⁹ Gājirema, “Dios i masise rāca yure ejarēmorucumi” i yit̄oīarotire iɣe ɯjogumi. Gājirema, rijaye cutirāre i catorotire iɣe ɯjogumi. ¹⁰ Gājirema, ñaāñamani i yīlorotire iɣe ɯjogumi. Gājirema, “Iɣe yu gotisere ajicōari, yure gotirētobosarimasu ñato” yigu, i yimasirotire iɣe ɯjogumi. Gājirema, gājerā ña gotisere ajicōari, “Esp'iritu Santo i ejarēmojare, ñare gotiama; vātijua i ejarēmojare, ñare gotiama” i yimasirotire iɣe ɯjogumi. Gājirema, gājerā oca masibecu ñaboarine, i ñagōmasirotire iɣe ɯjogumi. Gājirema, “Ti ocare buebecu ñaboarine, ajimasicōari, gotirētogū ñato” yigu, i yimasirotire iɣe ɯjogumi. ¹¹ Ricati rīne tocārācure i bojarore bajiro ña yimasirotire ñare ɯjogumi.

“Cojo ruɯ ñaboarine, mani ruɯre jairo ñabateaja”, yire queti

¹² Mani ruɯre jairo ñabateaja, cojo ruɯ ñaboarine. To bajirone bajiaja mani Cristore ajitirūnrā quēne. ¹³ Jediro ñaja mani. Jud'io masa, jud'io masa me ñarā quēne ñaja mani. Sīgūri gājerāre moabosarā, gājerāma, moabosamena ñaja mani. Mani jedirore oco rāca mani bautiza ecorone, manire ejayumi Esp'iritu Santo. To bajiri Esp'iritu Santo s̄orine Cristo yarā, cojo masare bajiro ñaejayuja mani.

¹⁴ Mani ruɯ, cojo ruɯ ñaboarine, jairo vāme cutibatoaja. ¹⁵ Mani ruɯre, gubo ti t̄oīajama, “Āmo me ñaja yu. To bajiri, ruɯaye me ñaja” ti yiboajaquēne, ruɯayene ñacōa ñaroja. ¹⁶ Gāmoro ti t̄oīajama, “Cajea me ñaja yu. To bajiri, ruɯaye me ñaja” ti yiboajaquēne, ruɯayene ñacōa ñaroja. Tire bajirone bajiaja mani quēne. Sīgū, Cristore ajitirūnugū, gājire iacōari, “Iɣe bajiro yimasigū me ñaja yu. To bajiri Cristo yu me ñagūja yu” i yiboajaquēne, Cristo yune ñacōa ñagūmi. ¹⁷ Mani ruɯ ñaro cōrone, cajea rīne ti ñacōajama, ¿no bajiro ajimasirāda mani? Mani ruɯ ñaro cōrone, gāmoro rīne ti ñacōajama, ¿no bajiro vīnimasirāda mani? Tire bajirone bajiaja Cristore ajitirūnrāre

quēne. Īre ajitirūnarā jediro, cojo vāme rīne quēnaro yimasirā mani ñajama, gaje vāme Dios ĩ bojasere yimasimena ñaborāja mani. ¹⁸ To bajiri, Dios, manire rujeosmogujune, mani ruju ñasere, “Adijune ti ñajama, quēnaja” yigu, mani rujuayere rujeoyumi. To bajiri, mani ruju, cojo ruju ñaboarine, ricati rīne ti ñabaterore bajirone bajiama Cristore ajitirūnarāre quēne. ¹⁹ Mani rujuaye, cojojune jairijuro ti ñajedicoajama, rujujuma poju ñabetoja. ²⁰ To bajiri mani rujuaye jairo ñabateboarine, cojo rujune ñaja.

²¹ To bajiro ti bajijare, mani cajea ti yijama, “Ñie vaja maja āmo”, yimasibetoja. Mani rujoa quēne, “Ñie vaja maja gubori”, yimasibetoja. Ñajedirone manire ejarēmoaja. Tire bajiro bajiaja Cristore ajitirūnarāre quēne. Cristore ajitirūnugā, gājire ĩacōari, “Yure bajiro yimasigū me ñaami. Vaja magū ñaami”, yibetiroti ñaja. ²² Ado bajiroju bajiaja: Mani ruju ñasere, “Adijuma ñamasuse me ñaja” mani yitūoĭaboasene ñaja ñamasuse. ²³⁻²⁴ Mani ruju ñasere jediro toobetiboarine, “Ñamasuse me ñaja” mani yisere, “Gājerā ĩaroma” yirā, sudine sāñatoorūgūaja mani. To bajiro mani yijama, mani ĩoriju rētoro tijaure mairāre bajiro yirā yaja. “To bajirone bajiato” yigu, to bajise manire rujeoyumi Dios. ²⁵ Mani ruju jairo ñabateboarine, cojoro cōro ñamasuse ñaja. Mani Jesúre ajitirūnarā quēne, to bajirone bajirā ñaja. Jājarā ñaboarine, ñamasurā rīne ñaja mani. To bajiri variquēnase rāca gāmerā mairōti ñaja. ²⁶ Mani ruju, cojojū rojose ti tāmujama, mani ruju jedirone rojose tāmujedicōaja. To yicōari, mani ruju, cojojū quēnaro ti yiecojama, mani ruju jedirone quēnaro yiecojedicōaja.

²⁷ To bajirone bajiaja mani Cristore ajitirūnarā quēne. Tocārācune ĩ yarā ñaja mani. Sīgū mani rācagu ĩ sutiritijama, mani jedirone ĩ rāca sutiritiaja. To yicōari, sīgū mani rācagu ĩ variquēnajama, mani jedirone variquēnaja mani. ²⁸ “Jājarā ñacōari, ricati yato ĩna” yigu, tocārācure ĩ masisere manire ujoyumi Dios. To bajiri ĩ bajirere goticudironare yure cōacami Jesús. Gājerā, ĩre gotirētosaronare cūñumi Dios. Gājerā, Dios oca gotimasioronare cūñumi. Gājerā, ĩaĭañamani yīoronare cūñumi. Gājerā, rijaye cutirāre cationare cūñumi. To yicōari, gājerārema ejarēmoronare cūñumi. Gājerārema, Cristore ajitirūnarāre ũmato ñaronare cūñumi. Gājerārema, ĩna masibeti oca ñaboasere ñagōronare cūñumi. ²⁹ “Ricati rīne yiruarāma” ĩ yiriarā ñari, mani jedirone, Jesús ĩ bajirere goticudirā me ñaja. Mani jedirone Diore gotirētosarā me ñaja. Mani jedirone, Dios ocare gotimasiorā me ñaja. Mani jedirone, ĩaĭañamani yīorā me ñaja. ³⁰ Mani jedirone, rijaye cutirāre catorā me ñaja. Mani jedirone, mani masibeti ocare ñagōrā me ñaja. Mani jedirone, mani masibeti oca ĩna ñagōsere

buemena ñaboarine, tire ajimasicōari, gotirētoburã me ñaja. ³¹ To bajiri, jedirone masijeobetiboarine, quēnamasusejũare ĩ ʉjorotire sēniña.

To bajiro m̃ua yiboajaquēne, gajeye ñaja rētoro ñamasuse. Tire m̃uare gotiɥagũ yaja yũ.

13

“Gãjerãre mani maise ñaja ñamasusema”, yire queti

¹ Cojo oca r̃uyabeto mani ñagõmasiboajaquēne, to yicōari, ángel mesa yere quēne ñagõmasijocōaboarine, gãjerãre mani maibetijama, vaja mana ñarãja mani. Ñagõre me ñaroja. Buto busisere yibusiorãre bajiro yirãja mani, gãjerãre mani maibetijama. ² Diore gotirētobosarã, to yicōari, Dios ye masa ñna masibetire masijeorã ñaboarine, gãjerãre mani maibetijama, vaja mana ñarãja mani. “Manire ejarēmoracami” Cristore yit̃uõiarã ñari, gũtaure, “Gajeroju ṽh̃r̃r̃gũcoasa m̃ua masune” yimasiboarine, gãjerãre mani maibetijama, vaja mana ñarãja mani. ³ “Masare ñnare maibetiboarine, maioro bajirãre jediro yũ c̃uosere ñnare ĩsijeocōari, yũ masu ruju quēne ñnare rija-bosacoar̃c̃uja” yũ yijama, “Quēnaro yigu ñaami” yũre ñna yivariquēnasere bojagu yũ yijama, Dios t̃uju ñie vaja bujabec̃uja yũ.

⁴ Gãjerãre mani maijama, ado bajiro bajiruarãja mani: Rojose manire ñna yiboajaquēne, ñnare j̃ūnisinimenane, quēnasejũare ñnare yiguarãja. Quēnaro ñna ñajama, “Yua rētoro quēnaro ñaama”, yĩaj̃ūnisinirã me ñnaruarãja. “Ñamasurã ñaja yua” yirã me ñnaruarãja. ⁵ Quēnaro mani ñnase rĩ mere t̃uõiarãja mani. Gãjerã quēnaro ñna ñasere quēne t̃uõiarãja. Gãjerã rojose manire ñna yiboajaquēne, ñnare r̃uc̃ub̃orã, yoaro mene j̃ūnisini t̃ujacoaruarãja. ⁶ Gãjerã rojose ñna yisere ñavariquēnamenaja. Quēnaro ñna yisejũare ñavariquēnarãja. ⁷ Gãjerã rojose ñna yijare, buto rojose mani tãmuose ti ñaboajaquēne, ñnare mait̃ujamena ñari, ñnare ñagõmacamenaja. Rojose ñna yiboajaquēne, quēnaro ñna yirotire t̃uõiac̃õa ñnaruarãja.

⁸ Gãjerãre mani maise, jedise me ñaja. Diore gotirētobosarejũama, jedise ñaja. Masa ñna masibeti oca ñagõre, mani masise quēne, jedise ñaja. ⁹ Ado bajiro ti bajijare, “Jedise ñaja”, m̃uare yaja yũ: Adirodori Dios ĩ masise manire ĩ ʉjose ti ñaboajaquēne, jediro masibeaja mani. ĩre gotirētobosare Dios ĩ ʉjose ti ñaboajaquēne, ñajediro ajimasibeaja mani. ¹⁰ To bajiboarine, ĩ t̃uju mani ejaro, ĩ masisere manire ĩ ʉjojare, jediro ajimasijeocōaruarãja mani. To cōrone adirodoriaye mani masise, vaja manir̃uaroja.

¹¹ Ado bajiro bajiaja: Daqueɥaca yũ ñajama, ñagõjeomasibeticaju yũ maji. To bajicōari, quēnaro t̃uõiabeticaju.

Вучуацужа, to bajiro ун bajicatire yitujacaja ун. ¹² Tire bajirone bajaia adi quēne: Quēnaro ruyubetiase ēoro ĩariarore bajiro Dios yere quēnaro ajimasijeobeaja mani maji. To bajiboarine, Dios tujama ēoro quēnaro ruyubetiase ĩarāre bajiro me Diore ĩaruarāja mani. To cōrojuma quēnaro ajimasijeocōaruarāja mani yuja.

¹³ To bajiri idia vāme ñaja, adirūmuriaye ñamasuse mani yirūgūroti: Diore ajitirūnrūgūroti ñaja. Gaje vāme, “Dios ĩ gotiriarore bajiro ĩ masise manire ujojeocōarucami”, yituoĩarūgūroti ñaja. To bajicōari, tusari vāme ñaja ñamasuri vāme, “Gājerāre mairūgūroti ñaja” yiri vāme.

14

Gajeye oca masiñamani ñaboasere ĩna ñagōre queti

¹ To bajiri gājerāre mani maisē ñamasuse ti ñajare, mani yimasiro cōro gājerāre mairūgūto mani. To yicōari, gajeye Dios ĩ masise ĩ yarāre ĩ ujosere buto bojarā ñari, ĩre sēnirūgūroti ñaja. Tire bojarā, gajeye mua bojaro rētoro Diore gotirētosarotire mware ĩ ujosere mua bojajama, quēnaja. ² Ado bajiro ti bajijare, to bajise mware yaja ун: Sīgū, masiñamani oca ĩ ñagōjama, masare ñagōgū me yigūmi. Diore ñagōgū yigūmi, Esp'iritu Santo ĩ ujose rāca. ĩ rācanajuama, ĩre ajimasimenama, “To bajirone bajiato” yigū, Dios ĩ yise ti ñajare. ³ Gājijama, Diore gotirētosagū, masare gotigū yigūmi. To bajiro ĩ yijare, butobusa Diore ajitirūnrāma. ⁴ Masiñamani oca ñagōgūrema, ĩ sīgūrene quēnaja ti. Gāji, Diore gotirētosagūjama, ĩ rāca rējarāre ejarēmogū yigūmi.

⁵ To bajiri sīgū ruyabeto oca masiñamanire mua ñagōjama, quēnaroja. To bajiboarine, Diore mua gotirētosajama, rētosusaro quēnararoja. To bajiboarine, masiñamani oca ñagōgū ĩ ñagōrone, “Mani rāca rējarā ajimasicōari, butobusa Diore ajitirūnrato” yigū, gāji tire ĩ gotirētosajama, ñamasuse moagū yigūmi, ĩ quēne. ⁶ Ado bajiro bajaia: Ун mairā, mware ĩagū ejagū, masiñamani oca ун ñagōjama, ¿no bajiro mware ejarēmogū yigūada ун? Mware ун ejarēmorajama, ado bajirojama yiroti ñaja: Dios ĩ ejarēmose rāca ĩ ocare buecōari mware gotiroti ñaja. To bajiro ун yibetijama, ĩ ocare buebetiboarine, ĩ ejarēmose rāca tuoĩacōari mware gotiroti ñaroja.

⁷ Gotimasiore queti mware gotigū yaja: Tōroare quēnaro ĩ jutibetijama, “Ti basare jutigū yami”, yimasina manojaja. To bajirone bajiroja arpa vāme cutijare quēne. Quēnaro ĩ yibusiomasiobetijama, “Ti basare yami”, yimasina manojaja. ⁸ Surarare jigū, trompeta vāme cutijare quēnaro ĩ jutibetijama, “Siarotigū yiromi”, ĩre yiajimasimenama, quēnaro ĩ jutibeti ti ñajare. ⁹ To bajirone bajaia, gājerā, oca masiñamani mua

ñagõboajama. Mña ñagõboasere ajimasibeticõari, “To bajiro yire ùni ñaja”, yimasibetiruarãma ñna. To bajiro bajica yiro, masa mano ñagõriarore bajiro bajicõaroja. ¹⁰ Adi macarucurore jãjarã masa ñarãma ricati rĩne ñagõrã. Ñna cojo masama, gãmerã ajicõarãma. ¹¹ To bajiboarine, yu ocare ajibecu rãca, yua ñagõboajama, gãmerã ajimasimenaja. To bajiro ti bajijama, gãmerã ejarẽmomasiña manoja. ¹² To bajirone bajiroja muare quẽne, masiñamani oca mña ñagõjama. Gãjerãre ejarẽmomasimenaja. To bajiri, Esp'iritu Santo ã masise muare ã uxorotire buto bojarã ñari, gãjerãre ejarẽmorotijuare sẽnĩña, “Butobusa Diore ajitirũnũato” yirã.

¹³ Gãjerãre ejarẽmorotire tuoĩarã ñari, masiñamani oca ñagõrã quẽne, Diore sẽnĩña mña, “Ti ocare buebecu ñaboarine, ajimasicõari, gãjerãre gotirẽtobumasirã ñarãsa” yirã. ¹⁴ Diore sẽnigũ, oca masiñamani yu ñagõjama, Esp'iritu Santo ã ejarẽmose rãca to bajiro ñagõgũja yu. “To bajiro yiruaro yaja” yimasibetiboarine, ñagõgũja yu. To bajiri gãjerãma yure ajimasimenama. ¹⁵ To bajiro ti bajijare, ado bajiro yiroti ñaja: Cojojirema Esp'iritu Santo ã masise yure ã ujose rãca Diore sẽniroti ñaja. Gajejuma, yu masune tuoĩacõari, ãre sẽniroti ñaja. Cojojirema Esp'iritu Santo ã masise yure ã ujose rãca basaroti ñaja. Gajejuma, yu masune tuoĩacõari, basaroti ñaja. ¹⁶ To bajiro mani yibetijama, Esp'iritu Santo manire ã ujose rãca Diore mani yirũcubũojama, “Tire ñagõrã yama”, manire yimasimenama ñna. To bajiri, mani rãca Diore yirũcubũomasimenama. ¹⁷ “Quẽnaro yaja mu” Diore mani yiboajaquẽne, manire ajimasibeticõari, quẽnabusaro Diore ajitirũnũmenama gãjerã. ¹⁸ Mña rẽtoro masiñamani oca ñagõaja yu. To bajiri, yu masibeti oca ñaboasere yu ñagõmasise yure ã ujose ti ñajare, “Quẽnaro yaja mu”, Diore ãre yaja yu. ¹⁹ To bajiboarine, cojomocãrãca vãme cõro gotimasioruarũgũaja, quẽnaro ñna ajimasirotire yigu. Diez mil ñari vãme ñase oca gãjerã ñna ajimasibeti yu gotijama, ajimasibetiborãma.

²⁰ Yu mairã, rĩamasare bajiro tuoĩabesa mña. Bucurã ñna tuoĩarore bajiro tuoĩacõari, quẽnaro tuoĩamasĩña, yu gotimasiosere. Rojosere rĩamasa ñna tuoĩamasibetore bajiro mña quẽne rojosejũarema yibeticõãña. ²¹ Dios ocare masa ñna ucamasire ti gotijama, ado bajiro gotiaja: “Ñna tũju gajeje oca ñagõrãre cõarucũja. To bajiro yu yiboajaquẽne, yure ajibeticõã ñnaruarãma”, yigotiaja Dios oca masa ñna ucamasire. ²² Ado bajiro manire yaja ti: “Masiñamani oca, Esp'iritu Santo ã masisere manire ã ujose rãca mani ñagõjama, Cristore ajitirũnũrã ñna ãaro rĩjoro ñagõroti me ñaja. ãre masimena ñna ãaro rĩjorojua ñagõroti ñaja”, yaja ti manire. To yicõari, Diore mani gotirẽtobosajama, Cristore ajitirũnũmena

Īna ĩaro rĳoro ņagōroti me ņaja. Īre ajitirūnarā ĩna ĩaro rĳorojua ņagōroti ņaja, “Quēnabusaro Cristore ajitirūnato ĩna” yirā. ²³ To bajiro mware gotiboarine, ado bajise mware yicōa ņaja yu: “Masiņamani oca mani ņagōjama, ņie vaja manoja. Tire ajimasimenama gājerā”, mware yicōa ņaja yu. Mani jediro rējacōari, masiņamani oca mani ņagōjama, gājerā Cristo ĩ bajirere ajimena, to yicōari ocare ajimena, sājaejacōari, “Mecurā yama”, manire yīaruarāma. ²⁴ To bajiboarine, Diore mani gotirētobosaņarone, sājaejacōari, Dios oca ti ņajare, “ ‘Rojose yirā ņaama’ yware yīagūmi Dios”, yimasiruarāma Cristo ĩ bajirere ajimena. ²⁵ “Yua usuriju rojose yua tuoīasere masicoami Dios”, yiruarāma. To yicōari, Diore rūcubworā, gusomuniari tueturuarāma ĩna. To yicōari, “Socarā me yaja mwa. Mwa rācane ņagūmi Dios”, yiruarāma.

“Rējacōari, Diore rūcubworā, ado bajiro yirūgūroti ņaja”, yire

²⁶ Yu mairā, rējacōari, Diore rūcubworā, ado bajiro mwa yijama, quēnaja. Sīgūri basa, gājerāma, Dios ocare buecōari gotimasio, gājerāma, Dios ĩnare ĩ ņagōrotisere goti, gājerāma, masiņamani oca ņagō, to yicōari, gājerāma, masiņamani ocare ajimenare, “Ado bajiro yiruaro yaja”, ĩnare yiruarāja mwa. “Quēnabusaro Diore ajitirūnato” yirā, ti jediro gāmerā ejarēmorarāja mwa. ²⁷ Masiņamani oca mwa ņagōruajama, juarā, idiarā cōrone ņagōruarāja mwa. Jājarā ĩna ņagōjama, quēnabetoja. Sīgū ĩ ņagōro bero, ņagōrucumi gāji. ĩ bero ņagōrucumi ņagōtusagu. Ajimasimena ņaboarine, masiņamani oca ĩna ņagōro bero, gājerā ti ocare ajimenare ĩna gotisere, “Ado bajiro yiruaro yaja” ĩnare yigotimasiorimasu quēne ņarucumi. ²⁸ “Ado bajiro yiruaro yaja” yigotirimasu ĩ manijama, ĩna ĩaro rĳoro mwa masibeti ocare ņagōbetiroti ņaja. ņagōbumenane, mwa tuoīase rāca Diore mwa ņagōjama, quēnaja. ²⁹ Dios ocare mwa gotimasiojama, juarā, idiarā cōrone ņagōruarāja mwa. Gājerā mwa ņagōsere ajicōari, “Socabeama”, yiajimasiruarāma. ³⁰ Sīgū, ĩ gotiņarone, ĩ gotisere ajigujua, Dios ĩ ejarēmose rāca tuoīacōari, ĩ quēne ĩ gotiruajama, gotisuoqujua gotitujato, “Ījua gotiato” yigu. ³¹ To bajiri, sīgū ĩ gotiro bero, gotirucumi gāji. ĩ bero gotirucumi gāji. To bajiro rĳne yirūgūruarāja mwa. To bajiro mwa yivajama, sīgū ruayabeto Dios ocare ajivariquēnaruarāma ĩna. ³² Diore gotirētobosarā, ado bajiro bajirā ņari to bajiro quēnaro gotirūgūruarāja mwa: Mwa gotirētose Espiritu Santo mware ĩ ujosere, “Ado cōrone tire yu gotijama, quēnaja”, yimasirāja mwa. ³³ ņie oca mani rējasere ĩavariquēnarucumi Dios. Rējacōari, gājerā ĩna gotiruaro rūcubwumenane mani ņagōjama, ĩavariquēnabecumi.

To bajiri gājerā Jesúre ajitirūnūrā ĩna rējarore bajiro, rojose oca mano m̄ua rējjajama, quēnaja. ³⁴ Diore rūcub̄uorā, ĩna rējaro, rōmiamā ñagōbetirona ñaama, to bajiro ĩna yibetirūgūre ti ñajare. ĩna manajua ĩna rotirore bajiro c̄adiroti ñaja. To bajirone gotiaja Dios ocare masa ĩna ucamasire. ³⁵ ĩna masir̄ujajama, ĩna ya vij̄u tudiejacōari, ĩna manaj̄uare ĩna sēniĳajama, quēnaroja. “Rējariavij̄ure ñagōbetir̄uarāma rōmia” yire ti ñajare.

³⁶ ¿No yirā ȳu gotirore bajiro yibeticōa ñati m̄ua maji? “Ī oca ȳuare cūñumi Dios, ‘Gājerā masare quēnaro riojo gotibosato’ yiḡu”, ¿yit̄uōĳaboati m̄ua? “Ȳua rīne Dios ocare masa ĩna ucamasirere masirā ñaja ȳua”, ¿yit̄uōĳaboati? M̄ua rī me ñaja Dios ocare ajicana. ³⁷ Sīgū, “Diore gotirētobosagu ñaja ȳu” ĩ yijama, m̄uare ȳu gotisere ajicōari, “Dios ĩ rotirore bajirone gotiami Pablo”, yimasir̄uc̄ami. To bajirone yir̄uarāma gājerā quēne, “Esp’iritu Santo ĩ masise ȳuare ĩ űjose rāca gājerāre ejarēmoaja ȳua” yirā. ³⁸ Ȳu gotimasiosere, “Socase ñaja” sīgū ĩ yigotijama, ĩre ajibeja.

³⁹ Ȳu mairā, ado bajiro m̄uare yaja ȳu: Diore gotirētobosaroti, Esp’iritu Santo m̄uare ĩ űjorotire b̄uto bojarūgūña. Rējacōari, gājerā masiñamani oca ĩna ñagōjama, “Ñagōbesa”, ĩnare yibeja. ⁴⁰ To bajiboarine, gāmerā rūcub̄uorā, quēnaro t̄uōĳacōari, ȳu gotirore bajiro yirūgūña.

15

“Socase me ñaja Cristo ĩ tudicatire”, yire queti

¹ Ȳu mairā, quēna Cristo ĩ bajirere m̄uare ȳu gotimasios̄uc̄atire m̄ua tudit̄uōĳasere bojaja. Tire ajicōari, Cristore ajitirūnūrā ñacoacaj̄u m̄ua. ² To bajicōari, “Pablo ĩ gotirore bajirone yiyumi Cristo” m̄ua yit̄ujabetijama, rojose m̄ua t̄am̄uoborotire m̄uare yirētobosacōari, quēnaro m̄uare yir̄uc̄ami Dios. To bajiboarine, m̄ua ajitirūn̄u t̄ujajama, m̄uare yirētobosabetir̄uc̄ami Dios.

³ Ti oca ñamasuse, Cristo ȳure ĩ goticati ñacaj̄u. Ado bajiro bajajaja: Dios ocare masa ĩna ucamasire ti gotirore bajirone rojose mani yise vaja manire rijabosayumi Cristo. ⁴ ĩre ĩna jajus̄iaro bero, ĩre yujeyujarā ĩna. To bajiboarine, idiar̄um̄u t̄usatir̄am̄une Dios ocare masa ĩna ucamasire ti gotirore bajirone ĩre catiomyumi Dios. ⁵ To ĩ yijare, tudicaticōari, Pedrore ruyuañoñuju Cristo. Bero, ĩ buerā ñariarā cōrore ruyuañoñuju quēna. ⁶ Bero, gājerā quiniento rētoro ñarāre ĩre ajitirūnūrāre ruyuañoñuju Cristo. To bajiri, j̄ajarā caticōama maji, to bajiro ĩ bajirere ĩariarā. Gājerāma, rijareacoasuma. ⁷ Bero, Santiagore ruyuañoñuju. Bero, ĩ ocare ĩ gotiroticōariarā jedirore ruyuañoñuju.

⁸ Īnare ĩ ruyuañoriaro bero, yure quēne ruyuañocami. Īre yu ajitirñuroto rñjoro, “Cristore ajitirñurocu ñagūmi”, yure yimasibeticama masa. Gājerā Cristo rāca ñacōari, ĩre ĩna ajitirñuriarore bajiro ĩre ajitirñubeticaju yu maji. ⁹ Īre ajitirñurāre buto rojose ĩnare yisuyacacu ñari, Cristo ocare gotigu ñaboarine, ñamasugū me ñaja yu. Gājerā ĩ ocare ĩgotiroticōariarā ñaama ñamasurāma. ¹⁰ To bajiboarine Dios, yure ĩamaicōari, Cristo suorine ĩ ocare yure gotiroticōañumi. Quēnaro yure ĩ yijare, quēnaro ĩre moabosaja yu. To bajiri, “Īre gotirotiboacaju yu”, yure yibecumi. Gājerā Cristo ĩ oca ĩ gotirotiriarā rētohusaro gotimasiorūgūaja yu, “Jājarābūsa ĩre ajitirñurā ñato” yigu. Yu masune yigu me yaja. Yure ĩamaicōari, quēnaro yure ejarēmōrūgūgūmi Dios. ¹¹ Cristo ĩ bajire yu gotijama, gājerā Cristo ĩ gotirotiriarā ĩna gotijaquēne, no yibeaja. Jediro mware yua gotise, ti rñe ñacōaja, mua ajitirñucati.

“Mani rijato bero, quēna mani tudicatibetijama, vaja maniboroja Cristore mani ajitirñuse”, yire queti

¹² To bajiri, “Ī rijato bero ĩre catiomyi Dios” yua yigotise ti ñaboajaquēne, mūajūama, ¿no yirā “Bajireariarā, tudicatimenama”, yati mua? ¹³ To bajiro mua yisere quēnaro tūoñaña mua: Tudicatire ti manijama, Cristo quēne tudicatibetiborimi. ¹⁴ Cristo ĩ rijato bero, Dios ĩre ĩ catiobetijama, ĩ oca masare yua gotise, vaja maniboroja. Īre mua ajitirñuse quēne, vaja maniboroja. ¹⁵⁻¹⁶ To bajiri, Dios Cristore ĩ tudicatibetijama, socasere Dios ĩ gotiroticōarāre bajiro bajiborāja yua. “Bajireariarā tudicatibeticōato” ĩ yijama, Cristore quēne ĩre tudicatibetiborimi Dios. ¹⁷ “Tudicatibetirimi Cristo” mua yitūoñajama, ĩre mua ajitirñuse, vaja maniboroja. Rojose mua yisere mware masiriobetiborimi Dios. ¹⁸ To bajicōari, Cristore ajitirñuriarā quēne, tudicatio ecomenare bajiro bajirāma bajireariarā, Cristo ĩ tudicatibetijama. ¹⁹ Cristore ajitirñurā ñaboarine, mani tudicatibetijama, ĩre ajitirñumena ĩna sutiritiro rētoro tāmūoborāja mani.

²⁰ Ado bajiroju bajiaja: Cristo ĩ rijacoaboajaquēne, ĩre catiomyi Dios. To bajiri ĩ ñagūmi, rijacoaboarine, quēna tudicaticōari, rijabetirotcu ñasūogūma. To bajiro ĩ bajijare, “Mani quēne ĩre ajitirñurā ñari, rijacoaboarine, ĩre bajiro quēna tudicaturāja”, yimasijama mani. ²¹ Sīgū suorine masa bajireare ñasūoyuja. To bajiboarine, quēna sīgū suorine bajireacoaboarine, tudicatire ñasūoyuja. ²² Ado bajiro bajiaja: Adán ñamasir'i jānerabatia ñari, rijaruarāja mani. To bajiboarine Cristore ajitirñurā ĩ yarā mani ñajare, manire catiorucumi Dios. ²³ Cristo ñagūmi rijacoaboarine quēna tudicatisor'i. To bajicōari, adigodoju ĩ tudiejarō, ĩre ajitirñuriarā

tudicatiruarāma. ²⁴ To bajiro ti bajirone, adi macarucuro jediruaroja. Īre ĩaterā ĩaro cōrone ĩna rotiboasere ĩnare yiroti-betirucami Cristo. Adigodoana rojose yirotirā, ō vecana rojose yirotirāre quēne ĩnare yirotibetirucami. To yigajanocōari, ĩajediro, ĩre ajitirūnrāre ĩ jacu Diojare uxorucami, “ĩajediro uju ĩamasugū ĩarūgūrucuja mu” yigu. ²⁵ Cristo ado bajiro yirocu ĩ ĩajare, “To bajirone bajiruaroja”, mare yaja yu: Cristo ĩ jacure ĩ uxoroto rĳoro, ĩ rotiņarirodone, ĩre ĩaterā ĩaro cōrone ĩna rotiboasere ĩnare yirotibetirucami. ²⁶ Īre ĩaterā ĩna rotiboasere yirotibeticōari, quēna masa ĩna bajirease quēne bajibetirotirucami Cristo. To bajiri ĩre ajitirūnrārema, juaji rijare maniruaroja. ²⁷ Dios ocare masa ĩna ucamasire ti gotirore bajirone jediro uju ĩarocure Cristore cūrucami Dios. Bajigujuma, ĩ jacure rotigu me ĩaami Cristo. ²⁸ To bajiri, ĩre ĩaterā ĩaro cōrone ĩna rotiboasere ĩnare yirotibeticōari, jedirore rotigu ĩarucami Cristo. Tirūmune ĩ rotimasirotire ĩ uxorere ĩre tudĳsirucami, ĩ jacure, “ĩajediro uju ĩamasugū ĩarucuja mu” yigu.

²⁹ “Bajireariarā tudicatimenama” sĳgūri mua yisere tuoĳcōari, gajeye mare gotirēmoruaja yu. ĳNo yirā, bajireariarā, oco rāca bautiza ecobetiriarāre tuoĳcōari, “ĩnare bautiza ecobosato mani”, yati mua? Bajireariarā ĩna tudicatibetijama, oco rāca ĩna bautiza ecore vaja maniboroja ti. ³⁰ Gājerāre Cristo ĩ bajirere yua goticudise quēne, vaja maniboroja ti. Tire yua goticudijare, rojose yuare ĩna yirucase ti ĩaboajaquēne, goticudicōa ĩaja yua. Bajireariarā ĩna tudicatibetiboajaquēne, ĳno yirā to bajise yicōa ĩati yua? ³¹ Yu mairā, riojo mare gotiaja yu. Buto yure ĩna sĳarujare, tocārācarūmune tire tuoĳarūgūaja. To bajiboarine, tire yu tuoĳaro cōro yu goticati ūorine Jesucristo mani ujure mua ajitirūnūserere tuoĳavariquēnarūgūaja. ³² Adoana, Efeso macana yure ĩatecōari, buto rojose yure ĩna yirucaboajaquēne, tone goticōa ĩacaju yu. Bajireariarā ĩna tudicatibetijama, yu goticati vaja, vaja bujabetiboguja yu. Mani rijato bero, mani tudicatibetijama, Cristore ajitirūnūmena ĩna tuoĳarore bajiro tuoĳaroti ĩaboroja. Ado bajiro tuoĳarāma ĩna: “Mani bajireacoajama, tudicatimenaja mani” yituoĳarā ĩari, “Mani bojarore bajiro yito mani”, yituoĳarāma.

³³ To bajiro ĩna yisere ajitirūnūbesa. “Rojose yirā rāca mua baba cutijama, quēnaro yirā ĩaboarine, ĩnare bajiro rojose yiruarāja mua quēne” yirere masiritibesa. ³⁴ “Mani rijato bero, tudicatimenaja mani” mua yituoĳaboasere to cōrone tuoĳatujaya mua. To yicōari, rojose mua yisere quēne yitujaya. “Rojose yirā rāca baba cutibesa”, mare yibu yu, mua rācana

sīgūri Diore masimena ĩna ñajare. Tire mware gotiaja yu, yu gotisere ajicōari, mwa tōōabojonerotire yigu.

Rijacoaboarine, quēna mani tudicatiroti queti

³⁵ “Mani rijato bero, tudicatiroti ñaja manire” mware yu yiboajaquēne, sīgūri ñarāja mwa ado bajise sēniñarā: “Bajireariarā ñaboarine, ¿no bajiro tudicatirāda? To yicōari, ¿no bajiro ruju cūtirāda?”, yure yisēniñarāja mwa. ³⁶ To bajiro yure mwa sēniñajama, quēnaro tōōamasimena yirāja mwa. Ado bajirojua bajaiaja: Ote mani otejama, joeaye boacoatoja. To bajiboarine, jubeayejua judiroja. ³⁷ Trigo aje, gajeye mani otejama, ruju jediro me oteaja mani. ³⁸ Mani otero bero, “Ote ti ñarore bajirone judiato” yigu, tire judirotimasigūmi Dios. Trigo aje ti ñajama, trigo judiruroja. ³⁹ Gajeyere quēne tōōaña: Mani catirā, jediro ricati rīne ruju cūtiaja mani. Masa, vaibucurā, minia, vai quēne ricati rīne ruju cūtiama. ⁴⁰ Ō vecana quēne, ricati ruju cūtirāma. “Ō vecana ñato” yigu, ĩnare rujeoyumi Dios. To bajirone bajaiaja, adigodoaye quēne. “Adigodoaye ñato” yigu, tire rujeoyumi Dios. To bajiri ricati ñaja ti. Ricati ñaboarine, quēnase rīne ñacōaja. ⁴¹ To bajirone bajaiaja ũmugū muiju ĩ bususere quēne. Ũmugū muiju ĩ busuro cōro me busuami ñamiagu quēne. To bajicōari ñamiagu muiju ĩ busuro cōro me busuama ñocoa quēne.

⁴² To bajirone bajiruarāja mani. Mani rijato bero, quēna tudicaticōari, ricati ruju cūtiruarāja mani. Mani rujurire gājerā ĩna yujero bero, boacoatoja. To bajiboarine, bero ricati ruju Dios manire ĩ ĩsirotijūama, rijabetirotiruju ñaruroja. ⁴³ Mani ruju boarotiruju ñaja. To bajiboarine, bero Dios manire ĩ ĩsirotirujūama, no yimasiñamani ruju ñaruroja. ⁴⁴ Mani ruju, “Adigodoju ñato” yigu, Dios ĩ rujeoriaruju ñaja. To bajiboarine, bero Dios manire ĩ ĩsirotirujūama, “Yu rāca quēnaro ñaruarāma” yigu, manire ĩ ĩsirotiruju ñaruroja.

⁴⁵ Ado bajiro gotiaja Dios ocare masa ĩna ucamasire: “Adán ñamasir'ire ĩ catirotire ĩre ĩsimasiñuju Dios”, yigotiaja. Adán beroagu ñaboarine ĩ rētoro ñamasugū ñaami Cristo. ĩne ñaami ĩre ajitirūnarā, rijacoaboarine, tudirijayamanire ũjogu. ⁴⁶ To bajiro ti bajiboajaquēne, ĩ rāca ō vecaju ñarotiruju mere manire ĩsisoyumi. To bajiro ĩ yiro bero, ō vecaju ĩ rāca mani ñarotirujure manire ĩsirucūmi. ⁴⁷ Adán ñamasir'ire sitane rujeomasiñuju Dios. To bajiri adigodoagu ñamasasiñuju ĩ. Bero vadir'i, Cristojūama, ō vecaju vadir'i ñañuju. ⁴⁸ Adigodoana Adán ñamasir'i ruju cūtiriarore bajiro ruju cūtiaja mani. To bajirone bajiruroja, manire Cristore ajitirūnarāre quēne. Cristo, rijacoaboarine, tudicaticōari, ĩ ruju cūtiriarore bajiro ruju cūtiruarāja mani quēne.

49 Adigodoana Adán ĩ ruju cõtumasiriarore bajiro rujari cõtĩrã ñaja mani. To bajiboarine, Dios tũju ejacõari, Cristore bajiro ruju cõtĩrũarãja mani.

50 Yu mairã, ñamasusere mũare gotigu yaja yũ: Ado mani ruju cõtĩsema Dios tũju ñarotiruju me ñaja. Gaje ruju, ruju cõtĩcõari, Dios tũju ñarũarãja. 51 Quẽnaro yũre ajiya mũa. Masa ĩna masibeticatire mũare gotigu yaja yũ: Cristo ĩ tudiejaro, ĩre ajitirũnrã jediro rijajedibetiboarine, sĩgũ ruyabeto gaje ruju, ruju cõtĩcoarũarãja mani. 52 Trompeta vãme cõtĩju, ĩna jutĩbusiorone, guaro cajea bibitariarore bajirone bajireariarã, tudicaticõari, rijabetirotiruju, ruju cõtĩrũarãma. To bajiro ĩna bajirone, mani quẽne bajireamenane Cristore ajitirũnrã ñari, gaje ruju, ruju cõtĩrũarãja mani. 53 Ado bajiro ti bajijare, to bajiro bajiroti ñaja: Mani ruju cõtĩse, rijacõari, boaroti ñaja. To bajiri rijabetirotirujũare, ruju cõtĩroti ñaja. 54-55 To bajiro mani ruju cõtĩrone, Dios ocare masa ĩna ucamasire ti gotĩrore bajiro bajĩrũaroja. Ado bajiro gotiaja: “Rijaroti ñaboasere reaȝeȝũcũmi Dios. To bajiro ĩ yijare, ĩre ajitirũnrã, tudirijabetĩrũarãma. To bajiri, no yĩrã ĩna bajĩrotire gũĩmenama”, yĩgotiaja Dios ocare masa ĩna ucamasire. 56 Dios ĩ rotĩmasiriarore bajiro yĩmena ñari, rojose tãmũorũarãma. To bajiro bajiroti ti ñajare, ĩna bajĩrearotire gũĩrãma masa. 57 To bajiboarine, mani mũju Jesucristo manire ĩ rijabosare ñajare, mani bajĩrotire gũĩbeaja mani. Tire tũoĩacõari, “Quẽnaro yaja mũ”, Diore yito mani.

58 To bajiri Jesucristore ajitirũnrũ tũjabetĩrũarãja mũa, yũ mairã. To yĩcõari, mũa yĩmasĩro cõro Dios ĩ bojasere yĩrũgũña. “Ñajediro Dios ĩ bojase mani yijama, quẽnaro manire yĩrũcũmi” yĩtũoĩacõari, to bajiro yĩrũgũña.

16

Jerusalén macanare ejarẽmorã, gãjõa ĩna juarẽore queti

1 Gãjerã Cristore ajitirũnrãre ejarẽmorã gãjõa mũa juarẽorotire mũare gotigu yaja. Galacia sitana Cristore rũcũbũorã ĩna rẽjaro, ĩnare quẽnaro yũ rotĩcatore bajiro mũare rotigu yaja. 2 Tocãrãca domingo ñaro, gãjõa mũa ĩsirũaro cõro, mũa ĩsijama, quẽnaja. Tire cojojũne juarẽocũma. To bajiro mũa yijama, mũa tũju yũ ejaro, tire juarẽoroti manĩrũaroja. 3 Mũa tũju ejacõari, gãjõa mũa cũsere juavarõnare, “Ãnoa ñaama tire juavarõna”, yĩba. To bajiri, queti ĩnare ucabosarũcũja yũ. “Ãnoa ñaama quẽnaro yĩrã. ĩnare quẽnaro bocaãmiña” yĩre quetire ĩnare ucabosarũcũja yũ, “Jerusalén macanare ĩoato” yĩgu. 4 “Pablo rãca varũarãma” mũa yĩtũoĩajama, yũ rãca varũarãma.

Pablo, Corinto macajũ ĩ varũa tũoĩare queti

⁵ Macedonia sitaju varuŝija yu. Toju ĩacudigu vacune, muu tuju ejaruŝija. ⁶ Yoaro, juebuŝu űaro cōro muu rāca űaruŝija, yu bajijama. Muu tu yu űaro, gājerā tuju yu ĩacudigu varotire yirā, yure ejarēmoraűarāja muu. ⁷ Ado cōrone muu tu yu vajama, yoaro muu rāca űabetiboguja yu. To bajiri muu tuju vabeaja maji. Mani uju ĩ bojajama, yoarobuŝa muu rāca űaboguja yu. ⁸⁻⁹ Efeso macajuŝe űacōaruŝija maji, jājarā yure ĩaterā ĩna űaboajaquēne, Jesús ĩ bajire yu gotimasiosere quēnaro ajiruűarā jājarā ĩna űajare. To bajiri Pentecostés boŝerūmu adoana ĩna yiro bero, varuŝija yu.

¹⁰ Timoteo, muu tu ĩ ejojama, “Manire güibecune, quēnaro riojo gotiato” yirā, quēnaro ĩre yiba. Yure bajirone mani uju ĩ bojasere yigu űaami ĩ quēne. ¹¹ To bajiri ĩre quēnaro rucuboba. Yu tuju vaju, muare ĩarētovagumi. To bajiri, yu tuju eaju, “Variquēnase rāca ejato ĩ” yirā, quēnaro ĩre ejarēmoma. Gājerā Cristore ajitirūnūrā rāca ĩ ejarotire űayuruűarāja yu.

¹² Mani maigū, Apolos ĩ bajisere yure sēniĩacōaűija muu. Gājerā Cristore ajitirūnūrā rāca muu tuju ĩre varotirūgūboacaju yu. Varuŝeticami. No bojarirūmu ĩ vatirūmu, varuŝumi, bajijuma.

“Estéfnas mesa ĩna rotirore bajiro muu yijama, quēna”, Pablo ĩ yire queti

¹³ Rojose yirāre güimenane, quēnaro tuōĩacōari űarūgūűa muu. To bajicōari, mani uju Cristore tuōĩatujabesa, “Dios ĩ bojasere yitujarobe” yirā. ¹⁴ Muu yise jediro quēnaro gāmerā maire rāca yirūgūruűarāja muu.

¹⁵ Acaya sitaju, Estéfnas, ĩ yarā rāca Cristo ĩ bajirere yu gotimasiosere ajitirūnuŝocama. Adirūmuri űarā, Cristore ajitirūnūrāre ejarēmoama ĩna. Tire masiaja muu. ¹⁶ ĩnare, to yicōari, ĩna rāca moarāre quēne quēnaro muu cuŝisere bojaja yu.

¹⁷ Estéfnas, Fortunato, Acaico ĩna ejasere buŝto variquēnaja yu. Jediro yu tuju muu ejamasibetijare, ĩnaju, ejacōari, muu gotiroti űaboasere quēnaro muare gotibosama. ¹⁸ Quēnaro muare ĩna gotibosajare, muu variquēnarore bajiro variquēnaja yu quēne. To bajiri, “Yuare quēnaro muu gotibosajare, variquēnaja yu” yirā, quēnaro ĩnare yiba muu.

Pablo, ĩnare ĩ quēnaroticōare queti

¹⁹ Asia sitana Cristore ajitirūnūrā, “Quēnato”, muare yicōama. Aquila, ĩ manajo Prisca, ĩna ya vi rējarā quēne, mani ujuare ajitirūnūrā űari, muare quēnarotiama. ²⁰ Adoana Cristore ajitirūnūrā, muare mairā, “Quēnato”, muare yicōama ĩna quēne. Gāmerā mairā űari, rējacōari, quēnaro gāmerā yiba.

²¹ Yu Pablo, yu masune, “Quēnato”, muare yiuŝacōaja yu.

²² Mani ɱjɱɛ ĩre ajitirãna mena, rojose tãmuotɱjabetiriaroju varuarãma ĩna. Mani ɱju, yoaro mene ĩ tudiejasere bojaja yɱ.

²³ Mani ɱju, quẽnasere mɱare cõarũgũato. ²⁴ Mɱa quẽne, Jesucristore ajitirãnarã mɱa ñajare, “Mɱare bũto tũoĩamaiaja”, mɱare yicõaja yɱ.

To cõro ñaja.

Segunda carta de San Pablo a los CORINTIOS

Corinto vāme cūti macana, Cristore ajitirūnūrāre, Pablo ī ucacōare queti

1-2 ĶNati mūa Corinto vāme cūti macana, Dios sūori ī macu ocare ajitirūncōari, rējarūgūrā? Adi queti mūare ucaja yūa. Jesucristo sūori Dios yarā űaja mūa. Mūa rī mere ucaja yūa. Mūa ye sitana, Acayana jediro Dios yarā adi quetire ĩna ĩarotire bojaja yūa. Mūare quēnarotirā, mani jacu Diore, to yicōari, Jesucristo mani űjare ado bajise mūare sēnibosaja yūa: “Quēnaro mūa rāca ĩna űarotire yirā, ĩnare ejarēmoıa”, mūare yisēnibosaja yūa. Yū űaja Pablo, adi paperare mūare cōagū. “Yū ocare gājerāre gotimasiodirūcūja mū” yigū, Dios ī bojarore bajiro yūre cōacami Jesucristo. Mani maigū, Timoteo rāca űaja yū.

³ Diore ĩre rūcūbūoto, mani űjū Jesucristo jacure.

Īne űaami manire ĩamaigū. Mani tūoıasūtiritisere, “Sūtiritibeticōato” yigū űaami. ⁴ űajediro rojose mani tāmūojama, manire ejarēmōrūgūami. To bajiro manire ī yisere masicōari, mani quēne, gājerā rojose ĩna tāmūojama, ĩnare ejarēmomasirūarāja mani. ⁵ “Diorāca quēnaro űato” yigū, rojose manire tāmūobosayumi Cristo. To bajiri, gājerā Diorāca quēnaro ĩna űarotire yirā, rojose tāmūobosarūgūaja yūa quēne. Būto būsā rojose yūa tāmūoıaro rīne, “Sūtiriti tūjacōari, variquēnato” yigū, būto būsā quēnaro manire ejarēmōrūgūgūami Cristo. To bajiro ti bajijare, “Quēnaro yaja mū”, Diore ĩre yivariquēnarūgūaja yūa. ⁶ To bajiri, mūare quēnaro yūa ejarēmosere, to yicōari, ĩ rāca quēnaro mūa űarotijūare quēne tūoıarā űari, rojose tāmūorūgūaja yūa. To bajiro yūa bajiboajaquēne, yūare quēnaro ejarēmōrūgūami. To bajiri, yūa sūorine mūare quēne ī ejarēmojare, mūa quēne, rojose tāmūoboarine, Cristore ajitirūnū tūjabetirūarāja. ⁷ “Rojose mani tāmūorore bajiro rojose tāmūorā ĩna űajare, manire ī ejarēmōrore bajiro ĩnare quēne ejarēmogū yigūmi Dios” yimasirā űari, “Cristore ajitirūnū tūjabetirūarāma”, mūare yitūoıaja yūa.

⁸ Yū mairā, adoju, Asia sitaju būto rojose yūa tāmūocatire mūa masisere bojaja yū. Būto rojose tāmūocana űari, “Yūare sīabeticōato” yirā, no bajiro yimasibeticaju yūa. ⁹ “Manire sīarūarāma”, yitūoıacaju yūa. “Dios űaami manire rujeorī, rijariarāre quēne catiogū. To bajiri adigodojare ī sīgūne űaami manire maigū” yūa yitūoıarotire yiro bajicaju. ¹⁰ Yūare ĩna

s̄laborotire yirētososayumi Dios. To bajiri, “Ī yicatore bajiro manire yirētososaruc̄s̄mi quēna”, ĩre yit̄uoĭa variquēnac̄o ĩaja yua. ¹¹ Diore m̄na sēnise suorine yuare ejarēmoruar̄aja m̄na quēne. Gājerā quēne, yuare sēnibosaruar̄ama. To bajiri ĩna rāca jājarā ĩaruar̄aja m̄na, yuare quēnaro Dios ĩ yisere ajic̄ōari, “Quēnaro yaja m̄”, Diore ĩre yirona.

“Ado bajiro t̄uoĭaḡ ĩari, m̄na t̄uj̄ vabeaja yu maji”, Pablo ĩ yire queti

¹² Ado bajise t̄uoĭac̄ōari, variquēnaja yua: “Dios ĩ bojarore bajiro masare quēnaro yicaj̄ mani”, yit̄uoĭaja yua. Masare yitorā me ĩaja yua. “Corinto macana rāca ĩarā, quēnaro Dios ocare gotimasiocaj̄”, yit̄uoĭaja yua. Yuare quēnaro yiyumi Dios, “Gājerāre quēnaro yato” yiḡ. Yua masune yua t̄uoĭasene gotibeticaj̄. Dios ĩ masise rāca to bajiro yicaj̄ yua. ¹³ M̄nare ucac̄ōarā quēnaro riojo m̄na ajimasirotire ucacaj̄ yua. To bajiri ĩajediro yua ucac̄ōarā quēnaro ajimasir̄uar̄aja m̄na. Bero quēne, jediro yua ucac̄ōarā quēnaro ajimasir̄uar̄aja m̄na. ¹⁴ To bajiboarine, yua ucac̄ōarā quēnaro ajimasijeobeaja m̄na maji. Quēnaro yuare m̄na ajimasijeosere bojaja yua. Yuare m̄na ajimasijeojama, mani uj̄ Jesucristo ĩ tudiejarir̄am̄ ti ejaro, “Quēnaro yuare gotimasioĭuma Pablo mesa”, yivariquēnaruar̄aja m̄na. Yua quēne, “Quēnaro ajitir̄anur̄ā ĩaama”, yit̄uoĭa variquēnaruar̄aja.

¹⁵ Tire t̄uoĭaḡ ĩari, quēna m̄nare ĩaḡ varua t̄uoĭacaj̄ yu. “To bajiro yu bajijama, ĩnare yu ejarēmojare, butobusa variquēnaruar̄ama”, m̄nare yit̄uoĭaboacaj̄ yu. ¹⁶ “Macedonia sitaj̄ vac̄, ĩnare ĩarētoaruc̄s̄ja yu. Quēna tudiaj̄, ĩnare ĩarētoadiruc̄s̄ja”, yit̄uoĭaboacaj̄. M̄na t̄uj̄ ejac̄ōari, “Judea vāme cuti sita yu ejarēsirotire yirā, yuare ejarēmoruar̄ama”, m̄nare yit̄uoĭaboacaj̄. To bajiro yit̄uoĭaboarine, beroj̄ ricati t̄uoĭacaj̄ yu. ¹⁷ M̄na t̄uj̄ yu ejabetijare, “Quēnaro t̄uoĭabec̄une, to bajise yit̄uoĭaboayumi”, yuare yir̄aja m̄na. “To bajiro yir̄uc̄s̄ja yu” yiboarine, ricatij̄ yu me ĩaja yu. ¹⁸ Mani jac̄ Dios, riojo gotiḡ ĩaami. To bajiri yu, yu babarā quēne riojo gotirā ĩaja yua. To bajiro yir̄uar̄aja yua yijama, yua yirore bajirone yaja yua. “To bajiro bajirā ĩaama”, yuare yĭaḡm̄ Dios. ¹⁹ Jesucristore ajitir̄anur̄aḡ ĩari, to bajiro yaja yu. Yu Pablo, Silvano^a, Timoteo quēne, Jesucristo yere m̄nare goticaj̄ yua. ĩ ye queti socase me ĩaja. “To bajiro yir̄uc̄s̄ja” yiboarine, ricatij̄ yu yire me ĩaja. To bajiri, “Yir̄uar̄aja” yua yirore bajirone gotir̄uḡaja. ²⁰ “Quēnaro masare yir̄uc̄s̄ja” Dios ĩ yigotic̄ure jedirore yijeoḡ ĩaami Cristo. To bajiro yiḡ ĩ ĩajare, quēnaro

^a **1:19** Jesucristore ajitir̄anur̄aḡ ĩari, to bajiro yaja yu. Yu Pablo, Silvano, Timoteo a 1.19 Silas ti yijama, griego oca rāca yiyuju. Silvano ti yijama, latin oca rāca yiyuju. Hch 15.22; 18.5; 1 Pe 5.12 macaĭa.

Diore yirăcăbuo variquēnaja mani. ²¹ Īne ņaami Dios, m̄are, to yicōari ȳare quēne, Jesucristo yarā mani ņarotire yiḡu, manire beser'ī. To yicōari, ȳare ĩ ye ocare ūmato gotimasioronare ȳare cūcami. ²² “Ȳu yarā ņaruarāma yuja” yiḡu, mani ʘsurij̄ure cōaŋumi, Esp'iritu Santore. Mani ʘsurij̄ure ejačōari, ĩ ņajare, “Jesucristo yarā ņaja mani. To bajiri Dios ĩ gotiriarore bajirone jediro ĩ ņaroj̄u quēnamasusere bujaruarāja”, yimasijaja mani.

²³ Ado bajiro t̄oŋagū ņari, m̄a t̄uj̄u vabeticaj̄u ȳu maji: M̄a t̄uj̄u ejačōari, m̄are ȳu gotiserene, “Tud'ire bajiro ajs̄utiritiroma” yiḡu, vabeticaj̄u ȳu. To bajiri vabeticōari, “Queti ȳu ucase rāca ĩnare gotir̄uc̄ija maji”, yit̄oŋacaj̄u ȳu. Socu me yaja ȳu. Riojo masiami Dios quēne. ²⁴ M̄are rotiruarā me to bajiro m̄are gotimasioaja. J̄ere Diore quēnaro t̄oŋamasirā ņaja m̄a. Quēnaro mani ņajediro variquēnase rāca butobusa Diore mani masirotire yirā, m̄are ejarēm̄orūgūaja ȳu.

2

¹ Tir̄m̄uj̄u m̄a t̄uj̄u ejačōari, m̄are ȳu gotiro, buto s̄utiriticaj̄u m̄a. To bajiri s̄utiriticaj̄u ȳu quēne. To bajiro ti bajijare, quēna ȳu ĩaro r̄ijoro m̄a s̄utiritirotire bojabecu ņari, “Īna t̄uj̄u ĩagū vabec̄ija ȳu maji”, yit̄oŋacōacaj̄u ȳu. ² M̄a s̄utiritijama, ņim̄u rāca variquēnabetiboḡija ȳu. To bajiri m̄are ȳu gotise s̄orine m̄a s̄utiritisere bojabecu ņari, vabeticaj̄u ȳu. ³ M̄a t̄uj̄u ejačōari, s̄utirititeḡu, m̄are paperare ucacōacaj̄u, m̄a rāca ȳu variquēnarotij̄uare bojaḡu ņari. ⁴ Ti quetire m̄are ucaḡu, s̄utiriticōari, buto oticaj̄u ȳu. Tire m̄a ĩas̄utiritirotire bojabeticaj̄u. Tire ĩacōari, “Buto manire maiami Pablo” m̄a yimasirotire bojacaj̄u.

“Rojose yirere masirioya”, Pablo ĩyire queti

⁵ M̄a rācaḡu rojose ĩ yirere ajicōari s̄utiriticaj̄u ȳu. Ȳu s̄igū me s̄utiriticaj̄u. Rojose ĩ yirere masicōari, s̄utiritiriarāja m̄a quēne. Butobusa ĩ s̄utiritirotire m̄a yisere bojabeaja ȳu. ⁶ J̄ere j̄ajarā r̄ejacōari, rojose ĩ yire vaja rojose ĩre yiyuja m̄a. “To cōrone rojose t̄am̄oato” ĩre m̄a yisere bojaja ȳu. ⁷ Rojose ĩ yirere masiriocōari, ĩre baba c̄tiya quēna. To bajiro m̄a yibetijama, s̄utiriticōari, Cristore ajitir̄an̄u t̄ujacoar̄uc̄ami. ⁸ To bajiri quēnaro ĩre yiya m̄a yuja, “ ‘Ȳure maiama’ yimasijato ĩ” yirā. ⁹ Tir̄m̄uj̄u papera m̄are ucacōacaj̄u ȳu, “ ‘¿Ȳu yirotisere yicōati?’ yimasir̄u. ¹⁰ Ḡaji rojose ĩ yirere m̄a masiriojama, ȳu quēne ĩ yirere masirioaja. To bajiri rojose ĩ yire ti ņajama, ĩre masirior̄uc̄ija. Buto m̄are maigū ņari, Cristo ĩ ĩaro r̄ijoroj̄u to bajiro yir̄uc̄ija. ¹¹ Mani ḡamerā masiriocōa ņajama, v̄atij̄u ĩ bojarore bajiro manire rotimasibec̄ami. Bajir̄aj̄uma, masare rojose ĩ yitoajerūḡusere j̄ere masijaja mani.

Troas vāme cūti macajū ejacōari, Pablo ī tūōīarejaire queti

¹² Troas vāme cūti maca ejacōari, Cristo oca quēnasere toanare gotimasio űacajū yū. To yū bajirone, jājarā masa yūre ajirā ejacama. ¹³ To bajiro ĩna ajirūaboajaquēne, yūjūa, mani maigūre mūa tūjū yū cōacacūre Tito vāme cūtigūre būjabeticōari, buto tūōīarejaicajū yū. To bajiri, toanare vare goticōari, ĩre macagū vadicajū yū, adojū, Macedonia sitajū.

¹⁴ “Cristo manire ĩ rijabosare sūorine vātia űjū, rojose yirotigū, manire ĩ rotiriarore bajiro yibeticōato” yigū yiyumi Dios. To bajiro ĩ yijare, vātia űjūre ajibeticōari, Dios ĩ bojasejūare yirūgūaja mani. “Jedirojū quēnase sutise ti sutibatorore bajiro űajediroanare ti quetire gotibatoato” yigū, yūare goticudi rotirūgūami. To bajiro yigū ĩ űajare, “Quēnaro yaja mū”, Diore yivariquēnato mani. ¹⁵ Ti quetire masare yūa gotibatosere ĩavariquēnagūmi Dios. Yūa gotibatose sūorine masa jediro, Dios tūjū varona, rojose tāmūotūjabetiriarojū varona quēne, tire ajijedirāma. ¹⁶ Cristore ajitirānūmena rojose masu ĩna bajirotire yūa gotimasiosere ajiteama, rojose tāmūotūjabetiriarojū varona űari. Gājerājūama, Dios tūjū varona, quēnase masu ĩna bajiroti yūa gotijare, tire ajivariquēnaama. Yūa masune yūa tūōīasene gotibeaja. Dios ĩ masise rāca tire gotimasiorūgūaja. ¹⁷ Bajirājūma, gājerā, jājarā űarāma, Dios ocare gotimasiorā. ĩnama, “Tire goticōari, gājoa būjarāsa” yirā űaama. Yūajūama, ĩnare bajiro yirā me űaja. Jesucristo yarā, Dios ĩ cōariarā űari, ĩ ĩaro rĳjorojūa rūcūbuose rāca ĩ ocare gotimasiorūgūaja.

3

“Quēnaro mūare yirūcūja’ Dios ĩ yiriarodo ti ejajare, ado bajiro bajiaja”, Pablo ĩ yire queti

¹ ĩna masurione, “Quēnaro gotimasiorā űaja”, yama Pablo mesa. Papera jūro, “‘Quēnaro gotimasioama’ yirijūro gājerā ĩnare ĩna ucabosariajūrore ĩoroti űaja” yirere yiboarāja mūa. Bajibeaja. Gājerā gotimasiorimasajūama, to bajiro yiriajūrore ĩna ĩorore bajiro ĩoroti me űaja yūarema. ² Mūa űaja “Dios ocare quēnaro gotimasioama” yūa yīīorijūrore bajiro bajirā. Mūare ĩacōari, “Pablo mesa, ĩnare ĩamaicōari, Dios ocare quēnaro gotimasioņuma”, yūare yimasirāma masa jediro. Rojose mūa yirere yitūjacōari, quēnaro mūa yisejūare ĩarā űari, to bajise yirāma. ³ “Cristo ĩ ejarēmojare, to bajiro bajiaama”, mūare yimasire űaja. Tirāmūjū gūtajāirijū ucatucūmasiriarore bajiro mūare yibesumi Dios. Ado bajirojūa yiyumi: Mūa űsūjū Esp’iritu Santore cōaņumi. To yicōari, quēnasejūare tūōīarotire yiyumi, “Cristo yarā űaama” gājerā mūare ĩna yirotire yigū.

4 “Cristo suorine manire ejarẽmoami Dios” yirã ñari, “Ti quetire quẽnaro gotimasioaja”, yaja yua. 5 “Yua masurio yua masise rãca masare gotimasioaja”, yibeaja yua. Ñajediro quẽnase yua yise, Dios ï masise rãca yaja. 6 To bajiri Dios oca tirũmũayere ï vasoarere gotirẽtobumasiaja yua. “Yũ roticũsere cãdijeobecũne, ï bajirocajama, rojose tãmũotũjabetiriariojũ varũcũmi”, yigotiyuja tirũmũaye. Mameayejũama, tirũmũayere bajiro me bajaiaja. Ado bajirojũa bajaiaja: “Esp'iritu Santore cũorã rĩne yũre cãdirũarãma. To bajiri, Diorãca ñacõa ñarũgũrũarãma”, yigotiaja Dios oca.

7 Tirũmũjũ ï rotirere gũtajãirijũ ucacõari, Moisés ñamasir'ire ïsimasiñuju Dios. Tire ñna cãdijeobeti sũori rojose tãmũotũjabetiriariojũ varoti ñamasifiñuju. Tire ï ïsirone, buto yaase rãca ejayuju, “Dios ye ñaja” yiro. Ado bajiro bajimasiñuju ti: Dios ï ucarijãirire ï boca juarone, buto ï rioga yaamasiñuju, Moisére. Buto jaarica rioga cutigũ ï ñajare, ïre ïamasibetimasiñujarã israelita masa. To bajiboarine yoaro mene quẽna yaabeticoamasiñuju. 8 Adirodorirema, mameaye oca, Dios ï vasoare ñajare, Esp'iritu Santo, mani usũrijũ ejacõari, ï ejarẽmose suorine Diorãca mani ñacõa ñarũgũrotire masiaja mani. To bajiri “Tirũmũaye oca rẽtoro ñamasuse ñaja mameaye oca Dios ï vasoare”, yitũoĩaja mani. 9 Tirũmũaye oca Moisére cũgũ, “Ñamasuse ñaja”, yĩomasiñuju Dios. To bajiro ï yire ti ñaboajaquẽne, gãjerã tire cãdijeomena ñari, “Rojose tãmũorũarãja”, yitũoĩamasiñujarã masa. Yucũrema mameaye oca Dios ï vasoare suorine, “Dios ï ïajama, rojose mana ñaja”, yimasiaja mani. To bajiri, “Tirũmũaye rẽtoro ñamasuse ñaja”, yimasiaja mani. 10 Mameaye oca, Dios ï vasoare, tirũmũaye rẽtoro ñamasuse ti ñajare, “Ñamasuse me ñariaroja tirũmũayema”, yitũoĩavasoare ñaja, adirodorirema. 11 Dios ï vasoare, juaji ï vasoabetiroti ti ñajare, “Tirũmũaye ocama yoaro ñabesuja”, yimasiaja mani. To bajiri yucũrema, “Tirũmũaye oca rẽtoro ñamasuse ñaja”, yitũoĩaja mani.

12 “Ñamasuse ñaja Dios ï vasoare” yitũoĩarã ñari, bojone-menane tire gotimasiocudirũgũaja yua. 13 Moisés ñamasir'ire bajiro bajirã me ñaja yua. Moiséma, Dios ïre ï ñagõro bero, ï rioga yaase yayirũtuasere, “Israelita masa ïaroma” yigũ, ï rãjoa jeoriaro jeotoomasiñuju. Yũama, ï yimasiriarore bajiro yayior'i, masare gotimasiobetirũgũaja. 14 Tirũmũjũre quẽne Dios ocare ajitirũnũrũabetimasiñujarã israelita masa. To bajiri ï ocare ajiboarine, “To bajiro yirũaro yaja”, yimasibetimasiñujarã. Adirũmũri quẽne to bajirone bajicõa ñaama ñna. Cristore ajitirũnũrã rĩne, Dios ocare ïacõari, ajimasiamã ñna. 15 Tire mũare tudigotiaja yũ. Israelita masa, mani mũju Cristore ajitirũnũbeticõari, Moisés ï ucamasire ajimasibeama

maji. ¹⁶ To bajiboarine, rojose ĩna yisere yitujacōari, mani ujure ĩna ajitirũnũsuoajama, ĩnare ejarēmogūmi, “Tire ajimasiato ĩna” yigu. ¹⁷ Mani ujure ajitirũnũsuoarēre ejami Esp'iritu Santo. To bajiri, “Rojose mana ĩnaama” Dios ĩ yĩavariquēnarā ĩari, “Dios ĩ rotimasire mani yijeobeti vaja, rojose manire yirũcumi Dios”, yituoĩabeaja mani. ¹⁸ Jesucristore ajitirũnrā ĩari, “Quēnarētogū ĩagūmi”, ĩre yituoĩamasijaja mani. To bajiri, ĩ bojarore bajiro yirũgũaja mani. To yirā rĩne, butobusa ĩre bajiro bajiruarāja mani, Esp'iritu Santo ĩ ejarēmorā ĩari.

4

¹ Yũare ĩamaicōari, ĩ ocare yũare gotimasiorotiyumi Dios, masare. To bajiro yũare ĩ yijare, tire tuoĩavariquēnacōari, ti ocare gotimasiodirũgũaja yua. ² Masa bojoneosere yirā, yayioroju ĩna yirore bajiro yibeaja yuama. “Manire ajitirũnũato ĩna” yirā, masare yitobeaja yua. Gājerā, “Quēnase bujarāsa” yirā, ĩna masu ĩna tuoĩarujeore bajiro gotimavisiobeaja yua, “Manire ĩagūmi Dios” yirā ĩari. To bajiri, “Quēnaro gotimasioama Pablo mesa”, yũare yimasi-jedirāma masa. ³ Quēnaro gotimasiorā yua ĩnaboajaquēne, jājarā ĩnaama tire ajimasimena. Mani ujure ajiterā ĩari, to bajiro bajijama. Rojose tãmuotujabetiriaroju varona ĩnaama ĩna. ⁴ “Ajimasibeticōa ĩnato” Satanás ĩ yise ĩajare, yua gotimasiosere ajimasibeama. ĩ ĩnaami vātia ujũ, Dios ĩ bojabetire masare ĩnare yirotigũ. Cristo, Diore bajiro bajigu ĩ ĩajare, ĩ oca quēnamasusere ajitirũnũcōari, quēnaro ĩre masa ĩna rũcũbuosere bojabeami Satanás. ⁵ “Yũajũare rũcũbuoya” yirā me, ti ocare gotimasiorũgũaja yua. “Mani ujũ Jesucristojũare rũcũbuoato” yirājuaja yaja. Jesũre maicōari, mũare moabosarāre bajirone bajirũgũaja, tire mũare gotirā. ⁶ Dios, rēmojuene adi macarũcuro rētiaboarere busurotimasiũju. Tire ĩ yimasiriarore bajirone ĩ yere mani ajimasibetiboarere mani ajimasirotire yiyumi. To bajiri, “Quēnarētogū ĩnaami Dios”, yimasijaja mani yucũrema yuja, Jesucristo quēne quēnamasugũ ĩ ĩnasere masirā ĩari.

Cristore ajitirũnũcōari, quēnaro ĩnare queti

⁷ Cristo ĩ gotiroticōariarā, ĩnamasurā me ĩaja yua. ĩ ocajuja ĩaja ĩnamasusema. Yua masune yua tuoĩasene masare gotimasiobeaja. Buto tuoĩamasirā me ĩaja yua. To bajiro yua bajisere bojagumi Dios, “ĩna masise ĩna ye me ĩaja. Dios yene ĩaja” masa yũare ĩna yimasirotire yigu. ⁸ Gājerā buto rojose yũare yirũgũama. To bajiro ĩna yiboajaquēne, Dios ĩ bojarore bajiro gotimasiodcōa ĩnarũgũaja yua. Rojose tãmuoboarine, “¿No bajiro bajirāti?”, yituoĩarejaibetirũgũaja. ⁹ Jājarā yũare ĩaterā ĩna ĩnaboajaquēne, Dioma yua rāca ĩnacōa ĩnarũgũami. Cojoji me buto rojose yũare yiboarine, sãibetirũgũama. ¹⁰ No bojaro

yua vacudiroju yuare s̄aruarã ñaama ñna. Jesúre ñna s̄ariorore bajiro yuare quēne s̄aruaama. “Yuare s̄aroma” yigu, yuare quēnaro coderũgũami Jesús. Tire ñacõari, “Catigu ñaami Jesús”, yituoĩarũgũama masa. ¹¹ Jesúre ajitirũnrã yua ñajare, yuare s̄aruarũgũama masa. Yuare ñna s̄aruaboajaquēne, yua catiõõa ñasere ñacõari, “Tudicaticõari, ñnare ñatirũnrũgũami Jesús”, yĩamasire ñaja. ¹² To bajiro rojose tãmuoobarine, yua gotimasiocati ñajare, Jesúre ajitirũnrã ñacoacaju mña. To bajiri, mña rijato beroju mña catirotire Dios ñ catisere ñ ñsicana ñaja mña.

¹³ Masa yuare ñna s̄aruaboajaquēne, no yibeaja yuare. S̄igũ Dios ocare ucamasir'i Diore ñ ajitirũnrariorore bajiro ajitirũncõa ñaja yua quēne. Ado bajiro gotiaja ñ ucamasire: “Diore ajitirũnrũ ñari, ñ ocare masare gotimasioaja yu”, yigotiaja Dios oca ñ ucamasire. To bajiro tuoĩaja yua quēne. Diore ajitirũnrã ñari, yua catiñaro cõro ñ ocare gotimasioõõa ñaruarãja yua. ¹⁴ Ado bajiro tuoĩarã ñari, masa yuare ñna s̄aruasere güibeaja yua: “Mani uju, Jesús ñ rijacoaboajaquēne, ñre catioyumi Dios. To bajiri, Jesús yarã mani ñajare, manire quēne, catiorucumi Dios”, yituoĩaja yua. “Mñare quēne catiõõari, ñ ñaroju õ vecaju manire jua varucumi Dios”, yituoĩaja yua. ¹⁵ Ado bajiro tuoĩarã ñari, “Yuã rãca varuarãja mña”, yibũ yua: “ ‘Mani gotimasiosere ajirona quēnase bujato ñna’ yirã, rojose tãmuorũgũaja mani”, yituoĩaja yua. To bajiri mani uju ocare gotimasiorã ñari, rojose tãmuorã ñboarine, tire gotimasioõõa ñaja, “Jãjarãbusa Jesucristore ajitirũnrũtuajaro” yirã. “Manire ñamaicõari, quēnaro yami Dios”, yivariquēnaruarãma ñre ajitirũnrã. To bajiri, jãjarãbusa ñarũtuaruarãma ñre quēnaro rãcũbuorã.

¹⁶ To bajiri, Dios, quēnaro yuare ñ yijare, tire tuoĩavariquēnacõari, ñ bojarore bajiro yirũgũaja yua. Yuã rujujũama butobusa ti bucñajedi vaboajaquēne, yu tuoĩasejuama tocãrãcarũmũne butobusa quēnase yirũa tuoĩarũtuana yaja yua, Dios ñ ejarẽmose rãca. ¹⁷ Adigodo ñarã, rojose yua tãmuorũgũse yoaro mene jedicoaroti ñaja. Beroju Dios ñ ñaroju, jedibetirotire, quēnamasusere bujaruarãja yua. ¹⁸ “Mani rujuaye, mani ñase jediro, yoaro me jedicoaruroja. Mani ñabujabetijũama, ñacõa ñarũgũuroti ñaja”, yituoĩaja yua. To bajiri yua ñase, tire buto tuoĩabetirũgũaja yua. Diore, to yicõari, ñ ye yua ñabujabetijũarema buto tuoĩarũgũaja.

5

¹ To bajiri mani rujuama, vire bajiro bajiriruju ñaja. Vi ti boarore bajirone, mani ruju quēne boaruroja. Ti boacoaboajaquēne, mani rijato beroju gajeruju manire vasoarucumi Dios, õ vecaju. Ti rujuama, boabetiruju ñaruroja. To bajiro ñ yirotire jẽre masiaja mani. ² To bajiro mani bajiroti ñ ñajare,

cojojirema adigodoju ñarã, buto rojose tãmuoboana, õ vecaju mani ñarotiruju rãcajuã ñarua tũoĩarũgũaja mani. ³ Adirãmari mani uju ã tudiejajama, buto quẽnarũaroja. Gãjerã rijariarã gaje ruju Dios ã vasoabetiriarã tũjũre vabetirũarãja mani. Riojone gaje ruju vasoarũarãja, to bajiro ã bajijama. ⁴ To bajiri, cojojirema adigodo ñarã, rojose tãmuoboana, ruju cuti quejerũgũaja mani. Tire mani yijama, “Bajiyayirũaja” yirã me yaja. Bajiyayibetiboarine, rijabetiruju bojarã yaja. ⁵ Mani tũoĩarujeore me ñaja ti, mani ruju vasoaroti. Dios ñaami, “Gaje ruju vasoarũarãma” yir'ima. To yicõari, Esp'iritu Santore manire cõañumi, “‘Dios ã gotiriarore bajirone mani ruju vasoarũcumi’ yimasiato” yigu.

⁶ “Maji adigodoju ñarã, mani uju Cristo ã ñaroju ejamasi-beaja”, yimasiaja. To bajiri mani bajirotire tũoĩa yurã, tire tũoĩavariquẽnaja mani. ⁷ Adigodo ñarã, Cristore ãbetiboarine, “ã gotiriarore bajirone quẽnaro yirũcumi”, ãre yitũoĩarũgũaja mani. ⁸ Adoju to cõrone ñarũaja mani, mani uju ã ñaroju mani varotire yirã. ⁹ To bajiri adigodoju ñarã quẽne, õ vecaju mani ñarã vajaquẽne, Dios ã ãvariquẽnase rĩne yirũarũgũaja. Disejuã gajeye ñamasuse maja manire. ¹⁰ Cojorãmã mani jediro Cristo ã ãaro rĩjorojuã ejarona ñaja mani. To bajiri, “Ãnoa ñaama quẽnase yicana. Ãnoa ñaama rojose yicana”, yĩãbeserũcumi. Yĩãmasicõari, manire vaja yirũcumi.

“Cristo ã rijabosare suorine Dios ã ãvariquẽnarã ñaja mani”, Pablo ã yire queti

¹¹ To bajiro ã beserirãmã ti ejaro, “Rojose ãnare yiromi” yirã ñari, “ãre ajitirũnũato” yirã, ãnare gotimasiorũgũaja yua. “To bajirone tũoĩaama Pablo mesa”, yũare yimasigũmi Dios. Mũa quẽne, to bajirone mũa yitũoĩasere bojaja yua. ¹² Tire mũare yua gotijama, yũare mũa ãvariquẽnasere bojarã me yibũ yua. Ado bajirojuã bajiaja: Yũare ñagõmacarãre, “Ado bajiro tũoĩacõari, cõdimasiato” yirã, tire mũare gotibũ yua. Yũare ñagõmacarã ñaama, gãji ã tũoĩasere masibetiboarine, “Quẽnagũ ñaami”, yitũoĩarãma. Quẽnaro ã bajisere ãcõari, “Quẽnagũ ñaami”, yĩarã ñaama. ¹³ Yũare ñagõmacarã sigũri, “Tũoĩamasimena, mecũrimasa ñaama Pablo mesa”, yũare yirãma. No yibeaja ti. Dios ã bojarore bajiro masare gotimasioaja yua. Gãjerãma, “Quẽnaro yitomasirã ñarãma”, yũare yĩãgõmacarãma. Ti quẽne, no yibeaja. “Mũare yitorã yama” mũare ãna yiboajaquẽne, tire ajicõari, Dios ye quẽnase bujaja mũa. ¹⁴ “Manire ãamaiami Cristo” yitũoĩacõari, ãre cõdirũaja yua. Manire buto ãamaigũ ñari, rojose mani yise vaja manire rijabosayumi. To bajiri, “ãre ajitirũnrãre manire ã rijabosare ñajare, mani quẽne ã rãca rijariarãre bajiro

bajiyuja”, yituoŋaja mani. ¹⁵ “Rojose yitujacōari, yu bojasejuare yimasiato” yigu, ĩre ajitirūnaronare manire rijabosayumi Cristo. ĩ rijato bero, tudicaticōari ĩ ejarēmose ñajare, ĩre ajitirūnmasiaja mani. ¹⁶ Tirūmaju, Cristore, to yicōari, gājerāre quēne, ĩna tuoŋasere masibetiboarine, “Ānoa ñaama quēnarā; ānoa ñaama rojorā”, yituoŋariarāja mani maji. Cristore ajitirūncōari, to bajiro tuoŋabeaja mani yuja. ¹⁷ To bajirone bajiaja Cristore ajitirūnrā jedirore. Cristore ajitirūnsuorā, Esp'iritu Santore suorā ñari, rojose ĩna yirūgūrere yigua tuoŋabetirūgūama.

¹⁸⁻¹⁹ Dios ñaami, “To bajirone tuoŋato” manire yigu. Tirūmaju ĩ terā mani ñaboajaquēne, Cristo ĩ rijabosare suorine, ĩ yarā, ĩ ĩvariquēnarā mani ñarotire yiyumi. Rojose mani yisere masiriocōari, “Rojose mana ñaama”, manire yīagūmi. To yicōari, “Gājerā quēne, yu ĩvariquēnarā ñato ĩna” yigu, ĩ ocare yuare gotimasiodudi roticōañumi. ²⁰ To bajiri, Cristore gotirētobosarimasa ñaja yua. Muare yua gotimasiojama, Dios ĩ masune vadicōari, ĩ gotiroti ũnirene gotimasiorūgūaja. Cristore gotirētobosarā ñari, ado bajiro masare bato sēniarūgūaja yua: “Rojose yua yisere masirioya mu; mu ĩvariquēnarā ñaruaja’ ¿Diore yirūabeati mu?”; ĩnare yirūgūaja yua. ²¹ ĩnie rojose yibecu ĩ ñaboajaquēne, “Rojose yigu ñaja mu” ĩre yigure bajiro ĩ macure rijaroticōañumi Dios, “Rojose ĩna yisere ĩnare vaja yibosaya” yigu. “Cristore ajitirūnaronare, ‘ĩnie rojose mana ñaama’” manire ĩ yīarotire yigu, yiyumi.

6

¹ Dios ĩ ejarēmose rāca ĩ yere gotimasiorā ñari, ado bajiro muare rotiaja yua: Dios, muare ĩamaicōari, quēnaro ĩ yire ñajare, ĩ ejarēmose rāca ĩ bojarore bajiro quēnaro yirūgūña. ² Dios ocare masa ĩna ucamasire ado bajiro ti gotiaja:

“Muare yu yirēmōrirūmu ti ejaro, mua sēnisere ajicōari, muare quēnaro ejarēmōrucuja yu, rojose mua tāmūosere muare yirētobosagu”, yigotiaja Dios ocare masa ĩna ucamasire. Quēnaro ajiya mua. Yucune ñaja rojose mani tāmūosere Cristo suorine Dios manire ĩ yirētobosarirūmu. To bajiri yucune ĩre mua sēnijama, “Yu bojase yimasiato” yigu, muare ejarēmōrucūmi.

³ To bajiri, Dios ocare gotimasiorā, gājerājua “ ‘Socaserene gotiama’ yuare yiroma” yirā, rojose yibetirūgūaja yua. ⁴ ĩnajediro yua bajisere ĩacōari, “Dios ĩ bojarore bajiro yirā ñaama Pablo mesa”, yimasiama masa. Cojōji me gājerā rojose yuare ĩna yiboajaquēne, ĩnare gāmebeaja yua. Bato rojose tāmūoboarine, tire tuoŋarejaimenane, Dios ĩ bojarore bajiro yicōa ñaja yua. Ado bajiro rojose tāmūorūgūaja yua: ⁵ Yuare

ina bajerũgũse, tubiberiaviju yuare ina tubiberũgũse, rējacõari, rojose yuare yiruãã yuare ina tud'irũgũse, to bajicõari, buto moarã ñari cojojirema ñamire quẽne busuocõarũgũcaju. To bajicõari, cojoji me ñiorjarũgũcaju. To bajiboarine, Dios i bojarore bajiro yicõa ñacaju yuã. ⁶ Gajeyere quẽne ado bajiro yuã bajisere iacõari, "Dios i bojarore bajiro yirã ñaama Pablo mesa", yuare yimasiama masa: "Rojose yirobe" yirã, quẽnase tuoĩarũgũaja yuã. Dios ocare quẽnaro masiaja. Gãjerã rojose yuare ina yiboajaquẽne, ñnare jũnisinibeaja yuã. Socarã mene gãjerãre mairã ñari, ñnare quẽnaro yirũgũaja. Esp'iritu Santo, yuã rãca ñacõari, yuare ejarẽmorũgũami. ⁷ Dios oca, riojo ti gotirote bajirone gotimasiorũgũaja. Dios i ejarẽmose rãca i bojarore bajiro yirũgũaja. To bajiro yirũgũaja, "Vãtia uju Satanás manire rojose i yirotsere cudirobe" yirã, to yicõari, "Gãjerã, rojose yitujato" yirã. ⁸ Cojojirema yuare rucubuoama masa. Gajerũmurema rucubuoameama. Cojojirema quẽnaro yuare ñagõama. Gajerũmurema rojose yuare ñagõama. "Socarimasa ñaama Pablo mesa" masa yuare ina yituoĩaboajaquẽne, riojo gotimasioaja yuã. ⁹ No bojaro yuã vato, "Gãjerã ñaama" masa yuare ina yĩaboajaquẽne, yuare quẽnaro masiama sũgũari. Cojoji me "Rojose yibu muã" yigoticõari, yuare ina sũaruaboajaquẽne, caticõa ñacaju yuã. ¹⁰ Cojojirema buto sutiritirã ñaboarine, mani uju quẽnaro i yisere, to yicõari, quẽnaro i yirotsere tudituoĩacõari, variquẽnarũgũaja yuã. Maioro bajirã yuã ñaboajaquẽne, Dios ocare masare yuã gotimasiose suorine, Dios ye quẽnamasuse bujaama ina. "Ñie mana ñaama Pablo mesa" masa yuare ina yigotiboajaquẽne, Dios ye quẽnamasuse i ujose jediro suorã ñaja yuã.

¹¹ Corinto macana, yuare ajiya. Yuã tuoĩase cõro muare gotijeoaja yuã, muare buto mairã ñari. ¹² Quẽnaro gãmerã maire ti manijama, yuã suorì me bajiroja. Muare buto yuã maiboajaquẽne, muajumama, yuare maimenaja. ¹³ Jacu i rĩare maigũ i ñagõrore bajiro muare ñagõaja yuã. Muare yuã maiorore bajirone yure maiña muã quẽne.

"Mani usuju Dios i ñajare, Cristore ajitirũnumena rãca baba cutibetiroti ñaja manire", yire queti

¹⁴ Cristore ajitirũnumena rãca baba cutibesa muã. Dios i bojase yirã, Dios i bojabeti yirã rãca ina baba cutijama, ¿no bajiro ina yisere ñavariquẽnaguĩda Dios? Bususere bajiro me bajaiaja rẽtiase. Busuroju rẽtiabeaja. Rẽtiarojuã, busubeaja. Tire bajirone bajiroti ñaja Cristore ajitirũnurãre quẽne. Cristore ajitirũnumena rãca baba cutibetiroti ñaja. ¹⁵ "Ado bajiro yiroti ñaja" Cristo i yijama, ire ajicõari, ¿"Muã gotirote bajirone tuoĩaja yuã quẽne", yicudiguĩda Satanás? Sũgũre bajiro tuoĩarã me

ñaama. To bajiro bajiaja mani Cristore ajitirānārā quēne. Īre ajimena ĩna t̄uoīarore bajiro t̄uoīabeaja mani. ¹⁶ Dios yarā ĩaja mani, ĩre ajitirānārā. To bajirone gotiaja Dios ocare masa ĩna ucamasire. Ado bajiro gotiaja ti:

“Ȳu yarā us̄uĵ̄m̄ ĩarūgūr̄uc̄s̄ja ȳu. No bojaro ĩna ĩaroḡm̄ ĩna rāca ĩarūgūr̄uc̄s̄ja. ĩna r̄uc̄b̄uoḡm̄ ĩar̄uc̄s̄ja ȳu. To bajic̄ōari, ȳu yarā ĩar̄uarāma ĩna”, yigotiaja Dios ocare masa ĩna ucamasire.

To bajiri, Dios yarā ĩaboarine, ĩna masu ĩna quēnorujeoriarāre r̄uc̄b̄uorā rāca baba c̄utirāda mani?

¹⁷ ĩna rāca baba c̄utibetiroti ti ĩajare, gajeye Dios ocare masa ĩna ucamasiriarore bajiro yiroti ĩaja m̄are. Ado bajiro gotiaja ti, mani ĩĵ̄m̄ ĩ gotimasire:

“Ȳure ajimenare cāmotadiya m̄a. ‘Dios ĩ bojabeti yirobe’ yirā, ĩnare baba c̄utibesa. To bajiro m̄a yijama, ȳu yarā ĩar̄uarāja m̄a”, yigotiami mani ĩĵ̄m̄.

¹⁸ “M̄a ĩac̄u ĩar̄uc̄s̄ja ȳu. To bajic̄ōari, ȳu r̄ā ĩar̄uarāja m̄a”, yigotiaja Dios ocare masa ĩna ucamasire, masijeoḡm̄ mani ĩĵ̄m̄ ĩ ĩaḡore.

7

¹ Dios ĩ gotimasire to bajiro manire ti gotijare, ĩ bojarore bajiro jediro rojose mani yise yit̄ujac̄ōari, ĩre r̄uc̄b̄uorā ĩari, ĩ bojase r̄ine yito mani, “Rojose mana ĩato” yirā.

Corinto macana, rojosere yit̄ujac̄ōari, quēnasej̄mare ĩna yire

² Quēna ado bajise m̄are gotiaja ȳu: Ȳure maiĩa m̄a. ĩm̄j̄are rojose yibeticaj̄m̄ ȳu. ĩm̄j̄are rojose yirobeticaĵ̄m̄. ĩm̄j̄are yitobeticaĵ̄m̄ ȳu, “Ȳna masurio quēnase b̄jarāsa” yirā. ³ Tire m̄are ȳu gotijama, “Pablo mesare ĩaḡōmacarā, rojose yiyuja mani” m̄a yirotire yirā me yaja. “ĩie rojose yibeticama Pablo mesa” m̄a yirotij̄are yirā yaja ȳu. J̄ej̄m̄ ȳu gotirore bajirone m̄are tudigotiaja ȳu: B̄to m̄are maiĩa ȳu. M̄a bajireacoajaquēne, m̄a catic̄ōajaquēne, m̄are mait̄ujabetir̄uarāja ȳu. ⁴ “Quēnaro yirā ĩaama Corinto macana; ȳu gotirore bajirone c̄dir̄uarāma” m̄are yit̄uoīac̄ōari, rojose t̄am̄orā ĩaboarine, b̄to variquēnaja ȳu.

⁵ “Macedonia sitaj̄m̄ ejac̄ōari, rojose t̄am̄omenaja mani”, yit̄uoīaboacaj̄m̄ ȳu. Adoj̄m̄ quēne b̄to rojose t̄am̄ocaj̄m̄. Ȳure ĩatec̄ōari, tud’ir̄ūḡucama. To bajiri, “ĩJesúre ajitirānārā, ĩre ajitirān̄u t̄jarāti?”, yit̄uoīarejaicaj̄m̄ ȳu. ⁶ Dios ĩaami t̄oīa s̄tiritirāre, “T̄oīa variquēnato” yiḡm̄. To bajiri, t̄oīa s̄tiritirā ĩaboarine, Dios ĩ ejarēmose rāca t̄oīavariquēnam̄ ȳu. Tito ĩ ejase s̄orine, “T̄oīa variquēnato”, ȳure yiyumi Dios. ⁷ Tito ejasere variquēnac̄ōari, gajeyere quēne variquēnam̄.

Mua bajisere i ñavariquēnare quetire ajicōari, variquēnaja yua quēne. Ado bajiro mua bajisere yuare gotimi: “Buto mure ñaruaama Corinto macana. ‘Rojose mani yicati s̄orine buto s̄utiritiyuju Pablo’ yire quetire ajicōari, buto s̄utiritima. Mure r̄usc̄ub̄uocōari, m̄u ucacatore bajirone yima”, yuare yigotiejami Tito. To bajiro i yisere ajicōari, butobusa variquēnaja yu.

⁸ Tirāmuj̄u papera muare yu ucacōaro bero, “Tire ñacōari, s̄utiritiuarāma ña. To bajiri cōabetiroti ñaboayuja”, yit̄uōia s̄utiriticaj̄u yu maji. To bajiboarine, s̄utiritibeaja yucarema, “Yoaro me s̄utiritiriarāma” muare yimasigū ñari. ⁹ “S̄utiritiatio ña’ yigū yiyuja yu” yigū me, variquēnaja yu. “S̄utiriticōari, rojose ña yicati yit̄ujacōari, quēnase t̄uōiañuma” yigū, variquēnaja yu. To bajiro mua bajisere bojayumi Dios. To bajiri tirāmuj̄u muare yu papera cōacati, muare quēnañuja ti. ¹⁰ Rojose yigure, “Rojose tām̄uato” yigū ñaami Dios. To bajiro i yijama, “Rojose i yisere yit̄ujacōari, yuj̄uare ajitir̄un̄uato” yigū, yiyumi. To bajiro i bajijama, rojose i tām̄uoborotire ñe yir̄etobosar̄uc̄ami Dios. Diore ajiter̄aj̄uama, rojose ña yisere t̄uōia s̄utiritibeama ña. To bajiri, rojose tām̄uot̄ujabetiriaroju varuarāma ñnama. ¹¹ Mua r̄aca yu ñaro, “Rojose mani yijama, mani yibeti-jaquēne, no yibeaja”, yit̄uōiaboacaj̄u mua maji. “Mani yisere ñavariquēnabeami Dios”, yij̄ūnisiniriarāja mua. Dios muare i ñavariquēnabetire t̄uōia gūiriarāja mua. “Manire oca ñaja. Tire oca quēnoroti ñaja”, yiyuja mua. Dios i ñavariquēnasere bojarā ñari, yu ucacōacatore bajiro yivariquēnañuja mua. Rojose yir̄ire rojose i yire vaja, rojose ñe yiyuja mua. To bajiri, “Quēnaro yiyuma ña. Ñie rojose maja ñnare”, muare yit̄uōiaja yu yuja. ¹² Tirāmuj̄u muare papera cōagū, mua r̄acagu rojose yir̄i, to yicōari rojose yiecor̄ire quēne buto t̄uōiabeticaj̄u yu. Muaj̄uare quēnaro t̄uōiagū ñari, muare ucacōacaj̄u yu. “ ‘Pabl̄ore r̄usc̄ub̄uorā ñari, i rotirore bajiro yama ña’ Dios i yīl̄amasisere t̄uōiamasiato” yigū, ucacaj̄u yu.

¹³ To bajiri quēnaro mua yirere t̄uōiacōari, variquēnaja yua. “Quēnaro ña yicatire ñacōari, yu t̄uōiarejaiboacatire t̄uōia t̄ujacōari, variquēnacaj̄u yu”, yigotimi Tito. To bajiro i yijare, butobusa muare variquēnaja yu. ¹⁴ Mua t̄uj̄u Titore yu cōaroto r̄ijoro, ado bajiro ñe yicaj̄u yu: “Ñnare yu ucacōasere quēnaro c̄udiruarāma Corinto macana”, ñe yicaj̄u yu. Ñe yu goticatore bajirone quēnaro c̄udiyuja mua. To bajiri, tire ajivariquēnaja yu. ¹⁵ Mua t̄uj̄u i ejaro, buto r̄usc̄ub̄uose r̄aca ñe mua bosaāmirere, to yicōari, ñe quēnaro mua c̄udirere t̄uōiabajacōari, butobusa muare maiami Tito. ¹⁶ “Yu rotise, josase ti ñaboajaquēne, quēnaro c̄udiruarāma” muare yit̄uōiacōari, buto variquēnaja yu.

8

“Maioro bajirãre variquēnase rãca ejarēmojama, quēnaja”, yire

¹ Yna mairã, gajeyere mware gotigu yaja: Adoana, Macedonia sitanare, Cristore ajitirunurãre, Dios, ñnare ñamaicõari, quēnaro ñ yise suorine quēnaro ñna yicati queti mware gotigu yaja. ² Buto rojose tãmoobarine, variquēnase rãca Diore ajitirunucõa ñnaama. To bajicõari, jairo gãjoa cõomena ñaboarine, gãjerãre ejarēmoruarã, ñna cõose cõro juarēofnuma. ³ Ñna cõoro cõro ñsicama. Bajibeaja. “Ñsicoruarãma ñna” yiboariaro rētoabusaro ñsicocama. Ñacaju yu, to bajiro ñna yiro. ⁴ Ñnare yu sēnibetiboajaquēne, ado bajiro yare yicama: “Jerusalén macana Cristore ajitirunurã maioro bajirãre buto ejarēmoruaja yua. To bajiri adi gãjoa yware juabosa vacõari, mwa ñsijama, buto quēnaruroja”, yware yicama. ⁵ Yna tuoñaboacato rētoro quēnaro, ado bajiro yicama: “Mu bojarore bajiro yiruaja yua”, Diore ñre yisēni gajanocõari, “Ñ bojarore bajiro mware cudiruarãja”, yware yicama. ⁶ To bajiri, “Adoana Macedonia sitana ñna juarēoriarore bajiro, mwa, Corinto macana quēne mwa yijama, quēnaruroja” yituoñacõari, mware gãjoa juarēorotisor'ire Titore tudivarotiaja yua. “Toju vacõari, gãjoa ñna juarēorere juarēojeoba mu”, ñre yaja yua. ⁷ Gãjerã Cristore ajitirunurã rētoabusaro ñre ajitirunurã ñaja mwa. To bajiri ñ ocare quēnarobusa gotimasiaja. To bajicõari, ñna rētoabusaro yware mairã ñnari, ñna rētoabusaro Dios ñ bojarore bajiro yware ejarēmo variquēnarã ñaja. To bajiri, maioro bajirãre quēne tuoñamaicõari, gãjerã ñna cõase rētoro gãjoa mwa cõajama, quēnaruroja.

⁸ To bajiro mware yu yijama, rotigu me yaja yu. “Ñre ajicõari, maioro bajirãre gãjerã ñna ejarēmo variquēnase rētoro ñnare ejarēmo variquēnato mani” mwa yiotire bojagu, adi sitana quēnaro ñna yicature mware gotibu yu. To bajiro mwa yijama, “Socarã mene maioro bajirãre mairã ñaja yua” yirã, yirãja mwa. ⁹ Mani wju, Jesucristo, ado bajiro quēnaro manire ñ yire ñajare, “Quēnaro ñnare ejarēmoto mani”, yituoñaroti ñaja mware: Manire ñamaicõari, ñ rijabosarere masiaja mwa. Diorãca jediro cõogu ñaboarine, manire ñamaigũ ñnari, adigodojare vadicõari, maioro bajigu ñnacoasuju ñ. To bajiro bajiyuju, Diorãca quēnaro ñacõari, ñiejua manire ruayabetirotire yigu.

¹⁰ Mware rotibetiboarine, quēnaro mwa ñnaretire bojagu ñnari, yu tuoñasere ado bajiro mware gotigu yaja yu: Rñjoroaga cãmare quēne, variquēnase rãca ñnare ejarēmorua tuoñasuojuja mwa. To yicõari, gãjoa juarēosuojuja mwa. ¹¹ To bajiri, “Maioro bajirãre mani ejarēmorua tuoñavariquēnasuocatore bajirone juarēojeocõato mani”, yivariquēnaña. Ñna ñsiro cõrone

juarẽocõari, cõaña. ¹² “Jairo mani ïsibetijama, ïavariquẽnabecumi Dios”, yituoïabesa. Jairo cõorã, mojoroaca cõorã quẽne, mani ïsimasiro cõro mani ïsivariquẽnajama, manire ïavariquẽnagũmi Dios.

¹³ “Maioro bajirãre ejarẽmoña” yu yijama, “Cõajeocõaña” yigũ me yaja yu. “Maioro bajirãre gãjoa cõajeocõari, maioro bajiya mua” yigũ me yaja. ¹⁴ “Cristore ajitirũnarã, nijũane maioro bajirã manicõato” yigũ yaja. Adirũmũrirema mua ñaja jairo cõorã. To bajiri, “Maioro bajirã ñaama ña” yire quetire ajicõari, gãjoa ñare mua cõajama, quẽnarũaroja. To bajiri, ña quẽne, maioro mua bajise quetire ajicõari, mũare ejarẽmorũarãma. To bajiri ñiejũa ruyabetoja ñare, mũare quẽne. To bajiro mani yijama, cojoro cõro cõorã ñarũarãja mani jediro. ¹⁵ To bajiro mani yijama, Dios ocare masa ña ucamasire ti gotirote bajiro cudirã yirũarãja mani. “To bajirone bajirũaroja”, yucamasiñumi Moisés, israelita masa ña juarẽoro bero, cojoro cõro cõiacõari, ña ïsibatomasire ñajare. Ado bajiro gotiaja: “Jairo juarẽoriarã ñaboarine, ña bojaro rẽtoro bũjabeticama ña. Gãjerãma, mojoroaca juarẽoriarã ñaboarine, ña bojaro cõro bũjacama”, yigotiaja Dios ocare Moisés ï ucamasire.

“Mua tũju Tito mesare cõagũ yaja”, Pablo ï yire queti

¹⁶ Mũare tuoïamaicõari, bũto yu ejarẽmorũaro cõro mũare ejarẽmorũami Tito quẽne. “To bajiro tuoïato ï” yigũ, yiyumi Dios. To bajiro ï yijare, “Quẽnaro yaja mu”, Diore ïre yaja yu. ¹⁷ “Corinto macanare quẽna mu ejarẽmogũ vajama, quẽnarũaroja” yua yisẽniĩasere ajicõari, bũto variquẽnami Tito. Mũare bũto ejarẽmorũagũ ñari, “Yũre mua sẽniĩaroto rĩjorojũne, yu masu yu tuoïase rãca, ‘Yucũne varũcũja’ yituoïamu yu”, yuare yimi.

¹⁸ Tito rãca varocũre, yua maigũre cõaja yua. ï ñaami, manire bajirone Cristore ajitirũnagũ. ïre ajitirũnarã jediro, “Cristo oca quẽnasere quẽnaro gotirẽtobumasigũ”, ña yirũcũbuogu ñaami. ¹⁹ Cristo ocare quẽnaro gotirẽtobugũ rĩ me ñaami. Adoana, Macedonia sitana, Cristore ajitirũnucõari rẽjarũgũrã, “Gãjoa manire juabosarãre ejarẽmorũcũmi” yirã, ña besecacu quẽne ñaami. Ti gãjoa, maioro bajirãre yua ïsiroti sũorine, “Maioro bajirãre quẽnaro ejarẽmo variquẽnarã ñaama, Cristore ajitirũnarã”, yituoïarũarãma masa. To yicõari, mani mũ Jesucristore rũcũbũorũarãma. ²⁰ “Pablo mesa ña masune ña yireajare, gãjoa ejabetoja” ña yigõjarotire bojamena ñari, yuare baba cutirocũre ïre bojacaju yua quẽne. ²¹ “Quẽnaro yama” Dios ï yĩavariquẽnase rĩ mere bojaja yua. Masa quẽne, to bajise ña yĩavariquẽnasere bojaja.

22 To bajiri, gājire cōaja yua, Tito mesa rāca. Cristore ajitirūnūgū űari, mani yu űaami ĩ quēne. Īre ĩamasirā űari, “Quēnaro yigu űaami”, Īre yimasiaja yua. Cojoji ruyabeto quēnaro ejarēmo variquēnarūgūami. To bajicōari, “Corinto macana quēnaro cūdiama ĩna” Tito ĩ yisere ajicōari, butobusa m̱are ejarēmorūami. 23 To bajiri Tito, to yicōari, ĩ babarā juarā űaama, m̱a tujū yua cōarā. Jēre Titore ĩre masirāja m̱a. Ī űaami yu baba, “Cristore quēnaro ajitirūnūato” m̱are yigu, yu rāca moarūgūgū. Gājerā juarā, Titore baba cūti vana, Jesucristore ajitirūnūgū űari, mani yarā űaama ĩna quēne. “Quēnaro yirā űaama” adi macariana ĩna yīlarā, m̱a tujū ĩna cōarā űaama. Quēnaro ĩna yise s̱orine Cristore quēnabusaro rūcubuoama masa, adi macariana. 24 M̱a tujū ĩna ejaro, quēnaro ĩnare yiba. “Cristore ajitirūnūarē ĩamairā űaama Corinto macana” yaja yua, adi macarianare Tito mesare cōarāre. To bajiri ĩnare quēnaro m̱a yijama, “Riojo yama Pablo mesa”, yiruarāma ĩna.

9

Cristore ajitirūnūarē maioro bajirāre ejarēmore queti

1-2 “Cristore ajitirūnūarē maioro bajirāre ejarēmorā, gājoa juarēocōari mani cōajama, quēnarūaroja”, yitūoīarā űaja m̱a. To bajiri, m̱a cōarūa tūoīase quetire masigū űari, “To bajiro m̱a yijama, quēnarūaroja”, m̱are yucabetiroti űaboaja. Adoana, Macedonia sitanare, ado bajiro ĩnare goticajū yū: “Acaya sitana, Corinto macana, mani mairā, jēre ĩ cūma ‘To bajiro yiroti űaja’ yis̱oyujarā”, ĩnare yicajū yū, m̱are. Tire ajicōari, “Mani quēne to bajirone yiroti űaja” yitūoīacōari, jājarā gājoa ĩsicama. 3 To bajiro yis̱oriarā m̱a űaboajaquēne, yū varoto rījoro Tito mesare cōaja yū. “Gājoa juarēocōari, yūre yuato” yigu, ĩnare cōaja yū. Adoanare gotirā, “Yū ejaroto rījoro gājoa juarēocōari, yuruarāma”, yaja yua, m̱are. To bajiri m̱a tujū yū ejaro, “Gājoa juarēojeobeaja maji” m̱a yisere ajirūabeaja yū. Adoanare ĩnare yū gotirore bajiro m̱a bajirotire bojaja. 4 Adoana Macedonia sitana sīgūri yūre ĩna baba cūti vajama, gājoa manone m̱are ĩna ĩarotire bojabeaja. “Corinto macanare quēnaro masiaja. Yua ejaroto rījorojūne, gājoa juarēojeocōaruarāma ĩna”, yaja yua, adoanare gotirā. To bajiri, m̱a c̱o yubetijama, bojoneruarāja yua. M̱a quēne, bojoneruarāja. 5 Mani bojonerotire bojabecu űari, yū varoto rījoro, Tito mesare m̱a tujū ĩna vasere bojaja. “Īsiruarāja” m̱a yigotiriarore bajirone m̱a ĩsirotire yirā, m̱are ejarēmoruarāma ĩna. To bajiri yū ejarone, ĩsicōaruarāja m̱a. To bajiro m̱a yijama, “Pablo, ejacōari, ĩnare ĩ ĩsirotijare, ĩsiterā űaboarine, ĩsiñujarā”, yire manirūaroja. “Pablo ĩ

Īsirotibetibojajuēne, ĩna masune maioro bajirāre tuoĭamaicōari, ĩsivariquēnañujarā”, yirejua ñaruaroja.

6 Gājoa ĩsiroana, gotimasiore quetire masiritibeja: “Oterimasu, mojoroaca ĩ otejama, mojoroaca ti ricare bujaruŋcumi. Jairo oteguma, jairo bujaruŋcumi”.^b 7 To bajiri tocārācu, “Ado cōro ĩsiruŋcija yu” muu yituoĭaro cōro muu ĩsijama, quēnaruaroja. Gājoa maiboarine, muu ĩsijama, quēnabetoja. Muu ĩsiteboajaquēne, gāji ĩ ĩsirotijare, muu ĩsijama, quēnabetoja. Muu masune ĩsiruarā, muu ĩsijama, quēnaruaroja. ĩsivariquēnarāre ĩamaiami Dios. 8 To bajiro muu yisere ĩacōari, quēnaro muare yiruŋcumi Dios. Muu bojaro rētoabusaro cōarēmoraŋcumi. To bajiro manire yami, “Gājerāre ejarēmora, ñajediro quēnaro ĩna yiro bero, ñiejua ruŋyabeticōato” yigu. 9 “To bajiro quēnaro mani yisere bojaami Dios”, yimasijaja mani, Dios ocare masa ĩna ucamasire quēnaro yigure ado bajiro ti gotijare:

“Maioro bajirāre jairo ĩsirūgūami. To bajiro quēnaro ĩ yirūgūŋsere masiritibeticōari, quēnaro ĩre yiruŋcumi Dios”, yigotijaja Dios ocare masa ĩna ucamasire.

10 Dios ñaami “Ote aje cuoato” yigu, manire cōagū. Ti ote aje suorine bare rī mere bujaja mani. Quēna gajeye ote aje mani oterotire quēne bujaja mani. Tire bajiro bajijaja Dios quēnaro manire ĩ yise. “Ado bajiro bajiato” yigu, quēnaro manire yami: Quēnaro manire ĩ yise suorine, cojoji me quēnaro yaja mani. Quēna gajerūmurema gājerāre quēnaro yimasijaja mani. Gājerā quēne, quēnaro mani yirā, gājerāre quēnaro yimasijama ĩna quēne. “To bajiro bajiato” yigu, quēnaro manire yami Dios. 11 Jairo muare ĩsirūgūruŋcumi Dios, “Maioro bajirāre ejarēmoato” yigu. To bajiro muu yijama, “Quēnaro yaja mu”, Diore ĩre yiruuarāma jājarā masa. To bajirone yiruuarāma Jerusalén macana Cristore ajitirūnarā quēne. Gājoa muu juarēorere yu juaejasere ĩacōari, “Quēnaro yaja mu”, Diore ĩre yiruuarāma ĩna. 12 To bajiri, gājerā Cristore ajitirūnarā, maioro bajirāre gājoa muu cōaroti, ĩna rī mere quēnaruaroja. Tire ĩacōari, “Quēnaro yaja mu” ĩre ĩna yiroti ti ñajare, Diore quēne quēnaruaroja. 13 Gājoa ĩnare muu cōasere ĩacōari, “Cristore ajitirūnarā masu ñarāma Corinto macana. Manire ejarēmocōari, gājerāre quēne ejarēmoama” muare yituoĭacōari, variquēnase rāca Diore ruŋcuŋuoguarāma ĩna. 14 “Manire ĩna ejarēmose Dios suorine bajijaja” muare yituoĭamaicōari, Diore buto muare sēnibosaruuarāma ĩna. 15 “Quēnaro yaja mu”, Diore ĩre yiroti

b 9:6 Ado bajiro manire gotimasioro yaja ti queti: Gājerāre ejarēmora, ĩsiterā ñari, mojoroaca mani ĩsijama, Dios ye quēnamasuse, mojoroaca manire ujoŋuŋcumi. ĩsivariquēnarā ñari jairo mani ĩsijama, jairo quēnamasuse manire ujoŋuŋcumi.

ñaja manire. Quēnamasusere manire yibosayumi Dios. Rojose mani yise vajare “Yirētobosato” yigu, ĩ macure cōañumi.

10

“Dios yure ĩ rotise rāca gotimasioaja yu”, Pablo ĩyire queti

1 Yu, Pablo, ado bajise gotigu yaja, sīguri yure ñagōmacarāre: Quēnabeti masa ĩna yiboajaquēne, ĩnare ĩamaicōari, quēnare ejarēmorūgūñuju Cristo, “Rojose yitujacōari, quēnasejua tōiāto” yigu, ĩre bajiro mware ejarēmorūaja yu quēne. “Mani rāca ĩ ñajama, bojonegure bajiro manire gotiami Pablo. Sōju ñacōari, manire ĩ ucacōajama, tud'igure bajiro gotirūgūgūmi”, yiyuja mua. ² Rojose yirāre tud'igure bajiro gotigu ñaboarine, mua taju ejacōari, tud'igure bajiro gotirūabeaja. To bajiri yure mua ñagōmacasere yitujacōaña, “Mani taju ejacōari, tud'igure bajiro gotiromi” yirā. To bajiro mua yiboajaquēne, sīguri, adigodoaye rīne tōiārā, “Ĭna masu ĩna bojarore bajiro yirā ñaama Pablo mesa” yware yīñagōmacarāre tud'igure bajiro gotiroti ñaja. ³ Adigodoaye rīne tōiārā rāca ñaboarine, yua masu yua bojarore bajiro yirā me ñaja yua. ⁴ Yua masise adigodoaye me ñaja. Dios ĩ masise rāca yua gotijama, yware ĩna ñagōjaboajaquēne, ĩnare gotirētobumasijaja yua. ⁵ Cristo ocare ajiterā, “Masirā ñaja yua” yivariquēnarāre Diore sēnibosaja yua, “‘Riojo me tōiāñuja yua’ yato” yirā. No bojasene gājerā ĩna tōiase, Cristo ĩ bojabeti ti ñajama, tire yitujacōari, “Cristo ĩ bojarore bajiro rīne tōiāto” yirā, Diore sēniaja yua. ⁶ To bajiro mware sēnibosaja yua. Mua rācana yware bajiro tōiāmenare rojose ĩna yise vaja rojose ĩnare yirūgūruarāja yua, “Mua jediro Cristo ĩ bojarore bajiro yware cūdirua tōiāto” yirā.

⁷ “To bajigu ñaami” yure yīamasirā ñaboarine, yu tōiasejwarema masibeaja mua. Gāji, “Cristore ajitirūnugū ñaja” yigu ĩ ñajama, Cristo yarā yua ñasere quēne masirocu ñaami. ⁸ “Cristore gotirētobosarimasu ñari, mware rotimasijaja yu” yu yigotijare, “To bajiro ĩ yijama, ‘Ñamasugū ñaja yuma’ manire yigu yami”, yitōiaboarāja mua. To bajiro mua yiboajaquēne, Cristo, to bajiro yirocure yure ĩ cōacati ñajare, bojonebecune tire gotiaja yu. Mani ujū, “Yu yere ajicōari, sātiritiāto” yigu me, yure cōacami. “Tire ajivariquēnato” yigūjua, yure cōacami. ⁹ “Ĭ ucacōase rāca yware tud'igure bajiro yware gotirūgūami Pablo” mua yitōiaboasere bojabeaja yu. ¹⁰ Ado bajise yirā, tire bajiro yure tōiaboarāja mua sīguri: “Sōju ñacōari, papera rāca goticōajama, tud'igure bajiro manire gotiami Pablo. Mani rāca ĩ ñajama, bojonegure bajiro manire gotiami. Ñie vaja maja mani rāca ñagū, ĩ ñagōse”, yure yitōiaboarāja mua. ¹¹ To bajiro yure mua yiboajaquēne, to bajiro bajigu me ñaja yu. Tud'igure bajiro gotiroti ti ñajama, yu

ucacõase rãca yu gotimasirore bajirone gotimasiaja yu, masa tu yu ñajajuẽne.

¹² Mña rãcana sīgūri, ñna tuoĩa gotirote bajiro yibeaja yuama. Ado bajiro tuoĩacõari, gotirãma ñna: “¿Ñimū ñati mani vatoaju butobusa tuoĩagū? Yu ñaja butobusa tuoĩagū” gãmerã yĩñagõrãma ñna. “Gãjerã rëtoro masirã ñaja mani”, yituoĩarãma ñna. Tuoĩamasimena ñarãma ñna ùnama. Ñnare bajiro yibeaja yuama. ¹³ Yu masune tuoĩarujeocõari, gotibeaja yuama. “Ado bajiro bajirã ñaja yu” mñare yu gotijama, Dios, yuare ñ rotire ñajare, to bajise mñare yaja. To bajiri, “Corinto macanare quẽne yu ocare gotimasioruarãja mña”, yuare yiroticõañumi. ¹⁴ To bajiri, Dios, yuare ñ rotijare, gãjerã rĩjoro vacõari, Cristo ñ rijabosare suorine quẽnaro Dios ñ yisere mñare gotimasioacaju yu. ¹⁵ Gãjerã ñna gotimasioriarãre ñacõari, “Yu gotimasiose suorine Cristore quẽnaro ajitirũnrã ñaama”, yibeaja yuama. Yu masu yu moare rĩne mñare gotiaja yu. Quẽnarobusa Cristore mña ajitirũnrõrotire bojarã ñari, butobusa mñare gotimasioacõari, ejarẽmoruaja yu, Dios yuare ñ gotiroticõariarore bajirone yirã. ¹⁶ “Cristore quẽnaro ajitirũnrã ñaama” mñare yimasicõari rĩne, Dios ñ bojarore bajiro gajeroju ñarãre ñ yere masimenare gotimasioruaja. To bajiro yu yijama, gãjerã ñna gotimasioacõariarãrene, “Yu gotimasioacana ñaama ãnoa” yigotirũamena ñari, gotiecomenare gotirã varuaja.

¹⁷ Ado bajiro gotiaja Dios ocare masa ñna ucamasire: “Ñamasurã ñna bajisere mña gotivariquẽnarujama, Cristo ñ bajisejuare gotivariquẽnaña. Ñne ñaami ñamasugū”, yigotiaja Dios ocare masa ñna ucamasire. ¹⁸ Ado bajiro ti bajijare, to bajiro gotiaja Dios ocare masa ñna ucamasire: Gãji ñ tuoĩarore bajiro yigu, “Quẽnaro yigu ñaja yu” ñ yiboase, vaja maja ti. Ñ ùgãrema “Quẽnaro yigu ñaami”, ñre yivariquẽnabeami Dios. “Quẽnaro yicaju mñ” ñ yirãju ñaama, quẽnaro yirã.

11

“Socase gotimasiorã, Dios ñ gotiroticõariarã me ñaama”, Pablo ñ yire queti

¹ Tuoĩamasibecure bajiro yu gotiroti ti ñaboajajuẽne, mña ajisere bojaja yu. ² Diore bajiro buto mñare tuoĩamaiaja yu. Ado bajiro bajaiaja: Rõmio, ùmña rãca ñaĩabeco so manaju ñarocu rĩrene tuoĩagõmo. Sore bajiro yirã mani quẽne, Cristo rĩrene ajitirũnuaja mani. Yu ñaja “Cristore ajitirũnuato” yigu, mñare gotimasiosuocacu. To bajiri, Dios mñare ñ mairõre bajiro buto mñare maiaja yu quẽne. To bajiri, “Ñnoa ñaama yu gotimasiocati suorine mñare ajitirũnrã” Cristore ñre yu yĩoroto rĩjoro, “Ñre ajitirũnu tujacõari, gãjerãjuare ajitirũnuroma” yigu, quẽnaro

m̄are ĩtirũnarũgũaja yu. ³ Tirãmujũ vãtia uju, Eva ñamasiriore quẽnase sore yitomasiñuju. To bajirone bajirãma gãjerã, socase oca gotimasiorã. ĩna gotimasiose s̄orine m̄are yitogũmi. “Vãtia uju quẽnaro ĩ yitosere ajitirũncõari, Cristo yejũare ajitirũnu tujarãma”, m̄are yitũoĩarejaiaja yu. ⁴ Gãjerã m̄a tujũ ejacõari, “Jesucristo, ado bajiro bajigũ masu ñagũmi” ĩna yisocasere ajicõari, “To bajirone bajigũ ñagũmi” ĩnare yicũdicõari, ajitirũnu variquẽnarãja m̄a. To bajiro m̄a yijama, Esp'iritu Santo mere ajitirũnrã yirãja m̄a. To yicõari, Cristo ocare, yua gotimasociati mere, ricati gotimasioiejũare ajitirũnrã yirãja m̄a. To bajiro ĩna yisejũare m̄a ajitirũnujama, quẽnabetoja. ⁵ “Dios ĩ cõariarã gãjerã rẽtoro masirã ñaja yua”, m̄are yisocarãma ĩna. Dios ĩ cõar'i, ĩnare bajiro socagũ me ñaja yu. “Yu rẽtoro masirã me ñarãma ĩna”, yitũoĩaja yu. ⁶ ĩna gotimasiorore bajiro yimasibetiboarine, Dios ocare quẽnaro masigũ ñaja yuma. To bajiri, ĩ ocare quẽnaro m̄are gotirẽtoburũgũcaju yu. Cojoi me yũre ajicana ñari, “Dios ocare quẽnaro masiami Pablo”, yũre yimasirãja m̄a.

⁷ ¿M̄a tu ñagũju, “Ñamasurã ñaja yua” yirãre bajiro yirocũ ñaboayujari, yũre? ¿Cristo ocare quẽnase m̄are gotimasioigũ, vaja s̄enirocũ ñaboayujari? Bajibeaja. “Ñamasugũ me ñaja” yigũre bajiro bajirũgũcaju yu, “Yũre tũoĩamenane, Dios oca rĩne ajitirũncõari, ĩ yarã, ñamasurã ñato” yigũ. ⁸ Gajeroana Cristore ajitirũnrã gãjoa yũre ĩsicama ĩna, “Corinto maca tujũ ñacõari, ĩnare gotimasioato” yirã. Yũre m̄a ĩsiroti ñaboacati, ĩnajua, yũre ĩsicama. ⁹ M̄a tujũ yu ñajajuẽne, gãjoa magũ ñaboarine, “Yũre ejarẽmoña”, m̄are yibeticajũ yu. Macedonia vadiriarã Cristore ajitirũnrã ejacõari, yu bojaro cõro yũre ĩsicama. Gãjoa m̄are s̄enibetirũgũcaju yu. Bero quẽne s̄enibetirũgũrucuja. ¹⁰ Cristore ajitirũnugũ ñari, riojo ĩ gotirore bajiro, ado bajiro m̄are gotiaja yu: “Gãjoa s̄enibecũne, Dios ocare gotimasiorũgũaja”, yivariquẽna tujabetirũcujaja yu. M̄a, Acaya sitana jediro, “Dios ocare ĩ gotimasiose vaja, vaja s̄enibetirũgũami Pablo”, yimasirũarãja m̄a. ¹¹ M̄are bũto maigũ ñari, to bajise m̄are gotiaja yu. “ĩnare bũto maiami Pablo”, yũre yimasigũmi Dios quẽne.

¹² “Pablõre bajiro Dios ĩ cõariarã ñaja yua quẽne” yisocarã, m̄are ĩna gotimasiose vaja, vaja s̄enirũgũñujarã ĩna. To bajiri, “‘Pablõre bajiro vaja s̄eniaja yua’ yimasibeticõato ĩna” yigũ, m̄are vaja s̄enibetirũcujaja yu. ¹³ Socase gotimasiorimasa, Dios ĩ cõariarã me ñarãma. ¹⁴ ĩnare bajiro bajirũgũama Dios ocare ajiterã. Vãtia uju Satanás quẽne, cojojirema Dios tũagũ ángel quẽnaro yigũre bajiro bajitorũgũami. ¹⁵ To bajiro bajigũ ĩ ñajare, “ĩre cũdirã quẽne ĩre bajiro bajirũgũama”, yimasi-

aja yu. “Quēnase rīne yirā ñaama” ñnare mua yīāsere bojarā ñnari, to bajiro bajirāma. To bajiro ñna yisere ñacōari, “Rojose tām̄uorūgūnarāja mua”, ñnare yīrotirucumi Dios.

“Cristo ĩ cōacacu ñnari, buto rojose tām̄uoaja yu”, Pablo ĩ yire

¹⁶ Ado bajise m̄nare tudigotiaja yu: “T̄uoīamasibecure bajiro gotiami Pablo” mua yit̄uoīāsere bojabeaja yu. To bajiboarine, to bajiro mua yit̄uoīajama, t̄uoīamasibecure bajiro m̄nare yu gotisere ajiya mua, yure mua ĩarūcub̄uorotire yirā. ¹⁷ Yuc̄ne m̄nare yu gotiroti mani ɯju Jesucristo ĩ gotirotise me ñaja. Yu masune yu bajisere m̄nare gotiḡuagu yaja yu. ¹⁸ Mua rācana, socase gotimasiorā, jājarā adigodoaye rīne t̄uoīarāre bajiro gotirāma, ñnare mua ajirūcub̄uorotire yirā. To bajiri “Yu quēne, ñna gotirote bajiro gotivariquēnaruc̄sja” yit̄uoīacōari, mojoroaca m̄nare gotiruc̄sja yu, “Yure ajirūcub̄uoroto ñna” yigu. ¹⁹ M̄najuama, “Masirā ñaja yua”, yiboarāja, t̄uoīamasimena ñna gotisere ajisuyarā ñnari. ²⁰ Ñna rotiajerāre bajiro bajirā ñnaboarine, ñnare ajiquejemenaja mua. “Ñna s̄uorine ḡajoa b̄ujarāsa mani” yirā, m̄nare ñna yitosere ajiquejemenaja. “Yure ĩarūcub̄uoya” yirāre bajiro ñna bajirūḡusere ĩaquejemenaja. “Ajirūcub̄uobeaja mua” yirā, m̄nare ñna jaboajaquēne, ñnare ajiquejemenaja mua. ²¹ Yuj̄nama, mua t̄uju ñagū, “Ñnamasugū me ñaja yu” yigure bajiro yu bajijare, yure ajirūcub̄uomenaja mua. M̄nare ñna yirore bajiro yu yijama, “Rojose yigu yaja yu” yit̄uoīacōari, bojoneboguja yuma.

To bajiboarine, “Ado bajiro bajirā yua ñnare, yure ajirūcub̄uoya” m̄nare ñna yise ñnare, yu quēne, t̄uoīamasibecure bajiro m̄nare gotiruc̄sja yu. ²² “Hebreo oca ñagōrā ñnari, ñnamasurā ñaja yua”, m̄nare yiyujarā ñna. Yu quēne, Hebreo oca ñagōgū ñaja yu. “Yua, israelita masa, ḡajerā r̄etro Diore masirā ñaja yua”, yiyujarā ñna. Yu quēne, israelita masu ñaja yu. “‘Quēnaro m̄nare yiruc̄sja’ Dios ĩ yimasir’i, Abraham ñnamasir’i jānerabatia ñaja yua”, yiyujarā ñna. Yu quēne, Abraham ñnamasir’i jānami ñaja yu. ²³ “Cristo ĩ cōariarā ĩre moabosarā ñaja yua”, m̄nare yiyujarā ñna. To bajiro ñna yire ñnare, “Ñna r̄etobusaro Cristore moabosagu ñaja”, m̄nare yaja yu. T̄uoīamasibecure bajiro m̄nare goticōa ñaja yu. Ado bajiro ti bajijare, “Ñna r̄etobusaro ĩre moabosagu ñaja”, m̄nare yaja yu: Cojoji me buto ĩre yu moabosajare, tubiberiaviju yure tubibecama masa. Cojoji me yure buto bajecama. Cojoji me yure s̄iaruaboacama. ²⁴ Cojomocārācaji yure ñiacōari, buto rojose yirāre ñna bajarore bajiro yure bajecama masa. Tocārācagine treinta y nueve ñnarijiri yure bajecama. ²⁵ Idiaji yure ñiacōari, yuc̄ne buto yure jacama ñna. Yure s̄iaruarā, cojoji ḡūtane buto yure reaejoboacama. Idiaji moa riagare yu vaboacati cūmuari

rujacaju. Cojoji cūmua rujacōari, ūmua ñarūmua cuti, quēna ñamire quēne, ña ñami cutibusuocaju yu, moa riagaju. ²⁶ Cojoji me Dios ocare gotimasiogū, sōju josari vacudirūgūcaju yu. Riaga gūioroju vacaju. Juarudirimasa gūioroju vacaju. Cojo macana me yu yarā rojose yicama. To bajicōari, gājerā masa vatoaju gūioroju vacaju. Jairimaca ñagū, masa ña ñabetoju quēne, gūioroju vacaju. Moa riaga gūioroju quēne vacaju. “Cristore ajitirūnrā ñaja yu” yitocōari, rojose yure yiruarā vatoaju vacaju yu. ²⁷ Buto josari moadicaju yu. Cojoji me cānibecune moabusuoarūgūcaju yu. Cojoji me bare babecu, ocore quēne idibecu, tāmūorūgūcaju. Cojoji me ñiorijarūgūcaju yu. To bajicōari, buto ūsarūgūcaju, sudi yure ti manijare.

²⁸ Yu rujanaye rī me rojose tāmūorūgūaja yu. Tocārācarūmune Cristore ajitirūnrā, cojo macana me yu gotimasiocana, quēnarobusa ĩre ña ajitirūnrūtuatire bojagu ñari, ĩnare buto tūōiarejairūgūaja yu. ²⁹ Cristore ajitirūnrā ñaboarine, rojose yicōari, sūtirirāre, yu bujajama, yu quēne, ña rāca sūtiritiaja. Cristore ajitirūnrāre gājerā ĩnare rojose ña ūmato yijama, ĩnare buto jūnisiniaja yu. ³⁰ Yu bajicatire yu gotijama, “ ‘Masigū me ñaami’ yure yimasiato” yigu, yu bajicatire mūare gotivariquēnaja yu. ³¹ Tire mūare yu gotivariquēnasere, “Ri-ojo gotiami Pablo”, yure yimasigūmi mani ūju Jesucristo jacu, Dios. ĩ ñaami “Ñajediro rētoro masigū ñaja mu” mani yirūcūbūorūgūrocu. ³² Tirūmūju Damasco vāme cuti macaju yu ñarone, “Pablōre ñiacōari, tubiberotirūcuja” yigu, ti maca matariacūni ñarisojeriju surara mesare cūñumi, ti maca ūju, Areta vāme cutigure rotibosacacu. ³³ Yure tubiberūaboarine, yure ñiamasibeticami. Ti maca matariacūni vecaju ñariviju, jibu jairibune sācōari, sojeacaju yure rujiocama ña, yure ejarēmorimasa. To bajiro yure ña ejarēmojare, rudicaju yu.

12

Dios ĩ ñaroju Pablo ĩ cājiriare queti

¹ “ ‘Ado bajiro bajigu ñari, ñamasugū ñaja yu’ ĩnare yu yūñagōjama, ñie vaja manoja ti” yitūōiagū ñaboarine, mūa bojarore bajiro gajeye mūare gotirēmorūcuja. Yu cājiriaroju mani ūju yure ĩ ĩocatire, to yicōari, yure ĩ gotimasiocatire quēne mūare gotirūcuja yu. ²⁻³ Tirūmūju, juaāmo cōro jedi, cojo gūbo babari jēnituario ñaricūmari rījoroju, ō vecaju ĩ ñaroju yure āmiejarimi Dios. “To bajiro yure āmimūjarimi”, yimasibeaja yu, bajigūjuma. Yu rujure ĩ āmimūjabetijama, yu ūsūjare āmimūjarimi. Dios sīgūne masiami tire. ⁴ “To bajiro yure āmiejarimi” yimasibecu ñaboarine, “Ejacaju”, yimasiaja. Mani ūju ĩ ñaro, quēnarigodo ñacaju. Toju ñagū, masa ña masibeticatire ajicaju. ĩ goticati, masare ĩ gotirotise me

ñacaju. ⁵ “Masigũ ñaja yu” yigotivariquēnagũ yu ñajama, to bajiro Dios yure ï yicatire mũare gotibogũja yu. To bajiboarine, “Masibecu ñaja yu” gãjerãre yu yiajiose queti rĩne gotivariquēnaja yu. ⁶ “Yure rĩcũbũoato” yigu, gajeye quēnaro Dios yure ï yicati mũare yu gotirẽmorũajama, socũ mene yigũja yu. Tũoĩamasibecũre bajiro gotigu me yigũja. To bajiboarine, tire ïabeticaju mũa. To bajiri, “Riojo gotiami Pablo”, yimasi-menaja. Yu gotisere, to yicõari yu bajĩnasere ïacõari, yure mũa rĩcũbũosejũare bojaja. ⁷ Dios yure ï ïocati buto quēnase ñacaju. To bajiri, tire yure ïboarine, ïre yu ïocati ñajare, gãjerã rẽtoro ñamasugũ yu ñatũoĩasere bojabecu ñari, vãti rojose yure ï yisere matabeticami. To bajiri josari jota judicõari, mani ñarore bajiro bajiaja ti, yure. ⁸ Rojose yu tãmũose, “Yure tũjato” yigu, idiaji Diore sēniboacaju yu. ⁹ To bajiro ïre yu sēniboajaquēne, ado bajiro yure cũdicami: “Catiobeaja yu. Yu yarã rojose ïna tãmũojama, butobũsa yure sēnirũgũama, ‘Yu bojasere yicõa ñarãsa’ yirã. To bajiro ïna yijama, ‘Rojose tãmũoboarine, ïnare yu ejarẽmojare, quēnaro yama’ yimasiama masa”, yure yicami Dios. ¹⁰ To bajiri, “Cristore ajitirũnũgũ ñari, rojose tãmũoaja” yimasicõari, variquēnaja yu. Cojosi me rojose tãmũocaju yu. Cojosi me rojose yure yicoderũgũama masa. Cojosi me yu bojase rayarũgũaja yure. To bajirivãme rojose tãmũogũ ñaboarine, ado bajise tũoĩa variquēnarũgũaja yu: “Rojose tãmũoboarine, yure ï ejarẽmoroti ti ñajare, ï bojarore bajiro yicõa ñarũcũja”, yitũoĩa variquēnarũgũaja yu.

Pablo, Corinto macanare ï tũoĩarejaire queti

¹¹ Yu bajisere gotigu tũoĩamasibecũre bajiro gotibu yu. “Quēnaro yigu ñaami Pablo” mũa yibetijare, yu masune to bajiro yibu yu. To bajiboarine, “Quēnaro yigu ñaami Pablo”, yiroti ñaboayuja mũare. Mũ tũju ñarã, Dios ï cõariarã ñaja ñamasurã yirã rẽtoro ñamasugũ ñaja yu. ¹² Rojose tãmũoboarine, mũa tũju ñagũ, Dios ï masise rãca jairo ïaĩañamani mũare yĩorũgũcaju yu, “ ‘Dios ï cõar'i ñaami Pablo’ yure yimasiato” yigu. ¹³ “Gajeroana Jesucristore ajitirũnũrãrema quēnabusaro yigumi Pablo”, ¿yitũoĩaboati mũa? Cojoro cõrone mũare yirũgũaja yu. To bajiro yigu ñaboarine, gãjerã Jesucristore ajitirũnũrãrema, “Yure ejarẽmoña mũa, ‘Ñamasiato’ yirã”, ïnare yicaju yu. Mũarema, to bajiro yibeticaju. To bajiro mũare yibeticõari, ïnare yu yirore bajiro mũare quēne yiroti ñaboayuja ti, yure. “To bajiro rojose mũare yu yisere masirioya”, ¿mũare yigũnada yu? Yibecũja. To bajiro yu yibeticati, “Rojose me ñacaju”, yimasirãja mũa.

¹⁴ Jũaji mũa tũju ejacaju yu. To bajiri yucũ yu vase rãca idiaji mũare ïagũ varũcũja. Yu varoto rĩjoro, quēnojeocõaja yu, jẽre. Mũa tũju ejacõari, “Yure ejarẽmoña, yu ñamasirotire

yirã” mware yu yibeticatore bajiro yibetirucuja yu quëna. Gãjoa mua yere bojabeaja yu. Yure ïamaicõari, Dios ï bojarore bajiro mua yirotiñare bojaja yu. Yu rïare bajiro bajiaja mua. Ìna rïa me ñaama ìna jacure ïatirũnrã. Jacuajua ñaama ìna rïare ïatirũnrã. To bajiri mua jacure bajiro bajigu ñari, yure mua ïatirũnsere bojabeaja yu. To bajiri, “Yure ejarëmoña yu ñamasirotire yirã”, mware yibetirucuja. ¹⁵ Mware buto maigũ ñari, jediro yu cõose mware ïsicõari, yu yimasiro cõro quënarõ mware yirua tuoïavariquënajaja yu, “Cristore quënabusaro ajitirũnrũtuajaro” yigu. Buto mware yu maiboajaquëne, muañama, yure maibetibusaja.

¹⁶ “Yure ejarëmoña, yu ñamasirotire yirã’ yibeticami Pablo”, yure yituoïarãja mua. To bajiboarine, “Quënarõ tuoïagũ ñari, ‘Gãjoa bujagusa’ yigu, manire yitorimi”, çyure yituoïaboati mua sigãri? ¹⁷ “Manire ï queti cõariarã rãca manire yitorimi Pablo”, çyituoïaboati mua? Mware yitobeticaju yu. ¹⁸ “Ìnare ïama” yigu, tirũmaju mua taju Titore cõacaju yu, gãji Cristore ajitirũnugũ mani maigũ rãca. “Manire yitorimi Tito”, çyituoïaboati mua? Yitobetirimi. “Quënarõ yigu ñaami”, ïre yimasirãja mua. Yu tuoïarore bajiro tuoïacõari, mua rãca yu bajiiñacatore bajiro bajiiñarimi.

¹⁹ “Ìnare mani ïavariquënarõtire yirã, manire goticõarãma Pablo mesa”, çyituoïaboati mua? To bajiro me bajiaja. Ado bajirojua bajiaja: Cristore ajitirũnrã ñari, ï bojarore bajiro mware goticõarã yaja yua. Quënarõ yure ajiya yua mairã. Jediro mware yua goticõase, “Cristore quënabusaro ajitirũnato” yirã, mware goticõarã yaja yua. ²⁰ Mware yu ïacudigu vatirũmũ, quënarõ yure mua ñayusere bojaja yu. “Cojojirema quënarõ ñayubetiborãma”, yituoïarejaiaja yu. Gãmerã oca josacõari, mua bajiiñarore ejaruabeaja. Mua ñarõjare ado bajiro mua gãmerã yise ñarõja: Gãmerã tud'ire, “Mani rëtobusaro quënarõ ñaama” yiiãjũnisinire, ìna ajibeto ñagõjare, “Ìna rëtoro ñamasurã ñaja yua” yituoïare, tocãrãcune ricati rïne tuoïacõari, ìna masurione ìna bojarore bajiro ìna yirũgũse quëne ñarõja. To bajiro mua gãmerã yiiñajama, tuoïarejaiborãja mua, “Manire tud'iguagu yigumi” yirã. ²¹ Mua taju yu vacudiro rojose mua yicõa ñajama, Dios ï ïaro rïjorojua, “Yu gotimasiosere quënarõ ajitirũnũama ìna’ yimasibecuja”, yituoïarejaiaja yu. “Jãjarã mua rãcana gãmerã ajeriarã cuticõa ñarãre yu ïabujajama, buto otigu yigujaja yu”, yituoïarejaiaja. “Tuoïarejaibeticõato” yirã, rojose mua yisere yitujaya mua.

13

Pablo ï gotitusare queti

¹ Juaži m̄ua t̄ju ejačaja yu. To bajiri yucu yu vase r̄aca idiaži m̄uare ĩagũ ejařuc̄aja yu. To bajiri, rojose m̄ua yirere yit̄ujac̄ari, quēnasejuare t̄uoĩaña m̄ua, yure yurã. Ado bajise Dios ocare masa ĩna ucamasire gotiaja: “Rojose yir'ire ĩna oca s̄ajama, juarã, idiarã ñac̄ari ĩna oca s̄ajama, quēnaruaroja. To bajiri ĩna idiarãjuane, to bajirone ĩna ñaḡojama, ĩnare ajirã quēne, ‘Socarã me yama’ yimasirãma”, yigotiaja Dios ocare masa ĩna ucamasire. ² Tir̄um̄ju m̄ua t̄ju ñagũ, rojose yiriarãre, yibetiriarãre quēne ado bajise yicaju yu: “Rojose m̄ua yise m̄ua yit̄ujabetijama, quēna m̄ua t̄ju ejařu, rojose m̄ua yic̄oa ñarũgũse vaja rojose m̄uare yir̄uc̄aja yu. Adir̄umarirema m̄uare rojose yu yibetiboajaquēne, yu yirotire masiña”, m̄uare yicaju yu. M̄ua t̄ju ñabecu quēne, to bajirone m̄uare gotic̄oa ñaja yu. “To bajiro gotigu ñaboarine, yibecumi”, yure yit̄uoĩabesa. ³ “‘Cristo ĩ bojasere gotiaja m̄’ yua yimasirotire yigu, ĩañañamani yuare yĩoma” yure m̄ua yic̄oare ñajare, to bajirone yir̄uc̄aja yu. “Cristo, manire rojose ĩ yijama, no yibeaja. Masibecu ñagũmi”, ĩre yit̄uoĩabesa m̄ua. Yu suorine ĩ masisere m̄uare yĩor̄uc̄umi. ⁴ Masijeogu ñaboarine, manire bajiro ruju c̄atic̄ari, yuc̄at̄eroju ĩ jaju ecoriaro bero, masibecure bajiro bajirocacoasumi Cristo. To bajiboarine, Dios ĩ masise r̄aca tudicatic̄ari, ñagũmi quēna. Cristore bajiro rojose t̄am̄uorũgũaja yua quēne. To bajiro bajirã ñaboarine, ĩre ajitir̄anu t̄jamena ñari, ĩre bajirone bajic̄oa ñaruarãja. Dios ĩ ejařemose r̄aca m̄uare ejařemoc̄oa ñaruarãja.

⁵ M̄ua masune, “¿Cristore ajitir̄anurã masu ñati yua?”, yit̄uoĩaña m̄ua. Cristore ajitir̄anurã m̄ua ñajama, m̄ua r̄aca ĩ ñasere masiaja m̄ua. ĩ ñabetijama, ĩre ajitir̄anurã masu me ñaja m̄ua. To bajiro m̄ua bajijama, m̄ua masune, “Cristore ajitir̄anurã ñaja yua”, yisocarãja m̄ua. ⁶ Yua juare, “Cristo ĩ c̄oariarã masu ñaama” yuare m̄ua yimasirotire bojaja yu. Cristore ajitir̄anurã m̄ua ñajama, to bajiro yirãja m̄ua. ⁷ “Rojose m̄ua yirũgũrere yit̄ujato” yirã, Diore m̄uare s̄enibosaja yua. “Dios ocare quēnaro gotimasioñumi Pablo” m̄ua yivariquēnarotire yigu me, Diore m̄uare s̄enibosaja yua. Quēnasejuare m̄ua yirotire bojarã ñari, yaja. “Gãjerã socase gotimasiorã yama” yure m̄ua yiboajaquēne, quēnase m̄ua yiroti ñaja ñamasusema. ⁸ “Ñamasusere ajitir̄anuato” yirã, Dios ocare gotimasiorũgũaja yua. Ñamasusere m̄ua ajitir̄anu t̄jasere bojabeaja. ⁹ To bajiri m̄ua t̄ju ejačari, “Quēnaro Cristore ajitir̄anumama ĩna” m̄uare yua yĩamasijama, tud'irãre bajiro m̄uare yibetiruarãja yua. To bajiro m̄ua bajisere ĩac̄ari, variquēnaruarãja yua, “Quēnaro gotimasiomasibeama Pablo mesa” m̄ua yise ti ñaboajaquēne. “Cristore ajitir̄anuc̄ari, ĩ bojarore bajiro r̄ine yirã ñato ĩna” yirã, Diore m̄uare s̄enibosaja yua. ¹⁰ M̄ua t̄ju ejačari,

tud'igũre bajiro mũare gotirũabecũ ñari, yũ varoto rĩjoro pa-
pera ucacõari, mũare cõaja yũ. Mani ẽjũ, “Yũ yere ajicõari,
sũtiritiato” yigũ me, yũre cõacami. “Tire ajivariquẽnato”
yigũjũa, yũre cõacami.

¹¹ Yũ mairã, to cõrone mũare yũ gotimasiosere ucaja yũ. Tire
ajitirũnũña. Cristo ĩ bojarore bajiro rĩne yirũgũña mũa. Sĩgũre
bajiro tũoĩacõari, quẽnaro ñaña mũa. To bajiro mũa bajijama,
mũa rãca ñacõa ñarũgũrucami Dios. ĩ ñaami ĩ masisere ẽjogũ,
“Gãmerã maicõari, quẽnaro ñato” yigũ. ¹² Cristore ajitirũnũrã
ñari, mũa rẽjajama, quẽnaro variquẽnase rãca gãmerã sãnima.

¹³ Adoana Cristore ajitirũnũrã, “Quẽnato”, mũare yicõaama ĩna.

¹⁴ Mani ẽjũ, Jesucristo, quẽnasere mũare cõarũgũato. Mũare
ĩamaiato Dios. To yicõari, Esp'iritu Santo, mũa jediro rãca ñacõa
ñarũgũato.

To cõro ñaja.

Carta de San Pablo a los GÁLATAS

Galacia sitanare Cristore ajitirūnūrāre Pablo ī uacōare queti

¹⁻² ¿Ñaboati m̄ua, Galacia sitana, Jesucristore ajitirūnūrā? Ȳu ñaja Pablo adi queti m̄uare uacōaḡū. Jesucristo, to yicōari, ī rijato bero ĩre cator'i, ī jac̄u, ĩna ñaama ti quetire ȳure gotiroticōarimasa. Masane, "Goticudiaya" yirā ĩna cōar'i me ñaja. Ȳu sīgū me adi papera m̄uare cōaja ȳu. Ȳu rācana, Jesucristore ajitirūnūrā quēne, "Quēnato", m̄uare yicōaama ĩna. ³ Mani jac̄u Diore, to yicōari, Jesucristo mani ūj̄ure ado bajise m̄uare sēnibosaja ȳua: "Quēnaro ĩna ñarotire yirā, ĩnare ejarēmoña", m̄uare yisēnibosaja ȳua. ⁴ Rojose mani yisere, "Tire yitujato" yiḡu, Dios ī bojarore bajiro manire rijabosayumi Cristo. ⁵ Dione ñaami "Quēnarētogū ñaja m̄u" mani yir̄uc̄m̄uorūḡūroc̄u. To bajirone ĩre yitujabetir̄m̄arāja mani.

"Ricati gājerā ĩna gotimasiosere ajibesa", Pablo ī yire queti

⁶ Cristo ī rijabosare s̄uori, "Quēnaro ȳu yisere ajitirūnūrācōari, ȳu yarā ñaña m̄ua" Dios m̄uare ī yirere c̄udicana ñaboarine, yoaro mene ī yere ajitirūnūrā tujacōari, gājerā ricati ĩna gotimasiosej̄uare ajitirūnūrāñuja m̄ua. Tire ajis̄utiriticōari, adi queti m̄uare uacōaja ȳu. ⁷ Cristo oca rīne ñaja riojo gotimasiore. Gaje oca butobusa quēnase manoja. To bajiro ti bajiboajaquēne, gājerā sīgūri, "Cristo oca quēnasere ajitirūnūrābeticōato" yirā, m̄uare gotimaviorā yirūgūrāma. ⁸ M̄ua tuj̄u ȳua ñajama, Cristo ocare riojo m̄uare gotimasiojama ȳu. To bajiri, sīgū Cristo ocare ricati m̄uare ī gotimasiojama, rojose t̄am̄uotujabetiriaroju ĩre rocacōaroti ñaja. Ȳua quēne ricati ȳua gotimasiojama, ȳuare reacōaroti ñaroja. Ō vecaḡu quēne, ángel ñaboarine, vadicōari, ricati ī gotimasiojama, rojose t̄am̄uotujabetiriaroju ĩre quēne rocacōaroti ñaja. ⁹ Tir̄m̄uj̄u m̄ua rāca ñarā, ȳua goticatore bajirone quēna m̄uare tudigotiaja ȳu: Sīgū, Cristo ocare ȳua goticati m̄ua ajitirūnūrācati me, ricati m̄uare ī gotimasiojama, rojose t̄am̄uotujabetiriaroju ĩre rocacōaroti ñaja.

¹⁰ To bajiro ȳu yijama, ¿masa ȳure ĩna ajivariquēnarotire yiḡu yatique ȳu? "Rojose ĩna yiboajaquēne, ĩre ĩna ajivariquēnarotire yiḡu, ĩnare quēnaro gotiami Pablo", yiboayuja m̄ua. To bajiro ȳu gotijama, Dios ī bojarore bajiro me yiḡu, yiḡuja ȳu. Tir̄m̄uj̄u to bajiro yicac̄u ñaboarine, yuc̄rema to bajiro yibeaja ȳu. Dios ī ajivariquēnarotij̄uare yiḡu, m̄uare gotiaja.

Jesús, Pablöre ĩ gotiroticõare queti

¹¹ Quẽnaro ajiya yu mairã. Riojo mũare gotiaja yu. Jesucristo oca yu gotimasiose, masa ĩna tũoĩarujeore me ñaja. ¹² Tire gãjerãne yure gotimasibeticama. Jesucristo ĩ masune yure goticõari, tire yu ajimasirotire yure uȝocami.

¹³ Yu bajicatire ajicana ñari, “Riojo gotiami Pablo”, yimasi-aja mũa. Tirũmũju yua jud'io masa yere bũto ajirũcũbuocaju yu maji. To bajiro bajigu ñari, Cristore ajitirũnrãre bũto rojose ĩnare yirũgũboacaju yu, “Īre ajitirũnũ tũjato” yigu. ¹⁴ Gãjerã yu cõro ñatusana yua jud'io masa yere ĩnare masirẽtocoacaju yu, yua ñicua ĩna rotimasirere ĩna rẽtobũsaro yivariquẽnagũ ñari. ¹⁵ To bajiro yu bajiboajaquẽne, yu ruyuaroto rĩjoroju, “Åni Pablo, bũcũacu, yu yu ñarũcũmi”, yitũoĩañumi Dios. To yicõari, beroju, bũto quẽnagũ ñari, yure ĩamaicõari, “¿Yu yu, yu bojasere yigu ñarũabeati mũ?” yure yicami. ¹⁶ “Ī macũne ñaami Jesús” yu yimasirotire yigu, yicami Dios. To bajiro yure yicami, ĩ macũ ĩ rijabosare sũorine quẽnaro ĩ yise queti jud'io masa me ñarãre yu goticudirotire yigu. To ĩ yirone, “¿No bajiro yiguti yu? ¿Tire quẽnabũsaro ajimasigũsa’ yigu, gãjerãre sẽnĩaroti ñati?”, yisẽnĩabeticaju yu. ¹⁷ To yicõari, yu rĩjoro Cristo ĩ cõariarãre quẽne sẽnĩagũ, vabeticaju yu, Jerusalẽnju. Ado bajiroju yicaju yu: Yoaro mene Arabia vãme cũiti sitaju masa ñabetoju vacaju yu. Beroju Damasco vãme cũiti macaju tudiejacaju yu quẽna.

¹⁸ To bajiri, “¿Yu yu, yu bojase yigu ñarũabeati mũ?” Dios yure ĩ yiro bero, idia cũma bero, Pedrore ĩagũ vacaju yu yuja, Jerusalẽnju. Toju ejacõari, yoaro me ñacaju yu, ĩ rãca. Juaãmo cõro, cojo gũbo jẽnituaro ñarirũmũri ñacaju yu. ¹⁹ Toju ñagũ, gãjerã Jesús ĩ cõariarãre ĩabeticaju yu. Pedrore, mani uȝu bedi Santiagore quẽne, ĩna jũarãrene ĩacaju yu. ²⁰ Socũ me yaja yu. “Riojo gotiami Pablo”, yure yimasigũmi Dios.

²¹ Pedrore, Santiagore ĩnare yu ĩaro bero, Siria vãme cũiti sitaju, to yicõari, Cilicia vãme cũiti sitaju ñacudicaju yu. ²² Judea sitana Cristore ajitirũnrã, “Pablo ñaami”, yure yĩĩamasibesuma ĩna maji. ²³ To bajiboarine, gajeroana ado bajiro yure ĩna ñagõre rĩne ajiyuma ĩna: “ ‘Jesucristo ĩ rijabosare sũori Dios quẽnaro ĩ yise quetire ajitirũnũ tũjato’ yigu, bũto rojose yũare yiboacacũne, adirũmũrirema, ti quetirene masare gotima-siocudiami, ‘Ajitirũnũato’ yigu” yure ĩna yire rĩne ajiyuma Judea sitana. ²⁴ “ ‘Yu macũre ajitirũnũña’ Dios ĩ yicõare ñajare, ĩre ajitirũnũgũ ñagũmi Pablo” yimasicõari, “Quẽnaro yaja mũ”, Diore yirũcũbuoyujarã ĩna.

2

Jesús ĩ cõariarã Pablöre ĩna ĩavariquẽnare queti

1 Jerusalénjũ yũ vacato bero, juaãmo cõro, gũbo babari jẽnituari cãmari bero, Jerusalénjũ vacajũ yũ quẽna, Bernabé rãca. To yicõari, Tito vãme cutigũre jĩ vacajũ yũ. 2 Dios ĩ ejarẽmose rãca, “Tojũ varoti ñaja” yitũoĩagũ ñari, vacajũ yũ. Tojũ ejaçõari, Cristore ajitirũnurã sīgũri, “Ñamasurã ñaama” ĩna yirũcũbũorã rãca rĩne rējacõari, goticajũ yũ. “Cristo ĩ rijabosare sũorine Dios quẽnaro ĩ yise queti jud'io masa me ñarãre ado bajiro ĩnare gotimasiorũgũaja yũ”, ĩnare yigoticajũ. “Riojo masu ĩnare gotimasiorũgũgũami Pablo” ĩna yiajimasirotire yigũ, to bajiro ĩnare yicajũ. “Tire ĩna ajimasibetijama, yũ gotimasiocana quẽne, quẽnaro Dios ĩ yisere ajimasibetirũarãma ĩna quẽne” yitũoĩagũ ñari, to bajise goticajũ yũ. 3 Tire ajicõari, yũ gotirore bajirone tũoĩacama ĩna quẽne. To bajiro tũoĩarã ñari, “Dios yarã ñaja yũ; to bajiri ĩre cũdirona ñaja” yirã, jud'io masa circuncisiõn yiadire ti ñaboajaquẽne, yũ rãcagũ Titore ĩre yirotibeticama ĩna yuja. To bajiro ĩre yirotibeticama, Tito, jud'io masũ me ñari, circuncisiõn yiyamagũ ĩ ñaboajaquẽne. 4 Gãjerãma, “¿No bajiro yati Cristore ajitirũnurã? ¿Moisére Dios ĩ roticũmasire cũdiati ĩna?” yĩarã, “Cristore ajitirũnurã ñaja” yũare yitocõari, rējacama ĩna. “Moisére Dios ĩ roticũmasirere cũdiroti ñaja”, yitũoĩarã ñacama. To bajiro ĩna tũoĩacatore bajiro yũa yitũoĩarotire bojaboacama. To bajiri yũa rãca rējacõari, “Titore circuncisiõn yiya”, yiboacama ĩna. 5 To bajiro ĩna yiboajaquẽne, cojo vãme yũare ĩna goticatore bajiro ĩnare cũdibeticajũ yũa. “Cristo ĩ rijabosare sũorine Dios quẽnaro manire ĩ yise queti, mavisiare mano, riojo Pablõre Dios ĩ gotiroticõariarore bajirone gotimasiocõa ñarũgũato” yirã, ĩnare cũdibeticajũ yũa. To yicõari, Galacia sitana, “Quẽnaro Dios manire ĩ yise queti mani ajicatore bajirone bajiyuja” mũa yimasirotire yirã, ĩnare cũdibeticajũ.

6 Gãjerãjũa, “Ñamasurã ñaama” Cristore ajitirũnurã ĩna yirũcũbũorã, “Quẽnaro riojo gotimasioami Pablo”, yicama ĩnama. “‘Rojose maja mũare’ Dios manire ĩ yĩavariquẽnase mũ gotimasiorũajama, gajeye gotimasiorẽmoroti ñaja”, yũre yibeticama. “Ado bajiro bajiriarã ñari, ñamasurã ñaama ĩna” gãjerã ĩna yirũcũbũorã ĩna ñajama, ĩna ñabetijaquẽne, no yibeaja yũrema. “‘Ñamasurã ñaama’ masa ĩna yirũcũbũorã ĩna ñajare, ‘Gãjerã rẽtoro masirã ñaama’ yĩagũmi Dios quẽne”, yire maja. 7 Ado bajirojũa yũre yicama ĩna, masa ĩna rũcũbũorã: “Dios ĩ cõar'i ñaja mũ quẽne. ‘Jud'io masa mere quẽne yũ macũ sũorĩ quẽnaro yũ yise queti gotimasiocudiato’ yigũ, mũre cõañumi Dios”, yũre yicama ĩna. “‘Jud'io masare gotimasioato’ yigũ, Pedrore Dios ĩ cõariarore bajiro mũre quẽne cõañumi, ‘Jud'io masa mere gotimasioato’ yigũ”, yũre yicama ĩna, masa ĩna rũcũbũorã. 8 To bajiro yũ yijama, ado bajirojũa yigũ yaja yũ:

Dios ĩ masise Pedrore ʘjoyumi, “Yʘ bojarore bajiro jud'io masare gotimasioato” yigʘ. Pedrore ĩ ʘjoriarore bajiro yʘre quēne ʘjoyumi Dios, “Jud'io masa mere gotimasioato” yigʘ.

⁹To bajiri ti macana yʘa rāca rējacana, ñamasurā ñacama Santiago, Pedro, Juan quēne. Yʘ gotisere ajicōari, “Dios, quēnagū ñari, to bajiro Pablore gotimasio roticōañumi”, yimasicama ĩna. To bajiro yirā ñari, yʘre, yʘ rācagʘ Bernabé quēne, ado bajiro yʘare goticama ĩna: “Yʘare bajiro Dios ĩ bojasere yirā ñaja mʘa quēne. Jud'io masare yʘa gotimasiosere Dios ĩ bojarore bajiro jud'io masa mere mʘa gotimasiosere bojaami”, yʘare yigoticama ĩna. ¹⁰To yicōari, ado bajise rīne yʘa yirotire goticama: “Dios ĩ bojarore bajiro ĩnare gotimasiodiroti ti ñaboajaquēne, adoana Cristore ajitirūnūrā maioro bajirāre ĩnare masiritibeticōari, gājoa mʘa cōajama, quēnarʘaroja”, yʘre yicama. To ĩna yicatore bajirone masiritibeticōari, “ĩnare ejarēmoto mani”, yicajʘ yʘ.

Pablo, “To bajiro mʘ yise quēnabeaja”, Pedrore ĩyire queti

¹¹Pedro, yʘa tʘoĩacatore bajirone gotiboarine, berojʘ Antioqu'ia vāme cʘti macajʘ yʘ ñarone, ejacōari, rojose yicami. To bajiri ĩ ĩaro rĩjorojʘa ejarūgūcōari, “To bajiro mʘ yise quēnabeaja”, ĩre yicajʘ yʘ. ¹²Ado bajiro rojose yicami Pedro: Rĩjorojʘ Antioqu'iajʘ ejacōari, quēnaro yicami maji. Jud'io masa me ñarā rāca baba cʘticōari, ĩna rāca bacami. To bajiro ĩ yĩnarone, Jerusalén macana Santiago ĩ cōariarā ĩacudirā ejacama ĩna quēne. “Jud'io masa me ñarā, Dios ĩ rotimasire cʘdimena, circuncisión yibetiriarā ĩna ñajare, ĩna rāca babetiroti ñaja”, yitʘoĩarā ñacama ĩna. ĩna ejasere ĩacōari, “ ‘Rojose yaja mʘ’ yʘre yiroma” yigʘ, gūicami Pedro, ĩ quēne jud'io masʘ ñari. To bajigʘne, babetirūtuacami, jud'io masa me ñarā rāca yuja. ¹³Ti macana, gājerā jud'io masa, jud'io masa me ñarā rāca Pedro ĩ babetire ĩacōari, ĩre bajirone babeticama ĩna quēne, ĩna masune “ĩna rāca mani bajama, quēnacōaja” yitʘoĩarā ñaboarine. To bajiro ĩna yisere ĩacōari, Bernabé quēne, ĩnare bajirone babeticami, jud'io masa me ñarāre bʘto ĩamaigū ñaboarine. ¹⁴To bajiri, “Cristo ĩ rijabosare sʘorine quēnaro Dios ĩ yise queti ti gotirore bajiro tʘoĩamena ñari, to bajiro yama” yimasicōari, jediro masa ĩna ĩaro rĩjoro Pedrore ado bajiro ĩre yigoticajʘ yʘ: “Jud'io masʘ ñaboarine, tirūmʘjʘ Moisés ĩ rotimasirere ajibecʘ ñacoasuja mʘ. To bajiro mʘ bajijama, quēnaro tʘoĩañuja mʘ maji. To bajiboarine Moisés ĩ rotimasirere ajirūcʘbʘogʘre bajiro yaja mʘ quēna. To bajiro mʘ bajijama, jud'io masa me ñarāre Cristore ajitirūnūrāre ado bajiro ĩnare rotigʘre bajiro bajiaja mʘ: ‘Cristore ajitirūnūrā masʘ, “Rojose maja mʘare” Dios ĩ yĩʘavariquēnarā mʘa ñarʘajama, jud'io masa yere Moisés ĩ rotimasiriarore bajiro cʘdiroti ñaja mʘare

quēne 'ĩnare yirotigare bajiro bajiaja m̃a. To bajiro m̃a bajise quēnabeaja", Pedrore ĩre yigoticaj̃m̃ ỹm̃.

To yicōari, ado bajiro ĩre goticaj̃m̃ ỹm̃ quēna:

15 Mani j̃m̃arā jud'io masa ñaja mani. To bajiri gājerā masa, Moisére Dios ĩ roticūmasirere c̃d̃imenare bajiro bajirā me ñañuja mani maji. 16 To bajiboarine, beroj̃m̃, "Moisére Dios ĩ roticūmasirere mani c̃d̃ise s̃orine, 'Rojose maja' manire yĩ̃abetir̃c̃m̃i Dios", yimasicoasuja mani. To bajiro yimasirā ñari, jud'io masa ñaboarine, mani ñic̃ua yere, Moisére Dios ĩ roticūmasirere ajitir̃ñu t̃jacōari, Cristoj̃m̃are ajitir̃ñus̃oyuja mani, " 'Rojose maja' manire yĩ̃avariquēnato Dios" yirā.

17 To bajiri ĩre ajitir̃ñurā ñari, Moisére Dios ĩ roticūmasirej̃m̃are ajimenare bajiro bajiaja mani. To bajiro bajirā mani ñajare, "Rojose yaja m̃a", manire yĩ̃aama ỹm̃a yarā, Moisés ĩ rotimasirere ajir̃c̃ub̃orā. ĩna t̃õarore bajiro mani t̃õajama, "Cristo s̃orine rojose yaja mani, Moisés ĩ rotimasire c̃d̃imena ñari", yit̃õaboarāja. ¿Rojose manire yirotiatique Cristo? ¡Yibeami! To bajiri, "Cristore ajitir̃ñurā ñari, Moisés ĩ rotimasirej̃m̃are mani ajibetijama, rojose yibeaja mani", yimasire ñaja. 18 Moisére Dios ĩ roticūmasire mani ajitir̃ñu t̃jarere mani tudi ajitir̃ñujama, rojose yirā yirāja mani. 19 Moisére Dios ĩ roticūmasire ado bajiro gotiaja: "Adire c̃d̃ijeomena, rojose yirā ñar̃arāma", yigotiaja ti. Tir̃m̃uj̃m̃ tire ỹm̃ yimasijeoboaajaquēne, " 'Rojose maja' ỹm̃e yĩ̃abetir̃c̃m̃i Dios", yimasicoacaj̃m̃ ỹm̃. To bajiri Moisére Dios ĩ roticūmasirere ajitir̃ñu t̃jacoacaj̃m̃ ỹm̃. To bajicōari, Cristo ocaj̃m̃are ajitir̃ñus̃ocaj̃m̃, "Ī rijabosare s̃orine, 'Rojose magū ñaami' ỹm̃e yĩ̃ato Dios" yig̃m̃. Tire t̃õ̃avariquēnacōari, ĩ bojarore bajiro yir̃g̃ūaja. 20 To bajiri tir̃m̃uj̃m̃ ỹm̃ bajicatore bajiro bajibeaja ỹm̃ yuja. Cristo, ỹm̃ rācane ñaami. To bajiri, "Ỹm̃e ejar̃em̃oc̃m̃i" yit̃õ̃agū ñari, ĩre s̃enir̃g̃ūaja ỹm̃, ĩ jac̃u ĩ bojarore bajiro ỹm̃ yirotire yig̃m̃. ĩne ñaami ỹm̃e maigū, ỹm̃e rijabosar'i. 21 Mani jac̃u quēnagū ñari, ĩ mac̃u ĩ rijabosare s̃orine quēnaro ỹm̃e ĩ yisere tegare bajiro bajir̃abeaja. Moisés ñamasir'i ĩ rotimasirere mani ajis̃yase s̃orine rojose mani yise vajare yir̃et̃ocoriarā mani ñajama, Cristoj̃m̃a manire ĩ rijabosare, vaja maniboriaroja.

3

"Cristore m̃a ajitir̃ñujare, Esp'iritu Santo, m̃are j̃ayumi", yire queti

1 Ajiya Galacia sitana. Cristore ajitir̃ñu t̃jacōari, ricatij̃m̃a ajitir̃ñurā ñari, t̃õ̃amasimenare bajiro bajiaja m̃a. ¡No yirā gājerā socasere gotir̃are ajitir̃ñumenaja m̃a tia! Tir̃m̃uj̃m̃ m̃are gotimasiorā, "Yucāt̃eroj̃m̃ Jesucristo manire ĩ rijabosare

ñajare, ‘Rojose mana ñaama’ manire yĩami Dios”, mware yicajũ yũ. ² To bajiri cojo vãme mũa masibũjasere bojaja yũ: ¿Moisére Dios ĩ roticũmasire mũa cãdijare, Esp’iritu Santo, mware ejacõari, ĩ masisere mware ẽjocati? ĩTo bajiro me bajicajũ! Cristo ĩ rijabosare sũori Dios quẽnaro ĩ yise quetire ajicõari, Cristore mũa ajitirũnũjare, mware ejayumi Esp’iritu Santo. ³ ¿No yirã tũoĩamasimena masu ñacõati mũa? Tirũmũju Jesucristore mũa ajitirũnũsũorojũne, “Dios ĩ bojarore bajiro yato ñna” yigũ, mware ejarẽmogũ, ejayumi Esp’iritu Santo. To bajiboarine, mũa rãcane ĩ ñaboajaquẽne, adirũmũrirema, ¿“Dios ĩ rotimasire quẽnaro mani cãdijama, Dios ĩ bojarore bajiro yirã rĩne ñarũarãja mani”, yitũoĩaboati mũa? ⁴ Cojo vãme me quẽnaro mũa bajirũgũboare, yucũrema vaja manire bajiro bajiaja. To bajiro mũa bajise yũ tũoĩajama, vaja manire bajiro bajise me ñaboayuja. Quẽnaro mũa bajirũgũrere tũoĩacõari, “Jesucristore ñna ajitirũnũsũocatore bajiro tudiajitirũnũrãma”, mware yitũoĩaja yũ. ⁵ Esp’iritu Santore mware cõañumi Dios. To yicõari, jairo ñaĩañamanire mware yĩoñumi. ¿No bajiro mũa yicati ñajare, to bajise mware yiyujari? Moisére Dios ĩ roticũmasirere ti gotirore bajiro mũa yise sũori me, to bajiro yiyumi. Cristojũare mũa ajitirũnũjare, to bajiro yiyumi.

⁶ Dios ocare masa ñna ucamasire ado bajiro gotiaja ti: “ ‘Quẽnaro mure yirũcũja yũ’ Abrahamre Dios ĩ yirere, ‘Ī yirore bajirone bajirũaroja ti’ ĩ yiajire ñajare, ‘Rojose maja’ ĩre yĩañuju Dios”, yigotiaja. ⁷ Tire ajicõari, ado bajiro yimasiaja mani: “Abraham ñamasir’ire bajiro Diore ajitirũnũrãre, ‘Ī jãnerabata ñaja mũa’ ñnare yĩagũmi Dios”, yimasiaja mani. ⁸ Ado bajiro ti bajijare, to bajiro yimasiaja mani: Tirũmũju adi macarũcũroju ĩ macũre Dios ĩ cõaroto rĩjoroju, “Jud’io masa me ñarã quẽne, Abraham, yũre ĩ ajitirũnũrore bajiro yũ macũre ñna ajitirũnũjama, ‘Rojose maja’ ñnare yĩarũcũja”, yitũoĩamasiñuju Dios. Tire tũoĩacõari, ado bajiro Abraham ñamasir’ire ĩre gotimasiñuju: “Mũ sũorine masa jedirore quẽnase ñnare yirũcũja yũ”, yimasiñuju Dios. ⁹ To bajiri Abrahamre bajiro Diore ajitirũnũrãre quẽnaro yami Dios. Ñna rĩrene, “Rojose maja”, yĩagũmi.

¹⁰ “Moisés ñamasir’ire Dios ĩ roticũmasirere mani cãdijama, ‘Rojose maja’ manire yĩarũcũmi Dios” yitũoĩaboarãre, “Rojose ñaja”, ñnare yĩagũmi Dios, ĩ rotimasirere cãdijeomena ñna ñajare. To bajirone gotiaja Dios ocare masa ñna ucamasire. Ado bajiro gotiaja ti: “Dios ĩ rotirere cãdijeomenare, ‘Rojose ñaja’ ñnare yĩagũ ñari, rojose ñnare yirũcũmi Dios”, yigotiaja ti. To bajiri, tire cãdijeorã ñna manijare, “Tire ajitirũnũrã jedirore, ‘Rojose ñaja’ ñnare yĩagũmi Dios”, yimasiaja mani. ¹¹ Sigũ tire cãdijeogu ĩ ñaboajaquẽne, “Ro-

jose maja”, ñre yí̃abetibogumi Dios, ricati ñ gotimasire ti ñajare. Ado bajiro gotiaja ñ gotimasire: “Manire ñamaic̃ari, ‘Rojose maja’ manire yí̃aami Dios, yit̃õar̃ãma, ñna rijato beroj̃u ñna catirotire yig̃u, ỹu catisere ỹu ñsirã ñaama”, yigotiaja ti. ¹² Moisére Dios ñ roticũmasire ado bajiroj̃ua gotiaja: “Ñ roticũcati jediroj̃une ñ c̃adijeoc̃ajama, ñ rijato beroj̃u Diorãca quẽnaro ñac̃õa ñnarũgũrc̃umi”, yigotiaja.

¹³ Dios ñ rotimasirere ajis̃yaboarine, rojose mani yise vaje, Cristo, rojose magũ ñaboarine rojose yir'ire bajiro manire rijabosayumi. Dios ocare masa ñna ucamasire ado bajiro ti gotijare, “ ‘Rojose yir'i ñaami’ yí̃ami Dios”, yimasiaja mani: “Yuc̃j̃u ñna jaju s̃iagũre, ‘Rojose yir'i ñaami’ yí̃aami Dios”, yigotiaja ti. ¹⁴ Tir̃m̃j̃u ado bajiro gotimasiñuju Dios, Abraham ñamasir'ire: “Ỹure m̃u ajitir̃ñore bajiro, gãjerã, ỹure ajitir̃ñr̃re quẽnaro ñnare yir̃c̃j̃a”, ñre yimasiñuju. Jud'io masa, jud'io masa me quẽne, Cristore ñna ajitir̃ñajama, ñna rijato beroj̃u mani catirotire yig̃u, ñnare ñsir̃c̃umi Dios. To yic̃õari, “Esp'iritu Santore m̃nare ejar̃ẽmoroc̃ure c̃õar̃c̃j̃a” Dios ñ yicatore bajiro yig̃u, ñnare c̃õar̃c̃umi.

“Ado bajiro yir̃c̃j̃a ỹu”, Dios ñ yire queti

¹⁵ Quẽnaro ajij̃a ỹu mairã. Gotimasiore queti m̃nare gotig̃u yaja ỹu: S̃igũ, “Ado bajiro yir̃ãsa”, gãji rãca gãmerã yig̃umi. To yic̃õari, “Yir̃c̃j̃a” ñ yir̃iario c̃õrone papera j̃uroj̃u ucatur̃jeoc̃õagũmi. To bajiro ñ yic̃õare ñajare, gãjij̃ua, “Ado bajiroj̃ua yiroti ñañuja” yig̃u, ñ ucaria j̃uroj̃ure ucar̃ẽmomasiyec̃umi. ¹⁶ Tire bajiro bajimasiñuju Abrahamre Dios ñ goticũmasire quẽne. Ado bajiro ñre goticũmasiñumi: “S̃igũ m̃u jãnami s̃õorine masa jedirore quẽnaro yir̃c̃j̃a ỹu”, ñre yigoticũmasiñumi Dios. “M̃u jãnerabatia s̃õorine masa jedirore quẽnaro yir̃c̃j̃a”, yibesumi. “S̃igũ m̃u jãnami s̃õorine” ñ yijama, “Cristo s̃õorine” yire ñni ñamasíñuju ti. ¹⁷ “Tire quẽnaro ajimasiato” yig̃u, m̃nare gotimasiogũ yaja ỹu. “M̃u jãnami s̃õorine masa jedirore quẽnaro yir̃c̃j̃a”, Abraham ñamasir'ire yigoticũmasiñumi Dios. To yic̃õari, “Soc̃u me yaja ỹu. Ỹu gotirotire bajirone yir̃c̃j̃a”, ñre yigotir̃ẽmomasiñumi. To ñ yiro bero, cuatrocientos treinta cãmari bero, gajeye ñ rotimasire Moisére cũmasiñumi, jud'io masa ñna c̃adirotire yig̃u. “Tire quẽnaro ñna c̃adijama, quẽnaro ñnare yir̃c̃j̃a”, Moisére ñre yimasiñumi. To bajiro ñ yijama, “Tir̃m̃j̃u Abrahamre ỹu goticature vasoag̃u yaja ỹu” yig̃u me, yimasiñumi. To bajiro ñ yijama, Abrahamre quẽnaro ñ yirore goticũc̃õari, “Soc̃u me yaja ỹu”, ñre yir̃ẽmobetimasiborimi Dios. ¹⁸ Moisére ñ roticũroto r̃ijoroj̃une, quẽnaro mani yirore gotibec̃une, “Quẽnaro m̃nare yir̃c̃j̃a”, manire yigotiyumi Dios. To bajiri, “Dios ñ rotimasirere mani c̃adirotire t̃õiagũ

me yiyumi”, yimasiaja mani. To bajiro ĩ yibetijama, “Socune manire yiyumi”, yimasiborãja mani.

19 “Abraham ĩ cãdirotire gotibecune, ‘Masa jedirore quẽnaro yirucuja’ Dios ĩ yijama, ĩno yigu beroju Moisere ĩre roticũmasiñujari Dios?”, yitũoĩarãja mua, sigũri. To bajiro yitũoĩarãre ado bajiro cãdiaja yu: “ ‘Cãdijeomasibeaja; rojose yijairã ñaja mani’ yimasiato masa” yigu, ĩ rotimasirere cũmasiñuju Dios. “To bajiro tũoĩarũgũrũarãma, Abraham jãnami sũorine masare quẽnaro yu yirotirũmu ti ejaro”, yitũoĩamasiñumi Dios. ĩ masune, ĩ rotimasirere Moisere gotibetimasĩuju. ĩ tũana ángel mesare Moisere gotirotimasĩuju. ĩna gotisere ajicõari, jud’io masajũare gotirẽtomasiñuju Moisés quẽna. 20 “Mu jãnami sũorine masare quẽnaro yirucuja” Dios ĩ yijama, ĩ tũana ángel mesare gotirotibesuju. ĩ masune Abrahamre gotimasĩuju.

“ ‘Rojose yirã ñaja’ masa ĩna yitũoĩarotire yigu, ĩ rotimasirere cũmasiñuju Dios”, yire queti

21 Abraham ñamasir’ire quẽnaro ĩ gotiro bero, ĩ rotimasirere cũgũ, ĩ “Abrahamre yu goticatijũare masiritiya” yigu, yiyujari? To bajiro me yiyumi. Moisere Dios ĩ roticũmasirere quẽnaro mani cãdijeose sũorine, “Ñie rojose mana ñaama”, manire yibogumi Dios. 22 To bajiboarine, Dios ĩ rotimasire masa ĩna cãdise sũorine, “Rojose mana ñaama”, ĩnare yibeami Dios. Dios ocare masa ĩna ucamasire ado bajiro ti gotijare, tire masiaja mani: “Masa jediro rojose yisejarã ñari, ti rione ĩnare yirũamacõrũgũaja”, yigotiaja. To bajiri, “Mu rotimasire cãdibecu ñaja yu” Diore ĩre yigoticõari, “Jesucristo yure ĩ rijabosare ñajare, ‘Rojose maja’ Dios ĩ yĩlagũ ñaja yu” yitũoĩarã rĩne ñaama Abrahamre Dios ĩ goticũmasiriarore bajiro quẽnaro ĩ yirã.

23 Tirũmũju, “Jesucristore mani ajitirũnũsere ĩacõari, rojose tãmũotũjabetiriaroju mani vaborotire manire yirẽtobosarucumi”, yimasibeticaju mani maji. Dios ĩ rotimasire cãdirũgũre ñañuja ti. To bajiri, “Rojose mani yise vaja rojose yibeticõato Dios” yirã, no bajiro yimasibesuja mani maji. 24 Gotimasiore queti mũare gotiaja yu: Uju, ĩ macũre ĩre codebosagũre ado bajiro ĩre rotigumi: “ ‘Yu macũ rojose yibeticõato’ yigu, ĩre quẽnaro coderucuja mũ”, ĩre yirotigumi. “ĩ bũcũacoajama, yu yere cũomasijeocũ ĩ ñajare, no yigu ĩre codebecuja mũ”, ĩre yigumi ĩ uju. ĩ macũre codebosagũre bajiro bajiyuja Dios ĩ rotimasire. “Rojose yibesa mũa” manire yimasiore ñacoayuja ti, Cristo manire ĩ rijabosaro bero, “ĩ sũorine, ‘Rojose maja’ Dios ĩ yĩarã ñaja” mani yitũoĩaroto rĩjoroju. 25 To bajiri adirũmũirema

Cristore ajitirānūrā űari, manire codegure bajiro me bajaiaja ti, Dios ĩ rotimasire. ²⁶ To bajiri mġa jediro Jesucristore ajitirānūrā űari, “Yġ rġa űaja” Dios yirā űaja mġa quġne yuja. ²⁷ Cristore ajitirānġcōari, oco rāca bautiza ecoyuja mġa. To bajiro mġa yiecosere ĩacōari, Cristo quġnaro ĩ yirġgġriarore bajirone mġare quġne “Quġnaro yirā űato” mġare yiyumi Dios. ²⁸ Mġa jediro Jesucristo yarā mġa űajare, cojoro cōro mġa űasere ĩamaigġmi Dios. Jud'io masa, jud'io masa me quġne űaja mġa. Gġjerāre moabosarimasa, moabosarimasa me quġne űaja mġa. Rōmia, šmġa quġne űaja mġa. Jediro vġsaro mġa űaboajaquġne, Jesucristo yarā mġa űajare, cojoro cōrone mġa űasere ĩamaigġmi Dios. ²⁹ Cristo yarā űari, Abraham jānerabatiare bajiro bajaiaja mġa quġne. To bajirā űari, Abrahamre Dios ĩ gotimasġriarore bajirone quġnaro ĩ yirona űaja mġa.

4

¹ Gotimasġore mġare gotiaja yġ quġna: Sġgġ, ĩ macġ űasġogu, ĩ jacġ ye jediro sġorocġ űaboarine, ĩ daquēcōajama, ĩ jacġre moabosarimasare bajiro bajiami. ĩna rotijama, ĩna rotġrore bajiro cġdiroti űaja ĩre. ² Daquġgġ ĩ űaro, ĩ jacġre moabosarimasa ĩre coderāma. To yġcōari, ĩ sġorotire quġne coderāma. “Yġ macġre yġ sġose jediro ĩre ĩsiaja yġ yuja” ĩ jacġ, ĩ yġrotirġmġ ti ejaro, moabosarimasġre bajiro me bajġgġmi yuja. ĩre rotimasġenama. ³ Mani quġne Cristore mani ajitirānġroto rġjorojġ, to bajirone bajġboacajġ mani maji. Adġgodoaye rġne tġoġarā, ĩna ajirġcġbġore ti rotġrore bajirone rotġecocajġ mani. ⁴ To bajiro mani bajġűaboajaquġne, “To cōrone yġ macġre cōarġcġja yġ” Dios ĩ yġriarġmġ ejayumi. To bajiri Dios macġ űaboarine, manire bajirone rōmio sġorine ruyuyumi. Jud'io masġ ruyuar'i űari, Dios ĩ rotimasġre rotġecoyumi. ⁵ Tirġmġaye rotimasġre ajitirānġboariarā, rojose mani yisere ĩ masġriose vaja, ĩ macġ ĩ vaja yġbosarotire yġgġ, ĩre cōaġumi Dios. ĩ rġa mani űarotire bojagġ űari, to bajiro yiyumi. ⁶ To bajiri Dios rġa mani űajare, ĩ macġ Jesucristo rġcagġ, Esp'iritu Santore, manire cōaġumi Dios. Manire quġne ĩ űajare, “Cacġ”, ĩre yġvariquġnaja mani. ⁷ To bajiri, adġrġmġrirema, Dios Moisġre ĩ rotġcġmasġrere rotġecorā me űaja, Dios rġa űari. To bajiri, “Yġ rġare quġnaro ĩnare yġrġcġja yġ” ĩ yġriarore bajirone manire yġrġcġmi”, yġmasġaja mani.

“Jud'io masare bajiro bajibesa”, Pablo ĩ yire queti

⁸ Tirġmġjġma Cristore mġa ajitirānġroto rġjoro, Diore masġbetġcġjġ mġa maji. ĩre masġmena űari, “Ado bajirā űarāma” mġa masġne yġquġnorġjeocōari, rġcġbġoaboayuja mġa maji.

⁹ Adirāmūrirema Diore masirā ñaja mña quēne. To bajiri, “Yñ rīa ñaama” mñare yīārñ, mñare beseyumi Dios. Diore masirā ñaboarine, ¿no yirā Diore masimena ñna rotirere mña rotiecoriarore bajiro Dios ī rotimasirere rotiecorā ñaruati mña? To bajiro mña yirñaboase vaja maja. ¹⁰ Jud'io masa me ñaboarine, jud'io masa ye Moisére Dios ī roticūmasire ti rotirore bajiro mña cūdirūgūrere ajibñ yñ. “Adirāmñ rñcñbuoriarāmñ ñaja. Ado cōro ñamiagn ī tñsatone, ado cōro juebñcñ ti tñsatone, to yicōari, ado cōro cñma ti tñsatone, rñcñbuoroti ñaja” yicōari, mña cūdirūgūrere ajibñ yñ. ¹¹ Tire ajicōari, “¿Yñ gotimasioboa-cati vaja mañujari?”, yitñoīa sñtiritiaja yñ.

¹² Yñ mairā, ado bajiro mña bajisere bojabeaja yñ: Dios ī rotimasirere mña rotiecosere bojabeaja yñ. Yññama, jud'io masñ ñaboarine, “Tire yñ cūdijama, ‘Rojose maja’ yñre yirñcñmi Dios”, yibeaja yñ. Yñ yitñoīarore bajiro mña quēne, mña tñoīajama, quēnaruroja. Tirñmñjñ mña tñjñ yñ ñaro, quēnaro yñre yicajñ mña maji. ¹³ Tire masiritimenaja mña. Rijagn ñari, mña tñjñ ejacajñ yñ. Cristo ī rijabosare sñorine quēnaro Dios ī yise quetire mñare gotimasiosñocajñ. ¹⁴ Rijagn yñ ñaboajaquēne, yñre ñatebeticajñ mña. Ángel bocaāmirāre bajiro quēnaro yñre bocaāmicajñ mña. To yicōari, Jesu-cristore bocaāmirāre bajiro quēnaro yñre bocaāmicajñ mña. ¹⁵ Adirāmūrirema, “Vaja magñ ñaami” yīārāre bajiro yñre yaja mña yuja. To bajiri, “Yñ gotimasioctire ajicōari, bñto ñna variquēnacetire masiriticoariarāma”, mñare yitñoīaja yñ. Tirñmñjñma, variquēnacōari, bñto yñre ñamaicana ñari, mña yimasiyama, mña caje juacōari, yñre ñsiboriarāja mña, “Ñamasiato” yirā. ¹⁶ Adirāmūrirema yñre ñateaja mña. ¿No bajiro bajicōari, yñre ñateati? Cristo ī rijabosare sñorine quēnaro Dios ī yise quetire quēnaro riojo mñare yñ goticōa ñajare, ¿yñre ñateati mña?

¹⁷ Dios ī rotimasire gotimasiorā, mñare baba cñtirūgūrāma ñna. To bajiboarine, mñare quēnaro yirñarā me, to bajiro bajirāma. “Pablöre ajitecōari, manī rñrene ajitirññato” yirā, to bajiro bajirāma. ¹⁸ Gājerā manire mairā, bñto manire ñna tñoīajama, quēnaja. To bajiboarine, manire yitorñarā, socarāne manire ñna maiyama, quēnabeaja. Gajeyerema, manī tñjñ gājerā ñna ñaro rñne, ñnare mairoti me ñaja manire. To bajiro mñare yirūgūrōti ñaboaja, yñre. ¹⁹ Yñ mairā, yñ rñare bajiro bajirā ñaja mña. Mñare bñto tñoīacōa ñaja yñma. Rōmia ñna macñ cñoroto rñjoro, bñto tñoīacōari, rojose ñna tñmñorore bajiro yñ quēne, mñare tñoīacōari, rojose tñmñojaja. To bajiro rñne rojose tñmñocōa ñarūgūrñcñja yñ. Gajeye tñoīaññomenane, “Cristo ī rijabosare sñorine, ‘Rojose maja’ manire yīagñmi Dios” mña yitñoīarojñ, rojose tñmño tñjarñcñja. ²⁰ Mña tñjñ bñto

ñaruaboaja yu. Toju yu ñajama, quēnabusaro m̄are gotiboguja yu. Sōju ñari, m̄are t̄oñarejaicōari, adi papera rāca quēnaro m̄are gotimasibeaja yu.

Sara, Agar ña bajire queti

²¹ M̄a sīgūri, Moisére Dios ĩ roticūmasire c̄dir̄na t̄oñaja m̄a. “Dios ĩ rotimasire” yu yijama, Moisés ĩ ucamasire yirā yaja. To bajiri Moisés ĩ ucamasirere m̄are yu gotimasiosere quēnaro ajimasiña m̄a. ²² Abraham ñamasir'i, j̄arā ãm̄a r̄a c̄t̄imasiniju. ĩ manajore moabosarimaso Agar v̄ame c̄t̄imasirio mac̄ ñamasiñuju sīgū. Gājij̄na, ĩ manajo Sara v̄ame c̄t̄imasirio mac̄ ñamasiñuju. ²³ Sarare moabosarimasorene manajo c̄ti, yi mac̄ c̄t̄imasiniju Abraham. Gājij̄n̄ama, ĩ manajo c̄tis̄orio mac̄ ñamasir'ima, “Mac̄ c̄tir̄ocomo” Abrahamre Dios ĩ yimasir'ire mac̄ c̄t̄imasiniju. ²⁴ To bajiro ña bajimasirere ado bajiro gotiaja: Moabosarimaso, so r̄a c̄tijama, so ñj̄re moabosarimasa ñarāma ña quēne. To bajiro r̄ine bajicoayuja ti. To bajiri, Sarare moabosarimaso, Agar v̄ame c̄t̄imasirio, ḡt̄a Sina'i v̄ame c̄tiñju Moisére Dios ĩ roticūmasirere bajiro bajiyumo so. To bajicōari, Dios ĩ rotimasire c̄dirā, ado bajiro so r̄are bajiro bajiam̄a ña: Ña quēne, moabosarimasare bajiro bajiam̄a, Dios ĩ rotimasire c̄dijeobetiboarine, “ ‘Manire ĩavariquēnato Dios’ yirā, c̄diroti ñaja” yirā ñari. ²⁵ Gajeyerema, ado bajiro ti bajijare, “Moisére Dios ĩ roticūmasirere bajiro bajiamo Agar”, yimasiaja mani: Cojojirema, “Agar” ña yijama, ḡt̄a Sina'i v̄ame c̄tiñre yirā yama masa. To bajicōari, Agar mac̄ jānerabatia, árabe masa ña ñaroju ñaroja ti. To bajicōari, Jerusalén v̄ame c̄ti mac̄are bajiro bajiamo so, Agar. Moabosarimasa jacore bajiro bajiaja Jerusalén, ti macana, Dios ĩ rotimasire c̄dirā ña ñajare. ²⁶ Ō vecaj̄ quēne, Dios ya maca “Jerusalén v̄ame c̄ti maca ñaroja”, yicama. Toj̄ma, moabosarimasa jacore bajiro me bajiaja. Sarare bajiro bajiaja, ti maca ñarona, so r̄are bajiro bajirā, “Dios ĩ rotimasire c̄diroti me ñaja” yicōari, Cristo r̄irene ajitir̄n̄r̄a mani ñajare. ²⁷ Diore gotir̄etobosarimasa Isa'ias v̄ame c̄t̄imasir'i ado bajiro ĩ ucamasire ñajare, “Sarare bajiro bajiaja ō vecaj̄, Jerusalén maca”, yaja yu. Sarare gotiḡre bajiro ucamasiniju:

“R̄ia magō, ajiya. R̄ia magō ñaboarine, quēnaro variquēnaña. Mac̄ c̄t̄igoago rojose t̄am̄oñabeco ñaboarine, ‘J̄arā r̄a c̄tir̄ocoga’ yimasigō ñari, variquēnaña m̄. ‘J̄arā r̄a c̄t̄iato’ yiḡ yiḡc̄ja yu. Yu r̄aca ñagō r̄etro r̄a c̄tir̄ocoga m̄”, yucamasiniju Isa'ias.^a

^a 4:27 Is 54.1. Adir̄m̄irema, “Yu r̄aca ñagō” ĩ yijama, adi mac̄ar̄uro Jerusalén mac̄are yiḡ yimasiniju. “R̄ia magō ñaboario” ĩ yijama, ō vecaj̄ Jerusalén mac̄are yiḡ yimasiniju.

28 Y_u mairã, quēnaro ajiya. “Mac_u c_utir_uocoja m_u” Dios ĩ yimasire ñajare, mac_u c_utimasif_uju Sara, Isaac vãme c_utig_ure. ĩ jãnamij_una ñañumi Cristo, “Ĭ s_uorine quēnaro yir_uc_uja y_u” Abrahamre Dios ĩ yigotimasir'i. To bajiri, manij_una, Cristore ajitir_unarã ñari, Abraham jãnerabatiare bajiro bajiaja mani yuja. Dios ĩ rotimasire c_udirã, to bajiro me bajiaja mani. “Cristo ĩ rijabosare s_uorine quēnaro ñnare yir_uc_uja y_u” Dios ĩ yimasire ñajare, bajiaja mani. 29 Gajeyerema, ado bajiro manire gotiaja Moisés ĩ ucamasire, “Dios ĩ rotimasire” y_ua yise: “Ĭ manajore moabosarimaso mac_uj_una, Esp'iritu Santo s_uorine Sara so mac_u c_utir'ire rojose yimasif_uju”, yigotiaja Moisés ĩ ucamasire. Adir_um_uri quēne, to bajirone bajiaja manire quēne. Cristo s_uori Abraham jãnerabatiare bajiro bajirãre, manire rojose yir_ug_uama Abraham jãnerabatia, Moisére Dios ĩ rotic_umasire c_udirã. 30 Rojose manire ñna yiboajaquēne, Moisés ĩ ucamasirere mani buejama, Dios ye mani c_uoroti gotisere ĩab_ujarãja mani. Ado bajiro gotiaja: “M_u manajore moabosarimasore, so mac_ure quēne ñnare varotic_uña. So mac_u ñari, m_u rijato beroj_u m_u c_uosere c_uos_uyabetir_uc_umi. Jediro Sara mac_u ye ñar_uaroja”, yigotiaja, Dios ocare Moisés ĩ ucamasire. To bajiro ti gotijare, “Moabosarimaso r_uare bajiro bajirã me ñarãma ‘Quēnaro ñnare yir_uc_uja y_u’ Abrahamre Dios ĩ yimasiriarã”, yimasiaja mani. 31 To bajiri, y_u mairã, “Ado bajise t_uo_uamasiato” yig_u, Moisés ĩ ucamasire m_uare gotib_u y_u: “Dios ĩ rotimasire mani c_udijeobetijama, manire ĩavariquēnabetir_uc_umi Dios” yit_uo_ua güirã me ñari, moabosarimasore r_uare bajiro bajirã me ñaja mani. “Cristo ĩ rijabosare s_uorine Dios ĩavariquēnarã ñaja” yirã ñari, Sara ñamasirio r_uare bajiro bajirã ñaja mani.

5

Rojose mano quēnase r_une yirãre queti

1 “Y_u s_uorine Dios ĩ ĩavariquēnarã ñari, Dios ĩ rotimasire c_udir_una t_uo_uabetic_uato ñna” yig_u, manire rijabosayumi Cristo. To bajiri, gajeye t_uo_uamenane, “Cristo ĩ rijabosare s_uorine Dios ĩ ĩavariquēnarã ñaja mani”, yit_uo_uar_ug_ur_uarãja m_ua. Gãjerã ricati ñna gotijama, ñnare ajibetir_ug_ur_uarãja.

2 Quēnaro ajiya m_ua. Ñamasuse m_uare gotig_u yaja y_u: “Manire ĩavariquēnato Dios” yirã, jud'io masa circuncisión yirotirãre bajiro m_ua yirotijama, Cristo s_uorine Dios ĩ ĩavariquēnarã me ñar_uarãja m_ua. 3 Quēna m_uare tudigotiaja y_u: Jud'io masa circuncisión yirotirãre bajiro m_ua quēne, m_ua yirotijama, Dios ĩ rotimasire c_udijeoroti ñaboroja m_uare. To bajiboarine ñim_uj_una c_udijeog_u manir_uc_umi. 4 “Dios ĩ rotimasire quēnaro y_u c_udijama, y_ure ĩavariquēnar_uc_umi Dios”

mua yituoŕajama, Cristore ajitirũnarã me ñacoaruarãja mua. “Cristo ï rijabosare suorine manire ñavariquẽnagũmi Dios” yituoŕamena ñari, to bajiro bajiruarãja mua. ⁵ Manijũama, “Cristo manire ï rijabosare ñajare, Dios ï ñaro rĩjoro mani ejaro, ‘Rojose maja’ manire yĩarũcũmi”, yituoŕa yuñaja mani. Esp’iritu Santo ejaecoriarã ñari, to bajirone yituoŕa yuñaja mani. ⁶ Cristo yarã ñari, circuncisiõn yiecojama, yiecobetijaquẽne, ñamasuse me ñaja. Ti suorine me manire yirẽtobosarũcũmi Dios. “Manire rijabosayumi Cristo” mani yituoŕase, to yicõari gãjerã mani maise suorijua manire yirẽtobosarũcũmi Dios. ⁷ Cristo suorine quẽnaro Dios ï yise queti socabetire quẽnaro ajitirũnũsũoboacaju mua maji. ¿Ñimarã oca suorine tire ajitirũnũ tujati mua? ⁸ Dios me to bajiro mware bajirotiãmi. Dione ñaami “Yũ macũ Cristore ajitirũñaña” yigũ, mware beser’i. ⁹ Panre ùmato vauvase quetire masiritibesa mua. Panre ùmato vauvasere mojoroaca vnoore ti ñaboajaquẽne, vauvajediaja ti, pan. Tire bajirone bajiaja socase mua tũoŕase. Socase, ñamasuse me ti ñaboajaquẽne, mua tũoŕacõa ñajama, ñajediro riojo me tũoŕarã ñacoaruarãja mua. ¹⁰ To bajiboarine, “Cristo yarã ñaama ñna quẽne”, mware yituoŕajaja yũ. To bajiri, “Ñna quẽne yũ gotirore bajiro yiruarãma”, mware yituoŕajaja yũ. “Riojo gotiami Pablo. ‘Rojose maja’ manire yĩato Dios’ yirã, Cristore ajitirũnũcõari, gajeye yiroti me ñaja”, yituoŕarãja mua quẽne. Gãjerãjũama, socase mware gotimasiorã, ñamasurã ñna ñaboajaquẽne, to bajiro ñna yise vaja, rojose ñnare yirũcũmi Dios.

¹¹ Ado bajiro yũre socase ñna gotisere tũoŕaña, yũ mairã: “Yũna gotimasiosere gotimasioami Pablo quẽne. ‘Diorãca quẽnaro mua ñnarũajama, jud’io masare Dios ï rotiriarore bajiro circuncisiõn yirotiya’ yami Pablo quẽne”, yũre yisocayuma. To bajiro masare yigotimasioabeaja yũ. To bajiro yũ yigotijama, yũ gotimasiosere ajicõari, ¿rojose yũre yitujaboriarãda ñna, jud’io masa? Yũma, circuncisiõn yirere gotibecũne, ado bajirojua gotimasioaja: “Yucãtẽroju manire rijabosayumi Cristo, ñre ajitirũnũrãre Dios ï ñavariquẽnarotire yigũ”, yigotimasioaja. To bajiro yũ gotimasiosere bũto ajiteama jud’io masa. ¹² To bajiro socase ocare gotirã, circuncisiõn yire rãcũbũorã ñari, ñna vejerijoare quẽne ñna yijetareacõajama, quẽnaboroja.

¹³ Mua, yũ yarã, yũ bederãre bajiro ñarã, “Quẽnaro ñnaronã, roticũmasirere rotiecobetironã ñato” yigũ, Dios ï beseriarã ñaja mua. To bajiri, quẽnase rĩne yirũgũronã ñaja mua. To bajiro ï yiriarã ñaboarine, “Mani tũoŕarore bajiro rojose mani yijama, quẽnaroja”, yituoŕabeticõaña. Gãjerãre ñamaicõari, ñna bojasere yirũgũrotijua ñaja. ¹⁴ To bajiro bajirũgũroti ñaja, Dios ï rotimasire ado bajiro ti gotijare: “Mũ masu rujare mũ mairore

bajirone mu tuanare maiña”, yigotiaja. Tire mua yijama, Dios i rotise ñaro cõrone cudirã yirãja. ¹⁵ To bajiboarine, gãmerã ãatecõari, tud'irũgũrãja mua. To bajicõari, mua gãmerã oca quẽnobetijama, butobusa gãmerã ãaterũtuarãja mua. To bajicõari, ñimũja Cristore ajitirũngũ manirucumi.

¹⁶ To bajiri, ado bajiro muare gotiaja yu: Esp'iritu Santo muare i rotisere mua cudijama, rojose mua yirua tuoĩaboasere yibetiruarãja. ¹⁷ Rojose mua yirua tuoĩase, to yicõari, Esp'iritu Santo muare i rotise, cojoro cõro me ñaja. Quẽnasejua mua yisere Esp'iritu Santo i bojaboajaquẽne, i rotisere cudibeticõari, mua masu rojose mua yirũasejua yirũgũrãja mua. ¹⁸ To bajiboarine Esp'iritu Santo muare i rotisejua mua cudijama, Dios i bojarore bajiro i rotimasire rotiecomenaja mua.

¹⁹ Rojose ñare yirua tuoĩasere yirũgũrã, ado bajiro yirã ñarãma: Manajo cutirã, manaju cutirã, manajo mana, manaju mana quẽne, gãmerã ajeriarã cutirã ñarãma. Ña rujuriaye rãca bojoneose yirã ñarãma. ²⁰ “Ado bajirã ñarãma” ña masune yiquẽnorujeocõari, ña quẽnorãre rucubhorã ñarãma. “Rẽtoro masirã ñaja yua” yirã, ñaiañamani yirã ñarãma. Gãmerã ãaterã ñarãma. “Mani rõtobusaro quẽnaro ñaama”, yĩajũnisinirã ñarãma. Guarõ jũnisinidarã ñarãma. Ña bojarore bajiro rĩne yirã ñarãma. Gãjerã rãca ña ñajama, ña yise suorine sigũre bajiro tuoĩabeticõari, quẽnaro ñamenama masa. Ña tuoĩarore bajiro tuoĩarã rãca ricati rujicõari, oca josarã ñaama. ²¹ Gajeyeũnire gãjerã yere ñaorã ñarãma. Idire mecũose idimecũcõari, rojose yirã rãca vana ñarãma. Ti ùnire yirã ñarãma, rojose ña yirua tuoĩasere yirã. Tirũmũju muare yu goticatore bajiro muare gotigũ yaja yu quẽna: Gãjerã, to bajiro rojose yirũgũrã, õ vecaju ũju Dios yarã quẽnaro i yirona me ñarãma.

²² Esp'iritu Santo rãcanajua, i masisere i ñjoriarã ñari, ado bajirojua bajirã ñaja mani: Gãjerãre mairã ñari, ña rãca variquẽnarã ñarũgũaja mani. Gãjerã manire rojose ña yiboa-jaquẽne, ñare jũnisinibeaja mani. To yicõari, “Yiruarãja” mani yirore bajirone yirũgũaja. ²³ Gãjerãre rucubhorã ñari, mani bojabetire ña yirũaboajaquẽne, “Yibesa”, ñare yibeaja mani. Rojosere yiruarã ñaboarine, tire yibetirũgũaja mani. To bajiro yirã mani ñajama, Dios i rotimasire ti gotirore bajiro yirã yirãja mani. ²⁴ Cristo yarã ñari, ado bajiro tuoĩaja mani: “‘Rojose yirũaboarine, tire yibeticõato’ yigũ, manire rijabosayumi Cristo. To bajiri, rojose yibetiruarãja mani”, yituoĩaja mani. ²⁵ Esp'iritu Santo suorine, mani rijato beroju mani catirotire yigũ, Dios i catisere i ñsiriã ñari, i bojarore bajiro yirũgũroti ñaja manire.

²⁶ “Gãjerã rõtoro masirã ñaja yua”, yibetiroti ñaja manire. To bajiro mani yibetijare, manire ãatemename gãjerã.

6

Gãmerã ejarẽmore queti

1 Y_H mairã, Esp'iritu Santo rãcana ñari, sīgũ m_{ua} rãcagũ rojose ĩ yijama, ĩre ejarẽmoña, “Rojose ĩ yise yitũjato” yirã. ĩre tud'imenane, ĩamaicõari, ĩre ejarẽmoroti ñaja m_{uare}. To yicõari, quẽnaro tũoĩama, “ĩre bajiro rojose yirobe” yirã. 2 Rojose tãm_{uor}ãre ĩamaicõari, ejarẽmoña. To bajiro m_{ua} yijama, Cristo ĩ rotiriarore bajiro yirã, yirãja m_{ua}.

3 Sīgũ, “Rojose yigũ me ñaja” ĩ yitũoĩajama, ĩ masune socagũ yami. 4 Tocãrãcũ, m_{ua} yisere tũoĩacõari, “¿Dios ĩ bojarore bajiro yigũ yati yũ?”, m_{ua} masune yisẽniãrũgũña. Tire yitũoĩacõari, “Y_H yisere ĩavariquẽnagũmi Dios” m_{ua} yijama, variquẽnarũarãja m_{ua}. To bajiboarine, “ĩna rẽtoro quẽnaro yibũ yũ” yicõĩabecũne, to bajiro yirũgũroti ñaja. 5 Berojũ tocãrãcũ mani yisere, “Ado bajiro yigũ ñari, to bajiro yicajũ yũ” Diore ĩre yigotiroti ti ñajare, to bajiro mani masune yisẽniãrũgũroti ñaja.

6 Cristo ocare m_{uare} gotimasiorimasũre, ĩ bojase masu ti manijama, ĩre ejarẽmoroti ñaja m_{uare}.

7 Quẽnaro tũoĩaña m_{ua}. “Rojose yũ yijama, masibecũmi Dios” mani yitũoĩaboajaquẽne, disejũa ĩ masibeti manijare, mani yisere masijeogũ ñaami. Gotimasiore ocare m_{uare} gotigũ yaja yũ: Ote ajere mani otejama, ti ajene judicõari, ti bucũato, ti ricarene juarũarãja. Gajeye mere juarũarãja mani. 8 Tire bajirone bajiaja gãji rojose ĩ yirũa tũoĩarore bajiro yirũgũgũma. To bajiro ĩ yicõa ñajama, õ vecajũ rojose ĩ yise vaja rojose tãm_{uot}ũjabetiriarojũ ĩre rocarũcũmi Dios. Esp'iritu Santo ĩ rotisere yirũgũgũrema, ĩ rãca quẽnaro masu ĩ ñarotire yirũcũmi. 9 To bajiri Dios ĩ bojarore bajiro quẽnasere yitũjabetiroti ñaja manire. Tire mani yitũjabetijama, “To cõrone quẽnaro yirũcũja” Dios ĩ yiriarãmũ ti ejaro, quẽnaro manire yirũcũmi. 10 To bajiri mani yimasiro cõro, masa jedirore quẽnaro yirũgũũarãja mani. Gãjerã Cristore ajitirãnrã ñari, mani yarã ĩna ñajare, butobusa ĩnare ejarẽmorũgũũarãja mani.

Pablo, Galacia sitanare ĩ gotitũsare queti

11 Adi yũ gotitũsase, jacase vãme rãca yũ masune ucaja yũ. 12 Circuncisiõn yirotirã, gãjerã jud'io masa ĩnare ĩna ĩarũcũb_{uor}otire yirãma. Ado bajiro tũoĩarãma ĩna: “Mani ãjũ Cristo, yucãtẽrojũ manire ĩ rijabosare ñajare, ‘Rojose maja m_{uare}’, manire yĩĩavariquẽnagũmi Dios’ mani yigotiboajaquẽne, jud'io masa yere quẽne mani gotimasioajama, manire rojose yimenama ĩna”, yitũoĩarã ñaama. 13 Circuncisiõn yiriarã, Dios ĩ rotimasire cũdijeomasimena

ñaboarine, circuncisión m̄are yivotirãma ñna. “Galacianare circuncisión yivoticaj̄u ȳna” ñna yarã jud'io masare yigotivariquẽnaruarã, to bajiro m̄are yivotirãma. ¹⁴ To bajisere gotimasiobetir̄uc̄aja ȳuj̄ama. Ȳu gotimasiosema ado bajise ñaja: “Yucátẽroj̄u maní uj̄u Jesucristore jajusĩañuma masa. To bajiri, manire ñ rijabosare ñajare, ‘Rojose magũ ñaami’ ȳure yami Dios”, yivariquẽnaja ȳu. Adirũm̄arirema Cristore t̄uoĩamena, “Ñamasuse ñaja ti” ñna yit̄uoĩaboase, ñamasuse me ñaja ȳurema. Cristore t̄uoĩamena, “Ñamasugũ me ñarimi Jesús” ñna yit̄uoĩaboagu, ñamasugũ ñaami ȳurema. ¹⁵ Circuncisión mani yijama, mani yibetijaquẽne, ñamasuse me ñaja ti. Ñamasuse ñaja Cristore ajitir̄an̄uc̄ari, ñ yarã Esp'iritu Santo rãcana ñari, rojose mani yirũgũrere mani yir̄ua t̄uoĩabetirũgũse.

¹⁶ M̄ua jediro ȳu yivotisere ajitir̄an̄urãre, ado bajiro m̄are s̄enibosaja ȳu, Diore: “Ñinare ñamaic̄ari, ‘Ñie rojose mano quẽnaro ñato’ yiḡu, ñinare ejarẽmoña”, m̄are yis̄enibosaja ȳu.

¹⁷ Rojose ȳure ñagõmacarãj̄uare ado bajiro yaja ȳu: “Rojose ȳure m̄ua yirose yit̄ujaya yuja. Jesucristo oca ȳu gotimasio cudijare, rojose ȳure yirũgũcama masa. To bajiro ñna yijare, jairo cãmi godo c̄utiḡu ñaja ȳu. Tire ȳu ñojama, ‘Soc̄u me yami Pablo. Jesucristo oca goticudirimas̄u ñaami’ ȳure yĩaruarãma masa. To bajiḡu ȳu ñajare, ȳure ajir̄uc̄ub̄ooya m̄ua yuja”, ñinare yaja ȳu, rojose ȳure yirorãre.

¹⁸ Cristore ajitir̄an̄urã m̄ua ñajare, “Ȳu yarã ñaja m̄ua quẽne”, yaja ȳu. Maní uj̄u Jesucristo, quẽnasere m̄are c̄oarũgũato.

To cõro ñaja.

Carta de San Pablo a los EFESIOS

Efeso vāme cūti macana, Jesucristore ajitirūnūrāre Pablo ī ucare queti

1-2 ĶŅati mūa, Efeso vāme cūti macana, Dios yarā? Jesucristore ajitirūnū tūjamenare mūare ucacōaja yū. Mūare quēnarotigū, mani jacū Diore, to yicōari mani ūjū Jesucristore, ado bajise mūare sēnibosaja yū: “Quēnaro ĩna űarotire yirā, ĩnare ejarēmoűa”, mūare yisēnibosaja yū. Yū űaja Pablo vāme cūtigū, adi papereare mūare cōagū. Dios ī bojajare, Jesucristo ī cōacacū űaja yū.

3 “Rētoro masigū, quēnarētogū űaami”, mani ūjū Jesucristo jacūre ĩre yirūcūbūoto mani. Jesucristore ĩre mani ajitirūnūšūorone, quēnaro manire yiyumi Dios, ĩ rāca quēnaro mani űasere, to yicōari mani űarotire quēne. 4 Adi macarūcūrore ī rujeoroto rĳjorojūne, “Jesucristo yarā yū rĳa űarona űaama”, manire yitūoĳamasifūmi Dios. Ō vecajū ĩ tūjū mani ejaro, “Jesucristo yarā ĩna űajare, űie rojose ĩnare yibetirūcūja yū. Quēnase rĳne yirā űaama” manire yĳarū, to bajiro yimasifūmi. 5 “Jesucristo ĩnare rijabosarocūre cōarūcūja yū. Tĳ šūorine yū rĳa űarūarāma ĩna”, yitūoĳamasifūmi Dios, manire maigū űari. 6 Ī macū ĩ maigū yarā mani űajare, quēnaro manire yiyumi. Tire mani tūoĳajama, “Quēnaro masune yiyuja mū” ĩre mani yivariquēnarotire yigū, to bajiro yimasifūmi Dios. 7-8 To bajiri, ĩ maigū yarā mani űajare, “Rojose ĩna yise vaja ĩnare rijabosaaya” yigū, Jesucristore ĩre cōaűumi Dios. To bajiro ĩ yiriaro bero, manire ĩ rijabosare űajare, “űie rojose ĩnare yibetirūcūja yū”, manire yĳiaűumi Dios. To bajiro ĩ yirere mani ajimasise ĩ cōare tĳ űajare, “Manire maimasucōaami Dios”, yimasijaja mani. 9 Tirātmūjūma, Dios ĩ cōarocū Cristo ĩ bajirocaroti šūorine ĩnare quēnaro Dios ĩ yĳrotire masibeticama masa majĳ. Adirodorema quēnaro ĩ yisere, to yicōari quēnaro ĩ yĳrotire mani masĳrotire manire cōaűumi. 10 “To bajiro yirūcūja yū” Dios ĩ yĳriarūmū tĳ ejaro, ō vecanare, to yicōari adi macarūcūroanare quēne rojose tāmūotūjabetiriarojū rojose tāmūoboronare ĩnare yirētobosajeocōari, “űajediro ūjū űaűa mū”, Jesucristore ĩre yirūcūmi.

11-12 Yūa jud'io masa, “Rotimūorūgōrūcūmi” yigū, Dios ĩ cōarocūre tūoĳayucana űaja yūa. To bajiri Cristore mūa ajitirūnūroto rĳjoro ĩre ajitirūnūcana űaja yūa. To bajicōari, adi macarūcūro ĩ rujeoroto rĳjorojūne, “Quēnaro ĩnare yirūcūja”

ī yīriarore bajirone Cristo yarā yua ņajare, quēnaro yuare yiyumi. To bajiro yuare ī yire ti ņajare, quēnaro Dios yuare ī yirere, to yicōari, ō vecajū yuare ī yīrotire quēne yua gotisere ajicōari, “Rētoro quēnagū ņagūmi Dios”, ĩre yirūcūbūorūgūama gājerā. ¹³ Mua jud'io masa mere quēne, Jesucristo ī bajirere ajitirūnūrā, ī yarā mua ņajare, quēnaro yiyumi Dios. To yicōari, Dios tujū mua ejaro Jesure quēnaro ī yīrore bajiro mua quēne quēnaro yirūcūmi Dios. Jesucristore mua ajitirūnūorone, Esp'iritu Santore mua cōaņumi Dios, “Cōarūcūja” ī yīriarore bajiro yigū. To bajiro ī yijare, “Dios yarā ņaja mani”, yitūoīamasīaja mua. ¹⁴ To bajiri, Dios ī cōagū Esp'iritu Santo rācana mani ņajare, “ ‘Quēnaro yirūcūja’ ī yīriarore bajirone quēnaro manire yirūcūmi”, yimasīaja mani. To bajiri, “Dios tujū mani ejaro, Jesucristore quēnaro ī yīrore bajiro, manire quēne, quēnaro ī yīroto rījoro, ‘Quēnase rīne yirā ņato ĩna’ yigū, manire ejarēmojecōarūcūmi”, yimasīaja mani. To bajiro manire Dios ī yisere ĩacōari, “Quēnaro masu ĩnare yami Dios”, ĩre yirūcūbūorūarāma adigodoana, to yicōari, ō vecana quēne.

Jesucristore ajitirūnūrāre, Diore Pablo ī sēnibosare queti

¹⁵ Mani ujū Jesure mua ajitirūnūrūgūsere, to yicōari gājerā Jesure ajitirūnūrāre ĩamaicōari quēnaro mua yisere quēne ajicajū yū. ¹⁶ Tire ajigū ņari, tocārācājine Diore yū sēnijama, “Quēnaro yaja mū. Mū sūorine to bajise yama ĩna”, ĩre yirūgūaja yū. ¹⁷ Ī ņaami mani ujū Jesucristore cōar'i, mani jacū, quēnaro masu manire yirēmogū. Īrene ado bajise mua sēnibosaja yū: “ Īnare quēnaro mū yisere ajimasicōari, mū bojarore bajiro butobusa yato ĩna’ yigū, mū masisere ĩnare cōaņa mū”, Diore mua yisēnibosarūgūaja yū. ¹⁸ Adigodojū mua ī yarāre quēnaro ī yisere mua ajimasījama, ī tujū quēnaro mua ī yīrotire ajimasirūarāja. ¹⁹⁻²⁰ To yicōari, “Dios manire ejarēmogūre, ņiejua josase maja”, ĩre yimasirūarāja. Cristo ī bajirocaboajaquēne, ĩre catiocōari, ō vecajū ī ņarojū ī riojojacatūare ĩre rojoyumi Dios. To bajiro ī yire ņajare, “Masijeogū ņaami”, ĩre yimasīaja mani. ²¹⁻²² Cristore riojojacatūa ĩre rojocōari, ō vecanare, adi macarūcūroanare, to yicōari rijariarāre quēne, “Jediro ujū ņaņa mū”, ĩre yiyumi Dios. To bajiro ī yijare, rojose yirāre, rojose tāmūotujabetiriaroju ĩnare ī rearoto rījoro, ĩnare ī rearo bero quēne, rotimūorūgōcōa ņarūcūmi. To bajiri, Cristore mani ajitirūnūjama, ĩne ņaami mani ujū. Manire ūmato ņagū ņari, mani rūjoare bajiro bajigū ņaami. ²³ To bajiri, Cristore ajitirūnūrā ņari, sīgūre bajiro tūoīarā ņaja mani. Mani ņacudiro cōrone mani rāca ņacōa ņarūgūarūcūmi Cristo. To bajiri mani rāca ī ņajare, ņiejua ruyabeaja manire.

2

“Cristo manire ĩ rijabosare s̄horine Dios ĩ catisere ĩ ĩsirã ñaja mani”, yire queti

¹ M̄na jud'io masa me ñarã, ĩre masimena ñari, rojose yirã ñariarãja m̄na maji. To bajiri, catirã ñaboarine, Dios ĩ ĩajama, bajireariarãre bajiro bajirã ñariarãja m̄na. ² Rojose m̄na yijama, vãtia m̄jire c̄dirã yiriarãja m̄na. ĩ ñaami Dios ocare ajimenare rotiḡu. ³ Ȳna jud'io masa quẽne, Dios ĩ roticũmasirere masiboarine, ti yirore bajiro yir̄m̄abesuja ȳna. To bajiri, rojosere yisejac̄ari, ti rione ȳnare yir̄m̄amac̄õũgũcaj̄u ti maji. To bajiro bajirã ñari, rojose tã̄m̄uot̄ujabetiriaroju Dios ĩ rearona ñaboayuja ȳna quẽne. ⁴ To bajiro yiecorona mani ñaboajaquẽne, manire maimasuc̄ogũ ñari, quẽnaro manire yiyumi Dios. ⁵ Rojose yirã ñari, Dios ĩ ĩajama, rijariarãre bajiro bajirã mani ñaboajaquẽne, ĩ mac̄u rãcana mani ñajare, ĩ catisere manire ĩsiñumi Dios. Quẽnamasugũ ñari, rojose tã̄m̄uot̄ujabetiriaroju mani vaborotire ĩ mac̄ure manire yir̄ẽtobosarotiyumi Dios. ⁶ To bajiri, ĩ mac̄ure ĩ tudicatorone, manire quẽne tudicatioḡure bajiro manire yiyumi. To bajiro ĩ yijama, “Õ vecaj̄u ĩ ñaroju Jesucristo rãca rujirãre bajiro ñaruarãma” yiḡu yiyumi. ⁷ To bajiro ĩ yijama, “Quẽnaro yiyumi Dios” ĩna yirũgũrotire yiḡu yiyumi. ⁸ M̄na masune, “Quẽnaro yirã ñaja ȳna” m̄na yiro me, ĩ bojarore bajiro m̄nare yiḡu yiyumi Dios. To bajiri, “Quẽnaro manire yibosayumi Dios” m̄na yit̄uõĩajare, rojose tã̄m̄uot̄ujabetiriaroju m̄na vaborotire m̄nare yir̄ẽtobosayumi. ⁹ Cristo ĩ yir̄ẽtobosare ñajare, “Quẽnaro yirã ñari, Dios t̄uj̄u ñaruarãja ȳna”, yiroti me ñaja. ¹⁰ “Jesucristo yarã ñaruarãma”, manire yiyumi Dios. To bajiro manire yiyumi Dios, gãjerãre quẽnaro mani yiroti yiḡu.

“Jesucristore ajitirãnarã ñari, gãmerã ĩatebeaja mani”, yire

¹¹ Tirãm̄aj̄u mani bajirere masiritibesa m̄na. Rĩamasaca mame ruyuarãcare circuncisiõn yirere mani ñic̄na ñamasiriarãre ĩnare yirotimasiñumi Dios. “Dios yarã ñaja ȳna. To bajiri ĩ rotisere c̄diroti ñaja” ȳna yiroti yiḡu, to bajiro ȳnare yiyumi. M̄najuama, Diore masirã me ñañuja m̄na maji. ĩre masimena m̄na ñajare, “Circuncisiõn yiyamana ñaama ĩna” yirã, m̄nare ĩaterũgũcaj̄u ȳna. ¹² Cristo ĩ bajiroti masimena, to yic̄ari Dios rĩa me ñañuja m̄na maji. Mani ñic̄na jud'io masarema, “Ȳn rotisere m̄na c̄dijama, quẽnaro m̄nare yir̄uc̄sja ȳn”, ĩnare yigoticũmasiñumi Dios. Gajeyere quẽne, ĩna c̄dirotire t̄uõĩabec̄ne, “Ȳn rĩa m̄na ñajare, quẽnaro m̄nare yir̄uc̄sja ȳn”, ĩnare yimasĩñumi Dios. To bajiboarine, m̄najuama, m̄na rijato beroju m̄na bajiroti masibesuja m̄na maji. ¹³ To bajiro bajiriarã ñaboarine, yuc̄rema Jesucristo

yarã ñari, ï rijabosare s̄orine Diore masirã ñaja m̄ua yuja. ¹⁴⁻¹⁶ Ȳua jud'io masa Dios ï roticũmasirere ajirũcub̄orã ñari, “Dios r̄ia ñaja mani” yit̄oĩac̄ari, jud'io masa me ñarã r̄aca gãmerã ïateyuja mani. Jesucristo manire ï rijabosare ti ñajare, “Dios ï roticũmasire mani c̄udijama, ï t̄aj̄u ejar̄uarãja mani” ȳua yit̄oĩaboare vaja maja. Jesucristo manire ï rijabosare s̄orine, jud'io masa, jud'io masa me ñarã quẽne, cojo masare bajiro Diorãca quẽnaro ñas̄oyuja mani. To bajiro mani ñarotire yiḡu, manire rijabosayumi Jesucristo.

¹⁷ To bajiri ȳua jud'io masa, Dios ï roticũmasire ajirũcub̄ocana, to yic̄ari, ï yere masimena quẽne, Diorãca quẽnaro mani ñarotire gotiḡu, adi macar̄uc̄uroj̄u vayumi Cristo. ¹⁸ Vadic̄ari, manire ï rijabosare s̄orine Esp'iritu Santo ï ejarẽmose r̄aca mani jac̄u Diore s̄enimasiaja mani. ¹⁹ Tocãrãc̄une Esp'iritu Santo ï ñajare, Diore masirã ñaja m̄ua yuja. Dios r̄ia ñaja m̄ua quẽne. ²⁰⁻²² Mani Cristore ajitirũnrã, gãtavi Dios ï quẽnorivire bajiro bajirã ñaja mani. To bajiri ti vijure ñagũre bajiro bajiḡu ñaami Esp'iritu Santo, mani jediro ï r̄acana mani ñajare. Gãta ñamasuricare bajiro bajiḡu ñaami Jesucristo, ï s̄orine Dios r̄ia mani ñajare. ï beroana ñaama Diore gotirẽtobosariarã, to yic̄ari ȳua Jesús ï bajirere goticudirimasa, ȳua gotisere ajic̄ari Jesucristore m̄ua ajitirũns̄ore ñajare. Ȳua beroana ñaja m̄ua.

3

Jud'io masa me ñarãre Pablo ï goticudire queti

¹ To bajiri, jud'io masa me ñarãre, Jesucristo ï bajirere ȳu gotimasiocati s̄orine tubibe ecoaja ȳu. ²⁻⁴ Ti quetire masa ñna masibeticatire, jud'io masa me ñarãre Jesucristo s̄orine quẽnaro Dios ï yisere mojoroaca m̄uare gotic̄oaja ȳu. “Jud'io masa me ñarãre ñnare goticudiatu” yiḡu, ȳu masirotire ȳure c̄oãñumi Dios. Tire ajiriarãja m̄ua. Tire ȳu ucasere ïac̄ari, Cristo s̄orine m̄uare quẽnaro ï yisere ajimasir̄uarãja m̄ua quẽne. ⁵ Tirũm̄j̄urema masa ñna masibeticatire, Dios ï c̄oagũ Esp'iritu Santo s̄orine gotimasioaja ȳua, Jesucristo ï bajirere goticudirã, to yic̄ari Diore gotirẽtobosarimasa quẽne. ⁶ Ti quetire m̄uare tudigotiaja ȳu: Jesucristo ï bajirere ajitirũnrãre “Yir̄uc̄ja” ï yiriarore bajiro jud'io masare, jud'io masa me ñarãre quẽne, quẽnaro yami Dios. To yic̄ari, õ vecajure quẽne quẽnaro yir̄uc̄umi. To bajiri ï yarã ñac̄ari, cojo masare bajiro ñaja mani ïre ajitirũnrã.

⁷ Rojose yiḡu ȳu ñaboajaquẽne, “Tire goticudiatu” yiḡu, ȳu masirotire ȳure ñjoyumi Dios. ⁸⁻⁹ Gãjerã Cristore ajitirũnrãre Dios ï mairore bajiro yiecoroc̄u me ȳu ñaboajaquẽne, ȳure ïamaic̄ari, ñajedirore rujeor'i ñari, jud'io masa me ñarãre ȳure

gotiroticōañumi Dios. “Masa ñna masibeticatire Cristore ajitirñnarõnare quẽnaro ñnare yũ yiotire goticudirũcũja mũ”, yũre yicōañumi. To bajiro yũre ñ yire ti ñaboajaquẽne, quẽnaro manire ñ yiotire masijeoyamaja. ¹⁰ To bajiri, Jesucristore ajitirñnarõre quẽnaro Dios manire ñ yisere ñacõari, “Tũõĩajeogu ñaami”, ñre yirũcũbuõama ángel mesa, to yicõari gãjerã ñre rotibosarã quẽne. ¹¹ Tirũmũju adi macarũcũro ñ rujeoroto rĩjorojũne, “Yũ macũre ajitirñnarõre quẽnaro ñnare yirũcũja”, yitũõĩamasĩũju Dios. To bajiro ñ yitũõĩamasiriarore bajirone mani mũju Jesucristo ñ rijabosare sũorine quẽnaro manire yami Dios. ¹² “Jesucristo yarã mani ñajare, manire ñavariquẽnagũmi Dios” yitũõĩarã ñnari, ñre gãimmenane sãnirũgũaja mani. ¹³ To bajiri, Jesucristo ñ rijabosare sũorine Dios quẽnaro ñ yisere jud'io masa mere mũare yũ gotimasiocudicati sũorine tubiberiavijũ rojose yũ tãmũosere ajicõari, sũtiritibesa mũa. Ado bajirojũa tũõĩañã: “Pablo ñ gotisere ajicõari, Jesucristore ajitirñnarõcũju yũa. To bajiri Dios yarã ñaja yũa”, yitũõĩa variquẽnã mũa.

Jesucristo manire ñ maise queti

¹⁴ To bajiri, jud'io masare, to yicõari gãjerãre quẽne, mani jacũ quẽnaro manire ñ yisere yũ tũõĩajama, gãsomuniari tũetucõari, ñre sãnirũgũaja yũ. ¹⁵ Ñne ñaami, adi macarũcũroana, õ vecana quẽne, mani ñnaro cõro jacũ, manire rujeor'ĩ. ¹⁶ Ñre, ado bajiro mũare sãnibosarũgũaja yũ: “Quẽnaro yigũ ñnari, Esp'iritu Santo sũorine ñnare ejarẽmoña mũ, bũtobusa mũre ñna ajitirñnarõtire yigũ. ¹⁷ “Mani rãca ñnagũmi Cristo manire ejarẽmogũ” yitũõĩacõari, ñre sãnirũgũato ñna' yigũ, ñnare ejarẽmoña. To bajiro ñna yicõa ñajama, Cristore ajitirñnarõ ñnari, ñ bojarore bajiro gãjerãre quẽne ejarẽmorũgũrũarãma”, mũare yisãnibosaja yũ. ¹⁸ To bajiro mũa yijama, Cristo mũare ñ maise bajiro gãjerãre maijeomena ñaboarine, Cristo mũare ñ maise quẽnarobũsa masirũarãja mũa. ¹⁹ Masare ñ maise jediro masijeobetirona ñaboarine, quẽnarobũsa mũa masirotire bojaja yũ. To bajiro mũa bajijama, Dios ñ bojase rĩne yirã ñnarũarãja mũa.

²⁰ Ñ rĩa mani ñajare, ñ masise rãca quẽnaro manire yirẽmorũgũami Dios, ñ bojarore bajiro quẽnaro yirã mani ñarõtire yigũ. To bajiro manire ñ yijare, tire tũõĩacõari, “Ñre mani sãniro rẽtoro manire yirẽmomasiãmi”, yimasiaja mani. To bajiro yigũ ñ ñajare, quẽnase ñre yirũcũbuõoto mani. ²¹ To bajiri, ñ rĩa, Jesucristo yarã ñnari, Diore quẽnase rĩne ñre yirũcũbuõorũgũto mani.

4

“Esp'iritu Santo ĩ ejarēmose rāca sīgūre bajiro tūoīaroti ñaja”, yire queti

¹ Jesucristo ocare y_u gotise s_uorine tubibe ecog_u, ado bajise m_uare gotimasioaja y_u: “ ‘Quēnase rīne yirā ñato’ yig_u, manire beseyumi”, yitūoīaja m_ua. To bajiri, “Ī bojarore bajiro yirā ñaña m_ua”, m_uare yaja y_u. ² “Ñamasurā ñaja y_ua”, yitūoīabesa m_ua. Gājerāre ajirūc_ub_uocōari, quēnaro ĩnare yirā ñaña. Gājerā gōjanabioro ĩna yiboajaquēne, ĩnare tud'ibesa. To yicōari, rojose m_uare ĩna yiboajaquēne, ĩnare maicōa ñaña. ³ Esp'iritu Santo ĩ ejarēmose rāca Diore sēnirūgūña m_ua, “Cojo masare bajiro quēnaro ñato mani” yirā. ⁴ M_ua jediro, sīgūre bajiro tūoīaja, Esp'iritu Santo rācana ñari. To bajicōari, “Yirūc_uja” Dios ĩ yiriarore bajiro quēnaro m_uare ĩ yirotire tūoīayurā ñaja m_ua jediro. ⁵ Sīgūne ñaami mani u_u, Jesucristo. Īre ajitirūn_ucōari, “Cristo yarā ñaja y_ua” yirā, oco rāca bautiza ecoriarā ñaja m_ua jediro. ⁶ To bajicōari, mani jac_u, Dios sīgūrene rūc_ub_uoaja mani. Ī sīgūne ñaami mani jedirore rotig_u. Mani rāca ñacōari, manire ejarēmogūmi, “Y_u bojasere yato ĩna” yig_u.

⁷ Sīgūre bajiro mani tūoīaboajaquēne, ĩre ajitirūn_urāre ricatiri rīne mani yimasirotire manire u_ujoyumi Cristo. ⁸ Tire bajirone yaja Dios ocare masa ĩna ucamasire:

“Īre ĩaterāre, ‘To cōrone rojosere yitūjaya’ ĩnare yiroticōari, Dios ĩ ñaroj_u ĩnare tudijuam_ujar_uc_umi mani u_u, ‘U_u masu ñaja y_u’ yīlogū. To yigajanocōari, adigodoana masare quēnase rīne ĩna yimasirotire yig_u, ĩnare cōar_uc_umi”, yīucamasire ñaja.

⁹ ¿No yire ũnire “Tudim_ujar_uc_umi”, yati? Maji, adi macar_uc_uroj_ure rujiayumi, ĩ tudim_ujaroto rījoro yir_uaro yaja. Jēre rujiadicōari, bajirocacoasumi. To bajiri, “Bajireariarā ĩna ñaroj_ure quēne rotig_u var'i ñaami”, ĩre yimasire ñaja. ¹⁰ Adi macar_uc_uroj_ure, to yicōari bajireariarā ĩna ñaroj_ure quēne rotig_u var'ine ñaami, quēna ō vecaj_u Dios ĩ ñaroj_ure quēne m_ujar'i. To bajir'i ñari, dise r_uyabeto rotimasigū ñaami. ¹¹ Īne ñaami ricatiri rīne mani yimasirotire manire u_uor'i. To bajiro ĩ yire ñajare, Cristo ĩ gotiroticōariarā ñaja y_ua. Gājerāma, Diore gotirētobosarimasa ñaama. “Jesucristo manire ĩ rijabosare ñajare, Dios yarā m_ua ñar_uajama, rojose m_ua yisere yitūjacōari, Cristore ajitirūn_uña”, yigotimasiorimasa ñaama. Gājerāma, Cristore ajitirūn_urāre ĩnare gotimasiorimasa ñaama. Gājerāma, Cristore ajitirūn_urāre Dios ocare masa ĩna ucamasirere ĩnare gotimasiorimasa ñaama. ¹² To bajiro ricatiri rīne mani yimasirotire u_ujoyumi Cristo, ĩ bojarore bajiro mani yirotire yig_u. To bajiro mani yijama, gāmerā ejarēmorā ñari, butobusa

Cristore ajitirūnarāja mani. ¹³ Mani gāmerā ejarēmocōa ñajama, sīgūre bajiro Cristore ajitirūnacōari, quēnase rīne yirā ñaruarāja mani. ¹⁴ To bajicōari, rīamasare bajiro tuoīarā me ñaruarāja mani. Rīamasa, socasere ajicōari, “Socarā yama”, yimasibeama ĩna. To bajiro yirā ĩna ñajare, josari mene ĩnare yitorāma gājerā. To bajiri manire yitorāre ajimasiruarāja mani. ¹⁵ Manijuama, gāmerā ĩamaicōari, socamenane quēnaro gotirūgūruarāja. To bajiro mani yicōa ñajama, mani uju Cristo ĩ bojase rīne yirā ñaruarāja mani. ¹⁶ Cristo ñaami mani uju. Dios ĩ bojarore bajiro manire ejarēmorūgūami, butobusa gāmerā ejarēmocōari, ĩ bojarore bajiro yirā mani ñarotire yigu. ĩ bojarore bajiro gāmerā ĩamaicōari mani ejarēmocōa ñajama, butobusa Dios ĩ bojasere yirūtuaruarāja mani.

Cristo ajitirūnarā ñari, quēnasejuare yire queti

¹⁷ Mani uju Jesucristo yare ĩ gotirotijare, ado bajise muare yaja ya: Dios ocare ajimena, rojose ĩna yirūgūrore bajiro yibesa mua. Dios ĩ ĩajama, vaja manire tuoīarā yirūgūama. ¹⁸ Dios ocare ajiterā ñari, ñamasusere ajimasibeama ĩna. To bajicōari, ĩ catisere caorā me ñaama ĩna. ¹⁹ “Bojoneose yirā yaja ya” yimasibeticōari, ti rione yisejariarā ñaama. To bajiri rojose rīne yirūgūama. ²⁰⁻²¹ “To bajiro rojose ĩna yirūgūrore bajiro yibetiroti ñaja”, yimasirā ñarāja mua. Jesucristo ĩ bajirere ajiriarā ñari, “Quēnaro mani yirūgūserē bojaami Dios”, yimasi-aja. ²² Cristore mua ajitirūnaroto rījoroju, rojose yirūgūñuja mua maji. To bajiro mua yirūgūriarore bajiro yibesa mua. ²³ To yicōari, rojose mua yirua tuoīasere yibeticōari, Esp'iritu Santo ĩ yirēmose rāca quēnasejuare yirua tuoīarūgūña mua. ²⁴ To bajicōari, Dios ocare ajitirūnarā ñari, ĩ bojarore bajiro quēnase rīne yirūgūña mua.

²⁵ Dios ocare ajitirūnarā ñari, mua socasere quēne to cōrone yitujaya. Jesucristore ajitirūnarā ñari, cojo masare bajiro bajirā ñaja mani. To bajiri, riojo gāmerā gotirūgūña mua.^a

²⁶ Gājire mua jūnisinijama, rojose ĩre yibesa mua. Yoaro ĩre jūnisinimenane, gāmerā oca quēnocōari, mua jūnisinisere tire masiritiya. ²⁷ Yoaro mua jūnisinijama, vātia uju ĩ bojarore bajiro yirā yirāja mua.

²⁸ Juarudirūgūr'ima, to cōrone juarudi tujaya. Juarudime-nane, moa, vaja tacōari gājerā maiorō bajirāre ĩnare ĩsiña.

²⁹ Gājerāre rujajine oca rojose ñagōbesa mua. Quēnasejuare oca cutiya, muare ajirā, “Butobusa quēnase yirā ñato ĩna” yirā. To bajiro mua yijama, ĩnare ejarēmorā yiruarāja mua. ³⁰ Rojose mua yijama, rojose mua yisere ĩacōari buto sutiritigami Esp'iritu Santo. ĩne ñaami Dios manire ĩ cōar'i. “ĩ suorine,

^a 4:25 Ro 12.5.

Jesucristo yarã ñaja mani”, yimasiaja. Ìre cõa ecorã ñari, rojose yimenane ñacõaña mua, Jesucristo “Ìnare yirẽtobosarucja” ï yiriarũm ti ejarotire yurã.

³¹ Gãjire rojose mua yirua tũoĩasere yibesa. Gãjerãre ìatebesa. Jũnisinicõari, avasãtud'ibesa. Gãjerãre rojose ñagõmacabesa. Gãjerã rojose mũare ña yiboajaquẽne, jũnisinibesa. To yicõari, rojose mũare yirãre gãmebesa. Ñajediro rojose mua yisere yitũjaya mua. ³² Ìnare ìamaicõari, quẽnaro ñnare yiroti ñaja mũare. Cristo manire ï rijabosare ñajare, rojose mua yirere masirioyumi Dios. To bajiro manire ï yire ñajare, ï yiriarore bajiro yirã, mua quẽne, gãjerã rojose mũare ña yisere masirioya.

5

“Dios rĩa ñari, quẽnaro ï yirore bajiro yiroti ñaja”, yire queti

¹ Dios rĩa, ï mairã ñari, quẽnaro ï yirore bajiro yiroti ñaja mũare quẽne. ² Jesucristo mũare ï mairore bajiro, gãjerãre ñnare maiña mua quẽne. Mũare maigũ ñari, rojose mua tãmũoborotire mũare yirẽtobosagu, mũare rijabosayumi Jesucristo. To bajiro manire ï yirẽtobosare ñajare, bũto variquẽnañumi Dios.

³ Dios yarã ñaja mani yuja. To bajiri, manajo mana, manajũ mana, manajũ cutirã, manajo cutirã quẽne, gãjerã rãca ajeriarã cutibesa mua. To yicõari, jairo gajeyeũni cõorã ñaboarine, gajeye quẽna bojarẽmobesa. Ti ùnire mua yibetijama, nijũane “To bajiro yiyuma” yirã manama. ⁴ Quẽnaro tũoĩamenane, oca ajiquẽnañamani ñagõbesa mua. To yicõari, “Gãjerã rãca ajeriarã cuticõari, ajato” yirã, ña gotise ùnire yibesa mũama. Dios yarã ñari, ti ùnire ñagõbetiroti ñaja mũare. Ado bajirojua ñaña mua: Dios mũare ï ejarẽmosere tũoĩacõari, “Quẽnaro yaja mũ”, ìre yivariquẽna ñaña mua. ⁵ Ado bajiro bajiroti ti ñajare, to bajise yibesa mũare yaja yũ: Manajo mana, manajũ mana, manajũ cutirã, manajo cutirã quẽne, gãjerã rãca ajeriarã cutirãma, Dios ï ñarojũre ejabetiruarãma ña. Sígũri Diore ña mairo rẽtoro gajeyeũnire mairã ñarãma. To bajiro ña yijama, Diore rũcũbuorã me yirãma. To bajiri, Dios ï ñarojũre ejabetiruarãma ña. ⁶ “To bajiro mani yijama, quẽnacõaja” mũare yitorãre ñnare ajibesa mua. To bajiro yirãrema bũto ìateami Dios. To bajiro yirãre bũto ìatecõari, “Rojose tãmũoruarãma”, yirũcũmi Dios. ⁷ To bajiri to bajiro yirãre ñnare baba cutibesa mua, “Mani quẽne ña yirore bajiro Dios ï bojabetire yirobe” yirã.

⁸ Diore masimena ñari, ï bojasere mua yirotire masirã me ñañuja mua maji. Yucũrema Jesucristo yarã ñari, Dios ï bojasere mua yirotire masicõari, tire yirũgũroti ñaja mũare. ⁹ (Ì bojasere yirãma, quẽnase rĩne yirã ñaama. To yicõari, gãjerãre

socasere yitorã me ñaama.) ¹⁰ “Mani yisere ñavariquēnagūmi” yimasiruarã, ñi bojasere yirūgūña mña. ¹¹ To yicōari, Diore masimena ña bojarore bajiro tuoĩacōari yirãre ñnare baba cõtibesa mña. Dios ocajũare ñnare gotimasioña, “ ‘Rojose yirã ñaja mani’ yimasiato ña” yirã. ¹² Masa ña ñabetojũ bũto rojose ña yirūgũsere mani ñagōjama, bojoneose ñaja. To bajiri, ti ũnire ñagōbetiroti ñaja. ¹³ Dios ocajũare ñnare mña gotimasiojama, tire ajicōari, “Rojose yirã yiyuja yña” yimasicōari, rojose ña yirere yitujaruarãma. ¹⁴ To bajiri ado bajise yire ñaja:

“Rojose yirã ñaboarine, ‘Rojose yirã yaja mani’ yimasibeaja mña. Bajireariarãre bajiro bajirã ñaja mña, ‘Rojose yirã yaja yña’ yimasibeticōari. To bajiro bajirã ñari, Cristojũare ajitirũñaña. To bajiro mña bajijama, ñi ejarẽmose rãca quēnase rĩne yirã ñaruarãja mña”, yigotire ñaja.

¹⁵ To bajiri quēnaro tuoĩacōari, “Diore masirã ñaja yña” yirã, quēnasejũare yirūgūña mña. Diore masimena ña yirore bajiro yibesa. ¹⁶ Adirũmũrĩre bũto rojose yirūgũama masa. To bajiro ña yĩñaro ũnone, mñajũama, tocãrãcajĩne Diore sēnicōari, quēnaro yirūgūña. ¹⁷ Tuoĩamasimenare bajiro bajibesa mña. “Dios ñi bojasere yimasiaja yña” mña yimasirotire tuoĩacōari, quēnaro yirã ñaña mña. ¹⁸ Idire mecũose idimecũbesa. Mña idimecũjama, mña masune rojose yirã yirãja. Tire idimecũmenane, Esp'iritu Santo ñi masisejũare ñre sēnirūgūña, ñi bojasere yiruarã. ¹⁹ Mña rējajama, Dios ocare masa ña ucamasire basare, Diore mña tuoĩabasare quēne, gãmerã gotiya mña. To bajiro mña yijama, Diore tuoĩacōari, bũto variquēnase rãca basarūgūña, ñre rũcũbũorã. ²⁰ To yicōari, “Quēnaro yaja mñ”, mani jacũ Diore ñre yirūgūña, ñi sũorine mani mũ Jesu-cristo quēnaro manire ñi yirūgũse ñajare.

“Cristore ajitirũñarã ñari, ado bajiro mani ñajama, quēnaja”, yire queti

²¹ To yicōari, Cristore ajirũcũbũorã ñari, mña masu quēne gãmerã ajirũcũbũoya.

²² Rõmia, manajũa cõtĩrãre, mñare gotigũ yaja yñ: Cristore ñre mña ajirũcũbũorore bajiro mña manajũare quēnaro ñnare ajirũcũbũoya. ²³ Mña manajũne ñaami mñare ũmato ñagũ. To bajirone bajijaja Cristore ajitirũñarãre quēne. Ñne ñaami manire ũmato ñagũ, to yicōari, rojose mani tãmũborotire manire yirētosar'i. Manire ũmato ñagũ ñari, mani rũjoare bajiro bajigũ ñaami. To bajiro ñi bajijare, ñre moabosarã ñari, ñi rũjũre bajiro bajirã ñaja mani. ²⁴ To bajiri Cristore mña ajirũcũbũorũgũrore bajiro mña manajũare quēne ñnare ajirũcũbũoya.

25-26 Ɔmũare quēne gotigu yaja yu: Cristo manire ĩ mairore bajiro mũa manajoare ĩnare maiña mũa. Manire maigũ ñari, manire rijabosayumi Cristo. “Yũre ajitirũnarã bautiza ecorãre, rojose ĩna yisere masiriocõari, ‘Yu yarã ñaama’ ĩnare yĩarũcũja yu” yigu, rijabosayumi Cristo. 27 Ɔtũjũ ejarã, rojose mana mani ejarotire yigu, manire rijabosayumi. 28 To bajiri, manire Cristo ĩ mairore bajirone, mũa manajoare ĩnare maiña mũa. Juarã ñaboarine, sīgũ rujure bajirone ñaja mũa, Dios ĩ ĩajama. To bajiri, ĩ manajore maigũma, ĩ masu rujure ĩ mairore bajirone maigũmi, sore. 29-30 Ñimũjũane ĩ masu rujure ĩategũ magũmi. Mani rujure maicõari, bare ba, quēnaro ĩatirũnũaja mani. To bajirone manire ĩatirũnũgũmi Cristo, ĩ rujure bajiro bajirã mani ñajare. 31 Dios ocare masa ĩna ucamasire ado bajiro ti gotijare, “Ĩna manajoa cõtijama, juarã ñaboarine, sīgũ rujure bajiro ñaama ĩna”, yimasire ñaja: “Ɔmũ, rõmio ĩ rujeomasire ti ñajare, ĩ manajo cõtijama, ĩ jacũare ĩnare cãmotadirũcũmi. Manajo cõtĩcõari, juarã ñaboarine, sīgũ rujure bajirone ñarũarãma”, yigotiaja Dios oca. 32 Tire buecõari, ñamasusere masa ĩna masibeticatire mũare gotimasioaja yu: Cristo rãca mani ñasere quēne gotiaja ti. “Cristo yarã ñari, jãjarã ñaboarine, sīgũ rujure bajiro ñaama ĩna”, yire ũni ñaja. 33 To bajiro yirũaro ti yiboajaquēne, manajoa cõtirere quēne gotimasioaja ti. Mũa masu rujurire mũa mairore bajirone mũa manajoare ĩnare maiña. Mũa, rõmia quēne, mũa manajũare quēnaro ĩnare ajirũcũbuoya.

6

1 Rĩamasare gotigu yaja yu: Mũa jacũare quēnaro ĩnare ajiya. Cristo mani mũu to bajiro mũa yisere bojaami. 2 “Quēnaro mũare yirũcũja” ĩ yire rãcaye Dios ĩ roticũmasire ado bajiro yaja: “Mũ jacũ, mũ jacore quēne quēnaro rũcũbuoya. 3 To bajiro mũa yijama, variquēnaro yoaro adigodojũre catiñarũarãja mũa”, yiyuja ti.

4 Rĩamasa jacũare, ado bajise mũare gotiaja yu: Mũa rĩare ĩnare yijũnisiniomenane, Dios ĩ bojarore bajiro yirã, quēnaro ĩnare gotimasiobũcũoya.

5 Moabosarimasare quēne gotiaja yu: Mũa mũjarãre rũcũbuocõari, variquēnase rãca quēnaro ĩnare cũdiya mũa. To bajiro mũa yijama, Cristorene cũdirã yaja mũa. 6 “Manire moare rotirã ĩna ĩaro rĩne quēnaro moarũarãja, ‘Yũare ĩvariquēnato ĩna’ yirã”, yitũoĩabeticõãña mũa. ĩna ĩaro mũa moarore bajirone, ĩna ĩabetijaquēne moacõaroti ñaja. “Cristore moabosarãre bajirone moarã yaja mani” yirã, quēnaro ĩnare moabosaya mũa. 7 To bajiri, “Cristo ĩ bojasere yirã yaja mani” yirã, variquēnase rãca quēnaro ĩnare moabosaya mũa.

⁸ Moabosarimasa mña ñajama, ñabetijaquêne, quênaro mña moarejuare ñacōari, quênaro mñare yirꝯꝯmi Dios.

⁹ Moare rotirãjuare quêne gotiaja yꝯ: Ado yꝯ gotise ũni, mña moarimasa Cristore ñna tꝯoĩarore bajirone mña quêne tꝯoĩarona ñaja. Mñare moabosarimasare, “Rojose mñare yirꝯarãja, mña moabosabetijama” yimenane, quênaro ñnare yiyu. Sīgũne ñaami manì ɰju ñamasugũ, mñare moabosarimasare, to yicōari mñare quêne rotigu. “Ñna ñaama ñamasurã” yigu me ñaami. Quênaro mña moarejuare ñacōari, quênaro mñare yirꝯꝯmi manì ɰju. Tire masiritibesa mña.

“Vãtia ɰju ñ bojarore bajiro yibeticōato ñna” yigu Dios manire ñ yirẽmose queti

¹⁰ Ñajedirore, ado bajiro mñare gotiaja yꝯ: Manì ɰju Dios, jediro masijeogu ñaami. To bajigu ñ ñajare, “Vãtia ñna bojasere cꝯdibeticōato ñna’ yigu, manire yirẽmꝯꝯꝯmi”, yitꝯoĩacōa ñarũgũña mña. To bajiro mña yijama, vãtiare cꝯdibeticōari, butobusa Dios ñ bojasejuare yirã ñarũtuarãja mña. ¹¹ Surara, sīgũnacꝯ, ñ rujure “Sareejoroma” yigu, cōme sudiro sãñatoogꝯmi. To bajiri mña quêne, Dios ñ masisere ɰjoecoriarã ñari, vãtia ɰju mñare “Yitoromi” yirã, tire tꝯoĩatɰjabesa. To bajiro mña bajijama, no bajirojuane mñare yitobecꝯmi vãtia ɰju. ¹² Manire bajiro bajirãrene quẽarã me yaja. Rojose manire yirotiajerã, ruyumena vãtia rãcajuu gãmerã quẽarã yaja. “Ñnare cꝯdibetiroti ñaja”, yimasiña mña. Buto masirã ñaama vãtia. Ñimɰjuane vãtiare cꝯdibecꝯ magũmi, Dios ñ yirẽmobetijama. ¹³ To bajiri, Dios mñare ñ ɰjose jedirore tꝯoĩarũgũña mña. To bajiro mña tꝯoĩajama, vãtiare cꝯdibeticōari, Dios ñ bojasejuare yicōa ñaruarãja.

¹⁴ To bajiri, Dios ñ yirẽmose rãca ado bajiro yirã ñaña mña: Dios ocare masa ñna ucamasirere tꝯoĩatɰjabesa mña. Tire quênaro mña masijama, mñare yitomasibetirꝯꝯmi vãtia ɰju. To yicōari, quênaro yirũgũña. ¹⁵ “Jesucristo ñ rijabosare ti ñajare, rojose ñnare yibetirꝯꝯja yꝯ’ manire yĩlavariquẽnaami Dios” yire quetire masiritibesa mña, gãjerãre gotimasioruarã. ¹⁶ To yicōari, “Vãtiare cꝯdibeticōato ñna’ yigu, manire yirẽmꝯꝯꝯmi Dios”, ñre yitꝯoĩarũgũña mña. To bajiro mña yijama, rojose mña yirꝯaboasere yimena ñaruarãja mña. ¹⁷ “Vãtiare reajeocōari, ñ tɰju quênaro manì ñarũgũrotire yigu, ñ macure manire rijabosaroticōañumi Dios”, yitꝯoĩa tɰjabetirũgũña mña. Esp’iritu Santo ñ yirẽmose rãca Dios ocare tꝯoĩacōari, vãtiare ñnare cꝯdibetiruarãja mña. ¹⁸ Ñnare cꝯdibeticōari, tocãrãcagine Esp’iritu Santo mñare ñ yirẽmose rãca quênaro tꝯoĩacōari, Diore sẽnirũgũña. To yicōari, “Vãtiare cꝯdibeticōato ñna” yirã, gãjerã Cristore ajitirũnrãre ñnare

sēnibosarūgūña m̄a. ¹⁹ Ȳre quēne sēnibosarūgūña m̄a. “Īre ĩaterāre gūibec̄ne, to yicōari jud'io masa mere quēne Dios oca ĩna masibeticatire quēnaro gotimasiocōa ñato ĩ” yirā, ȳre sēnibosarūgūña m̄a, Dios r̄ia ĩna ñarotire yirā. ²⁰ Ti quetire ȳre goticudirotiyumi Dios. Tire masare ȳa gotimasiose s̄orine tubibe ecoaja ȳa. “Dios ĩ bojarore bajiro gūibec̄ne gotiato ĩ” yirā, Diore ȳre sēnibosarūgūña m̄a.

Pablo, ĩnare ĩ quēnaroticōare queti

²¹⁻²² Ȳa rācaḡ, mani maiḡ, ñaami T'iquico vāme cutiḡ. Mani ɛj̄ ĩ bojasere yiḡ ñaami ĩ quēne. M̄a tuj̄ ĩre cōaḡ yaja ȳa. Toj̄re ejacōari, ȳa bajiñase quetire m̄are gotir̄c̄mi. Tire ajicōari, variquēnararāja m̄a.

²³ Mani jac̄ Diore, to yicōari mani ɛj̄ Jesucristore quēne, ado bajise m̄are sēnibosaja ȳa: “ ‘B̄tob̄sa m̄are ajitir̄n̄ato’ yirā, ĩnare ejarēmoña. To yicōari, ‘M̄a rāca quēnaro ĩna ñarotire’ yirā, ĩnare ejarēmoña. ‘M̄are ajitir̄n̄ḡtuanane, b̄tob̄sa gāmerā ĩamaito’ yirā, ĩnare ejarēmoña”, m̄are yisēnibosaja ȳa. ²⁴ Mani ɛj̄ Jesucristore ĩre mait̄jamenare quēnaro m̄are yato Dios.

To cōro ñaja.

Carta de San Pablo a los FILIPENSES

Filipos macanare, Pablo, Timoteo rãca ñacõari, ï quënarotire

¹ ¿Ñati mña, Jesucristore ajitirũnrã, Filipos macana? Yũ, Pablo, yũ baba Timoteo rãca adi papera mñare ucaja yũ. Jesucristo ï bojasere yirã ñaja yũ. Cristore ajitirũnrãre mñare ùmato ñarãre, ñnare moabosarimasare quëne, to yicõari, mña jedirore quënarotiaja yũ. ² Mñare quënarotirã, mani jacũ Diore, to yicõari, mani uju Jesucristore, ado bajise mñare sënibosaja yũ: “Quënarõ ñna ñarotire yirã, ñnare ejarëmoña”, mñare yisënibosaja yũ.

Jesucristore ajitirũnrãre, “Quënarõ yaja mñ”, Diore Pablo ï yire queti

³ Tocãrãcaine mñare tũoĩacõari, “Quënarõ yaja mñ”, Diore ñre yirũgũaja yũ. ⁴ Tocãrãcaine Diore sënigũ, mñare yũ tũoĩajama, variquënarũgũaja yũ. ⁵ Tirũmujane Cristo sũori quënarõ Dios ï yise quetire mña ajitirũnũsũorijune, “Ti ocare ajitirũnũato gãjerã quëne” yirã, quënarõ yũre ejarëmoadicaju mña. To bajiro mña yicati ñajare, mñare tũoĩacõari, variquënarũgũaja yũ. ⁶ Jesucristore mña ajitirũnũsũorone, “Yũ bojarore bajiro yirã ñato” yigu, mñare ejarëmosũoyumi Dios. “To bajiro yicõa ñarũgũrũcũmi, ‘Jesucristo mñare juagu ï tudiejarirũmũ ti ejaro, quënase rĩne yirã ñato ñna’ yigu”, yimasaja yũ. ⁷ Mñare maigũ ñari, to bajiro mñare tũoĩaja yũ. Cristo ï rijabosare sũorine quënarõ Dios ï yise queti gãjerãre yũ gotimasirotire yigu, yũre ejarëmorũgũami Dios. Yũre ï ejarëmorore bajiro mñare quëne ejarëmorũgũgũami, yũre mña ejarëmorotire yigu. To bajiro ï yijare, tubiberiaviju yũ ñajama, yũ ñabetijaquëne yũre ejarëmorũgũrãja mña. To yicõari, ujarãre riojo ñnare yũ gotimasiorotire yirã, yũre ejarëmorũgũrãja mña. ⁸ Jesucristo mñare ï mairõre bajirone bũto mñare maiaja yũ quëne. Bũto mñare yũ maisere masiami Dios quëne. ⁹ To bajiri, Diore sënigũ, mñare tũoĩacõari, ado bajiro mñare sënibosarũgũaja yũ: “‘Bũtobusa gãmerã mairũtuajaro ñna’ yigu, ñnare ejarëmoña”, mñare yisënibosarũgũaja yũ. To bajiro mña yijama, quënarõ Diore masirũarãja mña. To bajicõari, “Ado bajiro mani yijama, quënarõja”, yimasirũarãja. ¹⁰ Tire masirã ñari, josase ti ñaboajaquëne, Dios ï bojasere yitũjabetirũarãja. To bajiri quënarõ yirã mña ñajare, Cristo ï tudiejarirũmũre, “Rojose yirã ñaama”, mñare yĩabetirũcũmi. ¹¹ To bajicõari, Jesucristo ï ejarëmose rãca Dios ï bojarore bajiro quënase rĩne yirã ñnarũarãja mña. To bajiro mña yisere ñacõari, “Quënarõ yigu

ñagūmi Dios”, ãre yirūcubuoarāma gājerā. To bajiro m̄ua yirotire bojagu ñari, m̄uare sēnibosarūgūaja yu, Diore.

“Cristo ocare ajitirūnarā jājarābusa ñaama”, Pablo ãyire queti

12 Yu mairā, quēna adire m̄ua masisere bojaja yu: Yure ãna tubibecūse, “Gājerā quēne Cristo ocare ajitirūnato ãna” yiro, yure ejarēmoaja. To bajiri, rojose tām̄ogū ñaboarine, Cristo ocare yu gotisere jājarā ajirūgūama. 13 “Cristore ajitirūnugū ã ñajare, ãre tubibeyujarā ãna”, yimasiana adi macagu ũy yu vi, coderimasa. To bajiro rīne yijedicoaama adi macana. 14 “Tubibe ecogu ñaboarine, Pablo quēne, Cristo yere gotimasio tujabeami” yitūoĩacōari, adoana mani mairā, jājarā, “Tire mani gotijare, rojose manire yirāma” yigūimenane, butobusa Cristo ocare gotimasioama ãna quēne.

15 Gājerāma, “Cristo ocare yu gotimasiojama, jājarā yure ajitirūnarāma” yitūoĩacōari gotirāma. To bajiro yirā ñari, “Quēnaro gotimasiobeamia Pablo. Riojo m̄uare gotimasioaja yuama”, yigotirāma. Gājerājuama, rojose tūoĩamenane, jājarābusa Cristore ajitirūnarā ãna ñarotire bojarā ñari, gotirāma. 16 “Cristo ocare Pablo ã gotimasiorotire bajiro yigu, tubiberiviju ã ñasere bojayumi Dios”, yimasirā ñarāma. To bajiri, yure mairā ñari, Cristo ocare gotimasiorāma ãna quēne. 17 Gājerājuama, quēnaro yu gotimasiosere ãajūnisinirā ñari, “Pablore ãna ãvariquēnaro rētoro manire ãvariquēnato masa” yitūoĩarā, Cristo ocare gotimasiorāma. To bajicōari, “ ãna gotimasiosere quēnaro ãvariquēnaama masa’ ãna yigotisere ajicōari, ‘Rojose bajiyuma yure ajitirūnaboacana’ yisutiritiatio Pablo” yirā, gotirūgūboarāma. 18 To bajiro ãna yiboajaquēne, no yibeaja yure. “Sutiritiatio Pablo” yirā ñaboarine, Cristo ocare gotimasiorā ñarāma ãna quēne. To ãna yijare, buto variquēnaja yu.

19 Gajeyere quēne tūoĩacōari, variquēnaja yu: Diore, yure m̄ua sēnibosarūgūsere, to yicōari, Jesucristo ã cōar’i, Esp’iritu Santo yure ã ejarēmōrūgūsere quēne masiaja yu. To bajiri, “Rojose yu tām̄ose, to cōrone tām̄o tujarūcūja yu”, yitūoĩa variquēnaja yu. 20 Beroju, Jesucristo ã ãaro rījoro, yu yirere ãre gotibojonerūabeaja yu. Cristo yure ã ejarēmosere tūoĩavariquēnacōari, ã ocare riojo gotimasiorūgūaja yu. Tubiberiaviju ñagūre yure ãna bujama, yure ãna sīacōajaquēne, no yibeaja yure. Cristore yu tūoĩavariquēnarore bajiro ãna quēne, ãna tūoĩasejuare bojaja yu. Tijua ñaja ñamasuse. 21 To bajiri, yure ãna bucōajama, ñajediro yu yirūgūore bajiro yicōa ñarūcūja, “Cristore quēnaro yirūcubuoato masa” yigu. Yure ãna sīacōajaquēne, rētoro yure quēnarūaroja. To cōrojama, Cristo tujū quēnaro ñacōarūgūrūcūja yu. 22 To bajiboarine, yure ãna bucōajama, yu gotimasiose sūorine jājarābusa Cristore

ajitirānūarāma. To bajiri, “Yure ĩna sĭarotire bojaja yu. Yu caticōa ĩnarotire quēne bojaja yu”, yimasibeaja yu. Juā vāmejuṇe quēnacōaja yure. ²³ To bajiri, juā vāmejuṇe bojacōagū ĩari, no yimasibeaja. “Cristo rāca yu ĩnarotijua ĩaja rētoro quēnase” yu yitūoĭajama, “Yure sĭacōato ĩna”, yitūoĭarūgūaja yu. ²⁴ Quēna gaje vāme yu tūoĭajama, mūare yu gotimasioroti ti ruyajare, mūare gotimasiocōa ĩarūaja yu. ²⁵ “To bajirone bajirūcūja”, yitūoĭaja yu. To bajiri, butobusa Cristore ajitirānūcōari mūa variquēnarotire yigu, mūa rāca yu ĩarotire bojaja yu. ²⁶ To bajiri quēna mūa rāca yu ĩacudisere variquēnarūarāja mūa. To bajicōari, rojose yu tāmūoro Cristo yure ĩ yirētobosarere masicōari, “Quēnaro yaja mū”, Diore yirūcūbūorūarāja mūa.

²⁷ Cristo oca ti gotirote bajiro mūa cūdirotijua ĩaja ĩamasuse. Mūa tujy yu vajama, yu vabetijaquēne, ado bajiro mūa yisere ajirūaja yu: “Cristo ocare ajicōari, sĭgūre bajiro tūoĭarā ĩaama ĩna. To yicōari, ‘Cristore ajitirānūato gājerā quēne’ yirā, ĩ ocare tocārācarūmūne gotimasioama ĩna” yure ĩna yigotisere ajirūaja yu. ²⁸ To yicōari, “Īnare ĩaterāre quēne gūimenane Cristo ocare gotimasiorūgūama” yure ĩna yigotisere quēne ajirūaja yu. Mūare ĩaterājuama, ĩnare gūimenane mūa gotimasiocōa ĩasere ĩacōari, “Rojose tāmūotūjabetiriaroju manire cōarūcūmi Dios”, yimasirūarāma. To bajiboarine, mūajuama, “Rojose mani tāmūoborotire yirētobosarūcūmi Dios”, yimasirūarāja mūa, ĩnare gūibetiriarā ĩari. ²⁹ Rojose mūare ĩna yiboajaquēne, ĩnare gūimenane, Cristo oca ti gotirote bajiro goticōa ĩarūgūroti ĩaja mūare. Mūare ĩamaicōari, ĩ yarā mūa ĩarotire mūare yiyumi Dios, “Yu macūre quēnaro yirūcūbūo ĩato ĩna” yigu. To bajiro ĩ yijama, Cristore ajitirānūarā ĩari, rojose tāmūoboarine, ĩre mūa ajitirānūcōa ĩarotire yigu yiyumi. ³⁰ Rojose yu tāmūocatore bajiro rojose tāmūorāja mūa quēne. “Adirūmūri quēne, rojose tāmūoboarine, Cristore ajitirānūcōa ĩagūmi Pablo”, yure yimasirāja mūa.

2

“Īnamasugū ĩaboarine, ‘Īnamasugū ĩaja yu’ yibesumi Cristo”, Pablo ĩyire queti

¹ Īre ajitirānūarā mūa ĩajare, mūare quēnaro ejarēmōrūgūgūmi Cristo, “Tūoĭa variquēnato” yigu. Esp'iritu Santo quēne mūa rāca ĩ ĩajare, gāmerā ĩamaicōari, quēnaro ejarēmōrāja mūa. ² To bajiri ado bajiro mūa bajirotire bojaja yu: “Quēnaro variquēnato Pablo” yirā, sĭgūre bajiro tūoĭarā ĩaĩa mūa. Mūa rācana ĩajedirore cojoro cōro gāmerā ĩamaiĩa. Sĭgūre bajiro tūoĭacōari, Cristo ĩ bojarore bajiro yirūgūĩa. ³ Gājerā ĩna yisere ĩacōari, “Manijua, ĩna rētoro yimasirāja”, yitūoĭabesa mūa. “Gājerā rētoro ĩamasurā ĩaja yua”, yitūoĭabesa.

“Īnaja ņarāma yuā rētoro ņamasurā” yituoīacōari, ĩnare quēnaro rūsabuoŕũgũña. ⁴ Quēnaro muā ņaroti rĩne tuoīabesa. Gājerā quēnaro ĩna ņarotire quēne tuoīarũgũña.

⁵ Ado bajiro Jesucristo ĩ tuoīariarore bajiro tuoīaroti ņaja muare:

⁶ Ő vecaju ņagũ, Diore bajiro bajigu ņaboarine, adigodoju vaju, “Īre bajiro bajicōa ņarucija yu”, yibesuju Cristo.

⁷ Diore bajiro bajigu ņaboarine, “Yu jacu ĩ bojasere yicu, ņamasugũre bajiro ņabetirucija” yituoīacōari, manire bajirone ruyuyuju Cristo.

⁸ Adi macarucuroju vadicōari, ĩ jacu ĩ bojarore bajiro yigu ņari, ņamasugũre bajiro me ņacoasumi. To bajiro bajigu ņari, rojose yirāre ĩna sīarore bajiro yucātēroju jaju sīaecooyumi Cristo.

⁹ To bajiri, “Gājerāre masa ĩna rūsabuoŕo rētoro ĩna rūsabuoŕo ņato” yigu, ĩre catiuyuju Dios. To yicōari, “ņajediro uju ņarucija mu”, ĩre yiyuju Dios.

¹⁰ To bajiro ĩre yiyuju Dios, ō vecana, adigodoana jediro, rijariarā quēne, ĩ macu Jesús vāmere ajicōari, mani yirūsabuoŕotire yigu.

¹¹ To bajicōari, “Jesucristo ņaami uju ņamasugũ”, yijediruarāja mani. To bajiro mani yijama, mani jacu Diore rūsabuoŕā yiruarāja mani.

“Cristo, ĩ jacure ĩ cūdiriarore bajiro ĩre cūdicōa ņarũgũroti ņaja manire quēne”, Pablo ĩ yire queti

¹² To bajiri, yu mairā, Cristo, ĩ jacure ĩ cūdirũgũriarore bajiro cūdiroti ņaja manire quēne. Muā tuju ņacōari, Cristo ocare muare yu gotisere quēnaro ajicaju muā. To bajiri, yucure quēne muare yu goticōasere batobusa Cristo ocare muā ajitirũnũsere bojaja yu. Rojose muā yisere Dios ĩ yirētosararā ņari, rūsabuoŕose rāca ĩ bojarore bajiro yirũgũroti ņaja muare. ¹³ “Yu bojasere yicu tuoīacōari, yato” yigu, manire ejarēmorũgũgumi Dios.

¹⁴ Tocārācaine muā moare cūtisere muā yijama, gāmerā ņagōjaimenane, variquēnase rāca yirũgũña muā. ¹⁵⁻¹⁶ To bajiro yirũgũña, “Rojose yirā ņaama ĩna’ gājerā manire yibeticōato” yirā. To bajiri, rojose yirā ĩna ĩaro rījoro, quēnase rĩne yirũgũroti ņaja muare. To yicōari, “Yu tuju ĩna caticōa ņarotire yigu, yu catisere ĩnare ĩsirucija” Dios ĩ yirere ĩnare gotimasiorũgũña, “Tire masicōari, Dios ĩ bojarore bajiro quēnaro yato ĩna” yirā. To bajiro muā yijama, Cristo ĩ tudiejarirũmu bato muare variquēnarucija yu. “Yu gotimasicatore bajirone yirā ņaama ĩna”, ĩre yivariquēnarucija yu, muare. ¹⁷⁻¹⁸ Jēre Diore ajitirũnũcōari, quēnaro yirũgũrāja muā. To bajiri, Cristore ajitirũnũrā muā ņajare, gājerā, rojose muare ĩna yiboajaquēne,

quēnaro yicōa ñarāja mña. Mñare bajirone yu quēne Dios ocare yu ajitirānñajare, romano masa yure ñna sñarotire yu tñoiājama, sñtiritiboarine, Dios ocare mñare yu gotimasio-catijñare variquēnaja yu. To bajirone tñoiavariquēnaroti ñaja, mñare quēne, mñare yu gotimasioctaire.

Timoteore, Epafrodito vāme cutigñare quēne Filipos macajñ Pablo ĩ cōarñua tñoiāre queti

¹⁹ Mña tñju Timoteo ĩ varotire, mani ñju Jesús ĩ bojajama, yoaro mene ĩre cōarñucija yu, mña ñase quetire ajivariquēnaru. ²⁰ ĩ sīgñe ñaami mñare yu mairore bajiro tñoiagñ. ²¹ Gñjerāma, quēnaro ñna ñaroti rñne tñoiarā ñaama. Jesucristo ĩ bojasere ñna yirotire tñoiabeama ñna. ²² “Jesucristo ĩ bojasere yigñ ñacami Timoteo”, ĩre yimasirāja mña. “ĩ macñre bajiro Pablöre quēnaro ejarēmocami, ‘Jñjarābñsa, Cristo ocare ajitirānñato ñna’ yigñ”, ĩre yimasirāja mña. ²³ To bajiri, tubiberiavijñ yu ñaro yure ñna yirotire masicōari, ĩ rñca mñare queti cōarñucija yu. ²⁴ Tire mñare gotiboarine, “Mani ñju ĩ ejarēmose rñca yu bajijama, yu quēne ĩ rñca mñare ĩagñ varñucija”, yitñoiāja yu.

²⁵ Yure ĩ ejarēmorotire yirā, mña cōar'ĩ mani maigñ, Epafroditore, mña tñju ĩre tñocōagñ yaja yu. ĩ quēne, Cristo ocare riojo gotigñ ñari, yure bajirone rojose tñmñorñgñami. ²⁶ Mña ñajedirore bñto ĩarñami. To bajicōari, ĩ rijacati quetire mña ajirere tñoiarejaiami. ²⁷ Socase mere ajiriarāja mña. To bajirone bajicami. Bajirocacoarocñre bajirojñ bajicami. To bajiboarine, ĩre ĩamaicōari, ĩre catiocami Dios. To bajiro ĩ yijama, bñtobñsa yu sñtiritirotire bojabecñ ñari, ĩre catiocami Dios. ²⁸ To bajiri mña tñju ĩre tñocōagñ yaja yu, catiquēnagñ ĩ ñasere mña ĩavariquēnarotire yigñ. Mña tñju ĩre yu tñocōajama, yu quēne tñoiarejaibetibñsarñucija yu. ²⁹⁻³⁰ Cristo oca yu gotimasiosere yure ejarēmobeaja mña, sñju ñarā ñari. “ĩre gotirēmooato” yirā, mña cōar'ĩ quēne Cristo ocare gotimasiorñgñami. To bajiro yicudigñe, bñto rijaye jairo ti ñajare, rijacoabocami. To bajiro bajicacñ ñaboarine, ĩ caticōajare, mña tñju ĩ ejaro, variquēnase rñca ĩre sēnirñarāja mña. ĩre bajiro Cristo ocare goticudirāre quēne, quēnaro ñnare yija.

3

“Cristore mani ajitirānñase ñaja ñamasuse”, Pablo ĩ yire queti

¹ Jesucristo yarā ñari, variquēnaña mña. Tirñmñju mñare yu ucacaire tudiucaja yu. To bajiro mñare yu yicōa ñajama, “Gñjerā socase ñna gotisere ajiroma” yigñ, yaja. ² Cristo ocare ricati gotimasiorāre roori ñañña mña. ĩna ñarāma rojose ũmato yiroñā. “Dios ĩ ĩamairā mani ñarñajama, circuncisión yiroti ñaja”, yisocarāma ñna. ³ Circuncisión yiecorā ñna ñaboajaquēne,

Dios ĩ ĩamairã me ñarãma ĩna. Manijũama, Esp'iritu Santo ĩ ejarẽmojare, Diore quẽnaro rãcũbũoaja mani. To yicõari, “Jesucristo manire rijabosayumi” yitũoĩarã mani ñajare, Dios ĩ ĩamairã ñaja”, yitũoĩa variquẽnaja mani. ⁴ Mani ñicua ĩna yimasirere ĩna tũoĩarore bajiro yũ quẽne yũ tũoĩajama, “Ĩna rẽtoro ñamasugũ ñaja yũ”, yitũoĩaroti ñaboroja. ĩna tũoĩasere bajiro yũ quẽne yũ tũoĩajama, ado bajise bajiroja: ⁵ “Dios ĩ rotimasiriarore bajiro yigũ ñato” yirã, cojomo cõro gaje ãmo idia jẽnituarirũmũri yũ ruyuario bero, circuncisiõn yũre yiyuma ĩna. To bajiri, jud'io masũ ñari, Benjam'in ñamasir'i ya jũnagũ ñaja yũ. Yũ ñicũ ñasũog'i ñamasĩnju Abraham. Yũ ñicua, jud'io masa ñacoayuma ĩna. To bajiri, jud'io masa rĩne gãmerã manajo cãticõari ĩna macũ cãtir'i ñari, jud'io masũ masũ ñaja yũ. To bajicõari, fariseo yere tũoĩagũ ñari, Moisére Dios ĩ roticũmasirere bũto ajirũcũbũogũ ñaboacaju yũ maji. ⁶ “Ado bajiro yũ yisere bojagumi Dios” yitũoĩacõari, variquẽnase rãca yirũgũboacaju yũ. To bajise tũoĩagũ ñari, “Cristore ajitirũnrãma, mani ñicua Diore ĩna rãcũbũomasiriarore bajiro yimenama” yitũoĩacõari, bũto rojose ĩnare yirũgũcaju yũ. To bajicõari, Dios ĩ rotimasire quẽnaro cũdigũ yũ ñajare, “Adi vãme yibeami Pablo”, yũre yimasigũ manicami.

⁷⁻⁹ Yũ ñicua ĩna yimasiriarore bajiro yũ yisere, “Ñamasuse ñaroja”, yitũoĩaboacaju yũ maji. Adirũmũrirema, Cristore ajitirũncã yigũ, “Vaja maja”, yitũoĩacõaja yũ. To bajiri, yucũrema, “Jesucristore ajitirũnrã rĩne ñaama Dios ĩ ĩvariquẽnarã” yitũoĩagũ ñari, yũ ñicua ĩna yimasiriarore bajiro yũ yiboacatire yitũajacõacaju. “Rojose yũ yisere masirioato Dios’ yigũ, yũre rijabosayumi Cristo”, yitũoĩaja yũ, adirũmũrirema. To bajiri, “Rojose magũ ñaami’ yũre yĩĩvariquẽnagũmi Dios”, yitũoĩaja yũ. ¹⁰ “Cristo ĩ ejarẽmorã rĩne ñaama Dios ĩ ĩvariquẽnarã” yitũoĩacõari, Cristore ajitirũnũgũ ñari, bũtobũsa ĩre masirũtuarũaja yũ. Tire yũ yijama, ado bajiro yigũ yaja yũ: Cristo ĩ rijato bero, tudicaticõari, ĩ masise rãca ĩre ajitirũnrãre ejarẽmo ñagũmi. Tire, ĩ masise rãca ĩ bojase rĩne yigũ ñarũaja yũ. To yicõari, ĩ jacũre cũdirũagũ ñari, Cristo, rojose ĩ tãmũoriarore bajiro rojose tãmũorũaja yũ quẽne. To bajiro bajigũ, yucãtẽrojare ĩre ĩna sĩariarore bajiro yũre ĩna sĩaboajaquẽne, quẽnarũaroja. ¹¹ To bajiro bajirocũ yũ ñajama, yũ rijato bero, yũre quẽne cãtorũcũmi Dios.

“Quẽnase rĩne yirã ñarãsa mani”, Pablo ĩyire queti

¹² “Jediro masigũ ñari, quẽnase rĩne yigũ ñaja”, yimasibeaja yũ. To bajiboarine, “Dios ĩ bojarore bajiro quẽnaro yirũcũja” yigũ, yũ yimasiro cõro yirũgũaja yũ. “Yũre bajiro quẽnase

rĩne yigu ñato” yigu, “Yure ajitirũnaña mu”, yure yicami Jesucristo. ¹³ Quẽnaro ajiya, yu mairã. “Cristo i bojarore bajiro quẽnase rĩne yigu ñaja yu”, yimasibeaja yu. Tirãmũju yu yirũgũcatire bato tũoĩabetirũgũaja yu. Tire tũoĩabecũne, quẽnaro yu yirotiũare tũoĩarũgũaja. ¹⁴ “Dios tũju yu ejaro, quẽnaro yu yise vaja quẽnaro yure yato i” yigu, to bajiro rĩne yirũgũaja yu. I tũju mani ejaro, quẽnaro mani yise vaja, “Quẽnaro ñare yirũcũja”, yiyuju Dios, quẽnase rĩne yirã mani ñarotire yigu.

¹⁵ To bajiri yu tũoĩarore bajiro tũoĩarũgũroti ñaja mũare quẽne, quẽnaro Cristore ajitirũnrã jedirore. To bajiro tũoĩarã ñaboarine, cojo vãme ricati mũa tũoĩajama, quẽnaro mũa masirotire yirũcũmi Dios. ¹⁶ Dios i bojasere masijeobetiboarine, mani ajimasiro cõro mani yicõa ñajama, quẽnarũaroja.

¹⁷ To bajiri, yu bajiñarũgũcatore bajiro bajiñaña, mũa quẽne. ¹⁸ Gãjerãjũama, quẽnasere yibetirũgũama. To bajiro ña bajise cojõ me mũare gotirũgũcãju yu. Quẽna ña bajisere tũoĩacõari, mũare gotigu, bato sutiritiaja yu. To bajiro ña bajicõa ñajama, “Cristo i rijabosare vaja maja” yirãre bajiro bajicõa ñarãma. ¹⁹ To bajiro bajirã ñari, rojose tãmũotũjabetiriarõju varũarãma. Dios i bojasere yimena ñari, ña masu ña bojase rĩne yirã ñaama. To bajicõari, rojose ña yijama, bojonemane, tire gotivariquẽnarãma. Adigodoaye rĩne tũoĩarũgũrãma. ²⁰ Manijũama, õ vecãju Dios tũju varona ñaja. I ñarõju ñaja mani ñarũgũrotijũ. To bajiri tiũare tũoĩarũgũaja mani. To yicõari, “Õ vecãju ñagũ, vadicõari, rojose tãmũotũjabetiriarõju mani varotire manire yirẽtobosarũcũmi mani mũju Jesucristo”, yitũoĩa variquẽnarũgũaja mani. ²¹ To bajiro bajigũne, quẽnarirũju i rũju cõtirore bajirone manire quẽne vasoarũcũmi, adi macarũcũroaye jediro rotimasigũ ñari.

4

“Cristore ajitirũnrã ñari, variquẽnacõa ñaña”, Pablo i yire

¹ Yu mairã, quẽnaro ajiya mũa. Cristore ajitirũnrã ñari, yu yarã ñaja mũa. Mũare maigũ ñari, bato mũare ñarũaja yu. “Yu gotimasiocatire ajicõari, Diore quẽnaro ajitirũncõa ñarãma ña”, mũare yitũoĩavariquẽnaja yu. To bajiri mani mũju Jesucristore ajitirũnu tũjabetiroti ñaja.

² Evodia vãme cõtigore, S'intique vãme cõtigore quẽne, mũare gotigu yaja. Mũa juarã, mani mũju yarã ñari, sĩgõre bajiro tũoĩaña mũa. ³ Toagu, yure quẽnaro baba cõtillacũjare, “Ado bajiro yure yibosaya”, mũre yisẽniaja yu: Ña, rõmia juarãre, “Gãmerã oca quẽnoato” yigu, ñare ejarẽmoña mu. To yu ñaro, Cristo i rijabosare suorine quẽnaro Dios i yisere yu gotimasiorotire yirã, yure quẽnaro ejarẽmorũgũcama ña. Clemente,

ī babarā quēne yure ejarēmōrūgūcama. Yure ejarēmocanare, “Ado cōro ñaama yu tu ñarūgūrona” Dios ī yuucaturiatutijū ucatuecorā ñarāma.

⁴ Mani ujure ajitirānurā ñari, tocārācājine ī yere tuoīavariquēnarūgūñā ma. ⁵ Rūcūbūose rāca gājerāre quēnaro yirūgūñā ma, “‘Quēnase rīne yirā ñaama’, gājerā muare yīīato” yirā. Mani ujū adi macarūcūroju ī tudiejaroti, mojoroaca ruajaja.

⁶ Ņiejuare ma tuoīarejaisere bojabeaja yu. Tocārācājine rojose ma tāmūojama, “Rojose yua tāmūosere yirētobosaya” yirā, Diore ma sēnijama, quēnaja. To yicōari, muare ī ejarēmoroti ti ñajare, “Quēnaro yirūcūja mu”, ĩre yivariquēnarūgūñā. ⁷ To bajiro ma yijama, ma variquēnarotire yirēmōrūcūmi Dios. To bajiri, Jesucristo muare quēnaro ī ejarēmorotire tuoīarā ñari, rojose tāmūorā ñaboarine, variquēnacōa ñaruarāja. Tire ajimasibetiruarāma Jesūre ajitirānumena.

“Quēnase rīne tuoīarūgūñā”, Pablo ĩyire queti

⁸ Yu mairā, ado bajiro muare gotitūsaja yu: Quēnase rīne tuoīarūgūñā. Rūcūbūore queti, quēnaro yire queti, maire queti, to yicōari, masa quēne ĩna ajivariquēnase queti tuoīarūgūñā. To yicōari, “Quēnase ñaja” Dios ī yisere quēne tuoīarūgūñā.

⁹ Muare yu gotimasiocatore bajirone yirūgūñā. Yure ma ajicatire, ma ĩacatire quēne to bajirone yicōa ñaña. To bajiro ma yijama, variquēnase manire cōagū, Dios, ma rāca ñacōa ñarūgūrūcūmi.

Filipos macana, ĩre gājoa ĩna ĩsirere Pablo ĩgotivariquēnare

¹⁰ Yure tuoīacōari, yu bojasere yure cōañuja ma quēna. To bajiri buto variquēnacōari, “Quēnaro yaja mu”, mani ujure, Diore yaja yu. Yoaro yure ma cōabetiboajaquēne, “Cōarūaboarine cōamasimena bajirāma”, muare yituoīacaju yu. ¹¹ “Yu cūorūa tuoīase jediro cūorūaja yu” yigu me yaja. Jairo yu cūojama, yu cūobetijaquēne, variquēnacōa ñaja. ¹² Cojojirema maīoro yu bajijama, yu bajibetijaquēne, variquēnarūgūñaja yu. Bare ti ñajama, ti manijaquēne, variquēnacōa ñaja. ¹³ To bajiro yu bajise jedirore yure ejarēmōrūgūami Cristo. ¹⁴ To bajiro yure ĩ ejarēmoboajaquēne, gājoa yure ma cōase sūorine yure ejarēmōñuja ma.

¹⁵ Macedonia sitaju Cristo ĩ rijabosare sūorine quēnaro Dios ī yise queti gotimasiocudi gajanocōari, quēna gajeroju yu vato, ma, Filipos macana rīne gājoa juarēocōari, yure cōañuja ma. Gājerāma, yu gotimasiocati sūorine Cristore ajitirānurā ñaboarine, yure cōabesuma ĩna. ¹⁶ Rūjoroju quēne Tesalōnica macaju ñagū, ĩne cūobecu yu bajiro, cojoi me gājoa

yure cõañuja mña. ¹⁷ “Quēna gajeye yure cõato” yigũ me, to bajise mñare yaja yũ. “Yure mña yirore bajirone gãjerãre quēne mña yicõa ñajama, rētoḃusaro quēnase mñare cõato Dios” yigũ yaja. ¹⁸ Mña cõariaro cõrone yure ĩsicami Erafrodito. Yũ cõogua tũoĩacati rētoḃusaro cõañuja mña. Yure quēnaro mña yicatire ĩavariquēnarimi Dios. ¹⁹ ĩ ñaami mani ɸjũ, ñajediro quēnase cõogũ. To bajicõari, ĩ macũ yarã mña ñajare, mña cõogua tũoĩase jediro mñare cõarũcũmi. ²⁰ Quēnaro ĩre rũcũḃuo variquēnarũgũrũarãja mani. To bajirone bajiato.

Pablo, ĩ quēnaroticõare queti

²¹ Toana, Jesucristore ajitirũnrã jediro quēnato ĩna. Yũ rãcana, Cristore ajitirũnrã, mñare quēnaroticõaama. ²² Adoana, Cristore ajitirũnrã jediro, mñare quēnaroticõaama. Cristore ajitirũnrã, Roma macagũ ɸjũ ñamasugũre moabosarimasa quēne mñare quēnaroticõaama.

²³ Mani ɸjũ, Jesucristo, quēnaro mñare yato ĩ.
To cõro ñaja.

Carta de San Pablo a los COLOSENSES

Colosas macana, Cristore ajitirānūrāre Pablo ĩ ucare queti

1-2 ĩNati mġa, Colosas vāme cuti macana, Dios yarā? Jesucristore ajitirānġ tġjamenare mġare ucasōaja yġa. Mġare quēnarotirā, mani jacġ Diore ado bajise mġare sēnibosaja yġa: “Quēnaro ĩna ĩnarotire yirā, ĩnare ejarēmoña”, mġare yisēnibosaja yġa. Yġ ĩaja Pablo vāme cutigġ, adi paperare mġare cōagġ. Dios ĩ bojarore bajiro yġre cōacami Jesucristo, “Yġ sġori yġ jacġ quēnaro ĩ yise quetire gājerāre gotimasiodudirġcġja mġ” yigġ. Yġ rāca ĩaami mani maigġ, Timoteo.

Cristore ajitirānūrāre tġoĩacōari, Diore Pablo ĩ sēnibosare

3-4 “Jesucristore quēnaro ajitirānġcōa ĩaama ĩna. To bajicōari, Dios yarā jedirore quēnaro mairā ĩaama” mġare masa ĩna yisere ajirġgġaja yġa. To bajiro ĩna yirġgġsere ajivariquēnaja yġa. To bajiri, tocārācġjine mani ġġ Jesucristo jacare mġare yġa sēnibosajama, “Quēnaro yaja mġ”, ĩre yivariquēnarġgġaja yġa. ⁵ Tirāġġġne riojo ĩamasusere, Cristo sġori quēnaro Dios ĩ yise quetire mġa ajitirānġsġorijġġne, “ĩ oca ti gotirore bajirone ō vecajġ Dios tġġ eġacōari, quēnaro ĩnarġgġrġarāja mani”, yivariquēnacōayġja mġa. To bajiro yirā ĩari, Dios yarāre quēnaro ejarēmoñġja mġa. ⁶ Cristo ocare ajisġocōari, “Ti ĩaja riojo ĩamasuse oca”, yiyġja mġa. To yicōari, “Rojose yirā mani ĩaboajaquēne, manire ĩamaicōari, manire quēnaro yiyumi Dios”, yiaġitirānġñġja mġa. ĩ oca quēnasere mġa ajitirānġrore bajiro ajitirānġrġtuana yirāma masa jediro. To bajicōari, mġa yirġgġrore bajirone quēnaro yirġgġrāma ĩna quēne. ⁷ Mani maigġ, Epafras vāme cutigġ, ĩaami ti ocare mġare gotimasior'ĩ. Jesucristo ĩ bojasere yigġ ĩari, adojġ quēnaro yġare ejarēmorġgġami. ⁸ ĩ ĩaami “Esp'iritu Santo ĩ ejarēmose rāca gājerā Dios yarāre quēnaro maiama ĩna, Colosas macana” yġare yigoticġ.

⁹ To bajiro ĩ yicatire ajicana ĩari, yġa ajisġorijġġne, Diore mġare sēnibosadicajġ, Dios ĩ bojasere quēnaro mġa yimasirotire yirā. To yicōari, Esp'iritu Santo sġorine tocārāca vāme mġa masirotire quēne “Ejarēmoato” yirā, Dioġare mġare sēnibosarġgġaja yġa. ¹⁰ Mġare yġa sēnibosase sġorine to bajiro mġa yijama, mani ġġ ĩ bojarore bajiro yiĩnarġgġrġarāja mġa. To yicōari, ĩre ġutobġsa masirġtuarāja. ¹¹ ĩre rētobġsaro mġa masirġtu vajama, masirētogġ, Dios, mġare quēnaro ejarēmorġcġmi, jediro

rojose tãmuoboarine, ãre mua ajitirũnacõa ñarotire yigu. To bajiro muare ã yijama, rojose tãmuoboarine, rojose muare yirãre jũnisinimenane, variquẽnacõa ñaruarãja mua. ¹² Mani jacu, Diore tuoãvariquẽnacõari, ado bajiro ãre sãniruarãja mua: “Quẽnaro yaja mu. Quẽnaro mu yire suorine mu yarã ñaja yua. To bajiri mu ñarõju, ejacõari, gãjerã, mu yarã quẽnaro ãna yicõrore bajiro yicõruarãja yua quẽne”, Diore yivariquẽnaruarãja mua.

¹³ Dios, ado bajiro manire ã yire ñajare, to bajiro yivariquẽnaruarãja mua: Satanás yarã, ã bojarore bajiro yirã ñaboariarãre manire ejarẽmoñumi Dios, ã macu ã maigũ yarã, “ã bojarore bajiro yirã ñato” yigu. ¹⁴ Dios ã yire yu yijama, ado bajiro yigu yaja yu: ã macu manire ã rijabosare suorine Satanás manire ã rotiboarere cudimena ñacoariarãja mani. To bajicõari, rojose mani yisere Dios ã masiriorã ñacoariarãja mani.

Cristo ã rijabosare suorine Diorãca quẽnaro mani ñase queti

¹⁵ Ñimũja Diore ãagũ magũmi. To bajiboarine Cristore masirãjuma, Diore masiaja mani. Cristo ñaami adi macarucuro ti ruyuaroto rĩjorojũne ñacoadimasir'i. ¹⁶ ã suorine adi macarucuro ñase jedirore rujeomasiñuju Dios. Adi macarucuro ñarã, õ vecanare quẽne, ruyumena, ruyurãre quẽne ã suorine rujeomasiñuju Dios. To yicõari, õ vecana rotimasironare quẽne ã suorine ñnare rujeomasiñuju Dios. To bajiro yimasiñuju, “Quẽnaro yiyumi” ãre gãjerã ãna yirũcũborotire yigu. ¹⁷ Adi macarucuro ti ruyuaroto rĩjorojũne, ñacõadimasiruju Cristo. To bajicõari, ã suorine jediro ñaja. ¹⁸ ã rijabosare suorine ã yarã mani ñarotire yiyumi Dios. Cristo ñaami rijacoaboarine quẽna tudicatisuor'i. To bajir'i ñari, masa ãna rijato beroju “Tudirijabeticõato” yigu, Dios ã catisere ãre ajitirũnarãre ãsigũ ñagũmi. To bajicõari, ãre ajitirũnarãre, ãre ajitirũnũmenare quẽne jediro mũ ñagũ bajigũmi. ¹⁹ Dios, ado bajiro tuoãañuju: “Yu macu, yure bajirone bajigu ñari, ã sũgũne yu ye ñajediro quẽnasere cõagũ ñarucumi”, yituoãañuju Dios. ²⁰ Adigodoana, õ vecana quẽne rojose yirã ñañujarã. To bajiri, rojose ãna yisere “Masirioõusa” yigu, ã macure rijarotiyumi. To bajiro ã yijama, ãna jediro ã rãca quẽnaro ãna ñarotire yigu yiyumi.

²¹ Tirũmũjũrema Dios yarã me ñañuja mua maji. Rojose tuoãacõari, rojose mua yire suorine Dios ã ñajama, ãre terã ñañuja mua. ²² To bajiro bajiriarã mua ñaboajaquẽne, ã tũju mua ejaro, “Rojose mana ñaama” ã yĩarotire yigu, ã macure rijarotiyuju. ²³ To bajiro Dios ã yire ti ñaboajaquẽne, ã tũ mua ejarirũmu, “Rojose mana ñaama” ã yĩarotire mua bojjama, ã macu suori

quēnaro ĩ yire quetire ajitirānucōa ñaroti ñaja. Ti quetire masa ñajedirojune ajirāma. Yñ quēne, tire goticudigñ ñaja.

Diore ajitirānūrāre Pablo ĩ ejarēmore queti

²⁴ Cristo ocare ajitirānūrāre gotimasiodigñ, rojose tāmūogñ ñaboarine, variquēnaja yñ. Gājerā quēnaro ĩna ñarotire bojagñ ñari, rojose tāmūoñumi Cristo. To bajiri, yñre quēne, to bajiro yñ bajirotire bojayumi Cristo. ²⁵ “Cristo ocare jud’io masa me ñarāre quēnaro gotimasiodirucñmi” Dios ĩ yitūoīariarore bajirone Cristo yñre ĩ yijare, Cristore ajitirānūrāre ejarēmorimasñ ñacajñ yñ. ²⁶ Yñ gotimasiosere, tirūmñanajuma tire masibetimasinuma maji. Adirūmñirema, ĩ yarā ñarona tire ĩna masirotire yiyumi Dios. ²⁷ “Jud’io masa me ñarā, yñ sñori quēnamasuse ĩna yiecorotire masiato ĩna, yñ yarā” yigñ yiyumi Dios. Ado bajiro bajiaja ti oca masa ĩna masibeticati: Mñare ejacōari, mñā rāca quēnaro ñarūgūrucñmi Cristo. To bajiri, “Dios tñjñ ejacōari, quēnamasuse yiecoruarāja mani”, yitūoīa variquēnuarāja mñā.

²⁸ No bojaro yñā vato masa jedirore Cristo ocare gotimasiodiaja yñā, “Īre mñā ajitirānñjama, rojose tāmūotñjabetiriarojñ vabetiruarāja mñā” yirā. To yicōari, tocārācñne Cristore ĩna ajitirānñjama, Dios tñjñ ĩna ejarirūmñ, “Ñie rojose mana ñaama” ĩ yīarotire yirā, yñā masiro cōro quēnaro gotimasioaja yñā. ²⁹ To bajiro ĩna bajirotire bojarā, josase ti ñaboajaquēne, Cristo ĩ ejarēmose rāca moarūgñaja yñā.

2

¹ “Quēnaro mani ñarotire yigñ, josari moarūgñgñmi Pablo” mñā yisere bojaja yñ. Laodicea macana, to yicōari gājerā yñre ĩabetiriarā Cristore ajitirānūrā, to bajise ĩna yisere bojaja yñ. ² Ado bajiro quēnaro mñā ñarotire yigñ, josari moarūgñaja yñ: Cristore mñā tñoīavariquēnarotire, quēnabusaro mñā gāmerā mairūtuarotire, to yicōari, Cristo ocare quēnaro ajimasirotire yigñ yaja. To bajiro mñā bajijama, masa ĩna masibeticatire, “Yñ yarā masiato” yigñ, Dios ĩ yisere quēnaro masiruarāja mñā. To bajiro yñ yijama, “Cristore quēnaro masiruarāja mñā” yigñ yaja. ³ Cristo yarā rñne ñaama, “Ti oca, masa ĩna masibeticatire ñamasusere masiato” yigñ, Dios ĩ yirā. ⁴ “Quēnaro gotitorāre ajitirānñrobe” yigñ, tire mñare gotibñ yñ. ⁵ Mñā rāca ñabetiboarine, mñā rāca ñagñre bajiro tñoīaja yñ. “Quēnaro ñacōari, Cristore ajitirānucōa ñarāma” mñare yitūoīacōari, buto variquēnaja yñ.

“Jesucristo, yñ ñjñ ñaami’ yiriarā ñari, ĩ bojarore bajiro rñne yirūgñroti ñaja mñare”, Pablo ĩ yire queti

⁶ “Jesucristo, yu uju ñaami” yiriarã ñari, ï bojarore bajiro rĩne yicõa ñaroti ñaja mũare. ⁷ Mũa yirotere masiruãrã, ïre sênirũgũruãrãja. To yicõari, Epafras mũare ï gotimasioriarore bajirone Cristore quẽnabusaro ajitirũnrũarãja mũa. To yicõari, “Quẽnaro yaja mũ”, Diore ïre yivariquẽnarũgũruãrãja.

⁸ To bajiri, gãjerã ricati gotimasiorã, “Cristore bajiro bajirã ñarãma gãjerã” ïna yisocasere ajibesa mũa. Cristo ye me ñaja ti. ïna ñicua ïna tũoĩamasiriarore bajiro tũoĩacõari gotirã yama.

⁹ Gãjerã manama. Cristo sĩgũne ñaami jediro Dios ye cũogũ. Manire bajiro ruju cõtiboarine, Dione ñañumi Cristo. ¹⁰ ï rotijama, ñimũjua ïre cãdibecu magũmi. To bajiri, Cristo yarã ñari, jediro ñamasuse cũorã ñaja mũa. Disejua ruyabeaja mũare quẽne. ¹¹ Circuncisiõn ïna yiecorijũne, “Dios rĩare bajiro bajirã ñacoaju mani” yitũoĩarã ñari, tire yirũgũrãma jud'io masa. To bajiro ïna yiboase, mani rujuaye ti ñajare, Dios ï ïajama, vaja maja ti. Mũajuarema, Cristore mũa ajitirũnrũsorone, mũare ejarẽmoñumi, “Yu yarã ñacõari, rojose yirua tũoĩabeticõato” yigũ. ¹² Mani bautizaecojama, Jesucristo rãca rijariarãre bajiro bajiyuja mani. To bajicõari, “Jesucristo ï yuje ecoro bero, ï masise rãca ïre tudicatoyumi Dios” yitũoĩariarã ñari, Cristo rãca tudicatirãre bajiro bajiyuja mani. To bajiriarã ñari, Jesucristo ï ejarẽmose rãca Dios ï bojarore bajiro yirã ñaja mani. ¹³ Tirãmũju rojose yiriarã ñari, Dios yarã me ñariarãja mũa maji. To bajiro bajiriarã mũa ñaboajaquẽne, rojose mũa yirere masiriocõari, “Cristo ï ejarẽmose rãca yu bojarore bajiro yirã ñato” yigũ mũare yiyumi Dios. ¹⁴ Rĩjorojuma Dios ï rotimasirere cãdijeobetiriarã mani ñajare, rojose tãmũorona ñañuja mani maji. To bajiro mani bajiroti ti ñajare, yucãtẽroju ï macũre rijarotiyuju Dios, “Rojose ïna yise vaja, ïnare vaja yibosato” yigũ. To bajiri ï rijabosare sũorine rojose mani yisere masiriojeocõañuju Dios. ¹⁵ To bajiro Cristo ï rijabosare sũorine vãtia rojose yirotirã, ïna rotimasiboariarore bajiro, “Rotimasibeticõato” yigũ yiyumi Dios.

“Dios ï bojase rĩne mũa yijama, quẽnaja”, Pablo ï yire queti

¹⁶ To bajiri, Cristo yarã ñari, Dios ï ïavariquẽnarã ñaja mũa. To bajiri, gãjerã socase gotirimasa ado bajise mũare ïna yisere ajibesa mũa: “Ti ñaja babetiroti. Adi ñaja idibetiroti. Ñamiagu muiju ï roarirũmu beroagarũmu ñaja rãcũbuoriarũmu. Usũsãjariarũmũre ado bajiro yirũgũroti ñaja”, mũare yirãma ïna. ¹⁷ To bajiro ïna yise, Cristo ï rijabosaroto rĩjoro jud'io masare Dios roticũmasireju ñañuja maji. To bajiboarine, adirũmũrĩrema vaja maja ti. Cristo ï bojarore bajiro quẽnaro mani yisejua ñaja vaja cãti. ¹⁸ “Ángel mesare yua yirũcũbuorore bajiro yirũcũbuomena mũa ñajare, mũare

ĭavariquēnabecumi Dios” ĭna yisere quēne ajibesa m̃ua. ĭna masune t̃uoĭaboarine, “Ỹua c̃ajiriaroju ĭac̃ari, quēnaro Dios ĭ rotisere gotiaja ỹua”, yir̃a ĭnar̃ama. “Ė̃namasur̃a me ĭaja ỹua” yigotiboarine, ĭna t̃uoĭasejuama, “Ė̃namasur̃a ĭaja”, yit̃uoĭaboar̃ama. ¹⁹ Cristore ajitir̃uñamena ĭari, ĭ ye riojo gotir̃a me ĭnar̃ama. Cristo, s̃ig̃une ĭaami mani uju. Dios ĭ bojarore bajiro manire ejar̃emor̃ug̃umi Cristo, batobusa g̃amer̃a ejar̃emoc̃ari, ĭ bojarore bajiro yir̃a mani ĭarotire yigu.

²⁰ “Rojose yibetic̃ari, ỹu bojasejuare yato” yigu, ĭre ajitir̃uñaronare manire rijabosayumi Cristo. To bajiro ĭ bajire ti ĭaboajaquēne, ĭno yir̃a Cristore ajitir̃uñamena ĭna gotisere ajir̃uc̃ub̃oati m̃ua? ²¹ “Tire moaĭabesa Tire babesa” ĭna yiro-tisere ajir̃uc̃ub̃obesa m̃ua. ²² Jedise ĭaja bare. To bajic̃ari, m̃uare ĭna rotise, Dios ye me ĭaja. Masa ĭna masune t̃uoĭac̃ari, ĭna gotimasiose ĭaja. ²³ ĭna ajivariquēnasere ĭna gotijama, tire ajic̃ari, “Quēnaro gotimasijama”, yit̃uoĭaboar̃ama s̃ig̃uri. To bajiro ĭna yiboajaquēne, quēnaro t̃uoĭar̃a me ĭnar̃ama. Ado bajise ĭnare gotimasioboar̃ama ĭna: “Ỹua r̃uc̃ub̃og̃are m̃ua quēne m̃ua r̃uc̃ub̃ojama, quēnaja. ‘Masir̃a me ĭaja’ m̃ua yit̃uoĭajama, quēnaja. Mani rujare rojose mani yijama, quēnaja. To bajiro mani yijama, rojose mani yisere yit̃ujar̃ar̃aja mani”, yit̃uoĭaboar̃ama. To bajiro ĭna yiboase socase ĭaja.

3

¹ Cristore ĭna s̃iaboajaquēne ĭre catioyumi Dios. To bajiro ĭre yic̃ari, o vecaju, “Ỹu r̃aca rotir̃uc̃uja m̃”, ĭre yiyumi. Cristore mani ajitir̃uñaroto r̃joro, Diore masimena ĭari, rojose yir̃a ĭaĭuja mani maji. To bajiro mani yir̃ug̃uobarere yit̃ujac̃ari, Cristore mani ajitir̃uñas̃uoriar̃um̃ne, “Ỹu t̃uju var̃ar̃ama”, manire yiyumi Dios. To bajiri, quēnaro manire ĭ yiro-tire t̃uoĭar̃ug̃uroti ĭaja. ² Adigodoaye rojose t̃uoĭamenane, Dios yejuare t̃uoĭar̃ug̃uroti ĭaja. ³⁻⁴ Rojose m̃ua yir̃ug̃urere yit̃ujac̃ari, Cristore ajitir̃uñar̃a m̃ua ĭajare, “ĭ r̃aca ĭar̃ug̃ur̃ar̃aja m̃ua” Dios ĭ yir̃iar̃a ĭaĭuja m̃ua. To bajiri, rojose t̃uoĭabetiroti ĭaja. Cristo s̃uorine m̃ua rijato berojuma “Tudir̃ijabetic̃ato” yigu, Dios ĭ catisere ĭ ĭsiriar̃a ĭaja m̃ua. To bajiri m̃ua r̃aca ĭag̃umi Cristo. To bajiro ĭ bajisere ĭamasibetiboarine, adigodo ĭ tudiejaro, “Ė̃najediro uju ĭaami”, ĭre yir̃uc̃ub̃og̃ur̃ar̃ama masa ĭajediro. To c̃oroju m̃uare quēne ĭ r̃aca m̃ua ĭasere ĭac̃ari, “ĭ yar̃a ĭaĭuma”, m̃uare yir̃uc̃ub̃og̃ur̃ar̃ama ĭna yuja.

“Rojose yibesa m̃ua”, Pablo ĭ yire queti

⁵ Rojose m̃ua yir̃ug̃usere yit̃ujaya m̃ua. Manajo c̃utir̃a, manaju c̃utir̃a, manajo mana, manaju mana quēne, g̃ajer̃a

rãca ajeriarã cutibesa. Rojose yirua tuoĩabesa. To yicõari, Diore mua mairo rëtoro, gajeyeũnire maibesa. Diore mua mairo rëtoro, gajeyeũnire mua maijama, Diore rucubõorã me yirãja mua. ⁶ Rojose yirãre Dios rojose ñnare ñ yiroti ti ñajare, rojose yibesa mua. ⁷ Tirũmũmũ rojose yimasiriarãja mua maji. ⁸ Adirũmũrẽrema ñajediro rojose mua yirũgũrere to cõrone tire yitũjaya. Gãjerã rojose mũare ñna yiboajaquẽne, jũnisinibesa mua. Gãjerãre ñatebesa. Gãjerãre rojose ñagõmacabesa. ⁹⁻¹⁰ Mua socarũgũriarore bajiro socabesa mua. Cristore mua ajitirũnusõrone, mũare ejarẽmosõoyumi. To bajicõari, quẽnabusaro Diore mua masirotire yigũ, mua rãca ñacõa ñagũmi. To bajiri ñajediro rojose yibetiroti ñaja. ¹¹ To bajiro ti bajijare, jud'io masa mua ñajama, mua ñabetijaquẽne, no yibeaja. Circuncisiõn yiriarã mua ñajama, mua ñabetijaquẽne, no yibeaja. Gãjerã masa ñaboarine, mua rãcana yere ajimasirã mua ñajama, mua ñabetijaquẽne, no yibeaja. Moabosarimasa mua ñajama, mua ñabetijaquẽne, no yibeaja. Cristo ñaami mani jediro mũm. Manire ejacõari, mani rãca ñ ñase rĩne ñaja ñamasusema.

¹² “Yũ yarã ñaña mua” yigũ, Dios ñ beseriarã ñarãja mua quẽne. To bajiri ñ ñamairã ñarãja mua. To bajiro bajirã ñari, gãmerã ñamaicõari, quẽnaro yirũgũroti ñaja mũare. “Yũ rëtoro ñamasurã ñaama”, gãjerãre yirũcubõorũgũroti ñaja. Gãjerã mũare rojose ñna yiboajaquẽne, ñnare jũnisinibetiroti ñaja mũare. ¹³ ñnare jũnisinibeticõari, rojose mũare ñna yisere masiriorũarãja mua. Mani mũm rojose mua yisere ñ masirioriarore bajirone rojose mũare yirãre masirioya mua quẽne. ¹⁴ Ti jediro yiroti ti ñaboajaquẽne, rëtoro ñamasuse ñaja gãmerã ñamaire. Mua gãmerã ñamajama, Dios ñ bojarore bajiro yirã, quẽnaro ñarũgũrũarãja mua. ¹⁵ Cristo sũorine quẽnaro ñarã ñari, mua yirotire tuoĩacõari, “To bajiro yũ yijama, ñna rãca quẽnaro ñacõarũcũja” yimasicõari rĩne, yirũarãja mua. Quẽnaro mua ñarũgũsere Dios ñ bojarare, to bajiro yirũgũrũarãja mua. ñ sũorine quẽnaro ñarã ñari, “Quẽnaro yaja mũ”, Diore yirũgũrũarãja mua.

¹⁶ Cristo ocare masirã ñari, quẽnaro tuoĩacõari, tire gãmerã gotimasiorũgũrũarãja mua, “Ti ocare butõbõsa masirãsa mani” yirã. To yicõari, Dios ocare masa ñna ucamasire basare, Diore tuoĩarã basare quẽne, basaya mua. To bajiro mua yijama, mũare quẽnaro Dios ñ yisere tuoĩacõari, butõ variquẽnase rãca basarũgũrũarãja. ¹⁷ To yicõari, tocãrãcãjine mua gotijama, mua moajaquẽne, mani mũm Jesũre ajitirũnrã ñari, ñ bojarore bajiro rĩne yirũgũrũarãja mua. To yicõari, “Quẽnaro yaja mũ”, mani jacũ Diore yivariquẽnarũgũrũarãja mua.

Cristore ajitirūnarā mani bajise queti

¹⁸ Rōmiare, manajua cūtirāre, mūare gotigu yaja yu. Cristore ajitirūnarā űari, mūa manajūare quēnaro ajirūcūbuorūgūña. ¹⁹ Ūmanajūare, mūare quēne gotigu yaja yu. Mūa manajoare quēnaro maiña. To yicōari, quēnaro ĩnare gotiya.

²⁰ Rīamasajūare, ado bajise mūare quēne gotiaja yu: Tocārācajine mūa jacua ĩna rotirore bajirone cūdirūgūruarāja mūa. To bajiro mūa yisere ĩacōari, variquēnarucūmi mani űju. ²¹ ĩna jacūajūare, mūare quēne gotigu yaja yu. Mūa rīare tud'ibesa, "Ajisūtiriticōari, quēnasere yitūjaroma" yirā.

²² Moabosarimasare, mūare quēne gotigu yaja yu. Cojosi ruyabeto variquēnase rāca mūare moare rotirāre quēnaro cūdiya mūa. "Manire moare rotirā ĩna ĩaro rīne quēnaro moaruarāja, 'Manire ĩavariquēnato' yirā", yitūoĭabetiruarāja mūa. ĩna ĩaro, ĩna ĩabeto quēne, quēnaro ĩnare moabosarūgūruarāja mūa, "ĩnare quēnaro mani moabosabetijama, rētoro masigū, mani űju, Cristo, manire ĩavariquēnabecūmi" yitūoĭa gūirā űari. ²³ Mūa yimasiro cōro Cristore mūa moabosarore bajirone mūare rotirāre quēnaro ĩnare moabosaruarāja mūa. ²⁴ Cristo sīgūne űaami mani űju űamasugū. To bajiri, űajediro ĩ bojarore bajiro yirūgūroti űaja manire. To bajiro tūoĭacōari, mani moajama, ĩre moabosarā yirāja mani. Tire masiritibesa. Mani űju űari, ĩ gotiriarore bajirone quēnaro manire vaja yirucūmi. Ti űaja ĩ űaroju ejacōari, gājerā ĩre ajitirūnarā rāca quēnamasuse manire ĩ ĩsiroti. ²⁵ To bajiboarine rojose mūa yirūgūjama, rojose mūare yirucūmi Dios. To bajiri, "Ānoama rojose yirā ĩna űaboajaquēne, quēnaro ĩnare yirucūja yu", yigu me űaami.

4

¹ Moarimasa űjarāre, mūare quēne gotigu yaja yu. Mūare moabosarimasare quēnaro ĩnare yiya. Sīgūne űaami mani űju űamasugū, mūare moabosarimasare, to yicōari mūare quēne rotigu. ĩne űaami mūa yise jedirore sēniĭarocu.

² Mūa jedirore gotigu yaja yu. Tocārācarūmūne Diore sēnirūgūroti űaja. To yicōari, ĩ yirēmosere masicōari, "Quēnaro yaja mū", yirūgūroti űaja. ³ Yūare quēne ado bajiro sēnibosarūgūña mūa: " 'Cristo oca masa ĩna masibeticatire Pablo mesa gājerāre gotimasiocudiatu' yigu, ĩnare ejarēmoña mū", ĩre yisēnirūgūña mūa. Tire gotimasiogū űari, tubibe ecoaja yu. ⁴ Quēnaro riojo yu gotimasiorotire yirā, Diore sēnirūgūña mūa. To bajirone yicōa űaroti űaja yūre.

⁵ Cristore ajitirūnūmena rāca mūa űajama, quēnaro űaña mūa. To bajiñarā, cojorūmū gotimenane, űabesa. Tocārācarūmū Cristo ocare ĩnare gotimasiocōa űaña. ⁶ ĩnare

mua gotijama, quēnaro tuoīacōari, gotiya. To bajiro yicōari, mware ĩna sēniĳajama, quēnaro cūdimasiruarāja mua.

Pablo ĩ gotitusare queti

⁷ Adoju yu rācagu, mani maigū, T'iquico vāme cutigu űaami. Mua tujū ĩre cōagū yaja yu. Tojre ejacōari, yu bajise queti mware gotirucami. Yure quēnaro ejarēmōrūgūgū, to yicōari, mani uju ĩbojasere yigu űaami. ⁸ To bajiro yigu ĩ űajare, mua tujū ĩre varotibu yu. Toju ejacōari, yua bajise quetire gotirucami. Tire ajivariquēnaruarāja mua. ⁹ ĩ rāca, mani maigū, Onésimo vāme cutigu mua ya macagure quēne, varotibu yu. Quēnaro yuare ejarēmōrūgūmi ĩ quēne. ĩ rāca űacōari, yua bajirūgūse jedirore gotiruarāma.

¹⁰ Adoju tubiberiaviju yu rāca űagū Aristarco vāme cutigu, mware quēnarotiami. Bernabé tēñu, Marcos vāme cutigu quēne mware quēnarotiami. “Mua tujū ĩ ejacoajama, ĩre quēnaro yiba”, mware yuicacōacaju yu, jēre. ¹¹ Jesús Justo vāme cutigu quēne mware quēnarotiami. Jud'io masa vatoajure adocārācune űaama, yu yarā, “Rotimōrūgōrucami” yigu, Dios ĩ cōar'i, Cristo ocare yu rāca gotimasiodudirā. Yure buto ejarēmōrūgūama. ¹² Mua ya macagu, Cristo ĩbojasere yigu, Epafras vāme cutigu quēne, mware quēnarotiami. Diore ajitirūnū tujabeticōari, Dios ĩbojarore bajiro rīne mua yiroture yigu, cojoji me Diore mware sēnibosarūgūami. ¹³ Mware, mua tuanare quēne, Laodicea macanare, Hierápolis macanare quēne buto tuoĳamaigū űari, to bajiro mware sēnibosarūgūami. To bajiro ĩ yirūgūse ĳagū űari, mware gotiaja yu. ¹⁴ Uco yirimasu, Lucas vāme cutigu, yua maigū quēne, mware quēnarotiami. Demas vāme cutigu quēne, to bajirone yami.

¹⁵ Cristore ajitirūnarā, Laodicea macana, “Quēnato ĩna”, yaja yu. Ninfa vāme cutigore quēne “Quēnato”, yaja. Cristore ajitirūncōari, so ya viju rējarūgūrāre quēne, “Quēnato”, yaja yu. ¹⁶ Adi papera rāca mware yu gotisere mua ĳajeoro bero, Laodicea macana Cristore ajitirūnarāre ĳsirā vaja mua, “ĳna quēne ĳato” yirā. To yicōari, ĳnare yu papera cōacatiuare juacōari, ĳama mua quēne. ¹⁷ Arquipo vāme cutigure ado bajiro ĩre gotiya: “Mani uju Jesucristo mure ĩ rotirere quēnaro yijeoroti űaja”, ĩre yigotiya.

¹⁸ Yu Pablo, yu masune, “Quēnato”, mware yuicacōaja yu. Adoju yu tubibe ecosere masiritibeticōari, Diore yure sēnibosarūgūña mua. Yu quēne, Diore sēnigū, ado bajiro mware sēnibosaja yu: “Quēnase ĳnare cōarūgūña mu”, ĩre yisēniaja yu.

To cōro űaja.

Primera carta de San Pablo a los TESALONICENSES

Tesalónica macanare Cristore ajitirũnarẽre ĩ babarã rãca Pablo ĩ ucacõare queti

¹ ĩÑati Jesús ocare ajitirũnarã, Tesalónica macana? Yũ Pablo, yũ babarã Silvano^a, Timoteo rãca adi quetire mũare ucacõaja, Dios mani jacũ, to yicõari, mani ỹjũ Jesucristo yarãre. Diore mũare sãnibosaja yũa, “ ĩnare ĩamaicõari, ejarẽmoña mũ’, quẽnaro ĩna ñarotire yĩgu”.

“Mũa bajisere tũoĩacõari, ‘Quẽnaro yaja mũ’ Diore ĩre yivariquẽnaja yũa”, Pablo ĩyire queti

² Tocãrãcaine Dios mani jacure ĩre sãnirã, mũa jediro mũa bajisere tũoĩacõari, “Quẽnaro yaja mũ”, ĩre yisãnirũgũaja yũa. ³ Ado bajiro bajirã mũa ñajare, to bajiro yirũgũaja yũa: “Yũare ejarẽmorũcumĩ” Diore ĩre yitũoĩarã ñari, quẽnaro yĩñaja mũa. Gãmerã mairã ñari, gãjerãre quẽnaro ejarẽmorũgũaja. “Mani ỹjũ Jesucristo ĩ tudiejaro bero, ĩ rãca rijamenane ñarũgũuarãja”, yitũoĩa tũjabeaja mũa. To bajiro tũoĩarã ñari, rojose tãmũorũgũrã ñaboarine, “Yũare ejarẽmorũcumĩ”, ĩre yitũoĩa tũjabeaja mũa. To bajiri, to bajiro mũa bajise Dios sũori ti bajijare, “Quẽnaro yaja mũ”, Diore ĩre yivariquẽnaja yũa. ⁴ To bajiro Diore yaja yũa, mani ỹjũ yarã ado bajise mũa bajisere masirã ñari: Dios ĩ ĩamairã, ĩ beseriarã ñañũja mũa. ⁵ “To bajiro mũare yiyumi Dios”, yimasajaja, ado bajiro bajicati ti ñajare: “Jesús ĩ rijabosare sũori manire ĩavariquẽnaami Dios” yire quetire yũa gotimasiojama, yũa masune tũoĩarujeocõari, gotirã me mũare gotimasiorũgũcayũ. Dios ĩ rotise rãca mũare gotimasioçayũ yũa. Dios ĩ cõagũ Esp’iritu Santo sũorine tũoĩacõari, “Socase me ñaja”, yimasicayũ mũa. Mũa rãca yũa bajiñacatire masicõari, “Quẽnaro mani ñarotire yirã mani tũjũ ejayuma”, yũare yimasirãja mũa.

⁶ To bajiri mũa quẽne, yũa yicatire bajirone quẽnaro yirũgũcayũ mũa. To yicõari, mani ỹjũ Jesús ĩ yiriarore bajirone yirũgũcayũ mũa. To bajiri bajicatoro bajirone rojose tãmũoboarine, “Variquẽnato” yĩgu, Esp’iritu Santo mũare ĩ ejarẽmocati ñajare, bũto ajivariquẽnacayũ mũa. ⁷ To bajiro mũa bajiñacatire ajicõari, mũa ye sitana Macedonia ñarã, adoana Acaya sitana quẽne, “ĩna bajiñariarore bajiro yiroti ñaja manire”, yama ĩna, Cristore quẽnaro ajitirũnũnarã jediro. ⁸ To

^a 1:1 yũ babarã Silvano, Timoteo rãca a 1.1 Silas ti yijama, griego oca rãca yiyuju. Silvano ti yijama, latĩn oca ñañũju. Hch 15.22; 18.5 macañũ.

bajiri m̄ua gotimasiose s̄orine mani ʘja Jesús ocare ajiyuma Macedonia sitana, Acaya sitana. Īna rĩ mere, gajeroana j̄ajar̄are gotimasioñuja m̄ua. Quēnaro m̄ua yirere ajicōari, “Cristore quēnaro ajitir̄n̄r̄ã ñaama Tesalónica macana”, m̄uare yama. To bajiro m̄ua bajisere j̄ere ĩna masicōajare, gajeroju yua vacudijama, m̄ua bajisere gotibetir̄gũaja yua. ⁹ Īnaja roque yuare quēnaro m̄ua yicatire gotir̄gũama. “Ado bajirã ñarãma” m̄ua masune yiquēnorujeocōari, m̄ua r̄c̄s̄b̄ooboarere yit̄jacōari, Dios catim̄or̄ḡōroc̄uj̄uare m̄ua ajitir̄n̄s̄uocaticire gotir̄gũama. ¹⁰ Gajeye ado bajiro m̄ua gotisere yuare gotir̄gũama: “Dios mac̄u Jesús, ĩ bajirocaro bero, Dios ĩ cator̄'i, õ vecaju ñaḡumi. Ī ñaami rojose mani yise vaja rojose t̄am̄uot̄ujabetir̄iaroju manire Dios ĩ reacōaborotire manire yir̄ētobosaroc̄u. To bajiro yiroc̄u ĩ tudiejarotire yurã yaja” m̄ua yiñasere quēne yuare yigotir̄gũama ĩna.

2

Tesalónica macana r̄ca Pablo ĩ bajir̄narere ĩ gotire queti

¹ Yua mairã, m̄ua tu yua bajir̄n̄acaticire t̄oĩacōari, “Buto quēnacaju”, yimasijaja m̄ua. ² M̄ua t̄uju yua ejaroto r̄joro, Filipos ĩna yirimacaju ñacaju yua. Toju yua ñaro rojose yuare yicama. M̄ua ya macana quēne yuare gotirotibetiboacama. J̄ere tire masijaja m̄ua. Yuare ĩna gotirotibetiboajaquēne, Dios ĩ ejar̄ēnose r̄ca m̄uare goticōacaju, Dios oca Jesús s̄ori quēnaro ĩ yise quetire. ³ Socasere ajir̄c̄s̄b̄or̄ã me ñari, tire m̄uare goticaju yua. Rojose yir̄uarã me, m̄uare goticaju. M̄uare yitor̄n̄abeticaju. ⁴ “¿Yu bojarore bajiro yirã ñati?” yigu, yuare rot̄iĩacōari, variquēnañumi Dios. To bajicōari, “Yu mac̄u s̄ori quēnaro yu yise quetire gotir̄narãja m̄ua”, yuare yirotiyumi. To bajiri ĩ gotirotirore bajirone gotir̄gũaja yua. “Masa ajivariquēnato” yirã me, gotir̄gũaja. “Dios ajivariquēnato” yirãja, gotir̄gũaja. ⁵ “Oca quēnase r̄ca yuare yitorã me yama”, yuare yimasicaju m̄ua. “Gãjoa manire ĩsiato” yirã me, m̄uare goticaju yua. Tire masijaja m̄ua. Dios quēne, tire masiami. ⁶ “Ñamasurã ñaama’ yuare yato” yirã me, m̄uare goticaju yua. Noajuane, “Manire r̄c̄s̄b̄oato” yirã yua goticana manicama. ⁷ M̄uare rotibeticaju yua. Cristo ĩ cōarã ñari, yua rotijaquēne, quēnacōaboariaroja. To bajiboarine, s̄igō r̄mio so r̄iacare so ĩatir̄n̄urore bajiro m̄uare ĩatir̄n̄ur̄gũacaju yua. ⁸ To bajiro m̄uare ĩamairã ñari, “Cristo ye quetire ĩnare gotimasior̄narãja”, yit̄oĩa variquēnar̄gũacaju yua. Ti rĩ mere yivariquēnar̄gũacaju yua. “Manire ĩaterã manire ĩna s̄iaroti ti ñaboajaquēne, ĩnare gotimasior̄narãja”, yivariquēnar̄gũacaju yua, m̄uare ĩamairã ñari. ⁹ Yua mairã, m̄ua tu ñarã, buto josari yua moar̄gũaticire masiritimenaja m̄ua. ʘm̄ua, ñami quēne

moarũgũcaju yua. Toju mua tuju yua ñase vaja, yua base vaja quẽne yuare mua vaja yibosajama, josaboriaroja ti, muare. Tire masirã ñari, “Vaja yibeticõato ñna” yirã, Dios oca gotirã ñaboarine, gajeye moare yua masune moacõari, bare vaja yibarũgũcaju yua.

¹⁰ Mua tuju ñarã Dios i bojarore bajiro quẽnaro yirũgũcaju yua. Tojure quẽnaro riojo yirũgũcaju yua. To bajiri socame-nane, “Rojose yicama” yirã manama mua tu ñarã. To bajiro yua bajicatire ñacana ñari, “Ñna yicatore bajiro yirũgũcama ñna”, yuare yiñagõbosa masiaja mua quẽne. Dios quẽne tire yuare yiñagõbosa masigãmi i. ¹¹ “Rĩa cutigu i rĩare maigũ, tocãrãcare quẽnaro i yirore bajiro manire yirũgũcama ñna”, yuare yimasiaja mua. ¹² Rojose mua tãmuojama, mua tãmuobetijaquẽne, quẽnaro muare gotimasiorũgũcaju yua, “‘Manire ejarẽmorucumi’ Cristore ñre yitũoĩa tujabeticõato” yirã. “Dios i bojarore bajiro mua yisere bũto bojaja yua”, muare yirũgũcaju yua. Dios ñaami rẽtoro ñamasugũ, quẽnaro rotigu, “Yũ tuju ñaruarãja” muare yigu.

¹³ Gajeye ado bajiro mua bajicatire tũoĩacõari, “Quẽnaro yaja mu”, Diore ñre yisẽnirũgũaja yua. Dios oca muare yua gotimasioicatire ajicõari, “Ñna masune tũoĩacõari, gotirã me yama” yimasicõari, yuare ajitirũnũsũocaju mua. To bajiri socase me ñaja Dios ye yua gotimasiorũgũse. To bajiri, tire quẽnaro ajitirũnũjama, Dios i bojasere yirã ñaruarãma. ¹⁴ Yua mairã, ti ocare ajitirũnũã mua ñajare, rojose muare yiyuma mua yarã. Mua yiecorore bajirone yiyuma jud'io masa quẽne, ñna yarã Jesucristo ocare ajitirũnũrãre. ¹⁵ Ñna yarãne ñaama Cristore sãriarã. Rĩjoroju Diore gotirẽtobosariarãre quẽne ñnane sãriarã ñaama ñna. Yuare quẽne tud'irã, varoticana ñaama. To bajiro yirã ñari, Dios i ñavariquẽnamena ñaama. Jediro masare ñaterã ñaama. ¹⁶ Jud'io masa me rojose tãmuotujabetiriaroju ñna varotire bojamena ñari, Dios ocare gotimasiorũaboacaju yua. Yuare gotimasio rotibetirũgũama. Rẽmojne, rojose rĩne ñna yicõasũoadire ñajare, to bajirone bajiaja adirodore quẽne. Rojose ñna yitujabetijare, rojose ñnare yicõagũagu yami Dios yuja.

Tesalónica macajure Pablo i tudivarua tũoĩare queti

¹⁷ Yoaro mene quẽna mua tuju yua tudivarotire gotirũaja yu. Yua mairã, muare yua vadiveocato bero, muare ñabetiboarine, tocãrãcarũmure muare tũoĩacõa ñarũgũaja. To bajiri, muare bũto tũoĩarã ñari, muare ñarã varuarũgũboacaju yua. ¹⁸ Yũ masu quẽne cojaji me muare ñagũ varuarũgũboacaju yu. Tocãrãcajine mua tuju ñarã yua varuacõarore, “Ejabeticõato” yigu, rojose yuare yirũgũnumi vãtia uju Satanás. ¹⁹ Mani uju Jesucristo

ĩ tudivado yua ĩrona mua ñajare, muare ĩarã varuacaju yua. “Mu oca ĩnare yua goticati ñajare, mure ajitirũncama ĩna”, Cristore ĩre yĩovariquẽnaruarãja yua. To bajiro yua yiroti ti ñajare, Jesũs ĩ tudivadirotire buto tuoĩavariquẽnaja yua. Gãjerãre yua tuoĩaro rẽtoro muare tuoĩavariquẽnaja. ²⁰ Socarã me yaja yua. Cristore mua ajitirũnsere buto tuoĩavariquẽnaja yua. Tire ĩre gotivariquẽnaruarãja.

3

¹⁻² To bajiri, ĩarã vabeticõari, mua bajisere ajiruarã ñari, yua maigũre, Dios ĩ bojase yigũre Timoteore toju ĩre cõacaju yua. Yua rãcagu, Jesucristo ocare masare gotimasiodudigu ñaami ĩ quẽne. To bajiri, “Quẽnaro ĩnare gotiba mu, ‘Manire ejarẽmorũcũmi’ Jesucristore ‘ĩre yitũoĩa tujabeticõato ĩna’ yigu”, ĩre yicõacaju yua. Yũjuama, Silvano rãca tujacaju yu, Atenas vãme cuti macarema. ³ Rojose tãmuorã ñaboarine, “Tire sutiritibeticõato” yirã, ĩre cõacaju yua. Masiaja mua: Cristore ajitirũnrã ñari, rojose tãmuoroti ñaja. ⁴ Mua rãca ñarãju, cojosi me ado bajise muare goticaju yua: “Cristore ajitirũnrã mua ñajare, rojose muare yiguarãma gãjerã”, muare yicaju yua. Muare yua goticatore bajirone bajiyuja ti. ⁵ To bajiro ti bajijare, ado bajise muare yitũoĩarejaicaju yu: “¿Cristore ajitirũncõa ñaboati ĩna? Vãtia uju Satanás, ‘¿Cristore ajitirũnũbesa’ yirotibetiboati ĩ? To bajiro ĩ yisere ĩna ajijama, yua gotimasioboacatiũnare ajitirũnũ tujaruarãma”, yitũoĩarejaicaju yu. To bajiri, tire masiru, mua tũju Timoteore ĩre cõacaju yu.

⁶ Mua tũju ejar'i, adoju tudiejami quẽna. Adoju ejacõari, mua bajise quetire oca quẽnasere gotitudiejami. “Cristore ĩre ajitirũncõa ñaama ĩna. To yicõari, quẽnaro gãmerã ĩamaicõa ñaama”, yimi. “ ‘Muare quẽnaro tuoĩaja yua’ yima ĩna”, yuare yimi. “ ‘ĩnare mani ĩaruaro cõro manire ĩaruama ĩnaju quẽne”, yuare yimi Timoteo. ⁷ To bajiro ĩ yijare, Cristore ĩre mua ajitirũncõa ñasere ajicõari, buto variquẽnaja yua. Gãjerã suori buto rojose tãmuorã ñaboarine, tire ajivariquẽnaja yua. ⁸ To bajiri, Cristore ĩre mua ajitirũncõa ñasere ajicõari, buto variquẽnamu yua. ⁹ Mua bajisere tuoĩavariquẽnacõari, “Quẽnaro yaja mu”, Diore ĩre yisẽni tujabetiruarãja yua. ¹⁰ Ŝmua, ñami quẽne, ado bajiro ĩre sẽnirũgũaja yua: “ ‘ĩna tũju ejato’ yigu, yuare yirẽmoña mu”, ĩre yirũgũaja yua. “ ‘Butobusa Cristore ajitirũnũato’ yirã, ĩna masibetire ĩnare yua gotimasiorotire yigu, yuare yirẽmoña mu”, ĩre yirũgũaja yua.

¹¹ To bajiri ado bajiro mani jacu Diore to yicõari, mani uju Jesucristore yisẽniaja yua: “ ‘ĩna tũju ĩarã vajaro’ yirã, yuare ejarẽmoña”, ĩnare yaja yua. ¹² To yicõari, ado bajise muare sẽnibosaja yua: “ ‘Butobusa gãmerã ĩamaiato ĩna’ yirã

ĩnare ejarẽmoña”, ĩnare yaja yua. “Gãjerãre quẽne ĩamaiato ĩna’ yirã, ĩnare ejarẽmoña”, yaja yua. “ ĩnare yua maiore bajiro maiato ĩna’ yirã ĩnare ejarẽmoña”, ĩnare yaja yua, mũare sẽnibosarã. ¹³ To bajiro mũa maijama, rojose mũa tũoĩasere “Yitũjacõari, quẽnase rĩne tũoĩato” yigũ, mũare ejarẽmorũcũmi Dios. To bajiro mũare ĩ yijama, mani Ʃjũ Jesũs ĩ yarã rãca ĩ tudiejarirũmũ, mani jacũ Dios ĩ rĩjorojũa ñie rojose mana ñarũarãja mũa. To bajirone bajiato.^b

4

Dios ĩ ĩavariquẽnase queti

¹ Yua mairã, gajeye mũare gotirũaja yua. “Ado bajiro mũa ñajama, mũare ĩavariquẽnarũcũmi Dios”, mũare yimasiocaju yua. Tire ajicõari, quẽnaro ñañuja mũa. To bajiri, Dios mũare “ĩavariquẽnato” yirã, bũtobũsa ĩ bojasere mũa yisere bojaja yua. Mani Ʃjũ Jesucristo to bajiro yũare ĩ yirotijare, to bajiro mũare yaja yua.

² Mani Ʃjũ Jesũs ĩ roticatore bajirone mũare yua roticatire masiaja mũa jẽre. ³ Ado mũa bajisere bojaami Dios: Dios yarã mũa ñajare, quẽnase rĩne mũa yisere bojaami. Manajo cõtirã, manaju cõtirã, manajo mana, manaju mana quẽne, mũa gãmerã ajeriarã cõtisere bojabeami. ⁴ Manajo cõtiguũ, ĩ manajo rãca rĩrene gãjerãre ajeriarã cõtibeũne, rũcũbũose rãca ñie oca mano ĩ yĩñajama, quẽnaja. ⁵ Diore masimena ñari, ĩna bojarore bajiro ajeriarã cõtirũgũama. ĩnare bajiro yibetirũgũña. ⁶ ĩnare bajiro mũa yijama, bũto rojose mũare yirũcũmi Dios. Jẽre adirene mũare goticaju yua. ⁷ “Rojose yirã ñato” yigũ me, “Yũ yarã ñato”, manire yiyumi Dios. “Quẽnasejũa yato” yigũ, to bajiro yiyumi. ⁸ To bajiro yigũ ĩ ñajare, adi yua gotimasiosere ajimena yua rĩ mere terãma. Diore quẽne terãma ĩna. Rojose mani yisere “Yitũjato” yigũ, Esp’iritu Santore manire cõañumi Dios.

⁹ “Gãmerã ĩamairoti ñaja” mũa yimasirotire jẽre mũare ejarẽmoñumi Dios. To bajiri yũama, “Gãmerã ĩamaiña mũa”, mũare yũcacõabeaja. ¹⁰ Quẽnaro yirã ñaja mũa. Macedonia sitana Cristore ajitirũnarãre ĩamairã ñañuja mũa. To bajiro yirã ñaboarine, bũtobũsa ĩnare mũa ĩamaijama, quẽnarũaroja. Yua mairã, to bajiro mũa yirotire bũto bojaja yua. ¹¹ Ñie oca manone quẽnaro ñarũarãja mũa. Gãjerãre gõjanabiomenane, mũa moasere moacõa ñaña. ¹² To bajiro mũa yijama, mũare ĩacõari, “Quẽnaro yirã ñaama”, mũare yĩarũcũbũogũarãma Cristore ajitirũnũmena. Ñiejũa rũyabetirũaroja, mũare.

Mani Ʃjũ Jesũs ĩ tudivadiroti queti

¹³ Yna mairã, Cristore ajitirũnarã bajireariã ãna bajiro tire mware gotirã yaja yna. Diore masimenama, bajireariã ãna bajisere riojo masibeamã ãna. Bajireariãre tũoĩacõari, bũto sutiritiama. “Quẽna tudicaticoarũarãma”, yitũoĩarã me ãnaama. ãna tũoĩarore bajiro mwa tũoĩasere bojabeaja yna. “Quẽna tudicaticoarũarãma”, yirã ãaja manima. ¹⁴ “Jesũs ã bajirocacoaboajaquẽne, quẽna ãre catioyumi Dios”, yimasijaja mani. Tire masicõari, “Cristore ajitirũnarã bajireariãre quẽne tudicatorũcũmi Dios”, yitũoĩaja mani.

¹⁵ Ado bajiro mware gotijaja yna, mani uju Jesũs ã bueriarãre ã gotimasiorere: Adigodo caticõa ãnarãjũama, ãre ajitirũncõari, bajireariã rĩjoro juaecobetirũarãja mani. ¹⁶ Ado bajiro bajirũaroja ti, Jesũs adi macarũcũroju ã tudivadirotirũmũ: Dios ã rotijare, ángel mesa uju ã ãagõse ocaruyurũaroja. To bajicõari, Dios ya jutiria ti bũsise ocaruyurũaroja. To cõrone, õ vecaju mani uju ã masune rujiadirũcũmi. To bajiro ã bajirone, ãre ajitirũnarã bajireariã, quẽna tudicaticoarũarãma. ¹⁷ ãna tudicatirone, ãna rãca adigodo catiãarã Cristore ajitirũnarãre juarẽorotirũcũmi Dios. To yicõari, oco bueri vatoaju ãnare juamũjarotirũcũmi, “ãna ujure Cristore bocato” yigũ. Toju ã rãca ãnacõa ãnarũgũũarãja mani. ¹⁸ To bajiri adi yna gotisere ajiri, gãmerã ãagõvariquẽnaãna mwa.

5

¹ “Tirũmũ, tirodo ãaro masu vadirũcũmi mani uju”, yimasijãna maja. Jẽre tire masijaja mwa. ² “To cõro vadirũcũmi” masa ãna yimasibetiju vadirũcũmi. Juarudirimasũ ã ejarotire quẽne, “To cõro juarudigu ejaũagũ yigũmi”, yimasibeaja mani. To bajirone bajirũcũmi Cristo quẽne. “To cõro ãaro ejarũcũmi”, yimasibetirũarãja mani. ³ Ado bajisejũna yimasijaja mani: Diore masimena, “Ñie oca mano quẽnaro ãaja mani” ãna yiboaro, ãaro tũsarone gãiose ejarũaroja. Rõmio quẽnaro gãda so ãaro gãjane, ãaro tũsarone jũnise sore ejaroja, so macũ cutirijaujũre. Tire bajirone bajirũaroja Jesũs ã ejaroti quẽne. Masiãamanone ti bajijare, rudimasimena ãari, bũto rojose tãmũoũarãma ãna masa Diore masimena. ⁴ Mũajũama, rẽtiaroju ãarãre bajiro bajirã me ãaja mwa. To bajiri mani uju ã tudivadisere ãacabetirũarãja mwa. Juarudirimasũ ã ejasere ãacõari, masa ãna ucarore bajiro uacabetirũarãja. ⁵ Dios ã bojase yirã ãari, busuroju ãarãre bajiro bajirã ãaja mwa. Dios ã bojabeti yirũgũũarãma, rẽtiaroju ãarãre bajiro bajirã ãnaama. ⁶ To bajiri Jesucristo ã vadirotire tũoĩamenare bajiro bajirã me ãaja mani. Tire quẽnaro tũoĩayurã, rojosere yirũarã ãaboarine, tire yimena ãaja mani. ⁷ Ñamire cãniama masa. Gãjerãma,

ñamire idimecūrūgūama. ⁸ Manima, ñnare bajiro bajirā me ñari, busurojū ñarāre bajiro bajiaja. To bajiri, tocārācaine quēnase rīne yīñarūgūroti ñaja, mani ɱjū ī tudivadirotire t̄oīayurā. “Manire ejarēmōrūcūmi” mani ɱjūre mani yit̄oīase, mani gāmerā maise s̄orine vāti manire rojose ī yirotiboasere c̄adibetir̄arāja mani. To yicōari, Jesucristo ī vadirotire t̄oīayu t̄ajabetir̄arāja mani, “Rojose tām̄ot̄ajabetir̄arojū mani vaborere manire yirētobosarūcūmi” yirā. ⁹ “Rojose ñna yise vaja rojose tām̄oato” yigū me, “Yū yarā ñaña m̄ua”, manire yiyumi Dios. Mani ɱjū Jesucristo manire ī rijabosare s̄ori rojose tām̄ot̄ajabetir̄arojū mani vaborere manire yirētobosarū, “Yū yarā ñaña m̄ua”, manire yiyumi. ¹⁰ Manire rijabosayumi Jesús, “Yūre ajitir̄unrā, yū rāca ñacōa ñarūgūato” yigū. To bajiri tudiejagū, mani caticōa ñajama, mani rijacoajaquēne manire juam̄jarūcūmi, “Yū rāca ñacōa ñarūgūato” yigū. ¹¹ To bajiro ti bajijare, tire gāmerā gotiya m̄ua, “Ajivariquēnacōari, b̄utobusa mani ɱjūre ñre ajitir̄un̄ato” yirā. Jēre m̄ua yīñasere masiaja yua. To bajirone yicōa ñarūgūña.

Pablo ī gotiquēnorotire queti

¹² Yua mairā ado bajiro m̄ua yijama, quēnar̄aroja: M̄uare ūmato ñarāre Dios ī cūriarāre quēnaro r̄ucub̄oaya. ¹³ Quēnaro m̄uare ejarēmōrūgūama ñna. To bajiri, “Ñamasurā ñaama”, ñnare yir̄ucub̄oaya. To yicōari, quēnaro ñnare yiya, “ ‘Manire maiama ñna’ manire yimasiato ñna” yirā. To yicōari, ñie oca manone quēnaro ñaña m̄ua.

¹⁴ To yicōari, m̄ua t̄uana moamenare tud'ib̄usari ñnare gotiya, “Moato ñna” yirā. Gājerā, s̄utiritirāre “Variquēnato” yirā quēnaro ñnare gotiya. Gājerā, Cristore quēnaro ajitir̄un̄menare, quēnaro ñnare ejarēmōña. Cristore ajitir̄unrā ñnadediro rojose yimenane, quēnaro gāmerā gotirūgūña.

¹⁵ Gāji rojose m̄uare ī yijama, ñre gāmebeticōaña.

Tocārācaine quēnaro gāmerā yiba m̄ua. Masa jedirore to bajiro rīne yiba.

¹⁶ Tocārācarūm̄une variquēnacōa ñarūgūña m̄ua. ¹⁷ Tocārācarūm̄une Diore sēniña. ¹⁸ Tocārācaine, “Quēnaro yaja m̄u”, Diore yirūgūña. Rojose tām̄oobarine, to bajiro rīne yirūgūña m̄ua. Jesucristore ajitir̄unrā to bajiro ñna yisere Dios ī bojajare, to bajiro yirūgūña m̄ua.

¹⁹ Rojose yibetirūgūña, “Rojose mani yisere ñacōari b̄uto s̄utiritiromi Esp'iritu Santo” yirā. ²⁰ Diore gotirētobosarā ñna gotisere ajitebesa. ²¹ Tire quēnaro ajicōiña. ñna masune t̄oīarujeocōari, gotimasiorāma cojojirema. “Dios ye ñaja” m̄ua yimasijama, tire quēnaro ajitir̄un̄ña. ²² Tocārāca vāmere rojosere yit̄ujacōari, tudiyibeticōaña.

²³ Ado bajise Diore m̄are s̄enibosaja ȳa: “Īnare ejar̄emoña, ‘Qūnaro ñato’ yiḡ. ‘Toc̄ar̄acajine ȳ bojasere t̄oĩac̄õari, yir̄ã ñato’ yiḡ, ĩnare ejar̄emoña m̄”, m̄are yis̄enibosaja ȳa. Mani ɛ̄j̄ Jesucristo ĩ tudiejarir̄m̄, “Rojose mana m̄a ñarotire yir̄ã”, Diore m̄are s̄enibosaja ȳa. ²⁴ “Ī yar̄ã ñato” yiḡ, manire beseyumi Dios. To bajiri toc̄ar̄acar̄m̄ne mani r̄aca ñar̄ũḡami. To bajiri, ĩ bojarore bajiro mani yirotere manire ejar̄emor̄c̄mi.

Tesalónica macanare Pablo ĩ qūnarotic̄are queti

²⁵ Diore ȳare s̄enibosar̄ũḡña ȳa mair̄ã.

²⁶ M̄a t̄ana Cristore ajitir̄n̄r̄ã jediro m̄a r̄aca ĩna r̄ẽjaro, ȳare qūnarotibosaya m̄a, “Īnare ȳa maisere masiato” yir̄ã.

²⁷ Adi queti m̄are ȳ ucac̄õasere toana Cristore ajitir̄n̄r̄ã jedirore ĩnare ĩagotiya m̄a, mani ɛ̄j̄ to bajiro m̄a yisere ĩ bojajare.

²⁸ Mani ɛ̄j̄ Jesucristo qūnaro m̄are yato ĩ.

To c̄õro ñaja.

Segunda carta de San Pablo a los TESALONICENSES

Tesalónica macana Cristore ajitirũnrãre ï babarã rãca Pablo ï ucacõare queti

¹ ¿Ñati Jesús ocare ajitirũnrã, Tesalónica macana? Yũ Pablo, yũ babarã Silvano, Timoteo rãca adi quetire mũare ucacõaja, Dios mani jacũ, to yicõari, mani ẽju Jesucristo yarãre. ² Ado bajise mũare sãnibosaja yũ: “Ïnare ïamaicõari, ejarẽmoña mũ, quẽnaro ïna ñarotire yirã”, mũare yisãnibosaja yũ.

Cristo ï tudiejarirũmũ rojose yiriarãre Dios ï beseroti queti

³ Yũare ajiya yũ mairã. Tocãrãcaine mũa bajisere yũ tũoĩajama, “Quẽnaro yaja mũ”, Diore ïre yirũgũaja yũ. Bũtobusa Jesucristore ajitirũnrũtuana yaja mũa. To yicõari, bũtobusa gãmerã ïamairũtuana yaja mũa. Dios mũare ï ejarẽmojare, to bajiro bajiaja mũa. To bajiro ï yijare, to bajiro mũa bajisere tũoĩacõari, “Quẽnaro yaja mũ”, ïre yirũgũaja yũ. ⁴ To bajiro bajirã mũa ñajare, tocãrãca macaju gãjerã Jesús ocare ajitirũnrãre mũa bajisere gotirã, “Quẽnamasucõaama Tesalónica macana”, ïnare yivariquẽnarũgũaja yũ. Ado bajiro ïnare yirũgũaja yũ: “Tesalónica cũtoana Cristore ajitirũnrã ïna ñajare, rojose ïnare yicoderũgũama gãjerã. To bajiro ïna yiboajaquẽne, Cristore quẽnaro ajitirũnũcõa ñaama ïna”, ïnare yivariquẽnarũgũaja yũ. ⁵⁻⁶ Rojose tãmũorã ñaboarine, Cristore mũa ajitirũnũcõa ñajare, “Yũ taju mũa vajama, quẽnaja”, mũare yĩami Dios. Rojose mũare yirãjũarema, “Rojose tãmũotujabetiriaroju ïnare yũ reacõajama, quẽnarũaroja”, ïnare yĩami Dios. To bajiro ï yisere tũoĩarã, “To bajirone ïnare yiroti ñaja”, yimasire ñaja. ⁷ Ïna sũori rojose mũa tãmũosere, “To cõrone tũjato”, yirotirũcũmi Dios. Yũare quẽne to bajiro yirũcũmi, mani ẽju Cristo adi macarũcũroju ï tudiejarotirũmũ ñaro. Tirũmũ ñarone õ vecaju vadiveocõari, ï yarã ángel mesa ïaĩañamani yimasirã rãca jea ẽjubusuosere bajise bũto bususe vatoaju rujiadirũcũmi Jesús. ⁸ Tirũmũne Diore masimenare mani ẽju Jesucristo oca quẽnasere ajiterãre ïna ajibeti vaja rojose ïnare yirũcũmi Jesús. ⁹ Rojose tãmũotujabetiriaroju ïnare cõarũcũmi. To bajiri ï tũju quẽna juaji ïnare vadirotibetirũcũmi. To bajiri, “Rẽtoro masigũ ñari, ñamasugũ ñaami” mani yimasigũre mani ẽjũre ïamasibetirũarãma ïna yuja. ¹⁰ To cõrone, ïre ïavariquẽnarũarãma ï yarã ïre ajitirũnrã ñajediro. To yicõari, “Quẽnarẽtogũ ñaami”, ïre yirũcũbũorũarãma. To bajiri mũa

Tesalónica macana quēne, Jesús ocare yua gotimasieocatire ajitirānṛã ñari, ña rāca ñaruarāja mña.

¹¹ To bajiro ñe mña yiotire yirã, cojoi me ado bajiro Diore mñare sēnibosarũgũaja yua: “Yñ yarã ñaña mña”, ñare mñ yigere cãdiriarã ñaama. “Quēnase ña yirñase yimasijeocãto ña’ yigñ, mñ masise rāca quēnaro ñare ejarēmoña”, ñe yaja yua, mñare sēnibosarã. ¹² To bajiri, masa jediro quēnaro mña yisere ñacõari, mani ññ Cristore quēnaro ñe yirũcñbñorñama. To bajiri, Dios, mani ññ Jesús quēne, mñare ñamaicõari quēnaro mñare ña yiroti ñajare, mñare quēne quēnaro rũcñbñorñarãma masa.

2

Jesús ñ tudivadiroto rñjoroaye bajiroti queti

¹ Jesús ñ tudivadirotirãmñe, “Yñ rāca ñato” yigñ, Dios, manire ñ juarēorotire mñare gotiquēnorã yaja. ² “Jēre Jesús ñ tudivadirãmñu ejacoaja”, mñare yiyujarã gãjerã. Tire ajicõari, tũoñarejaibesa yua mairã. “Socase me ñaja. Jēre Jesús ñ ejasere yñre gotirotimi Esp’iritu Santo” ña yiboajaquēne, ñare ajibesa. “Ña gotirore bajiro yire queti ajibñ yua” gãjerã ña yigotirēmoboajaquēne, tire ajibesa. “To bajirone bajiro ucayuma Pablo mesa quēne” gãjerã ña yiboajaquēne, ñare ajibesa. ³ To bajiro mñare yitorã jedirore ajibesa mña. Ado bajiro bajisere ñacõari, “Yoaro mene tudivagñmi Jesús”, yimasiruarāja mña: Jãjarã masa, “Dios ñ rotiboasere cãdibeticãto mani”, yitũoñarã ñaruarãma ña. To ña bajiñarone, Rētoro Rojogñ ruyuarñcñmi, beroñ rojose tãmñotñjabetiriaroññ Dios ñ cõarocñ.^a ⁴ Diore quēne, jediro masa ña rũcñbñosere quēne, ñategñ ñarñcñmi. “Rētoro yñre rũcñbñorñarāja mña”, masare ñare yigñ ñarñcñmi. To bajirocñ ñari, Diore yirũcñbñoriavijñ sãjacõari, rujirñcñmi. To yicõari, “Yñe ñaja Dios”, masare ñare yigotirñcñmi ñ, socñe.

⁵ Ti quetire Jesús quēna ñ tudivadiroto rñjoroayere mñare gotirũgũacññ yñ, mña rāca ñagũññ. To bajiri, “Tire masiritimenama”, mñare yitũoñaja yñ. ⁶ Rētoro Rojogñ adi macarñcñroññ vadirotire jēre masiaja mña: “To cõrone vadirñcñmi” Dios ñ yiriario rñjorojñe, ejabetirñcñmi maji. ⁷ ñ ejabetiboajaquēne, jēre masare rojose ñ yiotirãmñ cõñaro masu bajiaja. ñe cõarocñ, “Vasa mñ” ñ yiroti rñe ruyaja. ⁸ “To cõrone vajaro” Dios ñ yirirãmñ ejarñcñmi rojose yigñ. To bajiro ñ bajiboajaquēne, mani ññ Jesucristo ñ tudivadirãmñe, rētoro masigũ ñari, josari mene ñe rocacõarñcñmi. ⁹ To bajiro ñ yiecoroto rñjoro, adi macarñcñroññ vadicõari, Satanás ñ rotise rāca bñto masigũ ñarñcñmi. To bajigñ ñari, “Masigũ

^a 2:3 1 Jn 2.18, Ap 13.1-2.

ñagūmi' yure yituoōato" yigu, ãañañamanire yĩorucumi. To bajiro ĩ yise socase ñaruroja. ¹⁰ Jediro rojose yirucumi, rojose tãuotujabetiriaroju varonare ĩnare yitogu. Dios ocare ajiterã ñari, to bajicōari, Jesucristo rojose ĩna yise vajare ĩ yirētosarhasere quēne bojamena ñari, rojose tãuotujabetiriaroju varona ñaama. ¹¹ ĩ ocare ajiterã ĩna ñajare, "Rētoro Rojogu socune ĩ yisere ajitirūncōa ñaruarāma", ĩnare yirucumi Dios. ¹² To bajiro yirucumi Dios, "Yu oca riojo ñamasusere ajimena ñari, rojose rĩne yivariquēnarã jediro, rojose tãuotujabetiriaroju vajaro" yigu.

"Yu yarã ñaña mña' Dios ĩ yirere cūdiriarã ñaja mña", yire

¹³ Ajıya yua mairã. Tocārãcaine ado bajiro mña ñasere tuoĩacōari, "Quēnaro yaja mñ", Diore ĩre yivariquēnarūgūaja yua: Mani uju buto mñare maiami. Tesalónica macana va-toana, "Yu yarã rojose tãuotujabetiriaroju vaborona ñaña mña" Dios ĩ yirere cūdiriarã ñaja mña. To bajiro mña bajisere bojayumi, "Rojose ĩna yisere tujacōari, yu bojasejuare yato ĩna" yigu. To bajiro yigu ñari, Esp'iritu Santore mñare cōañumi, "ĩnare ejarēmoato" yigu. Mñare ĩ ejarēmose ñajare, Dios oca riojo gotisere ajicōari, "Socase me ñaja", yimasıaja mña. To bajiro yimasirã ñari, rojose yirūaboarine, tire yimena ñaja mña. ¹⁴ "To bajiro bajirã ñato" yigu, ĩ oca Cristo yere mña tujū yuare gotimasio roticōañumi Dios. Rojose tãuotujabetiriaroju vabeticōari, mani uju Jesucristo rãca mña ñarotire bojagu ñari, to bajiro yiyumi. To bajiro mña bajisere tuoĩacōari, "Quēnaro yaja mñ", Diore ĩre yirūgūaja yua.

¹⁵ To bajiri Jesucristo ocare ajitirūncōa ñarūgūña. Mña tujū vacōari, mñare yua gotimasıocatire masiritibesa. To bajicōari, mñare yua ucacōacatire quēne masiritibesa. ¹⁶ Mani uju Jesucristore, to yicōari mani jacu Diore quēne, mñare sēnıbosaja yua. Manire ĩamaicōari, quēnaro manire yiyumi Dios. ĩ sūori ĩ yere tuoĩavariquēnarūgūaja mani. Jesucristo quēnaro ĩ yise ñajare, "Dios ĩ gotiriarore bajiro quēnaro manire yirucumi", yimasıaja mani.

¹⁷ ĩ yere tuoĩavariquēnacōari, ado bajiro Diore mñare sēnıbosaja yua: "ĩnare ejarēmoña mñ, gãjerã rãca quēnaro ĩna ñarotire yigu", mñare yısēnıbosaja.

3

"Yuare sēnıbosaya", yire queti

¹ Adi mñare yuaucasene gotısarã yaja. Mani uju ocare gãjerã ĩna ajirūcubosere bojaja mani. To bajiro ĩna bajisere bojarã ñari, ado bajise Diore yuare sēnıbosarūgūña: "Guarobusa cojoju ruyabeto, ti ocare mña ajirūcubocatore

bajiro gãjerã quëne ajirũcubuojedicõato” yirã, ìre sënirũgũña mña. ² Rojose yũare yirũarũgũrãre, “Rojose yũare yiroma” yirã, Diore sëniña mña. To yicõari yũa gotimasiosere ajiterã quëne jãjarã ñaama. ³ Mani ɯju ñagũmi “Yirũcũja” ï yirore bajiro yigũ. To bajiro yigũ ï ñajare, “Yũre quënarõ ajitirũncõa ñarũgũato’ yigũ, manire ejarẽmorũcũmi”, yimasiaja mani. “Vãtia ɯju Satanás, rojose mũare yiromi’ yigũ, mũare ejarẽmorũcũmi”, yimasiaja mani, Diore. ⁴ “Jesús mani ɯjũre ajitirũncõari, Tesalónica macana, quënarõ ñna yirotire yigũ, ñnare ejarẽmorũcũmi”, yitũoĩaja yũa. To bajiri, “Yũa roticõasere ñna yirũgũrore bajiro yicõa ñarũgũrũarãma”, mũare yitũoĩaja yũa. ⁵ Ado bajiro mani ɯjũre mũare sënibosaja yũa: “ ‘Quënarõ manire ñamaiami Dios” yimasiritibeticõato ñna’ yigũ, ñnare yirẽmoña mñ. ‘Cristore rojose ñre ñna yiboajaquëne, yũre quënarõ ï ajitirũncatore bajiro ajitirũnũ tũjabeticõato ñna’ yigũ, ñnare yirẽmoña”, mũare yisënibosaja yũa, mani ɯjũre.

Pablo ï moarotire queti

⁶ Ajija yũa mairã. Ado bajise mani ɯju Jesucristo yũare ï gotirotijare, yaja yũa: Cristore ajitirũnũgũ ñaboarine ï moabetijama, ñre baba cutibesa mña. Ì ùgũ, mũare yũa gotimasiosatore bajiro yibeami. ⁷ “Pablo mesa mani rãca ñarã, quënarõ ñna moarũgũcatore bajiro yirũgũroti ñaja”, yimasiaja mña. ⁸ Mña tũ ñarã, vaja yicõari rĩne mña yere bare bacaju yũa. Ɛmũari, ñamiri quëne quënarõ moarũgũcaju yũa, “Mani masune bare vaja ta, barãsa” yirã. ⁹ Mũare gotimasiorã ñari, “Bare yũare ecaya” yũa yijama, quënaboriaja, bajirojũma. To bajiboarine mũare sënibeticaju yũa. Quënarõ moarũgũcaju yũa, “Manire ñacõari, ñnare bajiro mani moajama, quënaja’ yĩato” yirã. ¹⁰ Mña rãca ñarã, cojõji me ado bajiro mũare yiroticaju yũa: “Moarũamena, babeticõato ñna. ñnare ecabesa”, mũare yiroticaju yũa. ¹¹ “Ìna vatoaju sīgũri moarũamena ñaama” yire quetire ajaiaja yũa. Ñna masune moabeticõari, gãjerãre ñna gõjanabiosere ajaiaja yũa. ¹² To bajiro ñna bajise ñajare, mani ɯju Jesucristo ï rotirore bajirone, ñnare yiroticõaja yũa: Gãjerãre gõjanabiomenane, quënarõ moaña mña, ñie cõomena ñari, mña vaja tarotire yirã.

¹³ Ajija yũa mairã. Quënarõ yicõa ñarã ñari tire quejebesa mña. ¹⁴ Sīgũ adi papera yũa ucasere ajitirũnũbecũre ñamasicõari, ñre baba cutibesa, “Bojonecõari, ajitirũnũato ï” yirã. ¹⁵ Rojose ï yiboajaquëne, ñre ñatebesa mña. Ñre tud’imenane, mña bedire bajiro quënarõ ñre gotiya.

“Quënarõ ñarũgũato ñna” yigũ, Pablo, Diore ï sënire queti

¹⁶ Mani ɥju ñagũmi, “Ñie oca manone quẽnaro ñato” yigu. To bajiri, “ ‘Ĩna rãca ñacõari, quẽnaro ñacõa ñarũgũato’ yigu ĩnare ejarẽmoña”, ĩre yaja yna, m̃are s̃enibosarã.

¹⁷ Pablo ñaja yu, yu masune, “Quẽnato” m̃are yiucacõagã. Gãjerãre yu ucacõajaquẽne, to bajiro rĩne yirũgũaja. ¹⁸ Mani ɥju Jesucristo, m̃a jedirore quẽnaro m̃are yirũgũato.

To cõro ñaja.

Primera carta de San Pablo a TIMOTEO

Timoteore, Pablo ĩ ucacõare queti

¹ ¿Ñaboati m̄u, Timoteo? Ȳu ñaja Pablo v̄ame c̄utigu, adi quetire m̄ure ucagu. Dios rojose mani yise vajare manire yir̄etobosar'i, ĩ mac̄u Jesucristo s̄uorine ĩ ocare ĩ goticud-iroticõar'i ñaja ȳu. To bajiri, manij̄uama, mani rijato beroj̄u manire ĩ yir̄etobosarotire yir̄a, t̄uoĩavariquẽnacõa ñaja. ² Ȳu mac̄ure bajiro bajigu ñaja m̄u. Ȳu gotimasiocatire ajitir̄un̄cõari, ȳure bajiro Jesucristore ajitir̄un̄ugũ ñaja m̄u.

M̄ure quẽnarotigu, mani jac̄u Diore, to yicõari, mani ūju Jesucristore quẽne, ado bajise m̄ure s̄enibosaja ȳu: “Īre ĩamaicõari, quẽnaro ĩ ñarotire yir̄a, ĩre ejarẽmoña”, m̄ure yis̄enibosaja ȳu.

“Socase oca gotimasiorem̄asare ajitir̄un̄besa”, Pablo ĩ yire

³ Macedonia v̄ame c̄uti sita vac̄u, “Ado Efeso v̄ame c̄uti maca tujaya m̄u”, m̄ure yicaj̄u ȳu. Ado bajiro yigu, to m̄u tujarotire bojacaj̄u ȳu: Toanare Dios oca riojo gotimasiomenare, ĩnare m̄u gotimasirotibetirotire bojacaj̄u ȳu. ⁴ To yicõari, buc̄urã ye quetire socasere gotimasiorm̄a, “ ‘Ado bajiro yimasiñujarã’ m̄ua yir̄uḡusere yit̄ujacõaña” ĩnare m̄u yirotire yigu, m̄ure tujaroticaaj̄u ȳu. Tire ĩna gotijama, ricati r̄ĩne t̄uoĩarã ñari, “Ado bajiroj̄ua bajiyuja” ĩna gãmerã yir̄uḡuse jedise me ñaja. Ti ocare ĩna gotimasiose s̄uorine Dios ĩ bojarore bajiro yibeama. Dios ĩ bojarore bajiro ĩna gotimasiojama, ĩnare ajicõari, Cristore butobusa ajitir̄un̄borãma masa.^a

⁵ Ti macana jediro ĩna gãmerã ĩamairotire bojac̄u ñari, to bajiro m̄ure gotirotiaja ȳu. Rojose mani yisere yit̄ujacõari, Cristoj̄uare mani ajitir̄un̄ajama, “Rojose maja manire”, yimasirãja mani. To bajiro mani bajijama, gãmerã ĩamairãja mani. ⁶ To bajiro ȳu gotimasioboajaquẽne, ti macana s̄iḡuri Dios oca ñamasusere ajit̄ujacõari, vaja mani gajeyej̄uare t̄uoĩacõari, gãmerã ñagõrãma ĩna. ⁷ Moisés ñamasir'ire Dios ĩ roticũmasirere gotimasiorm̄asa ñar̄uaboama. To bajiboarine, ĩna masune t̄uoĩacõari ĩna gotiboaserene ajimasimenama.

⁸ Masa ĩna c̄uđirotire yigu, Moisére Dios ĩ roticũmasirere masirã ñari, “Quẽnase ñaja ti”, yimasiaja mani. To bajiboarine, Dios ĩ roticũmasirere mani ajimasibetijama, ñie vaja manoja ti. ⁹ ĩ roticũmasirere masicõari, “Diore c̄uđibeaja ȳu. To bajiri rojose ñaja ȳure” masa ĩna yirotire bojac̄u ñari, tire c̄umasiñumi Dios. To bajiri, quẽnaro yir̄are t̄uoĩagũ me, ĩ rotimasirere

^a 1:4 1 Ti 4.7; 6.20; 2 Ti 2.16; Tit 1.13-14.

cūmasiñumi. Rojose yirājuare t̄oĩagũ, tire cūmasiñumi. Īre r̄ac̄ub̄uomenare, Dios yere ajatud'irāre, jac̄uare s̄iarāre, to yic̄ōari, gājerāre s̄iarimasare t̄oĩagũ, ĩ rotimasirere cūmasiñumi. ¹⁰ Ajeriarā c̄utirāre, “Gājoa b̄ujarāsa” yirā, masare ñejec̄ōari, gājerāre ĩsirāre quēne, ĩ rotimasirere cūmasiñumi Dios. Socarāre, to yic̄ōari, Dios oca riojo gotimasiorere ajiterāre quēne ĩ rotimasirere cūmasiñumi Dios, “Īre c̄udibeaja ȳu. To bajiri rojose ñaja ȳure” ĩna yimasirotire yiḡu. ¹¹ Cristo oca quēnase r̄ĩne ñaja ñamasuse. “T̄i ocare gotimasioato” yiḡu, ȳure c̄ōañumi mani ̄uj̄u Dios. Ī s̄īgũne ñaami quēnagũ masu, “Quēnaro yaja m̄u” mani yir̄uc̄ub̄uorũgũroc̄u.

“Ȳure quēnaro yicami Cristo”, Pablo ĩyire queti

¹² Mani ̄uj̄u Jesucristo, quēnaro ȳure ejarēmocami, ĩ ocare ȳu gotimasiodirotire yiḡu. “Ȳu bojarore bajiro gotimasiodic̄ōa ñarũgũr̄uc̄umi” yiḡu, ȳure c̄ōacami. To ĩ yicati ñajare, “Quēnaro yicaj̄u m̄u”, ĩre yivariquēnaja ȳu. ¹³ Tir̄um̄uj̄u Jesús ocare ajite, to yic̄ōari, ajatud'irũgũboacaj̄u ȳu. To yic̄ōari, Cristore ajitir̄un̄urāre buto rojose yirũgũc̄aj̄u. To bajiro yicac̄u ȳu ñaboajaquēne, ȳure ĩamaiñumi mani ̄uj̄u. “Ȳure ajitir̄un̄ubec̄u ñari, ȳure rojose ĩ yisere masibeami Pablo maji” yimasic̄ōari, ȳure quēnaro yicami, ĩ oca ȳu gotimasiodirotire yiḡu. ¹⁴ Quēnaro ȳure ĩ yicati s̄uorine ĩre ajitir̄un̄uj̄a ȳu. To yic̄ōari, ĩre quēne, gājerāre quēne, maiaja ȳu.

¹⁵ Adi m̄uare ȳu gotiroti riojo ñaja. Tire masa ñajediro ĩna ajitir̄un̄uj̄ama, quēnar̄uaroja. Ado bajiro bajiaja: Rojose yirā rojose t̄am̄uot̄ujabetiriaroju ĩna vaborotire ĩnare yir̄etobosaru, adi macar̄uc̄uroju vayumi Cristo. Ȳu ñaja r̄etro rojose yicac̄u. ¹⁶ To bajiro yicac̄u ȳu ñaboajaquēne, ȳure ĩamaic̄ōari, rojose t̄am̄uot̄ujabetiriaroju ȳu vaborotire ȳure yir̄etobosayumi Cristo. To bajiri, gājerā quēne, “Pablore bajiro Cristore mani ajitir̄un̄uj̄ama, rojose mani yisere manire quēne masirior̄uc̄umi Dios” gājerā ĩna yimasirotire yiḡu, to bajiro yiyumi. ¹⁷ Mani ̄uj̄u Dios ĩ rotise jedibetir̄uaroja. Ī ñaami ñajediro ti ruyaroto r̄ĩjoroju ñamasir'i, to bajic̄ōari, ñac̄ōa m̄uorũgũroc̄u. S̄īgũ ĩre ĩagũ magũmi. ĩre bajiro bajiḡu magũmi. To bajiri, ĩre quēnaro yir̄uc̄ub̄uorũgũroti ñaja manire. To bajirone bajiato.

¹⁸⁻¹⁹ Timoteo, ȳu mac̄ure bajiro bajiḡu, ȳure quēnaro ajiya. M̄ure ȳu gotiroticatore bajirone yiroti ñaja m̄ure. Tir̄um̄uj̄u Diore gotir̄etobosarimasa, “Dios ocare gotir̄uc̄umi” ĩna yicatore masiritibetic̄ōari, ĩ ocare gotimasiod̄ōa ñar̄uc̄uja m̄u. To bajiro m̄u bajijama, v̄ati rojose m̄ure ĩ yirotsere c̄udibetic̄ōari, Cristoj̄uare ajitir̄un̄uc̄ōa ñar̄uc̄uja. Gājerā s̄īgũri ñaama ĩ ocare ajitir̄un̄u t̄ujacana. To bajicana ñari, socasej̄uare ajitir̄un̄urā

ñarāma.^b ²⁰ To bajiro bajicana ñaama Himeneo, to yicōari, Alejandro quēne. Diore ajitirānu tujacōari, ĩre rācububeticama ĩna. To bajiri, “Vātia uju, Satanás, ĩ bojarore bajiro rojose mware yimasirucumi yuja”, ĩnare yicaju yu, “Rojose tāmuo quēnabeti tuoīamasi, Dios ĩ bojarore bajirojua yato” yigu.

2

“*Gājerāre ejarēmoato’ yirā, Diore sēnibosarūgūroti ñaja*”, Pablo ĩyire queti

¹ Ñasuose ado bajiro mware rotiaja yu: Toana rāca rējacōari, Diore sēnirā, masa jedirore sēnibosarūgūroti ñaja mware. To yicōari, masare quēnaro ĩ yisere ĩarā ñari, “Quēnaro yaja mu”, ĩre yirūgūroti ñaja. ² Gobiernore quēne, ujarā jedirore sēnibosarūgūroti ñaja. To bajiro mani yijama, Dios ĩ ejarēmose rāca ñie oca mano ñaruarāja mu. To bajiri, Dios ĩ bojarore bajiro quēnase rīne yirūgūruarāja. ³ To bajiro ĩnare mu sēnibosajama, mware ajivariquēnagūmi Dios, rojose tāmuo tujabetiriaroju mu vaborotire mware yirētosaroscu. ⁴ Masa jediro rojose tāmuo tujabetiriaroju ĩna vabetirotire bojami. To bajiro bojagu ñari, ĩ oca riojo gotimasiorere quēne masa jediro ĩna masisere bojami. ⁵ Sīgūne Dios ĩ ñasere masiaja mani. Gāji mani rācubuoqu magūmi. To bajicōari, Jesucristo quēne, ĩ sīgūne ñaami manire bajirone ruju cuticōari, adi macarucuroana Diorāca quēnaro mani ñarotire yigu, rijabosari. ⁶ Mani jedirore rojose mani yise vaja manire yirētosagū, rijabosayumi. To bajiro ĩ bajire ñajare, “Masa jedirore yirētosarūami Dios”, yituoīamasiaja mani. ⁷ To bajiri, “Ti ocare jud’io masa mere quēnaro gotimasiodirucuja mu, ‘Rojose mani yise vaja manire yirētosayumi’ yituoīato ĩna’ yigu”, yare yicami Cristo. Socu me yaja yu.

⁸ Cristo ĩ cōacacu ñari, toana ĩre ajitirānurā jediro ado bajiro ĩna yiotire yu bojasere mware gotiaja yu: Ūmware gotigu yaja. Gājerāre jūnisinirā ñaboarine, Diore ĩna sēnijama, quēnabeaja. To yicōari, gājerāre oca josarā ñaboarine, Diore ĩna sēnijama, quēnabeaja ti quēne. Diore sēnirāma, rojose yimena ñato.^c ⁹ Rōmiare quēne gotigu yaja yu. Cristore ajitirānurā, ūmu rāca ĩna rējaroto rījoro, quēnaro tuoīacōari, ĩna sudi sāñasere bojaja yu. “¿No bajiro yirāti mani, ‘Manire ĩavariquēnato ūmu’ yirā?”, yituoīabetiroti ñaja. ĩna joare quēnorā, “¿No bajiro quēnorāti, mani joare, ‘Ūmu quēnaro ĩavariquēnato’ yirā?”, yituoīabetiroti ñaja, ĩnare. ĩna busajaquēne, “Manire ĩavariquēnato ūmu” yirā, jairo vaja cutise, perla vāme cutise, oro vāme cutise quēne, busabetiroti ñaja ĩnare. To yicōari,

sudi sãnarã, “Manire ïavariquẽnato” yirã, sudi jairo vaja cutise sãnabetiroti ñaja. ¹⁰ Ado bajirojua yirũgũroti ñaja: “ ‘Cristore ajitirũnrã ñaja mani’ yirã ñari, quẽnase yirã mani ñajare, manire ïavariquẽnato”, yituoïarũgũroti ñaja, ñnare. ¹¹ Dios ocare ajirã ma rẽjarojũre, ñagõmenane, ñnare gotimasiorimasa ñna gotisere rãcũbuose rãca ajirujiroti ñaja, rõmiare. ¹² Ñnare gotimasiorotibeaja yũ. To yicõari, ãmũare ñna rotisere quẽne bojabeaja yũ. Ñagõmenane, ñna ñacõajama, quẽnaja. ¹³ Rĩjoro Adán ñamasir'ire rujeosũomasĩñuju Dios. Bero ï manajo Evare rujeomasĩñuju. ¹⁴ To bajicõari, Adán me ñamasĩñuju vãtia hũjũre yitocomasir'i. Ñ manajojua ñamasĩñuju vãtire yitocomasirio. Vãti ï yitomasirere cãdicõari, rojose yimasĩñuju so. To bajiri, rõmiojua, ãmũare ajirãcũbuoroti ñaja. ¹⁵ Rojose yimasirio so ñajare, “Ñajediro rõmia, ñna rĩa cutijama, rojose tãmũorũarãma”, yimasĩñuju Dios. To bajiboarine, Cristore ajitirũnũ tũjamena ñacõari, gãjerãre ñna maijama, rojose tãmũotũjabetiriaroju ñna vaborotire ñnare yirẽtobosarũcũmi Dios.

3

Cristore ajitirũnrãre ãmato ñnarã ñna bajire queti

¹ Jesũre ajitirũnrãre ãmato ñnarãre gotigũ yaja yũ. Socũ me yaja yua. Ñna moarũasema, quẽnase ñaja. ² Tire ï moare cutirũajama, quẽnaro tũoïacõari, quẽnase rĩne yigũ ï ñajama, quẽnaja. Quẽnaro masa ñna rãcũbuogũ, manajo cuticõari, gajeore ajerio cutibecũ, ejarimasare quẽnaro yigũ, to bajicõari, quẽnaro gotimasiosigũ ï ñajama, quẽnaja. ³ Mecũose idimecũbecũ, quẽabecũ, gãjerãre ajijũnisinicõari, oca josabecũ ï ñajama, quẽnaja. Rojose gãjerã ñna yiboajaquẽne, ñnare ñamaicõari, quẽnaro ejarẽmogũ ñagũmi, “Quẽnasejua tũoïato ñna” yigũ. Gãjoare bojatũoïabecũ ñagũmi. ⁴ Ñ ya vianare quẽnaro rotigũ, ï rĩa rãcũbuose rãca ñre quẽnaro ñna cãdirotire yigũ, quẽnaro ñnare gotimasiosgũ ñagũmi. ⁵ Ñ ya vianare quẽnaro ï rotimasibetijama, Cristore ajitirũnrãre no bajiro rotimasibecũmi. ⁶ Cristo ocare ajitirũnrãre ãmato ñagũ ï ñnarũajama, Cristore mame ajitirũnũgũ me ñagũmi. Cristore mame ajitirũnũgũ ï ñajama, “Gãjerã rẽtoro ñamasugũ ñaja yũ”, yitũoïagũmi. To bajiro ï yijama, Satanás ï tũoïamasiriarore bajiro tũoïagũ ï ñajare, “Rojose tãmũorũcũja” Satanãre Dios ï yirotimasiriarore bajiro yiecorũcũmi, ï quẽne. ⁷ To bajiri, quẽnaro yirũgũroti ñaja ñre, “Cristore ajitirũnũmena quẽne, yũre ñarũcũbuoato” yigũ. To bajiro ï yibetijama, “Quẽnaro yigũ me ï ñajare, Cristo ocare ajirũabeaja yua”, yirãma masa. “To bajiro yato ñna” yigũ, rojosere yigũ ñnaami Satanás.

Cristore ajitirũnrãre ãmato ñnarãre moabosarimasa ñna bajire

⁸ To bajicōari Cristore ajitirūnarāre ūmato ñarāre moabosarimasare quēne, gājerā ña ñarūcubuoarē bojaja mani. To bajicōari, ña bajirore bajirone bajirā ñarāma ña quēne. Мечuose idimecymena, “Gājoa bujarāsa” yirā, gājerāre yitomena ñarāma. ⁹ Dios oca socabetire mani gotimasiosere Dios ĩ ejarēmose rāca quēnaro ajitirūnarā ñari, “Quēnase ñaja” ña yimasise rīne yirā ñarāma ña. ¹⁰ Ñare mña beseroto rījoro, “Ānoa ñaama quēnase yirā, Cristo ocare quēnaro ajitirūnarā” yimasiruarā, ñare ñatirūñña maji. “Quēnaro ajitirūnarā ñaama” ñare mña yimasijama, ñare beseruarāja mña yuja. ¹¹ Rōmiare quēne, Cristore ajitirūnarāre ūmato ñarāre moabosarimasare gājerā ña ñarūcubuoarē bojaja mani. Socarāne, “Ado bajise rojose yima”, gājerāre yigotirā me ñarāma. Quēnaro tuoīacōari, quēnase rīne yirā ñarāma. “Yiruarāja” ña yirore bajiro yirā ñarāma. ¹² Quēna Cristore ajitirūnarāre ūmato ñarāre moabosarimasare, ūmñare gotigu yaja yñ. Manajo cūticōari, gajeore ajerio cūtibecñ ĩ ñajama, quēnaja. ĩ rīa rūcubuose rāca ĩre quēnaro ña cūdirotire yigñ, quēnaro ñare gotimasiogū, to yicōari, ĩ ya vianare quēnaro rotigñ ñagūmi. ¹³ Quēnaro ña moajama, gājerā ña ñarūcubuoarā ñaruarāma. To bajicōari, Jesucristore quēnaro ajitirūnarā ñari, Dios ocare ña gotimasiojama, quēnaro gotiruarāma.

Cristo suorine manire quēnaro Dios ĩ yire queti

¹⁴ Yoaro mene mñ tujñ varña tuoīaboarine, adi paperare mñre ucacōaja yñ. ¹⁵ “Varña tuoīaboarine, yoaro me mña tujñ yñ ejañmabetijama, ‘Catimuoarūgōrocñ, Dios yarā ñari, ado bajiro yiroti ñaja’ yimasiato” yigñ, adi paperare mñre cōaja yñ. Dios yarā ñari, “Ī oca, socabeti gotimasioire ñaja”, yigotiaja mani. ¹⁶ Cristo suorine manire quēnaro Dios ĩ yire queti quēnamasuse ñaja. Masa ña masibeti ĩ ejarēmose rāca mani masise ñaja. Ado bajiro bajaia ti:

Adi macarñcurojñ vadicōari, manire bajiro rujñ cūtiyuju Cristo. To bajicōari, Esp'iritu Santo suorine, “Ñie rojose magū ñaami”, yīañujarā masa. Ángel mesa quēne, ña ñarūcubuoarē ñañuju. Masa jedirore ĩ ocare gotimasioñujarā. To bajicōari, tocārāca sitana ĩ ocare ajitirūññujarā. Manire rijabosacōari, ĩ tudicatiro bero, ō vecajñ ĩ ñarojñ ĩre ñmicoasuju Dios.

4

Masa, Cristore ña ajitirūññ tujjaroti queti

¹ Cristore ajitirūnarā, jājarā mani ñaboajaquēne, adi macarñcuro ti jedirūtu vato cōrone sīgūri ĩre ajitirūññ tujjaruarāma. “Īre ajitirūññ tujjacōari, vātia ñare ña yitosere

gotimasioräre ajitirünuruarāma”, manire yiyumi Esp'iritu Santo. ² Īnare gotimasiorimasa ado bajiro bajirā ñarāma: “Quēnase gotimasioaja” yirā ñaboarine, socasere gotimasiorā ñarāma. “Adi ñaja quēnase. Tijua ñaja rojose”, yimasimenama ĩna, rojose rīne tuoīarā ñari. ³ “Manajo catibetiroti ñaja”, yirā ñarāma ĩna. To yicōari, “Tocārāca vāme babetiroti ñaja”, yirā ñarāma. Īna tuoīariarore bajiro me bajiaja, Jesúre ajitirünurā Dios oca riojo gotimasiorere masirājuarema. Mani baroti ĩ cūrere barā, “Quēnaro yaja m̄” Diore mani yiyotire yigu, jediro bare cūmasiñumi Dios. ⁴ Ñajediro bare Dios ĩ cūre quēnase ñaja. To bajiri, “Tocārāca vāme babetiroti ñaja”, yire maja manire. Bare mani bajama, “Quēnaro yaja m̄” Diore yicōari, baroti ñaja. ⁵ “Bare ñaro cōrone quēnase ñaruarōja” ĩ yimasirere barā, “Quēnaro yiyuja m̄” ĩre mani yijama, quēnaja.

Jesucristo ĩ bajirore bajiro yire queti

⁶ M̄re yu gotimasiose jediro gājerā Jesucristore ajitirünuräre gotiroti ñaja m̄re. To bajiro m̄ yijama, Jesucristo ĩ bojarore bajiro ĩnare yiejarēmogū yigūja m̄. To bajicōari, Dios oca quēnasere gotimasio tujabecune, butobusa Diore tuoīavariquēnacōari, Jesucristo ĩ bojarore bajiro quēnaro yirūtu varuc̄aja m̄.

⁷ Вѣснр̄ā ye quetire socasere ĩna gotimasiosere ajibesa. Dios ĩ cūre me ñari, vaja mani ñaja. Tocārācarūm̄ne, m̄ yirūgūrotijuaře tuoīacōari, ĩ bojarore bajiro quēnase rīne yirūgūñā.^d ⁸ Tocārācarūm̄ne mani rujare mairā ñari, quēnaro guacoerūgūaja mani, “Catiquēnarā ñarāsa” yirā. To bajiro mani yise quēnase ñaja, bajirojuma. To bajiro mani yise rētohusaro quēnase ñaja tocārācarūm̄ne, Dios ĩ bojarore bajiro quēnase rīne mani yirūgūse. To bajiro mani yijama, adigodo mani catiñaro cōro, to yicōari, ō vecaju Dios taju mani ñajajuēne, quēnaro manire yicōa ñaruc̄umi Dios. ⁹ M̄re yu gotise, socase me ñaja. Masa jediro tire ĩna ajitirünujama, quēnaruarōja. ¹⁰ Socabeti ti ñajare, josari moarūgūaja yua. To bajiñarāne, catim̄orūgōrocure Diore ajitirünuräre rojose ĩna bajiborotire ĩnare yirētohusarocure tuoīa yuñaja yua.

¹¹ Adi queti yu gotise ti macanare m̄ gotimasiosere ajicōari, cadijedicōato ĩna. ¹² Вѣсн me m̄ ñajare, toana Cristore ajitirünurā, m̄re ĩna r̄uc̄ub̄obetijama, quēnabetoja. To bajiri, “Вѣсн me yu ñaboajajuēne, yure quēnaro r̄uc̄ub̄oato” yigu, “Yure ejarēm̄uc̄umi Dios” ĩre yituoīacōari, ado bajise yirūgūñā: Īnare quēnaro ĩmaicōari, quēnase rīne yicōa ñarūgūñā. To bajiro m̄ yijama, “Ī yirore bajiro yiroti ñaja

^d 4:7 1 Ti 1.4; 6.20; 2 Ti 2.16; Tit 1.13-14.

manire quēne” yituoĩacõari, mure quēnaro rucubuoarãma ñna. ¹³ Ym ejaroto rĩjoro, toana rãca rējacõari, Dios ocare masa ñna ucamasire quēnaro gotimasiorũgũña m, “Tire ajicõari, butobusa ajitirũnũato” yigm. ¹⁴ “Quēnaro yimasiato” yigm, Dios mure ĩ uocaitire masiritibesa m. Jesúre ajitirũnrãre umato ñarã mure yna ãmo ñujeorãne, Dios ĩ masise rãca, “Adi ñaja m moaroti Dios ĩ cũre” yna yĩnarone, tire mure ujoyumi Dios.^e

¹⁵ Adi queti mure ym gotimasiosere masiritibeticõari, m yimasiro cõro yirũgũña. To bajiro m yijama, m yisere ĩacõari, “Butobusa Cristore ajitirũnrũtuacu yami”, yĩarũarãma ti macana. ¹⁶ Mm gotimasioroto rĩjoro, to yicõari, no bojase m yiroto rĩjoro quēne, quēnaro tũoĩacõari rĩne, yirũgũña. To bajiro m yicõa ñajama, m gotimasiose ajitirũnrãre quēne, rojose tãmuotujabetiriaroju mna vaborotire mure yirẽtobosarucumi Dios.

5

Cristore ajitirũnrã rãca ñare queti

¹ Sĩgũ bmc, rojose ĩ yiboajaquēne, tud'igure bajiro ĩre gotibesa. Ado bajirojma m yijama, quēnaja: Rucubuose rãca m jacure m yirore bajiro quēnaro ĩre gotiya. To yicõari, mamarãre quēne, m bederãre m yirore bajiro quēnaro ĩnare yiya. ² Rõmia bucũrãre m jacore m yirore bajiro quēnaro ĩnare yiya. To yicõari, mamarã rõmiare quēne, m bederãre m rucubuoore bajiro quēnaro ĩnare rucubuoaya.

³ Manaju rijaveoriarã maioro bajirã masu ñna ñajama, rucubuose rãca ĩnare quēnaro ejarẽmorũgũña. ⁴ To bajiboarine sũgõ manaju rijaveorio rĩa cutigo, to yicõari, jãnerabatia cutigo so ñajama, ñajma ñarãma sore ejarẽmorũgũrona. To bajiro ñna yisere Dios ĩ ĩavariquēnase ñajare, to bajiro yirũgũroti ñaja. Mani jacma manire ĩamaicõari, mani daqueroju manire quēnaro ñna yibucũore ti ñajare, ĩnare ejarẽmorũgũroti ñaja, manire.

⁵ Manaju rijaveorio maioro bajigo masujare, so yarã sore ejarẽmorã manijare, “Yure ejarẽmorucumi Dios” yituoĩacõari, ĩre sēnirũgũgõmo so. Umua, ñamire quēne ĩre sēnirũgũgõmo.

⁶ Manaju rijaveorio, no so bojase rĩne yigojuma, rojose yigo ñari, Dios ĩ ĩajama, catigo ñaboarine, catibecore bajiro bajicõa ñagõmo, rojose tãmuotujabetiriaroju varoco ñari. Sojmarema ejarẽmobetiroti ñaja.

⁷ Tire mure ym gotimasiosere m taju ñarãre Cristore ajitirũnrãre gotiya. ĩna cudisere ĩacõari, “Rojose yama”, yirã manirũarãma. ⁸ Sĩgũ “Cristore ajitirũnũgũ ñaja ym” yiboarine, ĩ yarãre ĩnare ĩ ejarẽmobetijama, quēnabetoja. To bajiro bajigu ñari, Cristore ajitirũnũ tujacoar'ire bajiro bajigu

^e 4:14 2 Ti 1.6.

ñagūmi. Gājerāma, Cristore ajitirūnumena ñaboarine, ĩna yarāre ejarēmora, rojose ĩna yiro rētoro rojose yigu ñagūmi.

⁹ Cristore ajitirūnarā manaju rijaveoriarā, mua ejarēmoronama, ado bajiro bajirā ñaruarāma ĩna: Sesenta cūmari rētoro tusana ñaruarāma. To bajicōari, sīgūne manaju cutiriarā ñaruarāma. ¹⁰ To bajicōari, gājerāre ado bajiro quēnaro yiriarā ñaruarāma: ĩna rīare quēnaro bucūoriarā, ejarimasare quēnaro yiriarā, “Yu rētoro ñamasurā ñaama” gājerāre Cristore ajitirūnarāre yituoīacōari, ĩnare ejarēmoriarā, to yicōari, rojose tāmūorāre ejarēmoriarā ñaruarāma.

¹¹ ĩnare mua ejarēmoroto rījoro, ĩna manaju ĩ bajirocaro bero, “Gāji manaju cutibetirūocoja yu”, Cristore yisēniriarā ñaruarāma. Mamarābusa manaju rijaveoriarārema ejarēmobetiroti ñaja. Mamarāma, to bajiro yiriarā ñaboarine, buto manaju cutirūa tuoīarāma ĩna quēna. ¹² To bajiro ĩna bajijama, “Rojose yirā yama”, ĩnare yīarucūmi Cristo. ¹³ Gaje vāme quēne, ado bajiro bajirā ĩna ñajare, ĩnare ejarēmobetiroti ñaja. Moamenane gājerā ya viriju ñacudirūgūrāma. To bajicudirā, socarāne, “Ado bajise rojose yima”, gājerāre yigoticudirūgūrāma. To yicōari, gājerā ĩna sēniābetiboajaquēne, “Ado bajirojua yiroti ñaja”, ĩnare yigōjanabiorūgūrāma. To bajiro ĩna yijama, yibetirotirene yicōarāma. ¹⁴ To bajiro bajirā ĩna ñajare, quēna ĩna manaju cutirotire bojaja yu, “Rīa cuti, ĩna ya vi ĩtirūnu, yīñacōato” yigu. To yicōari, “Gājerājua ĩnare ñagōmacaruarā, ĩna yisere ĩacōari, no yimasibeticōato” yigu, quēnaro ĩna ñasere bojaja yu. ¹⁵ Jēre sīgōri mamarābusa manaju rijaveoriarā Cristore ajitirūnu tujacōari, Satanājuare ajitirūnu suyarā ĩna ñajare, to bajiro mure gotibu yu.

¹⁶ Cristore ajitirūnugō yarā, manaju rijaveoriarā ĩna ñajama, ĩnare ejarēmorūgūroco ñagōmo. To bajiro so yijama, manaju rijaveoriarā maioro bajirāre ejarēmorimasa ĩna manijare, ĩnare ejarēmomasiruarāma ĩna, gājerā Cristore ajitirūnarā.

¹⁷ Bucurā, Cristore ajitirūnarāre ĩnare quēnaro ĩna ūmato ñajama, ĩnare rūcūbuocōari, vaja yiroti ñaja. ĩna rācana quēnaro gotimasiorāre butobusa rūcūbuoroti ñaja. ¹⁸ Dios ocare masa ĩna ucamasire, ado bajiro ti gotijare, tire ĩnare goticōaja yu: “Ta vecu risere siabibebesa, trigo gasere ĩre mua cūda jānerotijama, ‘Ī quēne bato’ yirā”, yigotiaja Dios oca masa ĩna ucamasire. Tire yigu, ta vecua rīne tuoīagū me, yimasiñumi Dios. Gajeju quēne ado bajiro gotiaja: “Īna gotimasiose vajane bacatiruarāma”, yigotiaja Dios oca masa ĩna ucamasire.^f

¹⁹ Bucure, “Rojose yimi” ĩna yi ocasājama, juarā, idiarā ñacōari ĩna oca sājama, ĩnare ajiroti ñaja.

²⁰ To bajiro ĩna yi ocasãjama, Cristore ajitirũnũcõari, rẽjarã jediro ĩna ĩaro rĩjorojuũa tud'igũre bajiro ĩre gotiba mũ, “Gãjerã, bũcũrã quẽne tire ajicõari, ‘Manire quẽne yiromi’ yimasiato” yigũ.

²¹ To bajiro mũre yũ rotisere ajirãma Dios, ĩ macũ Jesucristo quẽne, ángel mesa, Dios ĩ beseriarã quẽne. Mũ cũdirotire masirũarãma ĩna. Mũ baba rojose ĩ yijaquẽne, yũ rotirore bajiro cũdiya. ²² Cristore ajitirũnrãre ũmato ñarocũre mũ cũrũajama, quẽnaro yigũ ĩ ñasere ĩajeocõari, beseya. To bajiro mũ yibetijama, rojose yigũrene besegũja mũ. To bajiro mũ yijama, “Rojose yigũrene besenyumĩ”, mũre yirãma. “To bajiro bajirobe” yigũ, quẽnaro ĩnare beseba. To yicõari, quẽnase rĩne yirũgũña.

²³ “Quẽnase rĩne yirũgũña” yigũ ñaboarine, “Uye oco idibetirũgũña”, yibeaja yũ. Oco rĩ mere idirũgũña. Uye oco quẽne, mojoroaca idirũgũña, biyaroaca mũ gũdajoa tí jũnirũgũsere “Tũjato” yigũ.

²⁴ Ado bajiro ti bajijare, “ĩnare quẽnaro masicõari rĩne, beseya”, mũre yibũ yũ: Sĩgũri rojose ĩna yisere ĩacõari, masiaja mani. To bajiboarine, gãjerãjuama, “Rojose yirã ñaama”, yimasiñamana ñaama. ĩnare quẽnaro masicõari rĩne, rojose yirã ĩna ñasere masiaja mani. ²⁵ To bajirone bajaiaja quẽnaro yirã ĩna ñase quẽne. Sĩgũri quẽnase ĩna yisere ĩacõari, masiaja mani. To bajiri, ĩnare quẽnaro mani masiroto rĩjoro, jẽre “Quẽnase yirã ñaama”, ĩnare yimasiaja mani. To bajiboarine, gãjerãjuama “Quẽnase yirã ñaama”, yimasiñamana ñaama. ĩnare quẽnaro masicõari, quẽnase yirã ĩna ñasere masiaja mani. To bajiri Cristore ajitirũnrãre ũmato ñarãre, bũcũrãre quẽnaro masicõari rĩne, beseya.

6

Gãjerãre moabosarã ĩna bajire queti

¹ Jesucristore ajitirũnrã gãjerãre moabosarã, ĩna ujarãre rũcũbuoroti ñaja. ĩna ujarãre rũcũbuobetire ĩacõari, “Rojose yirã ñaama Cristore ajitirũnrã; vaja maja ĩna gotimasiose”, yirũarãma gãjerã. ² Sĩgũri ĩna ujarã, Cristore ajitirũnrã ñarãma. ĩnare rũcũbuoroti ñaja. “Mani uju Jesucristore ajitirũnrã ñari, Dios ĩ mairã ñarãma ĩna quẽne. To bajiri quẽnaro ĩnare yibosato mani” yitũoĩacõari, bũtobũsa ĩna moabosajama, quẽnaja.

Cristo oca riojo gotimasiore quẽnaro ajitirũnrãre queti

Adi queti yũ gotise ti macanare ĩnare gotimasiocõari, “Ado bajiro yirũgũnrãja mani”, ĩnare yiya.

³ Mani ɯju Jesucristo ocare buerētobuboarine, ricati gotimasiomēna ĩna bajisere gotiaja yu: Dios ĩ bojase mani yisere riojo gotimasiomēna ĩnarāma. ⁴ “Buto masirā ĩaja yua” yituoĭaboarine, masimena ĩnarāma. Cristo ocare, “Ado bajirojua yiruarō yaja ti”, gāmerā yi oca josarūgūrāma. To bajiro ĩna yise suorine, “Yu rētoro masirā ĩaama” yĭajūnisinire, gāmerā rūcubuoetire, “Socarā yama”, gāmerā yituoĭare ĩaroja. ⁵ Rojose tuoĭarā ĩari, Cristo ocare ajitirānu tujacōari, vāti ĩ yitosere ajitirānurā ĩari, to bajiro yirūgūrāma. “Dios ĩ bojarore bajiro mani yijama, gājoa bujaruarāja mani”, yituoĭaboarāma ĩna. ⁶ To bajiro ĩna tuoĭamavisiaboajaquēne, mani suorō cōro mani variquēnajama, Dios ĩ bojarore bajiro mani yise suorine buto quēnase bujarūgūaja mani. ⁷ Adigodo mani ruyujama, ĩie suoromenane ruyuararāja mani. To bajirone mani rija-jaquēne, ĩie āmi vamenaja mani. ⁸ To bajirona ĩari, adigodoju ĩarā, bare cūti, sudi cūti, mani yijama, variquēnajama. ⁹ Gājerājuama, jairo gājoa suorua tuoĭarūgūrāma ĩna. To bajiro tuoĭarā ĩari, rojose yisejarūgūrāma. To bajiro ĩna bajiro tire yigūmi vāti. To bajiro yirā rĭne, rojose tāmūotujabetiraroju varuarāma. ¹⁰ Gājoare bojarā ĩari, tocārāca vāmene rojosere yirūgūama sīgūri. Diore ajitirānurā quēne, gājoare bojaca yirāne, Cristore ajitirānu tujacama. To bajiri, yuja, ĩna masune rojose tāmūorūgūama.

Timoteore Pablo rotire queti

¹¹ To bajiro ĩna yiboajaquēne, mūjuama, Dios yu ĩari, ĩnare bajiro yibesa. Dios ĩ bojarore bajiro quēnase rĭne yirūgūna. Buto rojose tāmūoboarine, Cristore ajitirānu tujabesa. Gājerāre rūcubuoocōari, quēnaro ĩnare yirūgūna. ¹² Vāti rojose mure ĩ yirotsere cūdibeticōari, Cristojuare ajitirāncōa ĩarucūja, “Yu macure mu ajitirānujama, rojose tāmūotujabetiraroju mu vaborotire mure yirētobosarucūja yu” Dios ĩ yirere cūdicacu ĩari. Tire mu cūdicatirūmure, jājarā ĩacaju yua, gūibecūne, “Cristore ajitirānuaja yu” mu yigoticatire ajicana. ¹³ Dios, adi macarucuro catiņasere rujeor'i, to yicōari, mani ɯju Jesucristo quēne, mure yu rotisere ajirāma. Jesucristo ĩaami gūibecūne, Poncio Pilato vāme cūtigū ĩ ĩaro rĭjoro, gājerāre quēnaro mani gotirūgūrore bajiro gotir'i. Ado bajiro mure rotiaja yu: ¹⁴ Mure yu rotise ĩaro cōrone quēnaro cūdiya, “‘Rojose yami’ mure yiroma” yigū. Mani ɯju Jesucristo adigodoju ĩ tudiejaroto rĭjoro to bajiro rĭne yicōa ĩarūgūma. ¹⁵ Mani ɯju, Dios, “To cōrone varucūmi” ĩ yiriarūmūne tudieja rotirucūmi. ĩne ĩaami gājerāre mani rūcubuooro rētoro mani rūcubuoogu. Masirētogu ĩagūmi. ĩimu gāji ĩre bajiro masigū magūmi. ¹⁶ ĩ sīgūne ĩaami ĩajediro ti ruyuaroto rĭjoroju ĩnar'i,

to yicōari, rijabetirocɔ. Buto busurojɔ masa ĩna ejamasibetojɔ ĩarũgũgũmi. Sĩgũ ĩre ĩagũ magũmi. ĩre ĩarocɔ quēne magũmi. ĩre r̃ucɔbucōɔa ĩarũgũroti ĩaja manire. To bajiro r̃ine bajirũgũato.

¹⁷ Adigodoaye gajeyeũni jairo cɔorã ĩacōari, “ ‘Gãjerã r̃etoro ĩamasurã ĩaja yɔa’ yirãre yibesa”, ĩnare yigotiya. “ ‘Jairo gãjoa cɔorã ĩari, quēnaro ĩarũgũr̃arãja mani’ yit̃oĩabesa mɔa”, ĩnare yiya. Yoaro mene jedise ĩaja gãjoa. Dios catim̃orũgõrocɔjɔare ajitir̃ũncōari, “ ĩ ĩaami manire quēnaro ĩatir̃ũngũ”, yirũgũroti ĩaja, ĩnare. “ ‘Quēnaro variquēnañato’ yigɔ, manire quēnaro yirũgũami Dios”, yit̃oĩarũgũroti ĩaja. ¹⁸ To yicōari, “Jairo cɔorã ĩari, ti rãca cojoji me quēnase yirũgũña”, ĩnare yirotiya mɔ. “ ĩsivariquēnarũgũña”, ĩnare yiya. ĩna gãjoare maimenane, gãjerãre ejar̃emorã ĩna ĩsijama, quēnaja. ¹⁹ To bajiro ĩna yijama, quēnaro ĩna yise vaja õ vecajɔ gajeye cũr̃emorãre bajiro yirã, yir̃arãma ĩna. Quēnaro ĩna yise vaja, õ vecajɔ quēnaro ĩnare yir̃acɔmi Dios. ĩnare ĩ gotiriarore bajiro ĩna rijato berojɔ ĩ rãca quēnaro ĩacōa ĩarũgũr̃arãma yuja.

Timoteore Pablo ĩ gotit̃usare queti

²⁰ Ajiya Timoteo. “Cristo ocare quēnaro gotimasioato” yigɔ, m̃are cũñumi Dios. To bajiri quēnaro gotimasiorũgũña. Socasere ĩna gotimasiorũgũsere ajibesa. Dios ĩ cũre me ĩari, vaja mani ĩaja, “Masirã ye ĩaja” ĩna yit̃oĩaboase. ^g ²¹ “Buto masirã yere gotimasioaja yɔa” yirãre ajisayacōari, Cristo ocare ajitir̃ũnbesujarã ĩna yuja.

Mani ɔjɔ Jesucristo, quēnaro m̃are yirũgũato.

To cõro ĩaja.

Segunda carta de San Pablo a TIMOTEO

Timoteore, Pablo ĩ quēnaroticōare queti

1-2 ¿Ñaboati m̄, Timoteo? Ȳ ñaja Pablo vāme c̄tiḡ, adi quetire m̄re ucacōaḡ. Ȳ mac̄re bajiro ȳ maiḡ m̄ ñajare “mac̄” m̄re yaja ȳ. M̄re quēnarotiḡ, mani jac̄ Diore, to yicōari, mani ɛ̄ Jesucristore quēne, ado bajise m̄re sēnibosaja ȳ: “Quēnaro m̄na rāca ĩ ñarotire yirā ĩre ejarēmoña”, m̄re yisēnibosaja ȳ.

“ “Manire rijabosayumi Jesucristo” yirāre ĩna rijato beroj̄ tudirijabeticōato’ yiḡ, ȳ catisere ĩnare ĩsir̄c̄ja”, yicūmasiñumi Dios. To bajiro ĩ yicūmasire ti ñajare, “Ti quetire Jesucristore gotibosaḡ, to bajise gotimasiodir̄c̄ja m̄”, yicōañumi Dios, ȳre.

“Jesucristo ĩ bajirere masare gotimasio t̄jabesa”, Pablo ĩ yire

3 Ȳ ñic̄a Diore ĩna r̄c̄b̄omasiriarore bajirone ĩre r̄c̄b̄oaja ȳ quēne. Ɔ̄m̄are, ñamire quēne ĩre ȳ sēnijama, “Dios ĩ ejarēmojare, ĩre quēnaro ajitir̄n̄ḡ ñacami Timoteo” yimasiḡ ñari, “Quēnaro yaja m̄”, ĩre yivariquēnar̄ḡaja ȳ.

4 To bajiro ȳ yijama, m̄re ȳ vadiveocatir̄m̄ m̄ oticatire t̄oĩacōari, m̄re bato ĩar̄aja ȳ, m̄ rāca ñavariquēnar̄. 5 M̄ ñico Loida, m̄ jaco Eunice quēne, Cristore m̄ ajitir̄n̄roto r̄joroj̄ne ĩre ajitir̄n̄r̄ ñacama ĩna. “ĩna ajitir̄n̄catore bajiro ĩ quēne quēnaro ajitir̄n̄ḡ ñacami” yit̄oĩacōari, “Quēnaro yaja m̄”, Diore ĩre yivariquēnaja.^a

6 To bajiro m̄re yit̄oĩaḡ ñari, ado bajise m̄ tudit̄oĩarotire bojaja ȳ: M̄re ȳ āmo ñujeorone, “Adi ñaja m̄ moaroti Dios ĩ c̄re” Diore ȳ yigotibosarone, quēnaro m̄ yirotire m̄re ɛ̄joyumi Dios. To bajiro m̄re ĩ yire ti ñajare, tire masir̄itibec̄ne, m̄ yimasiro c̄oro variquēnase rāca quēnaro yicōa ñar̄c̄ja m̄. 7 Mani t̄oĩabojonerotire yiḡ me manire ɛ̄joyumi Dios. Ado bajiroj̄na mani yirotire yiḡ manire ɛ̄joyumi: Jesús ĩ bajirere mani gotijama, gotiḡibetirotire, masare mani mair̄otire, to yicōari rojosere yir̄aboarine, tire mani yibetirotire yiḡ, manire ɛ̄joyumi Dios. 8 To bajiri, mani ɛ̄ Cristo ĩ bajirere gotiḡibesa. Cristo ĩ bojasere yiḡ ñari, tubibe ecocaj̄ ȳ quēne. “Cristo s̄orine tubibe ecoyumi Pablo” yiḡibec̄ne, ado bajiroj̄na t̄oĩaña m̄: “Cristo ĩ bojasere yiḡ ñari, Pablo rojose ĩ t̄m̄orore bajiro t̄m̄oroti ti ñaboajaquēne, Cristo

^a 1:5 Hch 16.1.

suori quēnaro Dios ĩ yise quetire ĩ ejarēmose rāca gotimasiocōa ñarucuja yu”, yituoñaña. ⁹ Cristo ĩ rijabosare suorine, “Rojose mana ñaama”, manire yĩañumi Dios. To yicōari, “Yu yarā ñari, quēnaro yirā ñaña”, manire yiyumi. Adi macarucuro ĩ ruje-oroto rĭjorojune, “Īnare mairucuja” yimasir’i ñari, quēnase mani yibetiboajaquēne, “Rojose mana ñaama”, manire yĩañumi Dios. ¹⁰ “Īnare mairucuja yu” ĩ yiriarore bajirone yigu ñari, adigodoju Jesucristore cōañumi, manire ĩ rijabosarotire yigu. To bajiri Dios manire ĩ yire suorine mani masibetiborotire, “Manire buto maiami Dios”, yimasiaja mani. To yicōari, “Jesucristo manire rijabosayumi” mani yituoñajama, mani rijato beroju “Tudirijabeticōato” yigu, Dios ĩ catisere manire ĩ ĩsire quetire ajirā ñari, mani bajirotire güibeaja mani.

¹¹ “Ti quetire ajitirūnato masa” yigu, gotimasiocudirocure yure cōañumi Dios. ¹² To bajiri, ĩ bojarore bajiro gotimasiocudigu ñari, tubibe ecocōari, rojose tāmuoaja yu. To bajiro bajigu ñaboarine, yure ejarēmogüre Cristore quēnaro masigū ñari, ti quetire gotigüibeaja yu. To bajiri, “Yure ĩna sĭaboajaquēne, Cristore ajitirūnrājuama, quēnaro yu gotimasiorore bajirone ‘Gotimasiocōa ñato’ yigu, mure ejarēmocōa ñarucumi”, ĩre yimasiaja yu. To bajiro ĩ yirā ñari, Jesucristo ĩ tudiejajaquēne, gotimasiocōa ñaruarāma.

¹³ To bajiri, mure yu gotimasiocatire bajirone gotimasiocōa ñaña. To bajiro mu yijama, “Jesucristore ajitirūnräre manire maiami Dios” yimasigū ñari, “Manire ĩ mairone bajirone ĩnare quēne yu mairotire yigu ejarēmorucumi” yituoñacōari, mu gotimasioräre ĩnare maiña. ¹⁴ Dios ĩ ejarēmose rāca tuoñacōari, “Cristo suorine quēnaro Dios ĩ yise quetire gotimasiorocu ñaja yu”, yicaju mu. To bajiri, “Quēnaro gotimasioato” yigu, Esp’iritu Santo ĩ ejarēmose rāca mu yimasiro cōro yirügüña. Gãjerā mu gotimasiorore bajiro me ĩna gotijama, “Bajibeaja. Ado bajiroju bajiaja”, ĩnare yigotirucuja mu.

¹⁵ Asia sitaju vadiriarā Cristore ajitirūnrā, yu babarā ñaboacana yu taju vadiboarine, ejadimenane, tudicoarere jere masigüja mu. Īna ñañuma Figelo, Hermógenes, to yicōari gãjerā quēne. ¹⁶⁻¹⁸ To bajiro ĩna bajiboajaquēne, Ones’iforo vāme cutigujama, “Yu baba ñacami Pablo” yituoñagüibecu ñari, tubibe ecocōari yu ñarimacare ejaocagüjuma, macasuoasumi, yure bujacōariju “Tujagusa” yigu. Yure bujacōari, cojoji me quēnaro yure ĩ yijare, variquēnacaju yu. Ī ñarimaca Efeso vāme cuti macaju yu ejajaquēne, quēnaro yure ejarēmorügücami. Tire masigüja mu. To bajiro yicacu ĩ ñajare, “Ī ya vianare ĩamaicōari, quēnaro yiba mu, masare mu beserirūmu ti ejaro”, ĩre yisēñiaja yu, mani ujere.

2

“Cristo ĭ bojasere yibosagu ñarucuja mu”, Pablo ĭ yire queti

¹ Yu macure bajiro bajigu, ado bajise yu gotisere quënaró ajiya mu: “ĭre ajitirãnugũ yu ñajare, yure ĭamaicõari, quënaró yu yirotire yure ujoyumi Jesucristo” yimasigũ ñari, ĭ bojase rĩne yicõa ñaña mu. ² Mure yu gotimasiocatire gãjerãre quëne gotimasiocaju yu. To bajiri, jãjarã ñacama “Riojo gotiami Pablo” yirã. Tire riojo gotimasionare gãjerãre gotimasionrotirucuja mu, “Cristore ajitirãnrã ñato ĭna quëne” yigu.

³ Surara masu, rojose ĭre tãmuoroti ti ñaboajaquëne, ĭ uju ĭ bojarore bajiro yigumi. ĭre bajirone bajiroti ñaja mure quëne. Jesucristore ajitirãnugũ ñari, “Pablo rojose ĭ tãmuorore bajiro rojose tãmuoroti ti ñaboajaquëne, Cristo ĭ bajirere gotimasiocõa ñarucuja yu” yituoĩacõari, gotimasionrũgũña. ⁴ Surara ĭ moajama, uju ĭ ĭavariquënarotire bojagu ñari, ĭ rotise rĩne moagumi. ⁵ To bajiro bajiaja ajerimasure quëne, “Gãjerãre ajerëtogũsa” yiboagure. Ajere vãmere bajiro ĭ ajebetijama, ĭ ajeboase vaja, vaja bujabecumi. ⁶ Gajeyere quëne ado bajiro yaja mani: “Vese moagũma, ĭña ñaami ti vese ti rica cutiro, juasurócuma”, yaja mani. ⁷ Mure yu gotisere quënaró tuoĩaña. Quënaró mu tuoĩajama, gãjerãre mu gotimasionrotire “Tuoĩamasiato” yigu, mure ejarẽmorucumi mani uju.

⁸ Cristo ĭ bajirere masiritibeticõaña: Uju David ñamasir'i jãnami, rijacoaboarine Dios surine quëna tudicatr'i ñaami Jesús. To bajiri, “Rotimurũgõrucumi” yigu, Dios ĭ cõar'i ñaami. To bajiri, tirene gotirũgũaja yu, masare gotimasiogũ. ⁹ Tire gotimasiogũ ñari, rojose yir'ire bajiro cõmemarine sia ecocõari, tubibe ecoaja yu. Yure ĭna tubibeboajaquëne, Dios ocajuma gotitaja ecobetiruroja. ¹⁰ To bajiri, “ĭna ñaruarãma yu yarã” Dios ĭ yĩariarã quënaró ĭna ñarotire yigu, rojose tãmuoaja yu. Cristo ĭ bajirere ajitirãnrã ñari, “ĭna rijato beroju Diorãca quënaró ñaruarãma” yigu, gotimasiocõa ñaja yu.

¹¹ Ado bajiro gotire riojo ñaja: Cristore ajitirãnrã ñari, rojose yuraboarine, tire mani yibetijama, mani rijato beroju quëna tudicaticõari, ĭ rãca quënaró ñarũgũrurãja.

¹² Gãjerã rojose manire ĭna yiboajaquëne, Dios ĭ bojarore bajiro mani yicõa ñajama, õ vecaju ĭ rotiroju ĭ rãca ñaruarãja mani quëne. To bajiboarine, “Jesure ajitirãnrã me ñaja yu” mani yijama, ĭ quëne, õ vecaju ĭ jacu ĭaro rĩjoroju, “ĭnare masibeaja”, manire yirucumi.

¹³ Mani yirore bajiro yimena ñaboarine, “To bajirone bajigumi Dios quëne”, yituoĩaroti me ñaja. Socagu me ñaami ĭma. “Yirucuja” ĭ yirore bajirone yigu ñaami.

“Dios ĩ bojarore bajiro quēnaro yiya”, Pablo ĩ yire queti

¹⁴ To bajiro mure yu gotisere, Cristo ĩ bajirere gotimasiorimasare ĩnare gotiya, “Tire masiritibeticōato” yigu. To yicōari, gaje vāme ado bajiro ĩnare gotirēmoña: “Socase ĩna yise ũni suorine gāmerā oca josabesa. Tire mua yijama, masare no bajiro yiejarēmobetoja. To bajiri, socase ĩna yisere ajianane, quēnasejuare ĩna ajirūaboasere ajimavisia tujacōarāma”, ĩnare yigotiya m. ¹⁵ To yicōari, Cristore ajitirūnarāre gotimasioḡū ñari, Dios mure ĩ ĩavariquēnarotire yigu, mu yimasiro cōro variquēnase rāca quēnaro yirūḡūña. To bajiro yigu ñari, bojonebecane, mu yirūḡūsere ĩre gotirucuja m. ¹⁶ Adigodoaye rīne tūoñacōari, “Gāmerā ñagōto manī” ĩna yijama, ĩnare ajibesa. Tire tūoñavariquēnarā ñari, Diojuare ajibeticōari, rojosejuare butobusa yirūtuana yirāma.^b ¹⁷ Socase ĩna gotimasiosejuare ajisuyacōari, Dios ocare ajiboariarā, jājarābusa ñarūtuararāma socasejuare ajirā. To bajiro bajiyuma, Himeneo, to yicōari Fileto vāme cutigu quēne, Cristore ajisuyaboariarā. ¹⁸ Cristo ĩ bajirere riojo ajisuyaboariarā, socasejuare ajisuyacōari, ĩna gotimasiojama, “Jēre rijariarāre Dios ĩ catoriarām rētocoasuja”, yisocarāma ĩna. To bajiro ĩna yijare, Dios ocare ajitujacōari, socasejuare ajisuyacoasuma siḡari. ¹⁹ Socasere ĩna ajisuyacoaboajaquēne, Dios ocare ajisuyarā masujua, socasere ajisuyabetiruarāma ĩna. To bajiro ĩna bajirotire yiro, ado bajiro gotiaja ti: “Ī yarāre ĩamasiami manī uju”, yigotiaja. To yicōari, gajeju ado bajiro gotiaja: “ ‘Jesūre ajitirūnarā ñaja yua’ yirāma, rojose ĩna yisere yitujajama, quēnaja”, yigotiaja ti.

²⁰ Gotimasiore queti mure gotigu yaja yu: Gajeyeūni jairo ti ñarivima, oro rāca, to yicōari, plata vāme cuti rāca ĩna quēnoría sotari rione ñabetoja. Yucú rāca, riri rāca ĩna quēnoría sotari quēne ñaroja. Jairo vaja cuti sotarire ĩacōari, gājerā ĩre ĩna ĩarūcuborotire masigū ñari, ado bajiro tūoñagūmi ti vi uju: “Ñamasurā ĩna ejajama, ĩnare bare ecagu, jairo vaja cuti sotari rāca bare jeorucuja”, yitūoñagūmi, “Yure rūcubuoato ĩna” yigu. “ ‘Yucú rāca, to yicōari, riri rāca quēnoría sotarine bare yu jeojama, yure rūcubumenama’ yigu, yu cuose ñaruaraja”, yigūmi. Ti sotarire bajirone bajiaja manī quēne, Cristore ajitirūnarā. ²¹ Cristore ajitirūnarā ñaboarine rojose yirāma, tire yitujacōari, quēnasejuare ĩna yijama, “Rojose mana ñaama. ĩna suorine yure rūcubuoarāma gājerā quēne” yigu ñari, ĩre ĩna yibosarotire rotirucūmi Dios.

²² To bajiri, ado bajiro yirūḡūña m: Mamarā, Diore ajimena, no ĩna bojase ĩna yise ũnire yibeticōari, ado

^b 2:16 1 Ti 1.4; 4.7; 6.20; Tit 1.13-14.

bajirojua yirügũña: “Í yirore bajiro yigu ñaami” Cristore ïre yituoĩacõari, quẽnase rĩne yirügũña. Diore, to yicõari “Jesucristore ajitirũnarã ñaja yua” yisocamenare quẽne, maicõari, mu rãca quẽnaro ñna ñarotire yigu, quẽnaro ñnare yirügũña. ²³ Adigodoaye rĩne tuoĩacõari, “Gãmerã ñagõto mani” ñna yijama, ñnare ajibesa, “Tire mani gãmerã ñagõboajama, quẽnabetoja” yimasigũ ñari. ²⁴ Mani uju bojasere yiguma, oca josabecu ñagũmi. Ado bajirojua bajigu ñagũmi: Gãjerãre ajirũcubuoõari, quẽnaro ñnare yigu ñagũmi. “Cristore quẽnaro ajitirũnũato ñna” yigu, quẽnaro gotimasiogũ ñagũmi. ²⁵ Dios ocare riojo gotimasiomenare, Dios ï bojarore bajiro quẽnaro yirũagu ñari, ñnare ñamaicõari, “Ado bajirojua bajiaja”, ñnare yigotimasiogũmi. Dios suorine ricatijua tuoĩacõari, ï oca riojo gotimasiorene ñna ajitirũnũrotire bojagu ñari, to bajiro gotigũmi. ²⁶ Í gotisere ajicõari, “Riojo gotiami” ïre ñna yiajjama, “Satanás suorine masare yitorügũñuja mani”, yirã ñari, ï rotiboasere yitujarũarãma ñna.

3

“Adi macarũcuro ti jediroto rĩjoro ado bajiro bajirũarãma masa”, Pablo ï yire queti

¹ Adi macarũcuro ti jediroto rĩjoro Dios ï bojarore bajiro yirãma, bũto rojose tãmuorũarãma, jãjarã ado bajiro rojose yirã ñna ñajare: ²⁻³ Gãjerãre maituoĩamenane, ñna masu yejuare tuoĩarã ñnarũarãma. Jairo gãjoa suorã ñaboarine, jaibusaro bojarẽmorã ñnarũarãma. “Ñamasurã ñaja yua”, yijairã ñnarũarãma. Gãjerãma, “Ñamasurã ñaja yua” yituoĩarã ñaboarine, “To bajiro bajirã ñaja yua”, yibetirũarãma. Masare, Dios yere quẽne, rũcubuoomena ñnarũarãma. ñna jacua ñna rotisere cudimena ñnarũarãma. Dios quẽnaro ñnare ï yiboajaquẽne, “Quẽnaro yaja mu”, ïre yimena ñnarũarãma. Gãjerã rãca quẽnaro ñamena ñnarũarãma. Masa ñaro rĩjorojua, socarãne, “Ado bajise rojose yima”, yigotirã ñnarũarãma. Rojose ñna yirua tuoĩasere, “Yibeticõato mani”, yimena ñnarũarãma. Quẽnaro yirãre ñaterã ñnarũarãma. ⁴ “Mũa babarã ñnarũarãja” yiboarine, ñnare ñsirearã ñnarũarãma. “Rojose yibetiroti ñaja” yituoĩamenane, guaro rojosere yirã ñnarũarãma. Dios ï bojasejua yiroti ñnarene yirã, ñna bojasejuare yivariquẽnarã ñnarũarãma. ⁵ “Cristore ajitirũnarã ñari, Diore rũcubuoaja” yigotirã ñaboarine, Dios ï bajirore bajiro yibetirũarãma.

To bajiro yirãre ñacõari, ñnare baba cutibesa. ⁶⁻⁷ ñna ñna, no bojarone virire sãjacudirã ñari, ado bajise tuoĩarãre rõmiare bũjarãma: Rojose ñna yirua tuoĩasere, “Yibeticõato mani” yibetirã ñari, “Rojose mani yise vaja rojose tãmuorũarãja

mani”, yituoŕarāma. Tire tuoŕasutirititerā űari, gajeye no bojase mame gotimasiorejũare ajivariquēnaruarā űarāma. To bajiri, socasere quēnaro űnare gotimasiorāma. To bajiro űna yijare, ajimasirā űnaboarine, Dios oca riojo gotimasiorejũarema masibetiruarāma. To bajiri, socarāne gotitorimasare űnare baba cutibetiroti űaja. ⁸ űnare bajiro yimasiűujarā Janes, to yicōari, Jambres vāme cutigu. Diore gotirētosagũ, Moisés űnamasir'i, uju, faraónre űre ű gotisere ajicōari, “Dios ocare ajirũcũbũobeticōato” yirā, űaűaűamanire yũomasiűujarā űna. Ti űnure yirā, adirũmari űnarā quēne, Diore ajitirũnrāre, “Ajitirũnbeticōato” yirā, socasere gotimasiorāma. To bajiro yirā űari, rojose rĩne tuoŕarāma. To bajiri, Cristo ocare riojo gotimasiore űna ajitirũnbetijare, “Yũ macũre ajitirũnrā me űaama”, űnare yũagũmi Dios. ⁹ Socase gotimasioriesare, “Cristore ajitirũnrā me űaama” yimasibetiboarine, yoaro mene, “Socasere gotirũgũama”, űnare yũamasicoaruarāma masa. Tire bajirone bajimasiűuja, Janes, to yicōari Jambres mesare quēne. űna yitosere masibetiboarine, “Diore rũcũbũomena űari, tuoŕamasimenare bajiro yiyuma”, űnare yũamasicoasujarā masa jediro. To bajiri, socase gotimasioriesare baba cutibetiroti űaja.

“Yũ bajicatire tuoŕacōari, quēnaro űaűa”, Pablo Timoteore ű yire queti

¹⁰ Mũ baba cutibetironare bajiro me bajaiaja mũjũama. Yũ gotimasiore quēnaro ajitirũnũadicaju mũ. “‘Dios ű bojasere yigusa’ yigu, to bajiro bajiűarũgũami”, yũre yimasi-aja mũ. “Yũre ejarēmorcũmi Cristo” yũ yituoŕasere, yũre ajirũcũbũomenare rojose yijũnisinibecu, yũ maicōa űasere, to yicōari, bũto rojose tãmũboarine, Cristore ajitirũnũgũ űari, yũ gotimasiocōa űarũgũsere masiaja mũ. ¹¹ Antioqu'ia, Iconio, Listra vāme cuti macariju rojose yũ tãmũocatire masiaja mũ. To bajiro rojose yũre űna yirũgũboajaquēne, gotimasiocōa űacaju yũ. Tocārãcaine rojose yũ tãmũocatire yũre yirētosacami mani uju. ¹² “Yũ sigũne rojose tãmũogũ me bajaiaja”, yituoŕaja. Tocārãcũne Jesucristore ajitirũnrāma, Dios ű bojarore bajiro yirā űari, rojose yiecoruarāma. ¹³ Rojose űna tãmũoűarone, socasere gotimasioriesa quēne, “Diore gotirētosarā űaja yũ” űna yisocajama, űna masune socasere gotiecorāre bajiro bajiruarāma. To bajiri, rojose yirā, to yicōari, socasere gotirā quēne bũtobũsa Dios ű űavariquēnabetire yirũtuarāma.

¹⁴ To bajiro űna bajiboajaquēne, mũjũama, Cristo ocare ajicōari, “Riojo gotimasiore űaja” mũ yiajicatire ajitirũnũ tũjabeja. “Yũre gotimasiocana riojo gotimasiocama”, yimasi-aja mũ. ¹⁵ To yicōari, daquegu űagũjũne, Dios ocare masa űna

ucamasirere ajimasiadicajm̄ m̄. Tire mani buejama, “ ‘Jesu-
cristo manire rijabosayumi’ yirāre quēnaro Dios ī yise quetire
butobusa masirā ñarūtuararāja”, yimasijaja mani. ¹⁶ Dios oca
masa ĩna ucamasire ñajediro ī ye ñaja. Tire ucamasiriarā,
Dios ī ejarēmose rāca t̄oĩacōari, ucamasiñujarā. Ñajediro ado
bajiro manire ejarēmoaja ti: Riojo ñamasusere manire goti-
masioaja. “Rojose yigm̄ ñaja m̄” manire yigotimasiocōari,
“Tire yitujacōari, ado bajirojma m̄ yijama, quēnaja”, manire
yigotimasioaja. To bajiro yicōari, quēnaro mani yirūgūrotire
manire gotimasiurūgūaja. ¹⁷ Dios ocare ajigm̄ma, “Ī bojarore
bajiro quēnaseayere yimasijeocōato” yiro, to bajiro manire
yigotimasiurūgūaja Dios oca masa ĩna ucamasire.

4

*“Cristore ajitirān̄arāre ado bajiro ĩnare gotiya”, Pablo Timo-
teore ĩyire queti*

¹⁻² Ñamasuse m̄re gotigm̄ yaja ym̄. Dios, ī macm̄ Jesu-
cristo quēne tire ajirāma. Jesucristo ñaami, ñajediro rotirocm̄.
Adigodojre tudiejacōari, catirāre, rijariarāre quēne, mani
yirere ĩacōiarucm̄i. To bajiro ī yiroti ti ñajare, Cristo ī
bajirere gotimasiocōa ñarūgūña. Masa ĩna ajirūajama, ĩna
ajirūabetijaquēne, ĩnare gotimasiocōa ñañā. Rojose ĩna yirere,
“Rojosere yiyuja ym̄” ĩna yimasirotire yigm̄, quēnaro ĩnare
gotimasioña. To yicōari, “Rojose yitujaya m̄ma”, ĩnare yiba.
“Ado bajirojma m̄ma yijama, quēnaruroja”, ĩnare yigotiba.
To bajiro ĩnare m̄ gotimasioboajaquēne, rojosere ĩna yicōa
ñajama, ĩnare gotimasiocōa ñaruc̄aja m̄. ³ Ado bajiro bajiroti
ti ñajare, quēnaro ĩnare gotimasiurūgūña m̄: Adirām̄ri Dios
ocare m̄ gotimasiosere ajirūgūrāma masa. Berojma tire
ajitecōari, ĩna ajirūasejare gotimasiurāre jirēocōari, “Yūare
gotimasioña”, ĩnare yirūarāma. ⁴ Dios oca riojo gotima-
siorejare ajitujacōari, tirūm̄ana ĩna t̄oĩarūgūmasirejare aji-
tirān̄arāma ĩna. ⁵ M̄ujama, “To bajiro yiroma” yigm̄, roori
ñarūgūruc̄aja m̄. Rojose m̄re ĩna yiboajaquēne, Dios ī bojase
jediro yicōa ñarūgūruc̄aja m̄. To bajiro yigm̄ ñari, “Jesucristo
manire ĩ rijabosare ñajare, Dios yarā m̄ma ñarūajama, rojose
m̄ma yisere yitujacōari, Cristore ajitirān̄añā”, yigotimasiocōa
ñarūgūruc̄aja m̄.

⁶ Jēre yūjarema, tire gotimasioḡū ym̄ ñajare, yūre ĩna s̄iaroti
mojoroaca r̄ayaja. ⁷ Rojose t̄am̄ogū ñaboarine, mani ūm̄ ĩ roti-
catire bajirone quēnaro yicoadicajm̄. To bajiri, tire yiyeocōaja
ym̄. ⁸ To bajiro yigm̄ ym̄ ñajare, masare Dios ī ĩabeserirām̄ ti
ejaro, “ ‘Quēnaro m̄re yaja’ yūre yiruc̄ami Dios”, yimasijaja ym̄.
To bajiro yūre ĩ yijama, ym̄ s̄igūrene yigm̄ me yiruc̄ami. Ñajediro

adi macarucurojyre “Jesucristo tudiejarucami” yituoĩarãre quẽne, to bajirone yirucami.

“Yure ĩagũ vaba”, Pablo Timoteore ĩyire queti

9-11 Yũ rãca ñaboagu, Demas vãme cutigu, yure vaveocami, Tesalónica vãme cuti macaju vacu. Dios yere ĩ mairo rẽtoro adigodoayere maigũ ñari, to bajiro bajicami. Crescente vãme cutigujmare, “Galacia sitanare Cristo ocare gotimasiogucuja mu”, ĩre yicõacaju yu. To yicõari, Titore quẽne, “Dalmacia sitanare gotimasiogucuja mu”, ĩre yicõacaju yu. To bajiri, Lucas sigũne ñaami yu rãca tujagu. To bajiro ti bajijare, yoato me busane vayá. Marcore ĩre macabujacõari, ĩre ãmiaba. Yure ejarẽmogũ vadiato. ¹² T'iquico vãme cutigujmarema, Efeso vãme cuti macaju ĩre cõacaju yu. ¹³ Mu vadijama, yu sudiro joeadore yure ãmiadibosaba. Troas vãme cuti macagu, Carpo vãme cutigu ya vijũ cũcaju yu. Yũ paperatutiri juadibosaba. To yicõari, gajeye papera yu cũcatire quẽne juadimasucõama.

¹⁴ Alejandro vãme cutigu, cõme rãca quẽnocõari, ĩna rãcuburotore yĩsirimasu, buto rojose yure yicami. Rojose yure ĩ yicati vaja, ĩre quẽne rojose ĩre yirucami mani ujũ. ¹⁵ ĩre roori ñaĩa mu quẽne, “Rojose yure yiro mi” yigu. Dios ocare mani gotimasiocatire “Ajibeticõato masa” yigu, buto rojose ĩ yicati ñajare, to bajiro mure yaja yu.

¹⁶ Ujarã ĩna ĩaro rĩjorojua, “Ñie rojose yibecu ñaami” yure yiejarẽmorã manicama. Yũ rãca ñaboacana yure vaveojedicoacama. To bajiboarine, “Ti vaja, rojose ĩnare yibeticõato Dios” yigu, ĩre yisẽniaja yu. ¹⁷ Yure ĩna vaveojediboajaquẽne, mani ujũma, ejarẽmocõa ñacami. To bajiri, jud'io masa me ñarãre, “Quẽnaro Dios yisere ajitirũuato ĩna” yigu, ĩnare gotimasiocaju yu. Tire ajicõari, “Rojose yigu yaja mu”, yure yibeticama ujarã, mani ujũ ĩ ejarẽmose ti ñajare. To bajiri, yure sĩaborona, sĩabeticama. ¹⁸ O vecaju ĩ rotiñaroju yu ejarotire bojagu ñari, yure ejarẽmocõa ñagũmi mani ujũ. To bajiri, gãjerã, “Dios ĩ bojabetire tuoĩato ĩ” yirã, rojose yure ĩna yiboa-jaquẽne, ĩre ajitirũucõa ñarucuja yu. “Quẽnarẽtogũ ñaja mu”, ĩre yirucuburotũgõroti ñaja manire. To bajirone bajiatu.

“Quẽnato masa”, Pablo ĩyicõare queti

¹⁹ To bajiri mani mairãre, Prisca vãme cutigo, so manaju Aquilare, to yicõari, Ones'iforo ya vianare quẽne, ĩnare quẽnaroticõaja yu. ²⁰ Erasto vãme cutiguma, Corinto macaju tujacoacami. Gãji, Trófimo vãme cutigurema, ĩ rijajare, Mileto vãme cuti macaju ĩre cũcaju yu. ²¹ Juebusũ rĩjoro yoato me busane vayá, “Pablo tujũ ejağusa” yigu.

To bajiri, mure quēnaroticōama, adoana, Jesucristore ajitirānā jediro. Eubulo, Pudente, Lino, Claudia quēne, mure quēnarotiama.

²² Mure quēnarotigu, mani ujure ado bajiro mure sēnibosaja yu: “Ī rāca ñarūgūña m, m bojasere ĩ yirūgūrotire yigu. To yicōari, ĩ rācanare quēne, quēnasere ĩnare cōaña m”, mure yisēnibosaja yu.

To cōro ñaja.

Carta de San Pablo a TITO

Titore Pablo ĩ quēnaroticōare queti

¹ ĩÑaboati m̄u, Tito? Yu ñaja Pablo vāme c̄utiḡu adi quetire m̄ure ucacōaḡu. Dios ĩ bojasere yiḡu, Jesucristo ĩ cōaḡu ñaja yu. To ĩ yiḡu ñari, Dios ĩ ejarēmose rāca ĩ mac̄ure ajitir̄un̄ur̄are butobusa ĩre ĩna ajitir̄un̄urotire, to yicōari, “Dios ĩ bojasere ĩna yirotire ajimasiato” yiḡu, gotimasior̄uḡūaja. Tire ajimasicōari, ĩ bojarore bajiro quēnaro yir̄uḡūama ĩna. ² To bajiri, “Diore mani ajitir̄un̄ujama, rijacoaboarine, tudicat-icōari, Diorāca quēnaro ñacōa ñar̄uḡūr̄uar̄aja mani” masa ĩna yit̄uōiarotire yiḡu, Jesús ĩ bajirere ĩnare gotimasior̄uḡūaja yu. Macar̄uc̄uro ĩ rujeoroto r̄ijoroj̄une, “Ado bajiro yir̄uc̄uja”, yimasiñumi Dios: “Ȳure ajitir̄un̄ur̄ā, rijacoaboarine, tudicat-icōari, yu rāca quēnaro ñacōa ñar̄uḡūr̄uar̄āma”, yimasiñumi Dios, socabecu ñari. ³ “Ado cōrone ti quetire ḡajer̄are gotimasior̄uc̄umi” ĩ yir̄iarore bajirone ȳure goticudirotiyumi Dios, ĩre mani cāmotadicōa t̄ujaborotire manire yir̄ētobosaḡu ñari. ⁴ M̄ure yu gotimasiosere ajicōari, “Jesucristo yere ajitir̄un̄ujaja”, yicaj̄u m̄u. To yicōari, Jesucristo ĩ bojarore bajiro m̄u yir̄uḡūsere ĩacōari, “Jesucristore ajitir̄un̄uḡu masu ñaami”, m̄ure yicacu ñaja yu. To bajiri, “M̄ure maiaja” yiḡu, yu mac̄ure bajiro bajiḡu m̄u ñajare, “mac̄u” m̄ure yaja yu. M̄ure quēnarotiḡu, mani jac̄u Diore, to yicōari, Jesucristo manire yir̄ētobosar̄'ire quēne, ado bajise m̄ure sēnibosaja yu: “Quēnaro m̄ua rāca ĩ ñarotire yir̄ā, ĩre ejarēmōña”, m̄ure yisēnibosaja yu.

Jesucristore ajitir̄un̄ur̄are ũmato ñaronare Tito ĩ besere queti

⁵ Creta vāme cuti yoanare, Jesucristore ajitir̄un̄ur̄are yu gotimasiojeobetire, “M̄uj̄na gotimasio gajanor̄uc̄uja”, m̄ure yicaj̄u yu. To yicōari, “Toj̄u ñarimacari cōrone Jesucristore ajitir̄un̄ur̄are ũmato ñaronare besegusa’ yu yicanare ȳure besebosaba”, m̄ure yivadicaj̄u yu. ⁶ To bajiri, ĩnare ũmato ñaronare m̄u beserotire yiḡu, m̄ure gotiaja yu: Jesucristore ajitir̄un̄ur̄are ũmato ñarocu, “Rojose yiḡu ñaami” masa ĩna yibecu ñar̄uc̄umi. Manajo c̄utiḡu, gajeore ajerio c̄utibecu ñar̄uc̄umi. ĩ r̄ia quēne, Jesucristore ajitir̄un̄ur̄ā ñar̄uar̄āma. “Rojose yir̄ā ñaama”, to yicōari, “ĩna jac̄uare r̄uc̄ub̄uomena ñaama” masa ĩna yir̄ā me ñar̄uar̄āma. ⁷ Jesucristore ajitir̄un̄ur̄are ũmato ñar̄ā, Dios ĩ bojasere yir̄ā ĩna ñajare, “Rojose yir̄ā ñaama”, ĩnare yibetir̄uar̄āma masa. ĩna rācana ĩna gotijama, ajiter̄ā, guaro j̄ūnisinimena, quēamena, idimec̄umena, “Ḡāj̄oa bujar̄āsa” yir̄ā, ḡajer̄are yitor̄ā

me ñaruarãma. ⁸ Ado bajirojua bajirã ñaruarãma: No bojase ñna yiroto rïjoro, quënaro tuoïacõari yirã ñaruarãma. To yicõari, ñna ya vi ejarãre quënaro yirã, no ñna bojaro ñna vacudijaquëne, masare ñamaicõari, quënaro ñnare yivariquënarã ñaruarãma. To yicõari, Diore quënaro yirucubhorã ñaruarãma. Rojosere yiruarã ñaboarine, tire yimena ñaruarãma. ⁹ To bajiri socabetire Dios oca Cristo yere yu gotimasioctire ajitirãnarã ñari, quënaro riojo ñna gotimasiojare, butobusa Jesús yere ajitirãnarãma. “To bajiro me bajiaja” yirã quëne, “Riojo gotiama” yirã ñari, ñna gotimasiosere ajitirãnarãma. To bajiro gotimasiorãre Jesúre ajitirãnarãre ùmato ñaronare beserucja mñ.

¹⁰ Tojure jãjarã ñacama, “Circuncisión yirere Dios ï roticũmasirere yiroti ñaja” yirã. To yicõari, socaserene masare ejarëmobetirene gotitorã ñacama. To bajiro ñna yijama, Dios ï bojasere yirã me yicama. ¹¹ To bajise ñna gotimasiosere, “To cõrone gotitujaya”, ñnare yiya mñ. “Gãjoa bũjarãsa” yirã, socasere gotimasio ñarãma. Tire ajica yirã, cojo viana me, ajimavisarãma.

¹² “Rojose yama” yu yirore bajirene yiyumi Creta vãme cutiyoagu ñna yu quëne: “Creta vãme cutiyoana socarã ñaja mña. Gãjerãre rojose yirã, moamena, to yicõari, jairo barã ñaja mña”, yiyumi, ï yarãre. ¹³ To bajiro ï yijama, riojo gotigu yiyumi. To bajiri socarãne masare gotitorãre buto ñnare gotiya mñ, “Dios oca Jesús yejare tuoïato ñna” yigu. ¹⁴ Jud'io masa ñna masune tuoïacõari socarãne ñna gotisere, to yicõari ñna rotisere quëne ajitujacõari, “Dios ye riojo gotisejare ajiato ñna” yigu, ñnare gotiya mñ.^a ¹⁵ Quënasere tuoïarãma, jediro ñna yise rïne quënasere ñacõaroja. Rojosere tuoïarãrema, ñna yise jediro rojose rïne ñaroja. “Adi ñaja quënasere. Tijua ñaja rojose”, yimasime-nama ñna, rojose rïne tuoïarã ñari. ¹⁶ ñna ùnama, “Diore masirã ñaja yua” yirã ñaboarine, rojosere Dios ï ñatesere yirũgũama. To bajiro yirã ñna ñajare, masa ñna ñavariquënaboajaquëne, “Yu bojasere yibeama”, ñnare yĩagũmi Dios.

2

“Ado bajirojua ñaroti ñaja manire” ñnare yigotiya” yigu, Titore Pablo ï ucacõare queti

¹ Mũjama, Dios ocare buecõari, riojo ñnare gotimasioña, “Dios ï bojarore bajiro yirã ñato” yigu. ² Ado bajiro bucãrãre ñnare gotimasioña: “Rojosere yiruarãboarine, tire yimena ñaña. ‘Quënasere yirã ñaama’ masa ñna yĩarucubhorã ñaña. Quënaro tuoïacõari, quënasere rïne yiya. Gãjerãre ñamaicõari, ñnare

^a 1:14 1 Ti 1.4; 4.7; 6.20; 2 Ti 2.16.

ejarẽmoña. Cristo yere ajirã ñari, tire ajitirũnu tujabesa”, ñare yigotimasioña mu.

³⁻⁴ БУСҮРӢ рӱмӱрӱре қуӱне, адо бажӱро ñare gotimasioña mu: “Diore ajitirũnrã ñari, quẽnaro yirã ñaña. Gãjerãre socasere ñare gõjabesa. Idimecũmenane ñaña”, ñare yigotiya. “Quẽnase rĩne yirã ñari, mamarã rõmiri mame manajua cõtĩrãre, ‘Mua manajũare mua rĩare quẽne ñare ñamaiña’ ñare yigotiya mua”, ñare yiya. ⁵ “Quẽnaro tũoĩacõari, quẽnase rĩne yiya. Mua ye moarere quẽnaro moaña. Mua rãcanare quẽnaro yiya. Mua manajũare ajirũcũbũoya. ‘Tire yimenane, rojosejũare mani yijama, Jesús ocare ajirãma, ‘¿To bajise yirã ñañujarique?’, manire yiroma’ yirã, mamarã rõmirire ñare gotiya mua”, ñare yiya, БУСҮРӢ рӱмӱрӱре.

⁶ Mamarã ãmũare quẽne, “Quẽnaro tũoĩacõari, quẽnase rĩne yiya”, yigotiya mu. ⁷ Mu quẽne quẽnase rĩne yiya mu. To bajiro mu yisere ñacõari, “Ñre bajiro yiroti ñaja manire quẽne”, yĩuarãma. Dios ocare mu gotijama, “Masa yũre ñavariquẽnacõari rũcũbũoato” yĩgu me, rũcũbũose rãca quẽnaro Dios ocare ñare gotiya. ⁸ Mũre yũ gotimasioatore bajiro riojo ñare gotimasioña, “Tire ajicõari, ‘Socũ yami’ yiroma” yĩgu. To bajiro mu yijama, manire ñaterimasa, riojo mu gotijare, tire ajicõari, bojonerũarãma.

⁹ Ñna ãjarãre moabosarimasare Jesucristore ajitirũnrãre quẽne ado bajiro ñare gotiya: “Mua ãjarãre quẽnaro ñare cãdirũgũña, ‘Mani moasere ñacõari variquẽnato ñna’ yirã. ¹⁰ To yicõari, mua ãjarã yere juarudibesa. Tire ñacõari, ‘Dios ocare ajitirũnrã ñaama ñna’ mũare yĩuarãma. To bajiri, rojose mani tãmũotũjabetirotire manire yirẽtobosagu yere ‘Quẽnaro rũcũbũoato ñna’ yĩgu, quẽnaro moaña”, ñare yiya, ãjarãre moabosarimasare, Jesucristore ajitirũnrãre.

¹¹ “Jesucristore ajitirũnrã rojose mani yise vaja rojose mani tãmũotũjabetirotire manire yirẽtobosagure Dios ñ cõare ti ñajare, quẽnase rĩne yirã ñaña mua”, ñare yiya mu. ¹² Ado bajiro Dios quẽnaro manire ñ yirũgũse ñajare, “Quẽnaro yirã ñaña mua”, ñare yiya mu: Adigodo mani catiro cõro ñ ñatesere, ñre ajimena ñna yirore bajiro mani yĩuajama, “Quẽnasejũare tũoĩacõari, yũ bojarore bajiro quẽnase rĩne yato” yĩgu, manire ejarẽmoami Dios. ¹³ Jesucristo adigodojũre tudiejacõari, quẽnaro manire ñ yirotire tũoĩayurã ñari, quẽnasere yirũgũroti ñaja. “Quẽnarẽtogũ, ñaja yũ” Dios ñ yĩose rãca tudiejarũcũmi. Ñ ñaami masirẽtogũ, rojose mani yisere Dios ñ masiriose vaja, manire vaja yibosar’i. ¹⁴ Ñre ajitirũnrã, “Ñie rojose mana ñaama’ manire yĩato Dios” yĩgu, manire rijabosayumi Jesucristo. To bajicõari, “Rojose yĩũaboarine, yibeticõari, quẽnasejũare yato” yĩgu, manire rijabosayumi.

15 To bajiri, mare yu gotirotisere quēnaro ĩnare gotimasiorũgũña mu. “Tire quēnaro muajisere bojaja yu”, ĩnare yigotiya. Mu gotisere ĩna ajibetijama, Cristore ñagõbosagu ñari, ujare bajiro bojonebecane gotiya mu.

3

“Jesúre ajitirãnrãma, ado bajirojma ñaroti ñaja”, Pablo ĩyire

1 Gaje vãme ado bajiro ĩnare gotiya mu, “Masiritiroma” yigu: “Gobierno, to yicõari muare ũmato ñarã ĩna rotisere, quēnaro ĩnare ajirũcũbuoya. To yicõari, gãjerãre quēne quēnaro yirũgũña mu. 2 Gãjerãre socarãne rojose ĩnare ñagõbesa. Quēnase rĩne yirã ñaña. Rojose muare ĩna yiboajaquēne, ĩnare ĩamaicõari, quēnaro ĩnare ejarẽmoña. ĩnare ajirũcũbuocõari, quēnaro ĩnare yiya mu”, ĩnare yigotiya mu, Jesucristore ajitirãnrãre.

3 Ado bajiro Dios quēnaro manire ĩ yise ñajare, gãjerãre quēnaro yirũgũroti ñaja manire: Mani quēne, Cristore ajitirãnrãmena ñari, tũõĩamasimena ñariarãja mani. Diore cãdimena, socasejũare ajitirãnrãriarãja mani. To yicõari, rojose mani yivariquēnasere rũgũmena ñariarãja mani. Gãjerã ĩna cõosere uorã ñariarãja mani. “Teose yirã ñaama” manire ĩna yijare, ĩnajuare quēne, “Teose yirã ñaama”, ĩnare yigãmejairã ñariarãja mani. 4-6 To bajiro rojose yirã mani ñaboajaquēne, “To cõrone ĩnare ĩamaicõari, quēnaro ĩnare yirũcũja yu” Dios ĩ yiriarore bajirone Jesucristore cõañumi, “Rojose ĩna yise vaja rojose ĩna tãmuoborotire ĩnare yirẽtobosaaya” yigu. ĩre mani ajitirãnrãroto rĩjoro, quēnasere mani yibetiboajaquēne, ĩre cõañumi. ĩjũama, manire ĩamaicõari, “Quēnaro ĩnare yirũcũja” yir'i ñari, yiyumi. To bajiro ĩ yire ñajare, “Rojose mani tãmuoborotire manire yirẽtobosayumi” mani yitũõĩajare, Esp'iritu Santore manire cõañumi Jesús, manire ejarẽmorocure. To bajiro ĩ yijare, Esp'iritu Santo rãca ñarã ñari, “Ñie rojose mana ñaama” Dios ĩ yĩarã ñasũoyuja. To bajicõari, rojosere yirũaboarine, tire yibetisũoyuja mani. 7 “Ñie rojose mana ñaama” Dios ĩ yĩarã ñari, mani rijato bero tudicaticõari, tudirijayamanire mani bujarotire, “Tũõĩavariquēna ñaruarãma” yigu, to bajiro yiyumi Dios.

8 Dios yere socabetire mare goticõaja yu. Dios ye socabeti ti ñajare, quēnaro Dios ĩ yirere tũõĩarãre ĩnare mu gotimasiosere bojaja yu. “Quēnase rĩne yĩñato ĩna” yigu, tire mare gotimasioroticõaja yu. No bojarã tire ajitirãnrãrema ejarẽmorũaroja.

9 Socase ĩna yise ũni sũorine gãmerã oca josabesa. ĩna ñicua ĩna bajimasirere ĩna masise sũorine gãmerã oca josabesa. Moisés ñamasir'i ĩ roticũmasirere ajimasibeticõari, ti sũorine gãmerã oca mavisiabesa. Tima, masare no bajiro yiejarẽmobetoja.

¹⁰ Sīgū m̄a vatoajū, Jesucristo ocare ajitirānūrāre ricatīne ī gotimavisio ñajama, “Tire yibeticōaña”, ĩre yigotiba m̄a. To bajiro ĩre m̄a yigotiboajaquēne, ĩ ajibetijama, quēna ĩre gotirēmoma. ĩre m̄a tudigotiboajaquēne, ĩ ajibeti manicōajama, ĩre cāmotadicōama. ¹¹ ĩ masune, “Rojosere yigū yaja yū” yimasiboarine, butobusa rojose ĩ yicōa ñajama, ti suorine rojose ĩre yirucūmi Dios. To bajiri, rojose yijaigūre masigū ñari, ĩre cāmotadiba.

Tito ĩ bajiro tire Pablo ĩ goticōare queti

¹² Artemas vāme cutigure m̄a tujū ĩre cōarucija yū. ĩre yū cōabetijama, T'iquico vāme cutigūjūare ĩre cōarucija. ĩ ejarō ĩacōari, to ĩ ñaro ũnone m̄a bajitīmaro cōro yūre ĩagū varucija m̄a, Nicópolis vāme cuti macajū. “Ti macajū juebuscū rētorucija”, yibū yū. ¹³ Apolos, to yicōari masare rotisere gotimasiorimasū Zenas vāme cutigū m̄a tujū ejaruarāma. M̄a tū eja, ñarūgūboa ĩna vato, m̄a ejarēmoro cōro ĩnare yirēmoma, “Quēnaro vajaro” yigū. ¹⁴ M̄a tuana quēne, Jesucristore ajitirānūrā ñari, gājerā ĩna bojase ti ruyajama, ĩnare ĩna ejarēmojama, quēnaja. Ti ñaja quēnaro ñarema. Gājerāre mani ejarēmobetijama, ñie vaja maja.

¹⁵ M̄are quēnarotiaja yūa jediro. M̄a rācana quēne, Jesucristore ajitirānūrā, yūare mairā quēnato. Diore sēnirā, “Quēnasere ĩnare cōaña”, m̄are yisēnibosaja yūa.

To cōro ñaja.

Carta de San Pablo a FILEMÓN

Filemón vāme cutigure, Pablo, Timoteo rāca ĩna quēnarotire

1-3 ¿Ñaboati yua baba Filemón vāme cutigu? Mũ ñaja quēnaro yua maigũ, yuare bajiro moagũ. Mani maigõ, Apia vāme cutigore, to yicõari, yuare bajiro moagũ, Arquipo vāme cutigure quēne adi queti mũare ucaja yua. Cristore ajitirũncõari, mũ ya vijũ rējarũgũrã jedirore adi queti mũare ucaja yua. Mũare quēnarotirã, mani jacũ Diore, to yicõari, mani ujũ Jesucristore quēne, ado bajise mũare sēnibosaja yua: “Quēnaro mũa rāca ĩna ñarotire yirã, ĩnare ejarēmoña”, mũare yisēnibosaja yua. Yũ Pablo, mani maigũ, Timoteo rāca adi papera rāca mũare queti ucaja yua. Masare Jesucristo ocare gotimasioğũ ñari, adoju tubibe ecoaja yũ.

Filemón Cristore ĩ ajitirũnũre queti

4-5 Mani ujũ Jesucristore, to yicõari Dios yarãre quēne quēnaro mũ maisere yũre gotirũgũama masa. “Jesucristore quēnaro ajitirũncõa ñaami. To bajicõari, Dios yarã jedirore ĩamaicõari, quēnaro yami” mũre ĩna yisere ajivariquēnaja yũ. To bajiri, tocārãcaine Diore sēnigũ, “Filemónre quēnaro yiyuja mũ”, ĩre yisēnirũgũaja yũ. 6 Mũ quēne, yũre bajiro Jesucristore ajitirũnũgũ ñari, ñajediro quēnaro Dios manire ĩ yisere mũ ajimasirotire yigũ, mũre sēnibosarũgũaja. 7 “ĩnare ĩamaicõari, quēnaro mũ yijare, variquēnama Jesũre ajitirũnrã” ĩna yisere ajicõari, bũto variquēnarũgũaja yũ quēne.

“Onésimo vāme cutigure quēnaro bocaãmiña”, Pablo ĩ yire

8-9 Dios yarãre quēnaro yirũgũgũ mũ ñajare, yũre quēne quēnaro mũ yirotere sēnigũ yaja yũ. Cristo ĩ cõacacũ ñari, mũ yirũabetire rotimasirocũ ñaboarine, Dios yarãre quēnaro mũ maisere masicõari, “Yũre quēne maicõari, yũ sēnirõre bajiro cũdirũcũmi” yigũ, mũre sēniaja yũ. Yũ ñaja bũcũ Pablo. To yicõari, Cristo ĩ bajirere yũ gotimasiose sũori adoju tubibe ecoaja yũ. 10 Ado bajiro mũre sēniaja yũ: Quēnaro ajiya, Filemón. Onésimo mũre moabosarimasũ ñaboar'ire, yũ macũre bajiro bajigure sēnibosagũ yaja. Adoju tubiberiavi ñagũ, Cristo ĩ bajirere yũ gotimasiocati sũorine Jesucristore ajitirũncũmi.

11 Tirũmũju mũre moabosarimasũ ñaboarine quēnaro mũre moabosabesumi. Yucũrema quēnaro ejarēmogũ ñaami. To bajiri, mũre quēne quēnaro ejarēmorũcũmi. 12 Mũ tũju ĩre varotiaja yũ. ĩ ñaami bũto yũ maigũ. To bajiri, quēnaro ĩre bocaãmiña. 13 Bajigũjũma, yũ rāca ĩ ñasere bojaboaja yũ,

“Tubiberiaviju yu ñaro yare ejarēmoato” yigu. To bajiro ĩ bajijama, sōju ñacōari, yare mu ejarēmomasibetijare, mare ĩ moabosaroti ũnirene, yujure ejarēmocōa ñabogumi. ¹⁴ To bajiboarine, “Pablo taju ĩ tujasere bojaja yu quēne” mu yioto rījoro, “Adoju tujaya Onésimo”, yigabeaja yu. To bajiri, ĩre bojagu ñaboarine, mu taju ĩre varotiaja yu. Mu taju ĩ tudiejasere ĩacōari, “Pablore ejarēmorocu ñaja mu” ĩre mu yijama, quēnaroja. ¹⁵ Mare rudiadicōari, yoaro me adoju ĩ ñarotire bojarimi Dios, mu taju tudiejacōari, quēnaro ĩ ñacōa ñarotire yigu. “Yucurema Jesucristore ajitirūnugū ñari, ĩ rijato beroju ĩ catirotire Dios ĩ ĩsir'i ñari, ō vecaju quēne mu rāca quēnaro ñacōa ñarūgūrucumi” yigu yaja yu. ¹⁶ Mu taju ĩ tudiejaro, “Yu moarimasu tudiejaami” ĩre yigu me, ĩre ĩamairucuja mu. “Jesucristore ajitirūnugū ñari, yu maigū, yu bedire bajiro bajigu ñaami” yituoīagū, ĩre ĩamaima. To bajiri ĩre yu mairo rētoro mājua, ĩre maīrucuja mu.

¹⁷ To bajiri, mu taju ĩre tuoōagū yaja yu. “Pablo quēne, yare bajiro Jesucristore ajitirūnugū ñagūmi” mu yituoīajama, yarene bocaāmigūre bajiro Onésimore bocaāmima. ¹⁸ Tirāmaju rojose yir'i ĩ ñajama, to yicōari, no bojase mare vaja mor'i ĩ ñajama, yujure vaja sēniña. ĩre vaja yibosaru yaja yu. ¹⁹ Yu masune adire ucaja yu: “Onésimo mare ĩ vaja more ti ñajama, ĩre vaja yibosarucuja”, yucaja yu. To bajiro yu yiboajaquēne, ado bajise tuoīagūja mu: “Pablo ĩ gotimasiocati suorine Jesucristore yu ajitirūnucocati ñajare, yu rijato beroju yu catirotire Dios ĩ ĩsir'i ñaja yu. To bajiri ĩ gotimasiore vaja yare ĩ sēnijama, ĩre vaja yijeomasibecuja”, yituoīagūja mu. ²⁰ To bajiri, Onésimo rojose mare ĩ yirere masiriocōari, ĩre quēnaro mu bocaāmijama, “Mani uju ĩ bojarore bajiro yiyumi” mare yimasicōari, buto variquēnarucuja yu.

²¹ “‘Quēnaro ĩre bocaāmiña’ yu yioto rētoro quēnaro ĩre yigucumi” mare yituoīacōari, adi papera yu ucasa rāca mare sēniaja yu. ²² Gajeye ado bajise mare yaja yu: Mu taju yu cānirotisōa yare quēnoyubosaya. “Diore yare mua sēnibosarūgūrore bajirone yoaro mene adoju tubiberiavire budirucuja”, yituoīaja yu. To bajicōari, mare ĩagū varuaja yu.

Pablo, ĩ rācana quēne ĩna quēnarotire queti

²³ Mani maigū, Epafras mare quēnarotiami. ĩ quēne, Jesucristo ĩ bojasere yigu ñari, adoju tubiberiaviju yu rāca ñaami. ²⁴ Gājerā, yu rāca moarā, Marcos, Aristarco, Demas, Lucas quēne, mare quēnarotiamā ĩna quēne.

²⁵ Mani uju Jesucristo, quēnase mare cōarūgūato.

To cōro ñaja.

Carta a los HEBREOS

Ī macu sʰorine ĩ ocare Dios ĩ gotimasiore queti

¹ Tirũmũjũ cojoji me mani ñicũare Hebreo masare ĩnare gotimasioñuju Dios. Īre gotirẽtobosariarã sʰorine ĩnare gotimasiñuju ĩ. Īna gotise rĩ me ĩnare yimasiasoñuju. Gajeye quẽne, ricati ĩnare ĩ yiroticõamasire rãca ĩnare yimasiasoñujarã. To bajiri, “To bajiro tũoĩagũ ñagũmi”, yimasioñujarã ĩna, mani ñicũa. ² To bajiri yucũirema, Dios ĩ macũre manire ĩ cõajare, quẽnaro Diore masiaja mani. Macarũcũro, õ vecaye ñajediro ĩ macu sʰorine tire rujeomasioñuju Dios. Ī macũne ñaami, “Jediro macarũcũroayere cʰorũcũja mũ” ĩ yimasir'i. ³ Dios macũre ajitirũnarã ĩre masirã ñari, “Rẽtoro ñamasugũ ñagũmi Dios”, yimasiasiaja mani. Diore masirã ñarãma ĩ macũre masirã. Ī macũre quẽnaro masicõari, “Ī jacũre bajirone bajigu ñagũmi”, yimasiasiaja mani. Ī macũne ñaami, “Adi macarũcũroaye bajimũorũgõato” yirotimasir'i. Īne ñaami, Diore ajitirũnarã rojose mani yise vaja manire rija-bosacõari, Diorãca ñajedirore rotigu.*

“Ángel mesa rẽtoro ñamasugũ ñaami Dios macu”, yire queti

⁴ To bajiri adirũmũri Diorãca rotigu ñari, Diore moabosarã ángel mesare rẽtoro ñamasugũ ñaami Dios macu. ⁵ Ī sĩgũne ñamasugũ ĩ ñajare, ado bajise ĩre yiyumi Dios: “Adirũmũne yũ macu ñari, yũre bajiro rotisʰorũcũja mũ”, ĩre yimasioñuju Dios.

Ángel mesarema, to bajiro ĩnare yibesumi Dios. Gãjerãre quẽne, ti ũnire yibecũne ĩ macu sĩgũrene tũoĩagũ, ado bajiro yiyumi Dios:

“Ī jacu ñaja yũ. To bajiri yũ macu ñaami”, ĩre yiyumi.

⁶ Ī macu ñamasugũre, adi macarũcũrojũre ĩre cõagũ, ado bajise ĩre yiyumi:

“Ángel mesa quẽne mũre rũcũbũo jedicõarũarãma ĩna”, yiyumi Dios.

⁷ Īre moabosarimasa ángel mesare yigu, ado bajiro yiyumi Dios:

“Ángel mesare yũ rotijama, yoaro me mino ti vẽatuvasese bajiro yoaro mene yũre cũdirũarãma. To yicõari, jea ũjũse guaro ti ũjũjẽnirore bajiro yũre moabosarũarãma ĩna”, yiyumi Dios, ángel mesa ĩre ĩna moabosarotire yigu.

* 1:3 Jn 1.1-3.

- 8 Ī macu ñamasugũre yigu, ado bajirojua yiyumi Dios:
 “Yu macu ñari, Dios ñaja mu. Mu rotise jedibetiruroja. Masare mu rotijama, yu bojarore bajirone quẽnaro rotirucija mu.
- 9 “Yu bojarore bajiro quẽnaro yigu, rojosejmarema yibetirucija’ yituoĩarũgũcaju mu. To bajiro yicacu mu ñajare, ‘Gãjerã rẽtoro ñamasugũ ñaja’ mure yaja yu. To bajiro mure yu yijare, buto variquẽnaja mu”, yiyumi Dios, ĩ macure.
- 10 Quẽna gajeye ado bajise yiyumi Dios, ĩ macure yigu:
 “Rẽmojne adi macarucuro rujeomasicaju mu.
- 11 Mu rujeomasicati jedirone ti jedicoaboajaquẽne, mujama, ñacõa ñarũgũrocu ñaja mu, Dios ñari.
- 12 Sudi ñna sãñasosere vejecõari, gajeye quẽnase ñna vasoasãñare bajiro, adi macarucuro ñase ti jedirone quẽna gajeye vasoarucija mu. Muma, rijabetirocu ñari, mune ñacõa ñarũgũrucija mu”, ĩ macure yiyumi Dios.
- 13 Quẽna, ĩ macu sũgũrene ado bajise yirucuboyumi Dios:
 “Rucuborijare rujiya maji. Mure ĩaterãre, ‘Rojose yitujaya’ ĩnare yu yiro bero, rojose yimasibetirurãma. To cõrone rotisucucija mu”, yirucuboyumi Dios, ĩ macure.
- Ángel mesarema, to bajiro yibetimasĩuju Dios. ¹⁴ Ángel mesama, ruyumena ĩre moabosarã ĩ cõarã ñarãma. To bajiri, Diore ajitirũnrã õ vecaju quẽnaro ĩ rãca ñaronare ejarẽmorã ñarãma ángel mesa.

2

“Ī macu suorine quẽnaro manire Dios ĩ yiotire ajitirũnu tujabetiroti ñaja”, yire queti

¹ Dios macu ñamasugũ ĩ ñajare, ĩ ocare butobusa ajitirũnuto mani, tire mani ajitirũnu tujajama, “Quẽnaro manire Dios ĩ yiotire masiriticõari, rojose yirobe” yirã. ² Tirãmujũ ángel mesa suorine, Dios ĩ rotimasire Moisére ejamasĩuju ti. Tire, “Dios ye masu ñañuja”, yimasijaja mani. Tire cudibetimasiriarã ñaboarine, rojose Dios ĩ yiotire masicõari, bojabetimasĩujarã. To bajiro bajirã ñaboarine, rojose tãmũo jedicõamasĩujarã ñna. ³⁻⁴ To bajiri Dios ĩ yirere masiboarine, ĩ rotimasire rẽtoro quẽnasere mani ajitirũnu tujajama, “No bajirojua yicõari rojose manire yibeticõato Dios”, yimasibetirurãja. Rẽmojne mani ujũ Jesús ñañuju, adirodori Dios ĩ yarãre quẽnaro ĩ yiotire gotisucor’i. ĩre ajiriarã, ti ocare manire gotirẽtocama ñna. To yicõari, Dios suorine jairo ĩaĩañamanire manire yĩocama. To yicõari, Dios ĩ bojarore bajiro ñna yimasiotire yigu, tocãrcurene ricati rĩne ĩ masisere ĩnare

ujoyumi Esp'iritu Santo. To ĩ yijare, manire quēnaro gotima-siocama ĩna. To bajiri, “Cristo oca socase mene bajiaja ti”, yimasicoacaju mani quēne.

Jesucristo manire bajigu ĩ ñare queti

⁵ Diore moabosarã, ángel mesarema, “Adi macarucuro jedi-rore rotiruarãja mña”, ĩnare yibesuju Dios. ⁶ Masajurema, “Adi macarucurore rotiruarãja mña”, ĩnare yimasĩñuju. Sĭgũ, Diore ĩ sēnirere ucagu, ado bajise ucamasĩñumi:

“Dios, ¿no yigu ñamasurã me yña ñaboajaquēne, yñare masir-itibeatĩ mñ?”

⁷ ‘Ángel mesare bajiro bajibeticōato’ yigu, ‘Ñamasurã me ñaruarãma’, yñare yiyuja mñ. To bajiro yñare yicũr'i ñaboarine, ‘Ñamasurã ñato’ yñare yicũñuja mñ quēna.

⁸ ‘Adi macarucuro ñase jediro mñ cũrere rotimasiato’ yigu, yñare cũñuja mñ”, yucamasĩñuju sĭgũ, Diore sēnigũ.

“Noajũane masare cudimena maniruarãma” Dios ĩ yire ti ñaboajaquēne, ñajediro manire cudijedibeama maji. ⁹ To bajiboarine, sĭgũ adi macarucuroaye jediro rotimasigũre masiaja mani, Jesús vãme cutigũre. ĩ bajirere ado bajiro masiaja mani: Ángel mesa rētoro ñamasugũ ĩ ñaboajaquēne, “Yoaro meaca ñamasugũ mere bajiro bajirucumi” yigu, adigodojare ĩre cōañumi Dios. To bajiro ĩ yicōar'i ñari, manire rijabosayumi Jesús. Rojose tãmucōari, ĩ rijabosare ñajare, “Jediro ujñamasugũ ñarucumi”, ĩre yiyumi Dios.

¹⁰ Adi macarucuro ñase jediro Dios ĩ rujeore ñaja. Quēnaro ĩ rotimasijare, adi macarucuro bajise jediro bajiarũgũaja. Jediro Jesucristo suorine, “Yñ yarã ñaama” Dios ĩ yĩarã, “Yñ tũju ejaminarãma”, ĩnare yiyumi Dios. To bajiro yigu ñari, “Rojose ĩna tãmuborotire yirētobosaaya” yigu, ĩ macure cōañumi Dios. To bajiro ĩ yiroticōajare, rojose tãmucōari, manire rijabosayumi Jesucristo. ¹¹ To bajiri, Jesúrãca ñarã ñari, sĭgũ rĩare bajiro bajirã ñaja mani. Mani quēne, Dios rĩa mani ñajare, bojonebecune, “Yñ bederã ñaama”, manire yigumi Jesús. ¹² To bajirone gotiaja Dios ocare masa ĩna ucamasire:

“Mñ bajisere yñ bederãre ĩnare gotirucuja yñ. ĩna rãca rējacōari, mñre variquēnarã, basaruarãja yñ”, yigotiaja.

¹³ Quēna gajeye ado bajise gotiaja, Jesús Diore ĩ yiro-tire yiro:

“Yñare ejarēmorcumi’ Diore ĩre yitũoĩaja yñ”, yigotiaja.

Quēna gajeye, ado bajiro gotiaja:

“Yñ rĩare bajiro bajirã ñaama’ Dios ĩ yicana rãca adoju ñaja yñ”, yigotiaja, Jesús ĩ yiro-tire yiro.

¹⁴ Mani, Dios rĩa, sĭgũre bajirone rujũ cuti, ri'i cuti bajiaja mani. To bajiri, Jesús quēne, Dios macũ ñaboarine, manire

bajirone ruja cuticōari, manire rijabosayumi. To bajiro ī bajijama, ī rijabosase suorine rojose tām̄ot̄ajabetiriaroju masare vāti ī varotiboasere tire teḡu bajiyumi. ¹⁵ Adi macarucuro ñarã rojose yirã ñari, bajireacōari bero, “Rojose yiecoruarãja” mani yit̄oĩagũiboarere “To cōrone gũit̄ajato ñna” yiḡu, manire rijabosayumi. ¹⁶ To bajiri, “Ángel mesare ejarēmogũ bajiyumi Jesús”, yibeaja mani. Ado bajiroju yimasiaja mani: “Diore Abraham ñamasir'i ī t̄oĩariarore bajiro t̄oĩarãjuare manire ejarēmogũ bajiyumi”, yaja mani. ¹⁷ To bajiri manire bajiro ruja cuticōari rojose tām̄oñumi Jesús. Adi macarucuro ñagũ paia uju ī ñagōbosaro rētoro ī jac̄u ī ñaroju ī rijabosariarãre “Ñagōbosagusa” yiḡu bajiyumi Jesús. Dios ī ĩajama, masa ñna bajisere quēnaro gotirētosaḡu, to yicōari masa rojose tām̄orãre ñnare ĩamaigũ ñañumi. ĩne ñañumi masa rojose ñna yise vajare “ĩnare masirioato Dios” yiḡu, rojose tām̄ocōari, ñnare yirētosar'i. ¹⁸ Cojojirema Dios ī bojarore bajiro ī yise, b̄uto josarũgũñuju ti, Cristore. To bajiri rojose tām̄oñuju ī. To bajirone bajiaja manire quēne. Manire bajiro bajir'i ñari, Diore mani c̄adiroti ti josajama, manire ejarēmomasiami Jesús, “Yure bajiro ñna quēne, Dios ī bojasere yato” yiḡu.

3

“Moisés rētoro ñamasugũ ñagũmi Jesús”, yire queti

¹ To bajiri, “Jesús manire ejarēmogũ ñaami”, yimasiaja mani. Manijua, “Dios ī ejarēmose rãca Cristore ĩre ajitir̄an̄uroti ñaja” yimasicōari, ĩre c̄adirã ñaja mani. “Ȳu yarã ñato” Dios ī yiriarã ñaja. Jesúju ñagũmi, “Masare quēnaro ȳu yirotire gotiba” Dios ī yicōar'i. To bajicōari, tir̄um̄uju paia ujarã ñna yis̄oadimasire ũnire yiḡu, Cristo quēne rojose mani yisere “Masirioato Dios” yiḡu, manire sēnibosaḡu ñagũmi. To bajiri, “Ñamasugũ ñagũmi Jesús”, yit̄oĩato mani. ² Adi macarucurojuare ñagũ Dios ī rotirore bajirone yiḡu, Dios yarã masare quēnaro ejarēmof̄umi Jesús. To bajirone yimasiñuju Moisés ñamasir'i quēne. Dios ī rotirore bajirone yiḡu, Dios yarãre quēnaro ejarēmomasif̄uju. ³⁻⁴ Quēnaro ñnare ejarēmomasir'i ñaboarine, “‘Rojose mana ñaama’ Dios ī yĩarã ñato”, yimasibetimasif̄uju. Jesújuama, “‘Rojose mana ñaama’ Dios ī yĩarã ñato”, yimasigũ ñaami. To bajiro yiḡu ī ñajare, Moisés ñamasir'i rētoro Cristore r̄uc̄ub̄oroti ñaja. ⁵ Moisés ñamasir'ijuaama, Dios moarimas̄ure bajiro bajimasiñuju. To bajicōari, Dios ī yirotirore bajirone c̄adigu, Diore ajitir̄an̄urãre quēnaro ejarēmogũ ñamasif̄uju. To bajiro ī yimasirere t̄oĩacōari, “Cristo suor̄i Dios manire quēnaro ī yirotire gotimasif̄ogũ yimasiñumi Moisés”, yimasiaja mani. ⁶ Cristojuama, Dios moarimas̄ure bajiro me bajiyuju. ĩ ñaami

Dios macu, i rotirore bajirone yigu. To bajicõari, Dios yarã uju ñaami Cristo. “Cristo sũori quẽnaro Dios i yirotire yiecoruarãja mani” mani tuoiatujabetijama, i yarã ñacõa ñarũgũuarãja.

“Diore ajitirũnu tujabesa mua”, yire queti

7 To bajiri Dios yarã ñari, Cristore ajitirũnu tujabeticõato mani. Dios ocare masa ñna ucamasire Dios yarãre gotigu, ado bajiro yimasiñumi Esp'iritu Santo:

“Yucũne mũare yu gotisere mua ajijama, yu yirotire bajiro cudiya.

8-9 ‘Mũre ajitirũnumenaja yua’ yibesa. Mua ñicua yure jũnisinicõari, ñna cãdibetimasicatire bajiro bajibesa mua. Mua ñicua, masa manojũ ñna ñacudiro, jũarã masa cõro ñaricũmarĩ ñaãañamanire ñnare yĩõrũgũboacaju yu. To yu yiboajaquẽne, yure ajirũcũbũomena ñari, ado bajise yirũgũcama ñna: ‘Mani bojasejua mani yijama, ¿no bajise manire yirojari Dios?’ yirũgũcama ñna.

10 To bajiro ñna yisere jũnisinicõari, ado bajise ñnare yicaju yu: ‘Yure ajiterũgũaja mua. To bajiri, “Ado bajiro tuoĩagũ ñagũmi”, yure yimasibeaja mua’, ñnare yicaju yu.

11 Quẽna gajeye ñnare goticaju yu: ‘Riojo mũare gotiaja yu. Yu rãca quẽnaro mua ñasere bojaboacaju yu. To bajiboarine cojoi me mũajua yure mua ajibetijare, yu rãca quẽnaro ñabetiruarãma’ yicõacaju yu”, yigotimasiñumi Dios i cõagũ Esp'iritu Santo.

12 To bajiri mani ñicua Diore ñna ajitirũnu tujamasiriarore bajiro bajibesa yu yarã mua. Sĩgũ mani yu, “Dios ocare socase ñaja” i yisere ajicõari, quẽnaro ñre gotimasioña, “Masirẽtogũ Dios yere ajitirũnu tujaromi” yirã. 13 Dios ocare gãmerã gotivariquẽnaña mua. “Maji busiyu gãmerã gotiroti ñaroja”, yituoĩabesa, mua rãcana sũgũri vãti i rotisejũare cãdicõari, “‘Dios oca socase ñaja’ yiroma” yirã. To bajiri tocãrãcarũmũne gãmerã goticõa ñarũgũuroti ñaja mũare, “Tire ajitirũnu tujabeticõato” yirã. 14 Tirũmũju, Cristore ñre mani ajitirũnũsũocatore bajirone ñre ajitirũnũcõa ñaroti ñaja manire. To bajiro mani bajicõa ñajama, mani bajirearo beroju õ vecaju Cristo rãca quẽnaro ñacõa ñarũgũuarãja mani.

15 Tire mũare yu gotirore bajirone gotiaja Dios ocare masa ñna ucamasire:

“Yucũne mũare yu gotisere mua ajijama, yu yirotire bajiro cudiya. ‘Mũre ajitirũnumenaja yua’ yibesa. Mua ñicua yure jũnisinicõari, ñna cãdibetimasicatire bajiro bajibesa mua”, yigotiaja Dios ocare masa ñna ucamasire.

16 Mani ñicua ñna bajimasirere tuoĩaña mua quẽna: ¿Ñimarã ñañujari Dios i masune i gotisere ajirã ñaboarine, cãdibetiriarã? Egipto sitaju ñarãre, Moisés i ñmato variarãne bajiyuma.

17-18 Juarã masa cõro ñaricũmari, Diore ñna cãdibetijare, bũto jũnisiniũju Dios. Ñnare jũnisinicõari, ado bajiro ñnare yimasiũju Dios: “Riojo mũare gotiaja yũ. Quẽnari sitare mũare yũ ẽjorũaboacatore ejabetirũarãja mũa”, ñnare yimasiũju Dios. To bajiro ñ yire ñajare, ti sitajũ ejamenane, masa manojũ ñna ñnacudimasiriarojũne bajireacoamasiũjuarã ñna. ¹⁹ Tire ajicõari, “Diore ajirũcũũobetiriarã ñari, ti sitajũre ejabesuma”, yimasiaja mani.

4

¹ To bajiri mani ñicũa ñna bajiriarore bajiro bajibeticõato mani. “Yũ yarã, yũ rãca quẽnaro ñna ñsere bojaja yũ” ñnare Dios ñ yiriarore bajirone yami, manire quẽne. To bajiri, quẽnaro gãmerã ejarẽmoto mani, “Mani jedirone, Diorãca quẽnaro ñacõa ñnarũgũrãsa” yirã. ² Ñnare Dios ñ yimasiboariarore bajiro manire quẽne quẽnaro ñ yiro tire ajicajũ mani. Mani ñicũajũama, Dios ocare ajirã ñaboarine, ñnare ñ gotiriarore bajiro ñna bajibetijare, “Tojũ ñarũarãja” ñ yimasiboariarojũre ejabetimasiũjuarã. ³ Manijũama, Diore ñre ajitirũnũ tũjabeticõato mani. Ñre ajitirũnũrã rĩne ñarãma quẽnaro ñ rãca ñarona. To bajiro ti bajijare, ado bajise ñnare gotimasiũju Dios, mani ñicũare:

“Riojo mũare gotiaja yũ. Mũare bũto jũnisinicõari, yũ rãca quẽnaro ñabetirũarãja mũa”, ñnare yimasiũju Dios, ñre ajitirũnũbetiriarãre.

To bajiboarine adi macarũcũro rujeojẽocõari, cojomo cõro, gaje ãmo, jũa jẽnituarirũmũre quẽnaro ñacõamasiũju Dios”, yigotiaja Dios ocare masa ñna ucamasire.

To bajiro ñ yimasirere masiaja mani, Dios ocare masa ñna ucamasire ado bajise ti gotijare:

“Adi macarũcũro ñase jedirore rujeojeocõari, cojomo cõro, gaje ãmo, jũa jẽnituarirũmũre quẽnaro ñacõamasiũju Dios”, yigotiaja Dios ocare masa ñna ucamasire.

⁵ To bajiri, “Yũ ñnare bajirone quẽnaro yũ rãca ñarũarãma” ñ yiboarere ñna ajitejare, ado bajiro ñnare yimasiũju Dios:

“Yũ rãca quẽnaro ñabetirũarãja mũa!”, yimasiũju.
⁶ “Yũ rãca quẽnaro ñato ñna” yigũ, Dios ñ yimasirere ajiriarã ñaboarine, ñ rãca quẽnaro ñabetimasiũjuarã ñna. To bajiboarine, masa rãca quẽnaro ñ ñarotire bojacõa ñaami Dios. ⁷ To bajiri mani ñicũa ñamasiriarã ñ gotirere ajitemasiriarã bero yoatojũ David ñamasir'i Diore ajicõari, ado bajiro ucamasiũju:

“Yucũne mũare yũ gotisere mũa ajijama, yũ yiro tire bajiro cũdiya. ‘Mũre ajitirũnũmenaja yũa’ yibesa mũa”, yucamasiũju David ñamasir'i, Dios oca tutijũ.

⁸ Diore ajitemasiriarã ñna bajireajediro bero, ñna rãa ñamasiriarã mani ñicũare ñnare ãmato vamasijũju Josuẽ

ñamasir'i, Dios ñnare ñ ujomasiriarojare. Toju quënaro ñamasinujarã ñna mani ñicua. Quënaro ñaboarine, Diorãca quënaro ñna ñabetijare, ado bajiro yimasiñuju Dios: “Yucane mware yu gotisere mwa ajijama, yu yirotirore bajiro cadiya”, ñnare yimasiñuju quëna. ⁹ To bajiri mware yu gotisere ajicõari, ado bajiro ajimasirãja mwa: “Dios yarã, ñ rãca quënaro ñna ñacõa ñnarotire bojacõa ñagũmi”, yimasirãja mwa. Diorãca quënaro mani ñnase ado bajiro bajiaja: Dios adi macarucurore rujeogajanocõari, quënaro ñacõamasiñuju. Tire bajirone bajiroja, Diorãca quënaro mani ñacõa ñnase quëne. ¹⁰ Adi macarucuro ñnase jediro rujeogajanoacu, ñ bojarore bajiro ti bajirotirore masicõari, quënaro ñacõamasiñuju Dios. Ñre bajiro quënaro ñarucumi, “Ado bajiro mwa yijama, yu rãca quënaro ñarucuja mwa” Dios ñ yirotirore cudigu quëne. ¹¹ To bajiri ñ rãca quënaro mani ñnase Dios ñ bojarare, quënabusaro ñre ajitirũnuto mani, “Ñ rãca quënaro ñarãsa mani” yirã. Mani ñicua Diore ajitirũnubeticõari, ñ rãca quënaro ñna ñabetimasiriarore bajiro bajibetiroti ñaja manire.

¹² “Dios oca ñamasuse ti ñajare, ajitirũnucõa ñaroti ñaja”, mware yigotiaja yu. Masijeogu ñ ñajare, “To bajiro bajirũaroja” ñ oca ti yigotirore bajirone bajirũaroja ti. Jariase juajacatuajune bujariase mani usuju ti ejarore bajiro bajiaja Dios oca, mani ajise. To bajiri, mani tuoñase, “Masibecumi Dios” mani yiboasere quëne ñamasigũ ñnaami Dios. Ñ oca suorine, “Rojose ñaja; quënase ñaja”, yituoñamasiaja mani. ¹³ Disejua Dios ñ rujeorere ñre yayiomasiña manoja. To bajiri, disejwane mani yise, mani tuoñase quëne, ñ masibeti manoja. Ñ ñagũmi, ñajediro mani yisere mani gotirocu.

“Paia ujũ rëtoro ñamasugũ ñagũmi Cristo”, yire queti

¹⁴ Cristo, paia ujũ rëtoro ñamasugũ ñagũmi. Dios macu ñari, ñ tujũ manire ñagõbosagu ñagũmi. To bajiri, ñre ajitirũnũ tujabeticõato mani. ¹⁵ “Cristo adi macarucuroju ñ ñaro, Dios ñ bojabetire yato” yigu, manire ñ yicoderũgũrore bajiro Cristore quëne rojosere ñre yirotirũgũboayuju Satanás. To bajiboarine rojose yibesuju Cristo. “Yure quëne rojose yirotirũgũcami Satanás; ñnare quëne to bajirone yami” yimasigũ ñari, “Dios ñ bojarore bajiro ñna yiruaboase ñnare josaja ti” yigu, manire ñamaicõa ñagũmi. Manire ñamaicõari, paia ujũ rëtoro ñamasugũ ñari, “ ‘Mware ajitirũnũ tujabeticõato ñna’ yigu, ñnare ejarëmoña”, ñ jacure manire yisënbosarũgũgũmi. ¹⁶ To bajiri mani quëne, Diore güimenane, sëniroti ñaja. Ñre mani sënijama, rojose mani yise vaja rojose manire ñ yiborotire manire ñamaicõari, yibetirucumi. No bojarijune ñ ejarëmosere mani bojarama, quënaro manire ejarëmorucumi.

5

¹ Mani ñicua ñna ñarirodore ñamasinuju paia uju ñamasugũ, Dios ñ beser'i, "Masare ejarẽmoato" yigu, ñ cũr'i. Ado bajiro yirũgũmasinuju: Vaibucurã ñre ñna ñsisere quẽne boca juacõari, soemobosarũgũñuju, rojose ñna yisere "Ñnare masirioya mu" ñnare yisẽnibosagu. ² Ñ quẽne, manire bajirone bajigu ñ ñajare, Dios ñ rotise yimasijeogu me ñamasinuju ñ. "Yure quẽne josaja" yitũoñagũ ñari, "Gãjerã Diore ajitirũnarãre, to bajirone bajiroja", yĩamainuju. ³ Manire bajirone rojose yigu ñari, "Rojose yu yise vaja yure masirioato Dios" yigu, gãjerãre ñ sãnibosaroto rĩjoro, ñ quẽne vaibucu rii soemobogũñuju. ⁴ Nijũane, "Yu ñagũsa paia uju", yibetimasinuju. Gãjerã quẽne, "Ñ ñato", yibesujarã. Dios sũgũne, "Mu ñarucuja paia uju ñamasugũ", yimasigũ ñamasinuju ñ. To bajiri, Aaron ñamasir'ire, "Paia uju ñaña", ñre yicũsomasinuju Dios. ⁵ To bajirone ñre yiyumi Jesucristore quẽne. Dione ñre cũñumi. To bajiri ado bajise ñre ñ gotirotire ucamasinuma masa:

"'Adirũmũne yu macu ñari, yure bajiro rotisobogucuja mu' yami Dios", yucamasinuma ñna, Cristore, Dios ñ gotirotire yirã.

⁶ Gajeye ñ macure ñ gotirotire ado bajise yucamasinuma ñna:

"' "Masa rojose ñna yisere ñnare masirioya" ñnare yisẽnibosagu ñarucuja mu' mure yaja yu. 'Paia uju ñamasugũ Melquisedec ñ bajicatore bajiro bajirucuja mu' mure yaja yu", yucamasinuma ñna, ñ macure Dios gotirotire yirã.

⁷ Cristo, manire bajiro rujũ cuticõari, adigodoju ñagũ ñ bajirocaroto rĩjoro, Diore buto sãnirũgũñuju ñ. Otigũne, ado bajise jacase sãninuju ñ: "Cacu, 'Yure sãabeticõato ñna' yigu, yure ejarẽmoña. To bajiboarine, mu bojarore bajirone bajirũaroja", yiyuju Cristo, ñ jacure. Ñ rotirore bajiro yigu ñ ñajare, ñre ajicõari, "Yu bojarore bajirone bajiato" yigu, ñre ejarẽmoñuju Dios. ⁸ Dios macu ñaboarine, rojose tãmũoñumi Cristo. "Rojose tãmũoboarine, Diore cudicõa ñaroti ñaja", yitũoñañuju. To bajiro bajica yigu, ñajediro Dios ñ rotirore bajirone yiyuju Cristo. ⁹ Ñ rotirore bajirone ñ cudijeocõajare, "Mu sũori ñna rijato beroju, mu rãca ñacõa ñarũgũrũarãma ñna, mure ajitirũnarã", ñre yiyuju Dios. ¹⁰ To bajiri, "Paia uju ñamasugũ Melquisedec ñamasir'i ñ bajicatore bajiro bajirucuja mu" Dios ñ yir'i ñagũmi Cristo.

"Jesucristore ajitirũnu tũjabetiroti ñaja", yire queti

¹¹ "Tirũmũju paia ujarã ñna yisobodimasire ñnure yigu ñnaami Cristo" yu yigotirẽmorboboase jairo rũyaja maji. Tire ajimasijeomenaja mũa, buto mure ti josajare. ¹² Tirũmũju,

Cristore ãre ajitirãnušocaju mña. To bajiri tire quẽnaro buecõari, butobusa ã bojarore bajiro mña yirũtu vajama, jẽre ã ocare masare gotimasiocoarona ñaja mña. To bajiboarine, “Maji, josabetijuare yuare gotimasiocõa ñaãa” yituoĩarãre bajiro bajiaja mña. ¹³ Rĩamasa ũjurãcare bajiro ñaja mña. To bajiro bajirã ñari, “Quẽnase ñaja; rojose ñaja” ãna yimasi-betore bajiro bajirã ñaja mña. ¹⁴ Rĩamasare bajiro me bajiama bušacoanajuma. Tuoĩamasicoana ñari, “Quẽnase ñaja; rojose ñaja” yituoĩamasicõari, Dios ã bojarore bajiro yirã ñaama.

6

¹ To bajiri Cristo oca ñamasuse ti ñajare, “Yũ gotisere ajimasiriaro maja mña” yũ yisere gotiguagu yaja, Dios ã bojarore bajiro mña yivotire yigũ. Jẽre Cristo oca josabetibũsasere masiaja mani. Adi ñaja Cristo ye mani buesucati: “Rojose yitujacõari, quẽnasejuare yituoĩaroti ñaja manire” yirere buecaju mani. “Diore mani ajitirãnubetijama, rojose tãmuotujabetiriaroju varuarãja mani” yirere quẽne buecaju mani. ² Gajeye ado bajiro buecaju mani: “Cristore ajitirãnurã ñaja yũ” yirãre oco rãca ãna bautizasere quẽne buecaju mani. To yicõari, “Esp'iritu Santo, mña rãca ñarucami” yirã, ãnare ãna ãmo ñujeosere quẽne buecaju mani. Quẽna gajeye ado bajise buecaju mani: “Cristore ajitirãnurã, bajireacoaboarine, tudicaticõaruarãma” yirere quẽne buecaju mani. To yicõari, masare Dios ã beserotire quẽne buecaju mani. ³ Ti ñacaju Dios oca josabetibũsa mani buesucati. To bajiri, josasere quẽne buemasicõari, butobusa ã bojarore bajiro yirũtuajaro mani, Dios ã bojjama.

⁴⁻⁶ Sĩgãri Dios ocare ajitirãnurã ñarãma maji. To bajicõari, Esp'iritu Santore cuorã ñarãma. To yicõari, Dios ã bojasere yirã ñarãma. Dios ã masise rãca ããããmanire yĩoecoriarã quẽne ñarãma. To bajiro yirã ñaboarine, ãna ajitirãnu tãjjama, jãaji ajitirãnubetiruarãma. To bajiro ãna bajijama, Jesucristore ãatecõari, yucãtẽroju ãre jajuturiarã ũnane ñarã bajirãma ãna. To bajiro ãna bajijare, gãjerã quẽne Dios ocare ajirũcububeticõari, ajarãma. ⁷ “Dios ocare ajicõari, quẽnaro ote vãnũri sitare bajiro bajiaja mani” yigũ, ado bajise mũare gotiaja yũ: Vese ote ñarivesere oco ti quediõero bero ote quẽnaro ti vãnũrore bajiro bajiroti ñaja manire. To bajicõari, ti sitajure ote vãnũcõari, quẽnaro ti rica cãtijama, variquẽnagũmi ti vese uju. To bajiri, ote rica cãti vese ã ãvariquẽnarore bajiro manire quẽne ãvariquẽnagũmi Dios, ã ocare ajicõari, ã bojarore bajiro mani yijama. ⁸ To bajicõari, gajejuma vese yiriaju sita quẽnabeto ñari, oco ti quediboajaquẽne, ote vãnũbetone, vidise rĩne ti judijama, “Sita quẽnabeto ñaja” yigũ, tire soereacõagũmi ti vese uju. Tire bajirone Dios ocare ajiboarine, ajitirãnu

tujacõari, i bojabetire ina yijama, rojose tãmuotujabetiriaroju ñare reacõarucumi Dios.

“Yure yirëtosarucumi Cristo’ mani yituoïacõa ñajama, quëñaja”, yire queti

⁹ “Ado bajiro bajirãma Cristore ajitirũnu tujarã” mure yu yigotimasiosere, “Mũane ñaja Diore ajitirũnu tujarona” yigu me yaja yu. Quëñaro mũa yirere ajicõari, “Jesucristo sũori Dios yarã ñarãma”, mure yaja yu. To bajiro mure yimasicõari, “Bũtobusa Dios i bojarore bajiro yirũtu varuarãma ña”, mure yaja yu. ¹⁰ Quëñaro riojo yigu ñaami Dios. To bajiro yigu ñari, i bojarore bajiro quëñaro mũa yirere masiritibetirucumi. To bajiri, gãjerã Dios yarãre mũa ejarëmorere ajicõari, “Diore rucubũorã ñarãma”, mure yimasiaja yu. Ñare ejarëmocõa ñarãja mũa maji. Tire quëne masiritibetirucumi Dios. ¹¹ To bajiro quëñaro mũa yirũgũse quëñaja ti. Variquënase rãca Dios ocare ajitirũnu tujamenane, ñajediro quëñaro mũa yirũgũrore bajirone gãmerã yicõa ñarũgũroti ñaja. To bajiro mũa yicõa ñajama, “Cristo sũori quëñaro manire yirucumi Dios” mũa yituoïarore bajirone mure yirucumi. ¹² Dios ocare ajiterãre bajiro mũa bajisere bojabeaja yu. To bajiri, “Bajirũaroja” ñare i yirere ajitirũnu tujabetiriarãre bajirojũa bajiya mũa quëne. Ñare bajiro mũa bajijama, mure i gotiriarore bajirone mure quëne yirucumi Dios.

¹³⁻¹⁴ Abraham ñamasir'i i bajimasirere tuoïaña mũa. “Gãji yure bajiro yigu magũmi” yituoïagũ ñari, ado bajiro ñe gotimasinũju Dios: “Mure socabeaja yu. Jãjarã jãnerabatia cutirucumi’ mure yaja yu”, ñe yimasinũju Dios, Abraham ñamasir'ire gotigu. ¹⁵ “I yirore bajirone yigu ñaami Dios” yigu ñari, “Socũ yigumi” yituoïarejaibetimasinũju Abraham, Dios i yirore yugu. To bajiri, Dios socabecu i ñajare, “To bajiro bajirũaroja” Abrahamre i yimasiriarore bajirone bajimasinũju ti. ¹⁶ To bajiri, manijũama, “Socũ me yigumi’ gãjerã yiajiato” yirã, masa rëtoro ñamasugũ Dios vãme rãca yirũgũrãma. To bajise ña yijama, “Socũ me yaja. Dios quëne masigumi”, yirũgũama. To bajiro ña yisere ajicõari, “Socarã me yama”, yituoïarãma masa. ¹⁷ To bajiri, “Socũ me yigumi Dios. I yirore bajirone yigu ñagumi’ Abraham yure yiajiato” yigu, “Mure socabeaja yu”, yimasinũju Dios. ¹⁸ Socagu me ñaami. “Yirucuja” i yirore bajirone yigu ñaami Dios. To bajiro yigu i ñajare, rojose tãmuotujabetiriaroju mani vaborotire manire yirëtosacõari, “Quëñaro ñare yirucuja’ i yiriarore bajirone manire yirucumi”, yituoïaja mani. ¹⁹⁻²⁰ To bajiro manire Dios i yire ti ñajare, i gotiriarore bajiro ti bajirore tuoïacõa ñato mani. Diore yirucubũoriavi yotoriaro vajajũa Dios i

ñarisõajure jãjaejacõari, “Rojose ñna yisere ñnare masirioya” yisẽnibosarimasa ñamasiniñarã paia ujarã. To bajiri, Cristo quẽne, ñna yimasiriarore bajiro yigu, õ vecaju Dios ñ ñaroju ejaõari, “Rojose ñna yisere ñnare masirioya”, manire yisẽnibosa ñagũmi. Paia uju ñamasugũ Melquisedec ñ yimasiriarore bajirone yigu, Cristo quẽne, manire sãnibosacõa ñaracumi. Manire ñ sãnibosa ñajare, “Dios ñ yiriarore bajirone quẽnaro manire yiracumi”, yimasiaja mani.

7

“Aarón ñamasir'i rẽtoro quẽnaro manire yibosagumi Cristo”, yire queti

¹ Melquisedec, Salem macana uju ñamasiniuju. To bajicõari, pai ñamasiniuju. Ñajediro ujure Diore rucubugogu ñamasiniuju. Mani ñicu Abraham ñamasir'i gaje macariana ujarãre sãareacõari, ñ ya macajuare tudiamasiniuju ñ. To bajiri ñ tudiado, ñre bocagu, vamasiniuju Melquisedec. Ñre bocacõari, ñre sãnibosamasiniuju, “Quẽnaro ñre yato Dios” yigu. ² To ñ yiro bero, gaje macariana ujarãre sãareacõari, ñna ye gajeyeũni ñaboare ñna juarere, juããmo cõro ñaritubuari yicũcõari, cojotubua Melquisedec ñamasir'ire ñsimasiniuju Abraham. “Melquisedec” ti yijama, “Uju quẽnase rĩne yigu” yire ñni ñañuju ti. Salem macana uju ñamasiniuju Melquisedec. “Salem” ti yijama, “Quẽnaro ñariamaca” yire ñni ñañuju. To bajiri, “‘Quẽnaro gãmerã yĩnato mani’ yigu ñamasiniuju Melquisedec”, yimasiaja mani. ³ Melquisedec jacua, ñ yarã quẽne, to yicõari, ñ ruyuarere, ñ bajirocarere quẽne ucare ti maniboajaquẽne, “Pai ñamasiniuju Melquisedec”, yigotiaja Dios ocare masa ñna ucamasire. To bajise yiucares ti maniboajaquẽne, “Diore sãnitujabetirimi”, yaja mani. To bajirone bajiami Cristo quẽne. “Ñnare ejarẽmoña’ manire yisẽnibosa tujabecumi”, yimasiaja mani.

⁴ Abraham ñamasir'i ñamasugũ ñ ñaboajaquẽne, ñ rẽtoro ñamasugũ ñamasiniuju Melquisedec. Gaje macariana ujarãre sãareacõari, ñna ye gajeyeũni ñaboare ñna juarere, juããmo cõro ñaritubuari yicũcõari, cojotubua Melquisedec ñamasir'ire ñsimasiniuju Abraham.^b ⁵ Abraham ñ bajirocaro bero, gajerodoju, “Paia ñnaruarãma ñna Abraham jãnami Lev'i vãme cutigu jãnerabatia”, ñnare yicũmasiniuju Dios. To bajiri, “Sĩgũ jãnerabatia ñaboarine, ñna cõosere, juããmo cõro ñaritubuari yicũcõari, cojotubua ñna yu Lev'i ya jũnanare paiare ñsiruarãma ñna”, ñnare yimasiniuju ñ. ⁶ Lev'i cuti jũnagu me ñaboarine, Melquisedec quẽne, Abraham ñ ñisere boca juamasiniuju

b 7:4 “Gãjerã ñna ñisere boca juarã, ñsirã rẽtoro ñamasurã ñnaama”, yituoiañujarã hebreo masa.

ĩ. Abraham ñamasir'ire, “Mu suorine adi macarucuroana ñajedirore quēnaro yirucuja yu”, yimasiñuju Dios. To bajiro ĩ yir'i ĩ ñaboajaquēne, Melquisedecjua ñamasiñuju, “Quēnaro mare yato Dios” Abrahamre yisēnibosagu. ⁷ To bajiri, “‘Quēnaro mare yato Dios’ yigujua ñaami ñamasugũ”, yimasiaja mani. Tire masirã ñari, “Abraham rētoro ñamasugũ ñamasiñuju Melquisedec”, yimasiaja mani. ⁸ Gajeyere quēne tuoiaña tua. Adirũmuri ñarã paia, Lev'i jānerabatia, manire bajirone bajirearuarãma ĩna quēne. Melquisedecjua rema, “To cõro bajirocamasiñuju”, yigotibeaja Dios ocare masa ĩna ucamasire. To bajiri, “Bajirocabetirimi”, yicõaja mani. ⁹⁻¹⁰ Abraham ñamasir'i, Melquisedere ĩ ĩsirone, ĩ jānerabatia quēne beroju ruyuarona ñari, ĩna quēne ĩre ĩsirãre bajiro yimasiñujarã. To bajiri Lev'i cuti jũnana quēne, Abraham jānerabatia ñari, Melquisedere ĩ ĩsirone, ĩna quēne ĩsimasiñujarã. To bajiri, “Lev'i cutijũnana rētoro ñamasugũ ñamasiñumi Melquisedec”, yimasiaja mani.

¹¹ “Lev'i jānerabatia ñaruarãma paia”, yimasiñuju Dios. Sīgũ Lev'i jānami ñamasiñuju Aarón vãme cutigu, paia ujũ ñamasugũ, Dios ĩ cũsuomasir'i. To bajiri Aarón, Lev'i jānami ĩ ñajare, “Aarón rētoro ñamasugũ ñamasiñuju Melquisedec”, yimasiaja mani. Lev'i jānami Aarón, ĩna jānerabatia quēne, Diore rucuborã masa ĩna ĩsire ĩnare yibosarimasa ñacoadimasiñujarã ĩna. Tire boca juacõari, Diore rucuborã tire soemomasiniñujarã ĩna. “Rojose ĩna yise vaja, rojose ĩnare yibesa” masare yisēnibosarimasa ñacoadimasiñujarã. To bajiro ĩna yiboajaquēne, Diojua ĩ ĩajama, rojose ĩna yire ti ñacõajare, “Rojose mana ñaama”, ĩnare yĩābetimasiñuju Dios. To bajiro ti bajijare, paia ujũ ñamasugũ Melquisedere bajiro bajigũre, ĩ macure cõañumi Dios, “Masare yirētobosato” yigu. ¹² ĩre ĩ cõaro bero, “Masa rojose ĩna yise vaja, rojose ĩnare yibesa” yibosarimasa bojabesuju Dios. To yicõari, Moisére ĩ roticũmasirere ĩna yiboarere quēne bojabesuju. ¹³⁻¹⁴ Adigodoju manire bajiro ruju cuticõari ruyuyuju mani ujũ Cristo, Judá ñamasir'i cutijũnagu. To bajiboarine, Judá jānerabatiarema “Paia ñabetiruarãma”, yimasiñuju Moisés ñamasir'i. To bajiri, Cristo rĩjorojũre Judá jānerabatiama, sīgũjuane paia ñabetimasiñujarã.

¹⁵⁻¹⁶ To bajiri, “Lev'i jānerabatia rĩne paia ñaruarãma” Dios ĩ yimasire yigu me, paia ujũ Melquisedere bajiro bajiyumi Cristo. Tudicaticõari, rijabetirocu ñari, bajiyumi. To bajiro bajirocu ñari, “Paia ujũ ñamasugũ Melquisedere bajiro bajiyumi Cristo”, yimasiaja mani. ¹⁷ Dios ĩ macure ado bajiro ĩ gotirotire masa ĩna ucamasire ti ñajare, “Paia ujũ ñamasugũ Melquisedere bajiro bajicõa ñarucumi Cristo”, ĩre yimasiaja mani:

“ “Rojose ĩna yisere ĩnare masirioya”, ĩnare yisēnibosa tujabetirocū űaja mū’ mure yaja yū. ‘Paia uju űamasugū Melquisedec ĩ bajimasicatore bajiro bajiűarucūja mū’ ĩre yigotiyumi Dios, ĩ macure”, yaja ti Dios ocare masa ĩna ucamasire.

18 Dios, Moisere ĩ roticūmasiriaro cōrone ĩna cadijeocōaboajaquēne, “Rojose mana űaama”, ĩnare yīibetiborimi Dios. To bajiri Moisere Dios ĩ roticūmasire, vaja manire bajiro bajiyuja ti. 19 To bajiro ti bajijare, Moisere ĩ roticūmasire vasoayuju Dios. Mame ĩ vasoarejuma, ado bajiro bajiaja: Manire Cristo ĩ rijabosare s̱orine, “ ‘Rojose mana űaama’ manire yīiagūmi Dios” yimasirā űari, variquēnase rāca ĩre sēnirūgūaja mani. To bajiro ti bajijare, “Tirūmūaye Moisere Dios ĩ roticūmasire rētoro quēnase űaja adirodoriaye”, yimasiaja mani.

20-21 To bajiri, ĩ macū Cristore, “Paia ujarā rētoro űamasugū űarucūja mū” yigū, ado bajiro ĩre yiyuju:

“ ‘Mure socabeaja yū. “Rojose ĩna yisere ĩnare masirioya”, ĩnare yisēnibosa tujabetirocū űaja mū’, mure yaja yū”, ĩre yiyuju Dios, ĩ macure.

Gājerārema “Paia ujarā űaruarāja mūa” yigū űaboarine, ti űnire yibetimasīűuju Dios. 22 Tire mani ajiama, “Jesucristo s̱orine Dios ĩ gotiriarore bajirone quēnaro manire yirucūmi”, yimasiaja mani. 23 Tirūmūaye Moisere Dios ĩ roticūmasire rācūborā, jājarā paia űamasīűujarā. To bajicōari, ĩna bajireajaquēne, ĩnare moavasoarona jājarā űarūgūmasīűujarā. 24 To bajiboarine, Cristojarema, tudirijabetirocū ĩ űajare, “Īre moavasoarocū magūmi”, yimasiaja mani. 25 “Jesucristo s̱orine Diore ajitirūnūrāre, rojose ĩna yisere ‘Masirioato Dios’ yigū, Dios ĩ űaroju, ĩnare sēnibosacōa űarūgūgūmi, tudirijabetirocū űari”, yimasiaja mani.

26 To bajiri tirūmūju paia ujarā ĩna yis̱oadimasire űnire yigū, Cristo quēne rojose mani yisere “Masirioato Dios”, manire yisēnibosarūgūgū űagūmi. Cristo űaűumi masa rojose ĩna yirore bajiro yibecu. Quēnase rīne yigū űaűumi. To bajiro bajir’i ĩ űajare, Dios ĩ űaroju, “Rētoro űamasugū űarucūja mū” Dios ĩ yir’i űagūmi. 27 Paia ujarā űamasurā ĩna yimasiriarore bajiro yigū me űagūmi Cristo. ĩnajuama, tocārācarūmūne vaibucūrāre sīacōari, soemūomasīűujarā, “Rojose yua yisere masirioya” Diore yirā. To yicōari, ĩna yarāre quēne rojose ĩna yirere “Īnare masirioya Dios”, ĩnare yisēnibosarūgūmasīűujarā ĩna. To bajiboarine, Jesūjuma, mani jedirorene cojojine rijabosayumi, rojose mani yisere “Masirioato Dios” yigū. 28 Moisere Dios ĩ roticūmasire, “Paia ujarā űamasurā űaruarāma” ĩ yire ti űaboajaquēne, manire bajirone ĩna quēne tire cadijeobetiriarā

ĭna ĩajare, “Rojose mana ĩaama”, yĭabetimasiņuju Dios. To bajiboarine ĭ macuĭarema, quēnase rĭne yir'i ĭ ĩajare, “ ‘Rojose ĭna yisere masirioya mĭ’ ĭnare yisēnibosacōa ĩarūgūrocĭ ĩaja mĭ”, ĭre yiyuju.

8

“Cristo, ō vecaju manire sēnibosa ĩagūmi”, yire queti

¹ “To bajirone bajigūmi Cristo, ō vecaju Diorāca ĭ rotiņaroju”, mĭare yaja yĭ. ² Tojĭre eĭacōari, “Rojose mani yisere masirioya”, manire yibosa ĩagūmi Cristo, Dios ĭ buariavijure.

³ Tocārācu paia ĩjarā ĩamasurā ado bajiro yiyuma: Rojose masa ĭna yisere, “ĭnare masirioya Dios”, yisēnibosayujarā ĭna. To yicōari, Diore rācubĭorā masa ĭna ĭsisere boca juacōari, ĭnare yibosayujarā. To bajiro ĭna yire ũnirene yigĭ, Cristojĭama, manire rijabosayumi, rojose mani yisere manire yirētosagĭ. ⁴ Yucĭri ĩarā paia, Moisére Dios ĭ roticūmasiriarore bajirone yicōa ĩarāma. To bajiri Cristo, adigodoju ĭ ĩacōajama, ĭnare bajiro yibecu ĭ ĩajare, “Pai me ĩaami”, ĭre yĭborāja mani. To bajiboarine, ō vecaju Dios ĭ ĩaroju, “ ‘Rojose ĭna yisere masirioya’ manire yibosagĭ ĩagūmi”, yimasiaja mani. ⁵ “Mani rāca ĩagūmi Dios” masa ĭna yirūcubĭorotivire Moisés ĩamasir'i ĭ buarotiroto rĭjoro, ado bajiro ĭre yimasiņumi Dios: “Gūtaĭ joeju mĭre yĭ ĭocativire bajirivine buarotiya”, yimasiņuju Dios, Moisés ĩamasir'ire. To bajiri, “Mani rāca ĩagūmi Dios” masa ĭna yirūcubĭorivire ĭna buajama, Moisére Dios ĭ ĭomasirivire bajirivine buamasīņujarā. ⁶ Paia ĩjarā ĩamasurā Dios ĭ rotimasire cūdimasiriarā ĭna yirūgūmasire rētoro quēnaro manire yibosarūgūgūmi Cristo. To bajiri, “ ‘Quēnaro mĭare yirūcĭja yĭ’ Moisére Dios ĭ yicūmasire rētoro quēnase ĩaja adirodoriaye”, yimasiaja mani.

⁷ Moisére Dios ĭ yicūmasire rēmojĭne quēnase ti ĩacōajama, gajeye mamejĭare vasoabetiborimi Dios. ⁸ Moisére Dios roticūmasire masa ĭna cūdiĭebetĭjare, ĭvariquēnabetimasiņuju Dios. To bajiri, “Ado bajiro ĭnare gotiya”, yimasiņuju ĭ:

“Mani ĩju Dios, ado bajiro mĭare gotiami: ‘Quēnaro ajiya mĭa. Cojorūmĭ mame mĭare vasoabosarūcĭja yĭ, Israēl vāme cūti sitanare, Judā vāme cūti sitanare’, mĭare yami.

⁹ ‘Egipto sitaju ĩarāre Israel sitajĭna ĭnare ũmato vacĭ, quēnaro ĭnare gotiboacaju yĭ. To bajiboarine, yĭ yĭcatore bajiro ĭna cūdiĭebetĭjare, “Yĭ yarā me ĩaama”, ĭnare yĭcĭju yĭ. To bajiri, mame yĭ vasoarotĭjĭama, mĭa ĩĭcĭare yĭ gotimasĭcatore bajiro me bajirĭaroja’ mĭare yami Dios mani ĩju.

- 10 “To bajiri, Israel ñamasir'i jānerabatiare mame yu vasoaroti, ado bajiro bajiruaroja: “Yu masise s̄orine yu rotisere t̄oñamasiruarāma”, ñare yir̄uc̄ija yu. To bajiro yu yisere bojarā ñari, quēnaro yir̄ūḡuarāma. To yic̄ari, yu s̄īḡune ña uju ña yir̄uc̄ib̄uoḡu ñar̄uc̄ija yu. To bajiri ñajna quēne yu yarā ñaruarāma' m̄are yami Dios.
- 11 “Yu yarā ñari, r̄īamasa quēne, b̄uc̄rā quēne, ña ñaro c̄ōrone, yure masijedicoaruarāma ña. To bajiri, “Ado bajiro t̄oñaḡu ñaami Dios”, ḡāmerā yimasiorā maniruarāma', m̄are yami Dios.
- 12 “Ñare ñamaic̄ari, rojose ña yisere yu masiriojama, “Rojose yiriarā ñaama”, j̄aj̄i ñare yit̄oñabetir̄uc̄ija yu. To bajiro ñare yu yiroti ti ñajare, yure quēnaro masiruarāma ña' m̄are yami Dios”, yimasif̄uju, Diore gotir̄ētosamasir'i.
- 13 “Mame oca quēnase vasoar̄uc̄ija” Dios i yijama, tir̄m̄ju i yimasiboarere reagu yiḡumi. To bajiri, “Tir̄m̄j̄euma vaja manoja”, yimasiaja mani.

9

“Cristo, quēnaro manire yibosaḡumi” yire queti

- 1 “Adigodoju ñarā yure r̄uc̄b̄orā m̄a r̄ejarotivire m̄a b̄asere bojaja yu”, Moisés ñamasir'ire ñe yimasif̄uju Dios.
- 2 To bajiri i rotiriavire bajirone b̄amasiñujarā ña. Ti vi ḡdarecore sudirone yotoriavi ñamasiñuju. To bajiri, ejas̄orias̄a Diore r̄uc̄b̄orias̄a v̄ame c̄utimasiñuju. Tis̄ōaju s̄īabusuoriabajari jeoriaju ñamasiñuju ti. To yic̄ari, Diore ñsiroti pan jesariju quēne ñamasiñuju. 3 Gajes̄a, Dios i ñaris̄a v̄ame c̄utimasiñuju. 4 Tis̄ōajure, ñamasiñuju Diore r̄uc̄b̄orā, ña soejama, quēnaro s̄utiquēnase soem̄oriaju. “Dios i ñari s̄ōaḡaju ñaja” ña yiboajaquēne, ejas̄orias̄ōajurene ñac̄ōamasiñuju ti. To bajic̄ari, Dios i ñaris̄ōajure ñamasiñuju rujajata orone ña quēnorajata. “Dios i rotirere c̄udiroti ñaja” yirā, ña quēnorajata ñamasiñuju. Tijatajure adocār̄ca v̄ame s̄āñamasiñuju: Orone ña quēnor̄a sot̄u s̄āñamasiñuju. Ti sot̄ujure bare maná v̄ame cuti Dios i c̄ōare s̄āñamasiñuju. To bajic̄ari, Aarón i tuemasir'i quēne ācatuar'i s̄āñamasiñuju. To bajic̄ari, j̄aj̄ai ḡātaj̄ai Dios i rotimasire i ucamasir̄aj̄ari quēne s̄āñamasiñuju. 5 Tijata joere r̄ūḡōmasiñujarā Dior̄ācana v̄arā querubines v̄ame c̄utir̄are bajirā masa ña quēnomasiriarā. ña ñamasiñujarā, “Adiju ñaja masa rojose ña yisere Dios i masir̄or̄iju” yigotirā. ña queruj̄ari r̄āca ḡāmerā ñuc̄ānamuc̄ōari, r̄ūḡōmasiñujarā ña. Yuc̄rema ti viaye b̄ato gotire maja ti.
- 6 To bajiboarine, Diore r̄uc̄b̄oroti ti ñajedic̄ōajure, tocār̄acar̄m̄ne Diore r̄uc̄b̄orā s̄ājear̄ūḡūmasiñujarā paia,

ñasuo^orisõare. ⁷ Paia uju ñamasugũ rĩne jãjarũgũmasiñuju, Dios ĩ ñarisõa vãme cuti sõajure. Tocãrãca cãmare cojojine jãjamasiñuju. Jãjacõari, ĩ masu rojose ĩ yirũgũrere, to yicõari, ĩ ñarimacana, “Rojose yirã yaja yua” yituoĩamenane, “Rojose yua yirũgũrere masiribosato Dios” yigũ, vaibucũrã ri'ire juajãjarũgũmasiñuju. ⁸ “Paia uju ñamasugũ rĩne Dios ĩ ñarisõare jãjamasiami”, yimasiñujarã. Tire ĩna tuoĩajama, Esp'iritu Santo ĩ ejarẽmose rãca, ado bajirojua yimasiñujarã ĩna: “ ‘Mani masune rojose mani yisere yuare masirioya’, Diore yimasibeaja. ‘Paia uju ñamasugũ rĩne manire sãnibosagu ñaami’ yimasiaja mani. To bajiro rĩne bajicõa ñaruarãja mani maji. Dios manire ĩ sãjarotirirũmu ti ejarõju tisõare jãjaruarãja mani”, yimasiñujarã ĩna. ⁹ “ ‘Mani ñicua Dios ĩ rotimasirere ĩna ajitirũnarũgũmasire rẽtoro quẽnamasuse ñaja’ mani yituoĩamasiro^tire yiro bajiyuja”, yimasiaja mani. “Mani ñicua, tirũmũju ĩna yirũgũmasiriarore bajirone mani quẽne, rojose mani yisere, ‘Manire masirioato Dios’ yirã, paire mani soemuo^oroticõa ñajama, Diojua ĩ ĩajama, ‘Rojose maja ĩnare’ manire yĩabeticõa ñagũmi”, yimasiaja mani. ¹⁰ Tirũmuaye Dios ĩ rotimasire ado bajiro bajiyuja: “Adocãrãca vãme baruarãja mua. Gajeyerema babetiruarãja mua”, ĩnare yimasiñumi. To yicõari, ĩna idiro^tire, ĩna guarotire, ĩna ãmo coerotire quẽne to bajirone yimasiñumi. To bajiro ĩ yijama, ti ñajediro ĩ rotimasire mamejua ĩ vasoaroto rĩjororema, ĩna rujure ĩna ĩatirũnuro^ti rĩne yigũ yiyumi Dios.

¹¹ To bajiro ĩ yimasire ti ñajare, yucũrema, “Cristo sũorine quẽnaro yirucũja yu” Dios ĩ yiriarodo ejayuja ti. To bajiro ĩ yire ñajare, Cristo manire rijabosacõari, õ vecaju Dios ya viju ñagũ vasuju. Ti viju ñacõari, paia uju ñamasugũ ĩ sãnibosarore bajiro, “Quẽnaro ñato ĩna” yigũ, manire sãnibosa ñagũmi. To bajiro ĩ yĩnarivima, adigodo ñarã Diore rucũbuorã ĩna buariavi rẽtoro quẽnarivi ñaroja. ¹² To bajiri Dios ĩ ñarisõaju jãjacõari, cabra rĩa ri'i, ta vecu rĩa ri'i adigodoju ñarã paia ujarã Diore ĩna ĩsiriarore bajiro yiru me, ĩjuama, ĩ ruju rise sũorine rojose mani yire vajare cojojine yirẽtobosajeocõarũ, õ vecaju Dios ĩ ñarisõaju jãjasuju Cristo. ¹³ Ado bajiro gotiaja Dios ĩ rotimasire: “Bajirocar'ire moaĩabetiruarãja mua. To yicõari, ‘Babetiruarãja mua’ yu yisere quẽne moaĩabetiruarãja. To bajiro yu yisere mua cudibetijama, yure ĩna rucũbuorivire sãjabetiruarãja mua. To bajiboarine, ta vecu macũre ĩna soese rĩtire, oco rãca abavũore ñasere muare yayeturũcũmi pai. Tire ĩ yibetijama, hisopo vãme cuti ruju rãca vaibucũ ri'ine muare vẽjabate gurũcũmi. To bajiro muare ĩ yijama, yure rucũbuoriavire sãjamasiruarãja mua”, yimasiñumi Dios. ¹⁴ “Vaibucũrã ri'ine muare ĩ yayeguojama yure rucũbuoriavire sãjamasiruarãja mua” Dios ĩ yi-

masire ti ñaboajaquêne, “Cristo manire ï rijabosarejua rētoro quēnase ñañuja”, yimasiaja mani. Rojose yibetir'i ñari, to bajiro bajiyumi Cristo. Esp'iritu Santo ñacōa ñarūgūrocū ï ejarēmojare. Cristo manire ï rijabosare s̄orine, rojose mani yisere masiriogūmi Dios. To bajiri, “Rojose maja manire”, yit̄oōiaja mani. To bajiro yit̄oōiācōari, ñacōa ñarūgūrocū Dios ï bojarore bajiro quēnaro yirūgūroti ñaja manire.

15 “ ‘Mame m̄are vasoar̄cūja ȳ ï yiriarore bajirone bajiato” yigū, adi macar̄cūrojare Cristore cōañumi Dios. To bajiro ï yicōar'i ñari, tir̄m̄aye ajir̄cūboriarāre quēne rojose mani yisere “Masirioato Dios” yigū, manire rijabosayumi Cristo. To bajicōari, ï rijabosare s̄orine “Ȳ yarā ñaama” Dios manire ï yīarotire yigū, bajiyumi. To bajiro ï bajibosariarā mani ñajare, “Quēnaro yir̄cūja” Dios ï yiriarore bajirone yigū, mani rijato beroj̄ ï rāca mani caticōa ñarotire ĩs̄ecorona ñaja mani. 16 Ado bajise t̄oōiāña m̄a: Mani ȳ, ï bajiyayiroto rījoro, “Īne ñaami ȳ ye gajeyeūni c̄osuyarocū”, yigūmi. To bajiro ï yir'i ñari, ï bajirocato bero, ï yere c̄osuyagūmi. 17 Ī caticōa ñajama, ï masune c̄ocōa ñagūmi maji. Ī rijato bero, tire c̄omasigūmi gājijua. To bajiri, “Ī gotiriarore bajirone bajiaja”, yimasire ñaja. 18 To bajirone bajimasiñuju, “Quēnaro yir̄cūja ȳ” Dios ï yimasirere quēne. “Dios manire ï gotiriarore bajirone yato” yirā, vaib̄cūrāre s̄imasiñujarā. 19 Dios Moisés ñamasir'ire ï roticūmasire ñaro cōrone masa jedirore ĩnare gotimasiñuju. Tire ï gotiro bero, oveja joa ĩna s̄orere, hisopo vāme cuti r̄uj̄ju siatucōari, vaib̄cūrā cabra vāme cutirā rīare, ta vecū rīare ĩna s̄ariarā ri'ire juacōari, oco rāca ĩna v̄orere yosemasiñuju. To yicōari, Dios ï rotimasire Moisés ï ucariajotire vējabate gumasiñuju ĩ. To yicōari, masa ñajedirore quēne to bajirone yimasiñuju. 20 To bajiro yicōari, masare ado bajiro gotimasiñuju ĩ: “Dios m̄are ï yirotsere c̄adiroti ñaja”, yimasiñuju Moisés ñamasir'i, mani ñic̄are. 21 “Mani rāca ñagūmi Dios” ĩna yir̄cūborivire quēne ri'ine vējabate gumasiñuju Moisés. To yicōari, ti viaye ñase jedirore, to bajiro yimasiñuju. 22 To bajiro Dios ï rotimasire ñajare, vaib̄cū ĩna s̄ar'i ri'ine vējabate gumasiñujarā ĩna. To bajiro ĩna yibetijama, ĩnare ĩavariquēnabetiborimi Dios. To bajirone bajiyuja Cristore quēne. Īre ĩna s̄aro, ï ri'i ti budibetijama, “Rojose mani yisere masiriobetiborimi Dios”, yimasiaja mani.

“Cristo ï rijabosare s̄orine, ‘Rojose mana ñaama’ manire yīañumi Dios”, yire queti

23 To bajiri, Diore yir̄cūboriavij̄ ĩna s̄ajaroto rījoro, ĩna rujare ĩna ye gajeyeūnire quēne, vaib̄cūrā ri'ine yayebate gurotiyujarā mani ñic̄a. To bajiro yiroticōari,

sājarūgūmasiñujarā ĩna. To bajiro ĩna yijama, ō vecaju ĩna bajiroti ũnire yirā bajimasiñujarā ĩna. To bajiboarine tojuma Dios ye masu ti ñajare, vaibucu ri'i ĩna yayebate guorotire ũnirene yiro, rētoro quēnagū ĩ rijabosasere bojajuja. To bajiri, manire ĩ rijabosare ti ñajare, “Rojose mana ñacōari, Dios ya vijū sājaruarāja mani”, yimasire ñaja. ²⁴ Cristo, manire rijabosacōari bero, tudicaticōari, adi macarucuroju Diore rūcubuoarā, masa ĩna buariavi mere, ō vecagavi Dios ya vijūare sājasuju Cristo. To bajiri, ti vijū ñacōari, “Quēnaro ñato ĩna” yigū, manire sēnibosacōa ñarūgūgūmi. ²⁵ Paia uju ñamasugū adigodoaguma, tocārāca cūmare cojojine, Dios ĩ ñarisōa vāme cuti sōare jājarūgūmasiñuju, vaibucu ĩ sīar'i ri'ire “Masa rojose ĩna yisere masirioya Dios”, ĩnare yibosagū. To bajiboarine Cristojuma, ō vecaju Dios ĩ ñarojuare ejacōari, adigodoagu paia uju ĩ yimasiriarore bajiro yiru me, bajiyumi. ĩ masu ruju ri'i suorine yirētosacōari, Dios ñarisōajure jājasuju. ²⁶ Adigodoagu paia uju ñamasugū tocārāca cūmane “Masa rojose ĩna yisere, masirioya Dios”, ĩnare yibosarūgūñuju ĩ. Cristo quēne, paia uju ĩ yirūgūmasiriarore bajiro ĩ bajijama, adi macarucuro Dios ĩ rujeorijūne, cojoji me manire rijabosacōa soadiborimi. To bajiro me bajiyumi Cristo. Cojojine manire rijabosayumi, “Rojose mana ñaama” manire Dios ĩ yīarotire yigū. ²⁷ Mani jediro cojojine bajirearona ñaja mani. Mani bajirearo bero, ĩ tūju mani ejato, rojose yirāre, to yicōari quēnase yirāre ĩabeserucūmi Dios. ²⁸ Cojojine manire ĩ rijabosare ñajare, jājarā ñaja mani rojose yibetiriarāre bajiro bajirā. Quēna Cristo, ĩ tudiejajama, “Rojose mani yisere masirioato Dios” yigū, me ejarucūmi. “Manire rijabosayumi” yituoīarājūare juaguagu bajirucūmi.

10

¹ Moisés ñamasir'ire Dios ĩ roticūmasirejuma, “Rojose ĩna yisere ĩnare masiriojeorucūja yū”, ĩ yire me ñañuja. Beroju bajirotire baji rījoro cutise ñañuja. To bajiro bajijare, tocārāca cūmane vaibucurāre sīacōari, “Rojose yua yisere yūare masirioato Dios” yirā ĩna soemnorotiboajaquēne, “Rojose mana ñaama”, ĩnare yīabesuju Dios. ² Vaibucurā ĩna soemnorotise suorine, “Rojose mana ñaama” rēmojuone Dios ĩ yīacōajama, “Tudi rojose yua yisere masirioato Dios”, yibetiboriarāma. ³ Vaibucurā rii ĩna soemnorūgūse tocārāca cūmane rojose ĩna yirūgūrere tuoīarotire yiro bajijaja. ⁴ Vaibucurā rii ĩna soemnosema rojose masa ĩna yisere, masiriose me ñaja.

⁵ Vaibucurā ri'i, ĩna soemnoaboajaquēne, rojose ĩna yisere Dios ĩ masiriobetijare, adi macarucurojūare ĩ vadiroto rījoro, ado bajiro Diore gotiyuju Cristo:

“Masa vaibucu rii ñna soemnosere bojabeaja m. To bajiri, ‘Masare bajiro ruju cutigu ñato’ yigu, yure cõaña m.

6 ‘Rojose mani yisere masirioato Dios’ yirã, vaibucu rii ñna soemnorotiboasere quẽne ñavariquẽnabeaja m.

7 To bajiri, ado bajiro mre yaja y: ‘Adone ñaja y. M bojasere yigu masa taju vacu yaja. “To bajiro bajirucami” m ocare masa ñna yiuacatore bajirone yigu, bajaia’ ”, Diore ñre yiyuju Cristo, masare ñ rijabosarotire yigu.

8 Quẽna, tirene mre gotiaja y. “ ‘Rojose mani yisere masirioato Dios’ yirã, vaibucu rii ñna soemnorotiboasere ñavariquẽnabeaja m, m roticũcati ti ñaboajaquẽne”, Diore yiyuju Cristo. 9 Quẽna ado bajise yiyuju Cristo: “M bojasere yigu masa taju vacu yaja y”, ñre yiyuju. To bajiro ñ yijama, ado bajiro ñre yigu yiyuju: “Tirãmuju Moisére m roticũcatire yitujacõari, mamejare masa ñna ajise sori quẽnaro ñnare m yibosarotire bojagu bajaia y”, ñre yiyuju. 10 To bajiri Dios ñ rotiriarore bajirone yigu, cojojine manire rijabosayumi. To bajiro ñ bajire ñajare, rojose mani yisere masiriocõari, “Rojose mana ñaama”, manire yĩagũmi Dios.

11 Jud'io masa, paia, tocãrãcarãmurine ñna ye moare ñajare, “Rojose ñna yisere masirioato Dios” yirã, cojoji me vaibucurã riire soemnorũgũrãma ñna. To bajiro ñna yiboajaquẽne, rojose ñna yisere, masiriose me ñaja. To bajiri rojose ñna yisere masiriobecami Dios. 12 Jesucristo, cojojine manire rijabosacõari bero, rojose mani yisere yirẽtobosajeocõagũ ñari, Dios ñ rotiñaroju rucuborijare rujiyuju ñ. 13 “Mre terã ñajediro rotigu ñarucija m”, yiyuju Dios. To bajiri, “To bajiro yigucija” Dios ñ yirere yuñagũmi Cristo. 14 To bajiri, Cristo cojojine manire ñ rijabosare ñajare, “Rojose mana ñaama”, manire yĩagũmi Dios. To bajiro ñ yijare, “Ñajediro rojose mani yirere, mani yivotire quẽne, manire yirẽtobosajeocõañumi Cristo”, yimasiaja mani. 15 Dios ocare masa ñna ucamasire soringe ado bajise manire gotiami Esp'iritu Santo:

16 “ ‘To bajiri, ñnare mame y vasoaroti, ado bajiro bajiruroja: “Y masise soringe y rotisere tõiamasiruarãma”, ñnare yigucija y. To bajiro y yisere bojarã ñari, quẽnaro yirũgũuarãma’, yami Dios mani uju.

17 ‘Ñnare ñamaicõari, rojose ñna yisere y masiriojama, “Rojose yiriarã ñaama”, juaji ñnare yitõiabetirucija y’, yami Dios”, yigotiaja Dios ocare masa ñna ucamasire.

18 To bajiri rojose mani yisere Cristo manire ñ yirẽtobosajeore ti ñajare, rojose mani yisere tuditõiabetirucami Dios. To bajiri, no yirã vaibucu riire soemnomenaja mani.

“Diore quẽnaro ajitirũnrũgũuarãja mani”, yire queti

19 To bajiri, Jesús, manire rijabosacõari, rojose mani yisere yirõtobosar'i ñari, õ vecaju manire sënibosa ñagümi. To bajiri güimenane Diore sënito mani. 20 Tirãmujuma Diore yirücubhoriovijum sudigasero yotoriaro ñañuju ti, “‘Dios ñarisõa’ vãme cuti sõare jãjamasibeamã masa” yïõorijum. To bajiro ti bajijare, ñna masune Diore sënimasimena ñari, paia um ñ sënibosasere bojarügümasiñujarã ñna. Yucurema Cristo manire ñ rijabosare ti ñajare, no mani bojarijune mani masune Diore sënimasiaja mani. 21 Cristo sigüne ñagümi ñamasugü manire sënibosagum. To bajiro yiñagümi õ vecaju Dios ya vijum ñacõari. 22 To bajiri, tocãrãcãjine, “Ï bojarore bajirone yirucãja” yirã, Diore sënirügürarãja mani. “Cristo suorine manire ñavariquëñagümi Dios” yitõõã tujamenane ñre sënirügürarãja mani. To bajiro ñre yisënirãne, “Rojose ñaja manire”, yitõõãbetiruarãja mani, Dios, “Rojose mana ñaama” manire ñ yïãñajare. “Manire rijabosayumi Jesús” yirã, oco rãca ñna bautizacana ñaja mani. 23 Cristo oca mani buesucotire ajitirunum tujabetiruarãja mani. “Quënarõ mure yirucãja” Dios manire ñ yirere tõõãtujabetiruarãja mani, “Yirucãja” ñ yirore bajiro yigum ñ ñajare. 24 Mani rãcanare ñamaicõari, quënarõ gotiruarãja mani, “Ïna quëne gãjerãre ñamaicõari, variquëñase rãca ñnare ejarëmoato” yirã. 25 Cristore ajitirunurã ñari, rëjarügüroti ñaja, manire. Gãjerã rëjarügüboariarã ñna rëjatujarore bajiro bajibetiroti ñaja, manire. Rëjacõari, “Cristore ñre ajitirunum tujamenasa” yirã, quënarõ gãmerã gotirügürarãja mani, “Yoaro me ejaruroja rojose yirãre Dios ñ ñabeserirumum” yimasirã ñari.

26 Cristo ocare masiriarã ñaboarine, tire ajitirunum tujacõari, rojosejare mani yicõã ñajama, manire yirõtobosabetirucami Cristo. 27 To bajiri, rojose manire ñ yirotere tõõãgüirã rñe, Dios masare ñ ñabeserirumum ti ejaro, “Yum um me ñaja mum” ñre yirã rãca rojose tãmucotujabetiriarõjum vaborãja mani. 28 Tirãmujum Dios ñ rotimasirere sigü tire ñ cadibetijama, ado bajiro bajimasiñuju: Juarã ñacõari, “Rojose yimi” ñre yirã ñna ñajama, ñre ñamaimenane, Dios ñ rotiriarore bajirone yirã, ñre sãmasiñujarã ñna. 29 To bajiro bajimasire ti ñajare, yucurema mame ñ vasoarere ajitirunuriarã ñaboarine, “Dios macum me ñarimi Jesús; manire rijabosabetirimi” ñna yijama, ñnare maigü Esp'iritu Santore rojose ñagõrã yirãma. To bajiri butõ rojose tãmucorãrãma. “Manire rijabosabetirimi Jesús” ñna yise ti ñaboajaquëne, ñ rijabosare suorine, “Rojose ñna yisere masiricõari, quënarõ yirucãja yum” masare Dios ñ yimasiriarore bajirone bajiyuja. 30 Rojose ñna yise vaja butõ rojose ñna tãmucorõtere masiaja mani, Dios ado bajiro ñ gotirere masa ñna ucamasire ti ñajare: “Yum ñaja masa rojose ñna yise vaja rojose

ĩnare yirocũ. Yũ sĩgũne riojo tire yimasigũ ñaja yũ”, yigotiaja. Gajeye quẽne, ado bajise gotimasiñumi Dios: “Yũ ñaja yũ yarã rojose ĩna yijama, ĩnare rojose yirocũ”, yigotimasiñumi Dios. ³¹ Caticõa ñarũgũrocũ, Dios, rojose yirãre ĩajũnisinicõari, rojose ĩnare ĩ yiroti, gũiose masu ñarũaroja ti.

³² Dios ĩ ejarẽmose rãca Cristore mũa ajitirũnũ suocatire tũoĩamasĩna mũa. ĩre ajitirũnũrã mũa ñajare, gãjerã cojoji me mũare rojose yicama ĩna. To bajiro mũare ĩna yiboajaquẽne, ĩre ajitirũnũcõa ñarũgũcajũ mũa. ³³ Masa ĩna ĩaro rĩjorojũa mũare ajatud'icama ĩna. To yicõari, mũa babarãre ĩna ajatud'iro ĩacõari, “Yũa rãcana ñaama”, ĩnare yĩamaicajũ mũa. ³⁴ Cristore ajitirũnũrãre ĩna tubiberiarãre quẽne, “Yũa rãcana ñaama”, ĩnare yĩamaicajũ mũa. To bajiro yirã mũa ñajare, rojose mũare yicama gãjerã. Cristore ajitirũnũcana mũa ñajare, gãjerã mũa tũjũ ejacõari, mũa gajeyeũnire ĩmacama ĩna. To ĩna yiboajaquẽne, Cristore ajitirũnũrã ñari, “Dios ĩ gotiriarore bajirone, ĩna ĩmase rẽtoro quẽnase ñacõa ñarotire bũjarũarãja mani, Dios ĩ ñarojũa”, yivariquẽnacajũ mũa. ³⁵ To bajiro mũa yitũoĩacatore bajirone bajirũaroja. To bajiri, Cristore ĩre ajitirũnũ tũjabetirũarãja mũa. ³⁶ Rojose tãmũboarine, ĩre ajitirũnũcõa ñaĩa mũa. To bajiro mũa bajijama, Dios ĩ bojarore bajiro yiriarã mũa ñajare, Dios ĩ gotiriarore bajirone õ vecajũ quẽnaro mũare yirũcũmi. ³⁷ To bajiro bajiroti ti ñajare, ado bajiro gotiaja Dios ocare masa ĩna ucamasire:

“Yũ cõarocũ Cristo yoaro meaca ejarũcũmi. ‘To cõrone ejarũcũja mũ’ yũ yiroticatore bajirone ejarũcũmi.

³⁸ ‘Rojose magũ ñaami’ yũ yĩavariquẽnagũ, ‘Ĩ yirore bajiro yigũ ñagũmi’ yũre yitũoĩagũ ñari, bajirocacõari bero yũ tũjũ quẽnaro ñacõa ñarũgũrocũ ñagũmi. To bajiboarine, yũre ajitirũnũ tũjagũrema, ĩre ĩaquẽnabetirũcũja yũ”, yigotiaja Dios ocare masa ĩna ucamasire.

³⁹ To bajise Dios ĩ gotimasire ti ñaboajaquẽne, manijũama, Cristore ĩre ajitirũnũ tũjaronã me ñaja mani. To bajiri, “Manire rijabosayumi Cristo” yitũoĩarã ñari, rojose tãmũotũjabetiriaroju vabeticõari, Dios tũjũ quẽnaro ñacõa ñarũgũronã ñaja mani.

11

Diore mani ajitirũnũ tũjabetiroti queti

¹ “Ĩ yirore bajiro yigũ ñagũmi” Diore ĩre mani yitũoĩajama, ado bajiro bajiaja: “Mũare ĩsirũcũja yũ” manire ĩ yijama, “Bũjarũarãja mani”, yitũoĩaroti ñaja. “To bajiro masu bajiaja” Dios ĩ yijama, maji tire ĩabetiboarine, “To bajirone bajiroja”, yitũoĩaja mani. ² Mani ñicũa to bajiro Diore ĩna tũoĩajare, ĩnare ĩavariquẽnamasiñumi Dios.

³ “Ī yiorere bajiro yigū ñagūmi” Diore ĩre yituoĳarā ñari, ado bajise yimasiaja mani: “‘Ruyuaya’ Dios ĩ yiorere bajirone bajimasiñuju, adi macarucuroaye, ō vecaye quēne”, yimasiaja mani. To bajiro ĩ yire ti ñajare, ĩ rujeoroto ĳĳoroĳma, manirūgūmasirere ĳarūgūaja mani, adi macarucuro ñasere.

⁴ “Ī yiorere bajiro yigū ñagūmi”, Diore ĩre yituoĳagū ñamasiniuju mani ñicu Abel ñamasir'i. To bajiro Diore tuoĳagū ñari, ĩre rucubuoĳu, Dios ĩ bojarore bajiro yigū, vaibucure soemomasiñuju. To bajiro ĩ yijama, ĩ gagū Ca'in rētoro quēnaro Diore rucubuoĳu yimasiñuju. To bajiri, Dioĳma, “Rojose magū ñaami”, ĩre yĳamasiniuju Dios. Abel ñamasir'i tirūmĳu ĩ bajirocare ti ñaboajaquēne, ĩ yimasiriarore bajiro mani quēne Diore mani rucubuoĳuajama, Dios ĩ bojarore bajiro yirucuburoti ñaja manire.

⁵ “Ī yiorere bajiro yigū ñagūmi”, Diore ĩre yituoĳagū ñamasiniuju Enoc ñamasir'i quēne. To bajiro Diore tuoĳagū ĩ ñajare, “Yū bojarore bajiro yigū ñaami” ĩre yĳavariquēnagū ñari, ĩ bajirocabetone, ĩre āmicoamasiñuju Dios. To bajiri, ĩre bujabetimasiñujarā masa. To bajirone gotiaja Dios ocare masa ĩna ucamasire. ⁶ Ado bajiro tuoĳarā ñari, Diore sēniaja mani: “Dios ñagūmi” yimasicōari, “‘Yure ejarēmoña’ ĩre yisēnirāre quēnaro yami” yituoĳarā ñari, sēniaja mani. To bajiro mani yijama, “Ī yiorere bajiro yigū ñagūmi” Diore yirā yaja. “Ī yiorere bajiro yigū ñagūmi” Diore ĩre mani yituoĳabetijama, manire ĳavariquēnabecumi Dios.

⁷ “Ī yiorere bajiro yigū ñagūmi”, Diore ĩre yituoĳagū ñamasiniuju Noé ñamasir'i quēne. Ado bajiro ĩre yimasiñuju Dios: “Masa ñajedire ruureajeocōarucuja yū. To bajiri, cūmua jairica quēnoña mū, ‘Rujarobe’ yigū”, ĩre yimasiñuju Dios. To bajiro ĩ yijare, bajirotire masibetiboarine, “Ī yiorere bajiro yigū ñagūmi” Diore ĩre yituoĳagū ñari, ĩ gotirore bajirone yigū, cūmua jairicare quēnomasiñuju Noé. To bajiri ĩ yarā rāca Noé ĩ rujaborotire ĩnare yirētobosamasiñuju Dios. To bajiboarine, gājerārema ĩ rācana ñaboariarāre, “Ī yiorere bajiro yigū ñagūmi Dios” yituoĳamena ĩna ñajare, ĩnare yirētobosabetimasiñuju Dios. Noéjarema, “Ī yiorere bajiro yigū ñagūmi” yure yituoĳagū ĩ ñajare, “Yū ĳavariquēnarā rācagū ñaami, ĩ quēne”, Noére ĩre yimasiñuju Dios.

⁸ “Ī yiorere bajiro yigū ñagūmi”, Diore ĩre yituoĳagū ñamasiniuju Abraham quēne. To bajiri, “Mū ñarimacare to cōrone vaveoya mū. Mū ñaroti sitare mure ĳjorucuja yū”, ĩre yimasiñuju Dios. “Ī yiorere bajiro yigū ñagūmi” Diore ĩre yituoĳagū ñari, Dios ĩ rotisere ajicōari, vacoamasiñuju ĩ, ĩ ñarotire masibetiboarine. ⁹ Gājerā ye sita ti ñaboajaquēne, “Adi sita mure ĳjorucuja” Dios

ĩre ĩ yire ñajare, “Ī yirore bajiro yigũ ñagũmi” Diore ĩre yituoĩagũ ñari, cojoju me viriaca buacõari, ñacudirũgũmasiñuju Abraham. Ī bajimasiriarore bajirone ñacudimasiñujarã ĩ macũ Isaac, ĩ jãnami Jacob quẽne “Adi sita mũare ujoꝛũcũja yũ” Dios ĩnare ĩ yire ñajare. ¹⁰ To bajiboarine, variquẽnagũ ñacudimasiñuju Abraham, “Õ vecaju Dios ĩ quẽnoria macare quẽnaro ñacõa ñarũgũrũcũja yũ” yituoĩagũ ñari.

¹¹ To bajicõari, Abraham manajo Sara, bũcũo rĩa magõ ñamasiñuju so. Ī quẽne bũcũ ñamasiñuju. To bajiboarine, “Ī goticatore bajirone yirũcũmi Dios” yituoĩagũ ñari, Dios ĩ ejarẽmojare, macũ cutimasiñujarã ĩna. ¹² To bajiri, “Bũcũacoar'i ñaboarine, macũ cuticõari, jãjarã jãnerabatia cutirocũ ñamasiñumi. Jãjarã ñocõa ñarãre, mani cõĩajeobetore bajiro, to yicõari, jare mani cõĩajeobetore bajiro jãjarã jãnerabatia cutirocũ ñamasiñumi Abraham”, yimasiaja mani.

¹³ Abraham, Isaac, Jacob quẽne, “Ī yirore bajiro yigũ ñagũmi”, Diore ĩre yituoĩariarã ñamasiñujarã ĩna, ĩna catiñaro cõrone. Dios ĩ gotiriarore bajiro ĩnare ĩ yibetiboajaquẽne, “Ī yirore bajiro yigũ ñagũmi”, ĩre yituoĩacõa ñamasiñujarã ĩna. “Yũ bajirocaro beroju yũre ĩ goticatore bajirone yũre yirũcũmi”, yituoĩarã ñamasiñujarã ĩna. To bajiro bajirã ñari, “Mũare ujoꝛũcũja yũ” Dios ĩ yire sitaju ñacudiñarã, ti sitanare ado bajise ĩnare gotimasiñujarã ĩna: “Adi sitajũre yoaro ñabetirũarãja yũ”, ĩnare yigotimasiñujarã ĩna. ¹⁴ To bajise ĩna yijama, “Gajeye sita ĩna ñacõa ñarotire tuoĩarã yiriarãma ĩna”, yimasiaja mani. ¹⁵ ĩna vadiveoria sitare tuoĩarã ĩna yijama, quẽna ti sitajũre ñarã, tudicoaboriarãma ĩna. ¹⁶ To bajiro ĩna tuoĩajama, ĩna vadiveoria sita tuoĩarã me yiyuma. ĩna vadiveoria sita rẽtoro quẽnari sita õ vecaju Dios ĩ ñaroju varũa tuoĩarã yimasiñujarã ĩna. To bajiro tuoĩarã ĩna ñajare, “Yũne ñaja ĩna rũcũbũogũ; yũ yarã ñaama ĩna”, yivariquẽnamasiñuju Dios. To bajiro yigũ ñari, ĩna ñaroti macare ĩnare quẽnobosayumi.

¹⁷⁻¹⁸ “¿‘Socũ mene ĩ yirore bajiro yigũ ñagũmi’ yũre yituoĩagũ ñati?” yimasiru, ĩre rũcũbuorã, vaibũcũre ĩna soemũoriarore bajiro yigũ, ĩ macũ sũgũ ñagũre sũarotimasiñuju Dios. “Isaac sũori jãjarã jãnerabatia cutirũcũja mũ” Dios ĩ yire ti ñaboajaquẽne, “Mũ rotisere yibetirũcũja”, yituoĩabetimasiñuju. ¹⁹ “Bajireariarãre ĩnare tudicatiomasigũ ñagũmi Dios” yituoĩagũ ñari, “Yũ macũre yũ sũacõajaquẽne, catiocõarũcũmi” yituoĩagũ ñari, ĩre ĩ sũaguadijũne, “Īre sũabeticõaña” Dios ĩ yijare, ĩre sũabetimasiñuju. To bajiro ĩ yire ti ñajare, “Rijacoaboarine, tudicatigũre bajiro ĩre ĩamasiñuju Abraham”, yimasiaja mani.

²⁰ “Ī yirore bajiro yigũ ñagũmi”, Diore ĩre yituoĩagũ ñamasiñuju Isaac ñamasir'i quẽne. To bajiro Diore tuoĩagũ

ñari, i rñare ado bajiro ñnare gotimasiñuju, Jacob, Esaúre quēne: “I gotiriarore bajirone quēnaro mñare yirucami Dios”, yimasiñuju.

21 “I yirore bajiro yigu ñagūmi”, Diore ñre yituoīagū ñnmasiñuju Jacob ñnmasir'i quēne. To bajiro Diore tñoīagū ñari, i bajirocaroto rñjoro, i macu José rñare, “Quēnaro mñare yirucami Dios”, ñnare yimasiñuju i. Bucu ñari, rñgōtīmabetiar'i ñnaboarine, i tueriu suorine vñmarñgōcōari, Diore rñcubñomasiñuju i.

22 “I yirore bajiro yigu ñagūmi”, Diore ñre yituoīagū ñnmasiñuju José ñnmasir'i quēne. To bajiro Diore tñoīagū ñari, i bajirocaroto rñjoro, i yarñre Israel ñnmasir'i jñnerabatiare ado bajiro ñnare gotimasiñuju: “Adi sita Egipto sitare vaveorñarāma ñna, mña jñnerabatia. ñna vajama, yñ gōare juacōari, Canaán vñme cuti sitaju yujerñarāma ñna”, yimasiñuju.

23 “I yirore bajiro yigu ñagūmi”, Diore ñre yituoīarā ñnmasiñujarā Moisés ñnmasir'i jacu, i jaco quēne. To bajiro Diore tñoīarā ñari, Moisés i ruyuario bero, idiarā muijua ñre yayiocñomasiñujarā ñna, “Quēnagūaca sñcare manire ñsiami Dios” yirā. To bajiri egipcio masa uñu, Israel ñnmasir'i jñnerabatiare rñamasa ñmñare i sñarotiboajaquēne, ñre gñimena ñari, i rotirore bajiro yibetimasiñujarā ñna.

24 “Yirucuja' i yirore bajiro yigu ñagūmi”, Diore ñre yituoīagū ñnmasiñuju Moisés ñnmasir'i quēne. To bajiro tñoīagū ñari, bucucacu, Egipto sita uñu maco so masor'i ñnaboarine, “Egipcio masñre bajiro bajigu ñnaami” masa ñna yirucubñosere bojabetimasiñuju Moisés. 25 Ado bajiro tñoīagū ñari, tire bojabetimasiñuju i: “Adi macarucuroju yñ catiñaro cōro egipcio masa rñca yñ bojarore bajiro yñ yijama, yñ rijato beroju quēnabetoja ti. To bajiri Israel ñnmasir'i jñnerabatia Dios yarā rñca baba cutirucuja yñ, egipcio masa yñre quēne rojose ñna yiroti ti ñnaboajaquēne”, yimasiñuju Moisés ñnmasir'i. 26 Ado bajiro tñoīagū ñari, to bajiro yimasiñuju Moisés: “Egipto sitana ñna cñose jairo vaja cuti rñtoro ñnmasuse ñnaja, Cristo i ejaroti Israel ñnmasir'i jñnerabatia ñna gotisejuama”, yituoīacōamasiñuju. To bajiri, “ñna rñca yñ ñajare, egipcio masa rojose yñre ñna yiboajaquēne, quēnacōaruroja”, yituoīacōamasiñuju Moisés. To bajiro i tñoīajama, i rijato bero, “Cristo suorine quēnaro yñre yirucami Dios” yituoīagū yimasiñuju.

27 Egipcio masa uñu i jñnisinisere gñigu me, ti sitare vaveomasiñuju Moisés. “I yirore bajiro yigu ñagūmi Dios” yituoīagū ñari, Diore ñre ñabetiboarine, i bojarore bajiro i yirotire masicōari, vacoamasiñuju. 28 “I yirore bajiro yigu ñagūmi Dios” yituoīagū ñari, Israel ñnmasir'i jñnerabatiare “Dios i rotirore

bajiro Pascua boserãmu yito mani” yigu, oveja sãar'i ri'ire cojovi ruyabeto sojerire turotimasiniuju. Tire ñamasicõari, Israel ñamasir'i jãnerabatia ñna rña cutisũoriarãre “Dios ñ cõagũ ángel, sãagũ sãjabeticõato” yigu, yimasiniuju Moisés ñamasir'i.

29 “Í yirore bajiro yigu ñagũmi Dios”, yitũoĩarã ñamasiñujarã Israel ñamasir'i jãnerabatia quẽne. To bajiro Diore tũoĩarã ñari, Diore ajitirũncõari, moa riaga Oco Sũarisa vãme cutiyare jẽamasiñujarã. Dios ñ masise sũori “Riagare jẽato” yigu, oco mano ñ yibosajare, carari maare jẽamasiñujarã ñna. To bajicõari, egipcio masa ñnare tũoruarã, suyajẽamasiboayujarã. Ñna jẽaejabetone, ruureacõamasiñuju Dios.

30 To bajiro ñna bajimasiriaro bero, Israel ñamasir'i jãnerabatia Jericó vãme cuti macare ãmaruarã, ti macare ñna matariacũni sũyarojuare ejacõari, cojomo cõro juã jẽnituarirãcarũmũri rũja gãnibiarũgũmasiñujarã ñna. To bajiro ñna bajirone, “Í yirore bajiro yigu ñagũmi Dios” yitũoĩarã ñna ñajare, ti maca matariacũni cague vẽjacoamasiñuju ti. 31 Ti macago Rahab vãme cutigo, ãmũare ajeriarã cuticõari, vaja sãnigõ ñaboarine, “Í yirore bajiro yigu ñagũmi Dios”, yitũoĩagõ ñamasiñuju so. To bajiri Israel ñamasir'i jãnerabatia juarã ñarudirimasa ejarãre quẽnaro ñnare yimasiniuju so. Quẽnaro ñnare yirio ñari, so ya macana Diore ajirũcũbũobetiriarã rãca rijabetimasiñuju.

32 Jẽre jairo mũare gotibũ yũ. Tire bajiro Diore tũoĩamasiriarã jediro ñna bajimasirere yũ ucajama, yoaro ucabogũja yũ. Gedeón, Barac, Sansón, Jefte, David, Samuel, to yicõari, Diore gotirẽtobosariarã jediro ñna bajimasirere quẽne ucabogũja yũ. 33 Ñna quẽne, “Í yirore bajiro yigu ñagũmi Dios” yitũoĩarã ñari, gaje sitana rãca ñna gãmerã sãajama, ñnajua rĩne, ñnare sãacõarũgũmasiñujarã ñna. Gãjerãma, quẽnaro masare rotimasiñujarã ñna, ñna yarãre, “Quẽnaro gãmerã yato” yirã. Gãjerãma, rojose tãmũorã ñari, “Yũare ejarẽmoña” yirã, Diore sãnimasiniujarã ñna. To ñna yijare, ñ gotiriarore bajirone ñnare ejarẽmomasiñuju Dios. Gãjerãrema, “Í yirore bajiro yigu ñagũmi” Diore ñna yitũoĩajare, “Yaia, león vãme cutirã ñnare babeticõato”, yiyumi Dios. 34 Gãjerãma, jeame bũto ãjũroju ñna reatĩariarã ñaboarine, uabetimasiñujarã. Gãjerãma, ñnare ñaterimasa jariaseri rãca ñna sãaruasere ñacõari, rudimasiñujarã. Gãjerãma, tĩmabetiboariarãne, Dios ñnare ñ ejarẽmojare, tĩmarã ñacoasujarã ñna. To bajiri, ñnare ñaterã sãarã ejarãre ñnajua rĩne sãareacõarũgũmasiñujarã. 35 Rõmia quẽne, “Í yirore bajiro yigu ñagũmi” Diore ñre yitũoĩarã ñari, bajireacoanare Dios ñ masise sũori ñ catorãre yarã cutiyujarã.

Gãjerãma, “Í yirore bajiro yigu ñagũmi Dios” yitũoĩarã,

ado bajiro bajiyujarã: Ìnare Ìaterimasa Ìnare ñejecõari, “Dios ocare m̃u ajitir̃ũnũ tujabetijama, m̃ure s̃iaruarãja yua”, Ìnare yigotiyujarã Ìna. To bajiro Ìna yiboajaquẽne, “Ì yiore bajiro yigũ ñagũmi Dios” yirã, Ìnare gũimenane, ado bajiro t̃uoĩañujarã Ìna: “Ìna s̃iacõajaquẽne, tudicaticõari, Dios tujũ r̃etoro quẽnaro ñaruarãja mani”, yit̃uoĩamasiñujarã Ìna. To bajiro yirã Ìna ñajare, Ìnare s̃iacõañujarã. ³⁶ Gãjerã quẽne, “Ì yiore bajiro yigũ ñagũmi Dios” yit̃uoĩarã ñari, ado bajiro rojose tãm̃uoñujarã Ìna: Ìnare ajatud'icõari, Ìnare bajeyujarã. Gãjerãrema, Ìna ãmoriyũ cõmemarine siacõari, tubibecũñujarã Ìna. ³⁷ Gãjerãrema, gũtane Ìnare reas̃iañujarã. Gãjerãrema, Ìna rujũ gudarecone yijetas̃iacõañujarã. Gãjerãrema, jari-aseri rãca Ìnare sares̃iacõañujarã Ìna. Gãjerãma, sudi manijare, vaibũcũgasene sãñañujarã. To bajicõari Ìna ñaroti maca b̃ujamenane, maioro rojose yiecocudirũgũñujarã Ìna. ³⁸ “Ì yiore bajiro yigũ ñagũmi Dios”, yit̃uoĩarã ñañujarã Ìna. Dios Ì Ìamairã ñaboarine, gãjerã Ìna Ìaterã ñari, Ìna ñaroti b̃ujamenane masa manoyũ, gũtayuc̃ari vatoajũ gũtaviriyũ ñacudiyujarã Ìna.

³⁹ Rojose tãm̃uoriarã m̃ure yũ gotirã, jediro ñañujarã “Ì yiore bajiro yigũ ñagũmi Dios” yit̃uoĩararã. To bajiro Diore t̃uoĩarã ñari, “Manire Ìavariquẽnagũmi Dios”, yit̃uoĩañujarã Ìna. To bajise t̃uoĩarã ñaboarine, nijũane “Quẽnaro yir̃uc̃aja yũ” Dios Ì yirere yiecobesuma maji. ⁴⁰ Ìna t̃uoĩase r̃etoro quẽnase Ì yir̃uajare, to bajiro bajiyuma maji. To bajiri, yuc̃arema, mame Dios Ì vasoase ñajare, Ìnare, manire quẽne, “Rojose mana ñaama”, yĩlagũmi Dios.

12

“Cristore ajitir̃ũnũcõa ñarũgũr̃uarãja mani”, yire queti

¹ To bajiro mani ñicua Ìna bajirere mani ajiyama, “Ì yiore bajiro yigũ ñagũmi’ Diore Ìre yit̃uoĩacõari, quẽnaro Ìre ajitir̃ũnũñuma Ìna”, yimasiaja mani. To bajiri josase ti ñaboajaquẽne, mani quẽne, Diore ajitir̃ũnũ tujabeticõato mani. Mani t̃uana rojose manire Ìna yirotijama, Ìnare c̃udibetir̃uarãja mani, “Ìna s̃uori Dios Ì bojabeti yirobe” yirã. Jesucristo, adigodojũ ñagũ Diore Ì ajitir̃ũnũriarore bajiro mani quẽne Diore ajitir̃ũnũcõa ñarũgũr̃uarãja. ² Cristore t̃uoĩat̃ujabetiroti ñaja manire. Ìne ñaami mani t̃uoĩamasirotire cõagũ. To bajiri, manire Ì ejarẽmojare, “Ì yiore bajiro yigũ ñagũmi Dios”, yit̃uoĩa t̃ujabeaja mani. Yuc̃at̃erojũ masa Ìre Ìna jajuturo, b̃uto rojose tãm̃uogũ ñaboarine, Dios tujũ quẽnaro Ì ñarotiyuare t̃uoĩagũ ñari, Ìre Ìna yirotire, “Yibeticõato”, yibesumi. To bajiri manire rijabosacõari, yuc̃arema, õ vecajũ Dios Ì rotĩñarojũ Ì riojojacat̃ua r̃uc̃ub̃oriajare rujigũ ñagũmi.

³ Jesús adigodoju ĩ ñaro, buto rojose ĩre ĩna yiboajaquẽne, quẽnasejuare yicõa ñañumi. To bajiri mani quẽne, rojose tãmũorã ñaboarine, quejemenane, quẽnasejuare yicõa ñarũgũroti ñaja. ⁴ Jesucristo rojose ĩ tãmũoriarore bajiro tãmũomenaja mũa maji. To bajiri, rojose tãmũorã ñaboarine, ñacõarãja mũa. ⁵ Diore ajitirũnrã ñari, ĩ rĩare bajiro bajirãre, “Rojose tãmũorã ñaboarine, ‘Ī yirore bajiro yigu ñagũmi’ yure yitũoĩa tũjabeticõato ĩna” yigu, mũare gotimasioñumi. Tire masiritirãja mũa. Ado bajise gotiaja ti Dios ocare masa ĩna ucamasire:

“Масч, ‘Ado bajirojũa yiya’, mũare yũ yisere ajitebesa. Rojose tãmũogũ ñaboarine, yũ bojarore bajiro yicõa ñaña.

⁶ Yũne ĩna jacũre bajiro bajigu ñari, yũ mairãre, ‘Ado bajirojũa mũa yijama, quẽnarũaroja’ ĩnare yirũgũaja yũ”, yigotiaja Dios ocare masa ĩna ucamasire.

⁷ To bajiri, rojose tãmũoboarine, “Ī yirore bajiro yigu ñagũmi Dios”, yitũoĩa tũjabesa mũa. Rojose mũa tãmũose sũorine quẽnaro mũare ĩ yirore masiogũ yigumi Dios. Sĩgũ ĩ rĩare ĩ gotimasiorore bajiro yigu, yigumi Dios, “Yũ bojarore bajiro yirã ñato” yigu. Rĩa cutirã jedirone, ĩna rĩare gotirũgũrãma.

⁸ To bajiri, Dios quẽne, “Yũre ajitirũnrã ñari, yũ rĩare bajiro bajirã ñaama” yigu, ĩnare gotimasiorũgũami Dios. To bajiro mũare Dios ĩ yibetijama, jacũ manare bajiro ñaborãja mũa.

⁹ Mani jacũa, manire ĩna yirere tũoĩato mani. Rĩamasaca mani ñaro rojose mani yijare rojose manire yiriarãma ĩna, “Yũa bojarore bajiro yirã ñato” yirã. To ĩna yirore ajirũcũbũoriarãja mani. To bajiri Dios quẽne, “Yũre bajiro quẽnaro yirã ñato” yigu, rojose mani yijare, rojose manire ĩ yijama, bũtobũsa ĩre ajirũcũbũoroti ñaja manire. ĩre mani ajirũcũbũojama, mani rijato bero, tudicaticõari, ĩ rãca quẽnaro ñacõa ñarũgũrũarãja mani. ¹⁰ Mani jacũa, ĩna gotimasiojama, ĩna yimasiro cõro manire gotimasioriarãma ĩna. Diojũama, masijeogu ñari, “Ado bajirojũa ĩna yijama, quẽnaja”, yimasigũ ñagũmi. To bajiro yigu ĩ ñajare, yucũrema rojose tãmũoboarine, quẽnaro ĩre mani ajirũcũbũo tũjabetijama, ĩre bajiro quẽnaro yirã ñarũarãja mani. ¹¹ Rojose mani yise vaja “Rojose tãmũoato ĩna” yigu, Dios rojose manire ĩ yijama, sũtiritirãja mani. Rojose mani tãmũosere tũoĩacõari, “Ado bajise manire yimasioigũ yigumi Dios” mani yitũoĩamasijama, ĩ bojarore bajiro yiroti ñaja. To bajiro mani yijama, quẽnaro ñarũarãja mani.

“Dios ocare mani ajitirũnrũ tũjajama, gũiose ñaja”, yire queti

¹² To bajiri, “Dios manire ĩ gotiriarore bajirone quẽnaro yirũcũmi” mũa yitũoĩa sũocatore bajiro yitũoĩaña mũa quẽna. Tire tũoĩacõari, mũa yimasiro cõrone Diore quẽnaro ĩre ajitirũnrũña mũa, “Ñajediro Dios ĩ gotiriarore bajirone quẽnaro

manire yato” yirã. ¹³To bajiri, Dios ï bojasere yiruarã, quënarõ tũoĩaña mũa. Quënarõ tũoĩacõari, ï bojarore bajiro mũa yijama, mũa babarã quëne Cristore bũtobũsa ajitirũnũrũarãma ïna.

¹⁴Mũa jediro, quënarõ gãmerã yirũgũrũarãja mũa, “Quënarõ ñacõari, bũtobũsa Dios ï bojarore bajiro yirã ñato mani” yirã. To bajiro mũa yibetijama, Diorãca quënarõ ñabetirũarãja. ¹⁵Mũa rãcana ñajedirore quënarõ ejarẽmorũgũrũarãja mũa, “Cristo sũori Dios quënarõ manire ï yisere, ‘Socase ñaja’ yitũoĩaroma ïna” yirã. Socase yigũ ï ñajama, “Ï sũorine Dios ocare ajitirũnũ tũjacõari, ïjuare ajisũyaroma” yirã, quënarõ gãmerã ejarẽmorũgũña. ¹⁶To yicõari, “Gãmerã ajeriarã cũtiroma” yirã, mũa rãcanare quënarõ gotirũarãja mũa. Esaũ ñamasir'ire bajiro yibeticõaña mũa. Ï gagũ ñaboarine, bare barũne, “Yũre mũ ecajama, mũ bedire bajiro bajirũcũja yũ”, ïre yimasĩñuju. To yicõari, “Mani jacũ ï rijaroto rĩjoro, ‘Yũ macũ ñasũogũ ñaami’ ï yirocũ ñarũcũja mũ. To ï yirocũ ñari, ‘Quënarõ yirũcũja’ Dios ï yirere yiecorocũ ñarũcũja mũ”, yimasĩñuju Esaũ, ï bedire. ¹⁷“Dios ocare ajirũcũbũobecũ ñañumi”, ïre yimasiaja mani, ado bajiro ïna bajimasire ñajare: Ï jacũ ï bajirocaroto rĩjoro, “Ï gagũ ñaja mũ. To bajiri quënarõ mũre yirũcũmi Dios”, ï jacũ ï yisere ajirũamasiboayuju Esaũ. “Jẽre mũ bedijũare gotiyuja yũ” ï yisere ajicõari, bũto otiboarine, “Quënarõ yirũcũja” Dios ï yirere bũjabetimasĩñuju Esaũ.

¹⁸To bajiri, mame Dios ï vasoasere ajirũcũbũorã ñari, mũama, mani ñicũa ïna ïamasire ùnire ïabesuja mũa. ïnama, gãtaujũ ñacudir'i Moisés ï rojaejaro bero, gãtaũ ti ãjusere ïañuma. To bajicõari ti buesene rẽtiacõamasĩñuju. Bũto bũjo quëne jamasĩñuju. To bajicõari, mino bũto vamasĩñuju. ¹⁹To bajiro ti bajirone, jutiria trompeta vãme cũtia bũsisere ajicõari, bũto gãimasiñujarã ïna. To bajicõari, Dios ï ocaruyusere ajimasĩñujarã ïna. Tire ajigũicõari, to cõrone ï ñagõtũjasere bojamasiñujarã ïna. ²⁰Dios ï rotirere no bajiro yimasibetica yirã, “To cõrone ñagõtũjato”, ïre yimasĩñujarã. Ado bajiro ïnare rotimasĩñuju Dios: “Sĩgũ masũ, to yicõari, vaibũcũ ùgũ quëne gãtaũre ï cũdajama, gãtane reasĩacõaroti ñaja”, yimasĩñuju. ²¹Ïna ïamasire bũto gãiiose ti ñajare, Moisés ñamasir'i quëne, “Gũigũ, nanaja yũ”, yimasĩñuju.

²²Mani ñicũa ïna bajimasiriarore bajiro bajirã me ñaja mũama. To bajiri, õ vecajũ ñaricũ gãtaũ joejũ ñarimaca Jerusalén vãme cũti macajũ Dios ñacõa ñarũgũgũ ya macajũ ñarãre bajiro bajaiaja mũa. To bajicõari, Dios tũana jãjarã ángel mesa rẽjacõari, Diore ïna rũcũbũorojũ ñarãre bajiro bajaiaja mũa. ²³To bajicõari, “Ado cõro ñaama yũ rãca ñarũgũrona” Dios ï yiuaturiarã ñari, ï tũjũ ñarã rãca rẽjarãre bajiro bajaiaja mũa

quêne. Masa ñajedirore ñabeserocu tujare güimenane ejarãre bajiro bajiaja mña. Rojose yiriarã ñaboarine, Jesúre ajitirãnararã ñna ñajare, ñ tujũ ñna ejaro, “Rojose mana ñaja mña” Dios ñ yĩararã rãca ñarãre bajiro bajiaja mña quêne. ²⁴ To bajiri, Jesús tujũ ejarona ñaja mña. Ñne ñaami, “ ‘Mame oca mñare vasoarucuja yũ’ Dios ñ yiriarore bajiro bajiato” yigũ, manire rijabosar’i. To bajiri, ñ ri’i sũorine, “Rojose mana ñaama”, manire yĩañumi Dios. To bajiboarine tirãmujũ, Abel ñamasir’i ñsĩacomasirejũama, “Ñri’i sũorine ‘Rojose mana ñaama’ masare Dios ñ yĩaroti me ñamasifũja”, yimasiaja mani.

²⁵ To bajiri Cristo ñ rijabosare sũorine mame oca Dios ñ vasoarere ajitirãnuroti ñaja. Moisés ñamasir’ire Dios ñ roticũmasirere cojosi me ñna cãdibetijare, rojose ñnare yirũgũmasifũju Dios, “Yitujacõari, yũ bojasejũare yato ñna” yigũ. To bajiro ñ yimasire ñajare, mame ñ vasoasere quêne mani ajibetijama, “Rojose manire yirucumi”, yimasiaja mani. ²⁶ Gajeyerema tirãmujũ mani ñicua ñamasiriarãre gotigũ, sita nũũarojũ ñagõmasifũju Dios. Ñ ocare masa ñna ucamasire quẽna ñ yirotire ado bajiro gotiaja: “Quẽna yinũũojama, adi macarucũroaye, õ vecayere quêne yinũũobatorucuja yũ”, yigotiaja, Dios ocare masa ñna ucamasire. ²⁷ To bajiro quẽna Dios, “Yirucuja” ñ yirere mani ajijama, “Adi macarucũro ñase jediro ñ rujeore reajeocõarucumi”, yimasiaja mani. Rẽmojũne “Yayibetirũaroja” ñ yirujeore rĩne rũyarũaroja ti. ²⁸ To bajiri socase me ti ñajare, “Diore ajitirãnararã ñna bajireajama, ñ rotiñarojũ ñna caticõa ñarotire yigũ, ñ catisere ñ ñsiriarã ñnari, ñ rãca ñarũgũrũarãma”, yimasiaja mani. To bajiro mani bajiroti ti ñajare, Diore rũcũbũorã, “Quẽnaro yũare yaja mña”, ñre yisẽnito mani. To yicõari, ñ bojarore bajiro yirũgũto mani, “Manire ñajũnisinicõari, rojose manire yiromi” yirã. ²⁹ Ñ bojabeti yirãre rojose yigũ ñ ñajare, ñ bojarore bajiro yiroti ñaja manire.

13

“Ñavariquẽnato Dios” yirã, quẽnaro mani yiroti queti

¹ To bajiri adi mñare gotitusaja yũ: Ado bajiro yĩñaña mña, “Manire ñavariquẽnato Dios” yirã. Cristo yarã ñnari, gãmerã ñamaitujabesa mña. ² Gajeroana mña masimena Cristore ajitirãnũrã mña tũ ñna ejajama, quẽnaro ñnare yirũarãja mña. Mani ñicua quêne, gajeroana ñna masimena ñna ejaboajaquêne, quẽnaro ñnare yirũgũmasifũjarã ñna. To yirã ñnari, cojojirema ángel mesare “Dios ñ cõariarã ñarãma” yimasibetiboarine, quẽnaro yimasifũjarã ñna.

³ Gãjerã Cristore ajitirãnũrãre tubibe ecorãre masiritibesa mña. Mani quêne mani tubibe ecojama, “Quẽnabetoja”

yituoīarā ñari, ejarēmoña. Gājerāre quēne, rojose ñare ña yijama, mña quēne ña rāca rojose tāmuroāre bajiro ñare ñamaicōari, ejarēmoña mña.

⁴ Gāmerā mña bojasere quēnaro rūcuburoti ñaja. Manajo cutirā, manajm cutirā, manajo mana, manajm mana quēne gājerā rāca ajeriarā cutibesa. To bajiro mña yijama, “Rojose tāmuroarāma”, mñare yirucumi Dios.

⁵ Jairo gājoa suorua tuoīabesa mña. Mojoroaca suorā ñaboarine, “Jēre ñacōaja”, yituoīacōaña mña. Ado bajiro Dios ĩ yirejare tuoīaña: “Mñe vaveobecune, mñ rāca ñacōa ñarūgūrucuja ym”, yiyumi Dios, manire. ⁶ To bajiro ĩ yirere manĭ ajijama, “Socm me yiyumi” yimasicōari, Dios oca ti gotirore bajiro ado bajiro yimasiaja manĭ:

“Dios ñaami rojose ym tāmuro, yñe ejarēmogū. To bajiro rojose yñe yirāre güibeaja ym”, yaja manĭ.

⁷ Cristo ocare mñare gotimasiosuocana ña bajicatire masiritibesa mña. “Ī yirore bajiro yigm ñagūmi Cristo” yituoīarā ñari, ĩre ajitirūnm tujamenane, bajireacoacama ña. ña bajicatore bajiro, Cristore ajitirūnm tujabesa mña quēne.

⁸ Jesucristo ñagūmi tuoīavasoabecu, cojojire bajiro quēnaro yirūgūgū. To bajiri mñare gotimasiosuocanare quēnaro ñare ejarēmor'i, manire quēne to bajirone ejarēmocōa ñarūgūrucumi. ⁹ Mñare ña gotimasiosuocaticore bajiro me, ricati ña gotimasiosere ajitirūnm beticōaña mña. Ado bajiro mñare gotirūgūrāma ña: “‘Babetiruarāja mña’ manĭ ñicua ñamasiriarā ña yimasirere mña ajirūcubujama, quēnaja”, mñare yirāma ña. To bajiro mñare ña yigotise me, ado bajiro mña yituoīarūgūsejua ñaja quēnase: “Dios manire ñamaicōari, manire ejarēmorucumi” mña yituoīarūgūsejua ñaja quēnase. To bajiro mña tuoīajama, butobusa ĩ bojarore bajiro yirā ñarūtuararāja mña.

¹⁰ Cristo manire ĩ rijabosare suorĭ Moisére Dios ĩ roticūmasirore bajiro me bajiaja. Moisére Dios ĩ roticūmasirere ajitirūnmrā, rojose ña yisere “Masirioato Dios” yirā, “Vaibucurā soemucōa ñaroti ñaja” yituoīarā ña ñajare, “Rojose mana ñaama”, ñare yīabecumi Dios. Manijñarema, vaibucm rii ña soemucose ũnĭrene yigm, Cristo ĩ rijabosare suorĭ, “Rojose mana ñaama” Dios ĩ yīarā ñaja manĭ. ¹¹ Moisére Dios ĩ roticūmasirere ajitirūnmgū paia mjm ñamasugūma, vaibucm ña sīar'i rī'ĭ ĩoriabajare āmisājacumi, Dios ĩ ñarisōa vāme cuti sōaju, “Rojose ña yisere masirioato Dios” yigm. Ī sājatoye, vaibucm rujñarema ti maca sojmajm āmivacōari, soerocacōarāma ña, ĩre ĩaterā ñari. ¹² To bajiro vaibucure ña ĩaterore bajiro bajiyumi Jesús quēne. Jerusalén maca sojmajm yucātērojm jajusīa ecoyumi, rojose manĭ yisere manire yirētobosagu. To

bajiro bajiyumi, “Rojose mana ñaama” manire Dios ĩ yĩarotire yigũ. ¹³ To bajiro Jesús ĩ bajibosare ñajare, Moisére Dios ĩ roticũmasirere ajitirũnarã rojose mũare ĩna yiboajaquẽne, tire ajirũcũbũo tũjacõari, mame Dios ĩ vasoarejũare ajitirũnaroti ñaja mũare. ¹⁴ To bajiro bajirũarãja mũa, adigodoayere tũõĩabeticõari, “Dios ĩ ñarimaca ñaja mani ñacõa ñarũgũroti maca” yitũõĩarã ñari. “Adi macarũcũrojurema manoja mani ñacõa ñarũgũroti maca”, yimasirãja mũa. ¹⁵ To bajiri, Jesucristo ĩ rijabosare sũori, Diorãca mani ñacõa ñarũgũroti ti ñajare, vaibũcũrãre sĩacõari, ĩna soemũose ũnirere yirã, “Quẽnamasucõaja mũ” Diore yirũcũbũo tũjabetiroti ñaja, manire. ¹⁶ To yicõari, “Quẽnaro gãmerã yiroti ñaja manire” yirere masiritibeticõaĩa mũa. To yicõari, mũa tũana maioro ĩna bajisere masicõari, mũa cũose ĩnare ĩsiĩa. To bajiro mũa yijama, Dios ĩ ĩavariquẽnase yirã, yirũarãja mũa.

¹⁷ Mũare ũmato ñarãre quẽnaro cũdiya mũa. “¿No bajiro ĩnare ĩatirũnũcati mũa?” manire yisẽniĩagũmi Dios” yimasirã ñari, tocãrãcarũmũne, “Diorãca quẽnaro ñato ĩna” yirã, mũare ĩatirũnũrũgũrãma ĩna. To bajiri, quẽnaro ĩnare mũa cũdijama, to bajiro mũa yisere, “Ado bajiro quẽnaro mũre ajitirũnũcama ĩna”, Diore ĩre yivariquẽnarũarãma ĩna.

¹⁸ To bajiri, “Dios ĩ bojarore bajirone yato ĩ” yirã, Diore yũre sãnibosaya. Dios ĩ bojase jediro yirũgũaja yũ. To bajiro yigũ ñari, tũõĩarejaibecũne ñacõaja yũ. ¹⁹ To yicõari, yoaro mene quẽna mũa tũ yũ varotire yirã, yũre sãnibosaya mũa, Diore.

“Quẽnaro mũare yato Dios”, yire queti

²⁰ “Quẽnaro ñato ĩna” yigũ manire ejarẽmogũmi Dios. ĩne ñagũmi, mani mũj Jesús manire ĩ rijabosaro bero, ĩre catior'ĩ, ĩre catiocõari, “Ovejare ĩatirũnũgũre bajiro, yũ yarãre quẽnaro ĩnare ĩatirũnũrũcũja mũ” ĩre yir'ĩ. Jesús ĩ rijabosare sũorine, “Rojose ĩna yisere masiriocõari, quẽnaro yirũcũja yũ” masare Dios ĩ yimasiriarore bajirone bajiyuja. To bajiro ĩ yise jedibetirũaroja. ²¹ Ado bajiro Diore mũare sãnibosaja yũ: “‘Mũ bojarore bajiro yato ĩna’ yigũ, ĩnare ejarẽmoĩa mũ”, mũare yisãnibosaja yũ, Diore. “‘Jesucristo ĩ ejarẽmose rãca quẽnaro yaja mũa’ yivariquẽnato” yigũ, Diore mũare sãnibosaja yũ. Quẽnarẽtogũ Cristo ĩ ñajare, “Quẽnamasucõaja mũ”, ĩre yirũcũbũo tũjabetiroti ñaja, manire. To bajirone bajicõa ñarũgũato.

²² Mojoroaca mũare papera ucacõaja yũ. To bajiri, “Bũtobũsa, ‘ĩ yirore bajiro yigũ ñagũmi’ Cristore ĩre yitũõĩato ĩna” yigũ, mũare yũ gotisere quẽnaro tire ajimasĩa mũa, yũ mairã. ²³ Mani maigũ Timoteore ĩna tubiber'ire jẽre ĩre bucõañujarã. To bajiri, yoaro mene ĩ ejaama, ĩ rãca mũa tũju varũcũja yũ.

²⁴ M̃are ũmato ñarimasa, to yicõari, m̃a rãcana Jesucristore ajitirãnrã jediro, “Quẽnato”. “Quẽnato”, m̃are yama Italia sitana quẽne.

²⁵ Dios, m̃are ãmaigũ ñari, quẽnaro m̃are yato ã.
To cõro ñaja.

Carta de SANTIAGO

Jud'io masa, Jesucristore ajitirũnarãre, Santiago ã ucacõare

¹ ¿Ñaboati mña, yũ yarã, Jesucristore ajitirũnarã, jud'io masa? Adi papera rãca mñare ucacõaja yũ, Santiago. Mani jacũ Dios, mani ỹjũ Jesucristo quẽne, ãna bojasere yigũ ñaja yũ. Juaãmo cõro, gũbo jua jẽnituario masa jũnari ñaja mani, adi macarũcũro jediro ñabatorã. Mñare quẽnarotija yũ.

“Diore mani sãnijama, ã masisere manire cõarũcũmi”, yire

² Ajiya yũ yarã, Jesucristore ajitirũnarã. Gãjerã, rojose mñare ãna yiboajaquẽne, sutiritimenane, variquẽnama. ³ Ado bajiro ti bajijare, “Variquẽnama”, mñare yaja yũ: “Rojose tãmũorã ñaboarine, Jesucristore mani ajitirũnũcõa ñajama, rojose yigũaboarine, tire yibetirũarãja”, yimasirãja mña. ⁴ Rojose mña yibetire tũõĩvariquẽnacõari, berojũ quẽna rojose tãmũorã, “Rojose yibetiroti ñaja” mña yirere masiritibeja mña. Tocãrãcajine rojose tãmũoboarine, Jesucristore mña ajitirũnũcõa ñajama, Dios ã bojarore bajiro yirã ñarũarãja mña.

⁵ “¿No bajiro yũ yirotere bojarojari Dios?” mña yitũõĩajama, ãre sãnĩña. “¿No yirã yũre sãnĩñati mña?” yigũ me ñaami Dios. ãre sãnirã jedirore, “Yũ masisere ãnare cõarũcũja” yigũ ñaami. To bajiri ãre mña sãnijama, mña masirotere mñare ỹjorũcũmi. ⁶ Diore mña sãnijama, “Yũna masirotere yũare ỹjobetirũcũmi”, yitũõĩabesa. Diore sãnigũ, “Yũre ỹjogũmi” yigũ ñaboarine, “Yũre ỹjobecũmi” ã yitũõĩajama, oco sabesere bajiro bajiroja ã tũõĩase. Gajerojũ sabe, quẽna gajerojũ sabe, bajiñarore bajiro bajiroja ã tũõĩaboase. ⁷⁻⁸ To bajiri, cojojũ ñamasibetore bajiro bajiroja, ã tũõĩase. Jairo tũõĩagũ ã ñajare, “Dios ã bojarore bajiro yirũcũmi”, yimasiña manojã. “ãre bajiro mani bajijama, mani sãnisere cõabetirũcũmi Dios”, yimasiña.

⁹ Maioro bajirã ñaboarine, “Jesucristore ajitirũnarã ñari, Dios rãre bajiro bajirã ñaja yua” yimasicõari, variquẽnaro ñaroti ñaja mñare. ¹⁰ Gajeyeũni jairã Jesũre ajitirũnarãre, variquẽnaro ñaroti ñaja ãnare quẽne, “Ñamasuse me ñaja yua cũose” ãna yitũõĩajama. Go yoaro mene sĩnirore bajiro bajiaja mani. To bajiro yũ yijama, “Yoaro meaca catirũarãja mani” yigũ yaja. ¹¹ Bũto muiju ã asijama, quẽnase ruyuboasene sĩnirea bajicoacajũ, ta, to yicõari, go quẽne. To bajiri ãariaro quẽnase ruyuboase manicajũ. Tire bajiro bajirãma gajeyeũni jairo cũoboariarã quẽne. “Jãibũsaro gajeyeũnire bũjarãsa mani” yirã, moa vaja tañarã rĩne, bajireacoarũarãma.

“Rojose rīne mani yicōa ñajama, rojose tām̄ot̄ujabetiriaroju var̄arāja mani”, yire queti

12 Rojose tām̄orūgūrā ñaboarine, mani rijato beroju, Dios t̄uju ī rāca var̄iquēnacōa ñar̄arāja mani. “To bajirone bajir̄arāma ȳre mairā”, yiyumi Dios. To bajiro mani bajiroti ñajare, rojose mani yir̄aboasere mani yibetijama, var̄iquēnar̄arāja mani. 13 Rojose mani t̄oīase, “Dios s̄orine to bajiro t̄oīaja”, yiroti me ñaja. Rojose t̄oīagū me ñagūmi Dios. To bajiri, “Dios s̄orine rojose yaja”, yimasiña maja. 14 Ado bajiroj̄ma bajijaja: Mani masune rojose yir̄ua t̄oīacōari, yir̄ugūaja mani. 15 Rojose rīne mani yicōa ñajama, rojose tām̄ot̄ujabetiriaroju manire cōar̄uc̄mi Dios.

16 Ȳu mairā, quēnaro t̄oīamasiña: 17 “Jediro quēnase, Dios manire ī cūre ñaja. Ī ñagūmi ūm̄uagu muijure, ñamiagure, to yicōari, ñocoare quēne rujeomasir'i. To bajicōari, ‘Yir̄uc̄aja’ ī yirore bajirone yiḡu ñaami, quēnase rīne t̄oīagū”, yit̄oīaroti ñaja. 18 Ī oca quēnasere mani ajitir̄un̄us̄oriar̄um̄ane, ī rāca mani caticōa ñar̄ugūrotire manire īsiñumi. To bajiro ī yire ñajare, ī rīa ñas̄orāre bajiro bajirā ñaja mani. Tir̄um̄uj̄ane to bajiro mani bajirotire bojayumi Dios.

“Dios oca ti gotirore bajirone c̄diroti ñaja”, yire queti

19 Ȳu mairā, m̄are ȳu gotirotire masiritibeja m̄ua: M̄ua rācana m̄are ñna gotisere quēnaro ajiroti ñaja. M̄uaj̄ua quēne, m̄ua rācanare m̄ua gotijama, quēnaro t̄oīacōari, ñnare gotiba. M̄are ñna ajir̄uabetijama, guaro j̄ūnisinibetiroti ñaja. 20 Gājerāre mani j̄ūnisinijama, Dios ī bojarore bajiro yirā me yirāja mani. 21 Mani ajir̄ugūse, to yicōari, mani gotir̄ugūse quēne, ñamasuse ti ñajare, rojose m̄ua yir̄ugūse jedirore yit̄ujacōañna m̄ua. To yicōari, Dios ocare ajitir̄un̄uc̄o ñar̄ugūña. Tire m̄ua ajitir̄un̄uc̄o ñajama, rojose tām̄ot̄ujabetiriaroju m̄ua vaborotire m̄are yir̄ētosar̄uc̄mi Dios.

22 Dios ocare ajicōari, ti yirore bajiro c̄diroti ñaja. Tire ajiboarine, ti gotirore bajiro m̄ua yibetijama, “Diore ajitir̄un̄rā ñaja ȳu” m̄ua yit̄oīaboase socase ñaroja. 23-24 Dios ocare ajiboarine, m̄ua c̄dibetijama, m̄are ejar̄ēmobetoja. M̄ua c̄dibetijama, sīgū ēoro āmiācōagū ñaboarine, ēorore ī cūr̄ir̄imarone, “To bajiḡu ñam̄u ȳu” ī yimasibetore bajiro bajirāja m̄ua. To bajiri ēoroju quēnaro ī ñaboase ñre ejar̄ēmobetoja. Īre bajiro bajirāja m̄ua, Dios ocare ajiboarine, m̄ua c̄dibetijama. 25 Gājerāma, rojose ñna tām̄oborotire Cristo ī yir̄ētosarere t̄oīacōari tire masiritimenama. Masiritimena ñnari, Dios ī rotisere var̄iquēnase rāca yicōa ñar̄arāma.

26 “Diore ȳu yir̄uc̄ub̄ose s̄orine ī bojasere yiḡu yaja ȳu”, yit̄oīarāma sīgūri. To bajiro yit̄oīarā ñaboarine, rojose ñna

ñagõsere ñna yitujabetijama, ñna masune socarã yirãma. Diore ñna yirũcũbũoboase, vaja manoja ti. Dios ñ bojasere yirã me ñarãma ñna. ²⁷ Mani jacũ, Dios ñ ñajama, socũ me ñ bojasere yigũma, ado bajiro yigũ ñagũmi: Jacũna rijaveoriarã, to yicõari, manajũna rijaveoriarãre quẽne, maioro ñna bajijare, ñnare ejarẽmogũ ñagũmi. To bajicõari, gãjerã rojose ñna yirũgũrore bajiro yibecũ ñagũmi ñma.

2

“Jesús ocare ajitirũnrã ñari, gãmerã ñarũcũbũoroti ñaja”, yire

¹ Ajija yũ mairã. Mani ẽjũ, Jesucristore ajitirũnrã ñaja mani. Quẽnamasugũ ñ ñajare, ñre buto rũcũbũoaja mani. To bajiro yirã ñari, mani rãcanare quẽne gãmerã ñarũcũbũoroti ñaja. ² Mũna rẽjarone, sũgũ quẽnase sudi sãñacõari, ãmo sãriabedori sãcõari ejagũmi. To yicõari, gãjijũna sudi bũcũ sãñacõari ñ ejajama, ado bajiro yirãja mũna: ³⁻⁴ Quẽnase sudi sãñacõari, sãjajegũrema, “Ado ñaja rujiriaro quẽnarito”, ñre yirãja mũna. Maioro bajijũjũarema ñ sãjajero ñacõari, “Tone rũgõcõaña. Mũ bajirũabetijama, rũcacane rujicõaña mũ” ñre mũna yijama, quẽnaro gãmerã ñarũcũbũomena yirãja mũna. To bajiro mũna yijama, Dios ñ bojarore bajiro yirã me yirãja mũna.

⁵ Ado bajiro mũnare yũ gotisere quẽnaro ajija mũna: “Yũ macũre ajitirũnũña” Dios ñ yirere cũdiriarã, maioro bajirã jãjarã ñaama. “Maioro bajirã ñaama” Diore ajimena ñna yũarã ñaboarine, Jesucristore ajitirũnrã ñari, “Butobusa ñre ajitirũnrã ñato” yigũ, quẽnaro Dios ñ yirã ñaama. To bajicõari, ñ gotiriarore bajirone ñ tũjũ ejarona ñaama. ⁶ To bajiboarine, maioro bajirãre ñnare ñarũcũbũobeaja mũna. Gajeyeũni jairãjũare rũcũbũorũgũaja mũna. “Ñna sũorine rojose tãtũorãja mani”, ¿yimasibeatique mũna? ñna ñaama mũnare gotiyirorũarã, ẽjarã tũjũ, mũnare juavarũgũrã. ⁷ “Jesús yarã ñaja yũna” yicõari, bautiza ecoriarã ñaja mũna. To bajiri, ñ ocare ajicõari, quẽnaro variquẽnaja mũna. Gajeyeũni jairãjũama ñre rũcũbũobeticõari, ajarũgũama. ¿Tire masibeatique mũna?

⁸ Mani ẽjũ, Dios ñamasusere ñ rotimasire ado bajiro gotiaja: “Mũ masu rujũre mũ mairore bajirone mũ tũanare maiña”, yigotiaja. Tire mũna cũdijama, quẽnaro yirã yirãja mũna. ⁹ Tire ajirã ñaboarine, masa jedirore mũna ñarũcũbũobetijama, rojose yirã yirãja mũna. To bajiri, “Mũna ye sũorine rojose ñaja”, mũnare yũagũmi Dios. ¹⁰ Dios ñ rotimasire ñaro cõrone cũdijeomenare, “Ñna ye sũorine rojose ñaja”, ñnare yũagũmi Dios. To bajiro yũagũ ñ ñajare, ñ rotirere cojo vãme mani cũdibetijama, ñajediro ñ rotirere cũdibetijeocõarãre bajiro bajirãja mani, Dios ñ ñajama. ¹¹ Tirũmũjũ ado bajiro rotiyumi Dios: “Manajoa cutirã quẽne, manajũna cutirã quẽne, gãjerã rãca ajeriarã cutibesa. Gãjerãre

sĩabesa”, manire yiyumi Dios. To bajiro ĩ yire ñajare, manajoa cutirã gãjerãre ajeriarã cutibetiboarine, gãjire mani sñajama, Dios ĩ rotimasire cudimena yirãja mani. ¹² To bajiri, “Rojose mani yirũasere yibeticõari, Dios ĩ bojarore bajiro quẽnase rĩne yirã ñato” yigũ, manire rijabosayumi Cristo. To bajiri, quẽnaro mani yibetijama, rojose mani yisere masicõari, rojose manire yirũcumi Dios, yimasirã ñari, quẽnase rĩne yiroti ñaja manire. ¹³ To bajiri gãjerãre mani ĩamaajama, manire quẽne ĩamairũcumi Dios. Gãjerãre mani ĩamaibetijama, masare ĩ ĩabeserĩũmũ ti ejaro, manire quẽne ĩamaibetirũcumi Dios, rojose mani yire vaja.

“Quẽnaro mani yisere ĩacõari, ‘Socarã mene yũre ajitirũnrã ñaama’ yigũmi Dios”, yire queti

¹⁴ Adire quẽne quẽnaro ajiya yũ mairã: “Rojose tãmũotujabetiriaroju yũa vaborotire yũare yirẽtobosarũcumi Dios” yirã ñaboarine, gãjerãre mũa ejarẽmobetijama, Diore ajitirũnrã me ñarãja mũa. To bajiro mũa bajijama, rojose tãmũotujabetiriaroju mũare cõarũcumi Dios. ¹⁵⁻¹⁶ Cojojirema, ado bajiro bajiroja: Jesũre ajitirũngũ, bũto ñiorijagũ, to yicõari, sudi magũ maioro bajigũ ĩ ñaboajaquẽne, “Quẽnaro vasa. Bare quẽnase bũjaba. To bajicõari, sudi bũjaba” ĩre yigotiboarine, ĩ bojasere mani ĩsibetijama, socarãne ĩre yigotiboarãja mani. ĩre mani ñagõboase ñie vaja manoja. ¹⁷ Tire bajiro bajiaja Diore mani ajitirũnũse. “Diore ajitirũnrã ñari, ĩ yarã ñaja mani” yiboarine, gãjerãre mani ejarẽmobetijama, “Diore ajitirũnrã ñaja yũa” mani yitũoĩaboase ñie vaja manoja. Dios yarã me ñarãja mani.

¹⁸ “Yũ gotisere ajimasimenama” yigũ, ado bajiro gotiaja: “Gãjerãre quẽnaro maiaja yũa” mũa yisere yũre mũa yĩobetijama, “Diore ajitirũnrã me ñaama”, mũare yigũja yũ. Yũjũarema, gãjerãre quẽnaro yũ ejarẽmosere ĩacõari, “Diore ajitirũngũ ñaami”, yimasirũarãja mũa. ¹⁹ “Sĩgũne ñaami Dios. Gãji magũmi” mũa yitũoĩase quẽnaja. To bajiro tũoĩarã ñaboarine, quẽnaro mũa yibetijama, “Sĩgũne ñaami Dios” mũa yitũoĩase ñie vaja manoja. Vãtia quẽne “Sĩgũne ñaami Dios. Gãji magũmi” yitũoĩarã ñari, gũirã nanarãma. To bajiboarine rojosere yitũjamena ñarãma. ²⁰ “Diore ajitirũnrã ñaja” yitũoĩarã ñaboarine, gãjerãre mũa ejarẽmobetijama, quẽnaro tũoĩamasimenare bajiro bajirãja mũa. “Diore ajitirũnrã ñaja” mũa yitũoĩaboase ñie vaja manoja. ²¹ Mani ñicũ, Abraham ñamasir'i ĩ yimasirere mũare gotiaja yũ. Dios ĩ rotijare, ĩre rũcũbuorã ĩna soemũoriajau joeju ĩ macũ Isaac vãme cutigũre sĩagũagũ yimasiboayuju Abraham. ĩre ĩ sĩagũadone, “ĩre sĩabeticõaĩa”, ĩre yimasĩñuju Dios. To yicõari, ĩ rotirore bajiro yigũ ĩ ñajare, “Rojose magũ ñaja mũ”, ĩre yimasĩñuju Dios,

Abrahamre. ²² To bajiri, Dios ĩ rotiriarore bajiro yimasir'i ĩ ñajare, "Diore ajitirũnũgũ ñamasiñumi", yimasiaja mani. ²³ Dios ĩ rotiriarore bajirone Abraham ĩ cũdire ñajare, "Yũre ajitirũnũgũ ñari, rojose magũ ñaami' ĩre yimasiñuju Dios", yigotiaja Dios ocare masa ĩna ucamasire. To bajiri, "Dios baba ñaami", ĩre yimasiñujarã masa.

²⁴ To bajiri, "Īre ajitirũnarã ñaja yũa" yicõari, quẽnaro mani yijama, "Ñie rojose mana ñaama", manire yĩagũmi Dios. ²⁵ Rahab vãme cõtumasirio jãjarã ajeriarã cõtigo ñaboarine, quẽnaro so yimasirere quẽne tũoĩaña: Jud'io masa ỹũ ĩ cõamasiriarã ĩna ejaro ĩacõari, "Mũare ĩaterã mũare s̃aroma" yigo, "Yũ ya vijũ sãjarudiya mũa", ĩnare yimasiñuju. To yicõari, "Mũa rudiarotire mũare gotirũocoja", yimasiñuju so. To bajiro ĩnare so yirẽmomasire ti ñajare, "Rojose magõ ñaamo", sore yĩamasiñuju Dios. ²⁶ Mani rujũ catise ti manijama, vaja manoja ti. To bajirone bajiaja "Diore ajitirũnarã ñaja yũa" yiboarine, gãjerãre quẽnaro mani yibetijama. "Diore ajitirũnarã ñaja yũa" mani yitũoĩaboase ñie vaja manoja.

3

Mani ñemero sũorine rojose mani ñagõse queti

¹ Yũ mairã Dios oca gotimasiormasa ñaruarã quẽnaro ajiya. Dios ocare masa ĩna ucamasire gotimasiormasa quẽnaro ĩna yibetijama, tire ĩacõari, ĩ ocare gotimasiomenare rojose ĩnare ĩ yiro rẽtoro rojose ĩnare yirũcũmi Dios. To bajiri, Dios oca gotimasiormã jãjarã ñabesa mũa. ² Mani jediro rojose yirã ñaja mani. Quẽnase rĩne ñagõgũma, rojose yirũa tũoĩaboarine, tire yibeticõari, Dios ĩ bojarore bajiro yigũ ñagũmi. ³ Ado bajiro ti bajijare, "Rojose ñagõbetiroti ñaja", mũare yaja yũ: Caballo vãme cõtigure jesacõari ĩre mani yisere tũoĩasaque mũa: Jaigũ ĩ ñaboajaquẽne ĩ risejũ cõmemaca sãja mani, "Mani rotirore bajiro cũdiato ĩ" yirã. ⁴ Tire bajirone bajiaja cũmuari jacase quẽne: Jacase ti ñaboarone buto mino ti vajama, veaturiaro mojoriaseaca ti ñaboajaquẽne, veatumasirãma. ⁵ Tiaseacare bajiro bajiaja ti, mani ñemero quẽne. Mojoriaseaca ti ñaboajaquẽne jairo rojose ñagõaja mani. Jeare quẽne tũoĩasaque mũa: Jeavaca, cojovacaca ñaboarine, jacariveserire sojeocõaroja ti. ⁶ Jeare bajiro bajiaja mani ñemero quẽne. Mani rujũaye rãca rojose mani yise rẽtobũsaro yaja ti, mani ñemero. Mani ñemero sũorine rojose mani yijama, vãtire cũdirã ñari, rojose rĩne yimũorũgõcoaruarãja mani. ⁷ Macarocana, vaibũcũrã ñaro cõro, vũrã, ãña, riaganare quẽne mani ecarãre bajiro ĩnare rotimasiaja mani. ⁸ To bajiboarine mani ñemero rojose ti ñagõjama, "Yibesa", yimasibeaja mani. Jũnisinicõari, gãjerãre mani tud'ijama,

mani oca, ãña rĩma jũnisere bajiro ĩnare yirũgũaja. ⁹⁻¹⁰ Mani jacu Diore, “Quẽnaro yaja mu” yiboarine, rojosere quẽne ñagõrũgũaja mani. “Yure bajiro quẽnase rĩne yirã ñato” yigu, Dios ĩ rujeoriarã ñaboarine, gãmerã tud'irũgũaja mani. To bajiri, quẽnase mani ñagõjama, rojosere yibetiroti ñaja manire. ¹¹ Oco goje, cojo goje ñaboarine, oco quẽnase ti budijama, sũese budivubetoja. ¹² Oteu higuera vãme cutiu ñaboarine, olivo vãme cutiu ricare rica cutibetoja. To bajicõari, uebu quẽne, higuera vãme cutiu ricare rica cutibetoja. Tire bajirone bajaia oco quẽne. Ocase ti budijama, ocabeti budivubetoja. To bajiri, quẽnase mani ñagõjama, rojosere yibetiroti ñaja manire.

Dios ĩ ejarẽmose rãca masirã ĩna ñase queti

¹³ Mua rãcagu “Masigũ ñaja” ĩ yijama, gãjerãre ajirũcubucõari, quẽnaro ĩnare yirocu ñaami. To bajiro ĩ bajijama, ĩ masisere, “Quẽnaro yami”, yimasiruarãma masa. ¹⁴ To bajiri, gãjerãre “Yua rẽtoro quẽnaro ñama” mua yĩajũnisinijama, masirã me ñarãja mua. To yicõari, “Gãjerã rẽtoro ñamasurã ñarãsa mani” yituoĩarã mua ñajama, masirã me ñarãja mua. ¹⁵ To bajiro mua tuoĩase, Dios ĩ cõase me, mua masune mua bojarore bajiro tuoĩarã yaja. To bajiro mua yisere bojagumi vãtia uju. ¹⁶ Gãjerãre “Yua rẽtoro quẽnaro ñama” yĩajũnisinirã, to yicõari, “Gãjerã rẽtoro ñamasurã ñarãsa mani” yituoĩarã ĩna ñajama, ĩna jedirone ricati rĩne tuoĩarã ñari, rojose jediro yĩñarãma. To bajiri, quẽnaro ñamasimenama. ¹⁷ To bajiro ĩna bajĩnaro ũnone, Dios ĩ ujose suorine masirãjuama, quẽnaro ĩna yarãre ũmato ñarãma. To bajicõari, gãjerãjuua ĩna ũmato ñajaquẽne, ĩnare ajivariquẽnarãma. Masa jedirore ĩarũcubucõari, maïoro bajirãre ĩamairãma. To bajicõari, socamenane quẽnase rĩne yirã ñarãma. ¹⁸ Gãjerã rãca quẽnaro mani ñarujama, mani yimasiro cõro quẽnaro yiroti ñaja. To bajiro mani yisere ĩacõari, “Gãjerã quẽne jãjarã Dios ĩ bojarore bajiro yirã ñato” yirã, ĩnare yiejarẽmoruarãma.

4

Diore tuoĩamenare bajiro mani bajise queti

¹ ¿Nojua vadiati gãmerã mua ĩatese? Mua masune rojose yirua tuoĩacõari, rojosere gãmerã yirũgũaja mua. ² Gãjerã ĩna cõosere buto bojaĩarũgũaja mua, tire cõomena ñari. To bajiri tire ĩmaruarã, ĩnare quẽarũgũaja mua. To yicõari, gãjerãrema ĩnare sĩarũgũaja mua. Diore sẽnimena ñari, mua bojasere bujamasimenaja mua. ³ Rojose mua tuoĩasere ĩamasicõari, ĩre mua sẽniboase ĩ bojabeti ti ñajare, muare cõabecumi Dios. Diore mua sẽniboajama, gãjerãre tuoĩamenane, quẽnaro mua ñaroti rĩne sẽnirãja mua. ⁴ To bajiri, Diore ajitirũnu tujariarãre bajiro tuoĩarãja mua. Adi macarucuroaye rĩne suorua tuoĩarãre bajiro

me tuoīaroti ñaja, Diore ajitirānūrārema. To bajiro ti bajijare, “Diore ajitirānūgū ñaja” yigu ñaboarine, Diore masimena, ĩna cōrona tuoīarore bajiro ĩ quēne ĩ tuoīajama, Diore ajitirānū tujacōari, ĩre tegure bajiro bajigu ñagūmi. ⁵ To bajirone gotiaja Dios ocare masa ĩna ucamasire: “Mani usurire buto ĩamaigū ñari, masa ĩre ĩna ajibetire ĩvariquēnabecu ñagūmi”, yigotiaja Dios ocare masa ĩna ucamasire. ⁶ To bajiro yigu ñaboarine, “Yure ajitirānūato ĩna” yigu, buto ejarēmōrua tuoīagū ñagūmi. To bajiro yigu ĩ ñajare, ado bajiro gotiaja ĩ oca masa ĩna ucamasire: “ ‘Gājerā rētoro ñamasurā ñaja yua’ ĩna yituoīasere yitujacōari, yujuare ajitirānūato’ yigu, ĩnare yirēmōbeami Dios. ‘Ñamasurā me ñaja yua’ yituoīarājūarema quēnaro yirēmōami”, yigotiaja Dios ocare masa ĩna ucamasire. ⁷ To bajiri, vāti ĩ yirotsere yibeticōari, Dios ĩ bojasejūare yirūgūña. To bajiro mña yijama, rojose mñare yirotitujagūmi vāti. ⁸ Butobusa Diore mña ajitirānūjama, ĩjua quēne mñare ejarēmōrucūmi, “Quēnabusaro yure ajitirānūato ĩna” yigu. To bajiri, rojose mña yisere yitujacōaña. “Diore masirā ñaja yua” yiboarine, Diore masimena ĩna yisere yivariquēnarūgūaja mña. ⁹ Rojose mña yisere tuoīacōari, variquēnarūgūaja mña. To bajiro me bajiroti ñaja mñare. Rojose mña yisere tuoīasutiriticōari, otiroti ñaja mñare. ¹⁰ To bajiri, Diore “Ñamasugū ñaja mñ” yirā, quēnaro yirūcūbūoya mña. To bajiro mña yijama, “To cōrone adi macarūcūro jedicoarūaroja” Dios ĩ yiriarūmñ ti ejaro, “Ñamasurā ñato”, mñare yirūcūmi Dios.

“ ĩna ñaama rojose yirā’ yibetiroti ñaja manire”, yire queti

¹¹ Ajiya mña, yñ mairā. Gājerā Jesúre ajitirānūrāre ñagōmacabesa. “Dios ĩ rotisere masibeama ĩna. To bajiri rojose tāmōrona ñaama”, ĩnare yituoīabesa mña. To bajiro mña yijama, Dios ĩ rotirore bajiro yirā me yirāja mña. Ado bajiro tuoīarā ñari, to bajiro yirāja mña: “Dios ĩ rotise quēnaro gotibeaja ti. ĩ rētoro masirā ñaja yua” yirāre bajiro yiboaja mña. ¹² Dios sīgūne ñaami, quēnaro mani yirotsere roticūr’i. To bajicōari, ĩ sīgūne ñagūmi masa ĩna yisere ĩabesegu, to yicōari, rojose tāmōotujabetiriaroju mani vaborotire yirētobosagu. ĩ sīgūne ñagūmi rojose tāmōotujabetiriaroju masare reagu. To bajiri gājerā Jesúre ajitirānūrāre ĩacōari, “Dios ĩ rotisere masibeama ĩna. To bajiri rojose tāmōrona ñaama”, yiroti me ñaja manire.

“Adi macarūcūroju mani bajirotsere masirā me ñaja”, yire queti

¹³ Gajeyeūni ĩsicudirimasare, mñare gotigu yaja yñ. Yure quēnaro ajiya mña: “Yucñ, busiyñ gaje macaju vacōari, cojo

cāma gajeyeūni ĩsiñarā, jairo gājoa bujaruarāja yua”, yigotivariquēnarūgūrāja mua, sīgūri. ¹⁴ Ti ũnire yibetiroti ñaja, mani bajirotire masimena ñari. Mani catise bueri guaro buerēto vatore bajiro bajise ñaja. ¹⁵ To bajiro ti bajijare, ado bajirojua yiroti ñaja: “Mani catirotire Dios ĩ bojajama, catiuarāja yua”, yiroti ñaja. ¹⁶ “Ñamasurā ñaja yua” yituoīarā ñari, Diore tuoīamenane, mua yiroti gotivariquēnarūgūaja mua. To bajiro mua yigotivariquēnase, Dios ĩ bojabeti ñaja. ¹⁷ To bajiri, muare yu ucacōasere masicōari, “Ado bajiro mani yiroti bojagumi Dios” yimasiboarine, mua yibetijama, rojose yirā yirāja mua.

5

Gajeyeūni jairā rojose ĩna tāmuroti queti

¹ Sīgūri, gajeyeūni jairāre muare gotigu yaja yu. Gajerāmu buto rojose mua tāmuroti tuoīaotiya mua. ² “Gajeyeūni jairo suorā ñaja” mua yiboase, bare mua quēnocūse quēne, muare boaveocoararoja. Mua sudi quēnase ñaboase butua ba escocoararoja. ³ Mua ye gājoa, oro quēne jairo bujacōari mua cūboase boacoararoja. Tire ĩacōari, “Maioro bajirāre ejarēmobesuma”, yīuararāma gājerā. To bajiri, rojose tāmurotūjabetiarijua reaecorona ñaja mua. Jairo gājoa cutirā ñaboaja mua. To bajiboarine, adi macarucuro ti jediroti mojoroaca ruajaja. ⁴ Mua ote veseri moabosarāre quēnaro vaja yibesuja mua. To bajiro mua bajire ñajare, “Yua moase vaja yuare yibeama”, yiyujarā ĩna. To bajiro ĩna yisere ajirimi Dios, ñajediro masijeogu. ⁵ Adi macarucurojua ñarā, mua yirua tuoīarore bajiro yirūgūaja mua. Ta vecuare ĩna sīarotirūmuri rījoro, “Jacabusarā ĩna ñato sīarāsa mani” yirā, quēnaro ecatūscama. To bajiri, ĩnare bajiro bajiaja mua quēne. No mua bojarore bajiro quēnaro yīñatūsarūgūaja mua. To bajiro bajirā mua ñajare, “Rojose tāmuroarāma” muare yīagū yigumi Dios. ⁶ Masa rojose yimena ĩna ñaboajaquēne, “Rojose yima”, ĩnare yigoti yiroyuja mua. To bajiri, mua suorine sīaecoyma sīgūri. To bajiro mua yigoti yirosere ujarā quēne muare ĩna cadijare, no bajiro muare yimasibesuma ĩna.

Santiago ĩ gotitū sare queti

⁷ Yu mairā, gājerā suorine rojose tāmuroarē muare gotigu yaja yu quēna: Rojose muare ĩna yirūgūboajaquēne, Jesús ĩ tudivadirotire tuoīayurā, ĩ bojarore bajiro quēnaro yicōa ñarūgūña mua. Oterimasu ĩ bajisere tuoīañna mua: “Ote, quēnaro vāñcōari, juebusu bero rica cutiuararoja” yigu, yoaro yucōa ñagūmi oterimasu. ⁸ ĩre bajiro bajiya mua quēne. Mani ujū ĩ tudiejarotire yurā, variquēnase rāca ĩ bojarore bajiro

yitujabetiroti ñaja. “Yoaro mene tudivadicōari, masa jediro mani yisere ñabeserucumi” yirã, quēnaro ñayuroti ñaja.

⁹ Rojose mua tãmuojama, gãjerãre “Rojose yaja mua”, gãmerã yĩatebesa, “Yoaro mene rojose mani yisere ñabesecōari, rojose manire yiromi Dios” yirã. ¹⁰ Diore gotirētobosamasiriarã ña bajimasirere tuoñaña mua: Masa rojose ñare ña yiboa-jaquēne, gãmemenane, Diojuare gotirētobosacōa ñamasiñujarã ña. ¹¹ To yicōari, adire quēne quēnaro tuoñaña mua: Rojose tãmuoboarine, “‘Manire ejarēmorcumi Dios’ yicōa ñarãre quēnaro yigumi Dios”, yituoñaja mani. To bajiro bajimasiñuju Job vãme cutimasir’ire quēne. Cojo vãme me bũto rojose tãmuoboarine, “Yũre ejarēmorcumi Dios”, yicōa ñamasiñuju. Rojose ñ tãmuoro bero, quēnaro ñ yiecomasirere ajiriarãja mua. To bajiri, “Manire quēne ñamaicōari, quēnaro yigu ñagũmi Dios”, yimasirãja mua.

¹² Yu mairã, gajeye ñamasusere muare gotiaja yũ: “Yĩuarãja. Dios quēne masiami yua yiroti” mua yise ñnire yibeticōaña. “Yĩuarãja” yirã quēne, “Yĩuarãja” yi, “Yibetĩuarãja” mua yijama, “Yibetĩuarãja” yicōa tujasa, “Mani socajama, rojose manire yibogumi Dios” yirã.

¹³ Rojose mua tãmuojama, “Yũare ejarēmoña”, Diore yisēniroti ñaja. Mua variquēnajama, Diore basavariquēnaroti ñaja. ¹⁴ Sīgũ ñ rijajama, “Diore yũre sēnibosato” yigu, muare ũmato ñarãre jicōaroti ñaja ñre. To bajiro ñ yijama, ũmato ñarãju, ñ tujũ ejacōari, ñre sēnibosaruarãma ña. Sēnibosañarãne, uye ñre turuarãma, “Dios ñre catioato” yirã. ¹⁵ To bajiri, “Mani sēnirore bajiro ñre catorucumi Dios” ña yituoñajama, rijagũre catorucumi. To yicōari, rojose yir’i ñ ñajama, rojose ñ yirere ñre masiriorucumi Dios. ¹⁶ To bajiri, rojose mua yirere gãmerã gotiya. To bajiro yicōari, Diore gãmerã sēnibosaya, rojose mua yirere muare masiriocōari, mua rijasere quēne ñ catorotire yirã. To bajiri, Dios ñ bojarore bajiro yirã mua ñajama, mua sēnirore bajirone cudirucumi. ¹⁷ Diore gotirētobosarimasũ, El’ias vãme cutimasir’i, manire bajiro bajimasiñuju. To bajiboarine, “Oco quedibeticōato” yigu, Diore ñ sēnijama, ñ sēnirore bajirone idia cãma, gaje cãma gũdareco cōro oco quedibetimasĩñuju. ¹⁸ Bero, Diore ñ tudisēnirore, oco quedimasĩñuju quēna. Tijũ bero, quēnaro ote rica cutimasĩñuju.

¹⁹⁻²⁰ Muare yũ gotisere ajiya mua, yũ mairã. Mua rãcagu, Cristore ajitirãnu tujacōari, rojose yigũre, “Quēna Cristore ajitirãnũato ñ” yirã, ñre mua ejarēmojama, ñ rijato beroju rojose ñ tãmuoborotire ñre yirētobosarucumi Dios. To yicōari, rojose mua yisere muare quēne masiriorucumi Dios.

To cōro ñaja.

Primera carta de SAN PEDRO

Dios ĩ beseriarãre Pedro ĩ ucacõare queti

1-2 ¿Ñati mña, Dios ĩ beseriarã? ¿Ponto sitajm, Galacia sitajm, Capadocia sitajm, Asia sitajm, Bitinia sitajm ñabaterã jediro, ñati mña? Adi queti mñare ucaja ym. Gajerorijm mña ñabateboajaquene, Dios ĩ ñarojm ñaja mña ñarotijm. To bajiri ĩ ocare buto tñoĩarã ñari, adi macarucuroana rãca ñaboarine, ĩna tñoĩarore bajiro tñoĩarã me ñarãja mña. Tirãmujm, “Īna ñaruarãma ym rĩa bajiro bajirã” Dios ĩ yimasire ñajare, to bajirone bajiaja mña. To bajiri, “Rojose mana ñaama” mñare yĩarũ, Esp'iritu Santore mñare cõañumi. To bajicõari, Jesucristo ocare cãdirãja mña. To bajiro yiyumi, rojose mña yisere ĩ macũ sũorine ĩ masiriorũgũrotire yigm.

Mñare quẽnarotigm, Diore ado bajise mñare sẽnibosaja ym: “Butobusa quẽnase ĩnare cõaña”, mñare yisẽnibosarũgũaja ym. “Ym sũori ym jacũ quẽnaro ĩ yise quetire gãjerãre gotimasiorucsjaja mñ” yigm, yure cũcami Jesucristo. Ym ñaja Pedro, adi quetire mñare ucagm.

“Mani rijato bero, tudicaticõari, Diorãca quẽnaro variquẽnacõa ñarũgũrũarãja”, yire queti

³ Mani ujm, Jesucristo jacũ, buto manire maigũ ñari, rojose mani yisere “Yirẽtobosato” yigm, manire rijabosarotiyumi. Ī rijato bero, ĩre tudicatoyumi. To bajiro ĩ yire ñajare, Jesũre ajitirũnrã, Esp'iritu Santo sũorine Diorãca quẽnaro ñacõari, ĩ bojarore bajiro yirã ñaja mani. To bajicõari, mani rijato bero ĩ rãca quẽnaro ñacõa ñarũgũrona ñari, “Quẽnaro yaja mñ”, Diore ĩre yito mani. ⁴ To yicõari, ĩ gotiriarore bajiro õ vecajm buto quẽnase manire Dios rĩare bajiro bajirãre yayiroti me manire ĩ uxorotire tñoĩavariquẽnaja mani. ⁵ Ī macũre ajitirũnrã mani ñajare, ĩ masise rãca manire quẽnaro coderũgũgũmi, ĩ ñarojm ejacõari, ĩ rãca quẽnaro mani ñarũgũrotire yigm. To yicõari, adi macarucuro ti jedirirũmũ ti ejaro, ĩ tñoĩariarore bajiro yigm, jediro quẽnaro manire ĩ yirũgũsere, to yicõari, õ vecaye manire ĩ uxorotire quene masiojeocõarucsmi.

⁶ Tire tñoĩacõari, adigodojm rojose tãmũorã ñaboarine, Dios tujm quẽnase mani bajirotire tñoĩa yurã ñari, buto variquẽnaroti ñaja manire. ⁷ Rojose tãmũobarine, Jesucristore mani ajitirũncõa ñajama, “Īre ajitirũnrã masu ñaja” yĩorã yaja mani. Oro vaja cãtiro rẽtoro vaja cãtiaja Jesucristore mani ajitirũnũse. Orojmama, jedise ñaja. “¿Oro masu

ñati?" yirã, asioĩama ñna. Tire bajiro bajiaja Jesucristore mani ajitirũnuse quẽne. "Yũ macũre ajitirũnrã masu ñati ñna" yĩarũ, rojose mani tãmuosere yirẽtobosabecũmi Dios. To bajiri rojose tãmuoobarine, Jesucristore mani ajitirũncõa ñajama, "To cõrone tudivarũcũmi yũ macũ" Dios ï yitũoĩariarũmũne, "Yũ ejarẽmose rãca quẽnaro yicajũ mũa", manire yivariquẽnarũcũmi Dios. To bajiro yigajanocõari, rũcũbuoriajũ manire rojorũcũmi.

⁸ Jesucristore ïabetiriarãja mũa. To bajiboarine ïre mairãja mũa quẽne. Adirũmuri quẽne ïre ïamena ñboarine, ïre ajitirũnrã ñari, quẽnaro variquẽnarãja mũa. Dios tũana ñna variquẽnarore bajiro buto variquẽnarã ñari, mũa variquẽnasere rẽtobusaro gotirũaboarãja mũa. To bajiboarine, gotmasime-naja. ⁹ Quẽnase mũare ï uorotire, "To bajirone yirũcũmi" yitũoĩarã ñari, to bajirone bajirãja mũa.

¹⁰ To bajiro quẽnaro Dios manire ï yiotire gotiyuma tirũmũana, Diore gotirẽtobosariarã. Quẽnagũ ñari, manire ïamaicõari, quẽnaro ï yiotire gotiboarine, butobũsa tire masirũaboayujarã ñna. To bajiri Diore ñna gotirẽtobosarere quẽnaro buecõari, buto tũoĩarũgũñujarã ñna. ¹¹ Esp'iritu Santore sũorine Cristo ï bajiotire tũoĩa gotimasiñuma. Buto rojose ï tãmuoro bero, quẽnaro ï yiotire tũoĩa gotiyuma. Tire gotiriarã ñboarine, "To cõro ñaro bajirũaroja ti. To bajiro bajicõari, bajirũaroja" yimasirũarã, ñna gotisere buecõari, tũoĩarũgũboayujarã ñna. ¹² Tire quẽnaro masibetiboarine, Dios sũorine ado bajiro tũoĩañujarã ñna: "Tire ïamenaja mani. Mani beroana ïarũarãma", yitũoĩañujarã ñna. "Mani beroana" ñna yijama, manirene gotirã yiyuma. Cristo ï rijabosare sũorine quẽnaro Dios ï yise queti goticudirimasa, yũa gotimasiosene ñaja Diore ñna gotirẽtobosare. Tire yũa gotimasiorotire yigũ, Esp'iritu Santore cõañumi Dios. Ti oca quẽnase ti ñajare, buto ajimasirũarũgũrãma ángel mesa.

"Quẽnase rĩne yiroti ñaja", Pedro ï yire queti

¹³ Ti ocare quẽnaro ajimasirã ñari, Cristo ï tudiejarirãmũre quẽnaro Dios ï yiotire tũoĩa tũjamenane, tocãrãcaine mani yiotire quẽnaro tũoĩarũgũroti ñaja. ¹⁴ Dios rĩare bajiro bajirã ñari, Cristo ocare mũa masiroto rĩjoro, rojose mũa yirũgũriarore bajiro yibeticõari, ï bojarore bajirojũa yirũgũroti ñaja. ¹⁵ Dios, quẽnase rĩne yigũ, "Yũ rĩa ñarũarãja mũa" ï yire ñajare, ïre bajiro quẽnase rĩne yirũgũroti ñaja. ¹⁶ Ado bajiro gotiaja Dios ocare masa ñna ucamasire: "Quẽnase rĩne yigũ ñaja yũ. To bajiri quẽnase rĩne yirũgũña mũa quẽne", yigotiaja.

¹⁷ Gajeyerema, ado bajiro mani yigũ ñboarine, masa jediro mani yisere ïabeserocũ ñaami. ï ïabesejama, "Ãnoama rojose yirã ñna ñaboajaquẽne, quẽnaro ñnare yirũcũja yũ", yibetirũcũmi.

To bajiri, Diore “mani jacu” mua yijama, rucabuose rāca ĩre yicōari, quēnase rīne yirūgūroti ñaja. ¹⁸ Tirumuju mua ñicua rojose ĩna yimasiriarore bajiro yirūgūriarā ñaboayuja mua maji. “Tire yitujacōari, quēnaro Dios ĩ yirona ñato” yigu, rojose mani yise vaja manire rijabosayumi Cristo. Jēre Cristo manire ĩ vaja yibosarere masirāja mua. Gajeyeūni yoaro ñabeti, gājoa rāca me vaja yibosayumi. ¹⁹ Rojose yīābecu ñari, ĩ rijare suorine, jediro rojose mani yire, mani yivotire quēne manire vaja yibosayumi Cristo. ²⁰ Adi macarucuro Dios ĩ rujeoroto rījoroju, tire manire ĩ vaja yibosarotire tuoīacōari, ĩ macare ĩ cōarotire tuoīamasiñuju Dios. To bajiri adi macarucuro tusarirūmuri manire rijabosagu ejayumi Cristo. ²¹ “Manire rijabosayumi Cristo” yirā ñari, Diore ajitirūnaja mani. Cristore catiocōari, ĩ ta rucabuoariajare ĩre rojoyuju Dios. To bajiro ĩ yire ñajare, “Ī gotiriarore bajirone quēnaro manire yirucumi Dios”, ĩre yituoīavariquēnarāja mua.

²² “Yu macare ajitirūnña” Dios ĩ yirere cūdiriarā ñaja mua. To bajiro bajirā ñari, tirumuju rojose mua yirūgūre, mua yitujabetire yitujacōari, socamenane sigū rīare bajiro quēnaro gāmerā mairoti ñaja. To bajiri butobusa mua gāmerā mairotire bojaja yu. ²³ Adirūmurirema, quēnasejware mani tuoīarotire Dios ĩ ĩsiriārā ñari, quēna gāme ruyuarāre bajiro bajirāja mua. Gajerodori ĩ oca ti vasoabetirotire bajiro mua quēne bajireacōari bero mua caticōa ñarotire yigu, ĩ catisere ĩ ĩsiriārā ñarāja mua. ²⁴ Dios ocare masa ĩna ucamasire ado bajiro ti gotijare, to bajiro yaja yu:

“Muiju ĩ jiado, buto asirone, ta sīnicoacaju. Go quēne, sīniyayicoacaju. To bajiri quēnase ruyuboacati manicaju. Tire bajirone bajirāma masa quēne. Yoaro mene bajireacoararāma.

²⁵ To bajiboarine, mani uju ocajuma ñacōa ñarūgūruaroja”, yigotiaja Dios ocare masa ĩna ucamasire.

“Mani uju oca” ti gotise, Cristo suorine quēnaro Dios ĩ yise quetire, mware gotimasiore ñaja.

2

¹ “Yu macare ajitirūnña” Dios ĩ yirere cūdiriarā ñari, jediro rojose yibetirūgūroti ñaja. Adi ũnire yibetirūgūña mua: Gājerāre yitobesa. Socabesa. Gājerāre, “Quēnaro ñaama”, ĩnare yīātebesa. Gājerāre rojose ñagōmacabesa. ²⁻³ Butobusa Dios ocare ajivariquēnacōari, ti gotirore bajiro yirua tuoīarūtuaroti ñaja mware. Sūca buto ũjuruagure bajiro tire yirua tuoīarūtuaroti ñaja. To bajiro mua yijama, “Quēnaro manire yami Dios” yimasirā ñari, quēnabusaro ĩ bojarore

bajiro yirūtuararāja m̄ua. To bajiro m̄ua yijama, Dios tuj̄u quēnaro ñacōa ñarũgũruarāja.

“Gũta ñamasuricare bajiro bajigũ ñagũmi Cristo”, yire queti

⁴ To bajiri, mani uj̄ure Jesucristo, mani catirotire manire ĩsigũre quēnaro ajitirũncōa ñaña. ĩne ñaami masa vi quēnorã gũta ĩna cũs̄orica, ñamasuricare bajiro bajigũ. ĩre b̄uto ĩatecama masa. ĩre ĩna ĩateboajaquēne, Dioj̄uama, “Ñamasugũ ñarũcũmi”, ĩre yiyumi. ⁵ To bajiro yigũ ñari, m̄uare quēne Jesucristore ajitirũnrã rãcana m̄ua ñajare, Dios ya vire gũta ĩ jeom̄javasere bajiro bajaiaja m̄ua. To bajicōari, ti vi ñarã, quēnase rĩne yirã, paiare bajiro bajaiaja m̄ua. To bajiri, Esp'iritu Santo s̄ori Dios ĩ ĩavariquēnasere yĩñaña. ⁶ Isa'ias ĩ ucamasire Dios oca ado bajiro ti gotijare, Jesucristo s̄orine Dios ĩ quēnorivire bajiro bajaiaja m̄ua:

“Sión vãme cuti maca ñarica gũta, gajea gũta rētoro quēnaricare bajiro bajirocure cũrũcũja yũ. ĩre ajitirũnrãj̄uama, yũ goticatore bajiro ĩnare quēnaro yũ yirũgũjare, ‘ĩ yirore bajiro yigũ ñagũmi’ yure yivariquēnararãma”, yigotiaja Dios ocare masa ĩna ucamasire, Cristore Dios ĩ gotirere yiro.

⁷ To bajiri, Jesucristore ajitirũnrã ñari, ĩre b̄uto maiaja mani. Gãjerã, ĩre ajimenaj̄uarema, Dios ocare masa ĩna ucamasire ti gotirore bajiro bajaiaja. ĩnarema, gũta ĩna rocariare bajiro bajiami Jesús. Ado bajiro gotiaja ti:

“Gũta rãca vi quēnorimasa coja gũtare rocarãma ĩna. ĩna rocaria ñaboarine, gajea gũta rētoro quēnarica ñarũaroja tia. Tia gũta s̄orine quēnarivi quēnorũcũmi Dios. Tia manijama, quēnomasibetibogũmi”, yigotiaja Dios ocare masa ĩna ucamasire.

⁸ To yicōari, gajeye Dios ocare masa ĩna ucamasire “Gũta masa ĩna j̄uata quedirotiare bajiro bajiami Jesús” yigotiro yaja.

“Coja gũta, ĩna j̄uata quedirotiare bajiro bajirocure cũrũcũja yũ”, yigotiyuja ti.

To bajiro ti gotijama, Cristo ocare ajimena ñari, ĩna rijato beroj̄u rojose ĩna tãm̄uot̄jabetirotire yiro yaja. “To bajiro bajirũarãma” Dios ĩ yigotiriarore bajirone bajirũarãma.

⁹ To bajiro bajirona me ñaja m̄uaj̄uama. Dios s̄orine ĩ macure ajitirũncōari, ĩ yarã ñaja m̄ua. Dios, mani uj̄ure rũcũb̄orã, ĩ bojarore bajiro quēnaro yirũgũrã ñaja m̄ua. ĩ s̄orine cojo masare bajiro bajirã ñari, ĩ bojasere yirã ñaja. Rojose m̄ua yisere ĩ macũ ĩ vaja yijeobosare ñajare, Dios yarã ñaja m̄ua. “Ñajediro quēnaro yũ yisere gãjerãre gotiato” yigũ, “Yũ yarã ñarũarãja”, m̄uare yiyumi. Diore m̄ua ajitirũnr̄oto r̄joroj̄u, ĩre masimena ñari, vãtia uj̄u ĩ bojasere yirã ñaboayuja

mua maji. To bajiro yirã mua ñaboajaquêne, muare ñamaicõari, quênaro ñ yire ñajare, ñre masirã ñari, rojose yitujacõari, Dios ñ bojasejuare yirã ñarãja mua. ¹⁰ Tirãmujũ Dios ñ ñamaimena ñañuja mua maji. To bajiri, sīgũ rĩare bajiro ñabesuja mua maji. Adirũmũrrema ñ masune quênaro ñ yijare, ñ yarã ñarãja mua yuja.

“Dios ñ bojase rĩne yirũgũña”, yire queti

¹¹ Yũ mairã, adigodoju ñarã yoaro me catiñarona ñaja mani. To bajiboarine õ vecaju Dios taju ñaja mani ñacõa ñarũgũrotojuama. To bajiro bajirona ñari, rojose mua yirua tũõĩasere yibetirũgũña. Rojose mua yirũgũjama, Diore mua ajitirũnũboasere yitujarã ñari, rojose yiecorũarãja. ¹² Diore masimena vatoaju ñarã ñari, quênase rĩne yirũgũña, “‘Rojose yama’ gãjerãre yi ocasãroma” yirã. Quênase rĩne mua yicõa ñasere ñariarã ñari, “Mũ sũorine quênaro yirũgũcama”, Diore yirũarãma, masare ñ ñabeserirũmũ ti ejaro.

¹³⁻¹⁴ Roma macagu ujũ ñamasugũ, ñre cãdirũgũña mua. Ñre moabosarãre quêne cãdirũgũña. “Rojose yirãre rojose ñna yise vaja rojose yũre yibosato” yigũ, to yicõari, “Quênaro yirãre quênaro ñna yise vaja quênaro yũre yibosato” yigũ, ñnare cũgũmi ujũ ñamasugũ. Õ vecagu, mani ujũre quênaro ñna rũcũbũorotire bojarã ñari, quênaro ñnare cãdirũgũña mua. ¹⁵ Diore ajimena, muare rojose ñna ocasãrere ajicõari, “Socase ñaja” ujarã ñna yitũõĩarotire yigũ, quênase rĩne mua yirũgũsere bojaami Dios.

¹⁶ Ado bajiro ti bajijare, Dios ñ bojasere yirũgũroti ñaja: Rojose mani yiboajaquêne, manire masirioyumi Dios. To bajiro ñ yire ñajare, “Rojose mani yijama, no yibeaja”, yitũõĩaroti me ñaja. Ado bajirojuã tũõĩarũgũroti ñaja: “Manire maigũ ñari, rojose mani yirere masirioyumi Dios. To bajiri, mani quêne, ñre mairã ñari, ñ bojasejuare yirũarãja”, yitũõĩarũgũroti ñaja. ¹⁷ Masa jedirore rũcũbũoroti ñaja. Gãjerã Jesucristore ajitirũnũrãre quêne mairũgũroti ñaja. “Ñre mani cãdibetijama, manire ñavariquênabecũmi Dios” yitũõĩarã ñari, ñ bojarore bajiro yirũgũña. To yicõari, Roma macagu ujũ ñamasugũre quêne quênaro rũcũbũorũgũña.

“Rojose ñre yirãre Cristo ñ gãmebeticatore bajiro gãmebetiroti ñaja”, yire queti

¹⁸ Mua, gãjerãre moabosarã, mua ujarãre ajirũcũbũocõari, ñna rotisere quênaro cãdirũgũroti ñaja. Quênaro yirã ñna ñajama, ñna ñabetijaquêne, ñna rotisere quênaro cãdiroti ñaja. ¹⁹ Cojojirema sīgũ rojose ñ yibetiboajaquêne, “Rojose yiyuja mũ” ñre yitũõĩacõari, rojose ñre yigũmi ñ ujũ. To bajiro ñ yiboajaquêne, ñre moabosarimasujua, Dios ñ bojarore bajiro yigũ ñari, ñ gãmebetijama, “Quênaroja”, yirũcũmi Dios. ²⁰ Rojose mua

yijama, to bajiro m̄ua yise vaja rojose m̄uare yiḡumi m̄ua ɱju. To ĩ yiro bero, “Rojose mani yijare, to bajiro yimi” yimasirã ñari, ĩre gãmebetiruarãja. To bajiboarine, quẽnaro m̄ua yiboajaquẽne, rojose m̄uare ĩ yijama, rojose tãmuobarine, gãmebetiruarãja m̄ua. To bajiro m̄ua bajise ñaja Dios ĩ ĩavariquẽnase. ²¹ To bajiro m̄ua bajirotire yigu, “Yu rãa ñaña”, m̄uare yirimi Dios. Cristo quẽne, manire rojose tãmuobosagu ñaboarine, gãmebeticami. To bajiro ĩ bajicati ti ñajare, ĩre bajiro bajiroti ñaja manire quẽne. ²² Cojojirema rojose yĩabeticami. Ñimujare yitobeticami. ²³ Masa ĩre ĩna tud'iboajaquẽne, ĩnare tud'igãmebeticami. Rojose ĩre ĩna yirone, “Yure rojose m̄ua yise vaja rojose m̄uare yiruc̄aja”, ĩnare yibeticami. Ado bajirojua t̄uoĩacami: “Dios ñaami, masa rojose ĩna yise vaja rojose ĩnare yigãmeroc̄ama. To bajiro ĩ yijama, quẽnaro riojo yiruc̄ami”, yit̄uoĩacami. ²⁴ To bajic̄ari, yuc̄at̄eroju ĩre ĩna jaju s̄iarone, rojose mani yise vaja, manire rojose tãmuobosacami, rojose yibetic̄ari, quẽnasejare mani yirotire yigu. ²⁵ Tirãmujama Diore ajimena ñari, oveja codeecobetic̄ari, ĩna mavisiacudirore bajiro bajiyuja m̄ua maji. Yuc̄arema, Cristore ajitirãnarã ñari, oveja codeecorãre bajiro bajijaja m̄ua.

3

“Gãmerã r̄uc̄ub̄oroti ñaja”, yire queti

¹⁻² Rõmia, manaju c̄utirãre, m̄uare gotigu yaja yu: M̄ua quẽne, mani ɱju ĩ ĩavariquẽnarotire bojarã ñari, m̄ua manajure quẽnaro c̄udirũgũña. S̄iḡuri, m̄ua manajua, Cristo ocare ajimena ñarãma. To bajiri, Cristo ocare m̄ua gotibosasere ajir̄uamenama. Ti ocare gotibetiboarine, Diore r̄uc̄ub̄oc̄ari, quẽnase r̄ine yĩñaña m̄ua. To bajiro m̄ua yisere ĩac̄ari, ĩna quẽne Cristo ocare ajitirãn̄aborãma. ³ “Manire ĩavariquẽnato ɱm̄ua’ yirã, ¿no bajiro yirãti mani?” m̄ua yit̄uoĩajama, “Ado bajiro yiruarãja”, yit̄uoĩabetiroti ñaja: M̄ua joa quẽnorotire, quẽnase m̄ua b̄usarotire, m̄ua gãmo yorotire, to yic̄ari, quẽnase m̄ua sudi sãñarotire quẽne, ti ũnre buto t̄uoĩaroti me ñaja. ⁴ Ado bajirojua buto t̄uoĩaroti ñaja: Quẽnase yirua t̄uoĩarũgũroti ñaja. Mani rujuaye jedise ñaja. Quẽnase mani t̄uoĩasejama jedibetiraroja. To bajiri, m̄ua manajure ajir̄uc̄ub̄oc̄ari, ĩnare quẽnaro m̄ua yirotire t̄uoĩarũgũroti ñaja. To bajiro m̄ua yijama, m̄uare buto ĩavariquẽnaruc̄umi Dios. ⁵ Tirãmuj̄u to bajiro quẽnaro yirã ñamasiñujarã rõmia manaju c̄utimasiriarã. Diore r̄uc̄ub̄omasiriarã, “Manire ĩ gotiriarore bajiro yiruc̄ami”, yit̄uoĩamasiñujarã. To yic̄ari, ĩna manajure c̄udirũgũmasiñujarã ĩna. ⁶ To bajirone bajimasiñuju Sara vãme c̄utimasirio. So manaju Abrahamre ĩre so jijama, “Yu ɱju”, ĩre yimasiñuju, ĩre r̄uc̄ub̄ogo. To yic̄ari, ĩre quẽnaro c̄udimasiñuju

so. So bajiriarore bajiro bajiroti ñaja m̄are quēne. M̄a manaj̄a rojose ña yirotire t̄oĩa güimenane, quēnaro yic̄o ñaroti ñaja.

7 ̄M̄a, manajo cutir̄are, m̄are quēne gotiaja ȳ: M̄a quēne, mani ̄j̄ ̄i ñavariquēnarotire bojar̄a ñari, “R̄omia t̄imabetibusar̄a ñaama” yit̄oĩac̄ari, m̄a manajoare ñare ejar̄emorũgũña. To yic̄ari, Dios quēnagũ ñari, ñare quēne, ña rijato beroj̄a “Tudirijabetic̄ato” yiḡ, ̄i catisere ̄i ñisiriar̄a ña ñajare, ñare quēnaro r̄uc̄b̄uōya. Quēnaro ñare m̄a r̄uc̄b̄uobetijama, ñe m̄a s̄enisere ajibetir̄uc̄mi Dios.

“Ḡajer̄a Cristore ajitir̄un̄r̄a r̄aca quēnaro ñarũgũña”, yire

8 Ḡajer̄a Cristore ajitir̄un̄r̄a r̄aca m̄a bajir̄arotire m̄a jedirore gotit̄usaḡ yaja ȳ. S̄iḡure bajiro quēnaro t̄oĩac̄ari, ñarũgũruar̄aja m̄a. Ḡajer̄a rojose ña t̄am̄osere m̄a ñajama, ñare ñamaic̄ari, ejar̄emoroti ñaja. “Ȳ r̄etro ñamasur̄a ñaama”, ḡajer̄are yit̄oĩaroti ñaja. 9 Ḡajer̄a rojose m̄are ña yijama, ñare ḡamebetiroti ñaja. Ḡajer̄a m̄are ña tud'ijama, ñare tud'iḡamebetiroti ñaja. Ado bajiroj̄a ñare yirũgũroti ñaja: Tud'iḡamemenane, quēnaro ña ñarotire yir̄a, Diore ñare s̄enibosaya. To bajiro m̄a yirũgũsere bojaami Dios, “To bajiro ña yijama, jediro quēnase ȳ ñisir̄asere bujar̄uar̄ama” m̄are yimasigũ ñari. 10 Dios ocare masa ña ucamasire ado bajiro ti gotijare, “Tire riojo gotiami Pedro”, yimasir̄aja m̄a:

“Quēnaro ña ñar̄ujama, ña ñaḡoro to r̄ijoro quēnaro t̄oĩarũgũruar̄ama, ‘Rojose ñaḡorobe’ yir̄a. To yic̄ari, ḡajer̄are yitobetir̄uar̄ama.

11 Rojose yit̄ajac̄ari, quēnasej̄are yirũgũruar̄ama. ‘Ḡajer̄a r̄aca quēnaro ñar̄asa’ yir̄a, ña yimasiro c̄oro quēnaro ñare yic̄o ñarũgũruar̄ama.

12 Quēnaro yir̄are ñatir̄un̄r̄ugũami Dios. To bajiri, ñe ña s̄enijama, ñare ejar̄emorũgũami. To bajiboarine, rojose yir̄arema ñavariquēnabeami”, yigotiaja Dios ocare masa ña ucamasire.

13 Quēnase r̄ine m̄a yic̄o ñajama, ñimar̄aj̄a m̄are rojose yiḡ, magũmi. 14 To bajiboarine, s̄iḡuri rojose m̄are ña yijama, “Quēnaro manire yir̄uc̄mi Dios” yimasir̄a ñari, rojose m̄are yir̄are güibetic̄ari, b̄uto variquēnaroti ñaja m̄are. 15 “Cristo, mani ̄j̄, jediro masigũ ñaami”, yit̄oĩa r̄uc̄b̄uōc̄o ñarũgũr̄aja m̄a. Ḡajer̄a, “¿No bajiro t̄oĩar̄a ñari, ‘Quēnaro ȳare yir̄uc̄mi Dios’ yati m̄a?” m̄are ña yis̄enijama, m̄a c̄adirotire quēnaro t̄oĩa yuya m̄a. 16 “Ña r̄etro masir̄a ñaja” yit̄oĩamenane, Dios ̄i bojarore bajiro ñare quēnaro c̄adiruar̄aja m̄a.

“Rojose yama” gājerāre ĩna yigotisere ajicōari, “Socarā yaja m̃a” ĩna yibojoneorotire yirā, quēnase rīne yirūgūr̃arāja m̃a. Cristore ajitir̃anurā ĩnari, to bajiro yiroti ĩnaja m̃are.

¹⁷ Rojose m̃a yise s̃orine rojose m̃are ĩna yijama, “J̃aji to bajiro yibetir̃arāja”, yit̃oīar̃arāja m̃a. Ti quēne quēnase ĩnaja, bajiroj̃ama. To bajiboarine ti r̃etoro quēnamasuse ĩnaja quēnase m̃a yise s̃orine Dios ĩ bojarore bajiro rojose m̃a t̃am̃ojama. ¹⁸ Cristo quēne, quēnase rīne yig̃u ĩaboarine, rojose t̃am̃ocōari, rojose yirāre manire rijabosacami. To bajiro bajicami, Dios t̃aj̃a quēnaro mani ĩnarūgūrotire yig̃u. Rijacoaboarine, Esp'iritu Santo s̃orine tudicatiyumi. ¹⁹ To bajicōari, rijariarā, tubiberiaroju ĩnarāre ĩnare gotimasiogū vasuju Cristo. ²⁰ To ĩnariarā, Noé ĩ ĩnamasiriarodoju ĩnariarā ĩaņujarā. ĩnare Dios ocare gotimasiboayuju Noé. Ajir̃uabetimasiņujarā ĩna. To bajiri, cūmua jairicare Noé ĩ quēnotoyene, ĩre ĩna ajirotire yoaro yumasiboayuju Dios. ĩre ajibeticōa ĩnamasiņujarā ĩna. To cōrone cūmua quēnogajanocōari, cojomo cōro jedi, gaje āmo idia j̃enituarirāc̃u rīne vasājamasiņujarā. Oco ĩnam̃se rāca ĩ ruureare s̃orine rojorā rāca ĩna ĩnacōa ĩlaborotire ĩnare yir̃etobosamasiņuju Dios. ²¹ Oco rāca mani bautizacorir̃um̃ne, manire rojose t̃am̃oboronare yir̃etobosayumi Dios. “Ti ũnine bajiyuja ti Noére Dios ĩ yimasire quēne”, yimasijaja mani. Oco rāca mani bautizecojama, Dios mani jac̃are quēnaro mani t̃oīarotire yirā, “Rojose ỹna yisere masirioya”, ĩre yis̃enijaja mani. To yicōari, “Jesucristo manire ĩ rijabosaro bero Dios ĩre ĩ catiore ĩnare, manire rojose t̃am̃oboronare yir̃etobosayumi”, yaja mani. ²² Jesucristo, tudicaticōari, ō vecaj̃a Diorāca rotiņagūmi. Toju ĩnarā, ũjarā ĩnamasurā, ĩnamasumena quēne, ángel mesa, gājerā quēne, ĩ rotisere c̃udiņarāma.

4

“Mani masirotire Dios ĩ ũjoriarā ĩnari, gāmerā ejar̃emorūgūroti ĩnaja”, yire queti

¹ Adigodoju ĩnagū, rojose t̃am̃ocami Cristo. To bajiri, manire quēne, “To bajiro mani bajirotire Dios ĩ bojajama, rojose t̃am̃or̃arāja”, yit̃oīaroti ĩnaja. Rojose t̃am̃ocōari, Cristore butobusa mani t̃oīajama, rojosere yir̃ua t̃oīamenaja mani. ² To bajiro mani t̃oīarūgūjama, adigodoju mani catiņaro cōro mani masu mani bojarore bajiro yibeticōari, Dios ĩ bojasej̃are yir̃ūgūr̃arāja. ³ Ado bajiro ti bajijare, to bajiro yir̃ūgūroti ĩnaja m̃are: Diore m̃a masiroto r̃joro, m̃a masu m̃a bojarore bajiro, ado bajiro yir̃ūgūņuja m̃a maji: Rojose yirā ĩnari, r̃omia rāca ajeriarā c̃atir̃ūgūņuja m̃a. Idire mec̃ose idimec̃ocōari, rojose yicudir̃ūgūņuja m̃a. “Ado bajirā ĩnarāma”

Īna masune yīquēnorujeocōari, Īna rūcubuoṛāre m̄ua quēne rūcubuoṛūgūñuja. ⁴ To bajiro m̄ua yirūgūboarere yit̄ajacōari, rojose yirā rāca m̄ua ñabetijare, adir̄am̄ir̄ema “¿no yirā mani rāca rojose yir̄abeati? Rojorā ñaama” m̄uare yit̄uoīacōari, ajatud'irāma Īna. ⁵ To bajiro m̄uare ajatud'irā, “Rojose yirā ñari, Īnare ajatud'icaj̄u ȳuā”, mani ɱj̄are yigotiroti ñaja Īnare. Mani ɱj̄u ñaami yoaro mene vadicōari, catirāre, rijariarāre quēne ĩabeseroc̄u. ⁶ Yoaro me to bajiro ĩ yiroṛire t̄uoīagū ñari, rijariarāre quēne ĩ oca quēnasere gotimasioñuju mani ɱj̄u. To bajiro Īnare gotimasioñuju, j̄ere rijariarā ñaboarine, ĩre ajitir̄un̄rā ñari, tudicaticōari, Diorāca quēnaro Īna ñarotire yigu.

⁷ Adi macar̄uc̄uro ti jediroṛir̄um̄ cōñaro bajiaja. To bajiri, quēnaro t̄uoīacōari, rūcubuoṛose rāca tocārācajine Diore sēnirūgūña m̄ua. ⁸ To yicōari, gāmerā ĩamairūgūña. Ti ñaja ñamasusema. Gājerāre b̄uto mani maijama, cojoi me manire rojose Īna yiboajaquēne, Īnare masiriorūgūñarāja. ⁹ Gājerā m̄ua ya vi Īna ejajama, variquēnase rāca Īnare quēnaro yirūgūñarāja m̄ua. ¹⁰ Tocārāc̄ure ĩamaicōari, ricati m̄ua yimasiroṛire m̄uare ɱj̄orimi Dios. To bajiri, m̄uare ĩ ɱj̄ore m̄ua yimasise rāca Dios ĩ bojarore bajiro gāmerā ejarēm̄orūgūroṛi ñaja. ¹¹ M̄ua rācagu Dios ocare gotiḡu ĩ ñajama, quēnaro gotimasioato. Gājima, “Quēnaro gājerāre ejarēm̄or̄uc̄umi” yiḡu, mani jac̄u Dios ĩ masisere ĩ ɱj̄or'i ñari, quēnaro ejarēm̄oato. Īna yirore bajiro rīne yicōa ñato gājerā quēne. Jediro mani yisere ĩacōari, “Jesucristo s̄uorine Īnare quēnaro ejarēm̄oḡumi Dios ñajediro ɱj̄u”, gājerā Īna yir̄ucubuoṛotire yirā, to bajirone yicōa ñaña.

“Cristore mani ajitir̄un̄use s̄uorine rojose manire yir̄arāma gājerā”, yire queti

¹² Ȳu mairā, ajiya m̄ua. Masa rojose m̄uare Īna yijama, “¿Ȳu mac̄ure ajitir̄un̄rā masu ñati Īna?” yīar̄u, rojose m̄ua t̄am̄uoṛere yir̄etobosabec̄umi Dios. To bajiro ti bajijama, “¿No yiḡu, Jesúre ajitir̄un̄ugū ñaboarine, rojose t̄am̄uoati ȳu?”, yibesa. ¹³ M̄ua quēne, Cristore ajitir̄un̄rā ñari, rojose ĩ t̄am̄uocatore bajiro rojose m̄ua t̄am̄uojama, variquēnaña. To bajiro rīne m̄ua bajicōa ñajama, adi macar̄uc̄uroj̄u Cristo ĩ tudiejarir̄um̄ure, ĩ rāca ñacōari, r̄etob̄usaro variquēnar̄arāja m̄ua. ¹⁴ Cristore m̄ua ajitir̄un̄use s̄uorine gājerā m̄uare Īna tud'iboajaquēne, variquēnaña m̄ua, Dios ĩ cōagū, Esp'iritu Santo, “Quēnaro yirā ñato” yiḡu, b̄utob̄usa ĩ ejarēm̄orā ñari. ¹⁵ Cristore m̄ua ajitir̄un̄use s̄uorine rojose m̄uare yir̄arāma masa. To bajiboarine rojose m̄ua yise s̄uori rojose m̄ua t̄am̄uojama, ĩavariquēnabetir̄uc̄umi Dios. To bajiri, “Rojose yirā ñari, rojose t̄am̄oaja mani” yirobe yirā, ado bajiro rojose yibetirūgūña: Gājerāre s̄iabesa. Juarudibesa. Gājerāre

gõjanabiobesa. ¹⁶ Cristore ajitirũnarã ñari, quẽnasejuare mua yiboajaquẽne, gãjerã rojose muare ñna yisere tãmucõari, “Rojose bajiaja mani” yitũoĩabojonemenane, Diojuare, “Mu ejarẽmose rãca quẽnaro yicõa ñaja yua”, ñre yivariquẽnaña.

¹⁷ Jẽre adirũmurine masa ñna yisere ñacõari, “Ado bajiro yicana ñari, quẽnase bujarã, rojose tãmucõã, bajiruarãma” Dios ñ yiroti ejacoato yaja. To bajiro ñ yisucõrona ñaja mani, ñ yarã Cristore ajitirũnarã. To bajiri, “Adigodoju rojose mani tãmucõoro rõtobũsaro ñre ajitirũnumena roque rojose tãmucõuarãma”, yimasiaja mani. ¹⁸ Tire bajirone gotiaja Dios ocare masa ñna ucamasire. “Rojose mana ñaama” Dios ñ yĩarã quẽne, adigodoju ñarã rojose tãmucõaja mani. To bajiri, “Rojose mani tãmucõoro rõtobũsaro ñre ajitirũnumena roque rojose tãmucõuarãma”, yimasiaja mani. ¹⁹ Rojose mua tãmucõrotire Dios ñ bojajare, rojose tãmucõoarine, quẽnasejuare yicõa ñaña mua. “Ñ gotiriarore bajiro quẽnaro manire ñatirũnucõa ñarucami manire rujeor'i, ñ taju quẽnaro mani ñarũgũrotire yigu”, yitũoĩarũgũña.

5

Cristore ajitirũnarãre ãmato ñarãre Pedro ñ gotire queti

¹ Bucurã, Cristore ajitirũnarãre ãmato ñarãre, muare gotigu yaja yu. Yu quẽne, Cristore ajitirũnarãre ãmato ñagũ ñaja yu. To bajicõari, Cristo rojose manire ñ tãmucõosacatire ñacacu ñaja yu. To bajicõari, quẽna ñ tudiejarotirũmũ yu quẽne, mua rãca ñre ñavariquẽnarucuja yu. ² Ovejare coderimasu quẽnaro ñ ñatirũnucõore bajiro, mua quẽne, variquẽnase rãca Cristore ajitirũnarãre ñatirũnarũgũña mua, “Dios ñ bojarore bajiro quẽnaro yirã ñato” yirã. “Ñnare yua codese vaja, gãjoa bujarãsa” yirã me, to bajiro yirũgũña mua. ³ Buto ñnare rotibetiroti ñaja. Ado bajiroju yiroti ñaja. Cristo ñ bojarore bajiro ñnare ãmato yĩnarũgũña mua. ⁴ To bajiro ñnare mua ãmato yicõa ñajama, mani mũ Cristo mua rãca variquẽnarucami. To bajicõari, ñ tudiejarirũmũ muare quẽnaro yirucami, “Yu rãca variquẽnacõa ñato” yigu.

⁵ Mamarãre, muare quẽne gotiaja yu. Muare ãmato ñarãre quẽnaro rucubucõari, cudiya. Cristore ajitirũnarã, mua jediro quẽnaro gãmerã rucubucõoya. “Ñna rõtoro ñamasugũ ñaja yu”, yitũoĩabesa. Ado bajiroju yiyu: “Yu rõtoro ñamasurã ñaama”, gãjerãre yitũoĩaroti ñaja. Dios ocare masa ñna ucamasire ado bajiro ti gotijare, to bajiro bajiroti ñaja:

“Ñna rõtoro ñamasurã ñaja yua’ yirãre ajibeami Dios. ‘Yu rõtoro ñamasurã ñaama’ gãjerãre yitũoĩarãjuare quẽnaro ejarẽmoami”, yigotiaja Dios ocare masa ñna ucamasire.

⁶ To bajiri Diore, “Yua rētoro ñamasugũ ñaami” yirã, quēnaro yirũcũbũorũgũña mũa. “Yua uju, ñajediro masijeogu ñaja mũa. Mũa bojarore bajiro bajiato”, ãre yirũcũbũorũgũña. To bajiro mũa yijama, “To cõrone adi macarũcũro jedicoarũaroja” Dios ã yitũoĩariarũmũa ti ejaro, “Gãjerã rētoro ñamasurã ñato” yigu, mũare yirũcũmi Dios. ⁷ Dios mũare quēnaro ãĩatirũnũjare, mũa tũoĩarejaise jedirore ãre gotirũgũña mũa.

⁸ Quēnaro tũoĩamasiri ñaña, “Satanás rojose ã yirotsere cũdirobe” yirã. Macarocagu yai, bar'i sũarũ, ã bajirore bajiro, rojose tãmũotũjabetiriaroju manire Dios ã cõarotire bojagu ñari, rojose manire yirocticudirũgũgũmi Satanás. ⁹ To bajiro ã yiroti-boasere cũdibetirũgũña mũa. “Ã gotiriarore bajiro quēnaro manire ejarẽmogũmi Dios” yitũoĩa tũjamenane, Dios ã bojasejuare yicõa ñarũgũũarãja mũa. “Adigodoana Cristore ajitirũnrã jediro, manire bajirone rojose tãmũorãma ãna quēne”, yimasiritibesa. ¹⁰ Adigodoju ñarã, rojose mani tãmũoro bero, Dios tũju mani ejarone, ã bojarore bajiro quēnase rĩne yirã mani ñarũgũrotire yigu, yirũcũmi Dios. ãne ñaami manire ãamaicõari, jediro mani yisere manire ejarẽmogũ. ã sũorine, “Cristore ajitirũnũcõari, ã rãca quēnaro ñarũgũũarãja” gãjerã ãna yigotisere ajiyuja mũa. ¹¹ ã ñaami masijeogu, ñajediro uju. “To bajirone bajicõa ñarũcũmi”, ãre yirũcũbũoto mani.

Pedro ã gotitũsare queti

¹² Adi papera rãca mojoroaca mũare yũ gotisere yũre ucasosami Silvano.^a ã ñaami Cristore quēnaro ajitirũnũgũ, ã yirore bajiro yigu. “Adi papera ã ucasere ãvariquēnacõari, Cristore ajitirũnũ tũjabeticõato” yigu, yaja yũ. To yicõari, “Dios, manire ãamaicõari, quēnaro ã ejarẽmosere masiato” yigu, yaja yũ. To bajiri, tire masiritimenane, ãre ajitirũnũcõa ñaña mũa.

¹³ Ado Babilonia vãme cũti macaju ñarã, Cristore ajitirũnrã, mũare quēnarotiamã ãna. Dios sũorine Cristore ajitirũnrã ñaama ãna quēne. Yũ macũre bajiro bajigu, Marcos vãme cũtigu quēne mũare quēnarotiami.^b ¹⁴ Cristo sũorine cojo masare bajiro bajirã ñari, quēnaro gãmerã yisẽniña, yiñaña mũa.

Toana, Cristore ajitirũnrã jedirore ado bajiro Diore mũare sãnibosaja yũ: “ ‘Mũa macũ Cristo yarã, quēnaro ñato’ yigu, ãnare ejarẽmoña”, mũare yisãnibosaja yũ.

To cõro ñaja.

^a 5:12 Silvano ti yijama, latín oca rãca yiyuju. Silas ti yijama, griego oca rãca yiyuju. Hch 15.22; 18.5; 2 Co 1.19 macaña. ^b 5:13 Jesũre ajitirũnũsũomasiriarã, cojojirema Babilonia ãna yijama, Roma macarene yicõamasiñũjarã ãna.

Segunda carta de SAN PEDRO

Cristore ajitirünaräre Pedro i ucacõare queti

¹ ¿Ñati mua, Jesucristore ajitirünarä? Yñajaja Pedro, adi queti mware ucacõagã. Jesucristo i bojasere yigũ ñajaja yũ. I macũ i rijabosare sũori quẽnaro Dios i yise queti "Gãjeräre gotimasiodirucuja mu" yigũ, yure cũcami. Jesucristone ñaami Dios, mani rucabũogũ, rojose mani yise vaja manire rijabosar'i. "To bajiro i bajire ñajare, quẽnaro yirucumi Dios" yitũõarã ñaro cõrone, quẽnaro yiecorona ñajaja mani. ² Mware quẽnarotigũ, Diore, to yicõari, Jesús mani ujure quẽne, ado bajise mware sãnibosaja yũ: "Butobusa mua ocare ajimasicõari, quẽnaro ña ñarotire yirã, ñare ejarẽmorũgũña", mware yisãnibosaja yũ.

³ I yarã ñacõari, i bojarore bajiro quẽnase rĩne mani yimasiro tire yigũ, manire beseyumi Cristo. Masijeogũ ñari, ñare mani ajitirünajama, manire quẽnaro ejarẽmorucumi.

⁴ To bajiri, masijeogũ ñari, "Quẽnaro yirucuja" i yicũmasiriarore bajiro manire yiyumi. To bajiro i yiroti jairo vaja cutire bajiro bajise ñañuja. Ti sũori rojose mani tũõasere "Yitujato" yigũ, manire yiyumi, ñare bajiro yirã mani ñarotire yigũ.

⁵ To bajiri, quẽnaro manire i yire ñajare, ñare ajitirünarã ñari, mua yimasiro cõro quẽnasere yirũgũña, "Diore quẽnabusaro masito mani" yirã. ⁶ Rojose yirũaboarine, tire yibeticõari, Dios i bojarore bajirojua yirã, rojose tãmũoboarine, quẽnaro yicõa ñarũgũroti ñajaja. ⁷ To yicõari, gãjerã Cristore ajitirünaräre, ñare ajitirünamenare quẽne mairũgũroti ñajaja.

⁸ Ti vãmẽ jedirore yirã ñacõari, butobusa mua yirũtu vajama, Jesucristo mani ujure quẽnaro masirã ñaruarãja mua. ñare quẽnaro masirã mua ñajama, i bojasere quẽnaro yiruarãja. To bajiro mua yibetijama, ñare masirã ñaboarine, ñare ejarẽmomenare bajiro bajirãja mua. ⁹ Ti vãmẽ jedirore yimena, Dios i bojasere quẽnaro ajimasimena ñarãma. To bajicõari, "Rojose yũ yisere masirioyumi", yimasiriticoaborãma. ¹⁰ To bajiri, ñare bajiro bajibesa mua. Ado bajirojua yirũgũña: "Cristo yarã ñato" yigũ, Dios beseriarã ñari, mua yimasiro cõro ñajediro yirũgũña. To bajiro mua yijama, Cristore ajitirünũ tujabetiruarãja. ¹¹ To bajicõari, mua rijato berojũ, rojose tãmũotujabetiriarojũ mua vaborotire mware yirẽtobosagũ, õ vecajũ i rotĩnarojũ variquẽnase rãca mua ejarotire yigũ yirucumi mani ujũ, Jesucristo.

¹² M̄are ȳm gotisere masirã ñari, quēnaro yirũgũrãja m̄a. Tire m̄a masiboajaquēne, m̄are goticõa ñaruc̄sja ȳm, “Masiritiroma” yiḡm. Gãjerã socabeti quetire m̄are ñna gotiriario bero ti ñaboajaquēne, m̄are goticõa ñaruc̄sja ȳm.

¹³ Ȳm catiñaro cõro m̄are gotimasioçõa ñaruc̄sja ȳm. To bajiri, ȳm gotisere quēnaro m̄a ajisere bojaja ȳm. ¹⁴⁻¹⁵ “Jesuscristo mani ɛ̄j̄m, ‘Yoaro me rijacoaruc̄sja m̄’ ȳre ï yigoticatore bajiro bajirũaroja” yit̄oĩagũ ñari, ȳm rijato beroj̄m ti vãmere m̄a masiritibetiro tire yiḡm, ȳm yimasiro cõro m̄are gotimasiorũgũr̄uc̄sja ȳm.

“Jesuscristo ï masise rãca ï yĩlocatire ñacana ñari, ‘Ñamasugũ ñaami’ ñre yimasiaja ȳm”, Pedro ï yire queti

¹⁶ “Mani ɛ̄j̄m Jesuscristo, masigũ ñaami. Adi macaruc̄sroj̄m tudiejaruc̄m̄i”, m̄are yigoticaj̄m ȳm. “Masirëtogũ ñaami Cristo”, m̄are yicaj̄m ȳm. Ȳm masune t̄oĩacõari me, m̄are goticaj̄m. Cristore ñre ñacana ñari, m̄are goticaj̄m. ¹⁷ Mani jac̄m Dios, Cristore quēnaro ï yirũc̄ub̄oc̄atire, to yicõari, “ ‘Ñamasugũ ñaami’ yimasiato” yiḡm, Cristo ï godovedicatire ȳare ñocami Dios. To yiḡmne, ado bajise ȳare yĩ ocaruyucami: “Ñine ñaami ȳm mac̄m, ȳm maigũ. Ñre buto ñavariquēnaja ȳm”, ȳare yĩ ocaruyucami. ¹⁸ To bajise Dios ï ocaruyucatire, buro joej̄m Cristo rãca ñarã, ajicaj̄m ȳm.^a

¹⁹ Diore gotirëtobosamasiriarã Cristo ï bajiro tire ñna gotimasiriarore bajiro bajicaj̄m. M̄a quēne ȳm gotimasiosere ajicõari, “Socabeti ñaja”, yimasicaj̄m m̄a. Tirũm̄aj̄m quēnase queti Diore gotirëtobosarimasa ñna ucamasirema, rētiaroj̄re mani s̄ĩabusuorore bajiro bajise ñañuja. Ȳm gotimasiose quēnaro m̄a buejama, Cristo ï tudiejarirũm̄, ï ejarēmose rãca m̄a masiojeobetire quēnaro masijeoc̄arũarãja m̄a. ²⁰⁻²¹ Dios ocare masa ñna ucamasirere m̄a buejama, ado bajise ñamasusere quēnaro masiña: Diore gotirëtobosariarã, ñna masune t̄oĩamasicõari, ucabetimasiñujarã ñna. Esp'iritu Santo ñna masiro tire ï ñise s̄uori ucamasiñujarã.

2

“Socase ñna gotimasiosere ajitirãn̄ubesa”, yire queti (Jud 4-13)

¹ Diore gotirëtobosarimasa socamena ñna ñaboajaquēne, gãjerã ñmasiñujarã, “Diore gotirëtobosarã ñaja” yisocariarã. To bajiri adirũm̄arire quēne, m̄a rãca ñarũarãma socase gotirimasa. “Socabetire m̄are gotiaja” yirã ñaboarine, rojose t̄oĩarã ñarũarãma. To bajiro t̄oĩarã ñari, manire yirëtobosar'ire ñre terã ñarũarãma. To bajiro bajirã ñna ñajare, rojose

^a 1:18 Mt 17.1-5, Mr 9.2-7, Lc 9.28-35.

tãmuotujabetiriaroju yoaro mene ñnare cõacõarucami Dios. ²To bajiro Dios ñ yiroto rñjoro, mua rãcana jãjarã rojose ñna yirore bajiro yiruãrãma. To bajiro ñna yisere ñacõari, Dios ocare ajiteruãrãma. ³To bajiro socase gotimasiorimasa, “Gãjoa bujarãsa mani” yirã, socase ti ñaboajaquẽne, ñna gotimasiose vaja muare vaja sãniruãrãma. Tirãmujune “To bajiro rojose yirãre rojose tãmuotujabetiriaroju ñnare cõarucuja yu”, yimasiñuju Dios.

⁴Dios tuana, ángel mesa rojose yimasiriarã ñna bajimasire quetire masirãja mua. “Rojose mua yiboajaquẽne, rojose muare yibecuja yu”, yibetimasiñuju ñ. “Rojose ñna yicati vaja rojose ñnare yu yirotire yucõa ñato” yigu, cõmemari rãca ñnare siacõari, tusabetigojeju ñna ñacõa ñarotire yigu toju ñnare cõmasiñuju. ⁵Tirãmujun Noé ñ ñamasiriarodoju ñamasiriarãre quẽne, “Rojose mua yise vaja rojose muare yibetirucuja”, yibetimasiñuju ñ. Ñna jedirore oco ñnamuse rãca ñnare ruureajeocõamasiñuju ñ. To bajiri, “Dios ñ bojarore bajiro yiroti ñaja” gãjerãre yigotirũgũboar'i, Noé, ñ yarã, cojomo cõro jedi, gaje amo juã jẽnituarirãcu ñarãrema ruubetimasiñuju. ⁶Ñnare ñ yiriarore bajirone yiyumi Dios, “Sodoma macana, to yicõari, Gomorra macanare quẽne, rojose ñna yiboajaquẽne, rojose ñnare yibetirucuja yu”, yibetimasiñuju. Ti macarianare õ vecaye jea ñjuse rãca vëjacõari, ñnare soereajeocõamasiñuju ñ. To bajiro ñ yijama, “Adirodore ñarã rojose yirã, tire masicõari, tuõĩamasiato” yigu, yimasiñumi. ⁷⁻⁸Sodoma macanare, Gomorra macanare soereacõaboarine, Lot vãme cutimasir'ire ñre yirëtobosamasiñuju Dios. Quẽnaro yigu ñamasiñuju Lot. Tocãrãcarũmune ti macariana Diore ajimena, rojose ñna yisere ñacõari, gãjerã “Rojose yama” ñna yisere quẽne ajicõari buto tuõĩasutiritirũgũmasiñuju Lot. To bajiri, “Ëjuromi” yigu, ñre yirëtobosamasiñuju Dios.

⁹To bajiri, ti quetire muare yu gotise jedirore tudituoĩacõari, juã vãme ado bajise masiaja mani: “Dios ñ bojarore bajiro yirãre rojose ñna bajiborotire ñnare yirëtobosamasiãmi”, yimasiãja mani. To yicõari, “Rojose yirãrema rojose ñna yise vaja, rojose tãmuotujabetiriaroju ñnare ñ cõaroto rñjoro, rojose ñna yijare, ‘Rojose tãmuoña mua’ ñnare yirũgũami Dios”, yimasiãja mani.^b

¹⁰“Rojose ñna yise vaja, rojose tãmuotujabetiriaroju ñnare cõabeaja maji” Dios ñ yiarãre mani yijama, ado bajiro rojose yirãre yaja mani: Ñna masune ñna bojarore bajiro yirũgũrãre, gãjerã ñna rotisere ajiterãre quẽne, ñnare yaja mani. To bajiro yirã ñarãma socase gotimasiorimasa. “Ñna rëtoro ñamasurã ñaja yua” yituoĩacõari, guimenane, ángel mesare, to yicõari, vãtiare

b 2:9 Rojose tãmuotujabetiriaroju ñnare cõabetiboarine, “Rojose tãmuoña mua” ñnare ñ yijama, adi macarucuro ñacõari, rojose ñna tãmuoñarotire yigu, yiyuju.

quēne rūcubuo menama. ¹¹ Socase gotimasiorimasa rētoro masirā ñaboarine, ñnare bajiro yimenama Dios tuana, ángel mesama. Vātiare, “Rojose yirā ñnari, rojose tām̄uoruarāja”, ñnare yimenama.

¹² Socase m̄are gotimasiorimasa, ñna ruju ti bojarore bajiro yirā, “Bojoneose yirā yaja” yimasimenane, tire yirūgūrāma. To yicōari, ángel mesare, vātiare quēne ñna bajisere masimena ñnari, rūcubuo betirūgūrāma. To bajiro rojose ñna yise ñnare, rojose tām̄uotujabetiriaroju ñnare cōarucumi mani uju. ¹³ Gājerāre rojose ñna yire vaja, rojose tām̄uoruarāma. Bojoneose ti ñaboajaquēne, “Ñamiju yirudirāsa mani”, yirā me ñarāma. Bojonemena ñnari, ūm̄ane yivariquēnarā ñarāma. Diore rūcubuo rā m̄ua rējajama, ñna quēne m̄ua rāca rējacōari, “Dios ĩ bojasere yirā ñnaja” yiboarine, no ñna bojarore bajiroju yirūgūrāma. To bajiro rojose yirā ñaboarine, “Ado bajiro mani yisere ĩavariquēnagūmi Dios”, m̄are yisocarāma. Rojose yirā rāca m̄ua rējase suorine, m̄ua jedirorene, “Rojose yirā ñarāma”, m̄are yiñagōjairāma masa.

¹⁴ Rojose yirā ñnari, rōmia jājarāre ajeriarā cutir̄ua tuo ĩarūgūrā ñarāma. Gājerā, Cristore quēnaro ajitir̄unamenare quēnaro ñna yitose suorine rojose ñnare ūmato yirā ñarāma. To bajicōari, jairo gajeyeūni suorā ñaboarine, quēna gajeye bojarēmōrā ñnari, “Gājoa bujarāsa mani” yirā, quēnaro yisocamasirā ñarāma. To bajiro yirā ñnari, rojose tām̄uotujabetiriaroju Dios ĩ cōarona ñarāma. ¹⁵ Cristo ocare ajiriarā ñaboarine, ajitujacōari, Dios ĩ bojabetire yirā ñarāma. Beor macu, Balaam vāme cutimasir'i, gājoare buto ĩ bojariorore bajiro bojarā ñnari, ĩ yiriarore bajiro rojose yirā ñarāma ñna quēne. ¹⁶ Balaamju, rojose ĩ yiruajare, Dios jediro masigū ñnari, Balaam ĩ jesavacu burro vāme cutigure masure bajiro ñagōrotimasinuju. Ado bajiro ĩre yimasiñuju: “Rojose yiguacu yaja m̄u”, ĩre yitud'itujomasiñuju burro. Rojose ĩ yiruaboarere yibetimasinuju Balaam ñamasir'i.

¹⁷ Quēna gaje vāme m̄are gotirēmoaja yu, socase gotimasiorimasa ñna bajisere: Oco ñaboariagojeri ti oco manore bajiro bajirā ñarāma. To bajicōari, buerigaserire mino vēarearore bajiro bajirā ñarāma. To bajiro bajirā ñnari, Dios oca quēnasere mani ajiruaboasere manire gotimasio betiruarāma. To bajiri, “Rojose tām̄uotujabetiriaroju ñnare cōarucuja” ĩ yimasiriarore bajiro ñnare cōarucumi Dios. ¹⁸ “Rojose mani yiboajaquēne, manire ĩavariquēnacōa ñarucumi Dios”, yivariquēnarāma. Tuo ĩamasimena ñnari, to bajiro yirāma, “Gājerā quēne, mani yisere ajicōari, mani yirore bajiro rojose yato ñna quēne” yirā. To bajiro ñna yijama, Diore ajimena rāca rojose ñna yirūgūboarere yitujacōari, mame Cristore ajitir̄unare butobusa ñnare gotirāma. ¹⁹ “Socase mere m̄are

gotiaja yua. Mani bojarore bajiro mani yijama, quēnaja. Cojorām̄ rojose mani yisere yitujaruarāja” yirā ñaboarine, rojosere yisejacoariarā ñari, tire yitujamasimenama. To bajiro ñare gotirā ñaboarine, ña quēne rojose ña yise vaja rojose tām̄orona ñaboarine, to bajiro ñare gotirūgūrāma. ²⁰ Ado bajiro bajirāma socase gotimasiorimasa: “Rojose mani yise vaja manire vaja yibosayumi Jesucristo mani uj̄” yit̄oīacōari, rojose ña yirūgūboarere yitujacōaboarine, quēna rojose ña yicōa ñajama, tirūmuj̄ rojose ña yiriaro rētoro rojose yirāma. ²¹ To bajiro rojose yirārema, rēmojune Cristore ajitirūn̄abeticōaroti ñaboayuja. Tire bajimenane, Cristore ajitirūn̄acōari, quēna ña ajitirūn̄ tujajama, quēnabeti ñaja. To bajiro bajirā ña ñajare, b̄tob̄usa rojose ñare yir̄ac̄ami Dios. ²² Cristore ajitirūn̄riarā ñaboarine, quēna ñre ña ajitirūn̄ tujasere ado bajiro gotiaja: “Ecarī yai, m̄ñocōari, ī m̄ñosere tudibar̄ac̄ami”, yigotiaja. Quēna gajeye ado bajiro gotiaja: “Ecarī yese ̄eritat̄are yugui moas̄inir'ire quēnaro mani guocōaboajaquēne, titat̄are tudivacōari, yugui moas̄inir̄ac̄ami quēna, ‘Tudī ̄eri jaiḡu ñaḡusa’ yiḡu”, yigotiaja.

3

Mani uj̄ adi macar̄uc̄roj̄ ī tudiejaroti queti

¹ Ȳ mairā, tirūmuj̄ m̄are ȳ ucas̄ocatore bajiro m̄are tudiucaja ȳ, Cristo ocare masiritimenane, quēnaro m̄a t̄oīacōa ñarotire yiḡu. ² Tirūm̄ana, Diore gotirētobosamasiriarā ña goti r̄joro yimasirere m̄a masiritibetrotire bojaja ȳ. To yicōari, mani uj̄, rojose mani yise vaja manire vaja yibosar'i, adi macar̄uc̄roj̄ ī tudiejarotire ȳare ī gotimasioatire, m̄are ȳa gotimasioatire quēne m̄a masiritibetrotire bojaja.

³ Ti oca ñamasuse ado bajiro gotiaja: Adi macar̄uc̄ro t̄sarir̄am̄ari mani uj̄ Jesucristore ajitirūn̄r̄are, adigodoj̄ ī tudiejarotire mani t̄oīa yuñajare, manire ajatud'ir̄uarāma ḡajerā. ña ñaruarāma ña masune ña bojarore bajiro r̄ne yirā. ⁴ Ado bajiro manire ajatud'ir̄uarāma: “‘Mani uj̄’ m̄a yiḡuma, ī gotiriarore bajiro me bajiami. Tudiejabeami. Quēnaro t̄oīa ña m̄a. Tirūmuj̄ mani ñic̄a ñaboacana, to yicōari, mani jac̄a ñaboacana quēne bajireacōa tujacama. ñare catiobeticami. Adi macar̄uc̄rore Dios ī rujeos̄omasiriarodoj̄ ñamasiriarore bajirone bajicōa ñaja adir̄am̄ari quēne. ‘Mani uj̄’ m̄a yiḡuma ī gotire, ñie vaja maja ti”, manire yiajatud'ir̄uarāma. ⁵ To bajiro t̄oīarā ñari, adi macar̄uc̄rore Dios ī rujeos̄omasirere masimena ñarāma. Mani jac̄a Dios jediro masiḡu ñari, adi macar̄uc̄rore, ̄m̄agaserore quēne rujeomasin̄uju. Ī rotise s̄orine sita

oco vatoaju ñare ruyamasiñuju. To bajiro yicōari, ocore quēne ricati ti ñarotire yimasíñuju. ⁶ To bajiro í yimasire tí ñaboajaquēne, ti vāmere bajirone bajicōa ñabetimasiñuju. Beroju, “Oco ñasucatore bajiro tudirujiasa quēna” í yiro-timasire suorine adi macarucuro jedirone oco ñamuse rāca ruureajeocōamasiñuju í. ⁷ To bajiro í yirotimasiriarore bajirone bajimhorügōruaroja, adi macarucurore, umagaserore quēne Dios í soerearotirumu ti ejaro. Tirumne mani uju, tudiejacōari, rojose yirügūriarāre íabesecōari, “Rojose tāmucōa ñarügūrarāja”, ñare yirotirucami.

⁸ Yu mairā, adi vāme ñamasuri vāmere masiritibetiruarāja mu: Mani uju í íajama, mil ñaricūmari ñaja cojorumu. To bajicōari, cojorumu ñaja mil ñaricūmari cōro, í íajama. To bajiro yu yijama, “Cūmari mani cōiarore bajiro cōíabeami mani uju” yigu yaja. ⁹ “Í gotirote bajiro yigu ñaboarine, guaro ejañmabecumi maji. To bajiro í bajisere manire tegu bajigumi” gājerā ña yitōiarore bajiro tōíabetiroti ñaja muare. To bajiro me bajigumi. Gājerā quēne rojose ña yisere yitajacōari, Dios í bojasejare ña yirotire yugu bajigumi maji. Masa jediro rojose tāmucōtjabetiriaroju ña vabetirotire bojaami mani uju.

¹⁰ Tire yuboarine, “To cōrone tudivarucami” Dios í yitōiariarumne tudiejarucami mani uju. “To cōro ñaro ejarucami” masa ña yimasibetijune ejarucami. Juarudirimasu í ejarore quēne, “To cōro ñaro juarudigu ejarucami”, yimasibeaja mani. To bajirone bajiruaroja Cristo í ejaroti quēne. Í tudiejarirumu õ vecaju güoro ocaruyuroja. Ti ocaruyuse rācane õ vecaye jediro yaucuararoja. To bajicōari, adi macarucuroaye jedirote soereajeocōarucami mani uju. Ñiejua ruabetiruroja yuja.

¹¹ Adi macarucuroaye jediro ũyayiroti ti ñajare, Dios rīare bajiro bajirā ñari, rucubuse rāca í bojarore bajiro quēnase rīne yirügūroti ñaja muare. ¹² Cristo í tudiejarirumu quēnaro ñayuruarāja mu. To bajiri í bojarore bajiro quēnase rīne yirügūña, yoaro me í ejarotire bojarā ñari. Í ejarirumne õ vecaye jediro ũjedicoaruroja. To bajicōari, adi macarucuroaye quēne buto ti asijare, ocoacoaruroja. ¹³ To bajiro bajiroti ti ñaboajaquēne, “Dios í gotiriarore bajirone quēna adi macarucuroayere, to yicōari, õ vecayere quēne reajeocōari, quēnase rīne mame rujeovasoarucami Dios”, yitōíavariquēnaja mani. To bajiro í yiro berojare Dios í bojarore bajiro quēnaro yirā rīne catiruarāma.

¹⁴ To bajiri, yu mairā, Cristo í tudiejaroto rījoro, mu yimasiro cōro Dios í bojarore bajiro yicōa ñarügūña mu, “Mani uju í tudiejarirumu, ‘Quēnase rīne yirā ñaama’ í yííavariquēnarona ñarāsa” yirā. ¹⁵ Mani uju, rojose

yirãre rojose tãmuotujabetiriaroju ñnare cõabeami maji, “Rojose yitujacõari, yure ñna ajitirũnũjama, rojose ñna tãmuoborotire yirẽtobosagusa” yigu. Tire bajirone gotiyuja mani maigũ, Pablo manire ñ ucacõare quẽne. “Tire quẽnaro riojo ajimasiato” yigu, quẽnaro ñre ejarẽmoñumi Dios. ¹⁶ Gãjerãre ñ ucacõare quẽne, tocãrãcajine ñ ucajama, tire bajiro rĩne gotirũgũñumi. Ñ ucarere, cojo vãme mani ajimasirũajama, josari ñaja. Josase ti ñajare, tire ajimasimena ñari, ricatijũa gotimasiorãma Cristore quẽnaro ajitirũnũmena. Dios ocare quẽne ñna buejama, ajimasimena ñari, ricatijũa gotimasiorãma. To bajiro yirã ñari, rojose tãmuotujabetiriaroju mani uju ñ cõarona ñarãma.

¹⁷ Yu mairã, socase ñna gotimasiorotire mũare yu gotisere jẽre masirãja mũa. Tire masirã ñari, “Diore ajimena, socase ñna gotimasiosere ajitirũnũcõari, Cristo oca riojo gotimasiosejũare ajitirũnũ tũjarobe” yirã, quẽnaro tire tũõĩamasiri ñña. ¹⁸ Jesucristo ñnaami mani uju. Ñ ñnaami rojose mani yise vaja manire vaja yibosar'i, “Quẽnase rĩne yirã ñato” yigu. To bajiro yir'i ñ ñajare, butobusa ñre ajitirũnũrũtuasa mũa, “Quẽnagũ ñari, quẽnaro manire yami” yimasicõari, butobusa gãmerã maiña mũa. “Ñamasugũ ñnaami”, Jesucristore yirũcũbũorũgũroti ñaja.

To cõro ñaja.

Primera carta de SAN JUAN

Jesúre ajitirünurãre Juan ï ucare queti

¹ ¿Ñaboati mña, yu yarã? Adi papera rãca mñare queti ucaja yu. Adi macarucuro, õ vecaye quëne ti ruyuaroto rïjoroju, ñajediro mani catirotire ïsirosu ñacõasuoayumi. To bajiri yu masune ïre ïa, ïre aji, ïre moaïacacune mñare gotiaja yu. ï rijabosare suorine Dios ï catisere suorã ñaja mani. ² ïre ïacaju yu. ïne ñagãmi Jesucristo, ïre ajitirünurã mani rijato beroju mani catirotire Dios ï catisere manire ïsir'i. To bajiri yu ïacatire mñare gotiaja yu. Yu ïacacu, adi macarucuro ï rujeoroto rïjorojune ï jacu rãca ñacõasuoayumi. ³ Yu ïacatire, to yicõari yu ajicatire quëne mñare gotiaja yu. Dios, ï macu rãca ïna tuoïarore bajiro tuoïarũgũaja yu. To bajiri mña quëne, yu tuoïarore bajiro mña tuoïarotire yigu, gotiaja. ⁴ Cojoro cõro mani variquënarotire yigu, tire mñare gotiaja yu.

“Rojose yibecu ñaami Dios”, yire queti

⁵ “Quënase rïne yigu ñagãmi Dios”, yuare yigoticami Jesús. To bajiri tire ajicõari mñare gotiaja yu. ⁶ Rojose yiboarine, “Dios ï tuoïarore bajiro tuoïaja yu” mani yijama, socarã yirãja mani. ⁷ To bajiboarine, Diore sënícõari, ï bojarore bajiro quënaró mani yicõa ñajama, quënaró ñaruarãja mani. To bajicõari, Jesús ï rijabosare suorine, “Rojose mana ñaama”, manire yïarũgũgũmi Dios.

⁸ Quënase rïne yirã manama. To bajiri “Quënase rïne yirã ñaja mani”, yimasiña maja. ⁹ To bajiboarine, tocãrãcãjine rojose mani yisere, “Yuare masirioya' ïre mani yigotijama, 'Yirucuja' ï yirore bajiro yigu ñari, tire manire masiriojeocõarucumi Dios”, yimasiaja mani. ¹⁰ Gajeyerema, “Masa jediro rojose yirã ñaama”, manire yiyumi Dios. To bajiri, “Rojose yibeticaju yu” mani yijama, “Socu yirimi Dios” yirãre bajiro yirãja mani.

2

“Diore manire ñagõbosagu ñaami Jesucristo”, yire queti

¹ Yu rïare bajiro mñare maiaja yu. To bajiri, “Rojose yibeticõato ïna” yigu, adire mñare gotiaja yu. To bajiboarine rojose mani yijama, sïgũ ñagãmi Diore manire ñagõbosagu. ïne ñagãmi Jesucristo, rojose yibecu. ² Rojose mani yise vaja manire rijabosayumi, rojose mani yisere manire Dios ï masiriorotire yigu. Masa ñajedirore rijabosagu bajiyumi.

³ Gajeyerema, Dios ĩ rotirore bajirone mani yijama, “Īre masiaja yu”, yimasiaja mani. ⁴ Sĭgũ, Dios ĩ rotisere cʉdibetiboarine, “Īre masiaja yu” yiguma, socu yigumi. ⁵ Dios ĩ rotirore bajiro yigujua ñagumi ĩre maigũ. To bajiro mani yijama, “Dios yarã ñaja mani”, yimasirãja mani. ⁶ “Dios ĩ bojarore bajiro tuoĭaja” yiguma, Jesús ĩ bajiñacatore bajirone bajiñaroti ñaja.

Mame rotire queti

⁷ Yu mairã, mame oca mere muare ucaja yu. Dios ĩ rotimasire, ĩ ocare masa ĩna ucamasire, mua ajisuoadicatine ñaja. ⁸ Tirũmuayeju ti ñaboajaquẽne, Jesús ĩ bajiñacatire ajicõari, ti ocare quẽnaro riojo ajimasire ñaja. To bajicõari, Jesũre ajitirũnrã mani bajiñasere quẽne ĩacõari, ti ocare quẽnaro riojo ajimasire ñaja. To bajiro ti bajijare, tirũmuaye ti ñaboajaquẽne, mame ocare bajiro ejaja ti manire. Ti oca suorine Diore quẽnabusaro masirũtu vana yaja mani.

⁹ Sĭgũ, “Dios ĩ bojarore bajiro yigu ñaja” yiboarine, gãjire ĩ ĩatejama, Dios ĩ bojarore bajiro yigu me ñagumi. ¹⁰ Gãjerãre ĩamaigũjua, Dios ĩ bojarore bajiro yigu ñagumi. To bajiro ĩ bajijare, ñimujua ĩre rojose ũmato yirocu magumi. ¹¹ Gãjire ĩateguma, Dios ĩ bojabetire yigu ñagumi. To bajiro yigu ñari, “Rojose yigujua yu”, yimasigũ me ñagumi. Rojose ĩ yise vaja rojose tãmuotujabetiriaroju ĩ varotire quẽne masibecumi.

¹² Mua jediro, yu rĩare bajiro bajirã, adi queti muare ucaja yu: Jesús manire ĩ rijabosare ñajare, rojose mua yisere Dios ĩ masiriorã ñarãja mua.

¹³ Muare bucãrãre quẽne, adi queti ucaja yu. Adi macarucuro, õ vecaye quẽne ti ruyuaroto rĩjoroju ñar'ire masirã ñarãja mua.

Muare mamarãre quẽne adi queti ucaja yu. Vãtia uju ĩ bojarore bajiro yiriarã ñaboarine, yimena ñarãja mua yuja.

¹⁴ Mua jediro, yu rĩare bajiro bajirãre adi queti muare ucaja yu. Mani jacu, Diore masirã ñarãja mua quẽne.

Bucãrãre quẽne muare queti ucaja yu. Adi macarucuro, õ vecaye quẽne ti ruyuaroto rĩjoroju ñar'ire masirã ñarãja mua.

Mamarãre quẽne muare queti ucaja yu. Dios ocare masa ĩna ucamasire ti gotirore bajiro ajitirũnrã ñarãja mua. To bajirã ñari, vãtia uju rojose ĩ yivotiboasere cʉdimena ñarãja mua. To bajiro bajirã mua ñajare, adi queti muare ucaja yu.

¹⁵⁻¹⁶ Adi macarucuro ñarã ĩna tuoĭarore bajiro tuoĭabesa mua. Ado bajiro tuoĭarã ñarãma ĩna: Adi macarucuroayere ĩavariquẽnacõari, ĩna bojarore bajiro rojose yigua tuoĭarãma. Jairo ĩna gajeyeũni cuose suorine, “Gãjerã rẽtoro ñamasurã ñaja yu”, yivariquẽnarãma. To bajiro ĩna tuoĭasema, Dios ĩ rotise me

ñaja. Ìna tuoĩarore bajiro mña tuoĩajama, Diore mairã me ñarãja mña quẽne. ¹⁷ Adi macarucuro ti jedirone, Dios ì bojabeti masa ìna yirũa tuoĩase, ìna cõose, ìna bojase quẽne jedicoaruroja. Ti jedicoaboajaquẽne, Dios ì bojarore bajiro yirãjuma, ìna rijato berojn Dios tujm quẽnaro ñarũgũnarãma ìna.

Cristore terã jãjarã ìna ñare queti

¹⁸ Ajiya mña, yu rĩare bajiro bajirã. Adi macarucuro ti jedirotirũm ejaroti, mojoroaca ruyaja. “Ti jedirotirũm ti ejaroto rĩjoroaca vadirucumi Cristore ìre Tegu” yigotimasiorere ajicajm mña. To bajiri ado bajiro mñare gotiaja yu: Jẽre gãjerã Cristore terã socase queti gotimasiorã, jãjarã ñarãma adi macarucurore. To bajiro ti bajijare, “Adi macarucuro ti jedirotirũm ejaroti, mojoroaca ruyaja”, yimasiaja mani. ¹⁹ Ado bajiro ti bajijare, “Mani rãca ñaboacana quẽne Cristore terã ñarãma”, yimasiaja mani: Manire bajiro tuoĩacana ñaboarine, ricati tuoĩacõari, manire cãmotadicama. To bajiri, “Cristore terã ñarãma”, yimasiaja mani. Dios yarã ìna ñajama, manire cãmotadibetiboriarãma.

²⁰ Esp'iritu Santore mñare cõañumi Jesús. To bajiro ì yire ñajare, Dios yere riojo masirãja mña. ²¹ Cristo yere quẽnaro masirã mña ñajare, “Tire tudituoĩato” yigũ, mñare ucaja yu. Cristo oca socabetire masirã ñari, “Ti mere gotimasioama”, yimasiaja mña. ²² To bajiro ti bajijare, “‘Masa rojose ìna tãmuoborotire ìnare yirẽtobosacõari, rotimũorũgõrucumi’ yigũ, Dios ì cõar'i me ñarimi Jesús” yigũma, socagũ ñagũmi. To bajiro ì yijama, Diore to yicõari, ì macure quẽne tegũ yigũmi. ²³ Jesũre tegũ ì ñajama, ì jacũ Diore quẽne tegũ yigũmi. To bajiro ì yijama, Diore ajitirũnũgũ me ñagũmi. “Dios macure ajitirũnũaja” yigũjuma, ì jacũ Diore quẽne ajitirũnũgũ ñagũmi.

²⁴ Tirũmũjn Cristo oca mña ajisũocatire tocãrãcarũmũne mña tuoĩacõa ñajama, Dios ì macũ Jesũrãca, ìna bojarore bajiro tuoĩacõa ñarũgũnarãja mña. ²⁵ To bajiro mña yituoĩacõa ñajama, “Yũre ajitirũnũrãre quẽnaro yirucuja” ì yiriarore bajirone yiecorã ñaja mani. To bajiri, mani rijato bero ìna tujm catimũorũgõrona ñaja mani.

²⁶ Gãjerã socase gotirimasa ìna ñajare, ìnare ajicõari, “Ìna ñaama socase gotimasiorimasa” mña yimasiorotire yigũ, adi papera mñare ucaja yu. ²⁷ “Esp'iritu Santore manire cõañumi Jesús”, yitujabesa mña. Ì sũorine ñajediro socabetire, Jesús ocare tuoĩacõari quẽnaro masirãja mña. To bajiro bajirã ñari, “Socase ñaja” mñare yigotirocure bojamenaja mña. To bajiri, Esp'iritu Santo sũorine Jesús ocare masicõari, ì bojarore bajiro yicõa ñaña.

²⁸ Quẽnaro ajiya, mña, yu rĩare bajiro bajirã. Cristo ì bojarore bajiro mani yicõa ñajama, adi macarucurojn ì tudiejaro, gãjerã

ĩre ajitirũnu tũjariarã ĩre ĩna ĩabojonerore bajiro me bajiruarãja mani, “Quẽnaro yũare yirũcũmi” yitũoĩarã ñari. ²⁹ “Quẽnaro yigũ ñagũmi Jesús” yimasirã ñari, “Jesús ĩ bojarore bajiro quẽnaro yirãma, Dios rĩa ñaama”, yimasirãja mũa.

3

Dios rĩa ñare queti

¹ Ajiya mũa. Mani jacũ Dios, bũto manire maiami. Manire maigũ ñari, “Yũ rĩa ñaama”, manire yami. To bajiboarine, jãjarã ñaama Dios rĩa mani ñasere masimena. To bajirã ñari, Dios mani jacũre quẽne masibeamã. ² Dios rĩa ñaja mani. Mani bajirotire, “Ado bajiro bajiruarãja”, yimasibeaja mani. To bajiboarine, “Jesucristo ĩ tudiejarõ, ĩre ĩarãne, ĩre bajiro bajicoaruarãja mani”, yimasiaja mani. ³ Tire tũoĩayurã ñari, rojose yibetirũgũaja mani, “Cristo rojose yibecũ ĩ ñarore bajirone ñarãsa” yirã.

⁴ Rojose yigũma, Dios ĩ rotisere yigũ me ñagũmi. ĩ rotisere mani cũdibetine ñaja rojose mani yise. ⁵ “Jesucristo, rojose yigũ me ñagũmi”, yimasirãja mũa. “Quẽnase rĩne yigũ ñari, rojose mani yise vaja, manire vaja yibosagũ adi macarũcũrojure vayumi”, yimasirãja mũa. ⁶ Jesucristo ĩ bojarore bajiro tũoĩarã, rojose yimenama. Rojosere yirãma, Jesucristore masirã me ñarãma. ⁷ Yũ rĩare bajiro bajirã, mũa vatoajũ mũare yitogũ “Manicõato” yirã, quẽnaro ajicõĩañã. Sĩgũ, “Quẽnaro yigũ ñaja” ĩ yisocabetijama, Cristo ĩ yiriarore bajiro quẽnaro ĩ yisere ĩamasiruarãja mũa. ⁸ Rojose yigũma, vãtia ũjũ ĩ rotisere yigũ ñaami. Rẽmojũne rojose rĩne yigũ ñacõasũoayumi vãtia ũjũ. To bajiboarine, Dios macũ Jesucristo adi macarũcũrojure vayumi, vãti ũjũ masare rojose ĩ yirotisere “Yibeticõato ĩna” yigũ.

⁹ Dios, rojose yibecũ ĩ ñajare, ĩ rĩa quẽne, rojose yirã me ñaama. Esp'iritu Santo rãcana ñari, rojose yimena ñaama. ¹⁰ To bajiri, Dios yarãre, to yicõari, vãtia ũjũ ĩ ejarẽmose rãca yirãre quẽne ado bajiro ĩnare ĩamasiaja mani: Rojose yigũma, to yicõari Jesũre ajitirũnũgũre ĩamaibecũma, Dios yũ me ñagũmi.

Gãmerã ĩamairẽ queti

¹¹ Tirũmũjũne Dios ocare gãmerã ĩamairõti ñaja yirere ajisũoadicajũ mũa. ¹² Ca'in ñamasir'i ĩ yimasiriarore bajiro yibesa mũa. Rojose yigũ ñari, ĩ bedi quẽnase ĩ yisejũare ĩajũnisinicõari, ĩre sĩamasĩũju.

¹³ To bajiri, ajiya mũa, yũ mairã: Adi macarũcũroana Diore ajiterã mũare ĩna ĩatesere tũoĩarejaibesa. ¹⁴ Tirũmũjũ Diore masimena ñari, mani rijato berojũ, mani catirotire Dios ĩ catisere ĩsiecobesuja mani maji. Yucũrema, gãjerãre mani ũjũre

ajitirūnarāre ĩamairā ĩari, “Mani rijato berojū mani catirotire Dios ĩ catisere ĩ ĩsiriārā ĩaja mani”, yimasiaja. Gājerāre ĩamaimenama, Dios ĩ catisere ĩ ĩsirā me ĩarāma ĩna. ¹⁵ Mani ũjūre ajitirūnarāre ĩaterāma, Dios ĩ ĩajama, sĩarimasa ĩarā bajirāma ĩna. To bajiri, “ĩna rijato berojū ĩna catirotire ĩnare ĩsibecūmi Dios”, yimasiaja mani. ¹⁶ Cristo manire ĩ rijabosare ĩajare, manire ĩ maisere masiaja mani. To bajiri mani quēne, mani ũjūre ajitirūnarāre ĩamairā ĩari, gājerā manire ĩna ĩateboajaquēne, Cristore ajitirūnarāre ejarēmoroti ĩaja. ¹⁷ Gajeyeūni jairo cūogu ĩaboarine, mani ũjūre ajitirūnarāre maioro bajirāre ĩ ejarēmobetijama, “Diore maiaja yū”, yisocagū ĩagūmi. ¹⁸ To bajiri yū rĩare bajiro bajirā, “Gājerāre ĩnare ĩamaiaja yūa” yirā, ĩnare ejarēmoroti ĩaja.

“Dios, manire maigū ĩari, quēnaro manire yirūcūmi’ yitūoĩa variquēnaroti ĩaja”, yire queti

¹⁹ Gājerāre mani maijama, “Dios ocare masa ĩna ucamasire quēnaro ajitirūnarāja yūa”, yimasirāja mani. To bajiri, “Manire ĩvariquēnagūmi Dios”, yimasirāja. ²⁰ “Dios ocare quēnaro ajitirūnarābeaja yūa” mūa yitūoĩa sutiritijama, “¿Rojose ĩati yūare?” yicōari, Diore sēniroti ĩaja. ĩ ĩaami mani rētoro masigū, to bajicōari mani ĩamairo rētoro ĩamaigū. ²¹ “Yū ye sūorine rojose ĩaja yūre” mani yitūoĩabetijama, Dios quēne, “‘Mū ye sūorine rojose ĩaja mūre’ manire yibecūmi”, yimasiaja mani. To bajiri gūimenane, ĩre sēniaja mani. ²² Dios ĩ rotisere mani cūdijama, no mani sēnirore bajirone manire cūdirūcūmi. ²³ Adi ĩaja Dios ĩ rotise: “Yū macū Jesucristore ĩre ajitirūnarāna mūa. Gāmerā ĩamaiĩa mūa”, yiyumi Dios. ²⁴ Tire ajirūcūbūorāma, Diorāca ĩarāma. To bajiri, Esp’iritu Santore Dios ĩ cōare sūorine, “Diorāca ĩaja mani”, yimasiaja mani.

4

Esp’iritu Santo rāca ĩarāre, ĩ rāca ĩamenare quēne ĩamasire

¹ Ajiya, yū mairā. Jājarā, “Dios ocare gotimasiorā ĩaja yūa” yirā, Esp’iritu Santo rāca ĩarā me ĩarāma. To bajiri, “¿Esp’iritu Santo rācana masune ĩati?” mūa masune yitūoĩamasicōari, quēnaro ĩnare ajicōĩaĩa, “ĩna socajama, masirūarāja mani” yirā. ² Ado bajiro ĩna yisere ajimasirūarāja mūa: “Adi macarūcūroju ejacōari, manire bajiro ruju cūtiyūju Jesucristo” yirāma, “Esp’iritu Santo rācana ĩaama”, yimasirūarāja mūa. ³ To yicōari, gājerāma, “Manire bajiro ruju cūtigū me ĩaĩūju Jesucristo” yirāma, “Esp’iritu Santo rācana me ĩaama”, yimasirūarāja mūa. ĩna ĩaama Cristore terā. To bajiro yirā, jēre ĩna ĩnarotire ajicajū mūa. To bajiri, “Adigodore ĩaama ĩna” yigū, mūare gotiaja yū.

⁴ Vātia ujure rētoro masigū, űaami Dios. To bajiri, mġa quēne ĩ rācana űaja mġa. ĩ rācana űari, Cristore terā, mġare ĩna yitobosere ĩnare ajibesuja mġa. ⁵ Adi macarġcġroayerene Dios ĩ bojabetire gotirŭgŭama socase mġare gotimasiorimasa. Tire ajisŭyarŭgŭama gājerā Diore ajiterā. ⁶ Manijġama, Dios rġa űari, ĩ ejarēnose rāca ĩ bojarore bajiro tġoġarā űaja mani. To bajiri mani gotisere quēne ajisŭyarāma Diore masirā jediro. To bajicġari, Diore ajiterāma, manire quēne ajiterāma. To bajiro ti bajijare, “Diorācana űaama” to yicġari, gājerārema, “Diore ajiterā űaama”, yġamasirġarāja mani.

Dios manire ĩ maise queti

⁷ Yġ mairā, Dios sġorine gāmerā ĩmaire űaja. To bajiri űajedirone gāmerā ĩamairoti űaja. To bajiro mani yijama, Diore masirā, ĩ rġare bajiro bajirā űarġarāja mani. ⁸ Masare maigŭ űaami Dios. To bajiri gājerāre maimenama, Diore masimena űaama. ⁹ ĩ macġre ajitirġnġrā, ĩna rijato beroġġ ĩna catirotire ĩ catisere ĩnare ĩ ĩsirotire yigġ, adi macarġcġrojure ĩ macġ sġgŭne űagŭre cġaġumi Dios. To bajiro Dios ĩ yire űajare, “Manire maiami Dios”, yimasiaja mani. ¹⁰ Dios manire ĩ maiore bajiro manijġama, ĩre maibeaja. To bajirā űari, “Gājire maigŭma, ado bajiro bajiami” mani yimasirġajama, manire Dios ĩ maisere tġoġaroti űaja. Manire maimasucġagŭ űari, rojose mani yise jedirore manire masirġcġ, ĩ macġre cġaġumi Dios, rojose mani yisere manire “Vaja yibosato” yigġ.

¹¹ To bajiri, yġ mairā ajiya mġa. To bajiro Dios manire ĩ maire űajare, gāmerā ĩamairoti űaja manire. ¹² Dios, ruyubecġ ĩ űaboajaquēne, mani gāmerā ĩamaijama, “Mani rāca űaami Dios”, yimasirġarāja mani. Masare ĩamaigŭ mani rāca ĩ űajare, gāmerā mairġarāja mani quēne. ¹³ Esp'iritu Santore manire ĩ cġare űajare, “Mani rāca űaami Dios”, yimasiaja mani. ¹⁴ To yicġari, jediro ĩre ajitirġnġrā rojose mani yise vaja rojose tġmġotġjabetiriaroġġ mani vaborotire manire yirētosarocġre Dios ĩ cġar'ire ĩacajġ yġa. ĩre ĩacana űari, ti quetire gotirŭgŭaja yġa. ¹⁵ “Dios macġ űagŭmi Jesús” yigŭama, Diorācagŭ űagŭmi.

¹⁶ Jesucristo ocare mani ajitirġnġsġorijġne, “Dios manire maiami”, yimasisġoadicajġ mani. Dios sġorine gājerāre ĩmaire űaja. To bajiri, Dios manire ĩ maisere masicġari, gājerāre ĩamaigŭrema, “ĩ rāca űagŭmi Dios”, yimasiaja mani. ¹⁷ Dios manire ĩ ejarēmojare, ĩ macġ manire ĩ mairiarore bajiro gājerāre mairġarāja mani. To bajiri Dios masare ĩ beserirġmġ ti ejaro, “Rojose manire yirġcġmi”, yitġoġagŭibetirġarāja mani. ¹⁸ Jesucristo ĩ mairiarore bajiro quēnaro ĩ maajama, “űie sġori rojose yġre yibecġmi Dios” yigġ, tġoġagŭibecġmi. To

bajiri manire Dios ĩ cõare ñajare, mani gãmerã maijama, gãibetiruarãja, masare Dios ĩ beserirũmu ti ejaajuquẽne. Sĩgũ, gãmerã maire, to yicõari Diore masibecu ñari, tũoĩagũgũmi.

¹⁹ Diore mani maibetiboajuquẽne, ĩũama, bũto manire maiũumi. To bajiro manire ĩ yire ti ñajare, ĩre mairoti ñaja. ²⁰ Sĩgũ, “Diore maiaja yũ” yigotigũ ñaboarine, Jesũre ajitirũnũgũre ĩategũma, socagũ ñaami. To bajiri ĩ ĩatese sũorine, “Diore maibecu ñaami”, ĩre yĩamasiaja mani. ²¹ Sĩgũ, Diore ĩ mairũajama, Jesũre ajitirũnũgũre ĩamairoti ñaja. To bajise manire yirotiyumi Dios.

5

“Dios rĩa ñari, ĩ bojarore bajiro yiroti ñaja”, yire queti

¹ “Rotigũ ñarũcũmi” yigũ, Dios ĩ cõar'i ñaami Jesũs” yirãma, Dios rĩare bajiro bajirã ñaama. “Jacũre mani maijama, ĩ rĩare quẽne mairũarãja mani”, yigotise ñaja. To bajiri, mani jacũ Diore mani maijama, “Yũ rĩa ñaama” Dios ĩ yĩarãre quẽne mairoti ñaja. ² Diore maicõari, ĩ rotirore bajiro mani cũdijama, “Yũ rĩa ñaama” Dios ĩ yĩarãre quẽne mairã yirãja mani. ³ Diore mani maijama, ĩ rotirore bajiro cũdirũarãja mani. ĩ rotise josase me ñaja. ⁴ Ado bajiro ti bajijare, “ĩ rotise josase me ñaja”, mũare yibũ yũ: Jãjarã masa rojose tũoĩacõari, tire yirãre bajiro yirã me ñaja mani, Dios rĩare bajiro bajirã ñari. To bajiri, “Rojose yirũaboarine, Esp'iritu Santo ĩ ejarẽmose rãca tire yibetirũarãja mani” yitũoĩarã ñari, rojose yibetirũgũaja. ⁵ “Dios macũ ñaami Jesũs” yitũoĩarã rĩne ñaama Esp'iritu Santo ĩ ejarẽmose rãca rojose yimena.

“Yũ macũ ñaami Jesũs”, Dios ĩ yire queti

⁶ Jesũs, ĩ bautiza ecocati sũorine, to yicõari, yucũtẽroju ĩ sĩaecocati sũorine, masa rojose ĩna tãmũoborotire ĩnare yirẽtobosacõari, “ ‘Rotigũ ñarũcũmi’ yigũ, Dios ĩ cõar'i, ĩ macũ ñaja yũ”, yĩoũumi. To bajiri, “Dios macũ ñagũmi”, yimasiaja mani. Mani masune to bajise tũoĩacõari, yimasibeaja mani. Esp'iritu Santo ĩ ejarẽmose rãca socabetire tũoĩacõari, to bajiro yaja mani. ⁷ To bajiri idia vãme masiaja mani, Dios macũ, Jesũs ĩ bajirere: ⁸ ĩ bautiza ecocati, ĩ sĩaecocati quẽne, to yicõari, Esp'iritu Santo ĩ ejarẽmose rãca “Dios ĩ cõar'i ñaami”, yimasiaja mani. ⁹ Masa ĩna queti gotisere mani ajijama, quẽnaja. To bajiboarine, “Ãnine ñaami yũ macũ” Dios ĩ yi ocaruyucacũ ocajuare roque socabeti ti ñajare, rẽtobũsaro ajiroti ñaja.^a ¹⁰ “Dios macũ ñagũmi Jesũs” yitũoĩagũma, “Socase me ñaũjuja Dios ĩ yire”, yitũoĩagũmi. To bajicõari, “Dios macũ me ñarimi Jesũs” yitũoĩagũma, “Socagũ ñaami Dios” yitũoĩagũre bajiro yigũmi.

^a 5:9 Jn 5.32-37; 8.18.

¹¹ Ado bajiro mani masirotire bojami Dios: “Socase me ñañuja Dios ĩ yire” yituoñarã mani ñajare, “Mani rijato berojũ mani catirotire ĩ catisere manire ĩsiñumi Dios” mani yimasisere bojami Dios. ¹² No bojarã ĩ macũre ajitirũnũrã, ĩna rijato berojũ ĩna catirotire Dios ĩ catisere ĩsiecoriarã ñarãma. ĩ macũ yere ajiterãma, Dios ĩ catisere ĩsiecomena ñaama.

Juan ĩ gotitũsare queti

¹³ “ ‘Mani rijato berojũ mani tũjũ mani catirotire Dios ĩ catisere ĩ ĩsiriarã ñaja mani’ yimasiato” yigũ, Dios macũre ajitirũnũrãre, adi papera mũare ucacõaja yũ.

¹⁴ Dios ĩ bojasere mani sãnijama, ajirũcũmi. Tire masirã ñari, “Īre mani sãnijama, ajirũcũmi”, yimasiaja mani. ¹⁵ Tire masirã ñari, “Īre mani sãnise cõro manire cũdigũmi”, yimasiaja.

¹⁶ Mũa rãcagũ Jesũre ajitirũnũgũ ñaboarine, rojose ĩ yijama, Diore ĩre sãnibosaya. To bajiro mũa yijama, rojose ĩ yisere ĩre masiriorũcũmi Dios. To yicõari, rojose tãmũotũjabetiriaroju ĩ vaborotire ĩre yirẽtobosarũcũmi Dios. To yicõari, quẽna gajeye rojose masu ñaja. Tire yirãrema, “Diore sãnibosaya”, yibeaja yũ. ¹⁷ Rojose mani yise jediro, Dios ĩ ĩavariquẽnabeti ñaja. Jediro rojose mani yise ti ñaboajaquẽne, Jesũre ajitirũnũgũ ñari, rojose ĩ yiro bero, sutiriticõari ĩ yitũjajama, rojose tãmũotũjabetiriaroju vabetirũcũmi. To bajicõari, quẽna gajeye ñaja rojose masu, ĩ masiriobeti.

¹⁸ Adire masiaja mani: Dios rĩare bajiro bajirãma, rojosere yibeama. Dios macũ Jesũs manire yirẽmorũgũgũmi. To bajiro ĩ yijare, vãtia uju rojose ĩ yirotisere yibeaja mani. ¹⁹ “ ‘Yũ rĩa ñaama’ Dios ĩ yirã ñaja mani”, yimasiaja mani. Gãjerãma, vãtia uju ĩ ejarẽmose rãca ĩ bojarore bajiro yirã ñaama ĩna. ²⁰ Gajeyere ado bajise masiaja mani: “Diore masiato” manire yigũ, adi macarũcũroju vayumi Dios macũ. To ĩ bajire ñajare, Diore quẽnaro masirã ñaja mani. To bajicõari, ĩ macũ Jesu-cristo rãca ñaja mani. “Īne ñaami Dios”, yimasiaja mani. ĩ ñagũmi mani rijato berojũ mani catirotire ĩ catisere manire ĩsigũ. ²¹ Diore mani rũcũbũorore bajiro, disejũna gajeye mani rũcũbũose manojã. To bajiro ti bajijare, quẽnaro tũoĩamasĩña mũa, “Gãjerã socase ĩna gotimasiosere ajisũyarobe” yirã.

To cõro ñaja.

Segunda carta de SAN JUAN

Jesúre ajitirũnarãre Juan ï ucare queti

¹ ¿Ñaboati mũ, yũ yo, “Yũ macũre ajitirũnũña” Dios ï yirere cãdirio? Mũ rĩare quẽne uacõaja yũ. Yũ ñaja bũcũ. Yũ sũgũ me, Dios oca socabetire ajitirũnarã jediro, mũare maiaja yũ. ² Dios ocare ajitirũnarã ñari, gãmerã maimasucõaja mani. Ti oca manire jedibetirũaroja. ³ Mũare quẽnarotigu, mani jacũ Diore, to yicõari, ï macũ Jesucristore ado bajise mũare sãnibosaja yũ: “Quẽnaro mũa rãca ñna ñarotire yirã, ñnare ejarẽmoña. Ñnare ñamaicõari, mũa oca socabetire ñna masirotire yirã, ñnare ejarẽmoña”, mũare yisãnibosaja yũ.

⁴ Gajeyerema bũto variquẽnaja yũ. Sũgũri mũa rãcana mani jacũ Dios ï bojarore bajiro ñna yĩnase quetire ajicõari. ⁵ To bajiri, yũ maigõ, adi papera mũare yũ uacõase, mame oca me ñaja ti. Ti ñaja gãmerã mairotire mani ajisũoadicati. “Tire masiritibeticõato” yĩgũ, mũare gotiaja yũ. ⁶ Mani gãmerã maijama, Dios ï rotiriarore bajiro yirũgũnarãja mani. “Gãmerã maicõari, quẽnaro yirũgũña mũa”, manire yirotiyumi Dios. Ti ñaja mũa ajisũoadicati.

Socase gotimasiõrimasa ñna ñnare queti

⁷ Socase gotimasiõcudirimasa, jãjarã ñnarãma. “Manire bajiro rujũ cutigu me ñaũju Jesucristo”, yisocarãma. To bajise yirã ñari, Cristore terã ñnarãma. ⁸ Quẽnase mũa yirũgũse vaja jediro quẽnaro mũare Dios ï yirotiõre bojarã, ñnare ajibesa mũa.

⁹ Cristo ocare ñna gotisere ajitirũnũ tũjacõari, socarimasa ñna gotisejũare ï ajijama, Diorãcagũ me ñagũmi. Dios macũ Cristo ocare ajitirũnũ tũjabecũjũama, ñna rãcagũ ñagũmi. ¹⁰ To bajiri, Cristo oca me, ricati mũare gotimasiõrimasa mũa ya vijũ ñna ejajama, ñnare sãnibeja. To yicõari, ñnare sãjarotibeja. ¹¹ Ñnare mũa sãjarotijama, socase ñna gotisere ñnare yiejarẽmorã yirũnarãja mũa.

¹² Gajeye jairo mũare yũ gotiroti ti ñacõajare, yũ masune mũare gotigu varũa tũõiaja yũ. To bajiboarine, adi rĩne mũare uacõaja yũ. Tojũ yũ ejato, bũto variquẽnarũarãja mani.

¹³ Mũa yo, “Yũ macũre ajitirũnũña” Dios ï yirere cãdirio, so rĩa quẽne “Quẽnato”, mũare yama.

To cõro ñaja.

Tercera carta de SAN JUAN

Cristore ajitirūnagāre, Gayo vāme cutigūre Juan ī ucacōare

¹ Gayo, ġñaboati mū? Yū ñaja būcū, Juan, adi papera mure ucacōagū. Yū quēne, Dios oca socabetire ajitirūnagū ñari, mure maiaja yū.

² Yū maigū, mure quēnarotigū, Diore ado bajise mure sēnibosaja yū: “Mū rāca quēnaro ī ñarore bajiro ī yarā rāca quēnaro ñato’ yigū, to yicōari, ‘Rijaye quēne manicōato’ yigū, ĩre ejarēmoña”, mure yisēnibosaja yū. ³ Gājerā Cristore ajitirūnrā mū rācana yū tūju ejacōari, “Dios oca socabeti ti gotirote bajiro yicōa ñaami” ĩna yigotisere ajicōari, buto variquēnamū yū. ⁴ Cristore ajitirūnrā, yū rīare bajiro bajirā, Dios oca socabeti ti gotirote bajiro “Quēnaro yirūgūama” ĩna yisere ajicōari, buto variquēnaja yū. Disejūa quēnabusase oca ajibeaja yū.

⁵ Yū maigū, gājerā Cristo ocare gotimasiocudirimasa, gajeroana ĩna ñaboajaquēne, “Īnare yirēmorūgūami” mure ĩna yisere ajibū yū. To bajiro mū yirūgūse sūorine “Cristo oca socabeti ti gotirote bajiro yigū ñagūmi”, mure yimasire ñaja. ⁶ Sīgūri Cristo ocare gotimasiocudirimasa, adoju Cristore ajitirūnrā ĩna rējarivijū ejacōari, “Quēnaro yūare yirēmocami”, yūare yigotima ĩna. To yicōari, quēna mū tūju ĩna ejaro, “Quēnaro rētoajaro ĩna” yigū, Dios ī bojarore bajiro quēnaro ĩnare mū yirēmojama, quēnaroja. ⁷ “Dios ocare gotimasiocudito mani” yirā, vacama ĩna. Īna gotimasiocudiroju, Diore masimenare, “Yūare ejarēmoña”, ĩnare yibesuma. ⁸ To bajiri ĩnare yirēmoroti ñaja manire, “Cristo ocare gotimasiocudicōa ñato” yirā.

“Diótreres vāme cutigū rojose yiyumi”, yire queti

⁹ Mūare papera ucacōaboacaju yū, mū tuana Cristore ajitirūnrāre. To bajiboarine, Diótreres vāme cutigūju masare gotimasiōrā yūa ñasere bojabesumi, “Yūju ĩnare ūmato ñagū ñaja” yitūoīagū ñari. ¹⁰ To bajiro ī yire ñajare, yū vatirūmū mūa rējarivijū ejacōari, “Rojose yigū yiyuja mū”, ĩre yirūcūja yū. Īju, rojose masu yūare ñagōmacarūgūñumi. To bajiro ī yirere ajicōari, variquēnabeaja yū. Cristo ocare goticudirimasa ī tūju ejacōari, ĩna rējarivijū ĩna sājaruajama, sājarotibesumi. To ī yirone sīgūri ī rācanajuama, sājarotirūaboayuma. To ĩna yirone, ĩna rācane “Budiasa mūa quēne”, ĩnare yitud’icōarūgūñumi.

“Demetrio vāme cutigū quēnaro yiyumi”, yire queti

¹¹ Y_u maigã, rojose yirãre bajiro yibesa m_u. Quēnasej_uare yiya. Quēnase yirã, Dios rĩare bajiro bajirã ñarãma, ã ejarēmose rãca ã bojarore bajiro yirã. Rojose yirãma, Diore masimena ñarãma.

¹² “Demetrio vãme cutig_u, quēnaro yig_u ñaami”, yama masa jediro. Ñre bajiro quēnaro yig_uare gotiaja Cristo oca riojo gotise. To yicõari, “Quēnaro yig_u ñaami”, yaja y_ua quēne. To bajirone yig_uja m_u.

¹³⁻¹⁴ Gajeye jairo m_uare y_u gotiroti ti ñacõajare, y_u masune m_uare gotig_u var_ua t_uoĩaja y_u. To bajiboarine, adi rĩne m_uare ucacõaja y_u. Toj_u ejaç_u, m_uare quēnaro gotir_uç_uja y_u.

¹⁵ Quēnaro m_ua ñarotire yig_u, m_uare ejarēmoato Dios. Adoana mani mairã, m_uare quēnarotiama. M_ua rãcana mani mairãre y_u quēnarotisere y_uare gotibosaya.

To cõrone ñaja.

Carta de SAN JUDAS

Jesúre ajitirũnarẽre Judas i ucacõare queti

¹ ¿Nati mua, “Yũ rĩa ñaruarãma” Dios i yirere cãdiriarã? Yũ ñaja Jesucristo i bojasere yigũ, Santiago bedi, Judas vãme cutigũ. Mani jacũ Dios mũare bũto maiami. To bajicõari, “Yũ yarã ñari, yũre ajitirũnũcõa ñarũgũato” yigũ, mũare quẽnaro ñatirũnũgũami Jesucristo. ² Mũare quẽnarotigũ, Diore ado bajise mũare sãnibosaja yũ: “Quẽnaro mũ rãca ñna ñarotire yigũ, bũtobusa ñnare ñamaicõari, ñnare ejarẽmoña. To yicõari, ‘Ñnare mũ maisere quẽnabũsaro masirũtu vajaro ñna’ yigũ, ñnare ejarẽmoña”, mũare yisãnibosaja yũ.

Socase gotimasiorimasa ñna ñare queti (2 Pe 2.1-7)

³⁻⁴ “Satanás rojose i yirotoiboasere cãdimena ñato” yigũ, Jesucristo manire i rijabosare quetire mũare ucacõarũaboaja yũ. Tire ucarrũaboarine, gajeye mua bajise quetire ajicõari, “Tijũare ucarrũũ ñaja”, yitũoñaja yũ. Mũa rãcana Diore rũcũbũomena socase gotimasiorimasa ñarãma. “Dios, quẽnagũ ñari, i bojabetire mani yiboajaquẽne, to bajise mani yise vaja rojose yibecũmi”, yisocarãma. To bajiri, “Gãjerã rãca ajeriarã cutito mani”, yirãma. To yicõari, Jesucristo, mani mũũ, i sīgũne i ñaboajaquẽne, “Ñre mani cãdibetijama, no yibeaja”, yisocarãma. To bajiri, i rijariaro bero, tudicaticõari, i buerimasare Dios i bojarore bajiro yigũ, gotimasiojeocõañumi. To yicõari, ñnare gotimasioroticõañumi, masa jedirore. To bajiri, ñna gotimasiorere ajiriarã ñari, gajeye ricati gãjerã ñna gotimasiosere mua ajijama, “Socase ñaja” yicõari, riojo gotimasiosejũare gotiroti ñaja. To yicõari, “Socabeti gotirejũare ajitirũnũ tũjabeticõato mani” yirã, Dios i bojarore bajiro yicõa ñarũgũña.

⁵ Jẽre mua masise ti ñaboajaquẽne, mũa tuditũoĩarotire yigũ, mũare gotiaja yũ: Tirũmũjũ Egipto sitana, israelita masare ñna rotiajerãre gaje sitajũa ñnare ñmato vamasiñuju Dios. To bajiro ñnare i ñmato bajiriaro bero, ñre ñna ajitirũnũbetijare, ñnare bajirearotimasĩuju Dios. Tire masicõari, “ ‘Manire quẽne rojose yiromi’ yirã, Diore ajitirũnũ tũjabetiroti ñaja”, yimasijaja mani.

⁶ To yicõari, ángel mesare quẽne to bajirone yiyumi, i rotiboasere ñna cãdibetijare. Sīgũri ángel mesa, Diore moabosarã ñaboarine, i rotirore bajiro cãdibetimasĩujarã ñna. To bajiro ñna bajijare, cõmemari rãca ñnare siacõari, tũsabetigojeju ñna

ñacōa ñarotire yigu toju ñnare cūmasiñuju Dios. “Rojose yirā, rojose tām̄uorūgūr̄arāma” ñnare ī yirotirūm̄aju ti ejaroto r̄ijoro, tojune ñacōa ñaruarāma ñna. To bajiro ī yirotirūm̄a ti ejaro, butobusa rojose tām̄uoruarāma ñna. Tire masicōari, “ ‘Manire quēne rojose yiromi’ yirā, Diore ajitirūn̄a t̄ajabetiroti ñaja”, yimasiaja mani. ⁷ Ñnare bajiro rojose yimasiñujarā Sodoma macana, Gomorra macana, ti maca t̄a ñarimacariana quēne. Ado bajiro yimasiñujarā: Manajo cutirā, manaju cutirā ñaboarine, gājerā rāca ajeriarā cutirūgūmasiñujarā. Manajo mana, manaju mana quēne, to bajirone yirūgūmasiñujarā ñna. To yicōari, ñna rujuri ti bojarore bajiro bojoneose yirūgūmasiñujarā. To bajiro ñna yijare, ō vecaye azufre vāme cutise rāca ñnare soereamasīñuju Dios. Ti quetire ajicōari, ñna yiriarore bajiro yimenesa manima, “Mani rijato beroj̄a jeame yatibetimej̄a manire rearomi Dios” yirā.

⁸ Tire masiboarine, tirūm̄ana rojose ñna yimasiriarore bajirone yicōa ñarāma m̄ua rācana, Diore rūc̄ub̄uomena. Cājiriagū bajiriarore bajiro ñarā ñari, ñna rujuri ti bojarore bajiro “Bojoneose yirā yaja”, yimasimena ñarāma. To bajicōari, mani ūjare c̄udimena ñarāma. To yicōari, ángel mesare, vātiare quēne rūc̄ub̄uob̄etirūgūr̄āma socase gotimasiorimasa. ⁹ Ángel mesa ūj̄a Miguel vāme cutigu roque yisocarimasa r̄ētoro rotimasigū ñaboarine, ñnare bajiro rojose yibetimasīñuju, vātire. Ado bajiro bajimasīñuju: Moisés ñamasir'i ī rijato ñacōari, ī rujure āmiar̄uamasiboayuju Satanás. To bajiro ī yijare, Satanāre tud'ir̄uaboarine, ñre tud'ibetimasīñuju Miguel. Ado bajisej̄a ñre yimasīñuju: “M̄a yisere ñacōari, ‘Rojose tām̄uor̄uc̄ami’ Dios m̄ure ī yijama, quēnar̄aroja”, ñre yicōa t̄ajasuju Miguel. ¹⁰ Satanāre ī tud'ibetiboajaquēne, socase gotimasior̄aj̄uama, ángel mesare, vātiare quēne ñna bajisere masimena ñari, rūc̄ub̄uob̄etirūgūama. To bajicōari, ñna ruju ti bojarore bajiro yirā, “Bojoneose yirā yaja” yimasimenane, tire yirūgūr̄āma. To bajiro yirā ñari, rojose tām̄uot̄ajabetiriaroj̄a varona ñarāma.

¹¹ Tirūm̄ana ñamasiriarā rojose ñna yimasiriarore bajiro yirā ñna ñajare, buto rojose ñnare yir̄uc̄ami Dios: Ca'in ñamasir'i, rojose ī tām̄uoriarore bajiro tām̄uoruarā, rojose yirūgūama ñna quēne. To bajicōari, Balaam ñamasir'i ī yimasiriarore bajiro yirā, gājoaj̄uare bojamasucōarā ñari, Dios ī bojasere yibetirūgūr̄āma. Coré ñamasir'i ī bajimasiriarore bajiro yirā, ñna ūjarā ñna rotisere c̄udibetirūgūama ñna quēne. To bajiro ñna bajise vaja, rojose ñnare ī yimasiriarore bajiro rojose tām̄uot̄ajabetiriaroj̄a ñnare cōar̄uc̄ami Dios. ¹² Diore rūc̄ub̄uorā m̄ua r̄ējajama, socase gotimasiorimasa quēne m̄ua rāca r̄ējarūgūama. “Dios ī bojasere yirā ñaja” yiboarine, no ñna bojarore bajiroj̄a r̄īne yirūgūama. M̄ua t̄uōiarore bajiro

tuõiarã me ñaama. Ricatijũare tuoĩacõari, rojose yirũgũama. Ñinare tuoĩacõari, ado bajise mũare gotiaja yũ: Buto asirirãmũ oco buerire ñamacarãja mani, oco macarã. To bajiro mani yĩñarone, oco buesere mino ti vëareacoajama, sutiritiruarãja mani, “Oco bujabeticõaja” yirã. To bajirone bajiroja socase gotimasiõrimasa ñna gotiboase quëne. Quëna ado bajise mũare gotiaja yũ: Yucá ricare baruarã macarãja mani. Tire mani bujabetijama, sutiritiruarãja mani. Rica mani ti ñajare, ñie vaja maja tiũ. Tiũre quëacõarãja mani. To bajiri catibetiruarõja yuja. Tiũre bajirone ñie vaja mana ñaama socase gotimasiõrimasa. To bajiri rojose tãmũotũjabetiriarõju ñinare cõarũcũmi Dios. ¹³ To bajicõari, riaga jairisa ti saberone, sõmo cũti, ñeri jai bajaiaja. Tire bajirone bojõneri mene rojosere yĩñarũgũama socase gotimasiõrimasa quëne. To bajicõari, ñocõa tirũmũju õ vecajũ Dios ñ cũmasiriarã, sigãri ñinare ñ cũmasiriarõjare vaveõriarã ñna ñajare, ñna ñnarũgũrotijare tuoĩacõari, buto rëtiarõju quënomasiñuju Dios. To bajirone bajirãma socase oca mũare gotimasiõrimasa quëne. Dios oca quënasere ajitũjacõari, ñna masune ñna bojarore bajiro yirã ñari, buto rëtiarõju ñacõa ñnaruarãma.

¹⁴ Socase oca mũare gotimasiõrãre goti rĩjoro yimasiñuju Enoc ñamasir'i. Ñ ñamasiñuju Adán jãnami. Adán macũ ñamasiñuju Set. Set macũ ñamasiñuju Enós. Enós macũ ñamasiñuju Cainán. To bajiro mani cõiaruji vajama, Enoc vãme cũtimasir'i rãca ñarã, cojomo cõro gaje ãmo jũa jënituarirãcũ ñamasiñujarã. “Ado bajiro bajiruarãma Diore rũcũbũõmena” yigũ, ado bajiro Diore gotirëtobosamasiñuju ñ: “Yũre quënarõ ajiya. Cojorãmũ adi macarũcũroju ejarũcũmi mani mũju. Ñ rãca jãjarã ángel mesa ejaruarãma. ¹⁵ Tirũmũre masare beserũcũmi Dios. Ñre rũcũbũõbeticõari, rojose yiriarãre, rojose ñinare yirũcũmi”, yigotimasiñuju Enoc ñamasir'i, mũa rãcana Diore rũcũbũõmena ñna bajiro tire gotigũ. ¹⁶ “Quënabeaja”, yigõjarũgũama ñna. To yicõari, “Ñna ye sũõrine rojose ñaja”, yĩñagõmacarũgũama. To bajiro yirã ñaboarine, ñna bojamasuse rĩne yirũgũama. Gajeyerema, “Rëtorõ masirã ñaja yũa”, yirũgũama. To yicõari, ñna bojarore bajiro yirã gãjerãre quënarõ gotisocarũgũama.

Cristore masirãre gotiquënore queti

¹⁷ Yũ mairã, Cristo ñ gotiroticõasũõriarã ñna yigotimasiõrere masiritibesa mũa. ¹⁸ Ado bajiro mũare gotimasiõriarãma: “Adi macarũcũro jediroto rĩjoro Dios ocare ajatud'irã ñnaruarãma. Gãjerãre tuoĩamenane, rojose ñna yirũase rĩne yirũgũuarãma”, mũare yigotimasiõriarãma Cristo ñ gotiroticõasũõriarã. ¹⁹ Socase gotimasiõrimasajũama, ricati

Īna gotijare, sġgũre bajiro tũoĩamenaja mũa. Īna masu ĩna bojase rĩne yicĩarĩma ĩna, Esp'iritu Santore cũomena ñari.

²⁰ Yũ mairĩ, Cristo ĩ bajirocare sũorine quẽnaro Dios ĩ yire queti mũa ajisũore, masa ĩna masu tũoĩacĩari, ĩna gotimasiore me ñaũuja. Dios ye ñaũuja. Quẽnarobũsa tire ajitirũnũroti ñaja. To yicĩari, Esp'iritu Santo ĩ ejarẽmose sũorine Diore sũnirũgũroti ñaja. ²¹ Dios mũare bũto ĩ maisere masirĩja mũa. To bajiri quẽnaro ĩ bojarore bajiro yirũgũña, mũare ĩ maitũjabetirotire bajiro yirĩ. To bajiro mũa yĩnarone, Jesucristo ĩ tudiejarirũmũ ti ejaro, mũare ĩamaicĩari, “Rojose maja” mũare ĩ yiotire tũoĩa yuñarũgũña. Tirũmare, Dios, mũare ĩ gotiriarore bajirone ĩ tũjuma quẽnaro ñacĩa ñarũgũrũarĩja.

²² Sġgũri mũa rĩcana, “Cristo oca, ġrĩojo gotiati?” yirĩre ĩamaicĩari, quẽnaro ĩnare gotimasioña, “‘Socase me ñaja’ yitũoĩato” yirĩ. ²³ Jeamejũ vaboronare yirẽmoña, Jesucristo rĩca quẽnaro tũoĩacĩari, ĩna ñarotire yirĩ. Gĩjerĩre quẽne rojose yirũgũrũare ĩamaĩña. To bajiro yirĩ ñaboarine, mũa yirũgũsere quẽnaro tũoĩarũgũroti ñaja, “Īnare bajiro rojose yirobe” yirĩ.

Judas Diore ĩ rĩcũbũore queti

²⁴⁻²⁵ Tire tũoĩacĩari, ado bajiro sũniroti ñaja manire: “Dios mũ sġgũne ñaja masirẽtogũ. Ñimũ gĩji mũre bajiro masigũ magũmi. Yũa mũjũ Jesucristo ĩ rijabosare sũorine yũare maiũuja mũ. To yicĩari, rojose yũa yibetiotire yũare ejarẽmoũuja mũ. Mũ rotĩñarojũ yũa ejaro, ‘Rojose mũa yire vaja maja’ yũare yĩĩarũcũja mũ. To bajiri, mũ ñarojũ eiacĩari, mũ rĩca quẽnaro variquẽnarũarĩja mani. Quẽnarẽtogũ ñaja mũ. To yicĩari, mũjũ ñamasugũ ñaja mũ. Ñie mũ yimasibeti maja mũre. To bajicĩari, disejũa mũ rotimasibeti maja mũre. To bajiro bajiyuja mũ, adi macarũcũrore mũ rujeoroto rĩjorojũne. Adirũmũrĩre quẽne, to bajirone bajicĩa ñaja mũ. To bajiro rĩne bajicĩa ñarũgũrũcũja mũ”, yĩroti ñaja manire, Diore rĩcũbũorĩ.

To cĩro ñaja.

APOCALIPSIS

Juan ĩ cājiriaroju Jesucristo ĩ gotire queti

¹ Adi papera, yoaro mene bajirotire gotiaja. Dios, ti queti, ĩ macu Jesucristore gotiyuju, ĩ yarā, ĩ bojasere yirā, ĩna masirotire yigu. To bajiro ĩ yijare, “Yu bojasere yigure, Juanre, to bajiro bajirotire ruyuaĩocōari, ‘Ado bajiro bajiaja mure yu ruyuaĩose’ ĩre yigotimasiorucuja mu” yigu, ángelre cōañumi Jesucristo. ² Yu ñaja Juan, yure ángel ĩ ruyuaĩoro bajicati cōrone riojo ucagu.

³ To bajiro bajiroti ti cōñajare, ado bajiro yaja yu: Adi queti Dios ĩ cōarere ĩagotirona, to yicōari, tire cūdirona quēne, quēnaro variquēnaronā ñarāma.

Cojomo cōro juā jēnituario macariana Jesúre ajitirānrāre Juan ĩ ucare queti

⁴⁻⁵ To bajiri, Asia sitana, cojomo cōro juā jēnituario macarianare, Jesúre ajitirānrāre mware ucaja yu, Juan vāme cūtigu. Mware quēnarotigu, Diore, ĩ macu Jesucristore, to yicōari, Esp'iritu Santore quēne ado bajise mware sēnibosaja yu: “Quēnaro mwa rāca ĩna ñarotire yirā, ĩnare ejarēmoña”, mware yisēnibosaja yu. Dios ñaami tirūmaju ñamasir'i ñaboarine, adirūmāre quēne ñacōa ñarūgūgū. Bero, masa taju ñagū, ejarocu ñaami. Dios, rotigu ĩ rujiri cūmuro řijorojuā ñagū ñaami Esp'iritu Santo. Sīgū ñaboarine, cojomo cōro juā jēnituarirācu ñarāre bajiro bajigu, jediro masigū ñaami. To bajicōari, Jesucristo ñaami ĩ jacu yere riojo gotirūgūgū. Rijacoaboarine quēna tudicaticōari, rijarocu me ñasucami. To bajicōari, adi macarucuroana ĩjarā ñarā jediro ĩju ñaami. ĩ ñaami manire maigū. Rojose mani yise vajare, ĩ rijacati rāca manire vaja yijeobosacacu ñaami. ⁶ To bajiro ĩ yicati suorine paiare bajiro, ĩ jacu mani ĩju ĩ bojasere yirā ñaja mani quēne. ĩ rijacati rāca manire ĩ vaja yijeobosare ñajare, “ĩ ñaami ñajediro ĩju. Dise ĩ rotimasibeti ruyabetoja. To bajirone bajirūgūrucumi”, ĩre yitūoña variquēnato manī. To bajirone bajiato.

⁷ Adire quēne tūoñaña mwa: Buerigaseri vatoaju vadirucumi Cristo. ĩ vadore ĩajediruarāma masa, adi macarucuroana. ĩre sīarocarotiana jānerabatia quēne ĩre ĩaruarāma. ĩre ĩacōari, jediro otiruarāma. To bajirone bajiato.

⁸ Ñajediro masijeogu, mani ĩju, Dios, ado bajiro gotiami: — Alfa, omega ñaja yu. Alfa yu yijama, “Ñajediro ti ruyuaroto řijoroju ñacaju yu. To bajicōari, omega yu yijama, ñajediro ti

yayiro berojũ quẽne ñacõa ñarũgũrucuja” yigu yaja –yigotiami Dios.

Í ñaami tirũmujũ ñamasir'i ñaboarine, adirũmũre quẽne ñacõa ñarũgũgũ. Bero, masa tujũ ñagũ, ejarocu ñaami.

Cristo, Juanre, ĩ ruyuaĩore queti

⁹ Yũ Juan, Jesucristore ajitirũnũgũ ñari, mũa yũ ñaja yũ. ĩre ajitirũnũgũ ñari, mũare bajirone rojose tãmũoaja yũ. Gãjerã rojose yũre ĩna yĩboajaquẽne, mũare bajirone ĩre ajitirũnũcõa ñaja yũ quẽne. Mani Ʃjũre cũdirã jediro to bajiro rĩne bajirũgũroti ñaja. Tirũmujũ Dios ocare yũ gotimasiojare, “Rojose tãmũoato” yirã, Patmos vãme cũtiyoajũ yũre cũcama ĩna. ¹⁰ Domingo ñarirũmũ, Esp'iritu Santo sũorine yũ sũyarojũna ruyugoaro ocaruyusere ajicajũ yũ. Jutiria trompeta vãme cũtiare jutibũsũoriaro cõro bũto ocaruyucajũ ti. ¹¹ Ado bajiro ocaruyucajũ:

–Yucũne mũre yũ ĩrotire paperatutijũ usarũcujã mũ. Ucacõari, Asia sitana, Cristore ajitirũnũrãre cõarũcujã. ĩna ñarãma cojomo cõro jũa jẽnituarorãca macariana. Ado cõro ñarãma: Efesoana, Esmirnana, Pẽrgamoana, Tiatirana, Sardisana, Filadelfiana, to yicõari, Laodiceana quẽne ñarãma –yĩ ocaruyucajũ.

¹² Ocaruyusere ajicõari, “¿Ñimũ yũre ñagõati?” yigu, jũdarũgũcujũ yũ, ĩre ĩarũ. Cojomo cõro jũa jẽnituario sĩabusuojeoriajũri ñacajũ. Orone ĩna quẽnorijũri ñacajũ ti. ¹³ Sĩabusuojeoriajũri vatoajũ masũre bajigũ ñacami. Sudiro yoariase, ĩ gũbojũ tusariase sãñacami. ĩ cotitẽrore cõmema, orone quẽnorijũa jasãcami. ¹⁴ ĩ rũjoa joa oveja joare bajiro bũto boticajũ. To bajicõari, buerigaserire bajiro boticajũ. ĩ cajearima, jea Ʃjũsere bajiro yaacajũ. ¹⁵ ĩ gũbori quẽne, bũto yaacajũ. Bronce vãme cũtise jeamejũ soecõari, ĩna gosiosere bajiro yaacajũ ti. ĩ ñagõjama, oco menirore bajiro ocaruyucajũ. ¹⁶ ĩ ãmo riojojacatũare, cojomo cõro, jũa jẽnituarirãcũ ñocõa cũocami. ĩ risejũ jariase, jũajacatũajũne bũjarijãi budicajũ. ĩ rioga, muiju quẽnaro ĩ asirore bajiro yaacajũ.

¹⁷ ĩre ĩaũsacõari, ĩ rĩjorojũna muqueacajũ yũ. Muqueagũne, bajirocar'ire bajiro vãrebeticajũ yũ. To bajiro yũ bajiboajaquẽne, ĩ ãmo riojojacatũa yũre ñiajeocõari, ado bajiro yũre yicami:

–Gũibesa mũ. Ñajediro ti ruyuaroto rĩjorojũ ñacajũ yũ. To bajicõari, ñajediro ti yayiro berojũ quẽne ñacõa ñarũgũrucujã, yũre yicami. ¹⁸ Yũma ñasũoadicacujũne ñacõa ñarũgũajã. Rijacoaboarine, tudicaticõari, jũaji tudirijarocu me ñaja yũ. Rijariarãre quẽne rotigũ ñaja yũ. Quẽna ĩna tudicatirotire yimasigũ

ñaja yu. To bajicõari, rijariarã jediro ñna ñarõjũre yu yarãre ñnare juabumasiaja yu. “Rojose tãmuotũjabetiriarõju vabeticõari, yu ñarõjũa quẽnaro ñarũgũato” yigu, ñnare juabumasiaja yu —yũre yicami yũre ruyuãiocasũ.

¹⁹ Quẽna gajeye ado bajiro yũre yicami:

—Yucũne mũre yu ñorotire ucacũcũja mũ. Adirũmũriaye, bero bajirotiayere quẽne ñarũcũja mũ. ²⁰ Yu ãmo riojojacatũa cojomo cõro jũa jẽnituarirãcũ ñocõa mũ ñarãre, “To bajiro yirũaro yaja”, yimasibeaja mũ. Ado bajiro yigu yibũ yu, to bajiro yu yĩõjama: Ñna ñaama cojomo cõro, jũa jẽnituario macariana yũre ajitirũnrãre ãmato ñarã. Cojomo cõro jũa jẽnituarirãca sũabusuojeore mũ ñasema, ado bajiro yire ãni ñaja: Cojomo cõro jũa jẽnituario macariana yũre ajitirũnrãre gotiro yibũ —yũre yicami yũre ruyuãiocasũ.

2

Efeso macanare Juan ñ ucacõare queti

¹ Quẽna ado bajiro yũre yicami yũre ruyuãiocasũ:

—Efeso vãme cũti macana yũre ajitirũnrãre ãmato ñagũre ado bajiro ucaya: “Adi mũare yu ucasa, ado bajiro bajigu mũare ñ gotise ñaja: Ñ ãmo riojojacatũa cojomo cõro jũa jẽnituarirãcũ ñocõa cũogũ, cojomo cõro jũa jẽnituarirãca sũabusuoriabajari jeorĩajũre ñatirũnrũgũgũ ñaami. Yũre ruyuãiocõari, yũre ñ goticatire ñre ucacõabõsagũ yaja yu”, yucaya —yicami.

To yicõari, ado bajiro mũare goticami: ² —Jediro mũa yisere masiaja yu. “Mani mũre ajitirũnũato gãjerã” yirã, josari mũa moarũgũsere masiaja yu. Gãjerã rojose ñna yiboajaquẽne, yũre mũa ajitirũnũ tũjabetire masiaja. Rojose yirãre mũa ñavariquẽnabetire quẽne masiaja. “Cristo ocare riojo gotimasiorã ñaja yu” yirãre ajicõĩacõari, “Socarimasa ñaja mũa” ñnare mũa yigoticatire quẽne masiaja yu. ³ Gãjerã rojose mũare ñna yiboajaquẽne, yũre ajitirũnũcõa ñaja mũa. Yũre ajitirũnrã mũa ñajare, rojose mũare yama. To bajiro ñna yiboajaquẽne, yũre ajitirũnũ tũjabeaja mũa. ⁴ To bajiro mũa bajiboajaquẽne, cojo vãme ado bajiro mũa bajisere ñavariquẽnabeaja yu: Yũre ajitirũnũsũorã, mũa maicato cõro yũre maibeaja mũa yuja. ⁵ Yũre mũa ajitirũnũsũocatire tũõĩacõari, quẽna yũre mũa ajitirũnũsũocatore bajiro tudiajitirũnũña. To bajiro mũa bajijama, yu bojabetire yitũjacõari, yu bojasejũare yirũarãja mũa quẽna. To bajiro mũa yibetijama, mũa sũabusuoriabaja jeorĩajũre ãmagũ ejarũcũja yu. ⁶ Yũre mũa maibetibũsasere ñavariquẽnabetiboarine, adĩ vãme mũa yisere ñavariquẽnaja yu: Nicolás vãme cũtigũre ajisũyarã, rojose ñna yisere ñateaja mũa. Yu quẽne, tire ñateaja. ⁷ Esp'iritu Santo ñ ejarẽmose rãca

ñamasusere mware yu gotirotire mua ajimasirujama, quēnaro ajiya mua, gaje macariana yure ajitirūnrā jediro: Yure ajitirūnu tujabetirona, yucá caticōa ñarotiaye rica cuti ricare barona ñaruarāma. Dios ya vese quēnarivesejure ñaja tiu — mware yigoticami yure ruyuaīocasu.

Esmirna vāme cuti macanare Juan ī ucacōare queti

⁸ Gajeye ado bajiro yure yicami yure ruyuaīocasu:

—Esmirna vāme cuti macana yure ajitirūnrāre ūmato ñagūre ado bajiro yure ucacōabosaya: Tire mware goticasu, ñajediro ti ruyuaroto rījoroju ñamasir'i, to bajicōari, ñajediro ti yayiro beroju quēne ñacōa ñarūgūrocu ñaami. Rijacoabarine, tudicaticōari, rijarocu me ñaami. Ado bajiro mware goticami:

⁹ —Gājerā rojose mware ina yijare, rojose mua tāmūosere masiaja yu. Ñie mana mua ñasere masiaja. To bajiro bajirā ñaboarine, Dios mware ī ujure ñajare, gajeyeūni jairāre bajiro ī ye quēnamasuse jediro cūorā ñaja mua, ī macure mua ajitirūnu tujabetirotire yirā. “Jud'io masa ñari, Dios rīa ñaja yua” yitūoīaboarā, masa ina ĩaro rījoroju, “Rojose yima” socarāne mware ina yirosere ajiaja yu. To bajiro yirorā, Dios ī bojasere yirā me ñaama. Vātia uju, Satanás ī bojasejware yirā ñaama. ¹⁰ Rojose mware ina yiroti tūoīagūibesā. “Sīgūri, tubiberiaviju tubibe ecoato ina” yigu, mware yigucumi Satanás. “Cristore ajitirūnu tujato” yigu, to bajiro mware yigucumi. To ī yiroti ñajare, juaāmo cōro ñarirūmuri rojose tāmūoruarāja mua. Rojose tāmūoabarine, yure ajitirūnu tujabesa. Mware ina sīaroti ti ñaboajaquēne, yure ajitirūnu tujabesa. To bajiro mua bajijama, “Rijacoabarine, quēna tudicaticōari, rijarona me ñato” yigu, mware yigucuja yu. ¹¹ Esp'iritu Santo ī ejarēmose rāca ñamasusere mware yu gotirotire mua ajimasirujama, quēnaro ajiya mua, gaje macariana yure ajitirūnrā jediro: Yure ajitirūncōa ñarūgūronama, rojose tāmūotujabetiriaroju yu rearona rāca vabetiruarāma —mware yigoticami, yure ruyuaīocasu.

Pérgamo vāme cuti macanare Juan ī ucacōare queti

¹² Gajeye ado bajiro yure yicami yure ruyuaīocasu:

—Pérgamo vāme cuti macana yure ajitirūnrāre ūmato ñagūre ado bajiro yure ucacōabosaya: Juajacatuajune bujarijāi jariase cūocasū, ado bajiro mware goticami:

¹³ —Ti macaju mua bajirūgūsere masiaja yu. Ti maca ñaja Satanás ī ñavariquēnari maca. Ti macana jediro, “Satanāre rūcūbuorā yaja” yimasibetiboarine, ĩre cūdirā vatoaju mua bajisere masiaja yu. Sīgū mua rāca ñaboacasū, Antipas vāme cutigure, ĩre ina sīacatire masiaja yu. “Cristo ocajware ajitirūnuroti ñaja” ī yitujabetijare, ĩre sīacama. ĩre

Īna sĭaboajaquēne, yure ajitirūnu tujabeticaju m̄ua. To bajiro m̄ua bajicōa űasere masiaja yu. ¹⁴ To bajiro m̄uare quēnaro yiboarine, ado bajiro m̄ua yisejuare ĩavariquēnabeaja yu: M̄ua rācana sĭgūri, Balaam vāme cuticacu, Balac vāme cuticacure ĩ gotimasiocatire ajisuyacanare bajiro yama ĩna. Ado bajiro gotimasiocami Balaam, Balac vāme cutigure gotigu: “Israelita masare rojose m̄u yigruajama, ũm̄uare ado bajise rojose yi ocasāña: ‘Yua quēnor’ire rūcub̄orā vaibucure sĭacōari, ĩ tuj̄u yua cūr̄uare riire m̄ua bajaquēne, quēnar̄uaroja. To yicōari, yua yarā rōmia rāca m̄ua ajeriarā cutijaquēne, quēnar̄uaroja ti’ ĩnare yi ocasāña”, yigotimasiocami Balaam. ¹⁵ Gājerā rojose yirā quēne, Nicolás vāme cutigure ajisuyarā űaama sĭgūri ĩna rācana. ¹⁶ To bajiri, Nicolāre ajisuyarāre, to yicōari, Balaam ĩ gotimasiocatire ajisuyacanare bajiro yirāre ajibeticōaña. ĩnare m̄ua ajitirūncōa űajama, m̄ua tuj̄u ejacōari, rojose m̄ua yise vaja, jariase yu riseju budirijāi, juajacatuajune bujarijāi rāca m̄uare rojose yiruc̄uja yu. ¹⁷ Esp’iritu Santo ĩ ejarēmose rāca űamasusere m̄uare yu gotirotire m̄ua ajimasir̄ujama, quēnaro ajiya m̄ua, gaje macariana yure ajitirūnrā jediro: Yure ajitirūnu tujabetironare manā vāme cutise yayioroju űare bare ĩnare ecaruc̄uja yu. To yicōari, tocār̄acurene gūtari botiricari ĩnare ĩsiruc̄uja, mame vāme uaturiarire. űim̄ujuane tiarijure uaturere ĩamasibetiruc̄umi. Tiarire boca juarā rĭne masir̄uarāma –m̄uare yigoticami yure ruyuaĭocas̄u.

Tiatira macanare Juan ĩ ucacōare queti

¹⁸ Gajeye ado bajiro yure yicami yure ruyuaĭocas̄u:

–Tiatira vāme cuti macana, yure ajitirūnrāre ũmato űagūre ado bajiro yure ucacōabosaya: Adi m̄uare yu ucase, ado bajiro bajicacu m̄uare ĩ goticati űaja: Dios macu, ĩ cajeari jea űjusere bajiro yaacacu űacami. To bajicōari, cōme, bronze vāme cutise jeameju soecōari, ĩna gosiose b̄uto yaasere bajiro ḡubori cuticacu űacami. To bajigu űagū, ado bajiro m̄uare goticami:

¹⁹ –Jediro ĩna yisere masiaja yu. M̄ua gāmerā maisere masiaja yu. Yure m̄ua ajitirūnusere quēne masiaja. “Quēnabusaro ĩre ajitirūnuto mani” yirā, m̄ua gāmerā ejarēmosere quēne masiaja. Gājerā rojose m̄uare ĩna yiboajaquēne, yure m̄ua ajitirūncōa űasere quēne masiaja. Tirūm̄uju yure ajitirūnusorāju quēnaro m̄ua yicati rētoro quēnaro yirūgūaja m̄ua, adirūm̄urirema. Ti jedirorene masiaja yu. ²⁰ To bajiro quēnaro m̄ua yise ti űaboajaquēne, ado bajise m̄ua yisejuare ĩavariquēnabeaja yu: M̄ua tuago Jezabel vāme cutigo socase so gotimasiosere ajicōari, “Soco yaja m̄u. Gotimasiobeticōaña m̄u”, sore yibeaja m̄ua. “Cristo oca riojo gotimasiogō űaja yu” yitocōari, so gotimasiose s̄uorine yu bojase yirā űaboarā, ado bajiro rojose yama: Ajeriarā cutirā

ñaama. To bajicōari, gājerā ĩna quēnor'ire rūcub̄orā vaib̄uc̄are s̄lacōari, ĩ tuj̄ ĩna cūr̄are riire barā ñaama. ²¹ To bajiro rojose so yisere yitujacōari, ȳ bojasej̄are so yiroire yoaro yub̄usacōaboaja ȳ. Ajeriarā c̄uti tujar̄abeamo so. ²² To bajiro so bajicōa ñajare, “Cānijesariaro joej̄ so ajeriarā c̄utirā rāca, so cānir̄ūḡur̄iaj̄ joene buto rojose tām̄oato” yiḡ, yir̄uc̄ija ȳ. So rāca ajeriarā c̄utirāre quēne to bajirone yir̄uc̄ija ȳ. Yuc̄ne rojose ĩna yisere yitujacōari, ȳ bojasej̄are ĩna yibetijama, to bajirone ĩnare yir̄uc̄ija ȳ. ²³ To yicōari, so r̄iare s̄l̄ajeocōar̄uc̄ija ȳ. Tire ajicōari, “Masa ñajediro mani t̄oīasere masijeoḡ ñaami”, ȳre yir̄uar̄ama adī macar̄uc̄roana ñajediro ȳre ajitir̄un̄r̄ā. Tocār̄ac̄ne ĩna yicatire quēnaro ĩacōari, “To bajiro yicana ñari, quēnase b̄jarā, rojose tām̄orā, bajir̄ar̄aja”, ĩnare yirotir̄uc̄ija ȳ. ²⁴⁻²⁵ Ȳre ajitir̄un̄r̄ā, socase so gotimasiosere ajitir̄un̄menaj̄are m̄are gotiḡ yaja: “Adi ñaja Satanás oca ñamasuse, gājerā ĩna masibeti” sore ajis̄yarā ĩna yiboajaquēne, tire ajir̄abeaja m̄a. To bajiri, adī r̄ine m̄are rotiḡ yaja: Adī macar̄uc̄roj̄ ȳ tudiejaroto r̄joro, ȳre ajitir̄un̄ tujabetiroti ñaja. Gaje vāme m̄are rotibeaja. ²⁶⁻²⁸ Ȳre ajitir̄un̄cōa ñaronare, to yicōari, ȳ bojasere yitujabetironare m̄a rijato beroj̄, m̄a catiroire yiḡ, Dios ĩ catisere m̄are ĩsir̄uc̄ija ȳ. To yicōari, “Gājerāre ȳre rotibosato” yiḡ, ȳ masisere m̄are ĩjor̄uc̄ija ȳ. ĩ masisere ȳ jac̄ ȳre ĩ ĩjocatire bajirone m̄are ĩjor̄uc̄ija ȳ, “M̄are terā quēne m̄are c̄diato” yiḡ. To bajiri, buto rotir̄ar̄aja m̄a. Gājerā m̄are ĩna c̄dibetijama, josari mene ĩnare s̄l̄arear̄ar̄aja. ²⁹ Gaje macariana ȳre ajitir̄un̄r̄ā jediro, Esp'iritu Santo ĩ ejar̄emose rāca m̄are ȳ gotisere m̄a ajimasir̄ajama, quēnaro t̄oīato ĩna –yigoticami ȳre ruyuaīocac̄.

3

Sardis vāme c̄uti macanare Juan ĩ ucacōare queti

¹ Quēna ado bajiro ȳre yicami ȳre ruyuaīocac̄:

–Sardis vāme c̄uti macana ȳre ajitir̄un̄r̄are ūmato ñaḡure ado bajiro ȳre ucaya: “Adī m̄are ȳ ucase, ado bajiro bajicac̄ m̄are ĩ goticati ñaja: Sīḡ ñaboarine, cojomo cōro j̄a j̄enituarir̄ac̄ ñar̄are bajiro bajiḡure, Dios ĩ cōaḡ Esp'iritu Santore c̄oḡ ñacami. To bajicōari, cojomo cōro j̄a j̄enituarir̄ac̄ ñoc̄o c̄ocami. To bajiro ȳre ruyuaīocac̄ ĩ goticatire ĩre ucacōabosaḡ yaja ȳ”, yucaya –yicami.

To yicōari, ado bajiro m̄are goticami:

–Masa ĩna ĩajama, “Cristore ajitir̄un̄r̄ā ñari, ĩna rijato beroj̄ ĩna catiroire yiḡ, Dios ĩ catisere ĩ ĩsiriarā ñaama”, m̄are yir̄ama. To bajiro ĩna yiboajaquēne, “Ȳre ajimenare bajiro m̄a rijato beroj̄ rojose tām̄otujabetir̄iaroju varona ñaama”,

m̄are yaja yama. ² Ȳ ũajama, Dios ĩ bojarore bajiro quēnaro yure ajitir̄un̄r̄a me ñaja m̄a. To bajiri, quēnaro t̄oĩac̄ari, butobusa yure ajitir̄un̄ña, “Ȳre ajiter̄a masu ñarobe” yir̄a. ³ Tir̄um̄j̄ ȳ ocare m̄are ĩna gotimasioatire ajicaj̄ m̄a. Tire tudit̄oĩac̄ari, ajitir̄un̄ña quēna. To bajiro m̄a yibetijama, juarudirimas̄re bajiro m̄a masibetone rojose m̄are yiḡu ejar̄uc̄aja ȳ. ⁴ To bajiro yiroc̄u ȳ ñaboajaquēne, m̄a r̄acana siḡuri, Dios ĩ ũajama, rojose mana ñaja m̄a. To bajiri, sudi botise s̄ñac̄ari, ȳ r̄aca quēnaro ĩna ñar̄ũḡur̄ar̄aja.^a ⁵ Ȳre ajitir̄un̄ t̄ujabetirona, to bajirone bajir̄ar̄ama ĩna. “Ado c̄oro ñaama ȳ t̄u ñar̄ũḡurona” Dios ĩ yucamasicatit̄utire ĩna v̄amere coebetir̄uc̄aja ȳ. To yic̄ari, õ vecaj̄ ȳ jac̄ure, ángel mesare quēne, ĩna ĩaro r̄ĩjoroj̄ua, “Ãnoa ñaama ȳ yar̄a”, ĩnare ȳĩor̄uc̄aja ȳ. ⁶ Gaje macariana yure ajitir̄un̄r̄a jediro, Esp̄iritu Santo ĩ ejar̄emose r̄aca m̄are ȳ gotisere m̄a ajimasir̄ujama, quēnaro t̄oĩato ĩna –yicami yure ruyuaĩocac̄u.

Filadelfia v̄ame c̄uti macanare Juan ĩ ucac̄are queti

⁷ Quēna ado bajiro yure yicami yure ruyuaĩocac̄u:

–Filadelfia v̄ame c̄uti macana yure ajitir̄un̄r̄are ũmato ñaḡure ado bajiro ucaya: Adi m̄are ȳ ucase, ado bajiro bajicac̄u m̄are ĩ goticati ñaja: Dios ĩ bojase r̄ĩne yiḡu, ri-ojo gotiḡu ñacami. ĩne ñacami Ũj̄u David ñamasir'i j̄anami, ĩre bajiro Dios yar̄are rotiḡu. To bajiboarine, Dios t̄uj̄arema soje j̄anariaro c̄uoḡu ñacami ĩma. Masare ĩac̄ari, “Ãnoa, ȳ t̄uj̄u ñar̄ũḡur̄ar̄ama” ĩ yirotijama, to bajirone bajir̄ar̄ama. To bajiro ĩ yirotijama, ñim̄j̄ua ĩnare mataroc̄u manir̄uc̄umi. To bajiro ĩnare yirotiroc̄u ñacami. To bajic̄ari, ḡajer̄aj̄ure, “Ãnoama, ȳ t̄u me ñar̄ar̄ama”, yirotiroc̄u ñacami. To bajiro ĩ yijaquēne, ñim̄j̄ua, ĩ t̄uj̄u ĩnare ñarotiroc̄u manir̄uc̄umi.

To bajiro yiroc̄u ñacami ado bajise m̄are goticac̄u:

⁸ –Jediro m̄a yisere masiaja ȳ. Ḡajer̄a m̄are ĩna ũajama, “Ñamasur̄a ñaama”, m̄are yibeama. To bajiro ĩna yibetiboajaquēne, ȳ s̄orine ḡajer̄a ĩna gotimasioatire bajiro quēnaro yir̄ũḡuj̄a m̄a. Ȳre ajitir̄un̄ t̄ujabeaja. To bajiri, ȳ ocare ḡajer̄are quēnaro m̄a gotimasiorotire yiḡu, yib̄u ȳ. Ḡajer̄a m̄are ĩna gotimasio rotibetiboajaquēne, ȳ s̄orine gotimasioc̄o ñar̄ar̄aja. ⁹ To bajiro m̄are yiboarine, ḡajer̄aj̄arema, v̄atia ũj̄u, Satanás ĩ bojasere yir̄a ñaboarine, socar̄ane, “Dios r̄ĩa ñaja ȳua” yir̄are, ado bajiro ĩnare yir̄uc̄aja ȳ: Gotimasior̄a r̄ĩjoroj̄ua ḡusomuniari t̄uetuc̄ari, “M̄aj̄ua ñaja Dios ĩ mair̄a” m̄are ĩna yirotire yir̄uc̄aja ȳ. ¹⁰ “Ḡajer̄a rojose m̄are ĩna yiboajaquēne, yure ajitir̄un̄c̄o ñaroti ñaja” m̄are ȳ

^a 3:4 Sudi botise s̄anar̄are ti gotijama, rojose mana, ĩre ajitir̄un̄ t̄ujabetir̄iar̄a ñari, ĩ r̄aca ñar̄are gotiaja.

yirocatire bajiro cūdirūgūaja mūa, yū oca gotimasiorimasa. Adi macarūcūro tūsarirūmūre gājerā, masa jedirore rojose yirūarāma, “Diore ajitirūnūbeticōato” yirā. “Tire yiroma” yigū, mūare ejarēmocōa űarūcūja yū. ¹¹ Yoaro mene adi macarūcūroju vadirūcūja yū. To bajiri, yūre mūa ajitirūnūrore bajiro ajitirūnū tūjabeticōaűa. To bajiro mūa bajicōa űajama, quēnaro Dios mūare ī yirotire matarocū magūmi. ¹² Yūre ajitirūnū tūjabetironare, yū jacū tūju űna űarūgūrotire yirūcūja yū. Ī ya vi botari boabeti, ti űarūgūrore bajiro űarūgūrūarāma űna. Īnare bubetirūcūja yū. Idia vāme űnare vāme ucaturūcūja yū. Ado bajirivāmeri yirūcūja yū: Yū jacū Dios vāme, ī ya maca vāme, to yicōari, yū vāme mame űarotire ucaturūcūja. Yū jacū ya maca, mame quēnoria maca Jerusalén vāme cūti maca űarūaroja. Ti maca ō vēcaju rujiadicōari, ejarūaroja. ¹³ Yūre ajitirūnūrā jediro, Esp'iritu Santo sūorine mūare yū gotisere mūa ajimasirūajama, quēnaro tūoĭato –yigoticami yūre ruyuāĭocacū.

Laodicea vāme cūti macanare Juan ĩ ucacōare queti

¹⁴ Quēna ado bajiro yūre yicami yūre ruyuāĭocacū:

–Laodicea vāme cūti macana yūre ajitirūnūrāre űmato űagūre ado bajiro ucaya: “Adi mūare yū ucase, ado bajiro bajicacū mūare ī goticati űaja: Ī sūorine jediro quēnase Dios ī gotimasiriarore bajirone yirūgūami Dios. Ī űacami ī jacū yere riojo gotirūgūgū. Ī sūorine adi macarūcūroaye jedirore rujeomasīűumi Dios”, yūucaya –yicami.

To yicōari, ado bajiro mūare goticami:

¹⁵ –Jediro mūa yisere masiaja yū. Yūre tebetiboarine, quēnaro yūre ajitirūnūbeaja mūa. To bajiro mūa bajise, rojose masu űaja. Ti űnire bojabeaja yū. ¹⁶ To bajiro bajirā mūa űajare, yū yarā mūa űasere bojabeticōari, mūare reaguagu yaja yū. ¹⁷ Ado bajiro tūoĭaboaja mūa: “Gajeyeūni jairā űaja mani. Mani bojase űajediro, dise rūyabeto cūoaja mani. To bajicōari, Dios ye quēnamasuse ĩ űjose jediro cūorā űaja mani”, yūtūoĭaboaja mūa. Yū űajama, ado bajiro bajirājuā űaja mūa: Rojose yirā űari, sudi manare bajiro bajaaja. Yū bojarore bajiro yirā me űari, űie cūobetimasucōarāre bajiro bajaaja. To bajicōari, yūre masimena űari, űamenare bajiro bajaaja mūa, yū űajama. ¹⁸ To bajiro bajirā mūa űajare, ado bajiro mūa yirotire mūare gotimasioḡū yaja yū: Quēnamasuse űajediro cūorā mūa űarūajama, rojose mūa yisere yitūjacōari, yūre sēniűa. To bajiro mūa yijama, “Quēnase sudi sāűarāre bajiro bajirā űato” yigū, rojose mūa yisere Dios ĩ masiriojeorotire yigū, yirūcūja. To yicōari, “Quēnamasuse űajediro cūorā űato” yigū, yū bojarore bajiro yirā mūa űarotire yigū, yirūcūja. To yicōari, “Īarāre bajiro

ñato” yigũ, yũre quẽnaro mũa masirotire yigũ, yirũcũja. ¹⁹ Yũ mairã jedirore, “Rojose yaja mũa; tire yitũjacoãari, ado bajirojũna mũa yijama, quẽnarũaroja”, ñnare yigotimasiorũgũaja yũ. Riojo ñamasusere ñnare gotimasiorũgũaja yũ. To bajiri, “Rojose yitũjaja yũ”, yisocabeticõaña mũa. ²⁰ Riojo ñamasusere mũare gotiaja yũ: Yũ sũorine ado bajiro tũoĩaama masa: “Cristore ajitirũnũcõari, ñre baba cutiroti ñaja”, yitũoĩaama. Yũre ajitirũnũcõari, yũre ñna baba cuti variquẽnarotire bojagũ ñari, ñna cũdisere yurũgũaja yũ. “Ñre baba cutirũaja” ñna masune ñna yicũdijama, ñna rãca quẽnaro baba cutirũcũja yũ. ²¹ Yũre ajitirũnũcõa ñaronare, õ vecajũ yũ tũjũ yũre ñna rotibosarotire yirũcũja yũ. Yũ jacũre quẽnaro ajitirũnũ tũjabeticõari, ñ tũjũ ñre yũ rotibosarũgũrore bajiro yũre rotibosarũgũrũarãma ñna quẽne. ²² Yũre ajitirũnũrã jediro, Esp'iritu Santo ñ ejarẽmose rãca mũare yũ gotisere mũa ajimasirũajama, quẽnaro tũoĩato –yigoticami yũre ruyuaĩocasũ.

4

Õ vecajũ Diore rãcũbũoroti queti

¹ To ñ yiro bero, gajeye ado bajise yũre bajiĩocajũ: Õ vecajũ, Dios ñ ñarojũ, jãnariosjere ñacajũ yũ. To yũ ñamũorone, jutiria trompeta vãme cutiare jutibũsũoriaro cõro bũto, ado bajiro ocaruyucajũ ti:

–Mũjaaya. Bero bajiroti quetire mũre ñorũcũja yũ –yũre yĩ ocaruyucajũ.

² To bajiro ti yirone, Esp'iritu Santo sũorine õ vecajũ ejagũre bajiro ñacajũ yũ. Tojũ sĩgũ, rotigũ ñ rujiri cũmurore rujicami. ³ Ñ rioga, bũto yaacajũ. Gũta quẽnase, jaspe vãme cutise, to yicõari, gaje gũta, cornalina vãme cutise ti yaarore bajiro yaacajũ. Ñ rujiro tũjũ buerimamũre bajiriberua ñacajũ. Gajea gũta, esmeralda vãme cutise ti yaarore bajiro yaacajũ tiberua. ⁴ Ñ rujiro tũjũ veinticuatro cũmurori, ñjarã ya cũmurori ñagãnibiacaajũ. Ti cũmurorijũre bũcũrã rujicama. Botise sudi sãñarã ñacama ñna. To bajicõari, oro bedori jeocama.^b ⁵ Ñna vatoagũ ñjũ ñamasugũ ñ rujiri cũmurojũne bũjo ñ yabese budicajũ. To bajicõari, bũjo ñ jaro, ti bũsũrore bajiro bũsũcũja. Ñ rujiri cũmuro rĩjorojũna cojomo cõro jũna jẽnituarirãcũ jea ñjũricũri rãgõcũja. Ado bajiro yigotiro bajicajũ: Sĩgũ ñaboarine, cojomo cõro jũna jẽnituarirãcũ ñarãre bajiro bajigũ, jediro masigũ ñ ñasere gotiro bajicajũ.^c ⁶ Ñjũ ñamasugũ ñ rujiri cũmuro rĩjorojũane utabũcũrare bajirita ñacajũ. Oco botirita ñacõari, quẽnaro ruyurita ñacajũ.

b 4:4 Bũcũrãre ti gotijama, Jesũre ajitirũnũrãre ñmato ñarãre gotiaja. **c** 4:5 Ap 1.4, 3.1.

To bajicōari, ĩ rujiri cūmuro rĭjorojua, ti cūmuro sūyarojua quēne, riojojacatua, gācojacatua quēne, ĩaĭaĭamana barbaricārācu űacama. ĩna rujuri jediro cajeari cuticama. ĩna riogari űarijacatua quēne ĩna sūyarojuari quēne cajeari cutirā űacama. ⁷ űasuoꝝu, yai, león vāme cutigure bajigu űacami. ĩ beroaꝝu, ta vecure bajigu űacami. ĩna beroaꝝu, masu riogare bajiro rioga cuticami. Tūsaꝝu, ga jaigu, vūꝝure bajiro bajigu űacami. ⁸ Tocārācu, cojomo cōro, coja jēnituarorāca querūari cuticama. ĩna rujuriju quēne cajeari cuticama. Ti joejua, ēñerocajua quēne cajeari cutirā űacama. űmuari, űamiri quēne Diore rācūbūorā, ado bajiro basarūꝝucama ĩna:

—Mani uꝝu, quēnase rĭne yigu űaami. Quēnase rĭne yigu űaami. Quēnase rĭne yigu űaami. Jediro masigū űaami. Tirāmūꝝu űamasir'i űaboarine, adirāmūꝝure quēne űacōa űarūꝝūꝝū űaami. Bero, masa tūꝝu űagū, varocū űaami — yibasarūꝝucama ĩna.

⁹ űꝝu ya cūmuro rujigure, űmuari catimūorūꝝōrocure ĩna rācūbūojama, ado bajiro yirūꝝucama:

—Mū űaja rētoro quēnagū. To bajicōari, rētoro űamasugū űaja mū. Quēnaro yaja mū — ĩre yirūꝝucama ĩna.

¹⁰ Tocārācaine to bajiro ĩna yirone, būcūrā, veinticuatro űarā, ĩ tūꝝu muquearūꝝucama ĩna, ĩre rācūbūorā. Muqueacōari, ĩna jeoribedorire, “Rotirimasu űaja yu” yimasioriabedorire juacōari, ĩ rujiro rĭjorojua cūrūꝝucama, “Quēnaro mū yise sūorine mūre rotibosamasiaja yu” yirā. To yicōari, ĩre rācūbūorā, ado bajiro yicama:

¹¹ —Yua uꝝu, mū sigūne űaja mū, yua rācūbūoꝝu. űajediro rujeomasir'i űaja mū. Ti űarotire mū bojatūoĭamasire sūorine ruyuacōari, űacōa űaja jediro. To bajiro yimasir'i mū űajare, ado bajiro quēnaro mūre yirācūbūoroti űaja: “Mū űaja rētoro quēnagū. To bajicōari, rētoro űamasugū, űajediro masigū űaja mū. Mū rotijama, mūre cūdirūarāma űajediro” mūre yirācūbūoroti űaja — ĩre yicama ĩna.

5

Paperajotire sūoñiarere jānerocure, quēnase rĭne yigure, ĩna bujare queti

¹ To bajiro ĩna yicatire yu ajiro bero, uꝝu ya cūmuroꝝu rujigu ĩ āmo riojojacatua papera tūnariajoti ĩ cūosere ĩacaju yu. Tijoti totiju, joejua quēne ucare űacaju. To bajicōari, cojomo cōro jua jēnituaro sūoñiare űacaju, tijotijure. ² To ĩ bajirone, sigū āngel, gājerā āngel mesa rētoro tutuagū, ado bajise ruyugoaro sēniacami:

—¿Nijua ñarøjari, tijotire sñoñiarere jãnecõari, ti ucare manire ïagotirocũ, Dios ï ïavariquẽnarocũ? —yisẽniãboacami.

³⁻⁴ To bajiro ï yisẽniãboajaquẽne, õ vecana, adi macarũcũroana, adi sita eñerocana quẽne, sïgũjuaama tijotire sñoñiarere jãnerocũ Dios ï ïavariquẽnagũ manicami. ï manijare, bũto oticajũ yũ. ⁵ Yũ otisere ïacõari, sïgũ bũcũ, ado bajiro yũre goticami:

—To cõrone otiya. Adojua ïaña. Adone ñaami sïgũ, vãtia Ʃjũ ï rotimasibecũ. Vãtia Ʃjũ ï bojabeti ti ñaboajaquẽne, masa rojose ïna yise vaja ïnare vaja yibosagũ, rijabosayumi. To bajicõari, rijacoaboarine, tudicatiyumi. Ʃjũ ñamasugũ, Judá ya jũnagu ñaami. Ʃjũ David ñamasir'i jãnami ñaami. Tijoti cojomo cõro jua jẽnituarorãcaji sñoñiarere jãnecõari, manire ï ïagotisere Dios ï ïavariquẽnarocũ ñaami —yũre yicami.

⁶ To ï yirone, bũcũrã vatoajũ, to yicõari, ïaiañamana vatoajũ, Ʃjũ ya cũmuro gũdarecojũ ñacami oveja macũre bajiro rijabosacacũ. Cojomo cõro, jua jẽnituarorãca jotari cãticami. ï cajeari quẽne, to cõrone ñacajũ. Tire ïacõari, “Sïgũ ñaboarine, cojomo cõro jua jẽnituarirãcũ ñarãre bajiro bajigũre, adi macarũcũro jedirojũ Dios ï cõagũ, Esp'iritu Santore cũogũ ñaami”, ïre yĩãmasicajũ. ⁷ Ʃjũ ya cũmuro rujigũ riojojacatua ï cũorijotire ãmicami. ⁸ To ï yirone, babaricãrãcũ ïaiañamana, to yicõari, veinticuatro ñarã bũcũrã quẽne, oveja macũre bajiro rijabosacacũ rĩjorojua muqueacama, ïre rũcũbũorã. ïna jediro jabasariarõre arpa vãme cãtiriaserire cũocama. Orone quẽnorĩabajarire quẽne cũocama. Tibajarijũ sãtiquẽnase soemũoroti jũmũcõacajũ. Sãtiquẽnase ti buemũja vase, masa, Dios yarã ïre ïna sẽnisere bajiro bajise ñacajũ. ⁹⁻¹⁰ ï rĩjorojua muquearãne, ado bajiro basacama ïna, basaiañamanire:

—Mũre sĩañuma masa. To ïna yirone, tocãrãca macanare, cojo masa jũna ruyabeto, cojo oca ruyabeto ñagõrãre, to yicõari, cojo sita ruyabetoanare Satanás yarã ñaboarãre rijabosacõari, mũ ri'i sũori yũare vaja yibosayuja mũ, “Dios yarãjua ñato” yigũ. To bajiro mũ yire sũorine paĩare bajiro mũ jascũ, manĩ Ʃjũ ï bojasere yirã ñaja yua quẽne. To bajicõari, adi macarũcũroanare rotirũarãja yua. Mũ yire sũorine to bajiro yua bajiroti ñajare, mũne ñaja, tijoti sñoñiare jãnecõari, ti ucare yũare mũ ïagotisere Dios ï ïavariquẽnagũma —yibasacama, ï rĩjorojua muqueacana.

¹¹ To ïna yiro bero, Ʃjũ ya cũmuro tũjũ, babaricãrãcũ ïaiañamana, to yicõari, veinticuatro ñarã bũcũrã ïna ñaro sũyarojũajũre ñacõari, basacama ángel mesa. Jãjarã masu ïna ñajare, ïnare cõĩajeobeticajũ yũ. ¹² Ado bajise ruyogoaro basacama:

—Oveja macure bajiro rijabosacacu, ado bajiro bajigu mu ñajare, quënaró mure yirũcũbuo variquënaroti ñaja: Mu rotijama, mure cudiruarãma ñajediro. Ñajediro cuogu ñaja mu. Quënaró tuoĩagũ ñaja mu. Rëtoro masigũ ñaja mu. Rëtoro ñamasugũ, rëtoro quënagũ ñaja mu. Quënaró mure yirũcũbuo variquënaroti ñaja —yibasacama ángel mesa.

¹³ To bajiro ñna yisere ajicõari, õ vecana, adi macarucuroana quëne, adi sita eñerocana quëne, moa riagariana quëne, ñajedirone, uju ya cũmuro rujigure, to yicõari, oveja macure bajiro rijabosacacure quëne quënaró ñna yirũcũbuo basacatire ajicaju yu. Ado bajiro ñnare yibasacama:

—Ado bajiro bajirã muã ñajare, quënaró mure yirũcũbuo variquënarũgũroti ñaja: Rëtoro ñamasurã, rëtoro quënarã ñaja muã. To bajicõari, rëtoro masirã ñaja muã. To bajirã muã ñajare, mure quënaró yirũcũbuo variquënacõa ñaroti ñaja —yibasacama.

¹⁴ To bajiro yigajanorãne,

—To bajirone yirũgũroti ñaja —yicama babaricãrãcu ñaiañamana.

To ñna yirone, uju ya cũmuro rujigure, to yicõari, oveja macure bajiro rijabosacacure, ñnare rũcũbuorã, muqueacama ñna, veinticuatro ñnarirãcu ñarã, bucãrã.

6

Cojoto cõro, juã jënituaró ñase suõñiare queti

¹ To ñna yiro bero, oveja macure bajiro rijabosacacu, papera tũnariajotire suõñiasuoriajure ñ jãnesere ñacaju yu. To ñ yirone, babaricãrãcu ñaiañamana rãcagu sũgũ, bujo ñ jaro ti bususe cõro buto ruugoaro ñ ñagõsere ajicaju:

—Adojuã vayá —yicami, gãjire jigũ. ² To ñ yirone, caballo botigu joe jesagure ñacaju. Ñ joe jesagu, tẽmubedo cuocami. Rujoa jeoriabedo jeococami. Ti bedore jeococõari, adi macarucuroanare, ñre ñaterãre quëne ñ rotijama, ñna cudirotire yigu, vacami.

³ Ñ vato bero, papera tũnariajotire suõñiariajure gajejure jãnecami oveja macure bajiro rijabosacacu. To ñ yirone, quëna gãji ñaiañamagũ ado bajise yicami:

—Adojuã vayá —yicami ñ quëne, gãjire jigũ.

⁴ To ñ yirone, caballo sũagũre ñacaju yu. Ñ joe jesagu jariase jairijã ñsiecocami. To yicõari, “Ado bajiro yirucũja mu”, yiesocami: Masa quënaró ñna ñabetirotire yigu, to yicõari, ñna gãmerã sãrotire yigu, cũecocami.

5 Ī vato bero, gajeju sñoñariajare jãnecami oveja macure bajiro rijabosacacu. To ĩ yirone, ado bajiro yicami quẽna gãji ĩaĩañamagũ:

—Adojua vayá —yicami ĩ quẽne, gãjire jigũ.

To ĩ yirone, caballo ñigũre ĩacaju yũ. Ī joe jesagu, rũcñoĩariaro cõocami. 6 To ĩ bajirone, ĩaĩañamana vatoaju ado bajiro ocaruyucaju ti, caballo joe jesagure ĩre gotiro:

—“Trigo vãme cutise, to yicõari, cebada vãme cutise moloroaca bajato” yigu, tire yirojoracuja mu. To bajiro mu yijare, trigo vãme cutise bare, cojorãmu moare vaja, cojo kilo cõro bajare ñaruaroja. To yicõari, cebada vãme cutise bare, cojorãmu moare vaja, idia kilo cõro bajare ñaruaroja. “To bajirone bajiato” yigu, yirucuja mu. To bajiro yiboarine, olivo vãme cuti yucãrire, to yicõari, ñyemarire quẽne yirojobetirucuja mu. “Uye roabare, ñye oco quẽne, jairo vaja cutibeticõato” yigu, yirucuja mu —yĩ ocaruyucaju, caballo joe jesagure gotiro.

7 Ī vato bero, gajeju sñoñariajare jãnecami oveja macure bajiro rijabosacacu. To ĩ yirone, quẽna gãji tusagu, ĩaĩañamagũ, ado bajiro yicami:

—Adojua vayá —yicami ĩ quẽne, gãjire jigũ.

8 To ĩ yirone, caballo sũriribogu ñagũre ĩacaju yũ. Ī joe jesagu, Rijare Rotigu vãme cuticami. Ī suyarojua gãji vadicami, Rijariarã ĩna Ñaro vãme cutigu. To ĩna bajirone, ado bajiro ĩnare roti ocaruyucami Dios:

—Adi macarucuroana masa ĩna gãmerã sĩarotire, ĩna ñiorijarotire, rijaye rãca ĩna bajirearotire, to yicõari, vaibucurã no yiyamana ĩnare ĩna sĩarotire yirã, yiruarãja mua —ĩnare yiroticami. To yicõari, —Masa jediro babaricãracatubuari batecõari, cojotubuanare mu sĩajeocõajama, quẽnaruaroja —ĩnare yiroti ocaruyucami Dios.

9 ĩna vato bero, gajeju sñoñariajare jãnecami oveja macure bajiro rijabosacacu. To ĩ yirone, Diore rũcũborã ĩna soemõoriaju eñerocaju gãjerã ĩna sĩariarãre ĩacaju yũ. Dios oca quẽnaro ĩna gotimasiojare, to yicõari, “Jesũre ajitirũnũaja yũ” ĩna yitujabetijare, ĩnare sĩañuma. 10 Ado bajise ruyugoaro goticama:

—Jediro masigũ ñaja mu. Quẽnase rĩne yigu, riojo gotigu ñaja mu. Yũare sĩacana rojose ĩna yicatire ĩacõari, “Rojose tãmõtujabetiruarãja” ĩnare mu yiroti, ¿no cõro yoaro rayati? —yicama ĩna.

11 To ĩna yirone, botise sudi yoese ĩnare ĩsicami Dios. To yicõari,

—Tũoĩarejaibesa. Quẽnaca yucõa ñaña maji. Gãjerã ñaruarãma, mũare bajiro yũ macu ĩ bojasere yirã ñari,

s̄iaecorona. Īnare ĩna s̄iajeoro berone, ĩna s̄iasa vaja rojose t̄am̄uot̄ajabetiriaroju ĩnare rear̄uc̄ija –yicami Dios.

¹² To ĩ yiro bero, quēna gajeju s̄uõñariajare j̄ānecami oveja mac̄ure bajiro rijabosacacu. To ĩ yirone, sita b̄uto ti sabesere ĩacaju yu. To bajic̄ōari, muiju ũm̄uagu busu t̄ajacami. To bajiri, poju bususe manicaju. To bajic̄ōari, ñamiagu muiju, ri'ire bajiro b̄uto s̄uacami. ¹³ Ñocoa quēne, sita t̄ucurojuare v̄ējacoacama ĩna. Higuera v̄āme cat̄iu ti rica burirodo r̄ijoro, ti rica busere mino v̄ēasure v̄ējacatore bajiro v̄ējacama ĩna. ¹⁴ To bajic̄ōari, ũm̄ugasero yayicoacaju. Paperajoti t̄unariare bajiro bajiyicoacaju. Jediro ḡūtañire, yuc̄yoarire quēne yiv̄āreoc̄ōari, gajeroju tire c̄ōacami Dios. ¹⁵ To bajiro bajijare, ḡūta gojeriju, ḡūtayuc̄ari vatoaju rudis̄ājacoacama masa. Ujarā, rotirimasa, ñamasurā, ñamasumena quēne, ḡājerāre moabosarā, ḡājerāre moabosamena quēne, rudis̄ājacoacama. Ḡājoa jairā, ñie mana quēne, masa jediro rudis̄ājacoacama. ¹⁶⁻¹⁷ To bajiro rudic̄ōari, ḡūtayuc̄arire, ḡūtari jacasere quēne, ado bajiro yicama ĩna:

–Uju ya c̄ūmuroju rujigu, Dios yuare ĩ ĩabetirotire yiro, yuare t̄ājoyayioya. “Oveja mac̄ure bajiro rijabosacacu quēne, yuare ĩac̄ōari, rojose yua yise vaja rojose yuare yibetic̄ōato ĩ” yiro, yuare t̄ājoyayioya –yicama ĩna, ḡūtayuc̄arire. –Rojose yua yisere ĩac̄ōari, “To bajiro yirā ñari, rojose t̄am̄uot̄ajabetir̄arāja” yuare Dios, ĩ mac̄u ĩna yirotirir̄m̄u mojoroaca ti r̄uyajare, to bajiro yaja yua. To bajiro ĩna yijama, “Rojose t̄am̄obetir̄uc̄ija yuma” ĩnare yic̄udimasiroc̄u maḡūmi. To bajiro ti bajijare, yuare t̄ājoyayioya –yicama ĩna, ḡūtayuc̄arire, ḡūtari jacasere quēne.

7

Īyarāre Dios ĩ ĩatir̄ānuroti queti

¹ To ĩna yiro bero, ángel mesa babarir̄āc̄u ĩacaju yu. J̄udoaga sojeju ñacami s̄īgū. J̄ūnaga sojeju ñacami ḡāji. Varuaga sojeju ñacami ḡāji. To bajic̄ōari, gajejacat̄aj̄ua varuaga sojeju ñacami ḡāji. To bajirone ñac̄ōacama ĩna, “Mino vabetic̄ōato” yirā. To ĩna bajijare, adi sita joe, riagari joe quēne, mino vabeticaju. Yuc̄u joere quēne, mino vabeticaju. ² To ĩna bajirone, muiju ĩ j̄iadoju ḡāji ángel ĩ vadisere ĩacaju yu. Masir̄etogū, Dios v̄āme ucaturiaro c̄uoc̄ōari, ĩ vadore ĩacaju yu. Vadic̄ōari, ḡājerā ángel mesare, adi sitare, riagarire quēne, Dios rojose ĩ yirotiriarāre b̄uto ruyugoaro ado bajise ĩnare goticami:

³ –Adi sita, riagari, yuc̄arire quēne rojose yibesa m̄ua maji. Mani ũju, Dios ĩ bojasere yirā ĩna riovecarire Dios v̄āme ĩnare ucatuto mani maji. Īnare ucatujeoc̄ōari, adi sitare, riagarire, yuc̄arire quēne rojose yir̄arāja mani –ĩnare yicami ángel.

⁴ To ï yiro bero,

—Dios vãmere ucatuecorã, juaãmo cõro, gũbo jua jënituarorãca jũnana ñaama —yũre yicama. —Jediro ciento cuarenta y cuatro mil Israel ñamasir'i jānerabatia ñaama —yũre yicama.

⁵⁻⁸ Ti jũnanare cõĩacõari, ado bajiro yũre goticama:

—Judá ñamasir'i jānerabatia doce mil ñarã ñaama. Tocãrãcu jānerabatia, cojoro cõrone ñaama. Adocãrãcu ñaama:

Rubén ñamasir'i jānerabatia,

Gad ñamasir'i jānerabatia,

Aser ñamasir'i jānerabatia,

Neftal'i ñamasir'i jānerabatia,

Manasés ñamasir'i jānerabatia,

Simeón ñamasir'i jānerabatia,

Lev'i ñamasir'i jānerabatia,

Isacar ñamasir'i jānerabatia,

Zabulón ñamasir'i jānerabatia,

José ñamasir'i jānerabatia,

to yicõari, ñatusamasir'i Benjam'in ñamasir'i jānerabatia,

ĩna jedirojũne doce mil ñarã ñacõaama ñna, Dios vãmere ucatuecorã —yũre yicama.

Jājarã botise sudi sãñarã Diore ñna rũcũbũore queti

⁹ To ñna yiro bero, ɲɲ ya cũmuro, to yicõari, oveja macũre bajiro rijabosacacu rĩjorojũna, jājarã masare ĩacajũ yũ. Tocãrãca macana, cojo masa jũna rũyabeto, ricatiri rĩne ñagõrã, to yicõari, cojo sita rũyabetoana ñacama ñna. Jājarã masu ñna ñajare, ñnare mani cõĩajama, cõĩajeomenaja. Sudi botise sãñacõari, jũqueri cũocama. ¹⁰ To bajicõari, ruyugoaro ado bajise ñnare yicama:

—Yũna rũcũbũogu, Dios, rotigu ĩ rujiri cũmurore rujigu, to yicõari, oveja macũre bajiro rijabosacacu, ñnane ñaama rojose tãmũotũjabetiriaroju yũna vaborotire yũare yirẽtobosarã —yicama ñna.

¹¹ To bajiro ñna yirone, ángel mesa ñajediro, to yicõari, bũcũrã, veinticuatro ñarã, to yicõari, babaricãrãcu ĩaĩañamana, ɲɲ ya cũmuro tũjũ rũgõgãniabiaca ñna. Gãjerã ruyugoaro ñna ñagõsere ajicõari, Diore rũcũbũogã, ĩ rĩjorojũna muqueacama ñna.

¹² Muqueacõari, ado bajiro yicama:

—Riojo gotiama ñna. Mũre rũcũbũoaja yũna quẽne. Quẽnaro mũre yirũcũbũo variquẽnaroti ñaja. Rẽtoro quẽnagũ ñaja mũ. Quẽnaro yaja mũ. Mũ rotijama, mũre cũdirũarãma ñajediro. Rẽtoro masigũ ñaja mũ. To bajiro mũ bajijare, quẽnaro mũre yirũcũbũo variquẽnacõa ñarũgũroti ñaja. To bajirone bajiato —yicama ñna, Diore gotirã.

¹³ To ñna yiro bero, sīgũ bũcũ, ado bajise yũre sēniĩacami:

—Botise sudi sãñarã, ¿no bajiro bajiriarãjua ñati? —yure yisēniñacami.

¹⁴To ï yijare, ado bajiro ïre cãdicajũ yũ:

—Masibeaja yũ. Mũ masigãja. Yũre gotiya —ïre yicajũ yũ.

To bajiro yũ yijare, ado bajiro yũre gotimasiocami:

—Ïna ñaama rëtoro rojose tãmuoriarodo bũto rojose tãmuoobarine, Cristore ajitirãnu tãjabetiriarã. Rojose yiriarã ñaboarine, rojose ñna yirere yitãjacõari, “Rojose yũ yise vaja yure vaja yijeobosayumi Cristo”, yitãõariarã ñaama. To bajiro yiriarã ñari, Cristo ï rijabosare sũori, “Rojose mana ñaama”, Dios ï yirã ñaama.

¹⁵To bajiro Dios ï yirã ñari, ï ya cũmuro rĩjorojua ejacõari, ï bojasere yitãjabeama ñna. Ï tuana ñari, ñieja rojose yiecobetiruarãma ñna. Ïnare quẽnaro coderũgũrũcãmi Dios.

¹⁶⁻¹⁷To bajicõari, oveja coderimasare bajiro ñnare quẽnaro coderũgũrũcãmi Cristo quẽne. Oco catire ñnare iocõari, ñnare ùmato ñarũgũrũcãmi. To yicõari, “Juañi sãtiritibeticõato” yigũ, ñnare quẽnaro yirũcãmi Diojua. To bajiro ñna yijare, ñiorijabetiruarãma. Tudi oco idirũabetiruarãma. To bajicõari, muiju ñnare tudiasibetirũcãmi. To bajiri muiju ï asise tudi asisãjabetiruarãma —yure yigotimasiocami.

8

Rũyarijũ sũõñariajũre jãnere queti

¹To ï yiro bero, oveja macũre bajiro rijabosacacũ, cojomo cõro jua jënituarorãcãju sũõñariajũre jãnecami. Tijure ï jãnerone, yoaro treinta minuto cõro oca mano ñacajũ. ²To bajiro ti bajiro tũsarone, cojomo cõro, jua jënituarirãca ángel mesa, Dios rĩjoro ñna rũgõsere ñacajũ yũ. Cojomo cõro, jua jënituarirãca jutiriari trompeta vãme cãtiricari boca juacama ñna. ³Gãji ángel, orone quẽnoribaja, sãtiquẽnase soemũoriabajare cũogũ ñacami. Ujũ ya cũmuro rĩjorojua Diore rũcũbuorã, ñna soemũorijũ orone ñna quẽnorijũ tãjũ tibajare ãmiejarũgũcãmi. Ï ejarũgũrone, Dios yarã Cristore ajitirãnu tãjabetiriarã, Diore ñna sënise rãca vũocõari, Diore rũcũbuogũ ï soemũorotire yirã, jairo sãtiquẽnase ïre ñsicama ángel mesa. ⁴Tire ï soemũorone, buese quẽnaro sãtiquẽnase Diore bueejacajũ. Dios yarã ïre ñna sënise quẽne ejacajũ, ï tãjũ. ⁵Tire soemũogajano, ï cũoribajare soemũoriajũaye rĩti yaasere sãjũmũocõacami. Tire sãjũmũocõari, adi macarũcũrojũ jioreajeocõacami. To ï yirone, adi macarũcũrojũ bũto bũjo yabecõari, jacami. To ï yise bũto bũsũcãju. To bajicõari, bũto gũioro ocaruyucãju. To bajicõari, sita sabecãju.

Trompeta vāme cātiricarire ángel mesa ĩna jutire queti

⁶ To ĩ yiro bero, trompeta vāme cātiricari jutiruarā, cūocama ángel mesa, cojomo cōro jua jēnituarirācū ĩnarā.

⁷ Rĭjoroagu jutisucami. ĩ jutisucorone, yusjedise oco veta vējacaju. To bajicōari, jea ũjuse, ri'i vusase, vējacaju. Ti vējarone, adi sita idiaju ĩasere cojoju cōĭariaro cōro hajedicoacaju. Yucūri, jediro ta catise quēne, hajedicoacaju.

⁸ ĩ beroagu juticami quēna. ĩ jutirone, ũmuaricū gūtaure bajiricū ĩnacōari, moa riagajure ũjurocaroacoacaju. To ti bajirone, moa riaga idiaju ĩasere cojoju cōĭariaro cōro ri'i godovedicoacaju. ⁹ To bajiri moa riagana ĩajediro idiaju ĩaboariarā cojojuana cōĭariaro cōro bajireajedicoacama. To bajicōari, cūmuari jacase idiaju ĩaboariaju, cojoju rujajedicoacaju.

¹⁰ ĩna beroagu juticami quēna. ĩ jutirone, ō vecagu ĩoco jaigu quedicoacami. Jea ũjurore bajiro ũjucōa quedirujiacami. Oco idiaju ĩasere, cojoju cōĭariaro cōro rocaroacoacami. ¹¹ Sūegū vāme cūticami ĩoco. To bajiri ĩ rocaroarijune, idiaju ĩase, cojoju cōĭariaro cōro sūese godovedicoacaju oco. To bajiri tire idicōari, jājarā masa bajireacama.

¹² ĩna beroagu juticami quēna. ĩ jutirone, ũmūagu muiju, ĩamiagu quēne, ĩocoa quēne, ĩna busurūgūro cōro busubeticama ĩna yuja. Idiaju cōro, cojoju cōĭariaro cōro busuboariarā, busubeticoacama ĩna. Cojorāmū jediro busuboare, babari horari busumasibeticami. ĩamire quēne, ĩamiagu muiju, ĩocoa quēne, cojo ĩami jediro busuboare, babari horari busumasibeticama. To bajiri, ũmūa, ĩami quēne ĩna busubetijare, buto rētiacaju.

¹³ Tiju bero, ō vecaju ga ĩ vusere ĩacaju yū. Vugune ado bajise ruyugoaro goticami:

—Buto gūiose ĩaruarōja adi macarucuroanare. Buto rojose tāmucuarāma ĩna. Ángel mesa idiarā, ĩna jutiroti ruyaja. ĩna jutirone, buto rojose tāmucuarāma adi macarucuroana — yigoticami ga.

9

¹ To bajiro ĩ yigotiro bero, cojomocārācū tūacū juticami ángel. ĩ jutirone, sīgū ĩoco adi macarucuroju ĩ quedirujiato ĩacaju yū. ĩ ĩacami tūabetigoje ĩna tubiberiagojere jānariarore Dios ĩ ĩsicacū. ² Quedirujiacōari, ti gojere jānacami. ĩ jānarone, jairime jeame ti buemūjarore bajiro buemūjacaju. Jairo buejūmūcōari, rētiacoacaju. To bajicōari, ruyubeticami muiju quēne. ³ Bueri vatoaju joreroa jājarā vūbatecama, adi macarucurore. Cotibaja ĩ toarore bajiro ĩnare toaroticami Dios. ⁴ “Tare, yucūrire, no bojase judisere barojobesa mūa”,

Dios ĩ yicana ñacama ĩna. “Īna riovecare, ‘Āni ñaami Dios yu’ yi vāme ucatu ecomena rĩrene rojose yiruarāja m̄ua”, Dios ĩ yiroticōacana ñacama. ⁵ Īnare gōjanabiorotiboarine, s̄iarotibeticami Dios.

–Cojomocārāc̄u muijua, cotibaja ĩ toarore bajiro ĩnare toarūgūr̄uarāja m̄ua –Īnare yiroticami.

⁶ –Tocārāc̄u muijuane b̄uto rojose tām̄uorā ñari, b̄uto bajirear̄uaboar̄uāma. To bajiboarine rijamasibetir̄uarāma ĩna –Īnare yicami Dios.

⁷ Yu ĩajama, s̄iarimasa, gāmerā s̄iaruarā caballo mesare ĩnare toose turiarāre bajiro bajirā ñacama joreroa. Īna r̄ujoari joere orone quēnoribedorire bajise jeocama. Īna riogarima, masu riogare bajise ñacaju. ⁸ Yoese joa c̄uticama. To bajicōari, yai, león vāme c̄utiḡu gujire bajise jacase guji c̄uticama. ⁹ Īna ruj̄arire toose cōme gase ñacaju. Īna v̄ajama, b̄uto bus̄ucaju. Gāmerā s̄iaroana, caballo mesa jairo t̄unuricori ĩna t̄uavatore bajiro ocaruyucaju ti. ¹⁰ Cotibaja ĩ toaricare bajise toaricari c̄utirā ñacama joreroa. Īna toajama, cojomocārāc̄u muijua cōro yoaro ti j̄ūnijare, rojose tām̄uorūḡucama. ¹¹ Joreroa uju, ángel rojogu ñacami. To bajicōari, t̄usabetigoje uju ñacami. Hebreo oca rāca Abadón vāme c̄uticami. To bajicōari, griego ye rāca Apolión vāme c̄uticami. “Rearimasu” yire ūni ñaja ti.^d

¹² To bajirone bajicaju joreroa ĩna toase rāca masa rojose ĩna tām̄uoroti quēne. Tire bajirone bajir̄uaroja adi macar̄uc̄uro t̄usarir̄um̄uri rojose ĩna tām̄uos̄uoroti. Tij̄u bero, rojose ĩna tām̄uoroti j̄uaji r̄uyacaju quēna.

¹³ Joreroa ĩna toaro bero, cojomo cōro coja jēnitarirāc̄u t̄usacu ángel juticami. Ī jutirone, Diore rāc̄ub̄uorā, ĩ r̄ijorojua s̄utiquēnase, ĩna soem̄oriaju orone ĩna quēnorijaju ñase barbaricārāca saviari ḡudarecoju ocaruyucaju. ¹⁴ Ī jutirone, ado bajiro ocaruyucaju:

–Riaga, Éufrates vāme c̄utirisa t̄uju barbaricārāc̄u ángel mesa rojose yirāre yu siac̄ūcanare ōjaaya –yi ocaruyucaju.

¹⁵ To bajiro ti yi ocaruyujare, “Īdiaju ñaboariaju, cojoj̄anare masare s̄iajeoc̄oato” yigu, ĩnare ōjacami. “Tirodone, ĩ muijune, tir̄um̄ane, ti horane masare s̄iar̄uarāma” ĩ yit̄uō̄iararore bajirone ĩna yirotire yigu, ĩnare siac̄ūñuju Dios. ¹⁶ Īnare ĩ ōjaro bero, jājarā masu, surara mesa, caballo joeju jesarāre ĩacaju yu. “Doscientos millones ñaama” yi ocaruyusere ajicaju yu.

¹⁷ Yu ĩajama, ado bajiro bajicama: Īna ruj̄arire toose ricati r̄ĩne ñacaju. Gājerā s̄ūase, gājerā ūm̄agaserore bajiro s̄ūmese, gājerā surise s̄āñacama. Caballo mesa, yai, león vāme c̄utiḡu

^d 9:11 Apolión ti gotijama, “Rearimasu” yire ūni ñañuju.

rujoare bajiro rujoari cuticama ĩna. ĩna riseriju budicaju jea bueri. To yicōari, rojose sutise azufre vāme cutise quēne budicaju. ¹⁸ Idiaju ĩaboariaju, cojojmanare masare sĳajeocōacaju ti, caballo mesa riseriju budicati. ¹⁹ ĩna riseri budise s̄orine gūiorā masu ĩacama. ĩna ĳicorori quēne āñare bajise ĩacaju. To bajicōari, āña ĩ rujoa rāca ĩ cūnirore bajiro gūioro yise ĩacaju.

²⁰ Jājarā ĩna sĳaecosere ĩaboarine, ĩna sĳaracanaɳama ado bajiro rojose yicōa ĩarūgūcama: Vātiare rūcubuoocōa ĩarūgūcama. To yicōari, rūcubuoogārā ĩna quēnoriarā ĩacama: Oro, plata, bronze, gūta, yucú quēne ti rāca quēnocōari, rūcubuoogā ĩacama. ĩna quēnoriarā, ĩase me, vase me, ajise me ti ĩaboajaquēne, tire rūcubuoocōa ĩarūgūcama. ²¹ To yicōari, gājerāre sĳacōa ĩarūgūcama. Masare rojacōa ĩarūgūcama. Dios ĩ bojabetire ajeriarā cuticōa ĩarūgūcama. To yicōari, juarudicōa ĩarūgūcama.

10

Ángel, papera tūnariajotiaca c̄uog̃ ĩ bajire queti

¹ Tiju bero, gajeye ado bajise bajicaju: Sĳgū ángel, gājerā ángel mesa rētoro tutuag̃, ō vecaju buerigaseri vatoaju rujiacami. Ado bajiro bajicami: ĩ rujoa vecare buerimam̄ ĩacami. ĩ riogama, muiju ūm̄ag̃are bajiro busucaju. ĩ ĩic̄g̃g̃ri quēne, jeare bajise yaacaju. ² Papera tūnariajotiaca ōjacōari c̄uocami. Rujiejacōari, ĩ g̃ubo riojojacat̄aj̄na, moa riagaju c̄darocarocacami. Gācojacat̄na g̃ubo boej̄na c̄dacūcami. ³ To yicōari, ruyugoaro avasācami. Yai, león vāme cutig̃ ĩ avasārore bajiro ruyucaju, ĩ avasācati. Ruyugoaro ĩ avasārone, cojomo cōro, j̄na jēnituarirāc̄u b̄joa ĩarā ĩre c̄di ocaruyucama. ⁴ ĩna c̄di ocaruyusere ajicōari, ucag̃ag̃ yiboacaju ȳ. Tire ucag̃ag̃ ȳ yirone,

–Tire ucabesa. To yicōari, gājerāre gotibesa –ȳre ȳi ocaruyucaju, ō vecaju.

⁵ To bajise ti ȳi ocaruyuro bero, cojojacat̄na g̃ubo moa riagaju c̄darocarocōari, gaje g̃ubo boej̄na c̄dacūcōari, ĩ āmo riojojacat̄na ĩ ĩum̄osere ĩacaju ȳ. ⁶⁻⁷ “ ‘Ȳu goti-rore bajirone bajir̄aroja’ ĩre man̄i yimas̄irotire” ȳig̃, ado bajise yicami ȳre ruyuaĳocac̄u:

–Catim̄or̄g̃ōroc̄, Dios, ō vecaye, to yicōari, adi macar̄c̄roaye jediro rujeocac̄, ĩ ĩaro rĳoroj̄na riojo ȳu gotir̄g̃ūrore bajirone ado bajise yaja ȳ: Cojomo cōro j̄na jēnituarirāc̄u t̄sac̄u ángel ĩ jutit̄sarir̄marone, masa ĩna masibeticati, “Ado bajiro ȳig̃c̄aja ȳ” gotir̄ētosarimasare ĩnare ĩ yicatore bajirone ȳjeoc̄ar̄c̄ami Dios, yicami ȳre

ruyuañocacu. “To cõrone yijeorucuja yu” ĩ yitaoñariaju ejaja –yicami yuja.

⁸ To ĩ yiro bero, õ vecaju yu ajicati quẽna ado bajiro yure gotirẽmo ocaruyucaju:

–Ángel riojojacatuã gubo moa riagaju cudarocaroadõari, gaje gubo boeju cudacũõõari ñagũ tãju vasa. Papera tũnariajotiaca ĩ cõorijotire ãmiaya –yure yi ocaruyucaju.

⁹ To bajiro ti ocaruyusere ajicõari, ángel tãju vacaju yu. ĩ tãju ejacõari,

–Tijotiacare yure ĩsiña –ĩre yisẽnicaju yu.

To yu yisere ajicõari, yure ĩsigãne, ado bajiro yure yicami:

–Ũma. Baya mu. Adijotiacare mu barone, beroa ocore bajiro ibisitirũaroja mu riseju. To bajiboarine, mu baro bero, mu gũdajoaju sũecoarũaroja –yure yicami.

¹⁰ To ĩ yijare, tijotire ãmicõari, bacaju yu. Beroa ocore bajiro ibisiticaju. To bajiboarine yu baro bero, yu gũdajoaju buto sũecaju. ¹¹ Yu baro bero, ado bajiro yure goticami ĩ quẽna:

–Masa tocãrãca macana, cojo masa jũna ruyabeto, cojo oca ruyabeto ñagõrã, to yicõari, cojo sita ruyabetoana ĩna ujarã quẽne ĩna bajiro tire goti rĩjoro yiro ti ñaja mure quẽna –yure yicami.

11

Juarã Cristore gotirẽtobosarimasa ĩna bajiro ti queti

¹ To ĩ yiro bero, cõñariare yure ĩsicami ángel. ĩ ĩsirone, ado bajiro yure yi ocaruyucami Dios:

–Tiũ rãca yure yirũcũbuoriavire cõiaaya. Yure rũcũbuorã ĩna soemũorijure quẽne cõĩama. To yicõari, “¿Nocãrãcu masu ñati yure rũcũbuoriaviju rẽjarã?” yigũ, ĩnare cõĩama. ² Ti vi tu ñaritũcurorema cõĩabesa. Yure ajimena yatũcuro ñarũaroja ti tũcuro. Tojũre idia cãma gaje cãma gũdareco cõro yu ya macajũre rojose yicudirũarãma ĩna. ³ To bajiri juarã yure gotirẽtobosaronare cõarucuja yu. Idia cãma, gaje cãma gũdareco cõro yure gotirẽtobosa ñarũarãma ĩna. “‘Sũiritiama’ yĩĩato” yimasiore sudi sãñacõari, gotiñarũarãma –yure yi ocaruyucami Dios.

⁴ ĩna juarã gotirẽtobosarimasa ĩna ñajama, adi macarũcuro uju, Dios ĩaro rĩjorojuã, ju olivo vãme cutiũri, to bajicõari, sũabusuojeoriajũri, juaju ti ñarore bajiro ñarã bajicama.

⁵ Gotirẽtobosarimasare ĩaterã, ĩnare rojose ĩna yirũaboajama, ĩna riseriju jea budicaju. Ti rãca ĩnare soereajeocõacama ĩna.

⁶ Oco quedise ĩna bojabetijama, “Oco quedibeticõato” yirã ñacama. To bajiri, Diore ĩna gotirẽtobosarirodo cõrone “Oco quedibeticõato” yicama. Ocore quẽne, ri'i godoveomasirã

ñacama. To yicōari, adi macarucuroanare, no ñna bojase “Rojose tãmuoato” yimasirã ñacama. No ñna bojarore bajiro tire yimasirã ñacama.

⁷ Diore ñna gotirētobosa gajanorone, ñnare sïagragu ñna tujũ mɔjajecami tɔsabetigojeagu gũioгу. To bajicōari, ñnare sïareacami. ⁸ Ñnare sïareacōari, jairimaca varia maaju ñna rujurire cūcami. Mani ɔjũre ñna jajusĩacati maca ñacaju ti maca. Ti macana bũto rojose yirã ñnari, Sodoma macana ñamasiriarã, to yicōari, Egipto sitana ñamasiriarãre bajiro yicama ñna. ⁹ To bajiri gũioгу ñ sïacana idiarũmu gajerũmu gũdareco maaju cũñacaju ñna rujuri. Masa ñajediro, cojo jũnana ruayabeto, cojo sitana ruayabeto, ñna rujurire ñacama. Sïgũri, ñacōari, ñna yujerũaboajaquẽne, ñnare maticami gũioгу. Bũto ñna ñaterã ñna ñajare,

—Ñnare yujebeticōato —yicama masa. ¹⁰ Gotirētobosarimasa ñna rijacoajare, jãjarã masa, bũto variquẽnacama. Variquẽnarã ñnari, vaja manone gajeyeũni gãmerã ñsicama.

—Ñna jũarã manire rojose yibetirũarãma yuja — yivariquẽnacama.

¹¹ To bajiro ñna yiboajaquẽne, idiarũmu gajerũmu gũdareco tɔsatone, ñnare catiocami Dios. To ñ yijare, tudicaticōari, ñna vũmarũgũsere ñaucacōari, bũto gũicama masa. ¹² To ñna bajirone, õ vecaju ruugoaro ado bajise ocaruyucaju:

—Adojuũa mɔjaaya —yĩ ocaruyucaju.

To bajiro yĩ ocaruyucature ajicōari, masa ñnare ñaterã ñna ñarone, buerigaseri vatoaju mɔjacoacama ñna. ¹³ Ñna mɔjatone, adi macarucuro bũto sabecaju. Ti saberone, ti macare mil ñnariviri ti ñajama, cien ñnariviri juriavejajaju. To ti bajirone, siete mil masa bajireacama. Gãjerã, catirũyarã, ñaucacoacama ñna quẽna. Bũto gũirãne Diore rucubũocama.

¹⁴ To bajiro ñna bajicati, jũaji bajitɔsacaju. Yoato mene rojose tãmuocama ñna quẽna.

Cojomo cõro juũa jẽnituarirãcu tɔsacu ángel trompeta rãca ñ jutitɔsare queti

¹⁵ Masa Diore ñna rucubũoro beroacane, cojomo cõro juũa jẽnituarirãcu tɔsacu, Dios tɔagu ángel jutitɔsacami. Ñ jutirone, õ vecaju jãjarã masa ñna oca jedirore bajiro ruugoaro ado bajiro yĩ ocaruyucaju:

—Dios manĩ ɔju, Cristo quẽne, ñajediro ɔjarã masu ñaama yuja. Adi macarucuroana ñajediro, rojose yirã quẽne, cũdibetirũaboarine, ñna bojarore bajiro rĩne ñna cũdirotire yirã, yama. To ñna yijare, ñimarãjuũa ñnare cũdibetirona manirũarãma yuja. To bajiro rĩne rotirũgũrũarãma —yĩ ocaruyucaju, õ vecaju.

16-17 Ti ocaruyusere ajicōari, veinticuatro ñarã bucurã, Dios rĩjorojua, ɯju ya cūmuroriju rujiriarã ñari, rūjuqueacōari, sitaju muqueacoacama ña. To bajiro yicama, ñe rucubhorã. To yicōari, ado bajiro Diore basarucubhocama:

—Ñajediro masijeogu ñaja m. Tirūmuju ñamasir'i ñaboarine, adirūmurire quēne ñacōa ñarūgūgū ñaja m. To bajiri quēnaro rotisogū yaja m. Tire tuoñacōari, “Quēnaro yaja” mure yivariquēnaja yua.

18 Mure masimena bto mure jūnisiniadicama ña. Yucarema, mju, ñare ñajūnisinicōari, rojose ña yise vaja rojose m yirotirūm ejacoaj. Rojose ñare yicōari, mure gotirētobosarimasare, to yicōari, m yarã, mure rucubhorã ñamasurã, ñamasumena quēne, ña jedirote quēnaro ña yire vaja, quēnaro ñare yirucuja m. Adi macarucuroanare gājeräre rojose yiräre rojose tāmnotujabetiriaroju ñare m rearotirūm ejacoaju yuja —Diore yibasarucubhocama, Dios rĩjorojua muqueacana.

19 To ña yirone, õ vecaju Diore rucubhoriavi soje jānacoacaju. To bajirone, ti vi jubeajure Dios ñ rotimasire sãñarijataro ruyucaju. Ruyucōari, tijne bto bju yabecōari, jacami. To bajicōari, bto güiuro ocaruyucaju. To bajicōari, sita sabecaju. To bajicōari, yusjedise oco veta bto vējacaju.

12

Rōmio tju gusore bajigu ñagūro ñ bajire queti

1 Bero, õ vecaju ũmagaserojare, gaje vāme ñamasuse bajirotire ñoro ruyucaju. Ñasose rōmio ruyucamo. ũmagu muiju ñ yaasere bajiro yaarito sudiro sãñagõ ñacamo. Ñamiagu muiju joere rūgõcamo. So rujoa jeoriabedore juaāmo cōro, ju jēnitiuarirācu ñocoa ñacama. ² Macu sãñagõ ñari, macu cutigoago, bto visigone avasācamo so. ³ Tiju bero, quēna õ vecaju, gaje vāme ñamasuse bajirotire ñoro ruyucaju. So tju gusore bajigu ñagūro, sūagū ñacami. Cojomo cōro ju jēnitiuarirāca rujoari cuticami. To bajicōari, juaāmo cōro jotari cuticami. To bajicōari, tocārāca rujoari joere ɯjaräre rotibosarã ye jeoriabedori jeocami. ⁴ To bajicōari, ñocoa idiaju ñaboariaju, cojomanare ñ jĩcoro rāca ñare javējacami, adi macarucuroju. ñare javējacōari, rōmio rĩjorojua ejarūgū ejacami, so macu cutirone ñe s̄abarā. ⁵ To ñ bajirone, masa jediro ɯju ñarocure, macu cuticamo so. ñ ñacami bto rotirocu. Gusore bajigu ñagūro sūcare ñ barujare, ñe so macu cutirone, āmimujacōari, ũju Dios ya cūmuroju ñe rojocama, sūcare. ⁶ Rōmioju quēne, gusore bajigu ñagūrore rudiacōari, masa ña ñabetoju, “Toju

ñarucocomo” Dios ĩ yiriajare ejacamo. Tojare idia cūma gaje cūma gūdareco cōro sore codeñacami Dios.

⁷ Sore ĩ codero bero, õ vecajũ ĩna gãmerã quẽaro ĩacajũ yũ. Miguel rãcana ángel mesa, vãtia uju, gũsore bajigũ ñagũro yarãre quẽacama ĩna. ⁸ Gũsore bajigũ ñagũro yarãjũna, quẽatĩmabeticama. To bajiri Miguel rãcanajũna, ĩnare quẽatĩmacõari, ĩnare bureacõacama, õ vecajũre. ⁹ To bajiro ĩna yijama, tojare ñabeticõari, adi macarũcũroju ĩna ñarotire yirã, yicama. Gũsore bajigũ ñagũrore yũ yijama, vãtia uju Satanás yigũ yaja. Adi macarũcũro masa ñajedirore “Dios ĩ bojabetire yato” yigũ, yitorimasũ ñaami. Cojojirema, diablo ĩre yire ñaja. Tirũmũju ãñare bajigũ ñacõari, yitomasir'i ñaami.^e

¹⁰ Tijũ bero, õ vecajũ ruyugaro ado bajiro ocaruyucajũ:
—Masa, ĩre ajitirũnrã, rojose tãmũotũjabetiriaroju ĩna vaborotire ĩnare Dios ĩ yirẽtobosariju ejacoaju yuja. Adi macarũcũro ñajediroana, rojose yirã quẽne, cũdibetirũaboarine, ĩna cũdirotire yirã, yama Dios, mani uju, Cristo quẽne. To bajiro ĩna yijare, ũmũari, ñamiri quẽne Dios rĩjoroju rũgõcõari, masare mani mairãre Cristore ajitirũnrãre “Rojose ñaja” ĩnare yĩñagõmacarũgũboagũre Satanás ĩre burocacõamũ mani yuja.

¹¹ Cristo oca riojo gotisere ajicõari, “Ĩ rijabosare sũorine rojose yũa yise vaja, yũare vaja yijeobosayumi Cristo” yitũoĩacõari, ĩ yere gotitũjamena ñari, sĩaecoyuma. To bajiro yitũoĩacõari, ĩna gotitũjabetijare, adojuare ñamasibeami Satanás yuja, “Rojose yama. To bajiri rojose ĩnare yiroti ñaja” masare ĩnare yigoti yiroboagũ.

¹² To bajiri adojuare Satanás ĩ ñamasibetijare, variquẽnato mani. Mani variquẽnaboajaquẽne, macarũcũroanare, riagarianare quẽne, bũto rojose bajirũaroja. Macarũcũrojuare mani rocagũ, “Yoaro mene yũ bojarore bajiro yũ yitũjarotire yirũcũmi Dios” yimasicõari, bũto jũnisinigũmi —yĩ ocaruyucajũ, õ vecajũ.

¹³ “Õ vecajũ ñagũre yũre rocarujioyuma Dios yarã, adi macarũcũroju yũ ñarotire yirã” yitũoĩamasicõari, rõmio macũ cuticacore sũyacami gũsore bajigũ ñagũro. ¹⁴ Sore ĩ sũyaboajaquẽne, ga jaigũ querũjari sore ĩsicami Dios, so vũrotire yigũ. “ ‘Masa ĩna ñabetoju, toju ñarucocomo’ Dios ĩ yiriajare vũ ejacõari, quẽnaro ñato” yigũ, sore ĩsicami. Tojare idia cūma gaje cūma gūdareco cōro bare sore ecacõari, codecami Dios. ¹⁵ So vũrudisere ĩacõari, sore sĩaũacami gũsore bajigũ ñagũro. To bajiri ĩ riseju jairo oco yibucami, sore ruurũ. ¹⁶ To bajiro ĩ yiboajaquẽne, sita sore ejarẽmocajũ.

^e 12:9 “Yitorimasũ” yirũaro yaja diablo ti yijama.

Oco ĩ yibuboasere udijuajeocđacaŋu. ¹⁷ To bajiro ti bajiro ĩacđari, buto sore jŋnisiniciami gusore bajigu ŋagũro. Sore sŋamasibeticđari, so jãnerabatiajuare sŋagũ vacami yuja. ĩna ŋacama Dios ĩ rotisere cudirã, Jesũs suorine riojo ĩna masisere ajitirũnu tujamena. ¹⁸ ĩnare sŋaru, moa riaga tusaroju rũgđocami gusore bajigu ŋagũro.

13

Īaŋaŋamana gũiorã juarã ĩna bajire queti

¹ Tiju bero, ado bajise bajĩocaju quẽna: Sĩgũ gũioŋu, moa riagaju majadicami. Cojomo cđoro, juã jẽnituarirãca rujoari cuticami. To bajicđari, juããmo cđoro jotari cuticami. Tocãrãca jotari joere ujarãre rotibosarimasa ye jeoriabedori jeocami. To bajicđari, “Dios ŋaami’ yũre yĩato” yigu, tocãrãca rujoariju “Dios ŋaja yu” yisocari vãme ucatu ecoyumi. ² Macarocagu yai, leopardo vãme cutigure bajiro bajigu ŋacami. ĩ guborima, buco guborire bajise gubori cuticami. Yai, leon vãme cutigu risere bajiro rise cuticami. Gusore bajigu ŋagũro, ĩre bajiro ĩ rotimasirotire yigu, ĩ masisere ĩ ujojocacu ŋacami. ³ Coja ĩ rujoare catibetirocare bajiroju jairicãmiro, cãmiro cuticami. To bajiroju bajicđocacu ŋaboarine, “Rijabesujari” yitũoĩacđari, ĩre ajitirũnu suyacama adi macarucũroana jediro. ⁴ ĩre ajitirũnucđari, gusore bajigu ŋagũrore quẽne rucubucocama masa, ĩ masise ĩ ujojocacu ĩ ŋajare. Gãjijuare, yaire bajigu ŋagũre ado bajiro rucubucocama:

—Gãji, ĩre bajiro bajigu magũmi. ĩ rãca ĩna gãmerã quẽajama, ŋimujua ĩre quẽarẽtobecumi —ĩre yirucubucocama masa.

⁵ —Yu ŋaja rẽtoro ŋamasugũ. Ŋimu gãji yũre bajiro bajigu magũmi —yigoticami gũioŋu. To yicđari, Dios ĩ ajitese masu ĩre ŋagđomacacami. Idia cũma gaje cũma gudareco cđoro ĩnare rotiŋacami. To bajiri gũioŋu rojose ĩ yĩnasere, “Tire yibeticđañã”, ĩre yibeticami Dios. ⁶ “Yibesa” ĩ yibetijare, to bajirone goticđã ŋacami: Diore, ĩ ŋarõjũre, to yicđari, ĩ tuanare quẽne rojose ŋagđomacacđã ŋacami. ⁷ To bajiri, Diore ajitirũnũrãre sŋareacđari, adi macarucũro jediroanare roticami. “ĩnare rotibesa” Dios ĩre ĩ yibetijare, to bajiro yicami. ⁸ Adi macarucũro ĩ rujeoroto rĩjoroju, “Ado cđoro ŋaruarãma yu tujũ ŋarũgũrona” Dios ĩ yiriaturũre cũocami oveja macũre bajiro rijabosacacu. To bajiro Dios ĩ yibetiriarã rĩne gũioŋũre ĩre rucubucuarãma.

⁹ To bajiri, adi oca tuũre yu gotisere tuũ ajimasirũajama, quẽnaro ajiya tuũ:

10 “Yñ yarã, Cristore ajitirũnarã, adocãrãcu tubiberiaviju tubibe ecoruarãma” Dios ï yitũoñariore bajiro bajiruarãma. To bajiri, sñaecorona quẽne, “Sñaecoruarãma” ï yiriario cõrone bajiruarãma.

“To bajirone bajiruarõja’ Dios ï yire ñajare, bajiaja” yitũoñarã, Cristore ñna ajitirũnu tñjabetijama, quẽnaruarõja.

11 To bajiro yũre bajĩlocati bero, quẽna gãji gãiõgu sita tũcuroju joe jeaejacami. Oveja macũ mame jotari bugure bajiro jotari cutigu ñacami. To bajiboarine, gũsore bajigu ñagũro, ocare bajiro ñagõcami. 12 Gãji, sita tũcuroju joe jeaejacacũre rotigu ñacami gãiõgu, moa riagaju majadicacũ. Ñre rotigu ï ñajare, ï ñaro rĩjorojuã ejarũgũ ejacõari, jediro ï masise rãca ñre rotibosacami sita tũcuroju joe jeaejacacũ. To yigũne, adi macarũcũro ñarã jedirore, ï ujure rũcũbuoroticami. 13 To yicõari, ñaĩañamanire yĩorũgũcami. To yigũne, masa ñna ñaro rĩjoro õ vecaye jea ujuvẽjase yĩorũgũcami. 14 Gũiõgu, moa riagaju majadicacũ ï masise suõrine ñaĩañamanire yĩõgũ ñari, adi macarũcũro ñarã jedirore ado bajiro ñnare yitocami:

—Moa riagaju majadicacũre jariase rãca ñna jasñaboajaquẽne, rijabetir’i ï ñajare, ñre rũcũbuorã, ñre bajigu quẽnoña. Ñre bajigu quẽnogajanocõari, ñre rũcũbuõya —ñnare yitocami, “Dios ï bojabetire yato” yigu.

15 To ï yitoro bero, ñna quẽnorujeocacũre ñagõgũ ñre godoveocami sita tũcuroju joe jeaejacacũ. To ï yijare, ñagõcõari, ñre rũcũbuõmenare sñacõacami. 16 To yicõari, “Masa jediro ucatu ecoruarãma”, yiroticami. To ï yijare, gajeyeũni jairã, maioro bajirã quẽne, gãjerãre moabosarã, moabosamena quẽne, ñna ãmo riojojacatuare vãme ucatu ecocama ñna. Ñna ãmore ñna ucatubetijama, ñna riovecajuare vãme ucatu ecocama. 17 To bajiro ñna yiecocati, gãiõgu moa riagaju majadicacũ ya vãme ñacaju. To bajiro ti bajibetijama, ï ya nũmerojuã ñacaju. Ti vãme ucatu ecomena, ñsicõari, vaja sẽnimasibeti, ñna bojasere vaja yimasibeticama.

18 To bajiri, ï ya nũmero, 666 ñacaju ti. Umu vãme yire ñni ñacaju ti nũmero. “To bajirivãme yire ñni ñaja” yimasiruarã, quẽnaro ñnare bueroti ñaja.

14

Rojose tãmũotñjabetiriarõju vaboronare Dios ñnare ï yirẽtobosaro ñna basaroti queti

1 Tiju bero, ado bajise bajĩlocaju quẽna: Siõn vãme cuti buro joe rũgõcami oveja macũre bajiro rijabosacacũ. Ñ rãcana ñacama ciento cuarenta y cuatro mil masa. Ñna riovecariju

oveja macure bajiro rijabosacacu vāme, to yicōari, ī jacu vāme ucatu ecoriarā ñacama. ² Bero, ò vecaju oco meniore bajiro ruyugoaro ocaruyucaju. To bajicōari, bujo ī jaro bususere bajiro ruyugoaro ocaruyucaju. To bajicōari, arpa vāme cutise rāca jājarā masa ĩna jabasare bajiro ocaruyucaju. ³⁻⁵ Babaricārācu ĩaĩañamana, to yicōari, busarā, uju ya cūmuro ture ñacama. ĩna ĩaro rĭjoro, ciento cuarenta y cuatro mil masa, mame basa basacama. ĩna rĭne ti basare masicama. ĩna ñacama adi macarucuroana Satanás bojasere yiboariarā, Dios macu ī rijabosare sĭorine, “Ñie rojose mana ñato” yigu, Dios ī yirētosasĭoriarā. To bajicōari, rōmia rāca ajeriarā cutiāmena ñacama. ĩna vatoagu sĭgū socagu manicami. Oveja macure bajiro rijabosacacujare ī bojarore bajiro ĩre ajisuyariarā ñacama.^f

Idiarā ángel mesa Diore ĩna gotirētosare queti

⁶ Bero, ángel ò vecaju ī vsere ĩacaju yu. ĩ ñacami, Dios macu sĭorine quēnaro Dios ī yise quetire gotigu. Tocārāca macanare, cojo masa jūna ruyabeto, ti queti jedibetirotire goticudiguacu bajicami. ⁷ Ado bajiro ruyugoaro goticami:

—Masare Dios ī beserirām u ejacoaju ti. To bajiri, güirāne, “Jediro masigū ñaja mu” Diore ĩre yirucubuoaya. ĩ ñaami ò vecaye, adi macarucuroaye, moa riagari, oco ũmaburigojeri, ñajediro rujeomasir'í. To bajiro yimasir'í ĩ ñajare, ĩre rucubuoaya —yigoticami ángel.

⁸ Bero, quēna gāji ángel ò vecaju ī vsere ĩacaju yu. Ado bajiro goticami:

—Babilonia vāme cuti macana rojose ĩna yirügūse sĭorine masa jediro rojose yirügūboama. To bajiri, ti macanare reacōami Dios yuja —yigoticami.

⁹ Bero, quēna gāji ángel ò vecaju ī vsere ĩacaju yu. Vuvacune, ado bajiro ruyugoaro goticami:

—Güioyu, moa riagaju majadicacure rucubuoarāre, to yicōari, ĩre bajigu ĩna quēnorujeocacure rucubuoarāre quēne rojose yirucumi Dios. ĩ vāmere ĩna āmoriju, ĩna riovecariju ucatu ecoriarāre ĩajūnisinicōari, ĩnare rojose yirucumi Dios. ¹⁰ ĩnare ĩamaibecune, buto rojose ĩna tāmurotire yirucumi Dios. No bojarā güiogure rucubuoarāre rojose tāmurotūjabetiriaroju reacōarucumi Dios. Toju, azufre vāme cutise ũjuñarojore rojose tāmurogūruarāma ĩna. Oveja macure bajiro rijabosacacu ī ĩaro rĭjoro, to yicōari, ángel mesa ĩna ĩaro rĭjoroju rojose tāmurogarāma ĩna. ¹¹ ĩna ũjarimeaye bueri buetūjabetiriaroju. To bajiri, güiogure rucubuoarāre rojose ĩna tāmose jedibetiriaroju. ĩna quēnocacure rucubuoarā, to yicōari, güioyu

^f 14:3-5 Ap 4.2-8; 5.9-10.

vãme ucatu ecocana quẽne, to bajirone rojose tãm̃uoruarãma ãna. ¹² Rojose ãna tãm̃uot̃ujabetirotire t̃uõĩacõari, Dios ã rotisere cãdirãma, Jesũre ajitirũnũ t̃ujabetiroti ñaja m̃uare –yigoticami ángel.

¹³ To ã yiro bero, õ vecajũ ado bajiro yũre yi ocaruyucajũ ti: –Mũre yũ gotisere ucaya. Variquẽnase rãca ñato, manĩ uũjũre ajitirũnũ t̃ujabeticõari, bajirearã –yi ocaruyucajũ, õ vecajũ.

Tire ajicõari, ado bajiro yi ocaruyucami Esp'iritu Santo: –To bajirone bajirũaroja. Josari moarũgũboararã, to cõrone usũsãjaruarãma ãna. Õ vecajũ ãna ejarone, josare ãna tãm̃uogere masicõari ãnare vaja yirũcũmi Dios –yi ocaruyucami Esp'iritu Santo.

“Adi sita ñarãre beseaya”, Dios ã yire queti

¹⁴ To ã yiro bero, buerigaseri quẽnaro botise ãacajũ yũ. Ti jore masũre bajiro rujigũre ãacajũ. Ì rũjoare oro bedo jeocami. Jariase b̃ujariasere c̃uocami. ¹⁵ Gãji ángel Diore rũcũb̃uoriavijũ ã budiro ãacajũ yũ. Buerigaseri joejũ ñagũre ruyugoaro ado bajiro goticami:

–Ote rica b̃ũcũacoajũ. To bajiri ricare jasurejuaaya –ĩre yigoticami ángel.

¹⁶ To ã yisere ajicõari, buerigaseri joejũ ñagũ, quẽnase rĩne besecõari, jasurejuacami.ğ

¹⁷ To ã yiro bero, õ vecajũ Diore rũcũb̃uoriavijũ gãji ángel budiadicami quẽna. Ì quẽne, jariase b̃ujariasere c̃uocami. ¹⁸ Ì bero, vadicami gãji ángel. Diore rũcũb̃uorã, ãna soem̃oriajũ t̃ujũ ñar'i, jeare codegũ ñacami. Diore rũcũb̃uoriavijũ budiadicõari, jariase c̃uogũre ruyugoaro ado bajise goticami:

–Macarũcũroaye uye ñicoajũ. To bajiri m̃ũ jariase rãca jasurejuaaya –yigoticami.

¹⁹ To ã yisere ajicõari, ti rica rojosere jasurejuacami. Juacõari, ti oco rijerotijũjũ cũcami. “Masa rojose ãna yisere ãajũnisinicõari, b̃uto rojose ãnare yirũcũmi Dios”, yire ãni ñacajũ ti. ²⁰ Maca sojũajũ cũdaabocama, uye. Ìna cũdaaborone, uye oco ñaboasene ri'i godovedicõa yujacajũ. Trescientos kilõmetros yoaro ri'i ãmayucajũ. To bajicõari, caballo rũjoa tũsarijũ cõro ãcũaro ãmayucajũ.

15

Adi macarũcũroanare rojose Dios ã yiro tire ãre ãna yibosare

¹ Tijũ bero, quẽna õ vecajũ ãlaãñamani gũiose ãacajũ yũ. Ángel mesa, cojomo cõro jũa jẽnituarirãcũ ñarã ñacama. “Bero, adi macarũcũroanare cojomo cõro jũa jẽnituarorãcãji ricati rĩne

rojose yiruarāma” Dios ī yicūriarā ñacama. “Īna suorine yure ajiterāre rojose ĩnare yirotiyeocōarucija yu” yigu, ī yire ñacaju.

² Riaga jairisa oco botirisa ñacōari, quēnaro ruyurisa ĩacaju yu. To bajicōari, jea vusarisa ñacaju. Tiya tujū masa rūgōcama. Īna ñacama güiogure, moa riagaju majadicacure, to yicōari, ĩre bajigu ĩna quēnorujeocacure ajibeticana. Īna riovecarire güiogū ya número ucatu ecobeticana ñacama. Arpa vāme cutise jabasare Dios ī ĩsire cūocama ĩna. ³ Moisés, Dios ī bojasere yimasir’i ī basamasirere, to yicōari, oveja macure bajiro rija-bosacacū ī basacatire tūoĩacōari, ado bajiro Diore basacama:

—Mu ñaja yua ujū, ñajediro masijeogu. Nīmujua gāji mure bajiro masigū magūmi. Īaĩañamanire, to yicōari, ñajediro quēnase mu yirere tūoĩacōari, “Quēnaro yiyuja” mure yaja yua. Masare quēnaro riojo yigu ñaja mu. To bajicōari, mu yirore bajiro yigu ñaja mu. Adi macarucuro ñarā jediro ujū ñaja mu.

⁴ Mure güijediruarāma masa. Mure güirāne, “Rētoro masigū ñaami” mure yirūcubūoruarāma. Mu sigūne ñaja cojoji rojose yĩabecu. Quēnaro riojo yigu mu ñajare, mure quēnaro rūcubūoruarāma adi macarucuroana jediro — Diore yibasacama.

⁵ To bajiro ĩna yibasaro bero, ō vecaju Diore rūcubūoriavi ti jānasere ĩacaju yu. To yicōari, Dios ī ñarisōa ti jānasere ĩacaju yu. ⁶ Diore rūcubūoriavijū cojomo cōro jua jēnitarirācū ángel mesa, “Adi macarucuroju rojose yure yibosaruarāma” Dios ī yicūriarā, ĩna budisere ĩacaju yu. Sudi ueri mani quēnaro botise sñacama ĩna. To yicōari, orone ĩna quēnoria gaserore cotitēroju tūsarigaserore vēñacama. ⁷ To yicōari, barbaricārācū ĩaĩañamana rācagu, sigū, cojomo cōro jua jēnitarirācū ángel mesare tocārācūgene orone ĩna quēnoriabajari, masare rojose Dios ī yiroti jūmuro sñaribajarire ĩnare ĩsicami. Dios ñaami ñacōa ñarūgūrocū. ⁸ Tibajari ĩnare ī ĩsirone, “Quēnarētogū ñaja yu” Dios ī yĩose, ī masise quēne, jea bueri buejūmūcoacaju Diore rūcubūoriavi yuja. Nīmujua ti buerone, sājariaro manicami. Cojomo cōro jua jēnitarirācū ángel mesa rojose yirona, ĩna yigajanobetone, ñīmujua sājariaro manicami, Diore rūcubūoriavijure maji.

16

Rojose sñaribajari queti

¹ Diore rūcubūoriavi ti bueñarone, ti vijūne ocaruyusere ajicaju yu quēna. Cojomo cōro jua jēnitarirācū ángel mesare ado bajiro goti ocaruyucaju ti:

—Masa rojose ĩna tãmuorotire yirã, muã cuoribajare adi macarucuro joeju yuejeoya. Ti ñaja masa rojose ĩna yisere yu ĩatese —yi ocaruyucaju.

² To ti yirone, ñasugũ ángel ĩ cuoribajare adi macarucuro joeju yuejeocami. To bajiro ĩ yirone, güiogũ, moa riagaju majadicacure bajigu ĩna quẽnorujeocacure rucubucõari, ĩ vãme ucatu ecocanare ĩna rujare bato jũnise cãmi joe jeacaju.

³ Quẽna ĩ beroagu ángel, ĩ cuoribajare moa riagaju yuerearodecami. ĩ yuerearoderone, ri'i godovedicoacaju oco. To bajicõari rijar'i ri'ire bajise ñacaju ti. To bajiro ti bajirone, tiyaju ñaboariã jediro rijajedicoacama.

⁴ Juarã berore quẽna gãji ángel ĩ cuoribajare, riagariju, oco umaburigojerire quẽne yuerearodecami. To ĩ yirone, ri'i godovedicoacaju, riagari quẽne. ⁵ To bajise ti bajirone, ángel, oco codegu, ado bajiro ocaruyucami, Diore gotigu:

—Mu ñaja rojose yĩabecu. Tirũmũju ñamasir'i ñaboarine, adirũmurire quẽne ñacõa ñagũ ñaja mu. Masa rojose ĩna yisere ĩajũnininicõari, “Ocore, ri'i godoveocõaca” mu yijama, quẽnaja.

⁶ Masare mu yarãre sãacama ĩna. Mure gotirẽtobosarimasare quẽne, to bajirone yicama ĩna. To bajiri, “Ri'i idiato ĩna rojose yicana” mu yijama, quẽnaja —yi ocaruyucami ángel, oco coderimasu.

⁷ To ĩ yi ocaruyusere ajicõari, Diore rucubucorã ĩna soemũoriaju cutojũ quẽne ado bajise ocaruyucaju, Diore gotiro:

—Riojo ñaja. To bajirone bajiaja. Yna uju, masijeogu ñaja mu. To bajigu ñari, masa rojose ĩna yise vajare, riojo vaja yaja mu —yi ocaruyucaju.

⁸ ĩna bero babaricãrãcu tusacu ángel, ĩ cuoribajare muiju joere yuejeocami. To ĩ yirone, ĩ asise rãca masare soecami muiju. ⁹ ĩnare ĩ soeboajaquẽne, rojose ĩna yisere yitũjabeticama. To bajicõari, masirẽtogũre Diore rucubucobeticõari, rojose ñagõmacacama ĩna.

¹⁰ ĩna bero, cojomo cõro tusacu ángel ĩ cuoribajare, güiogũ moa riagaju majadicacu, rotigu ĩ rujiri cũmuro joere yuejeocami. To ĩ yirone, güiogũ ĩ rotirã ĩna ñari sita jedirone rẽtiacoacaju. To bajiri, rojose tãmuorã ñari, visiorã, ĩna ñemerori cũnicama ĩna. ¹¹ To bajiboarine, rojose ĩna yisere yitũjabeticama ĩna. “Rojose tãmuoato” Dios ĩnare ĩ yijare, ĩre rojose ñagõmacacama ĩna.

¹² ĩna bero cojomo cõro coja jẽnituarirãcu tusacu ángel ĩ cuoribajare, Éufrates vãme cutiyaju yuerearodecami. To ĩ

yirone, oco manicoacaju, “Muiju ĩ jiadojua vaná, ujarã jẽato” yiro.

¹³ To ĩ yiro bero, vátia tũjare bajirã ñarãre idiarã ĩacaju yu. Sĭgã, gusore bajigu ñagũro riseju budiadicami. Gũiogũ, moa riagaju majadicacu, riseju budiadicami gãji. “Diore gotirẽtobosarimasu ñaja yu” yitogu, riseju budiadicami gãji. ĩne ñacami sita tũcuroju joe jeadicacu. ¹⁴ To bajiri, adi macarũcũroana ujarã ñajedirore rẽocõari, masirẽtogũ Dios masare ĩ beserirũmu ti ejaro, Dios yarã rãca ĩna gãmerã quẽarotire yirã, vacama. ĩna ñacama ĩaĩaĩamani yĩĩorũgũrã.

¹⁵ ĩ sĩaecoroto rĩjoro ado bajiro yicami Cristo: “Quẽnaro ajiya muã. ‘To cõro ejarũcũja yu’ juarudirimasu ĩ yigotibetire bajiro tudiejarũcũja yu. To bajiro yu bajirotire ĩ masicõa ñajama, yu tudiejarõ, variquẽnarũcũmi. Masiritigũjuma, sudi magũ gãjerã ĩna ĩaro rĩjorojua bojonegũre bajiro bajirũcũmi”, yicami Cristo, ĩ sĩaecoroto rĩjoro.

¹⁶ To bajiri, Hebreo oca rãca Armagedón vãme cutoju ujarãre rẽocama vátia.

¹⁷ To bajiri, cojomo cõro coja jẽnituarirãcu beroagu, ĩ ñacami tusagu ángel. ĩcũoribajare õ vecaju yuebatecami. To ĩ yirone, õ vecaju Diore rãcũbũoriaviju rotigu ĩ rujiri cũmuroju ado bajiro ruyugoaro ocaruyucaju:

—To cõrone ñaja yuja —yi ocaruyucaju, õ vecaju.

¹⁸ To ĩ yirone, bũto bũjo yabecõari, jacami. To bajicõari, gũiose ocaruyucaju. To bajicõari, sita bũto sabecaju. Adi macarũcũroana ĩna sabe ecoriario rẽtoro sabecaju. ¹⁹ Ti saberone, jairimaca, Babilonia vãme cõtĩ maca, idiaju baterũgũcaju. To bajicõari, adi macarũcũroaye macari jediro sita ti saberone, vẽjajedicoacaju. Babilonia macana rojose ĩna yimasirere masiritibeticõari, bũto rojose ĩnare yicami Dios yuja. ²⁰ To bajicõari, yucũyoari, gũtayucari quẽne yayijedicoacaju. ²¹ To bajicõari, õ vecaye oco vetacujiri vẽjacaju. Cuarenta kilos rẽtoro rãcũricujiri ñacaju ti. Tire tãjo ecocõari, bũto rojose Diore ñagõmacacama masa.

17

Gãjerã rãca ajeriarã cõtĩrio rojose so tãmuore queti

¹ To yicõari, cojomo cõro jua jẽnituarirãcu ángel mesa rãcagu orobaja cũocacu yu tũju ejacami. Ejacõari, ado bajiro yũre goticami:

—Adojua vayá. Riaga jairisa tũju ñagõ, jãjarã ũmuã rãca ajeriarã cõtĩgo rojose so tãmuorotire muãre ĩoru yaja. ² To bajiro rojose yigo ñari, adi macarũcũroanare, ĩna ujarãre quẽne, rojose ĩnare yĩmescũorũgũamo —yũre yicami ángel.

³ To ĩ yirone, Esp'iritu Santo ĩ masise s̄orine ado bajise ĩacaj̄u ȳu: Masa manoju ȳure āmiacami āngel. Toju ejač̄ari, ḡüioḡu s̄üaḡure ĩacaj̄u. ĩ joere jesacamo r̄omio. So jesaḡure Dios ĩ ĩateri vāme ucat̄ure tuyacaj̄u. Cojomo c̄oro juā j̄enituarirāca r̄ujoari c̄uticami. To bajic̄ari, juāāmo c̄oro jotari c̄uticami. ⁴ ĩ joe jesago, s̄uariase sudiro s̄āñacamo. Gajeyeūni jairo vaja c̄uti c̄uocamo so. Ti ñacaj̄u oro, to yic̄ari ḡūta jairo vaja c̄uti, perla vāme c̄uti quēne. To yic̄ari, orobaja c̄uocamo. Tibajare rojose so yise s̄āñacaj̄u. ⁵ So riovecare masa ĩna masibeti vāme ucatu ecorio ñacamo. Ado bajiro goticaj̄u ti vāme: “Jairimaca Babilonia vāme c̄utigo ñaamo adio. So s̄orine jediro rojose masa ĩna yijare, ‘Ajeriarā c̄utirā jaco’ to yic̄ari, ‘Rojose jediro jaco ñaamo’ ” yirivāme ñacaj̄u so rioveca tuyari vāme. ⁶ To bajic̄ari, “Adione ñaamo Dios yarāre s̄ario, to yic̄ari, Jes̄ure ajitir̄un̄u t̄ujamenare s̄iavariquēnaḡō”, yīāmasicaj̄u ȳu.

“Rojogo masu ñaamo” yīāmasic̄ari, no yimasibeticaj̄u ȳu.

⁷ To bajiro ȳu bajirone, ado bajiro ȳure goticami āngel:

—Sore m̄u ĩase, masa ĩna masibeticatire, m̄u masirotire yiḡu, m̄ure gotimasioğ̄u yaja ȳu: Ḡüioḡu, cojomo c̄oro juā j̄enituarirāca r̄ujoari c̄utic̄ari, juāāmocārāca jotari c̄utigu, sore ĩ āmisere m̄u ĩajama, ado bajiro yire ũni ñaja: ⁸ Ḡüioḡu, m̄u ĩaḡū, tir̄ūm̄uju ñacami maji. Adir̄ūm̄urirema ruyubeami yuja. To bajiboarine, rojose t̄am̄uot̄ujabetiriaroju Dios ĩre ĩ rocaroto r̄ĳoro, t̄asabetigojeju ñar'i joe jeam̄ujadir̄ucami. ĩ joe jeasere ĩac̄ari, ĩre ĩaucar̄arāma masa. ĩna ñar̄arāma adi macar̄uc̄ore Dios ĩ rujeoroto r̄ĳoroju paperatuti ucaḡu, “Ado c̄oro ñar̄arāma catirona” ĩ yucabetiriarā.

⁹ Quēnaro ajiḡurema, ajimasirene ñaja. Cojomo c̄oro juā j̄enituarirāca r̄ujoari c̄utigu m̄u ĩaḡū, cojomo c̄oro juā j̄enituarirāca burori ñasere ĩoro bajiaja. Ti burori ñaja, ajeriarā c̄utigo so ñariburori. Gajeye cojomo c̄oro juā j̄enituarirāca r̄ujoari ti ñajama, tiari ñaro c̄orone ujarā ĩna ñasere ĩoro bajiaja. ¹⁰ J̄ere cojomo c̄oro bajireacoariarāma ujarā ñaboariarā. To bajiboarine juarā r̄uyaama. S̄iḡū adir̄ūm̄urire rotigu ñaami. ĩ bero rotiroc̄u, ruyubeami maji. To bajiboarine yoaro rotibetir̄ucami. ¹¹ Tir̄ūm̄ujare ñaboar'i ḡüioḡu s̄üaḡū, yuc̄urirema ñabetiboarine, rotigu ñar̄ucami. Cojomo c̄oro juā j̄enituarirāc̄u ujarā ñarā r̄acaḡune tudicatic̄ari, Dios ĩ rocaroto r̄ĳoro, rotit̄sar̄ucami.

¹² Juāāmo c̄oro jotari m̄u ĩase, juāāmocārāc̄u ujarā ĩna ñasere ĩoro bajiaja. Masare rotis̄obeama maji. Bero ḡüioḡu s̄üaḡū ĩ rotir̄ūm̄urire ĩna quēne yoaro meaca rotirā ñar̄arāma. ¹³ Juāāmo c̄oro ujarā ñarā, ĩna jedirone “Ḡüioḡu s̄üaḡū manire rotigu ñato”, ĩre yic̄ur̄arāma. ¹⁴ To bajiri, oveja mac̄ure

bajiro rijabosacacɥ yarã rãca gãmerã quẽaruarãma. To bajiboarine, oveja macure bajiro rijabosacacɥ ã yarã rãca, ãna rẽtoro quẽaruarãma. Gãjerã ñamasurã rẽtoro ñamasugũ ñaami. To yicõari, ɥjarãre quẽne ɥju ñamasugũ ñaami. To bajiri, Dios ã masise sɥori ãre ajitirãnu tãjamena ñaama ãna, ã yarã —yure yigoticami ángel.

¹⁵ To yicõari, gajeye ado bajiro yure goticami ángel:

—Ajeriarã cutigo so ñaroju riagari mu ãase, masa ñaama ãna. Tocãrãca macana, cojo masa jũna ruyabeto, to yicõari, cojo sita ruyabetoana ñaama ãna. ¹⁶⁻¹⁷ Diojɥama, “Ado bajiro yito mani” ãna yituoĩarotire ãnare yirucumi. To bajiro ã yijare, juaãmo cõro ñarã ɥjarã, sãgũre bajiro tuoĩacõari, gũiogɥ sũagũre, “Manire rotigɥ ñato”, ãre yicũruarãma ãna. ã rãca ñacõari, ajeriarã cutigore ãateruarãma ãna. So ye jedirore emaruarãma. To yicõari, so rujure baruarãma. So gõarema, jeameju soerearuarãma ãna. To bajiro ãna yijama, Dios ã tuoĩariarore bajiro yirã yiruãrãma. ¹⁸ Ajeriarã cutigo mu ãase, jairimaca Babilonia vãme cuti maca ti ñasere ãoro bajiaja. Ti macana ɥju, gaje macariana ɥjarãre rotirucumi —yure yigoticami ángel.

18

Babilonia maca rojose ti bajiroti queti

¹ To ã yiro bero, õ vecaju gãji ángel bato yaagu ã rujiadirere ãacaju yu. To bajiro bajigɥ ã ñajare, adi macarucuro busu-jedicoacaju. To bajicõari, gãjerã ángel mesare rotigɥ ñacami.

² Ruyugoaro ado bajiro ñagõcami:

—Jairimaca, Babilonia vãme cutiboaria maca yayicoato yaja. Ti macana masa bajireajediroana yama. Vãtia ãna ñarimaca ñaruaroja. To bajicõari, vurã ñajediro, roacɥose barã ãna ñaro ñaruaroja yuja.

³ Babilonia macana bato rojose ãna yisere ãacõari, rojose yama gãjerã quẽne. To yicõari, adi macarucuro ñarã ɥjarã, rojose rõmia rãca ajeriarã cutiama. Babilonia macana bato ãna gajeyeũni bojatɥjabetijare, ãnare gajeyeũni ãsicõari, gãjoa bujarũgũama gaje macariana. Babilonia macana to bajiro yirũgũrã ãna ñajare, ãnare rearucumi Dios —yure yigoticami ángel.

⁴ To yicõari, õ vecaju ado bajiro yure goti ocaruyucami Dios: —Ti macana rãca ñabesa. To bajicõari, rojose ãna yirore bajiro yibesa, “Rojose ãna tãmũorore bajiro rojose tãmũorobe” yirã.

⁵ Ti macana bato rojose ãna yisere masiritibeaja yu —yi ocaruyucami Dios.

⁶ To yicõari, rojose yironajũare ado bajise goti ocaruyucami Dios:

—Gãjerãre rojose ìna yise vaja, butobusa rojose ìnare yiba mua.

⁷ Ti macana jairo gajeyeùni suorã ñaama ìna. Disejua ruyabeaja ìnare. “Ëjarã ñaja mani” yiboama. “Manajua rijaveoriarãre bajiro sutiritibetiruarãja mani” yiboama. “Rojose tãmuomenane, quënarõ ñacõa ñaruarãja mani” yirã ñaboarine, buto rojose yirã ìna ñajare, buto rojose ìnare yirucuja —yi ocaruyucami Dios.

⁸ —To bajiri cojorãmune buto rojose yiecoruarãma. Sīgūri rijayene bajirearuarãma. Gãjerã, ñione rijaruarãma. Gãjerã buto sutiritiruarãma. Gãjerã jeameju soe ecoruarãma. To yicõari, ti macare soereajeocõarucuja. Rëtoro masigū ñari, to bajiro rojose ìnare yirucuja —yi ocaruyucami Dios, mani ujū.

⁹ —Ti maca buesere ñacõari, buto sutiritiruarãma adi macarucuroana ujarã. “Ti macana suorine jairo gajeyeùni bujaboacaju”, yotiruarãma. Ìna ñaruarãma ti macana ñaboariarã rãca buto rojose yirūgūriarã. ¹⁰ Ti macana rãca rojose tãmuoruaмена, sōjune tujaruarãma ìna, tire gūirã. Otirãne, ado bajiro yiruarãma ìna:

“¡Abe! Jairimaca ñaboaria maca uayayicoaju. Gaje macari rëtoro ñamasuri maca ñaboabu. Ti macana rojose ìna yise vaja yoaro mene yayicoaju ti. Yucurema maaja”, yinagõruarãma adi macarucuroana ujarã —yi ocaruyucaju.

¹¹ —Adi macarucuroana gajeyeùni ñicudirimasa quëne, ti maca uasere ñacõari, buto sutiritiruarãma. To yicõari, otiruarãma ìna. “Ñimū mani juavasere boca juagu magūmi”, yotiruarãma. ¹² Ìsiruarã ìna juavase ado cõro ñaboaruroja: oro, plata, gūta jairo vaja cuti, perla, sudi jairo vaja cuti, to yicõari, yucá quënarõ sutiquënase ìna juare, gajeye marfil vãme cutise rãca ìna quënore, yucá jairo vaja cuti ìna juare, cõme hierro vãme cuti, to yicõari, bronce vãme cuti juavarūgūboayuma. ¹³ To yicõari, gajeye quënase sutise ìna buebatose, to yicõari ìna rujare ìna tuse juavarūgūboayuma. To yicõari, gajeye canela vãme cuti bare sãvnoe, uye oco, uye gatere, trigo vãiaabore, vãiaaboyamani quëne, ta vecua, oveja, caballo mesa, caballo mesa ìna tūavato masa ìna sãñavaticori quëne juavarūgūboayuma. To yicõari, ìna moarimasa ñaronare quëne juavarūgūboayuma. To bajiboarine ti macagu ñimūjua boca juagu ñ manijare, sutiritiruarãma ìna. ¹⁴ Babilonia macana ñaboacanare tuoiarã, ado bajiro yiruarãma ìna:

“Jairo vaja cuti ìna bavariquënaboacati, to yicõari, jediro gajeyeùni jairo vaja cuti ìna suoriquënaboacati rãcane bajireajedicoajama”, yiruarãma —yi ocaruyucaju.

15 —To bajiri Babilonia macana ñaboariarãre gajeyeũni ĩsicõari, jairo gãjoa b̃jarũgũboariarã ti maca buem̃jasere ĩacõari, s̃tiritirã, s̃õju ĩarũgõr̃arãma ĩna, ti macana rãca rojose tãmuõr̃amena. 16 Toju ĩarũgõcõari, otirãne, ado bajiro yir̃arãma:

“¡Abe! Rojose tãmuõaja Babilonia ñaboacati maca. Rõmio quẽnaro ruyugore bajiro ñaboacaju ti maca. Sudi sũase quẽnase sãñagõre bajiro ñaboacaju ti maca. Oro, gũta jairo vaja cõtise, perla vãme cõtise, jediro gajeyeũni cõogore bajiro ñaboacaju ti maca.

17 To bajiboarine yoaro mene ti macaye ĩna cõoboacati quẽne uayayicoaju ti”, yir̃arãma gajeyeũni ĩsicudirimasa —yi ocaruyucaju.

—Cũmuari jacase ujarã, ĩnare moabosarimasa, cũmua rãca vacõari, ĩsicudirimasa quẽne, s̃õju ĩajayar̃arãma ĩna. 18 Ti maca uaro ti buesere ĩacõari, otirãne, ado bajiro ruyugoaro avasãjayar̃arãma ĩna: “Ti maca ñaboacati maca cõro gaje maca ñamasuri maca manoja”, yivasã jayar̃arãma —yi ocaruyucaju.

19 —Buto s̃tiritirã ñari, ĩna r̃ujoa joere sita majeor̃arãma ĩna. To yicõari, otirãne, ado bajiro yir̃arãma ĩna:

“¡Abe! Rojose tãmuõaja Babilonia ñaboacati maca. Jairimaca ñaboacaju ti maca. Mani, jacase cũmuari cõorã ĩnare gajeyeũni ĩsicõari, gãjoa jairo b̃jarũgũboacaju mani. Yoaro mene ti maca uajedicoaju”, yir̃arãma ti macare ĩajayarã —yi ocaruyucaju.

20 Gajeye ado bajiro yi ocaruyucaju:

—Ti maca uasere ĩacõari, variquẽnaña õ vecaju ñarã. ĩ oca m̃ua gotirotire yig̃u, Cristo ĩ cõacana, to yicõari, Diore gotirẽtobosarimasa quẽne, Dios yere ajirã jediro variquẽnaña. Ti macana m̃uare rojose yicama ĩna. To bajiri, rojose m̃uare ĩna yicati vaja rojose tãmuõma ĩna quẽne. ĩna ya macare rocacõami Dios —yi ocaruyucaju.

21 To yicõari, s̃igũ ángel, gãjerã ángel mesa rẽtoro tĩmagũre ĩacaju ũ. Gũta jairicare ãmicõari, moa riagaju rocaroacami. Trigo vãiaaboria gũta jairica ñacaju tia. To yicõari, ado bajiro yicami:

—Gũtare ũ rocaraoyayiorore bajirone, Babilonia macare yayior̃c̃ami Dios. To bajiri juaji tudĩabetir̃arãma masa.

22 Ti macaye arpa vãme cõtise ĩna jabasase, to yicõari, tõroari, trompeta ĩna jutise jedirone ajiyamanir̃aroja. Ti maca moarimasa quẽne tudimoabetir̃arãma ĩna. Trigo vãiaaborimasa quẽne, juaji moabetir̃arãma.

23 Ti macaye s̄abusuoriabajari busuboacati quēne busubetiruroja. To yicōari, āmosiarā ĩna basase ajiyamano ñaruroja ti maca. “Gajeyeūni ĩsicudirimasa rētoro ñamasurā ñaboacama ti macana” ĩnare yirurāma masa. Adi macaruro ñarā jedirore rojose ĩna ũmato yitorā ñaboacama —yicami gūta jairicare rocaroacac̄.

24 Quēna ō vecaj̄u ado bajiro yi ocaruyucaj̄u:

—Diore gotirētobosarimasare, gājerā Dios yere ajirāre, to yicōari adi macaruro ñarā jedirore s̄acama ti macana. To bajiro ĩna yicati vaja, b̄uto rojose tāmuroarāma —yi ocaruyucaj̄u.

19

1 Tij̄u bero, jājarā ō vecaj̄u ruyugoaro ĩna ocaruyusere ajicaj̄u yu. Ado bajiro yi ocaruyucama ĩna:

—“Quēnarētogū ñaami Dios mani uj̄u” Diore yivariquēnato mani —yi ocaruyucama ĩna. —Ī ñaami rojose tām̄ot̄ujabetiriaroj̄u mani vaborotire manire yirētobosar'i. Ī ñaami rētoro ñamasugū, to yicōari, rētoro masigū.

2 Masa rojose ĩna yise vaja, “Rojose m̄are yiruc̄aja yu” yir'i ñari, soc̄u mene rojose ĩnare yirūgūami. Ajeriarā cutigo ñaboariore rocacōami. “Adi macaruro ñarāre rojose yato Dios” yigo, ĩnare yirocama so. To yicōari, Dios ĩ bojasere yirā ñaboacanare s̄acamo. To bajiro so yicatire ĩacōari, ti vaja sore rocacōami —yi ocaruyucama ĩna, ō vecaj̄u.

3 Quēna ado bajiro ñagō ocaruyucama ĩna:

—iQuēnaro Diore r̄uc̄ub̄o variquēnato mani! Babilonia maca h̄ase bueri m̄ujajedibetiruroja —yi ocaruyucama ĩna.

4 To bajiro ĩna yi ocaruyurone, Dios, rotiḡu ĩ rujiri cūmuro r̄ijoroj̄u, ĩre r̄uc̄ub̄orā, ḡusomuniari t̄uetuejarūj̄ucama veinticuatro ñarā, b̄uc̄arā, to bajicōari, babaricārāc̄u ĩaĩaĩamana quēne. Gājerā jājarā ĩna yi ocaruyusere ajicōari,

—To bajirone bajiato. Diore r̄uc̄ub̄o variquēnaroti ñaja manire —yic̄udicama ĩna.

5 To ĩna yiro bero, uj̄u ya cūmuroj̄u ado bajiro ocaruyucaj̄u:

—“Quēnarētogū ñaja m̄u” Diore ĩre yivariquēnato mani. Ñamasurā, ñamasumena quēne, to bajiro ĩre quēnaro r̄uc̄ub̄o variquēnato mani —yi ocaruyucaj̄u.

Oveja mac̄re bajiro rijabosar'ire ĩna basajeore queti

6 Ti bero yu ajijama, jājarā ĩna ocaruyurore bajiro yi-boasene, oco menirore bajiro ruyugoaro, yicōari, b̄uto b̄ujo ĩ jaro ti b̄us̄ore bajiro ocaruyucōari, ado bajiro yicaj̄u:

—Ñajediro masijeogu ñaami Dios, mani uju. Rojose yiräre reacõari, ìre ajirà rīne rotirūgūrucami. To bajiri “Quēnarētogū ñaami” Diore yivariquēnato mani.

⁷ Oveja macure bajiro rijabosar'i i boserūm ejacoaju. To bajiri Diore quēnaro rucubuo variquēnato mani, ñamasugū i ñajare. Oveja macure bajiro rijabosar'i manajo ūgō ñarotirene yirā ìre ajitirūnrā quēnaro ìre ñayuama.

⁸ Sudi gosise, ueri mani botise, ñna sãñarotire ñnare ñsimi Dios. Ñna ye sudi ueri mani, “Rojose mana ñaama Dios yarā” yīore ũni ñacaju ti —yī ocaruyucaju ti.

⁹ Tijū bero, ángel ado bajiro yure yicami:

—Mure yu gotisere ucaya: “‘Oveja macure bajiro rijabosacacu manajo ūgō ñarotirene yirā ìre ajitirūnrā quēnaro ìre ñna ñayuse boserūmure ñarā vadiato’ yigotiecocana variquēnaruarāma ñna” yīucaya mu —yure yigoticami ángel. —Ti mure yu gotise, Dios oca riojo ñaja ti —yure yigoticami ángel.

¹⁰ To i yijare, ìre rucubuoogu, i rījorojua gusomuniari tuetuejarūjūcaju yu. To bajiro yu bajirone, ado bajiro yure goticami:

—To bajiro yure rucubuoobesa. Yu quēne, mure bajirone Dios i bojasere yigu ñaja. Jesús oca riojo gotisere ajitirūnu tujamenare bajiro bajigu ñaja yu quēne. To bajiri, Diojūare mu rucubuoajama, quēnaja —yure yigoticami ángel. —Jesús i gotimasiorotire, ti ñaja Diore gotirētobosarimasa mua gotimasio variquēnase —yure yigoticami ángel.

Caballo botigu joe jesagu jediro rojose i rearoti queti

¹¹ To i yiro bero, õ vecaju ti jãnasere ñacaju yu. Ti jãnarone, caballo botigure ñacaju yu. I joe jesacami sīgū. Ado bajiro vãme cuticami: I Yirore Bajiro Yigu, Riojo Gotigu vãme cuticami. I rotijama, riojo yigu ñacami. To yicõari, rojose yiräre rojose i yijama, rojose ñna yiriaro bajirone rojose yigu ñacami. ¹² I cajeari jeare bajiro busubatocaju. I rujoaju jairo cõmebedori jeocami. To bajicõari, i rioveca tuyari vãmere i sīgūne masicami. ¹³ Ri'i tuyarito sudiro sãñacami. “Diore mua ñarūajama, yujūare ñaña” yiria vãmene ñacaju. ¹⁴ Õ vecana surara, caballo botirā joeju sudi, gosise, ueri mani botise sãñacõari, ri'i tuyarito sudiro sãñagū rãcana ñari, ìre suyacama. ¹⁵ Ri'i tuyarito sãñagūre i riseju jariase buto bujariase budicaju. Tiase ñacaju ìre ajitirūnumenare rojose ñnare i yirotiase. Buto rotimasirocu ñacami. To yicõari, rojose ñna yisere Dios, masijeogu, i ñajūnisinirore bajirone buto rojose yirocu ñacami. ¹⁶ Ri'i tuyarito sãñagū ñacami i sudirore, i sagarore quēne, ado bajiro yirivãme tuyagu: “Ñni ñaami ujarā ñamasurā rētoro ñamasugū” yirivãme ìre tuyacaju.

17 Tiju bero sīgū ángel, muiju joeju ĩ rūgōsere ĩacaju yu. Ő vecaju vnrā, minia boase barā jedirore ado bajiro ruyugoaro yicami:

—Masare Dios ĩ sīarāre rējacōari, barā vayá. 18 Macari ɥjarā, surara ɥjarā, ɥmɥa tīmarā, caballo mesa, ĩna joe jesarūgūboariarāre quēne, gājerāre moabosarā, moabosamenare quēne, ñamasurā, ñamasumenare quēne, ĩ sīarearā riire barɥarāja mɥa —miniare yicami ángel.

19 To ĩ yiro bero, gūiogɥ sūagū, adi macarɥcɥro ñarā ɥjarā, ĩna surara rāca rējacama. Caballo botigɥ joe jesagɥ yarā surara rāca quēarona ĩna bajisere ĩacaju yu. 20 Caballo botigɥ joe jesagɥɥa, ĩnare quēacōari, jɥarā rojose yirāre ñiacami. Gūiogɥ sūagū baba ñaboarine, “Yu ñaja Diore gotirētobosarimasɥ” yisocagɥre quēne ĩre ñiacami. ĩne ñacami gūiogɥ sūagū ĩ ĩaro rījorojɥa ĩāñamanire masare yitocacɥ, to yicōari, gūiogɥre bajigɥ ĩna quēnorujeocacɥre rācɥɥoroticōari, gūiogɥ vāmere ucaturoticacɥ. To bajiri, rojose yirā ĩna ñajare, gūiogɥ sūagɥre, to yicōari, “Diore gotirētobosarimasɥ ñaja yu” yisocagɥre quēne, catirārene azufre vāme cutise ɥjari jeamejɥ ĩnare cōacami caballo botigɥ joe jesagɥɥa. 21 To yicōari, gājerārema, ĩ riseju jariase budicatasene ĩnare sīacami. To bajiri, minia boase barājɥama, ĩ sīacana riire ba yajicama.

20

Mil ñaricūmari Jesús ĩ rotiñaroti queti

1-3 Tiju bero, ō vecaju ángel ĩ rujiadore ĩacaju yu. Cōmema, jairima, gɥsore bajigɥ ñagūrore ĩ siarotimare, to yicōari, tɥsabetigoje jānariaro llave cɥocōari rujiadicami. Rujiejacōari, gɥsore bajigɥ ñagūrore ñiacami. ĩ ñacami vātia ɥju Satanás tirūmɥɥma āñare bajigɥ ñacōari, yitomasir'i. ĩre ñiacōari, cōmema rāca ĩre siacami ángel, tɥsabetigojeju ĩre rocasāgū. To yicōari, ĩre bibetocūcami, mil ñari cūmari cōro masare yitobecɥne ĩ ñacōa ñarotire yigɥ. To yicōari, “Gājerā ĩna jānasere ĩamasigūsa” yigɥ, ti goje tususe jediro bibejeocōacami. Mil ñari cūmari ti jediro bero, ĩre burocɥ ñacami. To bajiboarine yoaro meaca ñarocɥ ñacami.

4 Tiju bero, rotirā ĩna rujiri cūmurorire ĩacaju yu. Ti cūmurorijɥ rujirāre quēne ĩacaju yu. ĩna ñacama masa rojose ĩna yisere ĩacōari, “Ado bajiro yirā ñari, rojose tāmɥorɥarāja” ĩnare yirona. “To bajiro yirɥarāja mɥa”, ĩnare yicūñumi Dios. To bajicōari, Jesúre ajitirūnɥ tɥjabeticōari, ĩ ocare ĩna gotimasio tɥjabetijare, ĩna āmɥarire jasurereacama. To bajiro yiecorā ñacama gūiogɥre, to yicōari, ĩre bajigɥ ĩna quēnorujeocacɥre quēne rācɥɥobeticana. To yicōari, ĩ vāmere ĩna riovecarire,

Īna āmorire quēne ucatu ecobeticana ñacama. Īna āmuari jasur-
ereacana ñaboarine, tudicaticōari, ō vecajū mil cāmari Cristo
rāca rotirona ñacama Īna. ⁵ Īna ñacama tudicatisuorona. Gājerā
Īna masu bajireariarājūama, mil ñari cāmari ĩ rotiro bero,
tudicatirona ñacama. ⁶ To bajiri Dios ĩ catiosuorona, buto
variquēnarona ñacama. Īre ajitirūnurā rāca ñarona ñari, tudirija-
betirona ñacama. To bajiri Dios ĩ bojasere paia Īna yirūgūrore
bajiro yirona ñacama. Cristore quēne ĩ bojasere yirūgūrona
ñacama. To bajiri mil ñari cāmari Cristo rāca rotiñarūgūrona
ñacama.

Vātia ūjre Īna jānabure queti

⁷ Mil ñari cāmari ti jediro bero vātia ūjū Satanās
tusabetigojejū sāñar'i, jānabu ecorocū ñacami. ⁸ Īre Īna jānaburo
bero, Gog vāme cuti sitanare, to yicōari, Magog vāme cuti
sitanare quēne yitocudirocū ñacami. To bajiro yū yijama,
“Masa adi macarūcuro ñarā jedirore yitocudirocū ñacami”
yigū yaja. ĩ yitosere ajitirūnucōari, rējarona ñacama Īna, Dios
yarā rāca gāmerā quēaruarā. Jājarā masu ñarona ñacama Īna.
Cōīajama, cōīajeobetiroti ñacajū.

⁹ Dios yarāre sīaruarā, adi macarūcuro ñaro cōrone ñarona
ñacama. To bajicōari, Dios ĩ mairimacare gānibiarona ñacama.
To bajiro Īna bajiboajaquēne, ō vecaye jea ūjūse rāca vējacōari,
Īnare soereajeocōarocū ñacami Dios. ¹⁰ To ĩ yiro bero, vāti
Īnare yitor'ire azufre vāme cutise ūjūri jeamejū Īre rocarocū
ñacami Dios. Timene ñacajū rījorore quēne, gūiogū sūagūre, to
yicōari, “Diore gotirētobosarimasū ñaja yū” yisocagūre quēne,
Īnare ĩ cōacato. Tojū ñacōari, ūmuari, ñamiri quēne rojose
tāmūorūgūrona ñacama Īna.

Masa rojose Īna yise vaja rojose Dios Īnare ĩ yire queti

¹¹ Tijū bero, ĩ ya cūmuro botiri cūmurore rujigūre ĩacajū yū.
To rujigū ĩ ĩase jediro, adi macarūcuroaye, ō vecaye quēne,
yayijedicoacajū. To bajicōari, tudiryuabeticaajū. ¹²⁻¹³ Adi
macarūcuro bajireariarā, tudicaticōari tojū rujigū tūre Īna
ñasere ĩacajū yū. Ñamasurā, ñamasumena quēne ñacama. To Īna
ñarone, papperatutiri jāna ecocajū. Titutirijū masa jediro Īna
yire ucature ñacajū. To bajiri, tire ĩacōari, “To bajiro yicana
ñari, quēnase būjarā, rojose tāmūorā, bajiruarāja” bajireari-
arāre Īnare yicami to rujigū. To yicōari, “Ado cōro ñaama yū
rāca ñarūgūrona” ĩ yicuturiatuti quēne jāna ecocajū. ¹⁴⁻¹⁵ Tijū
bero, adi macarūcuroaye, rojose mani tāmūose, rijaye jediro
juacōari, azufre vāme cutise ūjūri jeamejū tire reajeocōacami
Dios. To ĩ yijare, ĩ rāca ñarūgūrona, jūaji rijarona me ñacama.

To ĩ yiro bero, “Ado cõro ñaama yu rãca ñarũgũrona” ĩ yucabertiriarãre quẽne juacõari, azufre vãme cutise ãjuri jeameju ĩnare reacami Dios.

21

Mame macarũcuro ti bajiroti queti

¹ Adi macarũcuro ti yayiro bero, õ vecaye, to yicõari, adi macarũcuroaye jediro Dios ĩ rujeosere ĩacaju yu. ² Quẽnase rĩne ĩna yirimaca, mame quẽnorã maca Jerusalén vãme cuti maca ti rujiadore ĩacaju yu. Dios ĩ ñarojũne rujiadicaju ti maca. Rõmio ãmosiãgoago quẽnase sudi so sãñayuriarore bajiro quẽnari maca ñacaju. Ti macare quẽnoñumi Dios, ĩ tũju ĩ yarã, masa mani ejarotire yigu. ³ To bajiro ti bajirone, rotigu ĩ rujiri cũmuro ado bajise ruyogoaro ocaruyucaju:

—Īaña. Masa rãca ñaami Dios. To bajiri, “Õ vecaju ñagũmi Dios” yire maja. ĩna rãcane ñacõa ñarũgũrũcumi. To bajicõari, masa quẽne ĩ yarã ñacõa ñarũgũrũarãma. ⁴ Diorãca ñacõa ñarũgũrona ĩna ñajare, bajireare, sutiritire, otire, jũnise, sarese, vũase ĩna tãmũboare jediro manĩrũaroja. To bajiri, variquẽnarũgũrũarãma ĩna. Tirũmũju bajiboacati ti rẽtojedicoajare, to bajirojũa bajirũaroja —yĩ ocaruyucaju, õ vecaju.

⁵ Tiju bero, rotigu ĩ rujiri cũmurore rujigu, ado bajiro yũre yĩ ocaruyucami:

—Ñajediro tirũmũju ñaboare, mame rĩne vasoacõaja yu —yigoti ocaruyucami.

To bajiro yicõari, quẽna ado bajiro yũre yĩ ocaruyucami:

—Mũre yu gotisere ajicõari, tire ucaya. Riojo gotire ñaja. Mũre yu gotirore bajirone bajirũaroja. To bajiri, tire ucaya —yũre yĩ ocaruyucami.

⁶ Bero, quẽna ado bajiro yũre yigoti ocaruyucami:

—Ñajediro vasoajeocõaja yu. To bajiri, alfa, omega ñaja yu. Alfa yu yijama, “Ñajediro ti ruyuaroto rĩjoroju ñacaju yu. To bajicõari, omega yu yijama, ñajediro ti yayiro beroju quẽne ñacõa ñarũgũrũcũja” yigu yaja. Oco bũto idirũarãre bajiro yũre masirũarã, yũre ĩna sėnijama, bajireacõari bero yu tũju ĩna caticõa ñarotire yigu, yu catisere ĩnare ĩsirũcũja. ⁷ Yũre ajitirũnu tũjamenare to bajirone yirũcũja yu. Yu sĩgũrene rũcũbuorũgũrũarãma. To bajicõari, yu rĩare bajiro bajirã ñarũgũrũarãma. ⁸ Gãjerã Jesũre ajitirũnũmenajũarema, azufre vãme cutise ãjuri jeameju ĩnare reacõarũcũja yu, ado bajiro rojose yirã ĩna ñajare: “Jesũre mani ajitirũnũjama, gãjerã manire ĩaterãma” yirã, yũre ajitirũnu tũjarãre rearũcũja. Yu ĩatesere yirãre ĩnare rearũcũja. Sĩarimasare, Dios ĩ bojabetire yirã, ĩna ruju ti bojarore bajiro gãmerã ajeriarã cutirãre, to yicõari

gãjerãre rojarãre quẽne rearucija. “Ado bajirã ñarãma” ñna masune yituoĩa quẽnorujeocõari, rãcubãorãre, to yicõari, socarãre quẽne azufre vãme cutise ãjuri jeameju ñnare rearucija yu — yure yigoti ocaruyucami.

Toju rojose tãmuotujabetiruarãma.

Jerusalén, mame quẽnoría maca queti

⁹ To ñ yiro bero, sãgũ ángel, vadicõari, yu tu ejacami. Ñ ñacami cojomo cõro jua jẽnituarirãca ángel mesa rãcagu, masa rojose ñna tãmuorotire sãñaribajare cõocacu. Ejacõari, ado bajiro yure goticami:

—Adojua vayá. Oveja macure bajiro rijabosacacu manajo ñarocore mure ñoru yaja yu —yure yigoticami.

¹⁰ To ñ yirone, Esp'iritu Santo sũorine ado bajise yure bajijocaju: Gũtau ãmũaricũro joeju yure jivacami ángel. Toju ejacõari, quẽnase rĩne ñna yirimaca, mame quẽnoría maca, Jerusalén ti rujiadore yure ñocami quẽna. To bajiri Dios ñ ñarojune ñ rãcane rujiadicaju ti maca. ¹¹ Ti macaju ñ ñajare, ñ bususe rãca quẽnaro busubatocaju ti maca. Gũta jairo vaja cutia quẽnarica ruyucõari, ñarẽtoburiare bajiro ruyucaju ti maca. ¹²⁻¹³ Ti maca matariacũni, ãmũaricũni ñagãnibiocaju. Ñna matariacũni juaãmo cõro, gũbo jua jẽnituarirãca sojeri, sojeri cuticaju. Muiju ñ jiadojua idia soje, ñ rocasãtojua idia soje, varujũare idia soje, gajejacetua varujũare idia soje ñacaju ti. Israel ñamasir'i jãnerabatia juaãmo cõro, gũbo jua jẽnituarirãca jũnana ñna ñamasiriarã cõrone ñaro bajicaju. To bajiri, tocãrãca sojene ñna vãme ucatu ecoria sojeri ñacaju. To bajicõari, tocãrãca sojere sãgũ ángel rãgõcami. ¹⁴ “Ticũni juriaquedibeticõato” yirã, gũtari jacase cũsũoyuma. Juaãmo cõro, gũbo jua jẽnituarirãca gũtari ñagãnibiocaju. To bajiri, tocãrãca gũtarijare, oveja macure bajiro rijabosacacu, “Yu oca goticudiruarãja” ñ yicõacana vãme ucatu ture tuyacaju.

¹⁵ Ángel yu rãca ñagõcacu, macare ñ cõiaroti orone quẽnorĩure cõocami. Ti macare, matariacũnire, sojerire quẽne ñ cõiaroti ñacaju tiu. ¹⁶ Ñ cõiajama, ti maca eyase, ti maca ãmũase quẽne, cojoro cõrone ñacaju. Ñ cõiajama, dos mil doscientos kilómetros cõro ñacaju eyase, ãmũase quẽne. ¹⁷ Ti maca matariacũni ñ cõiajama, sesenta y cinco metros ãmũaricũni ñacaju. Masa ñna cõiarore bajirone cõiacami ángel.

¹⁸ Ti maca matariacũnire, gũtari jaspe vãme cutise rãca quẽnorĩacũni ñacaju. To bajicõari, orone quẽnoría maca ñacaju ti maca. Ño sojeri ñeri manire ñarẽtoburiarore bajiro ruyucaju ti maca. ¹⁹ Ti maca matariacũnire ñna cũsũoriari juaãmo cõro, gũbo jua jẽnituarirãca gũtari jacase ture, “Quẽnaro ruyuato” yirã, gũta jairo vaja cutire cũñuma. Gũta ñnasũorica, jaspe

vāme cuticajū. Beroaga, zafiro vāme cuticajū. Beroaga, ágata vāme cuticajū. Beroaga, esmeralda vāme cuticajū. ²⁰ Beroaga, ónice vāme cutirica ñacajū. Beroaga, cornalina vāme cuticajū. Beroaga, crisólito vāme cuticajū. Beroaga, berilo vāme cuticajū. Beroaga, topacio vāme cuticajū. Beroaga, crisoprasa vāme cuticajū. Beroaga, jacinto vāme cuticajū. Tusarica, juaāmo cōro, gūbo jua jēnituarirāca ñacajū amatista vāme cutirica. ²¹ Juaāmo cōro, gūbo jua jēnituarirāca ñarisojeri perla vāme cutisene quēnoría sojeri ñacajū. Tocārāca sojene perla vāme cutia rāca quēnoría sojeri ñacajū. Ti maca gūdareco ñavati maare, orone quēnoría maa ñacajū. To bajicōari, ēo sojeri ĩarētoburiarore bajiro ruyucajū ti maa.

²² Diore rūcūbūoriavire ĩabūjabeticajū yū, ti macare. Jēre ti macane mani ũjū, Dios, ñajediro masijeogū, to yicōari, oveja macure bajiro rijabosacacū quēne rūcūbūoriavire bajiro ĩna bajicōajare, ĩnare rūcūbūocama ti macana jediro. To bajiri, gaje vi ĩnare rūcūbūorotivi bojabeticajū ti maca. ²³ To bajicōari, Dios ĩ ñarimaca ti ñajare, ĩ bususe rāca busucajū ti maca. To bajicōari, oveja macure bajiro rijabosacacū ĩre bajirone ĩ busurēmojare, ũmūagū muiju ĩ bususe, ñamiagū ĩ bususe quēne bojabeticajū ti maca. ²⁴ Mame macarūcūro ĩ vasoaro bero, masa rāca Dios ĩ ñajare, ĩre masijedirona ñacama. To bajicōari, “Mū sūorine ñamasurā ñadicajū yūa”, Diore ĩre yirūcūbūorona ñacama. ²⁵ Ti maca matariacūni ñarisojeri rētiaroti ti manijare, jānariosojeri ñacōa ñaroti ñacajū. ²⁶ Mame macarūcūro ĩ vasoaro bero, ĩna cūose jairo vaja cutise juadicōari, Diore ĩsicama ĩna, ĩre rūcūbūorā. ²⁷ To bajicōari,

—Dios ĩ ĩatese, rojosere juavabetirūarāma ti macajure. Rojose yirā, socarimasa quēne, ti macare sājabetirūarāma ĩna quēne —yigoticami ángel. —Oveja macure bajiro rijabosacacū yatutijū, “Ado cōro ñaama yū rāca ñarūgūrona” yūcatu ecoriarā rīne sājamasirūarāma —yigoticami ángel.

22

¹ Tire yūre ĩ ĩoro bero, quēna riaga oco ũeri maniya catirūgūrotiayere oco cutiyare yūre ĩocami ángel. Tiya, ũeri mani botise oco cuticōari, ēo sojeri ĩarētoburiarore bajiro quēnaro ruyurisa ñacajū tiya. Dios, rotigū ĩ rujiri cūmuroju, to yicōari, oveja macure bajiro rijabosacacū, rotigū ĩ rujiri cūmurojū jode cuticajū tiya riaga. ² Ti maca ñari maa gūdarecore ñacajū tiya. Tiya veca ñaricū riagare juajacatuajūne saari cuticōari catirūgūrotiayere rica cutiricū ñacajū. Tocārācarodrine rica cutirūgūroti ñacajū tiū. To bajiri cojo cūmare, juaāmo cōro, gūbo jua jēnituarorācaji rica cutirūgūroti ñacajū. Tiū jū quēne, “Juaji rijabeticōato” yirā,

masare ĩna uco yiroti ñacaju. ³ Ti macaju Dios ĩ ĩatese maniroti ñacaju. Ñajediro quēnase rĩne ñarũgũroti ñacaju. Ti macaju Dios, to yicōari, oveja macure bajiro rijabosacacu rāca rotirā ĩna rujiri cūmuro ñaroti ñacaju. Ti macana jediro Dios ĩ bojasere yirā ĩre rŭcubuoꝛona ñacama. ⁴ Adi macarucuroju Diore ĩabetirũgũriarā ñaboarine, tojũrema ĩre ĩarona ñacama. To yicōari, Dios vāme ĩna riovecarijũre ucatu ecorona ñacama. ⁵ Toju ñami maniroti ñacaju. Ti macana sĭabusuore bojamena ñarona ñacama. Maniujũ, Dios ĩ bususe rāca busuroti ñacaju, ti macare. To bajiri, ũmũagũ muiju ĩ bususere bojamena ñarona ñacama. To bajicōari, Diorāca roticōa ñarũgũrona ñacama.

“Yoaro mene vadirucija yũ quēna”, Jesús ĩ yire queti

⁶ Bero, quēna ado bajiro yũre goticami ángel:

—Jediro mũ ĩase, to yicōari, mũre yũ gotise, riojo gotise ñaja. Mũre yũ gotiꝛore bajirone bajirũaroja. Diore gotirētobosamasiriarā ĩna gotirētomasiꝛe ũjomasiꝛ'i ñaami maniujũ Dios mũre yũ ĩosere rotigũ —yũre yigoticami ángel.

⁷ Gajeye ado bajiro yũre goticami ángel:

—Ado bajiro gotiami Jesús: “Yoaro mene varucija yũ” yigotiami. To bajiri, adi quetire Dios ĩ cōarere cūdirā, quēnase bujarona ñarāma —yũre yigoticami ángel.

⁸ Yũ ñaja Juan, adi quetire ucagũ. Jediro yũre bajiĩocatiꝛe ĩacōari, ángel ĩ goticati ñaro cōrone ajicaju yũ. Tire yũ ajiro bero, yũre ĩocacu ángel rĭjorojuũ gũsomuniari tuetuejarũjũcaju yũ, ĩre rŭcubuoꝛũ. ⁹ To bajiro yũ bajirone, ado bajiro yũre yicami ángel:

—To bajiro yũre rŭcubuoꝛobesa. Yũ quēne, mũre bajirone Dios ĩ bojasere yigũ ñaja. Diore gotirētobosarāre, to yicōari, adi paꝛeratuti ucare ajitirānũronare bajirone bajigũ ñaja yũ quēne. To bajiri, Diore mũ rŭcubuoꝛore bajiro yũre rŭcubuoꝛobesa. Diojũare to bajiro mũ rŭcubuoꝛojama, quēnaja —yũre yigoticami ángel.

¹⁰ Gajeye ado bajiro yũre goticami:

—Ti oca mũ ucasere no bojarone tire yiyayiobeja, bero bajiroti ti cōñajare. ¹¹ To bajiroti mojoroaca ti cōñajare, masa ĩna yirũgũꝛore bajiro yicōa ñato. Rojose tuoĩacōari yirũgũrāma, to bajirone yicōa ñato. To yicōari, “Rojose mana ñaama” Dios ĩ yĩarā quēne, ĩ ĩavariquēnase rĩne yicōa ñato —yũre yigoticami ángel.

¹² To yicōa, quēna Jesús ĩ gotisere yũre goticami ángel:

—“Riojo ñamasusere gotiaja yũ. Yoaro mene varucija yũ quēna. ĩna tũju ejaꝛōari, ĩna yirere masigũ ñari, ‘Quēnase bujarā, rojose tāmũogā, bajirũarāja mũa’ ĩnare yirucija yũ. ¹³ Alfa, omega ñaja yũ. Alfa yũ yijama, ‘Ñajediro ti ruyuaroto rĭjoroju

ñacaju yu. To bajicōari, omega yu yijama, ñajediro ti yayiro beroju quēne ñacōa ñarūgūrucija' yigu yaja yu", yigotiami Jesús —yure yigoticami ángel.

¹⁴ Quēna ado bajiro yure goticami:

—“Rojose yua yirere yuare masiriobosacōañumi Cristo” yitūōiarā rīne ñaama yucú caticōa ñarūgūrotiaye ricare barona. To bajiri ña ñaama ti maca sojerire sājamasirona. To bajirona ñari, variquēnato ña. ¹⁵ Adocārāca vāme rojose yirā ñaama ti macare sājabetirona: Gājerāre rojarā, Dios ī bojabetire yirā, ña ruja ti bojarore bajiro gāmerā ajeriarā cutirā, sīarimasa quēne, “Ado bajirā ñarāma” ña masune yitūōia quēnorujeocōari, rūcūbūorā quēne sājabetiruarāma. To yicōari, socase yirā quēne sājabetiruarāma ti macare —yure yigoticami ángel.

¹⁶ To yicōari, gajeye Jesús ī gotisere gotigu, ado bajiro goticami ángel:

—“Yure ajitirānūrāre ti oca gotiato ī' yigu, ángel vāme cutigūre cōamu yu. Ūju David ñamasir'i jānami ñaja yu. Busuriñoco, busuroto rījoro ī busumujadore bajiro bajirocu ñaja yu. To bajiro yu bajisere ĩacōari, ‘Mame macarucuro Dios ī vasoaroti ejacoaju’, yimasiruarāma masa”, yigotiami Jesús —yigoticami ángel.

¹⁷ Oveja macure bajiro rijabosacacure ajitirānūrā ñari, to bajicōari, mani rācagu Esp'iritu Santo quēne, ado bajiro Jesúre sēnija mani:

—Yua taju vayá quēna —ĭre yaja mani.

Gājerā adi queti yu ucasere ajirā quēne,

—Yua taju vayá —Jesúre yiruarāma.

Jesújua quēne,

—Yure sēniña —yigumi, ĭre masiruarāre.

Buto oco idiruarāre bajiro ĭre masiruarā, ĭre ña sēnijama, “ĭna rijato beroju tudirijabeticōato” yigu, Dios ī catisere ĭnare ĭsirucumi. Dios ī bojabetire mani yiboajaquēne, rojose mani yisere manire vaja yibosayumi Jesús.

¹⁸ Jesúre ajitirānūrā, adi quetire ajirāre ado bajiro mūare gotiaja yu: No bojarā adi queti yu ucasere ti gotiro bajiro me ña ucarēmojama, “Rojose tāmūoruarāma” ángel yure ī yigotirore bajirone rojose ĭnare yirucumi Dios. ¹⁹ Adi queti ti gotise, “Socase ñaja” yitūōiagūre, “Socagu ñaami. Yu tu ñarocu me ñaami”, ĭre yīarucumi Dios. To ī yijare, yucú caticōa ñarūgūrotiaye rica cutiū ricare ī baborotire ĭre barotibetirucumi Dios. To bajicōari, Dios ī ñarimacare sājabetirucumi.

²⁰ Adi quetire gotigu, ado bajiro gotiami:

—Yu gotirore bajirone yigu, yoaro mene tudivadirucija —yami.

To ñ yirone,
—To bajirone bajiato. Yoaro mene tudivayá, yu ujũ —ñre yaja
yu.
²¹ Mani ujũ, Jesús, mani jedirore quẽnaro yato.
To cõrone ñaja.